

พระคริสตธรรมกัมภีร์

ภาค

พันธสัญญาใหม่

แปลจากภาษาเดิมเป็นภาษามลายูถินปัตตานี (ภาษาจาวี)

สมาคม พระคริสตธรรมไทย

150 ถนนสาธาร กรุงเทพฯ ๕

كتاب فرجنجين بارو

يائيت كتاب انجيل

باليق درفه بهاس اصل
کابهاس ملديو لغه فتاني

1981

سماکوم الكتاب کريستين د نگري تهای

150 جالن ساطن

5 بیع کوق

PATTANI MALAY NT. 283
TBS - 1981 - 5M

سفاته کات

سبواه کتاب نی، یا^ء یت کتاب فرجنجین بارو، هق اورغ فشکیل کتاب انجیل. سبب اف کیت فشکیل کتاب انجیل نی کتاب فرجنجین بارو؟ سبب اد جوگ کتاب فرجنجین لام، یا^ء یت کتاب نبی ۲ دلوو. توجوانن هق لام دفن هق بارو، کدوا تو سروف. مقصود دی بالس نی: نق بري ما^ء نسي بولیه تا هو کات، توهن نق برهوبوغ دفن ما^ء نسي، کران دی کاسیه کا ما^ء نسي کیت سموا.

کتاب فرجنجین بارو نی یالیق دری بهاس کریک کا بهاس ملايو لفة فتاني. مولا ۲ سکالی کتاب انجیل نی، توهن تورون کا اورغ بري تولیس دفن بهاس کریک. فد ماس تورون تو جوگ، سموا اورغ هق دوق باوه فرینته نکری روم، بولیه کیچیق دفن بهاس کریک تو. تنتو توجوان توهن، نق بري سموا ما^ء نسي بولیه موده باج، موده فهم، موده ارتی کتاب انجیل نی. سابیت نیله، اورغ ۲ هق کرج بالیق کتاب نی، فاکی لفة فتاني لبیه فد لفة هق فاکی دالم سورت ۲ ملايو سموا. هرافن اورغ ۲ هق کرج نی، نق بري ادیق کاکق سموا هق دوق دنکری تمایی سلاتن بولیه موده باج، موده ارتی خبر بائیک چارا حال عیسیو المسيح.

دالم سبواه کتاب فرجنجین بارو نی، اد کسموا دوا فولوه توجوه جوس. فنولیس سموان لبیه کورغ سفولوه اورغ، تافي بی تولیس سوکو ۲ ایکوت هق روح توهن سوروه تولیس، انتوق فواق ۲ المسيح هق مولا ۲ تیمبول ماس دلوو تو. کسموا دوا فولوه توجوه جوس تو، سوده سیف ده دالم ماس لیم فولوه تاهون لفس فد عیسی المسيح تورون ماری کا دنیا، ماتی هیدوف کلیق، فس تو نائیک کا تمفت تیغکی هق دی سمولا.

فرکتائے انجلیل هق سبوت ساءنی، معناش خبر يع بائیک،
 يائیت خبر بائیک هق کات، دغۇن سابیت توهن کاسیه کا
 ماءنسی، رى سودە سیمېن سیف دە جالن رى بولیه امفون
 دوسا ۲ ماءنسی، برى ماءنسی جاری انق ۲ توهن، هق توروت
 فرینته توهن تکه رى دوق دنیا نى، فس تو داخیرە فول.
 جالن سا ۹ نى ایالله عیسی المپیح. ادیق کاکق هق باچ کتاب نى
 اد فلواڭ بولیه ماری کەل دغۇن عیسیو المپیح. فس دیالله ساج
 هق اد کواس برى ماءنسی بولیه ھیدوف چارا بارو، هق سوغ
 فاتوت برى بولیه ماسوق شرگ.

· · · · ·

اورغ ۲ هق بوات برى سودە كرج نى، رى بوات دغۇن اخلاقى
 هاتى، دغۇن مىنتاڭ فرتولوغۇن توهن، فس نق برى توهن ساج
 بولیه فوجىن، بوكن ماءنسی. مىنتاڭ توهن تورۇن رحمة اتس
 سموا اورغ هق باچ سورتە نى. امىن.

فرایغان چارا حال بچائىن دالم سورت نى

(1) دالم سبواه کتاب فرجنجىن بارو نى اد تاجوق، اد باب، اد
 ايات ۲، تافىي کتاب هق اصل تا ۱۰ اد تندى ۲ نى. باپق تاهون
 مارى دە، اورغ ۲ سرات دنیا هق بالىق کتاب فرجنجىن بارو کا
 بىھاس لائىن ۲، فاكىي تندى ۲ نى نق برى اورغ بولیه مورە تمو
 دغۇن هق رى نق باچ، دغۇن مورە فەم توجوان ايات ۲ تو.

(2) لغة فتاني هق تولىيسى دغۇن حروف جاوي دالم سورت نى، اد
 هق لائىن سىكىت فد تولىيسىن کتاب ۲ جاوي، كران لغة
 بىلائىن. كادغ ۲ اد تولىيسى هق توروت لغة تمغاتن دفتانى،
 توجوان نق تولوغ اورغ هق باچ.

لغا : چنتوه ۲

این ، اینله	ني ، نيله
کفدي ، کا تمفت	کا دي ، کا تمفت
انياي	پاڻ
فليهارا	فيرا
تيديق ماو	تاء سير
تربيت	توبيت

(3) تندا هق اد دالم كتاب نېي ، يائیت : تندا باريسن دباوه .
 معناش کنا برت سوارا اتس حروف هق اد تندا تو . فرکتائن
 هق سبوت بالس تو اد باپق ، تافي تندا باريسن سانېي فاكۍ
 رغۇن فرکتائن هق مستحق نق بري اورۇج باچ رغۇن برت سوارا ،
 اد باپق فرکتائن لاكى هق تاء بوبوه تندا .

<u>لغا</u> : <u>چنتوه ۲</u>	<u>بهاس سورت</u>
بيريغ	بيري
موکول	فموکول
چابوت	ترچابوت

(4) اد جوگ تندا ليشكوغۇن . هق توليسيں ده دالم ليشكوغۇن سروغ
چنتوه دباوه ، يائیت ايات ۲ هق تمو ده دالم كتاب نېي ۲
دولو ، يائیت كتاب فرجنجىين لام .

چنتوه :

اد ايات دالم كتاب نېي يعشيا ماس دولو ، کات :

بوپي سوارا درس دالم لاؤت فاسير کات :
 هي فواق مو سموا ! سيمفله جالن انتوق رتى ،
 فوتوغ بري بتول جالن دى نق لالو !

نام سکل سورت دالم کتاب انجلیل

نجر بین بائیک چارا حال عیسی المیح

نام سورت	موک	1	127	202	332
متیوس	
مرقوس	
لوقنس	
یحیا	

لفس فد عیسی ماتی هیدوف کلیق ده

نام سورت	موک	433
کرج صاحبة ۲ عیسی		...

سورت کیرین کد فواد ۲ المیح

نام سورت	موک	نام سورت	موک
روم		تیتوس	555
1 کورینتوس		فیلیمون	617
2 کورینتوس		عبرانی	669
کلاتیا		یعقوب	703
ایفیسوس		1 فیتروس	723
فیلیفی		2 فیتروس	743
کولوسي		یحیا 1	757
1 تیسالونیکا		یحیا 2	772
2 تیسالونیکا		یحیا 3	783
1 تیموتیوس		یورا	790
2 تیموتیوس			805

چارا حال ماس کوء رافن

فرکارا ۲ هق توهن بري پات	938	...

متیوس

خبر يغ بايك هق توهن بري متیوس
رويت چارا حال عيسى المسيح

باب 1

بیلاگن توء نینیق هق عیسیو المسيح

- 1 اینيله بیلاگن توء نینیق هق عیسیو المسيح، هق تورون درف د ابراهیم هیئگ سمفی کا راود، تیورون لاگی سمفی کا عیسو.
- 2 ابراهیم تو ایه اسحاق . اسحاق تو ایه یعقوب . یعقوب تو ایه یهودا دغن ادیق ۲ دی . یهودا تو فون دغن بینی دی تامر جاري ایه دوا اورغ هق نام فیریص دغن زارا . فیریص تو فون ایه حیصرون . حیصرون فون ایه ارم . ارم تو ایه فد امینارب .
- 3 امینارب تو فون ایه نحشون . نحشون ایه سلمون . سلمون تو دغن بینی دی راحب جاري ایه بواس . بواس فون دغن بینی دی نام روت جاري ایه عوبید . عوبید تو فون ایه جسّی .
- 4 جسّی تو فون ایه راج راود . راج راود تو فون ایه سلیمان ، هق مق دی تو ، بکس بینی عوریوس تو .
- 5 لفس تو ، سلیمان ایه ریحوبام . ریحوبام فون ایه ابیجس .
- 6 ابیجس تو ایه اساف . اساف تو فون ایه جمهوسفت . جمهوسفت تو فون ایه جورم . جورم تو ایه عوزّیا .
- 7 عوزّیا فون ایه جوتم . جوتم تو ایه فد احاص . احاص تو ایه حزکیا . حزکیا تو ایه مناسیه . مناسیه تو ایه فد امون .

- امون فون ايه جوسيا . جوسيا تو ايه جكونيا دعن اديق ٢ دي ،
فه ماس بعسا اسرائيل ترقصا داورغ براليه کي کا نکري بابيلون .
لفس فه دي براليه کي کا نکري بابيلون تو ، جكونيا تو فون
ايه شيال التعيل . فس تو شيال التعيل تو فون ايه فه زروبابيل .
زروبابيل تو فون ايه ابيود . ابيود تو ايه علياکيم . علياکيم فون
ايه اصور . اصور تو فون ايه صادوق . صادوق تو فون ايه احيم .
احيم تو فون ايه عليود . عليود تو ايه علياصر . علياصر تو فون
ايه فه متنان . متنان تو ايه يعقوب . فس يعقوب تو فون ايه فد
يوسف ، دي هق جاري تو لاكى سيتى مریم ، مق عيسى ، هق
کيت فشكيل المسيح .
- بالس توله بيلاغن تو نينيق عيسى ، امبيق دا براهمي ماري
سمفي کا راءود اد امفتس بلس تافيس . فس تو ، امبيق دراءود ماري
سمفي کا ماس فوق اسرائيل ترقصا داورغ کتا براليه کي کانکري
بابيلون ، اد امفتس بلس تافيس جوگ . فس امبيق دماس براليه تو
ماري سمفي کا المسيح سنديري فون ، اد امفتس بلس تافيس لاكى .
بالس توله بيلاغن تو نينيق المسيح سموا .

عيسى المسيح برانق ددنيا

- اينيله بالس مان عيسى المسيح برانق ددنيا ، يائيت مریم
مق عيسى ، برتونغ دعن اورغ نام يوسف . تافي بلوم فه دي
منيکاح ، مریم بوليه تاهو کات دي فروت بسر دعن کران کواس
روح توهن .
- يوسف ، تونغ مریم سائني تو ، دي اورغ عاديل . دي فون نق
كرت فوتوس تونغ دي ، تافي دي تاء سير بري مریم مالو دافن
سموا اورغ . سابيت توله ، دي نق بوات دعن سيف .
- تكه يوسف دوق فيکير نق بوات بالس تو ، توهن فون سوروه
ساتو ملايکه کي رویت کا يوسف دالم میمفي کات : هي يوسف ،

کتورونن راج راءور ، تاءسهه بیمبلغه! مو بولیه امبیق مریم
جاری بینی مو، سبب بوق هق بی مغندوغ تو، جاری دغن
کواس روح توهن .

مریم نق برانق جنتن، ملائیکة کات، فس بیلا بی برانق ده
مو لتقله نام بی عیسی، کران دیاله هق بولیه تولوغ سموا
قوم فواق بی، بی لفس درف دوسا. سکت توله، فرکتاً ن
ملائیکة .

فس سموا فرکارا بی، توهن بی جاری، ایکوت فرکتاً ن
دالم کتاب ساتو بی ماس دلو، هق کات:

اد ساتو انق دارا. بی نق مغندوغ، فس برانق انق
جنتن. بولق نیله اورغ نق فشکیل عتما نوئیل .
نام بی معنان: توهن تورون دوق سکالی دغن کیت.

بیلا یوسف جاگ تیدور، دی فون ایکوت هق ملائیکة سوروه.
بی کی منیح دغن مریم، تافی بی تا برسنوبه هیفگ سمنی
مریم برانق. لفس تو، یوسف لتق نام بودق تو، عیسی.

باب 2

توء نجوم ماری چاری عیسی

عیسی برانق رکمفوغ بیت لاحیم، دچخوار یهودیه، فد ماس
هیرود راج بسر دنگری تو. فس تکه ماس تو، اد ساتو فواق
توء نجوم، هق ماری کوء بالیق تهاری ناءیک، سمنی کا کوت
جو روسلیم. سمنی دسیتو، فواق توء نجوم بی تاث: دوق دمان،
بودق هق بارو برانق، هق نق جاری راج اورغ یهوری تو؟
فواق امب نمفوغ تندا بی، اد ساتو بینتغ هق بارو ناءیک،
دوق بالیق تهاری ناءیک، فس امب ماری نق سجود حرمة کاري.
بیلا راج هیرود نفر خبر تو، دی فون براس بوسن هاتی.
سموا رعیت بی دکوت جروسلیم فون براس بالس تو جوگ.

اللو هیرود سوروه فوق امام ۲ بسر دغن کورو ۲ کتاب تورات
هق ری تو، ماری مشورة. هیرود فون تاش سموا فوق تو کات:
دمان تمفت المسيح تو نق برانق؟

فوق کورو ۲ کتاب تورات فون جواب کات: يا توانکو! المسيح
نق برانق دکمقوغ بیت لاحیم، دچغوارد یهودیه، ایکوت ایات
رالم کتاب نبی دلو، هق کات بالس نی:

وهي بيت لاحيم دنانه یهودا! ولو مو كمفوغ كچيك فون،
اورغ تاکيرا کات مو جاري كمفوغ كچيك سکالي
رالم سموا كمفوغ دنانه یهودا، کران دموقيم مو تو
نق تيمبول ماري شورغ فشهولو هق نق فرينته اتس
سموا فوق اسرائيل اکو، توهن کات.

بیلا سوده دغر حال تو، راج هیرود فشكيل فوق نجوم ماسوق،
فس تاش ری دغن سولیت نق تاهو هاري بولن، بینتغ هق
تندا راج تو مولا ۲ توبیت.

لفس تو، راج هیرود سوروه فوق نجوم کي کا كمفوغ بیت لاحیم.
ری کات: مو کيله چاري بونق تو هيٺگ سمعي برتمو. بیلا تیمو
ده، مو کليق رویت کا اکو سلالو. کران اکو فون نق تنحوق
حرمة کا ری جوگ! لفس تو، فوق نجوم توبیت کي.

تعھ ۲ ری بوق برجالن، ری نمفق بینتغ تو، هق ری بیاس
دوق نمفق باليق تنايك، تيمبول فول، جاري تندا تنحوق
جالن کا ری هيٺگ سمعي کا تمفت بونق تو، بارو برھنتي.
بیلا فوق نجوم تیغوق بینتغ سروف تو، ری فون براں
سوگ ۲ هاتي. فوق ری فاكت ماسوق رالم رومه، نمفق بونق
تو دغن مق ری سیتی مریم.

فس فوق تو ماسوق سجود سمبه حرمة کا بونق تو. اللو فوق

تو بوک گالس، امبیق بارغ ۲ هدیه کا ری. اد بارغ هق بوات دغن مس، اد کمنپن هق مهل، فس اد میپق واگی، تیگ فرکارا نی.

12 لفس فد تو، تغه فواق تو دوق تیدور، توهن ماری رویت کا ری دالم میمفی، کات تاء کتا کی رویت اف ۲ کا راج هیرود. فواق بتون کلیق کا نگری ری کو جان لائین فول.

یوسف باوا بونق تو دغن مریم کی کا نگری مصیر

13 بیلا فواق نجوم سائی تیشگل کلیق ده، اد ساتو ملایکہ ماری رویت کا یوسف دالم میمفی کات: مو کا برسيمفنه باوا بونق نی دغن مق ری، توبیت کی کا نگری مصیر، فس دوق دسیتو هیفگ سمفی اکو ماری رویت فول، کران راج هیرود نق ماری چاری بونق نی، ری نق امبیق کی بونوه.

14 فد مالم تو جوگ، یوسف باوا بونق تو دغن مریم کی کا نگری مصیر، فس ری دوق دسیتو هیفگ سمفی راج هیرود ماتی. 15 سموا فرکارا نی، توهن بربی جاري ایکوت ساتو ایات هق نبی رولو کات:

اکو توهن سوروه انق کو توبیت ماری جان نگری مصیر

16 بیلا راج هیرود تاهو کات فواق نجوم سائی تیفو ری دغن کلیق کو لاءین تو، ری فون براس هاتی گرم، لالو ری لتق اوندغ ۲ سوروه اورغ بونوه بونق جنتن گنف ۲ اورغ هق عمور ری دوا تاهون ده اتوا تاء سمفی لاکی، سموا هق دوق دکمغوغ بیت لا حیم اتوا فون دتفی کمغوغ تو، ایکوت فرکارا ۲ هق فواق نجوم رویت ده کا ری چارا حال هاری بولن، بینتغ تو مولا ۲ توبیت.

17 فرکارا نی بربی جاري هق نبی جرمیا رویت دولو، کات:

18

دبندر رام اد بوبی سوارا، بوبی مناءوغ، بوبی تریاق مناغیس.
راخیل هق دوق تریاق دفن کران انق ۲ ری. تاءار اورغ
بولیه دای ری بربی هیلیغ سوسمه تو کران انق ۲ ری ماتی ده.

یوسف کلیق فد نگری مصیر

19

لفس فد راج هیرود ماتی ده، اد ساتو ملایکة ماری رویت
کا یوسف دالم میمی، تکه ری دوق دنگری مصیر لانگی، کات:
باغونله، امبیق بوق دفن مق ری، باواه کلیق کا نگری
اسرائیل، کران اورغ ۲ هق دوق فیسه چاری جالن نق بونوه
بوق تو، ماتی ده.

20

یوسف فون باغون سلالو، باواه بوق دفن مق بوق تو کلیق
کا نگری اسرائیل.

21

تافی بیلا یوسف کلیق سمنی کا تمفت اصل ری، ری دغر بوبی
کات انق هیرود نام ارخیلاؤس جادی راج نگری یهودیه تو،
گتی ایه ری. یوسف فون براس تاکوت نق دوق دسیتو. فد
ساتو مالم، تکه ری دوق تیدور، توهن بربی میمی کا ری
سوروه ری توبیت.

22

لفس تو، یوسف فون برالیه کی کا نگری کالیل، دو دوق
درکمفوغ نصرة فول. فرکارا نی جانی برتننفع دفن ایات ۲ هق
نبی ۲ دلو کات حال المسیح:

اورغ نق فشکیل ری اورغ نصرة

باب 3

نبی یحیا هق تیمبول ماری دلو فد عیسی

1

اد اورغ نام یحیا، هق اورغ گلر فشکیل: ری هق بربی
تریما روکون مندی بفتیزما. فد ماس تو، ری تیمبول ماری دالم

لاؤت فاسیر دنگری یهودیه . فس نی برشح کات :
 ۲ فواق مو سموا کنا توبتله توکر هاتی بارو ، کران ماس هق
 توهن ماسوق فرینته دالم هاتی ما^ءنسی نق سمفی ده .
 ۳ اد ایات دالم کتاب نبی یعشا ماس دلو رویت چارا حال یحیا
 نی ، کات :

اورغ تو دوق کوسنر دلاؤت فاسیر کات : سیمفنه
 ۴ جالن انتوق ربی ! فوتوغ بربی بتول ، جالن نی !

نبی یحیا دوق دلاؤت فاسیر تو ، فکاین نی بوات دفن بولو
 اوانتا ، تالی کندیت نی بوات دفن کولیت . مکانن نی بلان
 دفن مانیسن مادو .

۵ باپ اورغ ماری کا تمفت یحیا دودوق تو ، ماری دکوت جروسليم ،
 دچفواه یهودیه ، فس دکلیواسن سوگی یردن کاتیق .
 ۶ فواق ۲ هق ماری تو ، مفاکو دوسا نی ده ، بارو یحیا بربی نی
 تریما روکون مندی بفتیزما دالم سوگی یردن .

۷ دالم فواق هق ماری نق تریما روکون مندی تو ، اد باپ اورغ هق
 جاری فواق فریسی دفن فواق صدقی ، دوا قوم دالم اوکام
 یهودی . بیلا یحیا نمفق اورغ^۲ تو ماری ، یحیا فون کات کا نی:
 هی فواق مو سروف اولر بیسا ! سیاف نی رویت بربی مو
 سفک کات ، مو بولیه لفس درف د مرک توهن هق دکت نق
 جاتوه اتس ما^ءنسی ؟

۸ مو کا بائیقکی کلاؤان مو هق جاہت تو ، بربی بولیه اورغ
 نمفق بواه^۲ مولیق ، بارو توهن کات مو سسل سوگکوه کران
 دوسا^۲ مو .

۹ فس جاغن مو کیچیق مو اکو سغک کات : بلرله کیت نی جاری
 انق چوچو نبی ابراهیم مولیق ده ! مو لغره ، یحیا کات ،
 توهن اد کواس بولیه بوات باتو^۲ دسینی بربی جاری انق

چوچو ابراهیم گنتی مو.

ایغتلە، يحیا کات، سمفی ده ماس هق توان کبون نق امبیق
کافق کی تبع فوهون ۲ کایو هق توبیت بواه تا^ء ترفاکی، نق
تا هوق بوات کایو افی ساج. مو فيکرله!

يحیا فون کات قول: اکو نی بولیه برى مو تریما روکون مندی
دشن ایر، جاری تندا مو توبة سوغکوھ. تافي اد سئورغ هق
ماری کدیان فد اکو. دی فریغکت تیغکی فد اکو لاکی. اکو نی
فریغکت رنده فد همب دی هق کرج سیمفن کاسوت دی ساج.
اکو برى تریما روکون دشن ایر تو، يحیا کات، تافي دی نق
برى مو تریما هق مولیق فد روکون تو لاکی، یائیت نق تورون
روح توهن دغن افی اتس مو.

دی هق ماری کدیان فد اکو نی، يحیا کات، نق ماری میسل
سروف دغن پوچ دالم تاغن دی، نق برى سوکو فاری دغن
روم. فاری هق مولیق، دی نق تاروه دالم رومه فاری، تافي
هق رومن تو، دی نق باکر هابیس لیچین، دغن افی هق
روق مپلا سعمور.

عیسی ماری نق تریما روکون مندی بفتیزما دغن يحیا

14-13 فد ماس تو، عیسی توبیت درف دنگری کالیل برجالن ماری
سمفی کا تمفت يحیا دردوق دسوغی یردن تو، نق تریما روکون
مندی درف دنگری، تافي يحیا لارغ تا^ء سیر برى عیسی تریما
روکون مندی تو. يحیا کات: سوغ فاتوت ابغ نی نق تریما
روکون دغن ادیق، با^ء اف ادیق ماری نق مینتا دغن ابغ؟

15 تافي عیسی جواب کات: بالس نی فون بىرلە. سوغ فاتوت
کیت بوات ایکوت سموا هق توهن سوروه. باروله يحیا بىر
برى عیسی تریما روکون مندی تو.

16 بىلا عیسی تریما روکون مندی تو سیف ده، بلغ ۲ دی تیمبول

دالم ایر تو، تیغوق لاغیت تریوگ، فس می نمفق روح توهن
تورون سروف بوروغ مرفاتی، ماری هیفگ اتس ری.
17 فس اد سوارا دري شرگ بوپی لاکو نی کات: اینیله انق کو
سجاتی هق کاسیه سوگکو، اکو برکن کا ری.

عیسی نغر سروان هیبليس تافی تاء توروت ری

باب 4

- 1 لفس فد تو فول، روح توهن فیمفین هاتی عیسی بربی ری
توبیت کی کالاوت فاسیر، تمفت سیپ سوپی، انتوق نق بربی
برتمو دغن سروان هیبليس.
2 عیسی دوق فواس دستیتو هیفگ سمفی امفت فولوه هاری، امفت
فولوه مالم، لفس تو ری براس لافر سوگکو.
3 لالو هیبليس ماری نق چوب عیسی کات: کالو مو جاری انق توهن
سوگکو، بوائله باتو ۲ نی بربی جاری مکانن انتوق مو، ها!
4 عیسی جواب کات: اد ایات دالم کتاب توهن هق کات:

بوکن دغن مکانن ساج ماء نسی بولیه هیدوف،
ملینکن جاری دغن تیف ۲ فرکنان هق توبیت درفند
مولوت توهن، جاری مکانن هق بربی کیت هیدوف.

- 5 لفس تو، هیبليس چوب عیسی سکالی لاکی. ری باوا عیسی کی
سمفی کا کوت جرسليم، هق اورغ فشکیل بندر یغ سوچی، فس
ری لتق عیسی اتس فرابوغ بیت المقدس کات کا عیسی:
کالو مو جاری انق توهن سوگکو مو ترجونله کا تانه، کران
اد ایات دالم کتاب هق کات:

6 توهن سوروه ملاعیکة ۲ هولور تاغن ری ننتی سمبوت
مو، تاء سیر بربی کاکیمو تمغوه دغن باتو سیکیت هابوق.

- 7 عیسی فون جواب کا هیبليس فول: اد ایات سا لاکی هق کات:

جاغن مو سوئی ربی ، توهن مو !

لفس فد تو ، هیبليس باوا عیسی نایک اتس بوکیت تیغکی فول .
8
فس نی تنجوق بربی عیسی نمفق سموا نکری دالم دنیا سکالی دغن
راج ۲ نکری تو هق اد هرت باپق هق بربی اورغ معاکو کواس ری .
لالو هیبليس کات کا عیسی : سموا فرکارا هق اکو تنجوق فد مونی
اکو نق بربی کا مو سموا ، کالو مو سجود حرمة کا اکو .
9
تاوی عیسی جواب کات : هي هیبليس ، مو کیله ! جاغن ماسوق
رکت اکو ، کران اد ایات دالم کتاب هق کات :

مو کا سمهه کف رتبی توهن مو ، فس کنا جاري همب نی ساج .

لفس فد تو هیبليس هوندور کی ، تیغکل عیسی دوق سئورغ ، فس
ملاءکة ۲ فون ماری تولوغ عیسی .
11

عیسی مولا'ی معاجر رافن اورغ رامی دنکری گالیل

13-12 بیلا عیسی دغر خبر کات یحیا کا ایکت ، نی فون توبیت
کی کا نکری گالیل فول . نی تا'کلیق کا کمفوغ نی سندیری نصرة ،
تاوی نی کی دودوق دکمفوغ کفرنا حوم ، دتفی لاءوت گالیل ، دالم
ویلایه زیبولون دغن نفتالی . عیسی کی دودوق بالس تو ، نق
بربی جاري سوغلکو سروف هق نبی یعشیا رویت ماس دلو
دالم ایات کات :

وهي اورغ نکری زیبولون دغن نفتالی ، هق دوق دتفی لاءوت
بالیق سان سوغي یردن فون ، وهي اورغ دالم نکری گالیل ،
تمفت دودوق اورغ بحسا لاءین ۲ سموا فواق ۲ مو هق دوق
دالم گلف سوده تیغوق ده چهیا بسر . چهیا تو فون
سولوه ماری ده اتس فواق مو هق دودوق دچله بایغ موت .
15
16

17 جق ملس تو، عیسی مولا ۲ برشح خبران دی، فس دی کات لاکو نی: فوق مو سموا کنا توبتله دوسا ۲ مو، کران ماس هق توهن ماسوق فرینته دالم هاتی ماءنسی، نق سمفی ده.

اورغ کا لاءوت امفت اورغ جاري انق مرید عیسی

18-19 فد ساتو هاری، عیسی دوق برجالن دتفی لاءوت کاللیل. فس دی نمفق اورغ کا لاءوت دوا برادیق، صیمون، هق اورغ فشکیل فیتروس، رعن ادیق دی اندریاس. دی کدوا دوق چمفق جالا ایکن، دالم لاءوت. عیسی فون اجق دی کات: ماریله، توروت اکو کی، فس اکو نق اجر بري مو فندي چاري ماءنسی سروف مو چاري ایکن نی.

20 دوا برادیق تو فون، سلالو تیفگل جالا دی توروت عیسی کی. عیسی فون دوق برجالن کی لاکی، فس دی تمو فول رعن دوا برادیق نام یعقوب رعن یحیا، یائیت انق ۲ زبدی، دوق سیمفن فوکت دالم فراهو سکالی رعن چیء دی. عیسی سوروه دوا برادیق تو توروت دی کی جوگ.

21 فس دی تیفگل چیء دی دالم فراهو، توروت عیسی کی سلالو.

خبر چارا حال عیسی مشهور کی سرات ۲ تمفت

22 لفس تو، عیسی توبیت کی رات ۲ دالم نکری کاللیل. دی دوق معاجر اورغ دالم مسجدید اورغ یهودی دکمفوغ ۲. دی سرو خیر یغ بائیک کات، سمفی ده ماس توهن نق مرینته دالم هاتی سموا ماءنسی. فس بلع ۲ دی برجالن کی ماري دالم اورغ رامي تو، دی دوق براوبت گنف ۲ فپاکیت بري سیار.

23 خبر چارا حال عیسی نی مشهور کی کاسموا تمفت دالم نکری شلم تو، فس اورغ فون باواه ساءین ۲ دی ماري هق ساکیت اتوا اورغ

هق سیقسما ماقم ۲۰. اد هق ماسوق هنتو، اد هق فونه اوتق، هق ساکیت تیفوق فون اد جوگ. فس عیسی بزی دی سیار بلاک.

25 فس باپق اورغ هق توروت عیسی، اورغ هق ماری دنگری کالیل، اورغ هق ماری د تمف سغولوه بندر تو، اورغ هق ماری د کوت جروسليم دغۇن نگری يېھودىيە، فس هق ماری د باليق سان يىردىن فون، اد جوگ. سموان ماری نق توروت عیسی بلاک.

باب 5 شراحن عیسی کا مرید ۲ دی داتس ساتو بوکیت

- 2-1 بىلا عیسی تىفق اورغ دوق رامى گىتو لالو، دی فون نائىك اتس ساتو بوکیت، دودوق مېاتق دسييتو. مرید ۲ دی فون ماسوق ركت نق دغۇر، فس عیسی مولا ئىي معاجر لاڭۇنى كات:
- 3 براونتۇغلە اورغ هق تاهو دە كات هاتى دى تاءار سكارا هابوق هق توهن برگىن، كران اورغ سروف نىلە هق تريما فريينته توهن دالم هاتى بولىيە سلامت دە.
- 4 براونتۇغلە اورغ هق ترياق مناڭىس دغۇن سابىت كجهاتن هق برى سوسمە دالم دنيا، كران توهن نق فوجوق هاتى دى برى قواة سمولۇ فول.
- 5 براونتۇغلە اورغ هق تاهو مىنده هاتى دى، كران سموا فركارا هق توهن جنجى تو، نق جابتە كا دى.
- 6 براونتۇغلە اورغ هق دوق اىيىت نق جايى اورغ هاتى بىتول دەندىغان توهن، لبىيە فد نق كا فركارا لائىن سموا، كران توهن نق برى سەمنىن كەندىق هاتى اورغ تو.
- 7 براونتۇغلە اورغ هق كسىياغ بلس كا اورغ، كران دى نق تريما كسىياغ بلس دتوهن فول.
- 8 براونتۇغلە اورغ هق هاتى سوچى، كران دى نق بولىيە تىغۇق توهن.
- 9 براونتۇغلە اورغ هق تولوغ برى سموا اورغ دوق بائىك سام

سنديري دغشن تاء کلاهي باله ، کران اورغ سروف نيله توهن نق
مثاکو جاني انق ۲ دي .

براونتوغله اورغ هق کا پان راوري ساپيت نې دوق بوات
ایکوت سوروهن توهن ، کران اورغ سروف نيله هق تريما ده
فرینته توهن دالم هاتي بوليه سلامت .

دغرهه انق ۲ مرید کو ، عيسى کات ، بیلا اورغ ماکي کا فواق
مو ، بوات پان اتوا کيچيق بوهوج مشهوده کفده مو ، سموا
رغن کران مو دوق توروت اکو نې ، مو فون براونتوغ جوگ .
مو کا براس سوک هاتيله . کران فركارا ۲ نې هق جاني اتس
مو ، جاري تندا کات توهن سوده چارغ تاروه فهلا بسرانتوق
مو دشگ . فواق هق بوات فركارا ۲ تاء موليق کفده مو تو ، توء
نينيق دي فون بياس بوات سروف تو جوگ کا نبي ۲ زمان دولو .

کارم دغشن فليتا

فس ، عيسى کات ، فواق مو نيله جاري سروف کارم انتوق
سموا ماء نسي . تافي کالو کارم جاري تاور ، بالس مان نق بري
جاري ماسين فول ؟ تنتو تاء ليه . کارم هق تاور تو تاء ترافاکي ،
پا تاهوق دتنه ، کا جيچق راوري ساج .

فس فواق مو جاري سروف فليتا جوگ ، هق سولوه دالم دنيا.
كمفعه هق لتق اتس فوچق بوکيت تاء سوسوف بوکن ؟

فس ، اورغ هق چوچوه فليتا ، تاء اد سياف نق فرغکوف فليتا
تو دغشن جلوه . دقي ! نې چوچوه فليتا کي لتق د ت Moffت
تييگي ، نق بري سموا اورغ درومه تو چره .

بالس توله جوگ ، مو کا بري چهيا هق مو سولوه بري سموا
اورغ نمفق کات ، فواق مو دوق بوات فركارا موليق . فس تو دي
فون براس نق فوجي کا توهن باف مو هق دوق دشگ کاتيقي .

توجوان حکوم ۲ هق ترسورت دالم کتاب

جاغن سیاف سفك کات توجوان اکو ماري کا دنیا نق مغیانه
حکوم ۲ دالم کتاب تورات اتوا کتاب نبی لاءین ۲ فون . تنتو
نق ! اکو ماري نی ، نق بري سموا حکوم ۲ تو سمنفرن .
17 فرهاتیله بائیک ۲ هق اکو نق رویت نی ، عیسیو کات . سلام
دنیا دوق اد ، توهن تا؟ بري جاتوه ستیتیق درف د حکوم نی دالم
کتاب تو ، سهیشگ سموا فرکلارا جاري سمنفرن بلاک ده .
18 سابیت تو ، اورغ مان هق تیغکل حکوم دالم کتاب ، ولو حکوم
تو حکوم هق کچیک سکالی فون ، فس نی اجر اورغ بري
بوات سروف نی ، اورغ تو نق جاري اورغ رنده سکالی هق دوق
باوه فرینته توهن دشراگ . تافي اورغ مان هق بوات توروت حکوم
19 توهن تو ، فس اجر اورغ لاءین بري بوات سروف نی کاتیق ،
اورغ تو نق بولیه فریغکت تیغکی دالم فرینته توهن دشراگ .
اکو نق بري مو فهم کات مو کنا طاعة سوغکوه کا سموا هق
20 توهن کات بتول ، لبیه فد هق گورو کتاب تورات نغن فواد
فریسی سفك کات بتول ، باروله مو بولیه ماسوقد دوق باوه
فرینته توهن .

چارا حال حکوم بونوه ، اف معنان ؟

22-21 مو نغر ده تفسیر فواد کیت ماس دلو ، چارا حال حکوم
هق کات : جاغن مو بونوه اورغ . کالو مو بونوه اورغ ، مو
سنديري فون نق کنا حکوم جوگ . تافي لاني اکو نق مثاجر
مو بالس نی ، عیسی کات . سیاف نی دوق موريه کا ادیق
برادیق ، نی سنديري فون نق کنا حکوم جوگ . سیاف نی
هینا کا ادیق برادیق کات نی بودوه ، نی سنديري فون نق کنا
حکوم دسن . فس سیاف کات کا ادیق برادیق نی ، مو اورغ
چلاک ، نی سنديري فون دوق هادر کا افی نراک .

سابیت تو له، کالو جاری مو تغه ۲ نق سمه اف ۲ کا توهن
 فس تبیا ۲ مو ترایفت کات مو بوات هید بعن ادیق برادیق
 ساتو اورغ، بائیقله تیغکل بارغ مو دسیتو دولو، کی سلالو
 چاری جان نق جاری بائیک سمولاء دفن ادیق برادیق مو تو،
 باروله مو بولیه ماری فول سمه بارغ مو کا توهن .
 23
 ایختله، کالو اد اورغ هق دوق ادو مو نق بوات بوکو، مو کا
 چوب کیچیق بعن دی بربی بائیک سمولاء، بلغ ۲ دی دوق کی کا
 تمفت توء حاکیم تو. کالو مو سمفی سکالی بعن دی، دی نق
 سره مو کا توء حاکیم. توء حاکیم فون نق سره مو کا سلدادر
 فول، هق نق بوبوه مو دالم کوق . فس سمفی سکت تو مو
 24
 تاھیه توبیت ده، ملینکن بایر دندا مو دولو بربی لیچین
 25
 هابیس.

چارا حال حکوم لارغ بوات زنا، اف معنان؟

فس عیسو کات: مو بغرده هق اورغ تفسیر دولو چارا
 حال حکوم هق کات: جاغن مو بوات زنا .
 27
 تافی لانی اکونق مثاجر مو بالس نی ، عیسو کات: سیاف
 دی دوق تیغوق تائف کا اورغ بتینا بعن هاتی براں نق کا
 نی، تنتو اورغ تو زنا ره دالم هاتی نی.
 28
 سابیت تو، کالو مات کانن مو دوق اجق هاتی مو کی بوات
 دوسا، بائیک مو چولیق تاهوق مات مو تو. بائیک توبوه مو
 چدرا سکرت لانی فد توبوه مو باکر دافي نراک هابیس، ماس
 دافن . کالو تاغن کانن مو اجق نق بربی هاتی مو بوات دوسا
 فون، بائیک مو کرت تاغن مو تاهوق . بائیک توبوه مو کودوچ
 سکرت لانی ، فد کنا تاهوق دالم افی نراک ، ماس دافن.
 30

چارا حال برچری دغن بینی

- 31 فس چارا حال اورغ برچری دغن بینی فون، اورغ دولو تفسیر کات، سیاف ۲ نق برچری دغن بینی ری، کنا بوات سورت بری.
- 32 تافي اکو نق معاجر بالس نی، عیسی کات. سیاف برچری دغن بینی ری، لاكی بوات ساله، ملينکن بینی ری بوات زنا، سکارا. کران کالو چری سابیت هق لاءین، ماس کوء رافن کالو بکس بینی ری نق برلاکی لاءین، بکس توء لاكی ری تو، بوات بری لاكی بینی هق بارو تو زنا.

چارا حال جنجي دغن برسومفه

- 33 مو دغر ده تفسیر فوق کیت ماس دولو چارا حال حکوم هق کات جاغن مو موغکیر جنجي. اف ۲ مو سوده برسومفه رافن توهن، مو کنا بوات جوگ.

- 34 تافي لاني اکونق معاجر بالس نی، عیسی کات. افبیلا مو برجنجي ساج فون، فارن رده. مو تاء کا جنجي دغن برسومفه. تاء کنا برسومفه اتس نام شرگ، کران شرگ تو تمفت تحتا توهن.
- 35 فس تاء کنا برسومفه اتس نام دنيا، کران دنيا تو سروف دغن فلافيق کاکي توهن. اتوا اتس نام کوت جروسلیم فون، کران کوت تو هق راج یعن مهاتيغکي جوگ، بوکن؟

- 36 فس مو تاء کنا برسومفه اتس کفلامو سنديري کات: کالو اکو بو هوغ اچي او بن رمبوت کو. کران مو سنديري تاء ادار کواں سیکیت ها بوق فون نق بری رمبوت مو هيتم اتوا فوتیه.
- 37 نق! رویت سلالو کات: ها بولیه، اتوا دق تاء لیه، سوده. کالو مو کا تمبه لاكی فرجنجین مو تو، تاکوت اصلن ماري درفه هیبلیس.

چارا حال بالس کا اورغ هق بوات جاهت

- 38 مو دغر ده تفسیر هق فوق کیت ماس دولو چارا حال بالس کا

اورغ هق بوات جاهت، هق کات : بالس مات گنتی مات، بالس گیگی
گنتی گیگی. تافي لاني اكونق مفاجر بالس نی، عيسی کات، کالو
اورغ بوات جاهت کفدامو، جاغن مو بالس اف ۲ کا ری. میسل کالو
اورغ تمفر فیفی مو سبله کیری، هولور سبله کانن بري ری تمفر
سکالی لاگی .

39 فس میسل، کالو اورغ کی ادو مو نق بوات بوکو، کات ری نق امیق
باجو مو نق تاریق اوتع، بئرله، باجو هق لوار فون بري جانی
هدیه کا ری جوگ .

40 فس میسل سا لاگی، کالو سئورغ عسکر روم ماري فقسا مو سوروه مو
فیکول بارغ ری سباتو، بئرله، مو فیکول سمفی دوا باتو.
41 بئرله کا اورغ هق ماري مینتا، اف ۲ لغن مو. فس کالو اورغ ماري نق
براوتع دویت، ولو ری تاءلیه باير انق فون کنا بئرله کا ری .

چارا حال حکوم کاسیه کاسام ماءنسی

42 مو دغر ده هق فواق کیت تفسیر ماس دولو چارا حال حکوم هق
کات : مو کاسیمه له کا ساءین ۲ مو، بنچیله کاسترو ۲ مو .
تافي لاني اكونق مفاجر بالس نی، عيسی کات . کا اورغ هق جانی
ستترو ۲ مو فون، مو کا تنجوق کاسیه جوگ . کا اورغ هق بوات پان
کفدامو فون، مو کنا مینتا، لعا انتوق ری .

43 لغن بوات بالس تو، مو نق جانی انق ۲ هق بوات سروف باف ری
هق دوق لشرغ . کران باف مو بري متھاري ری سولوه اتس سموا
ماءنسی تاء کیرا کات بائیک اتوا جاهت . هوجن فون ری بري تورون
اتس سموا اورغ سروف بلاک، تاء کیرا کات اورغ هق بوات بائیک اتوا
بوت جاهت فون .

44 کران ایفلته، کات عيسی، کالو مو بوات کاسیه کا اورغ هق کاسیه مو
دولو ساج، باء اف مو کات نق بولیه فهلا؟ فواق هق ماکن گاجی

کراجائن دغۇن كوتىيف چوکىي ، هق مو ھابىس ۲ بنچىي ، كاسىيە سروف
47 تو ، نى فون بولىيە . فس كالو مو تكۈر اورۇغ هق مو بىياس ساج ،
تاڭلېيە فد اورۇغ لاڭين ، بوكن ؟ اورۇغ هق تاڭلېيە توهن فون ،
48 بولىيە بوات بالس تو . دق ! بالس مان توهن باف دشىرىگ
كاسىيە سروف سموا ، مو فون كىا كاسىيە بالس تو جوڭ .

عيىسو مغاجىر چارا حال عملن كيت

باب 6

چارا حال عملن كيت ، جاڭالە ، جاغن مو بوات فركارا نى
1 رافن مات اورۇغ . كالو مو بوات دافن اورۇغ ، تىنتو توهن باف
مو دشىرىگ تائېرىي فەھلا سىكىت ھابوق .
2 مىسل ، كالو مو نق صدقە اف ۲ كا اورۇغ فايىه ، تاڭلە كوسىر بىرى
سموا اورۇغ تاھو ، سروف اورۇغ منافىق ، توجوان نق بىرى اورۇغ فوجىي .
نى سوڭ بوات كېجيڭن تىغە جالن فەڭالان ، اتوا دمىسجىد اورۇغ
يېھوپىي فون . هق اكى روپىت نى تاڭلە بوهوغ ، نى بولىيە دە فوجىن
اورۇغ رامى تو جارى بالسىن نى . سابىت تو توهن تائېرىي اف ۲
كا نى .

3 جاغنلە فواق مو بوات سروف تو ، عىيسىو كات . كالو مو نق
صدقە اف ۲ كا اورۇغ فايىه ، بوات دغۇن سېپ ۲ ھېشىگ سەمفي
ھق تاغن كانن بوات ، تاغن كىري تائې تاھو .
4 بوات دغۇن سولىت بالس تو ، فس توهن باف مو هق دوق تىيغۇق
سموا فركارا ھق كيت بوات دغۇن سولىت ، نى نق بىرى فەھلا كىدا مو .

چارا حال دعا كيت

5 فس تكە مو دوق بىردىغا ، عىيسىو كات ، جاغن مو دوق بوات
سرۇف اورۇغ منافىق ، ھق چارى تەمفت اورۇغ رامى ۲ دمىسجىد ،
اتوا دەچابىغ امفت دالىم كىيى ، نق بىرى سموا اورۇغ بولىيە تىيغۇق
نى . اكى روپىت تاڭلە بوهوغ كات ، نى بولىيە دە فوجىن اورۇغ رامى

تو جاري بالسن دي ، تافي توهن تا^ء بري اف ۲ کا دي .
 جاغنله فواق مو بوات سروف تو . تکه مو نق بردعا ، مو ماسوقله
 دالم بیلیق تمفت اورغ تا^ء اد ، کاتوف فینتو ، فس بردعاله کا توهن
 باف مو نغن سولیت . فس توهن باف مو هق مو بولیه تیفووق سموا
 فرکارا هق کیت دوق بوات نغن سولیت ، دي نق بري فهلا کفدا مو .
 تکه مو دوق مینتا^ء دعا ، جاغن براولغ اولیت ، هق تا^ء ترفاكی .
 اورغ بعسا لا^ءین ۲ هق تا^ء کتل نغن توهن ، دي کامق کات دعا
 بالس تو ، تنتو توهن برکن نغر .

تافي نق ! جاغن فواق مو بوات سروف تو . سسوغکوهن ، بلوم
 فد مو ماري مینتا^ء دعا تو ، توهن باف مو تاهو ده اف ۲ هق
 مو دوق کورغ کا فاكی .

اینیله چونته انتوق دعا مو ، عیسی کات :
 يا توهن باف کو دشرغ ،

بریله سموا اورغ سجود حرمة کف نام توهن .

بری سمفیله ماس هق توهن نق مینته دالم دنیا ،

سنهیفگ سموا ما^ءنسی نق بوات ایکوت کهندق توهن ،
 سروف نغن سموا دشرغ بوات ایکوت کهندق توهن سعمور
 بریله مکانن کا فواق اکو چوکوف انتوق هاري نی .

فس ام凶نله کسلاهن فواق اکو نی ، ستارا مان اکو
 معاف کا اورغ لاءین .

يا باف کو ، جاغنله بري فواق اکو کنا فرجوبائن برت ساعت .

تافي بري اکو بولیه لفس درف کواس دي هق جاہت تو .

فس ، عیسی هوراء^ءی لا^ءکی کات : کالو مو معاف کا اورغ هق بوات
 ساله کف دو ، تنتوله توهن باف مو دشرغ نق ام凶ن کسلاهن
 مو جوگ . تافي کالو تا^ء معاف کا اورغ تو ، تا^ءکن توهن باف

نق ام凶ن کسلاهن مو جوگ .

6

7

8

9

10

11

12

13

14

15

چلا حال فواس

فس تکه مو دوق فواس، عیسی کات، جاغن مو دوق فواس 16
 سروف اورغ منافق تو، هق نمفق موک ماسم. ری سوک کی ماری
 دالم اورغ رامی، کران ری نق بری اورغ تیغوق موک ری کریغ سبب
 ری فواس تو. اکو رویت تا، بوهوج کات، ری بولیه ره فوجین اورغ
 رامی تو جاری بالسن ری. سابیت تو، توهن تا، بری اف ۲ کاری.
 17 جاغنله فواق مو بوات سروف تو، عیسی کات. تکه مو دوق فواس،
 مندی، سیسیر ربوبت، جاغن بری اورغ تاهو کات مو دوق فواس.
 18 فس، توهن باف مو هق دوق تیغوق سموا فرکارا هق کیت دوق
 بوات دغن سولیت، ری نق بری فهلا کف مو.

هرت کیت دوق دشگ

20-19 فس عیسی مفاجر لانگی کات: جاغن مو دوق کوتیف تاروه
 هرت اتس دنیا، کران تنتو هرت دنیا ماکن رکت، ماکن
 رکارت، سهیفگ فونه هابیس، اتوا دوق دتمفت اورغ بولیه
 کوریق ماسوق چوري. دق! لبیه مولیق لانگی، مو کوتیف سیمفون
 هرت بندما مو دشگ، تتمفت گت کارت تا، لیه ماکن، فنچوری
 فون تا، لیه کوریق.

21 کران تتمفت مان هرت بندما مو دوق لانی، هاتی مو نق توجو کوئ تو.

مات کیت سروف چهیا فلیتا انتوق توبوه

22-23 مات کیت بولیه بندیغ کات سروف فلیتا انتوق توبوه کیت.
 کالو مات کیت نمفق چرف، چهیا بولیه ماسوق بری چره دالم
 سموا توبوه. کالو مات کیت چدرا تاء نمفق، جاری گلف هابیس
 دالم توبوه. تافي کالو مات هاتی مو گلف، عیسی کات، تنتو
 گلف هابیس ۲ سموا.

کیت دوق توروت توهنگه ، اتوا دوق توروت هرت دنیا ؟

24 فس عیسو مغاجر لاگی کات : تاءار اورغ کرج نق توروت توان دوا اورغ سکالی . تنتو ری نق بنچی سئورغ ، کاسیه سئورغ . هق نی کاسیه تو ، نی نق طاعة ستیا ، هق ری بنچی تو ، نق تیغوق هینا . سروف تو جوگ ، اورغ تاءلیه کرج توروت توهن ، فس کرج توروت هرت دنیا دوا سکالی .

25 سابیت توله ، عیسو کات ، اکو فسن کا فواق مو کات ، جاغن بیمیغ جاغن کاروه کا بارغ مکانن انتوق دیری مو ، اتوا کا کائین فکاین انتوق توبوه مو . دیری مو لبیه مليا فد بارغ مکانن ، توبوه بدان مو فون لبیه فد فکاین ، بوکن ؟

26 چوب فرهاتی کلیه کدو و قنکن بوروغ ۲ هق تریغ کی ماری ، عیسو کات . ری تاء کنا منامن تاء کنا مفتتم ، رومه فاری فون ری تاءار جوگ . تافی توهن باف دشراگ بری ماکن کا نی . فس فواق مو لبیه مليا فد بوروغ ۲ لاگی ، بوکن ؟

27 فیکیرله ! اد کا نق اورغ دالم فواق مو هق بولیه تمبه عمر ری سیکیت ۲ رعن ترا یشت ۲ نق بولیه ؟ تنتو تاءلیه .

28 29 فس ، چارا حال کائین فکاین مو ، بااف مو دوق بیمیغ کیتو لالو ؟ چوب کلیه کا بوغا تلیفوق فول ، عیسو کات ، بالس مان ری بولیه کمیغ . ری تاء کنا تنون ، تاء کنا جاهیت باجو ، تافی راج سلیمان هق کای سکالی فون ، تاءار کائین فکاین مولیق سروف بوغا تلیفوق تو .

30 توهن بری جادی مولیق فد بوغا ۲ رمفوٹ ماچم نی ، هق هاری نی کمیغ ، ایسوق کچوت کریغ ره نق باکر ساج . هي فواق مو هق کورغ فرچای ! تنتوله لبیه ۲ لاگی ، توهن نق بری کائین فکاین کا فواق مو ، بوکن ؟

31 سابیت تو ، عیسو کات ، مو جاغن بیمیغ کات : نق ماکن دمان ؟

ایر فون تاءار . نق امبیق دمان کائین فکاین تو؟ بفسا لاءین ۲
هق تاء کل رغن توهن ، ری دوق بیمیغ کا بارغ تو سعمور . تافي
فواق مو ، توهن باف مو دشراگ تاهو ده کات مو کنا فاكی سموا
فرکارا نی .

نق ! هق مستحق اتس سموا ، فواق مو کا کاچغ چاري جالن
نق توروت فرینته توهن رغن سموا فرکارا هق جاري کهندق ری ،
باروله توهن نق بري سموا فرکارا نی فول .

سابیت توله ، عیسی کات ، مو تاء سه دوق ایشت کا ایسوق لانکی
رغن هاتی بیمیغ . بدلله ، ایسوق فادن انتوق ایسوق . جاغن
منمه کسوهاهن ایسوق رغن هاري نی .

باب 7 اورغ هق سوک حکوم ساله کا ادیق برادیق ری

2-1 جاغن مو دوق حکوم اتس اورغ کات ساله ، سعمور . تاکوت توهن
نق حکوم اتس مو بالس تو جوگ ، عیسی کات . کران بالس مان مو
سوک حکوم اتس اورغ ، ستارا تو جوگ توهن نق حکوم اتس مو .
ستارا مان مو تیمیغ هاتی اورغ ، ستارا تو جوگ توهن نق تیمیغ هاتی
مو . باً اف مو بولیه نمفق کلیه دبو سیکیت دالم مات ساءین ؟
تاپی دالم مات مو سندیری ، ستوغکول کایو بسر مو ناء کابر ؟

3 فس ، بالس مان مو برانی کات کا ساءین مو تو : هي کاون ! اکو
نق تولوغ مو بواغ توبیت سمفه دالم مات مو . تافي توغکول
کایو بسر دوق اد لانکی دالم مات مو سندیری !

4 هي اورغ بودوه هق تیفو دیری ! باً یک مو بواغ کایو دالم مات
مو سندیری بري چره دلو ، بارو بولیه تولوغ بواغ سمفه دالم
مات ساءین مو تو .

جاکاله فرکارا بیغ سوچی هق توهن تورون کا فواق مو

6 جاغن مو بري بارغ بیغ سوچی کا اورغ هق فراغی سروف انجیع ،

هق نق فالیغ سالق مو. فس جاغن مو لیمفر مات دلیم مو هق اد هرگ مهل، کا اورغ هق فراغی سروف بابی، هق نق جیحق ساج بارغ هق اد هرگ تو.

مینتا؛ درف دوهن بارو مو نق تریما

فس عیسی معاجر لاکی کات : مینتا؛ له درف دوهن، بارو توهن نق بري کا فوق مو. چاریله درف دوهن، بارو فوق مو نق برتمو. فذکیللہ کات نق ماسوق، بارو توهن نق بوک ساتو فینتو انتوق مو. کران سیاف دوق مینتا، کا اورغ توله توهن نق بري. فس سیاف دوق چاري، اورغ توله نق برتمو. فس کا اورغ هق فذکیل نق ماسوق فون، توهن نق بوک فینتو تو.

مو هق جانی ایبو باف، عیسی کات، کالو انق مو ماري مینتا روتي، سبوتیر، تاءاد سوغ مو نق بري باتو کا نی، بوکن؟ اتوا کالو انق مو ماري مینتا، ایکن سئیکور، تاءسوغ مو نق ایکت اوولر بري کا نی کنستی ایکن تو، بوکن؟

ها، سوغکوه فون فوق مو فراغی جاهت، تافی مو تاهو بري بارغ مولیق کا انق ۲ مو. کالو کیتو، لبیه ۲ لاکی، توهن باف مو دشک نق بري فرکارا مولیق کا انق ۲ نی هق دوق مینتا نق تریما بارغ تو.

کنا بوات بالس مان کا اورغ لاين؟

بوات کا اورغ لاين سروف هق مو برکن نی بوات کفڈ مو. اینیله دغن ریغکس توجوان تورات نبی موسی دغن فعاجران سموا نبی ۲.

فینتو هق سمفیت

مسوقله کوء فینتو سمفیت، کران اد جوک فینتو هق لواس، دغن باتس هق موده برجالن، هق توجو کوء نراک. باپق اورغ فون دوق برجالن کوء باتس تو.

تاافي فينتو سمفیت، باتس فون فایه نق برجالن، هق شوجو کوء،
هیدوف هق سجاتی تو. اورغ فون سیکیت هق تمو جالن تو.

مائنسی بندیغ سروف فوهون کایو هق بربواه

فواق مو کنا جاگاله، عیسی کات، اد اورغ بوهوغ هق کات علمو
ری ماری دتوهن. تیغوق دلوار نمفو سروف بیزیغ هق جینق،
تاافي بالیق دالم، فراغی سروف انجیغ سریکالا.

مو بولیه کتل فواق نی دغන کران هق ری بوات، سروف کیت
بولیه کل فوهون کایو دغන تیغوق بواه ری. اورغ تاء کی
امبیق بواه جابیت دفوهون بربروری. بواه ارا فون تاء اد اورغ
کی امبیق دالم رمفوت لالع، بوکن؟

فوهون کایو هق سوبور تنتو نق توبیت بواه هق مولیق. تافی
فوهون هق بوروق دالم، تنتو بواه ری هورده. فوهون سوبور
تاء توبیت بواه بوروق. فوهون هق بوروق فون تاء توبیت بواه مولیق.
فس فوهون هق بواه تاء مولیق، کنا تبغ تاهوچ باکر افی.

اورغ بوهوغ سائني فون، مو بولیه کل فوهون ری بغضا
مان دغن تیغوق بواه ری، یائیت فراغی ری هق دوق بوات

فریواتن، بوکن فرکتاءن

فس عیسی کات فول: بوکن سموا اورغ هق فشكیل اکو ربی
هق بولیه ماسوق دوق باوه فرینته توهن، دق! تافی اورغ هق
بوات ایکوت کهندق باف کو دشرك، دیاله هق بولیه ماسوق.

فدهاری قیامة باپق اورغ نق ماری مغهارف اکو کات: یا ربی!
یا ربی! کیت بیاس رویت خبر درفت توهن دغن سبوت نام
ربی، بوکن؟ کیت بیاس همبت هنتو توبیت داورغ، فس بوات
باپق فرکارا هق فلیق دغن نام ربی.

فس اکو نق جواب کا فواق تو، عیسی کات، اکو تاء کل دغن

فواق مو نی . کیله جاوه فد کو ، فواق مو هق تاء سیر توروت
سورو هن کو!

دوا اورغ بوات رومه

کران ، عیسو کات ، کنف ۲ اورغ هق دغر فغا جران کو ، فس
ی راجین بوات توروت ، اورغ تو جانی سروف اورغ بیجقسان ،
هق راجین بوات رومه یی اتس فلا فیق باتو .

بیلا هوجن تورون ، ایر سوگی ملیمفه ، اغین ریبوت قواه فوفوت
فون ، رومه تو تاء اف ۲ رعن کران توان بوات اتس باتو .

تافی کنف ۲ اورغ هق دغر فغا جران کو ، فس یی مالس نق
بوات توروت ، یی جانی سروف اورغ بودوه هق مالس نق بوات
رومہ اتس باتو ، بوات اتس فاسیر ساج .

بیلا هوجن تورون ، ایر سوگی ملیمفه ، اغین ریبوت قواه فوفوت ،
رومہ تو فون رونتوه سلالو . دهشت سوغنکوہ رونتوهن تو !

عیسو دوق معاجر رعن کواس

بیلا عیسی سوده معاجر سموا فرکارا نی ، اورغ رامی هق
دوق دغر یی ، براس حیران سوغنکوہ ، کران عیسی دوق معاجر
رعن کواس ، تاء سروف رعن کورو ۲ کتاب تورات ، نق .

عیسو رعن اورغ فپاکیت بادم

باب 8

لفس تو ، عیسی برجالن تورون دبوکیت سائی ، فس اورغ
رامی تو توروت یی تورون .

تفهه ۲ دوق تورون تو ، اد سئورغ فپاکیت بادم ماری سجور کا
عیسی ، کات : یا توان ! کالو توان کهندق براس کسیاغ بلس
کا امب ، توان اد کواس بزی توبوه امب سیار لیچین هابیس
فپاکیت نی .

عیسی فون هولور تاغن جامه نی. تنتو اکو اد کهندق نق تولوغ،
عیسی کات. لیچینله توبوه مو! فپاکیت نی فون هیلخ سلالو.
4 فس عیسی سوروه نی کات: جاغن بربی تاهو کا سیاف نی دیه!
کیله سلالو، تمو دغن تو، امام، بربی نی فیقسٽ توبوه مو.
لفس تو، کی سمبه قریان کاتیق، ایکوت هق نبی موسی سوروه،
جاری تندا کا سموا اورغ کات مو سیار چوچی ده.

عیسی بربی سیار همب نای روی بغضا روم

5 بیلا عیسی سمفی ده کا کفرناحوم، تکه نی دوق ماسوق کدی
تو، اد سئورغ نای روی عسکر روم ماری نق مینتا، تولوغن دغن
عیسی کات:

6 یا توان، اد بودق هق دوق کرج درومه امب، نی ساگیت
لمبیق، دوق تیراریغ دتمفت تیدور سعمور، سیقسسا سوڠکوه نی.
عیسی کات کا نی: تائفله، ننتی اکو نق کی بربی سیار.
7 تافی نای روی جواب کات: تا، سوڠ فاتوت نق اجق توان کی
کا رومه امب. فارن دغن توان کیچیق سفاته، بودق کیت فون
8 سیار سلالو.

9 کران امب سندیری کنا دوق باوه فرینته اورغ جوگ. فس اد
جوگ اورغ هق دوق باوه فرینته امب. امب سوروه کا سئورغ
سفاته، سوروه نی کی، نی کی، سوروه نی ماری، نی فون ماری
سلالو. بودق درومہ فون، امب سوروه بوائله هق تو، هق
نی، نی فون بوات بلاک.

10 بیلا عیسی دغэр فرکنائن نای روی نی، نی فون براس
حیران، فالیغ کات کا اورغ هق توروت بلاکن نی: سوڠکوه،
دالم سموا بغضا اسرائیل، اکو تا، بیاس تمو اورغ هق فرچای
سروف نای روی نی، هق بوکن بغضا کیت.
11 فس دغزله هق اکو نق رویت نی، عیسی کات. نق جاري باپق

اورغ هق بوکن بعسا کيت ، نق ماري باليق تنايک باليق تجاتهوه ،
نق بوليه ماسوق باوه فرينته توهن ، فس بوليه راس جامون
تهن لشرك ، سکالي دهن نبي ابراهيم ، نبي اسحاق دهن نبي
يعقوب هق فواق اسرائيل کيت .

12 تافي فواق هق تاء سير ماسوق ، ولو توهن بري فلواح کا رې دولو
فون ، رې نق کنا همبت توبیت لوار کي دوق دالم گلف . دسيتوله ،
رې نق دوق ترياق دهن سمني کاچيت کيکي .

13 فس تو عيسى فالیغ کات کا ناء ي روی فول : کلیله ! هق مو
فرچاي تو ، نق بوليه ! بلغ ۲ عيسى دوق کات تو ، بونق ناء ي
روی درومہ فون ، سيار .

عيسى بري سيار فپاکيت باپق اورغ

14-15 لفس تو ، عيسى کي کا رومه فيتروس . فس رې نمفق تؤء
منتوا فيتروس دوق دمم ، تاء ليه باعون . عيسى کي جامه تاغن
رې تو . دمم فون هيبلغ ، فس رې باعون سلالو ، کي امبیق بارغ
مکانن بري ماکن کا عيسى .

16 فد ماس متھاري جاتوه ، اورغ ۲ هق دوق دکفرنا حوم تو ،
باواه ساءين ۲ رې هق ماسوق هنتو ، ماري کا تمفت عيسى .
فس عيسى همبت هنتو توبیت دسموا اورغ تو دهن کواس
فركتانن رې ساج . اورغ ساکيت فون ، رې بري سيار بلاک .

17 ماس دولو ، دالم ايات هق کات :

رې سنديري تغکوغ سموا فرکارا هق بري
کيت لمد سماقت . فپاکيت کيت ، رې
باواه کي هابيس .

اورغ ۲ هق نق توروت عیسی

18-19 بیلا عیسی تیغوق اورغ ماری کاتمفت ری رامی کیتو لالو ،
ری فون سوروه انق ۲ مرید ری برسیمفن نق هوندور کی بالیق
سان لاءوت . فس اد سئورغ گورو کتاب تورات ، هق ماری نق
کیچیق دغن عیسی ، کات : يا توان گورو ! توان گورو نق کی
کا مان ۲ فون ، امب نق توروت کی بلاک !

20 عیسی فون جواب : انجیع سریکالا اد لویغ ری ، بوروغ ۲ اد سارغ .
تافي اکو ما نسی هق تورون دشگ نی ، تا اار تمفت دودوق
بولیه تیدور امبیق ریغ .

21 فس اد هق جاري مرید عیسی سئورغ لاکی . ری ماری کیچیق
دغن عیسی ، کات : توانکو ! امب نق تیغکل دولودیه ، کلیق
کی دوق دغن ایه ، هیغگ سمفی ری ماتی سیمفن سیف ده ،
باروله امب نق ماری توروت توان گورو فول .

22 تافي عیسی کات کا ری : توروتلہ اکو ! بلم اورغ ماتی تھکوغ
سام ۲ سنديري !

عیسی بري تدوه اغین ریبوت

23 فس تو عیسی نائیک اتس فراهو ، فس انق ۲ مرید . فون ،
نائیک کی سکالی دغن نی . تیبا ۲ اغین ریبوت درس ، اومبیق
فون گلومبیع بسر ، هیغگ سمفی برسمبر ۲ ماسوق دالم
فراهو . تافي عیسی تغه دوق تیدور جندرا .

25 انق مرید ری فون کی گرق ری بري جاگ ، رویت کا ری :
تون گورو ! تولوغلہ کیت ، دکت نق ماتی ده !

26 عیسی فون کات : با اف مو فناکوت کیتو لالو ؟ مو فرجای
سیکیت که گان ؟ فس تو ، عیسی باگون ، سوروه اغین دغن
اویق تو تدوه . ری فون تدوه سلالو ، دوق سیپ .
27 سموا اورغ فون براس حیران . ری کات : اورغ لاکو مان نی ؟ سوروه

اچین ریبیوت برہنتي ، برہنتي .

عیسیٰ بري هیلخ دوا اورغ هق ماسوق هنتو

فس عیسیٰ بلاير کي سمفی باليق سان لاءٰوت دنکري 1 اورغ
گدارا ، تورون دسيتو . دوا اورغ هق ماسوق هنتو ، هق دوق دالم
کوا ، تمفت قبور ديق نون ، توبیت ماري تمو دغۇن عیسیٰ . دوا
اورغ نې ماسوق هنتو هق بري دې بېشكىغ . تاءٰار سیاف برااني
لالو کوء تمفت دې دوق تو .

بیلا نې تمو ده دغۇن عیسیٰ ، دوا اورغ تو فون جریت نېن
سووارا درس ، بلخ ۲ کات : هي انق توهن ! باًاف مو ماري کاچو
اكو ؟ تاءٰسمفی ماس لائکي ، فس مو ماري ده نق بوات سیقسما کا
فواق اکو نې ، که ؟
جادی ، تاءٰار جاًوھ مان دغۇن تمفت تو ، اد بابي سکاون هق
دوق چاري ماکن .

هنتو هق دوق دالم دوا اورغ ساءٰني فون ، مینتا دغۇن عیسیٰ
کات : کالو توان نق ھمبېت امب توبیت دالم توبوھ اورغ نې ،
مینتا بري امب کي دودوق دالم توبوھ بابي سکاون تو فول .
عیسیٰ فون سوروھ نې : کيله ايکوت مو . فس ، هنتو توبیت
کي ماسوق دالم توبوھ سموا بابي تو فول . بابي ۲ فون لاري
لینتۇن فوئکۈن ، کي ترجون دتوبىر بوكىت ، جاتوه دالم لاءٰوت ،
سلم اير لمس ھابىس .

اورغ هق فيرا بابي ساءٰني ، هوغلل کليق کا بندر ، فس دې
رويit سموا فرکارا چارا حال بابي دې دغۇن اورغ هق ماسوق
هنتو تو . سموا اورغ دالم بندر تو فون ، فاكت توبیت کي
جومغا ئېن عیسیٰ . بیلا نې تمو ده ، نې رویit کا عیسیٰ
مینتا نې تیغىل کي کوء لائين .

باب 9

عیسی بربی سیار اورغ تیفوق

- لفس تو، عیسی نایک فراهو جمرغ لاءوت کلیق کا کمفوغ
ری. فس، اد سفواق هق باوا^۱ اورغ تیفوق اتس کرغ فغوسوغ
ماری کا تمفت عیسی دودوچ. عیسی تاهو کات فواق تو فرچای
سوغکوه کا ری. ری فون کات کا اورغ تیفوق تو: هاوغ! مو
تائسه دوق بوسن له، سابیت دوسا^۲ مو سوده امفون ره.
تاپی رسیتو اد کورو^۳ کتاب تورات، هق دوق بیسیق سام
سنديیری کات: ها! بغرله اورغ تو، دوق کیچیق هینا کا توهن!
عیسی تاهو ده فیکیران فواق کورو سا^۴ نی. سابیت تو، ری
تاش فواق کورو کات: با^۵ اف مو دوق ایغت فیکیران جاہت
بالس تو؟
- اکو نق تاش فواق مو، هق مان موده کات؟ دوسا^۶ مو سوده
امفون ره، اتوا باعون برجالنه؟
- تاپی اکو نق بربی مو تیغوق تندا کات، اکو ما^۷ نسی هق تورون
دشک نی، اد کواس دنیا بولیه امفون دوسا^۸ نسی.
سابیت تو، عیسی فالیغ سوروه اورغ تیفوق کات: اوغ! باعونله
امبیق کرغ مو باوا^۹ کلیق! اورغ تیفوق تو فون باعون برجالن کلیق
سلالو. بیلا اورغ لاءین نمفق کجادین نی، ری فون تاکوت، براں
نق فوجی توهن، کران توهن بربی ره کواس ری تورون
ما^{۱۰} نسی گیتو لالو.

عیسی اجق متیوس توروت ری کی

- عیسی فون تیغکل تمفت تو، برجالن کی کو^{۱۱} لاءین. تغه^{۱۲}
دوق برجالن تو، ری نمفق سئورغ نام متیوس دوق کرج دتمفت
اورغ کا برادو بایر چوکی. عیسی اجق ری کات: ماریله توروت
اکو کی! متیوس فون باعون توروت عیسی کی سلالو.
فتغ کلاغ سیکیت، عیسی دوق ماکن جاموان درومه متیوس سا^{۱۳} نی.

نالم فواق هق دوق ماكن سکالی دغун عيسى ، فس دغун مرید ۲
ري تو، اد باپق اورغ هق کرج کوتيف چوکي ، سکالی دغун اورغ
لائين هق کنا هينا داوغ کمفوغ کاتيق.

بیلا فواق فریسي تیغوق عيسى دوق دغун فواق ۲ نی، ری تان
مرید ۲ عيسى کات: باه اف توان گورو مو سوک ماكن سکالی دغون
اورغ هق کيت هينا سروف اورغ کوتيف چوکي ؟
عيسى دغون هق فواق تو تان، فس ری جواب کات: بوکن اورغ
سگر هق نق کي چاري بومور ، دق ! تافي اورغ ساکيت .
باهیک مو کیله چاري معنا ایات دالم گتاب هق کات:

{ توهن تا برکنن بناتخ ۲ هق بوات قربان سعمور .
هق توهن برکنن ، هاتي کسیاغ بلس کا اورغ . }

فس عيسى کات: اکو ماري نی، بوکن نق اجق اورغ هاتي بتول ،
تافي نق اجق اورغ هق ساله ، بري نی فالیغ توروت اکو .

اورغ ماري نق تان چارا حال فواس

لفس فد تو فول ، مرید ۲ نی یحیا ، ری هق بري اورغ تریما روکون
مندی تو ، ماري نق جومغا دغون عيسى کات: نق تان توان سیکیت
دیه ! سبب اف فواق کيت دغون فواق فریسي دوق فواس سلاریه ،
تافي مرید ۲ توان ، دق ؟

عيسى فون جواب دغون عبارة نی: تکه اورغ دوق سوک هاتي درومه
بوات فولوت ، اد کا لق ساءین ۲ انق ترونا تو هق دوق سوسمه
هاتي نق فواس ؟ تنتو تا ادار . تافي نق سمفی ماس ده ، اورغ نق
امبیق انق ترونا تو باواه کي کا تمفت لائين . فد هاري تو ، تنتو
سائین ۲ ری نق برا ود .

فس عيسى کات لائیکی: تا ادار سیاف هق فاکی کاءین بوروق کي تمفوغ

کائین بارو. کران تنتوله کائین هق تمفوغ تو نق تاریق هق بوروق تو، جانی کمھور لواس.

17 فس، تاءاد سیاف هق امبیق ایر جابت هق بارو بوات، کی بوبوه دالم بکس کولیت هق فاکی لام، کرس ده. تاکوت بکس کولیت هق کرس تو نق فچه، ایر تو نق تومفه توبیت هابیس فس بکس تو فون نق فونه تاءلیه فاکی. نق! ایر جابت هق بارو بوات کا بوبوه دالم بکس کولیت هق بارو جوگ، فس کدوان نق مولیق، تاءجاري اف ۲ کران سام ۲ بارو.

عیسی بربی بودق بتینا هیدوف کلیق سمولا

18 تغه عیسی روق کیچیق تاءسود لاکی، ماری کتوا اوکام یهونی، سجود کا عیسی فس رویت کا دی: توان کورو! انق بتینا امب بارو ماتی سائني. مینتا توان کیله جامه بی بربی هیدوف کلیق سمولا.

19 عیسی فون باگون توروت کتوا کی سلالو، فس مرید ۲ عیسی توروت کی سکالی.

20 جاري، تغه ۲ بی روق کی تو، اد اورغ بتینا سئورغ توروت بلاکن عیسی، نق جامه بیرایي باجو جوبه بی. اورغ بتینا نی روق ساکیت کلوار داره دوا بلس تاهون ماری ده، سیقسسا سوغکوه.

21 فس بی ایشت دالم هاتی کات: کالو اکو بولیه جامه بیرایي جوبه عیسی تنتو نق هیلغ.

22 بیلا بی جامه ده، عیسی فالیغ تیغوق کا دی، فس کات: تکوھله هاتی مو میق! کران مو فرچای، مو بولیه سیار ده. فد کتیک تو جوگ، اورغ بتینا تو فون سیار سلالو.

23 لفس تو، عیسی کی سمفی کا رومه کتوا سائني. فس بیلا بی تیغوق فواق مائین لاكو نق فوجوق درومه اورغ ماتی،

- سکالی نغن اورغ لائين هق دوق کيکير دسيتو، عيسى رويت کا ري : توبیت گيله، سموا فواق مو! بولق نی تا^ء ماتي، ري دوق تیدور ساج . سموا اورغ تو فون فاكت مفنجيع سوك کا عيسى .
- 24
- تافي بيلا سموا اورغ تو کنا همبت توبیت ده، عيسى ماسوق دالم تمفت لتق بولق تو، فکٹ تاغن ري بري ري باعون سمولاء.
- 25
- خبر فرکارا فلیق نی ملارت کي سرات^۲ نکري .
- 26
- عيسى بري هيلع دوا اورغ، اورغ مات بوت
- عيسي تيغکل فد نکري تو. تکه^۲ ري دوق برجان کي، اد اورغ بوت، دوا اورغ توروت ري، فگکيل ري نغن سوارا درس ، کات: يا انق چوچو راج را^ءود ، کسياغ بلس کا امب کاتيق !
- 27
- بيلا عيسى سمني ده کا رومه فس ماسوق دالم ، دوا اورغ مات بوت سا^ءني ماسوق رکت نق کيچيق نغن عيسى . عيسى تاث ري : مو فرچاي که ، کات اکو بوليه بري هيلع مات مو؟ دوا اورغ تو فون جواب: ها توان ، امب فرچاي .
- 28
- فس عيسى جامه مات ري، بلغ^۲ کات بري جاريله انتوق مو ساپيت مو فرچاي تو. مات دوا اورغ تو فون بوليه نمفق سلالو .
- 29
- فس عيسى فسن کا ري نغن قواه کات: جاغن مو رويت کا سياf^۲ چارا حال نی ديه ! تافي دوا اورغ تو کي رويت جوگ ، بري خبر عيسى ملارت کي کا سموا تمفت دالم نکري تو .
- 30
- 31

عيسى بري اورغ بيسمو بوليه کيچيق سمولاء

- تا^ءران اورغ مات بوت سا^ءني توبیت لاكى، اد اورغ هق باوا^ء ماري اورغ بيسمو. ري بيسمو نغن کران ماسوق هنتو.
- 32
- با عيسى همبت هنتو توبیت، اورغ بيسمو فون بوليه کيچيق سلالو . سموا اورغ هق دوق اد دسيتو فون براس حيران تيغقول کجادين
- 33

ني، کات: تا^ء بیاس تیغوق جاري سروف نی دالم نکری اسرائیيل.
 34 تافي فواق فریسي کات: دق! جاري کفلا شیطان ۲ هق بري
 عیسی نی اد کواس بولیه همبت هنتو شیطان توبیت.

عیسی براس کسیاغ بلس کا اورغ رامی تو

35 فدماس تو، عیسی برجالن کی زیارہ سموا بندر، سموا کمفوغ دالم
 کلیواسن تو، نق مفاجر اورغ دمسجد ۲ اورغ یهودی، نق
 رویت خبر بائیک کات توهن نق فرینته دالم هاتی مائنسی،
 فس، نق تولوغ بري اورغ ساکیت سیار.
 36 فس، بیلا عیسی دوق تیغوق کھیدوفن اورغ رامی تو، هاتی نی
 براس کسیاغ بلس هابیس چیک، کران اورغ رامی تو دوق
 سرابوت، تاءتاھو نق توجو کوء مان سروف دغن بیریغ ۲ تاءار توان.
 عیسی فون رویت کا انق ۲ مرید نی: سروف دغن فاری هق
 37 ماسق باپق، تافي اورغ کی کتم سیکیت.
 38 فواق مو کنا بر تعاله کا توان فاری تو، مینتا^ء نی سوروہ اورغ
 کی مفتم انتوق نی.

باب 10 عیسی سوروہ صحابة دوا بلس اورغ تو باوا^ء تیته

1 فدماس تو عیسو فغکیل صحابة نی دوا بلس اورغ ماری برھیمفون
 سکالی، فس عیسی بري کواس سوروہ باوا^ء تیته نی، بولیه همبت
 هنتو شیطان توبیت داونگ، فس بولیه بري سیار سموا سکل فیاکیت.
 نام دوا بلس اورغ هق باوا^ء تیته عیسی تو، یائیت مولا ۲ صیمون هق
 2 اورغ کلر فیتروس، فس تو اندریاس ادیق صیمون، یعقوب دغن
 ادیق نی یحیا، کدوان انق زبدی. فس تو فیلیف، برتلولومی، تومس،
 متیوس هق کرج کوتیف چوکی تو، یعقوب انق الفیوس، ثادیوس،
 3 صیمون سوروغ دالم قوم فکع بخسا یهودی تو، دغن یودس اسکریوت
 4 هق بوات درهاک کا عیسی، کسموان دوا بلس اورغ.

کرج دوا بلس اورغ تو

فواق دوا بلس اورغ نيله، عيسىو سوروه باوا^۹ تيته دي
کي کا رات^۲ تمفت دالم نگري. فس عيسىو فسن کا دي بالس
ني: جاغن برجالن کي کو^۳ نگري اورغ بعسا لاءين، اتوا کو^۴
بندر اورغ سماريا دودوق.

تافي مو کا گيله کا تمفت اورغ اسرائيل کيت، هق دوق سروف
پيريع سست جالن.

فس تمفت مان^۲ مو نق کي تو، مو کا برشح کات: سمني ده
ماس توهن نق تورون فرينته اتس فواق مو بري سلامت!

فس عيسىو فسن لائي کات: بري هيبلله اورغ هق دوق
ساکيت. بري هيدوفله اورغ هق ماتي ده. بري ليچينله کوليت
اورغ پياکيت بادم، فس هنتو شيطلن فون مو کا همبت توبیت
داروغ جوگ. کواس مو سوره تريما^۱ ني، توهن بري فري کقد مو.
مو فون کا بريله کا اورغ لاءين سروف تو جوگ.

جاغنه مو کيلس مس فيرق هق سكيليع فون.

راگ بوات بوه بکل، مو تاء^۱ کنا باوا^۴. کاءين باجو، کاسوت هق
نق بوات ساليں اتوا توغكت کایو فون، تاء^۱ کنا باوا^۴ جوگ.

کران اورغ کي کرج، فاتوته دي نق بوليه ماکن درف دکرج دي تو.
بيلا مو کي سمني کا ساتو بندر اتوا کمفوغ فون مو کا فرهاتي
تيغوق بري موليق، اورغ مان هق سوغ فانتوت بوليه تومفع، فس
کي دودوق درومه دیاله هيغک مو نق کي کا لاءين فول.

بلوم فد نق ماسوق رومه تو، مو کا بري سلام. کالو توان رومه
تريما سلام هق مو بري تو، موليقله. تافي کالو زي تاء^۱ سير تريما،

سلام تو نق کليق کا مو فول. فس کالو اد اورغ دساتو رومه
اتوا کمفوغ فون، هق جيبيه تاء^۱ سير دغر فرکتائن مو، بيلا مو
تيغکل تمفت تو، مو کا کبس دبو تانه تمفت تو دکاكی مو.

سسوغڭوھن، عيسى گات، فد ھاري قيامة، اورغ دنگىي صودوم
لغن نىڭىي گومورە ھق توهن حکوم دە، نق سېڭ فد اورغ
اسراءيل ساڭىي، ھق جىبىيە تائىسىر دغۇر خبر فواق مو تو.

كسيقسائىن نق تىيمفا اتس اورغ ھق باۋا تىيە عيسى

ايغىتلە، عيسى گات، اکو سوروھ مو توبىت كى كۈچ جالن ھق
اد مىرىھيا، سروف بىرىيئۇ ھق دوق كفوغ دېباتغ بىيغىئۇ. مو
كىا فرهاتىي لىغۇن ھالوس ھالوسى سروف دىغان اولر برجالن.
فس مو كىا جادى اورغ بىتول، تائىندىي مەقىانە كا اورغ، سروف
لۇغۇن بوروغ مرفاتىي . . .

مو كىا جاڭالە، كىان اد اورغ ھق نق باۋا مو كىي رافن
جىلىس كىتوا اوكام، فس دى نق جاتوه حکوم فيات اتس مو
دالىم مسجىد اورغ يەھوپى كىت.

بى نق ھېرىق فواق مو نى كىي رافن كىتوا كراجاءن كاتىق،
كىي سەمفىي كا راج نىڭىي فون، كىان مو كاسىيە كا اکو.
بالس تو لە مو اد فلواڭ بولىيە جانى سقسىي چارا حال اکو
كا دى، فس كا اورغ بىسما لائىن كاتىق . . .

بىلا اورغ امبىق مو كىي سرە كا كىتوا تو فون، مو تائىھە روسيغىلە
اف مو نق كىچىق، اف مو نق روپىت. فد كتىك تو جوڭ،
توهن نق بىرى مو تاهو دالىم ھاتى، بالس مان مو كىا جواب
كا فواق تو.

كىان سسسوغڭوھن بىكىن مو سىندىرىي ھق كا جواب كا دى،
تافىي روح توهن باف مو نق فاكىي مولوت مو جواب كا دى.
فد ماس تو، اورغ نق سرە ادىق بىرادىق بى سىندىرىي، بىرى
اورغ امبىق كىي بونوه. چىئىنق سرە انق بى سروف تو جوڭ.
انقۇ فون نق رەھاڭ كا اىپيو باف، ھېيغىڭ سەمفىي نق سرە
بى كا اورغ امبىق كىي بونوه كاتىق . . .

15

16

17

18

19

20

21

- 22 سموا اورغ نق بنچي کا فواق مو دغۇن ساپىت اکو، عىسى كات.
 تافي كالو مودوق صبر سەمفي سود، تنتو مونق بولىيە سلامت.
 23 بىلا اورغ بوات پاش كەد مۇ دالىم ساتو بىندر، مۇ لارىلە، كى دودوق دالىم بىندر لائىن فول. كران اکو روپىت كەد مۇ كات سوغىڭوھ، تاءدان سوردە كرج مۇ دالىم بىندر ۲ كەمفۇغ ۲ دىنگىي اسرايىل، تنتو اکو مائنسىي ھق تۈرون دىشىگ نى نق مارى فول.
 24 انق مرىيد تاءلييە بىسرىد توان گۇرو رى. كولىي ھق كرج فون، تاءلييە بىسرىد توکىيە رى. نق! فانى دە كالو اورغ بوات کا
 انق مرىيد سروف بوات کا توان گۇرو رى. فانى دە كالو اورغ بوات کا كولىي فون سروف بوات کا توکىيە رى.
 25 كالو اورغ كىلر فەتكىيل توان رومە دغۇن نام كفلا ھېيليس، بعىيل زبۇل تو، تىتتولە رى نق كىلر فەتكىيل انق ۲ رومە تو دغۇن نام ھق تىرۇق لاكى، بوكن؟

مو كىتا تاكوتلە کا توهن بوكن کا مائنسىي

- 26 فس عىسى كات: مو جاغنى تاكوتلە کا مائنسىي، كران اف ۲ ھق دوق سوسوف، توهن نق بىرى نەملىق دە، اف ۲ ھق دوق اىيچت دالىم هاتى، نق تىرىوك.
 27 ھق اکو دوق روپىت کا فواق مو دالىم گلەن نى، مو كىا توبىت كى روپىتلە دالىم چەرە. ھق مو دغۇن دغۇن سولىت فون، مو كىي روپىتلە دالىم مجليس تەمفت اورغ رامى.
 28 جاغنلە تاكوت کا مائنسىي، ھق اد كواس بولىيە بونوھ توبوھ مو، تافي روح تائماتى. دق! مو كىتا تاكوتلە کا توهن ھق اد كواس بونوھ توبوھ دغۇن روح فون، دافىي نراك.
 29 فس اىيچتىلە، عىسى كات، بورۇغ تىياق، اورغ جوال دىكىي سەكوفۇ دوا اىيكور. ولو ھەرك مورە بالس نى فون، تافي سئىكۈر بورۇغ تو جاتوھ کا تانە، توهن باف مو تاھو دە.

- فواق مو فون توهن تاهو سموا، هیغگ سمفی بیلئ بیلاخن 30
اورت ربوبت مو.
- سابیت تو، جاغن تاکوتله! فواق مو اد هرگ کا توهن لبیه 31
فدرگ بوروغ تیاق بربیو ۲ ایکور لائکی.
- فس، ایغتلہ، عیسی کات، سیاف نی معاکو رافن اورغ کات 32
ری جاری میلیق کو، اکو فون نق معاکو رافن باف کو
دشرگ کات اورغ تو جاری میلیق کو جوگ.
- تافي سیاف نی تاءسیر معاکو رافن اورغ کات نی میلیق کو، 33
اکو فون تاءسیر معاکو رافن باف کو دشرگ کات اورغ تو جاری
میلیق کو جوگ.

اورغ هق توروت عیسی کی تاءلیه دوق سنغ

- فس عیسی کات لائکی: جاغن فواق مو سفک کات توجون 34
اکو ماری کا دنیا نق بربی سموا مائنسی دوق بائیک سام
سنديري. نق! هق! اکو باواء ماري نق جاري سروف فدغ هق
بله بربی اورغ جاري فواق ۲.
- انق جنتن نق فچه بله دغناں چیء ری، انق بتینا دغناں 35
مق نی، منتو دغناں توء منتوا نی فون.
- سترو ۲ هق تروق دغناں اورغ تق جاري کلوارگ هق ری سنديري. 36
سسوڠکو ھن، کالو سیاف دوق کاسیه کا ایبو باف نی لبیه
فدری کاسیه کا اکو، تاءفاتوت نی نق جاري انق مرید کو.
- فس سیاف دوق کاسیه کا انق جنتن بتینا لبیه فدری 37
کاسیه کا اکو، تاءفاتوت نی نق جاري انق مرید کو جوگ.
- کالو سیاف تاءسیر فيکول کایو امف چابغ کی سکاکی دغناں 38
اکو، تاءفاتوت اورغ تو نق جاري انق مرید کو.
- اورغ هق سایع کا پاوا نی، نق هیدوف هق سجاتی تاءلیه. 39

تافی اورغ هق جوغ سره پاوا نی نغن کران اکو، تنتو نق بولیه
هیدوف هق سجاتی.

فهلا ۲ هق توهن نق هدیه

40 فس عیسی کات لاكی: اورغ هق سوک سمبوت فوق مو،
جاری سروف نی سمبوت اکو جوگ. فس اورغ هق سمبوت اکو،
سروف نی سمبوت توهن هق سوروه اکو ماری.

41 فس کالو سیاف سوک سمبوت اورغ نغن سابیت اورغ تو باوء خبر
تهن ماری، تنتوله توان نغن اورغ هق ماری تو، کدواش نق
تریما فهلا درف دوهن. فس کالو سیاف سوک سمبوت
اورغ نغن سابیت اورغ تو بائیک، تنتوله توان نغن اورغ بائیک
تو، کدواش نق تریما فهلا درف دوهن جوگ.

42 فس ایقتله، عیسی کات، کالو سیاف تولوغ بري ایر سجوق
ساج فون، کا اورغ، ولو اورغ تو فریشك رنده سکالی فون نغن
کران اورغ تو جاری میلیق کو، تنتوله توان هق بري ایر تو،
نق تریما فهلا درف دوهن.

باب 11 یحیا هنتر انق مرید نی کی کیچیق نغن عیسی

1 بیلا عیسی سوده بري سموا فسنن نی کا فوق صحابة نی
دوا بلس اورغ تو، نی سندیری فون تیغکل تمفت تو، فس کی
مثاجر سرو خبر نی دالم سموا کمفوغ بالیق تو.

2 فد ماس تو، یحیا هق بیاس بري تریما روکون مندی تو، نی
دوچ دالم کوق. بیلا نی دغر خبر چارا حال سموا فرکارا هق
المسيح دوق بوات نغن کواس نی، یحیا فون هنتر انق مرید
نی دوا تیگ امفت اورغ کی کیچیق نغن عیسی کات: سوگکوہ که
دق، توان نی هق توان کیت یحیا رویت کات نق ماری ماس کوء
رافن؟ جیلا توان نی که؟ اتوا کا ننتی هق لائین لانگی؟

- 4 عیسی جواب کا دی: مو گلیق رویتلہ کا یحیا، فرکارا ۲ هق مو
دوق تیغوق دوق دغر، دسینی:
- 5 اورغ مات بوت، بولیه چلیق،
اورغ برجالن کیچوq، بولیه برجالن بتول،
اورغ پاکیت بادم، کولیت دی لیچین ده،
اورغ تلیغا تولی، بولیه نغر ده،
اورغ ماتی فون هیدوف گلیق سمولا،
فس خبر یئع بائیک درف دوهن
کی سمنی کا اورغ هق سسق.
- 6 براونتوغلہ اورغ هق تاء سک هاتی چارا حال اکو، عیسی کات.

عیسی رویت چارا حال کرج نبی یحیا

- 7 تکه انق مرید یحیا تغہ دوق گلیق، عیسی فالیغ کیچیق
بغن اورغ رامی چارا حال نبی یحیا، کات: بیلا مو کی تمو رغن
یحیا، تکه دی دوق دفارغ فاسیر دولو، مو هارف نق تمو
بغن اورغ لاکو مان؟ اورغ سروف سلائی رمفوٹ دوق سیوف
داغین که، لیوت کوئ تو، لیوت کوئ نبی؟ نق! دی بوکن بالس
تو.
- 8 اتوا مو هارف نق برتمو رغن اورغ هق فکاین سرب مولیقکه؟
نق! اورغ هق فاکی بالس تو، دوق دالم کوت راج، بوکن
دفارغ فاسیر.
- 9 رویتلہ، مو هارف نق تمو رغن اورغ لاکو مان؟ تنتو سئورغ
نبی، بوکن؟ ها سوگکوہ، فس دی هق مو تمو دسیتو،
فریشکت دی تیغکی فد نبی لاکی.
- 10 کران یحیا تولہ اورغ هق اد سبوٹ دالم کتاب نبی ۲ دولو،
کات:

اینیله فسوروه کو، کات توهن. اکو هنتر نی کی
دولو قد مو، نق سیمفون جالن انتوق مو!

ایغتلە، عیسیٰ کات، تاءَار سئورغ نبی هق تیمبول ماری دالم
فواق مائنسی هق تیغکىي فد يحیا، تافی اورغ هق فریشكەت
رنده سکالىي، هق بولیه ماسوق دوق باوه فرینته توهن لانی،
نبی تریما فریشكەت تیغکىي فد يحیا لاکى.

11 فس، عیسیٰ کات، جق دماس يحیا تیمبول ھیغەك سمفی کا
ماس لانی، اد اورغ بیشكىغ، نق بوات خيانة تاءَسیر بزى اورغ
ماسوق دوق باوه فرینته توهن.

12 سموا نبی ۲ سکالىي دغۇن کتاب تورات، ھیغەك سمفی نبی يحیا
سائنىي، دوق رویت چارا حال فرینته توهن تو.

13 کالو مو جوغ فرجچاي هق نبی ۲ تو رویت، يحیا نيله جاري
الياس، هق کتاب ۲ تو جنجى نق ماری دولو فد المسيح.
کالو مو اد تلیغا، مو نغرله!

بندىغۇن دغۇن بودق ۲ هق تاءَسیر بلاك

14 فس عیسیٰ کات: اکو نق بندىغۇن دغۇن گاف، اورغ هق دوق اد
ماس لانی؟ سسوغۇھەن فواق مو سروف دغۇن بودق ۲ هق دوق
مائين رکىي. اد ساتو فواق هق اجق فواق لائين کات:

15 کيت مائين سرونىي نق بزى سوک ۲ سروف كرج منىكاح، تافى
فواق مو تاءَسیر منارى. کيت پاپىي لاکو بلس فول، سروف كرج
اورغ ماتىي، تافى فواق مو تاءَسیر تریاق!

16 نبی يحیا ماری فواس، دغۇن تاءَماكن تاءَمینوم اير باوه جابىت
سکالىي، فس سموا اورغ کات: رى ماسوق ھنتو جانى كىلا.
اکو مائنسىي هق تورون شىرىڭ نى ماكن بلاك، فس سموا اورغ کات:

تیغوقله، ری ماکن لوبا، ماکن ارق فون جوگ . تیغوقله، ساءین ۲ ری اورغ هق کوتیف چوکی رغن اورغ هق ترهینا سموا ! بلرله ری کیچیق بالس تو، عیسی کات، تافی فرکارا هق توهن بربی جاري، تنじوچ کات توهن تاء بووه . هق ری بوات تو، مولیق بلاک .

بندر ۲ هق تائسیر فرچای

لفس تو عیسی مولا^ئي سبوت نام تمفت ۲ هق ری بیاس 20
بری نمفق کواس ری رغن بوات فرکارا ۲ هق فلیق اچف کالی ده .
فس عیسی تگه اورغ هق دوق دتمفت تو، هق تیغوق ده کواس
ری تافی تائسیر توبه تیغکل دوسا ری . عیسی کات بالس نی :
21 هی اورغ خورازین ! هی اورغ بیت صاءیدا ! نق تروق سوغکوه ،
فواق ۲ مو . کالو اورغ دبندر صور رغن بندر صیدون هق فونه
ده تو، اد فلواغ دولو بولیه تیغوق فرکارا ۲ فلیق هق اکو دوق
بوات رغن کواس توهن دالم بندر ۲ فواق مو ، تنتو ری توبه
لام ده ، فس فاکی کاءین کاسر رغن بوبوه ابو اتس ک فلا ،
جاري تند کات ری سسل سوغکوه کران دوسا ری .

ایغتله هق اکو نق رویت نی ، عیسی کات، فد هاري قیامة 22
تهن نق تنじوچ کسیاغ بلس لبیه بسر کا اورغ ۲ بندر صور
رغن بندر صیدون تو، فد ری نق تنじوچ کا فواق مو ، اورغ
خورازین رغن اورغ بیت صاءیدا .

فس فواق مو هق کمفوغ کفرناحوم فول مو نق اغکیت دیری 23
مو بری سمفی کا لاغیت که؟ ننتی تیغوقله تمفت مو نق جاتوه
دنراک ! کالو اورغ دبندر صودوم اد فلواغ دولو بولیه تیغوق
فرکارا ۲ فلیق هق اکو دوق بوات رغن کواس توهن دالم کمفوغ
مو ، تنتوله بندر ری تو تاء فونه ، دوق اد هیغک سمفی لانی .
ایغتله هق اکو نق رویت نی ، عیسی کات، فد هاري قیامة 24

توهن نق تنجووک کسیاگ بلس لبیه بسر کا اورغ بندر صودوم تو
فده نی نق تنجووک کد مو.

عیسی اجق کیت ماری برارو لته

فده ماس تو جوگ، عیسی برعما کات:

یا باف کو هق دوق فرینته اتس لاغیت اتوا دبومی فون،
اکو اوچف تریما کاسیه کران فرکارا هق توهن سوسوف
درفت اورغ هق مخاجی تیغکی، لانی بوک ده بري تاهو
کا اورغ فریشکت رنده، هق تاءاد علمو.

یا باف، بالس نیله هق باف برکن نق بوات.

فس عیسی کات: باف کو سوده بري سموا فرکارا کا اکو نق فرینته.
تاءاد سیاف بولیه کدل انق یغ ساتو دغун سمنفرن ملینکن باف
ساج، فس تاءاد سیاف بولیه کتل توهن باف دغون سمنفرن،
ملینکن انق یغ ساتو، سکالی دغون اورغ مان ۲ هق انق یغ ساتو
تو اد کهندق نق بري کتل دغون توهن باف.

ماری چاری اکوله، عیسی کات، فواق مو سموا هق بوات کرج
لتیه، هق فیکول تغکوغن برت. اکو نق بري مو برارو لته.
تریماله دنبیغ کو، فس ماری بلاجر درفت کو، کران اکو نی جایی
اورغ هاتی لمد لمبوت، هق تاءاغکیت دیری، فس مو نق بولیه
هیلغ سوسه هاتی.

کران دنبیغ هق اکو نق بري کدما مو، با فادن، فس تغکوغن
هق اکو نق بري مو فیکول فون، ریغن.

اورغ ماری تاث چارا حال هاری میغکو

باب 12

لفس تو تاءلام، فد ساتو هاری هاری میغکو، عیسی دوق
برجالن اتس باتس بندغ گندوم. فواق صحابة عیسی براس

لافر . نی فون گتسوں گندوم هق ماسق تو، ستفکائی ستغکائی،
نق ماکن .

بیلا فوق فریسی نمفق هق فوق صحابة تو بوات، نی کات
کا عیسی: تیفوقله! صحابة ۲ مو دوق گتسوں تو، لغکر حکوم
تورات، هق لارغ تاءبری بوات کرج فد هاری میغکو.

تافی عیسی جواب کات: مو تاءبیاس باچاکه ایات ۲ چارا حال
نبی را؟ ورد؟ تکه نی رعن انق تاغن نی دوق لافر، نی بوات
بالس مان؟

نی ماسوق تمفت بوات عمل، فس ماکن روتي هق اورغ سمه
رده کا توهن . نی تاءکیرا کات حکوم دالم کتاب تورات لارغ
تاءبری ماکن روتي تو کا سیاف ، ملینکن کا فوق امام ساج .
فس ایختله سا لاکی، عیسی کات . مو تاءبیاس باچاکه، ایکوت
کتاب تورات، فوق امام ۲ کا بوات کرج نی دالم بیت المقدس
کنف ۲ هاری، تاءکیرا کات هاری میغکو . نمفق سروف نی لغکر .
حکوم هق لارغ تاءبری بوات کرج فد هاری تو، بوکن؟ تافی هق
نی بوات تو تاءساله .

نق! اکو رویت کا فوق فریسی مو کات، اد رسینی هق
مستحاق لاکی فد بیت المقدس .
فس اد ایات دالم کتاب هق کات:

{ هق اکو توهن برکن یائیت کسیاغ بلس
مو اکو، بوکن قربان بناثع باپق ایکور . }

کالو فوق فریسی مو ارتی سوغلکو معنا دالم ایات نی، تنتو
مو تاءبرانی نق حکوم اتس اورغ هق تاءساله .
کران اکو ماءنسی هق تورون دشراک نی، اد کواس بولیه فرینته
اتس هاری میغکو تو جوگ .

اورغ هق تاغن ماتي سبله

- 9 فد هاري ميغکو تو، عيسى فون تيغکل تمفت تو ، کي
ماسوق دالم مسجد اورغ يهونى .
- 10 دسيتو اد اورغ ماتي تاغن سبله . فس اد سفواق دالم مسجد
تو ، نق تودوه عيسى کات يى ساله . ساپيت تو يى کي تان
عيسى کات: بوليهکه بري هيلىغ اورغ فد هاري ميغکو ، اتوا نق
لغکر حکوم تورات بوات بالس تو ؟
- 11 عيسى فون تان باليق کات: ميسل فواق مو اد بيریغ سئيكور .
کالو جاتوه دالم لوبيغ فد هاري ميغکو ، مو نق اگکيت ناچك
کا دق ؟
- 12 تنتو مو کنا اگکيت . فس ، ما ئنسى اد هرگ تيغکي فد بيریغ
باپق کالي کندا لاکي ، بوکن ؟ ساپيت تو کتاب تورات بنر بري
کيت بوليه تولوغ اورغ فد هاري ميغکو جوگ .
- 13 فس عيسى فالېغ کات کا اورغ ماتي تاغن سبله تو :
هولورله تاغن مو کو ئي ! يى فون هولور تاغن تو ، فس
جاري موليق سروف سبله باليق تو سلالو .
- 14 تافي فواق فريسي تيغکل تمفت تو ، کي مشورت روق فيسه
چاري جالن نق بونوه عيسى .

عيسى هق توهن فيليه بوليه تولوغ ما ئنسى

- 15 بيلال عيسى دغر خبر کات فواق فريسي اد توجبان نق
بونوه يى بالس تو ، يى فون هوندور درف دمفت تو ، فس اد
باپق اورغ هق توروت يى کي . اورغ هق ساکيت ، عيسى بري
سيار بلاک ، دغن لارغ کا يى تاء بري يى رویت کاسيايف ۲ فون .
- 16 عيسى بوات بالس تو نق بري جاري سروف هق توهن سوروه
نبى يعشيا رویت دولو کات :
- 17

اینیله اورغ هق اکو سوده فیلیه نق جاری

18

فسوروه کو، توهن کات. دیاله هق اکو کاسیه،
اکو برکن کا ری سوغکوہ. اکو نق تورون روح کو
اتس ری سوروہ نی کی رویت کا تیف ۲ بعسا
کات توهن دوق بوات هق عادیل سعمور.

19

اورغ هق اکو فیلیه نی، توهن کات،
بوکن اورغ هق دوق بیاس کلاھی باله،
بوکن ری کی کوسنر دالم کدی کات دیری ری بسر.
ری تا^ء کرت تاھوق اورغ هق دوق سروف
نیروغ چولا^ء ری تورون، اورغ هق دوق سروف
فلیتا تا^ء مپالا قواة فون، ری تا^ء همبوس.

20

اورغ هق اکو فیلیه نی نق تبیغ بوات کرج ری
ھیغگ سمفی سموا هق عادیل نق منغ.
فس اورغ گف ۲ بعسا بولیه هارف کا ری.

21

کواس عیسی دغن کواس ھیبلیس

لفس تو اورغ باوا^ء ماری کا عیسی، سئورغ ماسوق هنتو هق
بات بري ری مولوت بیسو، مات بوت. عیسی فون بوات بري
اورغ تو بولیه کیچیق بولیه نمفق سروف سدیا.

22

اورغ هق دوق رامی ۲ دسیتو فون براں حیران ساعت، فس
فاکت کیچیق سام ری کات: جیلا که عیسی نی، هق جاری
کتورون راج راء ود هق توهن جنجی تو؟

23

تافی بیلا فوق فریسی دغن بالس تو، ری کات: نق! هق ری
بولیه همبت هنتو توبیت تو، امبیق کواس دکفلا ھیبلیس،
بعیل زبول.

24

- عيسيو فون تاهو فيكيران فواق فريسيي تو، فس يي كات : كالو
ساتو نكري فجهه بله جاري فواق ۲ هق لاؤن سام سنديري،
تنتو نكري تو تاءـتاهن لام . اورغ دالم ساتو بندر اتوا سبواه
رومده فون ، كالو يي فجهه بله ، تنـتو تاءـلام نق جاري هنچور .
- فريـنته كـلا هيـيليس فـون تـاءـلـاءـين جـوـگـ . كالـو فـواـقـ هيـيلـيسـ دـوقـ
برـلاـونـ سـامـ سـنـدـيرـيـ ، معـنـانـ رـيـ فـجهـ بلـهـ دـهـ ، تـاءـلامـ فـريـنهـ
كـلاـ هيـيلـيسـ توـ نقـ فـونـهـ .
- فس ، فيـكـيرـلـهـ سـيـكـيـتـ ، عـيـسـيـ كـاتـ . فـواـقـ موـ كـاتـ اـكـوـ اـمـبـيقـ
كـواـسـ دـبـعـيلـ زـبـولـ ، كـلاـ هيـيلـيسـ توـ ، بـولـيهـ هـمـبـتـ هـنـتوـ
تـوبـيـتـ . كالـوـ كـيـتـوـ ، اورـغـ دـالـمـ فـواـقـ موـ هـقـ فـنـديـ هـمـبـتـ هـنـتوـ
تـوبـيـتـ ، يـيـ اـمـبـيقـ كـواـسـ يـيـ دـمانـ ؟ تـانـ لـهـ يـيـ ، فـسـ جـوـافـنـ
يـيـ تـنـتوـ نقـ بـرـيـ موـ تـاهـوـ كـاتـ ، هـقـ موـ اـدـوـ كـاـ اـكـوـ يـيـ بـوهـوغـ .
- جـارـيـ روـحـ توـهـنـ هـقـ بـرـيـ اـكـوـ كـولـسـ بـولـيهـ هـمـبـتـ تـوبـيـتـ هـنـتوـ .
- فسـ هـقـ يـيـ جـارـيـ تـنـداـ چـرفـ كـاتـ توـهـنـ توـرـونـ مـيرـنـتـهـ دـهـ
دـالـمـ فـواـقـ موـ .
- فسـ مـيـسـلـ لـاـكـيـ ، عـيـسـيـ كـاتـ ، تـاءـادـ سـئـورـغـ نقـ مـاسـوقـ سـامـونـ رـومـهـ
اورـغـ كـاـكـهـ ، مـلـينـكـنـ يـيـ كـرـجـوغـ توـانـ رـومـهـ دـولـوـ ، بـارـولـهـ بـولـيهـ رـمـفـسـ
هـرـتـ بـنـداـ يـيـ .
- سيـافـ يـيـ تـاءـسـيرـ دـوقـ سـبلـهـ اـكـوـ ، عـيـسـيـ كـاتـ ، سـرـوفـ يـيـ دـوقـ لـاؤـنـ
لغـ اـكـوـ . فـسـ سـيـافـ يـيـ تـاءـسـيرـ تـولـوغـ اـكـوـ بـرـيـ جـارـيـ سـفـوـاقـ ،
تنـتـولـهـ يـيـ نقـ بـرـيـ فـواـقـ كـوـ مـچـهـ .
- ساـبـيـتـ تـولـهـ ، عـيـسـيـ كـاتـ ، اـكـوـ نقـ بـرـيـ كـاـ فـواـقـ موـ اـرـتـيـ كـاتـ دـوـسـاـ
مانـ ۲ هـقـ مـاءـنسـيـ بـوـاتـ اـتـواـ هـقـ يـيـ دـوقـ كـيـچـيقـ هـوـدـوـهـ ۲ فـونـ ،
توـهـنـ بـولـيهـ اـمـفـونـ كـاـ يـيـ جـوـگـ . تـافـيـ كالـوـ سـيـافـ كـيـچـيقـ هـيـنـاـ
- چـارـاـحـ روـحـ توـهـنـ ، اورـغـ توـ توـهـنـ تـاءـلـيـهـ اـمـفـونـ .
- كـالـوـ سـيـافـ كـيـچـيقـ هـيـنـاـ چـارـاـحـ مـاءـنسـيـ هـقـ توـرـونـ دـشـرـگـ يـيـ

فون، اورغ تو بوليه رافت امfon . تافي سیاف کیچیق هینا چارا
حال روح توهن ، تنتو اورغ تو تاءد جان نق بوليه امfon ،
ردنیا اتوا داخنیة .

فرکارا هق نمفق دلوار جاري تندا هق دالم

33 فس میسل لاگی، عیسو کات، کالو کیت نق بوليه بواه کایو
هق مولیق، تنتو کا اد فوهون هق مولیق. کالو فوهون تاء
مولیق، بواه ری تو فون تاءمولیق جوگ. کیت تاهو بالس مان
فووهون دغن بواه ری .

34 هي فواق مو هق سروف دغن اولر بیسا! مو نق کیچیق هق
مولیق بالس مان؟ سبب هاتی مو تو تاءمولیق. هق دوق فنه
دالم هاتی تنتو کا ملیمغه توبیت کوء مولوت، بوکن؟
اورغ هاتی مولیق نق امبیق توبیت بارغ ۲ هق مولیق، هق
ری تاروه ده دالم بکس هاتی ری . اورغ هق هاتی جاھت فون
کنا امبیق توبیت بارغ ۲ جاھت هق ری تاروه ده دالم بکس .
هاتی ری تو .

35 فس بغرله، اکو نق بری مو ایغت، عیسی کات، فد هاری قیامه
کنف ۲ اورغ کنا تغکوغ جواب رافن توهن ، دغن سابیت کنف ۲
فرکتائن تاءترفاکی، هق ری بیاس سبوت .

36 کران توهن نق کرت سین اتس مو، حکوم ساله اتوا تاءساله
ایکوت فرکتائن مو تو .

کتوا ۲ اوکام سوروه عیسی بوات فرکارا فلیق

38 فس اد کورو ۲ کتاب تورات دغن اورغ دالم فواق فریسی ،
فاکت ماری کیچیق دغن عیسی کات: توء کورو، کیت براں نق
تیغوق ، بواتله ساتو فرکارا هق فلیق !

39 تافي عیسی جواب: سابیت اورغ ملس لانی دوق چاری نق تیغوق

فرکارا فلیق کران هاتی نی جاهت، تیغکل ده کاسیه کا توهن،
تافي توهن تاء بری تندادان ۲ فون کا ری ملينکن تندادا هق نبی
یونس ساج.

40 بالس مان یونس دوق دالم فروت ایکن فاء وس دالم لاوت تو ،

سمفي تیگ هاري تیگ مالم ، بالس تو اکو ، مائنسی هق تورون
دشرك فون ، کا کمبوس دالم بومي تیگ هاري تیگ مالم جوگ.

41 فس بیلا سمفی هاري هق توهن نق کرت سین اتس سموا

مائنسی ، فد هاري تو ، اورغ هق دوق دالم نکری نینیویه ماس

دولو تو ، نق برديري ادو فواق مو ، اورغ هق دوق اد ماس لاني
کات مو ساله سوغکوه . کران بیلا نی دغر خبر هق نبی یونس

باواه ماري کا ری تو ، نی باليق هاتی تیغکل دوسا ۲ ری . فس
اکو نق بری مو تاهو کات دسینی لاني اد هق بسر فد نبی

یونس لانکی ، تافي فواق مو تاء دغر ، عيسی کات.

42 فس بیلا سمفی هاري هق نق کرت سین تو ، راج بتينا

هق ماري دنکری باليق هولو ماس دولو تو ، نی نق برديري
ادو فواق مو قول ، سبب نی برجالن ماري جاء وه دسیریت دنيا

نق دغر نصیحة هق توهن بری فندي کا نبی سليمان تو .

فس اکو نق بری مو تاهو کات ، دسینی لاني اد هق بسر فد
نبی سليمان لانکی ، تافي فواق مو تاء دغر ، عيسی کات.

هنتو کا همبت توبیت ، ننتی نق ماسوق قول

43 فس ایفلته ، عیسی کات ، هنتو هق کنا همبت توبیت دتوبیوه

اورغ ، نی نق برجالن کی ماري دالم فانغ ، دوق چاري تمفت نق دودوق .

44 کالو چاري تائمو ، هنتو نق کات: ها ، اکو نق گلیق دوق دتمفت

سدیا . فس سمفی کا تمفت سدیا تو ، تیغوق تمفت تو دوق کوسوغ

چوچی برسیه له .

45 فس هنتو سائني ، ني کي چاري سائين ۲ ني توجوه ايکور هق بېشكىغ فد ني لاکي ، اجق ني ماري دوق سکالىي دالم تمفت سديا تو ، بوات جاري رومه ني . تنتوله کاءارائن اورغ تو نق تروق لبىه فد دولو . جاکاله ، عيسى کات ، اورغ ۲ ملس لانى هق هاتى کاروت نق جاري سروف نى جوڭ .

مق دغۇن ادیق ۲ عيسى ماري چاري نى

46-47 تغەم ۲ عيسى دوق كىچيق دغۇن اورغ رامى تو ، مق دغۇن ادیق ۲ عيسى سەمفىي دوق دافن رومه ، چاري چله نق ماسوق كىچيق دغۇن عيسى . فس اد ساتو اورغ رویت کا عيسى کات : هي توان ! مق دغۇن ادیق ۲ توان دوق ننتى دلوار نق كىچيق . عيسى فون کات کا اورغ تو : سياف نى هق جانى مق كو ، هق جارى ادیق ۲ كۆ ؟

48 فس نى تنجوق کا سموا انق ۲ مىيد نى کات : فوق نيله هق کا دغۇن اکو ، سروف مق دغۇن ادیق .
49 اورغ مان ۲ هق بوات ايکوت كەندىق باف کو دىشىگ ، دىالە ادیق ۲ کو جىتنى بتىينا ، اتوا فون مق كو ، عيسى کات .

عبارة اورغ منابور

باب 13

2-1 فد هارى تو جوڭ ، عيسى توبىت درف دوق رومه تو كى دوق كۆ ئەتفى لاۋت نق مىاجىر اورغ . جارى ، اورغ ماري بىرىھىمۇن نق دغۇر عيسى باپق ساغت ، سەھىغك عيسى نائىك فراھو ھوندور سىكىت . عيسى دوق دالىم فراھو تو ، سموا اورغ دوق دەتفى فنتىي .

3 عيسى فون رویت باپق فرکارا کا اورغ رامى تو دغۇن ماچم ۲ بىندىشىن ، كىتان بالسى نى :

- اد سئورغ کی تابور بنیه فاری . بلغ ۲ نی دوق تابور تو ، اد بنیه
4
حق جاتوه تغه جالن ، فس تو ماکن دبوروغ هابیس .
فس اد حق جاتوه اتس ثانه حق اد باتو بالیق باوه . بنیه حق
5
جاتوه دسیتو فون تومبوه نائیک بافت کران ثانه بالیق تو تا دالم .
تافی بیلا متھاری فانس تریق ، تونس ۲ بنیه تو کریغ ، کران
6
اکر نق تورون تا لیه .
فس اد فول حق جاتوه دالم دوری . دوری ۲ تو فون تومبوه
7
نائیک کاروت تونس . تونس فون تا لیه نائیک ، ممفوس .
تافی اد جوگ بنیه حق جاتوه دنانه سجوق . بنیه تو فون
8
تومبوه نائیک توبیت بواه مولیق . اد حق بوبوه سبوتیر برانق
سراتوس کالی کندا . اد حق برانق انم فولوه کالی کندا . فس
اد حق برانق تیگ فولوه کالی کندا .
فواق مو حق اد تلیغا ، دغله هق اکو رویت نی ، عیسی کات .
9

اد سبب عیسی فاکی عبارة

- لفس تو ، فواق صحابة عیسی ماری تان نی کات : با اف
10
توان گورو فاکی عبارة نق مثاجر فواق اورغ رامی ؟
عیسی فون جواب : توهن بربی ره کا فواق مو بولیه ارتی
11
رهسیا چارا حال فرینته نی اتس دنیا ، تافی کا فواق اورغ رامی
تو ، توهن تاسیر بربی ارتی لاکی .
کران اورغ حق ارتی ده ، توهن نق تمبه لاکی بربی چوکوف ارتی .
12
تافی کا اورغ حق تا ارتی توهن نق بربی هیلغ هابیس .
سابیت نیله اکو دوق مثاجر اورغ نغن فاکی عبارة ۲ رامی ،
13
عیسی کات ، سابیت نی دوق تیغوق تا نمفق ، نی دوق نغر
تا بربی ماسوچ هاتی .
حق نبی یعشیا دوق رویت دالم کتاب دلو پیتولن نغن اورغ
14
ماس لانی . ایات تو کات :

مو بولیه نغر، مو دوق نغر، تافي مو تا^{۱۶} ارتی.
 مو بولیه تیغوق، مو دوق تیغوق،
 تافي مات هاتی مو تا^{۱۷} نمفق.
 کران فیکیران فواق نی کهور جاری بیغوغ.
 نی فکوف تلیغا تاسیر بربی نغر،
 نی فجم مات تاسیر بربی نمفق،
 کران نی تاسیر نمفق، نی تاسیر نغر،
 نی تاسیر بربی هاتی نی تریما ارتی،
 نی تاسیر فالیغ کلیق کا اکو، توہن کات،
 نق تریما سلامت راکو.

15

16 تافي فواق مو هق جاری انق مرید کو فون لاءین، عیسی کات. مو
 جاری اورغ هق براونتوغ سکالی، سابیت مات مو بولیه نمفق،
 سابیت تلیغا مو بولیه دغر ارتی.

17 سسوغکوہن، عیسی کات، فواق نبی^۲ دغن اورغ هق طاعة کا
 توہن ماس دولو، باپق اورغ، براس نق تیغوق نق دغر، فرکارا^۲
 هق مو دوق تیغوق دوق نغر ماس لاني، تافي نی تا^{۱۸} اد
 فلواغ سروف مو!

عیسی هوراءی عبارة اورغ منابور

18 فس عیسی کات: دغله بربی ارتی عبارة اورغ منابور ساء^{۱۹} نی.
 19 اد اورغ هق نغر فرکتائن توہن چارا حال فرینته توہن دالم
 هاتی ما^{۲۰} نسی، تافي نی تاسیر تریما فرکتائن تو بربی ماسوقد
 هاتی. فس تو هیبلیس ماری رمفنس اف^{۲۱} هق توہن تابور دالم
 هاتی، بربی هابیس. اینیله معناش بنیه هق جاتوه تغه جالن تو.
 20 فس لاکی بنیه هق جاتوه اتس تانه اد باتو بالیق باوه. تانه تو

سروف دغун اورغ هق تریما فرکتائن توهن دغون سوک هاتی سلالو.
 21 تافی هق دی دغرن تو تاء لكت دهاتی کران اکرث تاء چوکوف. دی
 تاء لیه تاهن لام. بیلاری کنا کسوساهن اتوا اورغ بوات پاش
 کاری دغون کران فرکتائن توهن هق دی تریما تو، دی لوچوت
 سلالو. فس لاگی، بنیه هق جاتوه دالم دوری. تانه هق اد
 22 دوری سروف دغون اورغ هق دغرن فرکتائن توهن تو. تافی دی
 دوق بیمیغ کھیدوفن دی، ایفت کا هرت دنیا سعمور. فرکارا
 نیله هق دوق کھور ۲ بسر سهیفگ بري کاروت فرکتائن توهن
 تو، تاء لیه توبیت بواه.

23 فس لاگی، بنیه هق جاتوه اتس تانه هق سجوق تو، معنانش اد
 اورغ هق دغرن فرکتائن توهن تو، فس فرایخت سعمور. فرکتائن
 تو فون کھور ۲ بریواه دالم هاتی اورغ تو، هیفگ سمفی بولیه
 حاصلن هق مولیق. اد هق سروف بوبوه سبوتیر، برانق
 سراتوس کالی کندا. اد هق برانق انم فولوه کالی کندا. اد
 هق برانق تیگ فولوه کالی کندا.

عبارة لالغ دوق دتعه فارغ گندوم

24 فس عیسیو رویت لاگی عباره کات: بیلا توهن ماسوق فرینته
 دالم هاتی ما نسی، جانی سروف اورغ کی تابور بنیه مولیق دالم
 بندغ. تافی فد ساتو مالم، تفعه ۲ اورغ دوق تیدور، اد سئورغ
 سترو ماری تابور بنیه لالغ دالم گندوم هق بارو تابور تو.
 بیلا تابورا ب سانی تومبوه نایک هیفگ سمفی نق توبیت بواه.
 25 بارو بولیه تاهو کات لالغ اد دالم گندوم تو.
 اورغ ۲ هق ماکن اوشه جاگ بندغ فون، کی رویت کا توان دی کات:
 26 یا توان، توان تابور بنیه مولیق دالم بندغ، بوکن؟ فس، ماری
 دمان فوهون لالغ تو؟
 27 توان فون جواب: تنتو سترو اکو ماری بوات فرکارا نی. اورغ کرج

فون تاث فول کات: توان نق سوروه امب کی چابوت که لالع تو؟
 29 توان کات: تائسه له! تاکوت مو کی چابوت لالع ۲ تو، نق چابوت
 30 کندوم گاتيق. بлерله لالع تو دوق سکالی هیفگ سمنی فریاغ مفتم.
 سمنی ره فریاغ، اکو نق سوروه اورغ مفتم، چابوت لالع ۲ تو دولو،
 فرهیمغون برکس تاهوق دالم افي. فس تو کتم کندوم تو فرهیمغون ۲
 کی تاروه دتمفت نی.

عبارة بوتیر ساوي

عيسي رویت عباره سا لاکی نق بري نی فرهاتي دغر، کات:
 31 بیلا توهن ماسوق فرینته دالم هاتي مانسی، جاري سروف اورغ
 کی تام سبوتیر ساوي دالم فاکر دکت رومه.
 32 بوتیر ساوي تو بنیه هق هالوس سکالی، تافي بیلا نی تومبوه
 نایک کمیغ جاري کهور ۲ بسر، نی بسر فد سموا تنامن لائين،
 فس نی جاري فوهون، سهیفگ بوروغ ۲ بولیه بواس سارغ اتس
 چابغ نی.

عبارة ایبو روتي

عيسي فون رویت عباره سا لاکی کات: بیلا توهن ماسوق
 فرینته دالم هاتي مانسی، جاري سروف اورغ بتینا هق امبیق لیبو
 روتي ماری چمفور دالم کندوم تیگ کیلو. فس ایبو تو اد کواس نق
 بري سموا تفوغ تو کمیغ مولیق ۲.

اد سبب عیسی فاکی عبارة

34-35 فد ماس تو عیسی رویت سموا فرکارا کا اورغ رامي دغن فاکی
 عباره، هق لائين، دق. توجوان نی، نق بري جاري سوغکوه،
 سروف ساتو نبی رویت دولو لاکی، کات:

اکو نق فاکی ماچم ۲ عباره تکه نق کیچیق دغن فواق ۲ نی .

بالس توله، توهن کات، اکو نق رویت کاری
فرکارا ۲ هق دوق سوسوف دری اوال دنیا لائی.

عیسی هوراءی عبارة لالغ رتفه فارغ گندوم

- لفس عیسی بري سموا اورغ تو گلیق، نی سنديري ماسوق دالم 36
رومە. صحابة ۲ نی فون ماري نق کيچيق دغۇن عیسی کات: توان
گورو، تولوغ هورائىلە معنا عبارة رمفوت لالغ دالم فارغ گندوم
سانی، کیت تاً ارتى.
- عیسی فون هوراءی بالس نی کات: نی هق تابور بنىيە موليق دالم 37
بندغ يائىت مائنسىي هق تورون دشىگ نى .
- بندغ نی تو سروف دنیا. فس بنىيە هق موليق تو، سروف اورغ 38
هق سره هاتى دە کا فرینته توهن. لالغ تو فون سروف اورغ
هق سره هاتى نی کا فرینته شیطان.
- سترو سئۈرۈغ تو هق تابور بنىيە لالغ، دىالىھ كلا ھىپلىس. 39
فرىاغ مفتىم يائىت هارى قيامە فول. اورغ هق ماري مفتىم تو،
يائىت ملائىكە ۲ .
- فس، رمفوت لالغ هق بركس تاهوق دالم افي تو، نق جارى 40
سرروف تو جوڭ کا مائنسىي، فد هارى قيامە.
- مائنسىي هق تورون دشىگ نى، نق سوروھ ملائىكە ۲ نی توبىت 41
گى چابوت درف دواق هق دوق باوه فرینته توهن، سموا اورغ
هق تىيفو مائنسىي بري بوات دوسا، سکالى دغۇن اورغ هق
بوات جاھت لغڭ فرینته توهن .
- دواق نيلە، ملائىكە ۲ فرهىمىفون نق گى تاهوق دالم افي نراک. 42
دسيتو نق بويى سوارا ترياق مناغيس لغۇن كاچىت كىكى سېقسا
تروق .
- فد ماس تو، اورغ هق جارى ميليق توهن، چەپىا نى يىرسىنر توبىت 43

سروف چهيا متھاري، تکه دی دوق باوه فرینته توهن باف يي .

عبارة هرت قیرون

44 فس تو عيسى رویت عباره سا لکی کات: بیلا اورغ ماسوق دوق باوه فرینته توهن، دی سروف اورغ هق تیبا ۲ برتمو دفن هرت قیرون دوق کمبوس سوسوف دالم تانه. دی فون کمبوس سمولاء، فس کلیق جوال سموا بارغ ۲ دی دفن سوک هاتی، کی بلي تانه تو سلالو.

عبارة مات دلیما هق مولیق سکالی

45-46 بیلا اورغ ماسوق دوق باوه فرینته توهن، عيسى کات، دی سروف دفن اورغ منیاگ هق دوق چاري نق بلي مات دلیما هق مولیق . بیلا دی تمو ده سبوتیر هق مولیق سکالی فد هق لاءین، دی فون کی جوال سموا بارغ ۲ دی، کی بلي مات دلیما تو.

عبارة فوکت

47 بیلا توهن لتق فرینته دی اتس ما^ءنسی ، نق سروف دفن اورغ کی لاپوه فوکت دالم لاءوت تاهن ایکن ، فس بولیه ماچم ۲ ایکن . بیلا فوکت تو فنوه دفن ایکن بسر ایکن کچیک، گنف ۲ بفسا، اورغ هق میوکت تو تاریق فوکت هیفگ سمنی کا تفی فنتی ، فس اورغ میوکت تو دودوق دتفی فنتی ، فیلیه امبیق هق مولیق ، بوبوه دالم کینع . هق تاءار هرگ دی تاهوک . بیلا سمنی هاری قیامه ، نق جانی سروف تو جوگ ، عيسى کات . ملائیکه ۲ نق توبیت کی فیلیه اورغ جاھت توبیت درفت اورغ با^ءیک، فس تاهوک هق جاھت تو دالم افی نراک . دسیتو نق بوبی سوارا تریاق تاغیس دفن کاچیت کیکی سیقسما تروق . فس عیسی تان فوک صحابة دی کات: مو ارتی کا نق فرکارا ۲ هق اکو

دوق رویت نی؟ فوق صحابة فون جواب: ها توانکو، کیت ارتی ده!
عیسیو فون رویت کاری: اورغ هق بیاس بلاجر تورات هابیس ده،
فس لانی ری دوق بلاجر چارا حال فرینته توهن دالم هاتی گاتیق،
دیالله سروف توان رومه سئورغ هق ماسوق دالم بیلیق ری، فس دالم
هرت ری بولیه امبیق فرکارا هق لام، سکالی دغنا فرکارا هق بارو.

52

اورغ کمفوغ نصرة تائسیر رغر کا عیسیو

- بیلا عیسیو سوده مثاجر دغنا سموا عباره تو، ری فون تیغکل 53
تمخت تو کی هارف کو، کمفوغ تمفت اصل ری.
بیلا ری سمهفی ده، عیسیو کی مثاجر اورغ دالم مسجدید اورغ یهونی 54
دستیتو. سموا اورغ هق رغر فثاجران ری فون، براس حیران،
دوق تاش سام سندیری کات: ری امبیق دمان فندي مثاجر اورغ
بالس تو؟ فس کواس ری ماری دمان بولیه بوات فرکارا ۲ فلیق؟ 55
نی انق توکغ کایو تو، بوکن؟ مریم فون مق ری. فس یعقوب،
یوسف، صیمون، یودا تو فون ادیق ۲ ری بلاک، بوکن؟
ادیق بتینا ری فون ساءین کیت جوگ. ایه! ری بوات بالس مان 56
سموا فرکارا نی؟ فس، فوق ۲ کمفوغ ری تو تائسیر تریما ری.
تافی عیسیو رویت کاری کات: اورغ جاری نبی دمان ۲ فون اورغ بری 57
حرمة بلاک، ملینکن دکمفوغ ری سندیری، سفوفو سفویغ ری.
کران اورغ فرجای کا عیسیو کورغ رامی دکمفوغ ری تو، سابیت 58
تو عیسیو تاء بوات باپق فرکارا هق فلیق ۲

باب 14 یحیا هق بری اورغ تریما روکون مندی تو، کتا بونوه ماتی

- فدر ماس تو، راج هیروود هق مرینته دنگری گالیل، رغر خبر 1
چارا حال عیسیو. فس هیروود کات کا اورغ کاکی تاغن ری: ایه! اورغ 2
نی یحیاکه، هق بری اورغ تریما روکون تو؟ تاکوت ری هیدوف
کلیق سمولا. سابیت تو ری اد کواس بولیه بوات سموا فرکارا نی.

- هیرود کیچیق بالس تو کران دلوو، نی سوروه اورغ کی ایکت
3
یحیا ایکت بوبوه دالم گوق . نی بوات بالس تو کلن اورغ بتینا
سئورغ، نام هیرودیاس، بینی فیلیف ادیق هیرود تو.
کران یحیا کاچن لارغ هیرود کات: توانکو ساله حکوم کالو منیکاح
4
لغن ادیق ایفر هیرودیاس تو.
ف د ماس تو، هیرود فون براس نق بونوه یحیا بربی ماتی، تافی
5
نی تاکوت کا رعیت نی رامی تو، هق حرمه کا یحیا کات نی
جاری نبی .
7-6 تافی ف د هاری فرایشتن هاری برانق راج هیرود، انق بتینا
هیرودیاس دوق مناری دافن راج دتمفت جامو، بربی راج هیرود
براں برکن سوگکوھ . هیرود فون جنجی لغن برسومغه ، کات،
اف ۲ هق بولق تو نق ، نی نق بربی بلاک .
7
مق بودق تو فون اجر انق نی، سوروه نی مینتا، ساتو فرکارا.
انق نی فون مینتا بالس نی : امب نق مینتا کفلا یحیا هق
بری اورغ تریما روکون مندی تو، بوبه دالم فیغکن بربی کا امب نی !
8
بیلا هیرود دغر بالس تو، نی فون براس سوشه نق بوات،
تافی ترفقسا کا بربی جوگ، کران نی مالو جنجی دافن اورغ
9
رامی بالس تو .
نی فون سوروه اورغ کی بونوه یحیا دالم گوق لغن فنچوغ تک .
10
اورغ تو فون باوا کفلا یحیا بوبه دالم فیغکن ماری بربی کا بولق .
11
بتینا . بودق بتینا تو فون باوا کی بربی کا مق نی فول .
لالو انق ۲ مرید یحیا ماری امبيق مایت نی کی تانم . لفس
12
تو، فوق نی فون کی رویت کا عیسی چارا حال یحیا .

عیسی بربی ماکن کا اورغ لیم ریبو اورغ

- بیلا عیسی دغر کات هیرود سغک کات یحیا هیدوف کلیق
13
تو، نی فون تیغکل تمفت تو، نائیک فراهو جمرغ کی دوق

- کا تمفت سوپی سئورغ نی . تافي اورغ رامي تاهو کات عيسى
کی بالس تو . نی فون فاکت توبیت د بندر ۲ نی ، توروت کی
کا تمفت عيسى ، کوء دارت .
- بیلا عيسى تورون فراهو نمفق اورغ برلومبا ۲ ماری ، نی فون .
براس کسیاغ کا فواق تو . دالم رامي ۲ تو اد جوگ اورغ ساکیت .
- عيسى فون بري سیلار بلاک .
- سمفي فتح کارغ صحابة ۲ عيسى ماري کیچیق دعن نی کات : هي
تون ! نق گلف ده ، فس دسینی رومه تاءاد . بائیک توان سوروه
اورغ رامي نی کی کوء تمفت اد کدي ، نق بولیه بلي ماکن .
- تابی عيسى رویت کا فواق صحابة نی تو : نی تاءکا کی .
موله بري ماکن کا نی .
- فواق صحابة فون جواب : اد روتي لیم بوتیر ، فس ایکن دوا
ایکور . ایه ! نق بري ماکن بالس مان ؟
- تابی عيسى کات : تاءافله ! باواء بارغ تو ماري سینی .
- فس عيسى سوروه اورغ رامي تو دودوق اتس رمفوٹ دلوو . لالو
نی امبیق روتي لیم بوتیر ایکن دوا ایکور تو ، لغکن نائیک
کا لاغیت ، اوچف تریما کاسیه کا توهن اونتوق مکانن . لفس
تو نی فون چوییق ۲ روتي بري کا صحابة ۲ نی ، سوروه نی
بهاکی کا اورغ رامي تو .
- سموا اورغ رامي تو ماکن کېغ بلاک . فس هق لبیه اورغ ماکن تو ،
قواق صحابة ۲ عيسى امبیق فرهیمfon ۲ ، بوبوه دالم باکول ،
بولیه دوا بلس باکول فنوه .
- اد لبیه کورغ لیم ریبو اورغ هق ماکن تو ، بلوم کیرا لاکی اورغ
بتینا دعن بویق .

عيسى برجان اتس ایر

لفس تو ، عيسى سوروه صحابة ۲ نی نائیک فراهو کی دلوو

کا بالیق سان لاءوت، کات نی سندیری نق ننتی بري اورغ رامي تو کلیق دولو.

لفس اورغ رامي تو کی هابیس ده، عیسو فون کی ناءیک اتس بوکیت سورغ ری، نق بریعا. فس ماسوق مالم، عیسو دوق سورغ ری لاکی.

فده ماس تو جوگ فراهو هق صحابة نی ناءیک تاری، دوق جاءوه فد دارت، کنا فوکول داویق کوء تو کوء نی، کران فراهو دوق لاون اغین.

بیلا دکت نق سمفی دینهاري، ، عیسو ماری کا تمفت صحابة نی دغن برجالن اتس ایر.

بیلا فوق صحابة نمفق اورغ دوق برجالن اتس ایر، نی فون براں تاکوت ساعت، جریت دغن سوارا درس کات: هنتو! باغت، هنتو!

تافی عیسو کیچیق دغن نی سلالو کات: تکوھله هاتی مو ! جاغن مو تاکوت، نی اکو سندیری !

فیتروس فون جواب کا عیسو کات: کالو توانکو سوگکوہ، بریله اکو جالن اتس ایر کی کا تمفت توانکو.

عیسو کات: ماریله ! فیتروس فون تورون برجالن اتس ایر، هارف کی کوء عیسى .

تافی بیلا نی نمفق کات اغین ماری قواه، نی براں تاکوت، دکت نق تغلکم، فس فشکیل عیسو کات: توانکو، توانکو، باغتلہ توانکو !

عیسو فون هولور تاغن سلالو فکٹھ فیتروس، فس کات کا نی : ایه ! ایمان مو کورغ قواه . باً اف مو دوق شک هاتی ؟

نی دوا اورغ تو فون ناءیک دالم فراهو، فس اغین تدوه سلالو. فوق صحابة عیسي هق دوق دالم فراهو فون سجور کا عیسو کات: سوگکوھله توانکو جانی انق توهن !

عیسیٰ بری سیار اور غر ۲ ساکیت د گنساریت

35-34 لفس تو نی کی سمنی کا دارت د مقیم گنساریت سبله سان
لاه و تو اور غر ۲ هق دوق دسیتو چم عیسو سلالو. نی فون
سوروه اور غر باواه اور غر ۲ ساکیت دالم رات ۲ تمفت نکری تو، ماری
کا تمفت عیسو دودوق.

36 فس نی مینتا نغن عیسیٰ بری اور غر ساکیت بولیه جامہ تفی
با جو عیسیٰ فون، فادن ده. فس سموا اور غر هق جامہ ده سیار
بلائک.

فثاجران توء نینیق مویغ

باب 15

1 فد ماس تو، اور غر دالم فواق فریسی سکالی نغن گورو ۲ تورات
فاکت ماری دکوت جرسیلیم نق بحس نغن عیسیٰ کات:
2 بااف انق مرید مو تاء توروت فثاجران توء نینیق مویغ فواق
کیت؟ تیشو قله نی تاء باسوه تاغن دلو نق ماکن اف ۲!
3 عیسیٰ فون جواب کا فواق فریسی تو کات: اکو نق تاث فواق
مو جوگ. بااف مو تاء توروت حکوم هق تورون درد توهن،
تاپی مو توروت فثاجران توء نینیق مویغ مو؟
4 کران توهن سوره سوروه کات:

مو کنا فادول کا ایبو باف مو نغن حرمه.

فس اد ایات سا لاکی هق کات:

کالو اور غر کیچیق مغہوروہ چارا حال ایبو
باف نی، تننتو کا حکوم بونوہ.

5 تافی فواق مو مخادر کات: کالو سیاف اد هرت هق سوغ
بولیه سارا کا ایبو باف، تافی نی تائسیر فاکی بالس تو،
تاء اف. نی بولیه رویت کا ایبو باف کات: هرت تو اکو چارغ ده

نق بوات خیرات ایکوت فثاجران فواق مو، بلر اورغ تو تا^۶
 کا فاردول کا ایبو باف. ایه! بوات بالس تو، سروف مو کات
 حکوم توہن تا^۷ ترفانکی، نق توروت حکوم تو^۸ نینیق گنتی.
 ۷
 هي فواق مو هق تیفوق مانیس لوار! هق نبی یعشیا رویت
 دولو چارا حال فواق مو بتول سوگکھو، کات:

اورغ نی حرمة کا اکو رغن مولوت، توہن کات،
 ۸
 تافی هاتی ری تا^۹ ایفت لفسوغ کا اکو.
 تا^{۱۰} اد فائیدہ ری سمبہ کا اکو، کران هق ری دوق
 ۹
 مثاجر کات حکوم^{۱۱} توہن جاری هق مائنسی ساج.

بارغ ۲ هق بري اورغ چمر

فس تو عیسی فٹکیل اورغ رامی ماری ماسوق دکت، نق
 رویت کا ری: نغرله بري ماسوق هاتی هق اکو نق رویت نی.
 ۱۰
 بوکن بارغ هق ماسوق کو^{۱۲} مولوت بري اورغ چمر رالم هاتی،
 تافی فرکارا هق کلوار کو^{۱۳} مولوت هق بري چمر جاري دوسا.
 ۱۱
 لفس تو فواق صحابة عیسی ماری تان ری کات: توان تاھو کا نق
 هق توان رویت سائني بري فواق فریسی تو براں کچیک هاتی
 ۱۲
 ساغت؟

عیسی فون جواب: تنانمن مان^{۱۴} هق توہن باف کو دشرج
 تا^{۱۵} تانم، کنا چابوت تاھووق. بلرله کا فواق فریسی هق دوق
 براں بالس تو. فریغکت ری سروف اورغ فیمغین، تافی مات
 ری سندیری پوت. کالو فیمغین سام بوت، جاتوھ فاریت کدوا.
 ۱۳
 ۱۴
 فس فیتروس کات کا عیسی: توانکو، تولوغ رویت بري چرف، اف
 معنا عبارۃ سائني تو؟
 عیسی فون کات کا صحابة^{۱۶} ری فول: ایه! فواق مو تا^{۱۷} فندي
 فداورغ لاءین لاکی که؟

- 17 باف مو تاءٌ ارتی کات هق ماسوق کوء مولوت، کنا لالو کوء فروت، فس کی توبیت دالم جمبن ساج؟
- 18 تافي هق گلوار توبیت کوء مولوت اصلن ماری رهاتی، فس جاری فرکارا توله هق بري ماًنسی چمر.
- 19 کران دالم هاتی تو تیمبول سموا فیکیران جاہت هق بري ماًنسی سوک بونوه اورغ، بوات زنا، بوات فرکارا چافوغ، چوری بارغ اورغ، نائیک سقسی بوهوج، دفن کیچیق مغوفت.
- 20 فرکارا نیله هق بري ماًنسی چمر دالم هاتی، عیسی کات. تافي نق ماکن ناسیق دغن تاءٌ باسوه تاغن ایکوت نی اجر تو، بالس تو تاءٌ بري هاتی اورغ چمر.

اورغ بتینا هق بفسا لاءٌین فرچای سوغلکو

- 21 لفس تو، عیسی تیغکل تمعفت تو هوندور کی ماسوق دالم تعلوق بندر صور بفن بندر صیدون.
- 22 فس اد اورغ بتینا بفسا کتعان، هق دوق دنگری تو. دی ماری نق تمو دفن عیسی، فس کات کا دی: یا توانکو هق جاري کتورونن راج راءٌود، کسیاغله کا امب کاتیق! انق بتینا امب ماسوق هنتو، تروق سوغلکو.
- 23 تافي عیسی دوق دیام، تاءٌ اد جواب اف سکارا. فس صحابة ۲ عیسی ماری نق سوروه عیسی لارغ اورغ بتینا تو. دی کات کا عیسی: توان گورو، سوروه اورغ بتینا نی کیله. دی دوق بوسن بالیق بلاخ کیت!
- 24 عیسی فون جواب کا صحابة دی کات: جاري، توهن سوروه اکو ماری کا اورغ بفسا اسرائیل ساج، هق دوق سست سروف بیربع ۲ هق لاری کی جاءٌ وہ فد توان دی.
- 25 تافي اورغ بتینا سائی ماری سجود کا عیسی، کاچغ مینتا، دفن کات: یا توانکو، تولوغ امب کاتیق!

- 26 تافي عيسى جواب: ميق، نمفق سروف تا^ءموليق امبيق مكان
انق ۲ درومه، تاهوق بري کا انجيئ.
- 27 اورغ بتينا فون جواب کلیق کا عيسى کات: کناله، هق توان
کات سائني. تافي انجيئ فون دي بوليه ماکن بارغ مكان هق
جاتوه باوه ميجا توان دي، بوکن؟
- 28 بيلا عيسى لغر فرکتاں اورغ بتينا سائني، دي جواب فول، کات:
ها! ايمان ميق قواة سوڠکوه. جاديله ايكوت کهندق مو!
تکه دي دوق کيچيق تو، انق دي فون سيار سلالو.

عيسى بري هيلع فپاکيت باپق اورغ

- 29 فس عيسى تيفگل نکري تو، کي کو ئتفي لا^ءوت کالليل فول.
دي فون نائيک اتس بوکيت دودوق دسيتو.
- 30 تالام، اورغ رامي ماري برھيمفون دتمفت عيسى دودوق. دي
باوا، اورغ تيفوق، اورغ چدرا، اورغ بوت، اورغ بيسو سکالي
لغن اورغ فپاکيت لاءين ۲ کاتيقي، ماري لتق دافن عيسى، فس
عيسى فون بري دي سيار بلاک.
- 31 بيلا فوق ۲ تو تيفوق اورغ بيسو بوليه کيچيق، اورغ چدرا
بوليه سيار سروف سديا، اورغ تيفوق بوليه برجان، اورغ بوت
بوليه چليق، دي فون براس حيران، فس سموا اورغ دوق
فوجي کا توهن بحسا اسرائييل ني.

عيسى بري ماکن کا امفت ريبو اورغ

- 32 لفس تو، عيسى فشكيل صحابة ۳ ماري دكت دي فس کات:
اكو براس کسياغ بلس سوڠکوه تيفوق کا فوق ۲ دي. دي ماري
دوق دسيبني سمنفي تيگ هاري ده، فس لاني هابيس ده مكان
دي. اکو تأسير سوروه دي کلیق لغن تا^ءبری ماکن اف. تاکوت
دي کي ربہ تغه جالن.

- فواق صحابة فون رویت کا عیسی: کیت دوق جاء وہ فد رومه اور غ. فس کیت نق امبیق دمان روئی، نق بری ماکن کا اور غ باپق سروف نی؟ 33
- فس عیسی تان ری: روئی اد براف بوتیر لاکی سینی؟ 34
ری جواب: اد توجوہ بوتیر، توان، فس ایکن هالوس اد امفت لیم ایکور.
- عیسی فون سوروہ اور غ رامی دوق مپاتق اتس تانہ دلو. 35
فس ری امبیق روئی توجوہ بوتیر رعن ایکن ۲ هالوس تو، اوچف تریما کاسیه کا توهن، فس چوبیق ایکن رعن روئی تو هولور کا صحابة ۲ ری، سوروہ ری بھاگی کا اور غ رامی ساء نی. 36
- سموا اور غ تو ماکن کپغ بلاک، فس هق لبیه صحابة ۲ عیسی کوتیف فرهیمفون، بوه دالم باکول، بولیه توجوہ باکول. 37
- بیلاغن اور غ هق ماکن هاری تو، لبیه کور غ امفت ریبو اور غ، بلوم کیرا لاکی اور غ بتینا رعن بونق ۲. 38
- لفس تو عیسی سوروہ اور غ رامی کلیق، فس ری سندیری نائیک فراهو کی کا تعلوق مکان فول. 39

فواق ۲ فریسی سوروہ عیسی بوات فرکارا فلیق

باب 16

- فدا تو هاری، اور غ دالم فواق فریسی سکالی رعن فواق صدوکی ماری کا تمفت عیسی دودوق. دوا فواق تو فاکت نق بوات بوکو کا عیسی. سا بیت تو ری سوروہ عیسی بوات ساتو فرکارا فلیق، جاری تندا کات توهن برکن کا عیسی.
- تافی عیسی رویت کا ری بالس نی: فریاغ متھاری جاتوہ مو بولیه ارتی تندا تاء هوجن، کات: هوجن تاء تورون سا بیت لا غیت میره!
فس بالیق فاکی فول، مو بولیه ارتی تندا نق هوجن، کات: ها!
لا غیت میره نمفق سبغ. تنتو نق هوجن هاری نی! تندا ۲ دلا غیت مو بولیه چم، عیسی کات، تافی تندا ۲ هق توهن

تورون انتوق لاني، مو بوات تاءٌ چم.

فواق مو تاءٌ لاءٌين فد مائنسى سموا ماس لاني، هق فيكiran 4
جاهت سمات، هق درهاك كا توهن سعمور. ساپيت تو، مو
سوروه اکو بوات فرکارا فليق. اکو تاءٌ بوات! توهن تاءٌ بري تند
لاءٌين کا فواق مو ملينكن تندنا هق نبي يونس سكارا ساج.
لفس کات بالس تو، عيسى فون تيشكل فواق ۲ تو، کي کو لاءٌين.

فغا جران فواق فريسي دغۇن فواق صدوکى بالس مان

بىلا صحابة ۲ عيسى جمرغ لاءٌوت، دى ترلوف باواه بىل 6-5
روتى. عيسى کات کا دى: جاڭ بائىك ۲ له، بري ديرى مو جاءٌوه
فد اىبو هق فواق فريسي دغۇن فواق صدوکى بوه دالىم روتى دى.
فواق صحابة ۲ عيسى فون دوق سوءال سام سندىرى، فس کات: 7
تنتو توان كورو کات بالس تو، سبب كېت ترلوف تاءٌ باواه بىل
روتى!

عيسى تاهو هق فواق تو دوق سوءال. ساپيت تو دى تاش 8
کات: بااف مو دوق كىچيق سام سندىرى چارا حال بىل روتى
هق مو ترلوف تو؟ اىدە! سوغۇكوه فواق مو كورغ فرجاي!
بالس مان مو تاءٌ ارتى لائى كە؟ بااف مو تاءٌ اىشت هارى تو اکو 9
چوبىق روتى ليم بوتىر تو، بري مو بىهاگى كا ليم رىبىو اورغ
فس مو تاءٌ اىشت كە، براف باكول روتى هق لبىھ تو مو
كوتىف؟ فس بالس مان فول دغۇن روتى توجوه بوتىر، هق 10
اکو بري ماکن کا امفت رىبىو اورغ تو؟ مو تاءٌ اىشت كە، براف
باكول روتى هق لبىھ تو مو كوتىف؟

ايە! كان مو بولىيە تاءٌ ارتى هق اکو رويت سائىي بوكن چارا 11
حال روتى، چارا حال لاءٌين؟ اکو کات: جاڭ بائىك ۲ له! بري
دىرىي مو جاءٌوه فد اىبو هق فواق فريسي دغۇن فواق صدوکى
بوه دالىم روتى دى.

عيسى کات بالس تو، باروله صحابة ری ارتی کات، بوکن عیسى
سوروه ری دوق جاوه فد روتی اتوا ایبو روتی فون، تافي،
عیسى سوروه ری جاگ دیری ری درف ده فهاجران فوق فریسي
لغن فوق صدوکی تو.

12

عیسى جاري المسيح هق توهن جنجي تو

لفس تو فول، عیسى لغن فوق ری برجالن کی دالم
تعلوق کوت قاءٰ یصريا فیلیفی. تکه ری دوق دستیتو، عیسى تاش
فواق صحابة ری کات: اورغ رامی کات بالس مان چارا حال اکو،
ماٽسی هق تورون دشراگ نی؟

صحابة ری فون جواب: اد اورغ هق کات توان جاري یحیا،
هق بري اورغ تریما روکون مندی تو. فس اد جوگ، هق کات
نبی الیاس. فس اورغ لاءین فول کات جرمیا. فس اد لائکی هق
کات توان شئورغ دالم نبی لاءین ۲.

عیسى فون تاش لائکی: فس فوق مو سندیری نق کات بالس مان
چارا حال اکو؟

صیمون فیتروس جواب کات: توان جاري المسيح هق توهن
جنجي تو، انق یئ ساتو ماری دتهن هق تاءٰ ادار اوال تاءٰ اد
اخیر.

عیسى کات: براونتوغله مو، صیمون انق یحیا! هق مو رویت
تو، بوکن امبیق د فیکیران مائنسی، تافي امبیق د فیکیران هق
تهن باف کو دشراگ بري.

سابیت توله اکو نق رویت کات، نام مو فیتروس، معنا باتو
هق کوکوه، فس اتس الاسن باتو هق کوکوه نی، اکو نق
لتق گلوارگ اکو، بري جاري تمفت توهن دهوق. فس سموا
کواس هق توبیت دالم فیتو نراک فون، کنا هاله کا گلوارگ
اکو بلاک، عیسى کات.

13

14

15

16

17

18

- اکو نق سره کف مو انق کونچی هق بولیه بوک فینتو، بري
اورغ ماسوق دوق باوه فرینته توهن بولیه سلامت. هق مان مو
لارغ اتس دنيا، هق تو لارغ ده لشرك . 19
- لفس تو، عيسى لارغ کا صحابة^۲ نی، تاء^۱ بري رویت کا سیاف
کات عيسى جاري المسيح هق توهن جنجي تو . 20

عيسى رویت دلو چارا حال نی ماتی کا سیقسما

- جق دماس تو عيسى مولا^۱ي رویت کا فواق صحابة نی بري
کہور^۲ چرف کات: اکو نی مستی کا هارف کی کوء کوت
جروسليم. دسیتوله فواق کتوا اوکام، امام^۲ بسر دغن گورو^۲
تورات، نق بوات پان کا اکو سمنفی بونوہ ماتی . 21
- فس فد هاري یعن کتیگ، توهن بري کو هیدوف کلیق سمولہ .
بیلا فيتروس دغز فرکتائن عيسى سائني تو، نی فون کویت
عيسى بلخ^۲ کات: جاغنله توهن بري جاري بهیا تو سروف
هق توهن رویت سائني . 22
- تافي عيسى فالیغ کات کا فيتروس: هي هیلیس کیله! مو جاري
نق سنتوق جلانن کو. فيکیران مو تو هق امبیق دماء^۱ نسی،
بوکن هق امبیق دتوهں . 23
- فس عيسى کات کا سموا صحابة نی: سیاف^۲ نق توروت کی
سکالی دغن اکو، اورغ تو کا ترلووف رائیب کا دیری نی، امبیق
فاکی کایو امفت چابغ هق ترهینا تو، توروت اکو کی . 24
- کران سیاف^۲ دوق ترایافت کا دیری نی نق بولیه سلامت، اخیر
پاوا نی نق روکی . تافي سیاف^۲ جوغ سره پاوا نی کران
نی کاسیہ کا اکو، عيسى کات، تنتوله اورغ تو نق بولیه کلیق
پاوا نی راخیرہ . 25
- کران، اف فاءیده کا اورغ هق بولیه سرب سربی دنیا، تافي
سود سکالی، پاوا نی سندیری نق هیلغ ہابیس؟ 26

تنتو تاءار فاءیده. اتوا هق مان لاب دالم دنيا مهل لبیه فد
نق بولیه پاوا داخیره؟ تنتو تاءاد سکارا هابوق!

کران ببلاسمفي ماس ما نسي هق تورون دشريگ تو نق تورون
ماري سمولا رعن کمليان توهن باف ني، سکالي رعن ملائكة
هق ني فون، ني نق بالس کا گنف اورغ ايکوت هق اورغ تو
بوات.

سسوغکو亨، عيسى کات، دالم رامي ۲ دسيني اد سفواق هق
تغه دي روق اد لاکي اتس دنيا، ني نق بولیه نمفق ما نسي
هق تورون دشريگ تو ماري امبيق فرينته دي جاري راج.

باب 17 عيسى بري نمفق روف دي لاکو لاءين سبنتر

لفس تو انم هاري لاکي، عيسى تيڠکل اورغ رامي تو باو^۱
فيتروس، يعقوب رعن اديق دي نام يحيا تو، کي نائيک
اتس بوکيت تيڠکي.

دسيتوله روف عيسى براوبه رافن صحابة تيک اورغ تو، موک
دي برسينر سروف چهيا متھاري، فس کاين فکاين دي فون
فوتيه جلفق سروف چهيا هق چره چراج.

تبيا^۲ صحابة عيسى تيک اورغ تو، نمفق نبي موسى رعن نبي
الياس روق کيچيق رعن عيسى.

فس فيتروس کات کا عيسى: ويه توان! موليقله کيت روق سيني.
کالو توان بنر بري، امب نق بوات بغلل تيک تمفت، انتوق
تون سنديري سا، انتوق نبي موسى سا، انتوق نبي الياس سا.
تشه^۳ فيتروس روق کيچيق بالس تو، تبيا^۴ اون هق برسينر
چره تورون ماري فرليندوغ ني، فس بوبي سوارا دالم اون تو
کات:

اینيله انق کو هق سجاتي، هق اکو کاسيه بنر.

اکو برکن کا ني. مو کا بغره کا ني!

- 6 بیلا تیگ اورغ صحابة عیسی دغر سوارا دالم اون سائني تو،
لی فون تروم لوتوت تاکوت کا توهن .
- 7 تافي عیسی ماسوق دکت جامد ری کات : باخونله مو تائسه تاکوت !
- 8 بیلا ری بگه تیفوق تاءار سئورغ هابوق ملینکن عیسی سئورغ
دوق اد .
- 9 بلغ ۲ ری امفت اورغ تورون دبوکیت ، عیسی فسن کا صحابة
لی تو کات : مو جاغن رویت کا سیاف ۲ فون ، فرکارا هق مو
نمفق ده ، جق دهاري نی ، هیغک سمنی اکو مائنسی هق تورون
دشراگ نی ماتی ، فس توهن بري هیدوف کلیق نون .
- 10 فس صحابة ۲ تو تان عیسی : یا توان کورو ، بااف کورو ۲
تورات کات مستی نبی الیاس کا ماری دولو ؟
- 11 عیسی جواب کات : سفوتيله الیاس کا ماری دولو بري سیف سموا
فرکارا سروف سديا . تافي اکونق رویت کا فوق مو کات الیاس
- 12 ماری ده ، تافي کتوا ۲ فوق اسرائیل تاءکل ری ، بوات کا ری
ایکوت سیر . بالس تو جوگ ، عیسی کات ، ماءنسی هق تورون
دشراگ نی ، تاءلام لاکی نق کنا سیقساد تاغن فوق تو جوگ .
- 13 هاوا ری دغر تو ، باروله صحابة ۲ عیسی ارتی کات عیسی دوق
رویت چارا حال یحیا ، هق کلر بري اورغ تریما روکون مندی تو .

عیسی بري سیار بودق هق ماسوق هنتو

- 14 بیلا عیسی دغن صحابة تیگ اورغ تو تورون ماری سمنی
کا تمفت اورغ رامی تو فول ، اد سئورغ ماری سجود دافن عیسی
- 15 کات : یا توان ، مینتا کسیاغ بلس کا انق جنتن امب کاتیق !
لی جانی ساون ، فس تکه ۲ تروق ساغت ، هیغک سمنی ربه
دالم افي ، جاتوه دالم ایر اچف کالی ده .
- 16 امب باوا ری ماری سام انق مرید توان ، تافي نی تائلیه بري
هیلخ !

- عیسی فون کات: ایه! فواق مو کورغ فرچای ساغت. تنتو مو
تاالیه بوات هق کا. لام مان لاکی اکو کا دوق سکالی دغن
مو، بری بولیه مو ارتی؟ لام مان لاکی بولیه اکو صبر دغن
فواق مو؟ کی امبیقله بورق تو، باواً ماری سینی!
بیلا باواً ماری، عیسی فون سوروه هنتو توبیت دالم بورق تو.
فس هنتو توبیت سلالو. بورق فون هیلخ کتیک تو.
- لفس تو، فواق صحابة ماری تاش عیسی دغن سیپ ۲ کات:
باءً اف فواق کیت بولیه تاءلیه همبیت هنتو توبیت?
عیسی جواب کا نی: ساپیت مو فرچای کورغ ساغت. کران
ایفلته هق اکونق رویت نی! کالو ایمان مو بسر سبوتیر
بنیه لارا هالوس ۲ تو فون، مو بولیه سوروه بوکیت هق
تیغکی تو، کات: برالیمله کی دوق لاين! بوکیت تو فون نق
برالیه سلالو. کالو بالس تو، تاءار اف سکارا هق فواق مو
تاءلیه بوات.

عیسی رویت سکالی لاکی چارا حال کماتین ری

- بیلا سموا انق مرید عیسی ماری برهیمفون دنگی کالیل
عیسی فون رویت کا ری: تاءلام ره، اکو ماءنسی هق تورون
دشراک نی، نق کا سره کا تاغن ماءنسی، هق نق بونوہ بری
ماتی. تافی فد هاری بیغ کتیک، توهن نق بری اکو هیدوف
کلیق سمولا. هاوا دغر بالس تو، انق ۲ مرید عیسی براس
سوسه هاتی سوغکوہ.

فیتروس بایر حاصل اونتوق بیت المقدس

- لفس تو فول، بیلا عیسی دغن صحابة ۲ ری سمنی دکفرناحوم.
اورغ ۲ هق کوتیف حاصل اونتوق بیت المقدس دکوت
جروسالیم، ماری کا فیتروس تاش ری کات: توان مو بایر

حاصل اونتوق بيت المقدس کا نق؟

25 فیتروس فون جواب : باير! بیلا فیتروس ماسوق دالم رومه ، عیسو کیچیق دغن دی دولو ، کات : هي فیتروس ، مو ایشت بالس ملن ؟ کراجائں دالم ننیلے سوروه اورغ ملن کتا باير حاصل نق دودوق ، انق نکری سندیری اتوا انق ۲ لوار هق ماری نق دودوق باوه فرینته دی؟

26 فیتروس فون جواب : تنتو انق لوار ! کالو کیتو ، عیسو کات ، کیت انق ۲ نکری تا^۱ کتا باير ، بوکن ؟

27 تافي کیت تا^۱ سیر بري فواق کوتیف حاصل ساءنی براں کچیک هاتی . ساپیت تو ، مو گیله مقايل ایکن دلاوت . فس ایکن ملن ۲ هق مولا ۲ ماکن مات کائیل مو تو ، سینتقت سلالو . دالم مولوت ایکن تو ، مو نق تمو دغن رویت فیرق سکفیع ، هق بولیه بوات باير حاصل کیت دوا اورغ . امیقله باير !

اورغ مان فریشکت تیغکی

باب 18

1 تکه تو حوگ ، صحابة ۲ عیسی ماری تان دی کات : دالم فواق اورغ هق ماسوق دوق باوه فرینته توهن ، اورغ مان فریشکت تیغکی سکالی ؟

2 عیسو فون فغکیل سئورغ بونق کچیک ماری ، سوروه دی دوق بردریري رافن صحابة ۲ دی ، فس عیسی کات : ایفله با^۱ یک ۳ هق اکو نق رویت نی ! کالو مو تائسیر توکر فیکیران مو ، بري هاتی مو سروف بودق ۲ ، تنتو مو نق ماسوق دوق باوه فرینته توهن فون ، ثا^۱ لیه .

4 اورغ هق ماسوق دوق باوه فرینته توهن هق اد فریشکت تیغکی سکالی ، دیاله اورغ هق مرنده دیری دی بري جاري سروف بونق نی . فس سیاف دی سمبوت اورغ رنده سروف بودق نی ، کران اکو ، سروف دی سمبوت اکو ده ، عیسی کات .

1

2

3

4

5

تافي کالو اد سیاف هق بري اورغ سروف بودق نی فالیئن تاء
سیر فرجایی کا اکو، هق توهن نق بوات کا اورغ تو، نق تروق
لاکی فد اورغ لاءین امبیق باتو کیسر بسر، ایکت دتكن اورغ
تو، تاهوق نی دالم لاءوت بري لمس ماتی سلالو.

6

عیسی نق بري مرید ۲ نی تاکوت کا دوسا

سوغکوھله دالم دنیا کنا اد فرکارا ۲ هق تاریق هاتی
مائنسی بري نی بوات دوسا. تافي نق تروق سوغکوھ کا اورغ
هق فاکی فرکارا ۲ تو، نعن توجوان نق تاریق هاتی اورغ
لاءین بري بوات دوسا کاتیق .

7

سابیت تولہ، عیسی کات، کالو تاغن اتوا کاکی مو بوات بري
مو هاله کا دوسا، کرت تاهوق فد توبوھ مو . بائیک مو نق
ماسوق ھیدوف بیغ ککل، کوروغ سبله تاغن ، اتوا سبله کاکی ،
فد مولیق کاکی تاغن، تافي کا تاهوق دالم افی نراک کران
دوسا مو.

8

فس کالو مات بري دیری مو هاله کا دوسا، چولیق مات مو ،
تاهوق جاء وہ فد توبوھ جوگ . بائیک مو نق ماسوق ھیدوف
بیغ ککل نعن بوت مات سبله، فد مولیق کدوا تافي ، کران
دوسا مو، کا تاهوق دالم افی نراک .

9

انق بیریغ هق سست کی جا وہ دتوان نی

مو کا جاکاله، عیسی کات، جاغن مو تیغوق هینا کا اورغ
فریشکت رنده سروف بودق ساء نی. کران ایفتله، ملاپیکہ ۲ هق
دوق جاگ نی، دوق برھو بوج رفن توهن باف کو دشڑک سعمور.
فس اکو نق تان مو سیکیت، عیسی کات . میسل ، اد اورغ فیرا
بیریغ ۲ سراتوس ایکور، فس سست سئیکور . ایکوت فیکیران مو ،
توان نی نق بوات بالس مان؟ تنتو نی نق تیغکل سمبیلن فولوہ

10

11

12

سمبیلن ایکور هق دوق چاری ماکن سکاون تو، نق کی چاری
هق سست سئیکور، بوکن؟

13 فس بیلا ری تمو دغن بیریغ تو، اکو رویت کات سوغکوه، نی
براس سوگ هاتی ساغت، لبیه فد ری براس چارا حال بیریغ ۲
هق سمبیلن فولوہ سمبیلن ایکور تو، هق تاء بیاس سست
سکالی هابوق.

14 بالس تو جوگ، توهن باف مو شرگ، تائسیر بري ساتو اورغ
دالم فواق فریغکت رنده سروف بودق ۲ سائني، سست کی.

بیلا ادیق برادیق مو بوات ساله کفڈ مو

15 بیلا ادیق برادیق مو سئورغ بوات ساله کفڈ مو، مو کا
کی کیچیق دغن نی کات نی ساله لاگو مان. تافی مو کنا کی
رویت سام سئورغ دغن نی. کالو نی تریما هق مو رویت تو،
مولیقله! ادیق برادیق مو تو بولیه بایک سمولا دغن مو.
16 تافی کالو نی تاء سیر تریما هق مو رویت تو، مو کنا کی اجق
اورغ دوا تیگ اورغ، ماری جاري سقسي ایکوت ایات دالم کتاب
هق کات:

بری دوا تیگ اورغ بولیه جاري سقسي
چارا حال ادوان مو کا اورغ تو.

17 فس کالو نی تاء سیر تریما لاکی، کی رویتلہ کا فواق المسيح
دتمفت تو. کالو نی تاء سیر دغز جوگ هق فواق تو رویت،
بلرلہ تاء سه فارول کا ری، بوات کا نی سروف اورغ لوار،
اتوا سروف اورغ کوتیف حاصل، هق سموا اورغ بنچی.

فرکارا ۲ هق لارغ، دغن هق بنر بري

18 فس دغزلہ هق اکو نق رویت کا فواق مو نی، عیسیی کات.

هق مان مولارغ اتس دنيا، هق تو لارغ ده دشرگ . فس هق
مان مو بنر بري اتس دنيا، هق تو بنر بري ده دشرگ .
19 فس اکو نق رویت فرکارا سا لاکي کات: تکه فوق مو دوق دنیا،
کالو دوا اورغ ستوجو نق مینتاء فرکارا مان ۲، توهن باف کو
دشرگ نق بوات بري جاري فرکارا تو کف دمو .
20 کران دمان دوا تیگ اورغ ماري برھيمغون نغن نام اکو، عيسى
کات، اکو اينيله دوق اد سکالي دغن ری دتمفت تو .

کيت کنا معاف کا اورغ سمفی براف کالي؟

21 لفس تو، فيتروس ماري تان عيسى کات: يا توان ! کالو
اديق براديق سئوغ بوات ساله اف ۲ کا کيت، کيت کنا معاف
کا ری سمفی براف کالي؟ سمفی توجوه کالي که؟ عيسى جواب کات: دق ! بوکن توجوه کالي ساج کا سمفی .
22 مو کنا سمفی توجوه کالي، توجوه فولوه کالي گندا لاکي !
کران توهن نق فرینته دالم هاتي ميليق ری، جاري سروف
23 ساتو راج دالم چريتا نی:
اد ساتو راج، عيسى کات، ری نق تيغوق حاصلن نگري
ری هق سوروه منtri ۲ ری جاگ .
24 بيلا راج دوق کيرا تيغوق بنجي ری تو، اد سئوغ منtri کا
باوا^۱ ماسوق مغهادف راج، هق لكت اوتع راج سمفی جوت .
منtri تو تاءلیه باير . راج فون سوروه امبیق منtri، سموا
درومه ری، انق ۲ بیني فون، کي جوال جاري همب اورغ .
هرت بندا فون کا جوال هابيس، نق بري چوكوف باير اوتع
راج . هاوا دغر بالس تو، منtri ساء^۲ نی فون کي سجود ،
مينتاء کسياغ بلس کا راج، کات: يا توانکو، مینتاء کسياغ بلس !
کهور دولوله ! امب نق کي چاري باير سموا اوتع تو .

- 27 راج فون براس کسیاغ کا نی، هافوس سموا اونٹ تو ، لفس منتری کی .
- 28 تکه منتری دوق توبیت درف دکوت راج تو ، نی برتمو دفن سائین نی هق جانی منتری راج جوگ . ساءین نی لکت اونٹ نی روا راتوس کوف ساج .
- 29 نی فکن ساءین نی، چکیق تکق، سوروه بایر سلالو . ساءین نی تو فون سجود مینتا دفن منتری ساءنی کات: مینتا کسیاغ بلس ! کھور دولوله ! اکو نق کی چاری بایر اونٹ مو تو .
- 30 تافی منتری تو تاء جوغ ، فس نی سوروه اورغ ایکت سائین نی تو ، کی بوبوہ دالم گوق سمفی نی بایر اونٹ دولو ، بارو لفس .
- 31 بیلا اورغ لائین هق جانی فوق منتری راج جوگ ، تیغوق جانی بالس تو ، نی فون براس سوسمہ هاتی ، کی رویت کا راج سلالو .
- 32 راج فون سوروه کی امبیق منتری تو ماسوق مفهارف نی ، فس کات کا نی: مو اورغ هاتی هیتم ! مو لکت اونٹ دفن کو باپق ستارا تو فون ، اکو هافوس سموا تاء کیرا ، ایکوت هق مو مینتا تو . مو تاء بولیہ که ، کسیاغ بلس سام سائین مو ، سروف اکو کسیاغ بلس کفڈ مو ؟
- 33 تکه تو راج مارہ ساغت ، سوروه کتووا ۲ گوق ماری امبیق منتری تو کی بوات سیقسما کا نی سمفی نی بایر اونٹ هق باپق تو .
- 34 بیلا سود چریتا نی ، عیسی رویت معنا سیکیت لاکی . بالس نیله ، عیسی کات ، توهن باف کو دشڑک نق بوات کا فوق مو ۲ اورغ ، کالو مو تاء معاف سام سندیری دفن اخلاص هاتی .

باب 19 عیسی اجر چارا حال اورغ چری

- 1 بیلا سود فغا جران عیسی سائینی ، نی تیغکل نکری کالیل کی ماسوق دالم کلیولسن نکری یہودیہ فول ، بالیق سان سوغمی بیدن . اورغ کی چاری عیسی رامی ۲ ، فس نی تولوغ بري باپق

اورغ ساکیت سیار دتمفت تو.

3 فس اورغ دالم فواق فریسینی ماری نق بوات بوکو، نق بري نمفق
کات عیسی ساله. فواق نی تان عیسی: توان، سوگونه کا دق،
ایکوت حکوم تورات هق کیت، بولیه چری لاکی بینی دغن
سابیت ایکوت سوک لاکی؟

4 عیسی فون جواب بالس نی: فواق مو تاء بیاس باچاکه ایات
دالم کتاب هق کات:

5 مولا ۲ سکالی توهن بري جاري اورغ جنتن دغن اورغ
بینیا، فس توهن کات: سابیت نیله اورغ جنتن کا
تیغکل ایبو باف نی، کی دوق سکمفوه دغن بینی نی
فس لاکی بینی تو نق جاري سروف ساتو اورغ.

6 کالو بالس تو، عیسی کات، لاکی بینی تو بوکن دوا اورغ، دق!
ری دوق سروف ساتو اورغ. سابیت تو، هق توهن بري دوق
سکمفوه جاغن مائنسی چری تغلکل.

7 فواق فریسی فون تان عیسی فول: ها، کالو بالس تو، سبب اف
نبی موسی لتق حکوم کات: کالو اورغ جنتن نق تولق بینی نی
کا بري سورت چری دولو؟

8 عیسی کات: سابیت نی تاهو کات فواق مو کرس فروت نق اجر
تاء لیه، نبی موسی بري بولیه چری دغن بینی مو. تافي فد
مولا ۲، توجوان توهن تاء بري چری.

9 فس اکو نق حکوم کا فواق مو بالس نی، عیسی کات، اورغ جنتن
تاء لیه چری دغن بینی، ملينکن بینی ری بوات زنا. کالو ری چری
دغن سبب لاءین، کی بربینی فول، نی سندیری بوات زنا دغن
بینی هق بارو تو.

10 صحابة ۲ عیسی، هاوا دغر هق عیسی رویت تو، کات:

ایه ! کالو بالس تو لاکی بینی ، بائیک تاء سه منیکاچ !
 11 تافی عیسی کات : دق ! فرکتائن نی اورغ تاء لیه تریما سموا ،
 12 ملینکن توهن بري ، بارو بولیه تریما . اد باپق سبب اورغ تاء
 بربینی . اد اورغ هق تاء اد نفسو نق بربینی ماري دکچیک لاکی .
 فس اد اورغ هق تاء منیکاچ ، سبب اورغ حیانة کا بی ، نق
 بربینی تاء لیه . فس اد اورغ لاکی ، هق تاء منیکاچ کران نی
 سایغ کرج توهن فد منیکاچ . بري اورغ هق بولیه تریما
 فغا جران نی ، بوائله ایکوت هق اکو اجر نی ، عیسی کات .

عیسی لتق تاغن بی اتس کفلا بونق ۲

13 لفس فد تو ، اد اورغ هق بلواء انق ۲ کی کا تمفت عیسی
 دودوق ، نق مینتا عیسی سوروہ لتق تاغن اتس کفلا بونق
 بربعا انتوق نی . فواق صحابة عیسی فون لارغ اورغ هق بلواء
 انق بی تو ، تاء بري ماسوق .

14 تافی عیسی کات : بлер بري بی بلواء ماسوق کا اکو . جاغن لارغ
 بی ، کران اورغ ۲ لاکو نیله هق توهن بري ماسوق دوق باوه
 فرینته نی . لفس رویت بالس تو ، عیسی لتق تاغن اتس کفلا
 بونق ۲ تو . فس تو عیسی کی کوء لاءین فول .

اورغ مودا هق کای ماري چاری عیسی

16 فد ساتو هاری ، اد اورغ ماري کا تمفت عیسی دودوق .
 توء گورو ! بی کات ، امک کما بوات عملن مان هق بائیک ، نق
 بري بولیه هیدوف چارا بارو هق توهن ؟
 17 عیسی جواب : سبب اف مو تلث اکو چارا حل هق مان بائیک ؟
 توهن سا ساج هق بائیک . توروتله حکوم ۲ بی ، کالو مو
 نق بولیه هیدوف !

- 18 فس اورغ تو تانث فول: حکوم ۲ هق مان کا توروت؟ عيسى جواب: جاغن بونوہ اورغ، جاغن بوات زنا، جاغن چوري، جاغن کیچیق بوهوج، بری حرمه کا ایبو باف مو. فس کاسیه سام ۲ ما^ءنسی سروف مو کاسیه کا توپوه مو سنديري.
- 19 اورغ تو فون کات: سموا حکوم ۲ نی امب توروت بلاک ده.
- 20 بالس ملن لائکي؟
- 21 عيسى رویت کا ری: کالو نق هيدوف سمنفرن، مو جوالله هرت مو سموا، فس کی صدقہ کا اورغ مسکین بری هابیس. بوات بالس تو، مو نق بولیه کلیق هرت دشراگ، فس ماریله توروت اکو کی!
- 22 اورغ مودا سائني، هاوا ری دغر بالس تو، فالیع کی دغن سوسه هاتی، کران هرت ری باپق.
- 23 فس عيسى رویت کا صحابة ۲ ری، کات: دغره هق اکو نق رویت نی! تنتو فایه اورغ کای نق سره دیری ری دوق باوه فرینته توهن.
- 24 فس اکو نق رویت لائکي کات، کالو بندیع، موده لائکي سئیکور اونتا مپوروت لوبيع جاروم، فد اورغ کای جوغ سره دیری ری ماسوق دوق باوه فرینته توهن.
- 25 بیلا صحابة ۲ عيسى دغر هق عيسى رویت سائني تو، ری فون براں ترکجوت، کات: واہ! کالو بالس تو، سیاف نق بولیه سلامت؟
- 26 عيسى فون تیغوق کا فواق صحابة ری تو، کات: کالو برگنتوغ فد ما^ءنسی تاء لیه جاني، تافي دغن توهن تاءار اف سکارا هق تاء بولیه جاني.

اورغ هق تیغکل اف ۲ نق توروت عيسى

- 27 فيتروس فون کات: يا توان، فواق کیت سوده تیغکل سموا هرت

نق توروت توان . فس نق بولیه اف جاري بالسن؟

عيسي جواب کا ري : دغله هق اکو نق رویت ني ! بيلا
تيمبول زمان بارو ، ماءنسى هق تورون دشرك نى نق دودوق
اتس تحتا يې ملیا . فد ماس تو ، فواق مو دوا بلس اورغ
هق توروت اکو نى ، نق دودوق اتس تحتا سروف اکو جوگ ،
نق کرت سين اتس سموا بعسا اسرائييل کيت ، هق جاري
كتورونن فواق توء نينيق دوا بلس اورغ تو .

29 فد ماس تو ، اورغ مان ۲ هق بياس تيغكى رومه رى ، اتوا اديق
براديق جنتن بتينا ، اتوا اييو باف رى ، اتوا انق ۲ رى ، اتوا
تانه فون ، دغۇن كران نى كاسىيە کا اکو ، نى نق تريما لبىيە فد
سراتوس كالى گىدا سموا تو ، فس نق تريما هيدوف يې ككل جوگ .

30 تافي باپق هق فريشكى تيغكى لاني ، نق رنده کوء دافن .
فس اورغ هق رنده لاني ، نق بوليه فريشكى تيغكى کوء دافن .

عبارة اورغ كرج دالم کبون جابيت

باب 20

بيلا دوق باوه فريننته توهن ، نق جاري سروف توان کبون
جابيت سئورغ ، هق تورون رومه فاكىي ، كى اوشه اورغ سوروه ماري
كرج دکبون .

2 توان کبون فون ستوجو دغۇن اورغ ماکن اوشه ، نق باير کا رى
هق سوغ فاتوت ماکن دالم سهاري . لفس تو توان سوروه نى
كى بوات كرج .

3 فوكول سمبىلن فاكىي ، توان کبون تو توبىت كى کا كدى سمولـا .
تمۇ دغۇن اورغ دوق چوغق اغىر دسىتىو .

4 توان کبون رویت کا اورغ دوق چوغق اغىر تو كات : مو كى كرج
دالم کبون جابيت كى ديه ! هق سوغ فاتوت اکو نق باير .
اورغ ۲ تو فون كى بوات كرج . فس تو ، سمفى فوكول دوا بلس

تغه هاري ، فس فوكول تيگ فتنغ ، توان کبون کي چاري اورغ سروف دلوو. فس فوكول ليم فتنغ ، توان کبون کي چاري لاکي رکدي تو ، تمودن اورغ لاين فول هق دوق چوغق اغق. توان کبون فون کات : بااف دوق یسيني سهاري تونتوت ، تاء بواس کرج سکارا که ؟

7 رې فون جواب کات : تاء اوغ ماري اوغه کيت بواس کرج .
کالو بالس تو ، توان کبون کات ، مو گيله بواس کرج دالم کبون اکو جوگ .

8 بيلا سمني فتنغ هاري ، توان کبون جابيت تو رویت کا مندور کرج کات : فشكيلله اورغ بواس کرج تو ماري ! فس بري اوغه کاري ماسينغ ۲ ، کا اورغ هق کرج نق گلف دلوو ، هيغک سمني کا اورغ هق کرج فاكى .

9 فس جاري ، اورغ هق ماسوق کرج فوكول ليم فتنغ ، تريما گف ۲ اورغ اوغه هق سوغ فاتوت کرج سهاري .

10 سبب تو ، بيلا اورغ هق ماسوق کرج فاكى لاکي سمني ماس نق تريما اوغه رې ، رې گامق کات نق تريما لبيه فد اورغ لاين تو .
تافي رې فون تريما سروف بلاک ، اوغه هق سوغ فاتوت کرج سهاري .

11 با تريما رویت تو ده ، رې فون فاكت مغيفيق کا توان کبون تو کات : اورغ ماکن اوغه هق سود تو کرج سجم ، فس کيت کرج سهاري تونتوت دوق باکر دفانس ، تافي مو بري سروف !

12 فس توان کبون جابيت تو کات کا سئورغ دالم فواق هق دوق مغيفيق تو ، کات : هي کاون ، بغرله ! بوکن کات اکو تاء عاديل .

13 مو ستوجو به بوکن ، مو کرج بوليه اوغه سوغ فاتوت هق مو کرج سهاري ؟ امبيق رویت اوغه مو ، کليق له کا رومه ! اکو

14 برگن نق بري کا اورغ هق ماري سود تو ، سروف لغن مو .
بوکن که دغن رویت تو ، دوق اتس فنداین اکو ؟ بااف مو دوق

رغکی کران اکو بوات رغن بائیک هاتی؟
 سوده رویت چریتا تو، عیسی کات لاگی : بالس توله اورغ ۲ هق
 رنده نق بولیه فریغکت تیغکی ، اورغ ۲ هق فریغکت تیغکی نق
 جاتوه جاری رنده .

عیسی رویت کالی یغ کتیگ حال نی ماتی

تکه ۲ عیسی دوق کی کا کوت جروسلیم، نی کویت صحابة
 نی دوا بلس اورغ تو، نق کیچیق بارغ سولیت بلغ ۲ برجان .
 17
 عیسی کات کا نی: نفرله ! لانی کیت دوق توجو کا کوت
 جروسلیم . سمنفی دیق نون ، اورغ نق امبیق اکو ، مائنسی هق
 تورون دشک نی ، سره کا فواق امام بسر رغن کورو ۲ تورات .
 18
 روا فواق تو فون نق جاتوه حکوم بونوہ اتس اکو ،
 فس نق سره اکو کا اورغ بغسا لا'ین فول ، هق نق مفنجیغ
 کا اکو ، نق فیات اکو ، فس کی فاکو دکایو امفٹ چابغ
 سمنفی ماتی . تافی هاری یغ کتیگ ، توهن نق بڑی اکو
 19
 هیدوف کلیق سمولہ .

مق صحابة عیسی دوا اورغ ماری مینتا رغن عیسی

لفس فد تو ، مق انق ۲ ربدي کی سکالی رغن انق ۲ نی تو
 نق کیچیق رغن عیسی . نی بڑی حرمة کا عیسی نق مینتا
 ساتو فرکارا رغن نی .
 20
 عیسی تاث: مو نق اف؟ نی جواب: یا توانکو ، نق مینتا
 توان جنجی ، بیلا توان جاری راج ، بڑی انق ۲ امب دوا اورغ
 نی ، دودوق سبله کانن سئورغ ، سبله کیری سئورغ .
 21
 عیسی کات کا تیگ برانق تو: مو تاء' فهم هق مو دوق مینتا
 تو . مو جوغ کارق تریما کسیقسائن سروف اکو دوق هارف نی؟
 دوا برادیق تو فون جواب: ها ، امب جوغ !

- عيسي رويت کا رې سکالي لاكى کات : سوغلکوه ، مو نق تريما
کسيقسان سروف اکو جوگ . تافي کواس بري اورغ دودوق
سئورغ سبله کانن ، سئورغ سبله کيري تو ، بوکن کواس کو
سنديري ، نق . توهن باف کو نق بري تمفت تو کا اورغ هق رې
سيمفن سيف ده نق بوليه تريما ۔
- صحابة ۲ عيسى سفولوه اورغ لاكى تو فون ، هاوا نغر هق دوا
براديق دوق مينتا ، رې ناء يك موريه .
- سابيت تو ، عيسى فشكيل سموا دوا بلس اورغ تو ماسوق
دكت رې ، فس رې کات : مو تاهو ده کات کيپقکن راج ۲
فاکي کواس اتس رعيت رې ، کتوا ۲ اورغ فون امبيق فرينته
اتس فوق رې . تافي رغن فوق مو ، بوکن بالس تو . سياف ۲
نق جاري بسر ، کنا فاليلع فادول کا سموا اورغ .
- سياف ۲ دوق چاري فريشكى تيڭىكى کنا فاليلع جاري کولي اورغ ،
سروف اکو ، ما ئنسى هق تورون دشركنى ، ماري کا دنيا بوکن
نق بري اورغ فادول کا اکو ، دق ! اکو ماري نق فادول کا اورغ ،
نق سره پاوا اکو اونتوق نق بري لفس پاوا باپق اورغ .

عيسي بري هيلع اورغ مات بوت دوا اورغ

- تغه فوق عيسى توبيت درفت بندر جريکو ، فوق اورغ
رامي توروت رې کي . فس اورغ مات بوت دوا اورغ هق دوق
تفي جالن ، هاوا رې نغر کات عيسى نق لالو کو تو ، رې
فون منا وغ رغن سوارا درس کات : يا انق چوجو راج داود ،
کسياغ بلس کا امب گاتيق !
- اورغ رامي لارغ اورغ مات بوت سوروه دوق ديمام ، تافي دوا
اورغ تو منا وغ کھور درس لاكى کات : يا انق چوجو راج داود ،
کسياغ بلس کا امب گاتيق !

- 32 عیسی فون برهنتی تغه جالن، فغکیل اورغ مات بوت تو ماری
کا تمفت نی. فس عیسی کات کا دی: مو نق مینتا، اف سوروه
اکو بوت؟
- 33 دوا اورغ تو فون جواب سلالو کات: یا توان، مینتا، توان بربی
مات امب بولیه نمفق.
- 34 عیسی براسن کسیاغ کا نی، جامه مات نی. دوا اورغ تو فون
بولیه نمفق سلالو، نی توروت عیسی کی کاتیق.

عیسی ماسوق کا کوت جروسليم

باب 21

- 1 بیلا فواق اورغ رامی تو دکت نق سمعی کا کوت جروسليم،
نی جمبا کا کمفوغ بیت فاگی، دبوکیت زیتون، دلو. سمعی
دستیتو عیسی سوروه صحابة نی دوا اورغ، فسن کا نی کات:
مو کیله ماسوق کا کمفوغ هق دوق هائف تو، فس مو نق
تمو سلالو نغن سئیکور هیمر دوق تببت سکالی دغن انق.
کی اوغکی جیرت نی، فس باوا، ماری سینی.
- 2 کالو اد اورغ ماری کات اف ۲، مو کنا رویت کا نی کات: توان
کیت نق فاکی سبنتر. با کات بالس تو نی نق بربی سلالو.
- 3 عیسی رویت بالس تو، نق بربی جانی سوگکو هق ساتو اورغ
نبی دلو سبوبت کات:

مو کی رویت کا اورغ دالم کوت صیون کات:
تیغوقله، راج مو نق ماری کا تمفت مو!
هاتی نی لمد لمبوبت، نی نق ماری دغن هیمر،
نغن سئیکور انق هیمر هق مودا.

- 6 صحابة دوا اورغ تو فون کی بوت ایکوت هق عیسی سوروه تو.
نی کی امبیق هیمر نغن انق باوا، ماری، امبیق جوبہ ۲ نی
همفر اتس هیمر ۲، لفس تو عیسی نایک.
- 7

باپق اور غ دالم فواق رامي تو، امبيق جوبه ني همفر اتس تانه
بوات جالن . اور غ^۲ لاءين فون کي کرت رنتيئغ ۲ کايو ، همفر
بوات جالن جوگ .

لفس تو، اورغ رامي هق دوق بلارق دافن عيسى، سکالي دغن
 هق دوق بلاڪٽ فون، فاكت مناوغ بلغه ۲ کات:
 فوجيله کا انق چوچو راج راءور! بري توهن تورون
 رحمته اتس نې هق ماري دغن کواس توهن!
 فوجيله کا الله!

10 بیلا عیسی ماسوق دالم کوت جروسلیم ، سموا اورغ دالم
کوت تو جانی ریوه رنده ، فس دوق تان سام سندیری کات :
سیاف نی ، اورغ نی ؟

اورغ هق بلارق تو فون جواب : نيله عيسى،نبي هق ماري
د كمفوغ نصرة، د چشوار گاليل.

عيسى ماسوق رالم بيت المقدس

لفس فد تو، عيسى ماسوق دالم بيت المقدس، کي همب
 سموا اورغ هق دوق جوال بلي دالم تو. يي باليق فرلنفع
 ميجا ۲ اورغ هق توكر رویت، سکالی رعن کووا ۲ اورغ دوق
 جوال بوروغ مرفاتي، هق اورغ نق بوات قريان.
 فس عيسى کات کا سموا اورغ تو: اد رویت دالم کتاب توهن
 کات: 13

رومه نی اکو نق بري جاري تمفت اور غ بر دعا

تافي ، عيسى کات ، فواق مو بري جاري تمفت منوسوف اورغ
فیامون .

14 تکه ماس تو جوگ، اورغ ۲ مات بوت دغۇن اورغ تىغۇق مارى چارى عىسى دالىم بىت المقدىس تو، فس عىسى بىرى دى ھىلەن بلاد.

فواق امام ۲ بسر دغۇن فواق گورو ۲ تورات، رى تىيغۇق فركارا ۲
فلېق ھق عىسى بوات، فس نى دغۇر ھق بۇدق ۲ دوق مئاؤغ
دالم بيت المقدس تو كات: فوجىلە كا انق چوچو راج داود!
فس نى فون براس نق مورىيە كا عىسى.

فس نى مارى كات كا عىسى: گورو دغىركە ھق بۇدق ۲ دوق كات?
عىسى فون جواب: ھا، اکو دغۇر. مو تاءُ بىاس باج لاكىي كە،
ایات دالم كتاب ھق كات:

نق جاري بۇدق ۲ كچىك نېن بۇدق ۲ ھق ماكن
فيق فون، ھق مغۇچىق فوجىن كا توهن نېن سەفرن

لەس فد تو، عىسى تىيڭىل فواق ۲ تو، توبىيت كى تومىغۇ دودوق
سمالىم دەكەغۇغ بىت عنى .

عىسى حکوم كا فوهون ارا

بىلا سەفى ايسوق ئاڭىي، تىغە ۲ عىسى دوق برجان
مارى كا كوت جروسليم فول، نى براس لاقر.
دەتىفي جان تو اد فوهون ارا، سفوھون. بىلا عىسى نەفق
فوھون تو، رى كى تىيغۇق اد بواه كا لىق. تافى تاءُ اد، اد
داءُون ساج. عىسى فون كات كا فوهون ارا تو: جق دەهارى
نى، تاءُ بىرپاھ سەعمور ۲! كتىك تو جوڭ فوهون تو كچوت كرىيغ
سلالو.

فواق صحابة عىسى فون، بىلا رى تىيغۇق نەفق بالس تو، رى
براڭ حىران، فس نى كات: باڭ فوهون ارا نى بولىيە كچوت
باڭت ساغت؟

ايقتىله، عىسى جواب كا نى، كالو مو فرجاي دغۇن تاءُ واوې،
تننتولە ھق اکو بوات دە سائىنى كا فوهون ارا تو ،
مو فون نق بولىيە بوات جوڭ. فس بوكىن سكت تو ساج، دق!

لبيه ۲ لاگي، مو نق بوليه سوروه بوکيت نی کات: باعونله توبیت
جاتوه لاوت! بوکيت فون نق بوات ایکوت مو سوروه تو.
کالو مو فرچاي بالس تو، عيسى کات، مو بوليه تريما اف ۲ هق
مو دوق مينتا، رعا دفن توهن.

22

اورغ ماري تان عيسى: باواه تيته هق سياف؟

لفس تو، عيسى سمني کا بيت المقدس سموله فول. تکه ۲
دي دوق مثاجر دسيتو، فوق امام بسر دغن کتوا ۲ اورغ
يهوني، فاكت ماري کا تمفت عيسى دوق مثاجر، نق تان نی کات:
کواس هق مان بري مو بوليه بوات فركارا ۲ نی؟ سياف سوروه
مو باواه تيته دي بري بوليه بوات؟

23

عيسى جواب: اکو نق تان ساتو فركارا. کالو مو بوليه جواب،
موليقله، اکو فون نق بري مو تاهو کات اکو باواه تيته هق
سياف. بيلا يحيا بري اورغ تريما روکون مندي بفتيزما تو، دي
باواه تيته سياف، هق توهن که، اتوا هق ما نسي؟ جوابله!
فوق ۲ تو فون فاليل بحس سام سنديري کات: ايه! کيت نق
کات بالس ملن نی؟ کالو کيت جواب کات: ماري درفه توهن،
دي نق تان کيت: ها! باه مو تا فرچاي کا يحيا؟

24

تافي نق کات: ماري درفه ما نسي، کيت تاکوت اورغ رامي نق
موريه، سبب دي سموا فرچاي فوتوس کات يحيا جاني نبي.
کران دي دوق وا ويه بالس تو، دي جواب کا عيسى کات: تاهو!
عيسى کات: اکو فون تائسيير رویت جوک کات اکو باواه تيته
هق سياف، بوليه بوات فركارا ۲ نی.

25

عبارة انق جنتن دوا اورغ

فس عيسى رویت کا سموا فوق تو، کات: مو فيکير بالس
مان؟ اد ساتو اورغ، فس دي اد انق جنتن دوا اورغ. فد ساتو

28

- هاري، چيء بودق تو کي سوروه انق دوا اورغ تو کات: هاوغ !
کي بوات کرج دالم کبون جابيت کيت هاري ني ديه ! 29
- انق توا فون جواب: ايه ! مالس نق کي . دي کات بالس تو ،
تافي تاء لام ، دي سلت ميكير ، فس تو کي بوات کرج رکبون .
اديق دي ، بيللا چيء سوروه کي تو ، کات: ها چيء ، تاء اف ! نق 30
کي لاني سلالو ! تافي دي تاء کي . 31
- فس عيسى تان فواق تو: دوا براديق تو ، هق کاكک که ، اتوا
هق اديق ، طاعه کا چيء دي ؟ فواق ۲ تو جواب: هق کاكک
طاعه کا چيء دي . عيسى فون کات: فس اکو نق بري تاهو
کا فواق مو کات ، اورغ ۲ هق مو هيينا ، سروف اورغ کوتيف
چوکي دغن اورغ بتينا بيليق ، دي نق بوليه ماسوق دوق باوه
فرينته توهن دلو فد فواق مو ! 32
- کران يحيا هق اد گلران دي هق بري تريما روکون مندي تو ،
ماري تنじوچ جان هق بنر ، تافي مو تاء سير فرجاي هق دي
رويت تو . تافي فواق اورغ کوتيف چوکي ، دغن فواق اورغ بتينا
بيليق ، دي فرجاي هق يحيا رويت . سوڠکوه فون ، فواق مو
تيغوق فركارا ني ، تافي مو تاء سير فالیع توبه فرجاي هق يحيا
رويت . 33

عبارة اورغ هق فواه کبون جابيت

- فس نغرله عباره سا لاگي ، عيسى کات . اد سئورغ توان اد 33
تانه سکفيغ هق تانم بوات کبون جابيت . دي بوبوه فاکر
سلکيلیع ، فس دي گالي لوپع انتوق نق فره بواه جابيت ،
سلکالي دغن بوات تمفت تيغکي انتوق نق جاگ کبون تو . لفس
تو ، توان بري فواه کا اورغ ۲ ، فس دي سنديري تيغکل کي کا نکري
اورغ . 34
- بيللا سمعي فرياغ کوتيف بواه ، توان کبون تو هنتر انق ۲ کولي

- کی کا اورغ ۲ هق فاواه کبون تو، سوروه امبیق بھگین بواه ۲
جابت هق بالیق توان.
- تافي اورغ ۲ هق فاواه تو چکاو انق ۲ کولی، سورغ کا گودم،
سورغ کا بونوہ، فس سورغ لائی کنا فیکوغ لغن باتو . 35
- لفس فد تو، توان کبون هنتر انق ۲ کولی کھور باپق فد دلو
تافي اورغ هق فاواه بوات سروف تو جوگ کا ری . 36
- هق سود سکالی، توان کبون هنتر انق نی سندیری. نی گامق
کات: تنتو اورغ هق فاواه تو نق حرمه کا انق کو ! 37
- تافي بیلا اورغ هق فاواه تو تیغوق انق توان کبون ماری، نی
کیچیق سام نی کات: نیله انق توان کيون سندیری . ماری کیت
فاکت بونوہ نی، فس هرت سموا نی نق جاری میلیق کیت ! 38
- فس نی چکاو انق توان کبون، هیریت توبیت فد کبون ،
بونوہ نی بڑی ماتی . 39
- فس عیسی تاش: بیلا توان کبون کلیق، نی نق بوات بالس مان
کا اورغ هق فاواه تو؟ 40
- فواق هق دوق لغز فون جواب کات: تنتو نی نق بونوہ
اورغ ۲ جاہت ساءنی تو، فس نی بڑی فاواه کا اورغ لائیں فول،
اورغ هق عاریل باکی بگیان سروف کا توان کبون ، فد ماس
بولیه حاصلن . 41
- فس عیسی کات: مو تاء بیاس باچاکه ایات دالم کتاب هق کات:
باتو هق توکن رومہ تاھوق کات تاء ترفاکی تو،
جاری باتو هق لتق دتمفت مستحق سکالی
دالم رومہ تو . اینیله هق توهن بوات بڑی جاری،
هق کیت بولیه کات مولیق سکالی کا کیت .
- فس عیسی تمبه لائی کات: سروف تو جوگ، مو گامق کات مو
دوق باوه فرینته توهن بولیه سلامت نه، تافي هق نی توهن 43
44

نق امبیق درف دو، بری کا اورغ بگسا لاءین هق بری نمفق
حاصلن هق سوغ دغن اورغ هق دوق باوه فرینته توهن تو.
فواق امام بسر دغن فواق فریسی، هاوا ری دغر هق عیسی
رویت دغن عبارة تو، ری تاهو کات عیسی دوق کیچیق توجو
کا ری. سبب تو له، ری چاری جالن نق ایکت عیسی. تافی
ری تاکوت کا اورغ رامی سبب اورغ رامی تو کات عیسی جانی
نی.

عبارة جاموان منیکاح راج

باب 22

- لفس فد تو فول عیسی مثاجر اورغ رامی دغن عبارة کات: 1
بیلا توهن لتق فرینته ری اتس ماںسی جانی سروف جاموان 2
منیکاح هق ساتو اورغ راج سیمفون انتوق انق جنتن ری.
سوده سیمفون سیف ده، راج تو فون سوروه همب ری کی 3
فعکیل اورغ هق ری فاده دولو، ماری ماکن جاموان.
تافی اورغ ۲ تو تاءسیر ماری.
- راج فون سوروه همب ری هق لاءین فول کی رویت کا اورغ تو 4
دغن فسن کا همب کات: کیله رویت کا اورغ هق اکو فاده دولو
کات: جاموان راج سیمفون سیف ده. لمبو جنتن، انق ۲ لمبو
فون سعملیه ده، کولی ماسق بلاک ده. ماریله سلالو ماکن
جاموان منیکاح!

- تافی اورغ هق کنا فاده، تاء امبیق فدولی کا اورغ کی رویت تو.
ری کی بوات کرج ری ماسیع ۲. اد هق کرج بندغ، اد هق
کی بوک کدی.

- فس هق لاءین ۲ لاکی، چکاو همب ۲ راج تو، بری مالو، فس
هیریت ری کی بونوہ.

- راج فون کھور ۲ ماره، سوروه عسکر ۲ ری کی بونوہ اورغ هق
بونوہ همب ری ساء نی تو، فس سوروه باکر کوت ری کاتیق.

- لفس تو راج فغکیل همب ۲ ری ماری سمولا فول، فس نی کات: 8
 جاموان منیکاح اکو سوده سیف ده، تافی اورغ هق اکو کی فاده
 تو، تاء لایق بري ماکن. مو گیله کوء جالن ۲ بسر. باپق مان 9
 مو تمو اورغ، اجق نی ماری سلالو، ماکن جاموان نی!
 همب ۲ ری فون کی کوء جالن بسر، فس اورغ باپق مان نی 10
 تمو، اورغ بائیک اتوا اورغ جاھت فون، نی اجق بري برھیمغون
 کی سکالی، هیفگ سمفی فنوھ بالی تمفت جاموان تو. 11
 لفس فد تو، راج فون ماسوق نق تیغوق اورغ هق ماری. فس نی
 نمفو اد سورغ هق فکاین تائسوغ اونتوق جاموان راج تو.
 راج فون تان اورغ تو کات: کاون، بالس مان مو بولیه ماسوق 12
 جاموان رغن تاء فاکی سرروب مولیق?
 تافی اورغ تو دوق دیام، تاء جواب سفاته هابوق.
 لفس تو راج سوروه همب ۲ ری کات: ایکت کاکی تاغن اورغ 13
 تو، امبیق کی تاهوھ کوء لوار، بري دوق دالم گلف!
 دسیتوله اد تریاق مناغیس، کاچیت کیکی، رغن کران سیقسا.
 فس عیسی بري سود عباره تو، کات: کران اورغ فاده رامی، 14
 تافی هق بولیه فیلیه سیکیت ساج.

اورغ ماری تان عیسی چارا حال باير حاصل

- لفس فد تو، فواق فریسی تیغکل تمفت عیسی دروق تو، 15
 کی مشورة نق چاری جالن بوات فرغکف بري عیسی کیچیق ساله.
 فس تو، ری سوروه ستھه انق مرید ری، سکالی رغن اهلي
 دالم فواق راج هیرود، کی تمو رغن عیسی. بیلا ری تمو ده
 ری رویت کا عیسی کات: توان گورو! کیت تاهو کات توان گورو
 کیچیق هق بتول. توان مقاجر هق بنر چارا حال کمندق
 توهن انتوق مائنسی، رغن تاء کیرا کات اورغ سوک کا نق.
 کران توان تاء تیغوق فریغکت اورغ. سبب تو له، توان فیکیر 17

بالس مان؟ کالو کيت باير حاصل کا مهاراج روم، کيت ساله حکوم توهن کا نق؟

18

عيسى تاهو ده توجوان فواق تو جاهت. سبب توله يي کات: هي مو مانيں دلوار ساج، هاتي هودوہ! باءاف مو نق فرغکف اکو؟ تنجوقله کا اکو رویت کفیغ تو، هق مو نق بوات باير حاصل! فواق تو فون باواء بري کا يي رویت سکفیغ.

19

فس عيسى تاث فواق تو: روف نغن نام سیاف فوکول اتس رویت يي؟ فواق تو فون جواب: هق مهاراج روم، توان. عيسى کات فول: کالو کيتو، بايرله کا مهاراج هق جاري ميليق راج، فس سره کا توهن هق جاري ميليق توهن! بیلا فواق تو بغره ق عيسى رویت تو، يي براں حیران فنه دالم هاتي. فس يي تیغکل عيسى کي کوء لاءين.

22

اورغ ماري تاث چارا حال ماتي هيدوف کليق

23

فدي هاري تو جوگ، ستهه اورغ فواق صدوکي ماري کا تمفت عيسى دودوق. فواق صدوکي تو جاري ساتو فواق اوکام یهوري، هق فرچاي کات، اورغ ماتي تاءبغکيت هيدوف کليق فد هاري قيامة.

24

فواق تو کات: يا توان گورو! يي موسى مثاجر کات، کالو اورغ جنتن ماتي نغن تاءبوليه انق لاکي، اديق يي تو کا منیکاح نغن بکس بیني کاكې يي. کالو بوليه انق، کنا کيرا سروف انق بکس لاکي هق ماتي تو.

25

بياس جاري، اد اديق براديق جنتن توجوه اورغ. هق سولوغ بربيني، فس يي ماتي نغن تاءليه انق لاکي.

26

فس بکس بیني يي منیکاح نغن اديق اورغ هق ماتي تو. تاءران نق بوليه انق، لاکي تو ماتي فول. فس اديق یې کتيگ جاري بالس تو جوگ، هيفگ سمني اديق بوغسو یې کتتوجوه تو فون.

فس سود سکالی اورغ بتینا تو فون ماتی . فس کیت نق تاش توان ،
فدهاری اورغ ماتی نق هیدوف کلیق سمولاء ، اورغ بتینا تو نق
جادی بینی سیاف دالم توجوه اورغ تو ؟ کران سموا اورغ تو
منیکاح لغن نی بلاک .

عیسی فون جواب کانی : مو سیلیف فهم سوگکوه ، سبب مو تاء
ارتی هق اد دالم کتاب ، کواں توهن فون مو تاء تاهو جوک .
کران فد ماس اورغ ماتی هیدوف کلیق تو ، نی نق جانی سروف
ملائیکه ۲ دشراگ ، تاء برینی تاء برلاکی .

فس چارا حال اورغ ماتی هیدوف کلیق تو ، عیسی کات ، مو باج
ده هق توهن رویت کا فواق مو ، بوکن ؟ توهن کات :

اکوله توهن هق ابراهیم ، اسحاق لغن یعقوب دوق سمبه

معنان دیاله توهن انتوق اورغ هق دوق هیدوف لاکی ، بوکن
انتوق اورغ هق ماتی ده .

بیلا اورغ رامی دغر بالس مان هق عیسی جواب تو ، نی فون
براس حیران بلاک .

حکوم هق مستحق سکالی

35-34 بیلا فواق فریسی دغر خبر کات عیسی بري اورغ صدوکی تو
کاتوف مولوت ، تاءلیه کیچیق سفاته ، نی فون ماری برهیمفون
سکالی . فس سئورغ دالم فواق تو هق جادی کورو تورات ، ماری
نق سویی عیسی ، نق بوات هید بري نی کیچیق ساله .
36 نی فون کات کاعیسی : یا توان کورو ، دالم تورات کیت ، حکوم
مان هق مستحق سکالی ؟ عیسی جواب کات :

مو کا کاسیه کارتبی توهن مو لغن سفنوه هاتی ،
لغن سفنوه راس ، فس لغن سفنوه فیکیران مو .

38 حکوم نیله هق مستحق بیغ فنتیغ سکالی.

39 فس اد حکوم سا لائی هق مستحق سروف تو جوک، کات:

مو کنا کاسیه سام ۲ مائنسی سروف مو کاسیه
کا دیری مو سندیری.

40 کتاب تورات نغن فثاجران نبی ۲ سموا برسغکوت اتس دوا حکوم
نبی.

عیسی تان چارا حال المسیح هق توهن جنجی تو

42-41 تکه فواق فریسی دوق برھیمغون دسیتو لائی، عیسی تان
بی کات: بالس مان فیکیران مو، تتنفع المیح هق توهن
جنجی تو؟ ری جاری کتورونن سیاف؟

فواق فریسی فون جواب: ری کتورونن راج راءود.

43 کالو بالس تو، عیسی کات، بالس مان راج راءود دغن کواس
روح توهن، بولیه فغکیل المیح تو ربی؟ کران ایکوت ایات
دالم کتاب نبی راءود، ری کات:

44 توهن سوده رویت ده کا ربی کو، کات:
دوروقله دسبله کانن کو، سمهیغک اکو، توهن،
بری سترو ۲ مو دوق باوه کاکی مو بلاک.

45 راج راءود فغکیل بی ربی، کالو کیتو، بالس مان المیح
هق توهن جنجی تو بولیه جاری کتورونن راج راءود؟

46 تاءاد سئورغ هابوق بولیه جواب هق عیسی کات سائینی، فس
جق دهاری تو، تاءاد سئورغ برانی نق تان عیسی سکارا فون.

باب 23 عیسی نصیحة کا فواق بی سوروه برایفت

1 لفس تو فول، عیسی نصیحة کا اورغ رامی سکالی نغن صحابة ۲

- 2 بی کات: گورو ۲ تورات دغن فواق فریسی، دیاله فواق هق
بولیه مفاجر تفسیر تورات نبی موسی.
- 3 سبب تو، مولیقله مو طلاعة توروت سموا اف هق نبی اجر.
تافی جاغن مو توروت چونته نبی، سبب نبی سندیری تا
توروت هق نبی اجر.
- 4 سروف نبی سیمفن بارغ برت سوروه اورغ فیکول، تافی نبی
سندیری نشن سفونتوغ جاری فون نبی تا تولوغ.
- 5 هق نبی بوات سموا تو بالیق لوار ساج، نق بری اورغ تیغوق
کات نبی قواة اوکام. تیغوقله بسر مان بکس هق نبی بوات
بوه ایات ۲ دالم کتاب، ایکت دراهی، ایکت دلخن نبی. فس،
تیغوقله فنجع مان رمبو ۲ دیاجو جوبه نبی!
- 6 بیلا نبی کی ماکن جامون، نبی سوک دوق دتمفت مولیق ۲.
فس دمسجد فون، نبی سوک دوووق اتس کریسی هق فیسید.
- 7 نبی سوک چالن دالم کدی، نق بری اورغ حرمه کا نبی دغن
فعکیل توان گورو.
- 8 جاغن مو بری اورغ فٹکیل مو گورو ماچم تو، عیسی کات، کران
فواق مو سموا جاری ادیق برادیق، فس اد سئوڠ ساج هق مو
بولیه فٹکیل توان گورو.
- 9 فس جاغن مو فٹکیل سیاف ۲ اتس دنیا هق جاری گورو مو ،
کات باف، سبب باف مو ینغ سا دوق اد ده دشگ.
- 10 فس لاکی، جاغن مو بری اورغ فٹکیل مو جاری فمیمین، کران
هق جاری فمیمین مو سجاتی یا یت المسیح هق توهن
جنجي تو.
- 11 اورغ هق نق فریغکت تیغکی دالم فواق مو، نبی کتا جاری
کولی کا سموا اورغ. سیاف نبی نق اگکیت دیری نبی بری جاری
تیغکی، تنتو نبی نق رنده، تافی سیاف نبی مرنده دیری نبی ،
تنتو نبی نق جاری تیغکی.

فواق فریسی هق مات بوت تافي نق فیمین اورغ

- 13 هي فواق کورو تورات دغن فواق فریسی ، نق تروق سوڠکوه اتس فواق مو ! فواق مو هق کیچیق مانیس لوار ! مو کاتوف جالن رافن اورغ هق هافن نق ماسوق دوق باوه فرینته توهن.
- 14 مو سنديري تا^۱ سير اوسمها نق ماسوق . اورغ لاءین هق نق ماسوق فون ، مو لارغ تاءسیر بري يی ماسوق جوک .
- 15 هي فواق کورو تورات دغن فواق فریسی ، نق تروق سوڠکوه اتس فواق مو ! فواق مو هق کیچیق مانیس لوار ! مو جوغ جمرغ لاءوت کي کا لوار نکري ، نق بري ساتو اورغ فالیغ جاري فواق مو . فس بولیه ده ، مو بري يی فاتوت نق ماسوق نراك ، لبیه دوا کالی گنداد فد فواق مو .
- 16 هي فواق مو هق مات بوت ، تافي نق فیمین اورغ ! نق تروق سوڠکوه اتس فواق مو ، هق اجر کات : کالو سئورغ برسومفه دغن سبوت نام بيت المقدس ، سروف تو تا^۲ جاري اف^۳ . تافي ، کالو سئورغ برسومفه دغن سبوت نام مس دالم بيت المقدس تو ، مستي کتا بواس .
- 17 مو اورغ بودوه ، مات هاتي بوت ! هق مان مستحق ، مس که ؟ اتوا بيت المقدس هق بري جاري مس تو سوچي انتوق توهن ؟
- 18 تنتو بيت المقدس هق مستحق . فس لاکي ، مو اجر کات : کالو سئورغ برسومفه دغن سبوت نام تمفت سمبه قربان ، هق تو تاء جاري اف^۴ ، تافي کالو سیاف يی برسومفه دغن سبوت نام بارغ هق يی سمبه دتمفت تو ، مستي کتا بواس .
- 19 مو اورغ مات هاتي بوت ! هق مان مستحق ، بارغ هق مو سمبه که ؟ اتوا تمفت سمبه قربان ، هق بري جاري بارغ تو سوچي انتوق توهن ؟ تنتو تمفت سمبه قربان هق مستحق .
- 20 سبب توله ، عيسى کات ، کالو سئورغ برسومفه دغن سبوت نام

تمفت سمبه قریان، معنان ترماسوق سموا بارغ هق سمبه اتس
تمفت بوات قریان تو گاتیق.

21 فس کالو سئورغ برسومفه دغن سبوت نام بیت المقدس، معنان

ترماسوق توهن هق دوق اد دالم بیت المقدس گاتیق.

22 فس لکی، کالو سئورغ برسومفه دغن سبوت نام لاغیت، معنان
ترماسوق تحتا توهن، سکالی دغن دی هق دوق اد اتس تحتا
تو.

فواق فریسی تافیس بارغ هالوس، بارغ بسر تاءًکابر

23 هي فواق گورو تورات دغن فواق فریسی، نق تروق سوڠکوه
اتس فواق مو! فواق مو هق کیچیق مانیس لوار! مو بوات دغن
هالوس هالوسی، بري کا توهن سکیان دالم سفولوه، فرکاکن ۲
کولی سروف سلاسیه، بوغا چکیه، کایو جینتن مانیس. تافی
هق مستحق دالم حکوم تورات، سروف بوات دغن عادیلن،
کسیاغ بلس کا اورغ، اتوا بوات دغن جوجور، فرکارا ۲ نی مو
تیغکل تاءًبوات. جایی فرکارا ۲ نیله مستحق مو بوات، بوکن
کات تاءًبری بوات، دق، هق لاءین تو.

24 هي فواق مو هق مات بوت، تافی نق فیمغین اورغ! مو تافیس
بارغ هالوس، بارغ بسر هق دوق اد ده، مو تاءًکابر. سروف
مو تافیس لالت تاءًبری ماسوق دالم ایر، تافی اوستا هق
ماسوق ده، مو تاءًکابر!

25 هي فواق گورو تورات دغن فواق فریسی، نق تروق سوڠکوه
اتس فواق مو! مو هق کیچیق مانیس لوار! مو باسوه بري
چوچی بالیق لوار، چاون مو دغن فیفگن مو، تافی بالیق دالم
فنوه چمر فیوروغ دغن بارغ هق مو سامون داورغ، دغن هاتی
طعم مو.

26 هي اورغ فریسی، مات هاتی بوت! بري چوچی دلو دالم چاون

باروله لوار نق جاني چوچي جوگ.

27

هي فواق گورو تورات دغн فواق فريسيي، نق تروق سوغکوه
اتس فواق مو! مو هق کيچيق مانيس لوار! مو سروف دغن گوا
هق بوات قبور. اورغ بوه چف فوتىه نق برى موليق باليق لوار،
تافي باليق دالم اد تولغ اورغ هق ماتي دغن بارغ هق بوسوق!
فواق مو سروف تو جوگ. تيغۇق باليق لوار بائىك، تافي باليق
دالم فنوه دغن هاتى بوهوغ، سکالى دغن دوسا.

28

فواق فريسيي نق كا حکوم ماس دافن

29

هي فواق گورو تورات دغن فواق فريسيي نق تروق سوغکوه
اتس فواق مو! فواق مو هق کيچيق مانيس لوار! مو تمبون نق
بوات فوسو هق موليق اتس قبور نې ۰۲ مو بوات هياسىن
جاري فرايغاتن اتس قبور اورغ ۲ دولو، هق بوات بائىك كا اورغ.
فس مو كات: كالو كيت دوق ادره، فد ماس توء نينيق موبىخ
كىت دولو تو، تنتوله كىت تا^ء بوات سروف نې، هق بونوه
نې ۰۲ تو.

30

دغن كات بالس تو، مو معاڭو كات مو جاري انق چوچو اورغ
هق بونوه نې ۰۲ دولو تو. كالو بالس تو، عيسىو كات، مو
بواتلە بزى سودە كىلاھن هق فواق توء نينيق مو بوات تو.
هي فواق مو هق سروف دغن اولر! دودوقكىن مو نق بوات
خيانة سعمور. فواق توء نينيق مو فون، سروف تو جوگ. بالس
مان مو هارف نق بولىيە لفس فد حکوم نراك؟ تنتو تائلىيە.

31

فس اکو كات كا فواق مو، اکو نق ھنتر نې ۰۲ دغن اورغ ۰۲
بيجق، سکالى دغن گورو ۰۲ ماري كا فواق مو. فس دالم فواق هق
اكو ھنتر ماري تو، اد هق مو نق بونوه كاتيق، اد هق مو
نق فاكو دكايو امفت چابۇغ كاتيق، اد هق مو نق حکوم فيات
دالم مسجيد مو كاتيق، فس اد هق مو نق بوات سيقسا كا نې،

32

33

34

جق دکوت مو سمفي کا کوت اورغ کاتيچ .

سبب توله، سود سکالي توهن نق حاتوه حکوم اتس فواق مو،
دغن کران سموا اورغ هق کا بونوه دغن تاءار بوات ساله اف ۲ ،
امبيق رهابيل هق تاءالله اف ۲ تو، هيٺگ سمفي زکريا انق
باراخي، هق فواق مو بونوه، تکه ڦي دوق دتھه تمفت سوچي
دغن تمفت سمبه قربان .

اکو رویت کات سوغکوه، حکومن سکل ۲ نی نق جاتوه اتس فواق
مو هق دوق اد ماس لاني .

عيسى کاسيه کا فواق جروسليم

لفس فد تو، عيسى دوق تريکو دالم هاتي چارا حال اورغ
جروسليم، کات: اوه، اورغ جروسليم ! مو بونوهنبي ۲ ، مو امبيق
باتو فيگوڠ فسوروه ۲ توهن سعمور. براف کالي اکو براں نق
فلوق فواق مو بري جاري ميليق کو، سروف ڻهن ايم هق دوق
فشکيل انق ڦي بري ماسوق باوه سايف، تافي مو تاءمبوه .

سبب توله، رومه تشگ مو نق تيٺگل هابيس .

فس اکو نق رویت کا فواق مو، عيسى کات، جق دهاري نی ،
هيٺگ سمفي هاري رافن هق مو نق کات: براونتوغله ڦي هق
ماري ڻهن کواس توهن، فواق مو تاءليه تيٺوچ اکو ده .

باب 24 عيسى رویت چارا حال بيت المقدس نق رونته

تشه ۲ عيسى دوق توبیت دالم بيت المقدس تو، صحابة ۲
ڦي ماري نق تنجوچ دالم ليٺکوڻن تمفت تو .

فس عيسى کات: ها سوغکوه، تيٺوچله سمواني ! تافي اکو رویت
کا فواق مو، ماس رافن نق رونته، تائتيٺگ سکفيچ هابوق ،
باتو هق دوق سوسون نی ، نق برتابور رات ۲ .

تندا ۲ کات دنیا نق سود

- لفس فد تو، تکه عیسی دوق دبوکیت زیتون، صحابة ۲ ری 3
 ماری نق کیجیق دغن عیسی دغن سیف ۲، فس تان ری کات:
 رویتلہ توان، بیلا فرکارا نی نق جاری؟ فس تندا لاکو مان
 بولیه تاهو، ماس هق توان نق ماری فول بربی سود دنیا نی ،
 نق سمفی ده؟ 4
- عیسی جواب کات: مو کا جاگ بربی مولیق، جاغن بربی اورغ 4
 بولیه تیفو مو! کران باپق اورغ نق ماری لفس سا ۲، فاکی نام 5
 کو کات: اکوله المیح هق توهن جنجی تو! فس دغن کات
 بالس تو، ری بولیه تیفو باپق اورغ . 6
- مو نق بولیه بوپی اورغ میسوه دکت تمفت مو دودوق ، فس
 دنگری جاءوہ فون، مو نق بولیه دغر خبر جوگ . تافی مو
 تاء سه بیمغلہ، عیسی کات، فرکارا ۲ نی مستی کنا جانی دولو،
 تافی بوکن تندا ۲ کات دنیا نق سود لاکی . 7
- نگری نق برلاون سام نگری، کراجائی فون نق برلاون سام
 کراجائی . نق جاری کماراو، تانه فون نق برکوچق سرات دنیا . 8
- سموا فرکارا نی، بندیغ سروف دغن اورغ بتینا هق بارو
 ساکیت نق برانق . 9
- لفس تو، فواق مو نق کنا ایکت، فس اورغ نق سره فواق مو
 بربی بوات سیقسما، هیغېک سمفی کنا بونوہ فون . سموا ما نسی
 نق بنچی کا فواق مو، کران مو فرچای کا اکو . 10
- فد ماس تو، نق اد باپق اورغ هق فالیغ تائسیر فرچای . اورغ
 نق بوات درهاك سام سندیری، نق بنچی سام سندیری . 11
- فد ماس تو جوگ، نق تیمبول نبی ۲ هق بوهوغ، بولیه تیفو
 باپق اورغ . کجهاتن نق ملارت رات ۲، سهیغک هق دوق
 بیاس کاسیه ده، نق کهور ۲ کورغ کاسیه . 12

- تافي سیاف ۲ بولیه اود سمفی سود ، اورغ تو نق بولیه سلامت .
 13 فس اورغ نق کی کوسنر کو دالم کمفوگ ۲ سرات دنیا ، نق برى
 14 سموا بفسا دغر خبر بایک کات توهن نق ماسوق فرینته
 دالم هاتی مائنسی . باروله دنیا نق سود .

بالا هق دهشت

- فس ، عیسو کات ، مو نق بولیه تیفوق بالا هق دهشت ،
 15 هق نبی رانعیل رویت ده تو ، دوق دتمفت سوچی . (اورغ
 هق دوق باج سورت نی ، کا فرهاتی بایک ۲ اف معنا هق
 مو دوق باج نی .)
- فده ماس مو تیفوق بالا هق دهشت تو ، سموا اورغ هق دوق
 16 دالم نگری یهودیه کنا لاری کی دو دوق دبوکیت .
- اورغ هق دوق اتس سوتوه رومه دی ، کا تورون سلالو کی ، تا^۶
 17 کا ننتی امبیق بارغ دالم رومه دوق ده .
- اورغ هق دوق تغه باروه فون ، کا لاری سلالو ، تا^۶ کا کلیق
 18 امبیق باجو جوبه .
- فده ماس تو ، نق تروق سوگکوه کا اورغ بتینا هق دوق مغندوغ
 19 فروت بسر ، اتوا هق اد انق کچیق فون .
- مینتا^۷ دعاله کف دوهن ، برى مو تا^۸ کا لاری فد فریاغ سجوق
 20 اتوا فد هاری میغکو ، هق لارغ تا^۹ برى توبیت کوت .
- کران فد ماس تو ، بالا نق تروق لبیه فد هق بیاس جانی ده
 21 جق دمولام^{۱۰} جاری دنیا هیغک سمفی لانی ، عیسو کات . فس
 تا^{۱۱} تمو ده ، بالا تروق سروف تو .
- تافي توهن برى کورغ هاری . کالو دی تا^{۱۲} برى کورغ ، بالس
 22 تو ، تنتو تا^{۱۳} اد سئورغ هابوق هق بولیه هیدوف . تافي
 کران دی کسیاغ بلس کا میلیق هق دی فیلیه ، سابیت تو ،
 توهن برى کورغ هاری ده .

فدر ماس تو، مو کنا جاگ کالو سیاف ۲ کات کا فوق مو:
تیغوقله، نیله المسيح هق توهن جنجی تو! اتوا: تو!
ایتوله بی! جاغن فرچایاله کا اورغ هق کات بالس تو.
کران نق اد اورغ، هق اغکیت بیری بی کات بی المسيح
هق توهن جنجی تو، فس نق اد نبی ۲ هق بوهوج، جوک.
فس فوق تو نق بوات فرکارا ۲ فلیق جاری تند، اچی بولیه،
نق بی بولیه تیفو، میلیق هق توهن فیلیه ده تو.
نغرله! عیسی کات، اکو رویت ده فرکارا بی کفڈ مو، بلوم فد
جاری لائی! فس کالو اورغ کات کا فوق مو: کی تیغوقله بی تو،
دوق دیق نون دفارغ فاسیر! اتوا کات: تیغوقله، بی دوق
منوسوف سینی! جاغن مو فرچای هق بی رویت تو.
کران اکو، مائنسی هق تورون لشک نی، نق ماری سروف کیلت
مپبر، امبیق دمتهاري نایک سمفی کا متھاری جاتوه.
فس دمان اد مایت، دسیتوله بوروغ ایریغ فاکت دوق
برهیموفون.

تند ۲ کات مائنسی هق تورون لشک تو نق ماری فول

لفس فد کسیقسائی ماس تو تاءلام، متھاری نق گلف،
بولن تاءچره. بینتغ ۲ نق جاتوه کا بومی، بینتغ ۲ اودارا فون
نق توروت جالن بی تاءلیه، کی ایکوت سیر.
باروله نمفق تند اکو، مائنسی هق تورون لشک تو، دوق اد
دلاغیت. فد ماس تو، اورغ گنف ۲ بعسا دنیا نق تریاق
مناگیس، فس بی نق نمفق اکو، مائنسی سائني تو، تورون
ماری سکالی رعن اون، بی پات کواس اکو رعن کملیان
هق بسر.

سروني سغکالا نق بروپی، فس اکو نق سوروه ملائیکة ۲ کو
تورون کا امفت بوچو بومی، کی لیغکوڠ اورغ هق جاری میلیق

تهن ده، بري ماري برهيمغون، امبيق داکي باليق نې، سمني
كا کاکي لاغيت باليق سلن.

فجاران سا لاکي درفت فوهون ارا

32 فس عيسى کات فول: تیغوقله فوهون ارا، نق جاري تندا
انتوق فواق مو! بيلا داهن ۲ فوهون تو هيجو سگر، فس
رائون ۲ نق فچه فوچوق، مو تاهو ده کات، دكت نق سمني
فریاغ مولیق.

33 بالس تو جوگ، بيلا مو تیغوق ده فركارا ۲ هق سروف ساعئني،
مو نق بوليه تاهو کات، دكت نق سمني ماس اخيرة.
34 ايغتله! بلوم فد سموا اورغ لافيس نې ماتي هابيس لاکي، فركارا
35 هق اکو رویت ساعئني نق جاري. لاغيت دغن بومي نق هيلع،
تافي فركتاں کو نق ککل سلام ۲.

تاءاد سورغ هق تاهو بيلا سمني ماس

36 سورگوھ فون کات بالس تو، تافي تاءاد سورغ هابوق هق
تاهو بيلا نق سمني ماس هاري تو، باييك ملاعيڪ ۲ دشرگ اتوا
انق يغ ساتو فون، ملينکن باف هق تاهو فركارا نې.
37 بيلا اکو، مائنسىي هق تورون دشرگ نې، ماري فول، نق جاري
سرروف دغن فد زمان نې نوح.

38 فد ماس تو، بلوم فد اير به بسر لاکي، اورغ دوق ماکن مينوم،
جنتن بتينا دوق منياح سروف تولا، هيغك سمني هاري هق
نبي نوح ناييك اتس کفل فون.

39 فس هاري تو جوگ، فواق تو تاءاد کابر لاکي، سمهيغك اير به
ناييك بري سلم هابيس. بيلا اکو، مائنسىي هق تورون دشرگ
ماري فول، نق جاري سروف تو جوگ، عيسىو کات.

40 فد ماس تو، اورغ جنتن دوا اورغ دوق تغه باروه، فس سورغ

- کنا امبیق کی، سئورغ لاکی تیغکل سیتو.
فس اورغ بتینا دوا اورغ فول دوق کیسر فادی. سئورغ کنا امبیق
کی، سئورغ لاکی تیغکل سیتو.
- جاكاله، عيسى کات، سبب مو تاٹاھو ربی مو نق ماري هاري
مان.
- ایغتلە، کالو توان رومه تاھو کات اورغ نق ماري چوري، نی دوق
توغکو، تاءبری فنچوري کوبیق دیندیع رومه نی تو.
- بالس تو جوگ، مو کنا توغکو سیمفون سیف، کران فد کتیک مو
سغک کات نی تاءماری، کتیک توله مائنسی هق تورون لشرك
نق ماري فول.

کولي هق بولیه هارف اتوا هق تاءلیه هارف

- فس، نق تان سیکیت، عیسی کات: اورغ بالس مان، کولي
هق توان نی بولیه هارف، فس هق بیحق؟ نیاله اورغ هق
تون سوروه جاگ کولي ۲ هق لاءین، بري نی ماکن ماس
فاتوت سروف بیاس.
- سوک هاتیله کولي تو، کالو توان نی کلیق تغه ۲ ری دوق
بوات، بالس تو. فس اکو نق رویت کند مو، عیسی کات،
کولي هق جوچور تو، توان نق هارف کا نی سموا هرت ری.
- تافي، کالو کولي تو اورغ هاتی جاھت، نی نق فيکیر کات:
تنتو لمبт لاکی توان نق کلیق. فس ری فون امبیق کاپو،
کووم ساءین ۲ هق نی فيرا تو، کی فاکت ماکن ارق سکالي
لغن اورغ بیاس ماکن.
- جاتوه ساتو هاري، تکه کولي تو دوق سغک کات: توان لمبт
کلیق لاکی، فس تاءتاھو ماس مان، فد ماس توله توان سمنی
کلیق.
- فس توان کولي تو نق کووم نی هابیس ۲ ریخ، بري فاته فوتوس

فس بري نصيب سروف دغن نصيب اورغ هق مانيس لوار، فاهيت
رالم. دسيتوله دي نق ترياق مناخيش هيغك سمني ڪاچيت
کيڪي.

عبارة اورغ بتينا مودا سفولوه اورغ

باب 25

- 1 فس عيسو رویت عباره ڪات: فد هاري قيمة، بيلا توهن
لتق فرينته دي هق سود، نق جاري سروف چريتا دباوه ني:
ار اورغ بتينا مودا سفولوه اورغ، هق امبيق فليتا سفولوه بوتير
کي سمبوت انق ترونا سائين گو دي.
- 2 دي کي سفولوه اورغ تو، ليم اورغ هق تاءُ فندي نق ڪامق، ليما
اورغ لاکي دي فندي نق ڪامق.
- 3 جاري، ليما اورغ هق تاءُ فندي نق ڪامق تو، دي باواه فليتا، تافي
تاءُ باواه ميپق هق نق بوات تمبه.
- 4 فس ليما اورغ هق فندي نق ڪامق تو، دي باواه فليتا فس باواه
بكس ميپق فنهه ڪاتيڪ.
- 5 فوقانق ترونا تو لمبت ماري. اورغ بتينا مودا تو فون دوق
تووغکو، مختنوق هيغڪ سمني جندرا، تافي انق ترونا تاءُ ماري
لاکي. سمني فوكول دوا بلس تغه مالم، باروله بوبي سوارا اورغ
مناوغ ڪات: انق ترونا سمني ده! ماري له سمبوت!
- 6 بودق بتينا تو فون باغون، باهٽيڪي سومبو فليتا.
- 7 فس فوقانق ليما اورغ هق تاءُ فندي ڪامق تو، مينتا دغن اورغ هق
فندي ڪامق ڪات: بريله کيت ميپق سيڪيت دي، فليتا کيت
ها بيڪ ميپق تاءُ مپلا!
- 8 تافي ليما اورغ هق فندي ڪامق تو، جواب: با فارن انتوق اکو،
تاءُ چوکوف نق بري ڪف مو. ڪيله بلي دکدي سنديري!
- 9 بودق بتينا هق تاءُ فندي ڪامق تو فون، کي بلي ميپق. تغه دي
دوق کي تو، فوقانق انق ترونا سمني. فس بودق بتينا هق
دوق چارغ ميپق تو، ماسوق سکالي دغن انق ترونا رالم تمفت

جامان. فينتو ت Moffت تو فون ، اورغ کاتوف.

لفس تو، بودق بتينا ليم اورغ لاکي فون ، کلیق ماری سمفي کا
تمفت تو. فس ری فشکیل : توان ، توان ، بوک فينتو سبنتر ، امب
نق ماسوق !

11 تافي انق ترونا جواب: نق بوک بوات اف؟ اکو تاء کل مو!
12 فس عيسى کات: ها ، سبب تو له مو کنا جاگ ۲ ، کران مو تاء
13 تاهو هاري اتوا ماس مان فون .

عبارة تنتفع تيك اورغ کولي

لفس تو عيسى کات: بیلا سمفي ماس توهن نق امبیق فرینته
14 ی هق سود ، نق جاني سروف عباره توکیه هق نق توبیت نکري
کي برجان. فس ری فشکیل کولي ۲ ی ، سوروه جاگ هرت ری.
توکیه فون بري جاگ کا کولي ری ماسیغ ۲ ، ایکوت کنداین ری.
سیورغ ، توکیه بري جاگ سفولوه ریبو ، فس سیورغ لاکي ، امف
ریبو ، فس هق کتیگ ، ری بري دوا ریبو. لفس تو ، توکیه فون
تیغکل کي.

کولي هق توکیه بري سفولوه ریبو تو ، کي بوات منیاگ ، بولیه
16 لاب سام باپق دغن مول .

فس بالس تو جوگ ، کولي هق توکیه بري امف ریبو تو فون ، کي
17 بوات منیاگ ، بولیه لاب سام باپق دغن مول جوگ .

تافي کولي هق کتیگ ، هق توکیه بري دوا ریبو تو ، ری کي کالي
لویغ دنانه ، سوسوف دویت توان ی تو .

افبیلا لام ده ، توکیه تو کلیق ماری نق کیرا دویت هق ری بري
19 جاگ تو .

فس کولي هق توکیه بري سفولوه ریبو تو ماسوق باواه هق بولیه
20 لاب تو ، سره کا توکیه کات: تیغوقله توان ! توان بري سفولوه

- ریبو کا امب . امب فون بولیه لاب سفولوہ ریبو لاکی .
21 ها ، مولیقله ! توکیه کات . مو جاری کولی بائیک ، هق جوجور سوغکوہ . کران مو جوجور دالم کیرا ۲ رویت هق سیکیت سروف نی ، سابیت تو اکو بولیه هارف فد مو ، رویت هق باپق .
ماسوقله برسوک ۲ سکالی دغناکی !
- لفس تو ، کولی هق توکیه بربی امفٹ ریبو تو ماسوق کات :
22 تیغوقله توان ! توان بربی امفٹ ریبو کا امب . امب فون بولیه لاب امفٹ ریبو لاکی .
- توکیه فون کات : ها ، مولیقله ! مو جاری کولی بائیک ، هق جوجور سوغکوہ . کران مو جوجور دالم کیرا ۲ رویت هق سیکیت سروف نی ، سابیت تو اکو بولیه هارف فد مو ، رویت هق باپق .
23 ماسوقله برسوک ۲ سکالی دغناکی !
- تافی کولی هق کتیک هق توکیه بربی دوا ریبو تو ، ماسوق کات :
24 یا توان ، امب تاھو رہ کات توان کرس هاتی . توان کی مغتم تمنفت توان تاءبوات . توان کی کوتیف حاصلن تمفت توان تاءنانم . سابیت تو امب تاکوت . امب امبیق رویت توان ، کی سوسوف دالم تانه .
25 ها تیغوقله ، امب باوا^۱ ماری هنتر کلیق نی !
- توکیه کات : چیہ ! کولی هق جاھت ، بعسا مالس ! مو تاھو که کات اکو کی مغتم دتمفت اکو تاءبوات ، اکو کی کوتیف حاصلن دتمفت اکو تاءنانم ؟ کالو بالس تو ، بااف تاءامبیق رویت تو ،
26 کی بوہ د بیغک ؟ فس بیلا اکو کلیق ، کو بولیه امبیق رویت برانق تو !
- فس تو ، توکیه فالیغ سوروہ کا اورغ لائین ، کات : امبیقله رویت
27 نی تو ، کی بربی کا اورغ هق اد رہ دوا فولوہ ریبو .
کران اورغ هق تاءاد اف سکارا ، هق اد سیکیت فون نق کنا رمس
28 تافی اورغ هق تاءاد اف سکارا ، هق اد سیکیت فون نق کنا رمس
هابیس . فس کولی هق تاءترفاکی تو ، مو امبیقله کی تاھوہ دلوار

تمفت گلف، بري ني دوق تریاقد مناغیس هیغئگ سمفي کاچیت
کیگئی.

کرت سین فد هاري قيامة

- 31 فس عيسو کات لائکي: بیلا ماءنسی هق تورون د شرك نبي،
ماري تنحوق کات ني جاري راج، سکالي دغۇن سموا ملايىكە ۲،
ني نق دودوق اتس كريسى راج ني، نق کرت سين. دى فون
- 32 فس سموا بحسا دبومى نق برھيمفون دافن ني بلاك. دى فون
نق بنچيق كمبىع دغۇن بيرىغ، فس فواق بيرىغ لتق سبله کانن
- 33 بىنچيق كمبىع دغۇن بيرىغ، فس فواق بيرىغ لتق سبله کانن
ني، فواق كمبىع لتق سبله كيري.
- 34 فس راج نق کات کا اورغ هق دوق سبله کانن: هي مو هق
باڭ كو بري بركت! ماريلە راس تمفت هق توهن چارغ تاروه
انتوق مو، جق ماس مولا ۲ جاني دنيا!
- 35 كران تكە اکو لافر، مو بري اکو ماڭن. تكە اکو دهاڭ ايير، مو
برى اکو مينۇم. بیلا اکو ماري جاري انق لوار تاڭار تمفت، مو
سمبۇت اکو نايىك اتس رومە مو.
- 36 بیلا اکو ترلنچۇ، مو بري اکو فاكىي كائين. بیلا اکو جاتوه
ساكىت، مو ماري تولوغ اکو. بیلا اکو دوق دالىم كوق فون، مو
مارى تېغۇق اکو جوڭ.
- 37 هاوا ني دغر راج کات بالس تو، فواق سروف بيرىغ هق بوات
هق توهن بركتىن سائنىي، نق کات: ياشىلى كوي، بیلا، امب بىاس
تېغۇق کات توان لافر فس بري توان ماڭن؟ اتوا فون دهاڭ ايير
فس بري توان مينۇم؟
- 38 بیلا، امب بىاس تېغۇق توان جاري انق لوار تاڭار تمفت، فس
سمبۇت توان نايىك اشىس رومە؟ اتوا فون تېغۇق توان تلنچۇ،
فس بري كائين کا توان فاكىي؟ بیلا، امب بىاس تېغۇق توان
- 39 دوق ساكىت، اتوا دوق دالىم كوق فون، فس كىي تولوغ توان؟

تنتو تاء بیاس !

فس راج تو فون نق جواب کات: اکو رویت کات سوغکوه، بیلا 40

مو بوات فرکارا سروف ساعنی کا اورغ هق هینا سکالی فون، هق
جاری ادیق برادیق کو، سروف مو بوات کا اکو جوک.

فس راج نق فالیغ کا فواق هق دوق سبله کیری فول کات: هی 41

مو اورغ چلاک! کیله جاء وه فد اکو، ماسوق دالم افی هق مپال
سعمور، هق توهن چارغ تاروه انتوق هیبلیس نغن سموا هق
توروت نی.

کران تکه اکو لافر، مو تاء بیری اکو ماکن. تکه اکو دهاگ، مو تاء 42

بری اکو مینوم. بیلا اکو ماری جاری انق لوار تاء د تمف، مو 43

تاء سمبوت اکو ناء یک اتس رومه. بیلا اکو تلنجه، مو تاء بیری اکو
فاکی. بیلا اکو جاتوه ساکیت دوق دالم کوق فون، مو تاء کی
تولوغ.

هلاوا نی رغر راج کات بالس تو ده، فواق تو فون نق کات:

یا ربی! بیلا، امب بیاس تیغوق کات توان لافر، اتوا دهاگ،

اتوا جاری انق لوار، اتوا تلنجه، اتوا جاتوه ساکیت، اتوا

دوق دالم کوق فون، فس تاء کی تولوغ توان؟ تنتو تاء بیاس!

راج تو فون نق جواب کات: اکو رویت کات سوغکوه، بیلا مو 45

تاء بوات فرکارا سروف ساعنی، کا اورغ هق هینا سکالی فون،

سروف مو تاء بوات کا اکو جوک.

فس عیسی کات کا اورغ هق دوق دغر تو: فواق ساعنی نق کا

سیقسما، حکوم هق ککل، تافی اورغ هق بوات هق توهن

برکن، نی نق راس هیدوف هق ککل.

باب 26 جالن سترو ۲ عیسی نق بونوه نی

بیلا عیسی سوده سیف بلاک ده، هق نی دوق مثاجر تو 1

نی رویت کا صحابة ۲ نی کات: فواق مو تاهو ده کات نق رای 2

فسخر لوسا. فد هاری تو، اورغ نق امبیق اکو، مائنسی هق تورون دشرگ نی، کی سره فاکو دکایو امفت چایغ .
تکه عیسی دوق کات بالس تو، فواق امام بسر دفن فوقاً کتوا ۲
اورغ یهودی، دوق مشورة سام سندیری دکوت کتوا امام بسر،
هق نام قیافس .

دستیتو ری فاکت کیرا نق ایکت عیسی دفن سیف ۲، نق بونوه
بی . فواق توفون کات: مولیق کیت تاءً بوت اف ۲ فد هاری رای.
تاکوت اورغ رامی ماری نق بوت هارو هارا .

اورغ بتینا ماری چوره میپق باءً و اتس کفلاء عیسی

تکه عیسی دوق دکمفوغ بیت عنی، درومه صیمون هق
فیاکیت بادم تو، اد اورغ بتینا سئورغ، ماری کا تمفت عیسی
بلاؤ بکس کاج هق فنوه دفن میپق باءً و هق هرگ مهل، نق
چوره اتس کفلاء عیسی، تکه عیسی دوق ماکن .

صحابة ۲ عیسی نمفوغ فرکارا هق اورغ بتینا نق بوت ساءُ نی .
بی فون ناءِ یک موریه، فس سئورغ بی کات: باءً اف بی روکی
بالس تو؟ میپق باءً و نی، باءِ یک جوال دفن هرگ مهل بولیه
صدقه کا اورغ ۲ مسکین!
عیسی تاهو هق فواق تو دوق کیچیق، فس عیسی رویت کا ری
کات: باءً اف مو دوق کاروه ۲ کا اورغ بتینا نی؟ اف هق بی
بوت کا اکو نی باءِ یک، مولیق بلاک .

نق صدقه کا اورغ مسکین، بیلا ۲ فون بولیه، کران ری دوق
سکالی دفن مو سعمور . تافی اکو نی، تاءً دوق سام مو سعمور،
دق! اف هق اورغ بتینا بوت دفن چوره میپق تو، بی نق
چادرغ توبوه کو، بی روی سیف دلو انتوق نق ماسوق قبور .
ایقتله! دملان ۲ اورغ کی برشح خبر بیغ باءِ یک، درات ۲ دنیا،
بی نق رویت چارا حال فرکارا هق اورغ بتینا بوت نی، جاري

فرايافتان کا ری.

يوس ستوجو نق بوات درهاك گا عيسى

- لفس فد تو، سئورغ دالم فواق صحابة عيسى دوا بلس اورغ
حق نام يوں اسکریوت، توبیت کی کا تمفت فواق امام بسر .
14 فس يوں کات: توان نق بري اف کا امب، کالو امب سره عيسى
کا توان؟ فواق املم فون امبیق رویت فیرق، بیلٹھ تیک فولوہ
کفیغ، فس بري کا يوں .
15 جق ماس تو، يوں فون دوق چاری فلواغ نق بري بولیه بوات
درهاك کا عيسى .
16

عيسى رغن صحابة ۲ ری ماکن جاموان فسخر

- ف د هاري راي مولا، حق اورغ فشكيل ماکن روتی تا، بوه
ایبو، فواق صحابة عيسى ماري تان ری: کيت نق کی سيمفن
دمان، تمفت جاموان فسخر انتوق توان؟
17 عيسى فون فسن کا ری کات: مو کيله، اد سئورغ حق دوق دالم
کوت . رویت کا ری کات: توان گورو کيت کات، سمفی ده ملس
حق ری . توان گورو رغن صحابة ۲ ری، ماري نق ماکن جاموان
رای فسخر درومه مو .
18 صحابة ۲ فون بوات ایکوت حق عيسى سوروه، کی سيمفن سيف
تمفت ماکن جاموان فسخر تو .
19 ببلا گلف ده، عيسى رغن فواق صحابة ری دوا بلس اورغ تو،
20 ماسوق نق ماکن .
21 تغم ۲ ری دوق ماکن، عيسى کات: اکو نق رویت کف مو، اد
سئورغ دالم فواق مو، حق نق بوات درهاك کا اکو .
22 هاوا صحابة ۲ ری دغې بالس تو ده، ری فون بوسن هاتي ساعت،
فس لفس سئورغ ۲ تان عيسى: امب دق، توان، بوکن؟

- 23 عیسو جواب کات: اورغ هق نق بوات درهاك کا اکو، اورغ هق هولور چیچه روتی دالم کواه سفیگن رغن اکو.
- 24 اکو، مائنسی هق توروں دشراگ نی، تنتو کنا ماتی، ایکوت هق دالم کتاب دوق کات. تافی نق دهشت سوگکوہ کا اورغ هق بوات درهاك کا اکو نی، بائیک لاکی کا اورغ تو، کالو مق نی تاء برانق کا دی!
- 25 یودس هق نق بوات درهاك کا عیسو فون، کات: بوکن توان گورو کات امب؟ عیسو جواب کات: بوکن باف؟ جیلا!

عیسو بوات چونتوه نق بري صحابة ۲ نی توروت

- 26 تغه ۲ دی دوق ماکن تو، عیسو امبیق روتی، اوچف شکور کا توهن، لالو دی چوبیق روتی تو بھاکی کا صحابة ۲ دی بلغ ۲ کات: امبیقله ماکن روتی نی، ایغت کات توبوہ کو!
- 27 لفس تو عیسو امبیق چاون هق بسر فول. دی مشوچف شکور کا توهن، فس دی هولور چاون تو بري کا صحابة ۲ دی، بلغ ۲ کات: امبیقله مینوم گنف ۲ اورغ! ایغتلہ کات ایر جابیت نی داره کو، هق بوات بري تنتو فرهوبوغن توهن رغن مائنسی. داره کو نی کنا منیلیه توبیت، بري باپق اورغ بولیه تریما امفون دوسا.
- 28 فس عیسو کات کا صحابة ۲ دی لاکی: اکو نق رویت کفڈ مو کات، جق دهاري نی، اکو تاء مینوم ده ایر جابیت نی، سمهیقک سمنی کا هاري اکو نق مینوم ایر جابیت هق بارو، سکالی رغن فواق مو، فد ماس توهن باف کو لتق فرینته دی رغن سمنرن.
- 29 لفس تو، فواق عیسو پاپی ساتو لاکو فوجی کا توهن، فس تو دی توبیت کی کا بوکیت زیتون فول

عیسو رویت دلو کات فیتروس نق بوات تاء کل دی

- 31 عیسو فون کات کا صحابة ۲ دی: فد مالم نی جوگ، فواق مو

سموا نق لاري تيغكىل اكو دوق سئورغ . كران اد ايات دالم كتاب
هق كات :

توهن نق بونوه توان بيرىغ ۲، فس بيرىغ
هق كاون دى تو نق چلوري رات ۲ .

32 تافي ، عيسى كات ، بيلا اكو هيدوف كليق ، اكو نق كىي سمعي
دولو فد مو كا نگرى كاليل .

33 هاوا دغر بالس تو ، فيتروس فون رويت كا عيسى : هي توان گورو !
كالو فواق نى تيغكىل هابيس فون ، تافي امب سئورغ تاءً تيغكىل
تون !

34 فس عيسى كات لاكى : ايغتلە فيتروس ! مالم نى ، بلوم فد ايم
بركوكق ، مو نق سبوت رافن اورغ تىڭ كالي كات مو تاءكىل اكو !
فيتروس فون جواب سلالو : ولو امب كنا ماتى سكالى دغۇن
توء گورو فون ، تافي امب تاء سبوت سكالى ۲ رافن اورغ ، كات
امب تاء كىل دغۇن توان ! سموا صحابة عيسى هق دوق دسيتو
فون ، كات سروف فيتروس جوڭ .

عيسى دوق بىرغا دكبۈن نام گىتسىيمانى

36 لفس تو ، عيسى كىي دغۇن صحابة ۲ دى ، كا ساتو تىفت هق
اورغ فشكىل گىتسىيمانى . دى فون سوروھ صحابة ۲ دى كات :
مو دودوقله دسيينى ، اكو نق كىي بىرغا دېق نون !

37 لفس تو ، عيسى اجق فيتروس دغۇن دوا اورغ انق زىدى ، كىي
سكالى دغۇن دى . عيسى براس تركوس دهاتى دغۇن دوك چىتا .
فس ، دى كات كا تىڭ اورغ تو : اكو براس دوك چىتا ساغت ،
هېقىگ سمعى نق سود پاوا . مو دوق سينىلە ، جاڭ سكالى دغۇن
اکو !

39 عيسى فون هوندور كىي سىكىت لاكى ، سجور كا تانە ، بىرغا كات :

يا باف کو، کالو بولیه، بري جا^ء و هله کسيقسائن هق دوق چارغ
انتوق اکو. تافي بواتله ایکوت کھندق باف، جاغن ایکوت کھندق
اکو!

40 لفس تو، عيسى کلیق کا تمفت تیگ اورغ تو، تیغوق نیا دوق
جندراء. عيسى فون کات کا فيتروس:

41 ایه! سمفی سجم فون، مو تاء لیه جاگ سکالی رغن اکو که؟ مو
کا بر جاگ بر رعاله کند توهن. جاغن بري هاله کا فرکارا ۲ هق
ماری نق سوئی مو! هاتی مو کھندق نق تکوه، تافي توبوہ مو
لهم!

42 عيسى فون کی سکالی لاگی بر دعا کات: يا باف کو، کالو اکو تاء
لفس در فد کسيقسائن هق دوق چارغ انتوق کو، ملينکن تمو
رغن نی، جادیله کھندق باف!

43 عيسى کلیق سکالی لاگی، تیغوق صحابة تیگ اورغ تو دوق جندراء
بلک، کران نی مغنتوق نق چلیق مات تاء نائیک.

44 عيسى فون تیغکل سکالی لاگی. نی کی بر دعا کالی یعن کتیگ کات
سرفون تولا.

45 لفس تو، نی کلیق سمولاء، رویت کا صحابة ۲ نی کات: مو دوق
تیدور امبیق ریغ لاگی که؟ تیغوقله سمفی ده ماس! فس لانی اکو
ما^ء نسی هق تورون دشراگ نی، نق کنا سره کا تاغن اورغ بر دوسا!
46 با غون ماری کیت هارف کو^ء دافن! تیغوقله، نی هق نق
بوات در هاک کا اکو، دوق دکت کیت!

عيسى کا ایکت

47 تاء دان سود عيسى کیچیق، یوسس، سئورغ دالم فواق صحابة
دوا بلس اورغ، سمفی ده کا تمفت عيسى تو. نی باوا^ء اورغ
رامی ماری، هق فکع فدغ رغن موکول. جادي فواق تو فسوروہن
امام ۲ بسر رغن کتوا ۲ اوکلم یہوری.

- ری هق نق بوات درهاك کا عيسى تو، فسن ده کا اورغ رامي نق
بوات تندا کات: اورغ مان هق اکو کوچوف، اورغ تو جيلا ری.
مو ایکت ری ! 48
- بیلا یودس سمنی کا تمفت عيسى، ری تگور عيسى کات: سلامتلہ
توان گورو! لالو ری کوچوف عيسى. 49
- عيسى کات: چفتله سائین، هق مو نق بوات تو، بواتله!
فواق اورغ رامي تو فون، ماري ایکت ری دغن ترکم. 50
- فس اد سئورغ دالم فواق صحابة عيسى هق دوق سکالي، چابوت
فدع ری، تاکير سئورغ همب امام بسر، کما تلیغا فوتوس. 51
- عيسى کات کا صحابة ری تو: بوبوه ساروغلہ فدع مو تو،
کران اورغ هق فاکي فدع، ری فون کما ماتني دغن فدع جوگ. 52
- مو تاءٰ تاهوکه کات اکو بولیه مینتا، تولوغ دغن باف کو، فس ری
بولیه هنتر براتوس ۲ ملائیکة، هیشگ سمنی لبیه فد دوا بلس
کاون، ماري نق تولوغ اکو؟ 53
- تافي کالو اکو مینتا، بالس تو، بالس مان بولیه بري جاري هق
کتاب رویت دلوکات کا جاري بالس نی؟ تنتو تاءٰ لیه! 54
- لفس تو، عيسى فون فالیغ رویت کا اورغ رامي هق ماري تو کات:
بااف مو ماري ایکت اکو باواه فدع دغن میکول بالس نی، سروف
اکو نی اورغ جاھت؟ گف ۲ هاري اکو دودوق معاجر دالم بیت
المقدس. بااف مو تاءٰ ایکت تکه اکو دوق دسیتو؟ 55
- تافي سموا فرکارا هق جاري نی، نق بري جاري سوگکوھ هق
نبی ۲ تولیس ده دالم کتاب. 56
- لفس تو، صحابة ۲ عيسى لاري هابیس، تیفکل عيسى سئورغ.
-
- عيسى دوق دافن جملیس کتوا ۲ اورغ یهودی
-
- فواق هق ایکت عيسى ساءٰ نی تو، باواه نی کی کا رومه امام
بسر، هق نام قیافس. درومه تو، گورو ۲ تورات دغن کتوا ۲ 57

اورغ یهوري دوق اد برهيمغون ده.

فیتروس توروت عیسی جاءو، هیغگ سمنی کا لامن رومه امام
بسر. دی فون ماسوق دالم لامن، کی دوق سکالی دغن فوقا
عسکر، کران دی نق تاهو، سود جاري بالس مان.

فوق امام بسر دغن سموا فوقا کرج جملیس تو، فوق نق
چاري سقسي بوهوج هق فارن بري دی بوليه بونوه عیسی.

تافي چاري ۲ تاءً تمو، ولو باپق اورغ ماري نق جاري سقسي
بوهوج فون، تاءً لیه جوگ. سود سکالی اد دوا اورغ ماري دوق
رافن جملیس تو، فس دی ناءیک سقسي کات: اورغ نيله هق
کات دی بوليه بري رونتهه تمعفت سوچي هق توهن، فس دالم
تیگ هاري بري فردیری سمولا.

امام بسر فون باعون کات کا عیسی: مو تاءً لیه جواب که کا اورغ
تو، هق ادو مو؟

تافي عیسی تاءً جواب اف ۲. فس امام بسر کات کا دی فول: اکو
سوروه مو رویت دغن برسومفه اتس نام توهن بیع هیدوف، مو
جاري کا دق، انق بیع ساتو هق توهن، المسيح هق دی
جنجي تو؟

عیسی فون جواب: بالس توله کات مو. تافي اکو نق رویت کا
فوقا مو سموا، جق دماس نی، مو نق بوليه تیغوق اکو،
مائنسی هق تورون دشرگ نی، دوق دتمفت کواس فته،
رسبله کانن توهن، فس مو نق بوليه نتفق اکو تورون ماري
دری لاغیت دغن اوان.

با دغرا بالس تو، امام بسر براس گرم، سويق فکاین دی بلخ ۲
کات: نغره! دی مفهمينا کا توهن. کیت تاءً کنا کی چاري
سقسي لاءین ده. بارو نی کیت نغره فرکتائن دی هق هودوه تو.
فس، فيکيران فوقا مو بالس مان؟ فوقا تو فون جواب: دی
ساله ده! دی مستی کنا حکوم بونوه.

فس فواق تو لوده دموک عیسیو ، کوچوه ری . فس اورغ تمفر ری
کات: هي المسيح حق توهن جنجي تو! رویتلہ بري کا سیاف
ری دوق تمفر موک مو؟

فیتروس بوات تاءَ کتل عیسی

تکه ماس تو ، فیتروس دوق دلوار لاکی ، دالم یامن . فس اد
سئوغ بتینا ، هق جاري کولی امام بسر . ری فون ماری کا تمفت
فیتروس دودوق ، رویت کا فیتروس کات: مو فون جاري سفواق
رغن عیسی اورغ کاللیل تو جوگ ، بوکن؟
70 تافي فیتروس بوات تاءَ کتل عیسی دافن سموا اورغ ، کات: اکو
تاءَ ارتی مو کات کاف .

فس ری توبیت سلالو ، کی سمفی دفینتو هلامن . دسیتو اد
اورغ بتینا لاءِین هق جاري کولی جوگ . بیلا ری تیغوق فیتروس ،
ری رویت کا اورغ ۲ هق دوق اد دسیتو کات: ری جاري سفواق
رغن عیسی ، اورغ نصرة تو!

72 فس فیتروس بوات تاءَ کتل عیسیو سکالی لاکی کات: اکو برانی
برسومفه ، اکو تاءَ کتل سوگکوہ اورغ تو!
لفس تو تاءِلام ، سئوغ دالم فواق هق دوق برداری دسیتو ماری
رویت کا فیتروس : ها ! تنتو مو جاري فواق ری . لغة مو کیچیق
تو جاري تندنا کات سوگکوہ !

74 فس فیتروس برسومفه کات: کالو اکو بوهوج ، بزرله توهن حکوم
اکو ، اکو تاءَ کتل رغن اورغ تو!
فدرکتیک تو جوگ ، بویی ایم برکوکوک .

75 فس فیتروس ترایغت هق عیسیو کات دولو تو: بلوم فد ایم
برکوکوک ، مو نق سبوت دافن اورغ تیگ کالی کات مو تاءَ کتل اکو .
با ری ایغت هق عیسیو رویت دولو تو ، فیتروس توبیت کی
تریاق رغن سدیه هاتی .

باب 27

عیسیٰ کا باوا کی کا فیلاتوس

- 1 فس، فاکی ایسوق فول، فواق امام بسر دفن کتوا ۲ اورغ
یہوی سموا دوق مشورة سیمفن نق بونوہ عیسیٰ .
- 2 فواق تو بوہ کاری دتاغن عیسیٰ، باوا کی سرہ کا اورغ فمرینته
حق کراجائے روم، نام فیلاتوس .

یوس ماتی

- 3 بیلا یوس، اورغ حق بوات درهاک کا عیسیٰ تیفوق فواق
تو حکوم عیسو کات سالہ، یوس فون توبہ هاتی، باوا دویت
تیک فولوہ کفیغ فیرق تو، هنتر کلیق کا فواق امام بسر دفن
کتوا ۲ اورغ یہوی .
- 4 یوس کات: اکو بوات نوسا ده، دفن بوات درهاک کا اورغ
حق تاء سالہ، سمفی کا بونوہ! تافی فواق تو جواب: ها!
اکو تاء فدولی . حق تو کرج مو!
- 5 یوس فون رمس دویت تو دالم بیت المقدس. فس نی تیغکل
فواق تو، کی ایکت تک ری بونوہ دیری .
- 6 فواق امام بسر فون کی کوتیف دویت ساء نی تو، فس نی کات:
دویت نی حق بوات اوفره بونوہ اورغ. ایکوت تورات کیت حرام
کیت فاکی دویت بوہ دالم توغ بیت المقدس.
- 7 بیلا فواق تو ستوجو، دی امبیق دویت تو کی بلی تانہ سکفیغ
حق اورغ فغکیل: تانہ توکن فاسو، فس نی بوات جاری تمفت
قبور اورغ لوار نکری .
- 8 سابیت تولہ، لفس تو ھیغک هاری نی، اورغ فغکیل تانہ تو:
تانہ ماکن اوفره بونوہ .
- 9 حق نی جاری برتننچ لغن ایات ۲ حق نبی جرمیا رویت دلو،
کات:

فواق تو امبیق دویت تیگ فولوه کفیغ فیرق، هرگ
هق فواق اسرائیل کیرا اتس توبوه اورغ، فاکی گی
بلی تانه هق توکع فاسو، ایکوت سوروهن توهن
کند کو.

10

عیسی دوق رافن فمرینته فیلاتوس

- بیلا عیسی ماسوق بردیری رافن فمرینته تو، فمرینته فون
اوصول تان عیسی: مو جاری راج بفسا یهوری کا دق؟ 11
عیسی جواب: بالس تو له کات توان.
تافی اف ۲ هق فواق امام بسر لغن کتوا ۲ اورغ یهوری ادو حال
عیسی، عیسی تاء جواب اف سکارا. 12
سابیت تو، فیلاتوس کات کا عیسی: مو تاء نفرکه، فرکارا ۲ هق
فواق تو ادو مو؟ 13
تافی عیسی تاء جواب سفاته جوگ، هیغگ سمنی فمرینته تو
براں حیران ساغت. 14

عیسی کنا حکوم بونوه

- جاری کنف ۲ کالی هاری رای فسخر، فمرینته تو بیاس بربی
لفس ساتو اورغ هق کنا ایکت، اصل هق اورغ رامی مینتا. 15
فدر ماس تو، اد سئورغ هق تیمبول کا ایکت، نام نی عیسی
براپس. بیلا اورغ رامی ماری برھیمfon ده، فیلاتوس فون تان
نی: اورغ مان هق مو سوروه اکو لفس؟ عیسی براپس که، اتوا
عیسی هق اورغ فشکیل المسیح؟ 16
فمرینته تاهو چرف کات فواق تو سره عیسی کا نی لغن کران
دغکی. 17
تشه ۲ فیلاتوس دوق دتمفت مغوصول تو، بینی نی کیریم فسن

- کا نی کات: جاغن ابغ ماسوق چمفور لغن اورغ هق تاء ساله تو، 18
کا نی کات: جاغن ابغ ماسوق چمفور لغن اورغ هق تاء ساله تو، 19

کران سمالم ادیق میمیفی تروق چارا حال دی !

20 تکه ماس تو، فوق امام بسر دفن کتوا ۲ اورغ یهونی، کی
فوجوق اورغ رامی، سوروه مینتا، دفن فیلاتوس تو، بربی لفس
برابس، بلر بونوه عیسی .

21 فس، بیلا فیلاتوس تان فوق اورغ رامی تو: دالم دوا اورغ نی،
حق مان سوروه اکو لفس؟

اورغ رامی فون فاکت جواب : لفس برابس !

22 فیلاتوس فون تان سکالی لایکی : فس اکو نق بوات بالس مان
کا عیسی، حق اورغ فشگیل المیح تو؟

فاکو دی رکایو امفت چابغ ! فوق تو جواب .

23 فیلاتوس فون تان فوله دی بوات ساله اف ، بولیه نق بونوه
ری؟ تافی سموا فوق تو فاکت تیندیه سوروه بونوه جوگ،
دفن سوارا درس کات: فاکو دی رکایو امفت چابغ !

24 بیلا فیلاتوس کابر کات دی تاءار فاعیده دوق تاهن فوق رامی
تو، فس دی تاکوت نق جاری بوسن، دی فون سوروه اورغ باوا^۶
ایر ماری، فس دی باسوه تاغن رافن مات اورغ رامی تو، دفن
کات: اکو تاءسیر ماسوق چمفور کالو اورغ نی ماتی فون . حق
تو فنداین مو سندیری !

25 سموا اورغ رامی تو فاکت جواب: بلرله اکو تغکوغ جاتوه حکوم
اتس دی . فس بوکن کا اکو ساج دق ، کا انق چوچو کو فون !

26 لفس تو، فیلاتوس لفس برابس، ایکوت کهندق اورغ رامی تو .
دی سوروه اورغ حکوم فیات عیسی، فس سره دی کا اورغ نق
امبیق کی فاکو رکایو امفت چابغ .

فوق عسکر بوات مغانجیع کا عیسی

27 لفس فد تو فول، فوق عسکر حق فیلاتوس، باوا^۶ عیسی
ماسوق دالم کوت فمرینته تو، فس سموا فوق تو فون ، ماری

- لیغکوغ عیسو . دی رابوت فکاین عیسو ، بوبوه باجو جوبه ، 28
 چهیا بیرو بوتیر ستر . فس فواق تو جالین مهکوت دغن دوري
 سرکوف اتس کفلا عیسو . فس تو دی چارغ توغکت سفوونتوغ 29
 بري عیسو فکغ تاغن کانن ، جاري سروف راج . فواق تو فون
 بوات لولق سمبه کا عیسو ، ماري مشهارف دی کات : بر جاياله
 راج اورغ يهوري ! 30
 لفس دی کات گیتو ، دی لوده کا عیسو ، فس امبیق توغکت تو
 کاتق اتس کفلا .
 سوده دی مفنجیع کا عیسو ، دی فون چابوت باجو جوبه تو ، 31
 بوه فکاین هق عیسو سندیري . لفس تو ، دی باوا^۶ عیسى توبیت
 کی فاكو رکایو امفت چابغ .

عیسو کنا فاكو رکایو امفت چابغ

- تغه^۲ دی دوق باوا^۶ عیسو کی تو ، دی جومغا^۷ دغن سئورغ 32
 نکری کورینی هق نام صیمون . فواق عسکر فون فقسا صیمون ،
 سوروه دی فیکول کایو امفت چابغ هق عیسو .
 فس دی تو سمنی کا ساتو تمفت هق اورغ فشکیل گولگوتا ، 33
 معنان تمفت تغکورق .
 سمنی دسیتو ، فواق تو فون امبیق ایر بواه جابیت هق چمفور 34
 دغن او بت فلاپی سکارا ، نام مور فاهیت ، هولور بري عیسو
 مینوم . تافی عیسو امبیق کچف سیکیت ، تا^۸ امبوه مینوم .
 فواق عسکر فاكو عیسو رکایو امفت چابغ ، فس تو بهاگی 35
 فکاین عیسو سام فواق دی سندیري دغن کوچق اوندی .
 لفس تو ، دی فون دوق دسیتو ننتی جاگ عیسو جوگ . 36
 داتس کفلا عیسو دی تیفیق نوتیس هق کات ادوان اورغ يهوري : 37
 اینیله عیسو ، راج اورغ يهوري .
 تکه تو ، ار دوا اورغ فیامون کنا فاكو سکالی دغن عیسو ، سبله 38

- کيري سئورغ، سبله کانن سئورغ .
 اورغ ۲ هق دوق لالو کوء تو، کیلیخ کفلا ماکی کا عيسو کات:
 39
 40
 ها ! مو کات مو نق بري رونتوه تمفت سوچي هق توهن، فس
 دالم تیگ هاري نق بري فرديري سمولا . کالو مو انق توهن
 سوڠکوه، بري لفس له ديري مو سنديري . تورونله دکایو امفت
 چابغ تو!
 41
 بالس تو جوگ، فواق امام بسر، کورو ۲ تورات نشن کتوا ۲ اورغ
 یهوي فون، فاكت مفنجیخ جوگ، کات:
 42
 43
 اورغ لاءین دي تولوغ بري سلامت بوليه ، تافي ديري دي سنديري
 تاءلیه! دي کات دي راج اورغ اسرائیل ، بوکن؟ کالو دي بوليه
 تورون فد کایو امفت چابغ تو، کيت فون بوليه فرچاي کا دي!
 دي فرچاي کا توهن، دي کات دي انق توهن . ننتي کيت
 تیغوق ، توهن نق بري سلامت کا دق!
 44
 فس پامون دوا اورغ تو فون، هق فاكو سکالي نشن عيسو
 مفنجیخ کا عيسى جوگ .

عيسو ماتي

- ف د تنه هاري سلام تیگ جم، جاري گلف سرات نگري تو.
 45
 46
 فس لبیه کورغ فوكول تیگ فتغ، عيسو مناوغ دعن سوارا برس
 کات: الهي ، الهي ، لامر سبختاني ! معنث يا الله، يا الله،
 باهاف مو تیغکل اکو؟
 47
 فس ، دالم فواق اورغ رامي هق دوق برديري دسمیتو، اد اورغ
 هق کات: ايه! دي دوق فغکيلنبي الياس .
 48
 فس اد سئورغ هوغل کي امبیق کته سفریخ، چلوف دالم اير
 بواه جابیت هق ماسم ، چوچوق دکایو ، هولور نايك کا عيسو
 نق بري دي ايسف .
 49
 تافي اد اورغ لاءین کات: ننتي تیغوق ، الياس ماري کارق نق

تولوغ بري دي سلامت .

عيسي فون مناوع سکالي لاگي ، فس سود پاوا . 50

تكه ماس تو ، تابير بسر هق دوق گنتوغ دالم بيت المقدس 51

چاريق دوا ، امبيق داتس سمني کا باوه . فس بومي برکوچق 52

بوکيت ۲ فجه دوا . قبور ۲ تربوک ، فس باپق اورغ جاري ميليق 52

توهن ، هق ماتي ده دولو ، هيديوف کليق . 53

فواق تو تيغکل قبور ، فس ، لفس فد عيسى ماتي هيديوف 53

کليق ، فواق تو ماسوق دالم کوت هق اورغ فغکيل سوجي تو ، 53

فس باپق لورغ نمفق يي . 54

كتوا عسکر دشن عسکر ۲ يي ، هق دوق جاگ عيسى ، بيلارى 54

نمفق بومي برکوچق دغن سموا هق جاري فد ماس تو ، يي 54

فون تركجوت ، براس تاکوت ، فس کات : ها سوغکوه ، اورغ نى 54

انق توهن ! 55

دسيتو اد اورغ بتينا باپق اورغ ، هق دوق تيغوق جاءوه . 55

فواق اورغ بتينا يي بياس توروت عيسى درد نکري کالليل ، نق 55

تولوغ بري . 56

دالم فواق اورغ بتينا تو ، اد تيگ اورغ ، نام مریم مقدالا ، مریم 56

مق یعقوب دشن یوسف ، فس مق انق ۲ زبدي . 56

اورغ لتق مايت عيسى دالم قبور

بيلارى سمني دكت نق گلف ده ، اد سئورغ اورغ کاي ، نام 57

يوسف داريمتيا ، ماري کاتمفت تو . دي فون جاري انق مرید 57

عيسى جوگ . 58

دي کي مقهاف فيلاتوس ، نق مينتا مايت عيسى . فيلاتوس 58

فون سوروه اورغ امبيق ، بري کا دي . فس یوسف امبيق مايت 59

عيسى ، کي باروت دشن کائين فوتيه هق بارو . 59

فس تو ، دي سنديري کي لتق مايت دالم قبور هق بارو فاهت 60

د بوکیت، هق چارغ تاروه انتوق بی سندیری. لفس تو یوسف گولیغ باتو بسر ماری نق بوات کاتوف فینتو قبور تو. لفس تو، 61 بی کی. تافی مریم مقدالا رغن مریم هق لاءین تو، دوق لاکی هادف فینتو قبور.

عسکر ۲ کی جاگ قبور

62 فس سمنی ایسوق فول، یاًيت لفس فد هاری چارغ سموا فرکارا انتوق هاری رای، فواق امام بسر رغن فواق فریسی فاکت کی. نق تمو رغن فیلاتوس.

63 فس بی کات کا فیلاتوس: یا توان، کیت ایشت تکه اورغ بوهوج تو روق هیدوف، بی کات لفس ماتی، دالم تیک هاری، بی نق هیدوف کلیق.

64 کیت نق مینتا؛ توان سوروه عسکر کی جاگ فینتو قبور هیغگ سمنی سود هاری هق کتیک. کران کیت تاکوت انق ۲ مرید بی تو، نق چوری مایت، فس نق کی رویت کا اورغ رامی کات، بی ماتی هیدوف کلیق ره. کالو بالیس تو، هق بوهوج سود تو نق تروق فد هق بوهوج دولو!

65 باوا له عسکر! فیلاتوس کات، کیله جاگ قبور، ستارا ملن مو بولیه! فواق ۲ تو فون تیغکل تمفت فیلاتوس، کی جامین قبور، 66 رغن تیفیق لیلین فوکول چف. لفس تو، بی تیغکل عسکر د قبور سوروه جاگ.

عیسی هیدوف کلیق

1 لفس فد هاری سبتو، ماسوق دینهاری، هاری احد، مریم مقدالا رغن مریم هق لاءین تو کی تیغوق قبور.

2 تیبا ۲ بومی برکوچق تروق. فس اد سئورغ ملاکیة هق تورون ماری نشراگ، گولیغ باتو هق دوق کاتوف فینتو قبور، فس بی

دودوق اتس باتو هق گولیغ تو.

روف ملايکه بچر سروف کيلت ، فکاين رې فون فوتىيە جللق .
عسکر ۲ فون ترکجوت تاکوت ، كتر کالىغ ، فس سلق سروف اورغ
ماتي .

ملايکه رويت کا اورغ بتينا کات : جاغن مو تاکوتله ! اکو تاهو
دە کات مو ماري چاري عيسى ، هق اورغ فاكو دکايو امفت چابع
تو . رې تاً اد سيني ، رې هيدوف کليق دە ، سروف رې رويت
دولو . ماريله تيغۇق تەفت لىتق مايت رې .

فس تو مو گيله باشت ۲ رويت کا صحابة ۲ رې کات عيسى هيدوف
کليق دە . فس لاني رې نق کي دولو فد مو ، کا چغوار گاليل .
ديق نون مو نق تمو دغۇن رې . مو ايغىتلە اف ۲ هق اکو فسن
کا مو ! ملايکه کات .

اورغ بتينا تو فون تىشكىل قبور گاروه ۲ دغۇن تاکوت کاتىق ، بىن
سوڭ کاتىق . فس رې هووغىل کي برى تاهو کا صحابة ۲ عيسى .
تغە ۲ رې دوق کي تو ، تىبىاً عيسى تمو دغۇن رې ، فس کات :
سلامتىلە مو ! اورغ بتينا دوا اورغ تو فون ماسوق دكت عيسى ،
فڭئ کاكى عيسى ، نق سمبە کا رې .

فس عيسى کات : جاغن مو تاکوت ! مو گيله سوروھ ادیق برادىق
کو کي کا چغوار گاليل . دسيتولە ، رې نق تمو دغۇن اکو !

عسکر ۲ کي برى تاهو کا فواق امام بسر .

تكه اورغ بتينا دوق برجانل کي تو ، عسکر ۲ هق جاڭ قبور
عيسى تو ، کليق کا کوت ، کي رويت برى تاهو کا فواق امام
بسر ، سموا كجادىن دقبور .

فواق امام بسر فون فاكت مشورە بىن كتۋا ۲ اورغ يەھونى کات ،
نق بوات لاڭو نى . رې اوھە فواق عسکر تو ، برى روپت سېكىس ،
سوروھ رې کات : فواق مو کنا کي روپتىلە کا اورغ رامى کات : فواق

3

4

5

6

7

8

9

10

11

12

13

صحابة عیسو تو ماری چوري مایت دی، تکه فواق مو دوق تیدور.
 کالو توان فمرینته تاهو حال ایت فون، مو تا^ئسہ بیمغله،
 کیت نق کی جامین دفن دی.

فواق عسکر تو فون امبیق رویت کی بوات بالس مان هق فواق
 تو سوروه. فس هق فواق عسکر رویت بڑی تاهو کا اورغ رامی
 فد ماس تو، اورغ یہوی بڑی ملارت کی رات ۲، فس باپق اورغ
 فرچای ھیغگ سمنی کا ھاری نی.

عیسی بڑی نمفق دیری دی کا صحابة ۲ دی

تکه ماس تو، فواق صحابة عیسی سبلس اورغ تو، کی ننتی
 دبوکیت، دنگری گالیل. ایکوت هق عیسی فسن.

بیلا دی نمفق عیسی، دی فاکت سمبہ کا دی. سوغلکوہ فون،
 سمبہ بالس تو ده، تافی اد جوگ اورغ هق دوق شکھاتی لاکی.

عیسی ماسوچ دکت فواق تو، فس دی کات:
 اکو باوا تیته سموا کواس، دشڑگ اتوا اتس دنیا فون.

سابیت توله، اکو سوروه مو کی کا سموا بخسا دمان ۲،
 بڑی دی جاری انق مرید سروف مو. بڑی دی تریما روکون
 مندی بفتیزما، دفن نام توهن باف، دفن نام انق بیغ
 ساتو، فس دفن نام روح توهن.

فس اجر دی بڑی طلاعہ کا سموا هق مان اکو سوروه
 فواق مو بوات. فس ایغتلہ، اکو نق دوق سکالی دفن
 فواق مو سعمور، ھیغگ سمنی سود دنیا نی!

مرقوس

خبر يغ بايک هق توهن بري مرقوس
رويت چارا حال عيسى المسيح

نبی يحیا هق تیمبول ماری دولو فد عیسی

بلب 1

- 1 اينيله خبر يغ بايک چارا حال عيسى المسيح، انق توهن.
2 خبر يغ بايک نی تیمبول ماری سروف هق نبی يعشیا کارغ
دولو کات:

فرهاتيله! اينيله فسوروه کو، توهن کات. اکو نق سوروه
لي کي دولو فد مو، سيمفن جالن انتوق مو.
اورغ تو دوق سرو دلاوت فاسيرکات: سيمفنله جالن
انتوق ربي! بايکي بري بتول جالن دي نق لالو!

3

- 4 ايکوت ايات توله، يحیا ماري دوق سرو دلاوت فاسير، سوروه
اورغ کات: مو کنا توبتله، تريمما روکون مندي بفتیزما، انتوق
نق بري توهن امفون دوسا ۲ مو!
5 فس سموا اورغ دنگي یهوديه زان کوت جروسليم فون فاكت
کي بلاک دسيتو، نق دغر هق يحیا دوق رويت تو. فوق تو
مغاکو دوسا ۲ دي، فس يحیا بري نی تريمما روکون مندي بفتیزما
دالم سوغي پردن.
6 فکاين يحیا بوات دغن بولو اونتا، فس تالي کندیت نی بوات

دغۇن كولىت. مکانىن رىي بلالغۇ دغۇن مانىيسىن مادو.

7 فس ، رىي بىرشىح كات: اد سئورۇغ هق مارى كدىيان فد اكوا. رىي فريغىكت تىيەكىي فد اكوا لاكىي، اكوا تاءً فادن نق جانىي ھەب هق كرج تندوق نق چاپوت كاسوت رىي فون .

8 اكوا برى مو ترىيما روکون مندى دغۇن اير. تافىي رىي نق برىي مو ترىيما هق مولىقى فد روکون تو لاكىي، يائىت نق تورۇن روح توهن اتس مو.

عىسى ترىيما روکون مندى بفتىزما

9 لفس فد تو، عىسى مارى درفدى كمفوغ نصرة ، دنگىرى كاللىل، فس يحىا برى رىي ترىيما روکون مندى دالىم سوغىي يېرىن .

10 تكە عىسى تىيمبۈل فد اير تو، رىي نمفوغ لاغىت ترىيوك ، فس روح توهن تورۇن اتس رىي سرۇف بورۇغ مرفاتىي .

11 فس بوبىي سوارا دلاغىت كات:

مولە انق كۆ هق كاسىيە سوغىگوھ . اكوا بركىن كەد مو!

12 لفس فد تو، روح توهن برى عىسى كى سالالۇ كا لاۋوت فاسىير، كا تەمفەت تاءً اد اورۇغ . عىسى دوق دسييتو امىفت فولوھ ھارى،

13 فس ھىيلىس مارى چوب رىي. بناڭىچى ۲ بىيغىكىچ فون اد جوك دسييتو، تافىي ملائىكە ۲ دوق تولوغ عىسى .

عىسى سوروھ اورۇغ كا لاۋوت تورۇت رىي

14 لفس فد يحىا كا اىيگە دە، عىسى كى كا نگىرى كاللىل ، نق بىرشىح خېرى يېڭىك ، هق مارى درفدى توهن، كات بالس نى :

15 سەمفىي ماس دە هق توهن نق امبىق فرينتە رى دالىم ھاتى ماڭىسى ! توبىتلە دوسا ۲ مو ، فالىيەن مارى فرچايى خېرى يېڭىك نىنى!

16 تكە عىسى دوق بىرجالان دەتفىي لاۋوت كاللىل ، رىي نمفوغ اورۇغ كا لاۋوت دوا اورۇغ ، صىيمون دغۇن ادېق رىي اندرىياس ، دوق چىمۇق

جالا ایکن دالم لاوت.

- عيسي فون اجق ري کات: ماريله توروت اکو کي، فس اکو نق اجر
برى مو فندى چاري مائنسى، سروف مو چاري ایکن نې!
دوا براديق تو فون سلالو تيغىل جالا رى، توروت عيسى كى.
فس عيسى برجان كى سىكىت لاكى، رى تمو دغن دوا براديق فول
نم يعقوب دغن يحيا، ياء يت انق ۲ زبدي.
ري دوق سيمفن فوك دالم فراهو رى.
با نمفق دوا براديق تو، عيسى فشكيل رى ماري. رى فون
تيغىل چىء رى زبدي تو دغن اورغ ماكن كاجى دالم فراهو فس
توروت عيسى كى.

اورغ هق ماسوق هنتو

- فواق تو فون كى سمفى كامفوغ كفرناحوم. بيلا سمفى
هارى مىغىكىو، هق اورغ يەھوري لارغ تائ برى بوات كرج، عيسى
ماسوق دالم مسجىد اورغ يەھوري، فس رى معاجر دسىتو.
اورغ ۲ هق دوق دغر، براس حيران فشاجران عيسى، كران
عيسى معاجر دغن كواس، تائ سروف دغن كورو ۲ تورات.
تكه تو، اد ساتو اورغ دوق دالم مسجىد هق ماسوق هنتو.
ري برجريت، بلغ ۲ کات: هي عيسى، اورغ نصرة! مو ماري باه اف
كا تمفت اکو نې؟ مو ماري نق خيانة فواق اکو كه؟ اکو تاهو مو
جادى سىياف. مو جادى فسوروه هق توهن لتق انتوق بوات
كرج رى!

- عيسي فون سوروه هنتو تو کات: سېفلە! مو توبىتله دالم
توبوه اورغ تو! هنتو فون كوچق درس اورغ تو، فس رى برجريت
فول . بلغ ۲ برجريت، توبىت دالم توبوه اورغ تو.
فواق هق دوق سىتو فون فاكت ترگاكيت، فس كىچيق سام
ري کات: ويه! كان كىتىو؟ رى معاجر فيشين بارو كه؟ اورغ نې

اد کواس بولیه سوروه هنتو، هنتو فون گنا توروت سوروهن یې.
28 بالس توله، خبر چارا حال عیسى، ملارت کی سرات نکری گالیل
تو.

عیسى بري سیار باپق اورغ

فواق عیسى فون تیغکل مسجید اورغ یهودی دسیتو، کی
29 تروس کا رومه صیمون دغن اندریاس. یعقوب دغن یحیا فون،
کی سکالی دغن یې جوگ.
فس، توء منتوا صیمون تغه دوق تیدور، یې دم. با عیسى
30 سمفی، اورغ درومه ماری رویت کا یې سلالو.
عیسى فون کی کاتمفت توء تیوا صیمون فس، فکخ تاغن یې
31 اگئیت بري باغون. دم دم یې فون هیلخ، فس یې امبیق مکان،
بری کا فواق عیسى تو.
سبله فتنغ تو، لفس فد متھاري جاتوه، اورغ پاواء ماری کا
32 تمفت عیسى، سموا اورغ هق اد فیاکیت، سکالی دغن اورغ هق
ماسوق هنتو. سموا اورغ هق اد دالم کمفوغ تو فون، فاکت
33 ماری برھیمfon رافن رومه تو بلاک،
فس، عیسى بري هیلخ باپق اورغ هق اد فیاکیت بحسا ملن ۲
دون، فس همبیت بري توبیت هنتو، داورغ ماسوق هنتو.
عیسى لارغ تاء بري هنتو تو رویت اف سکارا، سبب هنتو تو
تاھو کات عیسى جاري اورغ فریغکت مان.

عیسى کی برشح دنکری گالیل

فس ایسوق فاکی فول، بلوم فد ماسوق صبح لاکی، عیسى
35 باغون تیدور تیغکل رومه تو، توبیت فد کمفوغ، کی کا تمفت
سویی، نق بردا.
لفس فد عیسى کی تو، صیمون دغن سائین ۲ دی فون، باغون

فاكت کي چاري عيسى . ببلا تمو ده ، نې کات : سموا اورغ کي
چاري توان کورو ! 37

تافي عيسى جواب کات : کيت مستي کا برجالن کي لڳي ، کا
سموا کمفوغ رالم کليواسن نې . اکو مستي کا سرو خبر ینع
باءيك کران ساپيit توله اکو ماري سيني . 38

بالس توله ، عيسى کي زياره سرات نکري گاليل ، کي برشح
رالم مسجيد ۲ اورغ يهوي ، فس همبت بري توبت هنتو ۲
کاتيق . 39

عيسى دغن سئورغ فپاکيت بادم

لفس فد تو فول ، اد اورغ فپاکيت بادم ماري سجور کا عيسى
مينتاء تولوغ دغن نې کات : يا توان ، کالو توان پراس کسياغ
بلس کا امب ، توان اد کواس بري توبوه کو سيار ليچين هابيس
فپاکيت نې ! 40

عيسى کسياغ بلس سوڠکوه ، فس نې هولور تاغن جامه اورغ تو
کات : تنتو اکو نق تولوغ مو . جادي چوچيله توبوه مو !
فپاکيت نې فون هيلع سلالو ، فس کوليت نې ليچين هابيس . 41

فس عيسى فسن کا نې دغن کرس سيکيت ، کات :
جاکاله هاوغ ! مو جاغن بري تاهو کا سياf نې ديه ، فركارا نې .
تافي موگيله سلالو کا تمفت امام ، بري دې فيقست توبوه مو .
لفس تو ، کي سمهه قربان ، ايکوت هق نېي موسو سوروه ، جاني
تندا کا سموا اورغ کات مو سيار چوچي ۵۰ . 43

تافي اورغ تو کي دوق رویت کا اورغ رات ۲ ، باپق ساعت ، هيٺک
سمفي عيسى تائليه کي ماسوق رالم کدي مان ۲ فون . تافي نې
دوووق دتمفت تاءار اورغ ، فس اورغ رات ۲ ماري کا تمفت عيسى
دوووق تو . 45

عيسى بري سيار اورغ تيفوق

باب 2

- 1 تا^ء براف هاري لا^ي، عيسى گلیق کا کمفوغ کفرنا حوم ، فس باپق اورغ بوهي خبر کات عيسى گلیق ده ، دوق اد درومه.
- 2 فس اورغ ماري برهيمغون باپق بدمعه هيغگ سمني برسسق ترق تا^ء اد تمفت نق برديري اتوا ماسوق رافن فينتو فون . فس ، عيسى دوق رویت خبر يغ با^ء يك کا سموا فواق تو.
- 3 تکه تو ، اد امف اورغ اوسوغ اورغ تيفوق ماري کا تمفت عيسى.
- 4 تافي ، سبب اورغ دوق برسسق دسيتو تو ، دي نق ماسوق رکت عيسى تا^ء ليه . ساپيت تو دي نائیک اتس سوتوه ، تبوق لوبغ بتول رغن تمفت عيسى دوروچ دباوه . بيلا دي تبوق ره ، لوبغ تو ، دي فون هولور اورغ تيفوق رغن دفعوسوغ ، تورون ماري رافن عيسى .
- 5 عيسى تاهو کات فوق تو فرچاي سوغکوه کا دي . دي فون رویت کا اورغ تيفوق تو: هي هاوغ ، دوسا^ء مو سوده امفون ده !
- 6 تافي دسيتو ، اد گورو^ء کتاب تورات ، هق دوق فيکير دالم هاتي دي کات: با^ء اف دي براني کيچيق هيينا کا توهن بالس تو؟
- 7 تا^ء اد اورغ بوليه امفون دوسا ، ملاينكن توهن ساج !
- 8 دي دوق فيکير بالس تو ، عيسى تاهو سلالو ، فس کات کا دي:
- 9 با^ء اف مو دوق فيکير بالس تو؟
- اکو نق تاث فوق مو ، هق مان موره کات کا اورغ تيفوق دي؟
- نق کات: دوسا^ء مو سوده امفون ده ، اتوا نق کات: باغونله ،
- اميقي فغوسوغ مو ، برجالن گلیق؟
- 10 تافي اکو نق بري مو تيغوق تندا کات ، اکو ما^ءنسی هق ماري دشرك دي ، اد کواس ددنيا بوليه امفون دوسا ما^ءنسی ،
- عيسى کات . فس دي فالينه کا اورغ تيفوق کات: اکو نق سوروه

مو، باعونله، اغکیت فغوسوغ مو باو^ا کلیق کا رومه!
 تغه فواق تو سموا دوق تیغوق، اورغ تیفوق فون باعون،
 امبیق فغوسوغ ری چالن کی کاروه ۲. فواق تو فون ترکاگیت.
 ری براس نق فوجی توهن، فس ری کات: اید! کیت تاءبیاس
 تیغوق فرکارا سروف نی!

12

عیسی اجق لیوی توروت ری

لفس فد تو عیسی کی سکالی لانکی کا فنتی، دتفی لاءوت
 کالیل. اد باپق اورغ ماری کا تمفت عیسی، فس ری معاجر
 سموا فواق تو.

فس، تغه ۲ عیسی دوق بر جالن کو^ا تو، ری نمفق سئورغ نام
 لیوی بین الفیوس، دودوق کرج دتمفت اورغ کنا برادو باير
 چوکی. عیسی کات کا ری: ماریله توروت اکو کی! لیوی فون
 باعون توروت عیسی کی سلالو.

لفس فد تو قول عیسی دوق ماکن جاموان د رومه لیوی. دالم
 فواق هق دوق ماکن سکالی دغن عیسی، فس دغن مرید ۲
 ری تو، اد باپق اورغ هق کرج کوتیف چوکی، دغن اورغ هق
 کا هینا د اورغ کمفوغ. دالم فواق ۲ تو، اد باپق اورغ
 هق توروت عیسی.

فس اد سفواق کورو ۲ تورات دالم قوم فریسی، نمفق عیسی
 دوق ماکن سکالی دغن اورغ کوتیف چوکی، دغن اورغ هق کا
 هینا تو. فواق کورو تو فون کی تان مرید ۲ عیسی کات:
 با^ا اف توان مو سوک ماکن سکالی دغن اورغ هق کیت هینا
 سروف اورغ کوتیف چوکی تو؟

عیسی لغر هق فواق تو تان، فس ری جواب: بوکن اورغ
 سکر هق نق چاری بومور، نق! تافی اورغ ساکیت. اکو ماری
 نی، بوکن نق اجق اورغ هاتی بتول، تافی نق اجق اورغ هق

13

14

15

16

17

ساله بري ني فاليلع توروت اکو.

اورغ ماري تان چارا حال فواس

- 18 فد ساتو ماس، مرید ۲ يحيا هق اورغ گلر فشكيل: ني هق بري تريما روکون مندي بفتيزما تو، دغن اورغ قوم فريسي سائني، دوق فواس. فس اد اورغ ماري تان عيسى كات: يا توان، با'اف انق ۲ مرید يحيا دغن مرید ۲ قوم فريسي دوق فواس، تافي انق ۲ مرید توان سنديري، لق؟
- 19 عيسى فون جواب دغن عباره كات: تكه اورغ دوق سوك د رومه بوات فولوت، اد کارق اورغ هق دوق برا'ور؟ تنتو تاء'اد! تكه انق ترونا دوق اد سکالي دغن ني تاء'براء'ور.
- 20 تافي نق سمني ماس ده، اورغ نق امبيق انق ترونا تو، باوا' کي کا تمفت لاءين . فد هاري تو، تنتو سائين ۲ ني نق برا'ور.
- 21 فس، عيسى رویت عباره سا لاکي، كات: تاء'اد سياف هق فاكى کاءين بوروق کي تمفوغ کاءين بارو. کران تنتوله کاءين هق تمفوغ تو نق تاريق بري کهور لواس، کاءين هق بوروق تو.
- 22 فس، تاء'اد سياف هق امبيق اير بواه جابيت هق بارو بوات، کي بوبوه دالم بکس کوليت هق فاكى لام، کرس ده. تاکوت اير بواه جابيت تو نق بري فجه بکس کوليت تو، فس کدواش تاء'ليه فاكى. لق! اير جابيت هق بارو، کنا بوه بکس هق بارو جوگ!

اورغ ماري تان چارا حال حکوم هاري ميفگو

- 23 فد ساتو هاري، هاري ميفگو، هق اورغ يهودي لارغ تاء' بري بوات کرج، عيسى دغن انق ۲ مرید ني، دوق برجالن اتس باتس بندغ گندوم. تغه دوق برجالن تو، انق مرید ني گتوس گندوم ستغكى ۲ هق ماسق تو، نق ماكن.

فس، اورغ دالم قوم فريسيي ماري رويت کا عيسى: تيغوقله! انق ۲۴
مريد مو دوق گتوس تو، نې لفگر حکوم تورات کيت هق لارغ،
تا^۳ بري بوات کرج فد هاري ميغکو!

تافي عيسى جواب: مو تاء^۱ بیاس باچاکه، ايات ۲ چارا حال نې
دائود، تکه نې نغن انق تاغن نې دوق لافر، بالس مان نې
بوات؟ نې ماسوق دالم تمفت بوات عمل کا توهن، کي ماکن
روتي هق اورغ سمهه ده کا توهن. هق تو جاني ره تکه ابياشر
جاری امام بسر. ايکوت حکوم تورات کيت، امام ۲ ساج، هق
بوليه ماکن روتي تو. تافي نې دائود ماکن روتي تو، فس
لبيه لاکي، بري کا انق تاغن نې ماکن جوگ.

فس عيسى بري سود هق نې رويت تو کات: توهن لتق هاري
ميغکو انتوق بري با^۲ يك کا مائنسى، بوکن کات توهن جار يكن
مائنسى انتوق کنا توروت حکوم هاري ميغکو تو.
بالس تو جوگ اکو مائنسى هق ماري لشرك نې، اد کواس
بوليه فرينته اتس هاري ميغکو تو جوگه

اورغ هق تاغن ماتي سبله

باب 3

لفس فد تو، عيسى کي فول کا مسجدید اورغ يهوري.
رسیتو اد اورغ هق ماتي تاغن سبله. فس اد سفواق دالم
مسجدید تو، نق توروه عيسى کات نې بوات ساله. ساپیت تو
نې دوق فرهاتي تيغوق دغن هالوس هالوسى، نق تاهو کات
عيسى بوات کا رق، بري اورغ تو هيلع، فد هاري ميغکو.
عيسى فون سوروه اورغ هق ماتي تاغن تو، کات: ماريله دوق
رافن!

فس عيسى تان سموا اورغ تو: هق مان توروت حکوم تورات
سوغکوه انتوق هاري ميغکو؟ کيت نق بوات هق موليق اتوا نق
بوات هق هوروه کا اورغ؟ نق بري سلامت اتوا نق بونوه اورغ؟

24

25

26

27

28

1

2

3

4

تافي دالم رامي ۲ تو ، تاء اد سياف جواب ، سورغ هابوق .
 عيسى دوق تيغوق کا اورغ رامي ساءني ، فس نې براں موريه
 تافي هاتي نې کسياغ بلس کا فواق تو جوگ ، کران نې کرس
 فروت ، تاء تاهو نې ساله . عيسى فون سوروه اورغ هق ماتي
 تاغن سائني کات : هولورله تاغن مو کوء نې ! اورغ تو فون هولور
 تاغن نې ، کاگه سلالو .

6 بیلا دې تيغوق ده ، اورغ قوم فريسي فون تيغکل مسجید سلالو
 کي مشورة دغۇن اورغ قوم راج هيرود ، فاكت چاري جان نق
 بونوه عيسى .

اورغ رامي دوق دتفي لاءوت

7 لفس فد تو ، عيسى دغۇن انق ۲ مرید نې ، کي کا كليواسن
 لاءوت کاليل . فس اورغ رامي توروت نې جوگ . اورغ رامي تو اد
 هق ماري دنکري کاليل ، اد هق ماري دنکري يهوديه ، اد هق
 ماري دكوت جروسليم ، اد هق ماري دكليواسن باليق سان سوغى
 يردىن ، فس اد جوگ هق ماري دتفى بندىر صور دغۇن بندىر
 صيدون . سموا اورغ رامي تو ماري تمفت عيسى بلاك ، کران نې
 بغر چارا حال هق عيسى بوات .

9 اورغ رامي باپق گيتولالو ، سهيفىڭ عيسى سوروه انق ۲ مرید
 نې سيمفن فراهو ، برى نې بولىه دودوق ، کران تائسيز برى
 اورغ رامي تو هيمافيت نې ، سبب عيسى برى هيلع ده باپق
 اورغ هق ساكيت ، دولو . سابىت تو ، لاني سموا هق ساكيت
 دوق تىينديه نق جامه نې .

11 فس اورغ هق ماسوق هنتو ، افبيلا نې تيغوق عيسى ، سجود
 دافن نې ، فس برجريت کات : موله انق توهن !

12 عيسى فون لارغ هنتو ۲ تو دغۇن كجف کات : مو جاغن رويت
 کا سياف ۲ کات اکونى انق توهن !

 عيسى فيليه صاحبة دوا بلس اورغ

- 13 لفس تو، عيسى نائيك اتس بوكيت، سکالي رعن اورغ هق ني
اجق، ايکوت کهندق ني.
- 14 فس، عيسى فيليه دوا بلس اورغ دالم فوق تو، هق ني فشكيل
صاحبه هق باواه تيهه ني. عيسى کات: اکو فيليه ده فوق مو،
نق بري دوق سکالي رعن اکو. اکونق هنتر فوق مو، سوروه
گي رویت حبر باه يك چارا حال توهن. فس اکونق بري مو باواه
تيته کو، نق بري اد کواس بوليه همبت هنتو شيطان توبیت داورغ.
اینيله نام دوا بلس اورغ هق ني فيليه: صيمون هق عيسى گلر
فيتروس، يعقوب رعن اديق ني يحيا، کدوا تو انق زبدي.
- 15 فس عيسى گلر فشكيل ني بوانرگيس، معنان سروف کيلت مپمبر،
اندرياس، فيليف، برتولومي، متیوس، تومس، يعقوب انق
الفيوس، تاديوس، صيمون سورغ دالم قوم فکع بفسا یهودي تو،
فس یوس اسکريوت، اورغ هق نق درهاک کا عيسى ماس دافن.
- 16 فيتروس، يعقوب رعن اديق ني يحيا، کدوا تو انق زبدي.
- 17 فس عيسى گلر فشكيل ني بوانرگيس، معنان سروف کيلت مپمبر،
اندرياس، فيليف، برتولومي، متیوس، تومس، يعقوب انق
الفيوس، تاديوس، صيمون سورغ دالم قوم فکع بفسا یهودي تو،
فس یوس اسکريوت، اورغ هق نق درهاک کا عيسى ماس دافن.
- 18 فس عيسى گلر فشكيل ني بوانرگيس، معنان سروف کيلت مپمبر،
اندرياس، فيليف، برتولومي، متیوس، تومس، يعقوب انق
الفيوس، تاديوس، صيمون سورغ دالم قوم فکع بفسا یهودي تو،
فس یوس اسکريوت، اورغ هق نق درهاک کا عيسى ماس دافن.
- 19 فس عيسى گلر فشكيل ني بوانرگيس، معنان سروف کيلت مپمبر،
اندرياس، فيليف، برتولومي، متیوس، تومس، يعقوب انق
الفيوس، تاديوس، صيمون سورغ دالم قوم فکع بفسا یهودي تو،
فس یوس اسکريوت، اورغ هق نق درهاک کا عيسى ماس دافن.

 عيسى رعن ک فلا هيبلليس نام بعييل زبول

- 20-21 لفس تو، عيسى کلیق کا رومه، فس اورغ رامي ماري برهيمون
سکالي لاکي، هيٺگ سمفی عيسى رعن صاحبة رعن تاءدان نق
ماکن. بيلا سفوفو سفویغ عيسى رغر حال ايت ني فون نق گي
امبیق عيسى بوات لاري، کران ني کات عيسى بوات هق تاءار
مناسبه.
- 22 فس، اد سفوق گورو تورات، هق ماري دکوت جروسلیم، هق
کات: ايش! عيسى ماسوق ک فلا شيطان نام بعييل زبول تو!
تنتو رعن کواس دیاله، عيسى ني بوليه همبت هنتو تو توبیت.
- 23 عيسى فون فشكيل اورغ رامي ماري کا تمفت ني، فس ني فاكی

- عبارة کات : بالس مان هیبلیس بولیه همبت هیبلیس توبیت ؟
کالو ساتو نکری فچه بله جاری فوق ۲ هق لاون سام سندیری
تنتو نکری تو تا^ئ تاهن لام . 24
- فس اورغ دالم سبواه رومه فون ، کالو بی مچه جاری فوق ۲ ،
باله سام سندیری ، تنتو کلورگ تو تا^ئ تاهن لام جوگ . 25
- بالس تو جوگ ، عیسی کات ، کالو فوق هق هیبلیس دوق
میرینته تو ، مچه جاری فوق ۲ ، فس لاون سام سندیری ، تنتو
تا^ئ تاهن لام ، نق جاری هافوس هیلغ هابیس . 26
- فس میسل لاکی ، تا^ئ اد شورغ نق ماسوق سامون رومه اورغ کاکه
ملائینکن کرجوغ توان رومه تو دولو ، باروله بولیه رمفس هرت
بندای . 27
- ایغتلہ ، عیسی کات ، دوسا مان ۲ فون هق مائنسی بوات ، اتوا
هق بی کیچیق هودوه ۲ فون ، توهن بولیه امفون کا بی جوگ ،
نافی کالو سیاف بولیه تیغوق کرج روح توهن ، فس کیچیق
هینا چارا حال روح توهن تو ، اورغ تو توهن تا^ئ لیه امفون
سعمور ، کران دوسا تو دوق ککل دالم هاتی بی . 28
- عیسی کات بالس تو ، کران اد اورغ هق کات عیسی فاکی کواس
هنتو . 30

مق دغن ادیق ۲ عیسی

- لفس تو ، مق دغن ادیق ۲ عیسی سمفی دوق دافن رومه ،
سوروه اورغ کی رویت کا عیسی ، کات بی دوق ننتی لوار ، نق
کیچیق . دالم رومه تو ، اورغ رامی دوق لیغکوغ عیسی . بی کات
کا عیسی : هي توان ! مق دغن ادیق ۲ توان دوق ننتی دلوار نق
کیچیق . 32-31
- عیسی کات : سیاف بی هق جاری مق کو ، هق جاری ادیق ۲
کو ؟ بی فون فالیغ تیغوق کا اورغ هق دوق کلیلین بی تو فس
33
34

ري کات: فواق نيله هق کا رغن اکو، سروف مق رغن اديق.
35 اورغ مان ۲ هق بوات ايکوت کهندق توهن، دیاله اديق ۲ کو،
 جنتن بتينا، اتوا فون مق کو، عيسى کات.

عبارة اورغ منابوربلب 4

فدر ساتو هاري فول، عيسى مفاجر سکالي لاکي، دتفي
 لاءوت کاليل. اورغ رامي باپق گيتتو لالو ليغکوغ عيسى هيغک
 سمفي ري کا نائيك فراهو، نق دودوق. فراهو تو هوندور
 سیکيت فد تفي فنتي، فس اورغ رامي دودوق دتفي فنتي تو.
2 عيسى فاكی عباره ۲ نق اجر باپق فرکارا کا اورغ ۲ تو. تکه ري
 دوق مفاجر ري کات: دغله! اد سئورغ کي تابور بنيء فاني.
3 بلغ ۲ ري دوق تابور تو، اد بنيء هق جاتوه تغه جالن، فس
 تو، ماکن دبوروغ هابيس.
4 فس اد هق جاتوه اتس تانه، هق اد باتو باليق باوه. بنيء
 هق جاتوه سیتو فون، تومبوه نائيك باشت، کران تانه باليق
 تو تاءرالم. تافي لفس تو، متھاري فانس تریق، تونس ۲ بنيء
 تو کريغ، کران اکر نق تورون تاءليه.
5 فس اد فول، بنيء هق جاتوه دالم دوری. دوری ۲ تو فون
 تومبوه نائيك، کاروت تونس، نق توبیت بواه تاءليه.
6 تافي اد جوگ هق جاتوه دتانه سجوق. بنيء تو فون، تومبوه
 نائيك، توبیت بواه موليق. اد هق بوه سبوتير، برانق تيک
 فولوه کالي گندا. اد هق برانق انم فولوه کالي گندا. فس
 اد هق برانق سراتوس کالي گندا.
7 فواق مو هق اد تليغا، دغله هق اکو رویت ده! عيسى کات.

اد سبب عيسى فاكی عبارة

10 لفس فد تو، تکه عيسى دوق سئورغ، اورغ هق رغر فثاجران

ري ساءٌني، ماري سكالي دغۇن صحابة ۲ دوا بلس اورۇغ تو، سورووه عيسى هوري عبارة ھق دې فاكى سائنى تو. عيسى فون رویت: توهن برى دە کا فواق مو، بولىيە ارتىي رهسىيا چارا حال فرینتە دې اتس دنيا. تافي اورۇغ لائين ھق دوق لوار فد مو، كنا تريما فغا جران كو نى دغۇن عبارة.

11

نق برى بىلاڭ دغۇن ايات دالىم كتاب ھق كات:

12

دي بولىيە تىيغۇق، دې نق تىيغۇق، تافي مات هاتىي دې تا^ء نمۇق. دې بولىيە دغۇر، دې نق دغۇر، تافي دې تا^ء ارتىي! كىران كالۇ دې بولىيە نمۇق، بولىيە ارتىي، دې نق فالىيۇ كلىق كا توهن، توهن فون نق امغۇن دوسا ۲ دې.

عيسى هوري عبارة اورۇغ منابۇر

لفس تو عيسى تاش فواق تو كات: مو تا^ء ارتىي لاڭى كە، عبارة سائنى؟ ويه! بالس مان مو نق ارتىي عبارة ھق لائين؟ اورۇغ منابۇر سائنى، بنىيە دې سروف دغۇن خېرى يېڭىك، ھق توهن. كادغۇن، خېرىن تو سروف جاتوه تغە جالن. اورۇغ بولىيە دغۇر، تافي با دې دغۇز خېرىن تو، ھېيلىس ماري رەمسى دالىم هاتىي دې.

13

فس اد جوڭ، اورۇغ هاتىي دې سروف تانە ھق اد باتو بالىق باوه. بنىيە جاتوه، فس دې تريما سلالۇ دغۇن سوڭ هاتىي. تافي ھق دې دغۇر تو، تا^ء لكت دهاتىي، كىران اکرىچ تا^ء چوكۇك. دې تا^ءلىيە تاھن لام. بىلا دې كىسا ساھن، اتوا اورۇغ بولت پاڭ كا دې، دغۇن كىران فرگىتائن توهن ھق دې تريما تو، دې لوچۇت سلالۇ.

14

فس اورۇغ لائين فول، سروف دغۇن تانە ھق اد دوري، بنىيە جاتوه

15

16

17

18

تو. اورغ ۲ نی تریما دغر سلالو، خبران تو. تافي نی دوق بیمبع
 چارا حال کهیدوفن دی. نی نق ۲ کا هرت بندنا، دفن سموا
 فرکارا هق ماننسی برکنن. فرکارا ۲ نیله هق دوق کهور ۲ بسر،
 سهیفگ بربی کاروت فرکتائن توهن تو، تاءلیه توبیت بواه.
 20 تافي اد جوگ، اورغ هق سروف دفن تانه سجوق. نی تریما بربی
 لکت رهاتی سلالو، فس توبیت بواه مولیق. اد هق سروف بوه
 سبوتیر، برانق تیگ فولوه کالی گندا. اد هق برانق انم فولوه
 کالی گندا، فس اد هق برانق سراتوس کالی گندا.

فلیتا کا بربی سولوه دتمفت تیغکی

21 فس عیسی اجر فواق تو سیکیت لاکی کات: بیاس تیغوق
 کا دق، اورغ باوا^۱ فلیتا ماری کی لتق باوه فاسو، اتوا دباوه
 کاتیل؟ تنتو دق! دی کی لتق دتمفت تیغکی، بربی سولوه
 سرات، بوکن?
 22 تنتوله اف ۲ هق دوق سوسوف، لام ۲ بولیه نمفق کا اورغ جوگ.
 اف ۲ هق دوق تودوغ فون، لام ۲ نق بربی بوک.

23 سبب تو، عیسی کات، فواق مو هق اد تلیغا دغره هق اکو
 رویت ده!^۲

24 فس عیسی کات فول کا فواق تو: فرهاتیله بایک ۲ اف هق مو
 دغر! بالس مان مو حکوم کا اورغ، بالس تو جوگ، توهن نق جاتوه
 حکوم اتس مو، تافي دفن تروق لاکی.

25 کران کا اورغ هق تریما ده سیکیت ۲، توهن نق تمبه لبیه لاکی،
 تافي کا اورغ هق تا^۳ سیر تریما اف سکارا، توهن نق امبیق
 هابیس، سموا هق دی اد تو.

عبارة بنیه تغه ۲ دوق تومبوه

26 فس، عیسی هویوغ لاکی کات: بیلا توهن ماری امبیق فرینته

ري دالم هاتي مائسي، بوليه بندیغ سروف اورغ کي تابور بنيء
دالم بندغ. وقتو مالم رى تيدور جنдра، سياع هاري رى کي
بوت کرج. تافي بنيء تو دوق تومبوه سعمور تا^ه برادو، کهور ۲
تيفگي، کهور ۲ تيفگي. توان فون تا^ه تاهو بالس مان جاني.
جاري تانه سنديري هق بري تومبوه بنيء تو، بري توببيت يواه
مول ۲ جاري چديغ، لفس تو رى بونتيغ، فس سود سکالي ماسوق
ایسي جاري بواه فنوه.
بيلا ماسق ده، توان فون کي مفتمن سلالو، کران رى تاهو کات
سمفي ده فرياغ مفتمن.

عبارة بوتير ساوي

فس عيسى کات: بيلا توهن ماري امبيق فرينته رى دالم هاتي
مائسي، نق بندیغ بالس مان؟ نق فاكى عباره رفن اف بري
بوليه هوري؟
نق جاري سروف بوتير ساوي، بنيء هق هالوس سکالي دالم
دنيا. اورغ امبيق سبوتير کي تام.
فس، تا^ه لام، بنيء تو کهور تومبوه، کهور تومبوه، لبيه بسر
فدهق لاءين، توببيت چابغ باپق، هييفگ سمفی بوروغ ۲ بوليه
ماري بوات سارغ تمفت تدوه اتس فوهون تو.
عيسى مثاجر رفن فاكى عباره باپق فرکارا، سروف سائني،
ستارا مان اورغ رامي بوليه ارتى، ستارا توله عيسى مثاجر.
عيسى تا^ه اد رويت خبر رى ملائينكن فاكى عباره ساج. تافي
رفن صحابة ۲ رى، عيسى هوري بري ارتى.

عيسى لارغ ربيوت

فدهاري تو، سبله فتش، عيسى کات کا صحابة ۲ رى:
ماريله کيت جماغ لاءوت نې!

- 36 فواق تو فون تيغكـل اورغ رامي ، نـايك اتس فراـهو تمـفت عـيسـى
تو ، فـس باـواهـ عـيسـى تـوبـيت سـلاـلو . فـراـهو اورـغ لـائـين فـون اـد
جوـگ دـسيـتو .
- 37 تـيـباـ ۲ اـغـين رـيـبـوت قـواـ ، اوـمـيقـ ۲ بـرـسـمـبـورـ ، اـيرـ ماـسـوقـ دـالـمـ فـراـهو
رـكـتـ نقـ فـنـوهـ .
- 38 تـكـهـ تو ، عـيسـى دـوقـ تـيـدـورـ جـنـدـرـاـ دـفـوـغـكـوـغـ فـراـهوـ ، كـفـلـاـ اـتسـ
بنـتـلـ . صـحـابـةـ ۲ رـيـ فـونـ گـيـ گـرـقـ عـيسـى كـاتـ : تـوانـ گـورـوـ ! باـافـ
تـوانـ تـاءـ فـدـولـيـ كـاـ كـيـتـ ؟ رـكـتـ نقـ مـاتـيـ !
- 39 عـيسـى فـونـ باـغـونـ ، فـسـ سـورـوـهـ اـغـينـ توـ : بـرـادـوـلـهـ ! فـسـ رـيـ
سـورـوـهـ اوـمـيقـ ۲ : تـدوـهـلـهـ ! اـغـينـ فـونـ بـرـادـوـ ، اوـمـيقـ فـونـ سـيـدـغـ
هاـبـيـسـ .
- 40 عـيسـى فـونـ فـالـيـعـ كـاتـ كـاـ صـحـابـةـ ۲ رـيـ : باـافـ موـ فـناـكـوتـ گـيـتوـ
لـالـوـ ؟ موـ تـاءـ فـرـچـايـ كـاـ اـكـوـ لـاـگـيـ كـهـ ؟
- 41 فـوـاقـ صـحـابـةـ فـونـ ، بـرـاسـ تـاكـوتـ سـاغـتـ ، فـسـ كـاتـ سـامـ نـيـاـ
اـيـهـ ! تـوانـ گـورـوـ كـيـتـ اورـغـ لـاـکـوـ مـانـ ؟ سـورـوـهـ اـغـينـ رـيـبـوتـ بـرـادـوـ،
برـادـوـ !

عـيسـى بـرـيـ هـيلـعـ سـئـورـغـ مـاسـوقـ هـنـتـوـ

باب 5

- 1 لـفـسـ فـدـ توـ ، رـيـ سـمـفيـ كـاـ بـالـيـقـ سـانـ لـاءـوتـ گـالـيلـ ،
2 دـكـليـوـسـنـ گـارـاـ . باـ عـيسـى تـورـونـ دـفـراـهوـ توـ ، اـدـ سـئـورـغـ مـاريـ
درـيـ گـواـ هـقـ اورـغـ فـاـكـيـ جـارـيـ قـبـورـ ، نقـ تـموـ لـغـنـ عـيسـىـ .
- 3 اورـغـ توـ مـاسـوقـ هـنـتـوـ ، فـسـ رـيـ دـوـدـوقـ دـقـبـورـ توـ سـعـمـورـ . تـاءـارـ
سـئـورـغـ هـابـوقـ هـقـ اـدـ گـواـسـ بـولـيهـ گـارـيـ رـيـ لـاـگـيـ .
- 4 كـرـانـ فـدـ مـاسـ دـولـوـ ، بـاـپـكـالـيـ رـهـ ، اورـغـ گـارـيـ کـاـكـيـ تـاغـنـ رـيـ ،
تـافـيـ گـنـفـ ۲ گـالـيـ گـارـيـ توـ ، رـيـ بـرـيـ فـوـتـوـسـ رـنـتـيـ ۲ ، بـرـيـ هـنـجـورـ
بـسـيـ هـقـ دـوقـ دـكـاـكـيـ رـيـ . رـيـ قـواـ گـيـتـوـ لـالـوـ ، تـاءـارـ سـئـورـغـ
هـقـ بـولـيهـ تـاهـنـ رـيـ .

سياغ مالم رې دوق برجالن کي ماري، کي ماري، کوء دالم قبور،
کوء اتس بوکيت ۲ دسيتو، بلغ ۲ رې برجريت امبيق باتو توريس
توبوه رې.

بيلا رې نمفق عيسىو ماري تو، رې دوق جاوه لاكى. رې فون
هوغلل ماري سجود رافن عيسى، فس برجريت دغن سوارا درس
بلغ ۲ کات: هي عيسى، انق توهن هق يې مهاتيغى ! مو نق
بوات گان دغن اکو؟ اکو مينتا اتس نام توهن، جاغن مو بوات
سيقساله کا اکو!

هنتو کات بالس تو، سبب عيسىو دوق سوروه رې توبيت، کات:
هي هنتو، توبيتله دالم توبوه اورغ نې !

فس عيسى تان هنتو تو: مو نام اف؟ اورغ تو فون جواب: نام
اکو رامي، سبب فواق اکو اد باپق !
فس رې تبيع مينتا تاء سير بري عيسى همبت هنتو ۲ تو توبيت
رکليواسن تمفت تو.

جاري، دسيتو اد سکاون بابي، باپق ايکور، دوق چاري ماکن
رتبيع بوکيت. فواق هنتو فون مينتا دغن عيسى کات: بريله
اکو کي ماسوق دالم بابي ۲ تو !

عيسى فون بئر بري کا رې. فس، فواق هنتو توبيت دالم توبوه
اورغ تو، کي ماسوق دالم توبوه بابي فول. کاون بابي تو
لبيه كورغ دوا رېيو ايکور. سموا بابي تو فون، لاري کچيك
كفلار، کي ترجون اتس توبير بوکيت، جاتوه دالم لاءوت لمس
ممفوس هابيس.

اورغ ۲ هق دوق جاڭ کاون بابي تو، لاري کي رويت کا اورغ دالم
کري، فس کي رويت کا اورغ درارت فول، بري سموا اورغ فاكت
ماري نق تيغۇق كجادىن نې.

رې ماري سمفى کا تمفت عيسى، فس جومغا دغن اورغ هق
ماسوق هنتو باپق تو، دوق مباتق سيتو. كائين باجو فون

- ري فاكى، اوتق فون موليق سروف سديا. اورغ . هق ماري
تيغوق سموا براس تاکوت سوڠڻوه .
16 فس، فواق هق تيغوق ده دلو، رويت کا فواق هق بارو ماري،
بالس مان ڪجادين اورغ ماسوق هنتو تو، رغن کاون بابي .
17 سابيت تو، سموا اورغ تو فاكت سوروه عيسى توبيت فد نكري
ري . تغه عيسى دوق نائيك اتس فراهو، اورغ هق ماسوق
هنتو تو فون ، مينتا دغن عيسى کات: توان، بريله امب کي
ڪاتيق، سڪالي دغن توان !
18 تافي عيسى تاء بري رې کي، رق . رې کات: ڪليقله کا زومه مو،
کي رويت کا سفوفو سفوڀ، بري تاهو کا رې باپق مان توهن
تولوغ مو، باپق مان رې ڪسياغ بلس گف مو .
19 اورغ تو فون تيغڪل عيسى کي رويت خبر نې دالم بندرسفولوه
بندر تو، چارا حال هق عيسى بوات کا رې . سموا اورغ هق رغر
فون براس حيران ساغت .
20

انق ياءير دوق ساکيت

- 21 عيسى فون جمرغ لاءوت ڪليق . بيلا رې سمفی ده کا فنتي ،
اورغ رامي ماري برهيمفون دتمفت رې .
22 فس اد سئوغ کتوا مسجید اورغ ڀهولي، نام ياءير، ماري نق
چاري عيسى . بيلا رې تموده، رې سجود کا کاکي عيسى فس
23 مينتا دغن عيسى جوڳ ۲ کات: انق بتينا امب ساکيت تروق .
مينتا توان کي لتق تاغن اتس رې بري سگر بوليه هيدوف
لاڳي . عيسى فون کي سڪالي دغن ياءير تو .
24 تغه ۲ دوق برجالن کي تو، اورغ رامي گيتو لالو، هيٺگ سمفی
سسق ترق، دوق تمفووه مو اکو سعمور .

اورغ بتينا ماري جامه باجو عيسى

- رالم اورغ رامي تو، اد سئورغ اورغ بتينا، هق ساكيت تروق
كلوار داره سعمور، دوا بلس تاهون ماري ده، سيقسا سوغنكوه . 25
- بي کي براوبت هابيس بومور، هيغك سمفی دويت تا^۶ اد ستخ.
تافي تا^۷ هيلع، كهور^۲ تروق سعمور . 26
- اورغ بتينا تو بياس دغر خبر عيسى . دي فون مپليت رالم اورغ
رامي هيغك سمفی بلاکع عيسى . 27
- دي روق فيكير کات : كالو اکو بوليه جامه بيراء^۸ي فکاين . دي ساج
فادن ده ، اکو نق هيلع سلالو ! 28
- دي فون جامه بيراء^۸ي باجو جوبه عيسى . با جامه ، داره فون
برادو سلالو . فس دي براس رالم . توبوه کات ابيو فپاکيت هيلع
ده . فد ماس تو جوک عيسى تاهو کات کواں دي توبیت . دي 30
- فون فالیع تان : سیاف ماري جامه فکاين کو سائني ؟
صحابة^۹ عيسى فون کات : ايه توان ! اورغ روق سسق ترق ني ، 31
- با^{۱۰} اف توان کات اورغ جامه ؟
تافي عيسى روق اينتي لاکي ، نق تاهو سیاف ماري جامه دي . 32
- اورغ بتينا تو کابر حال هق جاري کا دي . دي فون ماري رعن کتر
کنالیع سجود کا کاكی عيسى ، مفاکو سموا کا دي . 33
- فس عيسى کات کا اورغ بتينا تو : تا^{۱۱} اف ميق ! کران مو فرچاي
مو بوليه سيار ده . کلیقله رعن سلامت ! فپاکيت مو تو تا^{۱۲} اد
اف^{۱۳} ده . 34

انق یاءير بوليه هيدوف کليق

- تكه عيسى روق کات بالس ني ، اد دوا تيک اورغ باوا^{۱۴} ماري
خبر درومه یاءير کات : انق توان ماتي ده . تا^{۱۵} سه بري توان
کورو کادوه کيله ! 35
- عيسى تا^{۱۶} فدولی کا هق فواق تو رویت ساکني ، تافي دي فالیع
36

- کات کا یاءیر: جاغن تاکوتله! مو فرچای، سوده!
لفس تو، عیسی لارغ، تاءُ بري اورغ رامي توروت ری، ملائینکن
فیتروس، یعقوب رغن ادیق دی یحیا، تیگ اورغ تو.
37
- بیلا دی سمفی کا رومه یاءِیر، عیسی تیغوق نمفق سلیرق تابق،
38 فس دی رغر بوپی سوارا تریاق تاغیس تو.
عیسی فون ماسوچ تان اورغ دالم رومه تو: باءُ اف سلیرق تابق
39 بالس نی؟ باءُ اف مو دوق تریاق؟ بونق تو تاءُ ماتی سکالی. دی
دوق تیدور ساج.
- فس فوچ تو فاکت سوک مفتحیج کا عیسی. عیسی فون سوروه
ری توبیت، فس اجق مق فق سکالی رغن صاحبة دی تیگ اورغ
تو، کی ماسوچ دالم بیلیق بونق هق ماتی.
40
- فس، عیسی فکٹ تاغن بونق تو، بلخ ۲ سوروه دی: تالیشا کوم!
معنانش: میق، مو باخونله! بودق تو فون باخون سلالو برجالن
کی ماری کی ماری. تکه تو، عمر دی دوا بلس تاهون. بیلا
فرکارا نی جانی، اورغ دالم بیلیق تو، فاکت ترکاگیت.
41
- 42 تافی عیسی لارغ رغن قواه، تاءُ بري رویت کا سیاف ۲. فس دی
سوروه کات: بري ماکتلہ کا بودق نی!

اورغ نصرة تاءُ سیر تریما عیسی

باب 6

- لفس تو، عیسی تیغکل تمفت تو، کی هادر کوء کمفوغ
تمفت اصل دی، سکالی رغن صاحبة ۲ دی.
1
- فدهاری میغکو، عیسی فون کی معاجر دمسجد اورغ یہوری.
فس اد باپق اورغ دوق دالم مسجد تو. بیلا دی رغر فغا جران
عیسی، دی براں حیران بلاک. دی فون کات: دی امبیق دمان
سموا نی؟ کفنداین دی تو فیشین مان؟ فس، کواس دی ماری
دمان، بولیه بوات فرکارا ۲ فلیق?
2
- 3 دی توکھ کایو تو، بونک؟ انق مریم، جیلا! فس، یعقوب،

يوسيس، يودس دغن صيمون تو، اديق ٢ دي بلاك، بوكن؟ فس،
اديق ٢ بتينا دي جاري ساءين كيت جوڭ! ساپىت تو، فوق ٢
كمفوغ دي تو، تاءُ سير تريما عيسو.

4 تافي عيسى كات كا دي : اورغ جاري نبي دمان ٢ فون اورغ حرمة
بلاك ، ملائينكن دكمفوغ دي سنديري ، اديق برايدىق ، سفوفو
سفويغ دي !

5 عيسى فون تاءُ ليه بوات فركارا فليق سكارا دسيتو، ملائينكن دي
بوليه بري هيلع اورغ ساكيت ، امفت ليم اورغ ، دغن لتق تاغن
اتس توبوه دي ماسيق ٢ .

6 عيسى براس حيران ساعت سبب اورغ دسيتو تاءُ سير فرچاي كارى.

عيسى هنتر صحابة ٢ دي دوا بلس اورغ

لفس تو ، عيسى توبىت كىي كوء دالم سموا كمفوغ د كليواسن
تو ، مثاجر اورغ .

7 دي فون فشكيل صحابة دوا بلس اورغ تو ، فس هنتر كوء تو دوا
اورغ ، كوء دي دوا اورغ ، كي بلاك . دي بري كواس كا فوق تو ،
برى بوليه همبت هنتو توبىت دالم توبوه اورغ .

8 فس ، دي سوروه كات : جاغنله مو باواً اف هق كا فاكى تغه
جالن ملائينكن توغكت . جاغن مو باواً بكل ، اتوا كندي هق
نق بوات مينتا ، اتوا دويت فون .

9 مو بوليه فاكى سليفر ، تافي مو تاءُ كا فاكى باجو دوا لافيس .
10 فس عيسى كات لاكي : سمفى كا كمفوغ ، تمفت مان اورغ سمبوت
مو ، مو دودوقله درومه اورغ تو ، هيچك سمفى مو نق تيغكلى
كمفوغ تو فول .

11 فس كالو مو كي سمفى كا ساتو تمفت ، اورغ تاءُ سير سمبوت مو ،
اتوا جبيه تاءُ سير دغى فشاجران مو ، مو كنا تيغكلى له تمفت تو
فس كلبس دبو تانه تمفت تو داكى مو ، جاري تندا كات فوق

- 12 تو ساله . فواق صحابة تو فون ، توبیت کی برشح سوروه اورغ فالیئن توبت درف دوسا ۲ .
- 13 نی همبت هنتو توبیت باپق ، داونگ ، فس ، دی بربی هیلخ باپق اورغ ساکیت رغن لیسیق میق .

چارا حال کماتین نبی یحیا

- 14 فد ماس تو ، راج هیرود نغر چارا حال کجادین نی کران عیسی تیمبول نام سرات . اد اورغ هق دوق کات : ایه ! اورغ نی یحیا که ، هق بربی اورغ تریما روکون مندی تو ؟ نی هیدوف کلیق سمولاء ، فس ساپیت تو ، نی اد کواس بولیه بوات فرکارا ۲ نی .
- 15 تافی اورغ لائین کات فول : نی تو نبی الیاس ! فس اد لائکی هق کات : نی تو نبی سروف نی ۲ دولو !
- 16 بیلا راج هیرود نغر فرکارا تو ، دی کات : ایه ! تنتوله نی یحیا هق بربی اورغ تریما روکون تو . رغن سوروهن کو فنچوغ ده نی ، تافی لانی کان دی هیدوف کلیق فول ؟
- 17 بولو جانی راج هیرود هق سوروه اورغ کی ایکت یحیا ، ایکت بوه دالم کوچ . دی بوات بالس تو ، کران سئورغ بتینا نام هیرودیاس ، هق دوق جانی لائکی بینی رغن هیرود ، ولو دی جانی بینی ادیق هیرود ده فون ، هق نام فیلیف .
- 18 یحیا تو کاچن لارغ کات : توانکو ساله حکوم کالو منیکاح رغن بینی ادیق ! ساپیت تو ، هیرودیاس فون براس سغکوت دهاتی نق بونوہ یحیا . تافی تائیه ، سبب هیرود تائی بنر .
- 19 فد ماس تو ، هیرود تاکوت کا یحیا ، کران دی تاهو کات یحیا تو اورغ بایک ، هق توهن فیلیه بوات کرج دی . ساپیت تو هیرود جاگ یحیا ، تائے سیر بربی جانی اف ۲ . دی برکتن دغز هق توهن رویت ، ولو دی گرم ، گنف ۲ کالی دی نغر فون .
- 20 سود سکالی ، هیرودیاس تو اد فلواغ . فد هاری ایفت کا هاری

برانق راج هيرود، راج فاده اورغ ۲ هق دوق باوه داکو ي
رغن کتوا ۲ عسکر، رغن رعيت يي هق فريشكك تيفشكى دالم نكى
گاليل، ماري ماكن جاموان بلاك.

فس انق بتينا هيرودياس ماري مناري رافن راج، بري سوك راج
رغن سموا هق فاده سائيني. هيرود فون رويت کا بودق بتينا
تو: مو نق کاف؟ اف ۲ هق مو نق، اکو نق بري بلاك!

22 راج جنجي رغن برسومقه اتس نام باپق فركارا کات: اف ۲ هق
مو نق، اکو جنجي نق بري، ولو سبله نكى کو فون!

23 بودق بتينا تو فون توبیت کي تاش مق يي: مق سوروه انق
مينتا؟ کاف؟ مق يي جواب: مو کنا مينتا؟ كفلا يحيا هق بري
اورغ تريما روکون تو!

24 بودق تو فون کي سلالو کا تمفت راج، نق تونتوت رغن يي
کات: توانکو، امب نق مينتا؟ كفلا يحيا هق بري اورغ تريما
روکون مندي تو، لاني جوگ، بوه دالم فيعگن بري کا امب!

25 هق بودق تو مينتا؟ بري راج سوسه هاتي، تافي تا'ليه داليه
کران يي جنجي رغن برسومقه، رافن اورغ رامي هق کنا فاھ تو.

26 راج فون سوروه سئوغ عسکر کي فنچوغ يحيا، باواه كفلا يي ماري.
عسکر تو فون کي فنچوغ يحيا، امبيق كفلا يي بوه دالم فيعگن
باواه ماري بري کا بودق بتينا تو. بودق تو فون، امبيق باواه
کي کا مق يي فول.

27 بيلا مرید ۲ يحيا دغر خبر تو، يي ماري امبيق مايت يجيا،
کي تانم.

عيسيي بري ماكن کا ليم ريبو اورغ

28 لفس تو فول، صحابة ۲ عيسىي کليق ماري تمو رغن عيسىي،
فس يي رويت کا عيسىي سموا هق رې بوات هق يي اجر کا اورغ.
30 دسيتيو اورغ بزلومبا ۲ کي ماري، هييگى سمفې عيسىو رغن

31

صحابة ۲ ری تاء اد فلواڠ نق ماکن. عيسو فون رویت کا ری :
ماری کیت کی دوق ساتو تمفت اوړغ تاء اد، بری فواق مو بولیه
برارو لتيه سبنتر.

فواق ری فون نائیک فراهو، جمرغ کی کا تمفت سوپی . 32
نافي باپق اوړغ نمفق فواق عيسو کی، فس ری تاهو سلالو کات
سياف کی تو. ری فون توبیت دکمفوڠ ۲ ری، فس توروت کی
برجالن کاکی. ری فون سمنی دلوو ڏ فواق عيسو ، کا تمفت
ری دوق هارف تو. 33

بیلا عيسو تورون فراهو دیق نون ، نمفق فواق تو بربومبا ۲
ماری . ری فون براس کسیاغ کا فواق تو، سبب ری دوق سروف
بیریغ هق تاء ادار توان . فس عيسو دوق معاجر ری ، چارا حال
باپق فرکارا . 34

بیلا سمنی فتح کارغ، صحابة ۲ عيسو ماری کیچیق بېن ری کات :
هي توان ! نق گلف ده، فس یسیني رومه تاء اد . بائیک توان
سوروه اوړغ رامی نی کی کا کمفوڠ ۲ دکت، اتوا کدی فون ، نق
بولیه بلي ماکن . 35

نافي عيسو رویت کا صحابة ۲ ری : موله بری ماکن کا ری ! فس
فواق صحابة تان عيسو : فس، توان نق سوروه امب کی بلي
روتی سمنی امفت ریبو کوف که، بری سموا نی ماکن ؟
عيسو فون تان کلیق کات : روتی هق دوق سیني ، اد براف
بوتیر؟ چوب کی تیغوو ! بیلا ری تیغوو ده، ری ماری رویت
کا عيسو : اد روتی لیم بوتیر، فم ایکن دوا ایکور ! 38

لفس تو، عيسو رویت کا صحابة ۲ ری ، سوروه بری اوړغ رامی
دوډوق ستومفوق ۲ دتمفت رمفوت هیجو . اوړغ رامی توفون ،
دوډوق ستومفوق ۲ ، اد هق سراتوس اوړغ ، اد هق لیم فولوو اوړغ .
لالو عيسو امبیق روتی لیم بوتیر، ایکن دوا ایکور تو، لغکق
نائیک کا لاغیت ، اوچف تربیما کاسیه کا توهن . لفس تو، ری 41

چوبیق ۲ روتي کهور ۲ بري کا صحابة ۲ ری سوروه بهاکی کا اورغ رامي تو، ایکن دوا ایکور تو فون، نی بهاکی سروف تو جوک. سموا اورغ رامي تو ماکن کیغ بلاک.

42

فس روتي دغن ایکن هق لبیه اورغ ماکن تو، صحابة ۲ عيسى فون امبیق فرهیمfon ۲ بوه دالم باکول، بولیه دوا بلس باکول فنوہ. کیرا اورغ جنتن سموا، اد لبیه کورغ لیم ریبو اورغ هق ماکن روتي تو.

43

44

عيسى برجالن اتس اير

بیلا سوده بري ماکن تو، عيسى سوروه صحابة ۲ ری نائیک اتس فراهو کی دولو فد ری کا بیت صاءیدا، بالیق سان لاہوت.

45

عيسى سنديري ننتی نق بري اورغ رامي تو کلیق دولو.

بیلا عيسى سوده بري سلام کا فواق ۲ تو، ری کی نائیک بوکیت نق بریعا.

46

سوده گلف ده، فراهو تو دوق تغہ لاہوت. عيسى فون دوق سئورغ دارت لاکی.

47

ری نمفق کات صحابة ۲ نی دوق فایہ کایوہ، کران اغین دوق تمبا ری درس. سبب تو، بیلا دکت نق سمعی دینهاري

48

عيسى فون برجالن اتس اير کی کاتمفت صحابة ۲ ری.

49

ری نق لفس دولو فد فراهو، تافي صحابة ۲ نمفق اورغ دوق برجالن اتس اير، فس ری برجريت کات: هنتو، باشت هنتو!

50

کران بیلا ری سموا نمفق، ری ترکجوت بلاک. تافي عيسى فشکیل کا ری سلالو، کات: تکوھله هاتی مو! جاغن مو ناکوت، نی اکو سنديري!

51

ری فون نائیک اتس فراهو دوق سکالی دغن صحابة ۲ ری. فس اغین تدوه سلالو. صحابة ۲ تو براں حیران ساغت، کران

52

ری تاءارتي لاکی چارا حال روتي لیم بوتیر هق بري ماکن کا

اورغ رامي تو. فيكيران دي نق فهم تاء هابيس لاكى.

عيسي بري سيار اورغ ۲ ساكيت دگنساريت

- لفس تو، فوق عيسي کي سمفی کا دارت دمقيم گنساريت،
سبله سان لاءوت تو، هييريت فراهو اتس دارت، تمبت.
53
- تفه ۲ دوق تورون فراهو، اورغ رامي دسيتو چم عيسى سلالو.
54
- عيسي بري ساكيت کي رویت کا اورغ رات ۲ تمفت دکليواسن
ني فون هوغلک گلېق کي رویت کا اورغ رات ۲ تمفت دکليواسن
تو، سوروه باوا، اورغ ساكيت، دوق اتس ۲ گرغ، کي دتمفت مان
بوهي کات عيسى اد. فس دمان ۲ تمفت عيسى کي، دکمفوغ اتوا
55
- دبندر، اتوا دباروه فون، اورغ باوا، اورغ ساكيت کي، دتمفت مان
اد اورغ برهيمفون. فس نې مينتا، نېن عيسى بري اورغ ساكيت
بوليه جامه تفي باجو جوبه نې فون، فانن ده. فس سموا اورغ
56
- هق جامه ده سيار بلاک.

چارا حال اتوران توء نينيق مویغ

باب ۷

- فدر ماس تو، اورغ دالم قوم فريسي، سکالي نغن کورو ۲
كتاب تورات، هق ماري دکوت جروسليم، دوق ليشكوغ کليليغ
عيسي. فوق نې تيغوق کات انق ۲ مرید عيسى، بلوم دي نق
ماکن، دي تاء باسوه تاغن ايکوت اتوران هق فوق فريسي.
2
- کران قوم فريسي سکالي نغن سموا اورغ يهودي، توروت اتوران
هق دي تريما درف ده توء نينيق مویغ دي، کات تائليه ماکن
اف سکارا ملاينکن دي باسوه تاغن ايکوت اتوران تو.
3
- فس بارغ هق دي بلي دکي فون، تاء ليه ماکن جوک، ملاينکن
باسوه ايکوت اتوران. اتوران ۲ هق دي تريما درف توء نينيق
مویغ، اد باپق لاكى، سروف اتوران کنا باسوه مغکوق فيغکن،
فریوق تمباك، اتوا تمفت تيدور فون.
4
- ساپيit توله، فوق فريسي نغن کورو ۲ كتاب تورات فاكت
- 5

ماری تان عیسی کات : باً اف انق مرید مو تاء توروت فغا جران
توء نینیق مويغ فواق بکیت ؟ باً اف ری ماکن دغن تاغن چمر ؟
عیسی فون جواب کا ری کات : هق نبی یعشیا رویت دولو چارا
حال فواق مو بتول سوغکوه . فواق مو هق تیغوق مانیس لوار
سروف ری تولیس دالم کتاب ، کات :

6

فواق نی حرمه کا اکو دغن مولوت ، توهن کات ،
تافي هاتی ری تاء ایقت لفسوغ کا اکو !
تاً اد فائیده ری سمیه کا اکو ، کران هق ری دوق
مغاجر کات حکوم ۲ توهن ، جاري هق مائنسی ساج .

7

فس عیسی کات : فواق مو بوات تائترفاکی کا حکوم توهن ، امبیق
فاکی فغا جران مائنسی گنتی ! فواق مو فندي نق تولق حکوم ۲
تهن دالم کتاب ، ساپیت نق اغکیت فغا جران مو سندری .
کران نبی موسی سوروه کات :

8

9

10

مو کا فادول کا ایبو باف مو دغن حرمه . فس ،
کالو اورغ کیچیق مشهودوہ چارا حال ایبو باف ری
تنتو کا حکوم بونوہ .

11

تافي فواق مو مغاجر کات : کالو سیاف اد هرت ، هق سوغ
بولیه سارا ایبو باف ، تافي ری تاء سیر فاکی بالس تو ، تاء اف ،
ری بولیه رویت کا ایبو باف : هرت تو جاري قربان ده .
معنان ، چادغ ده نق بوات خیرات کا توهن .

12

ایکوت فغا جران فواق مو ، بلر اورغ تو تاء کا فادول کا ایبو
باف ری ، تاء اف !

دغن باواً فغا جران توء نینیق مويغ مو ، کی بوات اجر اورغ
بالس نی ، مو تاء فادول کا فرکتاءن توهن . فس اد باپق فرکارا
لأکی سروف نی ، هق مو دوق بوات سعمور .

13

بارغ ۲ هق بري اورغ چمر

- 14 فس تو، عيسى فشكيل اورغ رامي سكالي لاكي، ماري ماسوق دكت، نق رويت کا ري: دغرهه فوق مو سموا! فس بري ماسوق هاتي، هق اكونق رويت ني!
- 15 تاءاد اف سكارا هق ماسوق دالم توبوه اورغ، نق بري ري چمر هاتي. جاري فركارا ۲ هق گلوار توبيت دالم هاتي اورغ، هق بري چمر جاري دوسا.
- 16 فواد مو هق اد تليغا، فاكى دغرهه!
- 17 بيللا عيسى تيغلل اورغ رامي تو، كي ماسوق دالم رومه، صحابة ۲ ري ماري تان چارا حال عباره تو.
- 18 عيسى جواب کا ري: ايه! فواد مو تاءندى لبيه فد اورغ لاين لاكي كه؟ با، اف مو تاءارتى كات تاءاد اف سكارا هق ماسوق دالم توبوه اورغ، نق بري ري چمر سوغڭوھ.
- 19 سبب فركارا ۲ ني تاءمسوق دالم هاتي، تافي ماسوق دالم تالي فروت، فس كي توبيت دالم جمبىن فول.
- (راغن كات بالس نى، عيسى معاڭو كات، بولىيە ماڭن بلاك.)
- 20 عيسى هوپۇغ لاكي كات: جاري فركارا هق گلوار توبيت دالم اورغ، هق بري ري چمر.
- 21 كران دالم مائنسى، ياءيت دالم هاتي رى، تيمبول سموا فيكيران جاهت هق فيمفيين رى بري بوروق بەهاس رى، بوات چوري بارغ اورغ، بونوه اورغ، بوات زنا، طمع، فس بري بوات باپق فركارا هق جاهت، بري رى نق تيفو اورغ، تاءمالو بيللا بوات هق تاءفاتوت، دغكى كا اورغ، كيچيق مغوفت، سومبۇغ فس فيلييە بوات هق بودوه.
- 22 فركارا هق جاهت نى، سموا تيمبول ماري دالم هاتي مائنسى بري بى چمر.

اورغ بتينا بفسا لاءين فرچاي سوغلکوه

- لفس تو، عيسىو تيغگل تمفت تو، هوندور کي کوء تعلوق
بندر صور. دي کي ماسوق دالم رومه اورغ رسیتو، کران تاءسیر
برى اورغ لاءين تاهو کات دي دوق رسیتو، تافي نق دوق منسوف
تاءليه.
- فس اد اورغ بتينا سئورغ هق انق بتينا دي ماسوق هنتو. دي
رغر خبر کات عيسىو ماري ده، فس دي کي سلالو کا تمفت عيسى
سجود رافن دي.
- اورغ بتينا نى، دي اورغ بفسا لاءين، هق برانق دنگري صورو-
فونيكيا. دي مينتا سوروه عيسى همبت هنتو توبيت دالم توبوه
انق دي تو.
- تافي عيسى جواب کا رى کات: کھور موليق کيت برى ماکن کا
انق ۲ درومه دلو. نمفق سروف تاء موليق امبيق مکان هق
انق ۲ تاهوک برى کا انجيغ!
- اورغ بتينا کات: کاله هق توان کات سائى! تافي انجيغ ۲ هق
دوق دباوه ميغا توان، دي بوليه ماکن هق انق تاءسیر بوکن؟
عيسى فون کات کا دي: سبب هق مو جواب تو موليق، مو بوليه
کلېقلە کا رومه. هنتو توبيت ده دالم توبوه انق مو!
- اورغ بتينا تو فون، کلېک کا رومه، تيغۇق انق بتينا دي تو دوق
تيدور سىخ. هنتو تو توبيت سوغلکوه ده.

عيسى برى سيار اورغ بىسسو تولى

- لفس تو، عيسىو تيغگل تعلوق بندر صور، فس برجالن
کي لاکي کوء بندر صيدون، هيغگ سەفي کلېک کا تفي لاءوت
كاليل، دفن لفگە كليواسن سفولوه بندر تو.
- رسیتو اد سفواق اورغ هق باواً اورغ بىسسو تولى، ماري مينتا

- 33 عيسى سوروه لتق تاغن اتس نېي. عيسى فون باواه رې کېي سوکو فد اورغ رامي. فس نېي هولور جاري چوچوه دالم تليغا اورغ تو دوا بله، فس نېي لوده کا تانه، چوليق دغۇن جاري نېي تيق کا لىدە اورغ تو فول.
- 34 فس تو عيسى لغۇق نايك کا لاغىت، مغلۇھ، لالو کات کا اورغ تو: اىيقارت! (معنان: بوکاله !)
- 35 تليغا اورغ تو تريوك، لىدە فون لمبىق سلالو، بولىھ كىچىق مولىق. عيسى لارغ فواق تو کات جاغن رویت کا سىاف. تافى كەھور عيسى لارغ، كەھور نېي باشت رویت.
- 36 فس سموا اورغ هق دغۇر خېر تو براس ترھيران بلاك. فواق تو کات: مولىق بىر هق نېي بوات! تا كىرا اورغ بىسىو تولى فون نېي بولىھ بىرى سىيار بلاك.

باب 8 عيسى بىرى ماڭن کا امفت رىبۇ اورغ

- 2-1 لفس تو تاء لام فول، اورغ رامي هق لائين ماري بىرھيمغۇن. بىلاھابىس دە مکانن نېي، عيسى فون فېگىل صحابة نېي ماري، فس کات: اکو براس كسىياغ بىلس سوغۇڭوھ، تىغۇوق کا فواق فواق نېي. نېي ماري دوق سىينىي سەمفي تىك هارى دە، فس لانىي هابىس دە مکانن نېي. كالو اکو سوروه كلىق دغۇن تاء بىرى ماڭن اف سكارا کا نېي، تاكوت کېي رىبە تغە جالن، كران اد هق ماري جاۋەه.
- 4 فواق صحابة عيسى تاش نېي کات: كېت دوق جاۋەه فد رومە اورغ. فس نق امبىق دمان، چوکوف بىرى ماڭن کا اورغ رامي سروف نېي؟
- 5 عيسى تاش نېي كلىق کات: روتى اد براف بوتىر لاكى، سىينى؟ نېي جواب: اد توجوھ بوتىر، توان.
- 6 عيسى سوروه اورغ رامي دوق مېاتق اتس تانه دولو. فس نېي

امبیق روتي توجوه بوتیر تو، مفوجف تریما کاسیه کا توهن،
فس تو چوبیق ۲ هولور کا صحابة ۲ نی، سوروہ نی بھائی کا
اورغ رامي سائني . صحابة ۲ عیسیٰ تو فون، بوات ایکوت عیسیٰ
سوروہ .

7 فس اد جوگ، ایکن هالوس دوا تیگ امفت ایکور . عیسیٰ فون
اوچف تریما کاسیه انتوق ایکن ۲ نی، فس سوروہ صحابة ۲ نی
کی بھائی جوگ .

8 گنف ۲ اورغ ماکن کیغ بلاک . فس اد سموا لبیه کورغ امفت ریبو
اورغ . لفس تو، فواق صحابة فون کوتیف فرهیمfon بوه دالم
باکول ، بولیه توجوه باکول ، ھق لبیه اورغ ماکن .

9 عیسیٰ سوروہ اورغ رامي تو کلیق ، فس نی سندیری نائیک فراهو
سکالی رفن صحابة ۲ نی، کی سمفی کا تعلوق دلمانوتر .

فواق فریسی سوروہ عیسیٰ بوات فرکارا فلیق

11 فد ساتو هاری، اد اورغ فریسی ماری کا تمفت عیسیٰ ، نق
بحس رفن نی . فواق تو فاکت نق بوات بوکو کا عیسیٰ .
سابیت تو، نی سوروہ عیسیٰ بوات ساتو فرکارا فلیق ، جاری
تندا کات توهن برکن کا عیسیٰ .

12 عیسیٰ فون مثلوہ ، فس جواب کا نی کات: بااف اورغ لافیس
لانی فاکت سوروہ اکو بوات فرکارا فلیق؟ سوغمکوہ توهن
تا' بري تندا بالس تو، کا اورغ لافیس لانی .
13 فس عیسیٰ تیفکل فواق تو، کی نائیک فراهو سکالی لاکی نق
جمرغ لا' وٹ .

فغا جران فواق فریسی بندیغ رفن ایبو روتي

14 تغہ فواق صحابة دوق جمرغ لا' وٹ تو، نی ترلوف باوءُ
بکس روتي، اد سبوتیر ساج دالم فراهو .

- عيسي فون فرایخت کا ری کات: مو جاگ باءٰ یک ۲ له! بري ديري
مو جاوه فد ایبو هق فواق فریسی دغن راج هیرود بوه دالم
روتی ری ! 15
- فواق صحابة ۲ عیسی فون دوق سوئال سام سندیری، فس کات:
تنتو توان کات بالس تو، سبب کیت تاءٰ ار باواً بکل روتی ? 16
- عيسي تاهو هق فواق تو دوق سوئال. سابیت تو ری تاش کات:
باءٰ ف مو دوق کیچیق چارا حال روتی، بکل هق مو تاءٰ باواً تو؟
مو تاءٰ تاهو ارتی لاکی که؟ ایده! سروف اوتق مو فایه ماکن ! 17
- مات اد، باءٰ ف مو تاءٰ تیشووق؟ تلیغا فون اد، باءٰ ف مو تاءٰ دغرا?
مو تاءٰ ایفت که، هق اکو چوبیق روتی لیم بوتیر تو، بهماکی
کا اورغ لیم ریبو اورغ؟ فس هق لبیه لاکی، مو کوتیف بولیه
براف باکول؟ فواق تو جواب: دوا بلس باکول، توان . 18
- عيسي فون تاش فول: فس سکالی تو، هق اکو چوبیق روتی توجوہ
بوتیر، بهماکی کا اورغ امف ریبو اورغ تو، هق لبیه لاکی مو
کوتیف بولیه براف باکول؟ فواق تو فون جواب: توجوہ باکول
تون . فس عیسی کات: بالس تو فون، باءٰ ف مو تاءٰ ارتی لاکی ? 19
- عيسي دغن سئیورغ مات بوت 21
- لفس فد تو، عیسی دغن فواق صحابة ری سمنی کا کمفوغ
بیت صائیدا . دسیتو اد سفواق هق باواً اورغ مات بوت ماري
کا تمفت عیسی، مینتاً سوروہ عیسی جامہ بري سیار مات ری تو . 22
- عيسي فون فکھ تاغن اورغ بوت، فیمیفین توبیت کی لوار کمفوغ .
لفس فد لوده ایر لیور اتس مات اورغ تو، عیسی هولور تاغن
جامہ مات اورغ تو، بلغ ۲ تاش ری کات: بولیه نمفق اف کاتیق؟ 23
- اورغ تو بگه، فس ری کات: بولیه جوگ نمفق اورغ، تافی کما یر ۲
سروف فوهون هق دوق برجالن کی ماري ! 24

عيسيٰ فون لتق تاغن ری سکالی لاکی اتس مات اورغ تو۔ سکالی
ني، ری کهور تيغوق کهور چره، هيٺگ سمنفي نمفق چرف بلاڪ.
لفس تو، عيسىٰ سوروه ری گلیق کا رومه، دغٽ لارغ کات: مو
جاغن ماسوق کوء کمفوغ سائني ديه!

فيتروس مغاکو کا عيسىٰ

لفس فد تو فول، عيسىٰ دغٽ صحابة ۲ ری کي کا کمفوغ ۲
رالم گليواسن قاءٰ يصريا فيليفي. تفه ۲ ری بوق برجالن تو،
عيسيٰ فالبغ تان نبي کات: روپتله کا اکو، اورغ رامي کات بالس
مان چارا حال اکو؟
صحابة ۲ ری جواب: اد اورغ هق کات توان جاري يحيا، هق
بری اورغ تريما روکون مندي تو۔ فس اد جوگ هق کات نبي
الياس. فس اد لاکی هق کات توان جاري سئورغ رالم فوقاً
نبي دولو.

عيسيٰ فون تان لاکي: فس فوقاً مو سنديري، نق کات بالس مان،
چارا حال اکو؟ فيتروس جواب: توان جاري المسيح هق توهن
جنجي تو!

عيسيٰ فون سوروه ری کات: مو جاثن روپت کا سياف چارا حال
ديري کو ديه!

عيسيٰ روپت چارا حال نبي ماتي کا سيقسا

فس تو، عيسىٰ مولاٰي معاجر فوقاً صحابة ری کات: اکو
ني، ماڻسي هق تورون دشريگ، مستي کا سيقسا باپق فركارا
فس فوقاً کتوا، امام ۲ بسر، دغٽ گورو ۲ تورات، نق تولق،
تاٰ سير رغر کا اکو. اکو نق کا حکوم بونوه سمنفي ماتي، فس
رالم تيگ هاري، اکو نق بوليه هيدوف سمولـاـ.

عيسيٰ کات بالس تو، نق بري جلس کا فوقاً صحابة نبي.

سابیت تو، فیتروس کویت عیسی کی کا تفی سیکیت، نق تگه ری،
تاں سیر بڑی کیچیق بالس تو.

33 تافی عیسی فالیع تیغوق کا فواق صحابة ری. ری فون تگه
فیتروس کلیق کات: هي هیبلیس، گیله! فیکران مو هق امبیق
دمائنسی، بوکن هق امبیق دتوهن.

34 لفس فد تو، عیسی فٹکیل اورغ رامی، رغن صحابة ۲ ری ماری،
فس ری اجر بالس نی کات: سیاف ۲ نق توروت کی سکالی رغن
اکو، اورغ تو کا ترلوف رایب کا دیری ری، امبیق فاکی کایو
امفت چابغ هق ترهینا تو، توروت اکو کی.

35 کران سیاف ۲ دوق ترایقت کا دیری ری، نق بولیه سلامت،
اخیر، پاوا ری نق روکی. تافی سیاف ۲ جوغ سره پاوا ری،
کران ری کاسیه کا اکو، فس کران خبر یغ با'یک، تنتو ری
نق بولیه سلامت پاوا ری، د اخیرة.

36 کران اف فاءیده کا اورغ، هق نق بولیه لاب سرب سروبی دنیا
تافی سود سکالی، پاوا ری سندیری نق هیلغ هابیس؟ تاء
فاءیده سیکیت هابوق.

37 اتوا هق مان لاب دالم دنیا مهل لمبیه فد نق بولیه پاوا د-
اخیرة؟ تنتو تاءاد سکارا هابوق.

38 سابیت توله، دالم فریاغ هق جاہت نی، هق اورغ تاءامبوه
لغز توهن، کالو اد اورغ مالو نق مفاکو کا اکو اتوا فشا جران
اکو، عیسی کات، ننتی ماسن دافن، اکو فون نق مالو مفاکو
کا اورغ تو جوگ، فد ماس اکو، مائنسی هق تورون دشراگ، نق
تورون ماری سمولہ رغن کملیاں هق باف کو، فس سکالی دغن
ملاءیکہ ۲ هق یغ سوچی تو.

باب 9

1 فس عیسی کات لائی: ایفله هق اکو نق رویت نی! دالم رامی
سینی، اد سفواق هق تفه ری دوق اد لائی اتس دنیا، ری نق

بوليه نمفق کات توهن امبيق نه فرينته ني، دغن کواس.

عيسي بري نمفق روف ني لاکو لاءين

- 3-2 لفس تو انم هاري لاکي، عيسى تيفگل اورغ رامي تو، باواه
فيتروس، يعقوب دغن يحيا، فيمفين دي نا، يك اتس بوكيت
تيفگي. تشه فوق صحابة دوق تيفوق عيسى، روف عيسى
براوبه جاري روف لاءين. فكain ني فون سينر بانر، تاءاد
سياف بوليه باسوه بري فوتيه سروف تو.
- 4 تبيا ۲ صحابة عيسى تيك اورغ تو، نمفقنبي الياس دغننبي
موسى، دوق كيچيق دغن عيسى.
- 5 فيتروس فون رويت کا عيسى: توان گورو، موليقله کيت دوق
رسيني! کيت نق بوات بغل تيك تمفت، انتوق توان گورو
سا، انتوقنبي موسى سا، فس انتوقنبي الياس سا.
- 6 سسوڠوھن، فوق صحابة تو تاکوت ساغت، هيٺگ سمنفي
فيتروس تاء ايٺت هق ني سبوت ساءاني.
- 7 لفس تو فول، اون ماري فرليندوغ دي، فس بوبي سوارا دالم
اون تو کات:
اینيله انق کو سجاتي، هق اکو کاسيه بئر.
مو کنا دغره کا دي!
- 8 فوق صحابة تو فاليء تيفوق کليليغ، تافي تاءاد نمفق سياف.
هق نمفقن عيسى ساج، هق دوق دغن ني لاکي.
- 9 بلع ۲ ني امف اورغ تورون دبوكيت، عيسى فحسن کا دي کات:
مو جاغن رويت کا سياف ۲ فون، فركارا هق مو نمفق ده، جق
دھاري ني هيٺگ سمنفي اکو، مائنسى هق تورون ماري دشرك
ني، ماتي هيڊوف کليق سمولا.
- 10 صحابة تيك اورغ تو فون طلاعة اف هق عيسى فسن سائي،
تافي دي سوءال جواب مو اکو تيك اورغ تو، اف معنا هق

عيسى کات، ماتی هیدوف کلیق تو.

12 بی تاش عیسی کات: توان، با؛ اف کورو ۲ تورات کات مستی نبی الیاس کنا ماری دولو؟ عیسی جواب کات: تنتوله الیاس کنا ماری دولو، بری سیف ده سموا فرکارا. تافی ایغتلہ! کتاب توهن کات، مائنسی هق تورون ماری شرگ نی، نق کنا سیقبسا باپق فس اورغ نق تولق تاءَ سیر تریما دی.

13 اکو رویت کد مو، الیاس ماری ده، فس اورغ ۲ لائین فون بوات کا الیاس ایکوت سیر بی، برلاک رفن ایات دالم کتاب، هق کات بالس تو جوگ.

عیسی بری سیار بوق هق ماسوق هنتو

14 بیلا عیسی رفن تیگ اورغ تو تورون ماری کا تمفت صحابة ۲ هق تیغکل دولو، بی نمفق اد اورغ رامی دوق کلیلیغ صحابة ۲ تو، فس سفواق کورو تورات دوق بحس رفن دی جوگ.

15 با نمفق کات عیسی ماری ده، اورغ رامی فون براں حیران، هوغلک کی سلالو نق بری سلام کا دی.

16 عیسی فون تاش صحابة ۲ دی کات: مو دوق سوآل جواب کاف رغن بی؟

17 فس اد سئورغ دالم رامی ۲ تو هق جواب: توان کورو، امب باواً، انق جنتن ماری چاری صحابة ۲ توان، سبب بی ماسوق هنتو جاری بیسو. افبیلا ماسوق، رمیس بری بی جاتوه کا تانه، بریویه مولوت، کاچیت کیکی، کرس کاکی تاغن سلالو. امب ماری مینتاً رفن مرید ۲ توان کورو، تولوغ همبت هنتو توبیت، تافی بی نق همبت تاءَ لیه.

18 عیسی فون رویت: ایه! فواق مو کورغ فرجای ساعت. لام مان لاکی، اکو کا دوق سکالی رفن مو، بری مو ارتی؟ لام مان لاکی، بولیه اکو صبر رفن مو؟ کی امیقله بودق تو، باواً ماری سینی!

- 20 نی فون کی، امبیق بودق باوا^۱ ماری. با هنتو نمفق عیسو، نی
بری بودق تو بوات ساون، ربہ کا تانه، گلفر کی ماری، بلع^۲
پویه مولوت.
- 21 عیسی فون تان فق دی: لام مان ده، نی جانی بالس نی؟
- 22 فق دی جواب: تکه نی کچیک لاکی، باپق کالی ده، هنتو
چوب نق بونوه بودق تو، دغنا جاتوه دالم افی، دالم ایر.
کسیاغله! تولوغله کا امب، کالو توان بولیه بوات!
- 23 عیسی کات: اکو بولیه، اصل مو بولیه. تاء^۳ اد اف سکارا فون،
حق کات تاء^۴ لیه بوات، اصل اورغ فرچای قواه!
- 24 فق بونق تو فون تریاق کات: امب فرچای، تافی کورغ چوکوف!
تولوغله توان، بری امب فرچای لاکی!
- 25 عیسی فرهاتی تیغوق کات اورغ رامی هوغلل برگاس^۵ ماری.
سبب تو، نی سوروه هنتو کات: ها، هنتو حق بری بیسو تولی!
توبیتلہ درفت توبوه بودق نی! فس جاغن سکالی^۶ مو ماسوق
فول دالم نی!
- 26 هنتو فون برجریت، بری بودق تو بوات ساون تروق سکالی،
فس تو توبیت، تیغکل بونق دوق سیتو، نمفق سروف مایت،
ھیغک سمفی کباپکن اورغ کات: اوہ، بونق تو ماتی ده! تافی
عیسی فکٹ تاغن نی اگکیت. بونق تو فون باگون.
- 27 بیلا عیسی ماسوق ده دالم رومه، صحابة^۷ ماری تان نی دغنا
- 28 سیپ^۸ کات: بااف فواق کیت بولیه تاء^۹ لیه همبت هنتو توبیت?
- 29 عیسی فون جواب: هنتو ماجم نی نق همبت تاء^{۱۰} لیه، ملاینکن
دغنا کواس مینتا^{۱۱} دعا ساج.

عیسی رویت کالی بین کدوا حال کماتین نی

- 30 فواق عیسی فون تیغکل تمفت تو، برجالن کی لاکی، کو^{۱۲}
نکری کالیل. عیسی تاء^{۱۳} سیر بری تاهو کا سیاف فون، دمان نی

نق دودوق، سبب دی دوق اجر صحابة ۲ دی.

- 31 فس عيسى رویت بالس نی: اکو، مائنسی هق تورون ماری دشکن
نی، نق کنا سره کا تاغن ماءُنسی، هق نق بونوه بري ماتی.
تافي لفس ماتی، دالم تیگ هاري اکو نق هيدوف کلیق سمولہ.
32 فوق صحابة دی تاءُرتی، اف معنا هق عيسى اجر تو،
تافي دی تاءُبرانی نق تاش.

اورغ مان فریغکت تیغکی

- 33 فوق عيسى فون سمفي کا کفرناحوم، بیلا دی ماسوق ده
دالم رومه، عيسى تاش صحابة ۲ دی کات: اف هق مو دوق
کیچیق تغه جالن سائني؟
- 34 تافي صحابة ۲ دی مالو نق جواب، سبب دی دوق بحس سام
سنديري، چارا حال اورغ ملن دالم فوق دی فریغکت تیغکی.
35 عيسى فون دودوق مپاتق، فٹکیل صحابة دی دوا بلس اورغ
تو ماري، فس کات کا دی: جالن نق جاري اورغ فریغکت تیغکی،
یایت کنا فارول کا اورغ، بري دی کی دولو، کیت کا دوق
دفووعکو، جاري کولي اورغ تو.
- 36 لفس تو، عيسى امبیق سئورغ بودق باواً ماري، بري دی برديري
دتغه فوق صحابة تو. فس عيسى فلوق بونق تو دغن کات
- 37 کا صحابة ۲ دی: کالو سیاف سمبوت اورغ رنده سروف بونق نی،
کران اکو، سروف سمبوت اکو ده، فس سیاف سمبوت اکو،
سرروف سمبوت ده توهن هق سوروه اکو ماري.

تندا اورغ هق دوق سبله عيسى

- 38 يحیا رویت کا عيسى: توان گورو، کیت تمو سئورغ، دوق
همبت هنتو توبیت دغن فاکی نام توان. تافي کیت لاغ دی

سوروه برادو سبب دی تاء جاري فوق کيت .
 عيسى فون کات : جاغن مو لارغله ! کران اورغ هق بوليه بوات
 39 فرکارا فليق دغن فاكى نام کو، تنتوله بوکن کات سبنتر لاکى
 اورغ تو نق م فهو و کا اکو، نق !
 اورغ مان هق تاء لاؤن کيت ، تنتو دی دوق سبله کيت . فس
 40 ايغتله ! کالو سياف بري ماکن اير کف مو، دغن کران مو جاري
 41 ميليق اکو ، اورغ تو تنتو نق بالس باءیك .

عيسى نق بري مرید ۲ يي تاکوت کا دوسا

فس عيسى کات لاکى : کالو اد سياف بري اورغ فريشكت رنده
 42 سروف بودق ساءني ، فاليلع تاء سير فرچاي کا اکو ، نق تروق لاکى
 اتس اورغ تو ، فد اورغ اميقي باتو کيسر بسر ، ايكت دتكى يي ،
 کي تاهوق دالم لاءوت .
 ساببيت توله ، عيسى کات ، کالو تاغن مو بوات بري مو هاله
 43 کا دوسا ، كرت تاهوق فد توبوه مو ! باءیك مو نق ماسوق
 هيدوف يع کل کوونغ تاغن سبله ، فد موليقي تاغن کدوا ، تافي
 کران دوسا ، مو کنا تاهوق دالم افي نراك هق دوق مپالا سعمور .
 فس کالو کاكى مو بوات بري مو هاله کا دوسا ، كرت تاهوق فد
 45 توبوه مو . باءیك مو ماسوق هيدوف يع کل کوونغ کاكى سبله
 فد موليقي کاكى کدوا ، تافي کران دوسا ، مو کنا تاهوق دالم
 46 نراك .
 فس کالو مات مو بوات بري مو هاله کا دوسا ، چوليقي تاهوقله !
 47 باءیك مو نق ماسوق دوق دالم فرينته توهن بعن بوت مات
 سبله ، فد موليقي کدوا ، تافي کران دوسا ، کنا تاهوق دالم
 نراك . دسيتوله ، اولت ۲ نق کهور ۲ ماکن توبوه تاء فوتونس ،
 48 فس ، افي فون تاء فلام سعمور .

افی اد فاءیده بري تاءفونه، سروف گارم بري تاءفونه.
 49
 فس تاءار سیاف بولیه لیک افی تو.
 گارم اد فاءیده انتوق بري بارغ تاءفونه تافي کالو گارم تو
 50
 جانی تاور، نق بوات گلن بري جاري ماسین فول؟ فواق مو
 فون، جاغن بري فونه هق مو دوق بايك مو اکو تو، سروف
 بارغ هق بوه گارم به، تاءفونه جوگ.

عيسى اجر چارا حال اورغ چري

باب 10

لفس فد تو، عيسى تيغكيل تمفت تو، کي کا چغوار يهوديه
 فول، کي کا باليق سان سوغى يردن. اورغ رامي ماري برهيمفون
 سکلي لاکي، نق دغر عيسى. عيسى فون اجر دى سروف سعمور.
 2
 فس، اورغ دالم فواق فريسي ماري نق بوات بوکو، بري سفق
 کات عيسى ساله. نېي فون تاش عيسى: توان، ايکوت حکوم
 تورات هق کيت، بوليه کا دق لاکي چري دغۇن بىنى نېي؟
 3
 عيسى فون جواب دغۇن تاش بالس نېي: نېي موسى سوروه مو
 بوات بالس مان؟
 4
 فواق تو فون کات: نېي موسى بنر بري چري، تافي کنا بوات
 سورت تولق بري کا نېي.
 5
 عيسى کات کا فواق تو: سابىت مو کرس فروت، موسى لتق حکوم
 بالس تو. تافي مولا، تکه توهن بري جاري ماڭسى، نېي
 6
 کات: توهن بري جاري اورغ جنتن دغۇن اورغ بتينا.
 سابىت نيله، عيسى کات، اورغ جنتن کا تيغكيل اىبىو باف نېي،
 7
 کي دوق سكمفوه دغۇن بىنى نېي.
 8
 فس لاکي بىنى تو نق جاري سروف ساتو اورغ. کالو بالس تو،
 عيسى کات، لاکي بىنى تو بوکن دوا اورغ، نېي! دوق سروف
 9
 ساتو اورغ. سابىت تو، هق توهن بري دوق سكمفوه، جاغن

مانسي چري تغلک !

- 10 نفس فد رې کلیق کا رومه، فوق صحابة عيسى ماري تان رې
 تنتنخ هق سائني . عيسى فون کات کا صحابة ۲ رې: اورغ جنتن
 هق چري دغۇن بىينى رې، كى منيکاح دغۇن هق لائين، بوات زنا
 کا بكس بىينى رې تو .
- 11 بالس تو جوڭ، اورغ بتينا هق چري دغۇن لاكى رې، كى منيکاح
 دغۇن اورغ لائين، رې فون بوات زنا کا بكس لاكى رې .
- 12

عيسى لتق تاغن اتس كفلا بودق ۲

- 13 نفس فد تو، اد اورغ هق باوا^۱ انق ۲ رې كى کا تمفت عيسى
 بودوق، نق مينتا^۲ عيسى سوروه لتق تاغن اتس كفلا بودق ۲ تو .
 تافي فوق صحابة عيسى لارغ تا^۳ برى رې ماسوق .
- 14 بىلا عيسى نمفق هق رې دوق بوات تو، رې فون موريه کات: بىر
 برى رې باوا^۴ ماسوق کا اکو! جاغن لارغ رې . کران اورغ لاكو نيله
 هق توهن برى ماسوق دوق باوه فرينته رې .
- 15 فرهاتىلە باءىيك ۲ هق اکو نق رويت نې ! سياf ۲ هق تا^۵ سير
 سمبوت فرينته توهن سروف بودق ۲ نې، تنتوله اورغ تو نق
 ماسوق دوق باوه فرينته توهن تا^۶ ليه، بىلا^۷ فون .
- 16 نفس تو، عيسى فلوق بولق ۲ تو، لتق تاغن اتس رې ماسىغ^۸،
 مينتا^۹ توهن تورون رحمة اتس رې .

اورغ کاي ماري چاري عيسى

- 17 تغە عيسى دوق برجالن كى لاكى، اد سئورغ هوغلک ماري
 سجورد کا رې، فس کات: يا توان گورو هق باءىيك ! امب کا
 بوات لاكو مان نق برى يولىھ هيديوف چارا بارو هق توهن ?
 عيسى فون تان: باءاف مو کات اکو باءىيك ؟ توهن سا ساج هق
 باءىيك .
- 18

- مو تاهوده حکوم ۲ توهن هق کات: جاغن بونوه اورغ، جاغن
بوات زنا، جاغن چوري، جاغن کیچیق بوهوج، جاغن تیفو
منیفو، فس بري حرمته کا ایبو باف مو . 19
- اورغ تو فون کات: توان گورو، جق کچیک ۲ لانگی، امب توروت
سموا حکوم ۲ نی. 20
- فس، عیسی تیغوق توجو کا اورغ تو، براں سرا کا ری، کات:
اد سکارا لانگی هق مو کورغ. مو گیله، جوال هرت مو سموا،
فس کی صدقه کا اورغ مسکین بري هابیس. بوات بالس تو مو
نق بولیه کلیق هرت دشگ. فس ماریله، توروت اکو کی!
بیلا اورغ سائني تو رغر هق عیسی کات، موک ری کدور، فس
ری تیغکل تمفت تو رغن براں سوسه، کران هرت ری باپق.
عیسی فون فالیغ تیغوق کا صحابة ۲ ری، فس کات: تنتو فایه
اورغ کای نق سره دیری ری دوق باوه فرینته توهن. 21
- صحابة ۲ عیسی ترکجوت رغر هق عیسی کات سائني. تافی
عیسی کات تمبہ لانگی: هي انق ۲ کو، تنتو فایه نق ماسوق دوق
باوه فرینته توهن! کالو بندیغ، موده لانگی سئیکور اوانتا
مپوروت لویغ جاروم فد اورغ کای جوغ سره دیری ری ماسوق
دوق باوه فرینته توهن. 22
- بیلا صحابة ۲ عیسی رغر هق عیسی کات سائني، ری فون براں
حیران ساخت، فس تاش سام سندیری کات: واه! کالو بالس تو،
سیاف نق بولیه سلامت؟ 23
- عیسی فون تیغوق کا فواق صحابة تو، کات: کالو برگنټو غ فد
ماٹنسی، تا^۱ لیه جاری. تافی رغن توهن لائین. رغن ری تا^۲ ادر
اف سکارا هق تا^۳ بولیه جاری. 24
- فیتروس فون کات: یا توان، فواق کیت سوده تیغکل سموا
هرت نق توروت توان. 25
- عیسی جواب کا ری: ها سوگکوه! فس، اکو نق رویت کف مو 26

بالس نی. اورغ مان ۲ هق تیغکل رومه تفگ ری، ادیق برادیق جنتن بتینا اتوا ایبو باف، اتوا انق ۲، اتوا تانه ری فون ، رغن کران کاسیه کا اکو، فس دغن کران خبر بیغ بائیک تو، فد ماس لانی، ری نق تریما لبیه فد هق ری تیغکل تو. ری نق تریما سراتوس کالی گندا، رومه ۲، ادیق برادیق، ایبو ۲، انق ۲ اتوا تانه، ولو ری کنا پاش فون . فس داخیره فول ، ری نق تریما هیدوف بیغ ککل .

تافي باپق هق فریغکت تیغکی لانی، نق رنده کوء دافن. فس اورغ هق رنده لانی، نق بولیه فریغکت تیغکی کوء دافن .

عیسی رویت کالی بیغ کتیگ حال ری ماتی

فدر ماس تو، فواق عیسی تغه دوق کی کا کوت جروسلیم عیسی لفس کی دلو دلو فد صحابة ۲ ری، هق دوق براں گدبر . اورغ ۲ رامی هق توروت بلاکن فون ، براں تاکوت جوگ . فس عیسی کویت سکالی لاگی صحابة ۲ ری، نق رویت حال هق نق جاری اتس نی.

دغره ! عیسی کات، لانی کیت دوق توجو کا کوت جروسلیم . سمفی دیق نون ، اورغ نق امبیق اکو، ماءنسی هق تورون دـ شرگ نی، سره کا فواق امام بسر دغن گورو ۲ تورات . دوا فواق تو فون نق جاتوه حکوم بونوه اتس اکو. فس ، ری نق سره اکو کا اورغ بغضا لاءین فول ، هق نق مفتحیغ کا اکو، لوده ، فیات کو، فس کی بونوه سمفی ماتی . فس تو، دالم تیگ هاری، اکو نق هیدوف کلیق سمولا .

یعقوب دغن یحیا ماری مینتا دغن عیسی

لفسن تو، یعقوب دغن یحیا ، انق ۲ زبدي تو، ماری کا عیسی ،

- کات : توان گورو ، امب نق مینتا ئ ساتو فرکارا بري توان گورو
بوات انتوق امب ! مو نق اف ؟ عيسى تان . 36
- روا براديق تو فون جواب : بیلا توان جاري راج ، دوق اتس
تحتا يې مها مليا ، امب دوا براديق نق مینتا ئ توان بري امب
دوق سکالي دغۇن توان ، سبلە کانن سئورغ ، سبلە كيري شورغ .
عيسى کات کا رى : مو تا ئ فهم هق مو دوق مینتا ئ تو ! مو جوغ
کا دق ، تريما کسيقسائىن سروف اکو مستي کا تريما ؟ مو
جوغ کا دق ، تريما هق جاري پان ، تورون اتس مو ، سروف
اکو کا تريما ؟ 37
- دوا براديق تو فون جواب : ها ، امب جوغ ! فس عيسى کات کا
لى : سوڭوه مو نق تريما کسيقسائىن سروف اکو ، فس مو نق
تريما هق جاري پان تورون اتس مو ، سروف اکو جوغ . 38
- تافي کواس بري اورغ دوق ، سئورغ سبلە کانن ، سئورغ سبلە
كيري ، بوكن کواس کو سندىرى . جاري توهن هق نق بري
تمفت تو کا اورغ هق لى سيمفن سيف ده ، نق بولىيە تريما .
صحابة ۲ عيسى سفولوه اورغ لاکى تو ، هاوا لغى هق يعقوب
دغۇن يحيا دوق مینتا ئ تو ، لى فون براس نق موريه . 40
- سابىت تو ، عيسى فشكىل سموا دوا بلس اورغ تو ماسوق دكت
لى ، فس لى کات : مو تاهو ده کات ، كباپقىن راج ۲ فاكى کواس
اتس رعيت لى . كتۋا ۲ اورغ فون ، امبىق فرينتە اتس فواق لى . 41
- تافي فواق مو بوكن بالس تو . سياف ۲ نق جاري بسر ، کا
فالىغ فادول کا سموا اورغ . سياف ۲ دوق چاري فريغىت تىغىكى
کا فالىغ جاري كولي اورغ . 43
- كران اکو ، ما ئنسى هق تورون دشىگ ، ماري کا دنيا ، بوكن نق
برى اورغ فادول کا اکو ، دق ! اکو ماري نق فادول کا اورغ ، نق
سرە پاوا کو ، انتوق نق بري لفس پاوا باپق اورغ . 44
- 45

اورغ مات بوت نام برتييميوس

- فواق تو فون کي سمنفي کا بندر جريکو. تغه عيسى توبیت
46 فد بندر تو، دغن صحابة ۲ ری، سکالي دغن اورغ رامي، اد اورغ
مات بوت، هق نام برتييميوس، دوق مينتا^۱ صدقه دتفی جالن.
هاوا ری رغر جاري عيسى، اورغ نصرة، هق لالو کوء ری تو،
47 یي فون مناءوغ دغن سولارا درس کات: يا عيسى، انق چوچو
راج راءود! کسياغ بلس کا امب گاتييق!
باپق اورغ فون لارغ یي، سوروه ری دوق دیام، تافي ری
مناءوغ کھور درس لاکي کات: يا انق چوچو راج راءود! کسياغ
بلس کا امب گاتييق!
48 فس عيسى برهنتي تغه جالن کات: سوروه اورغ بوت تو ماري!
فواق اورغ رامي فون، کي اجق اورغ بوت تو، کات کا یي:
سنغله مو! باغون کيله، توان فشكيل!
اوغ بوت فون بواغ کائين لفس، بيغكس باغون، هوغلل کي
50 سلالو کا عيسى. فس، عيسى تان یي: مو نق مينتا^۲ اف
سوروه اکو بوات؟ اورغ بوت فون جواب کات: يا توان، مينتا^۳
بری مات امب بوليه نمفق سروف دولو!
عيسي فون سوروه یي: کليقله مو! کران مو فرچاي، مات مو
بوليه هييلع! فد کتنيک تو جوگ، مات ری بوليه نمفق. فس
51 یي فون توروت عيسى کي سلالو.

باب 11 عيسى بلاق ماسوق دالم کوت جروسلیم سروف راج

- بيلا فواق اورغ رامي تو دكت نق سمنفي کا کوت جروسلیم،
1 بی جمبا کا کمفوغ بيت فاکي دغن کمفوغ بيت عنی، دبوکيت
زیتون، دولو. عيسى فون سوروه صحابة یي دوا اورغ، دغن
2 فسن کا ری کات: مو کيله، ماسوق کا کمفوغ هق دوق هارف

تو. با ماسوق ده، مو نق تمو دغۇن سئىكۈر انق ھىمەر، دوق تمبىت سېيتىو، ھق اورۇڭ تائى بىياس ناڭ يك. كىلە، اوغۇكى جىرىت
رىي، باواءِ مارى سېينى! كالۇ ادار اورۇڭ مارى تان، كات: مو امىبىق
بااف؟ مو روپىتلە كا رىي، كات: توان كىت نق فاكى سېننەر،
فس تو، نق مارى ھەنتر كلىق فول.

بوا اورۇڭ تو فون كىي سلالۇ، تمو دغۇن انق ھىمەر، دوق تمبىت
دېينىتو رومە تەفي جالن. رىي فون اوغۇكى جىرىت. فس اورۇڭ ھق
دوق بىرىدىرى دكت تو، تان رىي: مو دوق اوغۇكى بااف، جىرىت
انق ھىمەر تو؟ صاحابة فون جواب اىيكوت ھق عىسى فسن كا
رىي. فس فواق تو بىنر بىرى.

رىي فون باواءِ انق ھىمەر مارى كا عىسى، امىبىق جوبە ۲ رىي،
ھەمفر اتس انق ھىمەر. لفس تو، عىسى ناڭ يك.
فواق اورۇڭ رامى تو فون، باپق چابوت جوبە رىي، فس
ھەمفر اتس تانە بوات جالن. اورۇڭ لائىن ۲ فون، كىي كا بىندۇغ
كرت رىتىيغ ۲ كايىو، ھەمفر بوات جالن جوڭ.

فواق ھق دوق بىلارق دافن عىسى تو، سکالىي دغۇن ھق دوق
بلاڭۇ فون، فاكت مناڭۇغ، بلۇغ ۲ كات: فوجىلە كا توھن! بىرى
توھن تورۇن رحمة لە، اتس رىي ھق مارى دغۇن كواش توھن!
تورۇن رحمتىلە اتس فرينتە راج ھق نق مارى، سرۇف دغۇن راج
داەود، توءِ نىيېق مويغ كىت دولو تو! فوجىلە كا الله!

فس، عىسى ماسوق دالىم كوت جروسليم، كىي سەمفى كا بىت
المقدىس. رى فالىيغ تىيۇقۇ كۆ تو، كۆ ئىي، تاپى دكت نق گلۋ
دە. ساپىت تو، رىي توبىت كا كەمفۇغ بىت عنى دولو، سکالىي دغۇن
صاحبە ۲ دوا بىلس اورۇڭ تو.

عىسى حکوم كا فوهون ارا

فس ايسوق فول، تغە فواق تو دوق بىرجالن مارى دەكەمفۇغ

3

4

5

6

7

8

9

10

11

12

- 13 بيت عنی تو، عیسی براس لافر.
نی نمفق جاؤه لاکی، اد سفوهون ارا، تیغوق داون لبت.
نی فون توجو کوء تو، نق تاهو بواه اد کا دق. تافي بیلا
سمفی سیتو، نمفق داون ساج، کران تا سمفی فریاغ بریواه
لاکی.
- 14 عیسی فون کات کا فوهون ارا: جق دهاری نی، اورغ نق امبیق
بواه مو تائليه! صحابة عیسی فون دغر هق عیسی کات سانی.

عیسی ماسوق دالم بیت المقدس

- 15 بیلا فواق تو سمفی ده کا جروسلیم، عیسی کی کا بیت
المقدس، نق همبت اورغ هق دوق جوال بلی دسیتو. نی
بالیق فرلننتھ میجا اورغ هق توکر دویت، سکالی نغن کودا
اورغ دوق جوال بورغ مرفاتی، هق اورغ نق بوات قربان. نی
تا بربی اورغ باواه بارغ اف لالو کوء لواغ بیت المقدس تو.
- 16 نفس تو، عیسی دوق مثاجر اورغ رامی کات: اد رویت دالم
کتاب توهن کات:

{ رومه نی اکو نق بربی جاري تمفت اورغ
برینعا انتوق سموا بغسا . }

- 17 تافي، عیسی کات، فواق مو بربی جاري تمفت منسوسه اورغ
پامون!
فواق امام بسر نغن کورو تورات دغر خبر هق عیسی کات تو.
نی فون دوق فیسه چاری جالن نق بونوہ عیسی. تافي، نی
تاكوت کا عیسی کران اورغ رامی دوق حیران سوک دغر هق
عیسی اجر تو.
- 18 با دکت متھاری نق جاتوه، عیسی دغن صحابة ری تیغکل
توبیت کوت جروسلیم.

عيسي مثاجر چارا حال حکوم فوهون ارا تو

- ایسوق فاگی، تغه فواق عیسى دوق برجالن لالو، نی نمفق
فوهون ارا هق عیسى حکوم تو، کچوت کریغ سمنی کا اکر . 20
- فیتروس فون ایشت هق جاری ده دلو، فس نی کات کا عیسى:
هی توان گورو، تیغوقله فوهون ارا هق توان حکوم تو ممفوس ده!
عیسى کات کا ری: ایغتله! کالو مو فرچای کا توهن ، مو نق
بولیه سوروه بوکیت نی کات: باغونله، توبیت جاتوه لاءوت ! 21
- کالو مو فرچای رغن تا^۲ واویه، کات هق مو سوروه تو نق
جاری، تنتوله نق جاری. 22
- سبب توله، اکو رویت کف دو، تغه مو دوق بریعا مینتا^۱ اف ۲
مو نق، فرچایاله کات مو تریما ده، فرکارا تو، فس فرکارا تو
فون نق جاری هق مو. 23
- فس بیلا مو دوق بردیری مینتا^۱ دعا، معافله کا اورغ هق بوات
ساله کف دو. بالس تو له، باف مو دشراگ فون ، نق امفون
دوسا^۲ مو. 24
- فس بیلا مو دوق بردیری مینتا^۱ دعا، معافله کا اورغ هق بوات
ساله کف دو. بالس تو له، باف مو دشراگ فون ، نق امفون
دوسا^۲ مو. 25
- فس بیلا مو دوق بردیری مینتا^۱ دعا، معافله کا اورغ هق بوات
ساله کف دو. بالس تو له، باف مو دشراگ فون ، نق امفون
دوسا^۲ مو. 26
- اورغ ماري تلث عیسى : باوا^۱ تیته هق سیاف؟ 27

- لفس تو، فواق عیسى سمنی ده کا کوت جروسليم سموله فول.
تغه عیسى دوق برجالن کو^۱ لواغ بیت المقدس، فواق امام
بسن دغن گورو^۲ تورات، سکالی رغن کتوا^۲ اورغ یهودی فاکت
ماری تمفت عیسى، نق تان نی کات: کواس هق مان بري مو بولیه
بوات فرکارا^۲ نی؟ سیاف سوروه مو باوا^۱ تیته نی، بري بولیه
بوات؟ 28
- عیسو جواب: اکو نق تان مو ساتو فرکارا. کالو مو بولیه جواب،
مولیقله ! اکو فون نق بري مو تاهو کات اکو باوا^۱ تیته هق 29

- 30 سیاف . بیلا یحیا بری اورغ تریما روکون مندی بفتیزما تو، نی باواءِ تیته سیاف؟ هق توهن که، اتوا هق مائنسی؟ جواب له!
- 31 فوایق ۲ تو فون فالیغ بحس سام سندیری کات: ایه! کیت نق کات بالس ملن نی؟ کالو کیت جواب کات: ماری درف دتوهن ، نی نق تان کیت: ها! باً اف مو تاءُ فرچای کا یحیا؟ تافی نق کات: ماری درف مائنسی، تنتو تاءُ لیه!
- 32 نی کات بالس تو، کران نی تاکوت اورغ رامی نق موریه، سبب نی سموا فرچای فوتوس کات یحیا جاری نی.
- 33 کران نی دوق واویه بالس تو، نی جواب کا عیسی کات: تاءُ تاهو! فس عیسی کات: اکو فون تاءُ سیر رویت جوگ، کات اکو باواءِ تیته هق سیاف ، بولیه بوات فرکارا ۲ نی.

عبارة اورغ هق فاوه کبون جابت

باب 12

- 1 لفس تو عیسی رویت کا ری دغن فاکی عباره کات: اد سئورغ هق بوات کبون جابت. نی بوبوہ فاگر سکلیلیغ، فس نی کالی لویغ انتوق نق فره بوah جابت، سکالی دغن بوات تمفت تیغکی انتوق نق جاگ کبون تو. لفس تو، توان بری فاوه کا اورغ، فس دی سندیری تیغکل کی کا نگری اورغ .
- 2 بیلا سمفی فریاغ کوتیف بوah ، توان کبون تو هنتر انق کولی سئورغ، کی کا اورغ ۲ هق فاوه، سوروہ امبیق بکیان بوah ۲ جابت هق بالیق توان.
- 3 تافی اورغ هق فاوه تو، چکاءو انق کولی تو، کودم نی ، فس همبت نی کلیق دغن تاءُ باواءِ اف سکارا .
- 4 توان کبون فون هنتر انق کولی سئورغ لاکی، تافی فوایق هق فاوه تو کاتق کفلا انق کولی تو، فس بوات بری نی مالو فول. لالو توان کبون تو هنتر انق کولی هق لاءین فول، تافی فوایق

6
هق فاوه تو، بونوه يي. فس باپق اورغ لاكى يي هنتر، اد
هق كا گومن، اد هق كا بونوه جوگ.
7
تون كبون تو اد سئورغ لاكى، هق بوليه هنتر، ياييت انق يي
سنديري، هق يي كاسيه. سود سكالي، يي فون هنتر انق يي
ني، دغۇن كات: تنتو اورغ هق فاوه تو نق حرمە كا انق كو!
8
تافي اورغ هق فاوه تو كيچيق سلم سنديري كات: نيله انق
تون كبون سنديري! ماري كيت فاكت بونوه يي، فس هرت يي
ني، نق جاري موليق كيت!

8
فواق هق فاوه فون، چڭاڭ و انق توان كبون، بونوه يي، فس
هيرىيت توبىيت فد كبون.

9
فس عيسى تاش: توان كبون نق بوات بالس مان كا اورغ هق
فاوه تو؟ تنتو يي نق ماري بونوه فواق تو، برى فاوه كا اورغ
لائين فول.

10
فس عيسى كات: مو تاء بىباس باچ كە، ايات دالىم كتاب هق كات:

11
باتو هق توكۇن رومە تاھوق كات تاء ترافاکى، جاري باتو
هق لتق دىتمەفت مستحق سكالي دالى رومە. اينىلە هق
توھن بوات برى جاري، هق كيت بوليه كات موليق سكالي.

12
فواق كتوا اورغ يەھوئى، هاوا يي دغۇر عبارە سائىنى، توبىيت نق
ايىكت عيسى، كران يي تاھو دە كات عيسى دوق كيچيق توجو
كا يي تافي دى تاکوت كا اورغ رامى. سبب تو، يي تىغىڭ
عيسى كى كوء لائين.

اورغ ماري تاش عيسى چارا حال باير حاصل

13
لفس فد تو، فواق كتوا اورغ يەھوئى هنتر اورغ دالى فواق
فرىسي سكالي دغۇن اھلى دالى فواق راج هېرۈد، كى نق بوات
فرغىڭ برى عيسى كيچيق سالە.

- فواق تو فون ماري کيچيق دغۇن عيسى كات: توان گورو، كيت تاھو
رە كات توان کيچيق بتول سعمور، تاءَ كيرا كات اورغ سوک کا ناق.
كزان توان تاً تېغۇق فريغىكت اورغ، تېغۇق سروف سموا، فس
مغاجر سوغۇكوه ۲ كەندىق توهن انتوق ماڭسى. سبب تولە، تولۇن
فيكىر بالس ملن، كالو كيت باير حاصل كا مهاراج روم، كيت
ساالە حكۈم توهن کا راق؟
- تافى عيسى تاھو دە توجوان بىلىق فواق تو، فس نى جواب:
باًاف مو ناق فرغەك اكو؟ باو؟ ماري روپىت فيرق سكۈيغ ڪا اكوا!
برى اكوا تېغۇق!
- فواق تو فون باوا برى کا دى، فس عيسى تاش نى فول: روف
دغۇن نام سياف، فوكول اتس روپىت نى؟ فواق تو جواب كات
ھق مهاراج روم، توان.
- عيسى فون روپىت کا دى: ها، جىلا! بايرلە کا مهاراج روم ھق
جارى مىليق راج، فس سره کا توهن ھق جارى مىليق توهن!
فواق تو براس ترھىران ساغت، دغۇر ھق عيسى كات تو.

اورغ ماري تاش چارا حال ماتىي هيىدوف گلېق

- لفس فد تو، اد اورغ دالم فواق صدوگى، ماري کا تمفت عيسى.
فواق صدوگى تو جارى ساتو فواق اوكلام يەھوري ھق فرجايى كات
اورغ ماتىي تاً بىشكىت هيىدوف گلېق فد هارى قيامة.
- فواق تو كات: هي توان گورو! دالم كتاب نى موسى كات، كالو
اورغ جىتن ماتىي، تېغىڭل بىينى نى بلوم فد بولىيە انق، ادېق دى
تو كا منىكاح دغۇن بىكس بىينى كاڭرى دى، فس كالو بولىيە انق
كىرا سروف انق بىكس لاكى ھق ماتىي تو.
- بياس جارى اد ادېق برايدىق توجوه اورغ. ھق سولوغ بىرىنى،
فس نى ماتىي دغۇن تاً بولىيە انق لاكى.
ادېق بىغ كدوا فون منىكاح دغۇن بىكس بىينى كاڭرى دى، فس

- تاءان نق بوليه انق جوگ، دي ماتي. فس، اديق يغ كتيك،
جاري بالس تو جوگ، سمنفي کا هق بوغسو فون، اديق يغ كتجوه
تو، سموا منياخ رغن اورغ بتينا تو، فس ماتي بلاک، رغن تاء
بوليه انق لاكى. سود سکالي، اورغ بتينا تو فون، ماتي.
22
- كيت نق تان توان، فد هاري بعكيت نون، بيلال سموا اورغ ماتي
نق هيديوف سمول، اورغ بتينا تو نق جاري بيني سياف؟ كران
تجوجه اورغ تو منياخ رغن دي بلاک.
23
- عيسي فون جواب کا دي: مو سيلف فهم سوغکوه! مو تاهوكه،
سبب اف مو سيلف؟ سبب مو تاءارتىي هق اد دالم كتاب.
كواس توهن فون مو تاءتاھو جوگ.
24
- كran بيلال اورغ ماتي بعكيت هيديوف کليق تو، دي نق جاري
سروف ملايكته دشرك، تاءبربيني، تاءبرلاكى.
25
- فس چارا حال اورغ ماتي نق بعكيت سمول تو، مو تاءبياس
باچ كه، دالم كتاب نبي موسى چارا حال هوتن ستومفوق هق
دوق مپالا تغه فارغ تو؟ فس هق توهن رویت کانبىي موسى
دالم ايات تو کات:
26

اکوله توهن هق ابراهيم، اسحاق رغن يعقوب دوق سمعه.

- معنلش، ديالله توهن انتوق اورغ هق هيديوف لاكى، بوكن انتوق
اورغ هق ماتي ده. فواق مو ساله هابيس چيڪ، عيسي کات.
27

حکوم هق مستحق سکالي

- فدر ماس دي دوق سوال جواب بالس تو، اد سئورغ گورو
تورات دوق بغير. دي فرهاتي تيفوق کات عيسي جواب کا فواق
صدوگى تو، موليق. دي فون ماري تان عيسي کات: حکوم مان
28 هق مستحق سکالي؟ عيسي جواب: هق نيله هق مستحق

سکالی :

دغله فواق اسرائیل ! ربی توهن، دیاله ربی یعن سا.
مو کا کاسیهله کا ربی توهنما، دغن سفنوه هاتی،
دغن سفنوه راس، دغن سفنوه فیکیران، فس دغن
سفنوه کواس مو.

30

فس حکوم هق مستحق یعن کدوا، عیسی کات:

مو کا کاسیه سام ۲ مائنسی، سروف مو کاسیه کا دیری
مو سنديري .

31

هق لاءین تاءاد ده، نق لبیه فد هق دوا نی.
کورو تورات تو فون کات کاعیسی: مولیقله توان کورو ! سوغکوه
هق مو کات، ربی دیاله توهن یعن سا، توهن لاءین تاءاد ده.
فس، سوغکوهله ماءنسی کیت کا کاسیه کا توهن دغن سفنوه
هاتی، دغن سفنوه فیکیران، فس دغن سفنوه کواس کیت. فس
کیت کنا کاسیه سام ۲ ماءنسی، سروف کاسیه کا دیری کیت
سنديري . دوا حکوم نی مستحق کنا توروت، لبیه فد سمه
قربان بنانع دغن بارغ ۲ لاءین کا توهن، دتمفت قربان تو.
عیسی کابر کات هق کورو تورات جواب تو، کنا مولیق، فس
ری کات: لانی مو بارو سمفی کاتارا هق بري مو بولیه ماسوق
روق دالم فرینته توهن .
لفس فد تو تاءاد سئورغ هابوق برانی نق تاث اف ۲ دغن عیسی .

32

33

34

عیسی تاث چارا حال المسيح هق توهن جنجی تو

تکه عیسو روق مخادر دالم بیت المقدس، دی یان کات:
بالس من بولیه کورو ۲ تورات کات: المسيح هق توهن جنجی
تو، نق جادي کتورونن راج راءور؟

35

کران راج راود سنديري، ایکوت علمو هق روح توهن تورون
کا رې، کات:

توهن رویت ده کا ربې کو کات: دودوق له دسبله
کان کو، سهمېشگ اکو، توهن، بې سترو ۲ مو
دوق باوه کاکي مو بلاک.

راج راود سنديري فشكيل المسيح تو ربې، بوکن؟ کالوکيتو
بالس ملن المسيح هق توهن جنجي تو بوليه جاني کتورونن
راج راود؟

عيسى بې امran ترهادف گورو ۲ تورات

فواق اورغ رامي سوک دغر فشارجنان عيسى. فس تکه رې
دوق اجر، عيسى کات: جاګک بايک ۲ له ترهادف گورو تورات!
ې سوک فاكې باجو جوبه، برجالن کې ماري دتمفت اورغ
برهيمفون، نق بې اورغ تکورې دغۇن حرمه.
د مسجید، بې سوک فيليه تمفت موليق نق دوق. دتمفت
جاموان فون سروف تو جوک.

ې سوک تيفو راي اورغ ۲ بوجۇڭ، نق رمفس رومه يې. فس تو
ې کې بوات لولق دعا هق فنچۇ، رافن اورغ. تنتو حکومن
اتس فوقا تو، نق ترۇق فد اورغ لائين.

اورغ بتينا مسکين سمبە دويت کا توهن

تکه عيسى دوق دكت توغ دويت دالم بيت المقدس، بې
فرهاتي کا اورغ هق ماري بوبوه دويت. اد اورغ کاي باپق اورغ
ماري بوبوه دويت باپق. فس اد اورغ بتينا بوجۇڭ، مسکين،
ماري بوبوه دوا كفييغ دويت، دوا ۲ كوفۇ.

عيسى فون فشكيل صحابة ۲ بې ماري، کات کا بې: اکو نق رویت

کند مو، اورغ بتينا مسکین نی بري باپق فد اورغ لائين ۲ تو.
کران اورغ ۲ لائين تو بري هق لبیه کيرا بلاک ده درف دکایان
نی، تافي اورغ بتينا نی، مسکین کیتو لالو فون، ری بري
هابیس، سموا هق ری اد نق سارا هیدوف.

44

باب 13 عيسى رویت چارا حال بیت المقدس نق رونته

تغه ۲ عيسى دوق توبیت دالم بیت المقدس تو، صحابة
نی سئورغ ماري رویت کا ری کات: تیغوقله توان گورو! باتو ۲
تمفت ۲ سینی مولیق سوغنکوه!
عیسو کات کا نی: مو بولیه تیغوق تمفت ۲ بسر نی بوکن?
ماس رافن نق رونته تا^۴ تیغکل سکفیع هابوق، هق دوق
سوسون نی، نق برتابور رات ۲ هابیس.

1

2

تکه عیسی دوق دبوکیت زیتون هق دوق مفهارف کا بیت
المقدس تو، صحابة نی امف اورغ، فیتروس، یعقوب، یحیا،
رغن اندریاس، ماري نق کیچیق رغن عیسی، رغن سپف ۲
نی تان عیسی: توان، رویتلہ، بیلا فرکارا نی نق جاری؟ فس
تندا لاگو مان بولیه کیت تاهو کات ماس تو نق سمنی ده?
عیسی جواب کات: مو کنا جاگ بري مولیقله! جاغن بري اورغ
بولیه تیفو مو.

3

باپق اورغ نق ماري لفس سا^۳، فاکی نام کو، کات: اکوله ری
هق توهن جنجی تو! فس رغن کات بالس تو، نی بولیه
تیفو باپق اورغ.

4

بیلا مو نق بولیه بوبی اورغ موسوہ، دکت تمفت مو دوبوق،
فس دنگری جا^۵ وه فون، نق بولیه خبر تو جوگ، مو تا^۶ سه
بیمبغله! فرکارا ۲ نی مستی کنا جانی دولو، تافي بوکن تندا^۷

5

6

7

- 8 کات دنیا نق سود لائی. نگری نق برلاون سام نگری، کراجاں
فون نق برلاون سام کراجاں. تانه نق برکوچق سرات دنیا،
فس نق جاری کماراو جوگ. فرکارا نی بندیغ سروف دفن اوغ
بتبینا هق بارو ساگیت نق برانق.
- 9 فواق مو فون کنا جاگ بري مولیق. مو نق کا ایکت باو^۹ کی
کا سن. دمسجدید فون، مو نق کا حکوم فیات. مو کنا بردیری
رافن کتوا^۲، دفن راج^۲، کران اکو، عیسی کات، بري مو فلواغ
بولیه رویت خبر بیغ با^۸ یک کا دی.
- 10 خبر بیغ با^۸ یک تو مستی کنا کی کوسنر کا اوغ سموا بخسا دلو.
فس بیلا سمفی ماس هق اوغ ماری ایکت فواق مو، باو^۹ کی کا
سن، مو تاء^۱ کنا بیمیغ حال نق جواب کا اوغ تو. بیلا سمفی
ماس ده، مو کنا رویت ایکوت هق توهن بري کف مو.
کران فرکتاں هق مو نق سبوت تو، بوکن هق مو سندیری،
هق ماری دروح توهن.
- 11 فد ماس تو، اوغ نق سره ادیق برادیق دی سندیری بري بونوہ.
اوغ هق جاری باف فون، نق بوات سروف تو جوگ، کا انق^۲
دی. اوغ هق جاری انق فون، نق بوات تاء^۱ کتل دفن باف
دی، بري اوغ لاءین بونوہ.
- 12 سموا اوغ نق بنچی کف مو کران اکو، عیسی کات، تافی سیاف^۲
بولیه اود سمفی سود، اوغ تو نق بولیه سلامت.
-
- بالا هق دهشت
-
- 13 فس عیسی کات، مو نق بولیه تیغوق بالا هق دهشت تو،
دوق دتمفت هق تاءسوغ دی دوق. (اوغ هق دوق باج سورت
دی. کنا فرھاتی با^۸ یک^۲ اف معنا هق مو دوق باج.) فد مایس مو
بولیه تیغوق بالا هق دهشت تو، سموا اوغ هق دوق دالم
نگری یهودیه کنا لاری کی دو دوق دبوکیت.

- لورغ هق دوق اتس سوتوه رومه، يي کا تورون سلالو کي ، تاء^{۱۵}
کا روکي ماس کي امبيق بارغ دالم رومه .
- اورغ هق دوق تغه باروه فون ، تاء^{۱۶} کا کليق کا رومه امبيق
باجو جوبه ، کنا لاري سلالو .
- فدي ماس تو ، نق تروق سوغکوه کا اورغ بتينا هق دوق مغندوغ
فروت بسر ، اتوا هق اد انق کچيك فون .^{۱۷}
- ميinta^{۱۸} دعاله کا توهن ، جاغن بري کا فرياغ سجوق . کران فد
هاري تو ، بالا نق تروق لبيه فد هق بياس جاري ده ، جق
دمولا^{۱۹} توهن بري جاري دنيا ، هيغک سمنفي ماس لاني . فس
تاء^{۲۰} تمو ده بالا تروق سروف تو .
- تافي توهن نق بري کورغ هاري ، ماس تو . کالو يي تاء^{۲۱} بري
کورغ بالس تو ، تنتو تاء^{۲۲} اد سئورغ هابوق هق بوليه هيديوف .
تافي کران يي کسياغ بلس کا ميليق هق يي فيليه ، سابيت
تو ، توهن بري کورغ هاري ده .
- فدي ماس تو ، عيسى کات ، مو کا جاگ . کالو سياf^{۲۳} کات کا
فواق مو : تيغوقله ! نيله المسيح هق توهن جنجي تو ! اتوا
تو ! ايتوله يي ! جاغن فرچاياله کا اورغ هق کات بالس تو .
کران نق اد اورغ هق اڳيٽ ديري يي کات يي المسيح ، هق
تهن جنجي تو ، فس نق اد نبي^{۲۴} هق بوهوج جوگ . فس ،
فواق تو نق بوات فركارا^{۲۵} فليق جاري تند ، اچي بوليه نق
بري بوليه تيفو ميليق هق توهن فيليه ده تو .
- جاگ بايک^{۲۶} له ، عيسى کات ، اکو رویت ده فركارا نی کف مو ،
بلوم فد جاري لاکي .^{۲۷}

تند^{۲۸} کات مانسي هق تورون دشريک تو نق ماري فول

- فس عيسى کات لاکي : لفس فد ماس کسيقسائين تو ، متھاري
نق گلف ، بولن تاء^{۲۹} چره . بيمنتغ^{۳۰} نق جاتوه کا بومي ، بيمنتغ^{۳۱}

- اودارا فون نق توروت جالن ری تاءٰ لیه، نق کی ایکوت سیر.
 باروله ماٽنسی هق تورون دشراگ تو نق تیمبول دغن اون ،
 تورون ماري بري پات کواس ری هق بسر ، دغن کملياڻ ری .
 26
 ری نق سوروه ملائیڪه ۲ تورون کا امفت بوچو بومي ، کي
 ليشكوغ اورغ هق جاري ميليق توهن ده ، بري ماري برهيغمون
 27
 امبيق دکاکي باليق نی ، سمفی کا کاکي لاغيت باليق سان .

فُثا جران درفت فوهون ارا

- فس عيسى کات فول : تيغوقله فوهون ارا ، نق جاري تندا
 انتوق فواق مو . بيلا راهن ۲ فوهون تو هيجو سکر ، فس
 راءون ۲ نق فچه فوچوق ، مو تاهو ره کات دکت نق سمفی
 فرياغ موليق .
 28
 بالس تو جوگ ، بيلا مو تيغوق کجاريں سائني ، مو نق بوليه
 تاهو کات ، ماٽنسی هق تورون دشراگ تو دکت نق سمفی ،
 سروف دوق رفينتو ده .
 29
 ايغتله ، عيسى کات ، بلوم فد سموا اورغ لافيس نی ماتي هابيس
 لاگي ، فركارا هق اکو رویت سائني نق جاري .
 30
 لاغيت دغن بومي نق هيلع ، تافي فركتائن کو نق ککل سلام ۲ .
 31

تاءٰ د سئورغ هق تاهو بيلا نق سمفی ماس تو

- ولو کات بالس تو فون ، تافي تاءٰ د سئورغ هابوق هق
 تاهو بيلا نق سمفی ماس هاري تو ، باءٰ يك ملائیڪه ۲ دشراگ ،
 اتوا انق يغ ساتو فون ، ملائينكن باف هق تاهو فركارا نی .
 جاگ باءٰ يك ۲ ، دوق توڠکوله ، کران مو تاءٰ تاهو بيلا نق سمفی
 32
 ماس تو !
 33
 نق جاري سروف اورغ هق توبیت رومه ، کي برجالن جاءٰ وه .
 34

نی تیغکل کولی ۲ نی درومه، سوروه نی بوات کرج ماسیغ ۲.
 فس نی فسن کا اورغ توغکو فینتو، سوروه نی جاگ بائیك ۲.
 35 فواق مو فون کا جاگ بائیك ۲ جوگ، عیسی کات، کران مو
 تا تاهو ماس مان تولن رومه نق ماری فول. بഗکالی نق گلیق
 مالم، بگکالی سمنفی تغه مالم، بگکالی نق فچه فجر، اتوا
 ماس متھاری نائیك.

کالو نی سمنفی مفجوت، جاغن بري تمو تکه مو دوق جندرا.
 36 اف هق اکو فسن کا فواق مو نی، عیسی کات، اکو سوروه
 کا سموا مانسی جوگ، یا^۱ بت جاگ بائیك ۲ له!

جالن سترو ۲ عیسی نق بونوه نی

باب 14

1 دوا هاری لاکی، نق سمنفی هاری رای فسخر، دغن هاری
 هق اورغ فشکیل: ماکن روتي تا^۱ بوه ایبو. فس
 بسر دغن فواق گورو ۲ تورات، دوق چاری جالن نق ایکت
 عیسی دغن سپ ۲ نق بونوه نی.
 2 فواق تو کات: کیت تا^۱ لیه بوات فد هاری رای. تاکوت اورغ رامی
 ماری نق بوات هارو هارا.

اورغ بتینا چوره میپق با^۱ و اتس کفلا عیسی

3 فد ماس تو، عیسی دوق درومه صیمون، هق فپاکیت بادم،
 دکمفوغ بیت عنی. تغه عیسی دوق ماکن، اد سئورغ بتینا باوا^۱
 بکس کاج فنوه دغن میپق با^۱ و هق هرگ مهل ساعت، هق
 بوات دغن نروستو اصلی. اورغ بتینا تو فون او فيه تک جبول
 تو، فس چوره اتس کفلا عیسی.
 4 تافی اد اورغ سینتو هق موریه، کیچیق سام سندیری کات:
 5 با^۱ اف بري روکی بالس تو؟ نی بولیه جوال لبیه فد دوا ریبو
 لیم راتوس، بري صدقه کا اورغ ۲ مسکین!.

بالس تو نی کیچیق تروق ترهائف اورغ بتینا.
 تافي عیسیو رویت کا فواق ساءُنی کات: بлер کا ری له! باف مو
 دوق کاروہ ۲ کا ری؟ اف هق نی بوات کا اکونی باءُیک مولیق
 بلاک. نق صدقہ کا اورغ مسکین بیلا ۲ خون بولیه، کران نی
 دوق سکالی نغن مو سعمور. تافي اکونی تاءُ دوق سام مو سعمور.
 سکت ملن هق نی بولیه بوات، نی بوات. نی چورہ میپق واغی
 اتس توبوه کو، چارغ بری سیف دولو انتوق نق ماسوق قبور.
 ایختله! دمان ۲ اورغ کی برشح خبر یئھ باءُیک درات ۲ دنیا،
 نی نق رویت حال فرکارا هق اورغ بتینا بوات نی، جانی
 فرایشاتن کا ری.

یوس ستجو نق بوات درهاک کا عیسیو

لفس فد تو، یوس اسکریوت، سئورغ دالم فواق صحابة
 عیسیو، توبیت کی کا تمفت فواق امام بسر، نغن توجوان نق
 سره عیسیو کا ری. فواق تو سوگ ساعت دغر هق یوس
 رویت تو، فس نی جنجی نق اووھه ری. یودس فون فیسه
 چاری فلواغ نق درهاک کا عیسیو.

عیسیو ماکن جاموان فسخر نغن صحابة ۲ نی

بیلا سمفی هاری مولا ۲ رای، هق اورغ فٹکیل: ماکن
 روتی تاءُ بوه ایبو تو، هاری هق قربان انق کیس، انتوق
 جاموان هاری رای فسخر، صحابة ۲ عیسیو ماری تان نی کات:
 کیت نق کی سیمفن دمان، تمفت جاموان فسخر انتوق توان؟
 عیسیو فون فسن کا دوا اورغ صحابة نی کات: کیلہ ماسوق
 دالم کوت. دسیتوله، اورغ جنتن هق فیکول بویوغ ایر نق
 تمو نغن مو. مو کنا توروت ماسوق تمفت ری ماسوق، فس

- مو کا رویت کا توان رومه تو: توان گورو کیت کات: دمان
تفت توان گورو دفن صحابة ۲ نی نق ماکن جاموان فسخر؟ 14
- توان رومه فون نق تونجوق بڑی مو کلیہ، بیلیق بسر داتس
لوتیغ رومه نی تو، هق دوق سیمفن سیف ده. مو سیمفنله
دسیتو، انتوق جاموان کیت. 15
- صحابة دوا اورغ تو فون توبیت کی سمعی کا کوت، فس تمو
سمعوا سروف هق عیسی فسن کا دی. فس نی سیمفن جاموان 16
- فسخر دسیتو. بیلا گلف ده، عیسی ماری دفن صحابة دی
دوا بلس اورغ تو. 17
- تفه ۲ نی دوق ماکن، عیسی کات: اکو نق رویت کف مو، اد
سئورغ هق دوق ماکن سکالی لانی، نق بوات درهاک کا اکو. 18
- هاوا صحابة ۲ نی رغر بالس تو، نی بوسن هاتی ساغت، فس
لفس سئورغ ۲ تاث عیسی کات: امب نق توان، بوکن؟ 19
- عیسی فون جواب: نق جاری سئورغ دالم دوا بلس اورغ نی،
هق دوق چیچہ روتي دالم کواہ سفیگن دفن اکو. 20
- اکو ماںسی هق تورون دشراگ نی، تنتو کا ماتی، ایکوت هق
دالم کتاب دوق کات. تافی نق دهشت سوغلکوہ کا اورغ هق
بوات درهاک کا اکو. بائیک لاکی کا اورغ تو، کالو مق نی تاء'
برانق کا دی! 21

جاموان ربی عیسی

- تفه ۲ نی دوق ماکن تو، عیسی امبیق روتي، اوچف
شکور کا توهن، لالو نی چوبیق روتي تو، بهاگی کا صحابة ۲ 22
- نی بلغ ۲ کات: امبیقله، روتي نی، ایشت کات توبوہ کو.
لفس تو عیسی امبیق چاون فول. نی مغوغف شکور کا توهن 23
- فس نی هولور چاون تو کا صحابة ۲ نی، بڑی گلیر مینوم،
کنف ۲ اورغ.

عيسيو کات: ايغتله کات اير جابيت نی داره کو، هق کا
منيليه توبيت انتوق باپق اورغ، هق نق بري تنتو فرهويوغن
توهن دغن مانسي.

اكو نق رويت کفڈ مو کات، امبيق رهاري نی، اکو تاء مينوم
رده، اير بواه جابيت نی، سهيفگ سمني کا هاري اکو نق
مينوم اير جابيت هق بارو، فد ماس توهن نق بري سمنون
فرینته ری.

لفس تو، فوق عيسى پاپي ساتو لاکو فوجي کا توهن، فس
تو نی توبيت کي کا بوکيت زيتون فول.

عيسى رويت دولو کات فيتروس نق بوات تاء کل ری

عيسيو فون کات کا صحابة ۲ نی: فوق مو سموا نق لاري
تيغکل اکو دوق سورغ. کران او ايات دالم كتاب هق کات:

{ توهن نق بونوه کمبالا بيریغ ۲
فس بيریغ ۲ نق چلوري رات . }

تافي، عيسى کات، بيلا اکو هيدوف کليق، اکو نق کي سمني
دولو فد مو، کا نکري کاليل.

فيتروس فون رويت کا عيسى: هي توان گورو! کالو فوق نی
تيغکل هابيس فون، تافي امب سورغ تاء تيغکل توان!
فس عيسى کات لакي: ايغتله فيتروس! مالم نی، بلوم فد ايم
برکوكوچ دوا کالي، مو نق سبوت دافن اورغ تيگ کالي، کات مو
تاء کل اکو.

فيتروس فون رويت قواه فد دولو کات: ولو امب کنا ماتي
سکالي دغن توان گورو فون، تافي امب تاء سبوت سکالي دافن
اورغ کات امب تاء کل دغن توان! سموا صحابة عيسى هق
دوق سیتو فون کات سروف فيتروس جوگ.

عيسى بردا د کبون نام گیتسیمانی

- 32 فس فوق عیسو کی سمفی کا تمفت هق اورغ فشکیل
گیتسیمانی . عیسو فون سوروه صحابة ۲ ری کات : مو دودوقله
دینی تکه اکو دوق بردا !
- 33 لفس تو ، عیسو اجق فیتروس ، یعقوب رعن یحیا کی سکالی
رعن ری . عیسو فون براں سوسه هاتی رعن دوک چیتا ،
34 فس ری کات کا تیگ اورغ تو : اکو براں دوک چیتا ساعت ،
هیغه سمفی نق سود پاوا . مو دوق سینیله ، تمن اکو !
35 عیسو فون هوندور کی سیکیت لانگی ، سوکور کا تانه ، بردا
اچی بولیه ، ری نق بری لفس درف کسیقسائی هق دوق
هادر تو .
- 36 عیسو بردا کات : یا باف کو ! اوہ باف کو ! تاء در سکارا هابوق
هق باف تاء لیه بوات . اکو مینتا باف بری جاء و هلہ
کسیقسائی هق دوق چارغ انتوق اکو نی . تافی بواتله ایکوت
کھندق باف ، جاغن بوات ایکوت کھندق اکو !
- 37 لفس تو ، عیسو کلیق تیغوق صحابة ری تیگ اورغ تو ، دوق
جندر . عیسو فون کات کا فیتروس : ایه صیمون ! مو جندر اکه ؟
سمفی سجم فون ، مو تاء لیه جاگ که ؟
- 38 فس عیسو کات کا تیگ اورغ تو : مو کا برجاگ بریعاله کف
توهن ! جاغن بری هاله کا فرکارا ۲ هق ماری نق سوری مو . هاتی
مو کھندق نق تکوہ ، تافی توبوہ مو لمہ .
- 39 عیسو فون کی سکالی لانگی بردا سروف دولو . لفس تو ، ری
کلیق کا تمفت صحابة ری ، تیغوق ری دوق جندر لانگی ، نق
چلیق مات تاء نایک . فوق صحابة عیسو تو تاء فندي نق
رویت اف سکارا کا عیسو .
- 40 لفس تو عیسو کلیق کالی یغ کتیگ ، کات کا صحابة ۲ ری :

مو دوق تیدور امبیق ریئع لائی که؟ فارن ده. سمنی ماس هق اکو، ماءنسی هق تورون دشراگ نی، نق کا سره کا تاغن اورغ بردوسا.

42 باخون ماري کيت، هادف کوء دافن! تیغوله، نی هق نق بوات درهاک کا اکو دوق دکت دغنا کيت!

عيسو کنا ايكت

43 تاءران سود عيسى کيچيق، يوسس سورغ دالم فواق صحابة نی دوا بلس اورغ، سمنی ده کا تمفت عيسى تو. نی باوا اورغ رامي ماري، هق فکن فدغ، دغن میوكول. جاري فواق تو فسوروهن امام ۲ بسر، گورو ۲ تورات، دغن کتوا ۲ اورغ یهولي.

44 نی هق نق بوات درهاک کا عيسى تو، فسن ده کا اورغ رامي نق بوات تندا، کات: اورغ مان هق اکو کوچوف، اورغ تو جيلا نی. مو ايكت نی باوا نی ايريغ کي! با يوسس سمنی ده، نی تکور عيسى کات: توان گورو! لالو نی کوچوف عيسى.

45 فواق اورغ رامي تو فون ايكت عيسى دغن تركم. تافي اد سورغ هق دوق سیتو، چابوت فدغ نی تاکير سورغ هصب امام بسر، کما تلیثا فوتوس.

46 فس عيسى کات کا فواق اورغ رامي تو: بااف مو ماري ايكت اکو باوا فدغ دغن میوكول بالس نی، سروف اکونی اورغ جاهت؟ 47 گنف ۲ هاري اکو دوق سکالي دغن مو، تکه اکو دوق مغارجر دالم بيت المقدس. بااف مو تاء ايكت اکو سیتو؟ تافي هق او تولیس ده دالم کتاب، مستي کا جاري.

48 لفس تو، صحابة ۲ عيسى لاري هابیس، تیغکل عيسى سورغ. 49 فس اد سورغ مودا هق فاکي کاين ساج، هق دوق توروت

عيسو . فواق اورغ رامي نق ايكت بودق تو ، تافي دي لاري نغن
تلوجوت گاين ۲۰ .

عيسو ماري دافن جمليس

لفس تو ، فواق اورغ رامي باواه عيسو کي کارومه امام بسر .
درومه تو ، فواق املم بسر ، کتوا ۲ يهوري نغن گورو ۲ تورات ،
ماري دوق برهيمفون .

فيتروس توروت عيسو جا ۲۵۰ ، کي ماسوق دالم هلامن رومه امام
بسر . دسيتو ، دي دوق سکالي نغن فواق کتوا عسکر ، بردياغ
دكت افي .

فواق امام بسر نغن سموا فواق کرج جمليس تو ، دوق چاري
سقسي فادن بري دي بوليه بونوه عيسو . تافي چاري ۲ تاءتمو .
او باپق اورغ ماري نائيك سقسي بوهوج ترهارف عيسو ، تافي
سقسي تو تاءسروف سئورغ هابوق .

لفس تو ، او دوا تيگ اورغ لاکي ، ماري نائيك سقسي بوهوج
ترهارف عيسو کات : کيت لغره اورغ نبي ، کات دي بوليه
بري رونته تمفت سوچي هق ماٽنسی بوات ، فس دالم تيگ
هاري دي نق بوات تمفت سوچي هق بارو ، هق ماٽنسی تاء
بوات !

ولو دي فاكت بالس تو فون ، تافي سقسي دي تاءبرلاک جوگ .
فس امام بسر باغون دافن سموا اورغ ، اوصول عيسو کات : مو

تاهليه جواب که ، کا اورغ هق او مو نبي ؟

تافي عيسى دوق دیام ، تاءجواب اف ۲ . فس امام بسر اوصول
دي فول ، کات : مو جاري کا دق ، المسيح هق توهن جنجي تو ،
انق توهن ، هق سوغ کيت فوجي سعمور ؟

عيسى فون جواب : ها جيلا ! فس فواق مو سموا نق بوليه
تيغوق اکو ، ماٽنسی هق تورون دشرغ نبي ، دسبله کانن توهن

هق مهاکواس تو. فس مو نق بوليه نمفق اکو، تورون ماري
دری لاغیت دغن اون.

63 هاوا نفر بالس تو، امام بسر براس گرم، سويق فکاين ری،

بلغ ۲ کات کا ارغ جملیس: کيت تا^۴ کنا کی چاري سقسي لاءین

رده. مو دغر ره فركتائن ری هق هودوه تو! مو کرت سین

بالس مان؟ فوق جملیس تو فون سموا کرت سین کات عيسى
ساله، کنا حکوم بونوه.

65 فس اد اورغ دالم فوق تو هق لوده کا عيسى، فس ری فکوف

مات عيسى، گوچه ری، بلغ ۲ کات: رویتلہ! سیاف هق گوچه

مو؟ لفس تو، کتوا^۲ عسکر فون امبیق عيسى تمفر جوگ.

فيتروس کات ری تاء کل عيسى

66 فد ماس تو، فيتروس دوق دالم هلامن لاکي. فس اد سورغ
بتيينا هق جاري کولي امام بسر، لالو کوء ری.

67 بيلا ری نمفق فيتروس دوق بردياغ دکت افي، ری فون تيغوق
تجو کا فيتروس کات: مو فون جاري سفواق دغн عيسى ارغ
نصرة تو جوگ، بوکن؟

68 تافي فيتروس بوات تاء کل عيسى، کات: اکو تاء ارتی، تاءفهم
مو کات کاف! فس ری توبیت سلالو کا کاکی ليم. تکه تو،
ایم برکوکوک.

69 لفس فد تو، کولي سائني تيغوق فيتروس فول، فس ری کات
سكالي لاکي کا ارغ ۲ هق دوق سیتو: ها جيلا! ارغ نی
جاري سفواق دغن ری!

70 تافي فيتروس بوات تاء کل فول. لفس تو تاء لام، ارغ ۲ هق
دوق سیتو ادو فيتروس سكالي لاکي کات: ايه! مو تاء لیه کات
مو تاء جاري فوق ری، کران مو فون ارغ کالیل جوگ!

71 فس فيتروس برسومفه کات: کالو اکو بوهوغ بлерله توهن حکوم

کو! اکو تاء کل دغن اورغ هق مو دوق کات تو!
 فد کتیک تو جوگ، بوبی ایم برکوکوک کالی بیغ کدوا . فس،
 72 فیتروس ترايغت هق عيسى کات دلو تو: بلوم فد ایم برکوکوک
 دوا کالی، مو نق سبوت دافن اورغ تیگ کالی کات مو تاء کتل اکو.
 با ری ايغت هق عيسى رویت تو، فیتروس تریاق هیفگ
 سمفی مغیسق.

عيسى کنا باوا کی کا فيلاتوس

باب 15

1 فس، فاکی ایسوق فول، فوق امام بسر فشكیل کتوا ۲ اورغ
 یهودی، کورو ۲ تورات، دغن سموا فوق جملیس، ماری مشورة
 کاروه ۲، سیمفن نق بوات اف ۲ هق ری کھندق. فس،
 بوه کاری دتاغن عيسى؛ باوا کی سره کا فيلاتوس.
 2 فيلاتوس فون اوصول تان عيسى کات: مو جاري راج بخسا
 یهودی کا دق؟

3 فس، فوق امام بسر ادو عيسى باپق فرکارا کا فيلاتوس ،
 سهیفگ فيلاتوس تان عيسى سکالی لایکی کات: مو تائسیر جواب
 4 که، کا اروان فوق تو؟ تیغوقله باپق مان ری ادو مو!
 5 تافي عيسى تاء جواب اف سکارا جوگ، سهیفگ فيلاتوس براس
 حیران .

عيسى کا حکوم بونوہ

6 جاري، گتف ۲ کالی هاري راي فسخر، فيلاتوس بیاس بري
 لفس ساتو اورغ هق کا ایکت، اصل هق اورغ رامي مینتا .
 7 فد ماس تو، اد سورغ نام برابس، کا ایکت سکالی دغن فوق
 لاون کراجاين، هق بونوہ اورغ، تکه جاري هارو هارا .
 8 بیلا اورغ رامي ماری برهیمفون، نق مینتا، فيلاتوس بوات ایکوت
 9 عادہ تو، فيلاتوس فون تان ری: مو نق بري اکو لفس اورغ هق

جاني راج اورغ يهوي که؟

- فیلاتوس تاهو چرف کات فوق امل بسر سره عیسو کا ری
رغن کران رئکی . تافی فوق امل بسر کی فوجوق اورغ رامی ،
سوروه مینتا رغن فیلاتوس بري لفس برابس .
- فیلاتوس فون تان اورغ رامی تو سکالی لائی کات : فس ، مو نق
بری اکو بوات بالس مان کا ری هق مو فٹکیل راج بفسا
یهوي تو؟

- اورغ رامی فاکت مناًوغ کات : فاکو ری رکایو امفت چابغ!
فیلاتوس فون تان فول : تافی ری بوات ساله اف ، بولیه نق
بونوہ ری ؟ فوق اورغ رامی فون مناًوغ کھور درس لائی کات :
فاکو ری رکایو امفت چابغ!
- فیلاتوس نق بري اورغ رامی برگن کا ری . سابیت تو ، ری
لفس برابس ایکوت کھندق اورغ رامی . لفس تو ، ری سوروه
اورغ حکوم فیات عیسو ، فس سره ری کا اورغ نق امبیق کی
فاکو رکایو امفت چابغ .

فواق عسکر بوات مفتحیع کا عیسو

- فواق عسکر فون بلواء عیسو ماسوق دالم هلامن ، یاءیت
ھق کوت فمرینته فیلاتوس ساءنی . فس ری فٹکیل سموا ساءن
ری ماری لیغکوغ عیسو . ری امبیق باجو جوبه چھیا بیرو
بوتیر ستر بري عیسو فاکی ، فس تو ری جالین مھکوت رغن
دوري سرکوف اتس کفلا عیسو .
- فس ، ری بوات لولق تابیک کا عیسو کات : برجایا له راج اورغ
یهوي ! فس ری امبیق کایو کاتق عیسو اتس کفلا ، لوده
کا ری ، فس بوات سجود کا ری .
- سوده ری مفتحیع کا عیسن تو ، ری فون چابوت باجو جوبه
چھیا بیرو بوتیر ستر تو ، بوه فکاين ھق عیسو سندیری .

لفس تو ، ری باواه عیسی تو بیت کی فاکو رکایو امفت چابغ .

عیسی کا فاکو رکایو

21 تغه جالن کی تو ، ری جومفا دغنا شئورغ نام صیمون ،
هق ماری درارت نق ماسوق دالم کوت جروسلیم . فوق
عسکر فون فقسا صیمون ، سوروه ری فیکول کایو امفت چابغ
هق عیسی .

(صیمون نی ، ری اورغ کورینی ، فق فد اسکدار دغنا روپوس)

22 ری باواه عیسی کی سمفی کا ساتو تمفت هق اورغ فشکیل
کولکوتا ، معنان تمفت تغکورق . دسیتو ری امبیق ایر بوه
جابت هق چمفور دغنا اویت فلاہی نام مور ، هولور نق بری
عیسی مینوم ، تافی عیسی تاءً امبوه مینوم .

23 24 ری فون فاکو عیسی رکایو امفت چابغ ، فس تو بهاگی فکاین
عیسی سام فوقا ری سندیری ، دغنا کوچق اوندی بری تاهو
نق بولیه کا سیاف .

25 ماس ری فاکو عیسی رکایو امفت چابغ تو ، فوکول سمبیلن

26 فاگی . نوتیس ادوان اورغ یهوری تولیس کات :

اینیله راج بفسا یهوری .

27 تکه تو ، اد جوگ روا اورغ فپامون کا فاکو سکالی دغنا عیسی ،

28 سبله کیری شئورغ ، سبله کانن شئورغ . دغنا بوات بالس تو ،

جادی برتننخ دغنا ایات دالم کتاب هق کات :

ری ترماسوق دغنا فوقا اورغ ساله .

29 اورغ ۲ هق دوق لالو کو تو ، کیلیغ کفلا ماکی کا عیسی کات :

ها ! مو کات مو نق بری رونته تمفت سوچی هق توهن ،

فس دالم تیگ هاری نق بری فردیری سمولا !

- مو تورونلە دکایو امفت چابغ تو، برى سلامت دىرىي مو !
 30
 بالس تو جوڭ، فواق امام بىر دېن گورۇ ۲ تورات فون،
 مىنچىغۇ كا عىسى دېن كات سام دى : اورۇ لائىن دى تولوغ
 برى سلامت بولىيە، تافى دىرىي دىرىي سىندىرىي تاڭلىيە !
 31
 مولىق كالو كىت بولىيە تىغۇق المسيح راج بىخسا يەھونى تورون
 دکایو امفت چابغ، بارولە كىت نق فرچايى كا دى ! فس دوا
 اورۇ ھق كا فاكو سكالىي دېن عىسى فون مىنچىغۇ كا دى كاتىق.

عىسى ماتى

- فدى تغە هارى، سلام تىڭ جم، جانىي گىل سرات نگىي
 33
 تو . فس سەمىفي فوكول تىڭ فتۇ، عىسى مناڭ وۇ دېن سوارا
 درس كات : الھى ! الھى ! لامر سېختانى ! معنانى : يا الله ! يا
 الله ! باڭ مو تىشكىل اکو ؟
 34
 فس دالم اورۇ ھق دوق سېيتىو، اد اورۇ لغۇر ھق عىسى
 سېبوت تو، فس دى كات : اىيە ! دى دوق فەتكىل نبى الياس .
 35
 فس، اد سئورۇ ھوغۇل كى امبىق كىتە سەفرىغ، چلۇف دالم
 اير بواھ جاپىت ھق مورە، چوچوق دکایو، ھولور نايك كا
 36
 عىسى برى دى ايسىف، بلۇ ۲ كات : ننتى تىغۇق، الياس مارى
 كا دىق، امبىق دى تورون دکایو امفت چابغ !
 لفس تو، عىسى سود پاوا ، بلۇ ۲ مناڭ وۇ .
 37
 فدى ماس تو، تابىر ھق دوق كىنتۇغ دالم بيت المقدس ،
 38
 چارىق دوا ، امبىق داتىس سەمىفي كا باوه .
 كىتىوا فواق عسکر، ھق دوق بىرىرى دافن كايو امفت چابغ تو
 تىغۇق بالس مان عىسى سود پاوا بلۇ ۲ مناڭ وۇ تو، فس دى
 39
 كات : اورۇ نى سوغۇكە انق توهن !
 دسىيتو اد سفواق اورۇ بتىنا، ھق دوق تىغۇق جاۋە . دالم

فواق تو، اد مریم مقدالا سئورغ، سلومی سئورغ دغن مریم
مق یوسف دغن یعقوب هق اورغ گلر مودا.

تیک اورغ تو بیاس توروت عیسی تکه نی دوق د نگری کالیل
دولو، نق تولوغ نی. فس اورغ بتینا باپق اورغ لانگی، هق
ماری کا کوت جروسليم سکالي دغن عیسی، دوق اد دستیتو
جوج.

اورغ تاروه مایت عیسی دالم قبور

لفس تو، فتنغ دکت نق گلک ده، سئورغ نام یوسف،
دکمفوغ اريمتیا، سمفی ده کا تمفت تو. نی اورغ دالم فواق
جملیس بفسا یهونی،

اورغ هق سموا حرمة، فس دوق ننتی ماس توهن نق ماری
امبیق فرینته دغن سمنفرن.

ف د ماس تو، جانی هاری نق سیف سموا فرکارا انتوق نق
ماسوق هاری میغکو. سبب تو، یوسف برانی کی مفهارف
فیلاتوس، نق مینتا مایت عیسی.

فیلاتوس براس حیران دغرا کات عیسی ماتی چفت بالس تو.
نی فون فشکیل کتوا عسکر ماری، تان نی نق تاهو، عیسی
ماتی لام ده که گان؟

بیلا سوونه دغرا فریحال کتوا عسکر، فیلاتوس فون بنر بزی
کا یوسف بولیه امبیق مایت تو.

فس یوسف بلي کاءین فوتیه، کی امبیق مایت تورون دکایو
بوغکوس، کی بوبوه دالم قبور هق فاهت دبوکیت. لفس تو،
نی گولیخ باتو بسر ماری، نق بوات کاتوف فینتو قبور تو.
مریم مقدالا دغن مریم مق یوسف هق دولو تو، دوق تیغوق،
فس نی نمفق تمفت لتق عیسی.

عيسو هيدوف ڪليق

باب 16

- 1 لفس هاري ميٺگو، ماسوق مالم احد، مريم مقدالا، مريم
مق يعقوب دغун سلومي، بلي فرڪاڪس ۲ نق لومور دمايت عيسى.
2 فد هاري احد، فاكٽي ۲ فرياغ متھاري منچر نق توبيت، دې فون
کي کا قبور.
- 3 تغه جالن دوق کي تو، دې کيچيق سام دې ڪات: سياf نق
تولوغ کيت گولڀع باتو هق دوق ڪاتوف فينتو قبور?
(سبب باتو تو بسر ساغت.) با سمنفي، تيغوق باتو تو
بس اورغ گولڀع ده.
- 4 دې فون ماسوق دالم قبور، تمو دغون اورغ مودا، هق فاكٽي سرب
فوتيه، دوق باليق ڪانن تمفت تو. فواق اورغ بتينا تو براس
تاکوت ساغت، تافي اورغ مودا تو ڪات:
- 5 جاغن تاکوتله! اکو تاهو ڪات مو دوق چاري عيسى اورغ نصرة،
هق بونوه دکايو امف چابع تو. دې تاءَاد رسيني. توهن
برئ دې هيدوف ڪليق ده. تيغوقله، نې تمفت اورغ لتق دې!
6 لاني، مو کي بري تاهوله خبر نې کا صحابه ۲ دې، ترماسوق
فيتروس ڪاتيق، ڪات: عيسى کي دلو فد مو کا نکري گاليل.
دسيتوله مو نق تمو دغون دې، بالس مان دې روويت کا فواق
مو دلو تو!
- 7 فواق اورغ بتينا تو فون توبيت فد قبور، هوغلن کي سلالو،
کران دې گرون ساغت. تکه تو دې تاءَ روويت. کا سياf ۲، سبب
تاکوت.

عيسو بري نمفق ديري دې کا مريم مقدالا

- 9 لفس فد عيسى ماتي هيدوف ڪليق تو، فاكٽي هاري احد،
دي بري نمفق ديري دې مولا ۲، کا مريم مقدالا، دې هق

عيسى بیاس همبت توبیت هنتو توجوه ایکور .
 مریم فون کی رویت خبر کا ساءین ۲ عیسی، هق دوق تریاچ،
 سدیه هاتی . بیلا فوق ساءین عیسی دغیر هق مریم رویت،
 کات عیسی هیدوف کلیق ده، فس دی سندیری فون تیغوق
 ده، فوق تو تاء فرچای جوگ .

عیسی بري نمفق ديري کا انق مرید دی دوا اورغ

13-12 لفس فد تو فول ، عیسی بري نمفق ديري دی کوء لاکو لاءین ،
 کا انق مرید دی دوا اورغ ، تکه دی کلیق کا دارت . دی فون
 فالیغ کی رویت کا ساءین ۲ دی فول ، تافی فوق تو تاء فرچای
 جوگ .

عیسی بري نمفق ديري دی کا صحابة سبلس اورغ تو

سود سکالی ، عیسی بري نمفق ديري کا صحابة دی سبلس
 اورغ تو ، تکه دی دوق ماکن . عیسی فون تکه فوق تو ، سبب
 ایمان دی کورغ ، هاتی دی کرس ، تاء سیر فرچای سقسی هق
 تیغوق عیسی هیدوف ده .

15 عیسی رویت کا دی : کیله سرات دنیا ، کوسنر خبریغ باءیک
 کا سموا مائنسی !

16 اورغ هق فرچای ، فس تریما روکون مندی بفتیزما ، دی نق بولیه
 سلامت . تافی اورغ تاء فرچای ، دی نق کا حکوم د توهن .
 کا اورغ هق فرچای ، اکو نق بري تندا ۲ ، عیسی کات . دی نق
 بولیه همبت هنتو توبیت دغون کواس کو . دی نق بولیه
 کیچیق بهاس ۲ هق دی سندیری تاء ارتی .

18 کالو دی فکن اولر اتوا ماکن راچون فون ، بیسا تاء لکت کا
 دی ، فس دی نق بولیه لتق تاغن اتس اورغ ۲ ساکیت بري دی
 هیلغ .

توهن اغکیت عیسی نائیک کا شرگ

لفس فد رتی عیسی فسن کا فواق صحابة سائني ، توهن 19
 فون اغکیت عیسی نائیک کا شرگ ، بری ذی دودوق د تمفٹ
 کواس فنوه ، بالیق گانن توهن .
 20 فس ، صحابة ۲ عیسی کی کوسنر خبر یئع بائیک رات ۲۰ رتی
 عیسی فون کرج سکالی دغناں دی جوگ ، تورون تندا ۲ هق
 بری تاهو کات خبر دی تو هق بتول سغوتی .

لوقس

خبر يغ باييك هق توهن بري لوقس
رويت چارا حال عيسى المسيح

باب 1

سفاته کات درف د لوقس

- 1 کف د توان تیوفیلوس يغ د حرماتي،
تنتو توان تاهو ده حال کجادين سموا دالم فواق کيت. کران
اد باپق اورغ هق کاچع بوات سورت چارا حال سموا فرکارا نی
بری اورغ باج. یا^هيت فرکارا هق کيت سموا بولیه دغر درف د
اورغ هق نمفق کجادين نی سنديري. فواق توله هق مولا^ه
توبیت کی رویت خبر تو.
- 2 امب سنديري سوده فریقسا کلیه دغنا هالوسی، سموا
فرکارا نی، نق تاهو هق مان هق سجاتي. سبب توله فاتوت
امب کنا کارغ سموا نی، بوبوه دالم ساتو سورت انتوق توان.
بالس تو، توان بولیه تاهو دغنا تنتو کات، دالم سموا فرکارا
هق توان بیاس دغر، هق مان سوغکوه.
- 3 ملائیکة باواه خبر کف زکریا
- 4 فد ماس راج هیرود دوق مرینته دالم نکری یهودیه، اد
سئورغ املم یهودی، نام زکریا. ری جانی فواق املم هق اورغ
فگیل ابیا. بینی زکریا نام الیصابیت. دوا اورغ نی کتورونن

- هارون . لاكى بىينى نى ، اورغ هق بتول دفنداغن توهن . سموا 6
حکوم هق توهن سوروه نى توروت بلاك ، تا^ء سيلف سكارا .
تافي انق تاء^ءاد ، كران اليسابيت مندول ، فس تكه تو ، نى كدوا 7
فون توا ده .
فدى ساتو هاري ، زكرييا دوق بوات عمل دالم بيت المقدس ، سبب 8
فواق امام ٢ هق نى سمفى گيليرن كنا ماسوق بوات عمل دسيتو .
فدى هاري تو ، زكرييا كنا جمفوت اوندي ، توروت عادة امام ٢ تو ، 9
كنا ماسوق فاسخ كمنپن دتمفت سوچي ، دالم رومه بوات عمل تو .
تكه زكرييا دوق فراسف كمنپن يالىم ، اورغ زامي هق دوق لوار 10
مينتا^ء دعا سموا سكالي .
تيبا^ء زكرييا نمفق ساتو ملائكة دوق برديري سبله كانن تمفت 11
فراسف كمنپن . نى فون براس تاكوت ، تافي ملائكة كات كا نى :
هي زكرييا ، مو جاغن تاكوتله ! كران توهن بغره ، هق مو 12
مو كى لتق نام نى يحيا . بيلا نى برانق ده مو نق براس 13
سوگ هاتي سوغگوه ، فس باپق اورغ لاكى نق سوگ ريا دغۇن كران 14
انق مو تو . توهن نق برى نى جاري اورغ مليا . ارق ٢ اتوا 15
بارغ هق برى مابوق فون ، نى تاء^ء ليه ماكن ، فس ، روح سوچي
هق توهن نق دوق اتس نى دغۇن كواس فنوه درى فروت اىبو 16
لا^{كى} .
فس انق مو نى ، ملائكة كات ، نق جاري اورغ فيمفين بعسا 17
اسراتيل برى فالىئ كلىق كا توهن ، رېئي هق مرىنته اتس نى .
نى نق كى دولو ، سيمفن جالن انتوق رېئي ، فس روح توهن
نق برى نى كواس سروف دغۇن نى الياس هق دولو تو . فواق
جاري باف ، نى نق برى فالىئ با^ءيك سمولار دغۇن انق نى . اورغ
هق تاء^ء سير طاعة كا توهن فون ، نى نق برى فالىئ بوات توروت
هق بتول .

ري نق بري بفسا هق جاري ميليق توهن ، دوق سيمفن سيف
ده انتوق توهن !

ملاءيكه رويت سكت ني ، فس زكريا تان رى كات : توهن نق بري
تندا لاگو مان ، نق بري امب فرچاي؟ امب توا ده ، فس بياني
فون توا جوگ . 18

ملاءيكه جواب : اکو نېي جبرائيل ، هق دوق دافن توهن سعمور .
فس توهن سوروه اکو ماري رويت خبرني کفده مو . دغرهله زكريا !
مو تاء، فرچاي فركارا هق اکو رويت ني ، هق توهن نق بري جاري
سوڠگوه . سابيit تو ، مو کنا بيسيو ، هيٺگ سمفې هاري هق
توهن بري جاري فركارا ۲ نېي ! 19

تكه ملائكه دوق کيچيق دغنه زكريا تو ، اورغ رامي هق دوق ننتي
دلوار ، براس سك هاتي ، کران زكريا دوق يالم تو لام ساعت .
فس ، بيلا رې توبېت تاءليه کيچيق ، بيسيو . سموا فواق تو فون
تاهو سلالو کات زكريا نېي رافت وحي درفت توهن . تافي زكريا
کا کيچيق دغنه تاغن ، مولوت تاءليه برتوتور ده . 21

بيلا هابيس گيليران ، زكريا فون کليق کا رومه . لفس تو تاءلام ،
بياني رې اليسابيت لكت فروت . فس رې دوق درومه ، تاءکي
کا مان ۲ ، سمفې ليم بولن . 23

فركتاءن اليسابيت فون بالس نېي : لاني بارو توهن کسياغ بلس
کا اکو . توهن بري اکو تاءکا مالو کا اورغ هق کيچيق هيينا ،
کات اکو تاءدار انق ! 24

ملاءيكه باواه خبر کفه سیتی مریم

لفس فد تو ، انم بولن فول ، توهن سوروه ملائكه جبرائيل
کي کا ساتو کمفوغ دچفواو گاليل ، نام کمفوغ نصرة . ملائكه
نق برجومفاء دغنه سئورغ انق دارا ، هق جاري تونغ دغنه اورغ
26
27

- نام یوسف، کتورونن راج راءود. انق دارا تو، نام دی مریم.
 28 بیلا ملائیکة جومفاء ده دغن مریم، دی کات: سلامت سجهترا
 له، مریم! توهن بري ده رحمة دی کف مو، فس دی دوق
 سکالی دغن مو!
 29 بیلا دغر فرکتائن نی، مریم فون ترکجوت ساعت، فس، دوق
 فيکیر دالم هاتی، سبب اف ملائیکة ماری تکور دی لاکو نی.
 30 فس ملائیکة کات کا دی فول: جاغن تاکوته، مریم، کران توهن
 بري ده رحمة دی کف مو.
 31 مو نق بولیه انق جنتن، فس بیلا برانق ده، مو کا لتق
 32 نام دی عیسی. انق مو نی، نق جاري اورغ مليا. توهن بیع
 مهاتیغکی نق فشکیل دی انق. توهن هق مرینته فواق مو،
 نق سره مهکوت راج کف دی، مهکوت هق تورون درف دنییق
 دی راج راءود.
 33 انق مو نی فون، نق جاري راج اتس سموا فواق یعقوب
 سعمور. فس هق دی جاري راج تو فون تاءاد سود بوات سلام.
 34 لفس تو، مریم تاث ملائیکة کات: نق جاري بالس مان، فرکارا
 نی، کران امب نی انق دارا لاکی?
 35 ملائیکة فون جواب: روح توهن بیع مهاتیغکی نق تورون اتس
 مو دغن کواس دی. سبب توله، مو نق بولیه انق هق
 سوچی، کلران دی انق توهن.
 36 فس دغله مریم، کات ملائیکت، مق سودارا مو الیصابیت هق
 توا ده فون، نق بولیه انق جوگ. لانی، دی هق اورغ کات
 مندول تو، فروت بسر انم بولن ده، کران دغن توهن تاءاد
 سکارا هابوق، هق دی تاءاد لیه بري جاري!
 37 فس مریم کات فول: امب نق سره دیری کا توهن سمات ۲.
 بري جادیله کا امب، سروف هق مو کات تو!
 38 لفس تو، ملائیکة فون تیغکل کی.

سيتي مريم توبيت کي زيارة اليسابيت

- 39 لفس فد تو، مریم برسیمفن دیری، فس توبیت کی گادوھ کا ساتو کمفوغ دتفه بوکیت، دالم چغوار یہودیہ.
- 40 بیلا سمفی ده، نی ماسوق دالم رومہ زکریا، هق سبوت تاری فس بڑی سلام کا بینی زکریا، الیصابیت تو.
- 41 با دغیر سوارا مریم تو، انق دالم فروت الیصابیت فون گلفر، فس روح توهن تورون اتس مق نی دغناں کواں فنوہ، بڑی نی کات دغناں سوارا درس:
- 42 هي مریم، مو بولیه رحمة لبیه فد اورغ بتینا لائین سموا. فس، انق مو دوق کندوگ فون، نی نق بولیه رحمة باپق، سروف تو جوگ.
- 43 اکو حیران، توهن بڑی جاری فرکارا نی کا اکو! سبب اف مق رئی کو ماری زيارة کا رومہ کو نی؟
- 44 بیلا اکو دغیر سوارا مو سائی، الیصابیت کات، انق کو دالم فروت گلفر دغناں سوک هاشی.
- 45 مو براونتؤغ سوغلکوہ، مریم، کران مو فرچای ده، هق توهن نق بوات کد مو، دغناں تاں سک هاتی!

مریم سنديري فوجی کا توهن

- 46 فس مریم کات:
- 47 اکو فوجی رئی کو دغناں سوغلکوہ ۲ هاتی،
- 48 اکو براں سوک ریا کران توهن بڑی اکو سلامت، سبب توهن دوق فادول کا اکو، همب نی هق رنده سکالی۔ جق دھاری نی، سموا مائنسی نق ایشت
- 49 نام کو، کات اکو بولیه اونتؤغ سوغلکوہ! کران توهن هق مہاکواں سودہ بوات فرکارا بسر کا اکو.

- دياله توهن يئ سوچي ! دي تنجوک کسياغ بلس 50
 کا سموا مائنسى هق مفاکو کا دي رعن سوغڭوھ ۲
 هاتى ، امبىق دماس توء نينيق دولو ، ماري سمنى
 کا انق ۲ چوچو دي .
- توهن هولور تاغن برى نمفق کواس دي اتس اوغ 51
 هق اغىن تىعگى ، برى مىچە سلىرق تابق ،
 سكالىي رعن هق دي اغن ۲ تو .
- راج ۲ هق بولىيھ کواس فون ، توهن برى جاتوه 52
 فريشكىت دي ، اوغ رنده فول دي اڭكىت نائىك .
 اوغ هق هاتى دي براس لافر ، توهن نق برى كېغ 53
 رعن بارغ هق موليق . اوغ هق اد بلاك ده ،
 دي سوروه كى رعن تاء باۋاء اف .
- سموا هق توهن جنجى کا توء نينيق كىت ، 54
 دي برى جاري بلاك . اوغ استرائيل هق جاري
 ھمب دي ، دي دوق تولوغ سعمور .
- دي تاء لوف کسياغ بلس دي كەد ابراهيم ، 55
 سكالىي رعن سموا انق ۲ چوچو دي بوات سلام ۲ .
- لفس فد تو ، مريم دوق برادو درومە اليصابيت ، لبيه كورغ 56
 تىڭ بولن ، بارو كلىق کا رومە دي .

اليصابيت برانق کا نېي يحيا

- بىلا اليصابيت سمنى بولن ، دي برانق بولىيھ انق جىتن . 57
 ساين ۲ كەمفۇغ رعن ادېق براديق دي ، بىلا دغىر خېر نېي ، 58
 دي فاكت فوجى توهن كات : توهن تورون رحمة سوغڭوھ کا
 اليصابيت نېي . سموا اوغ فون سوگ هاتى بلاك .
 لفس فد برانق لاقن هارى ، كا برسونت بودق تو . فس ادېق 59

براديق سموا هق ماري کا رومه، فاكت لتق نام کا بوق ني،
زکريا ، توروت نام چيءَ دي .

تافي مق دي کات : تاءَ ليه ! کنا لتق نام يحيا .

اديق براديق فون تاش دي : باً اف کات بالس تو؟ تاءَار سورغ
هابوق رالم فواق کيت نام يحيا !

فس سموا اورغ فاليلع تاش چيءَ دي ، نق لتق نام اف؟ کنا تاش
دغن بوات تاغن، سبب زکريا بيسيو لاکي . زکريا فون سوروه

امييق لوح باتو، فس دي توليس کات : نام دي يحيا .

سموا اورغ تو فون براس حيران . تغه٢ زکريا دوق توليس تو،
دي بوليه کيچيق سلالو، فس دي فون اوچف تريما کاسيه کا
توهن سلالو .

بيلا نمفق کواس توهن بالس تو، سموا اورغ دسيتو براس
تاکوت سوغکوه ، فس خير کجادين دي تاهو کي کا سموا تمفت
رالم بوکيت ، دچشوار يهوديه تو .

اورغ هق دغر ره کجادين دي ، تاءَرلوف ، فس ، کيچيق سام
سنديري کات : تنتو بودق دي نق جاري اورغ بسر ماس دافن!
کران بوليه نمفق کواس توهن دوق اتس بوق دي .

فركتائن هق روح توهن بري کفت زکريا

فدهاري تو جوگ ، روح توهن تورون اتس زکريا ، بري دي
کواس بوليه رویت فركتائن دي :

ماريله کيت ، فوجي توهن هق مرينته اتس اورغ اسرائيل !
کران توهن سوده ايشت کا همب٢ دي .

توهن سوده سيف جالن نق بري کيت سلامت .

دي بري سورغ جورو سلامت ، هق اد کواس نق تولوغ کيت .
جورو سلامت دي کتورونن فسوروه توهن ، راج راءُود .

- فس توهن سوده رویت حال کجادین نی دولو ۲ لاگی،
کا فواق نبی ۲ نی هق سوچی. 70
- توهن جنجی ده نهن کیت کات: کیت نق بولیه سلامت
درف دسترو ۲، کیت نق بولیه لفس دالم کفگامن تاغن
اورغ بنچی کا کیت. 71
- بالس توله، توهن نق بري رحمة بسر، هق نی جنجی
کا توء نینیق کیت دولو. توهن تاء ترلوف فرجنجین نی
یغ سوچی، هق نی برسومفه نهن ابراهیم توء نینیق کیت. 72
- فس بیلا کیت لفس ده دالم کفگامن تاغن سترو ۲،
توهن نق بري کیت طاعة کا نی دهن تاء کا تاکوت کا اف ۲. 73
- نی نق بري کیت جاري اورغ بتول، هاتی سوچی،
هق بولیه دوق رافن توهن سعمور هیدوف. 74
- فس زکریا کات:
هی انق کو! اورغ نق فشکیل مو
نبی توهن یغ مهاتیفگی، سبب توهن نق سوروه مو
کی دولو سیف جالن انتوق نی. 75
- مو کنا باواء خبر کا اورغ هق جاري میلیق توهن،
کات نی نق بولیه سلامت کران توهن نق امفون سموا
کسلاهن نی. سوغکوه، توهن نق تنحوق کسیاغ بلس
کا سموا فوق کیت. 76
- چهیا توهن نق تورون ماری کا فواق کیت، سروف
متھاری ناء یک فاگی، بري چره کا اورغ هق دوق دالم
کلف، سمنفی کا اورغ هق دوق تاکوت دالم چله موت فون.
دیاله هق نق فیمفین کیت کی کوء جالن هق بري سلامت!
انق زکریا فون کھور ۲ بسر، فس کھور ۲ اد کواس دالم هاتی.
فس، نی کی دوق دالم لاء و فاسیر هیغگ سمنفی ماس نی کنا
تنحوق دیری رافن اورغ رامی. 77
- 80

باب 2

عيسى برانق دكمفوغ بيت لاحيم

- 1 ماس تو، قائيصر اكستس جاري مهاراج بسر اتس سموا نگري هق دوق دالم فرينته روم . دي بوات اووندغ ۲ ني کات :
- سموا نگري هق دوق دالم فرينته مهاراج روم
- کتا ماسوق نام رعيت ۲ دي دالم سورت کبون دافور.
- 2 جاري تاهون هق کراجاءن روم مولا ۲ سوروه رعيت ۲ ماسوق نام بالس تو. فد ماس تو، کرينيوس جاري منtri روم هق مرينته دالم نگري سيريا .
- 3 سموا رعيت ۲ فون کتا کي ماسوق نام دتمفت اصل توء نينيق دي.
- 4 يوسف هق جاري تونغ مريم سائني فون، کتا کي جوگ، امبيق دكمفوغ نصرا، دچغواو گاليل، کي سمنفي کا کوت راج راءود، توء نينيق دي، نام دكمفوغ بيت لاحيم ، دچغواو يهوديه.
- 5 دي کي ماسوق نام سکالي دفن تونغ دي سيتی مريم . ماس تو، مريم تغه دوق مغندوغ .
- 6 تکه دي برهنتي بوبوه نام دكمفوغ بيت لاحيم تو، مريم سمنفي بولن . دي فون برانق دسيتو، بوليه انق جنتن هق سولوغ
- 7 فس دي بدوع انق کي لتق دي دالم دتمفت بکس ماکن رمفوت لمبو، کران دتمفت نق سیوا تاءاد ده دسيتو.

فواق فيرا بيریغ ۲ دغر خبر حال عيسى

- 8 تکه تو، اد سفواق اورغ فيرا بيریغ، دفارغ ۲ دكت دكمفوغ بيت لاحيم تو. دي دوق جاگ کاون ۲ بيریغ هق دي، فد وقت تو تغه مالم .
- 9 تيما ۲ ، دي نمفق ملائكة تورون دفن چهريا کمليان توهن دوق چره چراج دتمفت دي. دي فون تركجوت ساعت .
- 10 تافي ملائكة کات کا دي: جاغن مو تاكوتله! سبب اکو ماري

- رویت خبر هق باهیک کف دو، نق بري سموا اورغ اسرائیل
سوگ هاتی سوغلگوه. کران فد مالم نی، دالم کمفوغ راءود، اد
بودق هق بارو برانق. ری نق بري فواق دو سلامت، دیاله
المسيح، ربی مو!
- مو بولیه کل ری دفن تندا نی، ملاعیکه کات، بیلا مو تم
دفن بودق هق دوق یدوغ، تیدور دالم تمفت بکس ماکن
رمفوت لمبو، جیلا ری!
- تیبا ۲ اورغ فیرا ییریغ تو نمفق ملاعیکه کهور باپ لانی، فواق ۲
هق تورون دشراگ ماری برهیمغون دسیتو بلاک. سموا تو
دوق فوجی توهن کات:
- فوجیله کا توهن بیع مهاملیا، داتس شرگ هق
تیغکی سکالی! مائنسی دنیا فون نق تریما
سلامت جوگ، کران توهن کاسیه کا ری!
- بیلا فواق ملاعیکه تو ناهیک کلیق کا شرگ ده، فواق فیرا ییریغ
سائني، دوق کیچیق سام سندیری کات: باهیک کیت کی کابیت
لاحیم سلالو، نق تیغوق فرکارا هق توهن سوروه ملاعیکه ماری
رویت کا فواق کیت نی!
- فواق ری فون فاکت ۲ کی برلومبا ۲ کا بیت لاحیم، فس تم دفن
مریم دوق دوا یوسف سکالی دفن بودق کچیک تو، دوق
تیدور دالم کایین بدوغ، دالم تمفت بکس ماکن رمفوت لمبو.
- بیلا تیغوق ده سموا نی، فواق فیرا ییریغ فون رویت فرکتائن ۲
هق ملاعیکه رویت کا ری رولو چارا حال بودق نی.
- سموا اورغ فون براس حیران بغر چربیتا اورغ فیرا ییریغ سائني.
- مریم فون دوق ایشت تاروه دالم هاتی، هق جاری اتس ری.
- فس دوق فیکیر اف معنا سموا نی.
- لفس تو، فواق فیرا ییریغ ۲ سائني، فالیغ کلیق کا تمفت ری.
تغه ۲ ری برجالن کلیق تو، ری دوق فوجی کمليان توهن،

رغن کران سموا فرکارا هق فواق نی بولیه دغر ، بولیه تیغوقوک ،
فدا ماس تو. سموا فرکارا نی فون جاري سروف ملائکة رویت
بلاك .

عيسى برسونت عمور لافن هاري

لفس فد تو چوکوف لافن هاري ، سمنی کا هاري کا برسونت
بودق تو. فد هاري تو ، نی لتق نام عيسى اتس بودق تو ،
یاءیت نام هق ملائکة رویت کا مریم ، بلوم نی لکت فروت
لاگی .

نی باواء انق نی مفهاف توهن

بیلا سمنی ده ماس هق ایبو بارو برانق بولیه کیرا کات
چوچی ، توروت حکوم دالم تورات نبی موسی ، یوسف رغن مریم
فون باواء عیسی کی کا بیت المقدس رجروسلیم ، انتوق باواء
نی مفهاف توهن ، نق توروت حکوم توهن هق کات :

انق سولوغ هق جنتن ، تیف ۲ اورغ کا کی سره کات توهن .

لفس تو ، نی بري بوروغ بوات قربان ، توروت حکوم توهن ،
یاءیت بوروغ مرفاتی سکو ، اتوا بوروغ برکوکور دوا ایکور هق
مودا .

فدا ماس تو ، اد سئورغ نام صیمیون دوق دکوت جروسلیم .
نی اورغ هاتی بتول هق طاعة کا توهن سوغلکوہ ، فس نی دوق
ننتی ماس هق توهن نق بري اورغ اسرائیل نی سلامت . اورغ
نی ، روح توهن تورون کا نی بري نی تاهو کات ، بلوم فد نی
ماتی ، نی بولیه تیغوق المسيح هق توهن جنجی نق هنتر تو .

فدا هاري تو فون ، روح توهن فیمین صیمیون کی کا بیت
المقدس ، فس بیلا ایبو باف عیسی باواء نی ماسوق ، نق بوات

- هق توهن سوروه تو، یتولن دغۇن صىميمۇن سائنى .
صىميمۇن فون امبىق بودق تو فوندۇغۇ، فس دى اوچقى تىرىما
كاسىيە كا توهن كات : 28
- يا توهن، ربى كى! هق توهن جنجىي تو جانىي دە!
لا نى توهن بولىيە برى اکو لفس كى دغۇن ھاتىي سىنخ ،
كىران مات اکو كلىيە دە، بى هق توهن ھنتر مارى ،
نق برى كىت سلامت . لام دە، توهن سودە سىف 29
جالن نق ھنتر دى مارى ، فس توهن سودە روېت
دۇلۇ، برى اورۇ سىمۇ بىغسا تاھو كات، دىالە سىرۇف
چەمپىا، هق برى سىمۇ بىغسا تو بولىيە نەمۇق جالن
سلامت هق توهن ! فس دى نق برى بىغسا اسرائىل
كىت جانىي ملىا سوغۇڭوھ ! 30
ايپۇ باف بورق تو حىيران دغۇر هق صىميمۇن كات سائنى چارا
حال انق دى . 31
لفس تو، صىميمۇن مىنتا ئوهن برى سلامت اتس دى كدوا تو،
فس دى كات كا مريم ، مۇ عىسى تو: انق مونىي، توهن سودە
فيلىيە انتوق بىغسا اسرائىل كىت . كىران دىالە، باپق اورۇ نق
بناس ، فس باپق اورۇ لاكىي نق بولىيە سلامت . انق مونىي
جانىي تىندا درفدى توهن، تاۋىي باپق اورۇ نق لاون دغۇن دى
جوڭ، برى تاھو فيكىران دالىم ھاتىي فواق تو . 32
فس ھاتىي مو سىندىرىي ، مريم ، نق براس دوك چىيتا ، سىرۇف كنا
تىكىم دغۇن كىريس، دغۇن كىران انق مو نى ! 33
فس اد سئۇرغۇ لاكىي، اورۇ بىتىينا نام حنە انق فنۋئىل ، كىتۈرونن
اشەھور، هق بىياس تىرىما خىبر درفدى توهن جوڭ . عمرۇ دى
باپق دە. دى دوق دغۇن لاكىي توجوھ تاھون، لفس تو دوق
بوجۇغۇ، ھېيغى سەمەيى عمرۇ لافن فولوھ امفەت تاھون دە. دى
تە ئىتەگەل بىت المقدىس سەممۇر . 34

- 37 ری دوق بوات عمل دسیتو، سیاغ مالم، فس دی راجین فواس
رغن مینتا، دعا کاتیق. تکه تو جوگ، حنه ماری تمو رغن
عیسی، فس حنه فون اوچف تربیما کاسیه کا توهن جوگ.
لفس تو، دی کی رویت چارا حال عیسی کا اورغ دکوت جروسلیم
38 تو، هق دوق هارف کات توهن نق تورون سلامت کا بفسا دی.

عیسی کلیق کا کمفوغ نصرة

- 39 بیلا ایبو باف عیسی بوات ده، سموا فرکارا هق حکوم توهن
سوروه تو، دی برجالن کلیق کا نکری کالیل، کا کمفوغ دی نصرة.
40 عیسی دوق سیتو هیفگ سمفی بسر. توبوہ دی فون کاکه،
اوتق دی فون کھمور ۲ فندی ییکیر، فس رحمة توهن دوق اتس
دی.

عیسی کی کا بیت المقدس عمر دوا بلس تاهون

- 41 هاری رای فسخر هق اورغ یهوری، گنف ۲ تاهون، ایبو باف
عیسی کی زیاره کوت جروسلیم توروت عاده اورغ یهوری.
42 بیلا عیسی سمفی عمر دوا بلس تاهون دی فون کی سکالی دغن
ایبو باف دی.

- 43 هابیس ده کرج هاری رای تو، فواق دی فالیغ کلیق کارومه فول
تافي عیسی دوق برہنتی دکوت جروسلیم لاکی . ایبو باف دی
فون تاء تاهو. دی کامق کات انق دی دوق دالم فواق هق
کلیق سکالی .

- 44 دی برجالن کی سهاری ده، بارو چاری عیسی دالم فواق ادیق
برادیق، سائین ۲ دی. بیلا تاء تمو، ایبو باف دی فالیغ کی
سمولا ، چاری عیسی دکوت جروسلیم . دی دوق چاری سمفی
45 تیگ هاری ، بارو تمو دغن عیسی ، دوق دالم بیت المقدس،
46 سکالی دغن فواق کورو بسر. عیسی دوق سوئال جواب کی ماری

- دغن کورو ۲ تو . سموا اورغ هق دغر براس حیران ، سبب عیسی 47
 فندي جواب سوئالن هق فایه ۲ تو .
 ایبو باف دی فون حیران جوگ ، بیلا نمفق عیسی دوق دستیتو 48
 تو ، نفس مریم تاث عیسی کات : با اف ، انق بوات کا مق فق
 بالس نی ؟ اکو کدوا سوسه هابیس ۲ چیکف ، دوق چاری مو ! 49
 عیسی جواب کات : با اف مق دوق چاری کو لاءین ؟ مق تا تاهو
 که ، امب کنا دوق سینی ، دالم رومه باف کو ؟
 بالیق ایبو باف ، دی تاء فهم مقصود هق عیسی کات تو . 50
 لفس فد تو ، عیسی کلیق دغن ایبو باف دی کی کامفوغ نصرة ، 51
 دودوق دالم فرینته ایبو باف سعمور . مق دی فون ایفت تاروه
 سموا کجادین نی دالم هاتی .
 عیسی فون کهور ۲ بسر ، کهور ۲ برعقل سعمور . سموا اورغ 52
 برکن کا دی ، فس توهن فون برکن جوگ .

باب 3 نبی یحیا توبیت ماری دغن روکون مندی بفتیزما

- ف د ماس تو ، مهاراج روم نام تبیریوس دوق میرینته سموا 1
 نگری دی لیم بلس تاهون ده . اورغ روم نام فونتیوس فیلاتوس
 جاری منتری روم دالم نگری یهودیه . هیروود جانی راج د نگری
 کالیل ، فس فیلیف ، ادیق هیروود فون ، جانی راج دوا نگری
 هق کچیک ، ایتوریا دغن تراخونیتیس . فس سئوغ لانکی نام
 لوسانیوس ، جاری راج د نگری ابیلین فول .
 امام بسر هق سموا نگری ۲ اورغ یهودی نی اد دوا اورغ ، نام دی 2
 حتّاس دغن قیافس . سمفی ده ماس ، توهن نق تورون خبر
 دی بری کا یحیا ، انق زکریا ، تکه زکریا ، دوق دالم لاءوت فاسیر .
 بیلا یحیا تریما ده خبر درف دتهن ، دی توبیت کی سرو خبر 3
 تو ، دسموا کلیواسن دتفی سوگی یردن ، کات : مو کنا توبتلہ ،
 تریما روکون مندی بفتیزما انتوق نق بری توهن امfon دوسا مو !

اد رویت دالم کتاب نبی یعشیا ماس دلو، چارا حال یحیا نی.
ایات تو کات:

بوهی سوارا درس دالم لاء و فاسیر کات: هی فوائق سموا!
سیمفنه جالن انتوق ربی. فوتوغ بربی بتول جالن نی نق
لالو. تمفت رنده کتا تمبوغ، تمفت بغکول کنا فرات تورون،
تمفت لیغکن کا فوتوغ بربی بتول،
تمفت برلوبغ فون کنا کمبوس بربی سام رات، فس سموا مائنسی
نق بولیه مليهت بالس مان توهن نق بربی سلامت!

باپ اورغ توبیت ماری کا تمفت یحیا، نق تریما روکون مندی
درفرد ربی. فرکتائن یحیا کا اورغ رامی بالس نی:
هی فواق مو سروف اولر بیسا! سیاف ربی رویت بربی مو سغک
کات، مو بولیه لفس درفرد مرک توهن، هق دکت نق جاتوه اتس
ماهنسی؟

مو کنا بائیکی کلاکوان مو هق جاهت، بربی بولیه اورغ نمفق،
بواه مولیق، باروله تاهو کات مو سسل سوگکوه کران دوسا
مو. جاغن مو سغک کات: بلرله، کیت نی جاري انق چوچو
نبی ابراهیم مولیق ده! مو بغرله! توهن اد کواس بولیه بوات
باتو نی جاري انق چوچو نبی ابراهیم کنستی مو!

ایغتله، یحیا کات، سمنی ده ماس، هق توان کبون نق امبیق
کافک کی تبع فوهون کایو هق توبیت بواه تاء ترافاکی، نق
تاهوق بوات کایو افی ساج. مو فیکیر له!
اورغ رامی هق دوق بغر تو، تاث یحیا کات: کالو بالس تو کیت
نق بوات لاکو مان؟

یحیا جواب کات: سیاف دالم فواق مو اد کائین باجو دوا لاءی
ربی کنا بربی کا اورغ تاء اد سلاعی، فس سیاف اد مکانن چوکوف
ربی کنا بربی کا اورغ تاء چوکوف.

فس دالم فواق ٢ هق ماري تريما روكون مندي تو، اد اورغ كرج تا^ء
موليق ، هق كوتيف حاصلن انتوق كراجاءن . فواق نبي تانش يحيا
كات: هي توان كورو! فواق كيت كرج كوتيف حاصلن نبي، كا
بوات بالس مان؟

12

يحييا فسن کا نبي: جاغن مو امبيق لبيه فد هق كراجاءن سوروه!
فس اد سفواق سلدارو ماري تانش يحييا جوگ: کيت هق جاني
سلدارو نبي، کا کرج بالس مان؟ يحييا فسن کا نبي: جاغن
مو اوسيق اورغ ، اتوا مغادرو بوکو بوهوج. مو کا ماکن کاجي
سلدارو ساج .

13

فد ماس تو، سموا اورغ دوق کامق ٢ کات: بعکالي يحييا نيله ،
ال المسيح هق توهن نق هنتر ماري تو؟

14

فس يحييا رویت لاکو نبي: اکو بوليه بري مو تريما روكون مندي
رغن اير ساج . تافي اد سئورغ لاکي، هق ماري کديان فد اکو.
يي فريېكت تيڠكىي فد اکو لاکي . کالو بندىغ، اکو نبي تاءغان
جارىي همب چابوت کاسوت يي فون . بيللا رى ماري ده، يي
نق بري تريما هق موليق فد روكون تو لاکي ، يائىت نق تورون
روح توهن رغن افي اتس مو.

15

يي هق ماري کديان فد اکو نبي، نق ماري ميسيل سروف رغن
پورق دالم تاغن يي، نق بري سوكو فاري رغن رومن . فادي
هق موليق يي نق تاروه دالم رومه فاري . تافي هق رومن تو،
يي نق باکر رغن افي هق دوق مپالا سعمور هابيس ليچين!
فسن يحييا کا اورغ رامي اد باپق فركارا لاکي . بالس توله خبر
هق توهن بري رى سرو کا سموا اورغ تو.

16

عيسى ماري نق تريما روكون مندي بفتىزما

22- لفس اورغ تريما روكون هابيس ده، بارو عيسى ماري تريما
فول . بيللا سوده ده، يي دوق برععا سبنتر . فس لاغيت تريوك

18

برى روح توهن تورون اتس عيسى، نمفق سروف بوروغ مرفاتي.
فس اد سوارا درى لاغيت بوبي لاڭو نى :
موله انق كۇ، هق اکو كاسىه.
اکو بىرگەن كەد مۇ!

لفس تو، يحىا رویت جوڭ كا اورغ رامى كات، راج هيرود بولت
سالله عادة، دەن امبىق بىنىي ادىق، بوات بىنىي دى. فس اد
باپق فرکارا لاڭى هق جاھت. ساپىت تو، هيرود بوات هق
تروق لاڭى، دەن اىكت يحىا بوه دالم گوق.

بىلاغان توء نىنېق عيسى المسيح

27-23 فد ماس عيسى مولا ۲ توبىت سرو خىرى دى، عمر دى لبىه
كۈرغ تىڭ فولوه تاھون. فد فيكىران اورغ دى جارى انق يوسف.
يوسف جارى انق حىلى، هق جارى انق متات، هق جارى انق
لىوي، هق جارى انق ملخى، هق جارى انق يئاي، هق جارى
انق يوسف، هق جارى انق متابىاس، هق جارى انق اموص،
هق جارى انق ناخوم، هق جارى انق حسلى، هق جارى انق
نڭاي هق جارى انق معبات، هق جارى انق متابىاس، هق
جارى انق صىمعىن، هق جارى انق يوسيخ، هق جارى انق
يورا، هق جارى انق يحانن، هق جارى انق ريسا، هق
جارى انق زروباپيل تو.

31-28 زروباپيل تو جارى انق شىاللىتىعىل، هق جارى انق نىرى،
هق جارى انق ملخى، هق جارى انق آتى، هق جارى انق
كوسى، هق جارى انق المادم، هق جارى انق حىر، هق جارى
انق يوشوا، هق جارى انق عليا صر، هق جارى انق جورىم،
هق جارى انق متات، هق جارى انق لىوي، هق جارى انق
صىميون، هق جارى انق يەورا، هق جارى انق يوسف هق
جارى انق يونم، هق جارى انق عليا كيم، هق جارى انق

میلیا، هق جاری انق مینا، هق جاری انق متاتا، هق جاری
انق نتّان ، هق جاری انق راج راءود تو.
34- راج راءود تو جاری اتق جسّی، هق جاری انق عوبید هق
جاری انق بواسن، هق جاری انق سلمون، هق جاری انق
نهشون، هق جاری انق امینادب، هق جاری انق ادمین هق
جاری انق ارنی، هق جاری انق حیصرون، هق جاری انق فیریص
هق جاری انق یهودا، هق جاری انق یعقوب، هق جاری انق
اسحاق، هق جاری انق نبی ابراهیم تو.

35- ابراهیم تو جاری انق تیراح، هق جاری انق ناحور، هق
جاری انق سیروخ، هق جاری انق ریهمو، هق جاری انق فیلیگ،
هق جاری انق عیبیر، هق جاری انق سیلاح، هق جاری انق
کائین، هق جاری انق ارفقادار، هق جاری انق شیم، هق
جاری انق نبی نوح، هق جاری انق لامیخ، هق جاری انق
متولساح، هق جاری انق حینوخ، هق جاری انق یارید، هق
جاری انق مهالالیل، هق جاری انق کائین، هق جاری انق
عینوش ، هق جاری انق سیث، هق جاری انق توام، فس
ری فون جاری انق توهن.

هیبلیس ماری چوب عیسی دفارغ فاسیر

باب 4

- 1 بیلا عیسی فالیغ کلیق دسوغی یردن تو، روح توهن دوق
ادر اتس نی، دغن کواس فنوه. فس روح تو فیمفین نی کی کا
فارغ فاسیر.
- 2 دسیتوله، کفلا هیبلیس ماری چوب نی، هیبغ سمنی امفت
فولوه هاری، تکه تو، عیسی دوق تامکن اف سکارا .
لفس تو ، ری لافر سوغکوه.
- 3 هیبلیس فون کات کا عیسی: کالو مو جاری انق توهن سوغکوه،
بواتله باتو ۲ نی، بری جاری مکانن انتوق مو!

عيسى جواب کات: اد ایات دالم کتاب توهن هق کات:

بوکن رغن مکانن ساج ، ما ئىسى بوليه هيدوف.

فس، هيبليس باواء عيسى نائىك کا تمفت تيڭى، بري دى نمفق سموا نگرى دالم دنيا ، سکالىي رغن راج ۲ دى.

هيبليس کات کا عيسى: سموا کواس رغن سموا ککايائن هق نمفق تو، اکو نق بري کفڈ مو جوڭ، سبب اکو تريما ده فرينته اتس سموا نى، هيبليس کات، فس اکو بوليه بري کا سياف ۲ فون ، ايكوت سوڭ كوبسابيت توله، اکو نق بري کفڈ مو بلاك، كالو مو سجور حرمه کا اکو!

تافي عيسى جواب کات: کتاب توهن رویت کات:

مو کا سمبە کفڈ ربىي ، توهن مو ، فس کا جاري
ھمب دى ساج .

لفس تو فول ، هيبليس باواء عيسى كى کا کوت جروسليم ، لتق دى اتس فرابوغ بيت المقدس ، فس کات کا دى:
کالو مو جاري انق توهن سوغىكوه ، مو ترجونله کا تانه . کران اد ایات دالم کتاب هق کات:

توهن نق سوروه ملايىكە ۲ دى جاڭ ديرى مو بري موليق.

فس اد جوڭ ، ایات هق کات:

فواق ۲ تو نق هولور تاغن ننتى سمبوت مو ، تاء سىير
برى كاكيمو تمفوھ رغن باتو هق دوق اتس تانه.

عيسى فون جواب کا هيبليس فول : اد ایات سا لاگى هق کات:

جاڭن مو سونىي ربىي ، توهن مو !

بيلا هيبليس سوره چوب عيسى هابىس ۲ چىكى ده ، دى فون

هوندور کی درف د عیسی سلالو، ننتی ماس لاءین فول.

عیسی مولا توپیت کی سرو خبر دی

لفس فد تو ، عیسی برجالن کلیق کا چھوار گالیل . تکه تو روح توهن دوق اتس رسن کواس بسر ، سہیغک نام دی مشهور کی کا سموا تمفت دالم چھوار تو .
14 فد ماس تو ، دی کی برشح دمسجید اور غ یهودی ، فس سموا اور غ فوجی کا دی .
15

اور غ نصرة تا سیر تریما عیسی

بیلا سمفی کا کمفوغ نصرة ، تمفت اصل دی ، عیسی کی کا مسجد اور غ یهودی هاری میغکو ، سروف سعمور ، فس دی برداری نق باچ کتاب بربی سموا اور غ نغر .
16

اور غ ہولور کا دی کتاب نبی یعشیا ، ھق دوق ترسورت دالم کولوغ . عیسی فون بوک کولوغ تو ، ھیغک تمو ایات ھق کات:

روح توهن دوق اتس کو . دی چوچور ده کواس دی تورون اتس کو نق بربی اکو بولیه کی سرو خبر بائیک کا اور غ ھق تا ادار . دی سوروہ اکو کی رویت کا اور غ ھق دوق دالم فرغک ، کات دی نق بولیه توپیت لفس . دی سوروہ اکو کی کا اور غ مات بوت ، بربی دی بولیه نمفق کلیق ، فس اور غ ھق کنا بوات پاش فون ، اکو نق بربی لفس جوگ .
18

فس اکو کا کی کوسنر رات کات ، سمفی ده فریاغ ھق توهن نق بربی سلامت کا فوق ھق جاری میلیق دی .
19

20 عیسی باچ سکت نی ، فس دی کولوغ کلیق کتاب بربی کا اور غ

- جايگ کتاب ۲ تو. لفس تو، نی دودوق. سموا اورغ دالم
مسجدید فون، دوق فاکت تیغوق کا ری بلاک.
- فس عیسی مولاے ی معاجر کات: فد هاری نی جوگ، توهن بري
سمفی سموا فرکارا دالم ایات ۲ هق امب باچ سائی!
- سموا اورغ هق دوق دغر عیسی هاری تو، براس لکت دهاتی
فس ری حیران کران عیسی فندی برشح بالس تو. نی
کیچیق سام سندیری کات: ایه! نی انق یوسف دق که؟
- فس، عیسو کات کا ری: تنتو مو نق کات کا اکو سروف ففاته
اورغ توا ۲، کات: بومور کنا بري سیار اورغ درومه نی سندیری
دولو! سبب مو نق سوروہ اکو بوات فرکارا فلیق دسینی،
کمفوغ اصل کو، سروف مو دغر ده هق بوات د کفرناحوم.
- رغله هق اکو نق رویت، عیسی کات، تا ۶ اد سورغ هابوق،
نبی، هق اورغ کمفوغ ری سندیری نق حرمه!
- سسوغنوهث، نبی الیاس دولو جاري بالس تو. اد باپق اورغ
بتینا کنا دوق بوجع تا ۶ اد نق ماکن دنگری اسرائیل ماس تو،
سبب جاري کماراو بسر تیگ تاهون لبیه ده.
- تافی توهن تا ۷ سوروہ الیاس کی تولوغ فواد ۲ نی. نی سوروہ
کی تولوغ اورغ بتینا دوق بوجع تا ۸ اد نق ماکن، سورغ ساج،
فس نی اورغ بحسا لاین، هق دوق درسافت، دنگری صیدون.
بالس تو جوگ، عیسی کات، اد باپق اورغ فیاکت بادم دنگری
اسرائیل، تکه نبی الیاس دوق تو، تافی نبی الیاس تا ۹ بري
سیار سورغ هابوق دالم فواد اسرائیل تو. ری بري سیار
نعامون، اورغ نگری سیریا تو، سورغ ساج!
- سموا اورغ دالم مسجدید، بیلا ری دغر فرکتائن عیسو سا ۱۰ نی
تو، نائیک موريه بلاک، فس فاکت باعون کاروہ ۲ هیریت
عیسی توبیت دالم مسجدید، باوا کی نائیک کا فونچق بوکیت،
تمفت بندر ری. توجوان نی نق تولق عیسی بري جاتوه توبیر

30 بوکیت، ماتی . تافي عیسو بولیه لفس دیری دغن مپلیت دالم اورغ رامی، کی کوء لاءین .

هنتو شیطان کا ایکوت فرینته عیسو

31 لفس تو، عیسی کی کا کفرنا حوم ، ساتو کمفوغ د چغواد کالیل.
ی کی معاجر اورغ دالم مسجدید هاری میغکو .

32 سموا اورغ فون حیران دغن فعاجران عیسی ، سبب دی معاجر موگ اورغ کواں بسر .

33 اد ساتو اورغ دوق دالم مسجدید ، هق ماسوق هنتو .
34 دی برجیت سوارا درس کات : هي عیسی ، اورغ نصرة ! مو ماری باف ، تمفت اکو؟ مو ماری نق خيانة فوق اکو که؟ اکو تاهو مو جاري سیاف ! مو جاري فسوروه هق توهن لتق انتوق بوات کرج دی !

35 عیسی فون لارغ هنتو کات : سیپله ! مو توبیتلہ دالم توبوہ اورغ نی ! هنتو فون بوات بڑی اورغ تو ربہ تورون دافن اورغ

رامی . لفس تو ، توبیت کی ، تا لیه بوات خيانة کا اورغ تو لاکی .
36 سموا اورغ فاکت ترکاگیت ، فس برکیچیق سام سندیری کات :

بالس مان عیسو بولیه کیچیق لاکو تو ، بڑی هنتو شیطان توبیت؟ دی اد کواں بسر سوگکوہ ، بولیه هنتو توروت فرینته دی ! لفس تو ، خبر چارا حال عیسی مشہور کی سرات چغواد تو .

عیسی بڑی سیار باپق اورغ

38 بیلا عیسو توبیت د مسجدید سائی ، دی کی ماسوق دالم رومہ صیمون . توء منتووا صیمون فون دوق تروق ، دم فانس ، فس اورغ مینتاً تولوغ دغن عیسی .

39 عیسی فون کی بردیری دکت اورغ ساکیت ، فس ، سوروہ دم هیلخ . دم فون هیلخ ، توء منتووا فون باگون سلالو کی امبیق مکان

بری کا فواق عیسیو تو.

40 لفس متھاری جاتوہ، اورغ هق اد سائین ۲ ادیق برادیق کا
پاکیت باپق فرکارا، فاکت باواءِ ماری کا عیسیٰ۔ عیسیٰ فون
جامہ گنف ۲ اورغ، بری سیار بلاک۔

41 باپق اورغ هق ماسوق هنتو فون، عیسیٰ ہمبت توبیت جوگ۔
فواق هنتو ۲ تو برجریت، بلٹ ۲ کات: مو له انق توهن!
عیسیٰ فون لارغ هنتو ۲ تو، تا^۹ سیر بری رویت کا سیاف، سبب
فواق هنتو تو تاھو کات عیسیٰ دیالہ المسیح، هق توهن
ھنتر ماری۔

42 فاکی لاکی، عیسیٰ توبیت سئورغ، کی دوق د تمفٹ سوپی۔
لفس تو، باپق اورغ توبیت کی چاری ری۔ بیلا تموده، نی
مینتا، عیسیٰ بزھنتی تمفٹ ری دلو، جاغن کی کا لاءِ لانکی۔
43 تافی عیسیٰ کات: تا^۹ لیه له! اکو کنا کی رویت کا سموا تمفٹ
کات سمفی ده ماس، هق توهن نق امبیق فرینته دالم ھاتی
ما^۹ نسی! انتوق کرج اینیلہ، توهن ھنتر اکو ماری۔

44 لفس تو، عیسیٰ کی رویت خبر دی دمسجید اورغ یہوی
سرات چھواد یہودیہ تو۔

باب 5 عیسیٰ کی تمو مرید ۲ نی هق مولا ۲ سکالی

bab 5

1 فد ساتو ھاری، عیسیٰ دوق برشح دتفی لاءُوت گنساریت.
اورغ رامی دوق لیٹکوٹ عیسیٰ برسق ترق، نق دغرا خبر
درفرد توهن۔

2 عیسیٰ فون نمفق دوا بوہ فراہو، دوق برھنتی دتفی لاءُوت.
توان نی دوق باسوہ فوکت دفتی۔

3 فس عیسیٰ نائیک دالم فراہو هق اورغ نام صیمون، سوروہ ری
تولق فراہو توبیت سیکیت۔ عیسیٰ فون دوق برشح دالم
فراہو تو، بری سموا اورغ دفتی دغرا۔

- 4 بیلا سوده برشح ده، عیسی سوروه کا صیمون کات: باواه فراهو
کی لابوه فوکت کا تمفت دالم سیکیت!
- 5 تافی صیمون جواب کات: توان گورو، فوق امب کرج بر تاریق
فوکت سملامن ده، تا^۱لیه سئیکور هابوق! تافی بولیه کی لابوه
سکالی لکی ایکوت هق توان سوروه نی.
- 6 فوق صیمون فون کی لابوه فوکت، سروف عیسی سوروه، فس
بولیه ایکن باپق ساعت، هیچگ سمفی فوکت نق چاریق.
- 7 سابیت تو، ری فغکیل اوچ ری دالم فراهو سبواه لکی، ماری
تولوغ. کدوا فراهو فون موات ایکن هیچگ فراهو سارت، دکت
نق سلم.
- 8 بیلا صیمون فیتروس تیغوق کجادین نی، ری سجود دافن عیسی،
فس کات: مینتا^۲ توانکو تیغکل امب، کران امب اورغ بردوسا!
- 9 صیمون کات بالس تو، سبب ری حیران ساعت اتس کجادین
بولیه ایکن باپق سروف تو. اوچ ۲ دالم فراهو صیمون سائی،
سکالی دعن دوا اورغ هق کوشی ری، دالم سبواه فراهو لکی،
براس حیران جوگ.
- 10 دوا اورغ تو، نام یعقوب دعن ادیق ری یحیا. ری کدوا انق
زبدی. لفس تو، عیسو کات کا صیمون، توان فراهو سائی:
مو تاء^۳ سه بیمبلغه، صیمون! لفس فد نی، مو نق کرج چاری
اورغ، کنتی چاری ایکن!
- 11 بیلا باواه فراهو کلیق سمفی کا دارت ده، فوق تو تیغکل
سرب سربی هق ری، توروت عیسی کی.

عیسی بری فیکیت بادم هیله

- 12 تکه عیسی دوق برہنتی دساتو کمفوغ، ری برتمو دعن
اورغ فیکیت بادم، بعسا هق ملارت هابیس سبوتیر تویوه.
اورغ نی، بیلا ری نمفق عیسی، سجود کا کاکی ری، فس مینتا^۴

- تولوغ دغۇن عىسى كات: يَا توان ، كالو توان براس كسىياغ بلس
كا امب، توان اد كواس برى توبوه امب سيار ليچىن ھابىس!
عىسى ھولور تاغن جامە توبوه نى كات: تنتو اكى كەندق
نق تولوغ مو. جانى چوچىلە توبوه مو! فپاكيت نى فون
ليچىن سلالو. فس عىسى فسن كا نى كات:
مو جاغن روپىت كا سىياف، كجارىن نى دىه! تافي مو گىلە سلالو،
كا تەمفت امام، برى رى فيقىست توبوه مو. لفس تو گى سىبە
قىريان، سروف ھق نېي موسى سوروھ، جانى تىدا كا سموا اورغ
كات فپاكيت مو سيار چوچى دە.
- تافي ، لفس فد تو، خېر چارا حال عىسى كەھور مشھور كى لەكى،
فس اورغ مارى چارى عىسى كەھور ۲ رامى فد دولو. اورغ نى مارى
نق دغۇن عىسى بىرلىخ، فس نق مىنتا، برى ھيلۇ فپاكيت ۲ رى
كەتىق. كارغۇ ۲، عىسى كا ھوندور كى چارى تەمفت سوپىي فد اورغ
رامى نى، انتوق نق مۇھاھاف توھن مىنتا، دعا.

عىسى اد كواس بولىيە امفون دوسا

- فدى ساتو ھاري، تكە عىسى دوق مۇھاھاف، اد اورغ دالىم فواق
فرىسيي دغۇن كۈرۈ ۲ تورات، دوق دغۇن نى مۇھاھاف. فواق كىتۋا ۲
نى، اد ھق مارى دالىم چىغواراد كاللىل، اد ھق مارى دالىم چىغواراد
يەھودىيە، فس اد ھق مارى دكوت جىروسليم كەتىق. فد ماس تو،
كواس توھن دوق اتس عىسى، برى سموا فپاكيت سيار.
- فس، اد سفواق ھق اوسوغ اورغ تىفۇق مارى، نق چارى جالن
باوا، اورغ نى ماسوق دتمفت عىسى. تافي نق ماسوق تاڭلىيە،
كىران اورغ باپق بىدۇھە.
- رومە ھق عىسى دوق مۇھاھاف تو، اد سوتوه. فواق اوسوغ اورغ
تىفۇق تو، باوا، نېي نائىك. اتس سوتوه، چوغىكىھ بات ۲ بوات
لوبۇغ، نق ھولور اورغ تىفۇق دغۇن كىرغ فەۋسۇغ نى، تورون

- رغن لنجا سمنفي رافن عيسى دتغه ۲ اورغ رامي تو.
20 بيلاعيسى نمفق كات فواق تو فرجايي كا يي سمنفي بكتيو ،
يي فون كات كا اورغ تيفوق : هي اديق ! دوسا مو سموا اکو
امفون ده !
- بيلا دغر بالس تو ، فواق فريسي رغن گورو ۲ تورات سائني دوق
21 ميکير دالم هاتي كات : ايه ! اورغ ني جادي اف ، بوليه کيچيق
هينا کا توهن بالس ني ؟ تاءار اورغ بوليه امفون دوسا
ملينکن توهن ساج !
- تافي عيسى تاهو ده فيکيران دالم هاتي فواق تو ، فس يي کات :
22 باهاف مو فيکير دالم هاتي کات اکو تاءار کواس نق امفون
دوسا ما ؟ نسي ؟ اکو نق تان فواق مو سيکيت ديه !
- 23 هق مان موده ، نق کات : دوسا ۲ مو سوده امفون ده ، اتوا
نق کات : مو باغانله برجاله ؟
- 24 تافي ، اکو نق بري فواق مو تيفوق تندا کات ، اکو ما ؟ نسي
هق تورون دشرك ني ، اد کواس ددنيا ، بوليه امفون دوسا
ما ؟ نسي . تيفوقله ! عيسى کات . فس يي فاليلع کا اورغ تيفوق
کات : اکو سوروه مو امبيق فغوسوغ مو ، باواه کليق کا رومه !
25 اورغ تيفوق فون باخون سلالو ، رافن اورغ رامي تو ، فس امبيق
فغوسوغ يي باواه کليق کا رومه ، بلغ ۲ دوق اوچف تريما
کاسيه کا توهن .
- 26 سموا اورغ دوق ترکاگيت تيفوق کجادين ني فس تاكوت ساعت .
يي دوق فوجي کا توهن دالم فواق يي ، فس کات : هاري ني ،
كيت بوليه تيفوق فرکارا هق فليق بسر !

عيسى اجق ليوي توروت يي کي

- لفس فد تو ، عيسى توبيت کي تيمو دغن سئورغ نام ليوي
27 دوق کرج دتمفت اورغ کنا برادو باير چوکي . عيسى فون کات

کا ری: ماریله، توروت اکو کی!

- لیوی فون باغون تیغکل سموا تو، توروت عیسی کی سلالو.
لفس تو، لیوی فشکیل عیسی ماری ماکن جاموان بسر درومه
لی. اورغ ماری رامی، فس اد اورغ کرج کوتیف چوکی دوق ماکن
سکالی دغن سموا اورغ تو.
- فس، فواق فریسی دغن کورو ۲ تورات ماری مغیفیق کا مرید ۲
عیسی کات: باءاف فواق مو دوق سوگ ماکن سکالی دغن اورغ
حق کیت هینا، سروف اورغ کوتیف چوکی نی؟
- تافي عیسی جواب دغن عبارة کات: بوکن اورغ سکر حق نق
چاری بومور، نق، تافي اورغ ساکیت.
- فس، عیسی کات: اکو ماری نی، بوکن نق اجق اورغ هاتی بتول،
تافي نق اجق اورغ ساله، بربی ری فالیغ توروت اکو!

اورغ تان چارا حال فواس

- لفس فد تو، فواق فریسی ماری تان عیسی: مرید یحیا حق
بری اورغ تریما روکون مندی تو، نی دوق فواس دغن باچ رعا
سلاریه، تافي مرید ۲ توان دوق ماکن مینوم سعمور.
- عیسی فون جواب دغن عبارة نی: تکه اورغ دوق سوگ درومه
بوات فولوت، اد کارق سائین ۲ انق ترونا حق دوق فواس؟ تنتو
تاءاد! تافي نق سمهی ماس ده، اورغ نق امبيق انق ترونا تو
باواه کی کا تمفت لاءین. فد هاري تو، تنتو سائین ۲ نی نق
فواس.
- فس عیسی رویت عبارة سا لاکی کات: تاءاد سیاف حق گونتبیغ
کاءین دباجو حق بارو، نق امبيق کی تمفوغ دباجو حق بوروق.
تاءاد فاءیده. باجو بارو نق فونه، فس حق فوهو تاءفادن
نق تمفوغ دغن حق چوکوه!
- فس، عیسی کات: تاءاد سیاف حق امبيق ایر جابیت حق بارو

بوات، کی بوبوه دالم بکس کولیت هق فاکی لام، کرس ده.
 تاکوت ایر بواه جابیت تو نق بری فچه بکس کولیت، ایر تو
 نق تومفه توبیت هابیس، فس بکس فون نق فونه جوگ.
 نق! ایر هق بارو کنا بوه بکس هق بارو جوگ.
 38 فس عیسی کات: اورغ هق بیاس ماکن ایر جابیت هق لام تو،
 39 تنتو تاءسیر هق بارو، سبب ری کات: هق لام تو سیف فد
 هق بارو.

باب 6

اورغ تان چارا حال حکوم هاری میغکو

فд ساتو هاری، هاری میغکو اورغ یهودی، عیسی دوق
 برجالن اتس باتس بندغ گندوم، سکالی دغن انق مرید ری.
 فس، انق مرید ری تو گتسوں تغکی گندوم، اوفر دغن تاغن،
 نق ماکن ایسی.
 2 تکه تو فواق فریسی دوق اد سیستو، فس ری کات کافواق عیسی:
 باءاف مو دوق گتسوں گندوم، لغکر حکوم تورات کیت، هق
 لارغ تاءبری بوات کرج فد هاری میغکو?
 3 عیسی فون جواب کا ری کات: مو تاءبیاس باج که، ایات ۲
 چارا حال راج راءور؟ تکه ری دغن انق تاغن ری دوق لافر،
 4 بالس مان ری بوات؟ ری ماسوق تمفت بوات عمل، امبیق
 روتی هق اورغ سمبه ره کا توهن، ماکن، فس بری کا فواق ری
 کاتیق. تاءکیرا کات حکوم تورات لارغ، تاءبری ماکن کا
 سیاف، ملینکن کا فواق امام ۲ ساج.
 5 فس، عیسی کات، اکو ماءنسی هق تورون دشراگ نی اد کواس
 بولیه فرینته اتس هاری میغکو تو جوگ.

اورغ هق ماتی تاغن سبله

فد هاری میغکو سا لاگی، عیسی کی معاجر اورغ دالم مسجد

اورغ يهوري . فس ار جوگ اورغ دسيتو هق ماتي تاغن سبله .
فواق فريسيي رغن کورو ۲ تورات تو ، نق تودوه عيسى کات دي
بوات ساله . سا بييت تو ، دي دوق فرهاتي تيفوق بغن هالوس
هالوسى ، نق تاهو کات عيسى بوات کا دق ، بري اورغ تو هيلع
فدي هاري ميڭو .

7

تافي عيسى تاهو فيكيران دي . دي سوروه اورغ هق ماتي تاغن
سبله تو ، باعون ماري بريديري دافن سموا اورغ .

8

فس عيسى تاث سموا اورغ تو : هق مان توروت حکوم تورات
سوڭگوه ، انتوق هاري ميڭو ؟ كيت نق بوات هق موليق اتوا
نق بوات هق هودوه کا اورغ ؟ نق بري سلامت اتوا نق
بونوه اورغ ؟

9

بيلا تاث ده ، عيسى كليه توجو کا مات سموا اورغ تو ، فس دي
سوروه اورغ لمباق تاغن تو کات : مو هولورله تاغن مو كوه
ني ! اورغ تو فون اغكيت تاغن . بلغ ۲ دي اغكيت فون جاري سيار
سروف سديا .

10

تافي فواق دالم مسجيد تو براس گرم کا عيسى ، فس دوق
كىچيق سام سنديري ، بالس مان نق بونوه عيسى .

11

عيسى فيليه صحابة دوا بلس اورغ هق باوا^ه تيته دي

فدي ماس تو ، عيسى نائيك اتس بوكيت نق بردعا سفنجع
مالم . بيلا سمفی فاكى تو ، دي فشكيل سموا مريد ۲ دي ماري
برهيمفون ، فس دي فيليه دوا بلس اورغ دالم فواق تو ، هق
دي فشكيل صحابة هق باوا^ه تيته دي .

12

فواق هق عيسى فيليه نى ، نام صيمون هق اورغ گلر فشكيل
فيتروس ، رغن اندرراس اديق دي ، يعقوب رغن يحيا ، فيليف
رغن برтолومي ، متيوس رغن تومس ، يعقوب انق الفيوس رغن
صيمون ، سورغ دالم قوم فكع بخسا يهوي تو ، يومن انق

13

14

15

یعقوب ، دغن یوس اسکریوٹ ، اورغ هق نق درهاك کا عيسى ،
ماں دافن ۔

شراحن عيسى فد تمفت تانه رات

بیلا عيسى تورون داتس بوکیت سائني دغن صحابة دوا
بلس اورغ تو ، نی برھنتی دتمفت لواس ، تانه رات . دستیتو
مرید ۲ عیسی باپق اورغ دوق سکالی بلاک ، فس اد اورغ رامی
لاکی . اد هق ماری دچھواد یہودیه ، فس هق ماری دکوت
جروسلیم . اد هق ماری جاء وہ لاکی ، دنگی صور دغن نگری
صیدون جوگ ۔

کسموا نی ماری نق دغیر عیسی برشح ، فس نق مینتا بربی هیلخ
پاکیت ۲ دی . اورغ هق سوسمہ ماسوق هنتو فون ، عیسی بربی
هیلخ بلاک ۔

سموا اورغ تو فون دوق فیسه چاری جالن نق برتمفوہ دغن
عیسی ، سبب کواس توبیت درف دنبوہ دی ، بربی هیلخ سموا
پاکیت ۔

اورغ براونتوغ دغن اورغ سوسمہ سوغمکوہ

عیسی فون دوق تیغوق کا سموا مرید ۲ دی تو ، فس دی
برشح لاکو نی :

هي فواق مو هق تاء او سکارا ، مو براونتوغلہ سوغمکوہ !
سبب مو تریما ده فرینته توهن دالم هاتی بربی سلامت ۔

هي فواق مو هق براس لافر لاني ، مو براونتوغلہ سوغمکوہ !
سبب هاري کو دافن ، توهن نق بربی کیغ ۔

هي فواق مو هق دوق تریاق مناغیس لاني ، مو براونتوغلہ
سوغمکوہ ! سبب هاري کو دافن ، توهن نق بربی مو سوک هاتی .
فد ماس اورغ بنچی کا فواق مو ، فس همبت مو توبیت تاء بربی

- 23 ماسوق فواق دی، دغن کران مو دوق توروت اکو نی، عیسی کات،
مو فون براونتoug جوگ! فد ماس اورغ ماکی کفڈ مو، کیچیق
مشهودوھ کات مو اورغ جاھت، کران اکو، مو فون براونتoug جوگ!
بیلا جانی بالس تو، مو بولیه ملومفت دغن سوک هاتی، سبب
فرکارا تو جاری تندا کات، توهن سوده چادغ تاروھ فھلای بسر
انتوق مو دشرك. فواق هق بوات فرکارا ۲ تاء مولیق کفڈ مو تو،
توء نینیق دی فون بیاپس بوات سروف تو جوگ کانبی ۲ زمان دولو.
تافي دغله، فواق مو هق کای ده لاني، مو سوسه سوغکوھ!
سبب مو تریما بلاک ده کسناغن مو، دنیا نی!
24 فس فواق مو هق ماکن سمفون لاني، مو سوسه سوغکوھ!
25 ماس کوء رافن مو نق لافر بلاک!
هی فواق مو هق دوق سوک ۲ سنغ هاتی لاني فون، مو
سوسه سوغکوھ! سبب ماس کوء رافن، مو نق سوسه هاتی
تریاق مناگیس فول.
26 فس بیلا سموا اورغ فوجی بوھوغ کات مو مولیق فون، مو
سوسه سوغکوھ! فواق هق فوجی مو نی، توء نینیق دی بیاپس
فوجی نبی ۲ فلسو، زمان دولو، سروف تو جوگ.

کیت کنا کاسیه کا سترو ۲ کیت کاتیق

- 27 لفس تو عیسی کات لانگی: اکو رویت کا فواق مو هق
نق بغر فغاجران کو، کیت کنا کاسیه کا سترو ۲ کیت کاتیق،
یاً یت بوات باًیک کا اورغ ۲ هق بنچی کا کیت.
اورغ هق سومفه ماکی کا کیت فون، کیت کنا بالس دغن مینتا!
رعا، بري توهن تورون رحمة اتس دی.
28 کالو سیاف ماری تمغر فیفی کیت سکالی، کا صبر، ولو یی
نق تمغر سکالی لانگی فون. کالو سیاف اد کواں بولیه امبیق
باجو جوبه کیت، کیت کنا بالس دغن چابوت باجو کمیجا بري

- کا ری گاتیق ! سیاف ماری مینتا^۱ دغن کیت فون، بزیله کا ری.
کالو ری ماری امبیق بارغ^۲ کیت فون، بنرلہ، جاغن سوروہ
هنتر کلیق . 30
- معنان، کیت کا بوات کا اورغ لاءین، هق کیت برکن بڑی ری
بوات کا کیت . 31
- کران ایغتلہ ! کالو کیت کاسیہ کا اورغ هق کاسیہ کا کیت ساج،
بائاف کیت کات توهن نق تورون رحمة فیسید اتس کیت?
اورغ جاہت فون تاہو جوگ، کاسیہ ماچم نی ! 32
- فس کالو کیت بوات بائیک کا اورغ هق بوات بائیک کا کیت ساج
بائاف کیت کات توهن نق تورون رحمة اتس کیت؟ کران اورغ
جاہت تاہو جوگ، بوات بائیک ماچم نی ! 33
- فس کالو کیت بڑی فینجم کا اورغ هق هارف کات بولیہ هنتر
کلیق ساج، بائاف کیت کات توهن نق تورون رحمة اتس کیت?
اورغ جاہت فون بڑی فینجم ماچم تو، سام سندیری، دغن
تاہو کات ری نق هنتر کلیق . 34
- جاشن کیت بوات سکت تو ساج ! کیت کنا کاسیہ کا سترو^۳
گاتیق، بوات بائیک کا ری جوگ. کیت کنا بڑی فینجم کا اورغ
دغن تاء^۴ هارف نق بولیہ کلیق اف^۵، بارو کیت نق بولیہ فهلا
بسر. بارو کیت بولیہ تاہو کات کیت جاری انق توهن، هق
مهانیفگی. کران توهن بوات بائیک کا سموا اورغ، جاہت اتوا
بائیک فون، ولو فواق تو تاء^۶ ایفت کا رحمة توهن سکالی فون.
سابیت تو، ماریلہ کیت کسیاغ بلس کا سموا اورغ، ایکوت
تلدن توهن باف کیت، هق کسیاغ بلس تو. 35

کیت تریما سکت سقدر کیت بڑی کا اورغ لاءین

- جاشن مو کرت سین اتس اورغ کات سالہ سعمور. تاکوت
توهن نق کرت سین اتس مو بالس تو جوگ. کالو مو تاء^۷ حکوم 37

ساله کا اورغ سعمور، توهن فون تا' حکوم ساله کفڈ مو جوگ۔
مو کنا معاف کا اورغ هق بوات ساله کفڈ مو، فس توهن نق
امفون کسلاهن مو جوگ۔

بریلے کا اورغ لائین، فس توهن فون نق بري کفڈ مو۔ کالو مو
بری باپق کا اورغ دغن مورہ هاتی، توهن نق بري کفڈ مو باپق
لائی، هیفگ سمفی تا' اد بکس نق بوبوہ۔ تافي ایقتله! ستارا
مان مو بري کا اورغ لائین، ستارا تو جوگ، توهن نق بري کفڈ
مو۔

اورغ بوت تائلیه فیمغبن سام بوت

لفس تو عیسی رویت دغن عبارۃ کات: اورغ بوت نق فیمغین 39
اورغ بوت تائلیه۔ کالو بوات بالس تو، نق جاتوہ فاریت کدوا!
انق مرید تائلیه تیغکی فد توء کورو یی۔ تافي انق مرید هق 40
مثاجی هابیس ده، سموا هق توء کورو اجر کا یی، بیلا یی
توبیت ده، یی بولیه بوات سروف توء کورو یی۔

کسلاهن مو سندیری، کنا تیغوق دولو

فس عیسی فاکی عبارۃ سا لائی کات: با'اف مو بولیه نمفق 41
دبو سیکیت دالم مات سائین؟ تافي دالم مات مو سندیری،
ستوغلکول کایو بسر فون مو تا' کابر!
با'اف مو برانی کات کاسائین مو: هي کاون! اکو نق تولوغ 42
مو بواغ توبیت سمفہ دالم مات مو! تافي توغلکول کایو بسر تو،
دوق اد لائی دالم مات مو سندیری۔ هي اورغ بودوہ هق تیفو
دیری! با'یک مو بواغ کایو دالم مات مو سندیری دولو بري چرہ،
بارو بولیه تولوغ بواغ سمفہ دالم مات سائین مو تو۔

هاتي موليق کا توبیت بواه هق مولیق

فوهون هق سوبور، تاءً توبیت بواه هق کوفیه . فس فوهون 43
هق بوروق دالم تاءً توبیت بواه هق مولیق .

بیلا کیت کلیه بواه، کیت کل مان فوهون حی . اورغ تاءً 44
کی امبیق بواه ارا دفوهون بردویری، فس اورغ تاءً کی امبیق بواه
جابیت دالم رمفوٹ لالغ .

سروف تو جوگ، اورغ هاتي مولیق نق توبیت بارغ هق مولیق، 45
درفرد سموا بارغ مولیق هق دوق تاروه دالم هاتي . تافي اورغ
هاتي تاءً مولیق ، ری نق توبیت بارغ هق تاءً مولیق درفرد
سموا بارغ تاءً مولیق هق دوق اد دالم هاتي . اف ۲ هق دوق
فنوه دالم هاتي ماءً نسی ، مستی کا کلوار دالم کیچیفن ری .

دوا اورغ هق بوات رومه

فس عیسی فاکی عبارة سا لاکی کات: باًاف مو فشکیل اکو 46
توانکو! توانکو! تافي مو تاءً بوات توروت فرکتائن هق اکو

سوروه؟ اورغ هق ماری دغر فغا جران کو، فس بوات توروت ، ری 47
سروف دغنا اورغ نق بوات رومه . ری گالی بري دالم سهیعگ

بولیه لتق فلا فیق فون تاءً لیه، سبب توان رومه بوات بري کوکوہ . 48

تافي اورغ هق ماری دغر فغا جران کو، فس ری مالس نق بوات توروت ، ری سروف دغنا اورغ نق بوات رومه جوگ، عیسی

کات . تافي ری بوات اتس تانه سلالو ، تاءً گالی . بیلا به 49
ماری، ایر تیکم ، رومه ری فون تربالیق سلالو . فس سوسنهله،

رومہ هق تربالیق بالس تو!

باب ٧ عیسیو بري سیار بوق نا^ئي روی بفسا روم

باب ٧

- 2-1 بیلا عیسیو سوده رویت سموا فرکارا نی کا اورغ رامی ، ری کلیق کا کمفوغ کفرنا حوم فول . دسیتو اد سئورغ نا^ئي روی عسکر روم . فس اد بودق جنتن کرج درومه نی ، هق کاسیه سوغکوه . بوق تو ساکیت برت ، دکت نق ماتی .
- 3 بیلا نا^ئي روی دغز خبر چارا حال عیسیو ، نی هنتر کتوا اورغ یمهوری ، دوا تیگ امف اورغ ، کی اجق عیسیو ماری کا رومه نی ، نق بري عیسیو تولوغ . بوق تو .
- 4 فواق نی فون ماری کا تمفت عیسیو ، اجق ری دغن سوغکوه ۲ هاتی کات : سوغ فاتوت تولوغله ، نا^ئي روی نی .
- 5 سبب نی کاسیه کا اورغ بفسا کیت سوغکوه . مسجدید فون بیا بوات جوگ انتوق کیت !
- 6 عیسیو فون توبیت کی سکالی دغن فواق کتوا سائی . سمنفی دتفه جالن ، نا^ئي روی فون هنتر سائین ۲ ری نق تمو دغن عیسیو دسیتو ، فس کاتاله سروف نا^ئي روی فسن کا نی کات : توان تاء سه کادوھله کی کا رومه نا^ئي روی ! ری کات تاء سوغ فاتوت نق سوروه توان ماسوق دالم روضه نی .
- 7 فس ، ری سندیری فون براس تاءفانن ماری مینتا ، اف دغن توان نی . سابیت تو ری کات ، هق فادن ، توان کیچیق سفاته دسینی فون ، بري بوق تو سیار .
- 8 کران ، نا^ئي روی کات ، ری سندیری کا دوق باوه فرینته اورغ جوگ . فس اد جوگ ، اورغ دوق باوه فرینته نی . نی سوروه کا سئورغ سفاته . سوروه اورغ تو کی ، ری کی ، سوروه اورغ نی ماری ، نی ماری . بوق ۲ درومه فون ، بیلا نا^ئي روی سوروه بوات اف ۲ ، ری فون بوات بلاک !
- 9 بیلا عیسیو لغز هق نا^ئي روی فسن نی ، ری فون براس حیران

فالیغ کات کا اورغ رامی هق توروت بلاکن دی: سوڠگوه ، دالم
سموا اورغ اسرائیل فون ، اکو تاء بیاس تمو اورغ هق فرجای
سروف ناءِ روی نی ، هق بوکن بفسا کیت !
10 فس ، فواق تو کلیق کا رومه ناءِ روی ، تیغوق بورق تو سیار ده.

عیسو بربی هیدوف کلیق اورغ ماتی

11 لفس تو تاءِ لام ، عیسو کی کا کمفوغ نام ناءین . صحاۃ ۲
دی دفن اورغ رامی باپق اورغ ، توروت کی سکالی دفن دی .
بیلا عیسو نق ماسوق فینتو گرین ناءین تو ، پیتولن دفن اورغ
اوسموغ مایت نق کی تانم . مق اورغ ماتی اد انق سئورغ نی سلچ ،
فس دی دوق بوجع ، توء لاکی تاءِ ار . فس ، اد باپق اورغ دالم
کمفوغ تو ، هق توروت مایت کی کا قبور سکالی دفن مق دی .
بیلا عیسو تیغوق مق اورغ ماتی سائني ، دی براس کسیاع
بلس ، فس کات کا دی : جاڻن تریاقله ، کاؤان !
14 عیسو فون ماسوق رکت ، لتق تاغن اتس گرغ اورغ ماتی . اورغ
مفوسوغ فون برھنتی . فس عیسو کات کا اورغ ماتی : هي ادیق !
15 باڳونله ! اورغ ماتی فون ، باڳون مپاتق کیچیق سلالو ، فس
عیسو بربی دی کلیق کا مق دی .
16 سموا اورغ هق دوق سیپتو فون ، مفاکو کواس توهن دفن
تاکوت . دی کات : توهن بربی تیمیول ماری نبی هق کواس بسر
انتوق فواق کیت . تنتو نق بربی بفسا کیت سلامت سوڠگوه !
17 خبر کجادین نی کی سرات تمفت دالم چفوار یہودیه ، فس سمفی
کا سموا تمفت دکلیواسن نکری تو .

انق مرید نبی یحیا ماری تان عیسو

18 فد ماس تو ، انق مرید نبی یحیا کی رویت کا یحیا سموا
فرکارا هق عیسو دوق بوات تو . فس یحیا فغکیل انق مرید

- دوا اورغ ماري کا تمفت دی، نق هنتر دی کی کيچيق دغن عيسو. دی سوروه تان عيسو لاگو نی: هق توان کيت يحیا رویت کات نق ماري ماس کوء دافن، جيلا توان نی که؟ اتوا کنا ننتی هق لاءین لاکی؟ بيلال سمفی کا تمفت عيسو دی کات: توان کيت يحیا هق بري تريمما روکون تو، دی سوروه کيت ماري تان توان، کات: توان نی که، هق نق ماري ماس کوء دافن؟ اتوا کيت کا ننتی هق لاءین لاکی؟
- 20 تکه تو، عيسو دوق بري سيار باپق اورغ هق فپاکيت ماسیع ۲۰.
اورغ ماسوق هنتو، دی همبت هنتو توبیت، فس اورغ بوت باپق اورغ فون، دی بري نمفق جوگ.
- 21 سبب تو، دی جواب کا دوا اورغ هق ماري سائني، کات: مو کليق رویتلہ کا يحیا، فرکارا ۲ هق مو تیغوق هق مو رغر، دسيني، کات:
اورغ مات بوت بوليه چليق، اورغ برجالن کيچوق،
بوليه برجالن بتول، اورغ فپاکيت بادم، کولييت دی ليچين ده، اورغ تليلغا تولي بوليه دفر ده،
اورغ ۲ ماتي فون هيڊوف کليق سمولاء، فس خبر يغ باڳيك درف دوهن کي سمفی کا اورغ هق سسق!
22 سوغکوه، براونتوجله اورغ هق تاڳ سک هاتي چارا حال اکو، عيسى کات.

عيسى رویت چارا حال نبي يحیا

- 24 بيلال انق مرید يحیا سائني کليق ده، عيسى فالیغ کيچيق دغن اورغ رامي چارا حال يحیا کات: بيلال مو کي تمو دغن يحیا تکه دی دوق رفادغ فاسير دولو، مو هارف نق تمو دغن اورغ لاگو مان؟ اورغ سروف سلاءي رمفوٹ دوق سیوف داغين که، هق ليوت کوء تو، ليوت کوء نبي؟ نق! دی بوکن بالس تو.

اتوا مو هارف نق برتمو دغун اورغ هق فکاين سرب موليق كه؟
نق ! اورغ سق فاكى بالس تو، هق اد سرب سروبي، مو نق
تمو دالم استان راج، بوكن دفارغ فاسير!
رويته! عيسى كات، مو هارف نق تمو دغун اورغ لاگو مان?
تنتو سئورغ نبي، بوكن؟ ها سوغڭوه! فس، يى هق مو تمو
دسيتو، فريشكى تيغىكى فد نبي لاگى.
كران يحيا توله، اورغ هق اد سبوت دالم كتاب نبى ۲ دولو،
كات:

ايئيله فسوروه كو، كات توهن . اكو هنتر يى كى
دولو فد مو، نق سيمفن جالن انتوق مو .

فس عيسى كات: ايغىتله! تاءاد سئورغ نبي تيمبول ماري دالم
فواق ما ئنسى، هق تيغىكى فد نبي يحيا تو. تافي اورغ هق
فريشكى رنده سكالى، هق بوليه ماسوق دوق باوه فرينته توهن
لاني، يى تريما فريشكى تيغىكى فد يحيا لاگى.

نبي ماري بالس ۲ مان فون باپق اورغ تاءتريما

دالم فواق هق سوك دغۇر فشا جران عيسى، باپق اورغ هق
تاءاد علمو، دغۇن اورغ هق كرج كوتىف چوڭى. فواق نى توروت
جالن هق توهن لتقىدە، نق بىرى ما ئنسى بوليه بائيك دغۇن
نى . فس ساپىتتۇ، فواق نى توبە، تريما روکون مندى بفتىزما
دغۇن يحيا .

تافي فواق فريسى دغۇن كورۇ ۲ تورات، تاءسسىر توروت جالن
هق توهن سيف دە انتوق يى، فس يى تاءسسىر توبە تريما
روکون مندى دغۇن يحيا تو.

فس عيسى كات: اىيە ! اكىنق بندىيە دغۇن گاف، اورغ هق دوق
اد ماس لانى؟ سسوغۇھەن، يى سروف دغۇن بولۇق ۲ هق دوق

- ماين رکدي. اد ساتو فواق هق اجق فواق لاءين کات: کيت
ماين سروني نق بري سوك ۲ سروف کرج منيکاح، تافي فواق مو
تا رسير مناري! کيت پاپي لاکو ۲ بلس فول، سروف کرج اورغ
ماتي، تافي فواق مو تاء رسير ترياق!
- ني يحيا ماري فواس، دغنا تاء ماکن تاء مينوم اير بواه جابيت
سکالي، فس سموا اورغ کات: ری ماسوق هنتو، جاري کيلا!
اكو ما رسني هق تورون دشراگ ني فون، ماکن بلاک، فس سموا
اورغ کات: تيغوقله! نې ماکن لوبا! ماکن ارق فون جوگ!
تىغوقله، سائين ۲ نې اورغ هق کوتيف چوکي، دغنا اورغ هق
ترهينا سموا!
- بلرله ری کيچيق بالس تو، عيسى کات. تافي اورغ هق تريما
ده فركارا ني، بوليه نمفق کات توهن تاء بودوه. هق نې
بوات تو، موليق بلاک!

اورغ بتينا امبيق رمبوت سافوس کاكى عيسى

- اد سئورغ فريسي، اجق عيسى کي ماکن جاموان درومه رې.
عيسى فون کي کا رومه رې، فس دوق ماکن دسيتو.
- اد ساتو اورغ بتينا جاهت، دوق دالم بندر تو. بيلا نې دغر
کات عيسى دوق ماکن درومه اورغ فريسي سائني، رې امبيق
جبول ميپ واغي، هق هرگ مهل، باوا کي کا تمفت عيسى
دوق ماکن تو.
- رې ماسوق کوء بلاکع عيسى، کي دوق دکاكى رې، فس دوق
مناغيس هيڠک اير مات منيليه، بري کاكى عيسى باسه هابيس.
اورغ بتينا تو فون، امبيق رمبوت سافوس کاكى عيسى، نق
برى كريغ. فس رې دوق کوچوف کاكى عيسى بلغ ۲ چواه ميپ
واغي کاتيق اتس کاكى.
- بيلا اورغ فريسي، هق اجق عيسى کي کا رومه سائني، تيغوق

هق اورغ بتينا بوات تو، رى دوق فيكير دالم هاتي كات: ايه!
 كالو عيسى جاري نبي سوڠگوه، رى نق تاهو اورغ بتينا هق دوق
 فلنگ کاکي رى تو، اورغ بالس مان، سبب رى اورغ بتينا جاھت!
 تافي عيسى فالينگ کيچيق دغن توان رومه، کات: هي صيمون!
 اد ساتو فرکارا اکو نق رویت کفڈ مو. نق رویت گاف، توان
 گورو؟ صيمون کات.

40

عيسى فون جواب دغن عبارة کات: اد دوا اورغ براوتنغ رویت
 اورغ کاي، سئورغ ليم ريبو، سئورغ لاکي ليم راتوس. کدوا
 اورغ تو تاء ليه باير ڪلٽي بلڪ.

41

تافي اورغ کاي سائني بري لفس اوتنغ کا دوا اورغ تو، سروف.
 دالم دوا اورغ ني، هق مان نق کاسيه کا اورغ کاي لبيه?
 صيمون جواب: اورغ هق براوتنغ باپق، نمفق نق کاسيه لبيه.
 سوڠگوه، عيسى کات.

42

فس رى تنڌوچ کا اورغ بتينا کات: مو تيٺوچ کاردق، هق اورغ
 بتينا نبي دوق بوات؟ بيلا اکو سمفي نق ماسوق رومه مو، تاءار
 سياف بري اير نق باسوه کاکي، تافي اورغ بتينا نبي باسوه
 کاکي کو دغن اير مات، فس سافوس دغن ربوب رى!

43

مو تاءٌ توبيت سمبوت اکو دغن کوچوف سائني، تافي تکه اکو
 دوق سيني، اورغ بتينا نبي دوق کوچوف کاکي کو تاءٌ فوتوس ۲.
 ميپق واغي نق بوه ڪ فلا، مو تاءٌ بري سيڪيت هابوق، تافي اورغ
 بتينا نبي دوق چواه ميپق واغي رى اتس کاکي کو.

44

سابيت توله، اکو نق بري مو تاهو، صيمون، کات، ستارا هق
 رى تنڌوچ کاسيه کا اکو نبي، جاري تندا کات، ولو دوسا ۲
 رى باپق فون، تافي رى بوليه امفون ده، سموا! تافي اورغ
 هق کاسيه سيڪيت، رى اورغ هق بوليه امفون سيڪيت جوگ!
 فس، عيسى کات کا اورغ بتينا فول: دوسا مو سوده امفون ده.
 هلاوا نفر بالس نبي، اورغ دوق ماکن ناسي سکالي، تان سام

45

46

47

48

49

سنديري کات: سیاف نی اورغ نی، کيچيق براني کات نی بولیه
امفون دوسا؟

50 تافي عيسى کات کا اورغ بتينا سکالي لاکي: سابیت مو فرچاي
سوغکوه، مو بولیه سلامت. مو برجانن گيله، دغن سلامت!

اورغ ۲ بتينا هق توروت عيسى کي

باب 8

تاalam فول، عيسى برجانن کوسنر کوء کڏف ۲ کمفوغ، کچيك
بسنر، نق سرو خبر کات: توهن نق ماري امبيق فرينته اتس
مائنسى سمولا. صحابة دوا بلس اورغ تو فون توروت کي سکالي.
فس اد ساتو فواد اورغ بتينا، اورغ هق عيسى بياں تولوغ
برى توبیت هنتو، اتوا برى هيبلغ پاکيت. نام نی مریم مقدالا
هق بياں برى توبیت هنتو توجوه ايکور، فس یوحنه، بيني
خوصر، هق کچ دالم کوت راج هيرود، فس اورغ نام صوزنه،
دغن اورغ بتينا باپق اورغ لاکي، هق دوق سارا فواد عيسى
سعمور.

عبارة اورغ تابور بنبيه فاري

اد اورغ رامي ماري چاري عيسى دري سرات تمفت دالم نگري.
بيلا سموا اورغ نی ماري برهيمفون ده، عيسى مفاجر نی دغن
فاکي عباره دالم چريتا نی:
اد سئورغ کي تابور بنبيه فاري. بلغ ۲ نی تابور تو، اد هق
جاتوه تفه جان، کنا جيچق گاتيق ماکن دبوروغ گاتيق، هيفڪ
هاپيس، بنبيه تو.

6 فس اد بنبيه هق جاتوه اتس تانه هق اد باتو باليق باوه. بيلا
تومبوه نائيک ده، کچوت سلالو، سبب تانه تو کريغ تااد اير.
7 فس اد فول بنبيه هق جاتوه دالم دوري. فوهون دوري فون،
تومبوه ناء يك سکالي دغن تونس، کاروت تونس، نق توبیت بواه

- تاۀلیه. تافي، اد بنیه هق جاتوه دتانه سجوق. بنیه نیله
تومبوه ناءیک مولیق، بولیه حاصلن سراتوس کالی گندا.
- بیلا سوده رویت ده چریتا نی، عیسی فون کات کا اورغ رامی
تو: اورغ هق اد تلیغا نق دغر، دغره!
- لفس فد تو، مرید ۲ عیسی تان کات: کیت نق فهم بالس مان،
عبارة چریتا نی؟
- عیسی جواب کات: توهن بري ده کا فواق مو رهسیا چارا حال
فرینته ری اتس دنیا، تافي انتوق اورغ رامی توهن نق رویت
دغن عباره ساج. بالس توله، عیسی کات، هق اورغ رامی تو
تیفوق، ری تاءفهم، فس هق ری دغر فون تاءارتی.

عیسی هوری عباره اورغ منابور

- اینیله معنا عباره، دالم چریتا هق تابور فانی ساءنی،
عیسی کات. بنیه فاری بندیغ سروف فرکتائن توهن.
- دانه تغه جالن هق بنیه جاتوه تو، جاری سروف اورغ هق
دغر فرکتائن توهن، تافي هیبلیس ماری رمفس فرکتائن تو
دالم هاتی ری، تاءسیر بري اورغ تو فرچای بولیه سلامت.
- دانه هق باتو بالیق باوه بنیه جاتوه تو، جاری سروف اورغ
هق تریما فرکتائن توهن دغن سوک هاتی، تافي تاءلکت. ری
فرچای سبنتر، تافي، با کا فنچوبان اف ۲، ری فون هوندور
تاءسیر توروت.
- تمفت فوهون بردوی هق بنیه جاتوه تو، جاری سروف اورغ
هق تریما فرکتائن توهن، تافي ری دوق بیمبع کا باپق فرکارا.
ری نق ۲ کا رویت اتوا کسوکان اتس دنیا. سموا فرکارا نی فون
دوق کهور ۲ بسر، سهیغگ بري کاروت فرکتائن توهن، فس
بواه ری تو همغا ساج.

فس، اد تانه موليق هق بنبيه جاتوه تو، جاني سروف اورغ هق
لغر فركتائن توهن، فس فكع تاروه، ننتي نق توروت سعمور
سهينگ هاتي يي كهور ۲ توبيت بواه، سروف فاني توبيت
حاصلن موليقي سا ئني.

عبارة فليتا تودوغ دغۇن فاسو

15 فس عيسى فاكى عبارە سا لاكى كات: تاءار سياف فاسخ
فليتا تودوغ دغۇن فاسو، اتوا كى لتق باوه كاتيل، يق! تنتو
يى لتق دتمفت تىيچكى، نق بري چره اورغ ماسوق دالىم رومە.
16 تنتولە اف ۲ هق دوق سوسوف، لام ۲ بولىيە نمفق كا اورغ جوك.
17 فس اف ۲ هق دوق تودوغ، لام ۲ نق كا امبىق توبيت كاتمفت
چره، بري سموا اورغ بولىيە نمفق.
سبب تو، عيسى كات، مو كىا فرها تىيچكى دغۇن موليق ۲، كران اورغ
18 هق تريما دە سىكىت ۲، توهن نق تمبە لبىيە لاكى، تافي اورغ
هق تائىئير تريما اف سكارا، توهن نق امبىق ھابىس سموا
هق يى اد.

مق دغۇن ادېق ۲ عيسى

19 فد ماس تو، مق عيسى دغۇن ادېق بىرادىق يى ماري كاتمفت
عيسى تافي نق ماسوق تاءالىيە، كران اورغ دوق سىق ترق.
20 فس اورغ ماري روپىت كا عيسى كات: مق توان دغۇن ادېق ۲ دوق
ننتي لوار، نق كىچىق دغۇن توان!
21 تافي عيسى كات كا اورغ رامى تو: سسوغىكىوھن، اورغ مان هق
لغر فركتائن توهن، فس بوات توروت كاتيق، اورغ تولە هق
كىا دغۇن اكى، سروف مق دغۇن ادېق بىرادىق.

عيسي لاغر ربيوت

ف د ساتو هاري، عيسو ناءيك فراهو دغن صحابة ۲ ني.
ماريله کيت جمرغ لا'وت ني! عيسو کات. فواق ري فون فاکت گي.
تغه دوق گي تو، عيسى تيدور جندراء. تيما ۲ اغين ربيوت قواه. اير
22 ماسوق دالم فراهو، دكت نق فنهه. جاري بهيا بسر کا فواق ري.
فواق صحابة گي گرق عيسى کات: توان گورو! توان گورو! ماتيله
کيت! عيسى فون باغون، لاغر ربيوت دغن اومبق بري برادو.
فس ني برادو سلالو. اغين ربيوت فون سيدغ هابيس.
لفس تو، عيسى فاليلع کات کا صحابة ۲: ايمان مو، فس، کان
23 هابيس؟ فواق صحابة تو فون تاکوت ساعت. ري براس حيران،
فس دوق تان سام سنديري: ايه! توان گورو کيت اورغ لاکو مان،
بوليه سوروه اغين دغن اومبق برادو، ايکوت فرينته ري؟
24

عيسي بري هيلع، اورغ ماسوق هنتو

لفس تو، ري بلاير گي سمفی کا تمفت اورغ گراسين، هق
دوق باليق سان لا'وت دغن چغوار کاليل.
26 تغه عيسى نق تورون کا دارت، اد اورغ ماري تمو دغن ني. اورغ
ني ماري دبندر باليق تو. ري ماسوق هنتو، دوق تلنجه تاءفاکي
27 اف سكارا، فس تاءسير دوق درومه، تافي گي دوق دالم گوا ۲
تمفت اورغ بوات قبور.

بيلا ري نصف عيسى، ري جريت، فس سجود رافن عيسى، کات
28 دغن سوارا درس: هي عيسى، انق توهن هق يع مهاتيڠي! مو
نق بوات کان دغن اکو؟ اکو مينتا، جاغن مو بوات سيقساله
کا اکو! هنتوكات بالس تو، سبب عيسى سوروه ري توبیت ده
سائني، دالم توبوه اورغ تو. ماس دولو، هنتو فقسا اورغ ني،
بوات باپق فركارا ده. بيلا اورغ تاهن ني، بوه رنتي دکاكى

تاغن فون، ری بولیه بري فوتوس، فس هنتو باواه ری کي دوق
تمفت اورغ تاءار.

لاني عيسى تان ری: مو نام اف؟ نام کو رامي! ری کات بالس
30 تو، سبب هنتو باپق ایکور دوق دالم توبوه ری.
تو، سبب هنتو باپق ایکور دوق دالم توبوه ری.

31 هنتو تو فون مینتا، کا عيسى دغن سوغکوه هاتي، تاءسیر
بری همبت جاتوه دتمفت دالم تاءار فنتت تو.

32 جاري، دسيتو، اد سکاون بابي باپق ایکور، دوق چاري ماکن
دتبیغ بوکیت. فواق هنتو فون مینتا عيسى بري ری ماسوق
دالم توبوه بابي تو. عيسى فون بنر بري.

33 فس، هنتو توبیت دالم توبوه اورغ تو، کي ماسوق دالم توبوه
بابي فول. سموا بابي تو فون لاري کچیک کفلاء، کي ترجون
اتس توبير بوکیت، جاتوه دالم لاءوت، لمس ممفوس هابيس.

34 اورغ هق دوق جاگ کاون بابي تو، نمفق کجاديں نی، فس،
لاري کي رویت کا اورغ دالم کدي، فس کي رویت کا اورغ ددارت
فول، بري سموا اورغ فاکت ماري نق تیغوق فرکارا نی. بیلا ری

35 سمعی کا تمفت عيسى، ری تیغوق اورغ ماسوق هنتو سائني،
دوق دیام، رکت کاکي عيسى. کاءین باجو فون ری فاکي، اوتق
فون مولیق سروف سدیا. فس سموا اورغ هق ماري تو، براس
تاكوت سوغکوه.

36 اورغ هق تیغوق ده تو، رویت کا اورغ هق بارو سمعی، کات
بالس مان اورغ ماسوق هنتو تو سیار.

37 لفس تو، سموا اورغ هق دوق بالیق گراسین تو، فاکت سوروه
عيسى، توبیت کي کو، لاهین، کران تاكوت سوغکوه کا ری.

38 عيسى فون نائيک فراهو نق کي. فس، اورغ هق ماسوق هنتو
سائني، مینتا، دغن عيسى بري ری کي سکالي، تافي عيسى کات
کا ری: مو کنا گلیقله کا رومه مو، کي رویت کا سفوفو سفویع،

39 بري تاھو کا ری بالس ملن توهن قولوغ مو! اورغ ماسوق هنتو

فون کی رویت رات ۲ دالم بندر، اف هق عیسی بوات تولوغ دی.

انق یاءِ پر دوق ساکیت

- بیلا عیسی جمغ لاءُوت کلیق، اورغ رامی هق ننتی دی کلیق
تو، توبیت ماری سعیوت دی. 40
- اد سئورغ کتوا مسجدید اورغ یهونی، نام یاءِ پر، ماری سجور
رافن عیسی، مینتا عیسی کی کا رومه دی، کران انق بتینا دی 41
- عمور دوا بلس تاهون، ساکیت تروق دکت نق ماتی، فس دی 42
- فون اد انق سئورغ تو ساج. تغه ۲ عیسی دوق برجالن کی
تو، اورغ رامی برسق ترق دوق تمفوہ مو اکو سعیمور. 43

اورغ بتینا ماری جامه با جو جویه عیسی

- اد سئورغ اورغ بتینا، هق ساکیت تروق کلوار داره سعیمور
دوا بلس تاهون ماری ده. تاءُاد سیاف بولیه براوبت دی بري
هیلخ. اورغ بتینا دی توروت ماری کوء بلاکن عیسی، هولور تاغن
جامه بیراءُی با جو جویه عیسی. داره فون برادو سلالو. 44
- فس عیسی تاث: سیاف جامه اکو ساءُنی؟ بیلا تاءُاد سیاف
مذاکو، سئورغ صحابة عیسی هق نام فیتروس کات: ایه، توان
گورو! اورغ دوق سسق ترق نی، فس تمفوہ توان گورو سعیمور!
تافی عیسی کات: نق! اد سئورغ هق کھندق نق جامه اکو، 45
- سبب اکو براں کات کواس توبیت دالم توبوه کو!
بیلا اورغ بتینا نمفق کات دی تائیله سوسوف ده، دی ماسوق
سجود فد عیسی دعن کتر کالیخ، فس مذاکو رافن اورغ رامی
تو، کات سبب اف دی نق جامه با جو عیسی. فس دی رویت
بالس مان فپاکیت دی بولیه هیلخ سلالو. 46
- عیسی کات: تاءُاد اف میق! کران مو فرچای، مو بولیه سیار ده!
کلیقله رغن سلامت! 47

 انق یا^ئير بولیه هيدوف کليق

- 49 تکه عيسى دوق کات بالس تو، اد اورغ باوا^ئ خبر ماري درومه
يائير، کتوا مسجید سائني. اورغ نی رویت کات: انق توان ماتي
ده . تا^ئسه بري توان کورو کادوه گيله !
- 50 تافي عيسى دغر فركتائن نی، فس کات کا یا^ئير: جاغن تاکوتله!
مو فرچاي، سوده، فس انق مو نق سيار سمولا !
- 51 بيللا سمنفي درومه یا^ئير تو، عيسى لارغ، تا^ئسير بري سياف
ماسوق ملينكن تيگ اورغ صحابة رى، نام فيتروس، يحيا دغن
يعقوب، سکالي دغن ايبو باف بونق بتينا تو.
- 52 اورغ هق اد درومه تو دوق ترياق تاغيس سموا، کران بونق تو
ماتي، تافي عيسى کات: مو تا^ئسه دوق ترياق تاغيس له ! رى
تا^ئماتي، رى دوق تيدور ساج !
- 53 سموا اورغ تو فون فاكت سوك مفنجيغ کا عيسى، سبب فوق
ري تاهو کات بونق تو ماتي سوغکوه.
- 54 لفس تو، عيسى ماسوق دالم رومه، فکن تاغن بونق تو، کات:
ميق ، هي ميق ! باعونله ميق !
- 55 فس روح فون ماسوق کليق سمولا دالم توبوه بونق بتينا تو. رى
فون باعون سلاللو، فس عيسى سوروه اورغ بري ماكن کا رى.
ایبو باف بونق نی، براس حيران، تافي عيسى لارغ رى، تا^ئ
سيير بري رویت کا سياف حال نی .

 باب 9 عيسى بري صحابة دوا بلس اورغ کي باوا^ئ تيته رى

- 1 عيسى فشكيل صحابة دوا بلس اورغ تو ماري ماسوق دكت،
فس سوروه رى توبيت کي باوا^ئ تيته عيسى سنديري، دغن کواس
بوليه همبت هنتو توبيت، اتوا بري سيار سموا فپاکيت گاتيق.
فس عيسى سوروه فواق سوريه کي توبيت کي رویت خبر کات، سمنفي
- 2

ده ماس توهن نق ماري امبيق فرينته اتس مائنسىي ، فس يى سوروه فواق تو برى هيلغ سموا پاكيت اورغ .

عيسى فسن کا رى کات: مو نق کى نى ، جاغن باواه اف سكارا فون ، سروف توغكت ، گىندى هق نق بوات مينتاء ، بکل ، رویت اتوا کا ئين فكايin نق سالىين فون ، تائسه باواه جوگ .

تمفت مان اورغ سمبوت مو ، مو رو وقله درومه اورغ تو ، هيغك سمعفي مو نق تيغكلى تمفت تو فول .

تمفت مان اورغ تاء سير سمبوت مو ، تيغكلى سلالو ، تمفت تو . فس مو کا گلپىس دبو تانه دكاگى مو ، جاري تندا کا فواق تو کات فواق تو ساله .

صحابة عيسى فون تو بيت کى ، فس برجالن کو دالم سموا كمفوغ ، بلغ ۲ رویت خبر يغ بائيك تو ، بلغ ۲ برى سيار پاكيت اورغ .

راج هيرود رغر چارا حال عيسى

هيرود هق جاري راج دالم چفواد گاليل ماس تو ، بيلا رى رغر سموا فركارا هق عيسى دوق بوات ، يى براس گلپىر ، فايه نق ارتى . سبب اورغ کات: عيسى نيله يحيا هق برى روکون مندى تو ، هق هيهدف كليق سمولـا فول !

تافي اورغ لائين کات: دق ! رىنبي الياس هق تيمبول ماري سمولـا ! فـس ، اـر جـوـگـ ، اـورـگـ کـاتـ: عـيسـى جـاري نـبي لـائـين هـق دـولـوـ ، هـق هـيـدـوـفـ كـليـقـ سـمولـاـ .

فس ، هيرود سندىري کات: ايـهـ ! اـكـوـ سورـوهـ اـورـغـ فـنـچـوـغـ كـفـلاـ يـحـيـاـ دـهـ ، فـسـ سـيـافـ فـولـ هـقـ دـوقـ بـوـاتـ سـمـواـ فـرـكـارـاـ نـيـ؟ـ هـيرـوـرـ فـونـ دـوقـ فيـسـهـ چـارـيـ جـالـنـ نقـ بـرـتـمـوـ دـغـنـ عـيسـىـ .

عيسو بري ماكن کا ليم ريبو اورغ

- 10 بيللا صحابة ۲ عيسو کليق ، دي رويت کا عيسى سموا فرکارا هق دي بوات . فس ، عيسى باوا ۴ فوق دي گي کا تمفت نام بيت صائيدا ، دفن تا ۶ رويت کا سياف .
- 11 تافي باپق اورغ تاهو جوگ ، فس فاكت نق توروت دي گي . بيللا تمو ، عيسى فون سمبوت دي ، فس معاجر دي چارا حال فريننته توهن اتس ما ۸ نسي . فس ، اورغ مان ۲ هق نق بري عيسى تولوغ ، دي فون تولوغ بلاک ، بري سيار سموا پاکيت .
- 12 دكت متھاري نق جاتوه ، صحابة دوا بلس تو ماري سام عيسى کات : با یك توان سوروه اورغ رامي نی گي چاري تمفت ماکن نق تيدور ، دالم کمفوغ ۲ دكت نی . سبب سيني رومه تا ۱۰ !
- 13 تافي عيسى کات : موله بري ماکن کا نی ! صحابة جواب کات : کيت اد روتی ليم بوتیر ، ايکن دوا ايکور ساج ! توان نق سوروه کيت گي بلي که ، نق بري ماکن اورغ بربيو ۲ تو ؟
- 14 کران اورغ هق روق اد تو ، لبيه کورغ ليم ريبو اورغ . عيسى فون کات کا صحابة : سوروه سموا اورغ دودوقله ، بري جاري ستومفوق ۲ ، ستومفوق ليم فولوه اورغ . صحابة ۲ فون بوات هق عيسى سوروه ، فس سموا اورغ تو دودوقي بلاک .
- 15 فس ، عيسى امبيق روتی ليم توگکول دفن ايکن دوا ايکور تو لغکق نا یك کا لاغيت اوچف تريما کاسيه کا توهن ، فس چوبيق روتی دفن ايکن تو ، کهور ۲ بري کا صحابة ، سوروه دي بهاكى کا اورغ رامي تو .
- 16 سموا اورغ رامي تو ماکن کپچ بلاک . فس هق لبيه اورغ ماکن تو ، فوق صحابة ۲ عيسى امبيق فرهيمفون ۲ ، بوبوه دالم باکول ، بوليه دوا بلس باکول فنه .

عيسى جاري اورغ فريشكت ستارا مان؟

- ف د ساتو ماس، عيسى دوق بريعا سئورغ، فوق صحابة ۲
ري فون اد جوگ، فس عيسى تان نې: اورغ رامي کات بالس مان
چارا حال اکو؟ اکو جاري فريشكت مان؟ 18
- صحابة ۲ فون جواب: اد اورغ هق کات توان نې جاري يحیا،
هق بري اورغ تريما روکون مندي تو. فس اد جوگ، هق کات
تون جاري نېي الیاس، هق هيڊوف کليق سمولو. فس اد لاكۍ
هق کات، توان نېي سئورغ لاكۍ، دالم نېي ۲ بولو تو. 19
- عيسى تان فول: فوق مو سنديري فون، مو نق کات بالس مان?
اکو جاري اورغ فريشكت مان؟ صحابة رې هق نام فيتروس جواب
کات: توان جاري المسيح هق توهن جنجي تو!
فس، عيسى فسن کا سموا صحابة ۲ رې کات: مو جاغن رویت
کا سیاف ۲ دیه! 20
- عيسى رویت حال سيقسا نې کوء رافن 21

- لالو عيسى هوري تمبه لاكۍ کات: اکو مائنسى هق تورون
دشړګ نې، مستي کنا تريما سيقسا هق تروق. کتوا ۲ اورغ
يهوري کيت، دغن امام ۲ بسر، سکالي دغن گورو ۲ تورات،
سمواڻ نق فاکت جبيه کا اکو. لفس تو، اکو نق کنا بونوه،
فس دالم تيګ هاري، توهن نق بري اکو هيڊوف کليق سمولو.
لفس تو، عيسى مغاجر کا سموا مرید ۲ رې کات: سیاف ۲ نق
توروت کي سکالي دغن اکو، اورغ تو کنا ترلوف راء یې کا ديري
ري گنف ۲ هاري، امبیق فاکي کایو امفت چابغ هق ترهينا تو،
توروت اکو کي. 22
- کران سیاف ۲ دوق ترايخت کا ديري رې نق بري سلامت، اخیر
پاوا رې نق روکي. تافي سیاف ۲ جوغ سره پاوا رې، کران 23

- 25 بی کاسیه کا اکو، تنتو بی نق بولیه سلامت پاوا ری راخیرہ۔
 کران اف فائیدہ کا اورغ هق بولیه لاب سرب سروبی دنیا تافی
 سود سکالی، پاوا ری سندیری کنا روکی هابیس؟ تاءار فائیدہ
 سیکیت هابوق!
- 26 کالو اد اورغ مالو مفاکو کا اکو، اتوا فجاجران کو، عیسی کات،
 ننتی، بیلا اکو مائنسی هق تورون دشراگ نی نق ماری کا دنیا
 فول، اکوفون نق مالو مفاکو کا اورغ تو جوگ! یاً یت فد ماس
 اکونق ماری دغنا کمليان کو، فس دغنا کمليان باف کو، سکالی
 دغنا ملائیکہ ۲ هق سوچی کاتیق.
- 27 تافی ایقتله! عیسی کات، دالم رامی ۲ دسینی، اد سفواق هق
 تفہ دوق اد لاکی اتس دنیا۔ بلوم فد ری ماتی، بی نق بولیه
 نمفق توهن لتق فرینته بی دغنا سمنفرن، دالم هاتی مائنسی۔
-
- روف عیسی براوبہ بڑی نمفق کمليان بی
- 28 لفس فد هاری عیسی رویت سموا فرکارا نی، لافن هاری فول،
 عیسی باوا صحابة تیگ اورغ کی نایک اتس ساتو بوکیت،
 نق بردا۔ نام صحابة تو، فیتروس، یحیا دغنا یعقوب۔ فس
 تفہ عیسی دوق بردا تو، تیبا ۲ روف بی براوبہ، کاءین
 فکاین ری جاری فوتیه جلفق، سروف چھیا هق چره چراج۔
 29 تیبا ۲ اد دوا اورغ لاکی، دوق برکیچیق دغنا عیسی، یاً یت نبی
 موسی دغنا نبی الیاس۔
- 30 روف بی فون برسینر جوگ، دغنا کمليان هق توهن۔ نبی دوا
 اورغ تو دوق کیچیق چارا حال عیسی، کات تاءلام ده عیسی نق
 ماتی دکوت جروسالیم۔ بالس تو نق بڑی سمنفرن توجوان توهن۔
- 31 تکہ عیسی دوق برکیچیق دغنا نبی دوا اورغ تو، فیتروس دغنا
 سائین ۲ دی دوق مفتنتوق، فس بیلا ری جاگ تیدور، بارو ری
 نمفق کمليان عیسی دغنا دوا اورغ نبی سائنسی۔

33 بیلا فیتروس تیغوق نبی سائی نق هوندور کی ، نبی فشکیل کا عیسیو کات : هي توانکو ! مولیقله کیت دوق دسینی ! کیت نق بوات بغضن تیگ تمفت ، انتوق توانکو سا ، انتوق نبی موسی سا ، فس انتوق نبی الیاس سا . سسوغکوهن فیتروس کیچیق بالس تو ، ری تاءٰ تاهو اف مقصود هق ری کات تو .

34 تغه فیتروس دوق کیچیق فون ، اد اون ماری ملیندوغ تمفت ری دوق تو . فوق صحابة فون براس تاکوت ، دوق دالم اون تو .

35 تیبا ۲ ، بویی سوارا دالم اون کات :

اینیله انق کو ، هق اکو فیلیه ده . مو کنا نفرله کا ری !
36 بیلا سود سوارا تو ، فوق صحابة تمفق عیسیو دوق شئورغ ری فول . لفس تو ، صحابة تیگ اورغ نی دوق دیام ، تاءٰ رویت کا سیاف ، کجادین هق ری نمفق هاری تو .

عیسیو همبت هنتو توبیت د بودق

37 فاگی ایسوق ، بیلا عیسیو تورون دبوکیت دغن صحابة ۲ تو ، اورغ رامی توبیت ماری سمبوت ری .

38 اد شئورغ دالم فوق نی فشکیل عیسیو دغн سوارا درس مینتا ئ تولوغ : توان گورو ! ری کات ، ماریله تیغوق انق امب ! اد شئورغ نی ساج ، فس لانی ری ماسوق هنتو !

39 تکه ری ماسوق هنتو ، بوات بربی ری جریت سوارا درس ، گلفر ۲ ، مولوت یویه ، فس هنتو بوات سیقسما کا ری سمفی

40 هابیس ریغ ، بارو توبیت . امب ماری مینتا ئ مرید ۲ توان گورو تولوغ همبت هنتو توبیت ، تافی ری نق همبت تاءٰ لیه !

41 عیسیو فون کات کا اورغ رامی تو : ایه ! فوق مو کورغ فرجای ساغت ! تنتو مو تاءٰ لیه بوات هق کنا ! لام مان لاگی اکو کا دوق سکالی دغن مو ، کنا صبر دغن مو ؟ فس ، نبی فالیغ تاش چی ؟ بورق تو : مان انق مو ؟ باو ۴ ری ماری سینی !

- 42 تغه اورغ باو^ا بودق ماري کا عيسى، هنتو بوات بري بودق تو ربه گلفر^ز دتانه، تافي عيسى لارغ هنتو، بري ني دوق دیام.
بیلا سیار مولیق ده، عيسى بري بودق تو گلیق کا چي^ء نی.
- 43 سموا اورغ دسیتو فون براس حیران، بیلا نی نمفق کواس توهن، بسر گیتو للو.

عيسى رویت فول حال کماتین نی

- اورغ رات^ز تمفت براس حیران تیفوق فرکارا هق عيسى دوق بوات. فد ماس تو جوگ، عيسى رویت کا فواق صحابة نی بالس نی: مو نفله هق اکو نق رویت نی. تا^ءلام لاکی اکو مائنسی هق تورون دشراگ نی، نق کنا سره کا تاغن ما^ءنسی.
44 تافي فواق صحابة تا^ءارتی لاکی، معنا هق عيسى رویت تو، سبب عيسى سوسوف لاکی کا نی، تا^ءبری فهم سلالو. فس تا^ءاد سیاف برانی نق تاث عيسى: اف معنا تو؟
- 45

اورغ مان فریغکت تیغکی؟

- 46 صحابة^ز عيسى دوق بحس سام سندیری نق تاهو اورغ مان دالم فواق نی فریغکت تیغکی.
عيسى تاهو ده فیکیران نی. نی امبیق بودق ماري، سوروه بردیری رکت نی. فس عيسى کات کا صحابة^ز نی:
کالو مو سمبوت اورغ رنده سروف بودق نی، کران اکو، سروف مو سمبوت اکو ده. فس، سیاف نی سمبوت اکو، سروف سمبوت ده توهن، هق سوروه اکو ماري نی! سبب اورغ هق بري دیری نی رنده سکالی دالم فواق مو، دیاله هق فریغکت تیغکی سکالی.
- 47
- 48

تاً لاؤن دغٽ مو، سروف دوق سبله مو

49 يحیا رویت کا عیسی: توان گورو! کیت تمو سئورغ، دوق همبت هنتو توبیت دغٽ فاکی نام توان. تافی کیت لارغ دی، سوروه براوو، سبب دی تاً جانی فوق کیت!

50 تافی عیسی کات کا يحیا دغٽ صحابة ۲ سموا تو: جاغن مو لارغ له! کالو دی تاً لاؤن دغٽ مو، سروف دی دوق سبله مو.

کمفوغ اورغ سماریا تاً سیر بري عیسی ماسوق

51 بیلا دکت نق سمنی ده، ماس عیسو کا ناءیک کلیق کا شرگ، دی فون فالیث هارف کوء کوت جروسلیم، دغٽ نیات هاتی نق کی.

52 اد دوا اورغ هق عیسو هنتر کی دولو. فوق نی کی سمنی ساتو کمفوغ دالم نگری سماریا، برہنتی سیتو نق سیف تمفت بري فوق عیسو دوروچ سملامن.

53 تافی اورغ دوق کمفوغ سماریا تو، تاً سیر بري فوق عیسی ماسوق، کران دی تاهو کات، فوق تو اورغ یهودی هق نق کی کوت جروسلیم.

54 بیلا صحابة عیسی نام یعقوب دغٽ يحیا دغر حال کمفوغ سماریا سائني، دی فون کات کا عیسی: هي توانکو! توان نق کا دق، کالو کیت مینتا افي دشراگ تورون اتس اورغ کمفوغ تو؟

55 تافی عیسی لارغ دی، تاً سیر بري کیچیق بالس تو.

56 فس، دی کی کا کمفوغ لائين فول.

اورغ ۲ هق نق توروت عیسی

57 تفه عیسی دوق برجالن دغٽ فوق دی تو، اد سئورغ ماري کیچیق دغٽ عیسی کات: توان گورو نق کی کا مان ۲ فون،

امب نق توروت کي بلاک!

عيسيو فون جواب دغۇن عبارە: انجىچە سرىكالا اد لوپۇڭ نى،
بورۇغ اد سارغ نى، تافىي اکو مائنسىي ھق تورون دشىرىگ نى،
تاباد تەمفەت بولىيە تىدور امبىق رېئۇ!

اد سئورۇغ لاكى، ھق عيسيو سوروھ توروت نى کي. تافىي اورۇغ تو
كەت: توانكۇ، امب نق تىغىڭل دولو دىھ، كلىق كى دوق دغۇن
ايھ، ھىفەت سەمىفي دى ماتى سىيمەن سىيف دە، بارو امب مارى
فول نق توروت توان.

تافىي عيسيي كات كا اورۇغ نى: بىر اورۇغ ماتى تەڭكۈچ سام ۲ سىندىرىرى!
مولە كەن کى روپىت خېر كا اورۇغ كات: توهن نق مارى امبىق
فرىنتە نى دەتەتىي مائنسىي.

فس اد سئورۇغ لاكى مارى كات كا عيسيي: امب جنجى دە، نق
توروت توانكۇ، تافىي امب نق مىنتاڭ كلىق دولو، نق اوچىف
سلامت تىغىڭل كا ادىق برادىق دەكمەفعۇ، بارو نق توروت توان.

تافىي عيسيو جواب كا اورۇغ نى: مىسل كات اورۇغ دوق بىرگالا، فس
رىي فالىيە تىغۇق كوء بلاڭىن سەممۇر. اورۇغ سەرۇف تو تاء سوغۇ
نق دوق دالىم فرىنتە توهن، كرج كا رى.

باب 10 عيسيو هنتر كى مرىد دى توجوه فولوھ دوا اورۇغ

لەپس فەد تو، عيسيو فىلييە مرىد ۲ دى توجوه فولوھ دوا
اورۇغ، نق هنتر نى کى دوا اورۇغ، دوا اورۇغ، كاسىمۇ تەمفەت
عيسيو نق كى.

عيسيو فەن فواق نى كات: اورۇغ نىڭىي نى دوق نىنتى، مىسل
سەرۇف فارىي دوق ماسق دېنىڭ، باپق، تاءدان نق كەتم. فواق
مو فون كەن بىرىغا كا توان فارىي، مىنتاڭ دى سوروھ اورۇغ كى مەختەم!
3 فواق مو فون كىيلە، عيسيو كات، اکو هنتر مو كى سەرۇف بېرىيە
دوق كەفوغ دانجىچە.

- مو تاءَ سه بلواءَ بيڭ رویت، اتوا گالس، اتوا کاسوت نق بوات
سالین فون، فس جاغن برهنتي کيچيق تشه جان! 4
- رومہ ملن مو نق برهنتي، مو برى سلام کا توان رومہ دولو،
کات: امب مينتا سلامتلە، اتس فواق رومہ مو نى! 5
- کالو توان رومہ ستوجو دغۇن ھق مو دوق اوچف تو، بىرلە!
سلام مو دوق اتس نى. کالو توان رومہ تائىستوجو، بىرلە! 6
- سلام مو نق كليق فد مو سمولا. 7
- فس دودوقله درومە ھق سمبوت مو تو. مو بوليه ماكن درومە
تو دغۇن تاءَ مالو، كىران سوغ فاتوت اورۇغ بوات كرج نق ماكن اووفە.
فس تكە دوق سېيتىو، مو جاغن بىرالىيە دوق رومە تو، رومە نى. 8
- كمفوغ مان ھق برى مو ماسوق بالس نى، مو بوليه ماكتىلە سموا
ھق نى برى. فس مو كىنا تولوغ برى سيار اورۇغ ساكيت سېيتىو،
بلغ ۲ رویت خبر کات: دكت دە، ماس توهن نق تورون امبىق
فرىنتە نى اتس فواق مو! 9
- تافى، عيسى کات، کالو مو ماسوق دالم كمفوغ اورۇغ تاءَ سير
تريما، مو كىيلە جان بىر، تمفەت اورۇغ رامى، رویت کا نى: 10
- دبو تانە كمفوغ مو ھق دوق لكت راكىي اکو، نق كلبىس برى
كليق هابىس. فس ايقتلتە! تاءَلام دە، توهن نق تورون فرىنتە
نى اتس فواق مو جوڭ! 11
- فس عيسى رویت کا مرید ۲ نى لاڭى: فد هارى قيامة، توهن نق
تنجوق كسياغ بىس لبىه بىر، كا اورۇغ نكىرى صوروم ھق جاھت
سکالىي، فد اورۇغ دكمفوغ ھق تاءَ سمبوت مو تو! 12

بندر ۲ ھق تاءَ سير فرچاي

- فس عيسى کات لاڭى: هي اورۇغ خورازىن! هي اورۇغ بىت
صائىدا! نق ترۇق سوغۇكوه، فواق ۲ مو! کالو اورۇغ دبندر صور،
دغۇن بىندر صىدون ھق فونە دە تو، اد فلواڭ دولو بولىيە تىغۇق 13

فرکارا ۲ فلیق هق اکو دوق بوات رغن کواس توهن ، دالم بندر ۲
 فوق مو ، تنتو ری توبه لام ده ، فس فاکی کاءین کاسر بغن
 بوبوه هابو اتس کفلا ، جانی تندا کات ری سسل کران دوسا ری.
 ۱۴ فد هاری قیامه ، عیسی کات ، توهن نق تنجوچ کسیاغ بلس
 لبیه بسر ، کا اورغ ۲ بندر صور رغن بندر صیدون تو ، فد ری
 نق تنجوچ کا فوق مو ، اورغ خورازین رغن اورغ بیت صایدا !
 ۱۵ فس فوق مو هق بندر کفرناحوم فول ، عیسی کات . مو نق
 اگکیت دیری مو بربی سمفی کا لاغیت که ؟ ننتی تیغوقله ! تمفت
 مو نق جاتوه دنراک !

فس عیسی کات لایکی کا مرید ۲ ری : سیاف ۲ نق رغر فرکتائے مو ،
 سروف ری رغر فرکتائے اکو جوگ . سیاف ۲ تائسیر رغر فرکتائے
 مو ، سروف ری تائسیر رغر فرکتائے اکو جوگ . سیاف هق تاء
 سیر تریما اکو فون ، سروف اورغ تو تائسیر تریما ری هق
 سوروه اکو ماری کا دنیا .
 ۱۶

مرید ۲ توجوھ فولوھ دوا فون کلیق ده

تاalam ، مرید توجوھ فولوھ دوا اورغ تو ، کلیق ده رغن سوک
 هاتی ، کات کا عیسی : هي توانکو ! سمفی کا هنتو شیطان فون
 کا توروت فرینته فوق کیت ، تکه کیت همبت رغن سبوت نام
 توانکو !
 ۱۷

عیسی فون کات کا ری : اکو نمفق کفلا هیبلیس جاتوه تورون
 دلاغیت سروف کیلت . سوگکوھ اکو بربی کواس کا فوق مو گاتیق .
 کالو مو جیحق اولر اتوا جھکیع فون ، تاءاف . کواس مو لبیه
 فد کواس شیطان ، هق جانی سترو مو . فس تاءاف اف سکارا ،
 هق بولیه خیانة کف دو .
 ۱۸ ۱۹

تافي جاعن مو بسر هاتی سبب فوق هنتو شیطان کا توروت
 ۲۰

فرینته مو، نق! مو کنا بسر هاتی سبب نام مو دوق تولیس
ده دالم بنچی دشگ.

روح توهن بري عيسى براس سوگ هاتي

فه ماس تو جوگ، روح توهن بري عيسى براس سوگ هاتي
سوغکوه. يې کات: يا توهن، باف کو، هق دوق فرینته اتس
لاغيت اتوا دبومي فون! اکو اوچف تريما کاسيه، کران فرکارا
هق توهن سوسوف درفه اورغ هق مفاجي تيغکي، لاني بوک
ده، بري تاهو کا اورغ فريغكت رنده هق تاءاد علمو.

يا باف! بالس نيله هق باف برکن نق بوات!
فس عيسى کات لانگي: باف کو سوده بري سموا فرکارا کا اکو، نق
فرینته. تاءاد سياف بوليه تاهو حال انق بع ساتو سوغکوه،
ملينکن باف ساج، فس تاءاد سياف بوليه تاهو حال توهن
باف، ملينکن انق بع ساتو، سکالي دغۇن اورغ مان ۲ هق انق
بع ساتو تو اد حاجت نق بري كل دغۇن توهن باف.

فس عيسى فالىغ كىچيق دغۇن فواق صحابة يې، تاءاد بري اورغ
لائين دغۇر، کات: فواق مو براونتۇغ سوغکوه، کران مو بوليه
تىغۇق سموا فرکارا يې! سبب باپق اورغ، نېي ۲ دغۇن راج ۲
فون، براس نق تىغۇق نق دغۇر، فرکارا هق فواق مو دوق
تىغۇق دوق دغۇر، ماس لاني، تافي رې تاءاد فلواڭ سروف مو.

حکوم هق مستحق سکالىي، حکوم کاسيه

اد سئورغ گورو كتاب تورات، ماري نق چاري هيد، بري
عيسى كىچيق ساله. توان گورو! رې تاش، امب کا بوات
لاکو مان نق بوليه هيدو甫 هق ككل?
عيسى فون تاش گورو تورات كلىق کات: كتاب تورات رویت لاکو

مان؟ گورو نق تفسیر بالس مان؟ گورو تورات فون باج روا
ایات بري رغر:

مو کنا کاسیهله کا ربی، توهن مو، دغن سفنوه هاتي،
لغن سفنوه راس، دغن سفنوه کواس، فس دغن سفنوه
فیکیران مو. فس، مو کنا کاسیهله سام ۲ مائنسی،
سروف مو کاسیه کا ديري مو سنديري.

کلو بالس تو، عيسى کات، بوائله توروت حکوم تو، فس گورو
نق بوليه هيدوف هق کل.

تافي گورو سائني نق بتول کا ديري ني. ني فون تاش عيسى
فول: تافي اورغ مان هق امب کنا کات جاري سام ۲ مائنسی دغن
امب ني؟ عيسى فون جواب دغن عباره دالم چريتا ني:

چريتا اورغ سماريا هق کاسیه سوڠکوه

ساتو اورغ کنا توبیت دکوت جروسلیم برجالن کي کا بندر
جريکو، عيسى کات. تفه جالن، نی کا سامون. فکاين نی
رمفس هابیس، فواق فیامون گورم ری دکت نق ماتی، فس
تیغکل کی.

لفس تو، اد سئورغ امام یهودي برجالن ماري کو تو. تیبا ۲
نمفق اورغ هق کا گورم سائني. تو امام فون قیاس کی کو
تفی، تیغکل نی کی.

لفس تو فول، سئورغ لیوی ماری کو جالن تو. تیبا ۲ نمفق
اورغ تو، فس نی فون قیاس کی کو تفی، تیغکل کی جوگ.

تافي اد سئورغ لکی، اورغ بگسا سماریا، ماری کو تو حوگ.
بیلا نی نمفق اورغ کا گورم سائني تو، نی براس کسیاغ بلس.
نی فون ماسوق دکت، امبیق میق چمفور ایر بواه جابیت،
بوات اویت بوبوه دتمفت لوک اورغ تو. بیلا باروت ده لوک،

يى فون موات اورغ ساكيت اتس كودا رى، هيريت كى سمنفي ت Moffat اد رومه سىيا.

35 يى دوق بلا اورغ ساكيت سىيتىو، سمنفي فاكى ايسوق ، فس چابوت دوييت امفت فولوه كوف ، برى گا توان رومه ، سوروه يى بالس نى: تولوغ بلا اورغ نى ديه ! كالو تاءچوكوف دوييت امب برى نى، ننتىي نق ماري باير سمعولا !

36 بىلا عيسى رويت سوده ، چريتا نى، رى فالىئن تان گورو تورات فول : دالم تىگ اورغ سائنى، اورغ مان ھق بوات سروف سام ۲ ما ئىسى دغۇن اورغ ھق كىا سامون تو؟

37 گورو تورات فون جواب : اورغ كسياغ بلس گا رى، جيلا ! عيسى كات: كالو بالس تو، مو كىلە، بوات سروف يى !

عيسى كى گا رومه اورغ دوا برايدىق

38 تكە ۲ عيسى دوق برجالن دغۇن صحابة ۲ يى، يى كى سمنفي ساتو كمفوغ، فس اورغ بتينا نام مرت اجق عيسى نايك كا رومه رى.

39 مرت اد اديق نام مريم . يى دوق فرهاتى داكى عيسى ، نق لغۇر فغا جران يى.

40 تافى مرت گادوه ساغت بىن كرج كو ئرافور . فس رى توبىت رافور كى ت Moffat عيسى ، كات: هي توان ! توان تائتىغۇق كە؟ اديق امب دوق لق امب كرج شئورغ كو ئرافور ! سوروه يى ماري تولوغ كاتىقلە !

41 عيسى فون جواب كا رى: مرت، مرت ! با ئاف مو گادوه ساغت ، بىمېئن باپق فركارا ؟ مو تاءتاهو كە، كرج مان ھق لبىيە مستحق ؟

42 ھق تو مريم فيلييە دە. فس سبب تو، تاءاد اورغ بولىيە امبىق ھق يى فيلييە دە تو.

باب 11

عيسى اجر جالن بريغا

- 1 عيسى دوق بريغا دساتو تمفت. لفس بريغا ده، اد سئورغ
صحابة ماري کات کا ري: هي توان گورو! تولوغ اجر کيت گاتيق،
برى بوليه مينتا، دعا سروف نبي يحييا اجر مرید رى!
2 عيسى فون اجر رى بالس نى: بيلامو مينتا، دعا توروتلە هق نى!
يا باف كو،
بريله سموا اورغ سجود حرمة کفند نام باف تو.
3 برى سمفیله ماش، هق باف نق امبىق فرينته برى سمفون،
رالم دنيا. بريله مكانن کا فوق اکو گاتيق، چوكوف
انتوق گف ھاري.
- 4 امفونله سموا کسلاهن فوق اکو نى، کران اکو معاف ده
کا سموا اورغ هق بوات ساله کا اکو.
5 فس، جاغن باف برى فوق اکو کا فنچوبان
هق برت ساغت. امين.
لفس تو، عيسى رويت ساتو چريتا کات:
6 ميسيل کات مو اد ساءين، فس فوكول دوا بلس تشهه مالم، مو
کي کا رومه سائين تو، فشكيل رى: هي کاون کو! نق براوتع برس
تىگ چوقق ديه، نق تانق برى ماكن کا اورغ ماري جاءوه، بارو
سمفي!
- 7 فس، ميسيل ساءين مو دوق جواب رالم رومه کات: مو جاغن
بوسن گق! اکو کاتوف فينتو ده، اورغ رالم رومه دوق تيدور
بلاك. - اکو فايه نق باغون امبىق برس برى کا مو!
نق جاري بالس مان فول؟ عيسى تان. سوغگوه، بوکن ساءين
مو نق باغون برى اف ھي اف کف ده سبب مو جاري سائين رى.
8 تافى، سبب مو دوق تبيغ مينتا، تنتو رى نق برى هق مو
گهندق تو.

بالس توله، اکو فسن کا فواق مو، عیسو کات،
تبیغ مینتا له رغن توهن، بارو توهن نق بري.
چارلله درف دوهن، بارو مو نق برتمو.
فعگیللہ کات نق ماسوق، بارو توهن نق بوگ ساتو فینتو
انتوق مو.

کران سیاف دوق مینتا، کا اورغ توله توهن نق بري،
سیاف دوق چاری فون، اورغ توله نق برتمو،
فس، کا اورغ هق فشگیل نق ماسوق فون، توهن نق بوگ
فینتو تو.

فواق مو هق جاري ايبيو باف فون، عیسو کات، کالو انق ماري
مینتا ایکن اتوا تلور، مو نق ایکت اولر اتوا جغکیغ که بري
کا انق مو تو؟ نق !

سوغکوه فون فواق مو فراغی جاهت، تافي مو تاهو بري بارغ
هق مولیق کا انق ۲ مو. کالو گیتو، لبیه ۲ لاگی توهن باف
مو دشرگ فون، نق بري روح سوچی هق ری، کا اورغ هق
تبیغ مینتا رغن ری.

کواس عیسى دغن کواس هیبلیس

فدر ساتو هاري، عیسى دوق تولوغ اورغ هق ماسوق هنتو
جاري بیسو. با همبت هنتو توبیت، اورغ تو فون بولیه کیچیق
سلالو. اورغ رامی تیغوق حیران .

تافي اد اورغ هق کات: تنتو ری امبیق کواس دبعیل زبول،
ک فلا هیبلیس تو، بولیه همبت هنتو توبیت بالس نی!
اد جوگ اورغ ماري سوئی عیسى، سوروه ری بوات فرکارا فلیق ،
نق تاهو ری ماري دشرگ کا نق.

تافي عیسى تاهو توجوان اورغ تو، فس فاکی عبارة کات کا ری:
کالو ساتو نکری فچه بله جاري فواق ۲ هق لاؤن سام سنديري،

تنتو نگري تو تاء تاهن لام . اورغ دالم سبواه رومه فون ، کالو ري
فچه بله ، تنتو تاء لام نق جاري هنچور .

فرينته کفلا هيبليس فون تاء لاءين فد ني ، عيسى کات . کالو
فواق ري دوق برلاون سام سنديري ، نق تاهن لام بالس مان ؟
تاء عليه ! فواق مو کات اکو امبيق کواس دبعيل زبول ، کفلا
هيبليس تو ، بوليه همبت هنتو توبيت .

کالو کيتو ، عيسى کات ، اورغ دالم فواق مو هق فندي همبت
هنتو توبيت ، لي امبيق کواس لي دمان ؟ تان دياله ! تنتو
جوانن ري نق بري تاهو ، هق مو ادو کا اکو لي ، بوهوغ .
جاري دعن کواس توهن ، اکو بوليه همبت توبيت هنتو ۲۰ .
فن ، هق لي جاري تندا چرف کات ، توهن تورون ده اتس
فواق مو ، نق امبيق فرینته ري .

فس ميسيل لاکي ، عيسى کات . توان رومه اد سنجات چوكوف
لشفک نق جاگ رومه لي . تکه تو ، بارغ لي دوق موليق .

تافي ، کالو هق کواس لمبيه ماري نق لاون دعن لي ، لي نق
هاله کا اورغ تو ، فس اورغ تو نق امبيق سموا سنجات ، هق
بياس فاكی بوات جاگ رومه ، نق بهاکي کا فواق لي فول .
سياف تاء سير دوق سبله اکو ، عيسى کات ، سروف لي لاون
دعن اکو . فس سياف تاء سير تولوغ اکو بري جاري سفواق ،
تنتوله لي نق بري فواق تو فچه بله .

هنتو کا همبت توبيت ، ننتي نق ماسوق فول

فس عيسى مخادر لاكی دعن عباره ، کات : هنتو هق کا
همبت توبيت دتبوبه اورغ ، لي نق برجانن کي ماري دالم
فادغ ، دوق چاري تمفت نق دودوق . کالو چاري تاء تمو ، هنتو
نق کات : ها ! اکو نق گلیق دوق تمفت سديا تو !

18

19

20

21

22

23

24

25 فس سمفی کا تمفت سدیا تو ، تیغوق تمفت تو دوق چوچی
برسیه ده .

26 فس هنتو سائني ، نی کی چاري ساءین ۲ نی ، توجوه ایکور هق
بیشکیغ فد دی لاکی ، اجق دی ماری دوق سکالی دالم تمفت
سدیا تو ، نق جانی رومه نی . تنتوله ، کاءرائن اورغ تو نق
تروق لبیه فد دولو ، عیسو کات .

اورغ هق براونتوغ سوغکوه

27 تکه عیسو دوق معاجر اورغ رامی تو ، اد اورغ بتینا سئوغ
توبیت سوارا درس کات : براونتوغله اورغ هق جانی مق توان
هق بولیه بربی ماکن فیق کا توان تو !
28 عیسو کات کا دی : تافی براونتوغ لاکی ، اورغ هق بغ فرکتائن
توهنهن ، بوات توروت !

تندا هق نبی یونس

29 اورغ رامی دسیتو ، سموا دوق بربوت نق ماسوق جامه
عیسو . فس عیسو کات : اورغ ماس لانی ، هاتی تاء مولیق
سوغکوه ، سبب دوق چاري نق تیغوق فرکارا فلیق سمات تافی
توهنهن تاء بربی تندا مان ۲ فون کا دی ، ملینکن تندا هق نبی
یونس ساج .

30 کران اکو ، مائنسی هق تورون دشگی نی ، عیسو کات ، نق
بربی جانی تندا کا اورغ ماس لانی ، سروف هق نبی یونس
بربی کا اورغ نینیویه ، ماس دولو .

31 فس بیلا سمفی هاری هق توهنهن نق کرت سین اتس مائنسی ،
راج بتینا هق ماری دنگری بالیق هولو ، ماس دولو تو ، نی
نق برداری ادو فواق مو ، کات ساله ، سبب نی برجالن ماری

جاءوه دسييريت دنيا ، نق دغرنصيحة هق توهن بري فندي
كا نبي سليمان تو . فس ، اكو نق بري موتاهو كات ، دسييني
لاني ، ار هق بسرفد نبي سليمان لاكى ، تافي فوق مو تاء
سيير دغره ، عيسى كات .

32 فس ، بيلا سمنفي هاري هق نق كرت سين تو ، اورغ هق دوق
دالم نكري نينيويه تو فون ، نق برديري اوو فوق مو جوگ ،
كران بيلا رى دغره خبر هق نبي يونس باواه ماري كا رى تو ،
ري باليق هاتي تيفكل دوسا ٢ رى . فس لاني دسييني ،
ار هق بسرفد نبي يونس لاكى ، تافي فوق مو تاءسيير دغره ،
عيسى كات .

مات كيت سروف چهيا فليتا انتوق توبوه

33 فس عيسى مثاجر لاكى دغن فاكى عباره كات : اورغ هق
چوچوه فليتا ، تاءاد سيااف نق كى سوسوف اتوا فرغوكوف
رغن فاسو ، نق ! رى چوچوه فليتا ، كى لتق دتمفت تيغى
نق بري چره اورغ هق ماسوق دالم رومه .

34 مات مو فون ، بوليه بندىغ كات سروف فليتا انتوق توبوه مو
جوگ ، عيسى كات . بيلا مات نمفق چرف ، چهيا بوليه ماسوق
برى چره دالم سموا توبوه . تافي بيلا مات چدرا تاءنمفق ،
جاني گلف هابيس دالم توبوه .

35 سابيت تو له ، مو كنا جاگ بري موليق ٢ ، عيسى كات . جاغن
برى چهيا مو گلف فول !

36 كالو چهيا تو سولوه رات دالم توبوه ، تاءاد سيكىت هابوق ،
تمفت گلف . نق جاني چره هابيس ، سروف مو دوق باوه
فليتا ، هق سولوه اتس مو چره چراج .

عيسى حکوم ساله اتس فواق فریسی

- بیلا عیسی سوده مفاجرتو، شورغ دالم فواق فریسی اجق
عیسی کی ماکن ناسی درومه دی. عیسی فون کی، دودوق دتمفت
نق ماکن ناسی . 37
- تافی اورغ فریسی سائني تیغوق براس فلیق ، سبب بلوم نق
ماکن ناسی، عیسی تاء باسوه تاغن ، ایکوت اتوران اوکام یهوری .
عیسی کات کا ری: سوگکوه فواق فریسی مو سوگ بوت چوجی
بالیق لوار، سروف باسوه مذکوق فیفگن مو، تافی بالیق دالم
فنوه چمر فیروغ، نغن بارغ هق مو سامون داورغ نغن هاتی
جاہت مو! 38
- فواق مو بوده ! مو تاء ارتی که، توهن هق منجادیکن سموا.
بالیق دالم اتوا بالیق لوار فون ، بی تاهو بلاک . 40
- مولیق لاکی مو امبیق بارغ مکانن هق اد دالم مذکوق فیفگن
تو، صدقه کا اورغ مسکین ، بارو سموا فرکاکس تو چوچی نق
فاکی انتوق فواق مو . 41
- هي فواق فریسی، عیسی کات، نق تروق سوگکوه اتس فواق مو!
مو بوت نغن هالوسی هالوسی، بی کا توهن سکیان دالم
سفولوه، فرکاکس ۲ کولی، سروف سلاسیه، بوغا چکیه، کایو
جینتن مانیس. تافی هق مستحق دالم حکوم تورات، سروف
بوات هق عادیل ، اتوا کاسیه کا توهن، مو تیغکل تائیوات.
جادی فرکارا ۲ نی هق مستحق مو بوت، بوکن کات تاء بري
بوات ، نق ، هق لاءین تو . 42
- نق تروق سوگکوه اتس فواق مو، عیسی کات، سبب مو سوک
دوق اتس کریسی هق فیسید دالم مسجد مو. مو سوک چالن
دالم کی، نق بري اورغ حرمة سعمور . 43
- نق تروق سوگکوه اتس فواق مو ! سسوگکوهن ، مو سروف قبور
44

هق تاءار نيشان ، هق اورغ نق لالو کي ماري ، تاءاتاهو کات يي
روق جيچق اتس بارغ بوسوق دالم قبور .

فواق گورو ۲ تورات نق کا حکوم جوگ

فس سئورغ گورو تورات کات کا عيسى: هي گورو ! گورو کات 45

بالس تو ، نق بري فواق گورو تورات کيت کچيك هاتي کاتيقي ! 46

عيسى جواب کا يي: فواق مو سروف تو جوگ ! نق تروق 47

سوڠکوه اتس فواق گورو مو ، سبب مو سوروه اورغ فيکول بارغ 48

برت ۲ ، تافي سفونتوغ جاري فون مو تاءهولور ، نق تولوغ يي . 49

نق تروق سوڠکوه اتس فواق مو ! سبب مو تعبون نق بوات 50

فوسو اتس قبور نبي ۲ ، هق توء نينيق مو سنديري بياں بونوه 51

دلوو . نفن بوات بالس تو ، سروف مو برگنن نق بري ايٺت ، 52

کا فرکارا هق توء نينيق مو بوات تو . کران توء نينيق مو بونوه 53

نبي ، فس فواق مو بوات تمفت نق بري ايٺت کا رې فول ! 54

توهن هق تاهو بلاک ، يي رویت ده دالم كتاب ۲ دلوو ، کات 55

نق جاري بالس نې . توهن کات: اکو نق هنتر نبي ۲ کا فواق 56

تو ، جاري فسوروه کو . تافي نبي ۲ تو ، فواق تو امبیق بونوه 57

ستغه ، امبیق بوات پاش ستغه . 58

فواق مو هق اد ماس لاني فون ، عيسى کات ، نق جاتوه باوه 59

حکوم توهن بالس تو جوگ . سبب جق دنیا نې جاري ، اد 60

بونوه نبي ۲ ، امبیق دماس هابيل ، انق توء ايم تو ، سمفی 61

کا نې زکريا ، هق اورغ بونوه دالم تمفت سوچي ، تکه يې 62

روق دتفه تمفت سمبه قربان نفن تمفت هق سوچي سکالي . 63

اکو رویت کا فواق مو هق روق اد ماس لاني ، عيسى کات ، 64

مو نق جاتوه باوه حکوم توهن سروف فواق تو جوگ . 65

فس ، تروق سوڠکوه اتس فواق مو هق جاري گورو ۲ تورات ، 66

سبب مو فکټ انق کونچي هق تمفت تاروھ سموا علمو درفه 67

توهنهن، تافي مو سنديري تاء بوک ماسوق، فس اورغ لاءين فون
مو تاء بري ماسوق جوگ.

53 سود رویت فرکارا ٢ ني، عيسى تيشگل کي. بلغ ٢ ني توبیت
تو، کورو ٢ تورات نغن فواق فريسي دوق تشكیغ نغن ني،
موریه ساعت، نق لاؤن بحس باپق فرکارا لائکي.

54 لفس تو، فواق ني دوق ننتي دغر کيچيفن عيسى سعمور،
نق بري بوليه بوکو کات عيسى ساله.

باب 12 هاتي هق تاء موليق تاء ليه سوسوف سعمور

1 تفه عيسى دوق برجالن تو، اورغ رامي دوق برسسق ترق
نق ماسوق دكت عيسى، هيٺگ سمني جيچق مو اکو. تافي
عيسى دوق رویت باپق فرکارا کا صحابة ٢ ني دولو. ني کات:
مو جاگ با ٢ يك لـه! بري ديري مو جا وه فد ابيو هق فواق
فريسي بوبوه دالم روتى نـي! فواق فريسي هق مانيس لوار،
فاھيت دالم، کالو بندیع بوليه کات، هق نـي بوات تو اد
کواس سروف ابيو روتى.

2 کران فرکارا هق دوق سوسوف لـاني، لام ٢ نق تربوك بلاک.
3 اف ٢ مو دوق کيچيق دالم کلف فون، لام ٢ اورغ دالم چره
نق بوليه دغر جوگ. فس اف ٢ مو دوق یيسيق دالم بيليق
فون، لام ٢ بوليه دغر داورغ لوار جوگ.

کيت کنا تاکوت کا سیاف

4 هي صحابة ٢ کو، عيسى کات، مو جاغن تاکوتله کا
ماۓنسى، هق اد کواس بوليه بونوه توبوه کيت، هق لـبيه
لاکي تاء ليه بوات!

5 بغـله، اکو نق بري تاهو هق مان مو کا تاکوت! توهنـله،
هـق مو کـنا تـاـکـوـتـ، کـرـانـ لـفـسـ مـاتـيـ، نـيـ بـولـيهـ اـمـبـيقـ موـ بـوـهـ

دالم نراگ . سوغکوه هق توله ، هق مو کتا تاکوت .
 6 بوروغ تياق هق اورغ روق جوال ليم ايكور دوا کوقع ، تاءار
 سئيكور هق توهن ترلوف ، عيسىو کات .
 7 فواق مو فون ، توهن تاهو سموا ، هيغگ سمعي بيلغ بيلاشن
 اورت ربوبت مو . ساپبیت تو ، مو جاغن تاکوتله ! فواق مو او
 هرگ کا توهن لبيه فد هرگ بوروغ هق برييو ۲ ايكور لاکي .
 8

کيت مفاکو اتوا تا^۳ مفاکو عيسى

فس عيسىو کات لاکي ، کا صحابة ۲ دي : سياف مفاکو دافن
 اورغ رامي کات يي جاري ميليق کو ، اکو ، ماۓنسى هق تورون
 دشرگ فون نق مفاکو سروف تو جوگ ، دافن ملائيکة ۲ دانحيرة .
 9 تافي ، سياف تا^۴ سير مفاکو دافن اورغ رامي ، کات يي جاري
 ميليق کو ، اکو فون تائسيير مفاکو سروف تو جوگ ، دافن
 ملائيکة ۲ دانحيرة .

10 كالو سياف ۲ کيچيق هيينا چارا حال اکو يي فون ، اورغ تو بوليہ
 امفون لاکي ، تافي سياف کيچيق هيينا چارا حال روح توهن ،
 اورغ تو تاءار جالن نق بوليہ امفون .

11 ماس کوء دافن ، عيسىو کات ، بيلا اورغ امبيق مو کي دافن کتوا
 دالم مسجید يهوري ، اتوا کي رافن کتوا ۲ کراجاں فون ، مو
 تائسه روسيقله اف مو نق جواب ، اف مو نق رویت .

12 فد کتيك تو جوگ ، روح توهن نق اجر مو ، بري تاهو بالس
 ملن مو کا جواب کا فواق تو .

عبارة اورغ کاي هق بوروه

13 اد سئورغ دالم اورغ رامي کيچيق دغۇن عيسىو کات : هي
 توان كورو ! سوروه کاكق امب بري کا امب گاتيقله ، فساڭ هق

- چي' کيت دولو، بري بوليه کا امب کاتيق، سکيان! 14
 تافي عيسى کات کا ری: هي هاو! بوکن کرج اکو نق کرت
 سین بوکو مو کدوا، اتوا نق بهاگي فساک چي' مو تو!
 فس عيسى کات کا اورغ رامي تو: مو کنا جاکاله طبيعة طمع تو! 15
 کيت بوليه هرت بندا باپق مان فون، هيدوف کيت تاء کاي لاکي.
 فس عيسى رویت نفن عباره ني، نق بري اورغ رامي ارتی:
 ار اورغ کاي سورغ، تانه ری بوليه حاصلن باپق.
 فس ری دوق فيکير دالم هاتي کات: اکو نق بوات کان، لتق
 دملن، حاصلن کو سموا؟ تاء! تمفت نق تاروه!
 ها، نق بوات کيني! نق روميق سموا تمفت کدوغ هق سديا 18
 نق بوات لاءين هق بسر، بارو فادن بوبوه سموا.
 فس، اکو بوليه سنغ هاتي کات بارغ کو دوق کمس بلاک ده،
 نق بري بوليه فاکي باپق تاهون لاکي. اکو بوليه براوو امبيق
 ریغ ده، ماکن مینوم بري سوک ل له! بالس توله ری کيچيق دالم
 هاتي ری. 19
 تافي توهن کات کا ری: هي اورغ بودوه! مالم نی جوگ، مو
 کا بري پاوا مو گليق. فس، سموا بارغ هق مو دوق تاروه
 تو، نق جاري هق سياف فول؟ 20
 بالس توله، عيسى کات، سموا اورغ هق سوک هيمفون هرت
 انتوق ديري ری، تاء سير کاي رفنداغن توهن. 21

فرکارا هق مستحق سکالي

- فس عيسى کات گا مرید ۲ ری لاکي: سا بيت توله، اکو فسن 22
 کا فواق مو کات: مو جاغن بيمنع، جاغن گادوه، کا بارغ مکان
 انتوق ديري مو، اتوا کا کاءين فکاين انتوق توبوه مو فون.
 ديري مو لبیه مليا فد بارغ مکان. توبوه بدان مو فون لبیه فد
 فکاين لاکي. 23

- 24 چوب فرهاتي تيغوق کهيدوفن بوروغ ۲ تو ! دي تا^ء منام ، دي
تا^ء مغتم ، رومه فاري فون دي تاء^ء جوگ ، تافي توهن بري ماکن
کا دي . فواق مو فون مليا لاكى فد بوروغ ، بوکن ؟
- 25 فس ، سا لاكى ، عيسى کات ، فيكيرله ! اد کادق ، اورغ دالم فواق
مو هق بوليه تعبه عمور دي سيكىت^ـ ، دغۇن ترايغۇت^ـ نق بوليه ؟
- 26 تنتو تاء^ء اد ! کالو مو تاءلەيە بوات فركارا كچىك سروف تو ، با^ء اف
مو دوق فيكير بىمبىغ سعمور كو^ء رافن ؟
- 27 فس لاكى ، مو تيغوق بوغا تلىفوق فول ، عيسى کات ، بالس مان
دي بوليه كمېغ . دي تا^ء کا تىنون ، تا^ء کا جاهىت باجو ، تافي
راج سليمان هق کاي سکالىي فون ، تاء^ء اد کائين فكايىن موليق ،
سروف بوغا تلىفوق تو .
- 28 توهن بري جاني موليق ، بوغا^ـ رمفوت ماچم نى ، هق هارى نى
كمېغ ، ايسوق كچوت كرىيغ ده ، نق باكر ساج . اوھ فواق مو ،
هق كورغ فرچاي ! تنتولە ، لبىھ ۲ لاكى ، توهن نق بري کائين
فكايىن کا فواق مو ، بوکن ؟
- 29 سابىت تولە ، عيسى کات ، جاغن مو دوق روسيخ ، جاغن مو
دوق اىيغت کا جالن چاري ماکن ساج .
- 30 كران اورغ ۲ هق تاء^ء كىل توهن دىنيا ، سموا دوق چاري بارغ ۲ تو
ساج . تافي فواق مو نى ، عيسى کات ، توهن باف مو تاهو
ده کات ، مو کا فاكى بارغ ۲ تو جوگ .
- 31 تافي ، فركارا هق مستحق سکالىي ، فواق مو کا كاچۇن چاري
جالن نق توروت فرينته توهن باف مو دولو ، بارولە توهن
نق بري سموا فركارا هق مو کا فاكى تو .

هاتى كىت توجو کا تمفت هرت كىت دوق

- 32 هي صحابة^ـ كو ، هق . اکو كاسىيە ، ولو فون فواق مو تاء^ء

رامي لاني ، عيسىو کات ، مو تاءسه تاکوتله ، کران توهن باف
مو برکنن بري مو بوليه مرینته سکالي رغن يي داخیره .

33 بايك جوال هرت بندامو ، امبيق رویت کي بوات صدقه کا
اورغ مسکين . فس سيمفن انتوق ديري مو ، بيگ رویت هق تاء
چاريق ، يائيت دشريگ . مو کا هيمفون تاروه هرت مو دسيتيو
تمفت هرگ رویت مو تو تاٿراليه ، تمفت فنچوري تاڻيليه ماسوق ،
گشت ۲ فون تاڻيليه ماڪن .

34 کران تمفت مان هرت بندامو روق لاني ، هاتيمو نق توجو
کوء تو .

همب ۲ توهن هق روق سيمفن ده

35 فس عيسى رویت رغن عباره کات : مو کا سيمفن ديري
انتوق اف ۲ نق جاري اتس مو . سروف کولي ۲ روق ننتي
تون يي ڪليق تمفت فولوت منيڪاچ . يي ايکت فيشكع ، فڪڻ
فليتا ، فس بيلا توان ڪليق سمني ده ، با گرتوق فينتو ، فواق
تو بوک سلالو .

37 فس سوک هاتيله کولي ۲ هق تولن بوليه ماري تيغوق يي روق
تو غڪو سيف ده . سوگنوه ، لفس فد تو ، عيسى کات ، توان تو
نق ايکت فيشكع يي سنديري ، سوروه کولي ۲ دودوق ، فس
يي نق ڪرج انتوق کولي ۲ يي فول
38 سوک هاتيله کولي ۲ تو ، كالو توان بوليه ماري تيغوق يي روق
بالس تو . ولو کات توان ماري فوكول روا بلس تغه مالم ، اتوا
لمبت لاکي فون .

39 فس ، مو کا ايشتله ، عيسى کات ، كالو توان رومه تاهو فرياغ
مان فنچوري نق چوغڪيه فافن ماسوق ، تنتو يي نق جاڳ
موليق ، تاءبري فنچوري تو ماسوق .

40 فواق مو فون کا روق جاڳ سروف تو جوگ ، کران فد ماس

مو تائىشك ، اكى مائنسى هق تورون دشركى نى ، نق تورون مارى فول .

كولي هق توان بوليه هارف

- 41 فس فيتروس تان عيسى كات : توان رويت چريتا ساءنى انتوق فوقاً كيت ساج كە ؟ اتوا انتوق اورغ رامي كاتييق ؟
- 42 عيسى فون جواب بالس نى : اورغ بالس مان ، كولي هق توان رى كات بوليه هارف ، فس هق بىيجق ؟ دىالله اورغ هق توان سوروه جاڭ كولي ۲ هق لائين ، نق بېهاڭى مكانن هق سوغ كا رى سروف ، هاري ۲ . سوك هاتيله كولي تو ، كالو توان رى كلىق ، تغە ۲ رى دوق بوات فركلارا ۲ تو .
- 43 فس ، اكى نق رويت كەد مو ، عيسى كات ، كولي هق جوجور تو ، توان نق هارف كا رى سموا هرت رى .
- 44 تافي ، كالو كولي تو دوق ايغىت كات توان كلىق لمبى لاكى ، فس دغۇن ايغىت تو ، رى كى بوات خيانة كا كولي ۲ لائين ، تاءَ كىرا بتىينا جىتنى ، فس رى ماكن باپق ، سەھىيفىڭ جانى ما بوق ،
- 45 جاتوه ساتو هارى ، تكە كولي تو دوق سەفك كات ، توان رى لمبى كلىق لاكى ، تىبيا ۲ توان سەمفى كلىق . توان كولي تو نق گۈنم رى ھابىس ۲ رىپەن ، برى فاتە فوتوس ، فس برى نصىب سروف دغۇن فوقاً اورغ هق تاءَ طاعة كا توهن ، عيسى كات .
- 46 فس عيسى كات لاكى : كولي هق تاھو دە كەندىق توان رى ، تافي تاءَ سىيمىن دىرىي نق بوات توروت ، توان نق سوروه فيات برى ترۇق .
- 47 تافي كولي هق تاءَ تاھو كەندىق توان رى ، فس بوات هق سوغ كا فيات ، اورغ تو ، توان نق سوروه فيات برى كەھور ساج . كا اورغ هق توهن برى باپق ، داورغ تو توهن هارف نق بوليه باپق جوڭ . فس اورغ هق اورغ لائين برى تەڭكۈچ باپق

فرکارا ، دبی اورغ لائين تو دوق هارف نق بوليه باپچ جوگ .

عيسى ماري ، بوکن انتوق بري اورغ دوق سنغ

49 لفس تو ، عيسى کات فول : هق اکو باواه ماري کا ماۓنسى دنیا ، سروف افي . فس ، کالو افي تو مپالا ده ، باروله فواں هاتیکو !

50 اکو کنا تریما سیقسا ، سروف اورغ سلم دالم ایر ، هق بولیه بندیغ کات روکون مندی هق اکو . فس هاتیکو تاۓلیه سنغ ملینکن سمفی اکو تریما کسیقسائیں تو ہابیس ده .

51 جاغن مو سغک کات ، اکو ماري کا دنیا نق بري اورغ دوق سنغ سام سندیری ، عيسى کات . دق ! تافي اکو ماري نی نق بري اورغ فچہ بلہ .

52 لفس فد نی ، دالم سبواه رومه لیم اورغ ، هق تیگ نق برلاون لغن دوا ، فس هق دوا نق برلاون لغن تیگ .

53 رومه تو نق فچہ بلہ . چیئ نق لاون لغن انق جنتن ، انق جنتن لغن چیئ . مق نق لاون لغن انق بتینا ، انق بتینا لاون لغن مق . توئیتا نق لاون لغن منتو ، منتو فون لغن توئیتا .

مو کنا ارتی تندا فریاغ ۲ هق توهن تورون

54 فس تو ، عيسى کات کا اورغ رامي : بیلا مو نتفق ، نائیک فوکوک کوئ متھاري جاتوه ، مو کات سلالو : ها ، هاري نی نق هوجن ! فس جاري سوڠکوه .

55 بیلا مو براں اغین فوفوت ماري بالیق هیلییر ، مو کات : ها ، هاري نی کماراو ! فس جاري سوڠکوه ، عيسى کات .

56 هي فواق مو هق بوات ۲ تاءارتي ! مو تاهو ده سموا تندا دلاخت اتوا دبومي ، تافي باۓاف مو تاءارتي تندا هق توهن

تورون انتوق ماس لاني؟

مو کنا بري باءیك سمول رغن سترو

57 فس عيسى کات لانکي: باءاف فوق مو تايليه فاكت کира هق
مان بتول ، دالم بوکو فوق مو؟

58 ميسيل ، کالو اد اورغ هق روق ادو مو نق بوات بوکو ، مو کا
چوب کيچيق رغن ري بري باءیك سمول ، بلغ روق کي کاتمفت
توء حکيم . کالو تاءیك دولو ، ري نق هيريت مو کي سمنفي
کارافن توء حکيم ، توء حکيم فول نق سره مو کا سلدابو هق
نق بوبوه مو دالم کوق .

59 فس ، سمنفي سكت تو ، مو تايليه توبیت ده ، ملينکن مو باير
دندا مو دولو ، بري ليچين هابيس .

فاليله تيغلل دوسا مو

باب 13

1 فد ماس تو جوگ ، اد اورغ دسيتيو رویت کا عيسى چارا
حال فيلاتوس روق بونوه سفواق اورغ کاليل ، بري داره ري
برچمفور رغن داره قريان ، هق فوق تو روق سمبليه فد ماس
2 تو . فس ، عيسى تاث فوق تو: مو سشك کات اورغ کاليل
سيقسا بالس تو ، سبب ري بوات دوسا لبيه فد اورغ لائين
دنکري کاليل که؟

3 بق ! عيسى کات . تنتوله ، کالو فوق مو تاء فاليله تيغلل
دوسا مو ، مو نق کا سيقسا سروف تو جوگ !

4 فس ، بالس مان فول ، رغن اورغ لافن بلس دسيلوم تو ، هق
رومہ باتو رونته بري ماتي هابيس . مو سشك کات ري ساله
باپق فد اورغ لائين دکوت جروسليم که؟ بق ! عيسى کات .
5 تنتوله ، کالو فوق مو تاء فاليله تيغلل دوسا مو ، مو فون نق
ماتي سروف تو جوگ .

عبارة فوهون ارا هق تا^ءتوبیت بواه

- لفس تو، عيسى رویت نغن عباره دالم چریتا نی: اد سئورغ
6
هق اد فوهون ارا دالم کبون ری. ری هارف کات نق بولیه
هاصلن، تافی تاءبریواه.
- سبب تو، ری رویت کا اورغ جاگ کبون، کات: تیغوقله! تیگ
7
تاهون ده، اکو ماری نق اسپیق بواه فوهون نی، تافی تاءراجین
بریواه سبوتیر هابوق. تبع تاهوفله فوهون نی! بوات روکی کا
تانه ساج!
- تافی اورغ جاگ کبون کات: بлерله توان! کیت ننتی تیغوق
8
ستاهون لاکی، نق لیغکا بوه باج دولو،
فس کالو بریواه تاهون رافن، موجورله. کالو تاءبریواه لاکی،
9
بارو کیت تبع!

اورغ بتینا بولیه لفس کسیقسائیں ری

- فده ساتو هاری، هاری میغکو، عيسى دوق معاجر اورغ
10
دالم مسجدید اورغ یهونی. فس اد اورغ بتینا دوق سیتو، هق
11
ماسوق هنتو لافن بلس تاهون ده. ساپیت تو، توبوه ری
لمبوت هابیس، ری تاءلیه بعه، چالن بوغکق سعمور.
بیلا عيسى تیغوق اورغ بتینا نی، ری فشکیل ماری کات: هي،
12
کا^ء وان! مو لفس ده کسوساهن مو!
- فس، ری لتق تاغن اتس اورغ بتینا. با لتق تاغن، اورغ
13
بتینا بولیه بردیری بتول سلالو. فس دی فون دوق فوجی
کا توهن دسیتو.
- تافی اورغ هق جاری کتوا دالم مسجدید موریه، کران عيسى
14
بری سیار اورغ ساکیت فد هاری میغکو، هق لارغ تاءبری بوات
کرج. فس ری باغون رویت کا سموا اورغ کات: انم هاری کیت

بولييه كرج، ماريله بري سيار فاكيت مو دالم ماس انم هاري تو،
جاغن ماري فد هاري ميغكو!

15 تافي غيسى جواب کا رى کات: هي فواق مو هق کيچيق مانيس
لوار! تنتو سموا فواق مو، هق فيرا لمبو اتوا هيمير، مو کما
رومبيك جيرت رى، باواه توبيت دالم کندغ، بري ماکن اير فد
هاري ميغكو، بوکن؟

16 فس، اورغ بتينا نى، کتورونن نبى ابراهيم، هق هيبلليس دوق
ايكت لافن بلس تاهون ده، موليق کالق، بري رى لفس فد
هاري ميغكو؟

17 هق عيسى رویت تو بري مالو سترو ۲ رى. تافي اورغ رامي
برکن فرگارا ۲ فليق هق عيسى دوق بوات تو.

عبارة بنية ساوي

18 عيسى کات: بيلا توهن ماري امبيق فرينته رى اتس
ماءنسى، نق جاري بالس مان؟ نق بندیغ دغن کاف؟
19 نق بندیغ دغن سبوتير بنية ساوي هق اورغ امبيق کي تانم
دالم فاگر رى. کهور ۲ تومبوه جاري فوهون بسر. سمني بوروغ
بولييه کي بوات سارغ اتس چابغ رى.

عبارة اييو روتى

20 فس عيسى رویت عباره سا لاکي کات: اکو نق بندیغ دغن
کاف، بيلا توهن ماري امبيق فرينته رى دالم هاتي ماءنسى؟
21 جاري سروف اورغ بتينا هق امبيق اييو روتى ماري چمفور دالم
کندوم تيگ کيلو، فس اييو تو اد کواس بري سموا تفوغ تو کمبغ
موليق ۲.

فینتو هق سمفیت

- 22 تکه تو، عیسی دوق برجالن کی کا کوت جروسلیم . تغه
دوق کی تو، دی ماسوچ کو، دالم کمفوغ اتوا دالم کی، نق
م查جر اورغ.
- 23 فس اد سئورغ ماری تان ری کات: هي توانکو! سیکیت ساج که ،
اورغ هق توهن بري سلامت؟ عیسی فون جواب بري سموا اورغ
تو دغر کات:
- 24 مو کنا اوسمها چاریله ماسوچ کو، فینتو هق سمفیت ، کان
سسوغکوهن ، عیسی کات، باپق اورغ نق ماسوچ کو، فینتو تو،
تافی نق ماسوچ تاء لیه.
- 25 اد ساتو ماس، توان رومه نق باگون کی کاتوف فینتو، سلق
سیف ده، بارو فواق مو ماری نق گرتوق فینتو بلغ ۲ فشکیل
تون: هي توان ! بوکاله فینتو ! توان نق جواب: فواق مو ماری
دمان؟ اکو تاء کتل!
- 26 فس فواق مو نق کات: کیت بیاس کی ماکن فولوت ده دغن توان ،
فس توان فون بیاس کی م查جر کو، کمفوغ ۲ کیت !
- 27 فس توان نق جواب فول: اکو رویت ده براف کالی کات اکو تاء
کتل مو؟ کیله جاء وه درفده کو، فواق مو هق بیاس بوات جاهت!
فس عیسی کات کا اورغ رامی تو فول: ماس کو، رافن، بیلا مو
- 28 بولیه نمفق ابراهیم ، اسحاق ، یعقوب دغن سموا نبی ۲ تو ،
دوق دالم ده ، تمفت هق توهن مرینته راخیره تو ، فس
فواق مو فول ، کنا دوق لوار نق ماسوچ تاء لیه ، نق تروق
سوغکوه فواق مو ، عیسی کات ، دغن تریاق تاغیس ، دغن
کاچیت کیکی سایت ساکیت هاتی.
- 29 فد ماس تو، عیسی کات ، باپق اورغ نق فاکت ماری ، بالیق
متھاری ناء یک ، بالیق متھاری جاتوه ، بالیق هولو ، بالیق

هيلير، نق ماسوق دوق ماكن جامون سکالي رعن نبي ۲ ساني،
دالم تمفت هق توهن مرينته راخيرة تو.
تافي، عيسى کات، باپق هق فريشك تيغكى بوليه ماسوق دولو
لاني، نق رنده کوء دافن. فس، اورغ هق کا دوق دفوڭكوغ
لاني، نق ماسوق دولو بوليه فريشك تيغكى کوء دافن.

عيسى سايڭ کا کوت جروسليم

31 فد ماس تو جوگ، اد سفواق اورغ فريسي ماري رويت کا
عيسى کات: توان تائسه دوق له، سيني، سبب راج هيرود دوق
نق بونوه تولن!

32 تافي عيسى جواب کات: گيله رويت کا راج هيرود هق فندي
منيفو تو، کات: اکو عيسى نی، هاري نی دوق همبت هنتو،
دوق بري سيار اورغ ساكيت. ايسوق بوات لاکي، هيغك سمنفي
لوسا، بارو سوده كرج کو. تافي ولو جاري بالس ۲ مان فون
33 اکو کا توروت جوگ جالن کو نی، تکه ماس تيگ هاري نی،
كران تاءار تمفت لاءين، ملينكى کوت جروسليم ساج، تمفت
هق نبي ۲ کا بونوه.

34 فس عيسى کات: اوھ اورغ جروسليم! مو بونوه نبي ۲، مو امبيق
باتو فيگوغ فسوروھ ۲ توهن سعمور. براف کالي اکو براس نق
فلوق فوق مو بري جاري ميليق کو، سروف ايم دوق فشكيل
انق رى، بري ماسوق باوه سايف، تافي مو تاءسىر!

35 سبب تو له، رومه تفگ مو نق تيغكىل هابيس. فس دغره!
عيسى کات، جق دهاري نی هيغك سمنفي هاري کا دافن، هق
فواق مو نق کات: براونتوغلە اورغ هق ماري رعن نام توهن،
فواق مو تاءليه تيغوق اکو ده.

عيسي بري سيار اورغ ساكيت فد هاري ميغكو

باب 14

- 1 فد ساتو هاري، هاري ميغكو، عيسى کي ماكن ناسي درومه
سئوغ کتوا دالم فواق فريسي. سموا اورغ هق دوق دسيتيو فون
دوق فرهاتي تيغوق کا عيسى. فس اد سئوغ ساكيت سمبف
کاكى تاغن، ماري دوق دكت عيسى.
- 2 عيسى تان کورو ۲ تورات نشن فواق فريسي تو، بري لي رفر
سموا، کات: حکوم تورات بنر بري کيت تولوغ اورغ ساكيت بري
سيار، فد هاري ميغكو، کا رق؟
- 3 تافي فواق تو دوق سيف تاءجواب. عيسى فون امبيق اورغ
ساكيت تو، بوات بري سيار، فس بنر بري لي کي.
- 4 فس عيسى کات کا فواق تو فول: فواق مو، كالو انق اتوا لمبو
فون، جاتوه دالم تلاکن فد هاري ميغكو، تنتو مو نق کي
اگكيت ناءيك سلالو، بوکن؟ تاءکيرا کا هاري ميغكو فون!
هق عيسى کات سائني، فواق تو تاءليه جواب.

عيسي سوروه منده ديري

- 5 فس، عيسى فرهاتي تيغوق، دالم فواق هق ماري ماكن
ناسى دسيتيو، اد اورغ هق دوق بربوت تمفت دودوق هق موليق
رافن. سبب تو، عيسى رویت ساتو چريتا رشن فاكى عباره،
برى سموا اورغ رفر، کات بالس نی:
- 6 كالو سياف کا فاده کي ماكن فولوت، جاغنله مو دوق تمفت
موليق هق رافن. تاکوت اد اورغ هق لبيه حرمة فد مو، کنا
فاده جوگ. فس، تون رومه نق ماري سوروه مو بري تمفت
موليق کا اورغ تو. مو فون کنا مالو، فس فول، کنا براليه،
دوق سود دبلانخ اورغ.
- 7 نق! عيسى کات. بيلا مو کا فاده کي ماكن فولوت، مو کي

رودوق تمفت رنده سلالو. فس، بیلا توان رومه ماری، نی نق کات: هي کاون! ماری دوق تمفت مولیقله! مو فون نق بولیه تریما حرمة، دافن سموا اورغ سیتو.

کران اورغ هق سوک اگکیت دیری نی، توهن نق بری رنده، ماس دافن، تافی اورغ هق سوک مرنده دیری نی، توهن نق اگکیت فول، کو دافن.

فس، عیسی کات فول کا کتوا فریسی هق فاده اورغ کی کا رومه نی تو: بیلا مو بوات جاموان نق فغکیل اورغ رامی، جاغن مو اجق سائین ۲ مو، اتوا ادیق برادیق قوم کلوارک مو سندری، اتوا سائین ۲ هق کای دالم کمفوغ، کران فواق ۲ نی بولیه بالس نق اجق مو کی کا رومه نی فول.

دق! عیسی کات. بیلا مو بوات جاموان، مو کا فغکیل اورغ مسکین، اورغ چدرا، اورغ برجالن کیچوق دغن اورغ بوت، ماری ماکن جاموان مو، بارو مو نق بولیه اونتوع. کران فواق ۲ نی، نق بالس بوري مو تاءلیه. فس، مو نق بولیه بالسن، فد هاری اورغ هاتی بتول نق بغکیت هیدوف کلیق تو.

عبارة چارا حال جاموان بسر

اد سئورغ دالم فواق هق دوق ماکن ناسي سکالی دغن عیسی سائني. نی کات کا عیسی: اه! براونتوع سوغمکوه، اورغ هق بولیه ماکن جاموان توهن داخیره!

عیسی فون کات کا اورغ تو: اد سئورغ دوق سیمفن نق بوات جاموان بسر. نی فاده باپق اورغ. فس بیلا سمفی ماس ده، نی سوروه کولی نی کی اجق سموا اورغ تو ماری سلالو، کات: کیله کا رومه توان امب! هیداغن سیف ده!

تافی اورغ هق کا فاره تو، فاکت مینتا دیری کات تاءلیه کی بلاک. هق مولا ۲ کات: مینتا معافله، امب تاءلیه کی! کا

- کي تيغوق تانه هق بارو بلي سكفيغ !
فس اورغ لاءين فول کات : امب مينتا ، معافله ، تاءلية کي ! امب
بلی لمبو کاسي ليم گو ، نق بوت گالا . امب کا کي اجر ري .
ترفاکي کا دق . 19
- فس ، شئوغ لاكى فون مينتا ، معاف سروف تو جوگ ، کات :
امب تاءلية کي ، سبب بارو برييني ! 20
- کولي فون کلېق کي رویت کا توان دي بالس تو . توان فون موريه
ساغت . فس دي سوروه کولي دي فول ، کات : موکيله سلالو !
چاري اورغ دالم کدي ، کو لوروغ ۲ ، کو جالن ۲ بسر ، اورغ مسکين
اورغ چدرا ، اورغ بوت ، اورغ برجالن کيچوق ، سوروه دي ماري
 بلاک ! 21
- تاءلام ، کولي کلېق رویت کا توان کات : هق توان سوروه تو ،
بوت بلاک ده ، تافي اد لاكى ، هيداعن هق لبيه . 22
- فس ، توان سوروه کولي توبیت کي سکالي لاكى ، کات : موکيله ،
کو دارت ، چاري اورغ کو کمفوغ ۲ ، کو چارق ۲ ، سوروه دي
ماري جوگ ، نق بري فنوه هيداعن ، زومه کو ني ! 23
- کران اکو رویت کا فواق مو سموا ، کات : اورغ هق اکو فاده
دولو ، تاءلية ماکن شئوغ هابوق ، جامون اکو ني ! 24

سياف نق جاري انق مرید عيسى

- اورغ رامي ماري برهيمفون ، نق توروت عيسى ، فس عيسى
فالين کات کا سموا اورغ ني : کالو سياف نق توروت جاري
مريد اکو ، تاءلية ، ملينكى رى جوغ فوتوس دغۇن اىپۇ باف دى ،
دغۇن انق بىينى ، ارىق براديق ، بتىينا جىتن ، سەمفي کا دىرىي رى
سىدىرىي فون . 25
- دي کا سەڭگۈف فيكول کايىو امف چابىغ يغ ھينا هق توهن برى
کا رى ، توروت اکو کي ، کالو سەمفي کا ماتى فون ، بارولە بولىيە
27

جاری انق مرید کو.

- 28 میسل، عیسی کات، سیاف بی دالم فوق مو، نق بوات رومه
بات، نغن تاءکیرا دولو، هابیس باپ مان، نق بربی سوده
کرج تو. تاکوت با بوات فلافیق، هابیس بلنجا، فس سموا
اورغ نق متنجیع کاری، کات: تیغوقله! نفسو نق بوات رومه
بسرا، تافی تاءسوده!
- 29 30 فس میسل سا لانکی، عیسی کات، سورغ راج، عسکر سفولوه
ریبو اورغ، نق کی لاون نغن راج اد عسکر دوا فولوه ریبو
اورغ، هق نق لغکر ماسوق نگری بی. راج هق عسکر سفولوه
ریبو سائی، کنا بوات بالس مان؟ بی کا دوق فیکیر بربی
هالوسی دولو، کات، کواس بی چوکوف کارق، نق لاون
سترو تو.

- 31 کالو کواس تاءفادن، تکه سترو تو دوق جاوه لانکی، بی کنا
هنتر فسوروه بی کی دولو، مینتا، نق بربی جاری بایک.
32 33 فس، عیسی بربی سود دغن فرکتائن بی: فوق مو فون کنا
بوات سروف تو جوگ! کالو سیاف نق جاری انق مرید کو،
بی کا جوغ سره سرب سروفی اف هق بی اد.

کارم هق تاءترفاکی

- 34 کارم تو بارغ هق برگون سوغکوه، عیسی کات، تافی کالو
کارم تو جاری تاور، نق بوات بالس مان بربی جاری ماسین فول?
35 کارم هق فونه ده بالس تو، نق بوات باج بندغ تاءلیه، نق
بوات بوبوه تنامن فون تاءلیه جوگ. کا تاهوق ساج!
سیاف اد تلیغا نق لغز، لغزله، عیسی کات.

باب 15 اورغ بوات دوسا فون، عیسی کاسیه جوگ

فدا ماس تو، اورغ کوتیف چوکی، کرج هق سموا اورغ هینا،

دغن اورغ هق تاءً توروت حکوم توهن، باپق اورغ، ماري نق دغر فشا جران عيسى .

گورو ۲ تورات نغن فواق فريسيي تاءً برکنن . ي دوق برسوغوت ۲ کات : ايه ! عيسى ني سوك برچمغور کاًول دغن اورغ بردوسا سموا ني . ي دوق ماکن ناسي فون ، نغن فواق ۲ ني ! بيلال عيسى دغر هق فواق تو دوق کيچيق سائيني ، ي فون فاليلع رويت دغن فاكى عباره کا فواق تو ، کات :

چريتا کمبىغ بيرىغ هيلع سئيكور

4 ميسيل ، سئورغ دالم فواق مو اد بيرىغ سراتوس ايکور فس هيلع سئيكور . توان ي نق بوات لاڭو مان ؟ ي نق تيغكىل هق سمبيلن فولوه سمبيلن ايکور تو دفادغ، کي چاري هق هيلع سئيكور ، هيغكى سمنفي برتمعو .

5 بيلال تمو ده ، ي فون فيكول بيرىغ تو كليق کا رومه دغن سوك هاتىي ، فس فشكيل سائين ۲ كمفوغ ماري سوك ۲ سكالي دغن ي .

6 نيله بيرىغ هق هيلع ، اكى تمو ده ! ي کات .

7 بالس تو جوڭ ، عيسى کات ، بيلال ساتو اورغ بردوسا توبه ، جادي سوك ريا دالم شرڭ ، لبيه لاڭي فد سوك ريا انتوق سمبيلن فولوه سمبيلن اورغ هق بتول ، تاءً کا توبه .

چريتا دويت فيرق هيلع سكفيغ

8 فس ميسيل سا لاڭي ، عيسى کات : اورغ بتينا سئورغ اد دويت فيرق سقولوه کفيغ ، هيلع سكفيغ . اورغ بتينا تو ، نق بوات لاڭو مان ؟ ي نق چوچوه فليتا ، کي سافوس ، چاري هيغكى سمنفي تمو .

9 بيلال تمو ده ، ي فون فشكيل سائين ۲ كمفوغ ماري ، سوك ۲

سکالی دغن ری. نیله رویت هق هیلخ، اکو تموده! ری کات.
بالس تو جوگ، عیسی کات، ملائکة ۲ توهن براس سوک هاتی
سوغکوه، بیلا اد ساتو اورغ توبه تیغکل دوسا.

انق بوغسو تیغکل کی جاوه

- میسل سا لاکی، عیسی کات، اد اورغ، ری اد انق جنتن
دوا اورغ. انق بوغسو ماری کیچیق دغن ایه ری کات: یا ایه!
بریله سلالو، فساک هق بکیان اکو!
ایه ری فون، بهاکی هرت ری کا انق دوا اورغ تو.
- لفس فد تو، تاءلام، انق بوغسو فون، هیمفون جوال بکیان
ری، امیقیق رویت، توبیت کی کا نگری جاوه. دسیتو، ری
دوق بلنجا بوروس، دغن تاءبراپخت.
- بیلا رویت ری هابیس، با پتولن دغن کماراو بسر سرات نگری
تو. فس ری تاءاد سکارا هابوق.
- سابیت تو، ری کا کی کرج کا اورغ دالم نگری تو. اورغ نی فون
سوروه ری کی فیرا بابی د بنده.
- ری لافر هیئگ ری براس نق ماکن بربی کیغ دغن کولیت کاچع
هق بربی ماکن کا بابی، تافی اورغ تاءبری کا ری.
- باروله ری سدر دیری کات: کولی هق کرج درومه ایه کو، اد
ماکان لبیه، تاءچیکف نق ماکن، تافی اکو، انق ری سندیری
دوق سینی، نق ماتی دغن کران مومر!
- ایه! اکو نق کلیق کی چاری ایه کو، کات کا ری: یا ایه، اکو
مطاکو ساله کا توهن، فس دغن ایه جوگ.
- اکو تاءسوغ نق فشکیل انق ایه لاکی. بارله بربی اکو دوق
کرج سروف کولی ایه ساج!
- سوده فیکیر بالس تو، انق بوغسو سا^۱ نی باعون کی چاری ایه
ری. فس ایه ری نمفق انق دوق جاوه لاکی. ری فون براس

- کسیاگ بلس، فس هوغلک کی سمعیوت انق، فلوق سیوم دی.
 21 انق فون کات کا ایه دی: یا ایه، امب معاکو ساله کا توهن،
 فس رغن ایه جوگ. امب تائے ووغ نق فٹکیل انق ایه لائکی . . .
 22 تافی ایه دی فٹکیل کولی ۲ ماری، کات: کی امیق باختله، باجو
 جوبه هق مولیق سکالی، ماری بڑی انق کو فاکی!
 23 امیق چینچین، کاسوت، ماری بڑی دی فاکی، فس کی امیق
 انق لمبو هق گموق سکالی، ماری سمبليه. کیت نق بوات جاموان
 24 سوک ۲! کران انق کو نی، سروف دی ماتی ده، فس هیدوف
 کلیق. دی هیلخ لام، لانی تمو ده!
 25 فواق دی سموا فون، برجمو سوک ۲ بلاک.
 26 فد ماس تو، انق سولوغ دوق دبندغ لائکی. بیلا دی کلیق سمنی
 27 رکت رومه، دی رغر بوپی لائکو. فس دی فٹکیل کولی تاث دی:
 اف، بوپی تو؟ کولی جواب کات: ابیق توان کلیق ده، فس ایه
 سوروه سمبليه انق لمبو هق گموق بوات جاموان، ساپیت ادیق
 28 توان کلیق رغن سلامت.
 بیلا انق سولوغ رغر بالس تو، دی موریه ساعت، تائے سیر
 ماسوچ دالم رومه، تمفت جاموان. فس ایه دی سنديري توپیت
 اجق دی ماسوچ.
 29 تافی انق سولوغ کات کا دی: ایغتلہ! براف تاهون ده امب کرج
 کا ایه، تائے بیاس لغکه حکوم ایه سکالی فون، تافی ولو کمیع
 سئیکور فون ایه تائے بیاس بڑی، نق جامو رغن سائین سوک ۲!
 30 تافی انق ایه تو، دی بلنجا هرت ایه تائے برایفت، رغن فیرا
 اور غ بتینا بیلیق بڑی ہابیس، فس بیلا دی کلیق، ایه فون
 سمبليه لمبو هق گموق، بڑی کا دی!
 31 ایه جواب کا دی کات: ایغتلہ انق کو! مو دوق سکالی رغن
 اکو سعمور، فس هرت بندنا هق اد، سموا فون جانی هق مو
 32 بلاک. تافی مولیقلہ، کیت برجمو بڑی سوک ۲ کران ادیق مو نی،

سبب دی سروف اورغ ماتی ده، فس هیدوف کلیق. دی هیلغ
لام، لانی تمو ده!

چریتا کتوا هق فندي میکیر

باب 16

1 لفس تو، عیسى رویت چریتا کا مرید ۲ دی: اد سئورغ کای،
دی گاجی ساتو اورغ جادی کتوا سموا کرج دی. دی دغز کات
کتوا تو دوق بلنجا بوروس، دویت توان دی.

2 توان فون فشکیل کتوا تو ماری، کات کا دی: اکو دغز ده چارا
حال مو. باوا^۴ ماری کلیق، سموا سوت بنچی مو! مو کنا برادو
ده، کرج نغن اکو!

3 کتوا سائني فون، دوق کیرا دالم هاتی: اکو نق بوات لاکو مان،
کالو توبیت کرج نی؟ نق مېشكول تا^۶ رق، فس نق مینتا^۷ صدقه
فون، مالو. اه، اکو ایفت ده نق بوات لاکو مان بري اورغ

4 سمبوت اکو، بیلا اکو برہنتی کرج نی!
بیلا دی کیرا سوده له، فس دی سوروه سموا اورغ هق لکت اوتعه
توان دی، ماری کیچیق نغن دی. اورغ هق مولا^۲ دی تان: مو
لکت اوتعه توان اکو باپق مان؟

5 اورغ تو جواب: سراتوس تمفاين میپیق زیتون! کتوا کات کا دی:
باپق تو اوتعه مو، تافی ماریله، مو تولیس لیم فولوه تمفاين
ساج! فس اورغ سا لاکی، دی تان: مو لکت اوتعه باپق مان؟ اورغ
تو فون جواب: لکت اوتعه گندوم سراتوس گوندي! کتوا فون
کات: ماریله مو تولیس لافن فولوه گوندي ساج، سوده!

6 ولو کتوا نی تا^۸ جوچور، تافی توان دی فوجي جوگ، کران
دی فندي میکیر بالس تو. سسوغکوهن، عیسى کات، اورغ هق
چاری هرت دنیا فندي میکیر سام سنديري، فد فواق هق
توهن بري دوق دالم چره!
7 فس، عیسى تمبه لاکی کات: نصیحة کو نی، مو کنا فاکی هرت

دنیا هق کورغ مولیق تو، انتوق بري بولیه سائین لانی . فس
بیلا هرت تو هابیس ده، مو بولیه سمبوت ماسوق تمفت هق
ار، بوات سلام ۲ .

اورغ هق بري تندا کات بولیه هارف دغن فرکارا کچیک، بولیه
هارف دغن فرکارا بسر جوگ. اورغ هق تاء جوروں دغن فرکارا
کچیک فون، تنتو تاء جوروں دغن فرکارا بسر جوگ .
10 فوق مو فون ، کالو تاء لیه هارف دغن فاکی هرت دنیا لانی ،
تنتو تاء لیه هارف نق بولیه هرت هق سجاتی راخیره .
11 کالو مو فاکی بارغ اورغ لانی تاء لیه هارف ، تنتو مو تاء لیه هارف
نق بولیه اف جانی میلیق مو سندیری راخیره ! عیسی کات .
کالو اورغ بولیه کرج کا توان دوا اورغ سکالی . تنتو کولي نق
بنچی کا توان سئورغ ، نق کاسیه سئورغ . هق ری کاسیه تو،
ری نق طاعة ستیا ، هق ری بنچی تو ، نق تیغوق هینا . بالس
تو جوگ ، عیسی کات ، اورغ تاء لیه کرج کا توهن ، فس کرج
توروت هرت دنیا ، دوا سکالی .
12 13 14

دوا تیگ فرکارا هق عیسی بیاس رویت

اورغ فریسی هق دغر سموا فرکتائن عیسی سائی ، دوق
مفنحیغ ۲ کا عیسی ، سبب فوق فریسی تو سوک کا رویت ، تافی
عیسی کات کا ری : فوق موله فندي نق بري اورغ فوجی کات بتول ،
تافی توهن تاهو فیکیران مو . کران ، اف هق مائنسی فوجی کات
ملیا ، دفنداغن توهن تاء ترفکی سیکیت هابوق .
15 16 سسوغکوهن ، سمفی کا فریاغ نی یحیا ، هق بري اورغ تریما روکون
مندی بفتیزما تو ، اد کتاب تورات دغن کتاب نبی ۲ لائین تافی
حق دماس تو ، اد جوگ خبر بیغ باییک ، چارا حال فرینته توهن
دالم هاتی مائنسی ، دوق ملارت کی سرات تمفت ، فس سموا اورغ
دوق بربوت ۲ نق ماسوق امبیق تمفت باوه فرینته توهن تو .

تافي ايغتلە! مووه لاکي هيلع لاشيت دغۇن بومى، فد هيلىع
تىتىقىق هق كچىك سكالىي دالىم كتاب تورات تو!
17 مىسل، كالو سياف چرى دغۇن بىنىي دى، فس منىكاھ دغۇن اورغ
لائىن، اورغ جىتن تو بوات زنا». فس كالو سياف امبىق اورغ
بىتىنا هق چرى دە بوات بىنىي دى، اورغ جىتن تو فون بوات
زنا جوڭ.
18

اورغ کاي دغۇن اورغ مسىكىن نام لازرو

فس عيسى روپىت چىريتا نى فول: اد سئورغ کاي، فكايىن
رى مولىق ۲ بلاق، مکانن رى گىنف ۲ هارى فون، بارغ مهل هق
اد ذات.
19

فس، اد سئورغ لاکي، نام لازرو، مسىكىن ساغت، توبوه دى
برگۈدىس ھابىس. اورغ بىباس باۋا⁹ دى مارى لتق دافن فينتو اورغ
كاي، دغۇن ھرافن دى نق برى كېڭ فروت، دغۇن نىتى بارغ هق
جاتوه دمىجا اورغ کاي تو. دوق يىتىتو تو، انجىيغ ۲ فون بىباس
مارى جىلىت گۈدىس دى.
20

تاڭلام، اورغ مسىكىن تو ماتىي، فس ملايىكە ۲ مارى امبىق دى
نائىك كىي دودوق، دكت دغۇن نبى ابراھيم، دمىجا جاموان توهن
تو. تاڭلام لاکي، اورغ کاي فون ماتىي فول. اورغ فون امبىق دى
كىي تانم سوده دە.
21

دى فون كىي كا نراك، دوق دالىم كسىقىسان تروق. فس دى
لۇڭق تىغىوچىق، نىدق نبى ابراھيم دوق سكالىي دغۇن لازرو،
جا⁹وھ سايىف ۲ نون.
23

دى فون فەڭكىل كات: توء ابراھيم! كسياغ بىلسە كا امب گاتىقى!
مېنتا ئ سوروھ لازرو چلوف جارى دالىم اير، مارى تىق لىدە
امب برى سجوق! سېبب امب دوق دالىم افي نى سېقىسا ساغت.
تافي نبى ابراھيم جواب كات: يا چوچوكو! مو تاڭايىت كە تكە
24
25

- مو دوق هيدوف، مو تريما بلاک ده، سموا فركارا موليق هق
مو؟ لازرو تکه تو، تريما سموا فركارا هودوه. تافي لاني،
لازرو بوليه ده سوك هاتي، فس مو دوق دالم کسيقسائن فول.
- 26 فس لاکي، ابراهيم کات، اد لوره هق دالم لتق دانتارا فوق
اكو دغن فوق مو، هق سكت جالن، تاءوري فوق مو لغكه
ماري کوئي، فس اكواون تاءليه لغكه کي کوئون.
- 27 كالو بالس تو، اورغ کاي کات، امب مينتا جوگ ۲، بري تو،
ابراهيم سوروه لازرو کي کا رومه ايه کو، کران امب او لاکي،
اديق براديق ليم اورغ. بري لازرو رويت امران کا ري، تاء سير
ブリ リ マイ カ ト ムفت کسيقسائن سروف امب ني!
- 28 تافي ابراهيم جواب کا ري: كتاب موسى دغننبي ۲ لاءين ري
اد ده. بلرله ري توروت هق توله!
- 29 اورغ کاي کات لاکي: دق! هق تو تاء فان، تو ابراهيم! كالو
اورغ هق ماتي ده، کلیق کي رویت کا ري، تنتو ري نق فرجاي
توروت!
- 30 تافي ابراهيم جواب فول: كالو ري تاء فاردول کا كتاب موسى
دغننبي ۲ لاءين، اورغ ماتي هيدوف کلیق ماري رویت فون،
تنتو ري تاء فرجاي جوگ!

چارا حال بوات دوسا

باب 17

- 1 فس عيسى کات کا مرید ۲ ري: مستي کنا اد حال ۲ هق بري
اورغ بوات دوسا. تافي نق تروق سوغکوه اتس اورغ هق
تنجوق جالن بري اورغ بوات دوسا تو.
- 2 كالو ري بري اورغ فريشك رنده بوات دوسا، نق تروق لاکي
اتس ري، فد اورغ اميقي باتو کيسر بسر، ايکت دتك، کي
تاهوق ري دالم لاوت!
- 3 عيسى کات: فرهاتيله بايك ۲! كالو مو نمفق اديق براديق مو

4 بوات ساله ، مو تگھله يي . فس کالو يي مينتاً معاف دغۇن مو ، معافله کا رى . کالو يي بوات ساله كەد مو توجوه کالى سەھارى ، فس گەنگ ۲ کالى يي ماري مينتاً معاف ، مو معافله جوڭ کا رى !

چارا حال ايمان

5 صحابة ۲ عيسى كات کا رى : يا توان گورو ، مينتاً برى ايمان
كىت تگوه لاكى !

6 ربىي فون جواب : کالو ايمان مو اد بسر بنىه سياوي فون ، مو اد کواس بولىيە سوروھ فوهون ارا نى ، كات : چابوتلە مو ، كى تانم دالم لاۋوت ! فس ، فوهون تو نق توروت فرينتە مو .

فاتوت كىج کا توهن سروف ھمب

7 فس ، عيسى كات : مىسل ، مو اد کولي ھق كىج کا مو ، فس
يى دوق مېغكۈل اتوا دوق فيرا بىريلۇ ۲ مو دېندىغ . بىلا يى
كلىق ، مو نق كات کا رق : مارىلە ماكن ناسى ھق سىف دە !
رق ! تنتو مو نق سوروھ يى كى مناق برى ماكن کا مو ، فس
يى كنا توغڭو مو ماكن دولو ، بارو يى بولىيە ماكن سەنديرى .
بىلا کولي توروت سموا سوروھن توان ، تائىسۇغ فاتوت کولي تو

8 سوروھ توان يى ترىيما كاسىيە کا رىي ، بوكن ؟
9 فواق مو كنا بالس تو جوڭ . بىلا مو بوات سىف دە ، سموا
فركارا ھق سوروھ كەد مو ، مو كات : اکو جانى کولي ساج .
فاتوتلە اکو بوات كىج بالس يى !

اورغ فپاكيت بادم سفولوھ اورغ

11 تكە عيسى دوق برجالن كى لاكى کا كوت جروسليم ، يى
لالو كى كوء كليواسن نگرى گالليل دغۇن نگرى سماريا .

- تغه ٢٥ نق ماسوق دالم ساتو کمفوڠ ديق نون، تييما ۲ سفولوه
اورغ فپاکيت بادم تمو دغن دي . فواق ني دوق جا^ءوه فد عيسى،
فس فڅکيل دغن سوارا درس کات: يا توان کورو عيسى! کسياغ
بلس کا فواق امب گاتيق!
عيسى فاليه تيغوق دي فس کات: مو کيله بري امام ۲ فيقيست
توبوه مو! تغه ۲ دي دوق کي تو، تيغوق توبوه دي سيار ليچين.
فس اد سئورغ دالم فواق تو، بيلا دي تاهو کات سيار ده، دي
فاليه کليق کا تمفت عيسى فول، بلغ ۲ دوق فوجي توهن دغن
سوارا درس .
- بيلا سمنفي دكت ده، دي سجود رافن عيسى، اوچف تريما
کاسيه کا دي . جاري، اورغ ني بوکن اورغ يهوري، اورغ سماريا.
فس عيسى کات: سفولوه اورغ هق اکو بري سيار، بوکن؟ مان
سمبيلن اورغ لڳي؟ با^ءاف اورغ ني سئورغ ساج، فاليه کليق،
تريما کاسيه کا توهن، فس دي بوکن بعسا يهوري کيت!
فس عيسى کات کا اورغ تو: باغونله، کي ايکوت سوک مو!
سابيت مو فرچاي، مو بوليه سيار.

MAS توهن نق ماري امبیق فرینته دي

- اد تيگ امف اورغ دالم فواق فريسيي ماري تان عيسى کات:
بيلا، توهن نق ماري امبیق فرینته دي بري سمنفرن؟ عيسى
جواب: توهن تا^ءماري امبیق فرینته دي کو^ء جالن اورغ نمفق.
اورغ تا^ءاليه کات: ها، تو دي! اتوا: ها، نيله دي! کران،
سسوغکوهن، توهن ماري ده نق امبیق فرینته دي دالم هاتي
فواق ۲ مو!

- لفس تو، عيسى رویت کا صحابة ۲ دي کات: نق سمنفي ماس
هق فواق مو براں نق تيغوق سوڠکوه ۲، هاري هق اکو،
ماءنسې دشړګ نې، نق تورون فول بري نمفق. تافي توهن

- 23 تاًبری . ننتی ، اد اورغ نق رویت کند مو: ها ، تو دی ! اتوا
ها ، نیله نی ! جاغن مو توبیت گی توروت دی .
- 24 بیلا سمفی هاری هق اکو تورون دشراگ تو ، ماری سروف کیلت ،
امبیق دکاکی لاغیت بالیق نی ، هیفگ سمفی دکاکی لاغیت بالیق
نون . تافی ، بلوم فد تو ، اکو مائنسی هق تورون دشراگ نی ،
- 25 مستی کا سیقسما تروق ، کران اورغ هق دوق اد ماس لانی ،
تاًسیر تریما اکو .
- 26 تافی بیلا سمفی هاری هق اکو مائنسی نی نق تورون دشراگ ،
عیسی کات ، نق جاری سروف زمان نبی نوح .
- 27 فد ماس تو ، سموا اورغ دوق ماکن مینوم ، دوق برلاکی بربینی ،
سروف سعمور ، هیفگ سمفی کا هاری نبی نوح ماسوق دالم
کفل تو ، فس تیبا ۲ ایر به ماری ، بربی سلم ماتی هابیس .
- 28 بیلا سمفی هاری تو ، عیسی کات ، نق جاری سروف زمان لوط
جوگ . سموا اورغ دوق ماکن مینوم ، جوال بلي ، دوق منام ،
بوات رومه ، سروف سعمور .
- 29 تافی بیلا سمفی کا هاری هق لوط توبیت دنگری صودوم تو ،
تیبا ۲ افي دغن بارا ۲ فانس ، تورون ماری دلاغیت اتش اورغ
نگری تو ، بربی ماتی هابیس .
- 30 نق جاری بالس تو جوگ ، عیسی کات ، هاری هق اکو مائنسی
دشراگ نی ، نق تورون فول بربی نمفق .
- 31 فد ماس تو ، کالو اورغ دوق اتس سوتوه رومه ، جاغنله نی
تورون نق امبیق بارغ دولو . فس ، کالو هق دوق دبندغ فون ،
جاغنله فالیغ کلیق کا رومه دولو !
- 32 ایغتله ! اف هق جاری کا بینی لوط تو ! عیسی کات .
- 33 سیاف ۲ دوق کاچغ چاری جالن نق بربی دیری نی سلامت
اتس دنیا ، نق روگی پاوا نی ساج . تافی سیاف ۲ جوغ سره
پاوا نی ، تنتوله نی نق بولیه سلامت !

- اکو رویت بري مو ایشت، عيسى کات، فد ماس تو، دوا اورغ
دوق تیدور اتس کرغ تغه مالم، فس توهن نق امبیق سئورغ،
تیفگل سئورغ.
34
- فس دوا اورغ بتینا دوق مغیسر، نق امبیق سئورغ ، تیفگل
سئورغ .
35
- فس، صحابة ۲ عيسى تان دی: يا توانکو، دمان نق جاري بالس
تو؟ عيسى فون جواب: دمان اد بارغ ممفوس، دستیوله بوروغ
ایریغ نق کی.
36
- 37

اورغ بتینا مسکین دغن توء حاکیم

باب 18

- لفس تو، عيسى رویت چربیتا نی دغن فاکی عباره . توجوان
دی، نق بري مرید ۲ ری کاچع مینتا، دعا دغن تاء براس مالس .
اد سئورغ حاکیم دوق دساتو بندر. دی تاء تاکوت کا توهن، تاء
تاکوت کا ماء نسي.
1
- فس، اد اورغ بتینا هق توء لاکی ماتی، دوق دبندر تو جوگ .
دی اولغ کی سعمور، مینتا، حاکیم کرت سین منغ دی ، دغن
کو لاؤن .
2
- لام ده، حاکیم مالس نق دغر کا دی ، تافي سود سکالی ، دی
فیکیر کات: ولو اکو تاء تاکوت کا توهن، تاء تاکوت کا ماء نسي
فون، تافي بلرله اکو نق کرت سین منغ دی ، سبب دی نق
ماری کاچو سعمور، بري اکو سرابوت !
3
- فس ریتی عيسى کات: دغرله اف هق توء حاکیم کات تو، فس
دی حاکیم هق تاء عادیل !
4
- کالو بالس تو، تنتو توهن نق کرت سین منغ اورغ هق جاري
میلیق دی، هق دوق مینتا، دعا سیاغ مالم دغن تاء فوتوس .
5
- توهن نق لمبت که؟
6
- نق! تنتو توهن تاء لمبت، نق کرت سین منغ فوق هق جاري
7
- 8

میلیق نی. تافی بیلا اکو، مائنسی هق تورون دشراگ نی، ماری فول، عیسی کات، نق تمو کالق اورغ هق دوق هارف کا توهن سوڠگوه؟

دعا مان توهن برکتن؟

- 9 عیسی رویت عبارة سا لاگی، انتوق توجو کا اورغ هق اغکیت
دیری نی کات مولیق، کا اورغ لاءین نی هینا.
- 10 اد دوا اورغ کی کا بیت المقدس نق بریعا، اورغ فریسی سئورغ
سئورغ لاگی کرج کوتیف چوکی، هق سموا اورغ هینا.
- 11 اورغ فریسی باغون بردیری سئورغ نی، بریعا بالس نی:
یا الله، یا توهن کو! اکو مغوچف تریما کاسیه کا توهن کران
اکو تاءبیاس طمع، تاءبیاس منیفو اتوا بوات زناء فون، تاء
سروف اورغ ۲ لاءین تو! اکو اوچف تریما کاسیه جوگ، کران
اکو تاء سروف نغن اورغ کوتیف چوکی نی.
- 12 یا توهن! اکو بیاس فواس دوا هاری دالم سمیغکو، فس درف د
سموا حاصلن کو، اکو بیری سکیان دالم سفولوھ، کلوار زکات.
- 13 تافی اورغ کوتیف چوکی فول، نی دوق بردیری جاوه نغن اورغ
فس، تکه بریعا، نی مالو نق لغکن نایک کا اتس. نی دوق
لوروت دادا رغن کران سسل سوڠگوھ، فس کات:
- 14 یا توهن! کسیاغ بلس له، کا اکو نی، اورغ بریوسا!
سسوڠگوھن، عیسی کات، بیلا دوا اورغ تو کلیق کا رومه ماسیغ ۲
جاری اورغ بریوسا هق مپسل تو، هق توهن کات تاء ساله ده،
بوکن اورغ فریسی. کران اورغ هق سوک بسر کا دیری کات ملیا،
تنتو توهن نق بیری رنده فول، فس اورغ هق سوک مرنده
دیری، توهن نق بیری ملیا.

عيسى بری برکت اتس بونق ۲

اد اورغ هق باواء انق ۲ کچیک کی کا تمفت عیسی، نق
مینتاء عیسی سوروه لتق تاغن اتس کفلا بونق ۲ بری برکت کا
ری. فوق صحابة عیسی فون تیغوق اورغ نی، فس لارغ ری
تأسیر بری ماسوق .

15 تافی عیسی فغکیل بونق ۲ ماسوق ماری، بلغ ۲ کات: بлер ری
ماسوقله! جاغن لارغ ری، کران اورغ ۲ لاکو نیله هق توہن بری
ماسوق دوق باوه فرینته نی!

16 مو ایغتلہ، عیسو کات، سیاف هق تأسیر بری توہن مرینته
رالم هاتی سروف دغن بونق ۲ س۹ نی، تنتوله اورغ تو نق
ماسوق دوق باوه فرینته توہن تاءلیه، بیلا ۲ فون.

17

اورغ کای ماری چاری عیسی

اد سئورغ کتوا اورغ یهودی، ماری کیچیق دغن عیسی کات:
یا توان کورو هق باءیک! امب کا بوات لاکو مان، نق بری
بولیه هیدوف هق ککل؟

18 عیسی جواب: باءاف مو کات اکو باءیک؟ توہن سا ساج هق
باءیک. مو تاهو ده حکوم ۲ توہن هق کات:

19 جاغن بوات زناء، جاغن بونوہ اورغ، جاغن چوري، جاغن
کیچیق بوهوغ، فس بری حرمه له کا ایبو باف مو!

20 اورغ تو جواب: جق کچیک ۲ لاکی، امب توروت سموا حکوم ۲ نی.
بیلا عیسی دغر بالس تو، نی کات: اد سکارا لاکی هق مو

21 کورغ. مو جوالله هرت مو سموا، فس کی صدقہ کا اورغ
مسکین بری هابیس. بوات بالس تو، مو نق بولیه کلیق

22 هرت دشراگ. فس ماریله، توروت اکو کی!

23 تافی بیلا کتوا تو دغر هق عیسی سوروه تو، نی براس

سوسه هاتي ، کران هرت يي باپق .

- عيسي تاهو اورغ تو سوسه هاتي . سبب تو يي کات : تنتو
فایه اورغ کاي نق سره ديري يي دوق باوه فرينته توهن .
کالو بندیغ ، موره لاکي سئیکور اوانتا مپوروت لویغ جاروم ، فد
اورغ کاي جوغ سره ديري ماسوق دوق باوه فرينته توهن !
اورغ هق دوق دغرا کا عيسى ، تان يي کات : کالو بالس تو ،
سیاف يي نق بولیه سلامت ؟
- عيسو فون جواب : فرکارا ۲ هق تائلیه جاري کالو برگتوع فد
ماعنسي ، دغن توهن ، بولیه .
- فس فيتروس کات : تیغوقله توان ، کيت تیغکل بلاک درومه ،
نق توروت توان کي !
- عيسو کات : سوغکوهله ، فس دغرا هق اکو نق رویت فد مو !
سیاف ۲ هق جوغ تیغکل رومه تغک يي ، اتوا اديق براديق ،
ایبو باف اتوا انق بیني فون ، ساپیت يي نق بوات کرج دالم
فرینته توهن ، تنتو يي نق تریما لبیه ۲ فد سموا تو ، تکه يي
دوق درنیا . فس داخیره فول ، نق تریما هیدوف بیغ ککل جوگ .

عيسو رویت کالی بیغ کتیگ حال يي ماتي

- فدا ماس تو ، عيسى کويت صحابة يي دوا بلس اورغ تو ،
کي سوکو فد اورغ رامي سیکیت ، رویت کا ری کات : دغره !
لانی کيت دوق توجو کا کوت جروسلیم . دسیتوله ، سموا
فرکارا هق نبی ۲ دولو بیاس رویت چارا حال اکو ، ماعنسي هق
تورون دشرغ نی ، تنتو نق کا جاري .
- اکو نق کا سره کا اورغ بفسا لائين ، فس ، فوق تو نق
مفنجیع کا اکو ، نق ماکي ، نق لوده ۲ اتس کو ، نق فیات
کا اکو ، سمفی کا بونوه ماتي . تافی ماسوق هاري بیغ کتیگ
توهن نق بري اکو هیدوف کلیق سموا !

34 صاحبة ۲ عيسى تاءاتاهو سيكيت هابوق معنا هق عيسى رویت
سا ئني ، سروف دوق سوسوف تاءنمق ، ری تاءفهه اف هق
عيسى دوق کيچيق تو.

عيسى بري هيلوغ اورغ مات بوت در جريکو

35 عيسى برجالن کي تو ، نق ماسوق دكت بندر جريکو . فس
اد اورغ مات بوت دوق مينتاً صدقه تفي جالن .

36 بيلا بوهي اورغ رامي لالو کوء ری ، ری فون تاش : اف بوهي رامي
ني ؟ اورغ رویت کا ری : عيسى اورغ نصرة نق لالو کوء نی !

37 38 ری فون مناوغ سوارا درس ، کات : يا عيسى ، انق چوچو راج
راءور ! کسياغله کا امب کاتيقي !

39 باپق اورغ هق کي دولو فد عيسى فون ، لارغ ری ، سوروه دوق
ديام . تافي ری مناوغ کهور درس لاکي ، کات : يا انق چوچو
راج راءور ! کسياغله کا امب کاتيقي !

40 عيسى فون برادو سلالو ، سوروه باواً ماري اورغ مات بوت . بيلا
ري سمنفي دكت ، عيسى تاش ری : مو نق مينتاً اف سوروه اکو
بوات ؟

41 ری جواب کات : يا تولن ، مينتاً بري مات امب بوليه نمفق
سروف دولو !

42 عيسى کات فول : تيغوقله ! کان مو فرجاي ، مات مو بوليه هيلوغ !
43 فد کتيك تو جوگ ، مات ری بوليه نمفق . فس ری فون توروت
عيسى کي ، بلغ دوق اوچف تريما کاسيه کا توهن . اورغ رامي ،
هاوا ری تيغوق کجادين نی ، ری سموا فون فاكت فوجي کا توهن
جوگ .

عيسى کي تمو لفن زاكي

باب 19
1 لفس تو ، عيسى ماسوق لالو کوء بندر جريکو ، فس اد

- سئورغ نام زاکی روق سیتو ، جاری کتوا اورغ کرج کوتیف
چوکی ، فس دی اورغ کای . 2
- دی براں نق تیغوق عیسی تو اورغ لاکو مان ، تافی تائلیه ،
کران اورغ رامی ، فس دی رنده . 3
- دی فون هوغلک کی دافن سیکیت ، نائیک فوهون ارا نق تیغوق
عیسی هق لالو کوء تو . 4
- بیلا سمنی کا تمفت دی ، عیسو فون لفگق فٹگیل دی کات :
هی زاکی ! تورون باشت سیکیت دیه ! هاری نی اکو کا کی
برهنتی درومه مو ! زاکی فون تورون سلالو ، سمبوت عیسی
کی کا رومه دغن سوک هاتی . 5
- بیلا اورغ رامی تیغوق فرکارا نی ، دی تاءبرکن ، فس روق
برسوغوت ۲ کات : باءاف دی کی برادو درومه اورغ هق تائسیر
توروت حکوم توهن ؟ 6
- لفس تو ، زاکی باعون بردیری دافن اورغ رامی ، فس کات کا
ربی عیسی : دغله توان ! امب نق بهاکی ستغه ، سموا هرت
امب ، بري کا اورغ مسکین . فس اورغ مان ۲ هق امب بیاس
تیفو ، امب نق هنتر کلیق رویت دی امف کالی کندا ! 7
- عیسو فون کات کا زاکی : هاری نی ، توهن بري مو سلامت ،
سکالی دغن اورغ رومه تغگ مو ! فس مو جاری انق چوچو
نبی ابراهیم هق سبنر . 8
- کران اکو ، مائنسی هق تورون دشگ نی ، ماری نق چاری اورغ
سست ، بري دی سلامت . 9
- 10

عبارة رویت مس سکیلیغ

- فس عیسی روق رویت چریتا دغن فاکی عبارة ، کا سموا
اورغ هق روق شفر کا دی . کران دی رکت نق سمنی ده کا
کوت جرسولیم ، فس فوق تو سغک کات ، ماس توهن نق 11

امبیق فرینته ری دغن سمفرن سمفی ده . سا بیت توله عیسو رویت چربتا نی : اد سئورغ کتورونن راج ، کنا کی کا نگری جاوه ، نق مینتا کواس جانی راج دنگری ری ، فس تو ، ری نق کلیق .

بلوم فد ری کی ، ری فشکیل همب ری سفولوه اورغ ماری ، نق 13 بربی کا ری سکفیع رویت مس سئورغ ، دغن فسن بالس نی ، کات : امبیق رویت نی ، کی بوات کرج هق بولیه لاب ، سمفی اکو کلیق فول .

لفس تو ، ری فون کی کا نگری جاوه ، تافی رعیت نگری هق رویت 14 تیغکل نی بنچی کا ری ، فس هنتر سفواق اورغ کی رویت کا راج بسر دیق نون کات : کیت تاسیر بربی اورغ تو جانی راج نگری کیت نی !

بیلا راج هق کی مینتا تو ، بولیه ده کواس ، ری فون کلیق 15 ماری کا نگری هق سدیا . فس ری فشکیل همب ۲ هق امبیق رویت مس سکفیع سئورغ دولو تو ، نق تاهو بولیه لاب باپق مان ، دغن فاکی رویت تو .

همب هق مولا ۲ ماسوق کات : یا توانکو ، امب فاکی رویت 16 مس سکفیع تو ، بولیه لاب سفولوه کفیع ! راج فون کات کا ری : مولیقله ! مو همب هق باهیک ، کران مو جانی جو جور دالم فرکارا هق کچیک ، اکو نق بربی مو فرینته اتس سفولوه بندر .

همب هق کدوا ماسوق فول کات : یا توانکو ، امب فاکی رویت 18 مس سکفیع تو ، بولیه لاب لیم کفیع !

راج کات کا ری : مو فون بولیه فرینته اتس لیم بندر . 19 فس همب سا لاکی ماری رویت : یا توانکو ، نیله رویت مس سکفیع هق توانکو بربی دولو . امب بو غکوس تاروه دالم کائین

- کران تاکوت کا توانکو ، ساپیت امب تاهو ده توانکو کرس هاتي.
21
تowan بیاس امبیق لاب هق اورغ لائين کرج . توان کی کوتیف
حاصلن تمفت توان تاءعتام !
- راج کات کا ری : چیه ! مو همب جاہت ساج ! اکو نق جاتوه
22
حکوم توروت فرکتائن مو ! مو کات اکو بولیه لاب هق اورغ
لائين کرج ، فس کوتیف حاصلن تمفت اکو تاءعتام .
- کالو بالس تو ، باءاف مو تاءبوه رویت تو دالم بیفگ ، فس
23
بیلا اکو کلیق نی ، نق بولیه رویت برانق کاتیق ؟
- لفس تو ، راج سوروه اورغ هق دوق سیتو : امبیقله رویت
24
هق دوق دغن نی سکفیع ، بربی کا اورغ هق اد سفولوه کفیع!
فواق تو کات : بربی باءاف کا ری ، توانکو؟ ری اد ده سفولوه
25
کفیع !
- راج فون جواب : دغله هق اکو نق رویت نی ! اورغ هق اد ده ،
26
ری نق بولیه باپق لائی ، تافي اورغ هق تاءدار اف سکارا ، هق
اد سیکیت فون ، نق کا رمفس هابیس .
- فس راج سوروه فول : باواء ماریله ، فواق هق جانی سترو اکو ،
27
هق تاءسیر بربی اکو جانی راج تو ، فس جاتوه حکوم بونوه
کا ری رافن اکو نی !

عیسی بlarق سروف راج ، ماسوق دالم کوت

- سود کات بالس تو ، عیسی فون برجالن هادف کی کوء
28
رافن ، کا کوت جروسلیم فول . بیلا سمفی دکت کمفوغ بیت
29
فاکی دغن کمفوغ بیت عنی ، دکاکی بوکیت زیتون ، نی سوروه
مرید نی دوا اورغ ، کی دولو . نی فسن کات بالس نی :
مو کیله کا کمفوغ هق دوق هادف . با ماسوق ، مو نق تمو
30
دغن سئیکور انق هیمر ، دوق تمبت دسیتو ، هق اورغ تاء
بیاس ناءیک لائی . کیله ، اوغکی جیرت نی فس باواء ماری سینی!

- کالو اد اورغ تان: مو بواغ باءاف؟ مو جواب کات: توان کيت
نق فاکي سینتر. 31
- دوا اورغ تو فون کي، تمو دغن فرکارا هق عيسى رویت تو. 32
- تغه نی دوق اوغکي جيرت انق هيمر تو، توان نی ماري تان: 33
- مو دوق اوغکي باءاف، جيرت انق هيمر تو؟
نی فون جواب: توان کيت نق ! 34
- فس، نی هيريت انق هيمر کي کا تمفت عيسى، امبيق کائين
باجو هق نی، همفر اتس بلاکع هيمر، بري عيسى ناءيك. 35
- تكه عيسى ناءيك هيمر کي تو، باپق اورغ همفر کائين باجو
دتغه جالن عيسى لالو. 36
- بیلا سمفی رکت ایبو کوت، نق تورون بوکیت زیتون تو، سعوا
اورغ رامي هق توروت عيسى کي، فاکت اوچف تریما کاسیه دغن
سوارا درس، نق فوجي کا توهن کران فرکارا هق توهن بري
نی کلیه ده. نی کات بالس نی: 37
- بری توهن تورون رحمتلہ اتس راج هق ماري
دغن نام توهن تو! دیاله هق بري سلامت سجهترا
دشترگ! دیاله هق بیع مهااملیا، دتمفت هق تیغکی سکالی!
دالم فواق اورغ رامي تو، اد اورغ فریسی جوگ. نی فون کات
کا عيسى: هي کورو! لارغ فواق مو، سوروه دوق ییام!
عيسى جواب کات: اکو رویت فد مو، کالو فواق نی دوق سپف
باتو هق دوق اد سینی کا کیچیق کنستی نی! 39

عيسى دوق مناغیس کرلن ساینے کا کوت جروسلیم

- بیلا ماسوق رکت لاکي، عيسى فندغ کلیه کا ایبو کوت تو، 41
- فس نی سبوت فرکتائن نی، بلغ ۲ مناغیس:
هي کوت جروسلیم! کالو مو بولیه سدر حال فرکارا هق نق
بری سلامت، مولیقله، تافي مات مو تائئمفق. سبب تو تنتو 42

نق سمفی ده، هاری حکومن مو. فوق سترو ۲ مو نق ماري
لیشکوڠ گلیلیئ ڪوت مو نی، عیسی کات، نق بوات تمبون تانه
تیغکی بري بولیه ماسوق هیمفیت فوق مو بري هابیس.
43
نی نق فوغکه بوات خیانة ڪوت نی، سکالی رعن فوق مو هق
دوق یالم، هیفگ سمفی باتو هق برتفکوف فون تا ۹ اد سکفیع
هابوق، سبب مو تائفدولی، هاری هق توہن تورون نق بري
سلامت کا فوق مو !

عیسی همبت فوق اورغ جوال دالم بیت المقدس

45 بیلا سمفی ده دکوت، عیسی ماسوق دالم بیت المقدس،
تمفت سوچی هق توہن، فس نی نق همبت اورغ هق دوق جوال
بلی دسیتو. نی کات: اد رویت دالم کتاب توہن:
46

رومہ نی اکو نق بري جاري تمفت اورغ بردا.

تا في، عیسی کات، فوق مو بري جاري تمفت منوسوف اورغ
پامون !

47 لفس تو، عیسی مثاجر اورغ گنف ۲ هاری دالم بیت المقدس
تو. فس فوق امام ۲ بسر، گورو تورات، رعن کتوا ۲ کسموا،
48 دوق چاري جالن نق بونوھ عیسی. تافي تائلیه بوات اف ۲
سبب اورغ رامي سموا سوک لغر فغا جران عیسی.

باب 20 اورغ ماري تان: عیسی باوا^۶ تیته هق سیاف؟

1 فد ساتو هاری، تکه عبسی دوق مثاجر دالم بیت المقدس
فس دوق سرو خبر بائیک کا اورغ رامي تو، فوق امام بسر،
رعن گورو ۲ تورات، سکالی رعن کتوا ۲ اورغ یهودی تو، فاکت
ماری تان عیسی کات: رویتلہ، کواس هق مان بري مو بولیه بوات
فرکارا ۲ نی؟ سیاف سوروھ مو باوا^۶ تیته نی، بري بولیه بوات؟

عيسو جواب: اکو فون نق تان مو جوگ ، ساتو فرکارا؟ بیلا
 3
 یحیا بري اورغ تريما روکون مندي تو ، دی باوا؟ تيته هق سیاف ،
 4
 هق توهن که؟ اتوا هق ماءنسی؟ جوابله!
 5
 فواق ۲ تو فون فالیغ بحس سام سندیری ، کات: ایه! کیت نق
 کات بالس مان نی؟ کالو کیت جواب کات: ماري درف دوهن ،
 6
 دی نق تان کیت: ها! باءاف مو تاء فرچای کا یحیا؟
 کالو کیت کات: ماري درف ماءنسی فون ، تنتو سموا اورغ رامي
 7
 نی نق امبیق باتو فيکوغ کیت ، سبب فواق تو فرچای فوتوس
 کات یحیا جاري نبی!
 8
 سبب تو له ، فواق تو جواب کا عيسى: کیت تاء تاهو ، یحیا
 امبیق دمان کواس دی. فس عيسى کات: کالو بالس تو ، اکو
 فون تأسیر رویت جوگ ، اکو باوا؟ تيته هق سیاف ، بولیه
 بوات فرکارا ۲ نی!

عبارة اورغ فاوه کبون جابیت

لفس تو ، عيسى رویت چریتا کا اورغ رامي رغن فاکی عباره .
 9
 اد سئورغ بوات کبون جابیت . فس تو ، توان بري فاوه کا اورغ .
 فس ، دی سندیری توبیت کی دوق نکری اورغ ، لام جوگ .
 10
 بیلا سمنی فریاغ کوتیف بواه ، توان کبون سائی هنتر انق
 کولی دی کی کا اورغ ۲ هق فاوه ، سوروه امبیق بکیان بواه ۲ هق
 بالیق توان . تافی فواق هق فاوه کبون کویم انق کولی تو ،
 فس همبت کلیق ، دغن تاء بري اف سکارا .
 11
 فس توان کبون هنتر سئورغ لاکی . اورغ نی فون ، فواق تو گودم
 بوات هوروه کا دی ، همبت کلیق رغن تاء بري اف سکارا .
 12
 فس دی هنتر اورغ یعن کتیگ فول . هق نی ، فواق فاوه تو بوات
 تروق لاکی ، فس تولق توبیت کلوار .
 13
 فس توان کبون فيکیر کات: اکو نق بوات لاکو مان؟ اه! اکونق

هنتر انق کو سنديري هق اکو کاسيه . تنتو اورغ هق فاوه تو
نق حرمه کا ری .

14 تافي بیلا فواق هق فاوه تو تیغوق انق توان کبون ماري،
ری کیچیق سام ری کات: نیله انق توان کبون سنديري . ماري
کیت فاکت بونوه ری ، باروله هرت ری نی نق جاري میلیق کیت .
فس ، ری تولق توبیت دالم کبون تو ، بونوه . توان کبون نق
بوات لاکو مان کا اورغ هق فاوه تو؟ عیسی تاش .

15 تنتو ری نق ماري بونوه فواق تو ، بري فاوه کا اورغ لائين فول .
بیلا اورغ رامي رغر فرکتاں عیسی نی ، ری کات: اوہ یا توهن!
جاغن بري جاري سروف توله!

16 عیسی فون فرهاتي تیغوق کا اورغ رامي تو کات: کالو بالس تو ،
مو کنا فيکير اف معنا ایات دالم کتاب هق کات:

باتو هق توکع رومه تاهوق کات تاءُترفاکی ، جاري
باتو هق لتق دتمفت مستحق سکالی دالم رومه .
اورغ مان ۲ هق ماري تراناتوق دباتو تو ، نق فچه
هابیس ، فس اورغ مان ۲ هق تیمغا دباتو تو ،
نق کفیت هنچور .

اورغ ماري تاش عیسی چارا حال باير حاصل

19 فواق گورو تورات رغن فواق امام بسر ، هولور تاغن نق
ایگت عیسی سلالو ، سبب ری تاهو کات عیسی رویت عباره تو
روق توجو کا ری . تافي ری تاکوت کا اورغ رامي تو .

20 لفس تو ، ری روق ننتی تیغوق فلواح مولیق . ری اووه اورغ کی
جاری مات گلف ، هق بوات سروف هاتي جوچور ، نق امبیق
فرکتاں عیسی بوات هید بولیه ادو عیسی کا فمرینته کراجاں
روم ، بري جاتوه باوه کواس ری .

فواق مات گلف سائني ، ماري تان عيسى : يا توان گورو ! کيت
 تاهو ره کات توان کيچيق بتول ، مغاجر هق سوغکوه سعمور .
 کيت تاهو ره ، توان تيغوق اورغ سروف بلاک ، فس مغاجر
 سوغکوه ۲ کهندق توهن انتوق ماعنسى . سبب توله ، توان
 فيكير بالس مان . کالو کيت باير حاصل کا مهاراج روم ، کيت
 22 ساله حکوم توهن کا رق ؟
 23 تافي عيسى تاهو ره کفنداین تيفوداي رى ، فس دى جواب:
 24 ماري تنجوقله کا اکو رویت فيرق سکقیع ، بري اکو تيغوق ، عيسى
 کات . ها ! روف دغۇن نام سياف ، فوكول اتس رویت نى ؟
 25 فواق تو فون جواب: هق مهاراج روم ، توان !
 عيسى فون رویت کا رى: ها جيلا ! بايرله کا مهاراج روم هق
 جاري ميليق راج ، فس سره کا توهن هق جاري ميليق توهن .
 26 فواق تو نق امبيق فركتائن عيسى بوات هييد رافن اورغ رامي
 تا ئيليه . رى براس حيران کا هق عيسى جواب تو ، فس دى
 روچ ديمام .

اورغ تان عيسى چارا حال اورغ ماتي هيدوف کليق

27 لفس فد تو ، اد اورغ دالم فواق صدوکي ماري کا تمفت عيسى .
 فواق صدوکي تو جاني ساتو فواق اوکام يېھوئي هق فرچاي کات:
 اورغ ماتي تا ئيکيت هيدوف کليق فد هاري قيامة .
 28 فواق تو کات: هي توان گورو ! دالم كتاب ، نېي موسى کات ،
 کالو اورغ جنتن ماتي تيغىڭل بىينى دى بلوم فد بولىه انق ،
 اديق دى تو کنا منيکاچ دغۇن بىكس بىينى کاكى دى ، فس کالو
 بولىه انق ، کنا كىرا سروف انق بىكس لاکى هق ماتي تو .
 29 بىاس جاري ، اد اديق براديق جنتن توجوه اورغ . هق سولوغ
 بىينى ، فس دى ماتي دغۇن تا ئيليه انق لاکى .
 30 اديق بىع كدوا فون منيکاچ دغۇن بىكس بىينى کاكى دى ، فس

تاءدان نق بوليه انق جوگ ، نی ماتی . فس ادیق بیغ کتیگ ،
جاني بالس تو جوگ ، سمنی کا هق بوغسو ، ادیق بیغ کتوجوه
فون . سموا منیکاح دغن اورغ بتینا تو ، فس ماتی بلاک ، دغن
تاءبولیه انق لاکی .

سود سکالی ، اورغ بتینا تو فون ماتی جوگ .

31
کیت نق تان توان : فد هاری بغضکیت نون ، بیلا سموا اورغ ماتی
نق هیدوف سمولاء ، اورغ بتینا تو نق جاني بینی هق سیاف ?
کران توجوه اورغ تو منیکاح دغن نی بلاک !

32
33
عیسی فون جواب بالس نی : سوگکوه ، تکه ماۓنسی دوق درنیا
نی برلاکی بربینی ، تافي بیلا ماۓنسی بغضکیت هیدوف کلیق ،
اورغ هق سوغ نق بولیه هیدوف راخیره تو ، تاءبرلاکی بربینی ،
سبب نی دوق سروف ملائیکه ، تاءکنا ماتی ده . نی جاني انق ۲
توهن ، سبب نی سوده هیدوف کلیق سمولاء .

34
35
36
فس ، چارا حال اورغ ماتی نق بغضکیت هیدوف سمولاء تو ، عیسی
کات ، نی موسی سندیری بزی تنتو دالم ایات هق رویت چارا
حال هوتن ستومفوق هق مپلا تو . دالم ایات تو موسی فشکیل
توهن :

توهن هق ابراهیم ، اسحاق دغن یعقوب دوق سمبہ

37
معنان ، عیسی کات ، دیاله توهن اورغ هق هیدوف لاکی ، بوکن
انتوق اورغ هق ماتی ده ، کران دتمفت توهن ، سموا تو دوق
هیدوف چارا بارو .

38
اد اورغ دالم فوق کورو تورات هق کات : مولیقله هق توان
کورو جواب تو !

39
40
نی مفاکو بالس تو ، کران نی تاءبرانی نق تان اف لاکی دغن
عیسی .

عيسو سنديري تاش چارا حال فريشكت المسيح تو

فـس عـيسـو تـاش فـواـق تو: بالـس مـان بـولـيه كـات المـسيـح هـق
توـهـن جـنجـي تو، نق جـانـي كـتـورـونـن رـاج رـاءـود؟
كـرـان رـاج رـاءـود سـنـدـيـري روـيـت دـالـم كـتـاب زـبـور كـات:

41

42

43

44

45

46

47

1

توـهـن روـيـت رـه كـا رـيـي كـات: دـوـدوـقـلـه دـسـبـلـه كـانـن
كـو، سـهـيـفـگـ اـکـو، تـوهـن، بـرـي سـتـرـو ۲ مو دـوق سـرـوـف
فـلاـفيـق دـبـاـوـه کـاـکـي مو!

راج دـاءـور فـغـكـيل كـا المـسيـح تو رـيـي، بـوـكـن؟ کـالـو کـيـتـو، بالـس
مان المـسيـح هـق تـوهـن جـنجـي تو، بـولـيه جـانـي كـتـورـونـن رـاج
رـاءـود؟

عيسو بـرـي اـمـان تـرـهـادـف کـوـرـو ۲ تـورـات

تـکـه سـمـوا اـورـغ تو دـوق دـغـر کـا عـيسـى، نـي فـالـيـع كـات کـا
صـحـابـة ۲ رـي: جـاـکـ بـرـي بـاـيـكـلـه تـرـهـادـف کـوـرـو ۲ تـورـات! نـي
سوـکـ فـاـکـي باـجـو جـوبـه، بـرـجـالـن کـي مـارـي تـمـفـت اـورـغ بـرـهـيمـفـون
نق بـرـي اـورـغ تـکـور نـي لـغـنـ حـرـمـة. دـمـسـجـيد، نـي سـوـکـ فـيـلـيـه
تمـفـت مـوـلـيـقـ نـق دـوـدـوـقـ. دـتـمـفـت جـامـوـان فـون سـرـوـف تو جـوـگـ.
ني سـوـکـ تـیـفـو دـاي اـورـغ ۲ بـوـجـعـ، نق رـمـفـس رـومـه رـي. فـس تو
ني کـي بـوـات دـعا هـق فـنـجـخـ ۲ دـاقـن اـورـغ. تـنـتـو حـکـوـمـن اـتسـ
فـواـقـ تو نق تـرـوـقـ فـد اـورـغ لـائـينـ!

اورـغ بـتـيـنـا مـسـكـيـنـ سـمـبـه روـيـت کـا تـوهـن

باب 21

فـد مـاسـ تو، عـيسـو دـوق کـلـيـه کـوـءـ تو کـوـءـيـيـ، دـالـم بـيـت
المـقـديـسـ، فـس نـمـفـقـ اـورـغ کـاي دـوق بـوـه روـيـت دـالـم توـغـ تـمـفـت
سـرـه روـيـت کـا تـوهـنـ، هـقـ اـد دـسيـتوـ.

فس ری نمفق اورغ بتينا بوجع مسکین ، ماري بوبوه دوا کفیع
رویت ، دوا ۲ کوفع سا .
2 عیسی فون کات : اکو نق رویت کف مو کات : اورغ بتينا مسکین
ني بري باپق فد سموا اورغ لاءین ۲ تو !
3 کران اورغ ۲ لاءین تو بوات صدقه هق لبیه کيرا بلاک ده ، درفه
کلایان ری ، تافي اورغ بتينا نی ، مسکین کیتو لالو فون ، ری
بری کسموا هق ری فاکی انتوق نق هیدوف !
4

عیسی رویت حال بیت المقدس نق رونته

فس اد اورغ ۲ دسیتو دوق کیچیق حال بیت المقدس کات
چومیل سوگکوه ، دغن باتو ۲ مولیق ، دغن بارغ ۲ مهل ، هق
اورغ ماري سمبه کا توهن .
5 عیسی فون کات کا ری : سموا فرکارا هق مو دوق کلیه نی ، ماس
رافن نق رونته ، تائیغکل سکفیع هابوق هق دوق برسوسون
نی ، نق برتابور رات ۲ هابیس .
6

کسوساهن دغن کسیقسائن

فس فوق تو تان عیسی کات : توان گورو ! رویتله ، بیلا
نق جاري فرکارا نی ؟ فس تند لاؤ مان بولیه کیت تاهو کات
ماس تو نق سمفی ؟
7 عیسی جواب : مو کنا جاگ بري مولیق ! جاغن کا تیفو ! باپق
اورغ نق ماري ، لفس سا ۲ ، فاکی نام کو کات : اکوله نی ، هق
توهنه جنجی تو ! اتوا ، سمفی ده ماس ! تافي ، جاغن مو
توروت نی ، عیسی کات :
8 مو تائسه بیمبغله ، بیلا مو نق بولیه بوبی اورغ موسوه ، اتوا
هارو هارا دالم نکری . فرکارا ۲ نی مستی کنا جاني دولو
9

تافي بوکن تنداء کات دنيا نق سود سلالو.

10 فس عيسى کات لائی: نگری نق برلاون سام نگری، کراجائے فون
 11 نق برلاون سام کراجائے. تانه نق برکوچق تروق، سرات دنيا
 فس نق جاري کماراو رفن پاکيت هق ملارت هابيس. نق جاري
 فركارا هق بري تاکوت ساغت، رفن تنداء بسر هق تورون
 رلاغيت.

12 بلوم فد سموا فركارا ني جاري، اورغ نق ايگت مو بوات پاش، نق
 باواءِ مو گي او، کا کتوا مسجید اورغ يهولي، فس بوبوه دالم
 گوق. اورغ نق باواءِ مو برييري رافن کتوا رفن راج ۲ کران اکو
 13 عيسى کات. تکه تو له، فلواڠ مو بوليه رویت خبر بايک کا
 لي تو.

14 بري هاتي مو دوق تتف، مو تاءُکا بييمبغ چارا حال نق جواب
 15 بالس مان کا ري، کران اکو نق بري مو سبوبت فرکتائے رفن
 بيچقسان، سهېيغك سترو ۲ مو تاءُليه بحس کات بوهوج.

16 فد ماس تو، ايبيو باف مو فون نق سره مو کا فواق تو. اديق
 براديق، اورغ هق کا رفن مو، ساءِين ۲ مو فون، نق بوات بالس
 تو جوگ، نق بري فواق تو جاتوه حکوم بونوه کا اورغ دالم
 17 فواق مو. گنف ۲ اورغ نق بنچي کقد مو کران اکو، عيسى کات.
 18 تافي رمبوبت مو سئورت فون تاءُبيناس.
 19 مو اور سمفي سودله، کران بالس تو مو نق بوليه سلامت.

اورغ نق بوات حيانة کوت جروسليم

20 فس عيسى کات: بيلا مو تيغوق عسکر برييو ۲ فواق ماري
 ليغکوغ کوت جروسليم ني، مو نق تاهو کات، تاءُلام، کوت
 جروسليم ني نق فونه هابيس ده.
 21 تکه تو، اورغ هق دوق دالم نگری يهوديه، کنالاري گي دودوق

دبوکیت. اورغ هق دوق دالم کوت فون ، کنا لاري توبیت. فس اورغ هق دوق ردارت ، جاغنله ماسوچ دالم کوت!

سبب ماس تو جاري هاري حکومن اتس کوت ، فس مستي کنا جاني سروف هق کتاب رویت دولو. فد ماس تو ، نق تروق سوغکوه کا اورغ بتینا هق مغندوغ فروت بسر ، اتوا هق اد انق کچیك. کران کسوساهن بسر نق تیمغا اتس نگری نی ، فس مرک توهن نق تورون اتس رعیت ۲ نی.

اورغ نق کنا بونوه دغن فدغ ، اورغ لاءین نق کنا ایکت باواه کی کا رات ۲ نگری. اورغ قوفور نق جیحق دالم کوت جروسليم ، سهیفگ چوکوف ماس هق توهن لتق انتوق نی.

مائنسی هق تورون دشراگ تو نق ماري فول

فد ماس تو ، عیسی کات ، نق اد تندا دمتھاري ، دبولن ، اتوا دبینتغ ۲ فون. فس نگری ۲ اتس دنیا نق فوتوس هرافن ، کران تاکوت بوپی لاءوت دغن اومبق ۲ بسر.

اورغ نق هیلخ عقل کران تاکوت ، تکه ری دوق ننتی فرکارا نق جاري اتس سموا دنیا. بینتغ ۲ داودارا فون نق توروت جالن ری تاءلیه ، کی ایکوت سیر.

باروله اکو ، مائنسی هق تورون دشراگ نی ، نق تیمبول دغن اون ، فس نق تورون ماري بري پات ، کواس اکو هق بسر ، دغن کملیان اکو.

بیلا فرکارا نی مولا ۲ نق جاري ، عیسو کات ، مو بولیه بげه لذکق نایک کا اتس ، سبب هق مو نق سلامت دکت ده !

فغا جران درف فوهون ارا

لفس تو ، عیسی رویت چریتا دغن فاکی عبارة نی: تیغوقله

فوهون ارا رغن فوهون ۲ لائين ، نق جاري تندا انتوق فواق
مو ، عيسى كات .

30 بيلال راهن ۲ فوهون تو هيجو سگر ، فس داون ۲ نق فجه
فوچوق ، مو تاهو ره كات ، ركت نق سمني فرياغ موليق .

31 بالس تو جوك ، بيلال مو تيغوق كجاريں سائني ، مو نق بوليه
تاهو كات ، سمني ره ماس ، توهن نق امبيق فرينته لي هق سود .

32 ايغتلہ ، عيسى كات ، بلوم فد سموا اورغ لافيس نی ماتي هابيس
لاکي ، فركارا هق اکو رویت سائني نق جاني .

33 لاغيت رغن بومي نق هيلع ، تافي فركتاں کو نق کل سلام ۲

كیت کا جاگ

34 مو کنا جاکاله ديريمو ، عيسى كات ، تاکوت مو تاء فالول
کا تندا ۲ تو ، کران مو دوق توروت بري فواس هوا نفسو مو ،

35 اتوا دوق ماکن ارق ، اتوا دوق بيمبغ کا چارا ماکن دالم دنيا
ساج ، فس تاکوت هاري تو نق تيما ۲ ماري ، تکه مو تاء کابر ،

36 سروف جاتوه دالم فرغکف ، سبب تنتو نق ماري اتس سموا ما ۹ نسي
در دنيا . مو کنا جاکاله رغن برداعا تاء فوتوس ، بري ار ربیع ،

37 بوليه تاهن سموا فركارا نی رغن سلامت ، سهيفگ مو بوليه
ماسوق برديري رافن اکو ما ۹ نسي هق تورون دشريگ نی ، عيسى
کات .

38 فد ماس تو ، عيسى کي مفاجر اورغ دبيت المقدس گتف ۲
هاري . ركت نق گلف ، لي توبيت کي تيدور دبوکيت زيتون .

39 فاكی ۲ ، اورغ رامي کي کا بيت المقدس فول ، نق رغر فجاجران
لي .

جان سترو ۲ عيسى نق بونوہ لي

باب 22

40 فد ماس تو ، ركت نق سمني هاري راي ، هق اورغ يهوي

بوات جاموان روتي تا^ء بوبوه اييو، ياءٌ يت هاري راي فسخر.
 فوق امام ۲ بسر لغن گورو ۲ تورات دوق چاري جالن نق بونوه
 عيسى، لغن سوليت، کران ڦي تاکوت کا اورغ رامي.
 2
 فد ماس تو جوگ، ڀوس هق اورغ فشكيل اسڪريوت، سئورغ
 دالم دوا بلس صحابة عيسى تو، توروت سروان شيطان. ڦي گي
 3
 مشورة لغن فوق امام بسر، سکالي لغن ڪلا ۲ عسکر هق
 جاگ بيٽ المقديس. فوق ۲ نيا دوق کيرا جالن مان ڀوس نق
 4
 بري فوق تو بوليه ايگت عيسى.
 سموا اورغ تو فون براٽ سوک هاتي، فس جنجي نق اوفه دويٽ
 5
 کا ڀوس. ڀوس فون سٺکوف نق بوٽ. لفس تو، ڦي ننتي
 6
 فلauge نق بري بوليه بوٽ درهاگ کا عيسى، سره ڦي کا فوق
 امام تو، تکه اورغ رامي تاءٌ اراد.
 7

فوق عيسى سيمفن نق ماکن جاموان فسخر

با سمفي هاري هق نق ماکن روتي تا^ء بوبوه اييو تو، فد هاري
 تو جوگ، کا قربان انق کيس انتوق جاموان هاري راي فسخر.
 عيسى فون سوروه فيتروس لغن يحيا کات: مو گيله سيمفن
 8
 جاموان هاري راي فسخر انتوق فوق کيت!
 روا اورغ تو تلث: فس نق گي برسيف دمان?
 9
 رغله بري باٽ ۲، عيسى کات. بيلا مو ماسوق دالم بندر، اورغ
 10
 جنتن هق فيکول بويوغ اير نق تمو لغن مو. توروت دیاله!
 رومه مان ڦي ماسوق، مو فون ماسوق کوء تو جوگ.
 فس روٽ کا توان رومه: توان گورو کيت کات: دمان تمفت
 11
 توان گورو لغن صحابة ۲ ڦي نق ماکن جاموان فسخر?
 توان رومه فون نق تنجوق بري مو گليه، بيليق بسر داتس
 12
 لوٽيغ رومه ڦي تو، هق دوق سيف ده. مو سيمفنله، دسيتو
 انتوق جاموان کيت!

دوا اورغ تو فون کي ، تمو سموا فرکارا سروف هق عيسى فسن
کا رې ، فس دې سيمفن انتوق جاموان فسخر دسيتو .

جامolan ربی عيسى

- بيلا سمفي مالم برجا مو ، عيسى روق ماکن سکالي لغن
صحابة ۲ دې : دې فون کات کا فوق صحابة نی .
- نيات هاتي کو سوغکوه ، نق ماکن جاموان نی لغن فوق مو بلوم
فد کا سيقسا ، کران سسوغکوهن اکو نق ماکن جاموان نی
فول تايله ، سهیشگ سمفي ماس هق توهن نق لتق فرينته
دې ، انتوق نق بري سمنفرن مقسود جامolan فسخر نی !
- لفس فد تو ، عيسى امبيق چاون اير بواه جابيت هق بسر . دې
مغوفچ تريما کاسيه کا توهن ، فس کات :
- فوق مو سموا امبيقله چاون نی ، فاكت مينوم گنف ۲ اورغ ، کران
سسوغکوهن ، جق دهاري نی اکو تاءمينوم ده ، اير جابيت نی ،
سهیشگ سمفي ماس هق توهن نق بري سمنفرن فرينته دې !
- لفس تو ، عيسى امبيق روتي ، مغوفچ تريما کاسيه کا توهن ،
فس چوبيق روتي تو ، بهاكى کا صحابة ۲ سموا . عيسى کات :
- امبيقله روتي نی ، ايغت کات توبوه کو ، هق اکو نق بري انتوق
فوق مو . بوائله سروف نی ، جاري تندا فرايغاتن کا اکو !
- بالس تو جوگ ، لفس ماکن ، عيسى امبيق چاون اير بواه
جابيت فول ، بهاكى کا صحابة سموا ، بلغ ۲ کات : ايغتلہ کات
اير دالم چاون نی جاري تندا فرهوبوغن هق بارو ، توهن
لغن مائنسی ، هق جامين لغن داره کو . داره کو نی ، کا
منيليه توبيت انتوق فوق مو سموا !
- لفس تو ، عيسى کات فول : لغله فوق مو ! تاغن اورغ هق
درهاک کا اکو ، روق جمفوټ مکانن سکالي لغن اکو نی .
- سوغکوه فون ، اکو مائنسی هق تورون دشرگ نی ، کنا کي

ایکوت جالن هق توهن لتق ده، جق ماس اوال لائی، تافي
دهشت سوغنوه کا اورغ هق درهاك کا اکو نی!
23 فس، صحابة ۲ عيسى دوق تاش سام نی کات: سیاف دالم فواق
کیت، هق جاري اورغ درهاك؟

صحابة ۲ عيسى دوق بحس هق مان هق بسر

- لفس تو، صحابة ۲ عيسى دوق بحس سام سنديري، هق مان
بسر دالم فواق نی.
24
- عيسى کات کا نی: راج ۲ دننيا فاکي کواس اتس رعيت ۲ نی.
اورغ هق اد فرينته، نق بري اورغ فغکيل نی: فنولوغ رعيت هق
بائيك! تافي فواق مو بوکن بالس تو. موليق لائی، اورغ هق
تيغکي سکالي دالم فواق مو، کا جاري سروف اورغ هق مودا
سکالي. فس اورغ هق جاري کفلا، کا جاري سروف کولي کرج
در ومه.
25
- 26 سیاف هق تيغکي؟ عيسى تاش. اورغ هق ماکن دميجا، اتوا
اورغ هق اغکيت ماري؟ ننتو هق دوق دميجا، هق تيغکي.
تافي تيغوقله! اکو هق بیاس کرج سروف کولي دالم فواق مو.
فواق مو تبيغ کاچغ توروت اکو ماري، دالم سموا کسوساهن،
فس اکو نق بري مو کواس بوليه فرينته، سروف توهن باف کو
بري اکو کواس بوليه فرينته جوگ.
27
- 28 فس، بیلا اکو ماري امبيق فرينته بري سمنرن، فواق مو بوليه
دوق ماکن جامون دميجا کو، فس مو نق بوليه دودوق اتس
تحتا، انتوک کرت سین اتس فواق اورغ اسرائیل، دوا بلس
بغسا تو.
29
- 30

عيسى رویت دولو حال کلакون فيتروس

- لفس تو، عيسى فالیغ رویت کا صیمون فیتروس: صیمون، هي
31

صيمون، مو نغرله! توهن بنر بري هيبليس ماري چوب هاتي
فواق مو، سروف اورغ تافيس فاري، نق بواغ هق همفا. تافي
اكو بربعا ده انتوق مو صيمون، مينتا بري مو فرچاي تاء فوتوس
كا اکو، عيسى کات. فس، بيلا مو فالیع فرچاي کا اکو سمول،
مو کنا تولوغ بري سائين ۲ مو فرچاي قواه گاتيق!
صيمون فيتروس فون جواب: يا توانکو! امب جوغ ريلا توروت
سكالي رعن توانکو سعمور، ولو کا ماسوق دالم کوق، اتوا
ماتي فون، تاءاف!
تافي عيسى جواب کات: نغرله فيتروس هق اکو نق رویت نی!
بلوم فد ايم برکوکوق مالم نی، مو نق سبوت رافن اورغ تيگ
کالپ ده، کات مو تاءکل اکو!

کندی رویت، بیگ اتوا کاسوت فون

فس عيسى کات کا فواق صحابة فول: ايغتله، بيلا اکو
هنتر فواق مو کي دولو تو، رعن تاءباوا کندی رویت، بیگ،
اتوا کاسوت فون، مو بیاس کورغ اف کا رق؟ رق! فواق تو
جواب. تافي لاني، عيسى کات، سیاف هق اد رویت دالم
کندی، اتوا بیگ فون، کنا باوا کي سکالي. فس، سیاف تاءاد
فده فون، بايک يي جوال باجو لابوه يي، کي بلي سبیله
فده. کران اکو رویت کا فواق مو، عيسى کات اد ایات دالم
كتاب، هق مستي کنا جاني اتس اکو. ایات نی کات:

اورغ کيرا يي سروف اورغ ساله.

فس هق ایات رویت چارا حال اکو تو، سمني ماس ده.
فس، صحابة ۲ کات کا عيسى: تيغوقله توانکو! سيني اد ده،
فده روا بیله! عيسى جواب کات: فارن ده.

 عيسى دوق بریعا دکبون اتس بوکیت زیتون

- لفس فد تو، عيسى توبیت دتمفت جاموان، کی کا بوکیت 39
زیتون، تمفت نی بیاس کی سعمور. صحابة ۲ فون توروت کی سکالی.
- بیلا سمنی دسیتو، عيسى کات کا صحابة ۲: مو کا بریعاله! 40
جاغن بري هاله کا فرکارا ۲ هق ماري نق سوئی مو!
- فس عيسى هوندور سیکیت، لبیه کورغ تیگ رفا، فس نی دوق 41
ملوتوت مینتا، رعا لاکو نی:
- یا باف، مینتا، باف بري جاء و هله کسیقسانی هق دوق چارغ 42
انتوق اکو نی! تافی، جاغن توروت کهندق کو، بري جانی
ایکوت کهندق باف ساج!
- فس تیبا ۲ سورغ ملایکہ ماري بري نمفق کا عيسى، نق تولوغ، 43
بری قواه هاتی.
- فس، سابت عيسى دوق دالم سیقسسا سغسارا ساغت، نی کهور 44
قواه بریعا، سهیغن فلوه توبیت تیتیق اتس تانه سروف داره.
- بیلا باعون درف دعا تو، عيسى فالیخ کی فول کا تمفت صحابة ۲ 45
نی سائی، فس نمفق فوق تو سموا دوق تیدور جندراء، لتهیه
کران سوسه هاتی.
- عيسى فون کات کا ری: تیدور با اف؟ باعونله، مینتا، رعا کا 46
توهن، جاغن بري هاله کا فرکارا ۲ هق ماري نق سوئی مو!

 فوق سترو ۲ ماري ایکت عيسى دالم کبون

- تاڑان سود عيسى کیچیق، تیبا ۲ اورغ رامی سمنی، سکالی 47
رعن یوس، سورغ دالم فوق صحابة دوا بلس اورغ تو.
- یودسله هق با او فوق تو ماري. یوس فون ماسوق دکت نق 48
کوچوف فیفی عيسى، تافی عيسى کات: هي یوس! مو نق بوات

درهاك کا اکو ماں نسي هق تورون دشريگ نی، رغن کوچوف بالس نی که؟

بیلا اورغ هق دوق سکالی رغن عيسو نمفق توجوان فوق تو، دی 49
تاث عيسی: توان نق بري کيت لاؤن رغن فدغ که، رغن فوق نی؟
فس، سورغ صحابة عيسو چابوت فدغ، تاکير سورغ فوق
امام بسر، کا تليغا کانن فوتوس.

تافي عيسو لارغ دی کات: برادوله، فادرن ده! فس دی جامہ 50
تلیغا اورغ کا تاکير سانی، بري سيار.

اد فوق امام بسر رغن کفلا عسکر دی، سکالی رغن کتوا 51
اورغ یهوري، دالم فوق هق ماري ایکت عيسی تو. عيسو فون
کات کا دی: بااف مو ماري ایکت اکو، باوا فدغ رغن میکول،
بالس نی، سروف اکونی اورغ جاھت؟

اکو دوق رغن مو دبیت المقدس گنف هاري. بااف مو تا 52
ایکت اکو، تکه اکو دوق سیتو؟ تتفا، فریاغ نیله توهن بنر
بری کا فوق مو، رغن فوق ۲ هیبلیس هق هاتی گلف، نق
بولیه بوات ایکوت سوک مو!

فيتروس کات دی تاء کتل عيسى

فواق تو فون ایکت عيسو، باوا کی کا رومہ امام بسر، فس 54
فيتروس توروت بلاکھ جا ۲۵. اد افي هق اورغ توکوڠ دلامن 55
دافن رومہ امام بسر. فيتروس فون ماسوق دوق سکالی رغن
اورغ هق دوق دکت افي تو.

فس اد بودق بتینا هق کرج درومہ امام بسر. دی نمفق 56
فيتروس دوق تمفت چره دکت افي. دی فون تیغوق توجو کا
فيتروس، کات: اورغ نی توروت عيسی جوگ!
تافي فيتروس کات: دق سکالی، میق! اکو تاء بیاس کتل رغن دی. 57
لفس تو تاء لام، اد سورغ جنتن هق نمفق فيتروس، فس کات:

مو فون جاري سفواق نشن اورغ تو جوگ ! تافي فيتروس کات :
نق ، بوکن !

لفس تو ، سجم لاگي ، اد اورغ لاين هق کاچع رویت حال فيتروس
کات : ها ، تنتو سوغکوه اورغ نی دوق توروت عيسى ، سبب نی
اورغ گاليل جوگ ! تافي فيتروس کات : کاف هق مو دوق کات تو ؟
اکو تاءُرتی ! تاءُران سود ، فرکتائن فيتروس نی ، فس ايم فون
برکوکوق .

بیلا بوبی ايم برکوکوق ، عيسى فالیغ تیغوق کا فيتروس ، بارو له
فيتروس ترايخت فرکتائن هق توان ری رویت ده کا ری دلو :
بلوم فد ايم برکوکوق مالم نی ، مو نق سبوت دافن اورغ ، تیگ
کالي ، کات مو تاءُکتل اکو !

لفس تو ، فيتروس توبیت کی کا لوار ، دوق تریاق تاغیس ، کران
سسل .

فس فواق هق جاگ عيسى دوق مغنجیغ ماين کا ری ، نشن گولم
کاتیق . فواق نی امبیق کاين فکوف مات عيسى ، فس تان ری لاؤ
نی : مو فندی رویت فرکارا هق مات تاءُلیه نمفق ، بوکن ؟ مو
رویتلہ ، سیاف ری دوق تمفر مو ؟

فس ری کیچیق هینا کا عيسى باپق فرکارا لاگي .

عيسى دوق دافن جملیس کتوا ۲ یهودی

بیلا سمفی فاگی ایسوق ، جملیس کتوا ۲ یهودی ماري
برهیمfon سکالی ، یائیت سموا کتوا ۲ سکالی نشن امام ۲ بسر ، نشن
کورو ۲ تورات . فواق نی فون سوروه باوا عيسى ماسوق دافن ری
فس ری اوصول تان عيسى کات : کالو مو جاني المسيح ، هق
توهن جنجی نق ماري تو ، مو رویتلہ ! عيسى فون جواب :
کالو اکو رویت فون ، تنتو مو تاءُ فرچای . کالو اکو تان اف ۲ فون
مو تاءُ جواب ! تافي لفس فد نی ، اکو مائنسی هق تورون دشرك

- ني ، نق دودوق دسلبه كانن توهن هق مهاگواس تو !
 70 فس فواق تو تانه فول : كالو گيتو ، سوغکوه کا دق مو جاري انق
 توهن ؟ عيسى جواب : هق فواق مو کات تو ، سوغکوه !
 71 فس فواق تو کات : کيت تاء کنا چاري سقسي لاءين ده . کيت
 لغز سنديري هق رې گيچيق سائني .

عيسى دوق رافن فمرينته کراجاين روم

باب 23

- 1 لفس تو ، فواق کتوا ۲ سموا فاكت باواه عيسى کي مشهاف
 فيلاتوس اورغ فمرينته کراجاين روم . فواق تو مغادرو کا فيلاتوس
 2 کات : کيت تمو اورغ ني ، دوق مثاجر رعيت ۲ کيت بري ساله ،
 دوق لارغ تاء سير بري باير حاصلن کا مهاراج روم ، فس مخاكو
 کات رې جاري المسيح ، ساتو راج هق توهن هنتر ماري .
 3 فيلاتوس فون تانه عيسى : منو جاري راج اورغ يهوي سوغکوه ،
 کا دق ؟ عيسى فون جواب : هق تولن کات تو ، سوغکوه .
 4 لفس تو ، فيلاتوس کات کا فواق امام ۲ بسر ، سکالي رعن اورغ
 رامي هق دوق سیتو : کيت تاء تمو چاري کسلاهن داورغ ني !
 5 تافي کتوا ۲ يهوي تمبه لاکي ، کات : اورغ ني کي هاسوت سموا
 رعيت ۲ نشن فثا جران رې . رې کي مثاجر رعيت ۲ سرات نکري
 يهويه ، اميق دنکري کاليل ماري سمني کا کوت ني فول .
 6 بيلا فيلاتوس لغز بالس تو ، رې تانه نق تاهو ، عيسى اورغ
 نکري کاليل کا دق ؟ بيلا رې تاهو کات عيسى دوق دالم نکري
 کاليل هق راج هيرود ، رې سوروه باواه عيسى کي مشهاف
 هيرود ، سبب فد ماس تو ، هيرود تو دوق اد دکوت جروسليم
 7 جوگ .

- 8 هاوا رې تمو رعن عيسى بالس ني ، راج هيرود فون براں سوك
 هاتي ، سبب رې بياس لغز چارا حال عيسى ، فس رې براں نق
 تمو رعن رې لام ده .

- ری هارف نق بولیه تیغوق فرکارا فلیق ، هق عیسی بوات .
فس ، ری اوصول تاث عیسی ماچم ۲ بوکو ، تافی عیسی تاء جولب
سفاته هابوق . 9
- تکه تو ، امام ۲ بسر لغن کورو ۲ تورات دوق دکت راج هیرود
جوگ ، دوق ادو عیسی لغن هاتی فانس . 10
- هیرود لغن عسکر ۲ ری فون سوک مغنجیع لغن بوات هینا کا
عیسی . ری امبیق کائین هق مهل نق میکی عیسی سروف راج .
فس تو هنتر ری کلیق کا فیلاتوس فول . فد هاری تو جوگ هیرود
لغن فیلاتوس بايك سمولا . دولو دوا اورغ نی تاء برلاگ . 11 12

فیلاتوس سوروه فیات عیسی

- فیلاتوس فون فشکیل امام ۲ بسر ، کتوا ۲ اورغ یهونی ،
لغن رعیت ۲ ، سوروه ماری برھینمفون ، فس ری کات بالس نی :
فواق مو باوا اورغ نی ماری مغادو کا اکو ، کات ری اجر رعیت ۲
بری سموا اورغ بوات ساله . اکو فریقسا ده اورغ نی ، دافن
فواق مو سموا ، فس اکو تاءتمو کات ری ساله سروف مو ادو .
فس ، راج هیرود فون تاءتمو سروف تو جوگ ، سبب ری هنتر
اورغ نی کلیق ماری سینی فول . اورغ نی فون تاء بوات ساله اف ۲
هق سوغ بولیه بونوه . 13 14 15
- سبب تو ، اکو سوروه فیات ری ، فس لفس ری کی . 16

فیلاتوس لفس برابس ، حکوم عیسی

- جاری ، فد هاری رای فسنحر کنف ۲ تاهون ، فیلاتوس کنا
بری لفس ساتو اورغ ساله ، بالس مان هق اورغ رامی مینتا . 17
- تافی سموا اورغ رامی فاکت مناءوغ لغن سوارا درس ، بلغ ۲ کات:
عیسی کی بونوه ، برابس لفس ! 18

برابس نی، ماسوق گوق بوکو تولوغ بوات هارو هارا دالم کوت
نغن بونوه اورغ. فیکیران فیلاتوسن نق لفس عیسی. ری فون
کیچیق دغن اورغ رامی سکالی لاکی.
20 تافی سموا اورغ تو کاچع مناءوغ، کات: فاكو عیسی دکایو امفت
چابغ! بونوه ری دکایو امفت چابغ!
21 فس فیلاتوس کیچیق دغن اورغ رامی کالی بیغ کتیگ: تافی اورغ
نی بوات ساله اف؟ اکو تائتمو ری بوات ساله هق فاتوت
بولیه بونوه. اکو نق سوروه فیات ری، فس لفس ری کی!
22 تافی سموا اورغ تو فون کاچع مینتا کهور درس لاکی، نق بري
عیسی کنا بونوه دکایو امفت چابغ، سهیفگ فیلاتوس کا
جاتوه حکوم کاعیسی، توروت کھندق اورغ رامی تو.
23 ری فون لفس اورغ هق ماسوق گوق کران بوات هارو هارا نغن
بونوه اورغ، هق فواق تو مینتا،
24 تافی ری سوروه اورغ کی بونوه عیسی ایکوت کھندق اورغ رامی تو.
25

عیسی کنا باوا کی کا تمفت بونوه

تغه فواق تو باوا عیسی کی کا تمفت بونوه، ری تمو دغن
سئورغ نام صیمون، اورغ کورینی، هق ماری زدارت نق ماسوق
دالم کوت جروسلیم. فواق تو فون ترکم صیمون، امبیق کایو
امفت چابغ هق عیسی، فقسا سوروه صیمون فیکول توروت
بلکغ عیسی.
26 اد اورغ رامی لاکی، فاكت توروت عیسی کی. فس اد اورغ بتینا
سفواق، هق تریاق تاغیس کران کسیاڭ بلس کا عیسی.
عیسی فون فالیغ کات کا ری: هي اورغ بتینا جارسلیم! جاغن
مو تریاق کسیاڭ بلس کا اکوله! بائیک مو تریاق انتوق توبوه
مو سندیری، فس انتوق انق ۲ چوچو مو.

- 29 کران رکت نق سمفی کسوساھن بسر. فد هاری تو سموا اورغ
نق کات: موجورله اورغ بتینا هق مندول! موجور جوگ، اورغ
بتینا هق تاءَاد انق کچیک دوق فیق!
30 فد هاری تو، عیسو کات، اورغ نق فٹکیل کا بوکیت ۲ لغن باتو؎
بسر، سوروه ری رونتوه توروون تیندیه توبوه ری، بری لیندوغ
فد کسوساھن تو.
31 فس عیسیٰ کات لاکی لغن فاکی بندیشن: فد ماس لانی، فوهون
کایو دوق سکر لاکی، فس اورغ دوق بوات جاہت سروف نی.
کالو گیتو، ماس دافن بیلا فوهون کایو کچوت کریغ، تنتو
نق تروق لاکی!

عیسیٰ کنا فاکو رکایو امفت چایغ

- 32 اد جوگ دوا اورغ هق ساله، کنا بلاو، کی بونوہ سکالی
33 لغن عیسیٰ. بیلا سمفی کا ساتو تمفت اورغ فٹکیل تمفت
تفگورق، دسیتوله ری فاکو عیسیٰ رکایو امفت چایغ سکالی
لغن دوا اورغ جاہت تو، سبله کانن سئورغ، سبله کیری سئورغ
عیسیٰ فون برعما کات: یا باف، امفو nelle کا فواق نی هق نق
بونوہ اکو، گاتیق! ری تاءَ تاهو کات، فربواتن ری ساله سکت
مان! فواق تو فون امبیق فکاین عیسیٰ، بهاگی سام سندیری
لغن کوچق اوندي.
- 35 اد اورغ رامي هق دوق تیغوق دسیتو. فس، کتوا ۲ اورغ
یهودی دوق مغنچیغ کا عیسیٰ کات: اورغ لائين ری تولوغ بری
سلامت بولیه. کالو ری جاری المسيح، ری هق توهن فیلیه
تو، بايك ری بری سلامت توبوه ری سندیری!
- 36 فواق عسکر فون دوق مغنچیغ کا عیسیٰ جوگ. ری ماسوق
رکت، هولور ایر بواه جابیت هق ماسم بری عیسیٰ مینوم،

بلغ ۲ کات: کالو مو جاري راج اورغ یهودی سوغکوهه ، تولوغله 37
توبوه مو سنديري ، بري سلامت !
ار جوگ ساتو نوتيس داتس کفلا عيسى ، هق توليس 38 کات:
اينيله راج اورغ یهودي .

اورغ ساله سئورغ عيسى امفون ده

سئورغ دالم دوا اورغ ساله هق کا فاكو سکالي دغن عيسى 39
تو ، سومفه ماکي کا عيسى کات: ها ! مو جاري المسيح راج
کيت کا رق ؟ باهاف مو تا تولوغ توبوه مو سکالي لغن اکو کدوا
ني ، بري سلامت ؟

تافي اورغ ساله سئورغ لاکي تو ، تگه سائين دي کات: مو تا 40
تاکوت کا توهن که ؟ کران کيت کنا حکوم سروف دغن دي جوگ .
فس حکوم هق کيت عاديل ، جاري بالسن هق سوغ دغن 41

کسلاهن کيت ، تافي اورغ ني ، دي تا بوات ساله اف ۲ !
فس ، دي فالیغ کا عيسى کات: يا عيسى ، بيلا توان امبیق 42
فرینته جاري راج ، ايقتله کا امب کاتيق !

عيسى فون جواب کا دي کات: دغره باء يك هق اکو نق جنجي 43
ني . جق دهاري ني ، مو نق دوق سکالي لغن اکو ، دتمفت
کسوکاين تو !

عيسى سود پاوا ، ماتي

لبيه کورغ فوكول دوا بلس تغه هاري ، جاري گلف هابيس 44
سرات نگري تو ، سمفی فوكول تيگ .

تکه متھاري گلف تو ، کائين تابير هق دوق تبییغ دتمفت 45
سوچي دالم بيت المقدس ، تبیبا ۲ چاريق دوا .

فد ماس تو فون عيسى کات: يا باف ، اکو سره روح کو کند مو ! 46

بیلا سوده کات بالس تو، پاوا نی فون، سود.

کفلا عسکر ۲ هق دوق جاگ رسیتو، تیغوق کجادین نی. نی
47 فون فوجی توهن : فس کات : تنتوله اورغ نی تاء ساله اف ۲ !
اورغ رامی هق دوق برھیمفون رسیتو، بیلا نی تیغوق کجادین
48 نی، نی فون کلیق کا رومه، بلخ ۲ دوق لوروت دارا، جاري
تندا سوسه هاتی .

سموا اورغ هق کتل دغن عیسی دوق تیغوق جا ۲ . فوقا
49 بتینا هق توروت عیسی ماری دنگری کالیل فون، دوق سکالی
دغن اورغ تو.

ا اورغ تاروه مايت عیسی دالم قبور

اد سئورغ نام یوسف، اورغ ارامتیا، ساتو بندر هق اورغ
50 یهودی. اورغ نی هاتی بتول، فس نی دوق ننتی ما من توهن
نق امبيق فرینته دغن سمنفرن .

سوغلکوه فون، یوسف نی سئورغ دالم جملیس کتوا ۲ یهودی،
51 تافی نی تاء ستوجو دغن چاراگن فوقا تو نق حکوم عیسی .
نی فون کی مغهارف فیلاتوس، مینتا مايت عیسی .

لفس تو، نی کی امبيق مايت نورون، بوغلکوس دغن کائین فوتیه،
52 53 باوا کی تاروه دالم قبور، هق فاہت دبوکیت . قبور نی، تاء
بیاس بوبوه مايت لاکی .

هاری تو، سموا اورغ دوق برسیف انتوق هاری میغکو، هاری
54 هق اورغ یهودی کا برھنتی کرج . فریاغ تو، نق ماسوق ده
هاری سبتو .

فواق بتینا هق ماری سکالی دغن عیسی تو، توروت یوسف کی
55 کا قبور جوگ، فس تیغوق بالس مان لتق مايت عیسی تو .
لفس تو، فواق بتینا سائني، کلیق کی چاری میبق واغي، دغن
56 فرکاکس ۲ نق بوبوه مايت عیسی . فس، فد هاری سبتو، نی

برهنتي کرج ، تاء بوت اف ۲ ، ايکوت حکوم اورغ یهونی .

عيسي هيدوف گليق فول

باب 24

- 1 فد هاري احد ، فرياغ دينهاري ، فوق بتينا تو کي کا قبور باواءِ فرکاس ۲ هق رې چارغ تاروه تو .
- 2 با سمني دسيتو ، رې نمفق باتو بسر ، هق دوق کاتوف فينتو قبور ، ترکوليغ توبيت ده . رې فون ماسوق دالم ، تافي تاء تمو دغن مايت .
- 3 تکه رې دوق تيفوق ۲ تاء اره نق گامق ، تبيا ۲ نمفق دوا اورغ دوق دکت فوق رې . فکاين اورغ نې برسينر بانر .
- 4 اورغ بتينا فون سوکور سوسوف موک کا تانه ، کران رې تاکوت فس دوا اورغ سائني کات کا رې : باءاف مو ماري چاري اورغ هيدوف دتمفت اورغ ماتي ؟
- 5 رې تاء دسيني ، رې بشكیت ده ! مو تاء ايافت که ، هق رې رویت کا مو دولو ، تکه رې دوق دنکري کاليل ؟
- 6 تکه تو ، رې رویت کات : اکو ، ماءنسی هق تورون دشړګ نې ، مستي کا جاتوه دالم تاغن اورغ بردوسا ، کا فاكو دکایو امفت چابغ ، فس ماسوق هاري بېث کتیگ ، اکو نق هيدوف گليق فول !
- 7 با دغه ، باروله اورغ بتينا تو ايافت فرکتائن عيسى .
- 8 فوق رې فون تيغکل قبور ، گليق کي رویت کا صحابة ۲ عيسى سبلس اورغ تو ، دغن سموا اورغ هق دوق سکالي دغن رې .
- 9 فوق اورغ بتينا سائني ، نام رې مریم مقدالا ، يحانه ، دغن مریم مق یعقوب ، دغن سائين ۲ رې هق ماري رویت حال نې کا صحابة ۲ عيسى . تافي صحابة ۲ عيسى تاء فرچاي کا اورغ بتينا ، کات چريتا دوغیغ ساج .
- 10 تافي فيتروس باخون هوغل کي کا قبور جوگ . با سمني ، رې

جھوق تیغوق دالم قبور، نمفوک کائين باروت ما میت دوق سروف سدیا. لفس تو، ری کلیق کا رومه، دغن براں حیران اتس کجادین نی.

دوا اورغ برجالن کا کمفوگ عماء وس

فہ هاري تو جوگ، اد دوا اورغ مرید عيسى، برجالن کلیق کا کمفوگ نی، نام عماء وس. کمفوگ تو دغنا کوت جروسلیم لبیه کوئغ سبلس باتو.

تفہ دوق کی تو، ری کیچیق چارا حال سموا فرکارا هق جانی اتس عيسى.

تکه ری دوق کیچیق دوق چریتا کی ماری، تیبا عيسى سندیري ماسوق رکت، برجالن کی سکالی دغنا نی.

تافی توهن تاء بري مات ری کتل دغنا عيسى.

فس عيسى تاش ری کات: تفہ جانن سائی، مو دوق چریتا چارا حال اف؟ دوا اورغ تو فون برهنتی سبنتر. موک ری نمفوک سروف سوسه هاتی.

نمفوک سروف سوسه هاتی! سئورغ هق نام کلیوفس جواب: سموا اورغ هق ماری زیارہ کوت جروسلیم تاهو ده، کجادین دالم تیگ امفہ هاري نی! کامق توان نی سئورغ ساج، هق تاء تاهو لاکی!

عیسی تان فول: کجادین اف؟ دوا اورغ تو جواب: چارا حال عیسی، اورغ نصرة تو. ری نبی هق بولیه مثاجر، بولیه بوات باپق فرکارا فلیق، دغنا کواس بسر. هق توهن کات مولیق، فس سموا اورغ برکتن جوگ.

فس، امام بسر دغنا کتوا کیت کی ایکت نی، بري جاتوه حکوم بونوہ فاکو رکایو امفہ چابغ.

تافی دولو، کیت اد هرافن ری نق بري بغضا اسرائیل کیت سلامت. فس، سا لاکی، هاري نی جاري هاري یغ کتیگ لفس

- 22 فد عبسى ماتي تو. فس لاكى ، اورغ بتينا هق دالم فواق كيت
بوات بري كيت حيران جوگ. ديني هاري ، هاري ني، دى كى
كا قبور عيسى ، تافي تاءً تو دفن مايت.
- 23 بيلا دى كليق قبور ، دى رويت كات ، نصف سروف ملائكة ۲ هق
رويت كا دى كات عيسى هيديوف ده.
- 24 لفس تو ، فواق كيت دوا تيگ اورغ كى كا قبور ، تيغوق سروف
دفن هق اورغ بتينا تو دوق رويت. فواق كيت تو فون تاءً تو
دفن عيسى جوگ .
- 25 بيلا رغره ده هق دوا اورغ تو رويت ، عيسى كات دى : باًاف
مو بودوه؟ باًاف مو بري لمبت ماسوق هاتي ، هقنبي ۲ دولو
رويت؟ دالم كتابنبي ۲ تو كات ، المسيح هق جنجي تو ،
- 26 مستي كنا تريما كسيقسائين ني دولو ، باروله نق بوليه فريشك
 مليا هق دى !
- 27 لفس تو ، عيسى هوري معنا سموا آيات ۲ دالم كتاب چارا حال
ديرى دى ، امبيق دكتابنبي موسى دولو ، لفس تو ، كتاب سموا
نبي ۲ لاءين.
- 28 بيلا سمنفي دكت كمفوغ هق دوا اورغ تو ، عيسى بوات نق كى
لاكى ، تافي دوا اورغ تو اجق دى كات : باًيك برهنتي دفن
- 29 امب سيني دولو ، كران هاري نق گلف ده ! عيسى فون برهنتي
در ومه اورغ تو.
- 30 بيلا تيگ اورغ تو دوق ماكن ناسي سكالى ، عيسى امبيق روتي
اوچف تريما كاسيه كا توهن ، فس چوبيق روتي بري كا دوا
- 31 اورغ تو ، باروله مات دى بوليه كتل عيسى . عيسى فون رايب
سلامو.
- 32 دوا اورغ تو فون كيچيق سام سنديري : سا بيت هاتي كيت براس
بدبر فون ، تكه دى دوق كيچيق دفن كيت تغه جالن ، فس
تكه دى دوق هوري معنا كتاب ۲ تو !

- فس ، ری باغون کی سلالو ، کا جروسلیم فول . د جروسلیم تو ،
ری تمو دغن صحابة سبلس اورغ ، دغن سموا اورغ هق دوق
سکالی دغن صحابة ۲ تو .
- فواق تو تغه دوق کیچیق سام ری کات: ربی عیسی هیدوف
کلیق سوغکوه . ری بربی نمفق ده کا صیمون !
- فس ، دوا اورغ هق بارو سمفی سانی رویت حال ری تمو
دغن عیسی دتغه جالن ، فس بالس مان عیسی بربی کتل دیری
ری دغن چوبیق روتي تو .

عیسی بربی نمفق کا فواق صحابة ری

- تغه دوا اورغ تو دوق رویت چریتا نی ، تیبا ۲ عیسی دوق
بردیری رافن ری کات: سلامتلہ فواق مو !
- فواق تو فون ترکجوت ، ری براں کتر کالیغ کات هنتو .
- فس ، عیسی کات کا ری فول: با'اف مو دوق بیمیغ دغن شک
هاتی بالس نی ؟
- تیغوقله ، کاکی تاغن کو هق سغوتی ! چوب مو جامہ کلیه
سندری ! هنتو تاءار راگیغ ، تاءار تولغ سروف اکو نی !
- عیسو کات بالس تو ، ری هولور تاغن کاکی بربی فواق مرید
تیغوق . تکه فواق تو دوق شک هاتی دغن حیران ، تاءبراف
- فرچای لائی ، عیسی کات کا ری: اد کاف گاتیق ، نق ماکن ؟
- فواق تو فون بربی ایکن فشکن سکرت کا عیسی .
- عیسی فون امبیق ماکن سلالو ، رافن فواق تو .

عیسی برشح بلوم فد ری نائیک کا شرگ

- لغس تو ، عیسی کات کا سموا مرید ۲ ری: تکه اکو دوق
سکالی دغن مو ، اکو بیاس رویت ده ، بوکن ، کات سموا
فرکارا هق تولیس ده چارا حال اکو ، دالم کتاب نبی موسی ،

دالم كتاب زبور، سکالی دفن كتاب نبی ۲ لائين، سموا مستي
کنا جاري اتس کو!

لفس تو، عيسى بري چره فيکيران فوق تو، بري بوليه فهم
سموا كتاب ۲ تو، کات: سوده توليس ده کات، اورغ هق
جاري المسيح مستي کنا سيقسا، فس ماسوق هاري يغ کتيگ
ري نق بغيکت هيڊوف کليق فد قبور.

فـس لاکـي ، توهن سوروه گـي روـيت خـبر ليـي ، مـولا ۲ دـكـوت
جرـوسـليـم دـولـو ، فـس سـمـفي سـمـوا نـگـري . خـبرـني کـات ، دـفن
کـرانـالـمـسيـحـنيـي ، تـوهـنـنقـامـفـونـسـمـواـکـسـلاـهـنـاـورـغـهـقـ
بـالـيـقـهـاتـيـتـوـبـةـ.

فـس ، عـيسـيـکـات ، فـوـاقـموـنقـجـارـيـسـقـسـيـاتـسـسـمـواـفرـکـلـارـاـ
نيـ. تـافـيـموـکـاـنـنـتـيـدـالـمـکـوتـجـرـوسـليـمـدـولـوـ، هـيـغـکـ
اـکـوـبرـيـکـاـمـوـ، کـواـسـهـقـتـورـونـدـشـرـگـ، هـقـتـوهـنـبـافـکـوـ
جـنجـيـنقـبـريـکـاـفـوـاقـموـ!

عيسى نائيک کليق کا شرك

فـسـتوـ، عـيسـيـاـجـقـفـوـاقـمـرـيدـ۲ـليـسـمـواـتـوبـيـتـکـيـ
سـمـفيـکـمـفـوغـبـيـتـعـنيـ. دـسيـتـولـهـ، رـيـاـغـکـيـتـتـاـغـنـتـادـهـ،
مـيـنـتـاءـسـلامـتـاتـسـمـواـفـوـاقـتوـ.

تـکـهـدـوقـتـادـهـتوـ، رـيـفـونـکـھـورـ۲ـنـائيـکـکـاـشـرـگـ، کـھـورـ
سـخـکـغـجاـوـهـدـغـنـفـوـاقـتوـ.

سـمـواـفـوـاقـتوـفـونـفاـکـتـکـليـقـکـاـکـوتـجـرـوسـليـمـ، دـغـنـ
برـاسـسوـکـهـاتـيـ. فـسـ، رـيـدـوقـاـولـغـکـيـکـاـبـيـتـالـمـقـديـسـ
کـنـفـ۲ـهـارـيـنقـاوـچـفـشـکـورـکـاـتـوهـنـسـعـمـورـ.

يـحـيـا

خبر يـغـ بـأـيـكـ هـقـ تـوهـنـ بـرـيـ يـحـيـا
روـيـتـ چـارـاـ حـالـ عـيـسـىـ الـمـسـيـحـ

بـلـبـ 1

فـرـكـتـائـنـ هـقـ تـوهـنـ

- 1 بـلـومـ فـدـ دـنـيـاـ اـدـ لـاـكـيـ ،ـ هـقـ فـغـكـيلـ فـرـكـتـائـنـ تـوهـنـ اـدـ دـهـ .ـ فـرـكـتـائـنـ نـيـ دـوقـ سـكـالـيـ دـغـنـ تـوهـنـ ،ـ تـوهـنـ دـغـنـ فـرـكـتـائـنـ نـيـ تـوـ .ـ جـارـيـ هـقـ تـوـلـاـ .ـ
- 2 فـدـ مـاسـ اوـالـ تـوـ ،ـ فـرـكـتـائـنـ نـيـ دـوقـ اـدـ سـكـالـيـ دـغـنـ تـوهـنـ .ـ فـرـكـتـائـنـ نـيـلـهـ هـقـ بـرـيـ جـارـيـ سـمـواـ فـرـكـارـاـ .ـ تـاءـ اـدـ سـكـارـاـ هـاـبـوـقـ .ـ هـقـ بـولـيهـ جـارـيـ ،ـ مـلـينـكـ دـغـنـ فـرـكـتـائـنـ تـوهـنـ .ـ
- 3 هـيـدـوـفـ سـمـواـ فـرـكـارـاـ ،ـ اـصـلـثـ مـارـيـ دـرـفـدـ فـرـكـتـائـنـ نـيـ .ـ هـيـدـوـفـ تـوـ باـواـ چـهـيـاـ تـورـونـ بـرـيـ کـاـ ماـ ئـ نـسـيـ .ـ
- 4 چـهـيـاـ نـيـلـهـ دـوـدـوقـ سـوـلـوـهـ دـالـمـ تـمـفـتـ کـلـفـ ،ـ فـسـ هـقـ کـلـفـ تـوـ ،ـ
- 5 نقـ بـرـيـ هـيلـعـ چـهـيـاـ تـاءـلـيهـ .ـ

فـرـكـتـائـنـ تـوهـنـ هـقـ بـرـيـ هـاتـيـ ماـ ئـ نـسـيـ جـارـيـ چـرهـ

- 6 اـدـ اوـرغـ نـامـ يـحـيـاـ ،ـ هـقـ تـوهـنـ هـنـتـرـ مـارـيـ جـارـيـ فـسـوـرـوـهـ نـيـ .ـ
- 7 نـيـ مـارـيـ بـرـيـ تـاهـوـ چـارـاـ حـالـ چـهـيـاـ سـائـنـيـ ،ـ نقـ بـرـيـ باـپـقـ اوـرغـ فـرـچـايـ کـاـ چـهـيـاـ تـوـ .ـ بـوـکـنـ يـحـيـاـ سـنـدـيـرـيـ جـارـيـ چـهـيـاـ تـوـ ،ـ نقـ .ـ
- 8 تـافـيـ رـيـ مـارـيـ بـرـيـ تـاهـوـ حـالـ چـهـيـاـ تـوـ .ـ

اینیله چهیا هق سوغکوه، چهیا هق بري هاتی ماءنسی چره.
ری نق تورون ماری کا دنیا ده. ری تورون ماری دوق سکالی
دغن ماءنسی کیت. سوغکوه فون ری جادیکن ماءنسی، تافی
ماءنسی تاءکتل ری.
ری ماری کا بفسا هق جاري میلیق ری، تافی بفسا ری تو،
تاءسیر تریما ری.
تافی اد جوگ، اورغ هق تریما ری، هق فرجای کا ری. اورغ
نیله، ری بري جاري انق ۲ توهن.
فواق نی جاري انق ۲ توهن، بوکن دغن کتورونن راکیع داره،
دق، بوکن دغن لاکی بینی نق بولیه انق، بوکن دغن کواس
ماءنسی سنديري ده، تافی دغن کواس توهن ساج.

فرکتائن تو تورون ماری جاري ماءنسی

ری هق فشکیل فرکتائن توهن تو، تورون ماری جاري
ماءنسی دالم فواق کیت. ری بري پات رحمة توهن، لغن هق
سمپر چارا حال توهن، چوکوف سمفون. کیت سوده نمفق
کملیان ری، یاءیت کملیان هق سوغ دغن انق یئ ساتو هق
توهن باف.
نبی يحیا سائی ماری رویت چارا حال ری جوگ، بري اورغ
دغز. يحیا کات: اینیله نی هق اکو سوده رویت دولو کات:
اد سورغ لاکی هق نق ماری کدیان فد اکو. ری فریشك
تیشكی لاکی فد اکو، کران ری تاءاد اوال. بلوم فد اکو اد،
ری اد ده.
کیت سموا سوده تریما رحمة درف دلکبیهن توهن، لفس هق
تو، هق تو.
کران کو جالن نبی موسی، توهن تورون حکوم ۲ نی، تافی
کو جالن عیسی المسيح، ری تورون رحمة نی اتس کیت، فس

برى كيت پات هق سبئر چارا حال دى.

18

ماهنسى كيت نى تاء بىاس نمفق توهن ، تافى انق يغ ساتو هق
دوق رافت دغۇن توهن باف نى سەعەور ، دىالە برى كيت بولىھ
كىل دغۇن توهن .

خبر هق نبى يحييا رویت

19

فدى ماس تو ، كىتوا اورغ يېھوري دكوت جروسليم ، هنتر
سفواق امام ۲ دغۇن فواق ليويى ، كى چارى يحييا . فس دى تان يحييا
كات : مو اورغ تىيفگى ستارا مان ، بولىھ ماري رویت خبران نى ؟
يحييا نق برى تاھو ترۇس ترغ ، تائسىر برى فواق تو دوق شك
هاتى لاكى . دى فون جواب سلالو كات : اکو بوکن المسيح ،
هق توهن نق هنتر ماري ، دق !

20

فواق تو تان فول : كالو كىتيتو ، مو جانىھ نبى الياس ، هق هيىدوف
كلىق ماري سمولادى ؟ جواب له ! يحييا فون كات : دق ! اکو
بوکن نبى الياس . فس ، فواق تو تان فول : اد نبى سوراغ
لاكى هق فواق كيت دوق ننتى . مو جارى نبى نى كە ؟ يحييا
كات : دق !

21

فواق تو فون تان فول : مو جارى اورغ تىيفگى ستارا مان ؟ كيت
كما كلىق كى رویت كا كىتوا ۲ هق سوروھ كيت ماري نى . مو نق
جواب بالس مان چارا حال دىري مو ؟

22

يحييا فون جواب بالس نى : اکو اينىلە جارى سوارا هق دوق
برىرسو دالم لاۋوت فاسىئر كات :

مو كا بايىقىي جالن برى مولىقى ، انتوق سمپوت توهنمنو !

اينىلە ايات درفدى كتاب نبى يعشىا هق بولو .

24

فس اد اورغ فريسي دالم فواق هق ماري تان يحييا تو .

فواق فريسي نى فون تان يحييا جوڭ ، كات : مو كات ، مو تاء

25

جاری المسيح . فس مو تاءً جاري الياس . فس مو تاءً جارينبي
هق فواق كيت دوق ننتي تو . كالو كيتو ، باءاف مو بري
اورغ تريما روكون مندي بفتيزما نبي ؟

26 يحييا فون جواب سلالو كات : سوغکوه اکو بري تريما روكون مندي
رفن اير نبي ، تافي دي هق نق ماري کديان فد اکو تو ، دي
دوق اد ده دالم فواق كيت ، تافي مو تاءً کيل دي لاگي . فريشكـت
اکو رنده فد دي سوغکوه ، يحييا كات . اکو نبي تاءً فدان جاري
همب هق اد كرج چابوت کاسوت دي فون !
27 سموا فركارا نبي جاري باليق سان سوغي يردن ، دمقيم بيت عنـي
تمفت يحييا بري اورغ تريما روكون مندي تو .

يحييا تنحوق کا عيسى

29 ايـسوق فول ، يـحيـا تـيـفـوق عـيـسـو بـرـجـالـن مـارـي کـا تمـفت
دي . فـس يـحيـا كـات : تـيـفـوـقـلـه اـورـغـ تو ! دـيـالـه جـارـي انـقـ کـيـسـي
هـقـ توـهـنـ بـرـيـ نـقـ جـارـيـ قـرـيانـ اـنـتـوـقـ هـاـفـوسـ دـوـساـ مـاءـنسـي
كـيـتـ !

30 دي نـيـ هـقـ اـکـوـ روـيـتـ دـوـلوـ : اـدـ سـئـوـغـ نقـ مـارـيـ کـدـيـانـ فـدـ
اـکـوـ . دـيـ فـريـشـكـتـ تـيـشـكـيـ لـاـگـيـ فـدـ اـکـوـ ، کـرـانـ دـيـ تـاءـ اـدـ اوـالـ .
بلـومـ فـدـ اـکـوـ اـدـ ، دـيـ اـدـ دـهـ !

31 بـيـلاـ اـکـوـ روـيـتـ چـارـاـ حـالـ اـورـغـ نـيـ دـوـلوـ ، يـحيـاـ کـاتـ ، اـکـوـ تـاءـ
تاـهـوـ لـاـگـيـ کـاتـ اـورـغـ مـانـ . تـافيـ فـدـ مـاـسـ توـ ، اـکـوـ تـاهـوـرـهـ کـاتـ
اـکـوـ کـاـ بـرـيـ اـورـغـ تـريـماـ روـكـونـ منـديـ بـفـتـيـزـماـ رـفـنـ اـيرـ . تـوـجـوـانـ
توـهـنـ رـفـنـ روـكـونـ نـيـ ، نقـ بـرـيـ سـمـواـ فـواـقـ اـسـرـائـيلـ کـلـ اـورـغـ توـ .

32-33 يـحيـاـ روـيـتـ کـاتـ بـالـسـ مـانـ دـيـ بـولـيهـ تـنـحـوـقـ کـاـ اـورـغـ توـ .
ديـ کـاتـ : فـدـ مـاـسـ توـهـنـ بـرـيـ اـکـوـ کـيـ سـوـرـوـهـ اـورـغـ تـريـماـ روـكـونـ
منـديـ توـ ، دـيـ روـيـتـ کـاـ اـکـوـ کـاتـ : بـيـلاـ موـ نـمـفـقـ روـحـ توـهـنـ ،
تـورـونـ دـوقـ سـکـالـيـ رـفـنـ سـاـتـوـ اـورـغـ ، اـورـغـ تـولـهـ نقـ بـرـيـ تـريـماـ

هق لبيه فد تريما روکون دغун اير لاگي، يائيت تورون کواس روح توهن ! فد ماس تو، يحييا کات، اکو تاټاهو لاگي کات
ري اورغ مان . تافي لفس تو، اکو نمفق روح توهن تورون ،
دغун روف بوروغ مرفاتي ، دوق اتس کفلا اورغ تو .
اکو سوده تيغوق ده، دغун مات کو سنديري . اکو بوليه نائيك 34
سقسي سوغکوه، اورغ نيله، ري انق توهن !

انق مرید عيسى هق مولا ۲ سکالي

ايسوق فول ، يحييا دوق دغун انق مرید ري دوا اورغ ، 35
دتمفت ري تو . فس بيلا ري تيغوق عيسى برجالن لالو کوء 36
تو، يحييا فون کات: تيغوقله اورغ تو ! دياله جاري انق کيس هق توهن !
انق مرید يحييا سائني دغر فركتائن يحييا ، کات لاکو تو . رи 37
فون توروت عيسى کي سلالو .
عيسى فون فاليلع تيغوق دوا اورغ تو ، دوق توروت ري ماري . 38
فس عيسى کات کا ري : اد کرج اف ، توروت اکو ماري ني ?
اورغ تو فون جواب: توان کورو ! توان دوق رومه مان ?
عيسى فون رویت: ماريله نق کي کتل رومه اکو ! ري فون توروت 39
عيسى ، کي کل رومه ، فس دوق سام ري هاري تو ، سبب ماس
تو سمنفي فوكول امف فتش ده .
رالم دوا اورغ هق دغر فركتائن يحييا ، هق توروت عيسى کي سائني ، 40
اد سئورغ نام اندریاس . ري اريق فد صيمون فيتروس .
اندریاس ني فون کي چاري صيمون سلالو ، رویت کا ري کات: 41
کيت تمو ده دغون اورغ هق جاري المسيح ، هق توهن سوده
لتق جاري جورو سلامت هق کيت ! (دغون بهاس گريلک اورغ
فعکيل المسيح ني : کريستوس .)
فس اندریاس باواه صيمون ماري کا تمفت عيسى دورو . 42

عیسو فون تیغوق کا صیمون ، فس کات کا ری : مو نی نام صیمون
انق یحیا . تافی اکو نق لتق نام مو : قیفس (دغن بهاس
گریک ، اورغ فٹکیل قیفس نی : فیتروس ، معناش باتو بسر .)

انق مرید عیسو دوا اورغ لائی

- 43 ایسوق فول ، عیسو نق برجالن کی کا چشواد کالیل . فس
ری کی چاری اورغ نام فیلیف ، سوروه ری کات : هی فیلیف !
44 ماری توروت اکو ! فیلیف نی ماری دکمفوغ بیت صاءیدا ، تمفت
اصل اندریاس دغن فیتروس سائني .
- 45 فس فیلیف کی چاری اورغ نام نتانعیل فول ، رویت کا ری : اورغ
هق نبی موسی کات نق ماری کا فواق کیت ، اورغ هق اد سبوت
رالم کتاب تورات دغن کتاب نبی ۲ دولو ، اورغ نیله کیت تمو
بہ . نام ری عیسو ، انق یوسف ، دکمفوغ نصرة !
- 46 نتانعیل فون کات : اد اف هق مليا ، بولیه تیمبول ماری درد
تمفت سروف نصرة ؟ تاءاد سکارا هابوق فون !
فیلیف فون کات : ماری تیغوقله !
- 47 بیلا عیسو نمفق نتانعیل ماسوق دکت کا تمفت ری ، ری رویت
چارا حال نتانعیل کات : اورغ نی سوغ فاتوت کیت فٹکیل
اورغ اسرائیل سجاتی . سبب ری اورغ هق تاءندی تیفو دای
سیکیت هابوق فون !
- 48 فس نتانعیل تان عیسو کات : مو کتل اکو بالس مان ؟
عیسو جواب کات : دولو فد فیلیف کی فٹکیل مو ماری ، اکو کلیه مو
روق باوه فوهون ارا تو !
- 49 بیلا دغر فرکتائن نی ، نتانعیل مٹاکو کات کا عیسو : توان
کورو ! سوغکوہ توان جاری انق توهن ، هق ماری جاری راج
فواق اسرائیل کیت !
- 50 عیسو فون کات کا ری : سبب اکو رویت کات اکو کلیه مودوق

باوه فوهون ارا تو، مو بوليه فرچاي ده. ماس دافن، مو نق
تمو رغن فركارا ۲ بسر فد نې لاكى.

51 فرهاتيله باءِيك ۲ هق اکو نق رویت نې، عيسى کات. ماس دافن
فواق مو نق تيفوق لاغيت دوق تريوك، فس، ملاٽيڪه ۲ توهن
ناءِيك تورون، ناءِيك تورون، کوء اکو مائنسىي هق ماري دشريگ نې،
سروف دغۇن ساتو تەغىڭ تو!

فركارا عجاءٰيپ دتمفت ماکن فولوت

باب 2

1 لفس دوا هاري لاكى، اد اورغ بوات فولوت منيکاچ دكمفوغ
كانغا، دچغوارد كالليل تو. مق عيسى دوق اد دتمفت فولوت تو.

2 عيسى دغۇن مرید ۲ دې، كا فاره کي ماکن فولوت دسيتو جوڭ.
اد اير بواه جابىت هق مانىس، هق اورغ كرج اغكىت برى اورغ
ماکن. فس اير بواه جابىت تو هابىس ده. مق عيسى فون کي
رويit کا عيسى کات: اير بواه جابىت هابىس ده!

4 عيسى رویت کا مق دې کات: تاءِافله مق! مق تائسه بوسنلە
فركارا نې. ماس هق انق کا بوات كرج، تائسمىي ماس لاكى!

5 مق عيسى فون کي رویت کا اورغ دوق بوات كرج رومە فولوت تو
کات: اف ۲ هق دې سوروه بوات تو، مو کا بوات سلالو دې!
درومە تو اد تمغاين بسر انم بوتير، هق فاكى ايکوت اتولن
اورغ يېھوئى. سبوتير بوليه بوبوه اير سفولوه بلدى لبىه.

7 فس عيسى کي سوروه فواق كرج تو کات: کي بوبوه اير سموا،
دالم تمغاين نې برى فنوه! دې فون بوبوه اير، فنوه متىتير.

8 فس عيسى سوروه دې کي چيدق اير سىكىت، نق باواءِ کي کا
كتوا فولوت برى دې كچف. اورغ كرج فون بوات ايکوت هق
عيسى سوروه.

9 اير هق دې برى کا كتوا فولوت كچف تو، براوبه جاني اير
جابىت مانىس. كتوا فولوت تاءٰتاهو اير بواه جابىت تو امبىق

ماري دمان . تافي اورغ كرج هق اغكيت اير تو ماري ، يي تاهو
ده . فس كتوا فولوت فشكيل انق ترونا ماري سبنترنق رويت
سيكيت کا رې کات :

اورغ بوات فولوت بياس اغكيت اير بوه جابيت هق سدف دولو
برى اورغ ماکن . بيلا سموا اورغ ماکن برى رې فنيع ، فس بوليه
اغكيت ماري هق کورغ سدف فول . تافي درومه نې ، مو تاروه
هق سيف سمنفي سكت نې ، بارو برى ماکن !

اینيله تندا مولا ۲ سکالي هق عيسى بوات ، نق برى پات
كمليان هق رې . تندا نې ، رې بوات دکمفوغ کانغا ، دچفواز
کاليل . انق ۲ مرید عيسى فون فرچاي کا رې .

لفس فد تو ، عيسى برجان کي کا کمفوغ کفرنا حوم . مق رې ،
اديق ۲ رې ، فواق انق مرید رې فون ، کي جوگ ، دودوق دسيتو دوا
تيگ امف هاري ده .

عيسى همبت اورغ منياڭ دتمفت سوچي هق توهن

ف د ماس تو ، رکت نق سمنفي هاري راي فسخر هق اورغ
يھوي . سبب تو ، عيسى برجان کي کا کوت جروسليم گاتيق .
بيلا عيسى ماسوق دالم بيت المقدس دسيتو ، رې تمو نفن
فواق اورغ دوق جوال بناتخ انتوق بوات قريان . لمبو ، کمبىغ
بيريغ ، بوروغ مرفاتي فون اد . فس اد اورغ دوق بوات کرج
رې ، نق توکر رويت اورغ ماري دسيتو .

عيسى فون امبيق جيرت نق بوات ميات . لفس تو ، همبت
سموا برى توبيت کي ف دتمفت سوچي ، دغۇن لمبو بيريغ فون
همبت توبيت بلاك . رې بوات برى ترباليق ميجا ۲ اورغ توکر
رويت ، برى رويت برتابور کي هابيس .

اورغ جوال بوروغ مرفاتي فون ، عيسى سوروه کات : امبىقلە ،
فركاكس مو نې ، باوا کي هابيس ! جاغن مو فاكى رومه باف كونى

10

11

12

13

14

15

16

نق بوات تمفت برجوال بلي !

انق ۲ مرید عيسى فون ، بیلا تیغوق کجادین نی ، ترايافت کا ساتو ايات دالم کتاب نبی دولو ، هق کات :

هاتي کا مستي کا امبيق فادول ، بچارا کا تمفت سوچي هق توهن . کران اکو ساغت ۲ ساينگ کا رومه توهن نی .

لفس تو ، کتوا ۲ اورغ یهونی توبیت ماري تاش عيسى کات :

مان ، تندا بولیه مو بوات بکینی ؟ مان ، اکو نق تیغوق !

عيسى فون جواب کات : تمفت سوچي هق توهن نی ، کالو مو

نق بري فونه ، دالم تیگ هاري اکو نق بري فرديري سمولہ !

اورغ یهونی فون کات : امفت فولوہ انم تاهون اورغ بوات تمفت سوچي هق توهن نی ، بارو سوده ! فس مو کات نق بري برديري دالم تیگ هاري . نق بوات بالس مان ؟

تافي سسوغکوھن ، عيسى رویت چارا حال توبوہ دي سنديري ، بوکن رومہ .

ماں دافن ، بیلا عيسى ماتی هيدوف کلیق ده ، مرید ۲ دي ایشت هق عيسى رویت سائني ، باروله فرچای سوگکوھ ، هق توهن رویت دالم کتاب چارا حال عيسى ؟ دغۇن فرکتائن عيسى سنديري جوگ .

تکه عيسى دودوق دکوت جروسلیم ، هاري راي فسخر تو ، اد اورغ رامي تیغوق فرکارا ۲ عجائب هق عيسى بوات تو ، فس

فرچای کات دي اورغ برکت . تافي عيسى نمفق کات تاڭلیه هارف کا سموا اورغ فواق نی ، سبب دي تاهو ده هاتي ماڭنسى .

تاڭلیه اورغ رویت کا عيسى لاكى ، حال اورغ مان ۲ فون . دي تاهو ده ، سموا فرکارا هق اد دالم هاتي ماڭنسى .

باب ۳

عیسی کات: مو کنا برانق سمولا

- ۱ اد سئورغ نام نیقدیموس، جاری کتوا اورغ یهودی، دالم
فواق فریسی .
- ۲ فد ساتو مالم ری ماری چاری عیسی کات کا ری: توان گورو! کیت
سموا نمفق توان گورو نی ماری درف دوهن سوغکوه، کران تاء!
سیاف بولیه بوات فرکارا عجایب سروف توان دوق بوات لانی،
ملینکن توهن ماری دوق سام ری .
- ۳ عیسی کات کا ری: فرهاتیله باهیک ۲ هق اکو نق رویت نی!
تاء! اد سیاف بولیه ارتی چارا حال فرینته توهن دالم هاتی،
کالو اورغ تو تاء برانق سمولا !
- ۴ نیقدیموس تاش عیسی: اورغ توا ده، نق برانق جاری بودق
کچیک سمولاء، بوات لاکو مان؟ نق ماسوق دالم فروت ایبو فول
بولیه که؟ تاء! لیه!
- ۵ عیسی فون رویت سلالو: مو فرهاتیله باهیک ۲ هق اکو نق رویت
نی! تاء! اد سیاف بولیه ماسوق دوق باوه فرینته توهن، کالو
ری تاء! برانق بارو سمولاء، لغن ایر فس لغن کواس روح توهن.
لغن ایبو باف ری، مائنسی برانق بولیه هیدوف چارا توبوه.
- ۶ تافی برانق سمولاء بولیه هیدوف چارا بارو، جاری لغن کواس
روح توهن ساج . توان تاءسه حیرانله هق اکو کات، توان
کا برانق سمولاء تو .
- ۷ فس عیسی رویت لاکی: کواس روح توهن نی جاری سروف اغین .
اغین تو بولیه فوفوت کی، فوفوت ماری ، سرات تمفت ایکوت
ری . کیت تاء! تاهو ری ماری دمان، نق کی کا مان . تافی کیت
بولیه دغر سوارا ری . روح توهن فون ماری سروف اغین تو جوگ
اتس تیف ۲ اورغ هق برانق سمولاء لغن کواس ری .
- ۸ نیقدیموس تاش عیسی فول: فرکارا ۲ نی ، بالس مان نق جاری؟ امب

- تاءَ فهم ! عيسو کات کا ری فول : توان جادی گورو اوکام یهودی ،
بوکن ؟ باءَف بولیه تاءَ ارتی ، فرکارا ۲ نی ؟ 10
- فرهاتیله هق اکو نق رویت لائی ! سموا فرکارا هق اکو رویت نی
هق اکو تمو ده ، هق اکو تیغوق ده ، تافی فوق مو تاءَ فرچایی
جوگ . 11
- اکو دوق رویت فرکارا ۲ هق توهن سوده بري نمفق کا فوق مو
ده . کالو مو تاءَ فرچایی فرکارا نی ، تنتوله مو تاءَ فرچایی هق اکو
بارو نق رویت نی ، فرکارا ۲ هق توهن تاءَ بري تورون لائی کا
فوق مو ! 12
- تاءَ اد سیاف بولیه نائیک کا تمفت توهن ، نق تریما فرکارا ۲ نی ،
ملینکن اکو ماءَنسی هق تورون دشرغ . اکوله هق باؤاً تورون
فرکارا ۲ نی دشرغ . 13
- فیکیرله ، عيسو کات ، سبب اف توهن سوروہ نبی موسی ائکیت
اولر تمباک نائیک اتس کایو ، تکه اورغ اسرائیل دوق دالم لاءَوت
فاسیر دولو ؟ سبب تو جوگ ، اکو ماءَنسی هق تورون
دشرغ نی ، مستی کنا ائکیت نائیک اتس کایو ، انتوق نق بري
سموا اورغ هق فرچایی کا اکو ، بولیه هیدوف چارا بارو هق
توهن . 14
- کران توهن کاسیه کا ماءَنسی سوغلکوہ ، هیغئک ری بري انق بیغ
ساتو هق ری ، انتوق سموا ماءَنسی . توهن نق بري گف ۲
اورغ هق فرچایی بغن انق ری ، بولیه هیدوف چارا بارو هق نی ،
تاءَ کنا ماسوک نراک ده ! 15
- کران توهن هنتر انق ری ماری کا دنیا ، بوکن انتوق جاتوه
حکوم اتس ماءَنسی ، دق ! ری هنتر ماری انتوق بري ماءَنسی
بولیه لفس درف حکوم تو . 16
- اورغ هق فرچایی بغن انق ری ، توهن تاءَ حکوم ساله ده . تافی
اورغ هق تاءَسیر فرچایی ، دوق باوه حکوم توهن لائی ، سبب 18

- فواق تو تاءً مفاکو تاءً هارف ، کا نام انق ینه ساتو هق توهن .
 توهن سووہ حکوم مائنسی کات ، ری هنتر چهیا ری ماری کا دنیا
 تافی ماً نسی سوک دوق دالم گلف جوگ ، تاءً سیر دودوق دالم
 چره هق چهیا تو . کران مائنسی سوک بوات فرکارا هق جاہت
 سمات ۲۰
- اورغ هق سوک بوات جاہت ، ری بنچی کا چهیا تو ، تاءً سیر
 ماسووہ رکت ، تاکوت کجهاتن ری نمفق تربوک !
 تافی اورغ هق سوک توروت هق بتول ۲ ، ری تائتاکوت ماسووہ
 رنگ چره تو ، انتوق بري نمفق سموا کرج ری ، هق بوات
 توروت کھندق توهن .

عیسیٰ لغن یحیا

- لفس فد تو ، عیسو کی کا دارت دنگری یہودیہ ، سکالی رعن
 مرید ۲ ری . ری دوق دسیتو باپق هاری جوگ ، فس اد اورغ
 ماری تربیما روکون مندی بفتیزما رعن ری .
 نبی یحیا فون دوق بوات ماجم تو جوگ ، رکمفوغ عینون ، رکت .
 سالیم ، تمفت هق اد ایر باپق .
- ف د ماس تو ، یحیا تاءً کنا ایکت لاکی ، سابیت تو اورغ بولیه کی
 مندی تربیما روکون رعن ری دسیتو .
- ف د ساتو هاری ، مرید ۲ نبی یحیا دوق بحس رعن سئورغ یہودی
 بچارا حال چمر چوچی . سووہ بحس تو ، مرید ۲ یحیا کی
 رویت کا یحیا کات : توان کورو ! اورغ هق کی چاری توان ، تکه
 کیت دوق بالیق سان یردن ، اورغ هق توان کورو تنجوو بري
 کیت کل تو ، لانی ری بري اورغ تربیما روکون بفتیزما جوگ ، فس
 سموا اورغ توروت ری !
- یحیا فون جواب : مائنسی کیت تاءً لیه تربیما اف سکارا ، ملینکن
 توهن بري ، بوکن ؟

- 28 فوق مو دغر ده هق اکو بیاس رویت دلو کات ، اکو نی بوکن
المسیح . اکو جاری اورغ هق توهن هنتر ماری دلو فد نی.
میسل ، حیا کات ، بیلا اورغ منیکاح ، جاری انق ترونا هق تریما
انق دارا ، بوکن اورغ مغیرا . اورغ مغیرا تو ، نی دوق توغکو
درومه انق دارا . بیلا دی رغر سوارا فوق انق ترونا ماری
نی براس سوگ هاتی ، کات: اوہ ، انق ترونا سمنفی ده!
اکو فون ماجم تو جوگ ، حیا کات . لانی سمنفی ده ماس هق
اکو براس فنوه سوگ هاتی !
- 30 نی هق ماری سروف انق ترونا سائی ، سوغ فاتوت جوگ دی
کا جاری تیغکی فد اکو . اکو فون کا جاری کھوز ۲ رنده ،
حیا کات .
- 31 نی هق تورون درف توهن ، اد فریغکت هق تیغکی سکالی . اکو
هق جاری کتورونن ماںسی اد فریغکت سام ۲ نغن ماںسی ردنیا .
اکو فون رویت فرکارا ۲ هق اد ره ردنیا . نی هق تورون دشک
نغن فریغکت هق تیغکی سکالی تو ، نی رویت فرکارا ۲ هق نی
تیغوق سندیری ، هق نی رغر سندیری شرک . تافی تا ۱۰
سیاف نق تریما هق نی رویت تو .
- 33 تافی ، سیاف هق تریما سوغلکو ، فرکارا هق نی رویت تو ، معنان
اورغ تو ستوجو کات بتول ، هق توهن سندیری رویت .
- 34 کران نی هق توهن هنتر ماری نی ، دی ماری رویت فرکتاں
توهن سندیری ، سبب توهن بری روح نی تورون اتس عیسی ،
نغن فنوه کواس .
- 35 توهن باف کاسیه کا انق نی بیغ ساتو ، لتق نی مرینته اتس
سموا فرکارا .
- 36 سیاف نی فرچای رغن انق بیغ ساتو نی ، دی تریما ده هیدوف
چارا بارو هق توهن . سیاف نی تا فرچای ، تا توروت انق بیغ
ساتو هق توهن نی ، نق تریما هیدوف چارا بارو تا ۱۰لیه .

توهن سوده بري تاهو تنتو کات مرگ دي دوق اتس فواق نی
سعمور.

عيسى برکیچیق رغن اورغ بتینا سماریا

باب 4

- 1 فد ماس تو، فواق فریسی رغن خبر، کات عیسی بولیه
انق مرید، بري دي تریما روکون منی بفتیزما، لبیه فد نبی
یحیا لاکی.
- 2 سسوغکوهن، بوکن عیسی سندییری تافی صحابة ۲ دي، هق
بری اورغ تریما روکون نی.
- 3 بیلا عیسی تاهو کات خبر نی سمفی کا فواق فریسی، نی فون
توبیت کی درف چفوار یهودیه تو، نق کی کا چفوار گالیل فول.
نی کنا برجانن لالو کو، نکری سماریا.
- 4 تغه ۲ برجانن، فواق عیسی کی سمفی کا ساتو بندز نام سونخر،
رالم نکری سماریا تو، تمفت رکت رغن تانه نبی یعقوب بري
کا انق نی یوسف، ماس رولو.
- 5 اد ساتو تلاک دسیتو، هق نبی یعقوب گالی تاروه. عیسی
برهشتی میاق ربیراءی تلاک تو. نی ساعت لته، کران
برجانن ماری جاوه. فد ماس تو، فوکول دوا بلس تغه هاری.
فس اد سئورغ بتینا سماریا، ماری نق چیدق ایر دتلاغ.
- 6 عیسی کات کا دي : میق ! مینتا، ایر بري کیت ماکن کاتیق دیدا!
(فد ماس تو، صحابة ۲ عیسی ماسوق کی بلي مکانن ، رکدی .)
- 7 اورغ بتینا سماریا سائی فون کات کا عیسی : بااف، دیما
اورغ یهودی ماری مینتا، ایر رغن امب؟ امب اورغ سماریا بوکن؟
نی کات بکیتو، کران اورغ یهودی نا، برچمفور کا، ول رغن اورغ
سماریا .)

ایر هق بولیه بربی هیدوف کا هاتی مائنسی

- عیسو فون جواب کات: کالو میق تاھو ساتو نعمہ، هق توھن نق بربی، فس کالو میق کل کات، اکو هق مینتا، ایر نی جانی سیاف ری، تنقوله میق نق مینتا، رعن اکو، فس اکو نق بربی ساتو ایر هق بولیه بربی هیدوف کقد میق!
- اورغ بتینا تان فول: ایه! دیما تاءار تیمبا نق چیدق ایر بیوات کان؟ تلاگ نی فون رالم. ایر هق بربی هیدوف نی نق امبیق ماری دمان؟
- توء نینیق کو یعقوب، هق کالی تاروہ تلاگ نی، فس ایر نی چوکوف بربی نبی ماکن، رعن سموا انق چوچوری، سکالی رعن بنانغ ۲ نی سموا. دیما نی ار کواس لبیه فد نبی یعقوب تو که؟
- عیسی فون جواب کات: سیاف ۲ هق ماکن ایر رالم تلاگ نی تننتو کا لافر ایر فول، تافی سیاف ۲ ماکن ایر هق اکو نق بربی نی، لفس تو تاءبراس لافر سلام ۲ ره. کرن ایر هق اکو بربی نی، جاری سروف مات ایر رالم هاتی ری، نق بربی ری بولیه هیدوف چارا بارو هق توھن!
- اورغ بتینا کات فول: ایه! کالو گیتو، مینتاله ایر تو سیکیت. لفس تو، امب تاءکا براس لافر ده، امب فون تاءکا ماری چیدق ایر ده!
- عیسو سوروہ اورغ بتینا کات: کیله میق، فغکیل توء لاکی مو ماری سینی! اورغ بتینا تو جواب: امب تاءار لاکی.
- عیسی کات: ها! هق مو کات تاءار توء لاکی تو سوغکوہ!
- سبب مو سوروہ ار توء لاکی لیم اورغ ده، تافی اورغ هق مو نوروق سکالی رعن ری لانی، بوکن توء لاکی مو، مو نوروق بکیتو ساج. هق میق رویت تو سوغکوہ!

اورغ بتينا کات: اه! امب نمفق کات توان نی جاري سورغ
ني. کالو گیتو، نق تان سیکیت دیه!
20 توء نینیق کیت اورغ سماریا، سمبه کف توهن اتس بوکیت
دنکری کیت نی. تافي فواق اورغ یهوری هق تولن نی کات،
کا سمبه توهن دبیت المدیس، دکوت جروسلیم. هق ملن
کات بتول؟

اورغ مان هق سمبه توهن رعن سوڠکوه ۲ هاتی

عیسى کات: فرچایاله میق، هق اکو نق رویت نی! دکت
نق سمفی ماس ده، هق ماءنسی نق سمبه کا توهن باف،
بوکن ستمفت ساج، دق. اتس بوکیت نی اتوا دکوت جروسلیم
فون، تاء کا کی جوگ.

لانی، فواق مو اورغ سماریا سفک کات مو دوق سمبه کا توهن
تافي مو تاء کل دی. کیت اورغ یهوری نی، کیت کل ده توهن
هق کیت سمبه، سبب توهن سوده بري جالن سلامت هق
سغوتی، تورون ماری کوء اورغ یهوری کیت.

تافي، ماس هق اکو سبیوت تایی، دکت نق سمفی ده،
سسوڠکوهن سمفی ده، عیسو کات. لانی، اورغ هق سمبه کا
تهن رعن سوڠکوه ۲ هاتی، دیاله اورغ هق سمبه کا توهن
رعن کواس روح توهن دالم هاتی، کوء جالن هق بنر.
بالس نیله هق توهن برکن بري اورغ سمبه کا دی.

روح توهن له، هق بري ماءنسی هیدوف، بوکن؟ کالو گیتو،
ماءنسی تاء لیه سمبه کا توهن، ملينکن رعن کواس روح توهن
کوء جالن هق بنر، عیسى کات.

اورغ بتينا سماریا کات کا عیسى قول: امب تاهو له، اد ساتو
المسيح، هق اورغ فشکیل کریستوس، هق توهن نق هنتر
تورون ماری. المسيه نی، دی نق هوري بري کیت فهم سموا

فرکارا چارا حال توهن .

26 عيسى کات کا ری : اکو نیلہ المسيح ، هق دوق کیچیق دغن مو
نی ! تغھے ۲ عیسی دوق کیچیق تو ، فوق صحابة نی ماری .

27 بیلا نمفق عیسی دوق کیچیق دغن اورغ بتینا تو ، نی براں
حیران . تافی تاءار سیاف براں تان اورغ بتینا : باۓاف مو
ماری چاری توان گورو کیت ؟ اتوا تاش عیسی : سبب اف توان
گورو دوق کیچیق دغن اورغ بتینا نی ؟

28 لفس تو ، اورغ بتینا تیغکل بویوغ نی دتلائگ ، کلیق کی رویت
کا سموا اورغ دالم بندر کات :

29 ماریلہ کیت کی تیغوق ! اد سئورغ هق بولیه رویت سموا
فرکارا اکو بیاس بوات بڑی کچیک لاکی ! بوکن که اورغ
نی المسيح ، نی هق توهن هنتر ماری کا دنیا ؟

30 سموا اورغ تو فون توبیت کی تیغوق عیسی .

عیسی معاجر دغن میسل اورغ مفتمن

31 تکه ۲ تو ، فوق صحابة دوق کاچغ سوروہ عیسی ماکن هق
نی بلی رکنی ، کات : ماری ماکله توان گورو ، بارغ نی !

32 تافی عیسی جواب : اکو اد رہ ، مکانن هق فوق مو تاءاتھو .

33 فوق صحابة نی فون تاش سام سندریری : اد اورغ بڑی رہ کہ کا ری ؟

34 عیسی فون کات کا ری : نق ! مکانن کو ، یاءیت بوات توروت
کھندق توهن ، هق هنتر اکو ماری نی ، فس بڑی سودہ سیف ،

کرج هق نی سوروہ اکو بوات !

35 لفس تو ، عیسی معاجر صحابة ۲ نی دغن میسل کات : مو کات
اماٹ بولن لاکی بارو بولیه مفتمن . تافی تیغوقله ! فاری دسینی

36 ماسق میرہ رہ ! فس اورغ هق ماری مفتمن ، نی نق بولیه اووھ .

نی نق کرج بولیه حصلن کاتیق ، او فھن یاءیت اورغ هق نق دافت

ھیدوف چارا بارو هق توهن . فس ، دالم کرج نی ، اورغ هق

تام دلوو رغن اورغ هق مغتم کدیان نی نق براس سوک هاتی
کدوا. اد ففاته هق بتول، عیسی کات، اورغ لائین تام، اورغ
لائین مغتم.

37 فس، عیسی کات، اکو سوروه فواق مو کی مغتم، بوکن دتمفت
مو تام سندیری. مو ماری کدیان مغتم هق اورغ لائین تام ره تو.

اورغ سماریا ماری فرچای رغن عیسی باپق اورغ

39 دالم فواق اورغ سماریا هق دودوق دبندر تو، اد باپق اورغ
هق فرچای کا عیسی. فواق نی فرچای کا عیسی کران دغفرکتائن
هق اورغ بتینا سبوت سائني کات: اورغ تو بولیه رویت سموا
فرکارا هق اکو بیاس بوات، دری کچیک لاکی!

40 سبب تو، بیلا فواق اورغ سماریا تو کی سمفی کا تمفت عیسی،
نی مینتا عیسی برهنتی دودوق سام نی دلوو. عیسی فون
برهنتی دستیتو دوا هاری. دالم ماس تو، اد باپق اورغ لائی
هق فرچای کران دی دغفر عیسی رویت سندیری.

41 فس فواق نی فون رویت کا اورغ بتینا: لانی کیت فرچای ده،
بوکن سابیت مو رویت. تافی فواق کیت دغفر سندیری. فس
کیت تاهو سوگکوه، اورغ نیله هق توهن هنتر ماری نق تولوغ
بری ماءنسی سلامت.

عیسی بري انق منtri سیار

43 عیسی دوق رغن فواق تو دوا هاری، لفس تو، دی توبیت
کی کا چفواد کالیل فول.

44 عیسی بیاس کات: اورغ هق جاری نبی، تننتو اورغ نگری دی
سندیری تاء حرمة کا دی. سابیت توله، بیلا دی کی سمفی کا
چفواد کالیل، اورغ دستیتو سمبوت دی رغن سوک هاتی.

- سموا اورغ نېي بارو گلېق کې بوات کرج هاري راي فسخر دکوت جروسليم ، فس تېغۇق فركارا ۲ ھق عيسىو بوات دېق نون . 46
- عيسىو فون برجالن کېي کا كەمفوغ كانغا فول ، دتمفت نېي بوات اير بري براوبه تو . دسييتو ، اد سئورغ منتري راج . انق نېي دوق ساكىت تروق درومه نېي ، دكەمفوغ كفرناحوم . 47
- بىلا منتري دغۇر كات عيسىو گلېق دنگىري يەھوديه ، بارو سەمفي کا چەۋاد گاللىل ، نېي فون کېي سلالو مىنتا ئەعيسى تولوغ کېي تېغۇق انق دېي ، ساكىت تروق دكت ناق ماتى دە . 48
- عيسىو كات کا منتري تو : كالو اكۆ تا ئەبوات فركارا ۲ فليق ، بري فواق مو كىلە سموا ، تىنلىخواق مو تا ئەفرچاي ، بوكن ؟ 49
- منتري فون كات : مىنتا ئەتوان کېي کا رومە امب سلالولە ! تاكوت تا ئەدان تېغۇق انق ! 50
- عيسىو فون سوروھ دېي گلېق دولو ، كات : كىلە مو ، گلېق دولو ! انق مو سيار دە ! منتري تو فون فرچاي ھق عيسى رویت ، فس گلېق سلالو . 51
- تەغە ۲ برجالن گلېق تو ، فواق کرج دېي توبىت ماري روپت کا نېي : انق توان سيار دە ! 52
- منتري تاش دېي فول : هيلىغ دەم فوکول براف ؟ فواق کرج فون روپت : هيلىغ فوکول ساتو تغە هاري ، كلمارين لاڭى . 53
- ايە بورق تو فون اىيقت سلالو ، ماس فوکول ساتو كلمارين ، ماس تو عيسىو كات : انق مو سيار دە ! ساپىت تو ، منتري جاري اورغ فرچاي کا عيسى سکالىي دەن سموا اورغ ھق دوق درومە نېي . اينىلە تىندا بىر ھق يېڭى كدوا . عيسى بوات تىندا نېي لفس فد گلېق دنگىري يەھوديه . 54

باب 5 عيسى بري اورغ تېغۇق سيار دکولم سيلوام

- برجالن کی کوت جروسلیم فول . 2
 دکوت جروسلیم اد ساتو کولم ایر، دوق دکت فینتو کمبیع بیریغ .
 نام کولم نی دغن بهاس عبرانی، بیت زاث. دتفی کولم تو، اد
 کاکی لیم، لیم فیتق . 3
 فس اد اورغ ساکیت باپق اورغ، دوق ننتی دتمفت تو نق مندی.
 اورغ مات بوت، اورغ کیچوق، اورغ تیفوق، سموا اد بلاک، دوق
 ننتی فریاغ ایر نق گلومبغ . 4
 سبب کارغ اد ملائیکه هق تورون کوچق ایر بربی گلومبغ .
 ماس گلومبغ، اورغ هق مولا تورون دالم ایر، فپاکیت ری نق
 هیلیغ سلالو . 5
 اد ساتو اورغ دالم فواق هق دوق ننتی تو، ساکیت تیفوق تیگ
 فولوه لافن تاهون ماری ده .
 عیسی فون نمفق اورغ نی دوق تیدور دسیتو، فس دی تاهو
 کات اورغ نی تیفوق لام ده . سابیت تو عیسی تاش دی کات :
 فق چیک، براس نق سیار کا رق؟ 6
 اورغ تیفوق تو فون جواب: توان، امب تاء اد اورغ تولوغ امب
 باوا تورون دالم کولم، تکه ایر گلومبغ تو. گنف کالی گلومبغ
 امب تاء دان تورون . دان کا اورغ لاءین دلو سعمور ! 7
 عیسی فون سوروه دی کات: باعونله فق چیک، امبیق تیکر مو تو
 برجالن کلیق ! 8
 اورغ تیفوق تو فون باعون سلالو، اغکیت تیکر گلوج، باوا کلیق . 9
 هاری تو هاری میغکو . سابیت تو، کتوا اورغ یهوبی رویت کا
 اورغ هق باوا تیکر سائنسی: هاری نی هاری میغکو . ایکوت حکوم
 کیت، مو تائلیه باوا تیکر بالس نی ! 10
 تافی اورغ تیفوق رویت کا کتوا کات: اورغ هق بربی امب سیار 11

ساکیت تیفوق سائني ، دیاله هق سوروه امب اغکیت تیکر باوء
کلیق بالس نی !

فواق ۲ کتوا تان اورغ تیفوق : اورغ مان هق سوروه مو بوات بگیتو؟ 12

تافی اورغ تیفوق تاً تاهو سیاف بري نی سیار ، کران فد ماس تو
عیسو هوندورگی ، ماسوق دالم اورغ رامی ده . 13

لنفس فد تو ، تاءلام لگی ، عیسو تمودن اورغ تیفوق تو دالم
بیت المقدس . عیسو فون رویت کا ری : مو جاگاله فق چیک !
توبوه فق چیک سیار ده . لانی فق چیک جاغن بوات دوساله !
تاكوت کنا بالا بسر لگی نق تورون اتس فق چیک . 14

اورغ تیفوق کی رویت سلالو کا فواق کتوا یهونی : اورغ هق بري
امب سیار تو عیسو له ! 15

سابیت تو ، کتوا اورغ یهوري ماري نق بوات پان کا عیسوی ، سبب
عیسو بوات فرکارا تو فد هاري میشگو ، هاري هق دی لارغ ،
تاءبری بوات کرج . 16

عیسو فون کات کا ری : توهن باف کو بوات سعمور ، کرج دی.
اکو فون کا بوات کرج سروف دی جوگ . 17

هق عیسو رویت سائني ، بري کتوا اورغ یهوري کهور فانس لگی
فیسه چاری جالن نق بونوه عیسو . بوکن سابیت عیسوی ساله
بوات کرج هاري میشگو ساج ، نق . تافی سابیت دی مثاکو کات
توهن جاري باف دی ، معنان عیسو مثاکو کات دی رغن توهن
هق تولا . 18

عیسو کات دیاله انق یغ ساتو هق توهن

عیسو کات کا فواق کتوا : فرهاتیله بایک ۲ هق اکو نق
رویت نی ! انق یغ ساتو تاءلیه بوات اف سکارا ایکوت کهندق
دیری دی . دی نق بوات هق دی تاهو کات توهن باف بوات
ساج . اف ۲ هق باف دی بوات بالس تو ، انق دی فون نق 19

- 20 بوات بالس تو جوگ . سموا فرکارا هق توهن باف بوات تو ، ری بری تاهو کا انق ری ، کران کاسیه کاری . ماس دافن لائی نی نق بری انق نی بوات فرکارا بسر لائی فد هق لفس ۲ ده . فواق مو تنتو براس حیران ، بیلا تمو فرکارا ۲ نی .
- 21 توهن باف اد کواس بری اورغ هق ماتی ده هیدوف کلیق سموله . انق یغ ساتو فون اد کواس بری مائنسی هیدوف سروف تو جوگ ایکوت کهندق ری .
- 22 توهن باف تاء جاتوه حکوم اتس مائنسی ، تافی ری بری کا انق نی سندیزی جاتوه حکوم اتس مائنسی سموا ، گشتی .
- 23 توجوان توهن ، نق بری مائنسی سموا سجود حرمة کا انق یغ ساتو ، سروف سجود حرمة کا توهن باف ری . اورغ هق تاء حرمة کا انق فون ، نی تاء حرمة کا توهن باف جوگ ، کران توهن بافله هق سوروه انق ماری کا دنیا .
- 24 فس ، فرهاتیله بائیک ۲ هق اکو نق رویت نی ، عیسی کات . اورغ هق دغر فرکتائن کو ، فس فرچای کا توهن باف هق سوروه اکو ماری کا دنیا ، اورغ توله بولیه ده هیدوف چارا بارو هق توهن ، نی تاء کا تریما حکوم ده . نی توبیت ده دالم فواق هق کتا تریما حکوم ماتی تو ، کی ماسوق دالم فواق هق بولیه ده هیدوف چارا بارو .
- 25 فس اد سا لائی اکو نق رویت کف ده ، عیسی کات . اد ماس نق سمفی ، نق رویت بتول لانی سمفی ده ، هق اورغ ماتی تو نق بولیه دغر سوارا اکو نی ، انق یغ ساتو هق توهن . فس اورغ هق نق تریما دغر نق بولیه هیدوف چارا بارو هق توهن .
- 26 توهن باف اد کواس دالم دیری نی ، نق بری اورغ هیدوف . کواس نی فون ری بری کا انق نی جوگ .
- 27 فس توهن بری کواس سا لائی کا انق ری ، یا یت کواس کرت سین اتس سموا مائنسی ، سبب ری جاری مائنسی هق تورون

دشڪ ڦي.

مو تاءُ سه حيران هق اکو رویت نی، عيسی کات. نق سمعی ماس
هق سموا اورغ دوق دالم قبور نق دغر سوارا انق یعن ساتو،
فس بٺکيت نائیک هابیس. اورغ هق بوات بائیک، بٺکيت نائیک
انتوق هیدوف. اورغ هق بوات جاهت فول، بٺکيت نائیک انتوق
تریما حکوم.

اد سقسی هق کات عیسی تو سوغکوه

اکو تاءُ لیه بوات اف سکارا دغنا کواس اکو سنديري، عيسى
کات. اکو کرت سین اتس ماۓنسی ایکوت اکو دغر دتوهن. فس
اکو کرت سین تو عاديل، گران اکو تاءُ سير بوات ایکوت
کھندق کو سنديري، اکو نق ایکوت کھندق باف هق سوروه
اکو ماري کا دنيا نی. کالو اکو جاري سقسی اتس ديري کو
سنديري، عيسى کات، تاءُ جاري تندا هق اورغ بولیه فرچاي.
تافي اد سا لائی هق بولیه جاري سقسی اتس ديري کو. اکو
تاھوره کات سقسی تو هق سوغکوه.

فواق مو بیاس سوروه اورغ گئي تان يحیا چارا حال اکو. فس
يحیا جاري سقسی اتس سموا فرکارا نی کات سوغکوه.

اکو تاءُ کا هارف کا ماۓنسی بري جاري سقسی اتس ديري کو،
تافي اکو رویت بالس نی نق بري فواق مو سلامت.

يحیا تو ماري نق جاري ساتو فلیتا هق مپالا بري چرہ سوغکوه.
فس فواق مو برکتن ماسوق دکت چھیا تو، تکه یي اد.

تافي اکونی اد تندا بسرفد هق يحیا رویت، جاري سقسی
اتس ديري کو، عيسى کات، یائیت سموا فرکارا هق اکو بوات
بری سوده، هق توهن باف کو سوروه تو. فرکارا ۲ اينيله جاري
تندا کات توهن باف سوروه اکو ماري سوغکوه.

فس باف سنديري هق سوروه اکو ماري تو، جاري سقسی اتس

رییریکو، تافی فواق مو تاء بیاس نفر سوارا باف سکالی . روف
نی فون مو تاء اد کلیه . فرگتائن نی فون تاء لکت دهاتی مو ،
سبب مو تاء سیر فرچای کا اکو، هق توهن سوروه ماری کا دنیا.

نبی موسی سوده رویت حال عیسی

فس عیسی رویت کا فواق کتوا ۲ لکی کات: مو دوق مغاجی
کتاب توهن سعمور. مو کات دالم کتاب نی نق تمو جان
بولیه هیدوف چارا بارو هق توهن. سوغکوهلہ کتاب ۲ نی جاری
سقسی هق رویت حال اکو.

تاوی فواق مو تاء سیر ماری چاری اکو، هق اد کواس بولیه بري
مو هیدوف سوغکوہ . بوکن اکو کنا اور غ حرمه کا اکو، دق!
تاوی اکو تاهو ده کات، مو تاء کاسیه کا توهن دالم هاتی مو.
اکو ماری رغن نام توهن باف کو، تافی مو تاء سیر تریما . کالو
اور غ لاءین ماری نغن نام دی سندیری، تنتو مو تریما سلالو.
فواق مو سوک نق بري اور غ فوجی کقد مو سعمور، تافی مو تاء
فدوکی کا توهن بیغ سا، کات توهن برکنن تاء برکنن هق مو دوق
بوات . کالو بالس تو، مو نق فرچای کا اکو بالس مان؟ تاء لیه!
بوکن اکو نق کی ادو کا توهن باف کو کات فواق مو ساله .
جاغن سشک کیتو . تافی نبی موسی، هق فواق مو دوق هارف ۲
تو، دیاله هق ادو کات مو ساله .

کالو مو فرچای کا موسی سوغکوہ، تنتوله مو کا فرچای کا اکو
جوگ . سبب موسی رویت ده بولو حال اکو .

کالو مو تاء فرچای هق مو دوق باچ دالم کتاب موسی تو فون،
بالس مان مو نق فرچای هق اکو دوق رویت نغن مولوت نی؟
تنتو تاء لیه، عیسی کات .

باب 6

عيسو بري ماكن ليم ريبو اورغ

- 1 لفس فد تو فول ، عيسو توبيت کي جمرغ لاءوت کاليل ، هق
اد نام سا لاکي : لاءوت تبیریاس .
- 2 فس اد اورغ رامي فاكت توروت عيسو کي ، سبب دي بیاس کلیه
فرکارا ۲ فليق هق عيسى بیاس بوات کا اورغ ساکت .
- 3 بیلا سمفی باليق سان ، عيسو ناءیک کي برهفتی اتس بوکیت ،
سکالی دغن صحابة ۲ دي .
- 4 ماس تو ، دکت نق سمفی هاري راي فسنحر هق اورغ يهوي .
- 5 عيسى فون فالیع تیغوق کا فواق ۲ اورغ رامي دوق توجو ماري کا
تمفت دي دودوق . فس دي کات کا صحابة دي نام فيلیف : کيت
نق چاري بلي مکانن دمن ، نق بري چوکوف کا سموا فواق دي ؟
- 6 عيسى کات بالس تو سبب دي نق سوئي هاتي فيلیف ساج .
- 7 سسوغکوهن عيسى تاهو ده نق بوات لاکو مان ۲ .
- 8 فيلیف فون جواب : کالو نق بري ماكن سیکیت ۲ سورغ ، دویت
امفت ريبو فون تا چوکوف لاکي .
- 9 فس صحابة نام اندریاس ، اديق صیمون فیتروس رویت کا عيسى :
اد بوق جنتن دي ، دي باو^۶ بکل روتی ليم بوتیر ، ایکن کچیک
دوا ایکور . تافی سیکیت ! نق بهاگی لاکو مان کا سموا اورغ دي ؟
- 10 عيسى کات کا صحابة ۲ دي : سوروه اورغ دي سموا دوق دولو !
- جاري ، دتمفت تو ، اد رمفوت سرات . سموا اورغ تو فون دوق
سلالو ، نق کيرا اورغ جنتن ساج ، اد لبیه کورغ ليم ريبو اورغ .
- 11 لفس فد تو ، عيسى امبیق روتی هق بوق تو . دي اوچف تریما
کاسیه کا توهن ، سوروه بري کا سموا اورغ . ایکن فون دي امبیق
بهماگی جوگ . فس سموا اورغ امبیق ایکوت کهندق دي .
- 12 بیلا سموا اورغ ماکن کېيچ ده ، عيسى سوروه صحابة ۲ دي : کوتیف
تاروه هق لبیه اورغ ماکن ساءني . کيت تاھلیه تیغکل سینی روکی !

صهابة ۲ ری فون كوتيف هق لبیه درف د روتي ليم بوتير ساء نی 13
 فس ری بوبوه دالم کیغ، بولیه دوا بلس کیغ فنوه.
 بیلا سموا اورغ دسیتو کلیه کجادین فلیق هق عیسی بوات نی، 14
 ری فون کیچیق سام سندیری کات: سوڠکوه دق که، نبی هق کیت
 دوق ننتی نق ماری کا دنیا؟
 عیسی تاهو ده، کات فواق نی نق فقسا دی سوروه جانی راج ۱۵
 سابیت تو له، ری هوندور کی کوء بوكیت لائین فول، سئورغ ری.

عیسی برجالن اتس ایر

فریاغ ماس نق کلف ده، فواق صهابة ۲ عیسی تورون کی کا 16
 فنتی، نائیک فراهو توبیت کی دولو، نق کلیق کا کمفوغ کفرناحوم
 بالیق سان لاؤت. فس سمنی تغه مالم ده، عیسی تاء ماری لائی. 17
 اغین ماری قواه، ایر فون کلومبیع. 18
 ری دوق کایوه ۲ کی لبیه کورغ لیم کیلو. تیبا ۳ ری نمفق عیسی، 19
 دوق برجالن اتس ایر، هادف ماری کوء ری. صهابة ۲ عیسی
 فون براں تاکوت ساغت.

فس عیسی کات کا ری: مو تاء سه تاکوتله، نی اکو سوڠکوه ! 20
 باروله ری براں نق بربی عیسی نائیک اتس فراهو، دوق سکالی 21
 رغن ری. فراهو تو فون کی سمنی کا دارت سلالو، تمفت
 ری نق کی تو.

ایسوق فاگی، اورغ رامی هق دوق اد بالیق سان. لائی، ری 22
 تاهو ده کات، فراهو اد سبواه ساج، فس ری تاهو ده، فواق
 صهابة ۲ عیسی نائیک فراهو تو امبیق کی سمالم. عیسی فون
 تاء کی سکالی رغن صهابة ری، دق.

تافي اد فراهو ۲ هق لائین توبیت ماری دکمفوغ تبیریاس، بارو 23
 سمنی کا تمفت اورغ رامی سانی، یايت تمفت اورغ رامی ماکن
 روتي لفس فدعیسی اوچف تریما کاسیه کا توهن، فس بربی کا ری.

بیلا اورغ رامي نمفق کات عيسو دغن صحابة ۲ ری تاً اد دسيتو
فواق ری سموا فون ناً يك فراهو ۲ گلیق کی کا کمفوغ کفرناحوم ،
نق چاري عيسى ديق نون فول .

عيسى کات چاري مکانن هق تاً جاري بوروق

بیلا ری تمو دغن عيسو ديق نون ، اورغ رامي ساءني تاث : 25
توان گورو سمني بیلا؟

عيسى فون جواب کات : فرهاتيله باً يك ۲ فركتائن اکوني ! فواق
مو ماري چاري اکو ، بوکن سبب مو بوليه کلیه فرکارا ۲ عجایب ،
هق اکو دوق بوات نی ، دق . تافي سبب مو بوليه ماکن روتی
کینه ره ! جاغن مو دوق کاچع چاري مکانن هق فونه . باً يك
مو چاري مکانن هق تاً فونه ، هق نق بري هيدوف چارا بارو دال
هاتي سعمور ۲ . مکانن نيله ، اکو نق بري کند مو ، کران اکوله ،
ماءنسی هق تورون دشريگ ، هق توهن باف بري نمفق کات سوغ
انتوق نق بوات کرج نی .

اورغ رامي فون تاث عيسى فول : فس کيت کا بوات کرج اف هق
نق بري توهن برکنن ؟ 28

عيسى فون جواب : نيله کرج هق توهن برکنن . مو کنا فرچاي
کا اکو ، هق توهن سوروه ماري کا دنيا ! 29

اورغ رامي تاث سکالي لاكی کات : توان گورو نق بوات تندا بالس
مان ، نق بري کيت فرچاي ؟ توان نق بوات کرج لاكو مان ؟ 30
توء نينيق کيت ، تکه نی دوق رلاً و فاسير زمان دولو ، ری
بوليه مکانن هق عجایب ، نام نی متا ، سروف کيت باج دال
كتاب تورات :

ری بري فواق تو ماکن هق تورون دشريگ .

فس ، مان تنداش توان گورو ؟

- عیسو فون کات: فرها تیله با^۱ یک ۲ هق اکو نق رویت نی! بوکن
موشی هق تورون مکانن دری شرگ کا فواق تو^۳ نینیق مو، تافی
توهن باف کو، هق بري مکانن هق سجاتی تورون دری شرگ
کا فواق مو.
- مکانن هق توهن تورون نی، یائیت دی هق تورون دری شرگ،
نق بري ماءنسی هیدوف.
- اورغ رامی فون مینتا^۴ رغن عیسو: توان گورو، بري مکانن نی کا
کیت کاتیق! کیت نق، سعمور^۵!
- عیسو فون رویت کا دی: اکو سندیریله مکانن هق بري ماءنسی
هیدوف چارا بارو. اورغ هق ماري کا اکو، تا^۶ براس لافر ده
اورغ هق فرچای کا اکو، تاء براس دھاڭ سلام^۷!

فواق ۲ تو تا^۸ فرچای کا عیسو

- فس عیسو کات کا اورغ رامی فول: جانی سروف اکو بیاس
رویت ده دلو^۹ کا فواق مو. مو تمو ده رغن اکو، فس، مو تا^{۱۰}
فرچای جوگ.
- تافی سموا اورغ هق توهن باف بري جانی میلیق اکو، نق ماري
فرچای کا اکو بلاک. فس سیاف^{۱۱} نق ماري فرچای کا اکو، اکو
تا^{۱۲} تولق سام سکالی!
- کران اکو تورون ماري دشرگ، بوکن نق بوات توروت کھندق کو
سندیری، دق. اکو نق بوات توروت کھندق باف هق سوروہ
اکو ماري کا دنیا.
- اینیله کھندق باف کو، سموا اورغ هق دی بري جانی میلیق کو،
اکو فون نق بري بعکیت هیدوف کلیق فد هاری اخیرة،
تا^{۱۳} تیغکل سئورغ هابوق. کھندق باف کو، عیسو کات، اورغ
هق فالیغ تیغوق کا اکو دشن فرچای، سمواں نق بولیه هیدوف

چارا بارو هق توهن . فس اورغ توله اکو بري بغيت هيڊوف
كليق فد هاري اخبره .

جاري ، كتوا اورغ يهوي دوق برسوغوت سام فواق ني ، دوق
مرنده کا عيسى ، سبب عيسى رويت کات ، ني سنديري جاني
مکانن تو ، هق تورون دري شرگ .

عيسى ني انق چيء يوسف ، بوکن ؟ ني کات . مق ني فون ،
کيت کل جوگ . با اف ني براني کات بالس تو ، کات ني تورون
ماري دشريگ ؟

عيسى کات کا فواق سائي : جاغن فواق مو دوق برسوغوت سام
سنديري ، لاکو ني ! توهن باف کو هق سوروه اکو ماري کا دنيا ،
دياله هق بري اورغ فرچاي کا اکو . كالو ني تاءٰ تاريق هاتي اورغ ،
تنتو اورغ تو تاءٰ فرچاي . تافي اورغ هق فرچاي ده ، اکو بري
بغيت هيڊوف كليق سمولا فد هاري اخيرة .
اد ايات دالم كتاب نبي دولو رويت لاکو ني :

توهن سنديري نق مثاجر هاتي سموا اورغ فد ماس تو .

فس ، عيسى کات ، سموا اورغ هق رغر کا توهن باف بري ايٺت
د هاتي ، اورغ توله نق فرچاي کا اکو .

تافي جاغن مو ساله فهم کات ، ماڻنسى بوليه نمفق توهن
باف . تاءٰ ادار سياf بوليه نمفق ملينك اکو هق ماري درفه ني .

مکانن هق سجاتي انتوق هاتي ماڻنسى

فرهاتيله بائيك هق اکو نق رويت ني ! عيسى کات . اورغ
هق فرچاي کا اکو ، تريما ده هيڊوف چارا بارو هق توهن .

کران اکو سنديري جاري مکانن هق بوليه بري ماڻنسى هيڊوف
تو . فواق توءِ نينيق مو ، تکه ني دوق دلاءٰ وت فاسير دولو ،

ري ماکن متا ، مکانن هق تورون دري شرگ تو ، فس ني ماتي

- ایسوق سروف مائنسی تمارر. تافی مکانن هق تورون ماری دشرغ لانی، اورغ هق ماکن تو، ماتی فون، ری اد هیدوف چارا بارو هق توهن . 50
- اکو سندیری جاري مکانن هق بري مائنسی هیدوف، مکانن هق تورون دری سرگ تو، عيسى کات. سیاف ۲ هق تريما مکانن نی، نی فون نق هیدوف سمفی سلام ۲. فس مکانن تو، یا^۴ت توبوه کو سندیری، عيسى کات. 51
- کتوا ۲ یهونی هق دوق اد رسیتو، دوق یاله سام سندیری کات: 52
بالس مان اورغ نی سوروه کیت ماکن راکینه نی؟
- عيسى فون کات کا فواق نی: فرهاتیله با^۱ک ۲ هق اکو نق رویت سا لاکی! کالو مو تاء ماکن راکینه رفن داره اکو، مائنسی هق تورون دشرغ نی، تنتو مو تاء اد تريما هیدوف چارا بارو لاکی. اورغ هق ماکن راکینه کو رفن داره کو، عيسى کات، اورغ تو تريما ده هیدوف چارا بارو هق توهن. فس اکو نق بري نی بغضیت هیدوف کلیق سمولا، فد هاری اخیرة. 53
- کران راکینه کو رفن داره کو جاري مکانن هق سجاتی. اورغ هق ماکن راکینه کو رفن داره کو، اورغ تو دوق سپاوا رفن اکو، فس اکو فون دوق سپاوا رفن نی. 54
- فس عيسى کات: اکو هیدوف کران اکو دوق سپاوا رفن توهن باف، هق دوق هیدوف سعمور. یاله هق هنتر اکو ماری کا دنیا. بالس تو جوگ، اورغ هق ماکن راکینه اکو، نق هیدوف رفن کران ری دوق سپاوا رفن اکو. 55
- اینیله معنا مکانن هق تورون ماری دری شرگ، عيسى کات. اورغ هق تريما مکانن نی نق هیدوف سلام ۲. تاء سروف مکانن هق توء نینیق مو ماکن دولو، فس نی ماتی ایسوق، سروف اورغ تمارر. 56
- عيسى رویت سموا فرکارا نی، تکه نی دوق برشح دالم مسجد 57

هق اورغ بیهودی د کمفوغ کفرنا حوم.

فرکتائن عیسی هق بری هیدوف چارا بارو

- 60 باپق اورغ هق جانی مرید ۲ عیسی، بیلا نی دغز شراحن نی،
کات: فثا جران نی تروق ساعت، کیت تاء لیه تریعا!
- 61 فواق ۲ نی دوق کیچیق سام نی لاگو نی. عیسی تاهو ده فیکیران
فواق نی، فس کات کا ری: هق اکو رویت نی بری هاتی مو
تاء مبوه دغز، بوکن؟
- 62 کالو مو تاء مبوه دغز لا نی، ماس دافن مو نق براس بالس مان
فول، بیلا مو نمفق اکو، ما ئنسی هق تورون دشک نی، نائیک
کلیق کا تمفت هق سدیا؟
- 63 هیدوف ما ئنسی جانی دغن کواس روح توهن، بوکن دغن کواس
ما ئنسی سندیری، دق! فرکتائن هق اکو دوق رویت نی، عیسی
کات، ماری درف درف دوهن. دغن فرکتائن نی فون ری تورون
هیدوف ماری کا فواق مو.
- 64 تافي اد اورغ دالم فواق مو هق تاء فرچای لاغی، فرکتائن کو نی.
عیسی کیچیق بالس نی، کران نی تاهو دی دولو لاغی، کات اورغ
مان تاء فرچای کا ری. فس نی تاهو ده کات، اد سئورغ نق
درهاک کا ری ماس دافن.
- 65 سابیت توله، عیسی کات، اکو رویت دولو کا فواق مو، کات،
تاء اد سیاف نق فرچای کا اکو، ملینکن توهن باف بری نی
فرچای.
- 66 هق عیسی رویت سموا نی، بری مرید ۲ ری باپق اورغ فالیع کلیق
تاء سیر توروت عیسی ده.
- 67 لفس فد تو، عیسی بون تاش صحابة نی دوا بلس اورغ تو، کات:
مو نق تیغکل اکو جوک که؟
- 68 صیمون فیتروس جواب کات: دق! فواق کیت، کالو تیغکل توانکو

نق کی توروت توان مان؟ فرکنائے توانگوئی هق بڑی کیت ہیدوف
چارا بارو هق توهن . فس کیت فرجای رعن یقین کات ، توانگو
نیله ، دی هق مہاسوچی ، هق ماری درف د توهن !
عیسی کات : سوگھوہ ، اکو فپلیہ فواق مو دوا بلس اورغ نی ، جاری
صحابة کو ، تافی اد سئورغ دالم فواق مونی جاری شیطان .
عیسی رویت حال یوسس ، انق صیمون اسکریوت ، کران یودسله
سئورغ دالم فواق دوا بلس اورغ تو ، هق نق درھاک کا عیسی ،
ماں کوء رافن .

باب 7 عیسی رعن ادیق ۲ دی

لفس فد تو ، عیسی برجالن کی رات ۲ دالم نکری کالیل . بی
تاء سیر کی دالم نکری یہودیہ ، سا بیت کتوا اورغ یہودی دیق نون ،
دوق چاری جالن نق بونوہ بی .
فڈ ماں تو ، دکت نق سمفی هاری رای هق اورغ یہودی بیاس
بوات بغل .
ادیق ۲ عیسیو ماری کیچیق رعن عیسی کات : باءیک ابیع توبیت کی
کا نکری یہودیہ فول ، بڑی مرید ۲ سموا کلیہ فرکارا فلیق هق
ابیع دوق بوات سعمور !
کالو اورغ نق بڑی تیمبول نام ، بی تاء سوسوف فرکارا هق دی
دوق بوات تو . کالو ابیع بولیہ بوات فرکارا فلیق سینی ، باءاف
تاء کی بوات دیق نون ، بڑی سموا اورغ سرات تمفت بولیہ کلیہ
کاتیق !
ادیق ۲ عیسی کیچیق بالس تو ، سبب دی سندییری فون تاء فرجای
کا عیسی لانکی .
عیسیو فون کات کا ادیق ۲ دی : تاء سمفی ماں لانکی ، هق اکونق کی .
تافی فواق مو تاء اف ، ماں مان ۲ فون بولیہ کی !
اورغ هق ایفت کا فرکارا اتس دنیا ساج تاء بنچی کا فواق مو .

- تافي ری بنچي کا اکو، عيسى کات. کران اکو دوق رویت بري
پات کات، ری توروت نفسو جاھت سعمور. 8
- فس عيسى سوروه اديق ۲ ری کات : مو کی دولو ديه! کی بوات
کرج هاري راي ديق نون. اکو تاءٰ ليه کی لاني، کران تائسمفي
ماس کو لاکي! 9
- عيسى رویت بالس تو، فس ری دوق دنگري کاليل لاکي، بري
اديق ۲ ری سموا کی بوات کرج هاري راي ديق نون. 10
- لفس تو، بارو عيسى کی سنديري، تافي ری کی دفن سپف ۲،
تاءٰ بري اورغ رامي تاھو کات ری کی کي. 11
- كتوا ۲ اورغ يهولي ديق نون دوق چاري عيسى دتمفت کرج هاري
رای. ری کات : مان اورغ تو؟ 12
- اورغ رامي فون دوق بيسيق ۲ سام سنديري چارا حال عيسى.
ستغه اورغ کات : ری اورغ باءٰ يك! ستغه اورغ کات : دق! ری دوق 13
- تيفو اورغ رامي ساج! تافي تاءٰ در سياف براني کيچيق درس دافن
اورغ رامي ، سا بيت ری تاکوت کتوا ری دغره.

عيسى دوق مثاجر دبيت المقدس

- بيلا سمنفي هاري راي تغه، عيسى برجالن کي کا بيت المقدس
فس ، ری دوق مثاجر اورغ دسيتو. 14
- كتوا ۲ اورغ يهولي فون براس فليق کا عيسى ، کات: امبيق دمان ،
علمو ني ، اورغ تاءٰ بياں مثاجي؟ 15
- عيسى فون جواب کا فواق تو کات: هق اکو دوق مثاجر ني ماري
درد توهن ، توهن هق سوروه اکو ماري کا دنيا . بوکن علمو
هق اکو سنديري ، دق! اورغ مان ۳ هق نق توجو توروت کھندق
توهن سوغکوه ، اورغ توله بوليه تاھو هق اکو مثاجر ني ماري
دمان ، دتهن اتوا ماري دالم هاتيكو سنديري. 16
- 17

- 18 اورغ هق مثاجر دغун فيكيران دي سنديري، نق بري اورغ فوجي
کا دي. تافي اکو نبي نق بري اورغ فوجي "کا توهن هق سوروه اکو
ماري کا دنيا. هاتيكو بتول، تا^ءبياس بوهوج.
- 19 فس عيسى کات فول: مو اد حکوم ۲ دالم كتاب، هق نبي موسى
تورون کا فواق مو، بوکن؟ با^ءاف فواق مو تا^ءتوروت حکوم تو؟
با^ءاف مو نق بونوه اکو؟
- 20 فس اورغ رامي هق دوق دغر، دي کات کا عيسى: شيطان ماسوق
هاتي بري مو کيلا، دوق رویت کات اورغ نق بونوه مو!
- 21 عيسى فون کات کا دي فول: اکو بوات کرج ساتو فرکارا عجائيب،
فد هاري ميغکو. سابيت تو سموا اورغ براس فليق سوغکوه.
- 22 تافي فواق مو دوق بوات کرج برسونت، ايکوت حکوم نبي موسى،
تا^ءکيرا کات هاري ميغکو، بوکن؟ سسوڠکوهشن، بوکن نبي موسى
بري حکوم نبي. توئينيق کيت دولو فد دي فون دوق بوات بالس
تو جوگ. ولو سمني کا هاري ميغکو فون، اورغ بوليه بوات
برسونت، کران تا^ءسيير بري ساله حکوم هق نبي موسى.
کالو بوليه بوات بالس تو، با^ءاف فواق مو دوق بوسن کا اکو، بيلا
اکو بري اورغ تو سيار هابيس توبوه دي، فد هاري ميغکو؟
- 24 بيلا مو کرت سين هق مان بتول، هق مان ساله، مو جاشن
توروت هق نمفق دمات ساج، مو کا کرت سين ايکوت هق بتول
سوڠکوه!

اورغ تان: سوغکوه کا دق عيسى جاري المسيح؟

- 25 فد ماس تو، اورغ هق دوق دکوت جروسليم دوق کيچيق کات:
اورغ نبي دق که، هق کتوا ۲ کيت چاري جالن نق بونوه دي؟
- 26 تافي دي تا^ءتاكوت، دوق مثاجر دافن اورغ رامي، فس کتوا کيت
تا^ءکات اف سکارا کا دي. بعکالي دي تاهو سوغکوه کات اورغ نبي
جاري المسيح هق توهن لتق تو؟ دق، بوکن بالس تو! سبب

27 بيلا المسيح سمني ماري ، بي نق تيمبول دغون سرت مرت . كيت تاً عليه تاهو كات بي ماري دمان ، يوكن ؟ تافي . سموا اورغ كيت تاهو تمفت اصل اورغ بي !

عيسو فون باعون رویت دغۇن سوارا درس، نق بىرى سىمۇ اورغۇزغا
کات: مو كىل دغۇن اكى سوغىڭوھە؟ مو تاھو سوغىڭوھە، تەفت
اصل اكۇ نى؟ رق! اكۇ مارى درف دەۋەنەن هق سوغىڭوھە، هق تا؟
بىياس بوهۇغ. دىالىه هق سوروھ اكۇ مارى كادنىيا. بۇكىن اكۇ مارى
ايکوت ھاتىكىو سىندىرىي. سىسوغىڭوھەن، فواق مو تا؟ كىل دغۇن
تەۋەن. تافى اكۇ سىندىرىي، اكۇ كىل دغۇن تەۋەن، عيسى كات،
كىان اكۇ مارى درف دى. دىالىه هق سوروھ اكۇ مارى!

29	توهن . تافي اکو سنديري ، اکو کتل دغۇن توهن ، عىسى كات ، کران اکو ماري رىفدى . دىالە ھق سوروھ اکو ماري !
30	بىلا بىر ھق سائىنى ، فوق كتوات دسييتو براس نق اىكت عىسى تافي تاءار سياف براپى نق فەڭ رى ، كران تاءسمەفي ماس لاكى ، ھق توهن برى اورۇغ اىكت رى .

31 دالم اورغ رامي تو، اد جوگ اورغ هق فرچاي کاعيسو . فوق نيءات: اورغ نيء بوليه بوات باپق فرکارا هق فليق ۲. المسيح هق توهن لتق تو، بوليه بوات لبيه فد نيء که؟ بعکالي جيلا المسيح!

اد ساتو فواق دالم اوکام یهونی، اورغ فعگیل فریسی . بیلا
فواق نی رغر هق اورغ رامی دوق بیسیق ۲ چارا حال عیسی نی
بی فاکت دغن فواق امام ۲ بسر، نق سوروه عسکر ۲ کی ایگت
عیسی .

33 فد ماس تو، عيسى رویت کا سموا اور غ دسیتو: اکو نق دودوق
سام مو سبفتر. فس تاءلام لائی، اکو نق کلیق کا تمفت ری هق
سوروہ اکو ماری دسینی۔

فدا ماس تو، کلو مو نق چاری اکو، تنتو تاً تمو، کران تمفت
اکو نق کي دودوق تو، فواق مو تاً ليه کي.
فواق کتوا ۲ فون، تان سام ۲ دي سنديري کات: دي نق کي کمان،

کات چاری تاءً تم تو ری؟ ری نق کی کا تمفت اور غ یہوی روق
رعن اور غ کریک دیق نون، کی معاجر اور غ تو که؟
اف هق ری کیچیق تو کات: کالو کیت نق چاری ری تنتو تاً
تمو؟ فس لائی، تمفت ری نق کی دودوق تو، کیت تاءً لیه کی؟
کیت تاءً ارتی!

مات ایر هق بري اور غ هيڊوڊ چارا بارو

سمفي هاري سود کرج هاري راي تو، ياء يت هاري هق بسر
سكالي، عيسى فون برديري رافق اورغ رامي رسیتو، رویت دغن
سوارا درس کات: سیاف دالم فوق مو براں دهاگ، سوروه
ری ماری سام اکو ماکن، بری هیلخ دهاگ تو!
38 سیاف هق فرچای کا اکو، نق جاري سروف ایات دالم کتاب
رویت، ياء يت:

مات اير هق بري هيا. وف ، نق مليمفه توبیت دالم
هاتو رى سعمور ٢٠

39 عيسى رویت بالس نی چارا حال روح توهن ، هق اورغ فرچای کا عيسى نق بولیه تریما ماس دافن . فد ماس عيسى دوق رویت حال نی ، توهن تاء بری تورون روح نی دوق دالم هاتی مائنسی لائکی ، کران تاء سمفی ماس لائکی ، عيسى نق ناء یک کا تمفت مليا هق نی .

40 اور غ رامي هق دوق لغز عيسى تو کات: تنتو اور غ نې نبي هق
فواق کيت دوق ننتي تو!

41 فس ، ستشه اورغ کات فول: اورغ نی جيلا المسيح ، هق توهن
جنجي تو! تافي اد اورغ کات فول: دق! المسيح تايليه ماري
دالم نکري کالليل!

42 كتاب توهن رویت کات: المسيح نی کتورونن راج داءود بوکن؟

- فس نی نق برانق دکمفوغ بیت لاحیم ، تمفت اصل هق راج
داهود ، بوکن ؟ 43
- اورغ رامی فون فچه بله هابیس ، جاری فواق ۲ ، دغن سابیت
عیسی .
- فس اد اورغ نق ایگت عیسی ، تافی تاءاد سیاف بولیه فکع نی
فده ماس تو . 44

کتوا ۲ یهودی تاءفرچای کا عیسی

- لفس فد تو ، عسکر ۲ هق کی نق ایگت عیسی تاری ، کلیق
کا تمفت کتوا ۲ نی ، یاءیت امام ۲ بسر دغن فواق فریسی . 45
- فس فواق نی تاش عسکر : مان ؟ باهاف مو تاءباوه نی ماری ؟
فواق عسکر فون جواب : کیت تاءبیاس دغر اورغ کیچیق سروف نی ! 46
- فواق فریسی تاش عسکر فول : مو کنا تیفو جوگ که ؟ مو بیاس
تمو که ، کتوا هق فرچای کا ری ؟ اتوا فواق فریسی که ، هق
فرچای کا ری ؟ نق ! تاءاد سئورغ هابوق ! 47
- اورغ رامی هق توروت عیسی نی ، ری اورغ تاءمغاچی حکوم ۲
توههن . جاری اورغ هق توهن مرک ! فواق فریسی کات . 48
- رالم فواق فریسی دسیتو ، اد سئورغ نام نیقدیموس . دیاله
هق کی چاری عیسی دولو . 49

- ری کات : ایکوت حکوم اورغ یهودی کیت ، کالو اورغ کنا ادو ، تاء
لیه کرت سین کات ری ساله ، کالو تاءاد فریقسا بوکو نی دولو ! 51
- فواق فریسی کات کا نیقدیموس : مو اورغ کالیل جوگ که ؟ بچاله
رالم کتاب ! اد کا دق سئورغ نی هق ماری رنگری کالیل ؟ تاءاد ! 52

اورغ بتینا هق بوات زنا

باب 8

- لفس فد تو ، سموا اورغ کلیق کا رومه ماسیغ ۰۲ 53
- تافی عیسی سئورغ نائیک کا بوکیت زیتون . فاکی ایسوق نی

گي ماسوق دالم بيت المقدس فول . اورغ رامي فون ماري کاتمفت
ري . فس عيسى دوق مپاتق ، نق معاجر سموا اورغ هق ماري تو .
گورو ۲ تورات دفن فوق فريسي فاكت باواً ماري اورغ بتينا ، هق
ري تمو تغه ۲ ري دوق بوات زنا ، بري ري برديري دافن سموا اورغ
رسیتو . فن ، ري رویت کا عيسى کات : تو، گورو ! اورغ بتينا نبي
کيت تمو تغه ۲ ري دوق بوات زنا !

ایکوت حکوم ۲نبي موسى ، اورغ بتينا ماچم نبي ، کا جاتوه حکوم
بونوه ، فيکوغ نبي دفن باتو سمنی ماتي . توان گورو نق کات
بالس مان ؟

فواق تو کات بالس تو ، سبب چاري بوکو نق بري عيسى رویت
ساله . تافي عيسى تاءجواب اف ۲ . ري توندوق کا باوه ، تولیس
اتس تانه دفن جاري .

تغه فوق تو دوق تکم تان عيسى ، عيسى فون بشه تیغوق کا
فواق تو ، لالو ري کات : اورغ هق تاءبیاس بوات دوسا ، اورغ
تل له فيکوغ دولو !

لفس تو ، ري توندوق تولیس اتس تانه سکالي لاکي .
فواق تو فون ، بیلا دغر هق عيسى کات سائني ، سموا اورغ
هوندور گي هابيس ، مولا ۲ اورغ توا دولو ، لفس تو اورغ لاءين ،
تیغکل لاکي عيسى دفن اورغ بتينا ، هق دوق برديري سروف سديا .
عيسى فون بشه فول ، تان اورغ بتينا : مان ، اورغ هق نق جاتوه
حکوم اتس مو ؟ تاءدار سورغ که ؟ اورغ بتينا تو جواب : دق !
تاءدار سورغ توان .

عيسى کات کا ري فول : اکو فون تاءجاتوه حکوم جوگ . کيله !
تافي ايغتله ، جاغن بوات دوسا لاکي ، ماس کو دافن !

عيسى رویت چارا حال ديري ري

لفس فد تو ، عيسى دوق برشرح دبیت المقدس فول کات :

اکو سندیریله جاري چهيا انتوق مائنسی . سیاف ۲ هق توروت
اکو ماري، تنتو اورغ تو تاءکنا برجالن دالم گلف له . بی نق
تريما سعمور چهيا اکو نی، هق بري بی هيدوف.

13

بیلا ری نغر بکیتو، فواق فریسي ماري بحس دغۇن عيسى کات : مو
سئورغ هق رویت بالس تو. کیت تاءلیه فرچایي فرکتاں مو سئورغ!

14

عيسى جواب کاری: کالو اکو سئورغ رویت حال ديري کو ، هق اکو
رویت تو سوغکوه. کران اکو سئورغ هق بوليه رویت کات اکو ماري
دمان، نق گی کا مان . تافي فواق مو تاءتاھو.

15

فواق مو دوق حکوم ساله کا اورغ دغۇن فيكيران مو سندیري . لا نی
اکو تاءحکوم ساله کا سیاف ۲ .

15

تافي کالو اکو نق کرت سین اتس مائنسی فون بوليه . حکوم اکو
تو نق بتول ، کران بونکن اکو سئورغ هق کرت سین تو، تافي
اکو دغۇن باف هق سوروه اکو ماري ، کیت کدوا ستوجو !
فس عيسى کات : مو بوليه باج دالم کتاب تورات کات :

16

بیلا سقسى دوا اورغ ستوجو ، بوليه فرچایي کات سوغکوه .

17

اکو جاري سقسى اتس ديري کو سندیري ، عيسى کات . فس باف
کو هق سوروه اکو ماري ، بی جاري سقسى سکالي دغۇن اکو جوڭ .
فواق تو فون تان عيسى : مان باف مو؟ عيسى جواب کات:
فواق مو تاءکنل اکو . باف کوفون مو تاءکنل جوڭ . کالو مو
کنل اکو ، تنتوله مو کنل باف کو .

18

عيسى رویت سموا فرکارا بی تکه بی دوق بىشىح ، دتمفت اورغ
صدقه رویت دالم بيت المقدس . تاءاد سیاف بوليه نق ایگت
عيسى ، کران تاءسمەفي ماس لاكى .

19

کالو مو تاءفرچايى ، نق ماتى دغۇن دوساڭ مو

20

عيسى کات فول : اکو نق گلېق کا تمفت اکو . مو نق چاري اکو

21

- تافي مو کنا تغکوغ سنديري دوسا ۲ مو سمنفي ماتي ، تنتو مو
تا'ليه کي کا تمفت اکو نق کي تو ! 22
- فواق کتوا ۲ فون کيچيق سام سنديري کات : اف معنا هق يي
رويت ، کات کيت تا'ليه کي کا تمفت يي نق کي تو ؟ يي نق
بونوه ديري يي که ؟ 23
- عيسي فون رويت لاکي : فيکيران مو ماري درف دباوه . فيکيران اکو
ماري درف اتس . فواق مو اصل دننيا ، تافي اصل کو بوکن
دننيا . 24
- اکو رويت سائني : مو ماتي ، مو کنا تغکوغ سموا دوسا مو . تنتو
نق جاري سوغکوه ، کالو مو تا'فرچاي کات اکوله يي ! 25
- فواق تو تان عيسى : کيت تا'فهم اف معنا يي تو ؟ 26
- عيسي فون جواب : اکوله يي ، هق اکو رويت ره دري دولو لاکي !
اد باپق فرکارا لاکي اکو کا رويت چارا حال فواق مو . اد باپق
فرکارا اکو کنا کرت سين بري عاديل . تافي هق اکو رويت کا فواق
مو دالم دننيا ، فرکارا هق اکو تريما ره درف ره هق سوروه اکو
ماري . ديارله هق مو بوليه فرچاي سوغکوه ، کران يي تا'بوهوج !
فواق هق دوق نثر عيسى تا'ارتی کات عيسى کيچيق چارا
حال توهن باف يي . 27
- فس عيسى کات : اکو ما'نسى هق تورون دشريگ يي ، فواق مو
نق اڳيٽ نائيک کا تمفت تيفگي ماس دافن ، باروله مو تاهو
کات سوغکوه ، اکوله يي . فد ماس تو ، مو بوليه تاهو کات اکو
تا'بوات اف سکارا دفن کواس کو سنديري . هق اکو برشح سموا
تو ، هق توله توهن باف بري . 28
- ري هق سوروه اکو ماري کا دننيا ، يي دوق سکالي دفن اکو سعمور ،
ري تا' بياس تيفگل اکو ، سبب فرکارا ۲ هق اکو دوق بوات ، هق
تهن برکن سعمور ! 29
- عيسي برشح لڳو تو ، فس باپق اورغ فرچاي کا يي . 30

مو جانی انق چوچو نبی ابراهیم کا نق؟

- 31 فس عیسی دوق مثا جر اورغ یهودی هق فرچای کا دی تو،
کات: مو کنا بوات توروت فغا جران کو، بارو جانی انق مرید
کو سجاتی. فس، دالم هاتی مو، مو بولیه تاھو فرکارا ۲ هق
سغوتی، درف دوھن. فرکارا نیله نق بري مو تاء کنا جانی همب
دھ !
- 32 تافی فوق تو نق بحس دغنا عیسی کات: فوق کیت نی تاء بیاس
جانی همب اورغ، کیت جانی انق چوچونبی ابراهیم سموا ! یاء اف
مو کات کیت تاء کنا جانی همب دھ .
- 33 عیسی جواب کات: فرهاتیله یاء یک ۲ هق اکو نق رویت نی ! اورغ
هق بوات دوسا جانی همب کا طبیعة دوسا هق دی. فس میسل
کات اورغ هق جانی همب، تمفت دی درومه توان دی، سمنتارا
ساج . تاء سروف دغنا انق توان سندیری، هق نق بولیه رومه تو
جانی میلیق دی سعمور.
- 34 انق دوھن ساج اد کواس بولیه بري فوق مو لفس، تاء کنا جانی
همب دھ، باروله مو بولیه لفس سوغکوه.
- 35 فس عیسی کات: اکو تاھو سوغکوه کات فوق مو جانی انق
چوچو ابراهیم. کالو بالس تو، گان بولیه مو نق بونوہ اکو؟
کران مو تاء سیر تریما فرکتائن هق اکو دوق رویت نی !
- 36 تافی هق اکو دوق رویت نی، هق باف بري کا اکو تیغوق سموا.
فس هق فوق مو دوق بوات تو، هق باف مو رویت بري مو
رغر ساج .
- 37 فوّاق تو کات کا عیسی: نبی ابراهیم جانی باف اورغ یهودی
کیت. عیسی جواب کات: کالو مو جانی انق چوچو ابراهیم
سوغکوه، تنتو مو نق توروت چنتوہ دی ! اکو ماری رویت فرکارا
هق سوغکوه، هق اکو تریما درف دوھن. تافی فوق مو چاری

جالن نق بونوه اکو جوگ . تنتو ابراهیم تاء بوات سروف نی !
نق ! هق مو نق بوات نی ، مو توروت چنتوه باف هق لاءین .
فواق تو کات : کیت بوکن انق زنا هق تاءار باف . توهنله هق
جاری باف کیت ، هق لاءین تاءار ده .

41

انق ۲ هیبليس، بوکن انق ۲ ابراهیم

عیسی کات فول : کالو توهن جاری باف مو سوغکوه ، تنتو
فواق مو نق کاسیه کا اکو ، کران اکوتوبیت دتمفت کو دغن توهن
فس اکو تورون ماری دوق سینی ده . بوکن اکو ماری رغن کواس کو
سنديري . توهنله هق سوروه اکو ماری .
باءاف مو تاءارتی هق اکو رویت کا فواق مو نی ؟ سابیت مو
تاءسیر لغر فغا جران اکو .

42

سسوغکوهن ، مو جاری انق هیبليس ، بوکن مو جاری انق توهن .
مو سوک توروت کهندق باف مو ، هیبليس تو . جق ماس اوال
لاگی ، هیفگ سمفی لاني ، ری سوک بونوه اورغ . ری دوق سخکن
جاوه رغن فرکارا هق سوغکوه ، کران ری لاون ، تائسیر بربی تمفت
کا هق سبتر . بقسما هیبليس کیچیق بوهوغ سعمور ، فس سموا
هق بوهوغ دالم دنیا ، اصل ماری درفه هیبليس تو .

43

تافي کا اکو ، مو تائسیر فرچای ، سابیت اکو رویت هق سوغکوه ،
عیسی کات . سیاف دالم فواق مو بولیه چاری بوکو کات ، اکو
بیاس بوات ساله ؟ تنتو تاءاد شیوڠ هابوق ! کالو کیتو ، بیلا
اکو رویت هق سوغکوه ، باءاف مو تاءفرچای ؟

44

اورغ هق جاری میلیق توهن سوغکوه ، ری نق لغر هق توهن
رویت . تافي فواق مو تاءجاری میلیق توهن . سبب توله ، مو
تاءسیر لغر هق توهن رویت کا مو .
فواق اورغ یهودی فون جواب کا عیسی : چیه ! سوغکوه هق کیت
رویت دولو تو ! ری بوکن اورغ یهودی ، ری انق اورغ سماریا فس

45

46

47

48

شیطان ماسوق هاتی دی بربی گیلا!

49 عیسی جواب: دق! بوکن اکو گیلا. اکو رویت سموا فرکارا نی کا
فواق مو، کران اکو نق بری حرمة کا توهن باف کو، تافی فواق
مو تیغوق هینا کا اکو سعمور، تائسیر حرمة سیکیت هابوق!
50 اکو تاءکنا چاری اورغ بری نی حرمة کا اکو. سبب اد سا لاکی
هق سوروه اورغ حرمة کا اکو. نی نق کرت سین سبله اکو.

دولو فد نبی ابراهیم، عیسی اد ده

51 فرهاتیله باءیک ۲ هق اکو نق رویت نی! عیسی کات. اورغ
هق توروت فرکتائن کو، تاءکنا حکوم ماتی، نی نق هیدوف
سعمور!

52 اورغ یهودی فون کات: چیه! لانی کیت بغر ده کات مو گیلا
سوغکوه! نبی ابراهیم سندیری کنا ماتی. سموا نبی ۲ فون ماتی
ده. فس مو کات اورغ هق توروت فرکتائن مو تاءکنا ماتی، نق
53 هیدوف سعمور ۲. توئینیق کیت ابراهیم ماتی ده، سموا نبی ۲
ماتی ده. فس مو بسر لاکی فد نی که؟

54 عیسی کات: کالو اکو نق بسر کا دیری کو سندیری، هق تو
ناءار فائیده. دق! هق بری مليا کا اکو، دیاله توهن باف کو،
هق فواق مو کات مو سمبه.

55 سسوغکوهن فواق مو تاءکل رغن توهن لفسوغ. تافی اکو
کل نی ده. اکو تاءسیر بوهوغ سروف فواق مو، اکو تاءلیه
کات اکو تاءکل رغن توهن، سبب اکو کل رغن نی سعمور.
فس اکو دوق توروت سموا هق نی سوروه.

56 ابراهیم، توئینیق مو فون، براس سوک هاتی، کران توهن بری
نبولیه نمفق ماس اکو. ماری کا دنیا. بیلا نی نمفق ده، نی
براں سوگ ریا دالم هاتی.

57 فواق اورغ یهودی تو کات کا عیسی: عمر مو مورا لاکی، تائسمی

ليم فولوه تاهون . بالس مان مو بوليه تموده لفون نبي ابراهيم ؟
 عيسى فون جواب : فرهاتيله بايك ٢ هق اكونق رويت نبي ! بلوم
 فد ابراهيم برانق ماري ، اكودوق ادر ده !
 بيلا رغر هق عيسى رويت سائني ، اورغ يهوي فون امبيق باتو
 نق فيكوغ کا عيسى نق بري دي ماتي . تافي عيسى توبيت کي درف
 بيت المقدس لعن سيف ٢ ، تاء بري اورغ نمفق .

اورغ مات بوت دالم فروت اييو لاکي

باب 9

لفس فد تو ساتو هاري فول ، عيسى دوق برجالن . تيبا ٢ دي
 تمودن اورغ هق مات بوت دالم فروت اييو لاکي .
 صحابة ٤ عيسى فون تان کات : يا توان گورو ! بااف اورغ نبي مات
 بوت دالم فروت اييو لاکي ؟ سیاف هق بوات دوسا ؟
 دي سنديري که ؟ اتوا اييو باف دي ؟

عيسى جواب کات : دي بوت تو ، بوکن سبب دوسا دي ، بوکن
 سبب دوسا اييو باف دي ، نق . تافي تنتو توهن نق بوات فرکارا
 عجایب دالم توبوه اورغ نبي ، جاري تندان انتوق فواق مو سموا !
 فس عيسى تمهی لاکي کات : بلوم فد ماسوق مالم ، کيت کنا کاچع
 بوات سموا فرکارا هق مان توهن سوروه . کران دکت نق . کلف
 ده ، فس ماس تو ، اورغ تاء بوليه بوات کرج ده .
 تکه اکودوق ادر دننيا ، عيسى کات ، اکوله جاري چهيا انتوق
 ماۓنسى دننيا !

سوده دي کات بالس تو ، عيسى فون لوده اير ليور دنانه ، فس
 امبيق اير ليور چمفور لعن تانه تو ، امبيق ماري تيفيق
 دمات اورغ بوت . لفس تو ، عيسى سوروه :
 گيله باسوه موک دکولم سيلوام ! (نام کولم سيلوام نبي ، معنا :
 اير هق مثالير ماري جاوه .) بيلا اورغ بوت سائني کليق درف

58

59

1

2

3

4

5

6

7

- 8 باسوه موک تو، مات ری فون نمفق سلالو.
لفس تو، ساءین ۲ ری دكمفوغ، هق بیاس کلیه اورغ بوت نی لوق
مینتاً صدقه سعمور، سموا فون فاکت تان کات: اورغ نی دق که،
هق دوق مینتاً صدقه تو؟
- 9 ستغه اورغ کات: ها! تنتو! اورغ لاءین فول کات: دق! بوکن ری،
تافی نمفق سروف ری سوگکوه! اورغ بوت سندیری فون مفاکو کات:
جیلا، اکو هق دوق مینتاً صدقه رولو!
- 10 فس سموا اورغ فاکت تان ری: مو بوات لاگو مان، مات مو بولیه نمفق?
ری جواب کات: اد سئورغ نام عیسی، امبیق تانه چمفور ایر لیور
ماری تیفیق مات کو، فس سوروه اکو کی باسوه موک دالم کولم سیلواوم.
- 11 بیلا اکو کی باسوه موک ده، مات اکو فون نمفق سلالو!
- 12 فس، اورغ رامی تان فول: فس لانی ری کی کلن ده، اورغ تو؟
اورغ مات بوت کات: اکو تاءناهه جوک، ری کی کا مان.

كتوا ۲ اوگام اصول تان اورغ مات بوت

- 13 لفس تو، اورغ رامی باواه اورغ مات بوت ساءنی کی چاری فواق
فریسی. هاری هق عیسی تیفیق تانه لیات کا مات اورغ تو بري
نمفق، جانی هاری میغکو، هاری هق اورغ یهونی لارغ بوات کرج.
فواق فریسی فون، تان اورغ مات بوت فول، بوات بالس مان مات
ری بولیه نمفق. اورغ بوت رویت کات: اورغ تو، ری امبیق تانه
چمفور ایر لیور تیفیق دمات امب. بیلا امب کی باسوه موک، مات
امب فون نمفق سلالو.
- 14 ستغه اورغ دالم فواق فریسی تو کات: اورغ هق بوات فرکارا
فلیق نی، تنتو ری تاءماری درفت توهن، سابیت ری ساله حکوم
هاری میغکو! ستغه اورغ لائی کات: کالو ری اورغ بوات ساله
سوگکوه، بالس مان ری اد کواس بوات فرکارا عجائیب ماچم نی؟
فواق ۲ فریسی فون جاری فچه بله.

لفس تو، فواق فریسی سانی فالینه تان اورغ بوت سکالی لآکی،
کات: مو فیکیر بالس مان؟ اورغ هق بوات مات مو بولیه نمفق نی
اورغ ماچم مان؟ اورغ بوت جواب کات: امب فرچایی نی جانی نبی!
تافی فواق کتوا ۲ یهودی تو تاءُ فرچای لآکی، کات اورغ نی مات
بوت سوگکوه، لفس تو بولیه نمفق کلیه. سهیغک نی فخکیل
ایبو باف اورغ بوت تو ماری، فس تان کا ری، بارو فرچای کات
جیلا.

کتوا ۲ اورغ یهودی تان ایبو باف نی لآکو نی: اورغ نی انق مو که؟
مو کات ری بوت ماری دالم فروت لآکی، سوگکوه کا نق؟
ایبو باف ری جواب: ها سوگکوه، ری بوت دالم فروت لآکی!
کالو گیتو، کان، لانی نی بولیه نمفق کلیه ده؟
ایبو باف اورغ تو فون جواب کات: کیت معاکو کات ری انق
کیت سوگکوه، فس تاهو کات ری مات بوت دالم فروت لآکی،
تافی کیت تاءُ تاهو بالس مان مات ری بولیه نمفق کلیه. سیاف
بوات بربی مات ری نمفق، کیت تائتاهو جوگ. گی تان ری
سنديریله! ری اورغ توا ده. ری بولیه رویت حال دیری ری
سنديری!

ایبو باف ری جواب لآکو نی، کران نی تاکوت، سبب فواق کتوا
یهودی تو روق فاکت کات، اورغ مان ۲ معاکو کات عیسی تو جادی
المسيح، نی نق کنا همبت توبیت، تاءُ لیه ماسوق دالم مسجدید
اورغ یهودی سبب توله، ایبو باف نی کات: ری اورغ توا ده.
گی تان ری سنديریله!

رولو مات بوت، لانی بولیه نمفق ده

فواق کتوا فون فخکیل اورغ مات بوت ماسوق سکالی لآکی،
فس کات کا ری: مو کنا معاکو سوگکوه ۲ اتس نام الله، حال
کجادین مات مو. کیت تاهو ده اورغ هق براویت مات مو تاری،

17

18

19

20

21

22

23

24

- اورغ بردوسا ! 25
اورغ بوت جواب کات : ری اورغ بردوسا ، تاء بردوسا ، امب تاء تاهو
جوگ ، تافي اد ساتو فرکارا هق امب تاهو ده . دلو مات امب
بوت ، تافي لاني بوليه نمفق ده ! 26
فواق کتوا فون تان فول : ری بوات لاگو مان کا مو ، بوليه مات
مو نمفق ؟ 27
امب رویت ده ! کات اورغ بوت تو ، تافي توان ۲ تاء فرجایي لاگي ،
هق امب رویت . سبب اف بوليه توان نق رغ فول ؟ براس نق
توروت ری جوگ که ؟ 28
لفس تو ، فواق کتوا ۲ سومقه ماکي کا اورغ بوت سائني کات : مو
کي توروت اورغ توله ! تافي فواق اکو نق ایکوت نبي موسى !
کيت تاهو کات نبي موسى رافت و هي درفه الله ، تافي اورغ تو ، 29
کيت تاهو ماري دمان ! 30
اورغ بوت سائني جواب کات : فليق سوڠگوه ! توان کات تاء تاهو
اورغ تو ماري دمان ، تافي ری بوليه بري مات امب نمفق .
سموا اورغ تاهو کات توهن تاء بري کواس کا اورغ بردوسا . توهن
بری کواس کا اورغ هق سمبه کا الله سوڠگوه ۲ ، فس سوک توروت
فرینته ری . تاء بیاس رغ اورغ دالم دنيا دري اوال لاگي ، بوليه 31
بری نمفق اورغ مات بوت دالم فروت ! 32
تنتو تاء بوليه بوات فرکارا نبي سام سکالي ، ملينکن اورغ تو بوليه
کواس ری درفه توهن ، بارو بوليه بوات ! 33
-
- کتوا ۲ یهويي مات هاني ری بوت ده 34
- سموا کتوا اوکام یهويي تو فون رویت کا اورغ مات بوت کات:
مو برانق توبیت جاري اورغ بردوسا ، فس مو نق ماري اجر فواق
اکو که ؟ لفس تو ، فواق ری فاكت همبت اورغ بوت سائني توبیت
تاء بري ماسوق دالم مسجد ری ده .

- 35 عيسى دغэр خبر کات اورغ بوت سائی کنا همبت توبیت کی ده . عيسى فون کی چاری دی، فس تاش دی کات: مو فرچای کا رق،
دغن ماۓنسی هق تورون دشراگ تو؟
- 36 اورغ بوت فون جواب: سیاف دی؟ چوب رویت بری امب تاهو،
توان، فس امب نق فرچای جوک!
- 37 عيسى کات کا دی: مو سوده نمفق دی ده. اکو اینیله هق دوق
کیچیق سام مو نی!
- 38 اورغ بوت فون جواب: یا توانکو، امب فرچای ده! دی فون سجور
حرمة کا عيسى سلالو.
- 39 فس عيسى کات فول: اکو ماري کا دنیا نی، نق بری سموا اورغ
تاهو کات، توهن کرت سین ده اتس ماۓنسی بالس نی:
اورغ هق مفاکو کات، مات هاتی دی تاءً نمفق،
توهن نق بری بولیه نمفق فول.
- 40 تافي اورغ هق سغک کات، مات هاتی دی نمفق ده،
مات هاتی دی نق جانی بوت فول!
- 41 اد سفواق فریسی دوق دغэр هق عيسى رویت سائی، فس دی
کات کا عيسى: تافي بوکن توان کات کیت هق مات هاتی تاءً نمفق!
عيسى جواب: کالو مو مفاکو کات مات مو تاءً نمفق، جاری توهن
تاءً حکوم ساله کف دو. تافي مو سغک کات مات مو نمفق،
سبب تو، توهن کا حکوم ساله!

باب 10 عبارۃ بیریغ ۲ دغن توان دی

- 1 عيسى کات: فرهاتیله بائیک ۲ هق اکونق رویت نی! میسل
اد کدغ تمفت بوات ماسوق کاون ۲ بیریغ. اورغ هق تاءً ماسوق
کوء فینتو، چاری نق ماسوق کوء لاین، تنتو اورغ تو ماري نق
فنچوري.

تافي توان ييرينغ، يي ماسوق كوه فينتو، تاء ماسوق كوه لاءين.
اورغ جاگ فينتو فون بوگ سلالو بري يي ماسوق . کاون بييرينغ ٢
چم سوارا توان يي . توان فشكيل ييرينغ دفن نام يي، فس فيمفين
لي توبيت هابيس.

بيلا توبيت هابيس ده، توان يي برجالن کي دلو، ييرينغ فون
توروت يي کي، کران يي چم سوارا توان يي.
کالو اورغ لاءين فشكيل، تنتو بييرينغ ٢ لاري هابيس . يي تاتوروت
کران تاء سروف دفن سوارا توان يي.

عيسي بوق معاجر دفن عباره يي، تافي فوق تو تاء ارتدي معنا،
هق عيسى دوق رویت کا يي.

سبب تو، عيسى کات سکالي لاكى: فرهاتيله با يك ٢ هق اکو نق
رویت يي ! اکو سنديري جاري فينتو کندغ ، هق ييرينغ دوق لغکه
ماسوق دالم کندغ .

اورغ ٢ لاءين هق ماري دلو فد اکو، عيسى کات ، بوات نق تيفو
ييرينغ جوگ . تافي ييرينغ تاء توروت يي، کران فوق تو نق
فنچوري ساج .

اکو سنديرييله فينتو هق سجاتي، عيسى کات . اورغ هق ماسوق
کوه اکو يي، نق بوليه سلامت ، فس يي بوليه توبيت چاري
ماکن بري کيغ ، فس ماسوق فول .

فنچوري ساء يي ماري نق امبيق بارغ اورغ . پامون ماري نق
بونوه ، نق بوات خيانة کا اورغ . تافي اکو ماري نق بري هيروف
کا اورغ، هيروف هق چوكوف سمنفرن .

اکو سنديرييله توان ييرينغ هق موليق ، عيسى کات . توان هق
موليق يي ، جوغ ريلا قربان پاوا يي گنتي ييرينغ يي !

کالو گاجي اورغ لاءين، اورغ تو تاء سروف توان سنديري . بيلا يي
نمفق بناتغ بيشكىغ ماسوق دكت، يي لاري سلالو تيغكل کاون
بييرينغ، کران ييرينغ تو بوکن هق يي . بناتغ بيشكىغ فون بوليه

تركم ييرينغ باوا لاري ، بري سموا كاون مچه کي کو تو ، کوئني .
اورغ ماکن کاجي ساعني لاري ، رى تاسایع کا ييرينغ تو .

13

تowan ييرينغ جوغ ماتي گنتي ييرينغ رى

اكو سنديريله توان ييرينغ هق موليق ، عيسى کات . اکو کتل دغۇن بيرينغ کو ، ييرينغ کو فون کتل دغۇن اکو . سروف توهن باف کو دغۇن اکو ، کېت سام ۲ کتل . فس اکو جوغ ريلا ماتي گنتي بيرينغ کو .

14

اد بيرينغ هق تاء بىاس ماسوق دالىم كىدەغ کو لاڭى . رى جارىي کاون هق اکو جوغك . اکو کاڭي چارى يى فيمىفين يى مارى . فس يى نق دغۇر سوارا اکو . فد ماس تو ، سموا ييرينغ کو نق جارىي سكاون دغۇن توان سا ، عيسىو کات .

15

توھن باف کو کاسىيە کا اکو ، كران اکو جوغ ريلا قربان پاوا کو دولو ، بارو بولىيە ترىيما پاوا کو كلىق سمولە .

16

تاء اد سىياف بولىيە امبىق پاوا کو ايکوت سىير يى . اکو سنديريله جوغ قربان پاوا کو انتوق مائنسىي . اکو اد كواس نق قربان پاوا کو بالس نى . فس اکو اد كواس نق امبىق پاوا کو كلىق سمولە فول . توهن باف کو سوروه اکو بوات بالس نى .

17

بىلا اورغ يەھوئى دغۇر هق عيسىو رویت نى ، يى يالە جارىي فچە بلە فول . سىتىھ اورغ کات : يى ماسوق شىيطان بري يى گىلا .

18

تافى سىتىھ اورغ لاڭى کات : كالو اورغ ماسوق شىيطان يى تاء لىيە كىچىق بالس نى . شىيطان اد كواس بري اورغ مات بوت بولىيە نىمۇق موليق كە ؟ تىننۇ تاء اد !

19

اورغ تاش سوڭكوه کا نق عيسى جارىي المسيح

سمفى هارى راي اورغ يەھوئى سەھارى لاڭى ، هارى فرايغاتن ماس

22

- تؤء نينيق ري ناء يك بيت المقدس دولو .
هاري راي تو يتولن دعن فرياغ سجوق . عيسى دوق برجان کي
ماري ، کي ماري ، دجرمبه هق سليمان دالم بيت المقدس .
فس اورغ يهوي دسيتو ماري رامي ليغکوغ عيسى نق تان : لام مان
نق بري کيت شک هاتي ؟ رویت بري بتول ، مو جاري المسيح کا
دق ؟
عيسى جواب کات : اکو رویت بري تاهوره ، تافي مو تاء فرجاي !
فس فركارا عجاء يب هق اکو دوق بوت دعن کواس باف کو .
فرکارا نيله جاري تندا هق سوغکوه . تافي مو تاء سير فرجاي ،
سبب مو تاء جاري کاون بيزيغ کو .
اورغ هق جاري کاون بيزيغ کو ، نق دغر هق اکو سوروه . اکو
كتل دعن ري . ري فون توروت اکو کي سعمور .
فس اکو بري ري هيڊوف چارا بارو هق توهن ، عيسى کات .
تنتو ري تاء کا بناس بوت سلام تاء ادار سياf بوليه ربوت ري
دالم تاغن کو !
تاء کواس هق ليه درف دکواس باف کو . دیاله هق بري بيزيغ
ني کا اکو . تنتو تاء ادار سياf بوليه ربوت فواق ني دالم تاغن باف
کو . اکو دعن توهن باف کو هق تولا ! عيسى کات .
بيلا دغر فرکتائن ني اورغ يهوي ري توندوق اميقي باتو ، نق
فيکوغ عيسى سکالي لاکي .
عيسى فون کات کا ري : اکو بوت دافن مات مو باپق فركارا هق
موليق ، هق باف کو سوروه بلاک . سبب فركارا مان بوليه مو نق
فيکوغ بونوه اکو ؟
اورغ يهوي فون جواب : بوکن کيت نق بونوه مو ، سابيت مو
بوت فركارا موليقي ، دق ! کيت نق بونوه مو سابيت مو کيچيق
هينا کا توهن . مو جاري مائنسى سروف کيت ساج ، فس مو
کات مو دعن توهن هق تولا .

34 عیسی کات: دالم کتاب هق مو سندیری ، توهن رویت کا
توء نینیق مو کات:

اکو بري فواق مو جاري سروف توهن .

کتاب توهن کیت تاء لیه کات بوهوج ، بوکن ؟
کالو توهن کات فواق تو سروف نی کران فواق تو تریما کتاب ۲
درفرد نی ، باء اف مو کات اکو هینا کا توهن ، بیلا اکو فشگیل دیری
کو انق توهن ؟ سبب توهن بافله هق بري اکو تورون ماري کا دنیا
انتوق نق بوات سموا کرج نی سوروه .

کالو اکو تاء بوات فرکارا عجایب هق باف کو سوروه تو ، تاء افله ،
مو تاء سه فرچای اف ۲ هق اکو رویت نی .

38 تافی اکو بوات سوغکوه فرکارا نی ، بوکن ؟ ولو مو تاء فرچای هق
اکو رویت فون ، فرچایاله هق اکو دوق بوات ! کالو مو بوات
بالس تو ، باروله مو نق کھور ۲ ارتی دالم هاتی کات توهن باف کو
دوق سهاتی رعن اکو ، اکو فون دوق سهاتی رعن نی .

39 لفس فدتلو ، کتوا ۲ اورغ یہولی دوق فیسه چاری جالن سکالی
لائی نق ایکت عیسی . تافی عیسی باواء دیری بري لفس درفرد
کواس اورغ تو .

40 فس نی ہوندور کی بالیق سان سوگی یردن فول ، یاء یت تمفت
یحیا بیاس بري اورغ تریما روکون مندی بفتیزما دولو .

41 فس عیسی دوق سیتو لام جوگ . فس اد باپق اورغ کی چاری
عیسی دسیتو . فواق نی دوق کیچیق سام نی کات: نبی یحیا
تاء بیاس بوات فرکارا عجایب سروف نی ، تافی سموا فرکارا هق
نی بیاس رویت چارا حال عیسی نی ، جانی سوغکوه !

42 فس باپق اورغ فرچای کا عیسی ، تکه نی دو دوق دسیتو .

عیسیٰ بری لازرو هیدوف کلیق سمولہ

باب 11

اد سئورغ نام لازرو، دوق ساکیت رکمفوغ بیت عنی. کمفوغ بیت عنی نی تمفت مریم دودوق دغن کاکق بتینا ری، نام مرت. جاری مریم نی هق بیاس امبیق میپیق واگی ماری چوره اتس کاکی عیسیٰ، لالو امبیق ربوبت ری سافوس. لازرو هق ساکیت تو جاری ادیق مریم نی.

روا اورغ کاکق تو هنتر اورغ، سوروہ کی رویت کا عیسیٰ کات :
یا توانکو! اورغ هق توانکو کاسیه تو دوق ساکیت برت!
بیلا عیسیٰ دغر خبر نی، ری کات : لازرو جاری فیاکیت نی،
بوکن سبب توهن نق بربی ری ماتی، تافی سبب توهن نق بربی
اورغ نصفق کملیان نی. دغن فیاکیت نی فون ، توهن نق بربی
اورغ معاکو کملیان انق توهن جوگ.

عیسیٰ کاسیه سوغنکوہ کا اورغ تیگ برادیق تو.
بیلا ری دغر خبر کات لازرو دوق ساکیت تروق تو، عیسیٰ دودوق
رتمفت تو روا هاری لاکی، بارولہ ری رویت کا صحابةؓ ری کات :

ماریله کیت کی دنکری یہودیہ سکالی لاکی!
صحابةؓ عیسیٰ تان کات : باءاف توان گورو نق کی دسیتو فول؟
بارو نی کتواؓ اورغ یہوی نق بونوہ توان گورو دغن فیکوغ انق باتو!
عیسیٰ فون جواب : مو فیکیر باءیکؓ لہ! امبیق رفاکی هیفک سمفی
کلف، اد دوا بلس جم هق چره، بوکن؟ اورغ هق برجالن سیاغ
هاری تو، تاءؓ کا کاروہ نق گلیچوہ ربہ، کران ری اد چھیا
متھاری لاکی. تافی اورغ هق برجالن دالم گلف، تننتو کا
سیمفت ربہ، کران تاءؓ ادار چھیا ری نق توروت!

عیسیٰ تاھو کات لازرو ماتی ده

سودہ کات بالس تو، عیسیٰ فالیغ رویت کا صحابةؓ ری : سائین

11

کيت لازرو، لاني دي روق جنдра . تافي اکو نق کي فشكيل دي
برى جاگ !

فواق صحابة فون کات: کالو دي بوليه تيدور جنдра سدف
تندوله دي نق هيلع ساکيت !

سسوغکوهن ، عيسى کات دغن معنا لازرو سوده ماتي ، تافي
صحابة ۲ گامق کات لازرو روق تيدور ساج . فس عيسى رویت
برى دي فهم سوغکوه کات: دق ! لازرو ماتي ده . تافي ، اکو
براس فواس هاتي ده کيت تاءار تمفت لازرو ، تکه دي روق
ساکيت تو ، کران دغن سبب توله ، مو نق بوليه فرجاي کا اکو
سوغکوه . فس ، ماريله کيت نق کي کا رومه لازرو !

صحابة عيسى نام تومس ، اورغ گلر دي : اديق كمپر ، رویت کا
سائين ۲ دي: باءيك کيت کي سکالي دغن توان گورو کيت ! کالو
دي ماتي ، کيت نق ماتي سکالي دغن دي جوگ !

عيسى سمفی کا تمفت لازرو

بيلا عيسى سمفی رکمفوغ بيت عنی ده ، دي بوليه خبر
کات لازرو ماسوق قبور امفت هاري ده .
جاري ، کمفوغ بيت عنی تاءار جا وه مان اشن کوت جروسليم ،
دوا تيگه باتو ساج . فس اد اورغ يهويي باپق اورغ هق ماري
رکوت تو ، نق زيارة رومه مرت دغن مریم ، نق داي حال
كماتين اديق دي لازرو سائيني .

بيلا مرت تاهو کات عيسى ماري ده ، دي فون توبیت کي سمبوت ،
تافي مریم رودوق درومه ، تاءکي .
فس ، مرت کات کاعيسى: کالو توان گورو اد دسييني ماس تو ،
تندوله اديق کيت تاءماتي ! تافي ولو ماس لاني سکالي فون
امب تاهو کات ، توهن نق بري سموا فركارا هق توان گورو
مينتا دغن دي !

- عيسي کات کا مرت: اديق مو نق بعکيت هيدوف کليق فول ! 23
 مرت کات: سفوتيله، امب تاهو ده، فد هاري قيامة، بيلاسموا 24
 اورغ بعکيت هيدوف کليق تو، لازرو نق بعکيت جوگ ! 25
 لالو عيسى کات: اکو سنديريله هق بري ماۓنسى بعکيت درف ده
 ماتي . اکو سنديريله هق بري ماۓنسى هيدوف ! سياف دي 26
 فرچاي کا اکو، کالو دي ماتي فون دي نق هيدوف فول . فس
 سموا اورغ هق هيدوف کران فرچاي کا اکو، دي تائنا ماتي 27
 بيوت سلام ۰۲ . فس، عيسى تان مرت کات: مو فرچاي کا نق
 هق اکو رویت سائني ؟
 مرت جواب کات: يا توانکو! امب فرچاي کات توانکو جاري
 المسيح، انق توهن، هق کا توروں کا دنيا ! 27

عيسي کيچيق دغۇن مریم اديق مرت

- سوده کيچيق بالس تو، مرت کليق کي چاري اديق دي مریم 28
 فس رویت کوهور ۰۲ کات: توان گورو ماري ده. دي سوروه اديق
 کي بىرتمۇ دغۇن دي .
 بىلا نغر هق تو، مریم فون توبىت کي سلالو بىرتمۇ دغۇن عيسى.
 عيسى تائماسوق دالىم كەمفوغ لاكى. دي دوق ننتى دەتمەت دى
 بىرچومەدا دغۇن مرت سائيني . 29
 فواق كتوات يەھويي هق دۈرۈق فوجوق هاتىي مریم درومە تو ،
 بىلا دي نەفق مریم توبىت کي گاردوھ، دي توروت مریم کي گاتىق . 30
 دي گامق کات مریم نق کي ترياق مناغيس دقبور اديق دي .
 مریم ماري سەمفىي کات تەمىت عيسى. بىلا دي نەفق عيسى ، دي
 ماسوق سجود حرمە کا دي ، کات: اوھ ! توانکو! کالو توانکو اد
 دىسينىي فد ماس تو ، اديق كېت تائماتكىي ! 31
 بىلا عيسى نەفق مریم دوق ترياق ، فس اورغ يەھويي هق ماري
 سکالىي فون ، سموا دوق ترياق مناغيس جوگ ، عيسى فون براس 33

سرابوت فروت، سایو هاتی سوغکوه.

فس، لالو ری تان فواق تو: مایت نی کی تانم دملن؟ فواق تو
سموا جواب: ماریله توان کورو، کی تیغوق سندیری!
فس عیسیو فون تریاق جوگ.

لالو فواق اورغ یهوری کات: مو تیغوقله، نی کاسیه کا لازرو تو
سوغکوه! تافی اد ستفه اورغ دسیتو کات: دولو ری اد کواس
بری اورغ مات بوت هیلخ. با'اف نی تاء'ماری تاهن فپاکیت
لازرو، بری ری تاء'ماتی؟

عیسیو کی تیغوق قبور لازرو

عیسیو فون براس سوسه هاتی فول. ری ماری سمفی دقبور
یاء'یت ساتو گوا. فس، اد باتو بسر کاتوف دموک گوا تو.
عیسیو فون سوروه اورغ گولیغ باتو بسر نی توبیت. تافی مرت،
کاکق اورغ ماتی تو، کات کا عیسیو: تاکوت باء'و بوسوق سبب
ری ماتی امفت هاری ره!

تافی عیسیو جواب: اکو رویت ده، بونک، کات کالو مو فرجای
سوغکوه، مو نق بولیه تیغوق کمليان هق توهن!

لفس تو، فواق تو فون گولیغ باتو بسر تو توبیت. فس عیسیو
لغکق ناء'یک کا لاغیت، فس نی مینتا' دعا لاؤ نی: یا باف کو!
اکو نق اوچف تریما کاسیه کف دو، کران باف تریما ده دعا
کو. اکو تاهو ده، سموا فرمینتائن کو، اکو بولیه سعمور،
تافی اکو اوچف شکور فد هاری نی، نق بری سموا اورغ نی
فرجای کات، جاری باف هق هنتر اکو ماری کا دنیا!

عیسیو فغکیل اورغ ماتی توبیت

بیلا سوده رویت فرکتائن سائني، عیسیو فغکیل رغن
سوارا درس: لازرو! یا لازرو! مو توبیت ماریله!

- لازرو هق ماتي تو فون ، توبيت ماري سلالو . دكاكى تاغن يى 44
اد كاًين باروت ، دموك فون اد كاًين تودوغ مايت . عيسى فون
سوروه فوق تو كات : اوغىكى كاءين بوغكوس مايت، برى يى كلىق !
اورغ يهوي هق توروت مريم كى كا قبور سائنى ، تيغوق هق 45
عيسى بوات تو ، فس باپق اورغ فرچاي كا يى .
تافي اد ستعه اورغ كى رويت كا فوق فريسي حال هق عيسى 46
بوت دقبور . سبب تو ، فوق فريسي دغن امام ۲ بسر ، فشكيل 47
سموا فوق يى ماري مشورة چارا حال عيسى . يى كات :
تيغوقله كواس اورغ نى ، سموا فركارا فليق يى بوات ! فس كيت
نق بوات بالس مان ؟ كالو كيت دوق ديمام ، برى يى بوات 48
ايكت سوك يى ، سموا اورغ فون نق توروت يى . فس
كرجاean روم نق ماري خيانة تمفت سوجي هق كيت ، سكالى
رغن سموا بفسا يهوي كيت !
رالم فوق تو ، اد ساتو اورغ نام قيافس . فد تاهون تو ، يى 49
جاري كتوا فوق امل بسر . يى كات كا فوق هي: باًاف مو
بوروه كيتولالو ؟
مو تاءً نمفق جالن كه ؟ فد سموا فوق كيت يى ماتي ، باًيك 50
برى يى ماتي سئورغ كنتى فوق كيت !
هق قيافس رويت نى ، بوكن ايكت فيكيران يى سنديري ، تافي 51
توهن برى يى رويت كات عيسى كنا ماتي كنتى اورغ يهوي .
سبب فد تاهون تو ، قيافس نايك فريشك امام بسر سكالى اتس 52
اورغ يهوي . فس ، بوكن عيسى كنا ماتي كنتى بفسا يهوي ساج ،
نق ! يى كنا ماتي كنتى سموا انق ۲ توهن ، هق دوق سرات
تمفت ، نق برى يى جاري ساتو فوق سكالى .
اميق دهاري مشورة تو ، كتوا ۲ اورغ يهوي ، يى فاكت چاري 53
جالن نق بونوه عيسى .
سبب تو ، عيسى تاءً برجالن رالم اورغ رامي ، دنكري يهويه . 54

نی هوندور کی کا دارت، کا کمفوغ نام عفراءم، دکت بوکیت تاءاد اورغ. فس ری دوق دسیتو دغن صحابة ۲ ری.

55 کرج هاری رای فسخر دکت نق سمفی ده، فس اورغ ماری سرات ۲

تمفت ماسوق کا کوت جروسليم، نق چوچی توبوه دلو ایکوت اتوران اوکام، بلوم فد سمفی هاری رای تو.

56 سموا فوق ۲ نی دوق چاری عيسیو دسیتو. بیلا تمو دغن

سائین ۲ نی دبیت المقدس، ری تاش سام سنديري کات: ایه!

ری نق ماری کا دق، هاری رای نی؟ کامق تاءاد ماری!

57 ری کات بالس تو، سبب امام ۲ بسر دغن فوق فریسی لتق

عادۃ کات، سیاف ۲ تاهو عیسیو دوق دمن، کا رویت سلالو، بربی کتوا کی ایکت ری.

اورغ بوات کندوري دکمفوغ بیت عنی

باب 12

1 بلوم فد هاری رای تو انم هاری، عیسیو برجالن ماری کا

کمفوغ بیت عنی، تمفت لازرو دو دوق، اورغ هق عیسیو بربی

هیدوف کلیق تو.

2 اورغ دسیتو بوات کندوري کا عیسیو مالم تو. مرت، کاکف لازرو

سائی، دوق تولوغ درومه هق بوات کندوري تو. لازرو فون

لوق ماکن سکالی دغن عیسیو.

3 فس کاکف لارزو نام مریم باواه ماری میپیق واگی اصلی نام نرواستو،

میپیق هق مهل سکالی، لبیه کورغ ستغه چوتفق. نی امیپیق

میپیق تو چوره اتس کاکی عیسیو، فس مریم امیپیق رمبوت نی

فول، سافوس. باه و میپیق تو رات هابیس سبواه رومه.

4 تافی صحابة عیسیو هق نام یوس اسکریوٹ، هق نق بوات

درهاک کا عیسیو ماس دافن،

5 نی کات: باهاف دیما تاءاد جوال میپیق هق هرگ مهل تو؟ تنتو

نق بولیه دویت باپق ریبو، بولیه بوات صدقہ کا اورغ مسکین!

6 هق یوس کات تو، بوکن سبب نی کسیاغ بلس کا اور غ مسکین تو، نق! تافي سابیت نی جاری فنچوری. نی اور هق جاگ دویت دالم فواق عیسی، فس دوق کریت، لام ۲ سیکیت، لام ۲ سیکیت، سعمور.

7 تافي عیسی کات: بлер کا دیاله! میق نی نی دوق چادغ تاروه، سبب نی تاهو ده، هاری هق نی کا بوبه کا مايت کو، دکت نق سمفی ده!

8 اور غ مسکین دوق اد سعمور، کالو نق بري صدقہ کا نی. تافي اکو تاء رودوق رغنا فواق مو سعمور!

9 بغر خبر رات ۲ تمفت کات عیسی برہنتی دکمفوغ بیت عنی، فس رامي اور غ یهودی کی دسیتو، بوکن نی نق کی تیغوق عیسی ساج، نی نق کی تیغوق لازرو کاتیق، اور غ هق عیسی بري هیدوف کلیق تو.

10 سابیت تو، امام بسر مشورة رغنا فواق نی سکالی لاکی کات نق 11 بونوہ لازرو کاتیق. کران نی تاهو کات کجادین لازرو تو، بري اور غ یهودی باپق تیغکل کتوا ۲ اوکام، نق کی فرچای کا غیسی.

عیسی بلارق سروف راج ماسوق دالم کوت جروسلیم

12 ایسوق هاری فول، اور غ رامي هق دوق ننتی هاری راي فسخر دکوت جروسلیم تو، بغر خبر کات عیسی نق سمفی ماري، فد هاری تو. نی فون امبیق فلفه ۲ تامر، نق کی سمبوت عیسی، رغنا بر سورق ۲ سوگ هاتی، کات:

فوجیله توهن! برجایاله نی هق ماري رغنا نام توهن!

برجایاله راج فواق اسرائیل کیت!

14 هاری تو عیسی نائیک سئیکور هیمر، هق نی سوروه باواه ماري دولو، کران نی نق توروت ایات دالم کتاب نبی ۲ دولو.

ایات نی کات: 15

جاغن تاکو تله، اورغ هق دودوق دالم کوت صیون!
اینیله راج مو! ری دوق نائیک انق هیمر ماری!

ف د ماس تو، صحابة ۲ عیسی فون تاء ارتی معنا هق عیسی دوق
بوات، نائیک هیمر سائی تو. تافی بیلا عیسی نائیک کا تمفت
ملیا هق ری، ماس رافن، باروله صحابة ۲ ایشت کا ایات دالم
کتاب توهن سائی هق رویت چارا حال عیسی. فس، ایشت
کات اورغ رامی کی سمبوت نی بالس تو.

اورغ ماری سمبوت عبسی باپق بکیتو لالو، دغنا سبب نی نغر
کات، عیسی بربی لازرو هیدوف کلیق.

تکه عیسو دوق فشگیل لازرو، بربی نی توبیت دالم قبور تو،
اورغ رامی هق دوق تیغوق، کلیق کی رویت کا سائین ۲ ری،
فس سابیت تو، سائین نی نق کی تیغوق گاثیق.

فواق فریسی فون دوق کیچیق سام نی کات: تیغوقله! کیت
هاله سوگکوہ کا عیسی نی. سموا اورغ توروت نی کی هابیس!

اورغ کریک ماری نق تمو دغنا عیسی

ف د کرج هاری رای تو، اد اورغ بخسا کریک هق ماری نق
سمبه توهن رکوت جروسليم جوگ.

فواق کریک نی کی کیچیق دغنا صحابة عیسی نام فیلیف، هق
ماری دکمفوغ بیت صائیدا، دنکری گالیل. فواق نی تاش فیلیف:
توان! کیت نق تمو دغنا عیسی، بولیه کا دق؟

نغر کیتو، فیلیف فون کی اجق اندrias، صحابة سئورغ لاکی،
فس کدوا اورغ تو کی رویت کا عیسی سلالو.

عیسی فون کات: سمفی ماس ده، اکو ماۓنسی هق تورون لشروع

ني، نق تريما كمليان هق اكو!

24 فرهاتي بايك ٢ له هق اكو نق رويت ني! ميسيل، بنبيه فاري سبوتير، تاءلية جاري باپق، دوق سبوتير ساج، ملينكن جاتوه کا تانه، کمبوس، فچه کوليت، بارو تومبوه نق بوليه حاصلن باپق بوتير.

25 بالس تو جوگ، عيسى کات، اورغ هق سايغ کا پاوا ري اتس دنيا، کات مهل سکالي، ري تاءلية تريما هيڊوف چارا بارو هق توهن. تافي اورغ هق جوغ کيرا کات پاوا ري اتس دنيا تاءمهل، ري نق بوليه هيڊوف هق توهن تو.

26 اورغ هق نق بوات کرج کا اکو کنا توروت اکو گي. ولو اکو دوق دمان ۲ فون، ري کنا دوق سکالي رغن اکو سعمور. فس، اورغ هق بوات کرج کا اکو تو، توهن باف کو نق بري ت Mofft مليا کا ري.

عيسى کات سمفی ماس ده هق ري نق قربان پاوا

27 فس عيسى کات: اکو سرابوت فروت مالس نق ايٺت کا ماس لاني. لاني سمفی ماس ده، فس اکو نق مينتا بالس مان رغن توهن؟ کالو اکو مينتا: يا باف کو، جاڻن بري اکو کا سيقسا ني! رق! تاءلية مينتا بالس تو. کران توجوان اکو ماري کا دنيا، اکو مستي کنا توروت جالن سيقسا ني

28 يا باف کو، بري سموا ماءنسې نمفق کمليان هق توهن!

تکه عيسى دوق کات بالس تو، تيبيا ۲ بوپي سوارا دري لاغيت کات: اکو بري ماءنسې نمفق ده، کمليان هق اکو، فس اکو نق بري نمفق لڳي، ماس کوء رافن!

29 اورغ رامي هق دوق اد رسپتو فون لغز سوارا. فس ستغه اورغ گامق کات سوارا گوروه. ستغه کات: رق! ملايڪه دوق کيچيق رغن عيسى!

- تافي عيسى کات: سوارا نی بوکن تورون انتوق اکو. نی تورون
انتوق فواق مو سموا. سمفي ماس ده، هق توهن نق حکوم
اتس سموا ماءُنسی. هیبليس دوق میرینته دالم هاتی ماءُنسی
لام ده. فس لاني توهن نق بواغ هیبليس بري هاله کا نی.
بیلا اورغ اغکیت اکو ناءِ یک تیغکی فد بومي، عيسى کات، اکو
نق تاریق هاتی سموا ماءُنسی، بري ری فالیغ نق ماري کا اکو!
بالس توله، عيسى بري تاهو جالن ری نق ماتی.
- اورغ رامي دسيتو جواب کا عيسى کات: تافي کيت باج دالم
کتاب توهن کات، اورغ هق جاري المسيح نق هيديوف سعمرور
فس مو کات، ماءُنسی هق تورون نشرگ جاني المسيح تو، اورغ
نق اغکیت ناءِ یک بري ماتی! کيت تاءُارتی. اورغ بالس مان،
ماءُنسی هق تورون نشرگ نی؟
- فس عيسى کات فول: لاثي مواد چهيا هق توهن بري. مو اد
فلواغ باءِ یک بولیه برجالن دالم چره چهيا نی. کالو مو تاءُambilic
فلواغ نی، تاءُلام لائکي، چهيا نی نق هيلغ کي، مو کنا دوق دالم
کلک، تاءُ تاهو کي کوء مان.
- سبب توله، عيسى کات، مو کنا فرچاي کا چهيا تو، تکه چهيا
تو دوق اد لائکي نی. فس مو نق جاري انق ۲ چهيا هق توهن
سعمرور!
- اینيله فثاجران عيسى کا اورغ رامي. لفس تو، نی هوندور
کي تاءُ توبیت ره رافن اورغ رامي.

نبي ۲ دلو کات اورغ يهوي نق بنچي کا عيسى

- سوگکوه فون عيسى بوات سموا فرکارا عجاًیب بري اورغ
يهوي کليه، تافي کباپکن اورغ تاءُ فرچاي کا ری جوگ.
کا جاني بالس نی جوگ، کران توهن بري نبي يعشيا رویت حال

فرکارا نی ، دالم کتاب دولو کات :

یا توهن کو، سووغکوہ فون توهن بري کلیه کواس کافواق
ني ده ، تافي تاءٰ در سیاف نق فرچای خبر هق
تهن سوروه اکو رویت کا فواد نی !

39 ساپیت توله ، باپق اورغ سائني تاءٰ فرچای کا عیسی .
فس نبی یعشیا رویت سکالی لکی چارا حال نی ، کات :

40 توهن سوده بري مات هاتی نی بوت .
تهن سوده بري نی کرس هاتی .
سبب توله ، مات ری تاءٰ نمفق ، هاتی نی گلف !
ری تاءٰ سیر بالیق هاتی ، مینتا دغنا توهن بري نی
سلامت .

41 فرکتائن یعشیا سائني رویت حال عیسی دولو ، کران توهن بري
یعشیا بولیه نمفق دولو ، کمليان عیسی ماس کوء دافن ، بلوم
فدر عیسی ماری کا دنیا لکی .

42 سسوغکوہن ، دالم کتوا اورغ یهوری ، اد باپق اورغ فرچای کا
عیسی . تافي ری تاءٰ براني نق معاکو دافن اورغ رامی ، تاکوت
فواد فرینسی لارغ تاءٰ بري نی ماسوق دالم مسجدید اورغ یهوری .
فواد نی نق بري ماءٰ نسی کاسیه کا ری ، لبیه فدر توهن لکی .

فعا جران عیسی دغنا ریغکس

44 اینیله فرکتائن عیسی هق ری رویت دافن اورغ رامی :
اورغ هق فرچای کا اکو ، بوکن ری فرچای کا اکو ساج ، نی
فرچای کا توهن کاتیق ، هق سوروه اکو ماری .
اورغ هق کلیه کا اکو فون ، سوده کلیه کا توهن هق سوروه اکو

ماری.

46 اکو تورون کا دنیا جاری چهیا ، نق بری اور غ هق فرچای کا اکو تاء کنا روق دالم گلف ده .

47 اور غ هق نغر فرکتائن کو ، تافی تاء سیر توروت ، عیسی کات ، بوکن اکو هق حکوم ساله اتس اور غ تو . توجوان اکو ماری کا دنیا نق بری مائنسی سلامت ، بوکن نق جاتوه حکوم اتس مائنسی ، دق . تافی اد ساتو حاکیم هق کرت سین کا فواوق تو کات دی ساله ، یاء یت کا اور غ هق بنچی کا اکو ، هق تاء سیر تریما هق اکو رویت . حاکیم تو ، یاء یت فرکتائن کو سندیري ، هق اکو رویت کا اور غ تو . فرکتائن تو نق جادی حاکیم فد هاری قیامة . سبب فرکتائن هق اکو رویت نی ، بوکن توبیت دالم هاتی کو سندیري ، دق ! هق اکو روق رویت تو ، سموا هق باف کو سوروه .

توهنهله ، هق هنتر اکو ماری کا دنیا .

50 فس اکو تاهوده هق باف کو سوروه تو ، اد کواس بولیه بری مائنسی هیدوف چارا بارو هق توهن . سابیت توله اکو رویت هق باف سوروه کو سعمور !

عیسی باسوہ کاکی صحابة ۲ نی

باب 13

1 مالم هاری رای فسخر تو ، عیسی تاهو کات سمفی ماس ده بی نق تیغکل دنیا کلیق کا تمفت توهن باف دی . اور غ هق جاری میلیق دی دنیا ، عیسی تاء فوتوس کاسیه سعمور ۲ ، دری اوال لاکی هیغک سمفی سود .

2 مالم تو فون ، عیسی روق ماکن سکالی رعن فواوق صحابة ۲ نی ، فد ماس تو ، هیلیس ماسوق ده دالم هاتی یوسن ، انق صیمون اسکریوت ، بری دی براں نق دره اک کا عیسی .

3 عیسی تاهو کات دی سندیري اد کواس فنوه ، اتس سموا فرکارا هق توهن باف بری کا دی . دی فون تاهو کات دی ماری دتمفت

- توهنهن ، فس نې نق کلېق کات تهفت توهنهن فول .
 سوڠووه فون عيسى تاهو کات رې تېغىكى گېتىو لالو ، تافي رې
 باغون دتمفت رې دودوق ، چابوت باجو جوبه امبىق کائين بولو
 اىكت فيغىڭ ، فس رې بوبوه اير دالم جلوق ، گې باسوه کاكى
 صحابة ۲ رې ، لفس سئورغ سئورغ . فس ، رې امبىق کائين بولو
 هق رې اىكت فيغىڭ سائىي ، سافوس کاكى صحابة ۲ رې تو .
 بىلا سەمفى کا صىمۇن فيتروس ، فيتروس کات : تاً سوغ توانکو نق
 باسوه کاكى امب !
 عيسى رویت کا فيتروس کات : لانى مو تاءً ارتى هق اکو دوق بوات
 نى . كەھور دولو ، ننتى ماس رافن ، بارولە مو نق ارتى !
 فيتروس فون جواب سلالو : سەمفى بىلا ۲ فون امب تاءً برى توانکو
 باسوه کاكى امب ! عيسى کات : کالو مو تاءً برى اکو باسوه کاكى
 مو ، تىتتو مو تاءً لىيە جارى مرىد كو !
 صىمۇن فيتروس جواب فول : کالو بالس تو ، جاغن توان باسوه کاكى
 ساج ، مىنتاً توان باسوه كفلا رغۇن تاغن كاتىق !
 عيسى فون جواب سكالىي لاكى : اورغ هق منىي دە ، تاءً كتا باسوه
 اف ۲ ملىنەن باسوه کاكى ساج ، كران رې چوچى ھابىس . فواق
 مو سىمۇ فون چوچى دە ، تافي اد سئورغ دالم فواق مو ، هق
 تاءً لىيە چوچى دە .
 كران عيسى تاهو دە اورغ مان نق درھاڭ کا دى . سابىت تو رې
 کات : اد دالم فواق مو هق تاءً لىيە چوچى دە .
 بىلا عيسى باسوه کاكى سىمۇ اورغ سىيف دە ، رې فون بوبوه باجو
 گلېق ، گې دودوق تەفت رې . فس عيسى تان : مو ارتى کا نق ،
 هق اکو بوات سائىي ؟ جارى بالس نى :
 فواق مو فەڭىل اکو توء گورو ، اتوا توانکو . مولىقلە ! كران اکو
 جارى فريغىكت تو سوڠووه .
 کالو اکو باسوه کاكى مو ، اکو هق جارى توء گورو مو ، فس جارى

ریتی مو گاتیق ، سوغ فاتوت جوگ فواق مو باسوه کاکی مو اکو .
هق اکو بوات هاری نی جاری چنتوہ . اف ۲ هق اکو بوات کا
فواق مو ، اکو نق بري مو بوات مو اکو گاتیق .

15 فرهاتیله بائیک ۲ هق اکو نق رویت نی ! اورغ هق جانی همب
تنتو تاءلیه تیغکی فد توان ری بوکن ؟ اورغ هق ماری جاری وکیل
تنتو تاءلیه تیغکی فد راج هق سوروه ری کی تو ، بوکن ؟

16 فس عیسی کات لاکی : لانی مو ارتی ده سمعا فرکارا هق اکو دوق
رویت نی . کالو مو توروت ، باروله مو نق براونتوغ سوغکوہ !

17 تافی فرکارا هق اکو رویت نی ، بوکن انتوق فواق مو سمعوا . اکو
تاھو ده هاتی فواق مو تیف ۲ اورغ هق اکو فیلیه جاری صحابة
اکو ، عیسی کات . اد ساتو ایات دالم کتاب توهن ، هق مستی
کما جانی . ایات نی کات :

اوغ هق دوق ماکن سفیشکن رفن اکو ، دیاله
هق نق بوات درهاک کا اکو .

18 اکو رویت بلوم فد جاری ، عیسی کات . فس بیلا جانی ده ، مو
بولیه فرچای کات سوگکوہ ، اکوله نی ، هق اکو رویت ده دری
دولو لاکی .

19 فرهاتیله بائیک ۲ ! عیسی کات . کالو مو تریما اوغ هق اکو سوروه
ماری ، سروف مو تریما اکو ده . فس بیلا مو تریما اکو ده ، سروف
مو تریما توهن هق سوروه اکو ماری .

عیسی رویت فول حال اوغ هق نق درهاک کا نی

20 سوده رویت فرکارا ۲ نی ، عیسی براس سرابوت فروت . فس
لی رویت نق بري صحابة ۲ نی تاھو کات : فرهاتیله بائیک ۲ ! او
سئوغ دالم فواق مو ، نق بوات درهاک کا اکو .

21 صحابة ۲ عیسی فون دوق فاکت تیغوق موک مو اکو . فواق تو براس

- شك هاتي، تاً تاهو عيسى نق تنحوق کا سیاف نی.
 اد سئورغ صحابة هق عيسى کاسیه سکالی. دی دوق دکت عيسى
 دتمفت ماکن تو.
- فس صیمون فیتروس فون هفگوک کفلاء، تق بري اورغ دوق دکت
 تو تاش عيسى، کات اورغ مان هق نق بوات درهاک کا عيسى تو.
 صحابة سائني فون ماسوق رافت کا عيسى لاکي تاش نی : توانکو !
- سیاف نی هق توانکو کات نق بوات درهاک تو؟
 عيسى جواب : اکو چوبیق روتي نق چیچه دالم مغکوق نی، فس
 بري کا اورغ تو ماکن . عيسى فون بوات بالس تو ، فس دی بري
 روتي کا یوس، انق صیمون اسکریوت.
- بیلا یوس امبیق ده روتي هق عيسى بري سائني، هیبلیس فون
 ماسوق دالم هاتي یوس . فس عيسى کات کا یوس : مو کي
 سلالوله ! هق مو کتا بوات، کي بوات باشت ۲ سیکیت !
- فواق هق دوق ماکن سکالی دغۇن عيسى، نی تاً تاهو سبب اف
 عيسى کیچیق کا یوس بالس تو.
- دوا تیگ اورغ کامق کات عيسى سوروه یوس کي بلي بارغ مکان
 انتوق جاموان نی . کران یوس اورغ جاڭ رویت عيسى دغۇن
 فواق نی . فس اد لاکي، اورغ کامق کات عيسى سوروه یوس کي
 صدقه رویت کا اورغ مسکین .
- لفس فد یوس امبیق روتي تو ، دی توبیت کي سلالو . فد ماس
 تو گلپ ده .

عيسى لتق حکوم هق بارو انتوق مرید ۲ دی

- بیلا یوس توبیت کي ده ، عيسى کات : لاني توهن سوده
 بري پات کملياين هق اکو ، ما ئنسى هق تورون دشرغ نی . فس
 دغۇن اکو نی ، توهن بري پات کملياين هق ديرى نی گاتېق .
- فس بوکن کملياين هق توهن ساج هق دوق دالم توبوه کو ، نق !

لانی سمنفی ماس ده، توهن نق بري سموا اورغ نمفق کملیاً ن
حق اکو، ماًنسی دري شرگ نی سندیری . فس دی نق بري نمفق
سلالو .

33 يا انق ۲ کو، عيسى کات کاری، اکو تاءً لیه دوق لام، سکالی
لغن فواق مو. فس بیلا اکو کی ده، مو نق چاری اکو تاءً یمو،
نق جاري سروف اکو رویت کا اورغ یهوري دولو، کات : تمفت
اکو نق کی تو، فواق مو تاءً لیه توروت کی !

34 لانی اکو نق لتق حکوم حق بارو، نق بري فواق مو توروت،
یائیت مو کنا کاسیه مو اکو دالم فواق مو، سروف اکو دوق
کاسیه کا فواق مو.

35 کاسیه مو اکو نی نق جاري تندا حق بري سموا اورغ تاهو کات،
مو جاري انق مرید کو سوغکوه.

عيسى کات فيتروس نق بوهوج

36 صیمون فيتروس تاش عيسى کات : تمفت مان حق توانکو کات
نق کی ساتنی؟ فس عيسى جواب : مو تاءً لیه کی لاگی، کا تمفت
اکو نق کی تو. تافی ماس دافن، مو بولیه توروت اکو کی .
37 فيتروس تاش فول : باًاف توانکو کات امب تاءً لیه توروت کی
سلالو لانی؟ امب جوغ ریلا ماتی کران توانکو!

38 عيسى جواب فول : مو نق ماتی کران اکو سوغکوه که؟ فرهاتیله
باءًیک ۲ حق اکو نق رویت نی! بلوم ایم برکوکوک مالم نی،
مو نق کیچیق بوهوج سمنفی تیک کالی کات مو تاءً کل اکو!

باب 14 اد سجالن ساج بولیه بري ماًنسی کتل لغن توهن

1 عيسى کات کا صحابة ۲ نی فول : جاغن مو دوق سوسه هاتیله!
مو هارف کا توهن . مو هارفله کا اکو کاتیق !

2 اد باپق تمفت درومه باف کو دشرگ . فس اکو نق کی سیمهٰ فن

- تمفت دسيتو انتوق فواق مو دودوق . اکو تاءً کيچيق بوهوج ،
اکو رویت هق سوغکوه کا فواق مو . فس ، بیلا اکو کي سيمفن
تمفت انتوق فواق مو تو ، تندتو اکو نق ماري امبيق مو فول نق
برى فواق مو کي دودوق سکالى دشن اکو دتمفت تو .
3
- فس عيسى کات : فواق مو تاهو ره جالن کا تمفت اکو نق کي تو .
تافي صحابة عيسى نام تومس کات : يا توانکو ، کيت تاياتاهو تمفت
توانکو نق کي تو . فس بالس مان نق بوليه تاهو جالن کي سمني
4
- دسيتو ؟
5
- عيسى فون جواب : اکو سنديري جاري جالن تو . اکو سنديزيله
هق بري پات ، سموا فرکارا هق سوغکوه چارا حال توهن .
اکوله رې هق بري هيڊوف چارا بارو . تاءً اد سياف بوليه کي
رافت کا توهن باف کو ، ملينکن کوء اکو !
6
- فواق مو هق کنل ده دغن اکو ، معناش مو کنل دغن توهن باف
جوگ . جق ماس لاني فون ، مو بوليه کنل توهن باف کو .
7
- سسوغکوهن مو کليه رې ره !
- صحابة نام فيليف ، رې مينتا دغن عيسى کات : توانکو کا
تولوغ بري کيت کليه توهن باف کاتيق ، باروله کيت فواس هاتي !
عيسى کات : ويه فيليف ! مو تاءً ارتى لاکي که ؟ اکو دوق دغن مو
لام ره ، باً اف مو تاءً کنل اکو ؟ اورغ هق تيغوق اکو ، رې
تيغوق ده توهن باف کو . باً اف مو دوق مينتا دغن اکو لاکي
نق بري کليه توهن باف کو تو ؟
8
- 9
- فواق مو تاءً فرجاي که ، اکو دغن باف کو دوق سهاتي سپاوا
سعمور . فركتائن هق اکو رویت کا فواق مو نې ، بوکن درف د
اکو سنديري . هق اکو بوات فون ، بوکن هق اکو سنديري .
جاري توهن بافله هق بوات سموا فرکارا تو !
10
- مو کا فرجاياله هق اکو رویت نې ! عيسى کات . اکو دغن باف
کو دوق سهاتي سپاوا سعمور . کالو مو تاءً فرجاي هق اکو رویت
11

ني، مو تيغوقله فركارا هق اکو بوات، تندا کات مو بوليه
فرچاي کا اکو سوغکوه.

12 فرهاتيله بايك! اورغ هق فرچاي کا اکو سوغکوه، يي بوليه
بوات ماس کو، رافن، سروف اکو دوق بوات لاني. سسوغکوهن
يي نق بوات فركارا هق لبيه بسر لاكى فد ني، سبب اکو نق
لکيق کا تمفت باف کو.

13 اکو جنجي کات، اف ۲ هق فواق مو مينتا، اتس نام کو، عيسى
کات، اکو نق بري! بالس توله، اکو انق يع ساتو ني، نق
бри نمفق كمليان هق توهن باف کو. اف ۲ هق فواق مو دوق
مينتا، تکه مو دوق سهاتي لغن اکو تو، عيسى کات، اکو نق
بوات بري کا فواق مو!

عيسى نق بري فنولوج سا لاكى کا فواق رى

15 كالو مو کاسيه کا اکو سوغکوه، تنتو مو نق توروت حکوم
کو، فس اکو نق مينتا لغن توهن باف کو، باف کو فون نق
бри فنولوج سروف اکو کا فواق مو. يي نق تورون دوق سکالي
لغن مو سعمور.

17 ديااله روح توهن، هق بري تاهو سموا هق سوغکوه چارا حال
توهن. اورغ هق تاءَسيير کتل توهن، نق تريما روح تو ماسوق
دالم هاتي تاءَليه. سابيت تيغوق رى تاءَنمفق، فس، تاءَكتل
بالس ملن روح تو. تافي فواق مو کتل رى ده، کران رى دوق
سکالي لغن مو، فس رى نق دوق دالم ديري مو سعمور.

18 اکو تاءَسيير بري فواق مو دوق کسيك، سروف انق يتيم، عيسى
کات. اکو نق ماري چاري مو فول!

19 فس، سبنتر لاكى، اورغ هق تاءَسيير کتل توهن، تاءَليه تيغوق
اکو ده. تافي فواق مو نق تيغوق اکو فول. اکوله يي هق
يئ هيدوف سعمور. سابيت تو، مو فون نق هيدوف جوگ.

- 20 بيلا سمني کا هاري تو ، مو بوليه تاهو کات اکو دوق سهاتي سپاوا رغنا باف کو سعموره . فس فواقي مو فون دوق سهاتي سپاوا رغنا اکو سروف تو جوگ .
- 21 اورغ مان هق کاسيه کا اکو ؟ دي هق تريما حکوم ۲ کو ، فس بوات اف ۲ اکو سوروه . دياله هق کاسيه کا اکو سوغکوہ ! عيسى کات . اورغ هق کاسيه کا اکو تو ، توهن باف کو کاسيه کا دي جوگ . فس اکو فون نق کاسيه کا اورغ تو ، نق بري پات . ديри کو کا دي تو .
- 22 صحابة عيسى نام يودس ، بوکن يودس اسکريوت ، نق ، اورغ لاين ، دي تاث عيسى کات : هق توانکو رویت ساعاني نق . جاري بالس مان ؟ فواقي کيت نق تيغوق بالس مان توانکو ، ده اورغ لاين تاء ليه تيغوق ؟
- 23 عيسى فون جواب : نق جاري بالس ني . اورغ هق کاسيه کا اکو ، دي نق بوات سموا اف ۲ هق اکو سوروه . توهن باف کو فون نق کاسيه کا اورغ تو ، فس اکو رغنا باف کو نق تورون دوق سکالي رغنا اورغ تو .
- 24 تافي اورغ هق تاء کاسيه کا اکو ، دي تاء بوات فرکارا هق اکو سوروه . سوروهن کو هق مو دوق رغرنبي ، بوکن هق اکو سنديري تافي باف کو ، هق هنتر اکو ماري کا دنيا ، دياله هق فسن فرکارا ني .
- 25 سموا فرکارا ني ، اکو رویت دوبو ، تکه اکو دوق اد لاکي رغنا فواقي مو .
- 26 تافي فنلوج تو ، يائیت روح سوچي هق توهن باف نق هنتر ماري گتي کو . بيلا دي ماري ده ، دي نق مثاجر ، نق بري ايغت سموا فرکارا هق اکو بياس رویت کا فواقي مو ده .
- 27 تکه اکو نق گي ني ، اکو نق بري سلامت سجهترا کا فواقي مو . سلامت هق اکو بري ني ، بوکن سلامت سروف هق اورغ دنيا .

نق ! جاغن مو دوق سوسمه هاتیله ! جاغن مو تاکوت !
 مو نثر ده هق اکو رویت کا فواق مو دولو کات : اکونق تیغکل
 گی، فس تو اکو نق ماری تمو دغن فواق مو فول . کالو مو کاسیه
 کا اکو سوغمکوه، تنتو مو نق براس سوک هاتی، بیلا مو دغر
 کات اکو نق کلیق کا تمفت باف کو، کران کواس هق سمنفرن
 دوق سام باف کو دسیتو .

29 اکو رویت فرکارا نی بلوم فد جاري لکی، فس بیلا سمفی ده فرکارا
 نی، مو نق بولیه فرچای .

30 لانی اکو تاءلیه کیچیق لام دغن فواق مو، کران هبیلیس هق
 دوق میرینته دالم هاتی مائنسی، نی نق ماری برلاون دغن اکو .
 سسوغمکوهن، نی تاءار کواس اف ۲ اتس دیری کو، عیسی کات .

31 کران اکو جوغ بوات بالس نی، توروت فرینته باف کو، انتوق
 بري تاهو کا سموا مائنسی دنیا، کات اکو کاسیه کا توهن
 باف کو سوغمکوه . سوده رویت بالس نی، عیسی کات کا صحابة ۲
 نی فول : ماریله کیت توبیت کی دیق نون !

باب 15 عیسی جانی فوهون جابیت، کیت جاري راهن

1 فس عیسی معاجر کا صحابة ۲ نی فول ، دغن عباره کات :
 اکو سندیریله جاري فوهون جابیت هق سوغمکوه . باف کو جانی
 توان کبون هق بلا فوهون تو .

2 راهن ۲ هق تاءتوبیت بواه، نی کرت کی تاهوچ . راهن ۲ هق
 توبیت بواه مولیق فون ، نی کرت سیکیت ۲ ، انتوق نق بري
 توبیت بواه کھور ۲ باپق لکی کوئ رافن .

3 فواق مو کا جاري سروف تو جوک ، عیسی کات . فرکتاں هق
 اکو رویت کا فواق مو نی ، بري هاتی مو چوچی سیف ده سروف
 راهن هق کا توتوه سائني .

لانی مو کا دوق سههاتی سپاوا دغن اکو، فس اکو نق دوق سههاتی سپاوا دغن مو، سروف داهن ۲ دوق سپاوا دغن باتغ ری. داهن هق فوتوس دغн باتغ دی تاءلیه توبیت بواه، کا دوق لکت دباتغ سغمور، باروله توبیت بواه. فوق مو فون سروف تو جوگ. مو کا دوق سههاتی سپاوا دغن اکو، بارو مو جاري اورغ هق توبیت بواه کفڈ توهن.

اکو اينيله فوهون جاببيت ساءني، عيسى کات. فوق مو جاري داهن ۲ کو. اورغ مان ۲ هق دوق سههاتی سپاوا دغن اکو، اکو فون دوق سههاتی سپلوا دغن ری، اورغ توله هق نق توبیت بواه کفڈ توهن. سبب مو تاءلیه بوات اف سکارا ملينکن دغن کواس اکو.

اورغ هق تاءسيير دوق سههاتی سپاوا دغن اکو، عيسى کات، دی سروف داهن هق کرت تاهوقد، دوق کريغ. فس اورغ امبيق کي بوات کايو افي، سود سکالي ری ماکن دافي هابيس.

تافي کالو مو جاري سههاتی سپاوا دغن اکو، فس تاروه فرکتائن کو نی دالم هاتی، فاكی سغمور، مو بولیه مینتا اف ۲، فس مو نق بولیه هق مو دوق مینتا تو.

تندا کات مو جاري انق مرید کوسوغکوه، مو کنا توبیت بواه باپق. بالس توله توهن باف کو بري اورغ بولیه نمفق کمليان ری دالم توبوه بدان فوق مو.

اکو فشكيل فوق مو جاري ساءين رافت دغن اکو

اکو کاسيه سايغ کا فوق مو، سروف توهن باف کو کاسيه سايغ کا اکو. مو کنا بلا کاسيه سايغ هق اکو بري تو.

کالو مو توروت سموا سوروهن کو، بالس توله مو نق بلا کاسيه سايغ هق اکو بري تو. اکو دغن باف کو فون جاري سروف تو جوگ. اکو دوق توروت ده سموا سوروهن ری، فس اکو تريمما

کاسيه ساعيئه يي سعمور.

11 فس عيسى کات لاگي: اکو رویت سموا فرکارا نی، نق بري مو سوک چيتا هق سمنرن، هق ماري درف دکو سنديري.

12 اينيله حکوم هق اکو لتق انتوق فواق مو. مو کنا دوق کاسيه مو اکو، سروف اکو دوق کاسيه کا فواق مو جوگ.

13 اورغ هق کاسيه رافت کاسائين ۲ يي، يي جوغ ريلا قربان پاوا کران سائين يي تو. تاءاد جالن لائين نق تنحوق کاسيه، لبيه قد نی لاگي.

14 فواق مو فون، کالو مو توروت اف ۲ هق اکو سوروه، مو جاري سائين رافت دفن اکو، عيسى کات. لفس فد هاري نی اکو نق فشكيل فواق مو نی، جاري سائين رافت دفن اکو، تاءفعكيل مو سروف همب ده! اورغ هق کرج جاري همب تاءتاھو توجوان هاتي توان يي. تافي فواق مو تاهو ده توجوان هاتي کو، کران سموا فرکارا هق اکو تريمما درف دباف کو، اکو سوده رویت ده کف مو.

15 بوکن فواق مو هق فيليه اکو، نق! اکو هق فيليه فواق مو. توجوان کو نق بري فواق مو توبیت بواه باپق، ياءيت بواه هق اد فاءيدہ بوات سلام ۲۰ اورغ هق توبیت بواه سروف نی بوليه مينتا اف ۲ دفن نام کو، فس توهن باف نق بري کا دې. اينيله حکوم هق اکو لتق انتوق فواق مو! مو کنا دوق کاسيه مو اکو سعمور.

اد اورغ هق نق بنجي کا فواق ۲ مرید عيسى

16 فس عيسى کات کا انق ۲ مرید دې فول: بيلا اورغ هق تاء سير کتل دشن توهن بنجي کا فواق مو، مو کنا ايغتلە، اورغ لاکو نی، بياس بنجي کا اکو دولو.

19 کالو مو ماسوق جاري فواق دې، يي نق برکتن کف مو، سيب

مو جاري بفسا دي جوگ . تافي اکو سوده فيليه فواق مو ، بري
توبيت دالم فواق تو . لاني مو بون فواق هق تاءٌ سير کل
تهن . سابيت تو ، دي بنچي کا فواق مو .

ایفته هق اکو رویت دولو ، عيسى کات . اورغ بوات کرج ، تاءٌ
جاري تيڠي کي فد توان دي . فواق هق تاءٌ سير کل توهن تو ،
دي بیاس بوات پان کا اکو . تنتو دي نق بوات پان کا فواق
مو جوگ : کالو دي تريما هق اکو دوق رویت کا دي ، هق مو
دوق رویت فون ، دي نق تريما جوگ . تافي دي تاءٌ سير تريما !
تنتو دي نق بوات فرکارا هق هوروه کا فواق مو ، کران مو جاري
فواق اکو . دي بوات بالس تو ، سابيت دي تاءٌ سير کل دغن
تهن ، هق سوروه اکو ماري کا دنيا دي .

کالو اکو تاءٌ ماري رویت اف ۲ کا فواق تو ، تنتو توهن تاءٌ امبيق
ساله اتس دي . تافي اکو ماري ده ، عيسى کات . فواق تو تاءٌ
لیه کات دي تاءٌ ساله !

اورغ هق بنچي کا اکو ، بنچي کا باف کو جوگ .

کالو اکو تاءٌ بوات بري فواق تو کلیه ، فرکارا هق ماۓنسی تاءٌ بیاس
بوات ، تنتو توهن تاءٌ امبيق ساله کا دي . تافي دي کلیه ده
هق اکو دوق بوات ، عيسى کات . فس ، دغن بنچي کا اکو فون ،
دي بنچي کا باف کو جوگ .

سوغکوه ، هق فواق تو بوات کف ده ، مستي کنا جاري ، ايکوت
ایات دالم کتاب تورات ، هق فواق تو سموا فکع . ايات نی کات :

فواق ۲ تو بنچي کا اکو ، دغن تاءٌ اراد سابيت اف ۲ .

تافي فد ماس فنلوج تو تورون ماري ده ، یاۓيت روح توهن هق
بری پات فرکارا هق سوغکوه چارا حال توهن ، دي نق جاري
سقسي چارا حال اکو جوگ . روح نيله اکو نق سوروه تورون درفه

باف کو، ماری کا فواق مو.
27 فس فواق مو فون نق جاری سقسی چارا حال اکو جوگ، کران
فواق مو دوق سکالی دغناں اکو دری مولا لائی.

باب 16
1 اکو رویت سموا فرکارا نی، عیسیٰ کات، کران ماس کوءِ رافن،
بیلا اور غرق بوات پان کفڈ مو، اکو تاءُ سیر بری مو فوتوس
فرچای کا اکو.

2 فواق ۲ نی نق لارغ مو، تاءُ بری ماسوچ دالم مسجدید هق
ری. فد ماس تو جوگ، اور غرق ماری بونوھ مو، ری سغک کات
ری بوات بالس تو، توهن برکن کا ری.

3 ری نق بوات سموا فرکارا نی کا فواق مو، دغناں سبب ری تاءُ کتل
دغناں توهن باف کو. فس دغناں اکو فون ری تاءُ کتل جوگ،
4 عیسیٰ کات. تافی اکو رویت سموا فرکارا نی، بلوم فد جانی لائی.
بیلا سمفی ماس ده، هق ری نق بوات پان نی، مو نق ایشت
سلالو کات، اکو رویت بری تاهو ده، دلوو.

روح توهن دیالہ فنولوغ هق توهن نق بری

فس عیسیٰ کات کا صحابة ۲ ری فول: مولا ۲ اکو تاءُ رویت
سموا فرکارا نی کا فواق مو، کران اکو دوق اد لائی دغناں فواق مو.
لانی سمفی ماس ده هق اکو نق تیشگل دنیا، کلیق کا ری هق
سوروہ اکو ماری. تافی تاءُ اد سورغ دالم فواق مو نق تاش اکو
کات: توانکو نق کی کان؟

6 فواق مو سموا فون براں سوسمہ هاتی ساخت، کران اکو رویت
بری تاهو سموا فرکارا نی۔ سسوغکوہن، عیسیٰ کات، هق اکو
تیشگل فواق مو کلیق نی، اد فاءُ یدہ بسر لائی انتوق مو. کالو
اکو تاءُ کی، فنولوغ تو تاءُ لیہ تورون ماری کا فواق مو۔ تافی،
بیلا اکو گی ده، اکو نق هنتر ماری سلالو فنولوغ تو.

8

بیلا ری سمعی ماری ده، نی نق بری اورغ هق تاءً کتل توهن
مفاکو کات نی سیلف ده . ساتو، ری سیلف چارا حال دوسا،
دوا، ری سیلف چارا حال فرکارا هق توهن کات بتول، فس تیگ،
ری سیلف جوگ چارا حال حکوم هق توهن نق جاتوه اتس سموا
اورغ هق بوات دوسا.

9

ساتو، فواق نی سیلف چارا حال دوسا، یاءیت دوسا هق ری
تاءً سیر فرجای کا اکو، عیسو کات.

10

دوا، ری سیلف چارا حال هق توهن کات بتول چارا حال اکو.
تندان، اکو نق بولیه کلیق کا تمفت توهن باف تو، فس مات
مو تاءً لیه نمفق اکو ده.

11

فس هق کتیگ فون، فواق نی سیلف جوگ چارا حال توهن نق
جاتوه حکوم، کران لانی توهن جاتوه حکوم ده اتس هیبلیس،
هق دوق مرینته دالم هاتی ماًنسی.

12

فس عیسو کات کا صحابة ۲ نی تو: اد باپق فرکارا لاکی اکونق
رویت کا فواق مو، تافی تاکوت مو تاءً دان نق ایفت، سموا
فرکارا نی، کران دالم ساعت.

13

تافی روح توهن، هق بری پات فرکارا هق سوگکوہ تو، بیلا
نی تورون ماری ده، نی نق فیمفین هاتیمو، بری ارتی سموا
فرکارا هق سوگکوہ. ری تاءً کیچیق دفن کواس نی سندیری .
نی نق رویت هق نی نغر ده درف دکو ساج . فس، ری نق
رویت بری چرف فرکارا ۲ هق توهن نق بری جاری، ماس دافن
کرج روح توهن نی، نی نق بری پات کات، اکوله هق مها
ملیا، عیسو کات، کران نی نق تورون کا فواق مو خبر هق اکو
بری کا نی ساج .

14

اف ۲ هق جاری میلیق باف کو، جاری میلیق اکو جوگ، عیسو
کات. سبب توله، اکو کات، روح تو نق ماری رویت خبر هق
مان اکو بری کا نی ساج .

سوک چیتا نغن دوک چیتا

فس عیسی کات کا صحابت ۲ ری: تاءلام لانگی، مو تاءلیه
 کلیه اکو ده. لفس فد تو تاءلام، مو بولیه کلیه اکو سمولہ فول.
 دالم فواق صحابة عیسی دسیتو، اد دوا تیک اورغ هق دوق
 کیچیق سام سندیری کات: کاف، هق ری رویت سائینی؟ ری
 کات: تاءلام لانگی کیت تاءلیه کلیه ری. فس ری کات: تاءلام،
 نق بولیه کلیه ری سمولہ فول. فس ری کات: نق جاری بالس تو
 سبب ری نق کی کا تمفت باف ری. کاف، تاءلام لانگی؟ ایه!
 کیت تاءارتی!

عیسی فون تاهو ده فرکارا ۲ نی، هق صحابة ۲ ری تاءبرانی نق
 تاش. سبب تو، عیسی کات کا صحابة ۲ ری: اکو کات، تاءلام
 لانگی مو تاءلیه کلیه اکو ده. فس اکو کات: تاءلام لانگی فواق مو نق
 بولیه کلیه اکو سمولہ فول. مو نق تاش اکو چارا حال نی، بوکن?
 فرهاتی باءیک ۲ له هق اکو نق رویت نی! عیسی کات. بیلا اکو
 کی ده تو، فواق مو نق ترباق مناغیس. فس، تکه تو، اورغ هق
 تاءسیر کل توهن نق براس سوک هاتی. تافي، مو نق دوق
 دوک چیتا سبنتر ساج، فس تو، مو نق براوبه جاری سوک
 سمولہ فول. فراسان مو جاری سروف اورغ بتینا، تکه ری
 ساکیت فروت نق برانق. ری براس سوسه هاتی سبنتر کران
 سمفی فریاغ ری کنا سیقسما تروق. تافي بیلا ری برانق ده،
 ری تاءایفت کا سیقسما تو لانگی، ری بالیق براس سوک هاتی
 فول، کران ری بولیه انق بارو.

فواق مو فون سروف تو جوگ، عیسی کات. لانی مو براس سوسه
 هاتی، تافي ماس رافن، بیلا اکو ماری تمو دعن فواق مو سمولہ،
 مو نق بالیق براس سوک هاتی فول. فس، مو براس سوک هاتی
 تو، تاءار سیاف بولیه ربوت ده کسوکائن دالم هاتی مو!

بیلا سمفی ماس تو، عیسی کات، فواق مو نق فهم سموا فرکارا،
تاء کا تان اف ۲ ده. فرهاتیله بائیک ۲، عیسی کات. اف ۲ فواق
مو دوق مینتا درف داف کو، سابیت مو دوق سهاتی دغن اکو،
داف کو نق بري سوغکوه.

امبیق دمولا ۲ هیشك سمفی لاني، فواق مو تاء بیاس مینتا، اف
سکارا دغن نام کو. لاني مو مینتا له! عیسی کات. فس مو نق
بولیه تریما، کران توهن نق بري فواق مو فنه سوک هاتی!

سموا هق بنچی کا توهن، ری کا هاله کا عیسی

فس عیسی هوبوغ فثاجران ری لائی کات: فرکارا ۲ هق اکو
بیاس رویت کا فواق مو، اکو رویت دغن بندیشن، عیسی کات،
تافي نق سمفی ماس هق اکو نق رویت دغن بتول، نق بري مو
ارتی سلالو، چارا حال داف کو، تاء فاکی بندیشن دق ده.
بیلا سمفی ماس تو، فواق مو بولیه مینتا، اف ۳ درف داف کو
دغن نام کو، عیسی کات. بوکن اکو کا مینتا دغن داف کو،
انتوق فواق مو، دق!

توهن باف سندیری کاسیه کا فواق مو، سابیت مو دوق کاسیه
کا اکو، فس سابیت مو فرچای کات اکو تورون ماري دتهن.

سوغکوه، اکو ماري دباف تو، فس اکو تورون ماري کا دنیا. لاني
اکو فون کنا تیغکل دنیا، کلیق کا تمفت باف کو سمولہ فول!

سوده دغز فرکتاں عیسی نی، صحابة ۲ ری کات: ها، هق توان
گورو کیچیق ساء نی بتول سوغکوه، تاء فاکی بندیشن ده. لاني
کیت فرچای ده کات تاء اد سکارا هابوق هق توان گورو تاء تاهو
بلوم فد کیت تان لائی، توانکو تاهو ده! سابیت توله، کیت
فرچای کات توان ماري درف دتهن سوغکوه!

عیسی فون کات: فواق مو بارو فرچای سوغکوه که؟
نق سمفی ماس، سسوغکوهن سمفی ده، هق فواق مو سموا نق

مچه کلیق کا رومه مو ماسیغ ۲، نق تیفگل اکو سئورغ. تافي سسونگووهن، اکو تاءً دوق سئورغ، کران باف دوق داغن اکو سعمور. اکو رویت سموا فرکارا نی بلوم فد جانی لائی، عیسی کات.

33 توجوان اکو، نق بري مو دوق سینغ، کران مو دوق سهاتی سپاوا رغن اکو. دالم دنيا، مو نق کنا سیقسما، نق کنا کسوواهن تافي هارفله کا اکو، رغن هاتی تتف! سموا دالم دنيا هق بنچی کا توهن، تنتو کنا هاله کا اکو! عیسی کات.

عیسی دوق بردعـا. انتوق سموا هـق جـانـی مـرـید ۲ بـرـی

1 هابیس ده هـق عـیـسـی نق رویـت کـا صـاحـابـة ۲ بـرـی، بـرـی فـون لـشـکـق نـاءـیـک مـیـنـتـاءـ دـعـا کـاتـ: یـا بـافـ کـوـ! سـمـفـی مـاسـ دـهـ، هـقـ اـکـوـ دـوقـ نـنـتـیـ. بـرـیـ اـکـوـ، اـنـقـ بـیـعـ سـاتـوـ نـیـ، نـاءـیـکـ کـا تـمـفـ مـلـیـاـ هـقـ اـکـوـ، بـارـولـهـ اـکـوـ بـولـیـهـ بـرـیـ پـاتـ، کـلـیـاـنـ هـقـ تـوـهـنـ بـافـ کـوـ کـاتـیـقـ!

2 بـافـ سـوـدـهـ بـرـیـ کـاـ اـکـوـ کـوـاـسـ اـتـسـ مـاءـنـسـیـ، اـنـتـوـقـ بـرـیـ هـیـدـوـفـ چـارـاـ بـارـوـ هـقـ بـافـ کـاـ سـمـواـ اـوـغـ هـقـ بـافـ سـوـدـهـ فـیـلـیـهـ بـرـیـ جـانـیـ مـیـلـیـقـ اـنـقـ مـوـ نـیـ.

3 اـینـیـلـهـ هـیـدـوـفـ چـارـاـ بـارـوـ هـقـ تـوـهـنـ، عـیـسـیـ کـاتـ. مـعـنـاـنـ مـاءـنـسـیـ بـولـیـهـ کـلـ دـغـنـ بـافـ، یـاءـیـتـ تـوـهـنـ هـقـ بـیـعـ سـبـنـرـ. فـسـ، بـولـیـهـ کـلـ دـغـنـ اـکـوـ عـیـسـیـ المـسـیـحـ، هـقـ بـافـ سـوـرـوـهـ مـارـیـ کـا~ دـنـیـاـ. یـا~ بـافـ کـو~! اـکـو~ بـرـی~ سـمـوا~ مـاءـنـسـی~ تـیـفـوـقـ کـلـیـاـنـ تـوـهـنـ دـاـتـسـ دـنـیـاـ نـی~، یـاءـیـت~ دـغـن~ بـوـات~ بـرـی~ سـوـدـه~ کـرـج~ هـق~ بـاف~ کـو~ سـوـرـوـه~. یـا~ بـاف~ کـو~! لـانـی~ بـرـیـلـه~ اـکـو~ تـرـیـمـا~ کـلـیـاـنـ هـق~ دـوق~ اـد~، رـافت~ دـغـن~ بـاف~ تو~، یـاءـیـت~ تـمـفـت~ مـلـیـا~ هـق~ اـکـو~ اـد~ دـغـن~ بـاف~ دـولـو~ فـد~ دـنـیـا~ جـانـی~ لـائـی~.

6 اـوـغـ هـق~ اـکـو~ بـرـی~ تـاهـو~ چـارـا~ حـال~ بـاف~ تو~، دـیـالـه~ اـوـغـ هـق~ بـاف~ فـیـلـیـه~ تـوـبـیـت~ دـالـم~ مـاءـنـسـی~ هـق~ تـاءـ کـل~ بـرـی~. مـوـلا~ ۲~، فـوـاقـ نـی~

- جاری میلیق باف . لفس تو ، باف بری کا اکو فول . فوق نی سموا سودہ توروت هق تاھو ده کات اف ۲ هق اکو اد ، بوکن هق اکو لانی فوق نی تاھو ده کات اف ۲ هق اکو اد ، سندیری رق ، تافی سموا هق باف کو بری بلاک . ۷
- کران سموا خبر هق باف بری کا اکو ، اکو فون رویت کا فوق هق جانی میلیق کو . فس دی تریما سلالو . دی تاھو کات سوگکوہ اکو ماری درفت توهن باف . میلیق کو نی فرچای ده کات بافلہ ، هق سوروہ اکو ماری کا دنیا ، دغنا کواس دی . ۸
- اکو مینتا ؟ رعا ، بوکن انتوق سموا مائنسی هق تاء سیر کل توهن ، رق ! اکو دوق مینتا ؟ انتوق اور غ هق باف بری جانی میلیق کو ساج ، کران فوق نی جانی میلیق باف کو جوک . ۹
- سموا فرکارا هق جانی میلیق کو ، جانی میلیق باف . سموا هق جانی میلیق باف فون ، جانی میلیق اکو جوک . فس ، دغنا کران فوق تو ، مائنسی نق بولیه تیغوک کملیان اکو . ۱۰
- لانی اکو رکت نق تیغکل دنیا ده ، تافی میلیق اکو دوق اد لانی دنیا . اکو فون تیغکل دی ، کلیق کا تمفت باف . ۱۱
- یا باف کو یئ سوچی ! جاگ دی بائیک ۲ دغنا نام باف ، یائیت دغنا کواس هق باف بری کا اکو . اکو نق بری میلیق کو نی دوق سهاتی سام سندیری ، سروف اکو دوق سهاتی دغنا باف جوک . ۱۲
- تکہ اکو دوق سکالی دغنا فوق هق جانی میلیق کو نی ، اکو جاگ دی دغنا کواس باف ، هق باف بری کا اکو . اکو دوق جاگ دی ، فس تاء هیلیغ سئووغ هابوچ ، ملینکن دی هق مستی کنا هیلیغ تو ، کران هق توهن رویت دولو دالم کتاب ، تنتو کنا جانی سوگکوہ . ۱۳
- لانی اکو نق کلیق کا باف کو ده . تکہ اکو دوق اد دنیا لانی اکو رویت سموا فرکارا نی ، نق بری میلیق کو تریما فنوہ دغنا

- سوک هاتي هق اکو بوليه بري .
اکو رویت حبر هق باف کا میلیق کو نی . اورغ هق تاءٰ سیر کل
تهن فون ، بنچی کا میلیق کو نی ، کران میلیق کو تاءٰ جاري
سفواق دغن فواق تو . سروف اکو تاءٰ جاري سفواق دغن فواق تو
جوگ .
يا باف کو ! بوکن اکو مینتاء نق بري باف باوء میلیق کو توبیت
دالم دنيا ، نق . اکو مینتاء نق بري باف جاگ ری باء یك
جاگن بري یي توروت کهندق هيبلیس !
میلیق کو تاءٰ جاري سفواق دغن اورغ هق تاءٰ سیر کل توهن ،
سروف اکو تاءٰ جاري سفواق دغن اورغ تو جوگ .
يا باف کو ! بري میلیق کو نی تریما هق سوغکوه دالم هاتي ،
سہیغک ری جاري اورغ هق سوچی انتوق کرج باف سعمور .
هق سوغکوه توله ، فرکتائن باف .
اکو سوروه یي توبیت کي کا سموا اورغ هق تاءٰ کل توهن دالم
دنيا ، سروف باف سوروه اکو ماري کا دنيا جوگ ، عيسى کات .
اکو سوچی ده انتوق کرج باف ، کران اکو کاسيه کا میلیق اکو
ني . فس اکو نق بري یي سوچی انتوق توهن سروف اکو نی
جوگ .

عيسى مینتاء دعا انتوق سموا اورغ هق فرچاي کا یي

- يا باف کو ! اکو مینتاء دغن باف ، بوکن انتوق میلیق کو نی
ساج ، تافي انتوق سموا اورغ هق ماري نق فرچاي کا اکو ماس
کوء راقن ، یا یت اورغ هق جوغ تریما حبر هق میلیق کو رویت
چارا حال اکو .
اکو مینتاء دغن باف نق بري سموا اورغ نی دوق سهاتي مو اکو .
يا باف کو ! بري یي دوق سهاتي دغن کيت کدوا ، سروف باف
دغن اکو دوق سهاتي سعمور . کران بالس تو ، سموا ماءٰ نسي

- نق معاکو کات توهن بافله هق سوروه اکو ماری کا دنیا .
کملیان هق باف سوده تورون کا اکو ، اکو فون سوده بڑی
کا میلیق کو جوگ ، فس نق بری نی سموا جانی سہاتی ، سروف
باf دغن اکو . 22
- اکو سہاتی دغن میلیق کو ، باf کو سہاتی دغن اکو ، فس
نق بری نی جانی ساتو هاتی سموا . بالس نیله ، اورغ هق
تا' کتل توهن فون ، نی کنا فرچای جوگ کات توهن بافله هق
سوروه اکو ماری کا دنیا . فس ، سا لاکی ، نی کنا فرچای کات
باf کاسیه کا میلیق کو ، سروف باf کاسیه کا اکو سندیری .
یا باf کو ! بافله هق بری فواق نی جانی میلیق کو ، فس
کھندق هاتی کو نق بری نی دوق سکالی دغن اکو ، انتوق
بولیه کلیه کملیان هق باf بری کا اکو ، کران باf کاسیه کا
اکو بلوم فد دنیا جانی لاکی . 24
- یا باf یعنی عادیل ! اورغ هق دوق اد دنیا تا' کتل دغن باf .
تافی اکو سندیری کتل ده دغن باf . فس میلیق کو نی بولیه
تاھو ده کات ، بافله هق سوروه اکو ماری کا دنیا . 25
- میلیق کو نی ، اکو بری نی کتل سوگکوہ ده دغن باf ، فس اکو
نق بری نی کتل لبیه فد نی لاکی . توجوان اکو ، نق بری نی
تاھو دالم هاتی کات ، ستارا مان توهن باf کاسیه سایع کا
اکو ، ستارا تو جوگ توهن کاسیه سایع کا دی . فس اکو نق
بری نی تاھو جوگ کات اکو دوق سہاتی دغن نی سعمور . 26

عیسو کا ایکت

باب 18

- بیلا عیسو سوده مینتا' رعا نی ، نی تیغکل رومہ تو ، کی
سکالی دغن صحابة ۲ نی توجو کی کا تمفت اد کبون ، بالیق
سان چورق قیدرون . فس عیسی دغن صحابة ۲ نی ماسوق دالم
کبون تو . 1

يوس هق درهاك کا عيسى فون تاهو ده تمفت تو، کران عيسى
کي دسيتو سلاريه دغن مرید ۲ لي.

سابيت تو، يوس باوا عسکر دغن کتوا ۲ اورغ جاك دبيت المقديس
کي کا کبون تو. جاري، فوق امام بسر دغن فوق فريسي فاكت
سوروه فوق ۲ تو کي ايكت عيسى. لي سموا باوا کريں لمبيع،
فس اد دامر دغن فليتا لومبوج باوا کي جوگ.

فركارا هق نق جاري کا لي نی، عيسى تاهو ده. سابيت تو، لي
باخون تان فوق هق ماري نق ايكت لي کات: مو ماري نق چاري
سياف؟

فوق هق ماري تو جواب کات: کيت دوق چاري عيسى، اورغ
كمفوغ نصرة! عيسى جواب فول: اکوله لي!

يوس هق درهاك کا عيسى سائني، دوق اد دالم فوق تو کاتيق.
بيلا عيسى کات: اکوله لي! فوق تو سموا ترهوندور، فس ربه
ترلنئن.

فس، عيسى تان سکالي لاکي: سياف لي مو دوق چاري تو؟ فوق
تو فون جواب: کيت دوق چاري عيسى اورغ كمفوغ نصرة!

عيسى کات فول: اکو رویت ده کات: اکوله لي. کالو مو دوق
چاري اکو سورغ، سائين ۲ اکو نی، مو کنا لفس کي!

عيسى کات بالس تو، نق بري فركتائن لي دولو جاري سوڠکوه
بيلا لي کات: يا باف کو! فوق هق باف بري جاري ميليق کو
تا هيلغ سورغ هابوق.

ساتو اورغ صحابة عيسى نام صيمون فيتروس، اد فدغ سبيله.
لي فون چابوت فدغ تو، تاکير سورغ فوق فاق امام بسر، کا

تلیغا کانن فوتوس. نام اورغ هق کا تاکير تو، ملکوس.

بيلا عيسى تيفوق فيتروس بوات بالس تو، لي کات سلالو:
بوبوه ساروغ کليقله فدغ مو! سموا کسيقسائن هق باف بري
جاري کا اکو، اکو جوغ ريلا تريما، سروف بارغ هق فاهيت

دالم چاون، هق اکو کا ماکن. بالس مان اکو تاء جوغ تريما
هق ني بري تو؟ تنتو اکو کا چوغ!

لفس تو فواق عسکر رغن کتوا ني، سکاللي رغن اورغ يهوري

12

هق جاگ بيت المقدس تو، کي ايکت عيسى ايکت تاغن ني.

13

فس باوا ري کي کا رومه حناس دولو. حناس ني جاني توء منتوا

14

قيافس، هق جاري امام بسر اورغ يهوري فد تاهون تو.

جاري قيافس ني هق اد کيچيق دولو، کات: فد سموا فواق کيت

15

ماتي، بايك بري ني ماتي سورغ گنتي کيت.

فيتروس بوهوج کات تاء کل عيسى

صيمون فيتروس سکاللي رغن صحابة عيسى سورغ لاکي،

15

توروت عيسى کي تکه ني کا ايکت تو. صحابة سورغ لاکي تو

کل رغن امام بسر. ني فون ماسوق دالم هلامن رومه تو.

16

تافي فيتروس تاء ماسوق، ني روق لوار فد فيندتو گريغ لاکي.

سبب نيله، صحابة هق کل رغن امام بسر تو، توبیت کي

کيچيق رغن اورغ بتينا هق روق توغکو فينتو تو. فس صحابة

تو فون باوا فيتروس ماسوق هلامن رومه سلالو.

17

اورغ بتينا هق روق توغکو فينتو تو فون تان فيتروس: چي؟ ني

بوکن ساءين عيسى تو، بوکن؟ فيتروس جواب سلالو کات: بق!

18

فد ماس تو، سمني فرياغ سجوق ده. اورغ روق بوات کچ

درومه تو فون سکاللي رغن فواق کتوا عسکر، روق فيفت افي

رغن هارغ، فس سموا تو فاكت نوق برياغ دكت افي. فيتروس

فون روق برياغ سکاللي رغن فواق تو جوگ.

توء امام بسر اوصول تان عيسى

لفس فد تو، امام بسر تان عيسى چارا حال مرید ۲ ني،

19

- فس نق تاهو بالس مان فغا جران عيسى .
عيسى فون جواب کات : امب دوق مغاجر دافن مات سموا اورغ
دالم مسجید اورغ يهوي ، فس دالم بيت المقدس ، تمفت اورغ
دوق برهيمفون سعمور ۲۰ . امب تاء ببياس اجر دفن سوسوف .
باًاف توان تلش امب فغا جران لاکو مان ؟ باًيلك توان کي تاش
اورغ هق دوق دغر سعمور ، بالس مان امب اجر يي . يي فون
بوليه رویت سلالو !
- عيسى رویت بالس تو ، اد کتوا عسکر سورغ دوق اد دکت
عيسى . اورغ ني فون تمفر موک عيسى ، بلغ ۲ تاش کات : کان مو
براني جواب کا امام بسر بالس تو ؟
- عيسى فون جواب : کالو اکو کيچيق بوهوج ، مو بوليه ادو کو ،
برى سموا اورغ تاهو . تافي اکو کيچيق هق بتول ساج . باًاف
مو سدف تمفر موک اکو ؟
- لفس تو ، حناس سوروه عسکر باواء عيسى کي کا رومه قيافس ،
هق جاري امام بسر . تکه تو ، عيسى کنا ايكت تاغن لاکي .

فيتروس کات يي تاء کتل عيسى سکالي لاکي

- فدياس تو ، فيتروس دوق بردیاغ افي لاکي . فس اورغ هق
دوق دسيتو کات کا فيتروس : مو بوکن صحابة عيسى تو بوکن ؟
فيتروس فون جواب سلالو کات : دق سکالي !
- لفس تو ، اد ساتو اورغ هق دوق بوات کرج درومه امام بسر .
اورغ ني جاري اديق براديق دفن اورغ هق فيتروس تاکير تليغا
تاري . اورغ هق بوات کرج تو فون کات : اکو تيغوق مو دفن
عيسى تو دوق دکبون بوکن ؟
- فيتروس کات : دق ، بوکن اکو ! بلغ ۲ يي دوق کيچيق بالس
تو ، ايم فون برکوكق سلالو .

عيسي دوق هارف فيلاتوس

- فواق كتوا ٢ فون باوا^١ عيسى امبيق درومه قيافس کي سمنفي
کا کوت توء حاكيم هق کراجاءن روم . فد ماس تو ، ديني هاري
ده . اورغ يهوري تاء سير ماسوق دالم کوت ، سابيت دي مالس
نق برچوچي سمول ، کران ماس نق ماکن جاموان هاري راي
فسخر نق سمنفي ده .
- سابيت توله ، توء حاكيم فيلاتوس توبيت دکوت کي کا تمفت
اورغ يهوري دودوق ، فس تان دي : نق ادو بالس مان اورغ ني ؟
- اورغ يهوري جواب : کالو دي تاء ساله ، تنتو فواق کيت تاء باوا^٢
ري ماري مفهارف توان !
- فيلاتوس کات : فواق مو بوليه امبيق دي حکوم ايکوت اتوران مو
سنديري ! کتوا اورغ يهوري ساءني فون جواب : تافي کراجاءن
روم تاء بري اورغ يهوري کيت جاتوه حکوم بونوه اتس اورغ بونک ؟
- سسوغکوهش ، عيسى رویت ده دلوو ، چارا حال جالن اورغ نق
بونوه دي بري ماتي . سابيت تو ، اورغ يهوري کنا رویت کا
فيلاتوس بالس تو ، نق بري جاري سوغکوه هق عيسى رویت
دلوو تو .
- فس تو ، فيلاتوس ماسوق دالم کوت فول . فس دي فشكيل عيسى
ماري مفهارف دي . فيلاتوس فون تان عيسى : مو جاري راج
اورغ يهوري سوغکوه کا دق ؟
- عيسى کات : توان سنديري تان نق تاهو سوغکوه که ؟ اتوا اورغ
لاءين رویت چارا حال امب ؟
- فيلاتوس جواب : اکو دي اورغ يهوري که ؟ دق ! جاري بخسا
يهوري مو سنديري ، فواق امام بسر ، جيلا هق سره مو کا اکو .
مو ساله بالس مان ؟
- عيسى کات : کراجاءن امب تاء سروف رغن کراجاءن دنيا ني .

کالو جاری کراجائے ردنیا ، تنتو فواق امب نق لاون ، تاء بري
 امب سره پاوا کا کتوا یهوری . دق ! کراجائے امب دلائین .
 37 فیلاتوس تان عیسی فول : کالو کیتو ، مو جاری راج سوغکوه که ؟
 عیسی جواب : توان کات امب جاری راج . توجوان امب برانق
 ماري ردنیا یاء یت نق رویت فرکارا هق سوغکوه چارا حال توہن
 اورغ هق معاکو کات ، هق امب رویت تو سوغکوه ، اورغ تو
 بولیه تریما خبر هق امب باوا ماري .
 38 فیلاتوس تان : فس ، بالس مان هق سوغکوه تو ؟

اورغ یهوری مینتا بري لفس برابس

لفس تو ، فیلاتوس توبیت دکوت کی کا تمفت اورغ یهوری
 دو دوق فول . فیلاتوس رویت کا ری : تاء اد سبب کیت نق جاتوہ
 حکوم کات عیسیو نی ساله ! تافی ایکوت عادۃ فواق مو ، فد
 39 هاری رای فسحرن مو بولیه مینتا دغن اکو ، بري اکو لفس ساتو
 اورغ هق اکو ایکت ده . فس تاهون نی ، مو نق بري اکو لفس
 اورغ نی هق جاری راج اورغ یهوری که ؟
 فواق اورغ یهوری تو فون فاکت مناؤغ دغن سوارا درس کات :
 دق ! کیت تاء سیر بري عیسی تو لفس . بري لفس برابس !
 برابس هق اورغ مینتا بري لفس تو ، ری اورغ فپامون .

فیلاتوس چاری کسلاهن عیسی ، تاء تمو

باب 19

لفس تو ، فیلاتوس سوروہ عسکر کی فیات عیسی دغن تالي
 2 بلولع . فیات سوده ده ، فواق عسکر فون امبيق دوري ، هاپ
 بوات مھکوت ، فس کی لتق اتس کفلا عیسی . فس نی کی یاکی
 عیسی دغن باجو جوبہ کاتیق ، هق چھیا بیرو بوتیر ستر ،
 نق بوات سروف راج .

- لفس تو، فوق عسکر بوات لولق مغهارف کا عيسى ، کات: 3
 برجا ياله راج اورغ يهوري ! فس تو، نی کي تمفر ۲ عيسى .
- فيلاتوس فون توبيت دالم کوت سکالي لاکي . نی رويت کا اورغ 4
 رامي کات: اکو نق باوا عيسى توبيت ماري کو لوار نی راقن
 فوق مو، نق بري مو تاهو کات، اکو چاري کسلاهن نی تائمو.
- عيسى فون توبيت ماري کو لوار. تکه نی توبيت تو، نی روق 5
 فاکي مهمکوت دوری رغن باجو جوبه تو لاکي . فس ، فيلاتوس
 رويت کا اورغ رامي کات: تيفوقله نی !
- بيلا فوق امام بسر رغن فوق هق جاگ دبیت المقدس تو، 6
 کلیه عيسى ، نی فاکت مناوغ سلالو رغن سوارا درس ، کات :
 فاکو ! فاکوله نی دکایو امفت چابغ تو ! فيلاتوس فون
 رويت کا اورغ رامي فول : مو سنديريله امبیق نی کي فاکو دکایو
 امفت چابغ تو، سبب اکو چاري کسلاهن نی تاء تمو !
- کتوا اورغ يهوري فون رويت کا فيلاتوس : ايکوت حکوم دالم كتاب 7
 کيت ، فاتوت نی کنا حکوم بونوه، سبب نی کات نی انق توهن .
 بيلا فيلاتوس بغر فركتائن اورغ يهوري نی ، نی براں گوبر
 دالم هاتي . نی فون ماسوق دالم کوت سکالي لاکي فول ، فس 8
 نی تاش عيسى : مو ماري دمان ؟ تافي عيسى تاء جواب . 9
 فيلاتوس فون رويت کا عيسى فول : باءاف مو تاء سير جواب ؟
 مو تاء تاهو که ، کات اکو اد کواس بوليه بري مو لفس ، اتوا 10
 بوليه بري مو کنا فاکو دکایو امفت چابغ ؟
- عيسى جواب کا فيلاتوس : کواس توان نق بوات کا امب ، بوکن 11
 کواس هق توان سنديري ، ندق ! کواس هق ماري دتوهن بلاک !
 سبب توله ، اورغ هق سره پاوا امب کفڈ توان نی ، اورغ تو
 ساله باپق لاکي فد توان .
- بيلا فيلاتوس بغر هق عيسى رويت سائني ، نی روق چاري جالن 12
 نق بري عيسى لفس . تافي فوق کتوا اورغ يهوري مناوغ تاء

فوتوس، كات : كالو توان بري اورغ نيء لفس، تنتو توان تاء
جارى ساءين دفن مهاراج دنگري روم ! كران اورغ نيء تيمبول
ماري كات ديري رى جاري راج ، معنانش رى درهاك كا مهاراج
تو !

فيلاتوس جاتوه حكوم بونوه عيسى

بيلا فيلاتوس بغرا فركتائن رى تو ، دى باوا عيسى توبيت
رالم كوت سكالي لانگي . فيلاتوس فون كى دودوق اتس كريسي
توء حاكيم ، دتمفت نام لنتي باتو مرمر . دفن بهاس عبراني ،
فشكيل تمفتش تو كابات .

فدا ماس تو ، دكت نق سمبفي فوكول دوا بلس تغه هاري ده ،
ياء يت هاري بلوم فد هاري راي فسخر . فيلاتوس فون رويت
كا اورغ يهوي هق دوق سيفتو ، كات : تيغوقله ! اينيله راج مو !
تافي فوق توجواب دفن سوارا درس : بونوه رى ! بونوه رى
برى ماتي ! فاكو رى دكايyo امفت چابع ! فيلاتوس فون تان رى
فول : مو نق بري اكوا فاكو راج مو دكايyo امفت چابع كه ؟
فواق امام بسر جواب سلالو كات : رى بونوه راج كيت ، دق !
كيت تاءدار راج ده ، ملينكن مهاراج دنگري روم !

لفس تو ، فيلاتوس سره عيسى كا فوق عسکر ، بنز بري رى فاكو
عيسى دكايyo امفت چابع .

اورغ فاكو عيسى دكايyo امفت چابع

اورغ تو اميقي عيسى سوروه رى فيكول هيريت كايyo امفت
چابع تو ، توبيت كى سمبفي كا تمفتش هق اورغ فشكيل بوكيت
تشكورق . دفن بهاس عبراني اورغ فشكيل بوكيت تو : گولگوث .
سمبفي دسيتو ، اورغ فاكو عيسى دكايyo امفت چابع . اد اورغ
ساله دوا اورغ لانگي ، هق كتا حكوم بونوه سكالي دفن عيسى ،

فاکو رکایو امفت چابغ جوگ، سئورغ بالیق کیری، سئورغ لائکی بالیق کانن. عیسیٰ دوق دتفه. فیلاتوس فون بوات نوتیس، کی فاکو داتس فد کفلا عیسیٰ. 19 نوتیس تو کات:

اینیله عیسیٰ، اورغ نصرة، هق جانی راج یهوری

20 تعرفت عیسیٰ کا فاکو سائني دکت لعن کوت جروسلیم. سبب تو، اورغ یهوری باپ ماری باچ نوتیس تو، هق تولیس تیگ بهاس، عبرانی، روم، گریک.

21 نفس تو، فواق امام بسر تو رویت کا فیلاتوس: جاغن توان تولیس: اورغ نی جاري راج یهوری! هق تو تاءکنا. باءیک تولیس: اورغ نی کات نی جانی راج.

22 تافي فیلاتوس جواب کا نی: هق اکو تولیس تو تاءلیه اویه ده!
23 بیلا فواق عسکر سوده فاکو عیسیٰ ده رکایو امفت چابغ تو،
نی فون امبیق فکائین عیسیٰ، باکی بوات امفت بکیان، سئورغ سکیان. باجو لا بوه عیسیٰ فون، نی امبیق جوگ تافي باجو لا بوه تو، تاءدار جاهیت برھوبوغ، تافي نی تنون امبیق داتس سمنی کا باوه.

24 فواق عسکر فون کیچیق سام سندیری کات: جاغن کیت سویق باجو تو. باءیک کیت بوات اوندی نق تاهو بولیه کا سیاف!
هق نی بوات نی جانی سوغلکو، سروف ایات دالم کتاب دولو، هق سبوت کات:

کائین باجو اکو، نی امبیق بھاکی سام سندیری.
فکائین کو، نی بوات اوندی نق تاهو بولیه کا سیاف.

فواق عسکر فون بوات بالس تو.

تکه تو، اد اورغ بتينا امف اورغ هق دوق برديري ركت کايو
 25 امف چايغ عيسى تو، ياءيت مق عيسى سئورغ، مق سوردارا
 عيسى سئورغ، مريم بياني گليوفس سئورغ، فس مريم اورغ مقدالا.
 26 عيسى تيفوق مق لي دوق سيتتو، دفن صحابة لي تو هق
 رافت سکالي. عيسى فون رویت کا مق لي، کات: مق! توله
 27 انق مق! فس، عيسى رویت کا صحابة تو فول کات: اديق!
 توله مق اديق! جق ماس تو، صحابة تو باوا مق عيسى کي
 دودوق درومه لي.

عيسى ماتي سوغکوه

سمفي سكت توله، عيسى تاهو ره کات سموا فركارا هق
 28 توهن سوروه بوات، لي بوات دفن چوکوف سمنفرن ره.
 تافي عيسى نق بري جاري سوغکوه سروف ايات دالم كتاب.
 سابيت تو، لي کات: اکو لافر اير!
 اد جلوق دسيتو، هق بوه اير بوه جابيت ماسم، هق موره
 سکالي. فس، اورغ دسيتو بوبوه کنه سفريغ دالم اير بوه
 جابيت تو، اگكىت نائيك، چوچوق دراهن کايو نام هوسوف
 هولور کا مولوت عيسى بري لي ايسف.
 عيسى فون ايسف اير بوه جابيت تو، فس تو لي کات:
 30 سلسى ره! فس تو، لي تندوق ک فلا، سود پاوا لي.

اورغ تيكم دتولغ روسوق عيسى

هاري تو کنا هاري جمعة، هق اورغ يهوي سيمفن سيف
 31 سموا فركارا انتوق هاري سبتو، هق بوات راي بسر سکالي.
 کتوا اورغ يهوي فون کي مينتا، دفن فيلاتوس، سوروه فواوق
 عسکر کي کاتق بري فاته، تولغ کاكى تيک اورغ هق دوق فاكو

- تو، نق بري دي ماتي، بوليه امبيق مايت تورون سلالو،
سابيت دي تاءٌ سير بري دوق سيتتو، سمفني کا هاري راي. 32
- فيلاتوس فون سوروه عسکر کي ايکوت کهندق اورغ يهوني تو،
فواق عسکر فون کي کاتق تولغ کاكى اورغ ساله هق مولا تو،
فس تو اورغ ساله هق کدوا، هق کنا فاكو سکالي دفن عيسى. 33
- تافي، بيلا دي سمفني کا تمفت عيسى، دي تيغوق عيسى ماتي ده.
سابيت توله، فواق عسکر تاءٌ کاتق کاكى عيسى، سروف دوا
اورغ تو، دق. 34
- تافي سئورغ دالم فواق عسکر تو تيکم عيسى دچله تولغ روسوق
دفن لمبيع دي، فس توبیت داره دفن اير.
- اورغ هق رویت فرکارا ۲ ني، دي بوليه نايك سقسي کران دي 35
دوق اد دسيتو، تکه ماس فرکارا ني جاري. دي رویت نق بري
فواق مو سموا فرچاي کاتيق.
- سسوغکوهن، فرکارا ني مستي کنا جاري، ايکوت ايات دالم
كتاب هق رویت بالس تو دلو، کات: 36

تولغ دي اورغ تاءٌ بري فاته سفونتoug هابوق.

- فس، اد ايات دالم كتاب سا لاگي، هق سبوت کات: 37
- فواق هق تيکم دي تو، نق بوليه تيغوق دي فول
ماس کوء دافن.

اورغ امبيق مايت سيمفن تاروه دالم قبور

- لفس فد تو، یوسف هق ماري دکني اريمتيما، کي مفهارف
فيلاتوس، مينتاً نق امبيق مايت عيسى. یوسف ني جاري
اورغ هق توروت عيسى دفن سوليت، سبب دي تاکوت کا کتوا 38

اورغ يهوري. فيلاتوس فون بنر کا يوسف هق يي مينتا تو،
فس يوسف امبيق مايت کي.

اد سئورغ لاکي نام نيقوديموس ، اورغ هق کي تيفوق عيسى
وقتو تغه مالم دولو تو. يي فون باواه او بت لبيه کورغ ليم فولوه
کيلو ، هق نق بوات بويه دمايت ، تاءسيير بري باهه بوسوق .
نيقوديموس تو فون کي تولوغ يوسف امبيق مايت عيسى ، باواه
کي باروت رهن کاهين کفن سکالي رهن او بت ساعني . ايکوت
اتوران اورغ يهوري ، کنا سيمفن مايت بالس تو .

دتمفت عيسى کا حکوم بونوه تو ، اد کبون . فس دالم کبون
تو اد ساتو گوا هق سيف ده نق بوات قبور ، تافي اورغ تا
بياس تاروه مايت دسيتو لاکي .

سابيت هاري تو کا سيمفن سيف سموا فركارا ، کران هاري
ميغکو ، فس سابيت قبور تو دوق دكت رهن تمفت عيسى ماشي ،
دوا اورغ ساعني فون تاروه مايت عيسى دالم گوا تو .

قبور کوسوغ

باب 20

دينی هاري هاري احد ، بلوم چره لاکي ، مریم هق اورغ
فشکيل مقدالا تو ، يي کي کا قبور . سمفی کا قبور ، يي
تيفوق باتو بسر هق کاتوف فينتو قبور تو ، ترکوليغ توبیت
ده ، فد موک فينتو .

مریم فون کي کاروه کا تمفت دودوق صيمون فيتروس ، رهن
صحابة سئورغ لاکي ، يي هق رافت سوڠکوہ رهن عيسى تو ، فس
مریم رویت کا اورغ دوا اورغ تو ، کات: دیما امبيق ده مايت
تون گورو کيت دقبور ، فس اکو تاءناهو دیما لتق دمان؟
بیلا يي رغې بالس تو ، فيتروس رهن صحابة سئورغ لاکي تو ،
توبیت کي کا قبور سلالو . فس يي کدوا هوغلل ، تافي سئورغ
تو ، يي سمفی دولو فد فيتروس ، سبب يي هوغلل درس .

- 5 نی فون جفووق تیغوق دالم قبور، نمفق کائين فوتیه ، هق
بوات بوغکوس مايت تو دوق اد ، تافي نی تاء ماسوق دالم .
سبنتر لاکی، فيتروس فون سمفی . نی ماسوق دالم قبور سلالو .
6 نی تیغوق کائين کفن دوق اد دسيتو، سکالی رغن کائين
باروت کفلا عيسى . کائين نی فون دوق گولوغ سوكو رغن
7 کائين کفن ساء نی تو .
لفس تو ، صحابت هق سمفی کا قبور دولو تو ، نی فون ماسوق
جوگ . فس نی تیغوق تو ، فرچای سلالو .
8 فد ماس تو ، اورث تاء ارتی لاکی چارا حال ایات دالم كتاب هق
سبوت کات عيسى کا هيدوف کلیق دری قبور .
9 لفس تو ، صحابة عيسى کدوا تو فون کلیق کا رومه .
10 عيسى بری مریم نمفق نی

- 11 تکه تو ، مریم فون دوق تریاق دافن قبور . بلغ ۲ ری دوق
تریاق تو ، نی جفووق تیغوق دالم قبور .
12 فس نی نمفق ملائیکة دوا اورث ، هق فکاین فوتیه ، دودوق
دمفت مايت عيسى دوق دولو ، شورغ رکفلا ، شورغ رکاکی .
ملائیکة نی فون تان مریم : با اف میق دوق تریاق ؟ مریم فون
13 جواب : اورث امبیق مايت توان گورو امب ، کی لتق دمان تاء
تاهو !
14 مریم جواب بالس تو ، فس نی فالیغ تیغوق نمفق عيسى دوق
بردیری رافن قبور ، تافي نی تاء چم کات اورث نی سیاف .
عيسى تان نی : میق ! با اف میق دوق تریاق ؟ میق دوق چاری
سیاف ؟ مریم گامق کات اورث نی جانی اورث کرج دالم کبون تو .
مریم فون تان نی : کالو فق چیک امبیق مايت عيسى کی ، تولوغ
رویت کا امب ، فق چیک لتق ری دمان ، فس امب نق کی امبیق

مايت تو !

عيسي فون سبوت نام يي گات: مريم ! فس مريم فالينغ کاعيسى
فشكيل رى لفن بهاس عبراني سلالو، گات: ربّوني ! معناث،
توناکورو!

عيسي فون رویت کا رى، گات: مريم، جاغن فکع اکو ديه!
سبب اکو تاءار نائیک کا تمفت باف کو لاکي. تافي مو گي،
رویتلہ کا ادیق برادیق کو گات: لاني اکو نق نائیک کا باف کو
حق جاري باف مو جوگ. اکو نق نائیک کا تمفت توهن کو
حق جاري توهن مو جوگ !

مريم مقدالا تو فون، گي رویت کا صحابة ۲ عيسى گات: امب
نمافق ره، ربّي عيسى ! فس مريم رویت حق عيسى فسن کا
ري سلالو.

عيسى بري صحابة ۲ رى نمافق توبه يي

بيلا سمنفي تغه مالم، مالم اسنین تو، صحابة ۲ عيسى فون
دوق برھيمفون درومه اورغ. رى کاتوف فينتو سموا، فس سلق،
کران فواق رى سموا تاکوت کا کتوا ۲ اورغ یهوري. تييا ۲ عيسى
ماري دوق برداري دتعه ۲ فواق رى. فس رى گات: سلامتلہ !
ادیق برادیق کو سموا !

لفس عيسى گات بالس تو، رى فون تنجوچ تاغن لفن روسوق
کا صحابة ۲ رى سموا. صحابة عيسى فون براں فنوه سوك
ھاتي، کران سوده نمافق ربّي عيسى .

لفس تو، عيسى رویت کا رى سکالي لاکي، گات: سلامتلہ اتس
ادیق برادیق کو سموا ! توهن باف سوروه اکو ماري رویت
خبر بائیک کا سموا ماۓنسی دننيا. اکو فون سوروه فواق
مو، گي رویت خبر بائیک نى کا سموا ماۓنسی، سروف تو جوگ !
لفس تو، عيسى همبوس نفس اتس فواق رى، لالو گات: تریماله

روح توهن دالم هاتي !

اورغ مان ۲ هق بوات دوسا، كالو فواق مو معاف کا نی، تنتو
نی نق بولیه امfon دوسا نی . تافي اورغ مان ۲ هق بوات دوسا،
کالو فواق مو تاء معاف کا نی، اورغ تو له کا تغکوغ دوسا
نی لاکی .

عيسو لغن تومس

فواق صحابة ۲ عيسو دوا بلس اورغ تو، اد سورغ هق نام
تومس، تاء اد تکه عيسو ماري تو. تومس نی، هق اورغ گلر
فعکيل اديق كمبر.

بیلا نی ماري ساءین ۲ نی رویت کات: کيت تموده لغن ربی
عيسى! تافي تومس کات: کالو اکو تاء لیه تیغوق تاغن نی،
بکس اورغ فاكو، تاء جامه فاروت نی لغن جاري کو سنديري،
تاء جامه دلوبغ روسوق دولو، اکو تاء فرچاي لاکی!

لافن هاري لاکی، صحابة ۲ سموا دوق دالم رومه تو فول. تومس
فون دوق اد جوگ . فينتو سموا فون سلق هابيس. فس عيسى
ماري دوق برديري تغه ۲ فواق نی سکالي لاکی . عيسى کات:
سلامته اديق براديق کو سموا!

فس نی فالیع کا تومس، سوروه نی لاکی نی، کات: ماري جامهله
لغن جاري مو! تیغوقله تاغن اکو نی! هولور تاغن مو، جامه
لوبغ روسوق کو، فس جاغن مو شک هاتي لاکی . مو بولیه
فرچاي سلالو!

تومس فون جواب کات: يا ربی کو! يا توهن کو!

عيسو کات کا نی فول: مو فرچاي که، لغن سابیت مو تیغوق
اکو بالس نی. اورغ هق تاء لیه تیغوق توبوه اکو، تافي
فرچاي جوگ ، اورغ تو براونتوغ لبیه لاکی فد مو!

توجوان کتاب يحييا نی

عيسو بوات فرکارا عجائیب باپق فرکارا لاکی، هق صحابة ۲
 بی کلیه، تافی هق تاءٰ در تولیس دالم سورت نی . تافی
 فرکارا ۲ هق اد تولیس دالم سورت نی، توجوان بی نق بری
 ادیق کاکق هق باج ، فرچایی کات عیسی جاری المسيح ، هق
 توهن هنتر تورون جاری جورو سلامت ماءٰنسی، یائیت انق
 توهن . فس رغن فرچایی بالس نی، نق بری ادیق کاکق تریما
 هیدوف چارا بارو هق توهن ، رغن سبب عیسی نی .

باب 21 عیسی بری نمفق توبوه بی دتفی لاً و تبیریاس

لفس فد تو فول، عیسی بری نمفق کا صحابة ۲ بی سکالی
 لاکی ، دتفی لاً و تبیریاس . فس جاری بالس نی .
 1 صیمون فیتروس دوق رغن تومس، هق اورغ کلر ادیق کمبر تو.
 2 نتانعیل دکمفوغ کسعا دالم نگری کاللیل ، دوا برادیق انق
 زبلی ، رغن صحابة عیسی دوا اورغ لاکی. سمواش توجوه اورغ
 دوق سکالی .
 3 صیمون فیتروس کات کا فوق تو: اکو براں نق کی موکت وید!
 فوق تو ستوجو کات: ها سوغلکوہ . کیت براں نق کی جوگ !
 فس سموا فوق تو نائیک فراھو کی . بی دوق دالم لاً و
 سملامن ، تاءٰبولیه ایکن سئیکور هابوق .
 4 فاکی ایسوق ، عیسی ماری دوق دتفی فنتی ، تافی فوق ساءٰ نی
 تاءٰ چم لاکی کات عیسی .
 5 فس عیسی فٹکیل فوق تو: هي فوق مو ! مو بولیه ایکن کارق?
 فوق تو جواب: دق ! تاءٰ بولیه سئیکور هابوق !
 6 عیسی فون سوروه بی کات: هي ، مو لابوه فوکت سبله کانن فول
 له ، بارو نق بولیه ایکن !

ري فون توروت هق عيسى سوروه ، فس فوق لي سموا تاريق
فوكت تاءرق ، كران ا يكن ماسوق باپق بدده .
فس صحابة هق رافت دغن عيسى تو ، لي رويت کا فيتروس کات:
جيلا ! عيسى ، ربّي کيت ! بيلا صيمون فيتروس دغر کات اورغ تو
عيسى ، لي فون تركم امبيق کائين ، ا يكن فيشكع لي گادوه ۲۵
کران بلوم فد بوات کرج ، لي چابوت کاءين باجو هق لي
فاکي . لفس تو ، لي ترجون دالم اير برنغ کي کا تمفت عيسى
لودوق تو .

ساين ۲ فيتروس سائني ، توروت کي کهور ۲ ، بلغ ۲ دوق تاريق
فوكت ، سبب ا يكن ماسوق فنه ، فس لي دوق تاء براف جاوه
مان دغن فنتي ، لبيه کورغ تيگ فولوه دفا .

بيلا لي ناء يك کا فنتي ، لي تيغوق اد بارا هارغ دغن ا يكن
دوق فشكع رسيلو . روتي فون اد جوگ .

فس عيسى سوروه لي : امبيق باوا ماري سيني سيكيت ، ا يكن
هق مو بارو بوليه تو !

صيمون فيتروس فون ناء يك دالم فراهو فول ، نق امبيق فوكت
هق لكت ا يكن بسر دغن فنه ، نق هيريت ناء يك کا فنتي .
سموا ا يكن اد سراتوس ليم فولوه تيگ ايكور . تافي ا يكن لكت
باپق کيتو لالو فون ، فوكت تاء فجه جوگ .

فس عيسى فشكيل فوق تو کات : ماريله ماکن ! صحابة ۲ فون
تاء اد سياف براني نق تان کا عيسى کات : توان جاري اورغ مان ؟
کران سمواش تاهو کات لي جاري ربّي عيسى .

لالو عيسى کي امبيق روتي بري ماکن کا لي . ا يكن فون ، لي
باکي سروف تو جوگ .

انيليله کالي يع کتيگ هق عيسى بري نمفق توبوه لي کا فوق
صحابة لي ، لفس لي ماري هيدوک گليق سمولا .

٧

8

9

10

11

12

13

14

عيسىو دغۇن فيتروس

بىلا رى سۇرە ماڭن دە، عيسىو فون كات كا صىمۇن فيتروس :
 صىمۇن، انق يحييا! مو كاسىيە كا اکو لېبىه فد اورغ لائىن كە؟
 فيتروس فون جواب: ها ربىي . ربىي تاھو دە كات امب كاسىيە
 سوغۇڭوھە! فس، عيسىو روپت قول: كالو مو كاسىيە كا اکو سوغۇڭوھە
 مو كىا فيرا انق ۲ مرىد كو، سروف مو فيرا انق ۲ بىرىيغ!
 فس تو، كالىي يېغ كدوا، عيسىو تاش صىمۇن فيتروس قول: صىمۇن
 انق يحييا! مو كاسىيە كا اکو كا نق؟ فيتروس جواب سكالىي
 لاڭى: ها ربىي ، ربىي تاھو دە كات امب كاسىيە سوغۇڭوھە!
 عيسىو روپت قول: كالو بالس تو، مو كىا جاڭ بىرىيغ ۲ كو تو!
 فس كالىي يېغ كتىگ، عيسىو تاش: صىمۇن انق يحييا! مو كاسىيە
 كا اکو كا نق؟ فيتروس براس كچىك هاتى كران عيسىو دوق
 تاش ھق تولا، دوا تىڭ كالىي دە. رى فون جواب كا عيسىو:
 ربىي تاھو بلاڭ دە. ربىي تاھو كات امب كاسىيە سوغۇڭوھە! فس
 عيسىو روپت كالىي يېغ كتىگ: كالو بالس تو، مو كىا فيرا بىرىيغ ۲ كو!
 فيتروس، مو فرهاتىلە بايىك ۲ ھق اکو نق روپت نى! تىڭ ماس
 مو مودا لاڭى، مو اىكت فيعڭىخ، فس تو مو كىي اىكوت سىز. تافى
 بىلا مو توا ايسىوق ۲، مو كىا ھوللۇر تاغۇن بىرى اورغ اىكت، فس
 اورغ نق باۋاً مو كىي كا تمفت مو تاءٌ سىير كى!
 عيسىو روپت بالس تو، نق بىرى تاھو دولو لاڭى كات جان مان
 فيتروس نق ماتىي ماس دافن، انتوق بىرى نمۇق كەلىائىن توھن.
 لفس تو عيسىو سوروھ فيتروس كات: مو كىا تورۇت اکو كىي سەعمۇر!

عيسىو دغۇن صحابة سئۈرۈغ لاڭى تو

فيتروس فون فالىيغ تىيغۇق كا صحابة عيسىو سئۈرۈغ لاڭى تو،
 ھق دوق باليق بلاڭ. صحابة تو دىالە اورغ ھق رافت سكالىي

- دغۇن عىسى، ھق ھولور كفلا دكە تلىيغا عىسى تكە يى دوق
ماڭن جاموان تو، نق تان عىسى: سىياف يى، اورۇھق نق
درەاڭ كا توان گورو نى؟ اورۇھق تولەھق دوق بالىق بلاڭ ئو.
21 بىلا فيتروس تىغۇق اورۇھق تو، يى تان عىسى: فس، اورۇھق تو،
نق جارىي بالس مان، رېپى؟
- 22 عىسى فون جواب: كالو اکو نق بىرى يى ھيدوف ھېيغى سەمفي
اکو نق مارى نون، مو دوق گادوه اف؟ كريجائن مو، مو كا
تۇرۇت اکو سەعمۇر!
- 23 ھق عىسى كات بالس نى، سەمفي كا تلىيغا مرىد ۲ عىسى د باپق
تمفت، سەھىيغى رى كامق كات صحابة سئۈرۈچ توتا؟ كا ماتى ده.
تافى سىسوڭۇھەن، عىسى تاً رویت بالس تو، كات اورۇھق تو تاً
ماتى، نق. ھق عىسى رویت تو: كالو اکو نق بىرى يى ھيدوف
سەمفي اکو نق مارى نون، مو دوق گادوه اف؟
- 24 جارىي صحابة سئۈرۈچ تو ھق ناءِ يك سقسىي حال فرکارا ۲ نى
ھق تولىيس سورت نى كاتىق. فس كىت سموا تاھو كات ھق
يى رویت نى سوڭۇھە.
- 25 فرکارا ھق عىسى بوات اد باپق فرکارا لاكى. كالو نق تولىيس
لفس سا ۲، امب كامق كات تاً اد تمفت دالىم دنيا نق تاروه
سورت ۲ ھق تولىيس چارا حال عىسى نى.

کچ صحابة ۲ عیسی

سورت هق توهن بري لوقس کارغ چارا حال
 فرکارا ۲ هق جاني لفس فد عیسی
 ماتي هيدوف کلیق

باب 1

فرمولان درف د لوقس

امب لوقس نی کیریم سلام کد توان تیوفیلوس !
 دالم سورت هق امب هنتر مولا ۲ کا توان تو، اد تولیس
 چارا حال سموا فریواتن عیسی، سکالی رغن فشارجن ری،
 امبیق د مولا ۲ ری توبیت سرو خبر بائیک هق ری هیشق
 سمفی ماس توهن اگکیت ری نائیک .

1

فرکتائن عیسی کد صحابة ۲ ری

بلوم ری نائیک کلیق تو، عیسی رغن کواس روح توهن،
 فسن باپق فرکارا کا صحابة ۲ ری، هق ری فیلیه ده سوروه
 باواه تیته ری .

2

دالم امفت فولوه هاري، لفس فد عیسی ماتي ، ری تنحوق ديري
 بري تاهو کا صحابة ۲ ، رغن تندای چرف کات ری هيدوف
 کلیق سوغکوه . دالم ماس توله، عیسی روق رویت بري فوائق
 صحابة رغرن چارا حال توهن نق فرینته دالم هاتی مائنسی .
 فد ساتو هاري، عیسی روق ماکن سکالی رغن فوقاق تو. فس
 ری کات: لانی جاغن توبیت لاکی فد کوت جرسیلیم ! مو کنا

3

4

ننتی دسینی سهیفگ مو بولیه ده، سموا فرکارا هق توهن جنجی نق بري، سروف هق اکو رویت ده کا فواق مو دولو. سسوغکوهن نبی يحیا بري مو تریما روکون مندی بفتیزما دهن ۵ ایر. تافي تاء لام لاگی، توهن فول نق بري مو تریما بفتیزما دهن روح نی!

6 بیلا فواق صحابة دوق ستومغوق بلاک ده، نی فون تاث عیسو کات: یا ربی! لانی که، ربی نق جاري راج، بري بولیه کلیق کواس کا بخسا اسرائیل کیت؟

7 عیسو جواب کات: بوکن کرج مو نق تاهو ماس مان، فریاغ مان، هق توهن باف سوده مننتو ایکوت نی.

8 تافي نیله کرج مو! مو کنا جاري سقسی چارا حال اکو، عیسو کات. بیلا روح توهن سوده تورون بري کواس کا فواق مو، مو نق جاري سقسی دکوت جروسليم دولو، لفس تو، دنگری یهودیه دهن نگری سماریا، هیفگ سمفی سرات دنیا.

9 سور نی کیچیق بالس تو، تغه فواق صحابة دوق لغکق تیغوق کا رسی، عیسو کنا اگکیت نایک داودارا. فس اد اون ماری تودوغ نی.

10 تغه فواق صحابة دوق لغکق تو، تیبا اد دوا اورغ فاکی جوبه فوتیه، دوق بردیری دکت فواق تو. دوا اورغ نی کات: هي مو فواق کاللیل سموا! با، اف مو دوق لغکق تیغوق کوء اودارا لاگی؟ توهن سوده اگکیت عیسو نایک ده. تافي، کوء رافن، عیسو نی نق تورون ماری فول، سروف مو تیغوق هاری نی!

صحابة ۲ عیسو دوق ننتی هق عیسو جنجی تو

12 لفس فد تو، فواق صحابة فون تورون اتس بوکیت زیتون کلیق کا کوت جروسليم. بوکیت تو تاء اراد جاء وه مان دهن کوت

لبیه کورغ سباتو. بیلا فوق نی ماسوق دالم بندر، نی نایک اتس لوتیع رومه، هق نی بیاس برہنتی سعمور. 13
نام ۲ اورغ تو: فیتروس، یحیا، یعقوب، اندریاس، فیلیف، تومس، برتولومی، متیوس، یعقوب بین الفیوس، صیمون سورغ دالم قوم فکع بفسا یهوری تو، دفن یوس بین یعقوب، سموان سبلس اورغ.

فواق نی سموا برہیمغون نق مینتا؛ دعا ۱۷، سکالی دفن اورغ بتینا. مریم مق عیسی، سکالی دفن ادیق ۲ عیسی فون ماری جوگ. فواق هق دوق ننتی درومه تو، لبیه کورغ سراتوس دوا فولوه اورغ. تکه تو جوگ، فیتروس فون باخون بردیری دافن فواق تو کات: هی ادیق برادیق کو سموا! نی نق رویت چارا حال یوس، نی هق باو؛ فواق سترو ماری ایکت عیسی نی. تنتو هق نی کا جاری بالس تو، سبب روح توهن سوروه ده نبی داءود رویت دلو لاگی، چارا حال نی. 15
کران توهن لتق یوس سورغ دالم فواق کیت دوا بلس اورغ نی فس نی اد تغکوغ جواب هق توهن لتق انتوق نی جوگ. 16
بیلا نی بولیه رویت اووه درسد سترو ۲ عیسی تو، نی بلي تانه سکفیع. دسیتوله، نی ترجون تورون، توبیت فروت ماتی. 17
اورغ ۲ دکوت جروسليم تاهو بلاک کجادین نی. سبب تو اورغ فشگیل تمفت تو: اکیلدارم، معنان: ماتی برداره. 18
فس، فیتروس کات، کجادین نیله هق سبجوت دالم کتاب زبور نبی داءود. دغله ایات نی: 19
20

بریلہ تانه اورغ تو جاری تمفت کوسوغ. جاغنله

بری سیاف ۲ ماسوق دودوق!

فس اد ایات سا لاگی کات:

بريله اورغ لاءين ماسوق کرج گنتي ني!

- 21 سبب نيله ، فيتروس کات ، کيت کا فيليه سورغ دالم فوق کيت
ني ، هق بياس توروث ربی عيسى کي سعمور ، سکالي رغن کيت
امبيق دهاري عيسى تريما روکون مني بفتيزما دني يحيا ، هيٺک
سمفي هاري هق توهن اڳيت ني نائيک کا شرگ . اورغ هق کيت
نق فيليه ني ، نق جاري سقسی سکالي رغن کيت ، هق بوليه
مفاکو کات ، عيسى هيڊوف گلیق سوغکوه .
- 22 لفس فيتروس کات بالس تو ، فوق توفون فيليه دوا اورغ ، نام دي
يوسف رغن متياس . يوسف دي ، اورغ گلر دي برسابس . اد جوک
اورغ فشكيل دي جوستوس .
- 23 فس سموا اورغ فاكت مينتا رعا کات : يا الله ، توهن تاهو ده
سموا فيکيران دالم هاتي ما نسي . مينتا توهن تنحوقله هق
مان دالم دوا اورغ دي ، توهن برکنن نق بري جاري سورغ هق
باواه تيته ربی گنتي يوں . سبب يوں توبیت ده دالم فوق
کيت ، کي ماسوق تمفت هق سوغ رغن دي . امين .
- 24 لفس تو ، فوق تو بوات اوندي ، فاكت جمخت هق مان دالم دوا
اورغ تو . فس متياس کا اوندي ، ماسوق جاري سورغ هق باواه
تيته عيسى ، سکالي رغن صحابة سبلس اورغ لاکي تو .
- 25

توهن هنتر روح سوچي تورون

باب 2

- 1 بيلا سمفي راي لييم فولوه هاري ، فوق مرید ۲ عيسى سموا
ماري برهيمنون دساتو تمفت . تيبيا ۲ دي ڀويي سوارا درس
سروف اغين قواه ، هق ماري دلاغيت ماسوق دالم رومه رات
تمفت دي دوپوق تو .
- 2 ڦي نمفق سروف افني تورون ، فس مچه کي دوق سلر اتس فوق
ري گنف ۲ اورغ . لفس تو ، روح توهن تورون دوق دالم هاتي
- 3
- 4

سموا اورغ تو، دغن کواس فنوه. فس فواق نی فون کيچيق سلالو دغن ماچم ۲ بهاس، هق نی سنديري تا^۱ ارتی، ایکوت فرینته روح توهن سائني .

ف د ماس تو، باپق اورغ هق فکع اوکام يهوي قواه، ماري رات^۲ نکري برھيمون رکوت جرسليم. بيلا فواق سائني دغر سوارا تو، نی فاكت ماري نق تيغوق .

سموا اورغ تو فون دوق ترکاگيت، تا^۳ اداره نق کامق ، سبب نی دغر صحابة ۲ عيسى دوق کيچيق دغن بهاس ۲ نی . اورغ رامي تو فون حيران سوغکوه. نی تاث سام سائين ۲ نی:

فواق دوق کيچيق نی، ماري ددارت کاليل ، بوکن؟ بالس مان نی بوليه کيچيق بري کيت ارتی، دغن بهاس هق کيت نی؟

کران فواق کيت دسيني ماري سرات^۴ تمفت. اد اورغ هق ماري دنکري فرتيا ، دنکري ميديه ، دنکري عيلم ، دنکري مسفوتاميا ، دنکري يهويه ، دنکري کافدوکيا ، دنکري فونتوس ، فس دنکري

اسيا. اد اورغ ماري دنکري فروکيا دغن نکري فمفيلا ، دنکري مصير ، دکليوسن نکري ليبيا ، هق باليق سان نکري کورياني فون . اد جوک اورغ هق ماري زياره درفت کوت روم ، بحسا

يهويي سکالي دغن بحسا ۲ لائين هق ماسوق اوکام يهويي ، اورغ هق ماري دفولو کريت ، اورغ بحسا عرب فون اد دسيني ، بلگ. فس کيت سموا بوليه دغر دغن بهاس کيت ماسيق^۵ ، هق

فواق نی دوق فوجي اتس فركارا^۶ عجايب هق توهن بوات ! اورغ رامي تو فون شک هاتي ، تا^۷ اداره نق کامق. نی دوق

تاث سام سنديري کات: ايه ! فليق نی ! تافي اد اورغ هق مثنجيغ کا فواق تو کات: بق ، بوکن فليق ! نی مابوق ساج !

فيتروس بشرح بري اورغ رامي دغر

فس فيتروس باغون برديري دافن اورغ رامي ، سکالي دغن

5

6

7

8

9

10

11

12

13

14

14

صحابة سبلس اورغ لاگی تو. دی فون برشح دغن سوارا درس
کات: دغرهله ادیق کاکق کو اورغ یهونی سموا ، هق ماری جاء وہ،
اتوا هق دوق دکوت جروسلیم فون. دغرهله فرکتائے هق اکو نق
رویت نی!

بوگن فواق اکو مابوق ، سروف ادیق کاکق دوق کامق، نق! بارو
فوكول سمبيلن فاگی ساج . تافی سموا هق جاري هاری نی ،
توهن بري تاهو کا نبی یوئیل لام ده ، کات:

اکو نق بري فرکارا ۲ نی جاري، فد اخیر دنيا .
اکو نق چوچور روح کو تورون اتس سموا ماءنسی.
فد ماس تو، بونق ۲ دالم فواق مو، جنتن بتینا فون،
نق بولیه میمغی فرمان اکو سروف فواق نبی ۲ .

فد ماس تو، اورغ مودا ۲ نق بولیه تیغوق فرکارا ۲ فلیق
هق اکو بري نمفق ، فس اورغ توا ۲ نق بولیه میمغی ،
تیغوق فرکارا ۲ سوغکوه ماری درف دکوت ، توهن کات .
فد ماس تو، اکو نق چوچور کواس روح کو تورون
اتس سموا همب ۲ کو، جنتن بتینا ، بري دی بولیه
میمغی فرمان اکو بلاک .

فس لاگی، اکو نق بري نمفق فرکارا ۲ عجایب دلا غیت ،
سکالی دغن تندا ۲ فلیق دبومی کاتیق . تندا ۲ تو،
داره ، افي ، سکالی دغن اسف برکاپوت .

متھاري نق گلف، بولن فون نق برداره ، بلوم فد
هاري ریی نق ماری نق بري پات سرات تو .
فد ماس تو، اورغ هق نق بولیه سلامت ، یاٹ اورغ
هق فکھ کا نام رتی .

اسرائیل! دغره له هق اکو نق رویت نی، چارا حال عیسی اورغ نصرة، هق توهن هنتر ماری تو. توهن بري نی بولیه بوات فرکارا ۲ فلیق، هق عجایب، هق جانی تندا کات توهن برکن کا نی. ۋواق مو بولیه تاھو هق نی، سبب عیسی بوات فرکارا نی دافن مات فواق مو سموا.

23 فس جانی فواق موله هق فاکت بونوھ عیسی، دغۇن سرەری کا تاغن اورغ لوار اوڭلام، هق کی فاکو ری دکایو امفت چابغ ھېيغى سەمفي ماتى. فرکارا نی توهن مننتو دە دولو ایکوت چاراڭن نىد تافى ری بري عیسی بېشكىت ھېيدوف كلىق، بري ری لفس فد كسيقسائىن ماتى تو، هق تاءار كواس فگۈچ نی لاکى.

24 فس، فيتروس کات، اد ايات دالىم كتاب نىي داءود رویت چارا حال نی جوڭ کات:

اکو تاھو دە کات توهن دوق سکالىي دغۇن اکو سەعمۇر.
اکو تاء کا براس گوبىر ھاتى دە، كران توهن دوق سبلە كانن اکو سەعمۇر.

26 سبب تولە، ھاتى کو سوگ رىيا دغۇن گمبىرا، مولۇت کو فون سببۇت تاء فوتوس. سبب تو جوڭ،
ولو توبوھ کو کا ماتى فون، ھرافن کو تاء فوتوس،
کات توهن تاء تىيىچكى دىرىي کو دالىم تەمف اورغ ماتى.
يا توهن، مو تاء بري توبوھ بدان ھەمب مو هق سوچى نى، ھنچور دالىم قبور.

27 يا توهن، مو بري اکو ىتمو دە دغۇن جالن ھېيدوف.
مو بري اکو ماسوق دوق رافت دغۇن مو.
دىستىولە، اکو براس سوگ ھاتى سوغىڭوھ!

29 بىلا سورد رویت ايات ۲ نى، فيتروس ھوراء ي لاکى کات: يادىق

کاکق کو! تنتو تاءار اورغ نق لاؤن هق اکو رویت نی! توء نینیق کیت، نبی داود نی، ماتی ده. قبور نی فون دوق اد لاکی، دکت سینی.

30 تافی دغن سبب داءور جانی نبی، هق تاهنو کات توهن جنجی دغن برسومفه، نق بری سئورغ کتورونن نی جانی راج سروف نی، سابیت تو، داءور فون بولیه تیغوق دلوو، بولیه رویت بلوم فد جانی لاکی، کات، المیسیح راج سائی له، هق نق بچکیت هیدوف کلیق، هق تاءکنا دوق دتمفت اورغ ماتی، هق توبوہ نی تاءکنا هنچور تو.

31 فس، فیتروس کات، سفوتویله توهن بری عیسی، هق کیت سبوت سائی، هیدوف کلیق. فس فواق کیت سموا فون جانی سقسی کات سوغکوہ.

32 توهن بری عیسی نایک، دوق دسله کانن نی، دتمفت کواس فنوه، دستیوله عیسی تریما هق توهن جنجی دلوو نق بری، یائیت روح نی، هق نی چوچور ده لانی اتس فواق کیت. دغن سابیت نی توله، فرکارا جانی ده هق فواق مو بولیه تیغوق، بولیه دغر، لانی!

33 فس سکارا لاکی اکو نق رویت، فیتروس کات. نبی داءور تاءار نایک کاشرگ سروف عیسی، بوکن؟ تافی داءور رویت کات:

34 } توهن کات کا ربی کو: مو دودوق له سبله کانن اکو سهیغک اکو بری سترو ۲ مو سموا جانی فلافیق کاکی مو.

35 کالو بالس تو، فیتروس کات، نفرله ادیق کاکق! اورغ بفسا اسرائیل سموا بولیه فرچایی دغن تاءشک هاتی کات، عیسی هق فواق مو فاکت بونوہ دکایو امفت چایخ تو، تنتو دیاله هق تولا دغن هق توهن سوده بری پات کات، ربی دغن المیسیح!

فركتائن فيتروس ني فون چوچوق هاتي اورغ رامي ، بري ري
براس سسل . فس اورغ رامي فون تاش فيتروس ، دغن فواق
صحابة ۲ کات : تولوغ رویتلہ ادیق کاکف ! کیت نق بوات بالس
مان نق بري جاري بايک ؟

فيتروس فون جواب : مو تویتلہ باليق هاتي ، کنف ۲ اورغ ! فس
تریما روکون مندی بفتیزما دغن نام عیسیٰ المسيح ، انتوق نق
بوليہ امفون سموا دوسا مو . فس مو نق تریما رحمة درف
توههن ، یائیت روح سوچی هق توهن جنجی ده کفڈ مو ، کفڈ
انق چوچومو ، فس کفڈ اورغ هق دردوق جا ۲ فون ، سموا
اورغ هق توهن ربی کیت نق فعگیل ماری مغهارف ری !

لفس تو ، فيتروس تمبه فسنن ری دغن باپق فرکتائن لانگی ، نق
رای اورغ رامي تو . ری کات : فواق مو کنا باوا ! ديري بري لفس
درف درف حکومن توهن اتس اورغ درهاک سموا ، هق لافیس لانی !
سموا اورغ هق فاکت نق توروت فرکتائن فيتروس فون ، تریما
روکون مندی بفتیزما سلالو . فد هاري تو جوگ ، اد اورغ بارو
مامسوق جاري فواق المسيح تیگ ریبو اورغ .

چارا هيدوف دالم فواق المسيح فد ماس تو

لفس فد تو ، فواق ني دروق توروت فجاجران صحابة ۲ عیسیٰ
تو . فس ری دروق برھویوغ راحیم سموا . ری سوک برھیمفون
سکالی فراچوم ، انتوق ماکن جاموان فرایثاتن دغن چوبیق
روتی ، فس ری سوک مینتا دعا سعمور .

فد ماس تو ، سموا اورغ براس تاکوت کا توهن ، کران توهن بري
فواق صحابة عیسیٰ بوات فرکارا ۲ عجائیب باپق فرکارا .

سموا اورغ هق فرجای فون ، سوک ماری برھیمفون سکالی جاري
ساتو هاتي . سموا هرت بندا هق ری فون ، بوات جاري بارغ

- 45 تغه. ری جوال تانه ٢، بارغ ٢ هق ری، ماري بري دويت تو
کا اورغ هق اد چمفیغ.
- 46 ری فاكت کي بردا دبیت المقدس تیف ٢ هاري، فس کیلیر کي
ماکن ناسي درومه فواق ری، کران ری سمبوت اورغ ماري کارومه
دغن سوک کمپيرا، تاء کيرا کات هابیس تاء هابیس.
- 47 ری دوق فوجي توهن سعمور. سموا اورغ برکن کا فواق نی.
کنف ٢ هاري فون، توهن بري اورغ بولیه سلامت ماسوق جاري
فواق ری کهور باپک لاكی.

اورغ تيفوق دفينتو موليق

باب ٣

- 1 فد ساتو هاري، فيتروس دغن يحيا تغه دوق کي کا بيت
المقدس، وقتو بردا فوكول تيک فتش.
- 2 اد سئورغ دوق دسيتو، ری تيفوق ماري دالم فروت لاکي. اورغ
باوا ری ماري کا بيت المقدس کنف ٢ هاري، لتق ری رکت
فينتو، هق اورغ فٹکيل فينتو موليق، نق بري ری مینتا
صدقه دغن اورغ هق ماسوق دالم تو.
- 3 بيلا ری نمفق فيتروس دغن يحيا ماري، ری فون هولور تاغن
مینتا دويت. دوا اورغ تو فون تیغوق کا ری، فس فيتروس
کات: تیغوقله اکو کسوا نی!
- 4 اورغ تيفوق تو فون فرهاتي تیغوق. ری هارف کات نق بولیه
اف ٢ دوا اورغ تو. تافي فيتروس کات:
- 5 دويت فيتیس اکو تاء اد. تافي هق اکو اد، نق بري کف مو.
دغن نام عيسى المسيح، اورغ نصرة تو، مو باغون برجالله !
- 6 فيتروس فون فکع تاغن اورغ تيفوق، اگکیت ری باغون . کاکي
اورغ تو کاکه سلالو. ری بیفکس باغون برجالن کي ماري کي ماري.
لفس تو ری ماسوق دالم بيت المقدس، سکالی دغن دوا اورغ
- 7 صحابة عيسى سائني. تغه ٢ ماسوق کي، ری ملومفت، بلغ ٢

فوجي توهن . فس سموا اورغ دسيتو نمفق اورغ تيفوق سائني 9
 دوق برجالن کي ماري کي ماري فوجي توهن .
 سموا اورغ تو کتل کات اورغ نيله هق بياس دوق مينتاً صدقه ، 10
 دفينتو موليق ، فس سموا اورغ براس حيران ، فليق تيفوق فركارا
 نبي .

فيتروس برشح ددالم بيت المقدس

اورغ تيفوق سائني فون ، دوق فکع تاغن فيتروس دفن يحيا 11
 کي سمني تمفت نام جرمبه سليمان . فس سموا اورغ فاكت
 هوغلک کي نق تيفوق ، کران نبي حيران ساعت .
 بيلا فيتروس نمفق اورغ ماري برهيمفون رامي تو ، نبي فون کات : 12
 يا اورغ اسرائيل ، اديق کاكک کو سموا ! باً اف مو دوق براس
 حيران اتس هق جاري کا اورغ تيفوق نبي ؟ باً اف مو دوق
 تيفوق کا فواق اکو نبي ، سروف اکو جاري اورغ برکت ، هق
 اد کواس بري اورغ تيفوق بوليه برجالن ؟ بوکن کواس اکو .
 ننتي رغر ! توهن هق توء نينيق کيت ، نبي ابراهيم ، نبي 13
 اسحاق دفن نبي يعقوب ، سموا فرچاي . توهن نيله هق بري
 مليا کا عيسى ، فسوروه نبي تو . جاري عيسى نيله هق فواق
 مو باواً کي سره کا سترو ۲ دي .

بيلا فيلاتوس کرت سين ده ، نق لفس عيسى کي ، فواق مو 14
 تولق ، تاً سير مثاکو عيسى ، فسوروه توهن هق هاتي بتول
 تو . مو مينتاً فيلاتوس لفس اورغ جاهت ، هق بوکو بونوه
 اورغ . فس عيسى تو مو سوروه بونوه .
 مو فاكت نق امبيق پاوا عيسى ، نبي هق اد کواس بري پاوا ، 15
 بري هيروف کا ماً نسي سموا ، تافي توهن بري عيسى هيروف
 کليق فول ، فس فواق اکو نيله جاري سقسي کات نبي هيروف
 کليق سوغکوه .

- 16 لغن نام عیسیٰ نی، سا بیت کیت دوق هارف کا نام نی تو،
توبوہ اور غ تیفوق نی جانی کا کہ ده. فبس دغن سا بیت نی
فرچای کا عیسیٰ، نی بولیه سیار رافن مات فوق مو سموا.
یا ادیق کا کق سموا! اکو تاھو ده کات، فوق مو بوات
کا عیسیٰ بالس تو، سبب مو تاءً فهم. کتو ۲ مو فون بوات
بالس تو جوگ. تافی، هق توهن مننتو ده دولو، کوء جان
نبی ۲، کات المیح مستی کا سیقسما، هق تو جانی ده،
کوء جان فواق مو نی.
- 17 سبب توله، یا ادیق کا کق کو، لانی مو کا توبہ کف دتوهن،
مینتاً توهن امفون دوسا ۲ مو، بربی چوچی هابیس!
18 باروله سمنی ماس فوق مو نق بولیه تریما رحمة درف دتوهن
لغن سنخ لیندغ. فس توهن نق هنتر المیح، جورو سلامت
مو، تورون ماری فول، یائیت عیسیٰ، هق توهن لتق ده انتوق
فواق مو.
- 19 لانی عیسیٰ کا دوق ننتی لشکر، هیغچ سمنی ماس هق
توهن مننتو. فد ماس توله، توهن نق بربی بارو سمولہ سموا
فرکارا، سروف نی رویت کا نبی ۲ دولو.
- 20 نبی موسی فون رویت ده حال فرکارا نی، دالم ایات هق کات:
- 21 ریبی، توهن مو، نق هنتر سئورغ نبی ماری کف دو
سروف نی هنتر اکو موسی نی، سئورغ دالم بعسا
مو جوگ. مو کنا بوات توروت سموا اف ۲ هق نی
سوروہ کف دو.
- 22 کالو سیاف ۲ تاءً فرچای فرکتاں نبی تو، نی نق کنا
بواغ توبیت درف بعسا کیت. فس توهن نق بربی
نبی بناس.

فس ، فيتروس کات ، سموا نبی ۲ جق ماس شموئیل ماری ، رویت دولو حال فرکارا هق بارو جاري ماس لانی .
24
یا ادیق کاکق کو ! فواق مو سموا جاري کتورونن نبی ۲ دولو .
25
فس فرکارا ۲ هق توهن سوده جنجی کند توء نینیق مو ، تورون سمنی کا فواق مو جوگ . توهن سوده جنجی ده کا نبی ابراهیم دولو کات :

یا ابراهیم ، اکو نق بري سموا بغسا دنیا بولیه
برکت رعن کران انق چوچومو .

26
بالس توله ، توهن سوده هنتر فسوروه دی عیسی ، ماری باوء
برکت درف دی ، بري کا فواق مو دولو . توجوان دی نق بري
مو گنف ۲ اورغ ، تیغکل جاوه فد کلاکوان هق جاہت مو تو .

فيتروس رعن یحیا کنا ایگت

باب ۴

1
تکه فيتروس دوق کیچیق رعن اورغ رامی تو ، سکالی رعن یحیا ، اد فواق امام ۲ ، کفلاء عسکر دبیت المقدس ، رعن فواق صدوکی ، ماری کا تمفت فيتروس تو .

2
فواق ۲ نی براس کچیک هاتی ، ناءیک موریه ، سبب دوا صحابة نی دوق معاجر اورغ رامی کات ، اورغ ماتی بولیه هیدوف کلیق کران عیسی هیدوف کلیق ده تو .

3
نی فون ایگت دوا اورغ تو بوه دالم جیل سمنی ایسوق ، کران هاری تو گلّف ده .

4
تافی ، باپق اورغ هق رغر شراحن فيتروس تو ، فرچای . سمنی ماس تو ، هق فرچای کا المسيح لبیه کورغ لیم ریبو اورغ .
5
ایسوق فاکی ، کفلاء یهودی ماری مشورة دکوت جروسلیم رعن کتوا ۲ اوکام یهودی ، کورو ۲ تورات رعن امام بسر ، هق نام

6 حناس ، سکالی دغن قیافس ، یحیا ، اسکندر ، دغن اورغ لاءین ۲
دالم فواق امام بسر تو.

7 نی سوروه فواق فیتروس تو ماسوق دافن کتوا ۲ سائني ، فس
تاش نی : بالس مان مو بري اورغ تیفوق نی بولیه برجالن ؟ دغن
کواس سیاف ؟ دغن نام اورغ مان هق برکت ؟ رویتلہ !

فیتروس جواب کا کتوا ۲ یہوی

8 فس فیتروس ، هاتی نی فنوه دغن کواس روح توهن ، هق
بری نی بولیه جواب کات : یا توان ۲ ، کتوا ۲ بفسا کیت سموا !
کالو توان ۲ تاش فواق امب حال فریواتن با'یک هق بري اورغ
تیفوق نی سیار ، فس نق تاهو بالس مان نی هیلچ تیفوق ،
امب نق رویت بري توان ۲ دغر .

9 فس ، امب نق بري سموا اورغ بفسا کیت دغر جوگ ، کات ،
اورغ هق دوق بردیری دافن توان ۲ هاري نی ، سیار تیفوق دغن
کواس نام عیسی المیح ، یا'یت عیسی اورغ کمفوغ نصرة ، هق
فواق توان بونوہ ده فد کایو امفٹ چائیع . تافی ، توهن بري
نی هیدوف کلیق فول .

10 توهن اد سبوت حال عیسی نی ، دالم ساتو ایات کات :

11 باتو هق توکع رومه هینا کات تاء ترفاکی ، سوده
جاری باتو هق مستحق سکالی دالم رومه توهن !

12 کران ماءنسی کیت بولیه سلامت دغن عیسو شورغ ساج .
توهن تاء بري نام لاءین دنیا ، ملینکن نام عیسی تو ، هق
اد کواس بري ماءنسی کیت سلامت .

13 بیلا فواق کتوا ۲ نمفوغ فیتروس دغن یحیا برانی کیچیق بالس
تو ، فس تاهو کات نی کدوا جای اورغ تاء مثاجی ، فواق تو
براس حیران . نی فون بارو ایشت کات دوا اورغ نی بیاس

- دوق سکالی دغن عيسو سعمور .
 تافي بيلا ری تيغوق اورغ تيغوق سائني ، دوق برديري سکالی
 دغن فيتروس دسيتو ، ری نق کات دوا اورغ تو ساله فون تاًليه .
 لفس تو ، ری سوروه فيتروس دغن يحيا توبيت کي لوار ، فس فوق
 کتوا ۲ مشورة سام ری کات : کيت نق بوات لاکو ملن کدوا اورغ
 نی ؟ ری بوات فرکارا فليق هق بسر ، سموا اورغ دالم کوت
 جروسليم فون تاهو بلاک ده ، فس کيت نق کاتوف فرکارا نی ،
 تاءًليه .
 14
 تافي کيت کا لارغ فوق نی ، جاغن بري سبوت نام عيسى
 لاکي ، سابيت تاکوت فجاجران ری نق ملارت کي رات ۲ .
 15
 فس تو ، ری فشكيل فوق فيتروس ماسوق ماري فول ، فس لارغ
 ری کات : جاغن مو سبوت نام عيسى سکالی لاکي ! جاغن معاجر
 اورغ دغن نام ری !
 16
 تافي فيتروس دغن يحيا جواب کات : مينتا ۲ توان ۲ فيکير
 تيغوق بري موليقله ! هق مان بتول رفنداغن توهن ؟ فوق
 امب کا توروت سوروهن هق توان ۲ نی اتوا توروت سوروهن
 توهن ؟
 17
 امب تاءًليه برهنتي رویت فرکارا ۲ هق امب تيغوق ده ، هق
 امب دغره !
 18
 فوق کتوا فون اوکوت ری کدوا فول ، فس فد تو ، لفس ری
 کي . کران تاءًليه چاري بوکو نق امبيق کسلاهن اتس ری ،
 سابيت فرکارا هق جاري نی بري سموا اورغ فوجي کا توهن ،
 سبب ری نمفق کات ، اورغ هيلع سائني ، دلوو ری دوق
 تيغوق امف فولوه تاهون لبيه .
 19
 20
 21
 22
 23

فيتروس دغن يحيا کي رویت کا فوق ری

بيلا فوق کتوا ۲ لفس ری کي تو ، دوا صحابة سائني کي

کا تمفت فواق دی، فس رویت سموا فرکارا هق فواق امام بسر رغن کتواؒ کات کا دی.

24 بیلا فواق فیتروس سوده دغر حال ۲ نی، سموا فواق تو فاکت بریعا کات: یا توهن کو! توهن هق بربی جاري لاغیت، بومی

25 لاءٌوت سکالی رغن سموا محلوق نی. سغوتیله، توهن هق بربی توء نینیق کیت داؤد، همب توهن تو، رویت دغن کواس روح توهن کات:

سبب اف سموا بفسا فاکت موریه؟

سبب اف سموا اورغ فیکیر کا بارغ هق تاءٌاد فاءٌیده؟

راج ۲ سموا دغن کتواؒ فون، ستوجو نق لاون

رغن توهن، فس دغن نی هق توهن سوده لتق جاري المسيح.

26

27 یا توهن کو! هق ایات نی کات، جاري سوگکوہ. سموا اورغ

دالم بندر نی فاکت لاون رغن عیسیٰ، فسوروہ توهن بیغ سوچی، هق توهن سوده لتق دولو. راج هیرود رغن فونتیوس فیلاتوس،

اورغ ۲ بفسا لاءٌین سکالی رغن فواق یہوی کیت فون، سموا فاکت لاون رغن عیسیٰ!

28 فس هق دی فاکت لاون تو، ماسوق دغن کھندق توهن، هق مننتو ده دولو، فس جاري ره دغن کواس توهن ساج.

یا توهن کو! تیغوقله لانی، فواق ۲ نی ماری اوکوت فواق اکو، مینتاؒ له بربی اکو برانی نق کی رویت سموا فرکتاؒن هق توهن سوروہ!

30 یا توهن کو! تورونلہ کواس بسر، بربی فیاکیت ۲ سیار، بربی جاري فرکاراؒ عجاؒیب، تنداؒ فلیق، دغن نام عیسیٰ، فسوروہ مو هق سوچی . امین .

31 بیلا نی سود مینتاؒ دعا، تمفت دی دوق برہیمفون تو برکوچق، فس روح توهن تورون دوق دالم هاتی سموا اورغ رغن کواس

فنوه، بري فواق تو براني بوليه کي رویت فرکتائن توهن، لغن
تاءناکوت اف ۰۲

چارا حال کھیدوفن فواق المسيح

کسموا اورغ هق فرچاي تو، فاكت دوق ساتو هاتي، لغن
ساتو توجوان. فس بارغ هق اد سموا، جاري بارغ هق تغه.
تاءاد سياف کات جاري بارغ هق ني. 32

بيلا صحابۃ ۲ عيسى نائيک سقسی کات عيسى هيدوف کليق ده،
ني بوليه بري اورغ رامي رغر، تاريق هاتي. توهن فون تورون
رحمه، دي اتس فواق ني سموا، لغن سمنفرن. 33

رالم فواق ني تاءاد سياف کورغ اف ۲، کران سموا اورغ هق
اد تانه، هق اد رومه، ني فون جوال، امبیق رویت ماري سره
کا صحابۃ ۲ عيسى. فس صحابۃ ۲ فول بهماکي رویت تو کف
اورغ هق اد چمفيغ. 34

اد سئورغ نام یوسف، هق فواق صحابۃ گلر فشكيل برنابس،
معنان: ني فندی بري سماشت کا هاتي اورغ. ني اورغ يهودي
رالم فواق ليوي، هق برانق دفولو کوفروس. 35

ني جوال تانه سکفيغ، امبیق رویت ماري، سره کا صحابۃ ۲
عيسى. 36

لاكی بيني فاكت بوهوغ

1 تافي اد سئورغ لاكی نام حنانياس، بيني ني نام سفيرا.
دوا اورغ ني فون جوال تانه سکفيغ.

2 رویت تو ني فاكت سوسوف ستغه، فس هق اد لاكی حنانياس
باواه ماري سره کا صحابۃ ۲ عيسى، بوات کات ني سره سموا.

3 تافي فيتروس کات: يا حنانياس! باءاف مو بري فلواغ کا
ھيليس بري هاتي مو فنوه فندی بوهوغ کا روح توهن، لغن

سوسوف دويت تو ستنجه ؟ اصلن ، تانه تو تانه مو . فس
بيلا مو جوال فون جاري دويت مو جوگ . بااف مو فاكت
كيرا بالس تو ؟ مو بوهوج کا توهن ، بوکن بوهوج کا مائنسى
ساج !

با حنانياس رغر فركتائن نى ، يى فون ريه دسيتو ، ماتي سلالو .
بيلا اورغ رغر حال كجادين نى ، سموا اورغ براس تاكوت ساعت .
لفس تو ، اورغ مودا ۲ ماري سيمفن مايت ، اوسوغ کي تانم .
لفس فد تو فول ، لبيه کورغ تيك جم ، بىنى حنانياس فون ماسوق
ماري جوگ . يى تاءتاھو کات لاکي يى ماتي ده .

فيتروس تاث رى : روپتلە ميق ، بري بتول ! دويت هق جوال
تانه تو ، بوليه باپق نى ساج کە ؟ اورغ بتينا تو فون جواب
کات : ها ! بوليه سباپق تو ساج !

فيتروس کات فول : فصل اف مو کدوا فاكت ستوجو نق سولي
روح توهن بالس تو ؟ دغرله ! فواق هق کي تانم تو ؟ لاکي مو ،
يى كليق ده ، فس لاني نق امبيق مايت مو فول ، کي تانم !
بينى حنانياس فون ريه ماتي سلالو رافن فيتروس . فواق مودا ۲
فون ماسوق تيغۇق ، فس امبيق مايت کي تانم سكالىي دېن لاكى
رى . كجادين نى بري فواق ۲ المسيح سموا براس تاكوت ساعت .
اورغ لوار فون ، سموا هق دغر چريتا نى ، براس بالس تو جوگ .

فواق صحابة عيسى بوات فركارا ۲ عجائب

12-15 فد ماس تو ، فواق ۲ المسيح سموا سوک ماري برهيمفون
رجرمبه سليمان ، دالم بيت المقدس . ولو اورغ حرمة کا فواق نى
فون ، کات يى اورغ بائيك ، تافي اورغ لوار تاءبراني نق ماسوق
چمفور کاءول دېن يى . تافي اد جوگ ، اورغ ماسوق فرچاي دېن
رتى عيسى باپق اورغ ، تاءكيرا کات بتينا جنتن ، كەھور سھارى
كەھور باپق . فواق صحابة عيسى ، دمان ۲ يى کي فون ،

ري بوات فركارا عجائيب ، باپق فركارا ، تولوغ کا اورغ ، سهیفگ بآپق اورغ باوا^ء ساءین ۲ هق ساکیت ماري لتق دتفی جالن ، بري تیدور اتس تیکر ، اتوا اتس گرغ فون ، دسیتو . هرافن ری ، بیلا فیتروس لالو کوء تو ، سکورغ ۲ نق بري کنا بایغ فیتروس اتس اورغ ساکیت تو .

16 اد باپق اورغ لاگی ماري دکمفوغ ۲ دکت کوت جروسلیم . فوق ۲ نی باوا^ء اورغ ساکیت ، دغن اورغ ماسوق هنتو فون ، ماري جوگ . فس سموا اورغ نی بولیه سیار بلاک .

صحابة ۲ عيسو کا ایکت ماسوق جیل

17 سموا کجادین نی بوات بري امام بسر دغن فوق ری ، یائیت فوق صدوکی ، براں بریشکی نق موريه ، نق لاؤن دغن صحابة ۲ عيسو . ری فون ایکت صحابة ۲ تو ، بوبوه دالم جیل . 18 تافي فد مالم تو ، توهن سوروہ ملائیکہ کی بوک فینتو ، باوا^ء فوق صحابة بري توبیت دالم جیل . 19

20 ملائیکہ سوروہ کا ری کات : مو کیله کا بیت المقدس ، رویت چارا حال ہیدوف چارا بارو نی ، بري سموا اورغ دغر ! صحابة ۲ عيسی فون فادول کا فرکتائے ملائیکہ نی ، فس چره فاگی ، ری کی کا بیت المقدس ، ماسوق مثاجر سلالو . 21 فد ماس تو جوگ ، امام بسر دغن فوق ری دوق فشکیل اورغ دالم جملیس اوکام یہوی ، کتوا ۲ یہوی سموا ، ماري برھیمفون سکالی . فس ری سوروہ کی امبیق صحابة ۲ عيسی دالم جیل ، باوا^ء ماري .

22 تافي بیلا انق تاعن امام بسر کی سمنی دجیل تو ، صحابة ۲ عیسی تاءار ده . ری فون کلیق رویت کا امام بسر کات : کیت کی سمنی کا جیل ، نمفق فینتو دوق کونچی کوکوہ لاگی . 23

- عسکر ۲ فون روق جاگ مولیق دافن فینتو. تافي بیلا بوك فینتو،
تاءٌ اد سئورغ هابوق ! 24
- بیلا کفلا عسکر دغن فواق امام بسر سائني رغر بالس تو، ری
فون براس ترکجوت، فس نق تاهو بالس مان اورغ هیلخ تو. 25
- تکه ری روق کیچیق تو، اد سئورغ ماری رویت کات: هي
تون ! اورغ هق توان بوبوه دالم جیل سمالم تو، لاني ری روق
مثاجر اورغ دبیت المقدس فول ! . 26
- با رغر تو، کفلا عسکر فون بیغکس باعون سلالو دغن فواق ری
کی امبیق صحابة ۲ عیسی ماری کا تمفت امام بسر، تافي تاءٌ برانی
نق بوات کاسر، کران تاکوت اورغ رامی موریه، فیکوغ ری دغن
باتو . 27
- ری فون باواٌ صحابة عیسی ماری مغهادف فواق کتوا٢ هق روق
مشورة تو، فس امام بسر کات کا ری : 28
- فواق کتوا اکونی لارغ فوتوس، تاءٌ بنر بري مو مثاجر دغن نام
عیسی . فس، بالس مان فول ? مو بري سموا اورغ دالم بندر
حروسلیم رغر فثاجران مو. مو نق بري فواق اکو تغکوغ جواب
بونوه عیسی بالس تو !

فیتروس جواب کا فواق کتوا ۲ یہودی

- فیتروس دغن فواق ری فون جواب کات: کیت کنا توزوت
فرینته توهن، لبیه فد فرینته ماٌنسی لاکی . سوغلکوہ فون، 29
- تون ۲ نی بونوه عیسی فد کایو امفت چایغ، تافي توهن، هق
توء نینیق کیت سموا فرجای، ری بري عیسی هیدوف کلیق فول. 30
- فس توهن سوده لتق عیسی نی جانی راج، جورو سلامت کیت.
عیسی سوده نائیک کا تمفت کواس فنوہ دسلہ کانن توهن . 31
- توجوان توهن، ری نق بري فواق اسرائیل کیت توبة، بولیه
امفون دوسا٢ کیت !

- فس، فيتروس کات، فواق امب نيله جاري سقسي کات خبران ني 32
سوڠکوه. روح سوچي فون جاري سقسي سکالي دغن امب جوگ،
يائیت روح توهن، هق توهن سوک بري کا اورغ هق طاعة کا نيء.
بيلا نغر فرکتائن فيتروس نيء، فواق امام بسر نائيک موريه 33
سلالو، فاکت نق بونوه فواق فيتروس.
- تافي اد سئورغ دالم فواق کتوا تو، باعون سوروه اورغ باواء 34
فواق فيتروس توبیت لوار دولو. اورغ نيء نام گمالعیل. نيء
جاري گورو کتاب تورات دالم قوم فريسي، هق سموا اورغ حرمة.
گمالعیل سائني کات: دغرهه اديق کاكچ کو! بلوم فد بوات اف ۲ 35
کا فواق نيء، کنا فيکير موليق بري هابيس دولو.
- ایشت کا لق، ماس دولو اد سئورغ نام تيوس اڳيت ديري 36
کات نيء جاري اورغ مليا؟ اد اورغ توروت نيء سمني امف
راتوس اورغ. تافي تيوس کنا بونوه، فس فواق نيء تو فون،
فچه بله کي هابيس. چريتا نيء فون ليسوس ده.
- لفس تو، اد اورغ نام يوس، دنکري گاليل. نيء تيمبول فد 37
تاهون کراجاءن سوروه ماسوق کبون دافور رعيت ۲. يوس
سائني اچق اورغ رامي توروت نيء، تافي نيء فون کنا بونوه
جوگ، فس فواق هق توروت نيء، جاري فچه بله هابيس.
- سابيت توله، گمالعیل کات، اکو نق نصيحة بالس نيء ! 38
سوروه لفس اورغ نيء کي، جاغن بوات اف ۲ کا نيء. کالو هق
نيء بوات تو ماري دالم فيکيران ماءنسى ساج، تاءلام فون نق
ليسوس کي سنديري.
- تافي کالو هق ماري درفت توهن، تنتو فواق کيت تاءله منځ 39
دغن فواق نيء. تاکوت جاري کيت برلاون دغن توهن !

فواق کتوا لفس صحابة ۲ عيسى کي

سموا اورغ ستوجو دغн فرکتائن گمالعیل نيء. نيء فون 40

فشكيل فوق فيتروس ماسوق فول ، جاتوه حکوم فيات دغن روتن ،
لارغ تاء بري سبوت نام عيسى لاكي ، فس تو ، لفس دي كي .

فواق صحابة عيسى فون توبيت درفت جمليس تو ، دغن
ساغت ٢ سوك ريا ، سبب توهن فيليه فوق دي تو ، كنا فيات ،
كما هينا ، سابيت نق بري نام عيسى مليا .

لفس تو ، فيتروس دغن صحابة ٢ سموا ، كي مثاجر اورغ ربیت
المقدس گتف ٢ هاري . فس دي كي کا رومه اورغ جوگ رویت خبر
بعن بايك کات المسيح سوره ماري ده ، اياله عيسى .

فواق المسيح فيليه توجه اورغ فنلوج

باب ٦

فداش تو ، اد اورغ ماسوق جاري فوق المسيح ، کهور
سهاري کهور باپق . جاري دالم فوق ٢ تو اد اورغ يهوري کيچيق
بهاس کريک ، دغن اورغ يهوري هق اصل . فس دوا فوق ني تاء
ستوجو . دي کات رویت سارا هق بهاكى کا اورغ بتينا بوجع تائسام
باپق . اورغ بتينا يهوري اصل بوليه باپق ، اورغ بتينا کيچيق
كريک ، بوليه سيكيت .

فواق صحابة عيسى هق دوا بلس تو فون ، فشكيل اومة ٢ سموا
ماري مشورة . فس دي کات : کيت تائسون فاتوت کرج بهاكى رویت
سارا سعمور ، سميچگ سمعفي کيت کنا تيغل کرج مثاجر فركتان
تهن ، هق توهن سوروه .

سبب توله ، اديق براديق کنا فيليه توجه اورغ دالم فوق مو ،
اورغ هق فواق مو برگن ، هق هاتي دي دوق فنه ده دغن کواس
روح توهن ، هق فيکيران موليق ، بري فواق توجهه اورغ ني کرج
بهاكى رویت سارا . فس فوق اکو ني بوليه بوات کرج کيت ،
مينتاء دعا دغن مثاجر فركتان توهن .

بيلا دغر فركتان صحابة ٢ تو ، سموا اورغ فون ستوجو . دي
فيليه اورغ نام ستيفن ، هق فرجاي دغن توهن سورگوه ، هق

١

٢

٣

٤

٥

توروت فرینته روح توهن دالم هاتی سعمور. فس اد انم اورغ لاکی،
هق نام ری فیلیف، فروخور، نیکانور، تیمون، فرمیس رغن
نیکولس اورغ انتیوخ، هق ماری ماسوق اوکام یهودی دولو.

6 ری باواه توجهه اورغ نی ماری دافن صاحبة ۲ عیسی . صاحبة ۲
فون مینتاه دعا، لتق تاغن اتس کفلا توجهه اورغ تو، گنف ۲ اورغ.
لفس فد تو، خبران توهن ملارت کی کهور جاءه هیچگ سمفی
باپق تمعفت. باپق اورغ دالم کوت جروسليم فون ماسوق جاري فوقا
المسيح . امام یهودی فون باپق فرچای توروت جالن نی جوگ.

ستيفن کنا ایکت

8 فد ماس تو، رحمة توهن رغن کواس ری دوق اتس ستيفن
رغن سمنفرن . دمان ۲ ستيفن کی فون، ری بولیه بوات فرکارا
عجايب باپق فرکارا ، تولوغ اورغ .

9 تافي اد فوقا ۲ اورغ یهودی ماری بحس رغن ستيفن . ساتو فوقا
هق کی سمبهمیغ سعمور دمسجد یهودی هق نام : مسجد قوم
اورغ هق بولیه لفس درفه همب . فوقا نی بیاس دودوق دنگری
کورینی رغن بندر اسکندریا . فس سفواق لاکی هق بیاس دودوق
دنگری کیلیکیا رغن نگری اسیا .

10 جاري فوقا ۲ نی ماری بحس رغن ستيفن ، تافي منع تائلیه ،
سبب روح توهن بربی ستيفن جواب رغن بیجقسان .

11 سبب تو فوقا نی او فه اورغ جاري سقسي بوهوغ، سوروه کات:
کیت دغر اورغ نی کیچیق هینا کا نبی موسی، فس کند توهن
جوگ ! رغن کیچیق بالس نی ، ری هاسوت سموا اورغ بربی موریه
کا ستيفن . کتوا ۲ یهودی رغن گورو ۲ کتاب فون موریه جوگ .
فس ری سوروه ایکت ستيفن رغن ترکجوت باواه ماری دافن کتوا ۲
یهودی ، دالم جملیس اوکام ری .

13 بیلا ماسوق دافن فوقا کتوا ، سقسي بوهوغ سائني کات: اورغ نی

دوق کيچيق هينا تاءً فوتوس کا تمفت سوچي هق کيت ، سکالي رعن حکوم ۲ اوگام کيت ! سبب کيت دغز ستيفن نی کات : عيسى اورغ نصرة تو ، نق ماري بوت خيانة تمفت سوچي هق کيت ، بري فونه هابيس . فس نی نق توکر سموا حکومن هق کيت تريما درف دنبي موسى !

فواق جمليس سموا فون فالیع تیشوق کا ستيفن ، فس نمفق موک نی برچھيا چره سروف موک ملاعیکه .

باب ۷ ستيفن جواب کف کتوا ۲ یهودي

اما بسر فون تانه ستيفن : سوڠکوه کا دق ، سروف اورغ نی ادو ؟
ستيفن فون جواب : يا اديق کاکق اورغ توا سموا ، دغزله دولو !
توهن بیع مها مليا ماري بري کتل کا توء نینیق کيت ، نبي ابراهيم دولو . ماس تو ، ابراهيم دو دوق دنگري مسفوتاما ، بلوم فد کي کا دنگري حران لاغي .

فس توهن سوروه نبي ابراهيم کات :

مو کا توبیت کي درف دنانه اير مو ، درف اديق براديق
مو ، کي کا ساتو دنگري هق اکو نق تنحوق کف مو !

ابراهيم فون توبیت دنگري اورغ خلديم تو ، کي دو دوق دنگري حران ، هيٺگ سمعي ايه نی ماتي . لفس تو فول ، توهن سوروه نبي براليه دتمفت تو ، کي دو دوق دنگري هق فواق کيت دوق لاني ، ستيفن کات .

حال فرجنجين توهن کف دنبي ابراهيم

توهن تاءبرى تانه کف ابراهيم سیکیت هابوق فون . سوڠکوه فون توهن برجنجي نق بري سموا تانه نی کا انق چوچو نبي ابراهيم ، ماس رافن ، تافي فد ماس تو ، ابراهيم تاءاد انق لاغي .

لفس تو، ستیفن کات، توهن رویت فول: هی ابراهیم! ماس کوء
رافن، انق چوچو مو نق کنا گی تومفع دورووق دنگری اورغ. اورغ
نگری تو نق بوات همب، بوات سیقسما کاری سمفی امفت راتوس
تاھون. باروله اکو توهن، نق جاتوه حکوم اتس اورغ هق بوات
ظلیم کا انق چوچو مو تو. لفس فد تو، فواق انق چوچو مو
نق بولیه ماری سمبہ کا اکو دسینی فول! توهن کات.

لفس فد تو، ستیفن کات، توهن بڑی روکون برسونت کا ابراهیم
جاري تندا فرجنجین توهن دغن ری. سبب توله، بیلا ابراهیم
بولیه انق کا اسحاق، سمفی عمور لافن هاری، ری فون برسونت
سلالو. لفس تو اسحاق بولیه انق کا یعقوب. یعقوب فون
بولیه انق دوا بلس اورغ، هق کیت فشکیل فواق توء نینیق دوا
بلس اورغ. فس سموا اورغ نی تریما روکون برسونت بلاک.

ستیفن رویت حال انق ۲ نبی یعقوب دوا بلس اورغ تو

لفس تو، ستیفن کات، فواق توء نینیق کیت، انق ۲ یعقوب
سائی، براں لغکی کا ادیق ری یوسف، جوال ری بڑی جاری
همب کا اورغ دنگری مصیر.

تافی توهن دوق سکالی دغن یوسف، بڑی ری لفس درد سموا
بالا، کران توهن تاریق هاتی فرعون، راج مصیر تو، بڑی
برکن کا یوسف، نتفق کات ری اورغ چردیق بیحقدان. ری
لتق یوسف جانی منتری بسر دالم نگری مصیر. فس یوسف فون
دوق جاگ سموا فرکارا دالم کوت فرعون جوگ.

لفس فد تو تاءلام، ستیفن کات، جانی کماراو بسر دنگری مصیر،
ملارت سمفی کا نگری یعقوب دورووق، یائیت نگری کتعان. جانی
سموا اورغ سوشه ساخت، فواق توء نینیق کیت فون فوتوس
مکان سموا جوگ.

6

7

8

9

10

11

- 12 بیلا یعقوب رغر خبر کات برس اد لاکی دنگری مصیر، نی سوروه
انق ۲ بی، فوق توء نینیق کیت تو، کی چاری بلی دنگری مصیر
کالی بیغ مولا ۲.
- 13 بیلا فوق تو کی کالی بیغ کدوا، یوسف فون بربی فوق کاکق نی
کدل، باروله فرعون بولیه تاهو حال ادیق برادیق یوسف.
- 14 لفس تو، یوسف هنتر اورغ کی اجق ایده نی یعقوب ماری دودوق
دنگری مصیر، سکالی نفن انق برانق دی، کسموا توجوه فولوه لیم
اورغ. یعقوب فون برالیه کی کا نگری مصیر، دودوق دسیتو سمفی
- 15 هابیس عمور. فوق توء نینیق کیت فون سروف تو جوگ،
ستیفن کات. بلاکع هاری، اورغ فاکت باواه تولغ ۲ نی کلیق کا
نگری اصل، کا تمفت نام شیخیم، دکت قبور نبی ابراهیم دنانه
- 16 هق نبی ابراهیم بلی دولو، درف حامور، شیخیم تو.

ستیفن هویوغ رویت دالم چریتا بغضا نی

- 17 بیلا دکت نق سمفی ماس هق توهن برجنجی نفن نبی
ابراهیم رولو، جاری فوق توء نینیق کیت دنگری مصیر برتمبه
کهور باپق، کهور باپق.
- 18 لفس تو، ستیفن کات، تیمبول سئورغ لاکی جاری راج دنگری
مصیر، هق تاء مبیق تاهو کا بوبی یوسف دولو.
راج نی دوق تیفو توء نینیق کیت، ستیفن کات، نی بوات
خیانة کاتیق. نی فقسا سوروه باواه بودق بارو برانق، کی
تاهوچ بربی ماتی.
- 20 فد ماس تو جوگ، اورغ برانق کا نبی موسی. نی بودق چومیل
ساغت، هق توهن برکن. مق فق فون فیرا نی درومه سمفی
عمور تیگ بولن. بیلا سمفی ماس تاء لیه فیرا موسی نی درومه
لاکی، نی باواه کی لتق دساتو تمفت پیتلن نفن انق بتینا

فرعون تمو ری، کرت سین نق امبیق ری کی فیرا، بوات انق
ری سندیری. سبب توله، ستیفن کات، موسی مغاجی بولیه
تاھو سموا علمو هق اورغ مصیر، فس، کیچیفن ری، دفن فربوتان
ری سمواش اد کواں.

ستیفن رویت لاکی حال نبی موسی

بیلا موسی سمفی عمور امفت فولوه تاھون، باروله ری براں
نق کی تیغوق ادیق برادیق ری، اورغ بعسا اسرائیل، دودوق
بالس مان دنگری مصیر تو. بیلا ری کی سمفی، ری تمعق
سئوغ اسرائیل کنا گولم دا اورغ مصیر. موسی فون تولوغ اورغ
اسرائیل تو، کاتق بالس اورغ مصیر ساءُنی، بڑی ماتی.
موسی سغک کات فواق ری، اورغ اسرائیل تو، نق فهم کات
توھن نق فاکی موسی بڑی سموا فواق ری تو سلامت، تافی
فواق تو تاءُ فهم.

ایسوق هاری، موسی کی فول، تیغوق اورغ اسرائیل دوا اورغ،
دوق یاله. موسی نق بڑی دوا اورغ نی فاکت بائیک. ری فون
کات: مو کدوا نی بعسا تولا! بااف دوق برباله سام سندیری?
اورغ هق بوات سالہ کا سائین ری فون فالیغ تولق موسی کات:
تااد سیاف لتق مو جاری کتوا، کرت سین بوکو ۲ اتس فواق
کیت! مو نق بونوہ اکوکه، سروف اورغ مصیر کلمارین?
بیلا موسی نغر فرکتائن نی، ری فون لاری سلالو، کی کا نگری
لوار، نام میدیان. دسیتوله، موسی بربینی بولیه انق جنتن
دوا اورغ.

توھن تورون خبر کا نبی موسی

فس ستیفن هوبوغ لاکی دالم چریتا ری کات: موسی دوق
دنگری لوار تو سمفی امفت فولوه تاھون، باروله ملاعیکہ ماری

- تیمو دغن ری ، دالم فارغ فاسیر ، رکت بوکیت طور سینا ، بربی
ری نمفق افی دوق مپالا دفوہون کایو بردویری .
- 31 بیلا نمفق کجادین نی ، موسی براس حیران . ری فون ماسوق
رکت نق فرهاتی تیغوق . تیبا ۲ ری لغز سوارا درف دتوهں
کات : اکو نیله توہن هق توئینیق مو ، ابراهیم ، اسحاق لغک
یعقوب دوق سمبے ! موسی فون دوق کتر کالیب ، تاء برانی لغک
تیغوق .
- 32 فس توہن کات کا ری : مو چابوته کاسوت ، کران تمفٹ مو دوق
بردیری نی ، تمفٹ سوچی .
- 33 اکو سودہ نمفق کسوہاہن فواق هق اکو فیلیہ نی ، توہن کات .
34 اکو تیغوق ری کتا ظالیم تو ، فس اکو لغز سوارا ری دوق برادرور!
لانی ، توہن کات ، اکو سودہ تورون ماری نق بربی ری لفس
درف د بالا . کیله موسی ! اکو نق هنتر مو کی کا نکری مصیر فول !

اورغ اسرائیل تاء برکن کا نبی موسی

- فس ستیفن کات کا فواق کتوا هق دوق لغز چریتا بگسا ری:
ایغتلہ ! نی نبی موسی هق فواق اسرائیل تاء برکن دولو . فواق
تو فاکت رویت کا ری : تاء اد سیاف لتق مو جاری کتوا ، اورغ
کرت سین بوکو ۲ اتس فواق کیت !
- 35 موسی نیله هق توہن لتق جاری کفلا فواق تو ، ری هق بولیہ
بربی فواق تو لفس توبیت . دیالہ نبی هق توہن هنتر کی ،
دغن فرتولوغن ملائیکہ هق توبیت دالم فوہون افی مپالا تو .
لفس فد تو فول ، ستیفن کات ، نبی موسی باوا اورغ اسرائیل
توبیت درف د نکری مصیر ، دغن بوات معجزہ هق بسرین غن فرکارا ۲
فلیق کاتیق ، مولا ۲ د نکری مصیر دولو ، لفس تو د لاء و میرہ ،
فس تغہ ری دوق برجالن سلام امفٹ فولوہ تاھون تو ، د فارغ

فاسییر. جاري نبی موسى جوگ، هق رویت فرکنائے توہن کد اور غبغسا اسرائیل کات:

توہن نق بربی تیمبول نبی سئورغ لانکی کد فواق مو،
سروف ری هنتر اکو ماری نبی۔ ری نق جاري سئورغ
دالم فواق مو جوگ۔

38 دلاووت فاسییر تو، بیلا فواق اسرائیل ماری برھیمفون، نبی موسی له هق جاري اور غ تغه، بولیه برھوبوغ کیچیق رعن ملاکیہ دبوکیت طور سینا۔ فس کا دیاله، توہن کیریم خبر هق اد فایدہ سلام ۲۶ن، سوروہ بربی کا کیت.

39 تافی، ستیفن کات، جاري موسی نیله جوگ، هق فواق توئینیق کیت تاء سیر رغرا ری۔ فواق تو بنچی کا ری، دوق ایشت هاری ۲ نق کلیق کا نکری مصیر۔

ستیفن رویت حال اور غ اسرائیل بوات برھالا

40 لفس فد تو فول، ستیفن کات، فواق اسرائیل ماری رویت کا ہارون کات: بواتله برھالا انتوق کیت، هق کیت بولیه او سوچ کی رافن فواق کیت۔ موسی هق باوا کیت توبیت دنگری مصیر تو، لانی کی کا مان ده، تاء تاھو!

41 فد ماس تو، ری فون فاکت بوات برھالا، روف انق لمبو، فس ری سمبليہ بناتھ، قربان فوجا برھالا تو۔ فواق اسرائیل سموا فاکت ماکن جاموان سوگ ریا انتوق برھالا هق ری بوات تو۔

42 تافی، ستیفن کات، توہن تیغکل جاؤه درف دفواق تو، بلر بربی سمبھے بینتھ ۲ دلاغیت گاتیق۔ حال نبی اد سبوت دالم کتاب

43 نبی ۲ جوگ کات:

دغرهلہ اورغ اسرائیل ، فرگتائن توهن مو نی ! فد ماس امفت فولوہ تاهون دفارغ فاسیر دلو تو ، مو سمبليه بناتھ بوات قربان ، بوکن کا اکو هق جاري توهن مو ، دق ! تافي بارغ ۲ هق مو سوک سمبیه ، یاءیت برھالا ۲ هق مو بوات سندیبی ، مولوخ رفن بینتھ هق برھالا نام ریفن تو ، هق مو هارق رات ۲ دالم خیمه دی . ساپیت هق مو بوات نیله ، اکو توهن نق بواغ مو توبیت جا ۹ وہ فد نگری مو ، کی دودوق بالیق سان نگری بابلیون .

ستيفن هویوگ کی لاکی دالم تواریخ اورغ یہوی

فس ، ستيفن کات : فد ماس توء نینیق کیت دوق برجان 44

دفارغ فاسیر ، دی اد خیمه ، تمفت بوات سمبیه ، جاري تندا کات توهن دوق سکالی دفن دی . خیمه تو ، توهن سوروہ نبی موسی بوات ، ایکوت چنتوہ هق توهن بڑی نمفق کا دی .

لفس تو ، ماس کوء دافن ، خیمه تو بولیه ده کا انق چوچو ، 45 ستيفن کات . فوق تو فون باوا خیمه کی سکالی ، تکہ دی ماسوق نگری بارو ، دفن کفلہ دی نام یشوا . ماس تو ، فوق تو نینیق کیت کی رمس نگری تو درف دبغسا ۲ هق تا فرجای کا توهن . توهن فون همبت بفسا ۲ تو توبیت درف توء نینیق کیت ، ستيفن کات . فس خیمه تو دوق دفواق کیت سمنی ماس راج راءود ، اورغ هق توهن برکن .

راءود فون مینتا دفن توهن نق بوات ساتو رومہ انتوق توهن 46 هق سموا فوق یعقوب کیت سمبیه .

تافي هق بولیه بوات رومہ توهن سائی یاءیت انق راءود راج سلیمانله .

سسوگوہن ، ستيفن کات ، توهن یغ مہاتیغ کی تاء دودوق 48 دتمفت هق مائنسی بوات . اد ایات ساتو نبی ، کات :

لاغیت جاري کریسی کو ، بومی فون فلافیق کاکی کو ،
توهن کات . فواق مو نق بوات رومه بالس مان ، هق
سوغ انتوق اکو؟ نق بوات تمفت مان بري توهن
ریحٹ ؟ تاغن اکوله هق بري جاري سموا فرکارا نی !

49

50

ستيفن کات کتوا ۲ یهودی هاتی کرس

بیلا سووہ باج ایات نی ، ستيفن کات کا فواق کتوا یهودی :
فواق مو هاتی کرس ساغت ! مو اورغ براوگام بلاک ، تافی هاتیمو
تاً سیر فرچای ، تلیغا فون تاءً سیر لغر ، سروف اورغ تاءً اد
اوکلم . مو دوق لاون رغن روح توهن سعمور سروف توء نینیق
مو دولو ! نی بوات پاش کا نبی ۲ دولو ، فس سمنی کا بونوہ نبی
فون اد ، سبب ماری رویت خبر کات : فسوروہ توهن هق هاتی
بتول تو نق ماری کوء دافن ! لا نبی ، فسوروہ هاتی بتول سباءً نبی
ماری ده ، فس فواق مو کی ایکت نی ، سره کاسترو ۲ نی سوروہ
بونوہ . فلیق سوگکوہ ! فواق مو تریما ده حکوم ۲ تورات ، هق
ملائیکہ باواً تورون کا بغسا کیت ، فس مو تاءً مبوہ فاکی !

51

52

53

54

فواق کتوا ۲ بونوہ ستيفن

بیلا کتوا ۲ یهودی لغر فرکتائن ستيفن ، نی فون براں گرم
فس کاچیت کیگی موریه کا نی .
تافی ستيفن ، هق هاتی نی دوق فنوہ رغن کواس روح توهن ،
لشکق تیغوق کا لاغیت ، نصفق چھیا کملياں توهن . فس ، نی
نمفق عیسی دوق برڈیری دسلہ کانن توهن .
ستيفن فون کات : تیغوقله ! اکو نمف شرگ دوق تریوک ، فس
مائنسی هق تورون لشرگ دولو تو ، دوق برڈیری دتمفت کواس

55

56

فنوه ! فوق كتوا فون بيلا دغر ستيفن كات بكتيو ، بي اغكيت تاغن فكوف تليغا . فس سموا اورغ فاكت برسورق سوارا درس ، تاء سير بري دغر هق ستيفن رويت ، بلخ ۲ ماسوق كفوغ ايكت ستيفن ، فكع هييريت بي كي كا لوار بندر سلالو ، نق فيكوغ بي بري ماتي .

اورغ هق جاري سقسي بوهوج تو ، چابوت باجو بي ، بري اورغ مودا سئورغ فكع توغضكو . نام اورغ مودا تو ، سائل .

58
59
60

تعه فوق تو دوق فيكوغ باتو ، ستيفن مينتا دعن ربى ، كات : يا ربى عيسى ! امبيقله روح اكوني !

فس ستيفن تروم لوتوت ، كات دعن سوارا درس : يا ربى كو ! جاغنه امبيق ساله كا فوق نى ! لفس تو ، ستيفن فون ماتي . فس ، سائل هق فكع باجو سائني ، ستوجو دعن فوق هق جاتوه حکوم بونوه کا ستيفن .

اورغ بوات سيقسا کا فوق ۲ المسيح

باب 8

1
فدهاري تو جوگ ، فوق المسيح سموا دكوت جروسليم کا سيقسا تروق ، سهبيشگ جاني مچه کي سرات ۲ تمفت ، دنكري يهوديه دعن نكري سماريا . فوق صحابة ۲ عيسى ساج ، هق تيشكل دالم کوت .

2
اد اورغ هق طاعة کا توهن فاكت امبيق مايت ستيفن ، کي تانم دعن ترياق تاغيس ، کسياع بلس کا بي .

3
تافي سائل سائني توبيت کي بوات حيانة کا فوق ۲ المسيح سموا . بي ناء يك اتس تيف ۲ رومه ، هييريت اورغ تورون ، تاء کيرا جنتن بتينا ، باوا کي کوروغ دالم کوق .

خبر بيع بايك سمنفي کا نكري سماريا

4
جاري ، اورغ هق مچه کي رات ۲ تو ، باوا خبر بايك کي

کا سموا تمفت. اد سئورغ نام فیلیف، کی کا بندر سماریا رویت
کا سموا اورغ چارا حال المسيح، ری هق توهن هنتر ماری ده تو.
اورغ دالم بندر تو فون تاریق هاتی دغر فغا جران فیلیف، کران
سموا اورغ بولیه دغر اتوا بولیه تیغوق سندیری، فرکارا ۲ فلیق،
هق فیلیف بوات دسیتو.

اد باپق اورغ ماسوق هنتو. فیلیف همبت نق بری هنتو
توبیت. هنتو فون جریت دغن سوارا درس، بلغ ۲ توبیت. فس
اورغ تیفوق، اورغ چدرا، باپق اورغ بولیه سیار جوگ.

سابیت توله، اورغ دالم بندر تو فاکت سوک هاتی بلاک.

تافی اد ساتو اورغ نام صیمون. لام ده ری تیمبول نام دالم
بندر تو، دغن فاکی علمو سحیر ماچم ۲. ری بوات بری سموا
اورغ براں حیران، فس ری اگکیت دیری کات ری لبیه.

سموا اورغ هق دوق دسیتو، کچیک بسر فون، دوق فرهاتی
کا فرکتاں صیمون، کران ری کات: کواس هق لبیه سکالی
تورون کا صیمون نی!

لام ماری ده، ری دوق بوات سحیر ۲ ری بری اورغ حیران. سبب
تو، سموا اورغ فرهاتی کا ری کیتو لالو.

تافی بیلا فیلیف ماری رویت خبر بائیک، چارا حال توهن لتق
فرینته ری ده، کوء جالن عیسیٰ المسيح، جانی، باپق اورغ
دماریا تو فرچای. فس تو، بتینا جنتن، فاکت نق کی تریما
روکون مندی بفتیزما دغن فیلیف.

صیمون سندیری فون فرچای جوگ. ری ماری تریما روکون مندی
فس، ری توروت کی سکالی دغن فیلیف دوق بوات فرکارا عجاءیب تو.

بیلا فوق صحابة عیسیٰ دکوت جرسیم دغر کات اورغ سماریا
فاکت فرچای فرکتاں توهن بکیتو، ری هنتر فیتروس دغن
یحیا کی تیغوق فرکارا ۲ نی.

- 15 بيلا دوا اورغ ني سمنفي دسيتو، دي نمفق كات روح توهن تا
تuron اتس اورغ سماريا لاكي.
- 16 فواق تو سوده تريما روكون مندي دفن نام ربّي عيسى سكارا.
سبب توله، دوا اورغ صحابة سائني مينتا دعا، بري توهن
- 17 تورون روح دي اتس سموا اورغ ني. لفس تو، دي لتق تاغن
اتس كفلا فواق تو ماسيق ۲، باروله فواق تو تريما ده روح
تهن.

صيمون نق بلي علمو هق صحابة ۲ عيسى

- 18 بيلا صيمون نمفق دوا صحابة عيسى لتق تاغن اتس كفلا
اورغ رامي، بري تريما روح توهن بالس تو، دي فون امبيق دويت
ماري، نق بري کا دوا صحابة سائني.
- 19 مينتا توان بري علمو ني کا امب کاتيق! دي کات. فس امب بوليه
لتق تاغن اتس اورغ بري دي تريما روح توهن سروف توان ۲ بوات
نج!
- 20 تافي فيتروس کات کا دي: کي نراكله، سکالي دفن دويت مو! سبب
مو سغك کات رحمة توهن بوليه جوال بلي. هاتيمو تا^۱ بتول
رفنداغن توهن. سبب توله، مو تا^۲ بوليه اف سكارا دالم كرج
- 21 فواق اکو ني! مو توبتله درف دوسا موني، مينتا دفن ربّي.
بغكالي دي نق امفون فيكيران جا هت هق تيمبول دالم هاتي مو!
- 22 کران اکو نمفق هاتي مو فنه دفن اسد بغكي، سروف دوق ايكت
دفن تالي كجهاتن مو، هق تا^۳ بري مو لفس سعمور.
- 23 صيمون فون کات کا فيتروس: تولوغ برعاله کا امب کاتيق، توان!
جا عن بري تيمغا بالا اتس امب سروف هق توان کات ني!
- 24 لفس فد تو، دوا اورغ صحابة نائيك سقسي سموا فرکارا هق
تهن بري کا دي، فس دي رويت سموا خبر ربّي، بري اورغ
دسيتو رغر. بيلا هابيس، دي فون کليق کا کوت جروسليم.

تغه ۲ دوق برجالن کلیق تو، ری کوسنر خبر باءیک کوء کمفوغ
اورغ سماراریا، سرات تمفٹ.

فیلیف تمو رغن منتری نگری هبشي

لفس فد تو فول، اد ساتو ملاعیکة ماري چاري فیلیف. فس
ری کات: کیله فیلیف! مو کا توبیت کی کوء بالیق هیلیر هیفگ
سمفی باتس بسر، یاءیت جان امبیق دکوت جروسلیم، کی
سمفی کا بندر گازا! جان تو کی کوء لاوت فاسیر.

فیلیف فون توبیت کی سلالو. فد ماس تو جوگ، اد سورغ
بغسا هبشي دوق برجالن کلیق کوء باتس تو. ری جانی منتری
بسر هق راج بتینا دنگری هبشي. ری اورغ سفوتوغ، فس کرج
ری کنا جاگ سموا هرت بندا هق راج بتینا تو. منتری تو
تغه دوق کلیق ماري دکوت جروسلیم، تمفٹ ری کی سعبه کا
توهن.

ف د ماس ری ناءیک کریتا کودا کلیق تو، ری دوق باج کتاب
هق نبی یعشیا.

تکه تو جوگ، روح توهن سوروه فیلیف کات: کی ماسوچ دکت
کریتا کودا تو! فیلیف فون هوغلک ماسوچ دکت، فس ری دغر
منتری دوق باج کتاب نبی یعشیا ساءی تو. فیلیف تان منتری
کات: فرکتائن هق توان دوق باج، فهم کا دق؟

منتری فون جواب کات: لاکو مان نق بولیه فهم کالو تاءاد اورغ
هوراءی بري تاهو؟ ری فون اجق فیلیف ناءیک کریتا، دودوق
سکالی رغن ری. ایات ۲ هق منتری دوق باج تو مقصود بالس نی:

اورغ امبیق ری باوا کی، سروف باوا کمبيغ کی سمبليه.
فس سروف کمبيغ پيربغ دوق ییام تکه توان گونتبیغ
بولو، اورغ تو فون دوق ییام تاءکات اف سفاته فون.

26

27

28

29

30

31

32

سموا اورغ بوات هینا کا ری، فربوتن فوق تو فون
تاءعایل. تاءار نق بولیه رویت کتورون
اورغ نی، کران ری سودہ منیشگل دنیا ده.

33

منتری فون فالیغ تاث فیلیف کات: مینتا، هوریله! دالم ایات
حق نبی نی ری رویت چریتا سیاف؟ جاری چریتا نی سندیری
که؟ اتوا چریتا اورغ لاءین؟

باروله فیلیف رویت کا منتری، خبر بائیک چارا حال عیسیٰ المیسح
درفرد ایات ۲ حق سودہ سبوت داتس.

دوا اورغ تو فون برجالن کی، سمفی ساتو تمفت حق اد ایر.
فس منتری کات: مو تیغوقله! اد ایر دسینی. کالو اکو نق
تورون تریما روکون مندی بفتیزما سلالو دالم ایرنی، اد کا دق
کالاغن؟

فیلیف فون کات کا منتری: کالو توان فرچای رغن سوگنکوھ ھاتی
تاءار کالاغن اف ۲! منتری فون جواب: اکو فرچای کات عیسیٰ
المیسح، دیاله انق بیغ ساتو حق توہن!

لفس تو، منتری سوروہ کریتا برھنتی. ری کدوا فون تورون
دالم ایر، فس فیلیف بڑی منتری تریما روکون مندی بفتیزما تو.
بیلا ری کدوا نائیک درفرد ایر، روح توہن فون باوا، فیلیف
کی کوء جالن لاءین فول. لفس تو ری تاء برتمو رغن منتری تو
۴۵. منتری برجالن کلیق کانکری نی رغن سوگ ھاتی ساعت.
تافي فیلیف فول، اورغ برتمو رغن ری دبندر اشدود. فس ری
برجالن بلغ ۲ رویت خبر بیغ بائیک دکنف ۲ تمفت ھیشگ سمفی
کا بندر قیصریا.

باب 9

ساؤل برتمو رغن عیسیٰ دتغه جالن

فڈ ماس تو، ساؤل، مارہ ری تاء هیلخ لائی. ری دوق

1

اوگوت ۲ سعمور ، کات نق بونوه مرید ۲ ربی عیسی سموا .
ری فون کی مفهاف امام بسر ، مینتاً سورت کبتران ، نق باواءَ
کی کا سموا مسجدید اورغ یهودی دبندر دمشیک . توجوان ساءُول ،
کالو ری نمفق سیاف ۲ دوق توروت جالن ربی عیسی تو ، ری
نق ایکت برکس فواق نی ، جنتن بتینا تاءَکیرا ، باواءَ کلیق کا
کوت جروسلیم سلالو .

3 تغه برجالن ، رکت نق سمعی دبندر دمشیک تو ، تیبا ۲ اد
چهایا ، سولوه تورون سکلیلیغ توبوه ساءُول .

4 ری فون ربه تورون کا تانه ، فس دغر سوارا بوپی کات :
ساءُول ، یا ساءُول ! باءَاف مو بوات پان کا اکو نی ؟

5 ساءُول تان کات : یا توانکو ! امب تاءَتاهو سیاف دوق کیچیق
رغن امب نی ؟ سوارا تو جواب : اکوله عیسی ، هق مو دوق
6 بوات پان تو ! لانی مو کنا باعون ، کی ماسوق دالم بندر .
دستیتلہ مو نق بولیه تاهو کرج اف ۲ هق مو کنا بوات .
7 تکه تو ، فواق هق ماری سکالی رغن ساءُول ، دوق دیام ، نق
کیچیق تاءَ توبیت . فواق ری دغر سوارا ، تافی تاءَ نمفق سیاف
لی .

8 لفس تو ساءُول باعون ، چلیق مات نق تیغوق ، تافی تاءَ نمفق .
فس فواق ری فول ، فکٹ تاغن ساءُول فیمفین ری ماسوق دالم
بندر دمشیک .

توهن بربی مات ساءُول نمفق کلیق

9 مات ساءُول تاءَ نمفق تو ، سمعی تیگ هاری . دالم ماس تو ،
ری تاءَ ماکن ، تاءَ مینوم اف سکارا .

10 اد سئورغ مرید المسيح دو دوق دبندر دمشیک تو ، نام ری
حنانیاس . توهن بربی ری نمفق رغن مات هاتی ، فس ری دغر
سوارا ربی عیسی کات : یا حنانیاس ! حنانیاس فون جواب : یا

ریبی، اکو دوق دغر ده !

فس، ریبی سوروه حنانياس کات: مو کنا توبیت کی کوء ساتو
جالن هق اورغ فٹکیل جالن بتول. کی بري سمنفی کا رومه
یوسس، فس تان اورغ دالم رومه تو، نام دی ساءول، اورغ
بندر ترسوس. لاني دی دوق بردا دسيتو.

11 اکو بري دی نمفق دغنا مات هاتی، سئورغ نام حنانياس ماسوق
کی لتق تاغن اتس کفلاری، نق بري مات نمفق سمولا .

12 بیلا حنانياس دغر فرکتاں نی، دی جواب کات: یا ربی کو، اکو
بیاس دغر باپق اورغ کات، ساءول نی بوات جاہت ساغت کد
فواق هق جاري میلیق توهن دکوت جروسلیم ! فس لاکی، ساءول
نی فکن سورت کبیران هق فواق امام بسر. دی ماری دسینی،
توجوان دی نق ایکت سموا اورغ هق مٹاکو کات عیسیٰ جاري
ریبی !

13 تافي ربی کات کا حنانياس فول: مو کیله، کران اکو سوده فیلیه
ساءول نی جاري انق تاغن کو. دی کنا کی کد سموا بگسا هق
تاکل اکو لاکی، کد راج ۲ دغنا فواق اورغ یہوی جوگ. دی
نق بري سموا فواق نی کل اکو، ربی کات .

14 اکو نق رویت کا ساءول نی بري دی تاهو دلو، باپق ۲ کسو Sahen
هق دی کا تریما کوء دافن، کران کاسیه کا اکونی !

15 حنانياس فون توبیت کی سلالو کا رومه یوسس، ماسوق دالم
رومہ تمو دغنا ساءول . فس حنانياس سائی لتق تاغن اتس
کفلار ساءول فس کات: یا ساءول ادیق کو ! ربی عیسیٰ سوروه
اکو ماری . ربی نیله هق برتمو دغنا مو دتغه جالن تو. دی
نق بري مات مو نمفق سمولا . فس دی نق بري هاتی مو فنوہ
دغنا کواس روح توهن !

16 تیبا ۲ نمفق سروف سیسیق ایکن جاتوہ توبیت دمات ساءول .
فس مات دی بولیه نمفق سلالو. دی فون باغون کی تریما روکون

مندی بفتیزما . فس نی کی ماکن ناسی ، باروله براں کاکہ سروف سدیا . ساءول دودوق دغنا مرید ۲ المسيح دبندر تو دوا تیگ امفت هاری جوگ .

ساءول برشرح کات عیسیٰ دیالہ المسيح

لفس تو ، ساءول توبیت سلالو کی کا مسجد اورغ یہوی سموا تمفت ، انتوق برشرح کات عیسیٰ دیالہ انق یغ ساتو هق توهن .

سموا اورغ رغر فون براں حیران ساغت ، لالو کات سام سنديري : بوکن اورغ نی که ، بوات خيانة کا اورغ ۲ هق معاکو کات عیسیٰ جاري ربی ، دکوت جروسلیم ؟ فس نی ماری سینی نق بوات کرج تو جوگ . نی نق ایکت سموا اورغ نی ، باوا ۱ کلیق کا فواق امام بسر بوکن نی نی که ؟

لفس تو ، ساءول فون کھور قواہ بحس دغنا فواق یہوی دسیتو . نی بولیه شتجوق دالیل کات عیسیٰ نی جاري المسيح سوگکوہ ، سہیفگ فواق یہوی سپیف ، تائلیه جواب اف ۲ .

ساءول دوق دسیتو باپق هاری فول ، باروله اورغ یہوی ماری مشورة سام ۲ فواق نی ، چاری جالن نق بونوہ ساءول .

تافي ساءول بولیه تاھو فیکیران فواق تو ، کات ، نی دوق ننتی سیاغ مالم دفینتو گریغ بندر ، نق بونوہ ساءول دسیتو .

سابیت تو ، وقتو تغہ مالم ، فواق مرید ساءول باوا ساءول نائیک کا ساتو تمفت اتس کوت . نی بوبوہ ساءول دالم کیع بسر ، هولور تورون بڑی لفس کی کوء تو .

ساءول کلیق کا کوت جروسلیم

بیلا ساءول کلیق سمعی کا کوت جروسلیم ، نی فون کی چاری مرید ۲ عیسیٰ ، نق ماسوق جاري فواق نی . تافي فواق

تو سموا تاکوت کا ساءول ، تاء فرچای کات نی جانی مرید عیسو سوگکوہ .

27 تافي اد سئورغ نام برنابس ، باواه ساءول کي برتمو دغن صحابة ۲ عيسى . برنابس نی رویت فرکارا هق جانی اتس ساءول ، کات ربی عیسو بري نمفق ديري کا ساءول تغه جالن ، کيچيق دغن نی . لفس تو فول ، ساءول دوق برشح دغن سبوت نام عيسى دبندر دمشیک ، تاء تاکوت کا سیاف ۲ .

28 با دغرهق برنابس رویت سائني ، فواق صحابة فون تریما ساءول جاري ادیق برادیق بوات کي ماري دالم فواق نی . فس ساءول براني سلالو برشح دغن سبوت نام ربی ، دالم سموا کوت جروسلیم تو .

29 اد سفواق اورغ يهودي هق کيچيق بهاس گريک . ساءول فون کي کيچيق دغن فواق نی ، بحس دغن نی . فواق نی فول فيسه چاري جالن نق بونوه ساءول . تافي ادیق برادیق ساءول دالم فواق هق فرچای کا عيسى ، دغرهب نی ، فس باواه ساءول کي کا بندر قيصریا دللو . فس تو ، هنتر ری کي کا بندر ترسوس فول .

31 لفس فد تو ، فواق ۲ المسيح دالم نکري يهوديه ، نکري کاليل دغن نکري سماريا تو ، دوق سنخ ليندغ ، تاء اد سیاف کاچو نی . ماس تو ، فواق ۲ المسيح کهور جاري ساتو هاتي ، کهور کمس ایلان دالم فواق نی . نی دوق توروت فرینته ربی عیسو کي سعمور ، فس دغن فرتولوغن روح توهن ، اورغ ماسوق جاري فواق نی ، کهور ۲ باپق سعمور .

فيتروس کي کا بندر یافا

32 فد ماس تو ، فيتروس برجالن کي کا رات ۲ تمفت نق تیغوق

- فواق هق فرچای کا ربی عیسی .
بیلا دی سمنی کا بندر لده ، دی برتمو دغن سئورغ نام عینیاس .
اورغ نی . تیفوق لافن تاهون ده ، دوق دالم بیلیق ، تاٹلیه کی
کا مان ۲ .
- فیتروس فون رویت کا دی : یا عینیاس ! لانی عیسی المیسح بڑی
ھیلٹ ده پاکیت مو . باگونله گولوغ تیکر بنتل مو ، کی سیمفن!
عینیاس فون بولیه باگون سلالو .
- بیلا نمفوک کات عینیاس بولیه سیار ده تو ، سموا اورغ هق
دودوق دبندر لده ، دالم تعلوق شارون ، فاکت فرچای کا ربی
عیسی .
- فس دبندر یافا ، اد سئورغ اورغ بتینا هق جانی مرید المیسح .
نام دی طابیتا . دغن بھاس گریک ، نام دی درکس . اورغ بتینا
نی سوک صدقہ کا اورغ مسکین ، سوک بوات کبجیقکن سعمور .
فد ماس تو دی ساکیت ، فس تاء لام ، دی ماتی . فواق ساء ین ۲
کمفوغ فاکت سیمفن ده مایت ، کی لتق داتس لوتیغ .
- بندر یافا تو تاء جاوه مان دغن بندر لده سائني . سابیت تو ،
مرید ۲ المیسح دسیتو ، تاھو کات فیتروس برهنتی دبندر لده .
دی فون هنتر دوا اورغ کی فشکیل فیتروس ماری . دی کات :
مینتا تو ان ماری سلالو کا رومہ کیت !
- فیتروس فون توروت اورغ تو کی سلالو . بیلا دی سمنی ، اورغ
باوا دی نائیک کا بیلیق اتس لوتیغ تو . اد دسیتو فواق اورغ
بتینا باپق اورغ دوق تریاق تاغیس . سموا اورغ نی دوق ھولور
نق بڑی فیتروس تیغوق بکس تاغن درکس هق ماتی تو . کائین
باجو سموا ، هق دورکس بیاس جاھیت بڑی کا اورغ .
- فیتروس سوروہ سموا فواق سائی توبیت کا لوار . فس دی تروم
لوتوت ، مینتا رعا . لفس تو دی فالیغ کات کا مایت : طابیتا !
ھی طابیتا ! مو باگونله ! طابیتا فون چلیق مات ، تیغوق کا

- فيتروس ، فس باعون مپاتوق سلالو . 41
 فيتروس فون فکع تاغن ری بري بري . لفس تو فغکيل فوق
 هق فرچاي کا المسيح سموا ، هق جنتن رغن فوق بتينا
 سائني ، ماري تيغوق طابيتا . فس فيتروس بري طابيتا هق هيديوف
 کليق . تو ، کا فوق ری فول . 42
 خبر نی تاهو کي رات ۲ دالم بندر يافا فول . فس ، باپق اورغ
 فرچاي کا ربی عيسی رسیتو جوگ . 43
 لفس تو ، فيتروس برهنتي دبندر يافا ، درومه ساتو توکع بلوغ ،
 نام صيمون ، باپق هاري فول .

توهن هنتر ملائيکة کاعسکر روم

باب 10

- اد سئورغ بعسا روم ، نام کرنيليوس ، جاني ناءی روی دالم
 فوق عسکر هق اورغ فغکيل : اغلاتن عسکر ايتالي . ری دودوق
 دبندر قيصريا . کرنيليوس نی ، ری اورغ هق فرچاي طاعة کا توهن . 2
 انق بياني ری فون سروف ری جوگ . ری سوک صدقه باپق ۲ کا
 اورغ سسق ، فس ری دوق برعما رغن توهن سعمور . 3
 فد ساتو هاري ، سمفی وقتو برعما فوكول تیک فتغ ، توهن بري
 کرنيليوس نمفق رغن چرف ، ساتو ملائيکة ، هق ماري دکت ری
 کات : هي کرنيليوس ! 4
 کرنيليوس فون ترکجوت نمفق ملائيکة بالس تو . فس ری کات :
 يا توانکو ، بااف توان ماري سيني؟ ملائيکة جواب : توهن
 تريما ده سموا عملن رغن دعا ۲ مو . توهن تاءار لوف کف دمو
 کرنيليوس ! لاني مو کا هنتر انق تاغن مو کي کا بندر يافا . 5
 سوروه ری کي برتمو رغن سئورغ نام صيمون ، کلاران ری
 فيتروس . فس کنا باواه ری ماري سيني ! 6
 اورغ نی دوق برهنتي درومه توکع بلوغ ، هق نام صيمون جوگ .

7 رومه نی دوق دتفی لاءوت. سوده کات بگیتو، ملائیکة فون رایب. فس کرنیلیوس فٹکیل همب نی دوا اورغ ماری دغن عسکر سورغ، هق کرج نی جاگ توبوه کرنیلیوس سعمور. عسکر نی فون فرچای کا توهن سروف کرنیلیوس جوگ. کرنیلیوس رویت حال ملائیکة ماری سائی تو، بری تیگ اورغ نی دغن. لفس تو، هنتر نی کی کا بندر یافا سلالو.

فیتروس تیغوق فرکارا فلیق

9 ایسوق هاری فول، انق تاغن کرنیلیوس برجالن دکت نق سمفی کا بندر یافا، تمفت فیتروس دودوق تو. فد ماس تو جوگ فیتروس نایک اتس سوتوه رومه، نق سمبه کا توهن فوکول دوا بلس تغنه هاری.

10 فیتروس فون براس لافر ناسي. تکه نی دوق ننتی اورغ برسیف مکانن کا نی تو، فیتروس دوق رالیب.

11 تیبا ۲ توهن بری نی نمفق سروف لاغیت تربوک، فس اد کائین بسر ایکت امفت بوچو سروف اندول، کهور ۲ تورون ماری سمفی کا تانه. دالم کائین تو، فیتروس نمفق اد بنانع سرب سروبی، هق برجالن کاکی امفت اد، هق مغایف اد، هق تربع فون اد، اد ماچم ۲ جنیس دالم کائین تو.

12 فس فیتروس دغ سوارا کات: امیقله فیتروس، سمبليه ماکن!

13 تافي فیتروس جواب: اوه! تاءلیه سام سکالی، يا توانکو،

14 امب نی تاءبیاس ماکن فرکارا حرام، فرکارا چمر، سروف نی!

15 لفس تو، نی دغ سوارا سکالی لاکی کات: هق توهن کات حلال، جاغن مو کات حرام!

16 جاری سروف تو سمفی تیگ کالی، فس کائین تو کا اگیت نایک کا لاغیت فول.

 انق تاغن کرنیلیوس ماری تمو دغن فیتروس

- 17 تکه فیتروس دوق منغوغ، تاءاد اره نق گامق اف معنا
کجادین نی، با مولیق انق تاغن کرنیلیوس سمفی رافن فینتو.
ری کدل رومه صیمون دغن تان اورغ کوء جالن.
- 18 لانی ری دوق فشگیل رافن فینتو، کات: اورغ نام صیمون، هق
گلران ری فیتروس، اد سینی کا دق؟
- 19 تکه فوق نی دوق تان، فیتروس فون دوق منغوغ فیکیر لاکی
حال کجادین کائین امفت بوچو سائني. روح توهن دالم
هاتی فیتروس فون کات: دغله! اد تیگ اورغ ماری چاري مو.
- 20 تورونله، کی تمو دغن ری، فس کی سکالی دغن ری. مو تاء
کا براں شک هاتی، کران اکو توهن هق سوروه ری ماری!
فیتروس فون تورون کی تمو دغن تیگ اورغ تو کات: امبله هق
- 21 دیما دوق چاری تو. چیء ماری سینی کرج اف؟
- 22 فوق تو فون جواب: ناءی روی کرنیلیوس، سئورغ کفلا عسکر
روم، ری سوروه کیت ماری چاری چیء دسینی. توان کیت، ناءی
روی ساءنی، ری اورغ باءیک هق طلاعة کا توهن سعمور. سموا
اورغ یهودی فون تاهو سوغلکوہ بالس نی. جانی، ساتو ملایکة
ماری رویت کا توان کیت، سوروه ری فشگیل چیء نی کی کا رومه
ری دیق نون، سبب ری نق دغرسموا خبر هق مان چیء نق
رویت! بیلا سوده دغ فرکتائن نی، فیتروس فون اجق تیگ
- 23 اورغ ساءنی برہنتی تیدور درومه تو. ایسوق فاگی، فیتروس
توبیت کی دغن فوق تو. اد ساءنین ۲ فوق المیح دبدر
یافا، توروت کی سکالی جوگ.

 فیتروس ماسوق دالم رومه ناءی روی کرنیلیوس

24 ایسوق فول، فیتروس دغن فوق ری سمفی کا بندر قیصریا.

- ناءی روی کرنیلیوس فون دوق ننتی نق سمبوت نی، سکالی دغن ادیق برادریق ساءین ۲ نی، هق نی فغکیل ده ماری برھیمفون د رومه نی .
- 25 بیلا فیتروس سمهی کافینتو رومه، کرنیلیوس فون توبیت کی سمبوت دغن سجود حرمة کا فیتروس .
- 26 تافی فیتروس سوروه نی باعون، کات: تاءسہ سجود له! امب فون جاری ما نسی سروف ناءی روی جوگ!
- 27 لفس تو، فیتروس دغن کرنیلیوس دوق برکیچیق بلغ ۲ ماسوق کا دالم . فس نی برتمو دغن اورغ رامی هق دوق ننتی .
- 28 فیتروس کات کا سموا اورغ نی: توان ۲ سموا تاهو ده کات حکوم اورغ یهودی کات، لارغ فوتوس تاءبری اورغ یهودی چمفور گاءول اتوا ماسوق دالم رومه اورغ بفسا لاءین . تافی توهن بارو بری امب تاهو چرف کات، تاءدار اورغ بفسا مان ۲ فون هق کیت کا فغکیل چمر، اتوا لارغ تاءلیه چمفور گاءول دغن نی !
- 29 سبب توله، فیتروس کات، بیلا ناءی روی فغکیل امب ماری سینی، امب ماری سلالو، دغن تاءکیرا اف ۲! تافی لانی امب مینتاء رویتله، سبب اف ناءی روی فغکیل امب ماری سینی؟
- 30 ناءی روی کرنیلیوس فون جواب کات: تیگ هاری لفس ده، فریاغ نی جوگ، امب دوق بریعا فوکول تیگ فتن، د رومه امب نی . تیبا ۲ امب نمفق اورغ بریدی رافن امب . فکاین نی برسبینر بانر . اورغ نی کات کا امب: یا کرنیلیوس، توهن سوده دش سموا دعا فرمینتائن مو . فس نی تاءلوف عملن مو، صدقه کا اورغ مسکین تو!
- 32 سبب توله، توهن سوروه مو هنتر اورغ کی کا بندر یافا، فغکیل اورغ نام صیمون فیتروس ماری دسینی . نی دوق د رومه صیمون، توکع بلوغ، دتفی لاءوت .
- 33 لفس تو، کرنیلیوس کات، امب سوروه اورغ کی اجق چی ماری ،

فس مولیقله چيء بولیه ماري سلالو ! لاني قواق امب سموا فون دوق مغهارف توهن دسيني ، ننتي نق دغر سموا خبر ، هق مان توهن سوروه چيء رویت !

شراحن فيتروس دالم رومه ناء ي روی

فيتروس فون برشح لاگو نی، کات : لاني باروله امب ارتی 34
 توهن تیغوق ما ئنسی سروف سموا ! دالم تیف ۲ بفسا، توهن 35
 کاسیه کا اورغ هق طلاعة کا ری ، هق بوات بائیک کا اورغ .
 ادیق کاکق سینی سوده تاهو ده ، فيتروس کات ، خبر هق 36
 توهن تورون کا اورغ اسرائیل امب نی ، بوکن ؟ ایتوله خبر بائیک
 کات کیت نق بولیه سلامت دغن عیسی المیح ، هق جاری
 ریتی اتس ما ئنسی سموا .

فس ، فيتروس کات ، امب تا ئکا رویت سموا فرکارا هق بارو 37
 تیمبول دنگری امب ، مولا ۲ تیمبول دنگری گالیل ، لفس تو ،
 دسرات تمفت ، جق ماس نبی یحیا کی سرو روکون توبه هق نی
 دلوو . فرکارا ۲ نی ادیق کاکق سوده تاهو ده .

ادیق کاکق سوده دغر نام عیسی اورغ نصرة تو ، فس تاهو ده 38
 کات توهن بري روح نی دغن کواس نی تورون اتس عیسی نی
 بوکن ؟ فس ، حال عیسی توبیت کی رات ۲ ، بوات فرکارا ۲ بائیک .
 اورغ ماسوق هنتو نی تولوغ بري سیار بلاک . سبب توهن دوق
 سکالی دغن عیسی نی سغمور .

فس فواق امب نی جاری سقسی ، فيتروس کات ، کران امب 39
 سوده تیغوق سموا فرکارا نی ، هق عیسی بوات دالم نگری
 اورغ یهودی امب ، فس دکوت جرسولیم فون جوگ . لفس فد تو
 فول ، فواق امب تیغوق کتوا ۲ یهودی فاکت کی فاکو عیسی
 فد سباتخ کایو سمفی ماتی . تافی دالم ماس تیگ هاری توهن 40
 بري عیسی هیدوف گلیق ، بري نمفق توبه بدان نی دغن

پات . بوکن توهن بري سموا اورغ نمفق عيسى ، لق ! فيتروس
 کات . توهن بري نمفق کا فواق امب ساج ، هق توهن فيليه
 جاري سقسي چارا حال عيسى . فواق امب نی هق دودوق ماکن
 مينوم سکالي رغن عيسى ، ماس نی هيڊوف گلیق سمولہ تو .
 لفس فد تو ، فيتروس کات ، عيسى سوروہ فواق امب کی رویت
 خبر بائیک چارا حال ری بري سموا اورغ رغرا . ری سوروہ فواق
 امب کی جاري سقسي کا سموا اورغ ، کات ، توهن سوره لتق
 عيسى نی جاري حکیم کرت سین اتس مائنسی ، هق هيڊوف
 اتوا هق ماتی فون ، فد هاري قيمة .

41 سسوڠو亨 ، فيتروس کات ، نبی ۲ دولو سموا رویت ده حال
 عيسى ، کات سیاف ۲ هق فرچای کا عيسى ، نق بولیه امفون
 روسا رغن نام عيسى نی !

روح توهن تورون اتس اورغ بعسا لاءِين

44 تغه فيتروس دوق سبوت فرکتائن نی لاکی ، تیبا ۲ توهن
 تورون روح بی اتس سموا اورغ هق دوق دغیر درومه ناءِی روی
 تو . فواق اورغ یهوري هق توروت فيتروس ماري تو فون ، بیلا
 تیفوق کجادین نی ، ری براں حیران سوڠگوہ ، سبب توهن
 بري روح ری تورون اتس اورغ بعسا لاءِين ، بوکن اتس اورغ
 یهوري ساج .

45 اورغ یهوري سائني بولیه رغ فواق ناءِی روی کرنیلیوس ، دوق
 فوجی کاتوهن ، فس کیچیق رغن بهاس ۲ لاءِين هق نی سندیری
 تاءِ ارتی .

46 فيتروس فون فالیغ کیچیق رغن ساءِین ۲ ری کات : تیفوقله !
 فواق نی سوره تریما روح توهن سروف کیت ، فس سیاف ری
 برانی نق لارغ فواق نی ، تاءِ بري تریما روکون منی رغن ایر
 جوگ ؟ فس فيتروس سوروہ کرنیلیوس رغن فواق ری تریما روکون

منی بفتیزما سلالو، داتس نام عیسیٰ المیح. لفس تو، فواق کرنیلیوس مینتا، فیتروس برہنتمی دسیتو، باپق هاری جوگ.

باب 11 فیتروس کی رویت فریحال کرنیلیوس کا فواق اور غیہوی

- 1 فواق صحابۃؒ عیسیٰ نفن فواقؒ المیح سرات نکری یہودیہ
- 2 بغیر خبر کات اور غبغسا لاءِین فرچای جوگ، فرکتائن توهن.
- 3 دالم فواق المیح، اد هق کات: سیاف نق ماسوق اوکلام کیت، کنا برسونة! بیلا فیتروس سمفی دکوت جروسالیم، فواق نی ماری تگہ فیتروس کات: باءُف مو کی برچمفور کاءُول نفن اور غبغسا لاءِین، هق تاءُ برسونة؟ ماکن مینوم فون سکالی دغنا اور غ تو جوگ!
- 4 فیتروس فون رویت کا ری فریحال سموا هق جانی اتس ری، کات: ماس امب برہنتمی دیندر یافا، امب دوق بردا، رالیب،
- 5 فس توهن بربی نمفق کا امب کاءِین بسر، ایکت امفت بوچو هولور تورون ماری دلا غیت، سمفی دافن امب.
- 6 فس بیلا امب جھوق تیغوق، دالم کاءِین تو نمفق بناتع سرب سروبی، هق برجالن کاکی امفت، هق مٹایف، هق تریغ، اد ماجمؒ جنیس دالم کائین تو.
- 7 فس امب بغیر سوارا کات: یا فیتروس، مو کی سمبليه ماکنله بناتعؒ نی!
- 8 فس امب جواب کات: اوہ توهنکو! تاءُلیه سام سکالی، سبب بارغ حرام، بارغ چمر، اکو تاءُ بیاس ماکن لاکی!
- 9 لفس فد تو، فیتروس کات، سوارا دری لاغیت تو کات فول: هق توهن کات حلال، جاغن مو کات حرام!
- 10 جاری سروف تو تیگ کالی، فیتروس کات، فس سموا فرکلارا تو، کنا اگھکیت ناءِیک کا لاغیت فول.

- لفس تو، با مولیق، تیگ اورغ هق ماري دبندر قيصر يا نق چاري
11 امب، سمنفي ده درومه امب دودوق تو.
- فس، روح توهن سوروه امب توروت کي سکالي دغن فوق نې،
12 تاء کنا شک هاتي. فيتروس فون فالیع تنحوق کا سائين ۲ ی کات:
سائين انم اورغ نې فون کي سکالي دغن امب هاري تو. فس بيلا
سمافي کا رومه نا ی روی کرنيليوس هق اجق کيت کي تو، کيت
فون ماسوق دالم، فيتروس کات.
- ناء ی روی تو فون رویت کا فوق امب کات، ی نمفو ده دلو
13 ملاعیکه دوق برديري دالم رومه ی. فس ملاعیکه تو کات کا ناء ی
روی: سوروه اورغ کي کا بندر ياغا، اجق صيمون، هق اورغ
14 فشكيل فيتروس ماري سيني، کران فيتروس نې بوليه رویت خبر
هق نق بري مو سلامت سکالي دغن سموا اورغ درومه مو!
- ناء ی روی رویت بالس تو، فيتروس کات، فس امب فون رویت
15 خبر تو، بري سموا اورغ دغر. تشه ۲ امب دوق رویت تو، تيبة ۲
تهن تورون روح ی اتس سموا اورغ هق دوق دغر، سروف
دغн هق ی تورون اتس فوق کيت دلو.
- باروله امب ترايخت فركتائن هق رېي عيسى رویت بري کيت
16 دغر دلو، کات: نېي يحيا بري اورغ تريما روکون مندي بفتیزما
دغن چوچور اير، تافي فوق مو، توهن نق بري تريما بفتیزما
دغن چوچور روح ی اتس مو!
- فس امب دوق فيکير، فيتروس کات، توهن برکن کا فوق بفسا
17 لاءين نې، تورون رحمة ی سروف ی تورون کا فوق کيت دلو،
سبب کيت فرچاي کا رېي عيسى المسيح تو. سوغ فاتوت که،
امب دوق نق سكت کهندق توهن؟
- بيلا سموا اورغ دکوت جرسليم تو دغر فركتائن فيتروس نې، ی
18 فاكت سېف بلاک. فس ی فوجي توهن کات: لاني کيت تاهو
ده کات، توهن نق بري فلواڭ کا اورغ بفسا لاءين جوڭ، بوليه

توبه ماسوق هيدوف چارا بارو سروف اورغ يهويي کيت !

فواق ۲ المسيح رویت خبر بايءک کا اورغ بگسا لاءین

- اورغ دالم فواق ۲ المسيح هق لاري کي رات ۲، کران دي کا
پاش لفس فد ستيفن ماتي دولو تو، دي توبیت کي سمنی کا نکري
فونیکي، کا فولو کوفروس، دغۇن بىندر انتیوخ . بلۇغ ۲ دي کي
تو، دي رویت خبر حال عيسىي دسموا تمفت ، تافي دي رویت
کا اورغ يهويي ساج . 19
- تافي زالم فواق يهويي هق فرجايي کا عيسىي ، اد هق برانق
دنکري لاءين، سروف فولو کوفروس دغۇن نکري کوريني. بىلا فواق
ني سمنی دىندر انتیوخ ، دي فون رویت چارا حال ربىي عيسىي ،
برى اورغ بگسا لاءين دغۇر جوڭ . 20
- توهن فون تورون کواس اتس دي ، بوات برى باپق اورغ بگسا
لاءين فالىئەن فرجايي کا ربىي عيسىي دسييتو . 21
- خبر دي سمنی کا فواق المسيح هق دوق دكوت جروسليم.
فس فواق تو فون هنتر اورغ نام برناسس کي کا بىندر انتیوخ نق
تاهو بالس مان جاري . 22
- بىلا برناسس سمنی دسييتو ، دي نميق کات فواق تو بوليه
رحمة درف دتهن سوغۇڭوھ . فس ، برناسس براس سوگ هاتى
ساغت . دي كىچىق دغۇن سموا اورغ هق بارو فرجايي تو ، برى
سماقت کا دي ، سوروه دوق رافت دغۇن ربىي عيسىي دغۇن سبولت
هاتى . برناسس كىچىق بالس دي ، کران دي اورغ هاتى بايءک . 23
- هاتى دي فنه دغۇن کواس روح توهن ، ايمان فون قواة . فد
ماس تو ، باپق اورغ فالىئەن توبه ، فرجايي کا ربىي عيسىي دىندر
انتیوخ تو . 24
- لفس فد تو ، برناسس توبیت کي چاري ساول فول ، دىندر ترسوس . 25

26 فس بيلا برتمو ده، برنابس اجق دي کي فول کا بندر انتيوخ.
دوا اورغ نی فون، کی روق سکالی نشن فوق المیح د بندر
انتیوخ سمفی ستاهون. دي فاکت مفاجر اورغ رامی دسیتو.
بندر انتیوخ نی تمفت مولا ۲ سکالی فوق المیح بولیه گلران
کریستین.

فوق ۲ المیح تولوغ منلوغ سام سندیری

27 فد ماس تو، اد ساتو فوق ماری رکوت جروسلیم، سمفی
کا بندر انتیوخ. اورغ ۲ نی هق تریما ده نعمة بولیه چمغی
فرمان توهن.

28 اد سئورغ دالم فوق نی نام اکابوس. روح توهن بري نی برداری
رافن ساءین ۲ رویت کات نق جانی کماراو بسر کوء رافن، دسموا
تمفت اورغ دودوق. هق دی رویت نی جانی سوگکوہ ماس رافن،
ماس راج کلاودیوس میرینته دالم کوت روم.

29 بیلا مرید ۲ عیسی دانتیوخ لغر خبر اکابوس سائی، دی فاکت
رغن ساتو هاتی نق کوتیف رویت سیکیت سباق، نق هنتر
کی تولوغ ادیق برادیق، فوق المیح دنگی یهودیه.

30 دی فون بوات بالس تو، فس سوروه برنابس دغن ساءول باوء
دویت تو کی بري کا کاکق ۲ فوق المیح رکوت جروسلیم.

راج هیرود بوات ظالیم کا فوق ۲ المیح

باب 12

1 فد ماس تو، راج هیرود سوروه ایکت دوا تیک امفت اورغ،
دالم فوق المیح، نق بوات سیقسما کا دی.

2 مولا ۲ دی ایکت یعقوب، کاکق یحیا، سوروه بونوه دغن فدغ.
بیلا دی نتفق کات اورغ یهودی برکن فربواتن دی تو، راج
هیرود سوروه ایکت فیتروس فول. جاری فیتروس کا ایکت فد
هاری رای اورغ یهودی ماکن جاموان دی، جاموان روتي تاء

بوشه اييو . يي ايگت فيتروس ماري بوشه دالم جيل ، فس سوروه عسکر جاگ يي . اد امفت فوق گيلير ۲ جاگ ، امفت اورغ سکالي . راج هيريود نق بري لفس هاري راي فسخر دلو ، باروله يي نق باواء فيتروس توبيت جاتوه حکوم دافن اورغ رامي .

سبب توله ، فيتروس دوق کوروغ دالم جيل ، تافي فوق المسيح دوق مينتا ئ دعا دغۇن سوغىگە ۲ هاتي بري توهن تولوغ فيتروس .

ملائكة ماري لفس فيتروس درف ديل

ايسوق فاكى ، راج هيريود نق باواء فيتروس توبيت ، جاتوه حکوم . فد مالم تو ، فيتروس دوق تيدور جندرا دالم جيل . عسکر دوق جاگ يي دوا اورغ ، سبله كانن سئورغ ، سبله كيري سئورغ . فيتروس كا تمبت دغۇن رنتي دوا اورت . فس اد جوگ ، عسکر دوق جاگ فينتو جيل .

تىبا ۲ ساتو ملائكة ماري ، دوق بىدىرى دكت فيتروس . فس ، اد چەميا چەرە ماسوق دالم ت Moffت تو . ملائكة گرق فيتروس بري جاگ ، فس كات كا دى : مو باغانلە ، باغت ۲ سىكىت !

رنتي فون ترلوجوت دتاغۇن فيتروس . ملائكة فون سوروه يي فاكى كائينلە ، بوه كاسوت كاتىق ! فيتروس فون باغان سلالو ، ملائكة فون سوروه فول : فاكى باجو جوبە مو ، ماري توروت اكى ! فيتروس فون توروت ملائكة توبيت كى ، تافي رى تا ئ تاهو كات هق جايى كا دى سوغىگە كا دق . يى براس سروف اورغ يىمىفى .

فيتروس دغۇن ملائكة سائىنى ، لالو توبيت لفس فوق عسکر هق مولا ۲ . فس كەھور ۲ كى لفس فوق هق جاگ هق كدوا ، بارو سەمفي كا فينتو لوار ، هق بوات دغۇن بسى ، هق بولىيە كى ماري كا بندر . فينتو تو فون تربوگ سندىرى ، بري كدوا تو توبيت . يى كدوا كى سكىرت جالن ، فس ملائكة فون را ئ يېپ ، تىشكىل فيتروس سئورغ . باروله فيتروس تاهو كات فركارا نى هق سوغىگە ، بوكن

4

5

6

7

8

9

10

11

ميمفي . لاني ، دي کات ، اکو تاهو سوڠکوه ، توهن سوروه ملائیکه
ماري تولوغ اکو ، بري لفس فد کواس هيرود نغن اورغ يهوي هق
نق بونوه اکو !

فيتروس کي کا رومه مریم ، مق مرقوس

- 12 فيتروس دوق فيکير ۲ بالس تو سبنتر ، فس دي کي کا رومه
مریم ، مق يحیا ، هق اورغ گلر فعشکیل مرقوس . دالم رومه تو ،
ار باپق اورغ دوق برعما سموا سکالی .
- 13 فيتروس فون کي گرتوق فينتو لوار ، فعشکیل اورغ دالم رومه . فس
سئوغ بوق بتينا ، نام روزه ، ماري تیغوق .
- 14 بیلا دي رغر سوارا فيتروس ، دي چم سلالو ، تافي دي تادان نق
بوک فينتو ، سبب دي سوک هاتي ساغت . دي هوغلن کي رویت
سلالو کات : فيتروس سمفی ده ! دوق دافن رومه !
- 15 فوق تو فون کات : مو کیلا که ؟ تافي بوق بتينا تو کات : دق !
سوڠکوه ! فوق تو فون جواب : کالو کیتو ، جاري روح ، بوکن
توبوه دي .
- 16 تشه ۵ دي دوق کیچیق کي ماري تو ، فيتروس فون دوق گرتوق
فينتو لاکي . دیما تو فول ماري بوک فينتو . بیلا نمفو توبوه
فيتروس اد سوڠکوه ، فوق تو براس حیران .
- 17 فيتروس فون اگکیت تاغن ، لارغ نق بري اورغ سیف . لفس تو ،
دي رویت بالس مان ربی بایا ء بري دي لفس دالم جیل . فس
فيتروس کات : کیله رویت حال ۲ دي کا یعقوب ، ادیق ربی کیت !
فس رویت کا ادیق برادیق دالم فوق المیح کاتیق ، بري تاهو .
لفس تو ، فيتروس کي کا تمفت لاءین فول .

راج هيرود سوروه بونوه عسکر ۲ دي

- 18 سمفی ایسوق فاگی ، فوق عسکر هق دوق جاگ جیل تابی

برگادوہ، تاکوت ساغت، کران فیتروس تاءَاد، تاءَتاھو یی کی
کا مان ده. راج هیرود سوروہ کی چاری فیتروس، تافی چاری
رات ۲ فون، تاءَ برتمو. فس تو، راج فغکیل فواق عسکر ماری هق
دوق جاگ فیتروس دلوو. بیلا اوصول سوده ده، یی سوروہ امبیق
کی بونوہ هابیس، فواق عسکر تو. لفس فد کجادین نی، راج هیرود
برالیه درف دنگری یهودیه، کی دودوق دساتو بندر نام قیصريا فول.

راج هیرود ماتی دغنا سیقسما

فدا ماس تو، راج هیرود موریه ساغت کا اورغ نگری صور،
دغنا نگری صیدون. سا بیت تو، اورغ دوا نگری تو فاکت ماری کا
راج هیرود. یی ماسوق نق دای دلوو، منتری هق جاگ استان
راج، هف نام بلستوس. لفس تو، باروله یی ماسوق مینتاَء
فاکت بائیک سمولہ دغنا راج هیرود، سبب مکانن دوا نگری تو،
برگستوغ کا حاصلن دالم نگری راج هیرود.

بیلا سمفی هاری هق راج هیرود برجنجی نق ماری برتمو دغنا
فواق نی، یی فون فاکی مکاین راج، فس ماری دوق اتس کریسی
یی، نق سرو بڑی فواق ۲ تو دغرا.

فس سموا اورغ هق دوق دغرا تو، فاکت فوجی راج دغنا سوارا
درس کات: سوارا توانکو سوارا توهن، بوکن سوارا ماَنسی!
با دغرا، ملائیکہ توهن تورون بالا اتس راج هیرود، بڑی یی ریہ
کا تانه، سبب راج تاءَ بڑی اورغ رامی تو فوجی توهن سا ساج.
توبوہ راج هیرود فون جاری بوروق براولت ۲ سمفی ماتی.

تافی فرکتائن توهن کھور ملارت کی رات ۲ تمفت. فس، اورغ
فرچای کھور باپق کھور باپق سعمور.

فدا ماس تو، برناپس دغنا سائل فون سلسی بلاک ده، سموا
کرج تولوغ سارا کا اورغ دکوت جروسليم. فس، یی توبیت کی
کا بندر انتیوخ فول. یی اجق یحیا، هق اورغ گلر مرقوس تو،

کی سکالی دغن ری جوگ.

باب 13 روح توهن فیلیہ برنابس دغن ساءول کی کوسنر

1 فد ماس تو، دالم فواق المیسیح دبندر انتیوخ، اد سفواق کورو ۲ کریستین سکالی دغن اور ۳ هق بولیہ میمی فرمان توهن، نام ری برنابس، صیمون هق اور گلر فٹکیل کولویت ہیتم، لوقیوس هق ماری دنکری کوریبی، مناہیم هق بیاس جاری کو دغن راج ہیرود، دغن ساءول.

2 فواق نی فاکت نق براوڈ دغن مینتا دعا رافن توهن۔ تکه تو، روح توهن کات کا ری: مو لتقله برنابس دغن ساءول، هق اکو فیلیہ، انتوق بوات کرج فیسید هق اکو سوروہ کا ری! لفس فد براوڈ دغن بردا، فواق تو فون لتق ناغن اتس برنابس دغن ساءول، جاری تندا انتوق بوات کرج فیسید کا توهن، فس تو بڑی ری کی۔

برنابس دغن ساءول کی کا فولو کوفروس

3 روح توهن فون هنتر برنابس دغن ساءول کی سمنی کا فشکالن سلوکیا، ناہیک کفل لایر کی کا فولو کوفروس۔ بیلا ری سمنی دبندر سلامیس، ری کی رویت فرکتائے توهن دالم مسجدید ۴ اور یہوی دسیتو۔ یحیا هق اور گلر مرقوس تو فون تولوغ ری دالم کرج تو.

6 فواق ری تو لفکہ فولو، کی سمنی کا بندر فافوس۔ دسیتو ری برجومغا، دغن بومور منیشوو، هق نام ری بین عیسی۔ ری اور یہوی هق اگکیت دیری ری کات ری نبی۔

7 ری جاری سائین لغن کتوا هق کراجائے روم لتق سوروہ فرینته فولو تو، هق نام ری سرگیوس فولوس۔ کتوا نی اوتق ری بیحق۔ ری فون سوروہ برنابس لغن ساءول ماری مغہادف ری، سبب

ری نق دغه فرکتائے توهن
 تافی بومور منیغوق سائئی، هق نام ری دغن بھاس کریک:
 الیمس، ماری بحس دغن برناپس دوا ساءول، تاء سیر بڑی
 سرکیوس فولوس تو فرچای 8

فس ساءول، هق اورغ فڈکیل فولوس جوگ، هاتی ری فنوہ دغن
 کواں روح توهن۔ ساپیت تو، ری رنوغ کا مات بومور منیغوق
 سائئی، کات: هي مو، انق هیبلیس، هق سوک لاون دغن اف 9
 هق بائیک! هاتی مو فنوہ دغن تیفو دای۔ فشا جران ۲ توهن
 هق بتول، بااف مو الیه کوء لائین سعمور؟ 10

بالسن توهن نق جاتوہ اتس مو لانی، بڑی مات مو بوت۔ مو
 کا تفعکوغ هیچگ سمفی توهن بڑی نمفق سمولا۔ کتیک تو جوگ،
 الیمس براں کلابو گلف، فس ری کاکاو چاری اورغ مینتا، تولوغ
 فیمغین۔ بیلا فمرینتہ سرکیوس سائئی تیغوق هق جاری تو، ری 11
 فرچای تتف، دغن براں حیران ساغت کا کواں توهن۔ 12

فولوس دغن برناپس کی سمفی کا انتیوخ دنگری فیسیدیا

لفس فد تو، فولوس دغن سائین ۲ ری نائیک کفل دفافوس،
 بلایر کی سمفی کا فرکا دنگری فمفیلیا۔ تافی یحیا، هق گلر
 مرقوس سائئی، تیغکل فواق تو فالیغ کلیق کا کوت جروسلیم
 فول۔ کو ری سائی برجالن لاگی، کی سمفی کا انتیوخ دنگری 13
 فیسیدیا فد هاری میغکو ری کی کا مسجد اورغ یہوری۔

لفس فد اورغ باج ده، ایات ۲ دالم کتاب تورات، دغن کتاب
 نبی ۲ لائین، کتوا ۲ مسجد تو فسن کا اورغ، سوروہ رویت
 کا فولوس کات: کالو ادیق کاکق اد هق نق نصیحة، تمبه
 سماگت کا اورغ ۲ هق بیاس ماری سینی، رویتلہ بڑی کیت دغه!
 فولوس فون باعون بردیری، اگکیت تاغن بڑی اورغ دوق دیلم، 15
 فس، برشح بالس نی: هي ادیق کاکق بغضا اسرائیل کیت، دغن 16

- اورغ ۲ بفسا لاءِين سموا، هق ماري سمهه کا توهن دسيني،
دغره له هق اکونق رویت نی! توهن هق فواق اسرائیل کيت
سمبه، فيليه ده فواق توء نينيق کيت، فس تکه نی دوق
دنگري مصیر جاري انق لوار، توهن بري نی کهور ۲ باپق.
17 لفس تو، توهن دغن کواس نی هق بسر، فيمغفین فواق تو،
توبیت فد نگري مصیر، فس دالم امف فولوه تاهون توهن صبر
تاء کيرا ساله دغن نی، تکه نی دوق دالم لاءوت فاسير تو.
18 بيلا توهن بري هنچور ده سام سنديري، توجوه بفسا هق دوق
دالم نگري کتعان تو، نی بري نگري تو کا فواق توء نينيق کيت
فول، جاري ميليق نی سلام امف راتوس ليم فولوه تاهون.
19 لفس فد تو فول، توهن بري کا فواق توء نينيق کيت، حکيم ۲
نق مرينته نگري نی، هيڠگ سمهفي کا نی ساموئيل.
20 فد ماس تو، فواق توء نينيق کيت مينتا، نی ساموئيل لتق
راج انتوق نی. توهن فون بري کا ری ساعول، انق کيش،
كتورونن فد بنجامين، جاري راج سلام امف فولوه تاهون.
21 لفس تو، توهن چابوت ساعول، لتق راءود فول جاري راج.
22 تنتغ نی، توهن کات:

راءود انق جشي نی، سئورغ هق اکو برکن.
نی نق بوات سموا کهندق کو!

- ایکوت فرجنجين نی کا راج راءود نی، توهن بري سئورغ
كتورونن نی جاري جورو سلامت بفسا اسرائیل کيت، نام دي
تو، عيسى. بلوم فد عيسى ماري، نی يحيا کوسنر بري امران
کا سموا اورغ بفسا اسرائیل کيت، سوروه توبة دوسا ۲ نی،
فس تريما روکون مندي بفتیزما.
23 24

- فد ماس يحيا دکت نق سود کرج، نی فون رویت کا سموا اورغ
دنگري کيت تو، کات: اکو نی بوکن نی هق مو دوق ننتي تو.

نق! تافي ری نق ماری کدیان فد اکو. اکو فون نق جادی همب
چاپوت کاسوت ری فون، تاءً فارن لائکی.

26 فس فولوس کات کا اورغ دالم مسجدید تو: هي اديق کاکق هق
جاری کتورونن نبی ابراهیم، سکالی رعن اورغ ۲ بعسا لائین سموا
سینی، هق دوق سمبہ کا توهن! خبر نبی هق کات نق بولیه
سلامت، توجو کا کیت سموا.

27 هق اورغ ۲ رکوت جروسلیم، سکالی دغن کتو ۲ ری بوات، دغن
بونوہ عیسیٰ تو، سوگکوہ فون ری تاءً کابر کات عیسیٰ جاری
جورو سلامت. تافي ری بوات ایکوت هق کتاب نبی ۲ رویت،
یاءیت هق اورغ باج کنف ۲ هاری میغکو، دالم مسجدید بعسا
کیت. سوگکوہ فون، فواق تو تاءً ار تمو بوکو اف ۲، بولیه
حکوم بونوہ کا عیسیٰ، تافي ری مینتاً رعن فیلاتوس، سوروہ
جاتوہ حکوم بونوہ اتس عیسیٰ جوگ.

28 لفس فواق تو بوات کنف ۲ فرکارا اتس عیسیٰ، ایکوت ایات ۲
دالم کتاب رویت دولو نق جادی، ری فون کی امبیق مایت
عیسیٰ رکایو امف چابغ، بوات تورون، کی بوبوہ دالم قبور.
30 تافي توهن بربی ری هیدوف کلیق درفڈ ماتی.

31 لفس فد تو، باپک کالی جوگ، عیسیٰ بربی نمفق توبوہ ری، کا
مرید ۲ هق بیاس برجالن سکالی رعن ری، امبیق دنکری کالیل،
سمفی کا کوت جروسلیم. فس جاری اورغ ۲ نیله هق بولیه نائیک
سقسی کا اورغ بعسا اسرائیل کیت.

32 فس، فواق اکو ماری سینی، فولوس کات، توجوان نق رویت خبر
بایک کا فواق مو. اف ۲ هق توهن جنجی کا فواق توء نینیق
کیت تو، لانی سمفی ده، کا کیت هق جاری کتورونن توء
نینیق تو، دغن بربی عیسیٰ هیدوف کلیق سمولہ. سروف ار
تولیس دالم کتاب زبور باب دوا، بالس نبی:

مو جاری انق کو هق سجاتی، هاری نی اکو بربی
پات کات اکو جاری باف مو!

34 فس حال توهن بربی عیسیو هیدوف کلیق، تاء کنا ماتی هنجور
رہ تو، اد ایات هق توهن کات بالس نی:

اکو نق بربی کا فواق مو، رحمة کو هق سوچی رعن تنتو،
یائیت سروف هق اکو جنجی کا نی داود دلوو.

رالم کتاب زبور اد ایات سا لاگی هق کات سروف نی:

يا توهن! مو تاء بربی توبوہ بدان همب مو هق
جوچور تو، دوق هنجور رالم قبور!

36 ایقتله! فولوس کات، نی داود توروت کھندق توهن فد
زمان تو، لفس تو نی ماتی، فس تانم دتمفت توء نینیق مویغ
ری. توبوہ بدان ری فون هنجور هابیس.
تاپی عیسیو هق توهن بربی هیدوف تو، توبوہ بدان ری تاء
هنجور.

37 یا ادیق برادیق کو، فولوس کات، اکو نق بربی مو کابر کات،
کوء عیسیو نیله، اد جالن کیت بولیه رویت خبر کات، توهن
نق امفون دوسا ۲ مو! فس کوء ری جوگ، کنف ۲ اور غ هق
فرچای کا ری، نق بولیه لفس درف دکومن دوسا، هق حکوم ۲
نبی موسی تاء لیه بربی مو لفس.

38 ساپیت نیله، فولوس کات، مو کنا جاگ بربی مولیق ۲! تاکوت
نق جاری اتس مو سروف هق نبی ۲ رویت دلوو، کات:

41 فواق مو هق سوک هینا کا توهن، مات مو نق تیغوق
هق فلیق ۲، فس تو، مو کنا ماتی هنجور.

کران فد زمان مو نی، اکو نق بوات ساتو فرکارا هق
مو تاءلیه فرچای، ولو اورغ ماری رویت بري ترغ فون!

- 42 تکه فولوس دغن برنابس برجالن توبیت دمسجد، اورغ ۲ یهونی
مینتا ری ماری فول، هاری میغکو رافن، بري بولیه دغر لبیه
باپق لاگی . فس، بیلا فراچوم سوره ده، فاکت نق کلیق، باپق
43 اورغ یهونی دغن اورغ بغسا لائین هق ماسوق ده اوکام یهونی،
ستوجو نق فرچای فشا جران فولوس دغن برنابس . فولوس فون
بری نصیحة، سوروه فوق تو توروت فرچای دغن برگنتوغ د
رحمه توهن سعمور.
- 44 فد هاری میغکو رافن، دکت نق سمفی سموا اورغ دالم بندر
تو برهیمfon ماری، نق دغر فرکتائن توهن .
- 45 تافی، بیلا کتوا اورغ یهونی تیفوق اورغ رامی کیتو لالو ماری
نق دغر، ری فون فتوه دغن فراسائیں بیمیغ، بردگکی . فس اف ۲
هق فولوس دوق رویت تو، ری یاتس، فس ری مشهودوہ کا
فولوس فول .
- 46 فولوس دغن برنابس فون کھور برانی لاگی کات: مستی کیت
کنا ماری رویت خبر بائیک کا فوق مو دلوو . تافی سبب مو
تولق، تائسیر دغر خبر نی، نمفق سروف مو کیرا دیری مو کات
تا سوغ نق تریما هیدوف چارا بارو درفت توهن . بائیقله کیت
تیغکل فوق مو، کی رویت کا اورغ بغسا لائین فول ! کران
47 نیله هق توهن سوروه فوق اکو کنا بوات، ایکوت ایات دالم
کتاب، هق کات:

اکو سوره لتق مو جانی چهیا انتوق اورغ بغسا لائین ۲،
نق بوك جالن سلامت کا سموا ماۓنسی دنیا !

- 48 اورغ ۲ بغسا لائین هق دغر، براس سورک هاتی، فس ری اوچف

تریما کاسیه کا توهن، سبب بولیه دغر خبر نی. فس اورغ مان ۲
 هق توهن فیلیه نق بولیه هیدوف چارا بارو، اورغ توله هق
 فرچای. بالس توله، فرکتائن توهن ملارت کی سرات نکری تو.
 ۴۹
 تافی، اورغ ۲ یہوی کی کاچغ هاسوت اورغ بسر ۲ دالم بندر،
 ۵۰
 دفن اورغ بتینا فریغکت تیغکی، هق فکھ اوکام قواة، هیغک
 سمفی بولیه بوات پاش کا فولوس دفن برنابس، بولیه همبت
 نی توبیت فد بندر تو.

۵۱ فولوس دفن برنابس فون گرتوق کاسوت نی، تندا کات تاءسیر
 بربی دبو بندر تو لکت رکاسوت نی. لفس تو، نی کی کا
 بندر ایکونیوم فول.

۵۲ فس، اورغ ۲ هق فرچای ده دبندر انتیوخ تو، روح توهن
 دوق دالم هاتی نی گنف ۲ اورغ دفن کواس فنوه، بربی نی
 براس سوگ سوغنکوہ.

فولوس دفن برنابس کی کا بندر ایکونیوم

۱ دبندر ایکونیوم فون سروف تو جوگ. فولوس دفن برنابس
 کی کا مسجد اورغ یہوی، فس نی برشح فندي تاریق هاتی
 اورغ، سهیغک باپق اورغ فرچای، ترماسوق اورغ یہوی دفن اورغ
 بفسا لاءین جوگ.

۲ تافی اد جوگ اورغ یہوی هق تاءسیر فرچای. فواق تو فون
 کی هاسوت اورغ بفسا لاءین، بربی نی بنچی کا ادیق برادیق
 بفسا نی هق جاری کریستین ده. سابیت توله، فولوس دفن
 برنابس دوق دسیتو لام جوگ، دفن تاءفوتوس رویت چارا حال
 ربی عیسی. روح ربی فون بربی نی بولیه بوات فرکارا ۲ عجایب
 جاری تندا کات خبر هق نی رویت چارا حال رحمة توهن تو،
 ۳ بتول. رعیت ۲ هق دوق دبندر تو فون بلہ جاری دوا فواق.
 ۴ اد هق دوق سبلہ اورغ یہوی. اد هق دوق سبلہ نی هق باوا'

- 5 تيته عيسو تو. تافي هق سود، كتوا ۲ بندر تو فاكت نفن اورغ يهوي، سکالي نفن اورغ ۲ بحسا لاءين، نق بوات پان کا دوا اورغ تو، نق فيکوغ دي رفن باتو.
- 6 بيللا فولوس نفن برنابس دغر هق اورغ دوق فاكت نق بوات تو، دي لاري کا نکري ليڪاونيا. دسيتوله، دي کي سمنفي کا بندر ليسترا نفن بندر دربي. فس دکليواسن دوا بندر توله، دي دوق کوسنر خبر بايك.
- 7

اورغ تيفوق بوليه سيار

- 8 اد سئورغ دبندر ليسترا تو هق تيفوق. کاكى دي لمبيق دالم فروت لاکي، تا^ءبياس برجالن.
- 9 دي دوق دغر هق فولوس کوسنر تو. فولوس فون تاهو ده دالم هاتي کات اورغ تيفوق تو فرچاي ده، فس نق بوليه سيار.
- 10 سابيت تو، فولوس رنوع کا مات دي، بلغ ۲ سوروه نفن سوارا درس کات: برديريله! اورغ تو فون بيغكس باعون برجالن.
- 11 بيللا اورغ رامي تيغوق فركارا هق فولوس بوات سائني، دي فاكت برسورق نفن بهاس ليڪاونيا تو، کات: ها! تيغوقله! ديوا ۲ تورون ماري کا کيت نفن روف ماءنسى.
- 12 دي فون لتق نام ديوا دي زيوس اتس برنابس، فس نام حرميس اتس فولوس، سبب فولوس کفلا چريتا.

- 13 تعمفت سمبه کا ديوا زيوس سائني دوق لوار فد بندر تو. کفلا وات تو باوا^ء لمبو ۲ نفن بوغا ملاءي کي کا فينتو گريغ بندر.
- 14 فس فاكت نفن اورغ رامي نق سمبه فوجا کا فولوس نفن برنابس.
- 15 تافي با برنابس نفن فولوس تاهو هق فواق تو نق بوات، دي فون براس سديه، رابوت کائين باجو دي، تركم ماسوق دالم اورغ رامي، نق لارغ دي کات: هي سائين ۲! بااف ديمما بوات لاکو دي؟ کيت فون ماءنسى سروف ديمما جوگ! فس کيت ماري دي، نق

رویت خبر با'یک کف دیما، انتوق نق بری دیما تیغکل برھالا ۲
حق تاء'اد فایده نی، فالیغ ماری سمبه کا توهن، ری حق دوق
ھیدوف سعمور، حق بری جاري لاغیت، بومی، لاء'وت، دغن
سموا حق دوق باوه اوگکوف لاغیت نی !

- 16 فد ماس لافیس ۲ لفس ده، توهن بنر بری ما'نسی سموا بفسا
توروت ایکوت سیر دغن حالن ری ماشیغ ۲. تافي فد ماس تو
فون، توهن تاء'تیغکل بفسا مان ۲ دغن تاء'اد تندا کات ری
اد. لق! ری بوات با'یک انتوق ما'نسی، دغن بری هوجن
تورون، دغن بری تنامن مولیق توبمه ایکوت فریاغ ری، دغن
بری مکانن، بری کسوکائن، چوکوف بولیه فواس هاتی مو!
17 ولو برنابس دغن فولوس کیچیق بالس تو فون، تافي اورغ رامی
دوق نق فوجا کا ری لاگی.
- 18 اورغ یهوری ماری نق بوات هارو هارا

- 19 فد ماس تو، اد اورغ یهوری ماری دبندر انتیوخ، دنکری
فیسیدیا، فس دبندر ایکونیوم جوگ. ری هاسوت اورغ رامی،
بری توروت ری. سموا اورغ فون فاکت فیگوغ فولوس دغن
باتو، فس فکع هیریت ری توبیت فد بندر، دغن سغک کات
ری ماتی ده.

- 20 تافي، بیلا اورغ ۲ حق فرچای کا توهن دسیتو، ماری لیگکوغ
فولوس نق تولوغ، فولوس فون باعون ماسوق دالم بندر تو.
فس ایسوق، فولوس دغن برنابس تیغکل کی کا بندر دریی فول.
ری کدوا کی کوسنر خبر با'یک دبندر دریی تو، فس اد باپق
اورغ فرچای نق توروت عیسی. لفس تو، ری کدوا تو فون
توبیت نق کلیق کو' جالن ری ماری، کا بندر لیسترا، بندر
ایکونیوم، کی سمنی کا انتیوخ دنکری فیسیدیا تو.
21 گنف ۲ تمفت ری لالو تو، ری بری سماقت کا هاتی اورغ ۲ حق

- فرچایی، سوروه نی جوگ ۲، کاچع فکع هق ری فرچایی ده تو،
تاً بربی لفس. ری کات: کیت کتا تمو رعن کسوساهن باپق
دنیا، بارو بولیه ماسوق دوق باوه فرینته توهن دانخیرة!
فولوس رعن برنابس لتق اورغ ۲ بربی جاری کاک، اتس گنف ۲
فواق المسيح. تشه فواق تو دوق مینتاً دعا، براء ود، فولوس
امبیق اورغ ۲ نق جاری فواق کاک تو، سره کارتی، هق
فواق تو فرچایی ده.
- لفس تو، فولوس رعن برنابس لالو کلیواسن فیسیدیا تو، کی 24
سمفی کا نکری فمفیلیا. نی کی رویت خبر با، یک دبندر فرکا، 25
لفس تو کی سمفی کا بندر اتالیا. دسیتو، نی ناءیک کفل لاير 26
کلیق کا بندر انتیوخ، تمفت اصل هق اورغ سره نی کا رحمة
توهن دلو، نق بوات کرج فیسید تو، لانی سلسی ده. 27
بیلا نی سمفی کا بندر انتیوخ، نی فعشکیل اورغ ۲ دالم فواق
المسيح ماری فراچوم، فس نی رویت فریحال اف ۲ هق جاری
کا ری، بالس مان توهن بوک جالن بربی اورغ بعشما لائین
فرچایی.
- فس فولوس رعن برنابس دوق سکالی رعن فواق تو لام جوگ.

باب 15

کورو ۲ معاجر هق فلسو

- 1 لفس فد تو، اد اورغ ماری رنگری یهودیه، نق معاجر
ادیق برادیق کریستین دانتیوخ تو، کات بالس نی: مو تاءً لیه
سلامت، ملینکن مو برسونة دلو، ایکوت اتوران نبی موسی!
فس جاری کلاھی باله دوا فواق تو، فولوس رعن برنابس
سفواق، هق لاؤن رعن کورو ۲ هق ماری تو، سفواق. سود
کلاھی تو، کرت سین کات، فولوس رعن برنابس، سکالی رعن
اورغ دالم فواق المسيح دوا تیگ اورغ دانتیوخ تو، کنا کی
کا کوت جروسلیم، نق بچارا بوکو سائی رعن فواق صحابة

عييسو ، فس دغن کاکق ۲ فوق المیخ دسیتو .
 فوق المیخ دانتیوخ هق تاءَ کی تو ، اوچف سلامت جالن کا
 فوق فولوس سائني ، فس نی فون توبیت کی ، لالو کوء نکری
 فونیکیا دغن نکری سماریا . تغه جالن ، فوق فولوس تو برہنتی
 رویت کا فوق ۲ کریستین ، حال اورغ بفسا لاءِین هق فالیغ
 فرچای ره کا عیسو . خبر تو برى سموا ادیق برادیق براں
 سوک هاتی .

بیلا نی سمفی دکوت جروسليم ، سموا اورغ دالم فوق المیخ
 دسیتو ، دغن فوق صحابة عیسو ، دغن فوق کاکق ۲ فون ،
 ماری سمبوت نی ، فس نی رویت فریحال سموا هق توهن برى
 کا نی انتوق اورغ لاءِین .

تافی دالم فوق المیخ تو ، اد هق دولو جانی قوم فریسي .
 نی فون برداری کات : اورغ بفسا لاءِین هق فرچای ره کا عیسو ،
 کنا برسونة ، فس نی کا توروت سموا حکوم ۲ نبی موسی جوگ !

مشورة چارا حال بوکو

لفس فد تو ، فوق صحابة عیسو دغن کاکق ۲ فوق المیخ
 ماری برہیمفون نق مشورة چارا حال بوکو نی .

اورغ ۲ دوق کیلیر ۲ جواب مو اکو لام جوگ . فس تو ، فیتروس
 باعون رویت کات : یا ادیق برادیق کو ! فوق مو تاهو ره
 بالس مان توهن فیلیه اکو دولو ، برى اکو توبیت دالم فوق
 مو ، سوروه اکو کی کوسنر خبر بائیک کا اورغ بفسا لاءِین انتوق
 برى نی بولیه نفر ، بولیه فرچای .

فس توهن ، هق تاهو هاتی ما نسی سموا ، برى پات کات ،
 نی برکن کا اورغ بفسا لاءِین ، دغن تورون روح نی اتس
 فوق تو ، سروف اتس بفسا کیت جوگ . کیت دغن فوق تو
 توهن تیغوق سروف . نی برى چوجی هاتی فوق تو ، دغن

10

کران فرچایی. کالو بالس تو، با^{۱۰} اف مو نق لاؤن دغن توهن،
دغن بري اورغ هق فرچایی ره کا فيکول بارغ برت، هق فوقاً
توء نینیق کيت اتوا کيت سندیري فون تاءرق نق تغگوغ؟ نق!
کيت فرچایی کات کيت بوليه سلامت دغن کران رحمة ربی عيسی
ساج. اورغ بفسا لاءین فون بالس تو جوگ.

11

سود هق فيتروس کات نی، سموا اورغ هق ماري مشورة تو دوق
سپف. فس دی دغرا کا هق برنابس دغن فولوس رویت تنفع سموا
فرکارا^{۱۱} عجایب هق توهن بري جاري اتس اورغ بفسا لاءین دغن
سابیت فولوس دغن برنابس.

12

بیلا دی سود رویت، یعقوب فون باعون کات: یا ادیق برادیق،
دغله هق اکو نق رویت! صیمون رویت ده ساءنی، بالس مان
تهن مولا^{۱۲} تنحوچ کاسیه دی کا اورغ^{۱۳} بفسا لاءین، دغن
فیلیه دالم فوق تو، اورغ مان هق نق جاري میلیق دی.
فس هق فيتروس رویت فون ستوجو دغن فرکتائن نبی^{۱۴} دلو،
هق کات:

13

14

15

هق کات:

16

لفس فد نی اکو نق ماري فول، توهن کات،
فس اکو نق فردیری رومه تغگ راءود هق رونته تو.
اکو نق باءیقکی هق فونه^{۱۵} بري جاري بارو سمولا،
انتوق نق بري سموا ماءنسی ماري چاري اکو، یاءیت
اورغ بفسا^{۱۶} لاءین هق اکو فیلیه ره جاري میلیق کو.
اکو هق رویت نی، توهن، هق بري پات فرکارا^{۱۷} نی
تکه دلو لاکی.

17

18

سابیت توله، یعقوب کات، کالو توروت فيکیران اکو، جاغن کيت
بری فایه کا اورغ^{۱۸} بفسا لاءین هق فرچایی کا توهن.
باءیقله کيت تولیس سورت کا دی، سوروه دی فنتفع چافن ماکن
مکاتن ناجیس، هق سمبه ره کا برهالا، اتوا داکیع هق ماتی،

19

20

تاءً سمبليه، اتوا داره فون . فس کنا جاگ ديري جاغن چافوغ!
سبب لام ماري ده، اد اورغ باج تورات، دالم مسجید ۲ اورغ
يهوبي، گتف ۲ هاري ميغکو، فس اد اورغ تفسير جوگ، دالم
تيف ۲ تمفت هق اورغ دودوق .

سورت کيريمن کا اورغ بعسا لاءين هق جاري فوق المسيح

فوق صحابة عيسى دفن کاكق ۲ ، سکالي دفن سموا اورغ
دالم فوق المسيح فون کرت سين نق فيليه اورغ جاري وکيل
ري ، بري کي سکالي فولوس دفن برناس ، کا بندر انتيوخ . فوق
تو فون فيليه يومن هق گلر برسابس ، دفن سيلس ، دوا اورغ
هق اد فريشك دالم فوق اديق برايديق تو .

فس ، دی کيريم سورت هق توليس بالس نی:
فوق کيت صحابة ۲ عيسى ، دفن کاكق ۲ فوق المسيح
دکوت جروسليم نی ، هق جاري اديق برايديق دفن فوق
مو ، نق کيريم سلام کف اديق برايديق کيت بعسا لاءين ،
هق دوق دبندر انتيوخ ، دنکري سيرريا ، فن دنکري کيليكيا .
بوپي کات ، اورغ دالم فوق کيت دسيني ، دوق سکت
جالن فوق مو ، بري فيکيران گلومبغ دفن هق دی رویت .
اورغ ۲ تو ، بوکن کيت هق هنتر دی کي . ساپيت تو ،

کيت دسيني مشورة فاکت ستوجو نق هنتر وکيل کيت
کي کا فوق مو . کيت فون فيليه يومن دفن سيلس ،
بری دی کی سکالی برناس دفن فولوس ، سائين رافت
کيت تو ، هق جوغ سره پاوا دی کران رتی کيت
عيسى المسيح . ساپيت نيله کيت هنتر ده يومن دفن
سيلس . دفن مولوت دی ، دی نق جامين سموا هق کيت
توليس ده دالم سورت کيريمن نی .
روح توهن دفن فوق کيت ستوجو کات ، کيت تاءً بري

مو کا برت ، ملينکن مو کتا توروت اتوران ۲ هق
مستحق ، یاءیت مو فنتغ جاشن ماکن هق سمهه ده
کا برها لا . جاشن ماکن داره ، اتوا داگیغ هق ماتی
تاء سمبليه . فس جاکاله ديرييو درفه هق چافوغ .
فادن ده سکت نی . تريما کاسيه .

فس تو ، اورغ سوروه یي کي کا بندر انتيوخ . بيلا یي سمهفي ده
یي فشكيل سموا اورغ هق فرچاي کا توهن ماري برهيمون .
فس ، یي هولور سورت بري کا فواق تو . با یي بوک باج
سورت ، یي فون براس سوک هاتي ، کران ايسي سورت بري
فواس هاتي .

يوس دغن سيلس ، هق بوليه نعمة بوليه ميمفي فرمان توهن
تو ، کيچيق لام جوگ نشن اديق براديق دسيتيو ، بري یي کرس
سماغت .

سوده لام ده دوق ديق نون ، اديق براديق دسيتيو فون هنتر
یي کليق نشن سنغ ليندغ . تافي سيلس دوق دسيتيو لاکي ، تاء
کليق . فولوس دغن برنابس فون دوق دبندر انتيوخ لام جوگ .
یي دوق مثاجر ، برشح فركتائن توهن ، سکالي نشن اديق
براديق لاءين هق مثاجر جوگ .

فولوس مچه دغن برنابس

لام ۲ ، فولوس رویت کا برنابس : ماريله کيت کي سمولاء ،
تيشوق مات اديق براديق هق دوق دتمفت مان ۲ هق کيت
بياس کي برشح فركتائن توهن . باءيلک کيت کي زيارة یي
بالس مان لاني !

برنابس براس نق باواه يحيا هق اورغ گلر مرقوس ، کي سکالي .
تافي فولوس براس تاء سوغ نق باواه مرقوس ، سابيت دلو گي
سکرت جالن کا نگري فمفيلي ساج ، فس یي تاء بري سود ، کرج

هق کرت سین دلوو کات نق بوات .
 سبب توله، فولوس رعن برنابس سلیمیث، هیغه سعفی مچه .
 برنابس باواء مرقوس کی سکالی، نائیک کفل بلایر کی کا فولو
 کوفروس . تافی فولوس فیلیہ سیلس نق کی سکالی رعن دی .
 ادیق برادیق دسیتو فون بریعا، سره دی کا توهن بزی جاگ .
 فس تو، فولوس رعن سیلس توبیت کی .
 دی کی کوء نکری سیریا رعن نکری کیلیکیا، ماسوق گنف تمفت
 اد اورغ هق جاری فوق المیح، دی ماسوق ، نق بزی کمس،
 هاتی فوق تو .

تیموتیوس توروت فولوس رعن سیلس کی

باب 16

فولوس برجالن کی لاکی کا بندر دری رعن بندر لیسترا .
 دسیتو اد سئوغ هق فرچای، نام دی تیموتیوس . مق دی
 فرچای جوگ . دی اورغ یهودی، تافی ایه تیموتیوس اورغ بعسا
 کریک . سموا ادیق برادیق فوق المیح هق دوق دلیسترا رعن
 ایکونیوم ، فوجی تیموتیوس .
 فولوس فون براں نق باواء تیموتیوس کی سکالی رعن دی . سا بیت
 تو، دی سوروه تیموتیوس برسونه دلوو، کران نق بزی فواس هاتی،
 کا سموا اورغ یهودی دیق نون ، هق تاهو ده کات ایه تیموتیوس
 تو اورغ بعسا کریک هق تاء برسونه .
 لفس تو، تیموتیوس فون کی سکالی رعن فولوس، فس ، دکنف ۲
 تمفت هق دی ماسوق ، فولوس پمپی اف ۲ هق فوق صحابة
 عیسی رعن کاک ۲ فوق المیح دکوت جروسلیم کرت سین
 دلوو، سوروه توروت اتوران ۲ تو .
 بالس نیله ، اورغ ۲ دالم فوق المیح دمان ۲ فون، کھور ۲ کجت
 ایمان دی، فس اورغ هق فرچای فون کھور ۲ باپق ، هاری ۲

39

40

41

1

2

3

4

5

فولوس تیغوق اور غ دالم میمفی

لفس فد تو، فواق فولوس برجالن لانگی کوء نکری فریکا
رغن نکری گلاتیا، کران روح توهن لارغ ری تاء بری ماسوق کوء
نکری اسیا، هق ری نق ماسوق بولو تو، میمفی خبر بايك
رسیتو. بیلا ری سمفی انتارا نکری میسیا، ری کاچغ نق ماسوق
کوء نکری بیتینیا، تافی روح عیسی تاء بری ری ماسوق نکری تو.
سابیت تو، ری کی کوء نکری میسیا، سمفی کا بندر ترواس.
مالم تو، فولوس نتفق دالم میمفی سروف سورغ نکری ماکدونیا
دوق بردیری رافن ری، مینتا کات: چوب ماری تولوغ کیت
دنکری ماکدونیا کاتیق!

با فولوس تیغوق ده سروف میمفی ساء نی، فواق کیت فون سکالی
رغن ری، فاکت سیمفون سیف نق کی کا نکری ماکدونیا تو،
کران کیت تاهو ده کات، توهنله هق سوروه کیت کی رویت خبر
بایک کا اور غ ۲ دیق نون.

اور غ بتینا نام لیدیا فرچای کا ربی عیسی

کیت تیغکل بندر ترواس تو، نائیک کفل جمرغ کی کا بندر
ساموتراکی، هق اور غ کریک. فس، ایسون کی کا بندر نیافولیس
فول. امبیق رسیتو، کیت ماسوق کی کوء دارت کا بندر فیلیپی،
هق جایی کوت دالم تمفت نمبر ساتو، نکری ماکدونیا. فس،
اور غ برداخ غ کراجان روم دوق رسیتو جوگ. کیت فون دوق
رسیتو دوا تیگ امفت هاری.

فدهاری میغکو، کیت توبیت بندر، کی کا تفی سوغمی، کامق
کات نق اد تمفت اور غ یهونی ماری سنبه بریعا رسیتو. کیت
فون دودوق، کیچیق رغن اور غ ۲ بتینا هق ماری فراچوم ده.
سورغ دالم فواق بتینا هق دوق دغرت تو، نام لیدیا، هق

ماری د بندر تیاتیرا ، دوق منیاگ جوال کائین سوترا ، چهیا بیرو بوتیر ستر . ری اورغ هق سمبه کا توهن . فس توهن بوک هاتی ری بربی بولیه فرهاتی هق فولوس دوق اجر .

15 ری فون تریما ده روکون مندی ، سکالی لفن اورغ رومه تنگ ری . لفس تو ، ری اجق فولوس کات : کالو توان تا شک هاتی ، تافی فرچای کات امب تریما ده عیسو جاری ربی امب ، ماریله ، کی دودوق رومه امب ! کیت فون کی کا رومه نی .

فولوس دفن سیلیس ماسوق گوچ

لفس فد تو ساتو هاری ، تغه کیت دوق کی کا تمفت بر دعا ، کیت برجومفا دغنا شئورغ بتینا مودا ، هق جاری همب اورغ .

16 ری ماسوق هنتو هق بربی نی فندی نوجوم اف هق نق جاری کو ئ دافن . ری فون بولیه دویت باپق انتوق توان ۲ ری ، دغنا فندی تیلیق نصیب اورغ بالس تو .

17 اورغ بتینا مودا نی فون توروت فوغکوغ فوقا فولوس ، بلغ ۲ منا وغ کات : اورغ نیله همب توهن یئ مهاتیغکی ! ری ماری نق بربی پات کا فوقا مو ، جالن مان نق بولیه سلامت !

18 ری کاچع مناء وغ بالس تو باپق هاری ده ، سهیغک فولوس براس بوسن هاتی ساغت . ری فون فالیغ سوروه هنتو توبیت کات : دغنا نام عیسی المیح ، اکو سوروه مو توبیت دالم توبوه اورغ نی ! با کات بالس تو ، هنتو فون توبیت دالم توبوه اورغ بتینا .

19 بیلا توان ۲ اورغ بتینا سائی کابر کات ، جالن نق بولیه دویت کا نی تو لیسوس ده ، ری فون کی چکاو فولوس دفن سیلیس ، هیریت ری کی کا تمفت جملیس ، دتفه بندر .

20 دسیتوله ، ری باواه فولوس دفن سیلیس کی مغهارف حکیم ۲ کراجان روم . ری ادو کات : دوا اورغ نی اورغ یهودی ، ماری نق

- 21 بوات هارو هارا ت Moffت کیت ! دی اجر عادۃ ۲ هق تاء برلاگ رغنا حکوم ۲ کیت . کیت اورغ روم ، فس کیت تاء لیه توروت عادۃ ۲ دی ! اورغ رامی فون ستوجو جوگ نق بوات هودوه کا دی . حکیم ۲ تو گی رابوت فکاین فولوس دغنا سیلیس ، سوروه اورغ فیات دی دغنا روتنه . لفس فد فیات دی تروق ، اورغ توپه دی بربی ماسوق گوق دغنا سوروه اورغ منوغکو گوق تو جاگ مولیق .
- 22 گی رابوت فکاین فولوس دغنا سیلیس ، سوروه اورغ فیات دی دغنا روتنه . لفس فد فیات دی تروق ، اورغ منوغکو گوق تو جاگ مولیق .
- 23 گی رابوت فکاین فولوس دغنا سیلیس ، سوروه اورغ فیات دی دغنا روتنه . لفس فد فیات دی تروق ، اورغ منوغکو گوق تو جاگ مولیق .
- 24 سا بیت سوروه بالس نی ، اورغ منوغکو گوق فون بوبه فولوس دغنا سیلیس دالم ت Mofft هق دالم سکالی ، فس تو فاسوغ فول دغنا ستونگکول کایو .
- 25 فد ماں تفہ مالم ، فولوس دغنا سیلیس دوق برینعا دغنا پاپی لاگو ، فوجی کا توهن . فس اورغ ۲ لائین هق کا ایکت فون ، دوق دغرا کا فوجین دی .
- 26 تیبا ۲ جانی بومی برکوچق تروق ، سهیعگ تافق گوق فون نق رتق . فینتو ۲ تربوک ، فس رنتی هق بوات ایکت اورغ فون ترومیق ہابیس .
- 27 اورغ منوغکو گوق فون جاگ تیدور . با تیغوق سموا فینتو ۲ دوق تربوک تو ، دی چا بوت فدغ نق بونوہ دیری ، کران دی سٹاک کات ، اورغ لاری ہابیس .
- 28 تافی فولوس مناٹ دغنا سوارا درس کات : جاغنله مو بونوہ دیری مو ! فواق کیت سموا دوق اد بلاک دسینی !
- 29 اورغ منوغکو گوق تو فون سوروه اورغ امبیق فلیتا نق سولوہ ، فس ، دی هوغلل ماسوق دغنا کتر کالیغ ، سجور کا فولوس دغنا سیلیس .
- 30 لفس تو ، اورغ منوغکو تو باوا ، فولوس دغنا سیلیس توبیت ، فس تان دی کات : هي توان ! امب نق بوات لاگو مان ، بربی بولیه سلامت ؟ فولوس دغنا سیلیس فون جواب کات : مو فرچایاله کا رئی عیسی ، فس مو نق بولیه سلامت ، سکالی دغنا سموا اورغ

- رومہ تفگ مو !
 لفس تو ، فولوس رویت خبر بائیک هق رئی کا اورغ منوڠکو گوق
 تو ، فس کا سموا اورغ رومہ تفگ نی . 32
- ولو تغہ مالم فون ، اورغ منوڠکو باواءِ فولوس دغن سیلیس کی
 باسوہ لوگ ۲ ری . فس تو ، اورغ منوڠکو تریما روکون مندی
 بفتیزما ، سکالی دغن سموا اورغ رومہ نی . 33
- لفس تو ، نی باواءِ فولوس دغن سیلیس نائیک اتس رومہ بڑی
 ماکن . اورغ منوڠکو گوق دغن سموا اورغ اتس رومہ نی فون
 براس سوک هابیس ۲ چیکف ، کران ری فرجایا ده کا توهن . 34
- ایسوق فاکی ، حکیم ۲ کراجائی روم تو ، فسن دغن کتوا ۲
 سلدارو کات : سوروہ لفس روا اورغ تو ! 35
- اورغ منوڠکو فون کی رویت کا فولوس کات : حکیم ۲ تو فسن کات
 توان کدوا نی بولیه توبیت لفس . توبیتلہ ، کی دغن سلامت ! 36
- تافی فولوس رویت کا کتوا ۲ سلدارو : ولو کیت تاءُ سالہ اف ۲
 فون ، تافی حکیم ۲ سوروہ فیات کیت ، دافن اورغ رامی دغن
 تیدق اوصول تان کیت . کیت اد فریغکت جاری رعت کوت
 روم . لبیه لاکی نی توبہ کیت دالم گوق . فس لانی نی نق بڑی
 کیت توبیت ، کی دغن سپف ۲ . تاءُ لیه ! حکیم ۲ تو کا ماری
 سندری بڑی کیت توبیت ! 37
- کتوا ۲ سلدارو فون کی رویت هق فولوس کات سائی کا حکیم ۰۲
 بیلا ری رغرا کات ، فولوس دغن سیلیس اد فریغکت جاری رعیت
 کوت روم ، نی فون ترکجوت ساغت . نی کی مینتا ، معاف دغن
 دوا اورغ تو سلالو . فس فیمیفین توبیت دالم گوق ، مینتا ری
 ہوندور کی فد نکری تو . 38
- فولوس دغن سیلیس فون تیغکل گوق تو ، کی کا رومہ لیدیہ .
 دسیتو نی تمو دغن ادیق برادیق فوق العصیح . ری کیچیق
 بڑی سماگت کا ہاتی اورغ ، لفس تو توبیت کی کا لائیں فول . 39
- 40

اورغ یہووی بوات هارو هارا دتیسالونیکا

باب 17

- 1 فواق فولوس فون لالو کوئ نکری امفیفولیس رعن نکری افولونیا هیچگ سمفنی کا بندر تیسالونیکا ، تمفت اد مسجد اورغ یہووی .
- 2 فولوس بوات سروف سعمرور ، کی ماسوق دالم مسجد تو . فس تیک کالی هاری میشکو برتوروت ۲ ، نی سوؤال جواب رعن اورغ ۲ دستیتو ، امبیق ایات ۲ دالم کتاب ، هوراءی بڑی تنتو چرف ، کات المسیح هق توهن جنجی تو ، مستی کنا سیقسما سمفنی ماتی ، لفس تو ، هیدوف کلیق سمولہ . فولوس کات: عیسیٰ هق اکو رویت بڑی مو دغرنی ، دیاله المسیح تو !
- 3 دالم فواق هق دوق دغرن ، اد اورغ هق هاتی ری کھور ۲ فرچای ، توروت فولوس رعن سیلیس . فس اد جوگ ، سفواق بسر ، اورغ بخسا کریک ، هق فرچای طاعة کا توهن ، سکالی رعن اورغ بتینا باپق اورغ ، هق فریغکت تیغکی .
- 4 تافی اورغ ۲ یہووی براں رغکی ، کی فشکیل فواق ۲ هق مالس بوات کرج ، بڑی نی فاکت نق بوات هارو هارا . فواق تو فون کاچو سہیفگ سموا اورغ دالم بندر تو هارو هارا ہابیس . نی ترکم نائیک کا رومہ سئورغ نام یاسون ، نق چاری فولوس رعن سیلیس ، هیریت نی کی سره کا اورغ رامی .
- 5 تافی چاری تاء تیمو ، نی فون کی هیریت یاسون ، رعن ادیق بزادیق ، دوا تیک امفت اورغ لاکی ، باواء نی کی کا کتو ۲ بندر تیسالونیکا تو ، ادو نی رعن برسورق کات: فواق نی کی کا مان ۲ فون ، بوات کاچو ! فس لانی ماری کا تمفت کیت فول !
- 6 یاسون فون سمبوت ساٹین نی نی ماسوق کا رومہ نی . نی سموا لشکر حکوم ۲ مهاراج روم ، کات اد راج لائے هق نام عیسیٰ !
- 7 رعن کات بالس تو ، فواق سائی بڑی بوسن هاتی اورغ رامی

۹ دغنا کتوا ۲ . کتوا ۲ فون سوروه فواق یاسون تو باير دویت،
بارو نی بولیه لفس.

ادیق برادیق هنتر فواق فولوس کی کا بندر بريا

۱۰ با گلف، ادیق برادیق دسیتو اوچف سلامت جان کا
فولوس دغن سیلیس، بري نی کی کا بندر بريا . سمفی ده، نی
فون کی کا مسجدید اور غیهوری.

۱۱ اور غ ۲ بندر بريا تو، هاتی نی جوغ تریما لبیه فد اور غ ۲
بندر تیسالونیکا سائني. نی ترتاریق هاتی، براش نق رغر
لاکی خبر تو، فس کنف ۲ هاري، نی کلیق کا رومه باج کتاب،
نق تاهو سوغلکوہ کا دق، هق فولوس اجر.

۱۲ فس دالم رامی ۲ تو، باپق هق فرچای. اور غ بتینا فریغکت تیفکی
بغسا کریک فون، باپق فرچای جوگ، سکالی دغن اور غ جنتن.

۱۳ تافی بیلا اور غ ۲ یهوری هق بوات کاچو دبندر تیسالونیکا دولوت
بوپی کات فولوس کی برشح فرکتائن توهن دبندر بريا کاتنیق،
نی فون فاکت ماری هاسوت، بري کاچو فول، اور غ رامی دسیتو.
با جانی بالس تو، ادیق برادیق فون هنتر فولوس کی، نق
نائیک کفل لاءوت، تافی سیلیس دغن تیمومتیوس دوق دبندر بريا

۱۴ تو لاکی.

۱۵ اور غ ۲ هق کی هنتر فولوس، کی سکالی دغن نی سمفی کا بندر
اتینا. لفس تو، نی فالیغ کلیق کا بندر بريا فول. فولوس فسن
کا نی، سوروه سیلیس دغن تیمومتیوس توروت ماری، اچی بولیه
ماری باخت ۲ سیکیت.

فولوس دوق دبندر اتینا

۱۶ تغه فولوس دوق ننتی سیلیس دغن تیمومتیوس دبندر اتینا تو
نی براش سرابوت فروت، تیغوق برهالا باپق بدمعه دالم بندر

تو۔ سا بیت تو، نی کی سو اال جواب دالم مسجدید، نغن اورغ
یہوئی سکالی نغن اورغ بنسا لاءین هق طاعة کا توهن۔ فس
دالم فارغ دتھے بندر تو، گنف ۲ هاری، فولوس سو اال جواب
رنغن اورغ هق روق لالو کی ماری کوء تو۔

فس، اد جوک گورو ۲ قوم ایفیکوریم رغن قوم ستونکیم، هق
ماری نق بحس رغن فولوس۔ اد اورغ هق کات: کاف اورغ نی
روق مغیفیق با بیق، با بیق! فس سبب فولوس کوسنر حال
عیسو رغن نی هیدوف کلیق سمولاتو، اد هق کات فول: نمفق
سروف نی کیچیق حال دیوا ۲ بنسا لاءین!

فواق تو فون باواء فولوس کی کا جملیس نی دتمفت هق نام
اریوفاگوس، کات کا ری: کیت براس نق نغر فغا جران مو هق
بارو نی۔ سبب اد هق کیت نغر فلیق، فس کیت نق تاھو اف
معنا فرکارا تو؟

جاری، دبندر اتینا تو، رعیت ۲ سکالی نغن انق ۲ لوار هق
ماری دودوق دسیتو، سروف تا، اد کرج ملینکن سوک رویت،
سوک نغر، خبر مان هق بارو ساج۔

شراحن فولوس کا اورغ ۲ هق سمبہ برھا لا

فولوس فون باغون برییری دافن اورغ دجملیس تو، فس نی
کات: هي اورغ ۲ هق روق دبندر اتینا نی! اکو فرھاتی ده کات
فواق مو فکن اوکام قواة دالم سموا فرکارا۔

سبب تکه اکو روق برجالن ماری سینی، اکو تیغوق باپق
تمفت مو سمبہ برھا لا تو۔ فس اکو نمفق جوک، تمفت قربان
سا، هق تولیس داتس تمفت تو: کند توهن هق مائنسی کیت
تا، کتل۔ فس، فولوس کات، توهن هق مو سمبہ کات تا، کتل
تو، اکو نق رویت، بڑی مو بولیہ کتل نغن نی!

الله هق بڑی جاری دنیا نغن سموا منخلوق، دیالہ توهن هق

- ار کواس دلاغیت دبومی . ساپیت تو ، ری تاء کنا دودوق دالم
تمفت هق ماء نسی بوات .
- فس ساپیت تو جوگ ، ری تاء کنا نق کا فرتولوغن ماء نسی کیت ،
سبب دیاله هق بري هیدوف ، هق بري پاوا ، هق بري سموا
فرکلا ، کا ماء نسی کیت .
- کوء ساتو اورغ ، توهن بري جاري سموا بعسا ماء نسی ، بري
دودوق سرات دنیا . توهن جوگ هق لتق دلو ، فریاغ مان
دغن تمفت مان ، بعسا تو نق تیمبول .
- توجوان توهن بوات بالس تو ، نق بري کسموا بعسا چاري
ری ، سروف اورغ گاکاو میت ، چاري کھور ۲ تمو دغن ری .
سسوغونکوشن ، توهن تاء جاوه دغن سیاف ۲ فون .
- ایکوت ففاته هق کات : دغن ساپیت دیاله کیت بولیه هیدوف
بولیه برگرق . دغن کواس بی ساج ، کیت اد !
- سروف جوگ دغن شعیر فواق مو سنديري هق کات : کیت فون
جاري انق ۲ ری بلاک !
- کالو کیت جاري انق ۲ توهن ، تاء سوغ کیت کات توهن سروف
دغن برهالا ، هق بوات دغن مس ، فيرق اتوا باتو فون ، هق
ماء نسی اوکیر ، ایکوت روف هق بی فندی سنديري .
- ماں کیت تاء تاهو دلو ، توهن تاء امبیق سالہ کا کیت ، تافي
لانی بی سوروه ، نق بري ماء نسی سرات دنیا ، تیغکل هق
جاہت ، توروت هق بائیک .
- کران توهن منتو ده ساتو هاري ، هق بی نق ماري حکوم دغن
عاریل ، اورغ سرات دنیا بی ، کوء ساتو اورغ هق بی فیلیه ده .
- فس توهن بري تند کات ، جاري اورغ تو هق بی فیلیه ، کران
لفس فد اورغ تو ماتی ، توهن بري بی هیدوف کلیق سمولا !
- بیلا فواق تو نثر هق فولوس برشح حال اورغ ماتی هیدوف
کلیق تو ، اد اورغ هق بوات مغانجیع کا فولوس ، تافي اد

جوگ، هق کات: کیت براس نق دغرا لاکي چارا حال نی!

لفس تو، فولوس توبیت تمفت نی مشورة تو.

33

فس اد اورغ ماسوق جاري سفواق دفن فولوس، فرچای سروف رید
ترماسوق دالم فواق تو، اد سئورغ دالم جملیس اریوفاگوس تو،
هق نام دیونیسیوس، اورغ بتینا سئورغ، هق نام داما رس،
سکالی دعن اورغ لائين لاکي.

34

باب 18 فواد المسيح هق مولا ۲ دبندر کورینتوس

لفس فد تو، فولوس تیفگل بندر اتینا تو، کی کا بندر
کورینتوس فول. دسیتو، نی برجومغا دفن سئورغ بفسا
یهودی نام اکویلا، هق تمفت اصل نی نکری فونتوس. نی
بارو سمفی کا کورینتوس ماری دنکری ایتالی، دفن بینی نی
فریسکیلا. مهاراج دروم هق نام کلادیوس، لتق اووندغ ۲ بارو
همبت سموا اورغ بفسا یهودی توبیت، تاء بري دودوق دکوت
روم. فولوس فون کی زیاره رومه اکویلا ساء نی.

1

فس سابیت فولوس کرج سروف دفن اکویلا، نی فون دودوق
سکالی، جاهیت خیمه.

2

کنف ۲ هاری میفگو، فولوس کی کا مسجدید اورغ یهودی، نق
سوءال جواب بحس، دفن توجوان نق بري اورغ بفسا یهودی
دفن بفسا گریک فون، فالیغ فرچای کا ربی.

3

بیلا سیلیس دعن تیموتیوس ماری درف دنکری ماکدونیا سمفی ده کا
کورینتوس، فولوس تیفگل کرج جاهیت خیمه تو، سره دیری
انتوق نق برشح خبر بیغ بايك، نایک سقسی کف اورغ یهودی
کات، عیسی له جورو سلامت هق توهن جنجی تو.

4

بیلا اورغ لاون دعن فولوس، مغهوروه کا نی، فولوس فون
باخون کلبس دبو رفکاین نی، بلغ ۲ کات کا فواد تو: کالو بالس
تو، مو تغکوغ سندیری سلامت مو! اکو تاء ساله ترهاف مو!

5

6

7 جق دهاري ني ، اکو بوليه کي کوسنر کا اورغ بخسا لائين ! سود کات بالس تو ، فولوس توبیت مسجید ، کي رودوق درومه اورغ دتفی مسجید تو . توان رومه ، اورغ بخسا لائين ، هق نام تیتوس جوستوس ، اورغ هق طاعۃ کا توهن .

8 کریسفوس ، هق جاری کتوا مسجید تو فون ، فرچای جوگ کا ربی عیسی ، سکالی دغنا سموا اورغ رومه تغگ ری . بالس تو جوگ ، اد اورغ ۲ لائين هق روق دکورینتوس ، دغر خبر هق فولوس کوسنر . ری فرچای ، فس تریما روکون مندی بفتیزما .

9 ۱۰ فد ساتو مالم ، توهن رویت کا فولوس سروف دالم میمیفی کات : جاغن تاکوت ! رویت ۲ له ، جاغن بری هاله کا اورغ . کران اکو روق سکالی دغنا مو سعمور . تا ۱۱ اد اورغ هق برانی نق بوات پان کند مو ، سبب اورغ ۲ دسینی ، باپق هق جاری میلیق کو ! ساپیت توله ، فولوس روق دبندر کورینتوس تغہ دوا تاهون ،

11 مفاجر فرکتاں توهن کا اورغ ۲ دسیتو .

اورغ ۲ یہوی باواءؑ فولوس نائیک کا سن

12 تکہ کالیو جاری وکیل مہاراج روم هق میرینته دنگری اخیا اورغ ۲ یہوی فاکت ایکت فولوس ، باواءؑ نائیک کا سن ، کات :

13 اورغ نی کاچغ نق دای هاتی اورغ رامی ، بری ری سمبہ کا توهن کو ؎ جالن لائین ، هق بولاون دغنا حکوم کیت !

14 با فولوس بوک مولوت نق جواب ، کالیو سمفوق ، کات کا اورغ یہوی تو : کالو هق مو ادو نی کسلاهن بسر ، اکو بولیه دغر سمفی سود . تافی هق مو ادو نی جاری سلیھیغ دالم فواق مو تنخن دغنا اوکام یہوی ساج . بری سلسیله فرکارا نی سام مو سنديري ، اکو تاءؑ سیر ماسوق چمفور !

15 سود کات تو ، وکیل ساعتی سوروه اورغ همبت توبیت فواق اورغ

17 یهودی تو. فوق اورغ یهودی فون کی ترکم کتوا مسجد، هق نام سوستینیس، کوڈم ری دافن سن. تافي گالیو سائني تاء فادول سیکیت ہابوق.

فولوس کلیق کا بندر انتیوخ فول

18 فولوس دوق دبندر کورینتوس باپق هاری جوگ، فس تو ری بربی سلامت تیغکل کا ادیق برادریق دسیتو، نق کی ناءیک کفل سکالی فریسکیلا نفن اکویلا، تیک اورغ، بلایر کی گا نگری سیریا. بلوم فد ناءیک کفل رفعکالن کینکریا، فولوس برچوکور کفل، سابیت نی پرنیات. لفس تو، نی فون کی.

19 با سمفی کا بندر ایفیسوس، فولوس تیغکل دوا اورغ سائني تو، کی کا مسجد، نق سوئال جواب نفن اورغ ۲ یهودی.
20 اورغ یهودی تو فون مینتا فولوس دوق سکالی نفن ری لام
21 سیکیت، تافي فولوس تاء لیه، کات: کالو کھندق توهن، تاء چصفیغ، بولیه ماری فول کا تمفت مو! لفس کات بالس تو، ری تیغکل ایفیسوس کی کا لاءین.

22 بیلا ری سمفی ده کا بندر قیصریا، نی برجالن لاکی کی کا کوت جروسلیم فول، نق رویت سلام کا فوق المیح دسیتو. لفس تو، نی کی لاکی کا بندر انتیوخ.

23 نی دوق دسیتو تاء لام، فس کی فول کو، کلیواسن گلاتیا نفن فریکیا، نق بربی کمس ایمان سموا اورغ حق فرچای ده دسیتو.

افولوس برشح دبندر ایفیسوس

24 فس اور سورغ یهودی نام افولوس، حق تمفت برانق نی دبندر اسکندریا. اورغ نی بارو ماری کا بندر ایفیسوس. نی اورغ حق فندي برشح، فس نی فهم سموا دالم کتاب ۲ توهن.
25 نی مثاجی ده حال ۲ جالن ربی، فس نی برشح چارا حال

- عیسوی، دغناں تا ۴ سیلیف اف، دغناں هاتی قواہ سماقت۔ تافی چارا حال روکون مندی بفتیزما، دی تاھو چارا حال هق یحیا ساج۔ دی کی برشح دمسجدید اور غیہوی دغناں هاتی برانی، 26 تافی بیلا فریتکیلا دغناں اکوپلا دغرا هق دی برشح تو، دی اجق افولوس کی کا رومہ، فس اجق تمبہ لائکی بڑی سعفرن، حال جالن رتی۔
- لفس تو، بیلا افولوس براں نق جماغ لا ۷ وٹ کی کا نکری اخیا، 27 ادیق برادیق دبندر ایقیسوس فون، سفاکت ستوجو نق تولوغ بڑی دی کی دغناں تولیس سورت کیریم کا ادیق برادیق دیق نون، بڑی دی سمبوت افولوس۔ بیلا افولوس سمنفی ده دیق نون، دی بولیه تولوغ باپق، بڑی قواہ اور غ ۲ هق فرچای، دغناں کران رحمة توہن۔
- افولوس دوق بحس بولیه منع دغناں اور غ ۲ یہوی دافن اور غ رامی 28 سبب دی فاکی کتاب توہن، تنحوچ بڑی تنتو کات، عیسوی له المسیح هق توہن جنجی تو۔

فولوس کی کا بندر ایفیسوس فول

باب 19

- 1 تکہ افولوس دوق دبندر کورینتوس لائکی، فولوس فون برجالن کو، رارت، سمنفی کا بندر ایفیسوس۔ نسیتو، دی تمو دغناں سفواق اور غ هق فرچای کا توہن۔
- 2 فولوس فون تالث دی: تکہ مو فرچای، مو تریما ده کا دق، روح توہن دوق دالم هاتی مو؟ فواق تو جواب کات: جاغن کات نق تریما، دغرا فون، بارو لغرا نی!
- 3 فولوس فون تالث دی فول: کالو کیتو، مو تریما روکون مندی بفتیزما لائکو مان؟ فواق تو جواب: تریما لائکو یحیا!
- 4 فس فولوس رویت کات: لائکو یحیا تو، دی بڑی کا اور غ هق توبہ تیغذکل دوسا ۲ دی۔ فس یحیا سوروہ فرچای کا دی هق نق ماری

کدیان فد یحیا ، یاءٰ یت عیسیٰ .

5 با دغر بالس تو ، فواق تو فون تریما روکون مندی بفتیرما اتس
نام ریئی عیسیٰ ، کات : نی فرچای کا عیسیٰ .

6 تکه فولوس لتق تاغن اتس کفلا اورغ ماسیعؒ ، روح توهن
ماسوق فرینته ، بری ری بولیه کیچیق دغن بہاسؒ هق ری
سنديري ناؒ ارتی ، فس بری بولیه مپمفی فرمان توهن .

7 سموان تو ، اد دوا بلس اورغ .

8 لفس فد تو ، دالم ماس تیگ بولن ، فولوس کی تاءؑ فوتوس دالم
مسجدید اورغ یہوی دبندر ایفیسوس تو ، برشح دغن هاتی
برانی ، سوئال جواب دغن اورغؒ دسیتو ، کاچھ نق بری فرچای
تتف کات ، توجوان توهن ، ری نق فرینته زالم هاتی ماؒ نسی
سموا . تافی اد جوگ ، اورغؒ هق کرس هاتی تاءؑ سیر فرچای ،
کیچیق ہودوہ چارا حال جالن ریتی تو ، کا اورغ رامی هق
ماری نق دغر . سابیت تو ، فولوس برہنتی کی کا مسجدید تو . نی
ہوندور کی کا تمفت فراچوم لاےین هق تیرانوس . نی اجق اورغؒ^۲
هق فرچای ده کی سکالی دغن ری ، فس کنفؒ ہاری ، فولوس
مخاجر دتمفت تو .

9 دوق جانی بالس نی سلام دوا تاهون ، باروله سموا اورغ هق
دوق دالم کلیواسن نکری اسیا تو ، تاءؑ کیرا کات اورغ یہوی
اتوا اورغ بفسا لاےین فون ، اد فلواح بولیه دغر فرکتائن توهن .

انقؒ اورغ نام سکیوا

11 تکه تو ، توهن تورون کواس ری کا فولوس ، بری بولیه بوات
فرکاراؒ عجائیب ، هق اورغ تاءؑ بیاس تیعوق . سہیفگ اورغ کی
امبیق کائینؒ هق فولوس سافوس فلوہ ، اتوا کائین باسوہن
هق فولوس ، باواؑ کی لتق دا اورغؒ ساکیت . فیاکیت ری فون
ھیلخ سلالو ، شیطانؒ فون توبیت درف دتوبوہ اورغ .

- 13 فس اد سفواق اورغ یهودی هق برجالن کی رات ۲ تمفت ، کرج
نی جانی بومور ، نق ایکت هننتو ۲ هق دوق دالم توبوه اورغ .
فواق نی فون چوب فاکی نام ربی عیسی کا هننتو ۲ . نی کات :
اکو برسومفه رغن نام عیسی ، هق فولوس دوق اٹکیت نام تو ،
توبیتلہ مو !
- 14 فس ، اد توجوہ اورغ ، انق ۲ امام بسر بفسا یهودی ، هق نام
سکیوا ، بوات لاکو تو جوگ .
- 15 تافی هننتو کات کا فواق توجوہ اورغ تو : عیسی اکو کتل . فولوس
فون اکو کتل جوگ ، تافی فواق مو ، اکو تا^۱ کتل سیاف مو !
اورغ هق ماسوق هننتو تو فون ترکم رمیس فواق تو ، هیفگ
سمی فی فواق تو لاری لینتغ فوئکن تلنچع بوکیل ، درف درومہ اورغ
ماسوق هننتو تو ، کنا لوک ہابیس .
- 16 سموا اورغ یهودی رغن اورغ بفسا لاءین ، هق دوق دایفیسوس
لغر حال نی . نی فون براں تاکوت ساعت ، فس سبب تو ، اورغ
اٹکیت نام ربی عیسی کھور ۲ قواة لاکی .
- 17 اورغ هق فرچای ده کا عیسی فون ، باپق هق ماری مغاکو
کسلاهن نی رافن اورغ ، کات نی بیاس فاکی علمو سحیر .
- 18 باپق اورغ هق بیاس جاری بومور ۲ منیغوق فون باوا کتاب ۲
علمو سحیر تو ، ماری باکر رافن اورغ رامی . فس هرگ کتاب ۲
هق نی باکر تو ، لبیه کورغ امفت راتوس ریبو کوف .
- 19 رغن ساپیت کجادین نی ، کھور تمبه باپق لاکی ، اورغ هق تریما
خبر حال توهن ، فس فرچای قواة جوگ .

جانی ریوه رنده دیندر ایفیسوس

- 21 لفس فد سموا کجادین سائی تو ، فولوس کرت سین دولو ،
کات نق برجالن زیاره کوئ نکری مکادونیا رغن نکری اخیا ، کی
سمی فی کا کوت جروسلیم . فولوس کات : لفس فد تو ، اکو کما

کی تیغوق دکوت روم کاتیق !

22 سبب تو، ری هنتر تیموتیوس دغن ایرستوس، دوا اورغ هق کرج تولوغ نی، کی دلوو کا نکری ماکدونیا. فولوس سندیری دوق دنکری اسیا تو لاکی.

23 فد ماس توله جاری ریوه رنده تروق د بندر ایفیسوسن ساپیت
24 دغن حال جالن رتی. اد سئورغ توکع منغا فیرق هق نام دیمیتریوس. ری جاری توکیه فاکی کولی باپق اورغ، هق فندي تیرو بوات چنتوه وات دیوا میق ارتیمیس، بولیه لاب باپق جوگ .

25 دیمیتریوس فون فٹکیل برہیمfon کولی ۲ نی، سکالی دغن توکیه ۲ لا؟ین هق کرج سروف تو جوگ . فس دیمیتریوس کات کا سموا تو: هي کاون ۲ کو! مو تاهو ده بونک، کات کیت بولیه رویت دغن کرج نی؟ تیغوقله بالس مان فولوس تو بوات! ری کات دیوا ۲ هق ما؟نسی بوات دغن تاغن سندیری، هق تو تا؟لیه کات توهن. فس، هق فولوس رویت تو، بزی باپق اورغ دایفیسوس نی، اتوا سموا دتعلقو اسیا فون یقین کات سوغلکو. 26 تاکوت هق کیت منیاک نی نق جاتوه جیها، فس تروق لاکی فد تو، وات دیوا میق ارتیمیس هق کیت کی فوجا تو، نق لیسوس فس هق دوق تیمبول نام میق سندیری فون، نق راءیب ، فس دیاله دیوا هق سموا اورغ دنکری اسیا ، فس سرات دنیا فون ماری دوق سعبه کا ری !

27 با دغر بالس نی، فوقا نی فون ناءیک فانس، فاکت مناءوغ کات: تیمبولله میق ارتیمیس، دیوا رعیت ایفیسوس !
28 تاءلام ریوه رنده تو ملارت کی رات ۲ کوت. اورغ رامی هق ناءیک فانس تو، ترکم دوا اورغ سائین فولوس ، اورغ ماکدونیا، هق نام گایوس دغن اریسترکوس، فس نی هیریت کی کا تمعفت اورغ ماءین کیلر.

- 30 فولوس براں نق کی کیچیق دغن اورغ رامی تو، تافی اورغ ۲ هق
فرچای دسیتو لارغ تاً سیر بربی کی .
- 31 سفواق کاکی تاغن کراجان هق جاری ساًین دغن فولوس فون،
کیریم فسنن کا فولوس جوگ، لارغ نی جاغن کی کا تمفت اورغ
32 ماءین کیلر تو، دالم ماس تو، دتمفت ماءین کیلر، اورغ رامی هق
ماری برھیمفون تو، کھور ۲ کیکیر. اد هق مناًوغ بالس تو، اد
هق مناًوغ بالس نی، سبب کباپقکن اورغ رامی تو، تاً تاھو
سبب اف اورغ فغکیل بربی ماری برھیمفون .
- 33 دالم اورغ رامی تو اد سفواق اورغ یہونی. نی فون سوروہ
سئورغ نام اسکندر، کی دوق دافن، نق کیچیق دغن اورغ رامی.
سبب تو، اد اورغ هق کامق کات، سابیت اسکندر تو، سموا
نی جانی. اسکندر فون اگکیت تاغن، تندانق بربی سیف سابیت
نی نق ہوراءی بربی اورغ فهم .
- 34 تافی بیلا اورغ رامی چم کات بربی نی اورغ یہونی، بربی سموا فاکت
مناًوغ کھور قوا لائی، ہیفگ سمعی دوا جم، کات: تیمبولله
میق ارتیمیس، دیوا رعیت ایفیسوس !
- 35 سود سکالی، اورغ هق کرج سروف نائی امفور بندر تو، بولیه
بربی اورغ رامی تو سجوق سیکیت . فس بربی کات:
ہی رعیت ۲ ایفیسوس ! ماءنسی سموا تاھو کات، بندر کیت نی،
اورغ هق بلا وات میق ارتیمیس هق دوق تیمبول نام تو، سکالی
دغن باتو هق جاتوہ دلاغیت، هق کیت سمیہ .
- 36 تاءار سئورغ ہابوق هق بولیه یاتس فرکارا نی . سابیت تو،
سجوقله هاتی مو! جاغن بوات اف ۲ سابیت موریه ده ! نق
37 بوات کان لائی؟ مو باوا دوا اورغ نی ماری دسینی، ولو بربی
تاً بوات اف ۲ نق بربی ہینا کا وات کیت، اتوا تاءار مفہودوہ
کا دیوا کیت فون ! کالو دیمیتریوس نغن کولی ۲ بربی تو اد هق
نق ادو ترھارف اورغ، باوا له بربی نائیک کا سن، ایکوت هاری

هق کرج . دسیتو اد اورغ هق بولیه کرت بوکو مو تو .
 کالو تا چوکوف لاتگی ، مو کا مغهارف جملیس رعیت ، بری سلسی
 39 فول . تاگوت فرکارا ۲ هق جانی هاری نی ، کراجائے بولیه بوات
 40 ساله کا کیت . فس کیت تا ۴ اد سبب نق بوات هارو هارا سروف
 41 نی ! سود کات بالس نی ، ناءی امفور فون سوروه مچہ ، کلیق
 ماسیغ ۲ .

فولوس تیغکل بندر ایفیسوس کی کا لاءِين باب 20

1 لفس فد هارو هارا تو ، فولوس فشکیل برھیمfon سموا اورغ
 هق فرچای ده کاربی ، نق بری سماقت کا نی ، بلوم فد نی
 سندیری کی . لفس تو ، نی تیغکل ایفیسوس ، برجالن کی کا نگری
 2 ماکدونیا . بلغ ۲ دوق کی کو ئکلیوسن تو ، نی بری سماقت کا
 اورغ گنف ۲ تمفت . فس تو نی کی سمنی کا نگری اخیا فول .
 3 نی دوق دسیتو سلام تیگ بولن . تغه نی دوق سیمفن نق
 ناءیک کفل کی کا نگری سیریا ، نی بولیه تاھو کات سفواق اورغ
 یهونی دوق فاکت نق بونوھ نی . ساپیت تو ، نی کرت سین کات
 نق هوندور کلیق کو ئنگری ماکدونیا فول .
 4 فس اد اورغ فاکت ماری برھیمfon سکالی ، نق کی دغن فولوس .
 سوفاتر انق فیروس ، هق ماری دبندر بربا ، اریستروکوس دشن
 سکوندوس ، هق ماری دتیسالونیکا ، کائیوس هق ماری دبندر
 دربی ، تیعموتیوس ، فس تیکیکوس دغن تروفیموس ، هق ماری دنگری
 5 اسیا . فواق توجوھ اورغ نی فون کی دلو کا بندر ترواس . نی
 دوق ننتی کیت دسیتو .

6 لفس فد هاری رای ماکن روتي تا بیوھ ایبو تو سوده ده ، بارو
 کیت ناءیک کفل دبندر فیلیفی ، توروت نی کی ، فس دالم ماس
 لیم هاری ، باروله سمنی کا بندر ترواس . بیلا سمنی دسیتو ده
 کیت جومف ادغن فواق توجوھ اورغ ساءِنی تو ، فس دوق سکالی

رعن دی سمیشکو.

فولوس بري هیدوف کلیق بوق هق ماتی

- 7 . فد مالم احد فول ، فواق کیت رعن ادیق برادیق لاءین ، سموا ماری برھیمfon نق ماکن جامون چوبیق روتی . ساپیت فولوس نق تیفگل کی ایسوق ، دی برشح سمفی تغه مالم .
- 8 . فواق کیت سموا دوق اتس لوتبیغ ، فس دالم بیلیق تو ، اد فلیتا هق فاکی سومبو ، باپق بوتیر .
- 9 . فس اد سئورغ مودا ، نام یوتیکوس ، دوق اتس گنوغ فینتو ناتغ . هاوا لام فولوس برشح تو ، یوتیکوس کھور براں مغنتوق هیغگ سمفی جندر لای ، جاتوه هق لافیس بیغ کتیک سمفی کا تانه . اورغ کی امبیق دی ، نمفق دی ماتی ده .
- 10 . تافی فولوس تورون کا باوه ، تندوق فلوق اورغ مودا تو ، بلغ کات : جاغن بیمبله ! دی بولیه هیدوف کلیق !
- 11 . لفس تو ، فولوس نائیک سمولہ کا اتس ، چوبیق روتی ، بھاکی ، فس ماکن . دی کیچیق لاکی هیغگ سمفی متھاری نائیک ، فس فاکی دی تیفگل کی .
- 12 . فواق هق دوق اد لاکی تو ، دوق رعن هاتی سماقت ، ساپیت دی بولیه باوا کلیق کا رومہ رعن سلامت ، اورغ هق جاتوه ماتی دولو تو .

فولوس توجو نق کلیق کا کوت جروسليم

- 13 . فواق کیت فون نائیک کفل بلایر کی کا بندر اسوس ، تمفت نق امبیق فولوس نائیک کفل . دی سوروہ کیت بوات بالس تو سبب دی کی کو دارت نق سمفی کا تمفت تو .
- 14 . بیلا کیت برجمومفے رعن دی ر اسوس تو ، کیت فغکیل دی نائیک کفل ، فس برتلوق کی کا بندر میتلینی سلالو . سمفی ده دیق
- 15 .

نون ، کیت فون بلایر کی لاگی ، فس ایسوق کیت سیفگہ کا فولو
خیوس . لوسا کیت سیفگہ کا فولو ساموس ، فس تولت ، کی
سمفی کا بندر میلیتوس ، تورون برہنتی دسیتو .

16 فولوس چارغ ره نق بلایر لالو کوء بندر ایفیسوس ، تاء سیر
بری روکی ماس باپق ، دالم نکری اسیا . اچی بولیه نق بری
سمفی کا کوت جروسلیم دلو فد رای لیم فولو هاری .

فولوس اوچف سلامت تیغکل دایفیسوس

17 تکه فولوس دوق د میلیتوس تو لاگی ، ری هنتر اورغ کی کا
بندر ایفیسوس ، سوروه فوق حق جانی کاکٹ ۲ اتس فوق
المسيح دسیتو ، ماري جومفاء دغن ری دبندر میلیتوس .
بیلا فوق تو سمفی بلاک ره ، فولوس کات کاری : امبیق دهاری
مولو ۲ اکو سمفی دنکری اسیا نی ، فوق مو تاهو بالس مان اکو
ھیدوف سام فوق مو .

18 ولو باپق کالی کنا سوسه فون ، دغن کران فوق اورغ یہوری
فاکت نق بوات پاٹ کا اکو ، تافی اکو بوات کرج ربی دغن رنده
هاتی ، دغن هاتی سایو ، ھیفگ سمفی ایر مات منیلیه .

19 بیلا اکو مثاجر فوق مو دتمفت فراچوم ، اتوا درومه ۲ مو
فون ، فوق مو تاهو ده کات ، اکو تاء سوسوف اف ۲ حق اد
فائیده کا فوق مو حق دوق نغر .

20 اکو بری امران کا سموا اورغ ، سوروه نی تیغکل دوسا ۲ نی ، بری
نی فرجای کا توهن کوء جان عیسی ، ربی کیت ، تاء کیرا کات
کا اورغ بحسا یہوری اتوا فون اورغ ۲ بحسا لائین .

21 فس لانی ، کران اکو کا بوات توروت حق روح توهن کویت
هاتی کو ، اکو نق کما کی کا کوت جروسلیم ، دغن تاء تاهو نق
جادی بالس مان کا اکو دیق نون .

22 تافی حق اکو تاهو ، یاءیت دبندر مان ۲ حق اکو ماسوچ ده

روح توهن بري امران کا اکو ره کات، دکوت جروسلیم اکو نق کنا ایکت، نق کنا سوسه باپق فرکارا جوگ.

24 تافي اکو کیرا کات، پاوا کونی، بلرلہ تاءؓ هرگ فون، اچی بولیه نق بري سوده کرج هق ربی عیسیٰ هنتر کا اکو بوات دلو، یائیت کوسنر خبر یغ بائیک چارا حال توهن تورون رحمة یی اتس ماءؓ نسی.

25 دلو اکو بیاس کی ماری، کی ماری دالم فواق مو، دوق رویت خبر چارا حال توجوان توهن نق فرینته دالم هاتی ماءؓ نسی۔ فس لانی اکو تاهو کات، جق دھاری نی اکو تاءؓ جومفاءؓ ره دغن فواق مو۔ سابقت تو، هاری نیله اکو رویت دغن اخلاس هاتی، کات، کالو اد اورغ دالم فواق مو هق سست، تاءؓ سیر فرچای، دیالہ کا تغکوغ جواب سنديري.

27 کران اکو تاءؓ سوسوف اف ۲ هق جاني کھندق توهن۔

28 جاگاله ديري ۲ مو! فس جاگ جوگ، سموا هق روح توهن بري

دوق باوه فرینته مو، سروف بیربیغ ۲ دوق باوه فرینته توان یی.

مو کا جاني سروف کمبلا فواق ۲ المسيح، سبب فواق تو

جاني میلیق ربی، دغن کران ربی قربان ديري گتی یی.

29 کران اکو تاهو کات، لفس فد اکو تیغکل مو کی ده، نق اد اورغ

سروف انجیع سریکالا، نق ماسوق دالم کاون ۲ مو تو، رمفس

تاءؓ سایغ کا اورغ مان ۲ فون۔

30 تندتو نق سمفی ماس جوگ، اد اورغ دالم فواق مو سنديري نق

تیمبول بوھوغ، اچی بولیه نق تیفو اورغ ۲ دالم فواق المسيح

تو، بري سست سروف یی.

31 سابقت تو، فرهاتیلہ، فس ایشت بالس مان سلام تیگ تاهون

اکو فولوس نی اجر فواق مو، سیاغ مالم، دغن هاتی سایو

ھیفگ سمفی ایر مات منیلیہ۔

32 فس لانی اکو نق سره فواق مو کا توهن، فس کف رحمة توهن،

هق ماري کا فواق مو کوء خبر هق اکو رویت ده . رحمة نی
اد کواس نق بری مو تکوه ، بری تورون کفڈ مو برکت توهن هق
دی چارغ ده انتوق اورغ هق جادي میلیق دی .

- اکو فولوس نی تاء بیاس ایفت نق ۲ کا رویت اتوا فکاین سیاف ۳۳
فون . فواق مو تاهو ده کات ، اکو کرج دفن تاغن کو سندیری
نق بوات سارا اکو دفن ساءین ۲ کو . ۳۴
- اکو بیاس تنحوق کفڈ مو دفن ماچم ۲ جالن کات ، دفن کرج برت
سروف نی ، کیت کا تولوغ گاتیق ، اورغ ۲ هق تاء رق چاری ماکن
سندیری . دفن بوات بالس تو ، کیت کنا ایفت کا فرکتائن ریبی
عیسیو کات : اورغ هق بری ، دی براونتوغ لاکی فد اورغ هق تریما !
لفس فولوس کات بالس تو ، دی فون تروم لوتوت سکالی دفن
فواق تو سموا ، بردعا . ۳۵

- فواق تو فون دوق تریاق مناغیس ، بلغ ۲ فلوق فولوس ، دفن
اوچف سلامت جالن . دی براں سوسه هاتی ساغت ، سبب
فولوس کات دی تاء برجومفاء ده . بالس توله فواق تو هنتر
فولوس سمفی نائیک کفل . ۳۶

فولوس برتلوق کی کا کوت جروسلیم

باب 21

لفس کیت فواق فولوس نی اوچف سلامت تیغکل دفن فواق
کاکق ۲ تو ، کیت بلایر کی تروس کا فولو کوس . فس ، ایسوق
کیت سمفی فول کا فولو رودوس . امبیق دسیتو ، کیت بلایر
تروس کا فغلکالن فاترا . دسیتو فول کیت تمو دفن سبواه کفل
هق توجونق کی کا نگری فونیکیا . کیت فون تورون ، فس نائیک
کفل تو ، بلایر کی فول . ۲

کی ۲ سمفی کا تمفت بولیه نمفق فولو کوفروس ، فس کیت لالو
کوء هیلیر فولو تو ، کی سمفی کا نگری سیریا . کیت سیغکہ نائیک
کا دارت دبندر صور ، سبب جادي تمفت کفل تو نق فوغنہ بارغ

- 4 تورون . دصور تو ، کيت کي چاري برتمو نفن سفواق اورغ هق فرجاي کا ربی ، فس کيت دوق دغن نی سمیگکو . روح توهن کويت هاتی اورغ ۲ دسيتو ، فس نی فاکت لارغ فولوس ، تاً سير بري نی کي کا کوت جروسليم .
- 5 تافي ببلا چوكوف ماس فواق کيت دوق دغن اورغ ۲ تو ، کيت توبیت کي فول . فواق تو سموا توبیت کي سکالي دغن کيت ، انق ۲ بینی ۲ فون . سمفی کا تفي فنتی ، کيت سموا ملوتوت ، بردعا : لفس بري سلام مو اکو تو ، فواق کيت نائيک کفل ، فواق نی فون فالیغ کلیق کا رومه .
- 6 کيت بلاير ببندر صور تو ، کي سمفی کا فتلومايس . دسيتو کيت کي کيچيق نفن ادیق براديق کريستين ، فس دوق دغن نی سهاري .
- 7 ايسوق فول ، کيت توبیت کي کا بندر قيصریا . دسيتو کيت کي بزادو درومه فيليف ، هق کرج نی مپمفي حبر يغ باًيك . فيليف نی ، نی سئورغ دالم فواق توجوه اورغ تو ، هق کما فيليه دلو دکوت جروسليم ، انتوق کرج توهن .
- 8 نی اد انق دارا امفت اورغ ، هق بوليه ده نعمة بوليه مپمفي فرمان توهن . کيت دوق دسيتو ، دوا تيگ امفت هاري فول ، فس اد سئورغ ماري دنگري یهودیه . نام نی اکابوس . فس نی تريما جوگ نعمة بوليه مپمفي فرمان توهن تو .
- 9 نی ماسوق دکت فواق کيت ، فس امبیق کائين ایکت فيفکع هق فولوس ، نی فون فاکي کائين تو بوات ایکت کاکي تاغن نی سنديري ، بلغ ۲ کات : روح توهن کويت هاتی کو ، بري تاهو کات ، اورغ ۲ یهودی نق ایکت سروف نی ، کا توان کائين ،
- 10 دکوت جروسليم ، فس نق سره نی کا تاغن اورغ بفسا لاءين . ببلا نفر حال نی ، ادیق براديق سموا مینتا جوگ ۲ جاغن فولوس کي کا کوت جروسليم .
- 11 تافي فولوس جواب : مو ترياق تاغيس باًاف ، بري هاتيكو براس

- سايو؟ اکو چارغ ده، کالو کنا ایکت جروسلیم، تاءاف. کالو
کنا سمنی ماتی نسان فون، تاءاف جوگ، کران ربی عیسی.
فولوس کیچیق بالس تو، کیت نق لارغ نی تاءلیه. سابت تو
کیت لق بله نی کی، کات: جاریله ایکوت کھندق توهن!
14 لفس فواق کیت دوق دسیتو تاء براف هاری، کیت سیمفن سیف
بارغ، فس تولق کی کا کوت جروسلیم فول.
15 ادیق برادیق کریستین، دوا تیگ امفت اورغ، دبندر قیصریا تو
کی سکالی، هنتر کیت کا رومہ مناسون، تمفت کیت نق برارو.
مناسون نی، تمفت اصل نی فولو کوفروس، فس نی سئورغ دالم
فواق هق مولا ۲ فرچای کا عیسی.
16

فولوس کی تیغوق مات یعقوب، ادیق ربی عیسی تو

- بیلا کیت سمنی ره کا کوت جروسلیم، ادیق برادیق دسیتو
سمبوب کیت دغن سوک هاتی.
17 فس ایسوق فول، کیت فواق فولوس، کی نق برجومغا دغن
یعقوب. سموا کاکن ۲ فواق المسيح اد دتمفت تو جوگ.
18 فولوس بربی سلام کا اورغ ۲ دسیتو، فس رویت فریحال، لفس
سا ۲، سموا فرکلارا هق توهن بربی ره کا اورغ ۲ بخسا لائین دغن
کران نی.
19 سوره نفر هق فولوس رویت سائني، سموا فواق تو فون فاکت
فوجی کا توهن. فس فواق یعقوب تو کات کا فولوس:
هي ادیق کو، دغله هق اکو نق رویت نی! دسینی اد اورغ
بخسا یهودی کیت هق فرچای ره کا عیسی، تافی نی فکنے
کجت لاکی، کا حکوم ۲ دالم تورات نبی موسی.
20 نی بویی کات، مو اجر اورغ ۲ یهودی هق دوق دنگری اورغ
بخسا لائین، سوره نی تاهوق حکوم ۲ نبی موسی، جاغن بوات

سونة انق ۲ دی ، اتوا فون توروت عادۃ ۲ بعسا یہوی کیت .
 ۲۲ اه ! کیت نق بوات لاکو مان بائیک ؟ تنتو فواق تو دغر کات مو
 ماری سمنفی ده . بائیک مو بوات ایکوت هق اکو نصیحة ! فواق
 ۲۳ یعقوب کات کا فولوس . دسینی اد اورغ جنتن امفت اورغ ،
 هق دوق منیات .
 ۲۴ مو گیله سام دی ، فس بوائلہ روکون بڑی چوچی سکالی دغنا دی .
 هرگ بوات روکون تو ، مو کنا بایر انتوق دی گاتیق ، بڑی دی
 لفس هق دی منیات تو ، بولیه چوکور رمبوٹ . دغنا بوات بالس
 نی ، بولیه تاھو کا شمروا اورغ کات ، هق دی دغر ده دلو تو ، تاء
 سوغلکوہ . دی نق تاھو کات مو سندیری توروت حکوم ۲ دالم
 تورات نبی موسی .
 ۲۵ تافی کا اورغ ۲ بعسا لائیں هق فرچای ده کاعیسی ، فواق کیت
 هنتر سورت کیریمن کا دی ، رویت بڑی تنتو هق کیت کرت
 سین کات ، جاغن دی ماکن بارغ ۲ هق سمبہ ده کا براہلا اتوا
 دارہ بناتھ ، اتوا راکیغ هق ماتی تاء سمبليه . فس دی کا جاگ
 دیزی ، جاغن بوات چافوغ!
 ۲۶ با دغر گیتو ، فولوس فون باوا ، امفت اورغ تو گی . فس ایسوق
 فول ، دی مولا ئی بوات روکون بڑی چوچی ، سکالی دغنا فواق تو .
 لفس تو ، دی کی ماسوق دالم بیت المقدس ، نق رویت دلو
 بڑی تاھو کا امام کات هاری مان نق چوکوف هاری کرج بوات
 برچوجی دی تو . سبب بیلا چوکوف هاری ده ، امام کا بوات
 قربان انتوق دی ماسیغ ۲ .

فولوس کا ایکت د بیت المقدس

بیلا توجوہ هاری بوات روکون برچوجی تو دکت نق چوکوف
 ۲۷ ده ، اد اورغ ۲ بعسا یہوی هق ماری دنگری اسیا ، نمفق فولوس

دوق دالم بيت المقدس. رې فون کاچو اورغ رامي بري هارو هارا، نق ترکم ايكت فولوس .

فواق هق ايكت نې فشكيل نفن سوارا درس : باشت اورغ بحسا اسرائييل كيت ! ماري تولوغ ! اورغ نې ، جيلا نې هق کي رات ۲ ، اجر سموا اورغ بري مغمهموروه کا بحسا اسرائييل ، کا تورات نې موسى ، فس کا بيت المقدس نې جوگ ! فس لاني رې باواً اورغ ۲ بحسا لائين ماسوق دالم بيت المقدس ، نق بري چمر تمفت سوچي هق كيت نې !

نې کات بالس تو ، سبب دولو نې نمفق فولوس دوق کي ماري ، کي ماري دالم کوت ، نفن تروفيموس ، اورغ بحسا لائين هق ماري دبندر ايفيسوس . فواق تو سغلک کات دیاله هق فولوس باواً ماسوق دالم بيت المقدس .

سابيت تو ، سموا اورغ دالم کوت هوغلل ماري برتوغکول ۲ ، فس ترکم فولوس ، هييريت رې توبيت دالم بيت المقدس . اورغ ۲ هق دوق دبيت المقدس فون کاتوف فينتو ۲ سلالو .

تغه فواق اورغ رامي دوق کاروه ۲ نق بونوه فولوس تو ، کفلا عسکر روم هق دوق جاگ کوت جروسليم بوبي کات سموا رعيت دوق جاري هارو هارا رات ۲ دالم کوت تو .

با رې رغرت تو ، کفلا عسکر ترکم ماري نفن فواق نې تو ، باروله فواق اورغ رامي برهنتي کاتق فولوس .

کفلا عسکر فون ماسوق دكت فولوس ، ايكت نې ، فس سوروه بوبيه گاري تاغن دوا بله . فس رې تاش : اورغ مان نې ؟ رې بوات ساله اف ؟

دالم فواق اورغ رامي تو ، اد هق جواب بالس تو ، اد هق جواب بالس نې ، جاني بوسن سهينيگ کفلا عسکر تو تا تاهو نق گامق . رې فون سوروه باواً فولوس بري ماسوق دالم کاء وغ نې . فواق عسکر فون باواً فولوس کي سمني کا تفگ کاء وغ تو .

36 سمفي دسيتو، فوق اورغ رامي رينه، سهيفگ فوق عسکر
کنا اغکيت فولوس ناءِ يك، تاکوت کا اورغ رامي هق توروت يي،
مناءِ اورغ کات: بونوه يي! بونوه يي!

فولوس جواب نق بري بتول کا ديري

37 تغه يي دوق نق ماسوق کاءُوغ، فولوس کات کا کفلا عسکر
تو: بولييه کا دق امب رویت ساتو فركارا کند توان؟ کفلا عسکر
فون تان فولوس کات: ايه! مو فندي کيچيق بهاس گريک که؟
کالو بالس تو، مو بوکن اورغ مصیر تو، هق بارو نيءِ بري کا چو
38 بيرو، جاري کفلا اورغ جاہت امف ريبو اورغ، فس باواءِ يي
توبیت کي کا لاءُوت فاسير تو!

39 فولوس فون جواب: نق! امب اورغ بفسا یهوني، هق برانق
دنگري کيليكيا، بندر ترسوس، تمفت تيمبول نام جوگ.
ميinta توان تولوغ بري فلواڠ کا امب، بولييه رویت کا اورغ رامي
دسييني!

40 کفلا عسکر تو فون بنر بري، فس فولوس باخون برديري اتس
تفگ، اغکيت تاغن نق بري سپف. بيلا اورغ رامي سپف موليق
ده، فولوس کيچيق کا يي، دغن فاكی بهاس عبراني فول.

باب 22

1 فولوس کات: هي اييو باف، اديق کاكق سموا! بغره هق امب
نق جواب، نق بري بتول هق فوق مو سغک کات امب ساله!
2 بيلا فوق تو بغره فركتائن فولوس، دغن بهاس عبراني، يي دوق
کھور سپف لاکي. فولوس فون هوبوغ کات:
3 امب نيءِ اورغ یهوني. تمفت اصل بندر ترسوس، دنگري کيايکيا.
تاافي امب بسر دکوت جروسليم نيءِ، تکه امب جاري انق مرید
تون گورو گمالعيل تو. يي اجر امب دغن باءِ يك، بري توروت

جالن حکوم ۲ هق توء نینیق کیت، رعن هالوسی. فس امب فون بوات کرج کا شوہن رعن سبولت هاتی، سروف فواق مو هق ار هاری نی۔

کا اورغ ۲ هق توروت قوم بارو، هق فعکیل جالن ری تو، امب بوات پاش ھیفگ سمنی بربی ری ماتی فون اد. امب کی ایکت ربی، تاء کیرا کات جنتن بتینا، بربی ماسوق گوچ۔

توء امام بسر رعن فواق جملیس، ربی بولیه ناء یک سقسی کات، هق امب رویت نی سوغکوہ. کران ربی بربی ده کا امب سورت جامین، سوروہ کی بربی کا کتوا ۲ اورغ یہوہی دبندر دمشیک، هق بنر بربی کا امب، بولیه ایکت اورغ ۲ هق توروت قوم بارو تو، ایکت ربی باواء کلیق کا کوت جروسليم، بربی کرت سین دسینی۔

فولوس رویت فریحال ربی فالینغ فرچای کا رتی

تغہ امب دوق برجالن، دکت نق سمنی بندر دمشیک، لبیه کورغ فوکول دوا بلس تغہ هاری، تیبا ۲ چھیا منچر تورون دلا غیت، سکلیلینغ توبوہ امب.

امب ربہ کا تانہ، بوبی سوارا کات کا امب: ساءول، هي ساءول! بااف مو بوات پاش کا اکو؟

امب فون تان: اوہ توان، سیاف دوق کیچیق رعن امب؟ توان تو جواب: اکولہ عیسوی، اورغ نصرة، هق مو دوق بوات پاش تو. اورغ ۲ هق ماری سکالی رعن امب، فولوس کات، نمفق چھیا تافی تاء رنگ سوارا هق دوق کیچیق رعن امب.

امب فون تان فول: یا ربی، نق بربی امب بوات لاگو مان؟ ربی جواب: باعونله، کی ماسوق دالم بندر دمشیک! دیق نون مو بولیه تاھو هق توهن چارغ ده، سوروہ مو بوات! تکہ تو، فولوس کات، امب بوت رعن سبب چھیا تو. سابیت تو، ساءین ۲ امب فکٹ تاغن امب، فیمیفین ماسوق دالم بندر

- دمشیک . دسیتو اد سئورغ نام حنانياس ، هق برايمان قواه رعن
طلاعة حکوم دالم تورات کيت . سموا اورغ یهودي هق دوق دبندر
دمشیک تو ، حرمة کا ری بلاک . 12
- ری ماري کا تمفت امب ، دوق برديري دكت ، فس کات : اديق کو
ساول ، چليقله مات تیغوق سمولا ! با رغر تو ، امب چليق مات
نمافق کا ری . 13
- حنانياس فون کات کا امب : توهن هق سموا توء نينيق کيت
سمبه تو ، سوده فيليه مو ، بري مو تاهو کهندق ری ، بري مو
بوليه نمفق فسوروه هق هاتي بتول ، هق ری هنتر ماري تو ،
فس بري مو دغر سوارا ری سنديري . 14
- سابیت تو ، مو بوليه جاري سقسي حال ری ، رویت کا سموا
ماءنسی اف هق مو نمفق ، هق مو دغر ده فون . 15
- فس لاني ، حنانياس کات کا امب دولو تو ، جاغنله دوق ننتی
لاکي . باگونله تريمما روکون مندي ، فس مفاکو کات عيسى له هق
جاري ربی مو ، باروله دوسا ۲ مو بوليه امفون ! 16
- لفس فد تو ، فولوس کات ، امب کلیق ده کا کوت جروسلیم .
تغه امب دوق بردوا رالیب ، دالم بیت المقدس ، توهن بري
امب نمفق دعن چرف ، ربی عيسى ماري سوروه امب کات : 17
- باشتله ، توبیت کوت جروسلیم ، کی کا لاءین فول ! کران اورغ ۲
دسیني تاءسیر تريمما سقسي هق مو دوق رویت حال اکو !
فس امب جواب : يا ربی ، سابیت اورغ ۲ سائني تو تاهو ده
کات ، اکو بیاس ماسوق مسجد ۲ اورغ یهودي ، نق ایگت ،
نق سوروه فيات ، اورغ مان ۲ هق فرچای کف ربی ! 18
- لبيه ۲ لاکي ، تکه ستيفن هق نائيک سقسي حال ربی کنا حکوم
بونوه تو ، اکو فون جاري سفواق دعن اورغ هق فاکت بونوه
ستيفن ، فس اکه توڭكۇ فکاين فوقا تو . سابیت نی ، ری تاء
سیئر تريمما سقسي کو چارا حال ربی ! 19
- 20

21 تافي ربی کات لاکی کا امب : کیله، سبب اکو نق سوروہ موگی کا تمفت جاوہ، کا اورغ ۲ بخسا لائین !

اورغ رامي فاكت نق بونوه فولوس

22 سکت تو، اورغ ۲ ساءُني جوغ دغر. تافي با دغر فرگتاں فولوس هق کات کنا کی کا اورغ بخسا لائین تو، ری سموا فاكت مناًوغ سمولہ دغن هابیس ۲ ریغ کات: هافوسلہ ری! بونوه ری! تاءُ سوغ فاتوت بري ری هیدوف!

23 فواق اورغ رامي تو دوق فاكت مناًوغ، بلغ ۲ لمبوغ کائين، بلغ ۲ همبور دبو. کفلا عسکر ساءُني فون سوروہ کاکی تاغن ری باواءُ فولوس ماسوق دالم کاءُوغ، فس فیات ری نق اوصول سبب اف بولیه فواق اورغ رامي تو تیبا ۲ مناًوغ، مینتا بونوه فولوس.

24 تافي بیلا فولوس کا ایکت ده، رکت نق فیات تو، ری فالیغ کفڈ ناءِی روی هق دوق بردیری سیتو، کات: بوات ایکوت اوندغ ۲ کا دق، نق حکوم فیات رعیت روم، بلوم فد تاهو کات ری ساله که تاءُ ساله؟

25 بیلا ناءِی روی دغر هق فولوس ساءُني، ری فون کی کا تمفت کفلا عسکر، کات کا ری: ایغتلہ هق توان نق بوات نی! اورغ تو: جانی رعیت روم!

26 کفلا عسکر فون کی تان فولوس کات: سوغکوہ کا دق، مو جاري رعیت روم؟ فولوس جواب: ها سوغکوہ!

27 کفلا عسکر کات: اکو فون جاري رعیت نکری روم جوگ، تافي کا بایر مهل نق بولیه جانی تو. فولوس جواب: تافي اکو لائین، سبب ایبو باف کو سنديري جانی رعیت روم.

28 با دغر تو، عسکر هق نق اوصول تان فولوس ترهوندور سیکیت تاءُ برانی. کفلا عسکر فون تاکوت جوگ، بیلا ری کابر کات،

فولوس جاري رعيت روم ، سبب نیاله هق سوروه اورغ بوه کاري دولو .

فولوس کنا مفهارف جملیس اورغ یهوري

ک فلا عسکر نق تاهو فریحال هق سبنر ، بالس مان اورغ ۲ 30
یهوري دوق ادو فولوس . سا بیت تو ، ایسوق فول ، ری فشکیل
فواق امام بسر دغن فواق جملیس ماري برھیمfon ، فس ری
سوروه بوگ کاري ۲ فولوس ، باواء ری ماري مفهارف جملیس تو .

باب 23

فولوس فون دوق رنوغ تیغوق کا اورغ ۲ جملیس ، فس ری کات : 1
هي ادیق کاکق کو سموا ! بالس مان امب هیدوف ، امبیق دمولا ۲
هیفگ سمنی هاري نی فون ، هاتی امب چره ترهارف توهن !
توء امام بسر ، هق نام حنانیاس ، با ری دغر تو ، ری سوروه
اورغ هق دوق رکت ، تمفر مولوت فولوس . 2

فولوس فون فالیع توجو کا حنانیاس ، کات کا ری : تنتو توهن
نق بالس تمفر کف مو جوگ ، مو هق جاري سروف دیندیع رومه
لام ، هق اورغ بوه چت بارو ! مو کات مو جاري حاکیم ، ایکوت
حکوم ۲ دالم تورات ، تافی مو سنديري لغکر حکوم ۲ تو ، دغن
سوروه اورغ تمفر اکو ! 3

اورغ ۲ هق دوق رکت فولوس کات کا ری : مو براني که ، کیچیق
هینا کا توء امام بسر ، هق توهن لتق ؟ 4
فولوس فون جواب : یا ادیق کاکق ، امب تاء تنتو کات ری جاري
امام بسر امب مینتا معاف جوگ ، کران اد ایات دالم
کتاب هق کات : 5

جاغنله ماکی کا اورغ مان ۲ هق جاري کتوا مو .

بیلا فولوس کابر کات ، دالم فواق جملیس تو ، اد دوا قوم ، قوم 6

فريسيي بعن قوم صدوكي، رى فون كات: يا اديق كاڭ، امب نى اورغ فريسيي. باف امب فون اورغ فريسيي جوڭ. اورغ ادو امب سمفىي كاسيني، سبب امب فرچاي دغۇن يقين كات، اورغ ۲ ماتىي نق ھيدوف كلىق.

سورد رى كات بالس تو، اورغ ۲ فريسيي دغۇن اورغ ۲ صدوقي بحس سلالو، كالوت كېيۇت جانىي فېچە بله دالىم فواوق رى.

جانيي بالس نى، كران قوم صدوكي فرچاي دغۇن يقين كات، اورغ ۲ ماتىي تاءٌ ھيدوف كلىق، ملائىكە ۲ تاءٌار، روح مان ۲ فون تاءٌار جوڭ. تافى قوم فريسيي فرچاي لائىن دغۇن فرکارا ۲ نى.

كەھور جانىي كالوت كېيۇت، كەھور قواة لاڭى، سەھىغىڭ اورغ ۲ ھق جانىي گورۇ ۲ تورات دالىم قوم فريسيي تو، باغۇن بىرىرىي، كات دغۇن هاتىي گرم: اورغ نى تاءٌ سالە سىكىت ھابۇق! بارڭالىي سوڭۇھ ھق رى كات تو، حال ۲ سوارا روح اورغ ھق ماتىي اتوا ملائىكە مارى كىچيق دغۇن رى!

ھق دوق بحس سائىنى تو جانىي كەھور ترۇق، سەھىغىڭ كەلاعسىك بىمېغۇ كالو ۲ فواوق تو نق فىڭ توبۇھ فولوس، فاكىت سوپىق دوا! ساپىت تو، رى سوروھ عسکر ۲ تورۇن امبىق فولوس دالىم فواوق تو باواءِ رى ماسوق دالىم كاۋوغ فول.

مالم تو، ربىي عيسى مارى دوق دىكت فولوس، كات كا رى: بىرى قواتلە هاتىي مو! مو نائىك سقسىي دەحال اکو دىكت جروسليم نى. بالس تولە، مو كنا نائىك سقسىي دىكت روم فول.

اورغ ۲ يەھورى فاكىت نق بونوه فولوس

ايىسوق فاكىي فول، اد سفواوق اورغ يەھورى مارى بىرىھىمۇن كىچيق سام سندىرىي، دغۇن فاكىت منيات كات: رى تاءٌ ماڭن اف سكارا، ملينكىن بونوه فولوس بىرى ماتىي دولو.

اورغ ھق مارى فاكىت بالس تو، امىفت فولوھ اورغ لېبىه.

7

8

9

10

11

12

13

فواق تو فون کی کا امام ۲ بسر لغن کتوا ۲ اوگام یہوری ، رویت
کا ری کات : فواق کیت نی فاکت منیات کات ، تاء ماکن اف سکارا ،
ملینکن بونوہ فولوس دولو !

14

سابیت تو ، فواق توان ۲ نی دغن اورغ ۲ جملیس کنا هنتر سورت
سفوچوق کا کفلاء عسکر تو ، مینتا سوروہ ری باوا ، فولوس ماری
سینی سکالی لائی ، کات توان نق فریقسا ری دغن هالوس هالوسی .
تافی کیت سیمفون سیف نق بونوہ فولوس تغہ جالن ، بلوم ری
سمفی !

15

تافی انق سورارا فولوس بولیه تاھو هق فواق تو دوق فاکت ،
فس ری کی ماسوق دالم کاؤغ ، رویت کا فولوس فول .

16

فولوس فون فٹکیل سئورغ ناءی روی ، فس کات کا ری : چوب باوا
بوق نی کی کا کفلاء عسکر ، اد خبر ری نق رویت !

17

ناءی روی تو فون باوا بودق تو کی سمفی کا کفلاء عسکر ، فس ری
کات : فولوس هق دوق کنا ایکت تو ، فٹکیل اسپ ماری ، سوروہ
امب باوا بوق نی ماری کا توان ، کران اد خبر ری نق رویت !
کفلاء عسکر فون فکٹ تاغن بوق تو ، باوا کی سوکو فد اورغ ،
فس تاش ری : خبر اف مو نق رویت ?

18

بودق تو جواب : کتوا اورغ یہوری فاکت ستوجو ده ، مینتا
سوروہ توان باوا فولوس کی مغہارف جملیس ایسوق ، بوات
لک ۲ نق فریقسا ری دغن هالوسی . تافی جاغن توان دغز هق
ری مینتا تو ، کران اد امفت فولوہ اورغ لبیه ، دوق منوسوف
تغہ جالن ، ننتی ری . ری فاکت منیات کات ، تاء ماکن اف
سکارا ، ملینکن بونوہ فولوس دولو . لانی ری دوق سیمفون سیف
ده ، فس دوق ننتی هق مان توان کرت سین نق بوات !

19

کفلاء عسکر فون کات : جاغن بری تاھو کا سیاپ ۲ کات مو ماری
رویت خبر نی کا اکو دیه !
فس ، ری سوروہ بوق تو کلیق .

20

21

22

کفلا عسکر هنتر فولوس کی کا بندر قیصریا

- لفس فد تو، کفلا عسکر فعشگیل نائی روی دوا اورغ ماری ، 23
 فس سوروه ری کات : مو سیمفون سیف دلو، عسکر دوا راتوس اورغ، عسکر هق نائیک کودا توجوہ فولوہ اورغ، سکالی دفن عسکر ۲ هق فاکی لمبیغ دوا راتوس اورغ. کنا برتولق کی فوکول سمبیلن مالم نی !
- فس چارغ جوگ، کورا ۲ انتوق فولوس ، بربی ری بولیه سمفی دغن سلامت ، کا تمفت فمرینته فیلیکوس ! 24
- فس تو، کفلا عسکر تولیس سورت ، سروف دباوه نی : 25
- امب کلاؤدیوس لیسیاس این نق کیریم سلام کفڈ توان یغ مهابسر ، فمرینته فیلیکوس . 26
- اورغ هق امب هنتر نی ، ری کا ترکم دا اورغ ۲ یهودی ، 27
 هق دکت نق بونوہ ری. تافی امب بغركات ری جاري رعیت روم. ساپیت تو، امب امبیق سفواق عسکر ، کی بربی ری سلامت.
- فس ، ساپیت امب نق تاھو بالس مان اورغ یهودی ادو ری ، امب فون باوا ء ری کی مشهارف ده دجملیس اورغ یهودی . سود فریقسا ری تو، امب بولیه تاھو کات فواق تو ادو ری تاءاد بوکو سمفی حکوم بونوہ ، اتوا فون ماسوچ کوچ . ادوان ری ساپیت دغن اتوران ۲ حکوم اوگام یهودی ساج . 28
- فس تو، بیلا امب بولیه خبر کات ، اورغ ۲ یهودی دوق فاکت نق بونوہ ری ، امب فون کرت سین نق هنتر ری کفڈ توان. فس کا اورغ ۲ هق کات ری سالہ، امب سوروه فواق تو کی ادو ری کا توان سندییری. 29
- بالس توله سورت کفلا عسکر تولیس.

- 31 فد مالم تو جوگ، سفواق عسکر باواءِ فولوس کی کا تمفت نام
انتیفاتریس، ایکوت کفلا ری سوروه.
- 32 ایسوق فول، عسکر هق برجالن کاکی کلیق کا کاؤغ، بری عسکر
- 33 هق نائیک کورا تو برجالن کی لاکی هنتر فولوس، هیچگ سمنفی
کا بندر قیصریا۔ دسیتو ری سره فولوس کا کواس فمینته،
سکالی دفن سورت کاتیق.
- 34 فمینته فون باج سورت تو، فس ری تان فولوس: تمفت اصل
دمان؟ با ری تاهو کات فولوس اصل دنگی کیلیکیا، هق دوق
- 35 باوه فرینته ری، ری کات: مولیقله! بیلا اورغ ۲ هق کات مو
ساله تو ماری ادو دسینی، اکو نق دغر لاکی!
لفس تو، فمینته سوروه بوات ماسوق فولوس دالم کوت راج
ہیروں، فس جاگ ری.

باب 24 اورغ یہوی ماری نق ادو فولوس د قیصریا

- 1 دالم ماس لیم هاری، امام بسر حنانیاس، توروت فولوس
کی سمنفی کا بندر قیصریا تو، سکالی فواق کتوا دفن سئورغ
بومور کوام، هق نام ترتولوس. فواق تو کی مفهاد فمینته
فیلیکوس، ادو فولوس کات ری ساله.
- 2 بیلا اورغ فشکیل فولوس ماری، ترتولوس فون باگون سلالو ادو
فولوس بالس نی: یا فمینته فیلیکوس یعن مها بسر! توان فندی
فیمهفین اورغ نگری امب بولیه دوق سنغ لام ده. فس دفن
سابیت توان جوگ، نگری کیت بولیه کھور ۲ مولیق سمول، جاری
کھور ۲ ماجو! دوق دمان ۲ فون، فواق امب ایشت سعمور،
براس نق اوچف شکور کند توان!
- 3 تافی امب تائسیر بری توان روکی ماس. سابیت تو امب مینتا!
توان تنجوک کسیاغ بلس، دفن بری فلواغ بولیه کیچیق دفن
ریغکس. سموا اورغ تاهو کات، فولوس نی دوق اوچه اورغ

سمات . ری سوک کاچو بری اور غیہوری رات ۲ جانی هارو هارا .
فس لاگی ، ری جاری فمیمین دالم قوم اور غ نصرة کانیق .

لبیه ۲ لاگی ، ری بوات نق بری چمر تمعت یعنی سوچی هق فوق
امب . فوق امب فون کی ایکت ری ، (نق حکوم ری ایکوت
حکوم ۲ تورات فوق فواد فواد سنديري .

7 تافی کفلا عسکر روم ، هق نام لیسیاس تو ، ماری تاھن فوق
امب ، رمس فولوس نی دتاغن فوق امب .

8 فس ری سوروه اور غ مان ۲ هق نق ادو فولوس نی ، کا ماری
معھارف توان رسینی .) توان بولیه فریقسا سنديري اور غ نی ،
بالس تو توان نق بولیه تاھو کات ، بتول بلاک رغنا هق
فواق امب دوق ادو ره تو !

9 اور غ ۲ یہوی هق کی سکالی فون ، فاکت ستوجو رغنا هق
ترتولوس ادو تو ، کات سفوتوی بلاک ره .

فولوس رویت نق بری بتول کا دیری سکالی لاگی

10 فمرینته تو فون بوات تندا بنر بری فولوس کیچیق .
فولوس باغون جواب بالس نی : امب ایشت کات توان دوق
جاری حاکیم دالم نکری نی بر فولوہ ۲ تاھون ره . سابیت تو
امب براں سوک هاتی اد فلواغ امب بولیه رویت بری بتول
رافن توان لانی ، هق فوق نی ادو امب کات امب نی ساله .
تowan بولیه رسیق سنديري کات ، تاءدان سمعی دوا بلس هاری
امب کی کا کوت جزو سلیم ، نق سمبہ کا توهن .

11 فوق هق ادو امب نی تاء راجین تیغوق امب نی دوق بحس رغنا
سیاف ۲ ، اتوا دوق کاچو نق بری جانی هارو هارا دالم بیت
المقدس ، اتوا دالم مسجدید ۲ اور غ یہوی ، اتوا فون دالم کوت .
فس هق ری دوق ادو امب تو ، ری تاء اد تندا اف بولیه کات
سوغکوہ ! امب بولیه معاکو رافن توان کات ، امب دوق سمبہ

کا توهن، هق سموا توء نینیق اورغ یهوری سمه جوگ. تافي کوء جالن ربی، هق فواق تو کات قوم فلسو. ولو دی کات فلسو فون، تافي امب فرچای سموا هق اد تولیس ده دالم تورات رشن کتاب نبی ۲ دولو.

فس امب هارف کا توهن سروف فواق تو جوگ، کات سموا اورغ هق ماتی ده، بائیک اتوا جاھت فون، نق بعکیت هیدوف سمولاء. سبب توله، امب کاجن اوسها سعمور، نق بري هاتی چره رافن توهن، فس دافن ماءنسی گاتیق !

امب تیغکل تاء دودوق دکوت جروسلیم باپق تاهون ده. فس بارو نی امب باواه رویت بري ده کا اورغ ۲ بحسا امب دستیتو، فس گی بوات قربان گاتیق ، دبیت المقدس.

تغه امب دوق بوات قربان تو، لفس فد روکون بري سوجی، فواق تو ماري تمو رشن امب دبیت المقدس. تکه نی تمو هق مولا ۲ تو تاء جاري هارو هارا اف ۲، اورغ رامي فون تاء اد .

ملینکن سفواق اورغ یهوری هق ماري دنگری اسیا. سوغ ۲ ن، فواق تو ماري مغهارف تون سندیری، کالو اد اف ۲ هق نی نق ادو امب. اتوا بлерله، فواق دسینی بولیه رویت هق مان

نی کات امب ساله، تکه امب دوق رافن دسینی بولیه رویت هق مان تو. تاء اد ! ملینکن سفرکارا هق امب رویت رشن سوارا درس

کا نی هاري تو، کات: هاري نی امب نق کنا حکوم کران امب فرچای کات، اورغ ۲ هق ماتی ده ، نق هیدوف گلیق سمولاء !

فیلیکوس تاهو ده باپق فرکارا چارا حال جالن ربی . سابیت تو، با دغه هق فولوس رویت ساء نی، نی فون تغکوه دولو بوکو، کات: ننتی ک فلا عسکر ماري، بارو نق کرت سین !

فیلیکوس فون فغکیل ناء نی روی هق بولیه تغکوغ جواب اتس فولوس ، سوروه نی جاگ رشن مولیق، تافي بولیه لفس ، تاء کنا ایکت، فس جاغن لارغ ساءین ۲ فولوس هق ماري نق هولور اف ۲

کا دی۔

فیلیکوس رغن بینی دی نق دغ فولوس برشح

تا براف هاری لاگی، فیلیکوس ماری دغن بینی دی، سئورغ بحسا یہوی، هق نام دروسیلا۔ دی فون سوروه فولوس ماری فس دی دوق دغ اف ۲ هق فولوس رویت حال فرچای کا عیسی المیسیح۔

25 تافی کھور فولوس رویت حال هق مان توهن کات مولیق، اتوا حال کنا تاہن نفسو، اتوا فون حال تنتو سموا ماءنسی کا مغهاداف توهن راحیرہ، فیلیکوس کھور دغ کھور براں تاکوت۔ ساپیت تو، دی کات: مو بولیه توبیت گیله لانی۔ بلاکن هاری کالو اکو اد فلواغ، اکو فٹکیل مو ماری فول!

26 تافی فیلیکوس اد جوگ هرافن کات، فولوس نق سواف دویت کا دی۔ ساپیت تو، دی فٹکیل فولوس ماری اچف ۲ کالی، کات نق کیچیق دغن دی۔

27 دالم ماس دوا تاہون، اد سئورغ نام فورکیوس فیستوس ماری مرینته گنتی فیلیکوس۔ فیلیکوس نق بڑی سوک هاتی کا اورغ ۲ یہوی۔ ساپیت تو دی تا لفس فولوس فد گوک لاگی۔

فولوس مینتا سلسی بوکو دغن مهاراج روم

باب 25

1 فیستوس هق بارو ماری مرینته تو، دوق دالم کلیواسن قیصیریا تیگ هاری رہ۔ لفس تو دی توبیت کی کا کوت جروسلیم فول۔ دسیتو، فواق امام بسر دغن کتو ۲ اورغ یہوی کی ادو فولوس سکالی لاگی۔

2 دی مینتا فیستوس تنجوک کسیاغ بلس کا دی، دغن بنر بڑی اورغ باوا، فولوس کلیق کا کوت جروسلیم۔ دی مینتا بالس تو، کران دی دوق فاکت ننتی تغہ جالن، نق بونوہ فولوس۔

- 4 تافي فيستوس جواب کات فولوس روق کوروغ دبندر قيصریا ،
فس نی سنديري، تاء لام کا کي کا قيصریا جوگ .
- 5 سابیت تو، فيستوس کات، مولیق کتو ۲ فوق مو کی سکالی رغنا
اکو کا قيصریا . کالو اورغ تو ساله، باءیک کی ادو نی دیق نون !
- 6 فيستوس روق سکالی رغنا نی دکوت جروسلیم تو، لبیه کورغ
سمبلین هاری، فس تو نی کی کا قيصریا فول . ایسوق نی کی
دودوق اتس کریسی حاکیم، سوروه اورغ کی امبیق فولوس ماری
معھارف .
- 7 بیلا فولوس سمنی ده، اورغ ۲ یہوري هق ماری د جروسلیم تو،
کی کلیلیغ فولوس، ادو نی باپق فرکارا رغنا فرکتائی تروق ،
تافي تاء ادار برتمو تندا هق بولیه کات فولوس ساله .
- 8 فولوس فون جواب نق بري بتول هق فوق تو ادو نی، کات:
یا توان ! جالن توروت حکوم ۲ بحسا یہوري کیت، اتوا جالن
حرمة بیت المقدس، اتوا فون مهاراج روم، امب تاء ساله
سیکیت هابوق !
- 9 فيستوس نق بري اورغ ۲ یہوري برکن کا نی . سابیت تو، نی
تاش فولوس: جوغ کی کا نق، کا کوت جروسلیم، بري اکو کرت
سین بوکو نی دیق نون ؟
- 10 تافي فولوس جواب کات: یا توان، دسینی امب روق مشهارف
توان، هق جاني وکیل کراجائی روم، تمفت سوغ کالو اورغ نق
بوات بوکو کا امب . توان تاھو ده کات، امب تاء ساله اف
سکارا ترهاف اورغ یہوري ! کالو امب لغکر حکوم مان ۲ هق
سوغ کتا بونوہ ماتی، امب تاء سیر قیاس . تافي کالو هق اورغ ۲
ادو امب تو، تاء سوڠکوہ، تاء سوغ ایکت امب سره کا ری . امب
مینتا بري سلسی بوکو نی رغنا مهاراج روم سنديري !
- 12 لفس فيستوس مشورة رغنا اورغ ۲ هق بولیه نصیحة کا نی، نی
فون فالیغ کا فولوس کات: رغنا سابیت مو مینتا بري سلسی

بوکو رغن مهاراج روم سنديري، مو کنا گي کا تمفت ني !

فولوس دوق مفهارف راج اکريفا

- لفس تو تاً براف لام، راج اکريفا رغن اديق ني برنبيکياه، 13
 ماري سمنفي کا بندر قيسريا تو، نق سمبوت فمرينته هق بارو تو،
 فيستوس. تکه ني دوق رسيلتو دوا تيگ هاري، فيستوس فون 14
 بوک حال فولوس کا راج تو، بالس ني: رسيني اد سورغ هق
 فيليکوس کوروغ دلو فد امب ماري جاني فمرينته لاکني. 15
 تکه امب دوق درجوسليم، فوق امام بسر رغن کتوا ۲ اورغ
 يهوي ماري نق بوات بوکو کا ني، مينتاً امب کرت سين کات
 ني ساله.
- تافي امب جواب کات، ايکوت عاده کراجان روم، اورغ هق کا 16
 ادو، کا مفهارف اورغ هق ادو ني دلو تو، بري اد فلوغ
 نق رویت فلفس ديري، باروله نق بوليه تاهو، بوليه کا نق 17
 سره ني کنا حکوم. ساپيت تو، بيلا فوق تو ماري سمنفي
 رسيني، امب تاً روکي ماس، تافي ايسوون امب کي دودوق
 اتس کريسي حاكيم، فس سوروه باواً اورغ تو ماري. 18
 فوق هق لاؤن ني تو فون، باعون برديري ادو ني، تافي
 تاً تروق سروف امب گامق.
- فواق تو بوک فرکارا هق ني دوق بحس تنتع رغن اوکام ني، 19
 فس تنتع رغن سورغ هق نام عيسى، هق ماتي ده، تافي
 فولوس مفاکو کات ني هيڊوف کليق. امب تاً اداره نق 20
 گامق بالس مان نق اوصول تان بوکو سروف تو! ساپيت
 تو، امب تاش ني، کالو ۲ ني جوغ نق کي کا کوت جروسليم.
 بري بوليه کرت سين رسيلتو.
- تافي فولوس مينتاً ننتي بري سلسی بوکو رغن مهاراج روم 21

بری ری سندیری کرت سین . ساپیت تو امب سوروه اورغ حاج
ری، هیفعگ سمنفی بولیه هنتر ری کی کا مهاراج دکوت روم .
راج اکریفا فون رویت کافیستوس: اکو فون براس نق دغر اورغ

22

ني ! فیستوس جواب: ها ! تاءُف . ایسوق توان بولیه دغر!
سمنفی ایسوق، اکریفا لغن برنیکیاه تو، سکالی لغن کتوا عسکر
لغن اورغ لافیس تیشگی دالم کوت قیصریا تو، ماسوق دالم
بیلیق فراچوم لسن ، لغن سمبون مولیق، هق سوغ لغن اورغ
جاري راج .

23

فس فیستوس کات: يا توانکو اکریفا، سکالی لغن سموا هق ماری
دسينی ! نیله ری هق سموا اورغ بخسا یهوری، تاءُکیرا کات
هق دوق دکوت جروسلیم، اتوا فون هق دوق لسینی ، ماری
مفهارف نق بوات بوکو. ری ادو لغن براس سدیه، کات تاءُ
سوغ بری اورغ نی هیدوف!

24

امب سندیری تاءُلیه تمو اف سکارا هق سوغ بولیه بونوه ماتی،
تافي لغن سبب ری مینتا، بری سلسی بوکو لغن مهاراج ،
ساپیت تو، امب کنا کرت نق هنتر ری کی .

25

تافي امب تاءُتمو تندا مان ۲ هق بولیه تولیس سورت کامهاراج
دروم . ساپیت تو، امب سوروه باواه فولوس نی ماری مفهارف
فواق توان سموا، فس هق مستحق، سوروه مفهارف توانکو !
بالس تو، بیلا توانکو فریقسا سوده ده، باروله نق تمو تندا
هق امب بولیه تولیس هنتر، سبب فیکیران امب، تاءُسوغ
فاتوت امب هنتر اورغ هق کنا ایکت نی، ملینکن بولیه تندا
بوکو هق اورغ ادو ری .

26

فولوس کیچیق دافن راج اکریفا

باب 26

راج اکریفا فون فالیع کات کافولوس: مو بولیه کیچیق نق
فلفس دیری مو سندیری ! فولوس فون اگکیت تاغن نق کیچیق

1

- 2 سروف دباوه نی : يا توانکو ، براس سوک هاتی سبب امب اد
فلواغ بولیه کیچیق رافن توانکو ، نق جواب فرکارا ۲ هق اورغ ۲
یهوری دوق ادو امب نی !
- 3 مولیق سوگکوه ، سبب توانکو ارتی فهم اتوران ۲ اورغ یهوری.
مینتا ئوانکو دغۇن صبر هاتی ، هق امب نق رویت نی !
- 4 سموا اورغ یهوری تاهو كەھيدوفن امب ، جق دكچیك لاكى ،
ماس امب دوق سکالىي دغۇن ایيو باف ، فس تکه امب دوق
دكوت جرسلىم جوڭ .
- 5 فس نی تاهو لاكى ، كالو رى جوغ مفاکو ، کات ، لام ده امب
دوق توروت قوم فريسي ، يائىت قوم هق توروت اوکام دغۇن
هالوسى سکالىي ، لبيه فد قوم ۲ لائين .
- 6 فس لاني امب دوق کنا مەھارف توانکو ، دغۇن سابىت امب
دوق ھارف کا فرجنجىن توهن ، هق فواق توئىنىيق كيت
دوق ھارف جوڭ . سموا فواق كيت هق جاري كتۇرونن توء
نىيىق موېغ دوا بلس اورغ تو ، تکه كيت سمبە کاتوهن ، سياڭ
مالم فون ، كيت دوق ھارف نق بولىه هق توهن جنجى تو .
- 7 يا توانکو ! دغۇن سبب ھرافن نيلە امب کا ادو راورغ ۲ یهورى.
هي اورغ ۲ یهورى دالم فواق توان سموا دسىنىي ! با ئاف ادېق كاڭق
تا ئىلە سەڭكۈف فرچاي ، کات ، توهن اد كواس برى هيديوف اورغ
ماتى ؟
- 8 يا توانکو ! دولو امب سندىرىي فون كرت سىن ده کات ، امب نق
بوات سكت امب بولىه ، نق لاون دغۇن خبر با ئىك حال عيسى ،
اورغ نصرة تو .
- 9 فس امب بوات بالس تو دكوت جرسلىم جوڭ . امب كىي مينتا ئ
سورت كېنزا دفواق امام بىزى ، فس كوروغ باپق اورغ هق
جاري مىليق ربىي عيسى . بوكن سكت تو ساج ، دق ! بىلا رى
کا لتق حکوم بونوه ، امب فون امبىق اوندى کات ستوجو .

اچ کالی ده، امب بوات سیقسا کا ری دالم مسجید ۲ فواد
کیت، فقسا ری، نق بري نی تاھوق ایمان هق نی فرچای تو.
هاتی امب براس فانس سوڠکوه، سهیفگ امب چاری فلواغ نق
بوات پاڻ کا ری دلوار نگری فون، درات ۲ تمفت.

11

فولوس رویت فریحال نی فالیغ فرچای کا عیسی

دغن توجوان ساءُ نی له، امب کی کا بندر دمشیک، دعن
باوا، سورت کبتران، هق امب امبیق دامام بسر، جاري وکیل
نی.

12

یا توانکو! تکه امب دوق تغه جالن، لبیه کورغ فوکول دوا
بلس تغه هاری، امب نمفق چهیا رلاغیت، چره فدا متھاری
لاکی، هق دوق منچر کلیلیغ امب، دغن فواد ساءُین ۲ امب
تو، فواد امب سموا ربہ کا تانه، فس امب دغر سوارا، هق
کیچیق کا امب دغن بهاس عبرانی، کات: ساول، هي ساءُول!
باءُاف مو بوات پاڻ کا اکو؟ کالو مو دگیل، کما کقد مو سنديري،
سروف لمبو دوق برکالا کو، سیر، کما فاهر دکاکی!

13

فس امب فون تان: یا توان، سیاف نی هق کیچیق نی؟ فس
ربی جواب کات: اکوله عیسی، هق مو دوق بوات پاڻ تو!
تابی لانی، ربی کات، مو باغون برداریله! اکو بري مو نمفق
دیری کو، دغن توجوان نیله، اکو لتق مو جاري همب کو.
مو کنا نائیک سقسي کا اورغ چارا حال فرکارا ۲ هق مو نمفق
ده هاری نی، سکالی دغن فرکارا ۲ هق اکو نق بري مو نمفق،
ماں رافن جوگ! اکو نق بري مو لفس درفت تاغن اورغ بغضا
اسرائيل، دغن اورغ بغضا ۲ لاءِین. فس اکو نق لتق مو جاري
اورغ هق بوک مات هاتی نی، بري نی تاھوق هق گلف، فالیغ
توجو کو، هق چره، بري نی تیغکل فرینته هیبلیس ماسوق دوق
باوه فرینته توهن، انتوق بري توهن بولیه امفون دوسا ۲ نی.

14

15

16

17

18

فس بري دي ار تمفت دالم فواق هق جاري ميليق توهن، بغنا
کران دي فرچاي کا اکو!
بالس توله ربی کات کا امب، فولوس کات.

فولوس رویت حال کرج ری

- 19 يا توانکو اکریفا، فولوس کات. سا بیت توهن بري امب بولیه
نمتفق دي هق ماری دشراگ تو، امب توروت سعمور سروف هق
دي سوروه. دللو، امب کي رویت دبندر دمشیک، فس تو،
دکوت جروسلیم، فس درات ۲ تمفت دالم نکری یہودیه، فس
دمفت بغضاں لاےین جوگ، رویت بري پات کات، دي کا توبہ،
تیغکل دوساں دي، فالیغ فرچای کا توهن، فس بوات فرکارا ۲
هق سوغ بغنا هق دي توبہ ده تو.
- 20 بغنا سا بیت امب رویت نیله، اورغ ۲ یہودی کي ایکت امب،
تکه امب دوق دالم بیت المقدس، چوب نق یونوہ امب.
- 21 تافي هیفگ سمعی لاني، توهن بري امب سلامت. فس لاني
فون، امب دوق برداری دسینی دافن سموا اورغ، تاءکیرا کات
اورغ فریغکت تیغکی اتوا رنده فون، فس امب بولیه نائیک
سقسی کات، اف ۲ هق امب دوق رویت دي، سروف هق نبی
موسى بغنا نبی ۲ لاےین رویت دللو، کات نق جاري ماس دافن،
یائیت المسيح هق توهن جنجی نق ماری تو، مستی کنا
سیقسما سمعی ماتی. فس بغنا کران المسيح جاري هق مولا ۲
سکالی بٹکیت هیدوف کلیق تو، دي نق بوک جان سلامت،
هق نق جاري سروف چھیا، کا اورغ ۲ یہودی، فس کا اورغ
بغسا لاےین فول!

- 24 تغه فولوس دوق کات بالس تو، فمرینته هق نام فیستوس تو
یاتس بغنا سوارا درس، کات: هي فولوس، مو گیلا! علمو
تیغکی هق مو تو، بري فونه او تقا!

- 25 تافي فولوس جواب کات: یا توانکو، بوکن امب کیلا، دق !
 26 هق امب کیچیق نی بنر. توانکو اگریفا فهم ده، فرکارا ۲ هق
 امب رویت سائني، فس امب بولیه کیچیق لغن تاءً تاکوت، کران
 سموا تو، هق جاري ره رافن مات دغن تاءً سوسوف ، فس،
 تنتو توانکو فرهاتی تیغوق بلاک ده .
- 27 یا توانکو اگریفا، امب نق تان سکارا ! توان فرچای کا دق،
 هق نبی ۲ دولو رویت ؟ تنتو توان فرچای !
- 28 راج اگریفا فون رویت کا فولوس: دالم ماس چفت سروف نی،
 مو هارف نق بري اکو ماسوک جاري کریستین که ؟
- 29 فس فولوس جواب: یا توانکو، دالم ماس چفت اتوا لمبت تاءً
 کيرا ، تافي امب دوق بریعا کا توهن، نق بري توانکو سکالی
 لغن توان ۲ سموا، هق دوق دغر نیچیفن امب هاري نی، ماسوک
 جاري سروف امب. تافي سکارا ساج ، جاغن کنا ایکت سروف
 امب !
- 30 سود فولوس کات بالس تو، راج اگریفا ، فمرینته فیستوس ،
 برنیکیاہ، دغن سموا اور غ هق ماری سکالی تو، فاکت باعون
 توبیت کی. لفس نی توبیت ده ، دی کیچیق مو اکو ، کات:
 اور غ نی تاءً ساله هق دی بولیه حکوم ماتی، اتوا فون کنا ماسوک
 گوک ! راج اگریفا فون کات کا فیستوس تو: کالو اور غ نی تاءً
 مینتاء سلسلی بوکو دغن مهاراج رکوت روم ، تنتو کیت بولیه
 لفس دی سلالو !

فولوس برتولق کی کا کوت روم

باب 27

- 1 بیلا فمرینته فیستوس کرت سین ده کات، کیت فوقاً
 فولوس نی کا بلایر کی کا نکری ایتالی ، فوقاً هق جاگ فولوس
 دولو تو، باواء دی سکالی لغن اور غ ۲ لائین هق کا ایکت ،
 سروف دی ، سره کا ناءی روی نام جولیوس، سئورغ دالم

فواق عسکر هق اورغ فځکيل فاسوچکن مهاراج روم .
سموا فواق تو، سکاللي رغن فواق کيت فون ، تومفع کفل هق
ماري دفعکالن ادرامايتیوم ، هق دوق سیف ده نق بلاير کي ، نق
سیفکه دفعکالن ۲ دالم نکري اسيا . کيت توبیت کي ، فس اد
سئورغ هق نام رې اريستركوس ، اورغ ماکدونيا ، تمفت اصل رې ،
د بندر تیسالونیکا ، کي سکاللي رغن کيت جوګ .

ایسون کيت سمنفي دبندر صیدون . ناءِي روی ساءِي ، هاتي رې
باعیک . رې بنر بري فولوس کي زياره ساءِين ۲ ، بري فولوس
بولیه تریما اف ۲ هق ساءِين رې بري .

امبیق دصیدون ، فواق کيت بلاير کي لاكی . فس اغین درس .
سابیت تو ، کيت بلاير کي کوء اغین تدوه ، فولو کوفروس . لفس
تو فواق کيت بلاير کي لالو کوء تني نکري کيلیکيا رغن نکري
غمفیلیا ، فس سمنفي دبندر میرا ، دالم نکري لیسیا .

دسمیتو ، ناءِي روی ساءِي تمورغن کفل سبواه لاكی ، هق ماري
دبندر اسکدریا ، دوق توجونق کي کانکري ایتالی . رې فون
تورون کفل ، باواء کيت کي موات اتس کفل سا لاكی تو .

امبیق دسمیتو ، کيت بلاير کي کهور ۲ ، دوا تیک امفت هاري
بلوم نق سمنفي کا بندر کېدوس ، باپق چمغیغ کوء جالن . رغن
کران اغین درس ، کيت نق تروس کي سلالو تالهه . سابیت تو ،
کيت کي کوء اغین تدوه فولو کريت ، لالو کوء تنجوغ سلمونی ،
کران نق برليندوغ دفولو تو .

کيت کي رغن هابیس ۲ چیکف سوسه کوء جالن ، فس سود کيت
سممنی دساتو تمفت هق اورغ فځکيل : دفعکالن لفس بهیا ، تاءِ
براف جاوه مان فد بندر لاسیا .

سبب لمبت کوء جالن تو ، فریاغ هق بولیه بلاير رغن سلامت
ها بیس ده ، کران هاري فواس اورغ یهوری لفس ده . سابیت تو ،
فولوسن بري نصیحة کا فواق اتس کفل کات : توان ۲ ! ایکوت

2

3

4

5

6

7

8

9

10

فیکیران امب، کالو کیت بلایر لاني، نق جاري بهيا ساخت!
فس بوکن بارغ ۲ نغن کفل هق نق جاني فونه تروق، تافي اورغ
فون نق ماتي جوگ.

11 تافي نا، ي روی تا، فرجای هق فولوس نصیحة ساعتی. ي فرجای
لبيه کا توان کفل رغن توکیه ي تو، هق کات بولیه کي.

12 فغلان تو، تا سدف دوق فد فریاغ سجوق. سابت تو،
کپاچکن انق ۲ تاغن کفل تو، ستوجو نق بلاير کي لاکي، اجي
بولیه نق کي دوق دفغان فینیقسی، هق سدف بولیه دوق،
ماس فریاغ سجوق، سبب دوق سبله بوچو هیلیر نغن بوچو
هولو باليق متھاري جاتوه.

فواق فولوس کنا ریبوت تغه لاءوت

13 بیلا اغین هالوس ۲ ماری باليق هیلیر، فواق کفل تو سغک
کات بولیه بلاير. ي فون اغکیت ساعده، فس، کي کوء تفي
فتی فولو کریت تو.

14 تافي اغین درس، هق اورغ فگیل اغین ماری بوچو تنا، يك
نغن هولو، تیبا ۲ ماری باليق دارت، تمفوه دغن کفل تو.

15 سابت نق لاون اغین تا، لیده، کیت فالیغ بري اغین باوا،
هاپوت کي. تغه کیت دوق هاپوت کو، هیلیر فولو کا، ودا هق
کچیک تو، اغین هیفگ سیکیت. دسیتو، ولو سوسمه فایه فون
کیت بولیه سیمفن انق فراهو هق کفل تو.

16 اورغ بوات نا، يك اتس کفل بسر، فس ایکت انق فراهو تو.
کفل بسر فون کا ایکت رغن تالي کلیلیغ توبوه جوگ. ي
تاکوت کفل تو نق تمفوه دغن بتیغ بسر هق دوق دالم لاءوت،
دتفي نگری لیبیا. سابت تو، ي بوات تورون لاير، بري
اغین باوا، کفل هاپوت کي. اغین تیندیه لاکي، فس سابت
تو، ایسوق ي بواغ بارغ ۲ هق ي موات، تاهوق دالم لاءوت.

- فس لوسا فول ، ری بواغ فرکاس ۲ کفل ، تاهوق دالم لاوت 19
 جوگ . تاء تاهو براف هاری ده ، کیت تاء لیه تیغوق متھاری 20
 اتوا بینتغ ۲ فون . اشین فون کھور ۲ درس لاکی ، سهمیغک 21
 هیلیغ هابیس هرافن کیت هق نق بولیه سلامت .
 هاوا لام فوق تو تاء ماکن ، فولوس باخون بردیری دافن اورع 22
 رامی تو ، کات : هي ادیق کاکق کو ! کالو مو نغر نصیحة کو 23
 دولو ، هق کات ، جاغن بلایر دفولو کریت تو ، تاء جاری لاکو 24
 نی ، نغن فونه روکی بلاک !
 تافی لانی ، جاغن بیمیغ ، بری هاتی قواتله ! سبب ، تاء ار 25
 سئورغ هابوق هق کنا ماتی ، ملینکن کفل ساج هق تاء لیه 26
 سلامت . اکو بولیه کات بالس نی ۲ ، کران سمالم ، توهن هق 27
 فیلیه اکو بری سمبه کاری ، هنتر ملایکه ماری ، دوق بردیری 28
 رکت اکو ، کات : هي فولوس ، جاغنله تاکوت ! کران تنتو مو 29
 کما مغهارف مهاراج روم . فس سابیت تو ، توهن نغن سابیت
 ری باء یک ، نق بری سیمدا اورع هق بلایر سکالی نغن مو ،
 سلامت جوگ .
 سابیت تو ، فولوس کات ، هي ادیق کاکق کو ! بری قواتله هاتی
 مو ، سبب اکو فرچای یقین کا توهن ، کات ، سموا نق جاری
 ایکوت هق ری رویت ! تافی کیت نق ترهندس نغن ساتو فولو .
 ماسوچ کا مالم امفت بلس ، کیت دوق هاپوت دتفه لاوت اوریا ،
 لبیه کورغ فوکول دوا بلس تفه مالم . فس انق ۲ تاغن کفل تو ،
 کامق کات رکت نق سمنی کا دارت ده .
 سابیت تو ، ری هولور تورون باتو ، نق تاهو دالم مان ، فس 28
 بولیه لافن بلس دفا . تاء لام لاکی ری هولور فول ، بولیه امفت
 بلس دفا . فوق تو بیمیغ سافت ، تاکوت کی ترهندس نغن 29
 باتو . سابیت تو ، ری تاهوق ساوه امفت بوتیر ، تورون
 بلاکن کفل ، فس بریعا نق بری فچه فاجر باشت .

- 30 ستنگه فوق انق تاغن چوب نق لاری فد کفل تو، فس ری امبیق بوات تورون فراهو هق هالوس، بوات کات سروف نق امبیق ساءوه، باواه کی لتق رافن.
- 31 تافی فولوس رویت کا ناءی روی دغن عسکر ۲ ری: انق ۲ تاغن سموا تو مستی کا دوق رالم کفل بسر. کالو ری لاری، فوق مو تاءاد هرافن نق بولیه سلامت!
- 32 سبب تو، فوق عسکر کی کرت تالي فراهو کچیک تو، بربی ری هاپوت کی ساج.
- 33 بیلا نق فچه فاجر، فولوس فوجوچ فوق تو سوروه ماکن، کات: امفت بلس هاری ده، مو تاءاد ماکن، سبب مو دوق کاچع نق بربی فوق کیت سلامت. باءیک مو ماکنله سیکیت نق تمبه ربی!
- 34 اکو جامین کات مو تاءماتی، سهیغک سئورت رمبوت فون تاء بیناس!
- 35 لفس تو، فولوس امبیق روتی، اوچف شکور کا توهن رافن فوق تو سموا، فس چوبیق روتی تو، ماکن دولو.
- 36 هاتی فوق تو فون کرس سماقت کلیق. ری فون ماکن سکالی.
- 37 سموا اور غ هق دوق اتس کفل تو، اد دوا راتوس توجوه فولوه انم. با فوق تو ماکن کیغ بلاک ده، گندوم هق لبیه تو، ری امبیق تاهوق کا لاؤت، نق بربی کفل ریغن.

کفل سلم دغن سابیت ترہندس

- 39 بیلا چره ده، انق ۲ کفل تو تاء تاهو دارت مان هق ری دوق توجو. تافی ری نمفق سروف تلوق هق اد فنتی. ری فون چادرغ نق کی سیغکه ناءیک کا فنتی تو.
- 40 فس ری کرت تالي ساءوه، تیغکل ساءوه رالم ایر، بلغ ۲ اوغکی سیکیت، تالي هق دوق ایکت کمودی. فس تو، ری کارل ناءیک لاير کفل هق رافن، توجو نق کی کا فنتی.

- تاافي کفل کي ترھندس دبنتیغ. هالوان کفل فون لکت، نق کي
تااًليه. بلاکن کفل تو کا تمفوه، کا هنچور بدل داوميق.
فواق عسکر تو فون دوق چادغ نق بونوه اورغ ۲ هق ني کا
تاھن تو. ساپیت تاکوت نی برنغ لاري.
- تاافي ناءِ ي روی تو تاءِ سیر بري بونوه فولوس. نی لارغ عسکر
ني جاغن بونوه سیاف فون. فس نی سوروه اورغ هق فندي
برنخ، ترجون دولو توجو کا دارت.
- فس هق تاءِ فندي، نی سوروه ناءِ يك اتس کایو کفل هق فچه.
بالس نيله سموا اورغ سمني کا دارت رغن سلامت.

فواق کفل تو دوق ننتي دفولو مليطه

باب 28

- با کيت سلامت ده سمني کا دارت، بارو کيت تاهو کات،
فولو نی فولو مليطه. اورغ ۲ فولو تو سمبوت کيت دغن هاتي
بائیک. تکه تو، هوجن ماري، براں سجوق. نی فون فيگت
افي بري کيت بردياغ.
- فولوس کي امبيق کایو فرهيمفون. فس، تغه نی دوق هولور
فونتنوغ ۲، ار سئيكور اولر توبیت کران فانس، کتنيق تاغن فولوس،
لکت. بيلا اورغ ۲ فولو تو تيغوق اولر دوق ترکنتوغ دتاغن
فولوس، نی کات سام سنديري: تنتوله اورغ نی جاري فمبونوه!
ولو نی بوليه سلامت درفه لاوت فون، سمني ساکت ده نی
کا ماشي! تافي فولوس رنتف اولر تو، بري جاتهه دالم افي رغن
تاءِ براں ساکيت سیکیت هابوق.
- اورغ ۲ تو دوق ننتي تيغوق، کات، تاغن فولوس نق بعکق اتوا
بغکالي نی ربه ماشي. تافي دوق ننتي سلام تو، فولوس تاءِ
جاری اف ۲. فواق تو فون توکر فيکيران نی، کات، فولوس نی
جاری سورغ دیوا.

تاد جاوه مان دغۇن تەمفت تو، اد تانه ھق جادىي مىلىق كتووا فولو تو، ھق نام فوبليوس. رىي فون سمبوت كىت، فس سلام تىگ هاري، كىت دوق سرۇف ساين ۲ درومە رى.

تەكە تو جوڭ، فق فوبليوس دوق دەم چەرە مۇنتە، تائىلە باغان. فولوس كى ماسوق دالىم بىلىق، بىرۇغا دغۇن لېق تاغۇن اتس رى، دەم فون ھىلىغ سالالو.

با اورۇ ساكىت دفولو تو تاھو فركارا نى، رىي سموا فاكت مارى كا تەمفت فولوس، فس بولىيە ھىلىغ بلاك.

قس فواق ھق ھىلىغ ساكىت تو، ھدىيە باپق فركارا كا كىت. فە ماس فواق كىت نق بلاير فول، رىي موات اف ۲ انتۇقا بىكل نق بىرجالان.

اميق دفولو مليطە، كى سەمفي كا كوت روم

فواق كىت دوق دفولو تو تىگ بولن. فس تو، كىت بلاير كى دغۇن سبواھ كفل ھق نام: دىۋا كفلا كېبر. تەمفت اصل كفل تو، بىندر اسکىندرىيا. تافى تەكە فرياغ سجوق ھق بارو لفس، كفل تو دوق بىرلاپوھ دفولو مليطە تو.

كىت سېيغەن بىندر سوراکوس، فس دوق دسيتو تىگ هاري. اميق دسيتو، كىت بلاير كى لاكى، كو ئەتفى فەنتىي نكىرى تو، كى سەمفي كا بىندر رېيگۈم. ايسوق فول، اغىن مارى باليق ھيلير سېيوف كىت بىرى باخت سەمفي دالىم دوا هاري، كا بىندر فوتىيولي. دسيتو، كىت كى چارى، تەمۇ دغۇن سفواق ادېق بىرادىق ھق فرچاي، فس رىي فون اجق كىت دوق سام رى سەمېغىڭو. بالس تولە، كىت سەمفي كا كوت روم.

ادېق بىرادىق ھق فرچاي دكوت روم دغۇن خېر حال كىت، فس رىي مارى نق سمبوت كىت تىۋە جالىن، دنار افيوس، فس دتمفت هوتىيل تىگ بواھ. بىلا فولوس تەمۇ فواق ھق مارى تو، رىي

7

8

9

10

11

12

13

14

15

فون اوچف تریما کاسیه کا توهن، دغنا هاتی کھور ۲ تتف .
بیلا فواق کیت سمنی دالم کوت روم تو، کراجائے بنز بی کا
فولوس کی دوق سام سئوڠ، تافی دغنا عسکر هق جاڳ دید.

فولوس دوق دکوت روم

- فولوس دوق دکوت روم تیگ هاری، فس تو، دی فٹکیل 17
کتوا ۲ اورغ یہوری هق دوق دسیتو، ماری کا تمفت دی . با
برهیم فون ده، فولوس فون رویت کا دی : هي ادیق برادیق
کو ! اکو تاء بیاس بوات ساله اف سره اف بخسا کیت ، اتوا
لشکر عادة مان ۲ هق کیت تریما ده درف د تو نینیق کیت .
ولو بالس تو فون ، تافی اکو کا ایکت دکوت جروسالیم ، فس
کا سره کا تاغن کراجائے روم . دی فون فریقمسا اکو ، سیف
رہ نق بڑی اکو لفس ، کران تاء اد سبب نق کا حکوم یونوہ .
تافی اورغ ۲ بخسا یہوری کیت لاون حال نی ، سهیغ ۲ اکو کا
فقسا مینتا سلسی دغنا مهاراج روم . بوکن کات اکو نق ادو
کا بخسا کو سندیری ، دق ! 18
سابیت سموا نیله ، اکو فٹکیل مو ماری ، نق کیچیق دغنا مو .
اکو کا تاهن دسینی دغنا کران هرافن هق سموا فواق
اسرائیل کیت دوق ننتی نق بولیه ! 19
فواق تو فون جواب : کیت تاء اد تریما سورت اف ۲ دنگری
یہوریه ، حال مو ، فس تاء اد ادیق برادیق سئوڠ هابوق
دیق نون ، هق ماری سینی باوا فریحال اتوا چریتا هق تاء
باچک چارا حال مو . 21
تافی کیت براں نق دغرا فریحال هق مو سندیری . کران سکت
هق کیت تاهو ده ، د مان ۲ فون ، اورغ کجی کا قوم مو تو !
فواق تو ستوجو دلو دغنا فولوس نق ماری هاری مان ، فس 22
سمنی هاری تو فون ، باپق اورغ ماری کا تمفت فولوس دو دوق . 23

امبیق دفاگی سمفی گلف، فولوس هورا^ء ی رویت بري ترغ، خبر
ری حال توهن نق فرینته دالم هاتی مائنسی. ری امبیق فاگی
ایات ۲ دالم کتاب تورات نبی موسی، نغن ایات نبی ۲ لائین،
کاچغ نق بري اورغ تنتو دالم هاتی چارا حال عیسی.

ار اورغ هق یقین کات سوغکوه هق فولوس رویت تو. تافی ار
جوگ هق کات تاء^ء سوغکوه. بالس توله، فواق تو توبیت فد
تمفت فولوس، جانی سلیمهیغ سام ری سندیری. بلغ ۲ ری دوق
کی تو، فولوس ار ساتو فرکارا لاگی، هق نق رویت کا ری،
کات : سوغ فاتوتله هق روح توهن رویت دولو، کوء نبی
يعشیا کف توء^ء نینیق مو، یاء^ء یت:

کیله رویت کف بفسا نبی کات :

تنتو مو نق بولیه دغر، تافی مو تاء^ء بولیه ارتی.
تنتو مو نق بولیه تیغوق، تافی مات هاتی مو تاء^ء بولیه
نمفق. کران فیکیران فواق نبی کهور جانی بیغوغ!
ری فکوف تلیغا تاء^ء بري دغر، ری فجم مات تاء^ء بري
تیغوق، کران ری تاء^ء سیر نمفق، ری تاء^ء سیر دغر، ری
تاء^ء سیر بري هاتی ری ارتی، ری تاء^ء سیر فالیغ کلیق
کا اکو، نق تریما سلامت راکو! توهن کات.

فس فولوس رویت لاگی کات: ارتیله کات، خبر چارا حال توهن
نق بري سلامت تو، لانی سمفی ده کا اورغ ۲ بفسا لائین، فس
ری سوک دغر جوگ!

لفس تو، فواق اورغ بیهوری ساء^ء نبی توبیت تمفت فولوس، بلغ ۲
دوق بحس سام سندیری.

فولوس دوق دکوت روم سلام دوا تاهون، درومه هق ری سیوا
سندیری. ری سمبوت بلاک، اورغ هق زیاره ری.

31 فس رې بىشىح چارا حال توهن فرينتە دالىم ھاتىي ما ئىسى،
 فس حال رېي عيسىي المسيح، دغۇن تاء سو سووف كا اورۇغ مان
 فون . فس تاء ادار سىياف ھق لارغ رې .

روم

سورت کیریمن هق توهن بري فولوس
تولیس کد فواق المسيح دکوت روم

فولوس جاري سورغ هق باواه تیته عیسیی المسيح

باب 1

- 1 کد ادیق برادیق کو سموا ، اورغ هق توهن کاسیه دکوت روم . اکو نی فولوس ، هق کرج کا عیسیی المسيح ، کیریم سورت کد مو . توهن لتق اکو جاري سورغ دالم فواق هق باواه تیته نی . کرج اکو نی ، کما پیمفی خبر بائیک هق توهن جنجی نفن نبی ۲ دولو دالم کتاب یع سوچی .
- 2 خبر بائیک نی چارا حال انق توهن یع ساتو ، یا ئیت عیسیی المسيح ، ربی کیت . نق رویت حال عیسیی جاري ماءنسی ، ری کتورونن راج داءود .
- 3 نق رویت حال عیسیی جاري توهن یع سوچی ، توهن ، نفن کواس فنوه هق نی ، بري پات کات عیسیی تو جاري انق نی ، کران لفس فد عیسیی ماتی ، توهن بري نی هیدوف کلیق سمعولا . سابیت ربی کیت ساءنیله ، توهن تورون رحمة اتس اکو ، فولوس ، بري جاري سورغ هق باواه تیته نی . کرج اکو نی ، کنا فیمین اورغ سموا بقسا ، بري فرچایی فس طاعة کا توهن ، نفن توجوان نق بري نام عیسیی تو رافت مليا .
- 4 فواق مو دکوت روم فون ، ماسوق جوگ دالم فواق هق توهن

7 فشكيل جاري ميليق المسيح . سبب توله ، اکو کيريم سوت ني
کا فواق مو ، هق توهن بري جاري ميليق دي .
اکو مينتا ؟ توهن باف کيت دغن رتني عيسى المسيح ، تورون
رحمة اتس فواق مو ، دغن سلامت سجهترا !

فولوس اوچف تريما کاسيه کا توهن

8 مولا ۲ سکالي ، اکو اوچف تريما کاسيه کا توهن ، دغن نام
عيسى المسيح ، سبب خبر کات فواق مو سموا برايمان قواة
کا توهن ، مشهور کي سرات تمفت .

9 اکو براني فشكيل توهن جاري سقسي ، کات سوڠگوه اکو روق
مينتا ؟ رعا ايٺت کا فواق مو سعمور . انتوق توهن نيله اکو
کرج دغن سوڠگوه ۲ هاتي ، نق مېمفي خبر بائيك چارا حال انق
ري . لاني اکو مينتا ؟ توهن بري اکو بوليه ماري زياره فواق مو .
10 سبب لام ماري ره ، اکو روق براس چيتا ۲ نق ماھي برتمو دغن
مو ، نق سره کافواق مو فرکارا ۲ هق توهن تورون کا اکو ، نق
11 بري قواة ايمان مو .

12 بالس توله ، ايمان کو نق تولوغ تمبہ هاتي مو بري فرچاي قواة
فس ، ايمان مو فون نق تولوغ تمبہ هاتي کو ، بري فرچاي قواة
جوگ . اکو نق بري ادیق براديق تاهو کات ، اکو روق برحاجة
باپکالي ره ، نق ماري زياره فواق مو ، تافي اد چمفيغ
سعمور ، تاء ليه ماري . کهندق هاتي کو نق بري کهور منبه
اورغ فرچاي دکوت روم مو ، نق بري سروف دغن بغسا لائين ۲
13 دتمفت هق اکو بياس کي زياره لفس ۲ ده .

14 اکو مستي کا کي رویت خبر نی کا سموا بغسا ، سروف اکو
لکت اوتعه کا سموا اورغ . اکو کا کي رویت کا اورغ هيلىر دغن
اورغ دارت ، کا اورغ اد علمو دغن اورغ تاء اد علمو ، بري تاهو
سروف سموا .

سبب توله، هاتیکو دوق سیمفن سیف ده نق ماری رویت خبر
باءیک کا فواق مو دکوت روم فول .

خبر باءیک حال عیسی اد کواس

اکو بولیه جامین کات، خبر باءیک نی بولیه هارف سوغمکوه .
خبر باءیک نی، یاءیت کواس درفت توهن، هق بولیه بري سموا
اورغ هق فرچای رافت سلامت، سمنی کا اورغ یهونی دلوو ،
فس سمنی کا بقسا لاءین ۲ فول .

خبر باءیک نی بري تاهو چرف کات، توهن سیمفن سیف ده ،
جالن هق ماءنسی بولیه جاري تاءساله دنداغن توهن . جالن
نی ، ماءنسی بولیه ماسوق ، بولیه توروت ، دغن فرچای کا
عیسی ساج ، بونکن دغن سبب لاءین ، دق ! اد ایات دالم کتاب
کات بالس نی جوگ ، یاءیت :

اورغ فرچای ، توهن کات ری تاءساله ده ، فس
توهن نق بري کا ری هیدوف چارا بارو .

توهن مرک کا ماءنسی هق سوک بوات جاہت

اد اورغ مفہینا کا توهن ، اد اورغ سوک بوات جاہت سموا
فرکارا ، هق بوات بري اورغ لاءین تاءلیه تریما فرکارا هق سبنر
درفت توهن . سبب توله ، توهن سوده بري تاهو چرف کات ،
ری مرک نق جاتوہ حکوم .

توهن مرک ، کران نی سوده بري تاهو کا ماءنسی حال نی دغن
تروس ترغ ، تافی ماءنسی تاءسیر تریما .

جق توهن جادیکن دنیا ماری ، ماءنسی بولیه فرهاتی کلیه
صیفہ ۲ توهن ، نی هق مات کیت تاءلیه نمفق . درفت سموا
فرکارا هق نی بري جاري دالم دنیا تو ، کیت بولیه فرهاتی

کلیه کات، دیالله توهن، فس کواس نی تاء اد سود. نق کات
تاء تاهو حال نی، تاء لیه.

ولو فون مائنسی تاهو حال توهن بالس تو، تافی نی تاء سیر
حرمه کات توهن. فس نی تاء سیر تریما کاسیه لغسوغ کا
تهن. فیکیران نی سست، هاتی نی جانی گلف ده.

مائنسی کات دیری نی چریدیق، تافی سسوغکوهن، نی بولوه.
نی تاء سمه کات توهن بیغ ککل، نی تیغکل کی بوات برها لا ۲
روف ۲ مائنسی، روف بوروغ، روف بناتع، روف ناگ، نق
سمبه گنتی توهن.

سبب مائنسی بودوه ستارا تو، توهن فون لفس نی کی، بوات
ایکوت نفسو نی، هق چافوغ، هق چمر، سهیغک باپق اورغ
خيانة توبوه نی، بوات فرکارا هق کجی ساعت سام سندپریه
نی تیغکل توهن هق سبیر، کی توروت هق فلسو. نی سمه
بارغ ۲ لاین، نق بوات گنتی توهن، توهن هق برقی جانی
بارغ ۲ هق نی سمه تو، توهنله هق فاتوت کیت فوجی،
بوت سلام ۲، امین!

سبب مائنسی سوک بوات جاہت کیتو لالو، توهن لفس نی
کی، بوات ایکوت هوا نفسو نی. فس نفسو جنتن بتینا بوات
ساله عاده، هیغک سمه اورغ بتینا فون تیغکل اورغ جنتن
برکتن سام اورغ بتینا.

اورغ جنتن فون سروف تو جوگ. نی تاء برکتن اورغ بتینا،
کی کیلا سام جنتن نی. دغن سمب نی بوات فرکارا ۲ بیغ
هینا تو سام سندپریه، توبوه نی فون فونه. نی رافت بالسن
هق سوغ فاتوت دغن کجهاتن نی.

مائنسی تاء سیر تریما علمو هق سبیر حال توهن. سمب توله
تهن فون لفس برقی هاتی نی گلف، فیکیران نی سست، بوات
سموا فرکارا هق مائنسی تاء فاتوت بوات.

چیتا ۲ جاہت اد فنوه دالم هاتی مائنسی

- 29 مائنسی نی سموا، چیتا ۲ جاہت اد فنوه دالم هاتی.
 بارغ نی سندیری اد ره، تافی نی طمع نق هق اورغ لاءین. نی
 سوک بوات هودوہ کا اورغ لاءین. نفسو برلگی، سوک بونوہ
 اورغ، بریالہ سام سندیری، فندی منیفو، برکن تیغوق اورغ لاءین
 جاتوہ سوسمه، سموا نفسو نی روق فنوه دالم هاتی نی. نی
 سوک کیچیق مشوفت لغن چرج کا اورغ.
- 30 نی بنچی کا توهن، نی سومبوغ کا مائنسی، هاتی نی تکبور.
 نی سوک بسر کا دیری نی. نی فیسہ چاری جالن نق بوات
 جاہت سماچم، نی درھاک کا ایبو باف.
- 31 ری هیدوف تاءٰ تنتو کالو. نی سوک موگکیر جنجی لغن اورغ،
 هاتی نی تاءٰ ار کسیاغ بلس کا اورغ لفسوغ.
- 32 توهن سوہ لتق حکوم کات، اورغ هق توروت سموا فرکارا نی،
 فاتوت نی کا حکوم نراک. مائنسی تاھو ده حکوم نی، تافی
 نی بوات جوگ لبیہ ۲ لکی، نی برکن تیغوق اورغ لاءین
 بوات جاہت سروف نی.

تواهن نق جاتوہ حکوم

- 1 هي ساءین کو! اکو فولوس نق تان سیکیت. بااف، مو
 سوک حکوم ساله کا اورغ لاءین؟ بیلا مو بوات ساله سروف نی،
 مو کا حکوم دیری مو سروف نی جوگ! نق کات تاءٰ ساله تاءلیه.
- 2 بیلا توهن جاتوہ حکوم کات، اورغ بوات جاہت تو، ساله،
 سموا اورغ فاکت ستوجو کات، مولیق ده، حکوم بالس تو!
 تافی ایفتله، ساءین کو! بیلا مو حکوم ساله اورغ هق بوات
 فرکارا ۲ تو، فس مو گی بوات سروف نی، مو نق لاری بڑی لفس
 فد حکوم تاءلیه جوگ!

بغكالي ساءين بوات تاءبرت کا توهن، سبب توهن کسياغ بلس
صبر، تاءجاته حکوم اتس مو بالس تو؟ تاءفهم که، کات،
تهن کسياغ بلس سمني ستارا تو، سابيت ری برکهندي نق
بری مو فلواح باليق هاتي، توبة؟

4

تافي مو هاتي کرس، تاءسير توبة! بيلا هاتي مو کهور کرس،
کهور برت لاکي حکومن اتس مو فد هاري قيامة، ياءيت هاري
تهن نق حکوم اتس ماءنسی سموا، نعن عاديل.

5

فد هاري توله، گنف ۲ اورغ نق بوليه بالسن ايکوت فرکارا ۲ هق
لي بوات ده. ستشه اورغ کاچع بوات ياءيك سعمور. اورغ نبي
چاري هق مليا، هق سبنر، هق ککل. کف اورغ نيله توهن
نق بري هيڊوف چارا بارو هق لي سعمور ۲.

6

فس ار ستشه اورغ دوق ايغت نق بري سنڌ کا ديري لي ساج.
لي تاءسير توروت هق سبنر. ری توروت هق جاهت سمات.

7

نتتو توهن نق مرگ تروق کا اورغ بالس نبي. توهن نق تورون
سيقسا سغسара اتس گنف ۲ اورغ هق بوات جاهت بالس تو،
مول ۲ تورون اتس اورغ يهوي دولو، فس سمني کا بعسا لائين ۲
فول. تافي اورغ هق بوات ياءيك، گنف ۲ اورغ، توهن نق بري
 مليا کا ری، نق فوجي کا ری، نق بري لي سلامت، مولا ۲
کف اورغ يهوي، فس سمني کا بعسا لائين ۲ فول.

8

کران توهن عاديل، ری نق تيغوق ماءنسی سروف سموا.
اورغ هق دوق لوار فد اوکام يهوي، توهن نق جاته حکوم
اتس لي، کران لي لغکر حکوم ری، بوکن کران لي بوات ساله
حکوم ۲ دالم تورات. تافي اورغ يهوي فول، توهن نق جاته
حکوم اتس لي، کران لي بوات ساله رعن تاء توروت حکوم ۲
دالم تورات.

9

سابيت، بوکن کران اورغ بوليه رغر حکوم ۲ تورات، هق توهن
کات تاءساله، دق! تافي اورغ هق بوليه بوات توروت سموا

10

11

12

13

حکوم ۲ تو، هق توهن کات تاء ساله.
 اورغ هق دوق لوار فد اوکام یهودی، ولو ری تاء تاهو کتاب
 تورات سکالی فون، کالو ری بوات فرکارا ۲ بتول، هق اد سوروه
 دالم کتاب تو، ساپیت ری تاهو هق بائیک، معناش هق ری
 تاهو دالم هاتی توله، توهن بری جاری سروف حکوم. انتوق
 ری. فربوتان اورغ تو، جانی تندا کات، ری اد دالم هاتی ری
 هق تیمیغ ری، سروف رعن حکوم ۲ دالم کتاب تورات. تکه ۲
 هاتی ری کات هق ری بوات تو ساله، تکه ۲ کات، هق ری
 بوات تو، بتول. نی فون جانی تندا سوغکوه کات، ری اد
 حکوم دالم هاتی ری.

بیلا سمفی هاری قیامه، توهن نق بری عیسیو المسيح فریقسا
 سموا فیکیران دالم هاتی ما نسی، باروله ری نق کرت سین.
 سموا هق اکو بارو رویت نی، اد ده دالم خبر بائیک هق توهن
 بری کا اکو

اورغ یهودی کیچیق بسر، تافی ری هینا کا توهن

هي ساءین کو ! اکو نق کیچیق هو بوغ سیکیت لکی. مو
 کیچیق بسر کات، مو اورغ یهودی هق فگن سموا حکوم ۲ توهن.
 مو کات، توهن فیلیه بفسا مو ساج.
 مو تاهو کهندق توهن هق ری سوروه مو بوات. فس، دغن
 مخاجی سموا حکوم ۲ دالم کتاب تورات، مو تاهو فیلیه، جالن
 مان مولیق، جالن مان تاء مولیق.
 تنتوله مو کات، مو بولیه فیمفین اورغ هق مات هاتی بوت، مو
 بولیه جانی فلیتا کا اورغ هق بر جالن دالم کلف.
 مو بولیه اجر اورغ هق تاء فندي باوا دیری، مو بولیه جانی کورو
 کا اورغ هق تاء ادار علمو. فواق مو مخاکو کات سموا علمو، سموا
 فرکارا هق بنر، اد رویت چوکوف سیف ده دالم کتاب تورات.

- سائين کو! اکو نق تاث فول. با، اف مو اجر اورغ لاءين، تافي
مو سنديري تاء بوت؟ مو کات: جاگن چوري، تافي مو کي چوري.
مو کات: جاگن برزينا، تافي مو برزينا! مو بنچي کا فواق هق
بوات برهلا، تافي فواق مو کي چوري بارغ هق اد دالم رومه
برهلا!
- مو کيچيق بسر کات، بعسا موساج بوليه تريما حکوم ۲ توهن،
تافي مو بوت هيما کا توهن، رغن لغکر حکوم ي تو.
اد ایات دالم كتاب، کات:

{ دغن سبب فريواتن اورغ يهوي نيله، بعسا لاءين ۲
سموا تيغوق هيما کا توهن . }

برسونه رغن توروت حکوم ۲ توهن، مان هق مستحق؟

- کالو مو بوت ايکوت حکوم ۲ توهن دالم كتاب سوغکوه،
روکون مو برسونه تو اد فايده. تافي کالو مو لغکر حکوم توهن
تو، روکون مو برسونه فون، سيا ۲ ساج.
- کران اورغ بعسا لاءين ۲ هق تاء تريما روکون برسونه، کالو ي
بوات هق بتول، ايکوت حکوم توهن، توهن تريما ي سروف
اورغ برسونه ده، بوکن؟
- سسوغکوهن، فواق ي هق تاء برسونه تافي ي توروت حکوم ۲
توهن، ي بري پات کات، اورغ يهوي ساله سوغکوه، کران ي
برسونه ده، ي تريما حکوم ۲ توهن ده، تافي ي لغکر حکوم ۲
تو.

- اورغ يهوي سجاتي، اورغ بالس مان؟ اورغ هق بعسا ي يهوي
هق برسونه که؟ يق! هق سجاتي بوکن فركارا هق لوار، يق!
تندا اورغ يهوي سجاتي بالس ي. ي تريما سوروهن توهن بري
ناسوق هاتي. بوکن ي تريما تندا برسونه دتوبوه ساج، يق.

تندا دالم هاتي سائني کا جاري دغۇن كواس روح توهن .
تاءلیه جاري دغۇن سبب لائين . اورغ ماچم نيله ، دى تريما
فوجين درفت توهن ، تاءکىرا فوجين مائنسى .

• اف فائىدە جارى اورغ اوڭام يېھۇرى ؟

باب 3

1

ميسل ، اد اورغ تانڭ كات : اف فائىدە جارى اورغ بىغسا
يېھۇرى ؟ اف فائىدە تريما روکون برسونە ؟

2

اكو جواب كات : تنتو فائىدە اد باپق . ساتو ، توهن لتق بىغسا
يېھۇرى نى بىرى مېمىفي خبر توهن کا سموا مائنسى .

3

فس ميسل ، اورغ تانڭ قول : كالو اد سىتىھە اورغ يېھۇرى ھق تاء
سىر توروت كەندىق توهن ، انتوق بىغسا نى ، توهن نق فوتۇغ
كا راق ، فرجنجىن نى دغۇن فوق يېھۇرى ؟ تنتو تاءلىه !

4

فركتائەن توهن تىتىق سمات . ولۇ فون مائنسى سموا بولىيە بوھوغ ،
تافى توهن تاءبوھوغ . سروف اد ايات دالم كتاب كات :

يا توهنلىكى ! سموا اورغ معاڭو كات ، بىنر سوڭۇھە
فركتائەن مو . تاءدار سىاپ بولىيە كات توهن سالە !

5

فس ، ميسل اد اورغ نق بحس لاكى ، كات : مائنسى كىت بىناس
بوات سالە سىعمرۇ . كالو دغۇن كىلاھەن كىت ، اورغ لائين بولىيە
نمۇق كەھور چىرى لاكى ، كات ، توهن بىتول ، فس ساپىت تو ،
اورغ فاكت فوجىي کا توهن ، مولىق كارق ، توهن نق جاتوه
حکوم کا كىت ؟ نمۇق تاءمولىق ! اينىلە فركتائەن اورغ بحس ساج .
تافى اكى جواب : تاءلىه كات بالس تو ! بىلا كىت بوات سالە ،
توهن مىستىي کا عادىيل ، مىستىي کا جاتوه حکوم . كالو دى تاءعادىيل
نى تاءلىه جاري حاكم اتس سموا مائنسى ، بوكن ؟

6

فس ميسل اورغ بحس تانڭ قول : ميسل ، كىت بوھوغ ، فس دغۇن
سبب كىت بوھوغ تو ، اورغ لائين نمۇق كات ، توهن تاءبوھوغ .

7

فس، کهور فوجي کا توهن لبیه فد دلو. کالو گیتو، سبب اف توهن نق جاتوه حکوم کات کیت اورغ بردوسا؟ اورغ بحس تاث. تافي اکو فولوس نق جواب: کالو مو فهم بالس تو، سروف کات مولیقله کیت بوات جاهت، کران نق بزی مولیق کوء رافن! فیکیران بالس نی ساله سعات. تافي اد اورغ کات، اکو فولوس روق معاجر اورغ بالس تو. دق سکالی! فواق هق چرچ کا اکو بالس تو، نق کا حکوم برت هق سوغ فاتوت.

8

سموا مائنسی دوق دالم فرینته هوا نفسو نی

کالو گیتو، میسل اد اورغ تاث لاکی: کیت اورغ یهوری، اد کا دق فاءیده کا بعسا کیت سنديري، لبیه فد بعسا لاءین؟ اکو فولوس جواب: تاءاد! اکو سوده تنحوق رعن پات، کات، سموا مائنسی دوق باوه فرینته نفسو جاهت هق ری. اورغ یهوری رعن بعسا لاءین ۲ فون سروف.
اد ایات دالم کتاب کات:

9

اورغ هاتی بتول، تاءاد سئورغ هابوق.
تاءاد اورغ بولیه ارتی حال توهن. تاءاد سیاف نی نق چاری توهن. سموا اورغ فالیغ کی کوء جالن لاءین ده،
جاري فونه هابیس، توهن کات.
اورغ بوات بائیک تاءاد. فرکتائن هق توبیت دمولوت
نی، اد بھیا، سروف لیاغ هق اورغ تاء کمبوس لاکی.
لیده نی سبوت فرکارا بوهوغ سعمور. فرکتائن نی بیسا
نق بوات خیانة کا اورغ.

10

11

12

13

14

15

16

نی سوک ماکی اورغ بزی ساکیت هاتی.

کالو اد فلواڠ فون، نی بونوہ اورغ سلالو.

مان ۲ جالن نی لالو، نی بوات خیانة کا اورغ، بزی اورغ

سوسه هاتي ساعت .

نق دوق سنغ دغن اورغ تاء ليه .

کا توهن فون نی تاء تاکوت لغسون .

ایات ۲ هق کيت باج دالم كتاب سائني ، سبوت حال اورغ بعسا يهوي ، هق تريما ده حکوم ۲ توهن دالم كتاب . جاني فوق نيله هق کنا توروت سموا فرکارا هق توهن سوروه دالم كتاب نی . توجوان توهن ، ری نق بري سموا اورغ کاتوف مولوب ، دوق سيف ۲ ، تاء ليه کات تاء ساله ، سبب سموا اورغ اد ساله بلاک . بگitolه ، کيت بوليه تاهو کات ، سموا اورغ دننيا ساله ، فاتوت توهن کنا جاتوه حکوم اتس نی .

سسوغکوهن ، ماءنسی کيت تاء ليه توروت سموا حکوم ۲ توهن ، انتوق نق بري توهن کات ، کيت تاء ساله اف ۲ . تننتو تاء ليه . تافي دغن سبب حکوم ۲ تو ، ماءنسی کيت بوليه تاهو ستارا مان ساله هق کيت بوات .

اد جالن ماءنسی بوليه جاني تاء ساله دفنداخن توهن

تافي لاني توهن بري پات ده کات ، اد جالن ماءنسی بوليه جاني تاء ساله دفنداخن ری ، تاء سروف دغن جالن توروت حکوم حکوم دالم كتاب . كتاب سموا نبي ۲ اد سبوت حال جالن نی جوگ . توهن نق بري اورغ بعسا مان ۲ فون جاني تاء ساله دفنداخن ری ، کوء جالن فرچاي ، یاًيت فرچاي دغن عيسى المسيح . بعسا مان ۲ فون سروف دفنداخن توهن .

کران سموا اورغ اد دوسا ، سقکنچ جاوه درد کمليان هق توهن نق بري کا ماءنسی .

تافي توهن کسياغ بلس سمات ۲ . ری تورون رحمة اتس ماءنسی ، جاري هديه ، بري اد جالن بوليه کات ماءنسی کيت تاء ساله

17

18

19

20

21

22

23

24

ده. کیت بولیه لفس فد حکوم توهن اتس دوسا، دغن کران عیسو المسیح.

25 سبب توهن جاتوه حکوم اتس عیسو المسیح، بی ری قربان پاوا بی گنتی کیت. کیت هق فرچایی فرکارا نی، نق بولیه امfon سموا دوسا. بالس تو، توهن تنحوq کات بی عادیل. ماس دولو، توهن دوق صبر، تا جاتوه حکوم اتس مائنسی کیت. تافی لانی، بی تنحوq بی نمفق کات، بی توهن بیع عادیل سوگکوه. فس، بی بی نمفق کات، کیت هق فرچایی کا عیسی، تا ساله ده رفنداغن بی.

جالن سا ساج، یاءیت جالن فرچای

27 کالو گیتو، اد کا دنق سبب بی کیت بسر کا دیری، کات تا ساله تو؟ تا اد. کران بوکن سبب کرج کیت بوات، هق توهن کات کیت تا ساله، دق! تافی سبب کیت فرچای ساج. سابیت تو، تا اد سبب کیت بولیه بسر کا دیری.
کران اد ساتو جالن ساج، هق بولیه توهن کات مائنسی تا ساله ده رفنداغن بی، یاءیت جالن فرچای، بوکن جالن توروت حکوم ۲ توهن ده.

29 بگالی اد اورغ یهوری هق سغک کات، توهن دیاله توهن هق بحسا یهوری ساج. بی تافهم که، کات، توهن سا ساج اتس سموا مائنسی، اتس سموا بحسا؟

30 فس سابیت بی سا تو، توهن اد جالن سا جوگ، هق بولیه کات مائنسی تا ساله رفنداشن بی، یاءیت جالن فرچای، بحسا یهوری کران بی فرچای، بحسا لاین ۲ کو جالن فرچای جوگ.
31 بگالی اورغ نق کات: تاکوت دغن جالن فرچای نی کیت نق تولق تا فاکی حکوم ۲ توهن. دق! بوکن بالس تو. سسوگکوهن کیت ستوجو دغن حکوم ۲ توهن، نق فکه بی کهور قواه لانی.

نبی ابراهیم جانی چنتوہ انتوق کیت

باب 4

ماری کیت فرھاتی کلیه کا نبی ابراهیم، تو نینیق اورغ یہوی کیت۔ سوگنکوہ کا نق، توهن نمفق ابراهیم تاء سالہ رعن کران ری بوات ایکوت حکوم ۲ هق توهن سوروہ؟ تاء سوگنکوہ! کالو توهن نمفق ابراهیم تاء سالہ ده، دغن کران ابراهیم بوات توروت سموا حکوم ۲ توهن تو، تنتو ابراهیم بولیه بسر کا دیری ری، بوکن؟ تافی ابراهیم تاء اد اف سکارا هق بڑی دی سبب بولیه بسر کا دیری رافن توهن، سروف اد ایات دالم کتاب کات:

ابراہیم فرچای کا توهن۔ سبب نیله توهن کیرا کات ابراهیم تاء سالہ ده رفنداغن ری.

میسل سئوغر ماری اوفہ کیت بوات کرج۔ بیلا سودہ کرج تو، اوفہ کیت تاء لیه کیرا کات هدیه۔ اوفہ تو هق سوغ فاتوت دغن هق کیت کرج۔

تافی ما نسی دغن توهن بوکن بالس تو۔ توهن تاء بڑی ما نسی، بوات کرج انتوق رافت بالسن۔ توهن سوروہ کیت فرچای، فد دی هق یعن اد کواس بڑی اورغ سالہ جانی بتول۔ بیلا کیت فرچای بالس تو، توهن کات، کیت تاء سالہ ده رفنداغن ری۔

نبی راء ور فون سودہ کات اورغ هق براونتوغ سوگنکوہ، یائیت اورغ هق توهن کات تاء سالہ ده، دغن کران اورغ تو توروت جالن فرچای۔ بوکن دی توروت جالن بوات کرج اف ۲ فون۔

نبی راء ور سبیوت دالم کتاب کات:

براونتوغله اورغ هق توهن امفون ده کسلاهن ری، اورغ هق توهن هافوس هابیس دوسا ۲ دی۔ براونتوغله اورغ هق توهن تاء کیرا روسا دی باپق مان ۲ فون!

1

2

3

4

5

6

7

8

اورغ هق نبي راءور کات براونتoug سا'ني، فواق مان؟ اورغ
يهووي هق برسونة تو ساج که؟ نق! نې سبوبت حال اورغ هق
تا' برسونة جوگ. نبي ابراهيم هق کيت رویت سائيني، جاري
چنتوه انتوق کيت جوگ. توهن کات ابراهيم تا' ساله ده نغن
کران ابراهيم فرچاي ساج.

فيکيرله سبنتر! فد ماس تو، ابراهيم برسونة ده کارق لاكى?
نق، نې تا' برسونة لاكى.

نغن کران ابراهيم توروت جالن فرچاي، توهن کات ابراهيم
تائساله ده. لفس تو فول، بارو توهن بري نې برسونة، جاري
تندا کات نې تا' ساله ده دفنداغن توهن. توجوان توهن، نق
برى ابراهيم جاري توء نينيق کا سموا اورغ هق توروت جالن
فرچاي، فس ساپيت تو، نې تائساله ده، ياءيت بعسا لاءين^۲
هق تا' برسونة، سکالي نغن اورغ يهووي هق برسونة ده ،
تافي هق توروت جالن فرچاي کاتيق، ايكوت چنتوه توء نينيق
نې، نبي ابراهيم، هق فرچاي دولو لاكى فد نې برسونة تو .

فرجنجين توهن کا ابراهيم سمفی کا کيت لاني

اد فساک هق توهن جنجي نق بري کا ابراهيم، سمفی کا
سموا انق چوچوري، ياءيت توهن نق بري نې فرينته اتس
سموا دنيا، ماس کوء رافن. توهن جنجي نق بري فساک نې ،
بوکن سبب ابراهيم توروت سموا حکوم^۲ دالم کتاب ، تافي
سبب ابراهيم فرچاي ده، فس ساپيت تو، توهن کات نې
تا' ساله .

کالو ماءنسىي بوليه تريمما فساک تو کوء جالن توروت حکوم
دالم کتاب ، سروف کات، تا' ار فا'يده ، جالن فرچاي تو.
فس ، سروف توهن برجنجي ماءين^۲ ساج . تافي نق ! توهن
تورون حکوم^۲ دالم کتاب ، توجوان نې ، نق بري ماءنسىي کابر

کات توهن نق مرک دغۇن اورغ ساله حکوم تو. فس کالو تا¹⁴ار حکوم، تنتو اورغ تا¹⁵لیه لغىر حکوم تو، بوکن؟ سابىت نيله، توهن برى فساڭ هق دى جنجى تو كا برگىتىغ فد جالن فرچاي، نق جامىن كات، فساڭ هق توهن برى رغۇن كاسىيە تو، نق بولىيە كا سموا اورغ هق جادى كتۇروننى نېي ابراھيم، بوکن كا ساتو بىغسا هق توروت حکوم ۲ دالم كتاب ساج تافىي كا ماءنسىي مان ۲ هق فرچاي كا توهن سروف نېي ابراھيم. كران دى جادى توء نىنېيق سموا اورغ هق فرچاي. اىكوت ساتو ايات دالم كتاب، توهن كات كا ابراھيم:

اكو لتق مو جاري توء نىنېيق ماءنسىي باپق بىغسا.

هق توهن جنجى تو مستىي كا جارى. كران توهن هق ابراھيم هارف تو، اد كواس برى اورغ ماتىي هيىدوف كلىق. يى بولىيە برى فركلارا هق تا¹⁶ار، جارى اد. سوغىگوھ فون ابراھيم تا¹⁷اد هرافن نق بولىيە انق، تافىي دى تا¹⁸ فوتوس فرچاي، كات، دى نق جارى توء نىنېيق باپق بىغسا، اىكوت فرجنجىن توهن كا دى، كات:

مو نق دافت كتۇروننى باپق، سروف بىنېتىغ دلاغىت.

فدى ماش تو، ابراھيم عمور دى رىك نق سەمفي سراتوس تاھون دە. دى تا¹⁹ كىرا كات توبوه دى توا دە، تا²⁰ فيكىر كات سارە، بىنې دى، تا²¹ بولىيە انق كران دى مندول، دىق!

ابراھيم تا²² فوتوس فرچاي، فس دى تا²³ شك هاتى حال فرجنجىن توهن تو. سبب تولە دى كەھور فوجى توهن، كەھور قواة فرچاي، كران دى يقين كات، توهن اد كواس بولىيە برى سەمنى فرجنجىن دى. فس سبب ابراھيم فرچاي سەمفي سكت تو، توهن فون كىرا كات ابراھيم جارى اورغ هق تا²⁴ ساله دەنداغن توهن.

16

17

18

19

20

21

22

- فركتائن توهن ساءني : توهن فون كيرا كات رى اورغ هق تائلله 23
 تو، توهن بري بوگن کا ابراهيم ساج ،
 تاغي رى بري کا کيت گاتيق، هق فرچاي کا توهن، هق بري
 عيسى، رئي کيت، هيڊوف کليق. دغۇن کيت فرچاي بالس تو، 24
 توهن کات، کيت تاء ساله ده دفنداغن نېي.
 کران دوسا ۲ کيت، عيسى کنا حکوم بونوھ. فس انتوق بري کيت
 تاء ساله دفنداغن توهن، عيسى هيڊوف کليق سمولا. 25

باب 5 کيت بوليه برهوبوغ جاري بايک دغۇن توهن سمولا.

- لاني کيت تاء ساله ده دفنداغن توهن ، کران کيت فرچاي دغۇن 1
 رئي کيت ، عيسى المسيح . سبب نيله ، کيت بوليه برهوبوغ
 بايک سمولا دغۇن توهن .
- جاري عيسىو المسيح نيله هق سوده بري کيت بوليه برهوبوغ 2
 دغۇن توهن بالس نېي ، بوليه تريما رحمة . لاني کيت بوليه فوجي
 توهن دغۇن سوگ هاتي ، کران کيت دوق ايٺت کا فركارا يېھ مليا ،
 هق توهن چادغ تاروه نق بري کا کيت .
- فس لاگي ، کيت بوليه فوجي توهن دغۇن سوگ هاتي ، کران سموا 3
 کسوساھن کيت جوگ . سبب کيت تاھو ده ، کات ، دغۇن
 کسوساھن نېي ، توهن نق اجر کيت بري برديري تکف .
- دغۇن بري کيت برديري تکف نېي فون ، توهن سوده تېغۇق ده 4
 هاتي کيت کات موليق ، کران رى نق بري کيت هارف کا نېي
 سمات ۲ . فس هرافن کيت نېي تاء سيا ۲ . کيت بوليه هارف بالس
 نېي دغۇن سبب کواس روح توهن ، هق نېي چوچور تورون کا
 هاتي کيت ، نق بري کيت کابر سعمور ، کات ، توهن کاسېھ کا
 کيت سموا .
- کران بيلا سمفېي کا ماس هق توهن سوده لتق دولو، يائیت فد 5
 ماس کيت تاء ليه تولوغ ديري کيت سنديري ، ولو کيت دوق درهاڭ

کا توهن سکالی فون، توهن بري جوک عيسو المسيح قربان پاوا
کنتی کيت.

میسل، اد اورغ هق هاتی بتول، هق سموا اورغ حرمة. ولو اورغ
حرمة کا ری فون، تنتوله تاء اد سیاف ریلا سره پاوا، ماتی
کنتی اورغ هاتی بتول تو. فس، سئورغ لاکی، بوات بائیک، هق
سموا اورغ کاسیه. بعکالی اد ساتو اورغ ریلا قربان پاوا، ماتی
کنتی اورغ تو.

تافي ایغتلہ! ستارا مان توهن تنحوق کاسیه کا مائنسی کيت،
اورغ بردوسا. تکه کيت دوق درهاک کا توهن لاکی، المسيح قربان
پاوا، ماتی کنتی کيت.

کالو المسيح قربان پاوا نیا، بري بولیه توهن کات کيت تاءساله
ده، تکه کيت دوق درهاک بالس تو، لبیه ۲ لاکی ماس کوء دافن،
کيت هق تاءساله ده، نق بولیه لفس درف دمرک توهن، دفن
سبب المسيح تو.

کران تکه کيت جاري سترو دفن توهن لاکی، توهن بري کيت
بولیه فالیغ کلیق برھوبوغ باءیک دفن نی سمولا، دفن کران
انق ری ماتی تو. تنتوله لبیه ۲ لاکی، کيت هق برھوبوغ ده
دفن توهن، نق بولیه تریما سلامت فد ماس لانی، دفن کران
عیسی دوق هیدوف سلام ۲ تو.

فس اد سکارا لاکی. عیسی المسيح، ربی کيت، بري کيت بولیه
فوچی توهن دفن فنوه سوک هاتی، کران عیسی سوده بري
کيت بولیه برھوبوغ جاري باءیک سمولا دفن توهن.

دوسا مائنسی ماری دمان؟

مول ۲ دوسا تیمبول دالم دنیا دمائنسی ساتو اورغ ساج،
یائیت توء ادم. لفس تو، حکوم ماتی فون تیمبول ماری، سبب
دوسا توء ادم ساءنی. فس تو، کسموا مائنسی کنا ماتی، کران

7

8

9

10

11

12

ماءنسى سموا تو اد دوسا رفنداغن توهن .

13 سسونغكوهن، بلوم فد توهن تورون حکوم ۲ کا نبی موسى لاكى، دوسا اد ده. فس ماس تو، اورغ بوات دوسا، تافي توهن تا، كيرلا ساله حکوم دالم كتاب.

14 ولو بالس تو فون، جق دناس توء ادم، هيڭك سمنى کا ماس نبی موسى، ماءنسى سموا تا، لفس فد حکوم ماتي. اورغ هق بوات دوسا لائين فد هق توء ادم بوات دوسا فون، کما ماتي جوگ.

ادم دغۇن عىسى

تۆء ادم جاري سروف چنتوه برى كيت فهم حال سئورغ هق ماري بلاڭق فد رى، يائىت عيسى المسيح.

15 تافي كدوان تا، سروف. فركارا هودوھ ۲ هق تورون کا ماءنسى كۆء توء ادم، لائين دغۇن رحمة هق تورون کا ماءنسى كۆء عيسى. كيت تاهو ره کات، دغۇن سبب توء ادم ساتو اورغ بوات درهاك، يى بوات برى سموا اورغ کا تريمما حکوم ماتي. تافي توهن تورون رحمة رى، بسر لاكى فد درهاك تو، نق برى رحمة رى سمنى کا سموا اورغ، دغۇن سبب ساتو اورغ جوگ، يائىت عيسى المسيح.

16 سموا اورغ کا حکوم ساله کران توء ادم سئورغ بوات ساله. تافي رحمة هق توهن تورون تو، لائين. يى برى اورغ هق بوات ساله باپق جاري تا، ساله رفنداغن رى، تا، کا حکوم ماتي، دغۇن کران عيسى سئورغ تو.

17 ساتو اورغ بوات دوسا، يى برى سموا ماءنسى دوق باوه حکوم ماتي. تافي تنتو هق عيسى المسيح بوات بسر لاكى، کران سموا اورغ هق تريمما رحمة توهن هق تا، ساله ره رفنداغن رى، توهن برى فوق يى هيدوف سلام ۲، فس بوليه فرينته سكالي دغۇن عيسى المسيح.

کالو گیتو، کیت تاهو ده کات، توء ادم لغکر حکوم توهن. سبب تو، مائنسی سموا دوق باوه حکومن توهن، سروف توء ادم خوگ. تافي عیسی بوات بري سمفرن سموا هق توهن سوروه. سبب تو، کیت سموا بولیه لفس فد حکوم ماتی، بولیه هیدوف چارا بارو کران عیسی.

18 توء ادم دره اک کا توهن. سبب تو، باپق اورغ کا تعکوغ ساله دفنداغن توهن. تافي عیسی طاعة کا توهن. سبب تو، باپق اورغ جاري تاء ساله ده دفنداغن توهن.

چارا حال حکوم ۲ توهن دالم کتاب

20 توجوان توهن تورون حکوم ۲ دي، نق بري مائنسی کیت مغاکو کات، کھور تاهو حکوم، کھور هاتی کیت براں نق لغکر حکوم تو. سوڠکوه فون مائنسی دوق بوات دوسا، کھور باپق، کھور باپق، تافي رحمة هق توهن تورون کا مائنسی، کھور باپق لاکی فد تو.

21 سسوڠکوهن دولو، مائنسی کیت سموا دوق باوه فرینته نفسو ۲ جاہت بلاک. سود سکالي کا ماتی. تافي توجوان توهن، دي نق بري مائنسی کیت هق فرچای کا عیسی المسيح، ربی کیت، دوق باوه فرینته رحمة دي. سود سکالي تو، کیت تریما هیدوف چارا بارو، نغن کران کیت تاء ساله ده دفنداغن توهن.

روکون مندي بفتیزما ار معنا

باب 6

1 سموا فرکارا هق اکو رویت نی سوڠکوه. کالو بالس تو، کیت نق هیدوف کوء جالن مان لانی؟ کیت دوق کاچع نق بوات دوسا لاکی که، نق بري توهن تمبه کھور باپق لاکی، رحمة دي کا کیت؟ جاغن بوات بالس تو! کیت لفس ده درف فرینته طبیعة هق بر دوسا، سروف اورغ ماتی ده. نق کی بوات

2

3

رسوسا با اف فول ؟

فس روکون مندی بفتیزما تو، معنا ری مو ایشت کا لق ؟ معنان
بیلا فوق کیت سموا تریما روکون مندی تو، جاری تندا کات
کیت توروت جالن عیسیو المسيح. معنان، بیلا عیسی ماتی ره
تو، سروف کیت ماتی کا حکوم سکالی نغن ری.

فس معنا ری اد لاگی. جاری تندا کات کیت کا بوبوه دالم
قبور سکالی نغن المسيح. توجوان توهن باف کیت، ری نق
بری کیت هیدوف کوء جالن بارو لانی، سکالی نغن المسيح
جوگ.

کیت کا ماتی، کا هیدوف، سکالی نغن المسيح

کالو کیت توروت جالن سکالی نغن المسيح، تکه ری ماتی
تو، تنتو له کیت نق بولیه تریما هیدوف چارا بارو سکالی نغن
ری جوگ.

چارا حال کیت ماتی سکالی نغن عیسی تو، کیت تاهو ده کات
طبعیه کیت هق سدیا تو، سوده کا حکوم بونوہ، سکالی نغن
عیسی، دکایو امفت چاپع. توجوان توهن، ری نق بری
هافس هابیس، فرینته طبیعہ بررسا دالم دیری کبت، تاء
بری کیت دوق سروف همب ری ده.

کران بیلا اورغ ماتی بالس تو، ری تاء دوق باوه فرینته طبیعہ
بررسا ده.

کیت بولیه فرچای کات، سبب کیت کا حکوم بونوہ سکالی
نغن المسيح، تنتوله کیت بولیه هیدوف سکالی نغن ری جوگ.
کیت فون تاهو کات، المسيح سوده ماتی، فس هیدوف کلیق
ری تاء ماتی ره، سبب تاء ادار کواس مان ۲ بولیه بری ری ماتی
فول. ری ماتی سکالی ساج، انتوق بری مائنسی لفس فد حکوم
رسوسا. لانی ری هیدوف انتوق توهن ساج. فوق مو فون

6

7

8

9

10

11

سروف تو جوگ. تکه مو دوق هيدوف لاني، مو کنا ايغت کات، سروف مو سوره ماتي ده، مو تاءکا مثنا ده دغن حکوم دوسا تو. لاني مو هيدوف انتوق توهن ساج، سکالي دغн المسيح.

جاغن بري طبيعة بردوسا مرينته دالم ديريمو

لفس فد ني، جاغن بري طبيعة بردوسا دوق مرينته دالم 12
ديرى مو، نق سوروه مو توروت هوا نفسو مو لاكي!

جاغن بري طبيعة بردوسا فاكى توبوه بدان مو، نق بوات هق جاھت. تافي سرهله ديريمو کف توهن، بري دى فاكى توبوه بدان مو بوات هق بايك. کران لاني مو جاري اورغ هق هيدوف کليق ده. 13

سبب توله، طبيعة بردوسا تاءکا مرينته دالم ديرى مو. لاني مو بوليه سلامت دغн رحمة توهن ساج، نق بوليه سلامت دغن توروت حکوم تورات تاءلية. 14

کا جاري همب هق توهن

سبب کيت تاء بوليه سلامت دغн توروت حکوم تورات، 15
تافي بوليه سلامت دغن رحمة توهن بالس ني، موليق کا نق کيت دوق کاچع بوات دوسا لاكي؟ تنتو تاء موليق.

ايغتله! کالو مو توروت ساتو اورغ، بوات اف دى سوروه، معنانش مو جاري همب دى. سابيت توله، مو کنا فيليه، نق جاري همب طبيعة بردوساکه، اتوا نق جاري همب توهن. همب طاعة کا توهن، سود سکالي دى کا حکوم ماتي. همب هق طاعة کا توهن، سود سکالي، دى جاري اورغ هق توهن کات تاء ساله ده. تافي اکو تريما کاسيه کا توهن، کران فوق 17

- مو هق بیاس جاری همب طبیعة بردوسا مو دلو، لانی مو توروت نشن سوگکوه ۲ هاتی، فغا جران یغ بنر، هق مو تریما ده. مو لفس ده درف فرینته طبیعة بردوسا دالم هاتی. لانی مو جاری همب توهن ده، انتوق بوات فرکارا ۲ هق بائیک.
- اکو فاکی فرکتائن موده ارتی، کران مستحق فواق مو فهم فغا جران نی. ماس دلو مو فاکی توبوه بدان مو جاری همب نفسو مو سندیری، انتوق بوات هق کجی ۲ سعمور، رعن سعموا فرکارا هق تاء مولیق. تافی لانی مو کنا فاکی توبوه بدان مو جاری همب کا توهن، انتوق بوات بائیک سعمور، کران نق هیدوف انتوق توهن ساج.
- فدر ماس مو دوق باوه فرینته طبیعة بردوسا دالم هاتی دلو، مو تاء جاری همب توهن انتوق بوات بائیک.
- اف فاء یده فرکارا ۲ هودو هق مو بوات دلو تو؟ لانی، کالو مو ایشت کا فرکارا ۲ تو، مو نق براس مالو سلالو. تاء ادار فاء یده سبب سود سکالی، کنا حکوم ماتی.
- تافی لانی مو تاء جاری همب طبیعة هق بردوسا توده. مو جاری همب توهن، انتوق بوات فرکارا ۲ هق توهن برکن. سود سکالی، مو نق بولیه هیدوف چارا بارو.
- اورغ هق جاری همب طبیعة بردوسا بولیه بالسن هق سوغ فاتوت، یاء بیت حکوم ماتی. تافی توهن هدیه رعن کاسیه، هیدوف یغ کل کفت کیت، رعن کران عیسی المیسح ربی کیت.

باب ۷ حکوم تاء ادار کواس اتس اورغ هق ماتی ده

- ادیق برادیق سموا تاهو ده حکوم ۲ توهن. سبب تو، مو بولیه فهم فرکارا هق اکو نق رویت نی. کیت کنا دوق باوه فرینته حکوم ۲ نی سهیغک ماتی، باروله لفس.
- اد حکوم توهن هق کات، اورغ بتینا کا دوق باوه فرینته توء

لاكى يى. كالو لاكى يى ماتي، اورغ بتينا فون لفس درفدر حکوم تو. تاپې تکه تو، لاكى يى دوق اد لاكى، كالو اورغ بتينا كى دودوق دغن اورغ لاءين، يى بوات زنا، يى ساله حکوم توهن. بيلالاكى يى ماتي ده، اورغ بتينا بوليه كى منياخ دغن اورغ لاءين، تاءليه کات بيرزنا، كران يى لفس ده درفدر حکوم تو.

فواق مو فون سروف تو جوگ. مو لفس ده درفدر حکوم توهن دغن سبب ماتي، ياءپت فد ماس المسيح ماتي، معناث، سروف مو ماتي سکالي دغن يى. فس لاني مو لفس ده، تاءکا دوق باوه فرينته حکوم ۲ سروف هق دولو. مو ماسوق ده دوق باوه فرينته المسيح، هق توهن بري هيديوف كليق ده.

توجوان توهن، يى نق بري فواق مو بوليه بوات جاس باپق انتوق يى.

ماس دولو، بيلالا كيت هيديوف توروت طبيعة ما ئنسى تو، حکوم حکوم توهن بوات بري نفسو جاھت هق كيت كھور اد کواس، هييفگ سمنفي يى بوليه فقسما توبوه بدان كيت، بري بوات فرکارا ۲ هق بوليه جاس انتوق کا ماتي ساج.

تاپې لاني توهن بري كيت لفس توبیت درفدر ليغکوغن حکوم ۲ دولو تو، دغن کران كيت سودره ماتي سکالي دغن المسيح. لاني كيت کا توروت توهن، بوکن دغن جالن هق دولو، ياءپت بوات توروت سموا حکوم هق كيت باچ دالم كتاب، تاپې دغن جالن هق بارو، ياءپت توروت فرينته روح توهن.

اف فايده حکوم ۲ دالم كتاب تو؟

كالو بالس تو، بىگالى اد اورغ کات: حکوم ۲ توهن جاھت! جاغن فيکير بالس تو! توهن فاکي حکوم ۲ بري تو، نق بري ما ئنسى تاهو کات، هاتي يى بردوسا. ميسيل، كالو اکو تاء بياس دغر حکوم هق لارغ تاء بري طمع، هاتي کو تاء تاهو کات

طبع تو جاري دوسا.

8 تافي بيلا اکو دغر ده، حکوم تاء بری طمع تو، طبیعة بردوسا هق اکو فون تیمیول سلالو، بری اکو کهور ۲ نق کا بارغ اوغ. کالو اکو تاء تاهو حکوم نی، هاتی کو تاء کابر کات دوسا.

9 ماس دلوو، بلوم فد اکو دغر حکوم توهن تو، هاتی کو روق سنغ ۲، تافي بيلا اکو دغر ده حکوم تو، سوسهله! سبب طبیعة هق بردوسا سوده تیمیول دالم هاتی، هیلخ هق سنغ سلالو. معناش حکوم ۲ هق بائیک، هق توجوان نی نق بری اکو سلامت، حکوم نیله هق بری هاتیکو کهور ۲ سوشه تروق، سمفی ماتی فون. سسوغکوهن، بوکن حکوم توهن هق بری اکو سوشه، تافي هاتی کو هق بردوسا تو، امبیق حکوم توهن نق تیفو بوات بری اکو کهور سوشه، سمفی کنا حکوم ماتی.

10 11 بالس نیله، کیت بولیه نمیکات، حکوم ۲ توهن نی فرکارا یغ سوچی، سمواں تو سوچی، عاریل، بائیک.

12 13 کالو بالس تو، بااف اکو کات، بارغ بائیک تو بری اکو سوشه سمفی کا حکوم ماتی فون؟ تاءلیه کات بالس تو! هق اکو کات، طبیعة بردوساله هق بری اکو جانی سوشه سمفی کنا حکوم ماتی، دغن امبیق فاکی حکوم ۲ توهن هق بائیک. بالس نیله کیت بولیه تاهو کات هاتی کیت بردوسا، فس بولیه تاهو ستارا مان جاھت هاتی ماء نسی کیت هق بردوسا تو.

اد کواس دالم هاتی هق لاون دغن فرینته توهن

14 کران کیت تاهو ده کات، حکوم ۲ توهن سمواں ستوجو دغن کهندق توهن. تافي هاتی کو سندیری لائين، سلیھیغ دغن کهندق توهن. اکو روق سروف همب، هق کنا توروت فرینته طبیعة بردوسا دالم هاتی کو.

- 15 فرکارا ۲ کهندق کو نق بوات، جاري تاء بوات. فرکارا ۲ هق اکو بنچي تاء سير بوات، اکو بوات جوگ. اکو تاء ليه رویت سبب اف جاري بالس نی.
- 16 کالو اکو بوات هق اکو تاء سير بوات، سبب هاتیکو کات ساله، معنان هاتیکو ستوجو رعن حکوم توهن هق لارغ تاء بري بوات فرکارا تو. بتول بوکن؟ معنان بوکن ديري کو سنديري نق بوات فرکارا تو، تافي طبیعة بردوسا دالم هاتی، هق فقسا بري بوات.
- 17 اکو تاهو ره کات، تاء ار سکارا هق بايك دالم ديري کو، یائیت دالم طبیعة ماء نسي کو. کهندق نق بوات بايك فون اد، تافي تاء ار کواس نق بوات.
- 18 فرکارا مولیق هق اکو نق بوات، تاء جاري بوات. فرکارا هونو هق اکو تاء سير بوات فون، اکو بوات جوگ.
- 19 کالو اکو بوات فرکارا هق اکو تاء سير بوات، معنان بوکن اکو سنديري بوات فرکارا تو، تافي طبیعة بردوسا هق فقسا اکو بوات.
- 20 اد ساتو کواس دوق فرینته دالم هاتی کو. بیلانق بوات هق مولیق، اکو هاله کا هق تاء مولیق.
- 21 فراسان دالم هاتیکو نق توروت فرینته توهن، کات مولیق.
- 22 تافي اد ساتو کواس هق فقسا اکو بوات توروت نی سعمور.
- 23 کواس نیله لاون رعن فرینته توهن، هق اکو مثاکو کات مولیق ساء نی. کواس طبیعة بردوسا دالم ديري کو دوق تکن اکو سعمور.
- 24 جاري بالس نیله. هاتی اکو فولوس نی، برکنن نق توروت فرینته توهن، تافي هق اکو دوق بوات تاء سروف. طبیعة ماء نسي کو سوگ توروت فرینته نفسو جاھت.
- 25 سوسمه سوغکوه اکو! سیاف بولیه تولوغ اکو بري لفس درفه

کواس هق باواء اکو نی کی سمفی حکوم ماتی؟ تریما کاسیهله کا
توهن ، دغن کران عیسی المسيح ، ریتی کیت ! عیسی له هق اد
کواس بري کیت لفس فد فرکارا نی .

باب 8

دالم فرینته روح توهن

- 1 اورغ هق ماسوق فرچای دوق سهاتی سپاوا دغن عیسی المسيح ، توهن کرت سین ده کات نی تاء جاتوه حکوم اتس اورغ تو ، کران کیت هق دوق سهاتی سپاوا دغن عیسی المسيح تو ، دوق دالم فرینته روح توهن ، هق بري کیت هیدوف چارا بارو . سبب توله ، کیت لفس ده درف فرینته حکوم ۲ توهن هق کات ، کالو کیت بوات روسا کیت کنا حکوم ماتی .
- 2 سسوڭوشن ، حکوم تورات تاءلیه تولوغ کیت ، کران طبیعة هق بردوسا دوق فرینته دالم هاتی کیت . تافی توهن هنتر انق بیغ ساتو هق ری ، تورون ماري جاري سورغ ماڻنسی سروف کیت . نی ماسوق دالم فواق کیت ، اورغ بردوسا ، کران نی نق هافوس روسا بري هابیس . توهن جاتوه حکوم سموا روسا اتس انق نی هق جاري ماڻنسی سروف کیت .
- 3 دغن بوات بالس تو ، توجوان توهن نی نق بري کیت بوات توروت سموا فرکارا هق حکوم توهن کات عادیل ، یائیت کیت هق توروت فرینته روح توهن دالم هاتی ، بوکن توروت طبیعة هق بردوسا تو ، دق !
- 4 کران اورغ هق توروت طبیعة ماڻنسی نی ، توجو کا سموا فرکارا هق طبیعة تو سوک ، تافی اورغ هق توروت فرینته روح توهن ، توجو کا سموا فرکارا هق توهن برکن .
- 5 فس اورغ هق توجو کا سموا فرکارا هق طبیعة ماڻنسی نی سوک ، جاري نی کا تریما حکوم ماتی . تافی اورغ هق توجو کا سموا فرکارا هق روح توهن برکن ، جاري ، توهن بري نی

هيدوف چارا بارو دغун سلامت سجهترا.

اورغ هق سوك توروت طبيعة ماء نسي دي ، جاني سترو دغун

تهون ، كران دي تاء توروت فرينته توهن . كالو دي نق توروت

تهون فون تاء ليه ، كران هاله كا طبيعة ماء نسي دي .

اورغ هق توروت طبيعة دي بالس تو ، نق بري توهن بركن

كا دي فون ، تاء ليه .

تافي فواق مو بوكن اورغ هق دودوق باوه فرينته طبيعة

ماء نسي تو . مو اورغ هق دوق باوه فرينته روح توهن ، هق

دوق اد دالم ديري مو . سياف دي تاء اد روح المسيح ساء ني

دوق دالم ديري دي ، تنتو اورغ تو تاء جاري ميليق المسيح .

ولو توبوه بدان مو كا ماتي كران دوسا فون ، تافي كالو مو

سوده تريما المسيح دوق دالم هاتي ، معنانش مو تريما ده

هيدوف چارا بارو . كران لاني توهن كات مو تاء ساله ده .

فس ، كالورح توهن دوق دالم هاتي مو ، تنتوله دغун كواس دي

تهون نق بري توبوه بدان مو هق كا ماتي تو ، هيدوف

سمولا ، سروف دي بري عيسى هيدوف كليق ده .

كيت جاري انق ۲ توهن دغун فساك بيع مليا

دغун سموا فركارا هق اكو رويت ساء ني ، اكو نق بري اديق

براديق فهم كات ، طبيعة ماء نسي كيت تاء ليه بوات سكارا

هق نق بري كيت موليق . كيت تاء كا ترلكت هاتي اف ۲ كا دي !

كالو كيت توروت طبيعة ماء نسي كيت ، تاء ليه اف ۲ ملينكن

ماتي ، تافي كالو كيت تومفع دغун كواس روح توهن ، كيت بوليه

فوتوس درف فركارا ۲ جاهت هق طبيعة كيت سوروه بوات .

بالس توله بوليه هيدوف چارا بارو دغун توهن .

كran سياف دي هق بري روح توهن فرينته دالم هاتي دي ،

اورغ ۲ توله جاري انق ۲ توهن .

- 15 روح توهن هق فواق مو سوده تريما ني، رى تاءُ برى مو جاري همب سروف دولو، هق تاکوت توان رى نق جاتوه حکوم سعمور، نق ! روح توهن نق برى مو فهم کات، مو جاري انق ۲ توهن ، هق بوليه فغکيل توهن : ابَا ! معناش ايه ! ايه !
- 16 روح نيله هق جاري سقسي سکالي دفن هاتي کيت ، کات ، کيت جاري انق ۲ توهن سوڠگوه . کيت هق جاري انق ۲ فون ، بوليه تريما فساک يغ مليا ، هق توهن جنجي نق برى کاسموا انق ۲ رى . فساک نيله کيت بوليه تريما سکالي دفن المسيح . کران تنتوله کيت هق کاسوسه ، کا سيقسا ، سکالي دفن المسيح لاني ، نق دافت کمليان سکالي دفن رى جوگ ، قد ماس دافن .
- 18 فد فيکيران اکو فولوسن ، کسوساهن کيت لاني ، برستارا مان فون ، تاءُ اف . کران ماس کوء دافن ، بيلاتوهن برى پات کا کيت ، کمليان هق رى چارغ تاروه انتوق کيت ، کيت نق براس کسوساهن تو ريفن ساج .
- 19 سسوڠگوهن ، سموا مخلوق هق توهن برى جاري ، اتس دنيا اتوا اتس لاغيت فون ، دوق ننتي ، براس نق برى سمعي باشت ۲ هاري هق توهن نق برى پات ، کمليان هق انق ۲ رى .
- 20 اتس سموا مخلوق تو ، توهن جاتوه حکوم ده ، کات ، رى کا براوبه جاري فونه هابيس . بوکن دفن کهندق . مخلوق تو جاري بالس تو ، دق ! تافي دفن کهندق توهن . تافي سموا مخلوق ني تاءُ کا جاري فونه سروف تو سعمور . اد هرافن هق موليق لاگي . رى نق دافت مليا ، سکالي دفن انق ۲ توهن جوگ .
- 21 فد هاري هق توهن نق برى انق ۲ رى تو لفس سوڠگوه ، درف ده هاري هق توهن توهن سا ئني ، انتوق تريما کمليان رى .
- 22 سموا مخلوق توهن لاني دوق برادرور ، سروف اورغ بتينا دوق ساکيت نق برانق . فس بوکن مخلوق ني ساج ، هق دوق برادرور ، تکه رى دوق ننتي هاري تو . فواق کيت فون ، هق
- 23

سوبه تريما روح توهن ، براس بالس تو جوگ . کيت نق بري سمفي باشت ۲ ، هاري هق کيت رافت ک مليان هق انق ۲ توهن يائيت هاري هق توهن نق بري توبوه بدان کيت سلامت دفن سمفون . لاني توهن بري روح دي دوق دالم هاتي کيت جاري تندا کات تننتو توهن نق بري سمفون سموا فركارا ني .

هرافن يع تننتو

24 لاني کيت دوق ننتي دفن هرافن فنه ، کات ، توهن نق بري سلامت دفن سمفون . کالو کيت دوق هارف نق بوليه ، معناش کيت تاء بوليه لاگي . تاءار سياف دوق ننتي فركارا هق دي بوليه ده .

25 بيلا کيت تاهو دفن تننتو کات ، کيت نق بوليه ساتو فركارا ، هق تاء بياس نمفق لاگي ، هرافن توله بري کيت کاچع ننتي هيغگ سمفي کيت بوليه .

روح توهن جاري فنلوج کيت

26 فس سا لاگي ، توهن بري روح دي جاري فنلوج کيت جوگ ، کران هاتي کيت تاء قواه . ميسيل ، بيلا کيت برعها کيت تاء تاهو بالس مان کتا برعها دفن توهن . ماس تو جوگ ، روح توهن سنديري مينتا رعا انتوق کيت ، دفن سوارا دالم هاتي ، هق ماءنسبي تاء فندي نق سبوت .

27 تافي توهن تاهو سموا فركارا دالم هاتي ماءنسبي . دي برگن فركارا ۲ هق روح دي مينتا تو ، سبب سموا فركارا هق روح توهن مينتا انتوق اورغ هق کاسيه کا توهن ، تننتو ستوجو دفن كهنديق توهن بلاک .

کاسیه سایع هق توهن تاء فوتوس

- اورغ ۲ هق کاسیه کا توهن، هق توهن فشکیل توروت 28
ری، دغن توجوان نق بری سمفرن کھندق ری دالم هیدوفن
اورغ تو، کیت تاھو ره کات، فرکارا مان ۲ هق جاري اتس
اورغ تو، توهن دوق اد سکالی دغن ری، نق بری ری بولیه
بائیک دالم فرکارا تو.
- سموا اورغ نی فون، توهن فیلیه ده دری دولو ۲ لانگی. ری نق 29
بری جاري سروف دغن انق بیغ ساتو. توهن لتق انق بیغ
ساتو ری تو جاري کاکق توا، نق باواً ادیق ۲ سموا توروت
ری کی.
- فس فواق نی، هق توهن برکھندق دولو نق لتق بری جاري 30
انق ۲ ری، تنتو توشن بری کواس کا ری نق توروت توهن
کاتیق. فس اورغ هق توهن بری توروت ری تو، تنتو توهن
کیرا کات تاء ساله ره. فس اورغ هق توهن کات تاء ساله تو،
تهن نق بری کا ری کمليان سروف هق توهن.
- کیت سوده فرهاتی کلیه سموا فرکارا هق توهن بوات انتوق 31
کیت. فس هاتی کیت براس بالس مان؟ توهن دوق سبله
کیت، تاء اد سیاف بولیه منغ کالو بولاون دغن کیت.
- ایقتله! توهن سایع کا انق بیغ ساتو هق ری. تافي ولو 32
ری سایع سکالی فون، ری بری انق ری کنا حکوم برت
گنتی کیت. ساپیت توهن کاسیه کا کیت ستارا تو، تنتوله
ری نق بری سموا فرکارا هق مولیق کا کیت کاتیق، دغن
سبب ری بری ره انق ری تو.
- سیاف ری برانی چاری بوکو نق ادو کیت هق توهن سوده 33
فیلیه؟ تاء اد سیاف برانی، کران توهن سندیری کات کیت
تاء ساله ره. سیاف ری نق جاتوه حکوم اتس کیت لانی؟ 34

عيسى المسيح که؟ دق! دیاله هق یعن کا حکوم ماتی، گنتی کیت. فس هق اد فائیده لانگی کا کیت، بیلا عیسی هیدوف کلیق ده تو، توهن بربی دی نایک کا تمفت هق بولیه کواں فنوه، سبله کانن دی. دسیتو دی دوق مینتا، دعا انتوق کیت سعمور. سیاف ری اد کواں بربی کیت فوتوس درف داسیه سایغ المسيح؟ تاءار افسکارا بولیه بربی کیت فوتوس. کسوساهن دوق تیمغا ماری سکلیلیغ توبوہ کیت، کیت تاءار اره نق کامق، اورغ بوات پاش کا کیت تروق، مکانن تاءار، فکاین فون تاءار. سموا کسوساهن نی تاءلیه بربی فوتوس داسیه سایغ المسيح کیت. کیت دوق دالم بهیا جوگ، بغلالي سمفی ماتی، کا بونوہ فون اد. سروف ایات دالم کتاب سبوت کات:

اورغ دالم فوق کیت، کا بونوہ سعمور، کران دی
کاسیه کا توهن. فس اد اورغ نمفق کیت نی سروف
کمبیغ بیریغ هق بولیه سمبليه.

37 تافي دالم سموا کسوساهن سروف نی، کیت نق منع برجای،
دغن سبب المسيح، هق کاسیه کا کیت!
38 کران اکو یقین کات، ماتی اتوا هیدوف فون، ملاعیکة ۲ اتوا
جین شیطلن فون، کواں مان ۲ دالم دنیا اتوا اخیره فون،
39 منحوق مان ۲ فون دلاغیت اتوا دبوی، تاءار افسکارا بولیه
بری، کیت فوتوس درف داسیه سایغ هق توهن، هق دی بربی
کا کیت دغن عیسو المسيح، ربی کیت!

باب 9 فولوس ایشت کا اورغ یهوری، بقسما دی سندیری

اکو نی جاری میلیق المسيح. سبب توله، اکو تاءلیه
بوهوج. فس لانگی، روح توهن دوق فیمغین هاتی کو، دی بربی
اکو تاهو کات هق اکو رویت نی، هق سوڠکوہ.

35

36

37

38

39

1

یاءیت بیلا اکو ترایافت کا اورغ یہووی، هق جاری راکیئن داره
اکو سندیری، اکو براس دوک چیتا سوغٹووہ. هاتی کو براس
نق فچه، ایافت کا ری تو، هق تائسیر توروت عیسیٰ المیسیح.
اچی بولیه، نق بري توبوہ بدان کو سومفہ دتوهن، بري اکو
فوتوس نغن عیسیٰ المیسیح، اصل بولیه ادیق برادیق کو، هق
جاری سبغسا دغناں اکو، برھوبوغ دغناں توهن. تافی تائلیه!
بغسا اسرائیل کیت نی، جاری بغسا هق توهن فیلیه، نق
بری جاری انق نی. توهن یغ مهاملیا فون توروں دوق رافت
دغناں کیت، بري بغسا کیت بولیه برھوبوغ دغناں نی. نی فون
تورون حکوم تورات کا کیت نی. نی بري کا کیت سموا اتوران
بوات عمل عبادۃ، هق سوغ بولیه سمبہ کا نی. فس، کیت
تریما ده سموا فرجنجین نی، چارا حال جالن سلامت کوء
رافن.

بغسا کیت نی، کتورونن فوق توء نینیق دوا بلس تو. فس
المیسیح هق توهن سوروہ ماری کا دنیا، بیلا نی توروں جاری
مائنسی، نی جاری سئورغ بغسا کیت جوگ. توهن هق دوق
میرینته سکل ۲ نی، فس کیت فون کنا فوجی کا ری سعمور.
سغوتیلہ، امین.

فرجنجین توهن تاء برگنتوغ فد مائنسی

کیت تائلیه کات، لانی توهن تاء سیر بري هق نی جنجی
دولو تو، دق! کیت کنا ارتی کات، اورغ هق توهن فیلیه
جاری میلیق ری تو، بوکن سموا بغسا اسرائیل، دق!
سروف تو جوگ، بوکن سموا کتورونن نی ابراهیم هق بولیه
فساگ سباگی انق ۲ توهن. ماس دلو، توهن رویت کا نی
ابراهیم، کات: انق چوچو اسحاق ساج، هق اکو لتق نق
بولیه تریما فساگ مو!

معناث فوق هق توهن فغکیل انق دی ، بوکن سموا کتورون
ابراهیم کوء داگیع داره دی ، دق . تافي سموا اورغ هق تورون
کوء جالن فرجنجین توهن ساج .

کران بیلا توهن ماری رویت کا ابراهیم ماس دولو ، چارا حال نق
بولیه انق ، دی کات : بیلا سمفی ماس اکو جنجی ، اکونق ماری
فول . فد ماس تو فون ، ساره نق برانق انق جنتن !

فس بوکن رغن ساره ساج . بیلا ربیقه ، بینی توء نینیق کیت
اسحاق تو ، برانق کمیر ، توهن رویت کا دی ، بلوم فد دی
برانق لانگی کات : انق سولوغ مو نق فغکیل کا ادیق دی توان !
ماس توهن رویت بالس تو ، دوا برادیق تو تاء برانق لانگی ، تاء
بوات اف سکارا لانگی ، باءیک اتوا جاھت . توجوان توهن نق
بری تنتو کات : دی نق فیلیه مان ۲ سئوڠ ، هق دی جنجی
دولو ، ایکوت کھندق دی . جاری سابیت توهن سوروه اورغ
توروت دی ، بوکن سابیت اف ۲ اورغ تو بوات ، دق !

اینیله معنا هق توهن رویت دالم کتاب ، کات : یعقوب هق
ادیق تو ، اکو کاسیه . عیسو هق کاکق تو ، اکو تاء کاسیه .

نمیق سروف توهن تاء عادیل فیلیه اورغ بالس تو

هق توهن بوات بالس تو ، نمیق سروف دی تاء عادیل ،
تافي کیت تاء لیه کات بالس تو .
دغره له فرکتائی توهن کا نبی موسی دولو :

اکو اد کواس بولیه تنجووک کاسیه سایع کا سیاف ۲ فون
ایکوت کھندق کو ! توهن کات . فس اکو کسیاڭ بلس کا
اورغ مان ۲ فون ، ایکوت کھندق کو .

بالس توله کیت بولیه ارتی کات ، نق فیلیه اورغ مان بولیه
سلامت تو ، تاء برکتیوغ رغن کھندق ما ئنسی ، اتوا دغۇن

8

9

10

11

12

13

14

15

16

فریواتن مائنسی فون، تافي برگتتوغ دغن کاسیه سایغ هق توهن ساج.

17 فس فرکتائن توهن دالم کتاب اد سا لاکی. توهن رویت کا فیرعون، راج مصیر دولو، کات:

اکو لتق مو بري دودوق دتمفت مو، هیچگ سمفی
ماس لانی. سبب نیله، اکو نق بوات کا توبوه بدان
مو، بري اورغ نمفق کواس کو، توهن کات. فس اکو
نق بري مشهور سرات دنیا حال نام اکو توهن نی.

18 سکت نیله چوکوف بري کیت ارتی کات، توهن کسیاغ بلس
کا اورغ اتوا نی بولیه بري اورغ کرس هاتی لاکی، ایکوت کهندق
ری.

باءاف توهن حکوم ساله کا کیت؟

19 بعکالی اد اورغ نق تاش فول: کالو مائنسی تاءلیه لاون
کهندق توهن، باءاف توهن حکوم ساله کا کیت؟

20 اکو فولوس کات: هي مائنسی! مو تاءسوغ فاتوت کیچیق
بالس تو. مائنسی مان برانی بحس دغن توهن؟ کالو بندیغ،
بارغ هق توکن بوات، تاءلیه تاش توکن: باءاف توکن بوات روف
کو بالس نی؟

21 توکن هق بوات مغکوق فیچکن، اد کواس امبیق تانه لیات نق
بات ایکوت سوگ ری. نی بولیه امبیق ستوگکول تانه بوات
فیچکن دوا بوتیر. سبوتیر مولیق، تاروه فاکی هاری رای،
سبوتیر لاکی تو، کاسر سیکیت، بولیه بوات فاکی هاری ۲.

22 فس توهن بولیه بوات مائنسی کیت ایکوت سوگ ری، سروف
توکن دغن مغکوق فیچکن سائني جوگ. اد مائنسی هق تاء
ترفاکی. توهن کهندق نق بري نمفق مرک ری، نق جاتوه

حکوم کا فواق نی . ری نق بری تاہو کواس نی ، تافی بری صبر ،
ری تاء جاتوہ حکوم سلالو ، دق ! کران ری نق بری تاہو جوگ
حال کمليائن ری بیغ لبیه ۲ تو ، هق ری نق تورون کا ماءنسی ،
یاءیت کیت هق توهن کسیاغ بلس ، هق ری لتق دولو ۲ لاگی
انتوق تریما کمليائن ری تو .

فواق کیت له ، هق توهن سوروہ توروت نی ، بوکن اورغ بحسا
یہمونی ساج ، دق ! اورغ بحسا لاءین ۲ فون ، توهن فیلیہ جوگ .

توهن سودہ رویت حال کجارین نی دلو دالم کتاب نبی ہوشیا
کات :

فواق هق تاء جاری میلیق کو ، اکو نق لتق جانی
میلیق کو ، توهن کات . فواق هق اکو تاء کاسیہ دلو ،
لانی اکو نق بری جانی فواق هق اکو کاسیہ .

فس دتمفت هق توهن بیاس کات : فواق مو بوکن
میلیق کو ، دتمفت تو جوگ ، توهن هق اد کواس بری
ھیدوف سلام ۲ ، ری نق لتق فواق تو بری جانی
انق ۲ ری !

نبی یعشیا بیاس سرو حال بحسا اورغ اسرائیل کات :

اورغ اسرائیل باپ سروف فاسیر دفتی ، تافی اورغ
دالم فواق نی هق نق بولیہ سلامت ، سیکیت ساج .
کران بیلا سمفی ماس نی ، توهن نق جاتوہ حکوم رعن
سکلیف مات ، سلالو ، اتس ماءنسی سرات دنیا .

هق نی فون جانی سروف نبی یعشیا رویت دلو جوگ ، کات :

کالو توهن بیغ مهاکواس تاء ادار کسیاغ بلس کا کیت ، بری
اورغ سیکیت ۲ سلامت ، نق بولیہ کتورون

تنتو بغسا کيت کا حکوم سروف بندر صودوم دغنا
بندر گموره، هق توهن هافوس بري هيلع هابيس تو!

بغسا اسرائیل براں نق سلامت کوء جالن لاءین

فس کيت نق ارتی توجوان توهن بالس مان؟ جاني بالس
ني. بغسا لاءین ۲ هق تاہو جالن نق بري برھوبوغ جاني
باءیک دغنا توهن، فواق ۲ نيله، توهن بري بوليه برھوبوغ
جاری باءیک دغنا ری کوء جالن فرچایي کا عيسیي المسيح. 30

تافي بغسا اسرائیل هق توهن سوده فيليه تو، نی راجين
چاري جالن نق بوليه برھوبوغ جاري باءیک دغنا توهن، دغنا
توروت حکوم اوکام سموا، تافي چاري بالس تو، تاہ تو. 31

سابیت اف ری تاہ تو؟ سابیت ری هارف دوق توروت سموا
حکوم اوکام تو، نق بوليه سلامت. ری تاہ سیر فرچایي کا عيسیي
المسيح. فس نی سنتوک دباتو هق توهن لتق تو. 32

سروف اد ایات دالم کتاب هق کات: 33

فرهاتي باءیک ۲ له، توهن کات. اکو سوده لتق ساتو
باتو هق بسر، دتغه جالن کوت صيون. باتو نی نق
بری سنتوک اورغ ۲ لالو، نق بري ری ریه. تافي اورغ
هق برديري اتس باتو تو، هرافن نی کجت سوڠکوه،
نی تاہ جاتوہ.

بغسا اسرائیل تاہ فهم جالن هق توهن لتق

باب 10

يا اديق براديق کو! اکو دوق مينتا دغنا توهن، دغنا
سوڠکوه ۲ هاتي، بري بغسا اکو، اورغ اسرائیل بوليه سلامت
کاتيق. اينيله کهندق هاتي کو! اکو بوليه رویت کات سوڠکوه، 1

اورغ اسرائیل راجین بوات عمل عبادۃ نق بڑی توهن برکتن کا
ری، تافی هق نی بوات تو، بوکن هق توهن سوروہ سوٹگوہ.
3 جانن هق توهن لتق، نق بڑی نی بولیه کات مائنسي تاءسالہ
تو، فواق نی تاءفهم، تاءتاهو. ری توروت جانن لائین، هق
ری سنديري. ری تاءسیر توروت جانن هق توهن چارغ کا ری.
4 جانن کا توروت حکوم ۲ دالم تورات، انتوق نق بولیه سلامت
تو، المسيح بوات بڑی لیسوس ده. لاني اورغ هق توروت
جانن فرچای کا المسيح تو ساج له، توهن کات تاءسالہ ده
رفنداغن ری.

تاءار سیاف هق توهن تاءسیر بڑی سلامت

نبی موسی رویت حال نق جاری تاءسالہ رفنداغن توهن
کو، جانن توروت حکوم ۲ دالم کتاب. ری کات:
5

{ کالو بولیه توروت حکوم ۲ تو ہابیس بلاک، تنتو بولیه
ھیدوف رعن سلامت . }

تافی نق جاری تاءسالہ کو، جانن فرچای کا عیسیٰ تو، اد اپات
کات بالس نی:
6

{ جاغن مو فیکیر دالم ہاتی، سیاف ری بولیه نائیک کا شرگ؟ }

یاءیت سروف مو سنديري کا نائیک امبیق المسيح تورون ماری،
نق! فس ایات تو کات لائیک:
7

{ جاغن مو کات: سیاف ری بولیه تورون کا عالم موت؟ }

یاءیت سروف مو سنديري کا تورون امبیق المسيح نائیک درفت
تمفت ماتی تو. هق تو فون نق جوگ!
8 هق بتول سوٹگوہ بالس نی:

خبر هق توهن تورون کا فواق مو، تاء کا کي چاري
جاءه ۲۵، نق! خبر نبي دوق اد دالم مولوت مو ده،
فس سمنفي کا هاتي مو گاتيق.

يائيت خبر کات مو بوليه سلامت رعن فرچاي، خبر هق فواق
اكو کي دوق معاجر رات. ۲

معنان، کالو مو مفاکو رعن مولوت کات، عيسى دیاله ربی،
فس، کالو مو فرچاي دالم هاتي کات، توهن بري عيسى هيدوف
کلیق، تنتو مو نق بوليه سلامت. 9

کران کيت فرچاي دالم هاتي بالس نبي، فس توهن رویت کات:
اورغ نبي تاء ساله ده دفنداخن اکو، توهن! فس بیلا کيت مفاکو
رعن مولوت بالس نبي فون، توهن رویت کات: اورغ نبي بوليه
سلامت ده! کتاب توهن رویت بالس تو جوگ، کات: 10

اورغ مان ۲ هق فرچاي کا رې، هرافن اورغ تو تاء سيا ۲.

اورغ بفسا مان ۲ فون، تاء کيرا کات اورغ یهوي اتوا اورغ بفسا
لائين ۲، توهن يې سا، رې دوق مرینته اتس مائنسی سروف
سموا. فس رحمة نې تورون کا سموا اورغ هق مینتا، تولوغن
رعن نې. کتاب توهن فون رویت بالس تو جوگ، کات: 11

اورغ هق فکع کا نام ربی، تنتو نق بوليه سلامت.

بالس مان توهن نق بري سموا اورغ دغز خبر يې بايک؟

تافي اورغ هق تاء ادار فلواح نق فرچاي کا عيسى لاکي، نق
فکع کا نام نې بالس مان؟ تنتو تاء لېه. فس، اورغ هق تاء
دغز خبر نې لاکي، نق فرچاي بالس مان؟ تاء لېه جوگ. فس
کالو تاء ادار اورغ کي رویت خبر نې کا رې، فواق نې نق دغز 14

بالس مان؟ فس كالو توهن تاءً سوروه اورغ کي، اورغ نق کي
روويت خبر بايک کا ماءنسى بالس مان؟ تنتو تاءً ليه! تافي
تهن سوروه اورغ کي ده، سروف ايات دالم كتاب روويت کات:
موليقله اد اورغ هق ماري روويت خبر بايک.

تافي اورغ هق بوليه دغر خبر بايک فون، بوکن کات ماسوق
هاتي سموا، دق! نبي يعشيا فون کات:

يا توهنکو! دمان اورغ هق فرچاي خبر کيت روويت ني؟

بالس نيله کيت بوليه کات، اورغ فرچاي ساپيت ني دغر. فس
اورغ دغر فون، ساپيت اد اورغ ماري روويت چارا حال المسيح.
تافي اکو نق تان سيکيت، فولوس کات. فواق ني تاءً اد فلواڠ
نق دغر که، خبر هق توهن؟ تاءً دغر باياف! كتاب توهن کات:

بوبي سوارا اورغ کي روويت خبر ني بوليه دغر رات ۲ تمفت،
فركتائن ني بوليه سمني کا سموا اورغ.

کالو بالس تو، اکو نق تان سيکيت لاکي، فولوس کات. اورغ
يهموري، بحسا اسرائييل تو، تاءً ارتی که، هق توهن نق روويت
کا دي؟ دغرله فركتائن دالم كتاب نبي موسى، دیالله هق مولا
روويت کا اورغ اسرائييل، کات:

تهن نق بري فواق مو براس برديگي جوگ کا بحسا
لائين ۲، هق مولا ۲ توهن تاءً فيليه جاري بحسا دي،
تافي لاني نق توروت توهن. دي نق بري فواق مو
براں فانس هاتي کران بحسا لائين هق تاءً اد علمو،
بوليه ماسوق جاري ميليق توهن.

فس نبي يعشيا تاءً تاکوت روويت فركتائن توهن، نق بري ترسوس

ترغ لانگي ، کات:

اورغ هق تاء بیاس چاري جالن نق تمودغن توهن ،
توهن بري تموده . اورغ هق تاء بیاس مینتا نق کتل
رغن توهن ، توهن بري کتل ده .

21 تافي چارا حال اورغ اسرائيل توهن کات بالس نی:

اكو هولور تاغن کو ، فشكيل فوق مو سياع مالم تاء
فوتوس ، تافي مو درهاک سعمور ، تاء سير طاعة کا اکو ،
توهن کات .

توهن نق کسياغ بلس کا اورغ اسرائيل جوگ

باب 11

کالو بالس تو ، سوغکوه کا دق ، توهن چابوت تولق سموا
اورغ اسرائيل ، هق جاري ميليق دي دلو تو؟ دق ! تاء ليه کات
بالس تو ! ايغتله ، اکو فولوس جاري بغسا اورغ اسرائيل جوگ . نبي
ابراهيم جاري تو نينيق اکو ، اکو فون کتورونن بينجامين هق
فعكيل کا ابراهيم تو : توء پغ .

2 تنتو توهن تاء چابوت بغسا کيت ، هق دي فيليه ده دري دلو
لانگي . ايغتله کا چريتا نبي الیاس دالم كتاب . الیاس دوق ادو
سموا کسلاهن اورغ اسرائيل کا توهن . الیاس کات :

يا توهنکو ! فوق نی بونوہ نبی ۲ توهن . دي بوات
خيانة بري فونه هابيس ، سموا تمفت قربان کا توهن ،
سهيفگ تيغکل اکو سئورغ هق توروت توهن .
فس فوق تو نق ماري امبيق پاوا کو جوگ !

3

4 تافي توهن جواب لانگو مان کا الیاس ؟ توهن کات :

نق ! اد توجوه ریبو اورغ لاکی، هق اکو جاگ انتوق
دیری کو. فواق نی تاء بیاس سعہ کا برھالا بعیل تو.

فس سمنی کا ماس کیت لانی فون، فولوس کات، جانی سروف
تو جوگ. دالم فواق اسرائیل کیت، ولو تاء براف باپق مان
فون، تافی اد اورغ هق توهن فیلیه نق بري سلامت، کران
کسیاغ بلس ساج.

تهن فیلیه بالس نی، بوکن ساپیت اف ۲ هق اورغ توبات،
نق ! کالو مائنسی بولیه بوات اف ۲ بري توهن فیلیه دی،
کیت تاء لیه کات، دی بولیه سلامت کران توهن کسیاغ بلس
ساج، بوکن ؟

سکت نیله، کیت سودہ رویت کات: بخسا اسرائیل سموا تاء
بولیه هق دی دوق چاری تو. اد جوگ سفواق دالم بخسا
اسرائیل تو، هق توهن فیلیه نق بري بولیه سلامت. تافی
کباقن اورغ جانی کرس فروت، تاء سیر توروت هق توهن
رویت. سروف ایات دالم کتاب هق کات:

تهن بري هاتی اورغ تو بیغوغ، هیفگ سمنی لانی.
مات فون تاء نمفق، تلیغا فون تاء نفر، اف ۲ هق
تهن رویت.

فس نبی داءور رویت حال فواق نی جوگ، کات:

تکه دی دوق ماکن جاموان دفن سوک هاتی فون،
مینتاء بري دی تیبا ۳ کا ایکت، سروف بوروغ کا
جبق، سروف بناتغ کا فرغلک. تکه بلغ برجالن
فون بري دی سیمفت ربہ، بري دی تربیا بالسن
هق سوغ دفن هق دی بوات تو

يا توهنکو! بري مات يي کلابو، تاءلیه نمفق هق چره .
برى توبوه يى تاءلیه بىھە، كران تغىۋەن يى بىرت ساڭت.

10

بغسا لائين ۲ بوليه تريمما سلامت

11
كالو بالس تو، سوغىكەه كا رق، بىلا اورغ يەھورى جاتوه تەمفت يى، معنانىڭ يى تاءلیه نائىك كلىق كە؟ رق ! تاءلیه كات بالس تو. سىسوغۇھەن، سبب اورغ يەھورى جاتوه دالىم كىسلاھن يى تو، بارولە بغضا لائين ۲ اد فلواڭ نق بوليه سلامت. توجوان توهن، يى نق بري اورغ يەھورى كىا بىردىگى كا بغضا ۲ تو فول.
12
تافى فيكىرلە! بىلا اورغ يەھورى جاتوه دالىم كىسلاھن يى تو، سموا مائنسىي بوليه كاي. بغضا لائين بوليه رحمة باپق سبب اورغ يەھورى كورغ فرچاي. كالو بالس تو، بىلا بىلاغان اورغ يەھورى هق نق فرچاي چوکوف دە، ماس دافن، باپق مان لاڭى رحمة هق توهن نق بري كا مائنسىي ؟ تاءھابىس نق كىرا !

12

فولوس كىچىق رغن ادېق بىرادىق بغضا لائين ۲ فول

13
لاني اکو دوق كىچىق رغن ادېق بىرادىق بغضا لائين ۲، بوكن رغن اورغ يەھورى. كران اکو جارى اورغ هق باواً تىتىه توهن انتوق فواق مو. فس اکو براس بىرەتىنىق مارى كرج رغن فواق مو كاتىق. تافى كەندىق هاتى كى، اچى بوليه برى سىتەه اورغ دالىم فواق اورغ يەھورى كى بىردىگى كا فواق مو، براس نق كاتىق هق مو بوليه دە، يائىت سلامت.

13

14
كran فيكىرلە! بىلا توهن بواڭ اورغ يەھورى توبىت، سموا مائنسىي بوليه بىرھوبۇغ جارى بائىك سىمۇلا رغن توهن . كالو بالس تو، بىلا توهن تريمما اورغ يەھورى كلىق سىمۇلا، نق جارى بالس مان فول ؟
جارى سىرۇف كىت تىغۇق اورغ ماتى ھىيدۇف كلىق سىمۇلا !

14

15

اکو نق بندیغ سیکیت لاکی. بیلا اورغ بوات روتی، فس امبیق سکرت دولو، کی سمبه کا توهن، جانی تندنا کات سموا روتی تو بارغ سوچی انتوق توهن. فس فوهون کایو فول. کالو هومبی جانی بارغ سوچی انتوق توهن، معنان دا هن ۲ فون جانی سوچی انتوق توهن جوگ.

17 بخسا یهودی جانی سروف فوهون هق سدیا، دا هن ۲ نی کا توتوه ستھے. فس توان فوهون تو امبیق انق ۲ هق تومبوه سندیری، ماری کھوین دغن فوهون هق سدیا سائی تو. فوق مو فون بولیه بندیغ دغن انق ۲ هق بارو کھوین دغن فوهون سدیا تو. لانی مو دوق لکت ده دفوهون بخسا یهودی. مو دوق ماکن جاس نی، سروف انق ۲ هق بارو کھوین ماکن ایر دفوهون سدیا تو.

18 سابیت توله، جاغن مو کیچیق بسر، نق هینا کا دا هن هق کا توتوه دفوهون تو، یائیت کا بخسا یهودی. ایغتلہ! بوکن دا هن هق فیرا هومبی، جانی هومبی هق فیرا دا هن ۲ یاء یت فوق مو.

19 بغلالي مو نق کات: سوغکوہ، تافي دا هن تو کا توتوه، انتوق بري اکو ماری کھوین دفوهون، نق گنتی دا هن تو! مولیقله! تاني جاغن مو لوف، دا هن ۲ تو کا توتوه دغن سبب نی تاء سیر فرچای. فوق مو فون ماری دوق دتمفت دا هن هق توتوه سائی تو، دغن سبب مو فرچای سلچ، تافي جاغن مو بسر کا دیری کات مو دوق بالس تو. بائیک مو تاکوت کا توهن سیکیت!

21 اورغ یهودی هق تاء فرچای تو، توهن تاء بري نی بولیه سلامت، ولو نی جانی دا هن ۲ هق سجاتی فون. کالو مو فوتوس فرچای، توهن نق بري مو بولیه سلامت که؟ تنتو دق جوگ! فرهاتیله باء یک ۲ بالس مان توهن کسیاغ بلس، فس بالس مان

ري جاتوه حکوم . فواق هق جاتوه دالم کسلاهن تو ، توهن حکوم برت . فواق مو فون توهن کسياغ بلس سعمور ، کالو مو دوق توروت ري . تافي کالو مو تا^ء توروت ، توهن نق کرت فوتوس . 23
 فس اورغ يهوري هق کرت ده ، کالو ري تيفگل جان هق ري تا^ء سير فرچاي تو ، توهن نق امبيق ري بري ري کهويين دفن فوهون سديا فول . کران توهن بوليه بواس بالس تو ، بوکن ؟
 سکت نيله کيت بوليه ارتی ، فواق مو بعسا لاءين ۲ تو جاري 24
 سروف داهن دفوهون هق تومبوه سنديري دالم هوتن . اورغ کي کرت امبيق ماري کهويين دفن فوهون موليق هق اورغ دوق بلا . بواس بالس تو فون ، ساله عاره جوگ . فواق اورغ يهوري فول ، ري جاري سروف فوهون هق اورغ بلا ده . زاهن ۲ ري هق کنا کرت تو ، موده ساج کالو توهن نق امبيق کهويين کليق دفوهون سديا هق ري سنديري تو ، بوکن ؟

توجوان توهن دفن اورغ يهوري ماس دافن

هي ادیق براديق کو ! دفن بندیفون فوهون سائي ، اکو نق بري مو تاهو فركارا هق بارو درف توهن ، هق مو تا^ء بیاس دغره . کران تاکوت ، کالو مو توروت فيکيران مو سنديري ، مو نق فهم ساله . فركارا هق بارو ني ، ياءٌ يت بعسا اسرائيل نق دوق هاتي کرس بالس ني سهيفگ سمفی ماس هق بعسا لاءين ۲ تو ، بیلاغان ري هق نق ماسوق دالم ميليق توهن ، چوکوف ده . 26
 باروله بعسا اسرائيل سموا بوليه تريما سلامت کاتيقي . كتاب توهن رویت حال فركارا ني کات :

ري هق بري فواق اسرائيل سلامت نق تيمبول دالم کوت
 صيون . ري نق بواغ کجهاتن دالم هاتي فواق يعقوب ني .

فس، توهن کات، بیلا اکو سوده هافوس سموا دوسا ری
بری هابیس، اکو نق جنجی دغن ری بري کمس.

27

دغن سبب بغسا یهوری تاء سیر تریما خبر يغ بايک، جاري
سروف ری سترو دغن توهن، کران توهن نق بری فلواڠ کا
بغسا لائين تریما خبر نی دولو. تافي دغن سبب توهن سوده
فیلیه بغسا یهوری نی، فس ایفت کا فوق توء نینیق ری دولو،
تهن کاسیه سوڠکوه کا فوق نی.

28

کران بیلا توهن فیلیه اورغ مان ۲ انتوق تریما سموا رحمة ری،
تهن تاء موڠکیر جنجی.

29

دولو، فوق مو هق جاري بغسا لائين، تاء اد طاعة کا توهن.
لانی مو بولیه تریما ده کسیاغ بلس هق توهن، کران اورغ
یهوری تاء سیر طاعة تو.

30

اورغ یهوری فون نق جاري سروف تو جوگ. لانی ری تاء طاعة
کا توهن، تافي توجوان توهن، ری نق بری بغسا یهوری اد
فلواڠ بولیه تریما کسیاغ بلس هق ری، کران فوق مو سوده
تریما ده دلو.

31

بالس نیله، توجوان توهن نق بری سموا مائنسی نمفوک کات
ری دوق باوه کواس طبیعة ری، هق بری ری تاء طاعة کا
تهن تو. سود سکالی توهن نق بری سموا مائنسی بولیه
سلامت، کران کسیاغ بلس ری ساج.

32

فوجیله کف دهن!

باپق سوڠکوه ۲ رحمة توهن! ری ارتی سموا دغن سمفون،
علموري دالم. توجوان توهن، مائنسی کیت تاء فندي نق
کامق.

33

سروف ایات دالم کتاب کات:

34

تاءُاد سیاف بولیه تاهو فیکیران توهن ،
تاءُاد سیاف بولیه نصیحة کا ری ،
ماءُنسی تاءُاد اف سکارا هق ری بولیه بري
کا توهن ، نق بري توهن بالس کلیق کا ری .

35

36 سموا فرکارا هق اد ، توهن بري جاني . سموا هق توهن بري
جاني تو فون ، دوق دالم کواس ری ، فس توجو کا ری بلاک .
فوجیله توهن یغ مها ملیا ، بوات سلام ۲ ! سشو تیله ، امین .

باب 12

سرهله دیریمو کا توهن

1 هي ادیق برادیق کو ! کران توهن سوده تورون وحمة ری
لغن تنچوچ کسیاغ بلس ری کا فواق مو باپک کیتو لالو ، اکو
نق سوروہ ادیق برادیق جوگ ، سرهله دیری مو کا توهن ،
سروف مو قربان دیری مو نق هیدوف انتوق توهن سلچ ، کوء
جالن ری برکن . اینیله چارا هق سبتر ، هق سوغ انتوق
کیت نق سمبه کا توهن .

2 جاغن مو توروت چنتوہ دنیا هق معصیة تو ، نق بوات
سروف ری . مو کا سره دیری مو کا توهن ، بري ری توکر
سموا فیکیران دالم هاتی مو بري بارو . بالس توله ، مو بولیه
فرهاتی کلیه اف کھندق توهن هق مو کنا بوات ، یائیت
سموا فرکارا هق مولیق ، هق توهن برکن ، هق چوکوف
سمفرن انتوق مو .

3 کران رحمة هق توهن سوده بري کا اکو ، سا بیت تو اکو برانی
سوروہ فواق مو کتف ۲ اورغ ، کات ، جاغن مو بسر کا دیری .
مو لبیه فد هق سوغ فاتوت . مو کنا تیمیغ هاتی مو ،
جاغن برت ریشن ، ستارا مان توهن تورون رحمة ری کفڈ مو ،
ستارا تو جوگ ، مو تریماله رعن فرچای .

کران توبوه ماءنسی اتس اورغ تو اد باپق اغکوت ، تيف ۲ اغکوت
اد کرج بی ماسیغ ۲ . هق تو کرج تو ، هق نی کرج نی .
فواق کيت باپق اورغ فون جانی ساتو توبوه ، سبب کيت سموا
دوق سهاتی سپاوا رغن المسيح . فس کيت دوق برهوبوغ مو
اکو سروف اغکوت دالم توبوه .

سبب نيله ، نعمة هق توهن تورون اتس ديري کيت ماسیغ ۲ ،
کيت کنا فاكيله ، انتوق اديق براديق کيت . کالو توهن بري
کيت فندی میمفي فرمان توهن ، کيت کنا رویتلہ بري اورغ دغر ،
سکت مان هق توهن بري کا کيت تريما رغن فرچاي .

کالو توهن بري کيت کرج انتوق اديق براديق ، کيت کنا بوائله
کرج تو رغن راجبن . کالو فندی مثاجر ، کنا مثاجر .
اورغ هق فندی بري اديق براديق کرس سماقت ، کنا کي تولوغله
بالس تو . اورغ هق اد هرت ، نق بري کا اديق براديق هق
تاادر ، کنا بري رغن اخلاص هاتي . اورغ هق جانی کاکق فواق
المسيح فون ، کنا دوق جاگ موليق ۲ . فس اورغ هق اد کرج
نق تولوغ اورغ سوسه ، کنا بوات کرج نی رغن سوك هاتي .

اديق براديق دالم فواق المسيح کنا کاسيه مو اکو

کاسيه مو اکو نی ، کنا کاسيه رغن سوغکوه ۲ هاتي . مو کنا
بنچي کا هق جاھت . بري هاتيمو ايٺت کا هق موليق .

اديق براديق دالم فواق المسيح کنا دوق کاسيه مو اکو سروف
اورغ کاسيه کا واريس ۲ بري سنديري . فس کيت کنا چاري جالن
نق بوات حرمة کا اديق براديق کيت سعمور .

جاڠن بري لمه سماقت ، تافي بوات سروف افي مپا لا ، قواه رغن
کواس روح توهن ، نق بوات کرج انتوق توهن .

مو کنا سوك هاتي سعمورله ! کران ايٺت کا هرافن مو هق

- تنتو سوڠکوه . کالو جاتوه دالم کسوساهن اف ۲ فون ، مو تاء
کنا تاکوت ، مو برديري تکفله ، فس مو کنا مينتا^ء رعا سعمور.
کالو ادیق براديق دالم فواق المسيح کورغ اف ۲ ، تولوغله يي .
چاري جالن اجق اورغ ماري کا رومه مو بیلا^ء فون .
- اورغ هق بوات پاش کفڈ مو ، مو کنا مينتا^ء توهن تورون رحمة
اتس يي . مينتا^ء بالس توله ، جاغن مينتا^ء بري توهن مرک کا يي !
بیلا سائين سوک ، مو کنا سوک سکالي رغن يي . بیلا سائين
ترياق فون ، مو کنا توروت سديه گاتيق .
- مو کنا دوق سنغ مو اکو . مو جاغن سومبوغ . کالو تمو رغن
کرج ترهينا فون مو کنا بوات جوگ . جاغن تنحوق چريديق
رافن اورغ لاءين .
- کالو اورغ بوات ساله کفڈ مو ، جاغن مو بالس جاهت کا يي .
چوب بوات فرکارا هق سموا اورغ بوليہ کات بتول .
- اچي بوليہ ، باليق هاتي مو ، دوقله بايءيك رغن اورغ سعمور.
ادیق براديق کو ، جاغن مو براس گرم ، نق بالس اتس اورغ
هق بوات جاهت کفڈ مو . بлерله ، بري توهن مرک کا يي
سروف كتاب توهن رویت ، کات :

{ اکو نق حکوم کا اورغ هق بوات جاهت .
اکوله نق بالس کا يي ، توهن کات . }

- تافي کيت کنا بوات توروت كتاب توهن هق کات بالس نې :
- بیلا سترو مو دوق لافر ، مو کنا بري ماکن کا يي .
بیلا يي رهاک اير ، بريله اير کا يي مينوم .
کالو مو بوات رغن کاسيه بالس نې ، سترو مو تنتو
ني نق کابر کات يي ساله سافت .
- جاغن مو بري هاله کا هق جاهت . مو کنا بالس بايءيك کا يي ،

فس هق باييك تو نق منع.

اورغ هق کراجائن لتق جاري کتوا کيت

باب 13

- 1 سموا اورغ کنا توروت فرينته کتوا ۲ هق کراجائن لتق انتوق کيت. کران تاءاد سياف بوليه ناءيك کا تمفت رې تو، ملينكن توهن بنر بري کا رې. فوق هق دوق ميرينته کيت فون، جاري توهن هق سوره لتق رې ده.
- 2 ساببيت توله، افبيل کيت لاون دغۇن فوق هق جاري کتوا کيت، سروف کيت لاون دغۇن هق توهن لتق ده. فس کالو کيت بوات بالس تو، توهن نق جاتوه حکوم اتس کيت.
- 3 فوق کتوا ۲، بوکن رې نق بري تاكوت اورغ هق بوات باييك، نق! تافي رې نق بري اورغ هق بوات ساله تاكوت کا رې. کالو مو تاءسيير اد سبب کما تاكوت کا کتوا، مو کما بوات هق موليق، بوکن؟ فس کتوا فون نق فوجي کا فوق مو سعمور.
- 4 کران کتوا تو کرج هق توهن سوروه، انتوق جاڭ فوق مو. تافي کالو مو بوات ساله، مو کما تاكوت کا رې، کران رې اد کواس بوليه جاتوه حکوم اتس مو سموا. رې کرج هق توهن سوروه، بالس جاهت کا اورغ هق بوات جاهت، نق بري تاهو کات، توهن مرک کا اورغ هق بوات جاهت تو.
- 5 ساببيت توله، مو کنا توروت فرينته فوق هق کراجائن لتق جاري کتوا مو تو. بوکن ساببيت مو تاكوت کا زىدا د توهن ساج، نق! تافي ساببيت هاتي مو تاهو کات بتول، مو بوات بالس تو. فس سا لاکي، مو کنا باير حاصل سموا هق فوق کتوا ۲ سوروه، کران بىلا رې بچارا سموا فركارا نې، رې فون کرج هق توهن سوروه.
- 6 بريله کا تيف ۲ اورغ هق مان فاتوت انتوق رې، اورغ هق ماري کوتيف حاصل توبوه، بايرله کا رې. اورغ هق ماري

کوتیف حاصل رومه فون، بايرله کا ری جوگ. اورغ هق فاتوت کنا حرمة، حرمتله کا ری بلاک.

جالن تنجوک کاسیه مو اکو

جاغن مو تراوتع دغن اورغ مان ۲ فون، تافي مو کنا تراوتع کاسیه مو اکو سعمور. فس کاسیه نی جانی سروف اوتع هق تاء هابیس نق باير سعمور. اورغ هق کاسیه کا سموا اورغ بالس نی، جانی کبتولن دغن حکوم توهن دالم تورات. کران حکوم ۲ توهن هق لارغ بوات، سروف بوات زنا، بونوه اورغ، چوري طمع اتوا لائین ۲ لاکی، کیت بولیه رویت دغن ریچکس بالس نی:

مو کنا کاسیه کا سام ۲ ماںسی سروف مو کاسیه
کا دیری مو سندیری.

کیت تاء بوات ساله کا اورغ هق کیت کاسیه، بوکن؟ سابت توله، دغن کاسیه نی کیت بري سمنفرن حکوم ۲ توهن. فس لاکی، مو تاهو جوگ کات، رکت ده ماس هق مستحق انتوق کیت. جانی فریاغ کیت کنا باعون تیدور، دوق سیمفون نق کی، کران ماس هق توهن نق بري سلامت کھور ۲ رکت سعمور.

لانی رکت فد هاري هق کیت بارو فرجایي دولو تو.

لانی فریاغ گلف رکت نق هابیس، فریاغ چره رکت نق سمنفر. بائیک کیت تیغکل سموا فرکارا هق اورغ سوک بوات دالم گلف، کیت امبیق فاکی سنجات هق فاتوت کنا فاکی دالم چره. کیت کنا توروت جالن هق سوغ دغن هق دوق دالم چره.

جاغن ماکن ارق رامي ۲ نق بري مابوق. جاغن ماءین جنتن بتینا، جاغن بوات فرکارا بري اورغ لائين مالو. جاغن دوق برباله، بررغکی سام سندیری. نق! مو کنا امبیق فاکی سنجات

8

9

10

11

12

13

14

هق ربى عيسى المسيح بري كفدا مو. جاغن مو بلا طبيعة
بريدوسا مو، نق بري فواس هوا نفسو مو!

جاغن حکوم ساله کا ادیق برادیق مو

باب 14

1 اورغ دالم فواق المسيح هق فرچای تاء قواة لاکی، فواق مو
کنا تریماله جانی ادیق برادیق مو جوگ. تافي جاغن مو بحس
چارا حال هق ادیق مو تو دوق فکٹھ لاکی.

2 میسل کات، اد اورغ هق قواة فرچای، ساپیت تو ری بولیه
ماکن بلاک. جاغن ری فندغ رنده کا ادیق نی، هق فرچای
تاء قواة لاکی، ساپیت تو، ری تاء سیر ماکن بلاک، نق ماکن
ساپور ساج.

3 فس اورغ هق ماکن ساپور ساج فون، جاغن ری حکوم ساله
کا کاکق ری هق کات ری بولیه ماکن بلاک. کران توهن سوده
تریما دوا اورغ تو سروف.

4 بااف مو دوق حکوم ساله کا همب اورغ لائین؟ جاري توان
ری سندیری هق بولیه کرت سین اتس ری، کات ساله اتوا
بتول. فس تنتو اورغ نی نق کات تاء ساله، کران توان ری
ربی عیسی سندیری، هق اد کواس بولیه بري ری تاء ساله.
فس میسل کات، اد اورغ دالم فواق المسيح هق فکٹھ ساتو
هاری کات سوچی فد هاری لائین. فس اورغ لائین فول کات
سموا هاری سوچی بلاک. باء یک بري کنف ۲ اورغ تتف دالم
هاتی، هق مان ری فرچای، فس توروت هق تو.

5 ایفلته! اورغ هق کات ساتو هاری سوچی فد هاری لائین،
تو جوان ری، نق حرمة کا ربی عیسی، بوکن؟ فس اورغ هق
دوق ماکن سموا فرکارا ساء نی فون، ری نق حرمة کا ربی جوگ
بوکن؟ کران ری ماکن بارغ تو رغن اوچف تریما کاسیه کا
توهن. فس اورغ هق تاء سیر ماکن هق تو، هق نی، ری

بوات بالس تو، نق حرمة کارتی رغن اوچف تريما کاسيه کا
توهن جوگ.

تا اد سياف دالم فواق کيت هق هيڊوف اتوا ماتي فون انتوق
ديري نې سنديري ساج . تکه کيت دوق هيڊوف ، کيت هيڊوف
انتوق ربی عيسى . فس بيلا کيت ماتي فون ، کيت ماتي انتوق
ربی جوگ . کران هيڊوف اتوا ماتي فون ، کيت جاري ميليق
ربی عيسى بلاک .

کران توجوان عيسى المسيح ماتي فس هيڊوف کليق سمولاء ،
ياءيت نې نق جاري ربی هق بوليه فرينته اتس اورغ هيڊوف
رغن اورغ ماتي .

کالو بالس تو ، هي اديق ! با اف مو نق حکوم ساله کا کاکق مو ؟
فس مو هق جاري کاکق ، با اف مو فندغ هيينا کا اديق مو ؟
ایفلله ، کيت سموا کنا برديري رافن توهن ، هق نق جاري
حاکيم کيت . کران ار ايات دالم كتاب کات :

اکوله توهن هق تاءاد اوال ، تاءاد اخیر . تنتوله
ما نسي سموا نق سجود حرمة رافن کو ، سمولان نق
مخاکو کات ، اکوله توهن .

بالس نوله ، کيت گتف اورغ کنا جواب ماسيخ ۲ کا توهن چارا
حال ديري کيت سنديري .

جاغن بري اديق مو گلچوھ جاتوه دالم روسا

سابيت توله ، هي اديق براديق کو ، لفس فد نې ، جاغن
کيت کات اورغ تو ساله ، اورغ نې ساله ، دالم فواق کيت .
با يك کيت کرت دالم هاتي کات ، جاغن کيت بوات اف سکارا ،
هق نق بري اديق کيت تو سنتوق گلچوھ جاتوه دالم روسا .
اكو دوق سهاتي سپاوا رغن ربی عيسى . سبب توله اکو يقين

کات، لانی تاءار بارغ حرام بارغ حلال انتوق کيت. تافي کالو ادیق برادیق سئورغ براں کات بارغ تو، بارغ نی حرام انتوق نی، تنتو بارغ تو حرام لائکی انتوق نی.

کيت کنا فيکير بالس نی : کالو کيت ماکن اف ۲، فس بارغ هق کيت ماکن تو بري هاتي ادیق کيت سوسه، بالس نی سروف کيت تاءکاسیه کا نی. جاغن بوات خيانة کا نی، دفن ساپیت هق کيت ماکن ساءنی ! ایغتلہ، عیسیو المسیح، نی جوغ ریلا ماتی نق بري اورغ تو بولیه سلامت.

سبب توله، کيت جاغن بري چله کا اورغ، نق کیچیق هینا کا فرکارا ۲ مولیق هق کيت فکن.

کران بیلا توهن دوق مرینته دالم هاتي ماءنسی، نی تاءکات مستحق، هق مان بولیه ماکن، هق مان تاءلیه ماکن ، دق ! هق مستحق سکالی، توهن بري اورغ تو برهوبوغ باءیک دفن نی سمولا، تاءساله اف ۲، فس نق بري نی دوق سوگ ریا، کران روح توهن دوق اد دالم دیری نی سعمور.

اورغ هق دوق بیچارا کا المسيح بالس تو، تنتو توهن برکن کا نی، فس ماءنسی فون نق مفاکو کات نی باءیک جوگ . سبب توله، کيت کنا کاچغ بوات سموا فرکارا هق بولیه تولوغ بري ادیق برادیق دوق باءیک سام سندیري، فس هق بولیه بري نی کھور قواه فرچای سعمور.

کيت تاءسیر بري جاري فونه کرج توهن دالم هاتي ادیق برادیق کيت ، دفن کران مکانن ساءنی . سوگکوہ مکانن سموا تاءحرام انتوق کيت، تافي کالو اورغ لاءین جاتوه دالم دوسا، کران هق کيت ماکن ، ساله جوگ هق کيت بوات تو.

کالو نق بوات هق بتول ، کيت کنا فنتغ، جاغن ماکن هق ادیق کيت تاءبرکن تو، سروف راگیغ، اتوا ایر جابیت ، فس جاغن بوات اف ۲ فون، کالو هق تو نق بري ادیق کيت

جاتوه دالم دوسا . هق کيت فکع چارا حال بارغ ۲ هق کيت بوليه ماکن نی، فگفله ، تافي فکع رافن توھن ساج ، جاڻن بري گيڪير کا اورغ لاءين ! سنخ هاتيله اورغ هق تاهو ده کات، فرڪارا مان ۲ هق دي روق بوات تو، بتول ، تاء کنا امبيق ساله کا ديري دي .

تافي اورغ هق واويه ماکن اتوا تاء ليه ماکن ، تافي ماکن جوگ توھن نق حڪوم ساله کا اورغ تو، کران دي ماکن هق هاتي دي تاء فرچاي کات بتول . اف ۲ هق کيت بوات هق واويه کات بتول کا نق، هق تو جاري دوسا انتوق کيت .

ایٺتله کا اڌيقي براديق دلو

باب 15

کيت هق قواه فرچاي ، کنا صبر کا اورغ هق فرچاي تاء قواه لاکي . کيت تاء کنا اڀت کا ديري کيت ساج . نق ! تيف ۲ اورغ کا اڀت نق بوات بائيك کا اڌيقي براديق دي .

فس بري دي کهور قواه فرچاي لاکي . کران تيغوقله المسيح ! دي تاء اڀت کا ديري دي سنديري ،

نق ! اد ايات دالم كتاب هق رویت حال المسيح ، کات :

يا توھن ، فرڪتاڻ اورغ هق سومفه ماکي کفڊ مو ، کا
کا اکو جوگ .

فس سموا فرڪارا هق توھن بري اورغ توليڪ دالم كتاب ماس دلو ، دي نق بري جاري فلاجران انتوق کيت جوگ . توجوان يي رغن ايات ۲ دالم كتاب نی ، دي نق تمبه سماڻت کا کيت ،

فس بري کيت بوليه برديري تکف ، بوليه ننتي نق تريما هرافن کيت هق تنتو .

توھنله هق بري سماڻت کا کيت ، هق بري کيت بوليه برديري تکف . فس اکو روق مينتا دغن دي ، نق بري فواق مو گتف ۲

22

23

1

2

3

4

5

اورغ بوليهه دوق سنغ مو اکو ، کران مو دوق سهاتي سپاوا رغن
عيسى المسيح . بالس توله ، فوق مو نق فوجي کا توهن ،
بويي سروف رغن ساتو سوارا ، يائيت نق فوجي کا رې هق
جاري توهن ، فس جاري باف هق عيسى المسيح ، رېي کيت .
سابيت توله ، مو کا تريما اديق براديق سموا دالم فوق
المسيح جاري فوق مو ، سروف عيسى المسيح تريما کيت سموا
جاري ميليق رې . بالس توله نق بري نمفق کلميان توهن .

اورغ سموا بحسا کا فوجي کا توهن

فس رغله هق اکو نق رویت ني ! توجوان المسيح ماري ،
ري نق جاري فنلوغ کا بحسا يهوري بري سلامت . لي بري
پات کات ، توهن تاء موڠکير جنجي ، فس لي بري جاري فرکارا
هق توهن جنجي دلوو کا توء نينيق اورغ يهوري .
فس اد توجوان سا لاكى . المسيح نق بري بحسا لاءين ۲ سموا
بوليه فوجي کا توهن ، سبب توهن کسياغ بلس کا بحسا رې
جوگ . اد ايات دالم كتاب هق رویت حال ني ، کات :

سابيت توله اکو نق کي اوچف شکور کا توهن رغن
بحسا لاءين ۲ گاتيق . اکو نق پاپي فوجين کا نام
تهن دالم فوق ۲ تو .

فس ايات سا لاكى ، کات :

هي بحسا لاءين ۲ ، ماريله برسوك ريا سکالي رغن
بحسا ماٺسي هق توهن فيليه ده دلوو !

فس سا لاكى :

فوجيله کا توهن ، مو اورغ بحسا لاءين . بري سموا
ماٺسي فوجي کا رې !

6

7

8

9

10

11

فس نبی یعشیا فول رویت کات: 12

سئورغ کتورونن جسی نق ماری فول . دیاله هق تیمبول
ماری نق امبيق فرینته اتس بفسا لائین ۲ . فس بفسا
لائین ۲ تو فون نق هارف کا ری سمات ۲ .

توهنه له هق بري هرافن نی کا فواق مو گاتیق . سابیت توله ،
اکو دوق مینتا دغنا ری ، نق بري فواق مو سوک ریا ، دغن
سنخ هاتی ، کران مو دوق فرچای کا ری . بالس نیله ، دغن
کواس روح توهن ، هرافن مو نق کهور ۲ تکوه سعمور . 13

فولوس برانی فسن کا اورغ روم هق نی تاء کتل

سوٹکوه فون اکو براں فواس هاتی چارا حال ادیق برادیق هق
نق تریما سورت نی . اکو تاهوده کات ، مو جاری اورغ بائیک . 14

مو ارتی ره سموا فرکارا ، فس مو بولیه نصیحة مو اکو مولیق ره .
تافی اکو برانی نق رویت دوا تیگ امفت فرکارا دالم سورت نی 15

هق اکو نق بري ادیق برادیق ایفت . اکو برانی بالس نی ،
کران دغن رحمة توهن ، اکو جاری فسوروه عیسی المیح . نی
سوروه اکو کی رویت خبر بائیک حال توهن کا بفسا لائین ۲ . 16

کرج هق اکو بوات نی ، بولیه بندیغ دغن کرج امام ، د بیت
المقدس هق باواه قربان نق سمه کا توهن . توجوان اکو فون
نق باواه اورغ بفسا لائین ۲ ماری سروف قربان هق دوق سوچی
انتوق توهن ، دغن کواس روح نی ، یائیت قربان هق توهن
برکن نق تریما .

سبب توله ، اکو براں بسر هاتی چارا حال کرج هق اکو بوات
کا توهن نی ، دغن کواس عیسی المیح . 17

اکو تاء برانی رویت اف ۲ ، ملینکن فرکارا هق عیسی المیح
بری جاری دغن فاکی اکو نی ، انتوق نق بري اورغ بفسا لائین ۲ . 18

فرچای کا دی رعن طاعة . نی فاکی اکو نی نق رویت فرکتاں
هق نی بري ، نق بوات فرکارا ۲ فلیق هق جاري تندا بسر ،
فس هق بري نمفق کواس روح نی .

اکو برجالن امبیق دکوت جروسليم ، هیفگ سمفی دنکری
عیلیریکوم ، فس اکو دوق رویت سعمور ، خبر بائیک چارا حل
عیسی المیسح ، بلخ ۲ دوق کی ، هیفگ سمفی چوکوف ستغکوف .
چیتا ۲ اکو نق کی رویت خبر بائیک نی ، دسموا تمفت اورغ هق
تا بیاس بغر حال المیسح لاکی . سبب اکو تاء سیر کی رویت
کا تمفت اورغ بیاس بغر ده ، سروف اورغ هق کی بوات رومہ
اتس فلافیق هق اورغ لتق ده .

نق ! اکو نق بري جاري سروف ایات دالم کتاب کات :

دتمفت اورغ تاء بیاس رویت حال نی ، اورغ نق
تاہو : دتمفت اورغ تاء بیاس بغر فون ، اورغ نق ارتی .

فولوس دوق چیتا ۲ نق کی سمفی کا کوت روم

سابیت نیله ، اکو نق کی زیاره فوق مو باپق کالی ده ،
تافي اد چمفیغ سعمور . تافي لانی ، کرج اکو هق دوق کی کا
سموا تمفت تو ، هابیس ده . فس سابیت اکو دوق نق کی
زیاره کا تمفت فوق مو باپق تاھون ده ، اکو اد هرافن نق
بولیه کی جوگ .

بلخ ۲ کی کا نکری اسفاپول ، اکو نق برادو رعن فوق مو ، روا
تیگ هاری . لفس تو ، بیلا اکو براں فواں هاتی ده تیغوق
موک مو ، اکو نق کی فول کانگری تو ، رعن فرتولوغن فوق مو .
تافي لانی اکو برحاجت نق کی کا کوت جروسليم دولو ، نق
تولوغ منولوغ اورغ هق جاري میلیق توهن دسیتو .

کران فوق ۲ المیسح دنکری ماکدونیا تو ، رعن نکری انجیا ،

نق کيريم رويت انتوق نق تولوغ اورغ مسکين ، دالم فواق هق
جاری ميليق توهن رکوت جروسليم .

رداً فواق تو سنديري ستوجو نق تولوغ بالس تو ، بوکن اکو
فقسا ری ، دق ! سسوڭگوهن ، سروف ری براوتنغ رفن اديق
براديق اورغ يهودي هق جاري فواق المسيح كاتيق . سبب
اورغ بفسا لائين ۲ بوليه سكيان دالم رحمة توهن دغن کران
اورغ يهودي تو . فس موليقله ری تولوغ بري گا اورغ يهودي ،
اديق براديق ری ، سكيان حاصلن هق توهن بري گا ری ، بوکن ؟
بيلا اکو بوات کرج تو سورده ده ، ياءيت بري رويت تو سموا
کا ری ده ، اکو نق کي هالا کا نکري سفابول فول ، فس نق
برارو تفه جالن دتمفت فواق مو . فس بيلا اکو کي سمني کا
تمفت فواق مو ، اکو تاهو ده کات ، عيسى المسيح نق بري
کيت سموا براونتوع چوكوف سمنفرن .

فولوس سوروه اورغ روم مينتا دعا انتوق ری کاتيق

فس اکو براس نق سوروه اديق براديق سموا ، فاكت مينتا
دعا رفن سوڭگوه ۲ هاتي سکالي رفن اکو ، انتوق کرج اکو نی ،
رفن سبب هرافن کيت سموا نی کا عيسى المسيح ربی کيت ،
فس ، رفن سبب کاسيه مو اکو هق روح توهن بوبوه دالم
هاتي کيت سموا .

مينتا توهن بري اکو سلامت درفه اورغ يهودي هق تاً فرچاي
کا عيسى ، دنکري يهوديه تو . فس مينتا توهن بري اورغ هق
جاری ميليق ری ، رکوت جروسليم تو ، تريما رفن سوك هاتي ،
اف ۲ هق اکو بوليه تولوغ ری .

لفس تو فول ، کالو توهن بنر بري ، اکو نق ماري کا تمفت مو ،
رفن سوك ۲ هاتي ، نق امبيق رېغ سېنتر رفن فواق مو .
اکو برعها رفن توهن هق بوليه بري هاتي کيت سنه ، مينتا

برى نى دوق سکالى دغۇن فواق مو سموا ، امین !

فولوس كيريم كاسىيە كا باپق اورۇڭ دكوت روم

1 فس اکو نق برى فواق مو كىل دغۇن ادېق برادىق كو ، نام فيبييە. نى سئورۇغ بتىينا هق راجىين بوات كرج انتوق عىسى المسيح ، دىبندىر كىنگىريا.

2 تولوغ سمبوت دى كاتىق ، سبب نى اورۇغ هق كاسىيە كا عىسى المسيح سروف دغۇن فواق مو جوڭ . فس سمبوت نى بالس مان فاتوت دغۇن اورۇغ هق جارى مىلىق توهن . كالۇ دى فايىه ، اتوا كورۇغ اف ۲ فون ، مىنتاڭ مو تولوغ نى كاتىق ، كران نى بىاس بوات بايىك كا باپق اورۇغ ، فس كا اکو جوڭ .

3 اکو نق كيريم كاسىيە كا فريېسكيلا دغۇن لاكى دى اکويلا . دوا اورۇغ نى بوات كرج سروف دغۇن اکو ، انتوق عىسى المسيح . نى جوغ ماتى كران نق تولوغ برى اکو سلامت جالن مىرىھىا . اکو تاڭلۇف كا بورى دى هق بوات كا اکو . فس بوكن اکو سئورۇغ ساج دق ! اورۇغ بىغسا لائىن ۲ فون هق جارى فواق ۲ المسيح دىسموا تىمفەت ، براس سروف اکو جوڭ .

5 اکو نق كيريم كاسىيە كا فواق المسيح هق كىي فراجوم درومە اکويلا كاتىق . فس سلامتىلە كا سائىن كو ، ايفينيتوس ، هق اکو كاسىيە . دىالە اورۇغ هق فرچاي مولا ۲ سکالى كا عىسى المسيح دىنگىي اسيما .

6 فس سلامتىلە كا مرىم ، هق راجىين كرج تولوغ فواق مو . فس ، سلامتىلە كا اندرۇنىكوس دغۇن جونىاس ، ادېق برادىق بىغسا يەھورى كو ، هق بىاس ماسوق گوق سروف اکو جوڭ . فواق صحابة هق رافت دغۇن عىسى ، كىل مولىق سموا دغۇن نى . فس دوا اورۇغ تو جارى كريستين دولو فد اکو لاكى .

7 فس سلامتىلە كا امېلىياتوس ، سائىن رافت دغۇن اکو ، كران كىت

- کدوا کاسیه عیسیی المسيح . 9
 سلامتلہ کا اوریانوس ، هق بیاس کرج کا المسيح دغناں اکو جوگ .
 فس کا ستاخیس ، هق اکو کاسیه سوگھوہ . 10
 فس لاکی ، سلامتلہ کا افلیس . نی بڑی نمفوں دے کات ری کاسیه
 سستیا کا المسيح . فس سلامتلہ کا سموا اورغ درومہ اریستوبولس . 11
 سلامتلہ کا ہیروبیون ، ادیق برادیق بغسا یہوی کو ، فس ادیق
 برادیق کریستین دالم فواق درومہ نرسیسوس .
 فس ، سلامتلہ کا دوا برادیق تو ، نام تروفینہ دغناں تروفوسہ . 12
 نی فون بوات کرج انتوق المسيح جوگ . فس ، کا میق فرسیس ،
 هق سموا اورغ کاسیه سوگھوہ . نی بوات کرج باپق انتوق
 توهن .
 فس لاکی ، سلامتلہ کا روپوس ، نی هق جانی نمبر ساتو دالم 13
 کرج رتی عیسیو . فس کا مق روپوس کاتیق . نی جانی سروف
 مق اکو سندریو .
 سلامتلہ کا اسینکریتوس ، فلیکون ، ہرمیس ، فاتروبس ، ہرمس ، 14
 فس کا سموا ادیق برادیق دالم فواق نی .
 سلامتلہ کا فیلولوگوس دغناں بینی نی جولیا . فس کفڈ نیریوس 15
 دغناں ادیق بتینا ری کاتیق . فس کفڈ اولیمپوس ، دغناں سموا
 اورغ هق جانی میلیق رتی عیسیو دالم فواق نی .
 بڑی ادیق برادیق سموا تنجوں کاسیه مو اکو ، دغناں کوچوف ،
 بوات سروف ادیق برادیق کیت سندریو . فواق المسيح 16
 دسموا تمفت بالیق نی ، کیریم کاسیه کا فواق مو دکوت روم !

فسنن فولوس هق سود سکالی

- لانی اکو نق فسن سیکیت کا ادیق برادیق کو . جاگا لہ 17
 بائیک ۲ ! اد اورغ هق سوگ بڑی فواق کریستین جانی بالہ مو
 اکو سام سندریو ، نق بڑی مو تیغکل جالن هق بتول . اورغ

تو سوک مفاجر لائين فد هق اديق براديق تريما ده دولو .
 18 مو جاغن برسائين رغن اورغ لاکو تو . فوق تو بوکن اورغ هق
 بوات کرج انتوق المسيح ، ربی کيت ، دق ! ربی بوات کرج نق
 بري فواس هاتي ربی سنديري .. ربی چريديق ، فاكی کيچيفن
 19 مانيس ۲ انتوق نق تيفو اورغ هاتي باييك . سموا اورغ تاهو ده
 کات فوق مو طاعة سوغکوه ۲ . بيلا اکو رغر خبران نبي ، اکو
 براں سوک هاتي ، تافي کهندق هاتيکو ، اکو نق بري اديق
 براديق جاري سروف اورغ هق تا' فندي بوات هق جاهت ، فندي
 بوات هق بايل ساج .

20 فس تاء لام لاکي ، توهن هق اد کواس بري کيت سموا سلامت ، ربی
 نق بري هيبليس هاله کا فوق مو ، سروف ربی روق باوه کاکيمو .
 اکو مينتا' توهن بري رحمة هق روق اد درف دعسى المسيح ،
 ربی کيت ، تورون روق اتس فوق مو سموا ، امين .

سائين ۲ فولوس کيريم سلام کا اورغ روم

21 تيموتیوس هق روق کرج سکالي رغن اکو رسيني ، ربی کيريم سلام
 کا فوق مو کاتيق . فس لوسیوس ، جاسون رغن سوسفاتير ، هق
 جاري اديق براديق يهوري کو ، سمواں کيريم سلام جوگ .

22 اکو ترتیوس ، هق توکع منوليس سورت نبي فون ، کيريم سلام
 رغن نام ربی عيسى .

23 فس کايوس ، تولن رومه تمفت فوق المسيح ماري فراجوم باليق
 نبي ، ربی فون کيريم سلام جوگ . اراستوس هق روق جاگ دويت
 تيتسابان دبندر نبي ، رغن کوارتس ، اديق کيت سورغ لاکي ، ربی
 24 کدوا فون کيريم سلام جوگ .

فولوس روق فوجي ک مليان هق توهن

25 فوجيله کا توهن ینع مها مليا ، هق اد کواس بوليه بري مو

بردیری تکف سعمور. خبر بائیک هق اکو روق رویت، جامین
کات بالس تو، یاًیت خبر بائیک چارا حال عیسیٰ المیسیح، رهسیا
هق توهن تاروه تائیوک دری اوال لائی.

26 تافی لانی ری بوک بربولیه تاهو ده کا مائنسی، کوء جالن
کتاب نبی ۲ دللو. فس توهن کیت، هق تاءار اوال تاءار انخیر،
نبی سوروہ کیت کی رویت خبر نبی کا سموا بخسا، نق بربی اورغ
فرچای رغن طاعة کا ری.

27 دیاله توهن یئ سا، هق ارتی سموا فرکارا. رغن کران عیسیٰ
المیحله، مائنسی کیت بولیه فوجی کا توهن، بوات سلام ۲ له.
امین.

اکورینتوس

سورت کیریعن یغ فرتام هق توهن بري فولوسن
تولیس کد فواق المسيح دبندر کورینتوس

باب 1

فولوس جاني سئورغ هق باواه تیته المسيح

- 1 اکو فولوس، هق کنا فشكيل جاني سئورغ دالم فواق هق باواه تیته عيسى المسيح، ایکوت کهندق توهن، تولیس سورت کیریعن نی، سکالی دفن ادیق کو سوستنیس.
- 2 کد اورغ کریستین هق جانی فواق المسيح دبندر کورینتوس یا، بت سموا فواق مو هق توهن فیلیه دوق سوجی انتوق یی دفن کران مو ماسوق ده دوق سههاتی سپاوا دفن عیسی المسيح. سکالی دفن ادیق برایق سرات ۲، هق بریعا اتس نام رتی عیسی المسيح، مفاکو کات دی جانی ربی، سروف کیت مفاکو جوگ.
- 3 اکو مینتا، توهن باف کیت دفن ربی عیسی المسيح تو، تورون رحمة اتس فواق مو دفن سلامت سجهترا.

فولوس اوچف تریما کاسیه کا توهن

- 4 اکو دوق اوچف تریما کاسیه کا توهن سعمور، کران دی بري سموا رحمة تورون اتس فواق مو، هق دوق سههاتی سپاوا دفن عیسی المسيح. سبب عیسی توله، مو کای ده سموا
- 5

فركارا، سروف مو بوليه كيچيق، مو بوليه ارتى، سموا هق توهن بري. بالس نيله، خبر چارا حال المسيح لكت دهاتي مو، سهيفىگ، تكه مو دوق ننتي هاري هق ربى عيسى المسيح نق ماري بري نمفق توبوه دى فول تو، مو تاءً كورغ نعمة مان ٢ فون هق توهن بري كف مو.

ربى سنديري فون نق جاك هاتي مو، بري تكف سمني سود، جاري فواق هق تاءً ساله اف ٢، فد هاري ربى كيت عيسى المسيح تو جاري حاكم اتس سموا ماءً نسي.

فواق مو بوليه هارف كا توهن هق سوروه مو دوق رافت دغن انق يع ساتو هق دى، ياءً يت عيسى المسيح، ربى كيت، كران توهن تاءً بياس موغكير جنجي سكالي فون.

فواق المسيح دكوريينتوس جاري كلاهي باله

فس لاني اتس نام ربى كيت عيسى المسيح، اكو مينتاً جوگ ٢ نق بري اديق براديق ستوجو مو اكو، جاغن كلاهي باله جاري فواق ٢. فس اكو نق مينتاً فواق مو فاكت بري باً ييك سموله دغن هاتي ستوجو سعمور.

اكو رويت بالس ني، اديق براديق كو، كران اد اورغ دالم رومه كلوي ماري رويت فريحال كات، فواق مو دوق كلاهي باله سام سنديري سعمور.

معنان، دالم فواق مو، گتف اورغ معاکو تاءً سروف. اورغ تو کات: اکو ني قوم فولوس! اورغ لائين کات: اکو ني قوم افولوس! اورغ لائين فول کات: اکو ني قوم فيتروس! فس اد جوگ، اورغ هق کات: اکو ني قوم المسيح!

بوليه كه، اورغ يله بهاكي المسيح لاکو تو؟ نق! مو سفك کات فولوس كه هق کنا فاكو دكايو امفت چابئ انتوق مو تو؟ اتوا دغن نام فولوس كه، مو تريما روكون مندي تو؟ نق سكالي!

سسوگکوهن ، اکو اوچ تریما کاسیه کا توهن ، سابیت بوکن
 اکو هق بري سیاف ۲ دالم فواق مو تریما روکون مندی تو ،
 ملینکن کریسفوس بغن گایوس ، دوا اورغ تو ساج . اورغ تا'له
 کات مو تریما روکون مندی بري ماسوق جانی انق مرید کو ، رق !
 اکو ترلوف ، اکو بیاس بري تریما روکون مندی تو کا ستیفانوس ،
 بغن اورغ درومه نی جوّد . لائین فد تو ، اکو تا'ایفت ده .
 کران کرج هق المسيح سوروه اکو بوات ، بوکن نق بري اورغ
 تریما روکون مندی ، رق ! تافی ری سوروه اکو گی رویت خبر
 بائیک تو ، بغن تا'فاکی کیچیفن فندی ۲ هق اکو سندیری .
 کالو کیچیق بالس تو ، تاکوت خبر حال المسيح ماتی فد کایو
 امفت چابغ تو ، نق جاتوه کواس جاری تا'ترفاکی .

هق ماءنسی کات تا'ترفاکی ، توهن فاکی بري اد کواس

سسوگکوهن ، اورغ هق سست روق توجو کا نراک ، نی کيرا
 کات ، خبر چارا حال المسيح ماتی فد کایو امفت چابغ تو ،
 بودوه تا'ترفاکی . تافی انتوق کیت هق روق توجو کا جالن
 نق سلامت ، خبر تو ماري بغن کواس توهن .
 اد ایات دالم کتاب توهن هق کات :

توهن نق بري فونه علمو کا اورغ هق بیحق فندی سندیری ،
 فیکیران اورغ چریدیق فون ، توهن نق سنتوق .

کالو لاکو تو ، بالس مان کا اورغ هق بیحق فندی تو ، اتوا کا
 اورغ چریدیق ، اتوا کا گورو ۲ هق فندی بیحس لانی ؟ توهن بري
 پات کات کفنداین ماءنسی سندیری تو بودوه تا'ترفاکی سمات ۲ .
 کران توهنله هق بیحقسان سوگکوه ، فس نی کرت سین کات تا'
 اد جالن ماءنسی نق بولیه کدل توهن بغن کفنداین نی تو ، رق !

14

15

16

17

18

19

20

21

توهن کات نی نق بری سلامت کا اورغ هق فرچای کا خبر هق کیت رویت، یائیت خبر هق ماء نسی سائی کات بودوہ، تاء ترفاکی تو.

اورغ بفسا یهوری دوق تونتوت فرکارا ۲ عجائیب جانی تندا، 22

اورغ بفسا گریک دوق چاری سبب ایکوت کفنداین ری سندیری.

تافی کیت رویت خبر حال المیح ماتی دکایو امفت چایغ نق بری سلامت. خبر تو بری اورغ بفسا یهوری سنتوق، تاسیر فرچای، فس بری اورغ بفسا گریک کات : تاء ماسوق عقل ! 23

تافی انتوق اورغ ۲ هق توهن سوروہ توروت نی، تاء کیرا کات لورغ بفسا یهوری، اتوا فون اورغ بفسا گریک، خبر بیغ بائیک نی، نی ارتی کات توهن تنجوک کواس دغنا بیجقسان نی دالم توبوہ المسيح . 24

کران هق توهن بوات، نمفقن بودوہ تاء ترفاکی، 25
سسوڠکوہن، هق تو بری پات کات، توهن بیحق لبیه فد سموا کفنداین هق ماء نسی. فس، توهن بوات نمفقن لمد تاء ادار کواس تو، تافی سسسوڠکوہن هق تو ادار کواس لبیه فد سموا کواس هق ماء نسی بوات تو.

توهن بری تریالق هق ماء نسی کات مستحق

هي ادیق برادیق کو، ایفتله ! فد ماس توهن سوروہ مو ماری توروت نی، دوروکن مو بالس مان؟ ایکوت تیلیقکن ماء نسی، دالم فواق مو، اورغ هق معاجمی تیغکی اد سیکیت ساج، اورغ هق ادار کواس فون تاء باپق جوگ، فس اورغ هق ادار فریغکت تیغکی فون، کورغ . 26

تافی توهن سکلیغ فیلیه هق ماء نسی دنیا کات تاء ترفاکی، نق بری مالو کا اورغ هق کات فندي سندیری. توهن فیلیه هق ماء نسی دنیا کات لمد، نق بری اورغ هق ادار کواس تو، مالو.

- 28 توهن فیلیه هق مائنسی تیغوق رنده، ترهینا، تاءٰ ترافاکی،
نق بري تریالیق فرکارا ۲ هق مائنسی تیغوق کات مستحق .
- 29 معنان تاءٰ اد سیاف ۲ بولیه ماري مغهادف توهن دفن فوجی
دیری سندیری .
- 30 تافي توهن، دفن کواس ری، سوده فیمغین فوق مو ماسوق
جاری سهاتی سپاوا دفن عیسو المیح . دفن سایت دیاله ،
کیت بولیه تریما کبیحقسائن توهن، کیت بولیه مغهادف توهن
دفن تاءٰ ساله اف ۲، فس کیت بولیه دوق سوچی انتوق توهن
ساج، تاءٰ کنا جاری همب هق لائین ده .
- 31 سبب تو، ایات دالم کتاب اد کات:

سیاف نق بسر کا دیری سندیری، باهیک لائی کی ری
رویت بسر مان رحمة هق توهن تورون کا ری .

باب 2 فولوس تاءٰ فاکی کفنداین ری سندیری

- 1 اکو فولوس فون، بیلا اکو ماري رویت خبر بري تریوک رهسیا
تهن کا فوق ادیق برادیق کو نی، اکو تاءٰ فاکی کیچیفن هق
فایه ارتی، اتوا فون علمو کو سندیری، دق !
- 2 کران اکو کرت سین ده دالم هاتی کات، تکه اکو دوق سام مو
تو، اکو تاءٰ سیر فاکی فرکارا مان ۲ فون، ملينکن عیسو المیح
ساج، فس نق توجو کا کماتین ری دکایو امفت چابع تو .
- 3 سبب توله، بیلا اکو ماري کا تمفت مو، اکو براں لمه، کتر
کنالیغ، کران تاکوت .
- 4 اکو میمی خبرکو تو، بوکن دفن کیچیفن فندي ۲ هق بري ارغ
مناریق هاتی، تافي دفن تندا ۲ هق بري نمفق کواس هق توهن .
- 5 توجوان کو، تاءٰ سیر بري ایمان مو برکتوع دفن کفنداین
مائنسی، دق ! تافي دفن کواس توهن ساج .

کفنداین هق سجالتی ماری دتهن

ولو بالس تو فون، تافی اکو نق کیچیق چارا حل کفنداین 6
 جوگ، کقد اورغ ۲ هق فیکیران ری ماسق دهن فرکارا چارا حل
 توهن. کفنداین نی بوکن هق دنیا، اتوا دکواس ۲ هق لانی
 دوق مرینته اتس دنیا، فس لام ۲ نق کهور ۲ تیروس کی.
 ۷
 تافی کفنداین هق اکو دوق بچارا نی، یا^۱ یت بیجقسان هق
 توهن سندیری، هق مائنسی تا^۲ ارتی، هق دوق سوسوف،
 لام ده. توجوان توهن، بلوم فد دنیا جاری لاکی، نق بري
 کیت بولیه کملیان کو^۳ جالن بیجقسان تو.

۸
 دالم فوق هق دوق فرینته دنیا نی، تا^۴ اد سئورغ هابوق هق
 جوغ تریما بیجقسان توهن سائی. کالو ری جوغ تریما، تنتو
 نی تاء^۵ امبیق ربی بیع مهاملیا، کی فاکو دکایو امفت چابغ
 تو. اد ایات دالم کتاب توهن هق کات:

فرکارا ۲ هق مائنسی تاء^۶ بیاس تیغوق، تاء^۷ بیاس دشر،
 اتوا تاء^۸ ماسوق دالم اوتق ری فون، جاري فرکارا نیله
 هق توهن سوده چادغ تاروه انتوق اورغ هق کاسیه
 طلاعة کا ری.

۱0 فس جاري فرکارا نیله هق توهن بري کیت نمفق دهن جالن
 روح ری، کران روح توهن تو بولیه ماسوق تیلیق تیغوق
 سمنی هابیس سموا فرکارا، تاء^۹ کیرا کات هق توهن فون.
 ۱1 دهن مائنسی، تاء^{۱۰} سیاف بولیه تاهو فیکیران اورغ ملينکن
 هاتی ری سندیری، بوکن؟ بالس تو جوگ، تاء^{۱۱} سیاف
 بولیه تاهو فیکیران توهن، ملينکن روح توهن سندیریله.
 ۱2 فس فوق کیت هق جانی کریستین، تریما ده روح توهن
 ماسوق دالم هاتی کیت، گنتی کفنداین هق مائنسی دنیا،

بری کیت بولیه ارتی سموا رحمة هق توهن تورون کا کیت .
سبب توله ، افبیل کیت تفسیر فرکارا ۲ هق ماری دتوهند کا اورغ
هق اد ره روح توهن ، کیت تاءً امبیق فاکی فرکتائے ایکوت
کفنداین ماء نسی سندیری ، دق . کیت فاکی هق روح توهن
اجر ده کا کیت .

13 تافی اورغ هق تاءً اد روح توهن دالم هاتی نی ، دی تاءً لیه تریما
رحمه هق ماری کوء روح توهن تو . تنتو نی تاءً لیه نق ارتی .
دی کات تاءً ترفاکی ، سبب نق بولیه تیمیغ فرکارا ۲ تو مهل
تاءً لیه ، ملینکن دغن فرتو لوغون روح توهن .

14 اورغ هق اد روح توهن فول ، دی بولیه تیمیغ سموا فرکارا ، هق
مان اد هرگ ، تافی اورغ هق تاءً اد روح توهن ، نق تیمیغ هاتی
اورغ تو تاءً لیه . اد ایات دالم کتاب توهن هق کات بالس نی :

سیاف بولیه تاهو فیکیران توهن ؟
اورغ مان بولیه نصیحة کا دی ؟

تافی فواک کیت نی سورہ تریما ده فیکیران المسيح جانی هق
کیت .

اورغ ۲ هق دوق بوات کرج توهن

1 تافی اکو تاءً لیه کیچیق دغن فواک مو ، سروف اورغ هق
تریما ده روح توهن . اکو کا کیچیق سروف مو جادی ماں نسی
ردنیا ، اتوا سروف بولق ۲ کچیک دغن توروت جالن المسيح .
کالو بندیغ ، دلو اکو کا بری مو ایسف فیق ، تاءً لیه بری
مکانن برایسی ، سبب مو تاءً فندي مامه ، فس سمنفی لانی فون ،
مو تاءً لیه ماکن لاکی .

2 کران فراغی مو دوق سروف ماں نسی ردنیا لاکی . ایقتله ! تکه
مو دوق رغکی مو اکو تو ، اتوا کلاھی باله مو اکو ، معنان

فراغي مو دوق سروف ماءنسى دنيا لاكى، فس مو امبيق فاكى
ستارا تولا دغۇن ھق نى فاكى، بوكن؟

تىكە ۲ اد اورغ ھق كات: اکو نى قوم فولوس، اتوا اورغ لائين
فول كات: اکو نى قوم افولوس، فراغي مو سروف ماءنسى دنيا،
بوكن؟ كران ايغىتلە، فريشكەت ستارا مان افولوس ساً نى تو؟
فس اکو فولوس، فريشكەت ستارا مان فول؟ فريشكەت اورغ ھق
كرج كا توهن ساج، ھق توهن فاكى برى فيمغىن فواق مو ھق
فرچايى كا نى. فواق كيت بوات كرج ھق مان توهن برى بوات
ماسيخ ۲.

ميسىل سروف اکو فولوس نى تانم بنىيە. افولوس ماري جىروس،
تافى توهن ھق برى بنىيە تو تومبۇھ نائىك.

اورغ ھق تانم بىن اورغ ھق جىروس تو، تاً براف مستحق مان.
ھق مستحق، توهنلە، ھق برى بنىيە تو نائىك.

تائىلە كات تىيىگى رنده، اورغ تانم دغۇن اورغ جىروس تو.
توهن نق ھدىيە كا نى، ايكوت كرج ھق نى بوات، ماسيخ ۲.
كيت نيلە اورغ ھق كرج تولوغ مو اکو انتوق توهن، فواق مو
فون سروف بىندىغ ھق توهن، ھق كيت بوات.

رومە ھق توهن دوق بىنا سندىرى

فس كيت بولىيە بىندىغ دغۇن ھق لائين كات، مو سروف رومە
توهن جوڭ.

بىن فاكى كىنداين ھق توهن برى كا اکو، اکو جارى سروف
توكۇغ رۇمە ھق فندي، فس اکو لتق فلافيق. اورغ لائين فون
مارى بىنا اتس تو فول. تافى گنف ۲ اورغ كا جاڭ بائىك ۲ بالس
مان نى ماري بىنا.

كران توهن لتق دە عىسى الميسىح جارى فلافيق سا ساج.
ھق لائين تائىلە فاكى.

4

5

6

7

8

9

10

11

- اورغ هق ماري بینا اتس فلافيق سائي تو، اد اورغ هق نق 12
 فاكی مس اتوا فون فيرق ، اتوا فون باتو مات اينتن . فس اورغ
 لاءين فول نق بینا کایو اتوا اتف جرامين .
- فس کرج گنف ۲ اورغ نق کا تريوك بلاک ، فد هاري المسيح 13
 ماري فريقسا . کران فد هاري تو، ری نق فاكی افي اوجي کرج
 گنف ۲ اورغ ، بري نمفق هق مان بوليه تاهن افي تو .
- کالو هق اورغ بینا اتس فلافيق سائي تو، بوليه تاهن لعن 14
 افي ، اورغ تو نق تريما هديه درف دوهن .
- تافي کالو کرج اورغ تو ترباکر ، روکيله ری . تافي ری سنديري 15
 نق بوليه سلامت ، سروف رومه ماکن رافي ، فس توان لاري
 بوليه سلامت .
- بااف مو لوف که ، کات مو جاري تمفت هق توهن دودوق ، 16
 کران روح توهن دوق دالم هاتي مو . سبب توله ، کالو
 سياف بري فونه تمفت دودوق هق توهن تو ، توهن فون
 نق بري فونه ری . کران تمفت دودوق هق توهن ، سوچي ،
 فس فوقاک موله جاري تمفت تو .

هق کيت اد ماري دتهن بلاک

- جاڠله سياف ۲ تيفو ديري سنديري . کالو اد اورغ دالم فوقاک 18
 مو هق ايٺ کات ری فندي ، ايڪوت ستارا هق مائسيي دننيا
 فاكی ، موليقله اورغ تو فالينج جاري بودوه ، انتوق نق جاري
 فندي سوغکوه . کران فرکارا ۲ هق مائسيي کيرا کات کفداين ،
 توهن کات بودوه ، تا' ترافاكی ساج . اد ايات دالم كتاب هق
 کات :

اورغ ۲ فندي ، توهن نق فاكی هق ری کات چريديق
 تو ، بري ری جاتوه دالم فرغشکف .

فس ایات سا لاکی کات:

20

توهن تاهو ده فیکیران ۲ اورغ هق فندی تو تاء ترفاکی .

- سابیت تو، جاغنله سیاف ۲ اغکیت دیری ، کران کفنداین ما^۱ نسي . 21
 ایشتلہ، مو بولیه ده سموا فرکارا جاری میلیق مو بلاک !
 تاء کیرا کات اکو قولوس، افولوس، فیتروس، دنیا نی، هیدوف
 اتوا فون ماتی، ماس لانی اتوا فون ماس رافن، سموانی جاری
 میلیق فواق مو ده . فس فواق مو جانی میلیق هق المسيح ،
 المسيح فون جاری میلیق هق توهن . 23

چاری فوجین درف دنهن

باب 4

- مولیقله مو تیغوق کا فواق اکو هق ماري معاجر مو، سروف 1
 اورغ هق تغکوغ جواب کا المسيح ، نعن کرج بوک کا اورغ
 فرکارا ۲ هق توهن، فرکارا ۲ هق مولا ۲ دوق سوسوف .
 اد ساتو تندنا هق کنا اد اتس دیری اورغ هق کرج تغکوغ جواب 2
 کا بارغ توان دی، یا^۱ یت توان بولیه هارف کا دی .
 کالو فواق مو نق حکوم اتس اکو کات ساله، هق تو جانی 3
 فرکارا کچیک کا اکو . اورغ مان ۲ فون، کالو نق حکوم اتس اکو
 ایکوت عاده دنیا، سروف تو جوک . سسونگکوهن ، اتس دیری کو
 فون ، اکو تاء برانی نق حکوم جوک .
 مات هاتی کو چرف ده ، تافی ولو بالس تو فون ، تاء لیه کات 4
 اکو تاء ساله . توهنله هق بولیه کرت سین .
 سابیت توله، جاغن مو جاتوه حکوم اتس سیاف ۲ فون ، بلوم 5
 سمنی فربیاغ . کما ننتی هیشگ سمنی ربی کیت تورون ماری فول .
 دی نق باوا^۱ ماسوقد دالم چره ، فرکارا ۲ هق دوق سوسوف
 دالم گلف . دی نق بوک توجوان هاتی ما^۱ نسي هق دوق توروغ
 لام ده . فس فد ماس تو جوک ، گنف ۲ اورغ نق بولیه تریما

فوجين توهن ماسينغ ۲، ايكوت هق سوغ فاتوت دغн فريواتن
لي.

چنتوه اورغ ۲ هق باواه تيته المسيح

- 6 اديق براديق کو، هق اکو رویت تاري، اکو بوات چنتوه
افولوس دغن اکو سنديري، انتوق فواق مو سموا، نق اجر
برى فواق مو هيدوف ايكوت هق ار ره دالم كتاب. جاغن
سياف دالم فواق مو فاءوغ کا اورغ تو، هيينا کا اورغ نبي .
- 7 کالو مو تيڠي ڦد اورغ لائين، سياف هق بري مو تيڠي تو؟
تنتو سموا هق مو ار، توهنه هق بري. کالو بالس تو، بالس
مان مو نق بولييه فاءوغ ديري کات هق مو سنديري.
- 8 مو کات اد چوکوف بلاڪ ره، تافي دق! مو کات کاي ره، تافي
دق! مو کات مو جاري راج ره، ولو اکو ته سمفي ستارا تو
فون . موليقله کالو مو جاري راج. فس فواق اکو فون نق بولييه
فرېشك راج سکالي دغن مو جون.
- 9 تافي ايكوت فيكيران کو، تيڠوچ سروف توهن بري کا فواق اکو
هق باواه تيته بي، فريشك رنده سکالي، سروف اورغ هق کنا
بونوه ماتي رافن مات اورغ، نق بري اکو جاري سروف کرج بسر
هق سموا ما نسي دغن ملائيڪه ۲ فون کي تيڠوچ .
- 10 دغن کران المسيح، ما نسي تيڠوچ کا فواق اکو کات بودوه.
تافي فواق مو، کران جاري ميليق المسيح، مو کات مو فندي
بلاڪ. فواق کو اورغ لعه، فواق مو سٺک کات مو گاڪه . فواق
کو کا هيينا د اورغ، فواق مو سٺک کات اورغ کا حرمه ڪڊ مو .
- 11 سسوڳوھن سمفي سكت بي فون، فواق اکو براں لاقر ، براں
رهاگ. فکاين کو بوروق ، اکو کا گويم، دوق د مان ۲ سڀنتر ،
کنا توبيت کي کا لائين فول .
- 12 اکو کا کرج برت انتوق نق بلنجا هاري ۲. بيلا اورغ کيچيق
هودوه کا اکو، اکو بالس دغن ميٿاء سلامت کا ري . بيلا اورغ

- بوات پاٹ کا اکو، اکو صبر۔
بیلا اورغ ماکی کا اکو، اکو بالس رغن کیچیفن مانیس کا ری۔
اورغ کیرا کات اکو سروف سمفہ دتفی جالن۔ سمعی لانی، ایکوت
فیکیران ماء نسی، اکو سروف بارغ چمر دالم فریوق۔
- اکو فولوس تولیس بالس نی بوکن سبب اکو نق بڑی مو مالو،
نق۔ اکو نق اجر مو سروف باف اجر انق ۲ ری هق نی کاسیه
سوغکوھ۔
- کران ولواد اورغ سفولوہ ریبو اورغ فون اجر مو دالم کھیدوفن
کریستین، تاءسام رغن فق سجاتی۔ فس، دالم کھیدوفن
تو، اکو جاری فق مو، کران اکولہ هق مولا ۲ باو ۶ خبر بائیک
کفڈ مو۔
- سبب تولہ اکو مینتا جوگ ۲ سوروہ مو توروت چنتوہ اکو نی!
فس، انتوق نق بڑی جاری هق اکو مینتا تو، اکو سوروہ
تیمومتیوس کی کا تمفت مو فول۔ دالم فواق ربی عیسی، نی
جاری انق هق اکو کاسیه، هق بولیه هارف سوغکوھ۔ نی نق
بڑی مو ایقت بالس ملن اکو توروت جالن هیدوف، هق اکو
بولیه دالمسيح، یاءیت فرکارا ۲ هق اکو کی اجر کا سموا فواق
المسيح درات ۲ تمفت۔
- اد جوگ اورغ دالم فواق مو هق براگین، کران نی سفك کات
اکو تاءماری۔ تافی کالو توهن بنر بڑی کا اکو، تاءلام لاکی اکو
نق ماری تیغوق مو۔
- بارولہ اکو نق تاھو سندیری، هق مان اورغ براگین ساء نی تو
اد کواس بولیه بوات، بوکن هق نی فندی کیچیق ساج۔
- کران بیلا توهن امبیق فرینته دالم هاتی اورغ اد تندا، یاءیت
توهن تورون کواس اتس اورغ تو، بوکن رغن کیچیفن نی ساج۔
- مو نق لاکو مان؟ نق سوروہ اکو ماری رغن موریہ کہ؟ اتوا
رغن هاتی لمھ لمبوت، کاسیه سایغ کفڈ مو؟

اورغ کورینتوس بوات چافوغ

باب 5

- اکو براں حیران سوگکوه، نفر خبر کات دالم فواق مواد اورغ بوات چافوغ، تروق لبیه فد اورغ کوفور لاکی. بویی کات، از اورغ بوات زنا، دغن مق تیری.
- ایه! کلن بولیه فواق مو تکابور لاکو تو؟ باهیک مو سسل، براں مالوله! اورغ هق بوات جاھت تو فون، مو کنا چابوت توبیت دالم فواق مو.
- ولو توبوه اکو دوق جاوه فد مو فون، تافی هاتی کو براں سروف دوق سکالی دغن مو جوگ، سروف اکو سندیری ده دوق او. فس اتس نام ربی عیسی اکو سوره جاتوھ حکوم ده اتس اورغ هق بوات فرکلارا ۲ هق کجی تو.
- بیلا مو ماری فراچوم، فس اکو فون دوق سکالی، بوکن دغن توبوه تافی دغن هاتی اکو، فس کواں ربی عیسی دوق اتس کیت، فواق مو کنا سره اورغ تو کا هیبلیس، بری توبوه بی سوسه، دشن توجوان نق بری بی سسل، بولیه سلامت، فد هاری ربی عیسی نق ماری جانی حاکیم.
- تا، سوغ فاتوته مو تکابور لاکو تو. مو تاهو ده، بوکن، ففاتھ هق کات:
- ایبو تفوغ سیکیت ساج، بوه دالم روتی جانی کمبی هابیس. مو کنا چابوت تاھوچ دوسا دالم فواق مو، هق سروف دغن ایبو تفوغ ساءنی، انتوق نق بری مو سوچی. باروله فواق مو نق جانی سروف ستوگکول هق بارو، هق تاء، ماسوچ اف سکارا لاکی. سسوغکوهن مو جانی بالس تو جوگ، کران المسيح هق جانی انق کیس انتوق جامون. فسخر هق کیت، کنا سمبليه تو.
- ماریله کیت برای جامون کیت، فس بالس مان رای فسخر کنا

بوات دفن روتی هق تاء بوه ایبو، سروف تو جوگ، فوق مو فون کا بوات رای دفن تاء ار روسا اتوا اف ۲ هق چافوغ، دالم فوق مو، تافي کا جاري اورغ هق هاتي اخلاص، هق بوات بتول سمات ۲.

9 دالم سورت هق اکو تولیس ده تو، اکو فسن کات، جاغن برچمفور کاول دفن اورغ ۲ چافوغ.

10 توجوان کو فسن تو، بوکن تاء سیر بري برچمفور کاول دفن اورغ هق تاء کتل توهن لانکي، هق چافوغ اتوا هق طمع، اتوا هق چوري، اتوا هق سمبه برهالا. کالو مو نق بري جاوه فد اورغ سروف تو، تنتو مو کنا توبیت دنيا.

11 نق! توجوان کو لاکو ني، یائیت تاء سیر بري مو برچمفور کاول دفن اورغ هق کات ني جاري اديق براديق کريستين تافي ني روق بوات چافوغ، طمع، سمبه برهالا، مغوفت، مفجي، مابوق اتوا فون فنجوري. اورغ لاکو تو، روق ماکن سکالي دفن ني فون، جاغن جوگ!

12 بوکن کرج اکو نق حکوم ساله اتس اورغ لوار ۲ فوق المسيح.
13 جاري توهن هق نق حکوم اتس ني. تافي مولیقله، بوکن، مو کرت سین اتس اورغ ۲ دالم فوق مو هق جاري فوق المسيح
ایکوت ایات دالم کتاب هق کات:

همبتله اورغ هق بوات جاهت دالم فوق میلیق توهن!

باب 6 بوکو اديق براديق سام سنديري

1 کالو اد اورغ دالم فوق مو هق روق کلاهي باله سام اديق براديق، بالس مان دي براني کي هادو کا حاکيم هق لوار اديق براديق، تاء سیر بري فوق میلیق توهن کرت سین بوکو ني تو؟
2 مو تاء تاهو که کات، اورغ هق جاري میلیق توهن، نق جاري

حاکیم ۲ اتس ماءُنسی ردنیا ؟ کالو مو نق بولیه جاری حاکیم
اتس فرکارا هق تیغکی سروف تو، بااف مو تاءُلیه کرت
سین اتس هق کچیک تو؟

مو تاءُتاهوکه کات، کیت نق جاری حاکیم اتس ملاعیکة ۲
کالو بالس تو، بااف مو تاءُلیه سلسی بوکو هق تیمبول هاری ۲
رالم فوق مو؟ کالو بوکو ۲ سروف ساءُنی تیمبول دالم فوق مو
بااف مو نق کی چاری اورغ لوار، هق تاءُسفکوت فاءُوت رعن
فوق مو تو، ماری بربی مو جاری بائیک سمول؟

ایه! مالو ساعت نی! تاءُدار سورغ هابوق که دالم فوق مو،
هق فندی بربی بائیک کلیق، ادیق برادیق دوا اورغ هق کلاهی
باله؟ تنتوار! تافی دالم فوق مو، ادیق برادیق کی بوات
بوکو سام سندیری دسن، بربی اورغ هق تاءُفرچای کا توهن
کرت سین بوکو تو.

رعن اد بوکو مان ۲ مو اکو، جاری تندا کات مو هاله. مولیق
لایکی بوکنکه، کالو سورغ کتا بوات جاہت، نی تاءُبالس،
اتوا اورغ هق کتا تیفو فون، دوق ییام.

تافی فوق مو، ولو ادیق برادیق فون، دوق بوات جاہت،
تیفو منیفو سام سندیری.

تنتو مو کابر کات اورغ هق بوات جاہت تاءُلیه تریما فساک
هق بولیه ماسوق دوق باوه فرینته توهن. جاغن مو تیفو
دیری مو سندیری. اورغ مان هق بوات چافوغ، هق سمبه
برهالا، هق بوات زناء، هق ماءین جنتن سام جنتن، اورغ
هق چوری، هق طمع، هق مابوق، هق مفهودوه اورغ اتوا
فون هق سامون بارغ اورغ، سموا نی تاءُلیه تریما فساک هق
بولیه ماسوق دوق باوه فرینته توهن.

اد دالم فوق مو هق بوات سروف تو دولو. تافی لانی، مو
چوچی ده، دوسا ۲ مو، مو دوق سوچی ده انتوق توهن، مو

3

4

5

6

7

8

9

10

11

تا^ء ساله ده رافن توهن ، سا بیت دغن کواس ربی کیت عیسو
المسيح ، سکالي دغن روح توهن جوگ .

فاکي توبوه مو انتوق بري اورغ فوجي کا توهن

فس چارا حال بارغ حرام فول ، تنتو اد اورغ نق کات : تاء^ء 12
بارغ حرام انتوق اکو! ها سوغکوه ، تافي بوکن سموا فرکارا تو
هق اد فائیده انتوق اورغ هق دوق کات تو . فس ، اکو فولوس
فون ستوجو کات ، تاء^ء اد بارغ حرام انتوق ديري کو ، جوگ ،
تافي اکو تاء^ء سير ترفقسا اف سکارا هق کا توروت .

فس بغلالي اد اورغ جوگ هق کات : توهن بري جاري فروت انتوق
نق بوبوه مکانن ، فس رې بري جاري مکانن انتوق نق بوبوه
دالم فروت ! ها سوغکوه ، تافي سود سکالي توهن نق بري فونه
کدوا ۲ تو . تافي ديري ماء^ء نسي لاءين فول . توهن تاء^ء بري جاري
توبوه ، بوکن نق سوروه بواس فرکارا هق تاء^ء موليق ، دق . رې
بری جاري انتوق ربی کیت ، فس رې فول انتوق ديري کیت .
تهن بري ربی کیت بغلکیت هيدوف کلیق درف داتی . بالس
تو جوگ ، توهن نق بري کیت هيدوف دغن کواس رې .

مو تاهوره بوکن ، کات ديري مو ماسیع ۲ جاري اگکوت توبوه
المسيح ؟ سوغ فاتوت که ، امبیق اگکوت سا دالم توبوه المسيح
سآء^ء نی ، کی برساتو دغن اورغ بیلیق ؟ تنتو تاء^ء سوغ فاتوت !
اتوا بغلالي مو تاء^ء تاهو کات ، اورغ هق کی ستوبوه دغن اورغ
بیلیق ، بري جاري ديري رې ساتو دوا اورغ بیلیق تو ؟ اد ایات
دالم کتاب هق بري تاهو چرف کات :

دوا اورغ تو نق جاري سروف ساتو اورغ

17 تافي اورغ هق دوق سهاتي سپاوا دغن ربی ، رې جاري ساتو
دغن ربی ، روح سام روح .

- بری جاء و هله دیری مو درف د بواسات چافوغ، زناه. دوسا ۲ لائين
حق ماء نسي بواسات، تاء بربهيا کا توبوه ری، تافي اورغ حق
 بواسات چافوغ زناه، جاني بهريا کا توبوه ری سنديري.
- مو تاء تاهو که کات، توبوه مو تو، تمفت روح توهن دودوق؟
جاري توهنه هق بری روح ری دوق دالم دیری مو تو. مو
تاء ليه کات دیری مو جاني ميليق مو سنديري، رق.
- تهن باير ده دیری مو دغ هرگ مهل. سبب تو، فاكيله
توبوه مو انتوق بری اورغ فوجي کا توهن.

سوال ۲ چارا حال اورغ دوق لاکي بياني

باب ۷

- لاني اکو نق جواب هق مو توليس ده دولو تو. موليق لاکي
باء يك اورغ جنتن تاء سه کهون. تافي سبب اد جان چافوغ
باپق بدمعه، باء يك اورغ جنتن بربيني، اورغ بتينا برلاکي.
- اورغ جنتن کا بری کا بياني سموا هق سوغ دغ جاني لاکي ری.
اورغ بتينا فون کا سروف تو جوگ، دغ جاري بياني.
- کران اورغ هق جاري بياني، تاء ليه فرينته توبوه ری سنديري،
کا لاکي ری فرينته. اورغ هق جاري لاکي فول، بالس تو جوگ
کا بری بياني فرينته.
- جائهن لاکي بياني کات تاء سير کلامين، ملينكن ستوجو دولو
نق اور، فاكى ماس تو نق بربغا. تافي جائن لام ساعت اور
تو، فس ماري کلامين فول. تاکوت هيبليس ماري نق تيفو مو،
تاء ليه تاهن نفسو مو.
- هق اکو کات نی، بوکن اکو سوروه مو کا بواسات، رق! اکو نق
بری نصيحة کف مو ساج.
- سسوغکوهن، اکو فولوس، اچي بوليه نق بری فواق مو سموا
جاري سروف اکو. تافي توهن بری رحمة ری کا اورغ ماسيغ ۲

- اوغ تو لائين ، اوغ نی لائين . 8
 کف اوغ ۲ هق تاء منيکاح لاکي ، فس کف اوغ بوجع ، اکو نق
 بري نصيحة لاکو نی ، موليق لاکي مو دوق سئوغ سروف اکو . 9
 تافي کالو مو تاء ليه تاهن نفسو مو ، بايک مو گي منيکاح فد
 نفسو مو دوق گلفر تاء ليه اود . 10
 انتوق اوغ هق منيکاح ده ، اکو سوروه لاکو نی . سسوغلونهش
 بوکن اکو ، تافي توهن ، هق سوروه . اوغ هق جاري بياني ، 11
 جاغنله تيغکل توء لاکي . کالو باس تيغکل دي ، اوغ بتينا کنا
 روق سئوغ ، اتوا کنا گلېق بايک سمولا . اوغ هق جاري لاکي
 فون ، جاغنله چري دغن بياني . 12
 فس اکو نق کات کف اوغ هق لائين فول . هق نی بوکن
 فرکتاءن رسّي ، تافي هق اکو سنديري . کالو توء لاکي جاري
 کريستين ، بياني دق ، تافي بياني ستوجو نق دوق ، توء لاکي تو
 تاء کما چري دغن دي . 13
 فس اوغ بتينا فول هق جاري کريستين ، توء لاکي دق ، تافي توء
 لاکي ستوجو نق دوق ، بياني دي فون تاء کما چري دغن دي جوگ .
 کران توهن برکن کا توء لاکي هق تاء فرجاي تو ، دغن کران دي
 جاري سکو دغن بياني هق فرجاي ده . فس توهن برکن کا بياني
 هق تاء فرجاي ، دغن کران دي جاري سکو دغن لاکي هق جاري
 کريستين ده . کالو تاء جاري بالس تو ، انق ۲ دي نق جاري
 اوغ هق تاء کتل توهن . تافي دق ! توهن برکن کا دي جوگ . 14
 تافي کالو باس اد اوغ هق تاء فرجاي کا توهن ، براس نق
 تيغکل توء لاکي اتوا بياني دي ، هق جاري کريستين تو ، بلرله
 دي تيغکل کي تاء اف . کالو جاري بالس تو ، اوغ هق جاري
 کريستين ، توء لاکي اتوا بياني فون ، دي بوليه لفس . سبب
 توهن برکهندق نق بري مو دوق دغن سنه ليندغ . 15
 هي فواق مو اوغ کريستين هق جاري بياني ، بعکالي توهن نق 16

فاكي مو بري لاكي مو سلامت. اتوا هق جاري لاكي فون،
بغكالي توهن نق فاكى مو بري بيبي مو سلامت.

دوق سروف تكه توهن سوروه مو توروت ني دولو

فواق مو گتف ۲ اورغ، بالس مان ربّي بري رحمة گند مو،
دوقله بالس تو، سروف مو دوق تكه توهن سوروه مو توروت
ني. جاري اتوران هق اکو فولوس دوق اجر فواق المسيح
رسموا ت Mofft.

ميسل، كالو اد اورغ هق برسونة ده تكه توهن سوروه توروت
ني، جاغن اورغ تو چوب بواغ تندابرسونة تو: كالو اد اورغ
هق تاء برسونة تكه تو، تاء کنا برسونة.

سبب هق مستحق، بوکن برسونة تاء برسونة، دق! هق مستحق
سكالي، کنا توروت سوروهن توهن.

بالس مان اورغ دوق، تكه توهن سوروه توروت ني دولو، بالس
تو جوگ، باييك گتف ۲ اورغ دوق لاني. ميسل، فد ماس توهن
سوروه مو تو، مو اد فريشكـت جاري همب اورغ، بلرله. تافي
كالو اد فلواـغ نق بولـيه لـفس، اـميـقلـه فـلـواـغ تو.

اورغ هـق اـد فـريـشكـت جـاري هـمب اـورـغ، تـكه تـوهـن سـورـوه تـورـوت
ني، دـفنـدـاغـن ربـيـ، اـورـغ تو بـولـيه لـفس دـهـ. فـس اـورـغ هـق تـاء
جـاري هـمب اـورـغ، تـkehـ تـوهـن سـورـوه نـي توـ، دـفنـدـاغـن ربـيـ،
اورـغ تو جـاري هـمب المـسيـح دـهـ:

تهـنـ باـيرـ دـهـ دـيرـي مو دـغـنـ هـرـگـ مـهـلـ، جـاغـنـله مو گـلـيقـ کـيـ
جـاري هـمب اـورـغـ فـولـ. هيـ اـديـقـ بـراـديـقـ کـوـ، فـواـقـ مو گـتفـ ۲
اورـغـ، بالـسـ مـانـ مو دـوقـ، تـkehـ تـوهـنـ سـورـوه مو تـورـوتـ نـيـ توـ،
دوـقـلـهـ بالـسـ توـ دـغـنـ نـيـ!

نصیحة فولوس کا اورغ هق تاء منیکاح لائی رغن اورغ بوجع

- 25 چارا حال اورغ هق تاء منیکاح، ربی تاء اد تورون سورو亨
بری اکو میمفي کقد مو. تافي رغن کران ربی تورون رحمة اتس
اکو، مو بولیه هارف کا نصیحة مان ۲ هق اکو بری.
- 26 فذ فیکیران اکو فولوس، سبب نق جانی کسوسا亨 باپق ماس
رافن، مولیق سموا اورغ دوق سروف یی دوق لاني.
- 27 کالو مو بربینی ده، جاغنله مو چری رغن بینی مو تو. کالو مو
تاء بربینی لائی، جاغنله چاری بینی.
- 28 تافي کالو باس مو کی بربینی، بوکن دوسا. فس کالو اورغ بتينا
کی برلاکی فون، بوکن دوسا جوک. کھندق هاتی کو، نق بری مو
بولیه لفس دی کسوسا亨 هق دوق هارف اورغ لائی بینی.
- 29 مقصود کو بالس نی. ماس هق تیفکل لائی، تاءلام ده. جق
رہاری نی باء یک بری اورغ جنتن هق بربینی ده، دوق سروف
اورغ تاء بربینی لائی.
- 30 بریله اورغ هق اد سبب نق تریاق دوق سروف اورغ هق تاء
سبب تو. بریله اورغ هق سوغ کا سوک، دوق سروف اورغ
هق تاء سوک. بریله اورغ هق بلی بارغ ۲ دوق سروف بارغ تو
تاء جاری میلیق یی.
- 31 فس لائی، بریله اورغ هق اد کرج مان ۲ دنیا، دوق سروف
اورغ هق هاتی یی تاء لکت دکرج تو. سبب دنیا هق اد روف
لانی، دکت نق سود ده.
- 32 کھندق هاتی کو فولوس نی، تاء سیر بری مو براں بیمیغ. کران
اورغ جنتن هق تاء بربینی، فادول کا کرج ربی، نق بری ربی
برکن کا یی. تافي اورغ هق بربینی ده، یی فادول کا فرکارا
- 33 هق برتننخ رغن دنیا، نق بری هاتی بینی یی سنخ، اچی
بولیه نق بری بولیه دوا فرکارا. بالس تو جوک، اورغ بتينا هق
- 34

تاءً منیکاح سروف انق دارا ، فادول کا کرج ربی ، نق سوچی انتوق ربی ، توبوه رغن هاتی فون . تافی اورغ هق برلاکی ده ، دی کا فادول کا فرکلرا برتنخن رغن دنیا ، نق بربی هاتی لاکی دی سنخ . نصیحة اکو فولوس نی ، بوکن کات اکو نق لارغ اف ۲ هق مو بوات ، رق ! اکو نق تولوغ مو ، بربی مو بوات هق سوغ فاتوت ، هق بربی بولیه بوات کرج کا ربی رغن سبولت ۲ هاتی .

35 بعکالی اد اورغ هق براں کات ، تاءً سوغ بربی انق دارا ربی لفس عمور تاءً منیکاح ، تافی فق کا کی چاری تونخ بربی کا ربی ؟ تاءً افله ! مو بولیه بوات بالس تو ، فس هق مو بوات تو ، تاءً بربوسا . تافی کالو اد اورغ هق تتف هاتی کات ، تاءً سیر بربی انق دارا ربی منیکاح ، فس دی بولیه فیلیه جالن تو ، رغن سبولت هاتی ، رغن تاءً اد سیاف فقسا ربی ، هق دی بوات تو مولیق .

38 بالس توله ، فق هق بربی انق دی برلاکی ، بوات هق مولیق . تافی فق هق بربی انق دارا ربی روق رغن تاءً منیکاح تو ، هق تو مولیق لاکی .

39 فس چارا حال اورغ هق برلاکی ده فول . سلام لاکی دی روق هیدوف لاکی ، دی روق برکادیت . تافی کالو لاکی دی ماتی ، دی بولیه کی برلاکی لائین فول ، ایکوت کھننیق ربی ، ملينکن کنا جانی اورغ کریستین .

40 ایکوت فراسائیں اکو فولوس ، لبیه مولیق کالو اورغ بتینا تو روق بوجن تاءً منیکاح . نی فیکیران اکو ساج ، تافی اکو براں اکو فون اد روح توهن جوگ هق فیمغین اکو .

باب 8 چارا حال مکانن هق اورغ سمبہ ده کا برھالا

لانی اکو نق رویت هق لائین فول ، چارا حال مکانن هق اورغ سمبہ ده کا برھالا . اد اورغ هق کات : کیت سموا اد علمو !

سوغکوه، تافي علمو تو جاري سروف فاوغ، هق بري جاري اورغ سوميoug. هق باييك لاكى، فاكى كاسيه بري يگوه مو اکو. اورغ هق سفک کات رى تاهو بلاک تو، سسوغکوهن جاوه فد علمو هق بري رى کتل رغن توهن. تافي اورغ هق كاسيه کا توهن، توهن کات رى کتل رغن اورغ تو.

2 فس چارا حال بوليه کا دق ماکن بارغ ۲ هق سمبه ده کا برهالا،
3 کيت اد علمو کات، برهالا تو فرکارا هق تاءاد بري اد. کيت
4 تاهو ده کات، توهن يغ سا هق اد.

5 ولو اد هق اورغ سمبه گنتى توهن، دشرك اتوا دبومي فون،
6 فس ولو اد باپق سروف نى، هق اورغ کات رى جاني توهن،
اتوا ربى فون، تافي انتوق کيت اد توهن يغ سا، رى هق
جاري باف هق بري جاري سموا مخلوق، فس توجوان کيت
هيدوف نى، يائيت کا ربى. فس اد ربى سا، عيسى المسيح.
کوء ربى، توهن بري جاري سموا مخلوق، فس کوء ربى، کيت
بوليه هيدوف.

7 تافي بوکن سموا اورغ دالم فواق المسيح هق تاهو فرکارا نى.
اد اورغ، فس رغن کران دى بياس سمبه ده کا برهالا، سمنفي
لاني فون، بيلا رى ماکن بارغ ۲ هق سمبه ده کا برهالا، رى
سفک کات مکانن تو سغوتيله جاري ميليق برهالا. فس،
سابيت فراسان هاتى ربى لمه، رى کات مکانن تو بري رى
چمر. سسوغکوهن، مکانن اف ۲ فون تاءاليه باوا کيت ماسوق
رکت توهن. کالو کيت تاءماکن، کيت تاءروکى اف ۲. کالو
کيت ماکن فون، کيت تاءلاب.

8 سوغکوه! تافي جاکاله، جاغن بري علمو هق کات مولفس
ده درف داتوران ۲ نى، بوات جاري سابيت اورغ هق کورغ
فرچاي، جاتوه دالم دوسا.

9 ميسل کات، اديق مو هق کورغ فرچاي چارا حال فرکارا نى،

تيغوق مو هق كات اد علموده، دوق ماكن دتمفت سمبه برهالا.
هق مو بوات تو، نق فيمفين اديق تو كي ماكن بارغ هق سمبه
ده كا برهالا، بوكن كه؟

11 سود جالن، علمو مو تو نق بري فونه اديق مو هق كورغ
فرچاي. فس ايختله! المسيح ماتي تو انتوق اديق مو گاتيق
بوكن انتوق مو ساج.

12 مو بوات دوسا تو ترهادف اديق براديق، دغۇن بري تغكىس
فراسان هاتى رى هق لەمە لاكى. فس دغۇن جالن نى، مو
بوات دوسا ترهادف المسيح جوڭ.

13 كالو هق اکو ماكن بري اديق براديق كو بوات دوسا، بائىك
اكو تاء ماكن داڭىئىن، انتوق بري اديق كو تو تاء جاتوه دالى
دوسا.

باب 9 تغكۈغ جواب اورغ هق باواه تىيىه المسيح

1 بوكن كات اکو ترافقسا كنا بوات بالس تو، دق! اکو فولوسن
نيله اورغ هق باواه تىيىه المسيح، هق نمفق دە عيسى رىتى
كىت. فس فوق مو جاري حاصلن كرج كو انتوق رېي بوكن?
2 ولو اورغ لائين تاء سير مفاڭو كات، اکو باواه تىيىه المسيح
فون، تنتولە فوق مو كا مفاڭو، سبب كران اکو، فوق
مو سندىرىي ماسوق جاري فوق المسيح، فس نى جاري تندى
كات اکو باواه تىيىه المسيح سوغىڭوھ.

3 كالو اورغ ۲ ادو كات اکو سالە، اکو جواب بالس نى.
4 تاء سوغ كە، اکو بولىيە تريما مكانىن، تكە اکو دوق بوات كرج
كۆ نى؟ اورغ ۲ لائين هق باواه تىيىه المسيح، اديق ۲ رېي
سبىر تو، دغۇن فيتىرىس فون، رى بولىيە باواه بىنى كىي سكالىي،
تكە رى كىي بوات كرج تو. تاء سوغ كە، كالو اکو بوات سروف
رېي جوڭ؟ اتوا بىڭالىي مو كات بىنابىس دغۇن اکو ساج، هق

کا چاري رزقي سنديري؟

7 بیاس دغرکه، سلدادو کي موسوه، فس ماکن کا باير سنديري؟
اتوا اورغ هق کرج دکبون جابیت هق دی سنديري، تاءليه
ماکن بواه ۲ دی تو؟ دق! اتوا اورغ هق فيرا کمیع بیریع،
تاءليه فره سوسو ماکن سنديري؟ دق جوگ!

8 فواق اکو تاءکنا فاكی بندیعن هاری ۲ سروف سائني ساج،
دق! کتاب نبي موسى فون رویت سروف تو جوگ، کات:

جاغنه بوبوه جوت لمبو، تکه دوق مغیريق.

9 توجوان توهن دغن ایات نی بوکن لمبو ساج، دق. تافي
سسوغکوهن، کیت جوگ. کران سوغ فاتوت سورغ کیلا دغن
سورغ مختم، بوات کرج دی دغن هارف نق بولیه حاصلن
کدوا.

10 فواق اکو تانم ده بنیه دالم هاتی مو. نی جاري فرکارا بسر
که، کیت بولیه حاصلن سیکیت انتوق توبوه کیت درف فواق مو؟
کالو سوغ فاتوت اورغ ۲ لاین بولیه هارف بالس نی، لبیه
فاتوت لاکی اکو بولیه هارف. تافي هق فاتوت اکو بولیه تریما
تو، اکو تاءکنا فاكی. دق! هق فایه بالس مان فون، اکو
او ده، کران تاءکنا سیر بري سکت جالن مو نق دغر خبر بیع
بايك چارا حل المسيح.

11 تنتو فواق مو تاهو کات، اورغ هق کرج دالم بیت المقدس،
بولیه تریما مکانن دسیتو. فس تو، امام ۲ هق تولوغ قربان
کا اورغ فون، دی تریما سکیان دالم قربان تو، انتوق ماکن.
بالس تو جوگ ربی سوروه بري تنتو کات، اورغ هق کرج
میمیعی خبر بايك کا تریما رزقي دی درف کرج تو.

12 تافي هق سوغ فاتوت اکو تریما تو، اکو فولوس تاءکنا سیر
فاکی. فس هق کرج تولیس سورت نی فون، بوکن سبب اکو

نق امبیق فاکی، دق ! بлерله، باءیک اکو ماتی دولو، فد بربی
فلواغ کا اورغ بولیه کات، اکو کیچیق رغن تاء مناسابه .

16 فس اکو بوات کرج بربی سمعی خبر باءیک تو، تاء بربی سابیت
اکو بولیه بسر کا دیری، دق ! کران سروف اکو ترفقا کنا
بوات. کالو اکو تاء بربی سمعی خبر تو، نق تروق سوڠکوه
اتس دیری کو.

17 کالو اکو بوات کرج کو تو، ایکوت کمندق هاتی کو سندیری، اکو
اد هرافن نق بولیه اوفره. تافی جاری فرکارا هق واجب کنا
بوات، کران توهن هنتر کا اکو سوروه بوات.

18 کالو گیتو، اوفره هق مان هق اکو بولیه هارف ؟ جاری، اکو
بولیه فیلیه بربی سمعی خبر یغ باءیک تو، رغن تاء چاری اوفره
اف ۲ درف دفواق مو، یاءیت هق سوغ فاتوت اکو بولیه تریما
رغن بوات کرج باوا تیته المسيح تو، اکو تاء ادر امبیق .

19 اکو تاء جاری همب سیاف ۲ فون، اورغ نق فقسا اکو تاء لیه.
تافی اکو بوات جاری سروف همب سموا اورغ، اچی بولیه نق
تاریق هاتی باپق ۲ اورغ، بربی فرچای .

20 انتوق اورغ یهوری، اکو بوات سروف اورغ یهوری، کران نق
تاریق هاتی بربی دی فرچای. کا اورغ هق فکن حکوم ۲ تورات
اکو بوات سروف دی جوگ، ولو اکو تاء دوق باوه فرینته
حکوم ۲ تو فون، انتوق نق بولیه تاریق هاتی دی، بربی دی
فرچای گاتیق.

21 بالس تو جوگ، تکه اکو دوق سکالی رغن اورغ بفسا لائین هق
لوار اوکام، اکو فون دوق سروف دی جوگ، کران اکو نق
تاریق هاتی اورغ بفسا لائین تو بربی دی فرچای. رغن بوات
بالس تو، بوکن کات اکو تاء طلاعة کف حکوم توهن، دق !
سسوڠکوهن، اکو دوق دالم فرینته المسيح .

22 بیلا اکو دوق سکالی رغن اورغ لمد ایمان، اکو فون دوق سروف

بی جوگ، نق بولیه تاریق هاتی نی، بڑی قواة فرجای: بالس
نیله اکو جاری سروف اورغ سموا، انتوق بڑی کوء جالن مان ۲
فون، ستفه اورغ تو نق بولیه سلامت.

23 سموا نی اکو بوات کران خبریغ بائیک هق ربی تو، سبب اکو
فون نق بولیه سکیان دالم رحمة هق تورون دغن خبر تو.

24 مو تاهو ده، بوکن، کات اورغ ۲ هق دوق تیواس برلاری، سام ۲
نق بروبوت هدیه، تافی هدیه تو انتوق سورغ هق منع
ساج. فواق مو فون کنا تیواسله سروف نق بروبوت هدیه.

25 اورغ هق نق ماسوق تیواس اف ۲ فون، تکه نی دوق بلاجر،
نی کا توروت عارة هق کرس. ری بوات بالس تو انتوق نق
بولیه مهکوت، تندا منع هق تاهن سبفتر ساج. تافی
هق کیت بوات نی، کیت بوات انتوق نق بولیه مهکوت تندا
منع هق تاهن سلام ۲.

26 سابقت تو، اکو هوغلن بتول، نق بروبوت باریس هق سود،
سروف اورغ هق فندي گوچوه، تاء بڑی روکی بواه ری.

27 اکو ساءوم توبوه کو نق بڑی کرس، فس نق بڑی توبوه کو کنا
توروت کھندق کو، کران تاکوت اکو هق سوروه انق مرید
باپق اورغ ماسوق تیواس، نق کا تولق، تائلیه ماسوق
تیواس تو سنديري.

امران چارا حال برهالا ۲

باب 10

1 هي ادیق برادیق کو! اکو نق بڑی مو ایفت چارا حال
فرکارا هق جاري کا فواق توء نینیق کیت، هق توروت نبی
موسى. فواق تو سموا دوق فرلیندوغ دغن اوان، فس، نی
برجالن لالو دغن سلامت کوء لاءوت میره تو.

2 فس دغن ستوجو فاکت نق توروت نبی موسى دالم اوان دغن
لاءوت بالس تو، جاري سروف نی ستوجو فاکت تریما روکون

مندي بفتيرما بلاڪ .

سموا اورغ تو بوليه ماكن روتى هق توهن تورون کا دي.

سموا اورغ تو بوليه مينوم اير هق توهن بري کا دي.

کران دي مينوم اير هق توهن بري مقالير توبيت دالم باتو بسر، هق دوق اد سکالي دغن دي سعمور. باتو بسر تو، معناش المسيح سنديري .

ولو دي تريما سروف بلاڪ بالس تو فون ، تافي اد کيابقکن اورغ تو هق توهن تاً برکن . فس سابيت تو ، مايت ۲ فواقام تو دوق رات فيندا دالم لاًوت فاسير .

سموا فرکارا ساءني جاري چنتوه انتوق کيت ، بري امران کا کيت ، جاغن نق کا فرکارا هق جاهت سروف دي. جاغن سمبه برهالا سروف ستغه ۲ اورغ فواقام تو. ايکوت ايات دالم كتاب کات :

فواقام تو دوق ماكن مينوم ، فس تو دي باعون مناري
رافن برهالا دي .

جاغنله کيت چافوغ سروف ستغه اورغ فواقام تو، هق بوات چافوغ سهیغگ دالم ساتو هاري ، دوا فولوه ريبو اورغ ماتي. جاغنله کيت سوري ربی سروف ستغه اورغ فواقام تو، هق سوري سهیغگ دي ماتي ، کتيق داولر .

جاغنله کيت دوق مغيفيق سروف ستغه اورغ فواقام تو، هق مغيفيق سهیغگ کتا بونوه د ملك الموت .

سموا هق جاري کا فواقام تو جاري چنتوه کا اورغ لائين . فس سموا دي دوق تولييس ده جاري امران کا کيت جوگ . کران

ماں لاني ، کيت دوق هيڊوف دكت دنيا نق اخیر . اورغ هق سغک کات هاتي دي برديري تکف ، جاکاله ، جاغن بري جاتوه !

فنچوبائی مان ۲ هق مو بیاس کتا چوب ، اورغ لائين بیاس کتا

سروف مو جوگ . تافي توهن تا^ء مو غکیر جنجي سکالي . ری تا^ء بنر بري مو کا چوب لبیه فد هق مو بولیه لاون . تغه مو دوق کا چوب تو ، توهن نق بري کواس کف مو بري بولیه تاهن . بالس توله ، ری بري کف مو جالن بولیه لفس فنچوبائن تو .

جاغن توروت دوا سکالي دغن برها لا

- 14 سبب توله ، هي کاون ۲ کو هق اکو کاسيه ! جاغن مو ماسوق دکتله دغن برها لا .
- 15 اکو بري نصیحة کف مو سروف اورع هق بولیه ارتی . بائیک مو فرهاتی تیغوقله فرکتاں کو نی !
- 16 بیلا کیت فاکت مینوم ایر بواه جابیت دالم چاون هق دوق سوچی انتوق توهن ، کران کیت مینتا^ء برکت دغن اوچف شکور کف توهن ، بوکن که کیت بولیه سکیان دالم جاس داره المسيح تو ؟ فس بیلا کیت ماکن روتي هق چوبیق تو فول ، بوکن که کیت بولیه سکیان دالم جاس توبوه المسيح تو ؟
- 17 فس سبب اد روتي ستونگکول ساج ، بالس تو کیت باپق اورع فون هق فاکت ماکن روتي تو ، جاري ساتو توبوه جوگ .
- 18 فس فرهاتیله کا اورع بعسا عبراني فول . اورع هق فاکت ماکن بارع^۳ هق قربان ده ، اد بکیان دالم کرج قربان کا توهن تو ، بوکن ؟
- 19 اف مقصود هق اکو رویت نی ؟ بارع^۲ هق سمبه کا برها لا تو ،
- 20 اتوا برها لا تو سندیری هق سغوتی که ؟ دق ! مقصود کو بالس نی . اف^۲ هق اورع سمبه کا برها لا ، سسونگکوهش بی سمبه کا هیبلیس ، بوکن سمبه کا توهن . فس اکو تا^ء سیر بري فوق مو امیق بکیان دالم هیبلیس تو .
- 21 تنتو مو تا^ء لیه مینوم دوا سکالي چاون ربّی دغن چاون هیبلیس .

تنتو مو تاءٌ لیه ماکن دوا سکالی دمیجا ربی دغن میجا هیبلیس.
سروف مو نق هاسوت ربی بربلاون دغن هیبلیس .
اتوا بـشـکـالـی مو بـرـاـسـ کـوـاـسـ مو لـبـیـهـ فـدـ کـوـاـسـ ربـیـ کـهـ ؟

22

جائـنـ چـارـیـ لـابـ اـنـتـوـقـ دـیـرـیـ موـ سـنـدـیـرـیـ سـاجـ

میسل اد اورغ هق کات: دالم فواق المسيح کیت تاءٌ
بارغ حرام ! ها سوغکوه ، تافی بوکن سموا فرکارا تو هق بربی
فـاءـیـدـهـ کـاـ کـیـتـ . تـاءـ اـدـ بـارـغـ حـرـامـ اـنـتـوـقـ کـیـتـ . سـوـغـکـوـهـ ، تـافـیـ
بوکن سموا فرکارا تو هق نق بربی ایمان کـهـورـ ۲ـ کـجـتـ .
جائـنـلـهـ سـیـاـفـ ۲ـ چـارـیـ لـابـ اـنـتـوـقـ دـیـرـیـ نـیـ سـنـدـیـرـیـ ، کـاـ چـارـیـ
انتـوـقـ اـورـغـ لـاءـینـ کـاتـیـقـ .

23

اف ۲ـ هـقـ جـوـالـ دـکـدـیـ ، مو تـاءـ کـاـ کـاتـ : بـولـیـهـ کـاـ رـقـ ماـکـنـ
هـقـ توـ ، هـقـ نـیـ ؟ مو بـولـیـهـ ماـکـنـ بلاـکـ . کـرـانـ اـیـکـوـتـ اـیـاتـ
دـالـمـ کـتـابـ کـاتـ :

24

دنـیـاـ نـیـ سـکـالـیـ دـغـنـ سـمـواـ هـقـ دـوـقـ اـدـ دـرـنـیـاـ
جادـیـ مـیـلـیـقـ هـقـ توـهـنـ بلاـکـ .

25

فس کـالـوـ موـ کـاـ فـادـهـ دـاـورـغـ هـقـ تـاءـ فـرـچـایـ کـاـ توـهـنـ ، فـسـ
مو سـوـگـ نقـ کـیـ ، کـیـلـهـ ماـکـنـ اـفـ ۲ـ هـقـ نـیـ هـیدـغـ ، کـالـوـ تـاءـ
شـکـ هـاتـیـ . تـافـیـ کـالـوـ اـدـ اـورـغـ هـقـ کـاتـ کـفـ موـ : مـکـانـ نـیـ ،
اورـغـ سـمـبـهـ دـهـ کـاـ بـرـهـالـاـ ! کـالـوـ موـ تـاءـ سـیـرـ بـربـیـ شـکـ هـاتـیـ ،
تـافـیـ نقـ بـربـیـ بـاءـیـکـ کـاـ اـورـغـ توـ ، جـائـنـلـهـ موـ ماـکـنـ .

26

بوکـنـ کـاتـ جـائـنـ ماـکـنـ سـبـبـ موـ شـکـ هـاتـیـ ، تـافـیـ رـیـ هـقـ
شـکـ هـاتـیـ . فـسـ مـیـسـلـ کـاتـ ، اـدـ اـورـغـ بـحـسـ کـاتـ : بـاءـ اـفـ اـورـغـ
لـاءـینـ هـقـ دـوـقـ شـکـ هـاتـیـ بـولـیـهـ یـاتـسـ اـکـوـ ، هـقـ تـاءـ شـکـ
هـاتـیـ بـولـیـهـ بـوـاتـ بلاـکـ ؟ کـالـوـ اـکـوـ اوـچـفـ شـکـورـ کـاـ توـهـنـ

27

30

اتس بارغ مکانن ، با اف بولیه اورغ ماري لارغ اکو حال بارغ
31 تو؟ نصیحة اکو بالس نی . اف ۲ هق مو بوات ، ماکن اتوا
مینوم فون ، بواتله سموا تو انتوق نق بري اورغ فوجي کا
توهن .

32 بولیه کلاکوان مو سروف هق تاء بري نمفق سومبوغ کا اورغ
بغسا یہوري ، اتوا اورغ بفسا لائين ۲ ، اتوا اورغ دالم فواق
المسيح فون .

33 توروتلہ چنتوه اکو! اف ۲ هق اکو بوات ، اکو چوب بري
سموا اورغ سوک هاتي . اکو تاء ايغت کا لاب هق اکو ، تافي
دوق چاري لاب کا اورغ لائين ، نق بري ری بولیه سلامت .

باب 11

1 توروتلہ چنتوه کو ، سروف اکو توروت چنتوه المسيح !

چارا حال اورغ بتينا کنا کلوبوغ کفلا

2 اکو فوجي فواق مو سبب مو دوق ايغت کا اکو ، فس
دوق توروت فشاجران هق اکو بري ده کند مو .
3 تافي اد هق اکو نق بري مو ارتی لاکی کات ، المیحله هق
جاری کتوا اتس اورغ جنتن کنف ۲ اورغ ، فس لاکی اتس بینی
لی ، فس توهن اتس المسيح .

4 سبب توله ، اورغ جنتن تکه ری دوق بردا ، اتوا میمفي
فرمان توهن دالم تمفت فراچوم ، کالو ری کلوبوغ کفلا ری ،
سروف ری نق بري کتوا ری مالو .

5 فس اورغ بتينا فول ، تکه ری بردا ، اتوا تریما نعمۃ میمفي
فرمان توهن دالم تمفت فراچوم ، کالو ری تاء کلوبوغ کفلا ری ،
6 ری فون نق بري کتوا ری مالو جوگ . ری تاء لائين فد اورغ
بتينا هق چوکور کفلا . کالو سورغ بتينا تاء سیر کلوبوغ

كفلاء، باييك رى گونتىيغ بوات بوجيغ . تافي تاء برلاڭو ، بوكن ، اورغ بتينا چوکور كفلا اتوا گونتىيغ فندق ، باييقله رى كلوبيوغ . اورغ جنتن تاء كا كلوبيوغ كفلا ، كران رى مفاجوق سروف چرمىن روف دغۇن كملىيان هق توهن . تافي اورغ بتينا مفاجوق كملىيان اورغ جنتن . كران بوكن اورغ جنتن هق توهن برى جايى درف د 7 اورغ بتينا ، تافي اورغ بتينا درف اورغ جنتن .

بالس تو جوڭ ، بوكن اورغ جنتن هق توهن برى جايى انتوق اورغ بتينا ، تافي اورغ بتينا انتوق اورغ جنتن . 8

فس لاكى ، سابىت ملائىكە جوڭ ، اورغ بتينا كا كلوبيوغ كفلا جاري تىدا كات رى دوق باوه فرينته تو لاكى رى . 9

تافي كيت هق هيدو甫 دالم فواق المسيح ، تاء لىيە كات كيت تاء كا برگىتىوغ مو اڭو ، بتينا جنتن . 10

كران مولا ، اورغ بتينا مارى درف اورغ جنتن ، فس لانى جاري اورغ بتينا هق برانق كا اورغ جنتن . تافي سعوا فركارا اصلن ، مارى درف توهن بلاڭ . 11

مو كرت سينلە سندىرى ، سوغ فاتوت كا دق ، اورغ بتينا برىغا نفن تاء كلوبيوغ كفلا ، تكە رى سمبە كا توهن ؟ 12

اورغ جنتن تاء جاري لاپوت تاروه ربوبت فنجۇغ ، بوكن ؟ نق برى جايى مالو . تافي اورغ بتينا ربوبت فنجۇغ ، فركارا ملىيا كا رى هق توهن برى جايى كلوبيوغ . 13

كالو اد اورغ هق نق بربالە چارا حال سائىنى ، اكى فولوس اد سكارا هق نق جواب كات ، دتمفت سمبە كا توهن هق كيت اتوا هق فواق المسيح لائىن ۲ فون ، تاء ادار اتوران ملينكىن هق تو ساج . 14

جامolan فرایقاتن ربى

فس چارا حال فسنن ۲ كو هق رافن نى ، تنتولە اكوتاء لىيە 15

فوجي فواق مو. سبب بيلا مو ماري فراچوم سکالي، روگي لبيه
فدي لاب، کا اورغ هق ماري فراچوم تو.

18 هق مولا ۲، اکو بغير خبر کات، دالم فواق المسيح باليق
مو مچه جاري فواق هق لاون سام سنديري. فس خبر تو
19 اکو فرچاي جوگ کادغ ۲، کران مستي کا اد فواق ۲، بارو بوليه
تاهو فغا جران، هق مان بنر، هق مان فلسو.

20 بيلا مو ماري برهيمغون نق ماکن جامون ربي، سسو غکوهش،
21 بوکن هق ربي! سبب ماس تو، فواق مو کادوه نق ماکن،
ماسيغ ۲، سهیغ ۲ اد اورغ هق لافر، اد هق مابوق.

22 مو تاء اد رومهکه، بوليه ماکن؟ مو تاء حرمتكه، کا فواق هق
جاري کلوارگ ربي؟ مو نق بري اورغ ۲ مسکين مالوکه؟ اکو
نق کات بالس مان کفڈ مو؟ نق فوجيکه؟ نق! فركارا ني تاء ليه
فوجي .

23 کران اکو سنديري اجر فواق مو ده، ايکوت هق اکو تريما درف د
ربي عيسى، يائيت فد مالم هق عيسى ربي کيت کا درهاک
24 تو، رې امبيق روتي، اوچف شكور کفڈ توهن، فس چوبيق
روتي تو، بلغ ۲ کات:

ایفت کات توبوه کو، هق اکو بري انتوق مو.
بواتله سروف نې، جاري تندا فرايقاتن کا اکو!
25 بالس تو جوگ، لفس ماکن، عيسى امبيق چاون، بلغ ۲ کات:
ایشت کات، اير دالم چاون نې جاري تندا فرهوبون
هق بارو، توهن دغن ما نسي، هق جامين دغن
داره کو. بواتله، باپق کالي مان فون، جاري تندا
فرايقاتن کا اکو!

26 کران گندف ۲ کالي مو ماکن روتي دغن اير دالم چاون نې، مو
برى پات کماتين ربي، سهیغ ۲ رې تورون ماري فول.
27 سابيت توله، اورغ مان ۲ هق ماکن روتي اتوا مينوم اير تو،

- دغن چارا تاء حرمة، اورغ تو ساله کا توبوه دغн داره ربی کیت. فریقساله فیکیران مو سندیری، دلوو ماسیخ ۲، باروله بولیه ماکن روتي دغن ایر تو. 28
- سبب کالو اد اورغ هق ماکن روتي دغن ایر تو، دغن تاء ایشت کات کنا مثنا دغن توبوه ربی، ربی باواء حکومن توهن اتس دیری ربی. 29
- جادي سابیت تو، باپق اورغ دالم فواد مو هق ساکیت، هق لمد، فس اد جوگ هق ماتی فون. 30
- اصل کیت فریقسا فیکیران کیت دلوو، کیت تاء کنا حکوم دتهن. 31
- تافی کالو کیت کا حکوم دتهن بالس تو فون، توجوان توهن نق اجر کیت، تاء سیر بربی کیت کنا حکوم سروف ماء نسي هق تاء فرجای. 32
- ادیق برادیق کو، دغن ریفسکس اکو کات بالس نی. بیلا مو ماری برھیمفون نق ماکن جاموان ربی، ننتیله ماکن سکالی بلاک. 33
- فس اورغ هق براں لافر، ماکله درومه دلوو. بالس تو، بیلا مو برھیمفون، مو تاء باواء حکوم توهن اتس دیری مو. فس، چارا حال هق لائين مو تانش تو، اکو نق بربی تنتو فد ماس اکو نق ماری کا بالیق مو. 34

باب 12 نعمۃ ۲ هق روح توهن بربی کا فواد المسيح

- 1 فس لاني، چارا حال نعمۃ ۲ هق روح توهن بربی کا اورغ. ادیق برادیق کو، اکو تاء سیر بربی مو سیلف فهم چارا حال نعمۃ ۲ نی.
- 2 مو تاهو ره، بوکن، کات تکه مو تاء فرجای کا توهن لاکی، مو روق باوه فرینته برھالا ۲ هق تاء مپاوا، هق فیمیفین مو بربی سست جالن سعماور.

- سابیت مو بیاس بالس تو، لانی اکو نق بری مو تاهو کات،
اورغ مان ۲ هق فیمفین دروح توهن، تاءلیه کات عیسی له
هق کنا مرک! فس، تاءار اورغ هق بولیه معاکو کات،
عیسی له ربی! ملینکن اورغ تو فیمفین دروح توهن.
اد ماچم ۲ نعمه هق روح توهن بری، تافی روح تو سا ساج.
اد ماچم ۲ جالن کیت بولیه کرج کاربی، تافی ربی تو سا
جوگ.
- فس اد ماچم ۲ کفنداین هق بولیه فاکی انتوق بوات کرج
تو، تافی هق فندي تیف ۲ اورغ، جانی توهن هق بری
بولیه بوات کرج تو ماسیع ۲.
- روح توهن بری تندا نعمه ۲ دی اتس کیت گنف ۲ اورغ ماسیع ۲
تافی انتوق فائیده ادیق برادیق سموا.
- اتس سئورغ، روح توهن بری بولیه کیچیق دغن بیجقسان،
اتس اورغ لاءین، روح توهن هق تولا بری بولیه بوك فرکارا ۲
هق دوق سوسوف دولو.
- اتس اورغ لاءین فول، روح توهن هق تولا سا تو، بری نعمه
بولیه فرچای، فس اتس اورغ لاءی دی بری کواس بولیه هیلخ
فپاکیت اورغ.
- اتس اورغ لاءین لاءی، روح توهن بری کواس بولیه بوات
فرکارا ۲ فلیق. فس اتس اورغ لاءی فون، روح توهن بری فندي
میمفي فرمان توهن. فس اتس اورغ لاءین لاءی فون، روح
توهن بری فندي تیمبع فرکارا ۲ هق مان تورون دتهن، هق
مان دق. اتس اورغ لاءین، روح توهن بری بولیه کیچیق دغن
بهاس ۲ هق اورغ تو تاءارتی، فس اتس اورغ لاءین فول، بری
بولیه بالیق بهاس ۲ تو، بری اورغ ارتی.
- تافی سموا نی، ایالله هق روح توهن بیغ تولا بوات بلاک. دی
تورون اتس اورغ ماسیع ۲، ایکوت کهندق دی ستدیری.

باپق اغکوت، تافي توبوه رې سا

- ال المسيح سروف توبوه سا، هق اغکوت رې باپق. ولو
باپق فرکارا اغکوت تو فون، تافي توبوه رې سا.
- بالس تو جوگ کيت سموا، اورغ هق فريغكت رې جاني همب اتوا
فون جاري توان، جاري بفسا يهوري اتوا بفسا لائين فون،
کوء روح توهن هق سا تو، کيت تريما روکون مندي ده، فس
ماسوق جاري توبوه هق المسيح تو. فس سروف کيت تريما
ده روح توهن بیغ سا تو، مسرا کي رات ۰۲
- سابيت دالم توبوه اورغ، بوکن کات اد ساتو اغکوت ساج، دق،
اد باپق. ميسيل، کالو کاكى کيچيق کات: اکو نې بوکن تاغن!
سابيت تو، اکو تاء اد بکيان دالم توبوه! ولوکات بالس تو
فون، رې اد جوگ بکيان.
- فس کالو تليغا کات: اکو نې بوکن مات. سابيت تو، تاء اد
بکيان دالم توبوه! کات بالس تو فون، رې اد جوگ بکيان.
کالو سموا اغکوت دالم توبوه جاري مات، بالس مان بوليه بغره؟
فس کالو سموا اغکوت دالم توبوه جاري تليغا، بالس مان نق
بوليه ياء؟
- لقد! توهن بري جاري سموا اغکوت دالم توبوه ماسېغ ۰۲، ايکوت
کهنڌق رې سنديري.
- تاء ليه کات جاري توبوه، کالو اد ساتو اغکوت ساج. تافي هق
مان کيت بوليه نمفق، ياءيت اغکوت اد باپق، تافي توبوه سا
ساج.
- سابيت تو، مات تاء ليه کات کا تاغن: مو تاء اد، تاء اف! اتوا فون
کفلا تاء ليه کات کا کاكى: مو تاء اد فون تاء اف. دق! سسوغکوهن
اغکوت ۰۲ هق نمفق سروف لمه تو، مستحق انتوق توبوه.
- فس اغکوت ۰۲ هق کيت نمفق کات هينا تو، کيت بوليه ايسيه

- فلاين بري حرمة . اغكوت ۲ هق كورغ جاغق فون ، كيت فادول
لبيه فد هق موليق .
- 24 هق تو تاء فالول فون تاء اف . جاري توهن سنديري هق هاتور
سموا اغكوت دالم توبوه ، انتوق بري هق كورغ جاغق تو نق
بوليه حرمة لبيه فد هق لاين .
- 25 بالس توله ، اغكوت ۲ توبوه تاء دوق سوكو ۲ ، دق ! سموا اغكوت
ماسيع ۲ دوق فالول مو اكو دالم توبوه .
- 26 كالو اغكوت ساكيت سا ، سموا اغكوت لاين توروت ساكيت
جوگ . فس كالو اغكوت بوليه فوجي سا ، سموا اغكوت لاين
فون توروت سوك هاتي بلاك .
- 27 فوق مو سموا جاري توبوه المسيح ، تافي گتف ۲ اورغ سروف
اغكوت ماسيع ۲ .
- 28 بالس تو جوگ ، دالم فوق المسيح ، توهن هاتور گتف ۲ اورغ
دتمفت ماسيع ۲ . مولا ۲ اد اورغ هق باواه تيه المسيح ، يع
كدوا اد اورغ هق بوليه ميمفي فرمان توهن ، يع كتيك اورغ هق
فندي مثاجر . لفس تو اد اورغ هق بوليه بوات فركارا ۲ فليق ،
فس اورغ هق توهن بري كواس بوليه هيلغ فياكيت اورغ ، اتوا
هق بوليه تولوغ اورغ لاين ، اتوا هق فندي تنجوق اجر اورغ
اتوا هق بوليه كيجيق دغن بهاس ۲ هق بي سنديري تاء ارتى .
- 29 بوكن سموا هق اد كرج باواه تيه المسيح ، اتوا بوليه ميمفي
فرمان توهن ، اتوا جاري كورو ۲ فون . بوكن كات سموا بوليه
بوات فركارا ۲ فليق ، اتوا بوليه بري هيلغ فياكيت اورغ ، اتوا
كيجيق دغن بهاس هق تاء ارتى ، اتوا فون هق فندي باليق
بهاس ۲ تو بري اورغ ارتى .
- 31 سابيت تو ، نياتله هاتي مو دوق نق كا نعمه ۲ هق مستحق تو .
فس اكو نق تنじوق جالن هق موليق سكالي كا فوق مو .

حق مستحق سکالی یا ئیت کاسیه

باب 13

میسل کات اکونی فندي کیچیق ماچم ۲ بهاس، تاء کیرا کات
حق ما ئنسی اتوا حق ملائیکه فون، تافي کالو اکو تاء کاسیه
سام ما ئنسی، معنان کفنداین حق اکو کیچیق تو، تاء لائےين رغن
سوارا کوغ اتوا لوجیع، حق بوبی بردغوغ ۲ ساج .

فس میسل کات، توهن بري کا اکو بولیه مپمفی فرمان ری،
فس اکو بولیه فهم سموا رهسیا حق توهن، اتوا بولیه بوک
فرکارا ۲ حق دوق سوسوف، اتوا فون اکو فرجای هیفگ سمفی
بولیه سوروه بوکیت ۲ برالیه تمفت ری، تافي کالو اکو تاء
کاسیه سام ما ئنسی کاتیق، معنان اکونی تاء برگون .

فس میسل کات، اکو صدقه سموا هرت کو بري هابیس، اتوا
سره توبوه کو بري اورغ باکر فون، تافي کالو اکو تاء کاسیه
سام ما ئنسی کاتیق، معنان تاء تولوغ اکو سیکیت هابوق !

کاسیه دالم هاتي نی بوات بري اورغ صبر، رغن بولی بهاس .
کاسیه نی تاء بریشکی، تاء بسر کا دیری، تاء جانی سومبوغ .
کاسیه نی تاء سوک بوات حق کاسر، تاء چاری لاب انتوق دیری
ری ساج . ری تاء فوغه، بیلا اورغ بوات ساله کا ری، تاء بوبوه
د هاتي . کاسیه نی تاء سوک تمو رغن فرکارا حق ساله ، تافي
سوک بیلا تمو رغن فرکارا حق بتول .

کاسیه نی بولیه او بیلا تمو بالس مان فون، نق فرجای
سعمور، نق هارف سعمور، نق صبر رغن اورغ سعمور .

کاسیه دالم هاتي نی ککل . اد نعمه حق توهن بري اورغ بولیه
مپمفی فرمان توهن، تافي حق نی سمنتارا ساج . فس نعمه
بولیه کیچیق بهاس حق تاء ارتی فون، توهن نق بري سود .
او لاکی نعمه فندي بوک فرکارا حق دوق سوسوف، تافي حق
تو نق هیلیغ کی جوگ .

- 9 کران نعمة هق بري فندي بوک تو، اتوا فندي میمفي فرمان
توهن تو، جاني فركارا هق تاءً چوکوف سمنفرن.
- 10 تافي بيلا توهن بري فركارا هق سمنفرن ده، فركارا هق تاءً
چوکوف تو نق ليسسوس کي هابيس.
- 11 سروف فد ماس اکو کچيك، فراسائين دغن فيکيران اکو سموا،
هق بونق. تافي لاني اکو توا ده، کلاكوان بونق تو ليسسوس
ده. هق کيت بوليه نمفق لاني، سروف بارغ کيت سولوه تيغۇق
دالم چىرىمىن هق كلابو. تافي ماس دافن تو، کيت نق بوليه
نمفق چرف، سروف دغن موک سام موک. ماس لاني، هق
اكو ارتى سېكىت ساج. تافي ماس دافن تو، توهن نق بري
اكو ارتى سموا دغن سمنفرن، سروف توهن تاهوده سموا
فركارا دالم توبوه کيت.
- 13 لاني اد تىگ فركارا هق تتف ده، ياءً يت ايمان کيت، هرافن دالم
هاتى کيت، فس كاسىيە. هق مستحق سكالىي تىگ تو، ياءً يت كاسىيە.

رويت لاکي چارا حال نعمة روح توهن

بلب 14

- 1 سبب تو، فنتىقلە نق توروت جالن كاسىيە تو. فس نياتله
كا نعمة هق روح توهن نق تورون كاتيق. لبيه فد هق لائين
نياتله بري بوليه میمفي فرمان توهن.
- 2 کران اورغ هق فندي كيچيق دغن بهاس هق دى سندىرىي تاءً
ارتى تو، بوکن دى كيچيق كا ماء نسي، کران ماء نسي تاءً ارتى،
تافي دى كيچيق كا توهن. دى سبوت رهسيا هق بىر، دغن
کواس روح توهن.
- 3 تافي اورغ هق میمفي فرمان توهن تو، دى كيچيق كا ماء نسي
انتوق نق بري تگه ايمان، نق بري اد سماشت، فس نق
برى كمس هاتى. اورغ هق كيچيق دغن بهاس تاءً ارتى تو، دى
- 4

بری تکوه هاتی ری سندیری، تافی اورغ هق مپمfi فرمان توهن،
ری بری تکوه سموا اورغ دالم فواق المسيح.

ایکوت فیکیران اکو فولوس، براں نق بری فواق مو سموا بولیه
کیچیق دغن بهاس ۲ هق مو سندیری تا' ارتی، تافی لبیه لائی،
اکو براں نق بری سموا اورغ بولیه مپمfi فرمان توهن. کران
نعمتة بولیه مپمfi فرمان توهن تو، اد فائیده لبیه فد کیچیق
رغن بهاس ۲ هق تا' ارتی، ملینکن اد اورغ هق بولیه بالیق
بهاس تو بری اورغ ارتی، بارو اد فائیده جوگ انتوق سموا دالم
فواق المسيح.

هی ادیق برادیق کو! میسل کات، اکو ماری کا تمفت مو، فس
کیچیق دغن بهاس هق اکو سندیری تا' ارتی ساج، تنتوله تا' اد
فائیده کا فواق مو، ملینکن اکو باوا ساتو فرکارا هق توهن بری
پات، اتوا ساتو علمو، اتوا فرمان توهن، اتوا فون
فعا جران هق بارو.

ایغتلہ کا فرکاکس ماءینن هق تا' اد پاوا، سروف سولیع اتوا
جوala فول. بالس مان بولیه اورغ تاهو لاکو مان هق اورغ ماءین
تو، ملینکن تیتی لاکو بوپی چرف؟ تنتو تا' لیه.

فس میسل لائی، کالو اد اورغ سیوف سروني فرغ دغن بوپی
تا' چرف، بالس مان بولیه اورغ تاهو ری کا سیمیغ بربی سیف
نق فرغ؟ تنتو تا' لیه.

بالس تو جوگ، کالو مو کیچیق دغن بهاس ۲ هق تا' ارتی سائی
بالس مان بولیه اورغ ارتی، ملینکن اد اورغ هق بالیق بهاس تو
بری ارتی چرف؟ سروف اورغ هق کیچیق فری ساج!

اد باپق بهاس دالم دنیا، فس بهاس ماسیع ۲ تو، تا' اد سا
هابوق هق تا' اد معنا. تافی کالو اکو تا' ارتی بهاس هق
اورغ دوق کیچیق، سروف اکو دغن ری دوق کیچیق با بیق، با
بیق، مو اکو تا' ارتی.

5

6

7

8

9

10

11

12 بالس تو جوگ دغن فوق مو. مو دوق نق ۲ کانعمہ ۲ هق روح توهن تورون تو. لبیه لاکی، اوسماله سوغلکوہ ۲، نق بری بولیه کا نعمہ هق اد فائیده بری تکوہ سموا اورغ دالم فوق المیح.

13 سابیت تو، اورغ مان ۲ هق تریما نعمہ بولیه کیچیق بهاس هق تاءً ارتی تو، دی کا مینتاً نق تریما نعمہ بولیه بالیق بهاس تو، بری اورغ ارتی کاتیق.

14 کران کالو اکو بربعا دغن فاکی بهاس ۲ هق تاءً ارتی تو، معنان اکو فاکی نعمہ هق روح توهن تورون کا هاتی کو، تافی تاءً فاکی اوتفق.

15 اکو نق بوات لاکو مان باءیک؟ اکو نق دعا دغن فاکی نعمہ هق روح توهن تورون تو، فس اکو نق دعا دغن فاکی اوتفق جوگ. اکو نق پاپی لاکو ۲ دغن فاکی نعمہ هق روح توهن تورون تو، فس اکو نق پاپی دغن فاکی اوتفق جوگ.

16 بیلا مو دوق اوچف تریما کاسیه کا توهن، تکه فراچوم تو، کالو فاکی نعمہ سائی تو ساج، بالس مان اورغ هق ماری برھیمفون سکالی، بولیه ستوجو کات: امین، دعا تو؟ تاءً ادار جان بولیه ارتی هق مو کات تو.

17 سوغلکوہ فون دعا مو تو مولیق، تافی تاءً تولوغ اورغ لائین سیکیت هابوق. اکو فولوس نی اوچف تریما کاسیه کا توهن، سابیت اکو تریما ده نعمہ بولیه کیچیق بهاس ۲ هق اکو تاءً ارتی لبیه فد فوق مو سموا. تافی بیلا اورغ ماری برھیمفون نق سمیه کا توهن، اکو سوک فاکی لیم فاته هق سموا اورغ بولیه ارتی لبیه فد بریبو ۲ فاته دالم بهاس هق اورغ تاءً لیه ارتی.

18 ادیق برایق کو! جاغنله فیکیران مو بوات سروف بونق. بلرله فربواتن مو سروف بونق کچیک هق تاءً فندی بوات جاہت لاکی، تافی بریله فیکیران مو تو ماسق، سروف دغن اورغ توا.

اد ایات دالم کتاب هق کات: 21

اکو توهن نق کیچیق دغن فواق کو نی ، کو اورغ
هق کیچیق بهاس ۲ هق فواق کو نی تاءً ارتی .
اکو نق کیچیق دغن ری کو مولوت اورغ بگسا لائين .
ولو بالس تو فون ، تافی فواق کو نی تاءً سیر دغر جوگ .

22 بالس توله ، نعمہ بولیه کیچیق دغن بهاس اورغ تاءً ارتی تو ،
نق جاری تندا کا اورغ هق تاءً فرچای کا توهن ، بوکن کا اورغ
هق فرچای ده . تافی نعمہ بربی بولیه پیغمبیری فرمان توهن تو ،
هق تو جانی تندا انتوق اورغ هق فرچای ده ، بوکن انتوق
اورغ هق تاءً فرچای لاکی .

23 میسل کات ، سموا اورغ دالم فواق المیسیح ماری برھیموفون
سکالی ، فس گنف ۲ اورغ کیچیق بهاس ۲ هق بی سندییری تاءً ارتی
ماسیخ ۲ . فس ، میسل کات ، اورغ لوار اتوا اورغ هق تاءً فرچای
لاکی ، ماسوق نق دغز ، تنتو بی نق کات فواق مو گیلا ، کران
بی تاءً ارتی ، بوکن ؟

24 تافی میسل کات ، سموا اورغ ماری برھیموفون تو ، فس فاکی
نعمہ بولیه پیغمبیری فرمان توهن ، ماسیخ ۲ . کالو اورغ لوار اتوا
اورغ هق تاءً فرچای لاکی ، ماسوق نق دغز ، هق بی دغز تو
نق کا کا هاتی بی ، بربی کابر کات بی بردوسا .

25 سموا دالم هاتی بی هق دوق لیندوج تو نق تربوک ، فس بی
نق سجود سمبه کا توهن ، معاکو رافن اورغ کات : سوغلکوہ ،
توهن دوق اد سکالی دغن فواق مو !

اتوران ۲ دالم فواق المیسیح

26 هي ادیق برادریق کو ! اکو نق رویت لاکو مان بائیک ؟
افبیلا فواق مو ماری برھیموفون نق سمبه کا توهن ، سیفلہ

هاتي مو دولو کنف ۲ اورغ، اف ۲ نق بوات. اورغ تو نق پاپي
لاکو، اورغ ني نق اجر، اورغ لائين رویت سکارا هق توهن بري
بات کا رى. اورغ لائين فول، کيچيق دغۇن بەهاس ۲ هق رى
سنديري تا، ارتى، فس اورغ لائين لاکى باليق بەهاس تو بري اورغ
ارتى، فس سموا هق بوات تو، کا اد توجوان نق بري تکوه
هاتي اورغ دالم فواق المسيح.

27 کالو اد اورغ نق کيچيق دغۇن بەهاس هق تا، ارتى تو، کا اد دوا
تىگ اورغ ساج کيلير ۲ کيچيق. فس بريله سئورغ باليق بەهاس ۲
28 تو. تافي کالو تا، اد اورغ دسيتو هق تريما نعمة بوليه باليق،
سوروهله اورغ هق کيچيق سائىني تودوق سىپ، تاروه دالم
هاتي، کيچيق دغۇن توهن ساج.

29 حال اد نعمة بوليه مېمفي فرمان توهن تو، بريله دوا تىگ اورغ
کيلير ۲ کيچيق، فس اورغ لائين کا تيمىغ فركتائى رى تو.

30 کالو توهن بري پات ساتو فركارا کا اورغ دالم فواق هق فراچوم
تو، بريله اورغ مان هق تغە دوق سبوت تو، برهنتى کيچيق.
31 کران فواق مو سموا بوليه کيلير فاكى نعمة مېمفي فرمان توهن
تو، انتوق نق اجر فس بري قواه هاتي، ادیق براديق سموا.
32 اورغ هق تريما نعمة توهن، بوليه مېمفي فرمان توهن تو، توهن
جوڭ بري بوليه رى برهنتى کيچيق تو.

33 سابىت توهن تا، سوگ جاري هارو بىرو، دى نق بري كيت دوق
هاتي تىغ دالم فراچوم. بالس مان بوات دغۇن اورغ هق جاري
مېليق توهن دفواق المسيح دتمفت لائين، د تىغ دوق فون،
34 بريله اورغ بتينا دوق برديام تكە فراچوم. تا، بىر بري کا اورغ
بتينا کيچيق. موليق رى دوق باوه فرينته اورغ جىتنى ئىايكت
ایات دالم كتاب تورات هق كات بالس تو جوڭ.

35 کالو رى نق تاھو فركارا مان هق شىك هاتي، تكە كىلىق تاپاله
توء لاکى رى درومە. تا، بىرلاکو اورغ بتينا کيچيق تكە دوق فراچوم.

بایه اف دفواق مو سفواق ساج که، فرکتائن توهن توپیت؟
اتوا کا فواق مو سفواق ساج که، هق توهن تورون فرکتائن
نی تو؟

کالو اورغ کیرا کات دیری نی تریما ده نعمة بولیه میمفي فرمان
توهن تو، اتوا نعمة لائين ۲ فون، نی بولیه تیمبیغ کات هق
اکو فولوس دوق تولیس نی جاري سوروهن ریکی کیت.
کالو نی تاء سیر مطاکو بالس تو، فواق مو فون تاء کنا فارول
کا دی جوگ.

ساپیت توله، ادیق برادیق کو، کاچغ چاری نعمة توهن هق
بری بولیه میمفي فرمان توهن، فس جاغن لارغ اورغ هق کیچیق
رغن بهاس هق ری سندیری تاء ارتی.

تافی سموا هق مو بوات، بواتله رغن جوچور ایکوت اتوران تو.

خبر بائیک حال عیسو بغشیت هیدوف گلیق

هی ادیق برادیق کو! لانی اکو نق بری مو ایثت کا خبر
ینه بائیک هق اکو بیاس رویت کفڈ مو. خبر تو مو تریما ده
فس لانی فون ایمان مو دوق تکف اتس فلافیق تو.
سبب کالو مو فرچای سکت هق اکو بیاس رویت، مو نق بولیه
سلامت کو، خبر ینه بائیک تو. تافی فرچای هق لائین، تاء^{۱۶}
لاب مان کا فواق مو.

اف ۲ هق اکو اجر مو تو، هق اکو سندیری تریما دولو. فس
هق مستحق سکالی، یائیت حال المسيح ماتی تغکوغ دوسا^۲
کیت، ایکوت ایات ۲ دالم کتاب.

حال نی کنا بوبوه دالم قبور، فس حال توهن بری نی بغشیت
هیدوف گلیق سمولا، فد هاری ینه کتیگ تو، ایکوت ایات ۲
دالم کتاب جوگ. حال المسيح بری نمفق دیری کا فیتروس
دولو، فس کا فواق صحابة ۲ دوا بلس اورغ تو فول.

فس نی بري نمفق ديري کند انق مرید نی ، ليم راتوس اورغ
لبيه دعن سکالي گوس . کباقنکن اورغ تو فون دوق هيدوف
لاکي ، تافي اد جوگ هق ماتي ده .

6
ري بري نمفق کا اديق نی يعقوب جوگ ، لفس تو ، کا سموا
صحابة ۲ نی فول . هق سود سکالي ، المسيح بري نمفق ديري
ري کا اکو قولوس ، اکو هق سروف دعن بوق هق برانق تاء
سمفي بولن لاکي .

7
8
كريان اکو نی صحابة عيسى هق رنده سکالي ، تاء سوغ فاتوت
فعکيل اکو صحابة هق باواء تيته عيسى تو ، سبب اکو
بياس بواس پاش کا فوق ۲ المسيح هق جاري ميليق توهن .
تافي دعن کريان رحمة هق توهن تورون کا اکو ، اکو نی بوليه
جاري صحابة عيسى تو ، سروف دوق لاني . فس رحمة هق
توهن تورون تو تاء سيا ۲ ، بوليه فايده . اکو اوسمها لبيه فد
سموا هق باواء تيته المسيح تو . تافي بون دعن رين کو
سنديري ، دق ! جاري رحمة توهن هق بري اکو بوليه اوسمها
بالس تو .

9
10
11
تافي هق مستحق ، خبر يع باء يك هق اکو رويت نی سروف
دعن هق فوق صحابة تو رويت ، فس جاري خبر تو هق
فوق مو فرچاي .

اورغ دوق شک هاتي چارا حال بغضکيت هيدوف کليق

12
خبر هق کيت رويت تو کات ، توهن بري المسيح بغضکيت
هيدوف کليق سمول . فس بالس مان بوليه اورغ دالم فوق مو
کات ، توهن تاء بري اورغ هق ماتي ده بغضکيت هيدوف کليق ؟
کالو مو فرچاي بالس تو ، معنان توهن تاء ادار بري المسيح
بغضکيت . فس کالو المسيح تاء بغضکيت تو ، کيت تاء ادار اف نق
رويت . فوق مو فون تاء ادار اف بوليه فرچاي .

- لبيه لاكى ، اورغ بوليه نمفق كات اكوا سقسي بوهوج حال ئوهن
كران اكوانايك سقسي ده كات ، لفس المسيح ماتي ، توهن بري
ري بغيكت هيدوف كليق .
- تافي كالو هق سوغكوه كات ، اورغ ماتي ده تاء بغيكت هيدوف
سمولا ، تنتو توهن تاء ار بري المسيح بغيكت هيدوف جوك .
- فس كالو توهن تاء بري المسيح بغيكت هيدوف تو ، معنان
ايعلن مو تاء ار اره نق لتق . فواق مو فون دوق سست دالم
دوسا لاكى .
- فس معنان سا لاكى ، اورغ هق توروت جالن المسيح فس ماتي
ده ، سموان فونه ده .
- كالو كيت بوليه هارف كا المسيح تكه دوق دننيا ساج ، تافي
لفس فد ماتي تربطل هرافن تو ، موليق سموا اورغ دننيا
كسياع بلس كا كيت لبيه فد كا اورغ لائين .
- تافي هق سوغكوه بالس نى ! لفس فد المسيح ماتي ، توهن
برى رى بغيكت هيدوف كليق سمولى . فس نيله چنتوه هق
جامين كات ، سموا اديق براديق كريستين هق ماتي ده ، نق
بغيكت هيدوف كليق سروف رى .
- كران كوء جالن ما ئىسى ساتو اورغ دولو ، سموا اورغ كنا ماتي ،
فس كوء جالن ساتو اورغ جوك ، ما ئىسى نق بغيكت هيدوف
كليق .
- بالس مان سموا ما ئىسى دوق طبيعة تولا بعن توء ام ، فس
سابيت تو كنا ماتي ، بالس تو جوك ، ما ئىسى هق دوق
سهاطي سپاوا دغۇن المسيح ، نق بغيكت هيدوف كليق . تافي
كما ايکوت اتوران ماسېغ ۲ ، المسيح بغيكت دولو سروف اورغ
هق مولام مختتم . لفس تو فول ، سموا هق جاني ميليق المسيح
نق بغيكت جوك ، فد ماس رى تورون ماري سمولى تو .
- لفس تو ، بارو نق قيامة . فد ماس تو ، المسيح نق تعلوق

اتس کتوا ۲ ، فمرینته ۲ اتوا اتس کواس مان ۲ فون ، فس ری
نق سره سموا نی ، سکالی لغن کواس نی سندیری هق جاري
راج تو ، کفڈ توهن باف .

کران المسيح مستی کا جاري راج ، سهیغگ توهن بري سموا
سترو ری دوق باوه کاکی ری .

فس سترو هق سود سکالی هق المسيح نق تعلوق تو ، یايت
کواس موت . کران ایکوت ایات دالم كتاب :

توهن هنتر کا ری تعلوق سموا سکل تو ، بري دوق
باوه کاکی نی .

فركتائن کات ، سموا سکل تو ، تنتوله تاءترماسوق توهن
سندیری ، ری هق بري المسيح تعلوق تو .

تافي بیلا سکل سموا تو تعلوق ده دباوه فرینته المسيح ،
باروله المسيح سندیری ، انق یع ساتو هق توهن ، نق سره
دیری کا توهن هق مولا ۲ بري ری مرینته . بالس توله هق
سود سکالی توهن نق مرینته اتس سموا هق مان اد تو .

فس چارا حال اورغ هق تریما روکون مندی بختیزما کنتی اورغ
هق ماتی ده ، فول . ری هارف لاکو مان ؟ کالو سوگنوه هق
اورغ کات ، اورغ هق ماتی ده تائلیه بغضیت ، اف فائیده مندی
کنتی اورغ هق ماتی تو ؟ فس اکو فول ، کالو تائلیه بغضیت ،
باف اکو جوغ هارف بهیا سهیاری تونتوت ؟

هي ادیق برادیق کو ! اکو براس بسر هاتی اتس کھیدون
فواق مو ، هق دوق باوه فرینته عیسیي المسيح ، ری کیت .
فس اکو بولیه برسومفه کات ، اکو دوق دالم لیغکوغن موت
هاری ۲ . فس اکو بولیه کات ، اکو بیاس لاون سروف لغن بنانع
بیغکیع ، دبندرا یفیسوس نی . کالو فیکیران اکو سروف ما ئنسی
سائی ، اف فائیده کا اکو نق لاون بالس تو ؟ تنتوله ، کالو

اورغ هق ماتي ده تاء ليه بغيت، بايءك كيت توروت فركتائ
تو هق کات: ماکله! مينومله! ايسوق نق ماتي.

33 جاغن مو کنا تيفو داorig. ايغتله کا فركتائ تو: برسائين
رغن اورغ فراغي تاء موليق، نق بري، فونه فراغي مو سنديري!
34 کليقله کا فيكيران هق بايءك، فس جاغنله بوت دوسا لاكي.
دالم فواق مو اراد هق فراغي سروف رغن اورغ هق تاء کتل
تهن. موليق مو براس مالو، دغره هق اکو رویت ني.

بالس مان بوليه اورغ بغيت هيدوف کليق؟

35 بغلالي اراد اورغ نق تان: بالس مان اورغ هق ماتي ده نق
بوليه بغيت هيدوف کليق؟ نق اراد توبوه هق سديا که?
36 بودوه سوغکوه اورغ هق تان بالس تو! بيلا مو تام بنېي دالم
تانه، مستي کنا فچه کوليت بري فونه دولو، بارو نق تومبوه.
37 هق مو تام دالم تانه تو، سبويتير بنېي رغن کوليت ساج.
ميسل سروف رغن بنېي فاري اتوا بنېي لاين ۲ فون، هق مو
تام تو، بوکن سموا فوهون هق نق تومبوه کو دافن.

38 توهن بري بنېي تو تومبوه فوهون ايکوت کهندق نېي، گنف
بنېي تومبوه فوهون فان دغن بنېي نېي تو.

39 فس ايسىي مخلوق ۲ هق مپاوا فول، سموا تاء سروف. مانسي
ايسىي سجنليس، بنافع ۲ راكينه نېي لاين، بوروغ ۲ لاين، ايکن
فون لاين فول.

40 روف ۲ دلاغيت اراد، روف ۲ دبومي فون اراد جوگ، تافي تاء
سرروف. هق کيت کات روف دلاغيت لاور، تاء سروف رغن
روف دبومي هق کيت کات لاور.

41 فس دلاغيت فون، روف متھاري لاور، تاء سروف جوگ رغن
بولن هق کيت کات لاور. فس بینتغ ۲ فون لاين فول. بینتغ
سام بینتغ تاء سروف، هق کيت کات لاور تو.

- 42 بالس تو جوگ ، بیلا اورغ هق ماتی بعکیت هیدوف کلیق . تکه بوه دالم قبور ، توبوه اورغ تو سمنتارا . تکه بعکیت هیدوف کلیق تو ، نق ککل .
- 43 تکه بوه دالم قبور ، توبوه اورغ تو هودوه ، لمه . تافی ، تکه بعکیت هیدوف کلیق ، نق مولیق ، کاگه .
- 44 تکه بوه دالم قبور ، توبوه اورغ تو فارن هیدوف دنیا . تکه بعکیت هیدوف کلیق ، نق فارن رعن روح . بالس مان اد توبوه فارن انتوق دنیا ، بالس تو جوگ ، اد توبوه فارن انتوق روح .
- 45 سروف ایات دالم کتاب کات :

{ توء ادم ، ماء نسي هق مولا ۲ تو ، بولیه پاوا جاري
اورغ هق هیدوف . }

- تا فی دی هق کیت فشکیل ادم هق سود تو ، دیالله روح هق بری هیدوف .
- 46 مولا ۲ بوکن هق فارن رعن روح ، تافی هق فارن رعن دنیا .
لفس تو ، باروله هق فارن رعن روح .
- 47 توء ادم ، ماء نسي هق مولا ۲ تو ، توهن بری جاري رعن فاکی
ربو تانه . تافی دی هق کیت فشکیل ادم بیغ کدوا تو ،
دیالله ماء نسي هق تورون دشراک . ماء نسي هق توجو کارنیا
دی سروف رعن ماء نسي هق توهن بری جاري رعن دبو تانه
دنیا . تافی ماء نسي هق توجو کا شرگ نق جاري سروف
رعن ماء نسي هق تورون دشراک تو .
- 48 بالس مان لانی ، کیت سموا جانی روف سروف اورغ هق جانی
رعن دبو تانه تو ، بالس تو جوگ ، کیت نق جانی روف سروف
ماء نسي هق تورون ماری دشراک تو .
- 49 هي ادیق برادیق ! اکو نق رویت کا فواق مو ، توبوه کیت هق
داکیغ داره نی ، تاء فارن بری بولیه دوق دالم فرینته توهن

داخیرة . اف ۲ هق نق فونه فون تاءً فادن دغн هق کل .

اخير دنيا کيت سموا نق براوبه

فرهاتيله ، اکو نق بوک رهسيا بري مو ارتى ! ماء نسي
کيت ، بوکن سموا هق نق ماتي ، دق . تافي باخت دالم سکلیف
مات ، فد ماس بريوبي سروني سغکلا اخير دنيا ، کيت سموا
نق براوبه ، کران تکه بوبي سروني تو ، اورغ ۲ هق ماتي ده
نق بعکيت هيڊوف کليق دغн توبوه هق کل ، فس کيت
سموا نق براوبه .

سبب اف ۲ هق نق فونه تو ، کنا بواڠ ، نق بوبوه هق کل ،
فس اف ۲ هق کنا ماتي تو ، کنا بواڠ ، بوبوه هق تاءً ماتي .
فس بيلا سمني ماس سموا هق نق فونه تو بواڠ ده ، بوبوه
هق کل ، فس سموا هق کنا ماتي تو بواڠ ده ، بوبوه هق
تاءً ماتي ، باروله نق ستوجو دغن ايات دالم كتاب هق کات :

کواس موت تو هاله ده کا کواس هق منع دغن سمني	55
هي کواس موت ! دوق دمان هق مو منع تو ؟	
هي کواس موت ! دوق دمان بيسا مو تو ؟	

هق بري موت تو اد بيسا ، ياءٌ يت دوسا . فس هق بري دوسا
تو اد کواس اتس کيت ، يائيت حکوم توهن دالم تورات .
تافي تريما کاسيھله کا توهن ، هق بري کيت منع کوء عيسى
المسيح ، ربّي کيت !

سبب سموا هق اکو سبوت ساءٌ نبي ، اديق براديق کو ، بريله
هاتي مو کمس ، جاڻن بري برگوپڻ . راجين اوسماله دالم سموا
کرج مو انتوق ربّي ، کران فواق مو تاهوده کات ، کرج هق مو
بوات تو ، تاءٌ فري ۲ ساج .

فسنن فولوس حال رویت هق نق صدقه

باب 16

- 1 فس لاني، چارا حال رویت هق نق صدقه تولوغ کا ميليق توهن دنگري يهوديه . بالس مان اکو نصيحة کا فواق المسيح دنگري گلاتيا، فواق مو فون کا بوات بالس تو جوگ .
- 2 گتف ۲ هاري احد، فواق مو ماسېئع ۲ کا سيمفن تاروه رویت سكيان، ايکوت هق مو بوليه هاري ۲ . فرهيمفونله رویت تو، فس بيلا اکو ماري، تاء کا چاري ره .
- 3 فس بيلا اکو سمنفي، اورغ مان ۲ هق مو ستوجو ره ، بفن بري سورت جامين کاري، اکو فون نق سوروه دي باواه رویت هق مو صدقه تو، کي کا فواق ميليق توهن، دبندر جروسليم . كالو نميق اد فائیده اکو کي جوگ ، اورغ ۲ تو بوليه کي سکالي رغن اکو .

چيتا ۲ هق فولوس نق بوات کوء رافن

- 5 لفس فد اکو برجالن لالو کوء نگري ماکدونيا، بارو اکو نق ماسوق تيشوق مات مو، کران اکو اکق نق کي کوء نگري ماکدونيا تو دولو: بشكالي اکو بوليه برادو رغن فواق مو سمنترا، تکه فرياغ سجوق . لفس تو، مو بوليه تولوغ اکو برجالن لاکي، کوء مان اکو نق کي .
- 6 سبب كالو ايکوت کهندق ربى انتوق اکو، اکو نق روق رغن فواق مو لام سيكيت، تاء سير سبنتر ساج .
- 7 تافي لاني اکو نق روق اد راي فيسيوس لاکي، هيٺگ سمنفي راي ليم فولوه هاري . تکه روق رسيني، اد فلواح باپق بوليه بوات کرج هق برفائيده . فس اد جوگ باپق اورغ هق نق برلاون .
- 8 بيلا تيموتيوس ماري کا ت Mofft مو ، سمبولته دي ، کران دي فون بوات کرج کا ربى سروف اکو جوگ .
- 9
- 10

جاغنله سیاف ۲ هینا کا ری . تافي تولوغ دی برجالن لانگی ،
دغن سلامت . بربی دی بولیه کلیق کا تمفت اکو دسینی . کران
اکو تغه دوق ننتی دی دغن ادیق برادیق لائین نق ماری .
11 فس چارا حال ادیق کیت افولوس فول . باپق کالی ده ، اکو
دوق برسو غوت ۲ سوروه دی کی سکالی دغن فواق ادیق برادیق تو ،
تیغوق مات فواق مو . دی تا تنتو لانگی کات ، کی لانی جاری
کهندق توهن انتوق دی کا رق . تافي بیلا اد فلواح تنتو دی
نق کی .
12

فسنن فولوس حق سود

فس سود سکالی اکونق فسن ، جاکاله هاتی مو ، بربی
کمسله ایمان مو ، بریلہ هاتی مو کاگه !
13 فس اف ۲ حق مو بوات تو ، بوائلہ دغن کاسیه مو اکو .
هی ادیق برادیق کو ، مو تاھو ده بوکن ، کات ستیفانوس دغن
اورغ ۲ درومه دی ، حق مولا ۲ سکالی دنگری اخیا جاری کریستین ،
فس دی سره دیری دی دوق فارول کا کرج کا فواق میلیق توهن
تو . اکو سوروه فواق مو جوگ ۲ توروتلہ فیمفین اورغ لانگ تو ،
14 اتوا اورغ مان حق بوات کرج هیغگ سمنی لتیه ، سروف دی جوگ .
اکو براں سوک هاتی اتس ستیفانوس ماری دسینی تیگ اورغ تو ،
فورتوناتوس دغن اخیاکوس ، کران دی ماری جاری وکیل سموا
فواق مو . فس دی بربی سوک هاتی اکو ، سروف دی بیاس بربی
15 سوک هاتی مو . اورغ ۲ لانگ نی ، مولیق فارول کا دی .
فواق ۲ المیح دنگری اسیا کیریم سلام کا فواق مو . اکویلا
دغن بینی دی فریسکیلا ، سکالی دغن اورغ ۲ فواق المیح حق
ماری فراجوم درومه دی ، کیریم کاسیه کا فواق مو جوگ ، حق
دوق سهاتی سپاوا دغن المیح .
16 سموا ادیق برادیق بالیق نی کیریم سلام کا فواق مو . کیریم
20

سلام له گي ماري مو اکو دغۇن كوجوف، سروف ادیق براديق سجاتىي.

21 فس اکو فولوس نق توليس دغۇن تاغن كو سندىري، سلام ھق فولوس.

22 كالو سياف تا؟ كاسىيە کا رېي عيسى، برى توهن حکوم دى!
يا رېي، ماراناثا - ماريلە باشت سىكىت!

23 بريلە رحمة عيسى، رېي كىت، تورون دوق سکالىي دغۇن مو!

24 كاسىيە اکو فون دوق سکالىي دغۇن فواق مو سموا، دغۇن كران عيسى المسيح.

2 كورينتوس

سورت كيريمن بع كدوا هق توهن بري فولوس
توليس كف فواق المسيح دبندر كورينتوس

فولوس جاري سئوغ هق باواه تيته المسيح

باب 1

اكو فولوس ، سئوغ دالم فواق هق باواه تيته عيسى المسيح
ايكوت كهندق توهن ، توليس سورت كيريمن ني ، سكالي رعن
اديق كو تيموتيوس ، كف اورغ ۲ دالم فواق المسيح دبندر كورينتوس
فس كف اورغ ۲ هق جاري ميليق توهن سرات نكري احيا .

اكو مينتاه توهن باف كيت رعن ربّي عيسى المسيح تورون
رحمة اتس فواق مو رعن سلامت سجهترا .

فولوس اوچب شكور كف توهن

اوه فوجيله كا توهن هق جاري باف عيسى المسيح ، ربّي
كيت ، باف هق كسياغ بلس سعمور ! سموا فرتولوغن ، اصل
ماري دتهن نيله .

تفهه ۲ كيت دوق دالم كسوهاهن ، يي تولوغ بنتو كيت ، نق
برى كيت بوليه تولوغ بنتو اورغ ۲ مان هق دوق سوسه گاتيق ،
سروف توهن ^۱ تولوغ كيت دولو .

كران ، بالس مان آئو جوغ تريما كسوهاهن المسيح ، هق مليعفه
باپق تو ، بالس توله جوگ ، اكو بوليه تريما درف دتهن ،

فرتولوغن هق مليمفه کا کيت کوء جالن المسيح .
کالو اکو کا سوسه ، اکو دوق سوسه تو انتوق نق تولوغ مو
بری بولیه سلامت . کالو اکو تريما فرتولوغن توهن نق بنتو
هاتي کو ، هق تو فون نق تولوغ مو جوگ ، بری هاتي مو
تکوه ، بولیه اود رغن صبر ، کسوساهن سروف هق اکو .

سبب توله ، هرافن کو چارا حال فوق مو تاء برگویغ ، سا بيت
اکو تاهو رغن يقين کات ، بالس مان فوق مو امبیق کسوساهن
سروف اکو ، بالس تو جوگ ، مو بولیه امبیق فرتولوغن درف د
تهن ، سروف هق اکو تريما تو .

هي اريق براديق ! اکو نق بری مو ايقت چارا حال کسوساهن
هق اکو تمو ، تکه اکو دوق دالم کليواسن اسيا دلو . کران
کسوساهن ۲ تو برت سوڠکوه ، تينديه اکو ، سهیغک براس نق
کفیق ، تاء اد هرافن نق هيڊوف لاغی .

اکو براس سروف حکوم ماتي جاتوه اتس اکو ده ، تافي
سسوڠکوهن ، فرکارا تو جاري ، نق بری اکو کابر کات ، تاء کنا
برگنتوغ کا ديري سنديري ، تافي کنا برگنتوغ رغن توهن ساج ،
هق اد کواں بولیه بری اورغ ماتي هيڊوف گلیق .

ري بری اکو سلامت ده درف بهيا هق تروق سمفی ماتي تو ،
فس کوء دافن ، ری نق بری اکو سلامت فول . بالس تو ،
هرافن کو اتس ری تکوه کات ، ری نق بری سلامت کا اکو کوء
رافن سمولا فول .

فوق مو سموا کنا فاكت مینتا ئعا انتوق اکو گاتيق . کھور باپق
اورغ مینتا ئعا بالس تو ، کھور باپق لاغی اورغ ۲ هق بولیه لغکق
کفلا اوچف تريما کاسيه کا توهن ، بیلا سمفی فرکارا هق فوق
مو دوق مینتا تو .

6

7

8

9

10

11

سوارا هق کات نق سلسي تو، بوليه فرچاي

- اد ساتو فرکارا هق بري اکو بسر هاتي، هق فراسائين هاتي
کو ستوجو کات سوغکوه، ياءيت اکو برهوبوغ دغۇن سموا اورغ،
فس هق فالىئەن مستحق، دغۇن فواق مو، دغۇن هاتي اخلاص هق
اصل ماري دتوهن. فس توهنلە، دغۇن رحمة دى، بري جاري
بالس نى، بوكن فرکارا نى جانى دغۇن كەنداين کو سندىرىي، نق.
دالىم سورت مان ۲ هق اکو كىريم کا فواق مو تو، تا^{۱۴}ار سىكىت
هاپق هق كا فهم كۈلەيەن. هق مو بولىھ باچ، مو فهم بالس
تو. فس اکو ھارف کات مو نق بولىھ كەھور ۲ كىل دغۇن اکو، ولو
كىل سىكىت لانى فون، انتوق بري فواق مو بولىھ براس بسر
هاتي حال اکو، سروف اکو نق براس بسر هاتي حال فواق مو،
فە هارى رىئى عيسى نق ماري نون.
- دغۇن سابىت فراسائين هاتي کو تىنلىك داڭىزدا ئەنلىك،
توجوان هاتي کو نق کېيىكى تىنلىك داڭىزدا، ياءيت اکو نق براو دىتمەت مو
تىريما رحمة دوا كالى كىدا، ياءيت اکو نق براو دىتمەت مو
تىغە جالن كېيىكى تىنلىك داڭىزدا، فس هالا كلىق، نق براو فول،
بري مو فلواڭ بولىھ هەنتر اکو كېيىكى تىنلىك داڭىزدا.
- بىلا اکو چاراغ نق بوات بالس تو، مو گامق کات توجوان هاتي
کو تا^{۱۵}تنلىك داڭىزدا؟ مو براس کات اکو بوات چاراغنى اىكوت فيكىران
هاتي کو سندىرىي دغۇن تا^{۱۶}تنلىك داڭىزدا؟ هق سېنتر کات: نق سلسي!
هق سېنتر لاكى کات: تا^{۱۷} سير سلسي!
- بالس مان اکو بولىھ نائىك سقسىي کات: توهن هق سېنر، بالس
تو جوڭ، اکو بولىھ نائىك سقسىي کات، هق اکو جنجى دولو تو
هق سېنر جوڭ، بوكن دغۇن توبىت سوارا دوا بىغسا سکالىي،
کات نق سلسي، سېنتر لاكى، تا^{۱۸} سير سلسي.
- سېلىس، تيموتىوس دغۇن اکو فولوس نى، بىياس رویت کا فواق مو

حال عیسیو المسیح انق توهن، فس عیسیو تاءٌ سروف اورغ هق
توبیت سوارا دوا بگستو، دق ! عیسی لہ جاری سوارا توهن
هق کات: نق سلسلی! کران اف ۲ هق توهن جنجی کا ماۓنسی 20
عیسی لہ هق جامین کات: سلسلی ده ! ساپیت تولہ، کیت
بولیه سبوت: امین ! اتس نام عیسی تو، معنا کیت ستوجو
ده. بالس تو، توهن نق بولیه فوجین درفت کیت.
جاری توهنله هق جامین کا اکو دغنا فوقاً مو کات، کیت دوق 21
سھاتی سپاوا دغنا المیح. توهنله هق سودہ فیلیہ کیت،
فوکول تندما کات کیت جاری میلیق دی، فس تندما تو یائیت، 22
دی بڑی روح دی دوق دالم ہاتی کیت، فس تندما نی جامین
سموا هق دی نق بڑی کا کیت کوءِ رافن.

فولوس تاءٌ سیر بڑی فوقاً کورینتوس براں ہاتی

23 توهن هق تاھو ایسی ہاتی کو، بولیه جاری سقنسی کات،
سبب اکو تاءٌ سیر بڑی فوقاً مو دکورینتوس براں ہاتی، ساپیت
تو اکو اویہ تاءٌ کی کا تمفت مو.
بوکن کات اکو نق فقساً مو دالم حال اف ۲ هق مو کا فرچای،
کران ایمان مو دوق کجت ده. تافی اکو نق امبیق فدولی کا 24
فوقاً مو، نق بڑی مو کھور لبیه سوک ہاتی لاکی.

1 ساپیت تو اکو کرت سین کات، تاءٌ کا کی تیغوق مات مو

سلالو، تاکوت نق بڑی فوقاً مو سدیہ ہاتی.

2 فس کالو اکو بڑی فوقاً مو سدیہ ہاتی، سیاف فول نق بڑی
ہاتی کو سنغ کوءِ رافن؟ تنتو تاءٌ ادار، ملینکن فوقاً مو هق
اکو بڑی سدیہ تو!

3 جاری سبب تولہ اکو هنتر سورت تو کا فوقاً مو، نق بڑی
تنتو کات، بیلا اکو سمنی ده، فوقاً مو هق سوغ بڑی اکو

سوک هاتی، تاء کا بري اکو سوسه هاتی. کران فواق مو سموا تاهو ره بوکن، کات اکو تاء سوک هاتی، کالو فواق مو تاء سوک هاتی کاتیق؟

4 سورت کیریمن دولوتو، اکو تولیس توبیت دالم هاتی هق سرابوت ساغت، سمنی کا ایر مات منیلیه فون. بوکن نق بري مو سدیه هاتی، دق، تافي نق بري مو کابر کات ستارا مان اکو کاسیه کا فواق مو.

کا معاف کا اورغ هق بوات ساله تو

5 اد جوگ، سئورغ دالم فواق مو، هق بري جایی سبب اورغ ۲ سدیه هاتی. بوکن کا اکو، دق. تافي بولیه کات ری بري سدیه هاتی باپق اورغ جوگ دالم فواق مو. اکو تاء سیر تمبه کیچیق برت فد تو. فادن ره انتوق اورغ تو، حکوم هق باپق اورغ دالم فواق مو فاکت بري جاتوه اتس ری. لاني، مولیق لاکی کالو مو فالیث معاف کا ری، بري هاتی ری قواة فول، تاکوت ری نق لس دالم کسوساہن باپق گینتو لالو تو. ساپیت تو، اکو مینتا جوگ ۲ دغن فواق مو، تنجوقله کات مو کاسیه کا ری لاکی.

6 جایی سبب نیله، اکو تولیس سورت کف مو، یا' یت اکو او جی مو، نق تاهو کات فواق مو جوغ کا دق، توروت فرینته کو، سعمور.

7 اورغ مان ۲ هق فواق مو امفون، اکو فون امفون جوگ، فس، کالو اد کسلاہن مان هق اکو کنا امفون، اکو امفون ره، رافن المسيح، انتوق نق بري فواق مو بولیه فائیده.

8 تاء سیر بري هیلیس اد چله بري کیت هاله کا ری، کران کیت تاهو ره، بالس مان یی نق تیفو دای سعمور.

كيت بوليه برجاي رعن كواس المسيح

بيلا اکو سمفي ده کا بندر ترواس، رعن توجوان نق رویت
خبر بايک حال المسيح، ربی بوک ساتو جالن بري اکو بوليه
بوات کرج تو رسیتو. تافي اکو براں سوسه هاتی سبب اکو
چاري ۲ تاءً تمو رعن ادیق کو رسیتوس. اکو فون بري سلامت
تیشگل کا اورغ ۲ رسیتو، فس برجالن کی لائکی کانگری ماکدونیا.
تافي اوچف شکور کا توهن! تکه کيت دوق سهاتی سپاوا
رعن المسيح، ری بري کيت بوليه بلارق سعمور، دالم باریس
المسيح هق منع. فس ری فاکی کيت نق بري خبر بايک حال
ری سریق کی رات ۲، سروف باءُو سدف.

باءُو سدف خبر بايک هق المسيح تو، تندا کات توهن دوق
رافت. فس باءُو تو سریق سمفي کا اورغ ۲ هق نق سلامت.
سمفي جوگ کا اورغ ۲ هق سست نق بناس.

کا اورغ ۲ هق نق بناس تو، باءُو تو جاني تندا کات، ری نق
ماتی. کا اورغ ۲ هق نق سلامت فول، باءُو تو جاني تندا کات
ری نق هیدوف. تاءً ادار اورغ اد کواس بوليه تشكوغ کرج نی.
کيت نی، تاءً سروف باپق اورغ لاےین، هق کی کوسنر خبر
تهن سروف جوال بارغ موره. دق! کيت باواً تیته توهن،
فس رویت خبر بايک رعن هاتی اخلاص، اورغ هق کا
تشکوغ جواب کا توهن، کران کيت دوق سهاتی رعن المسيح.

فرهوبون بارو توهن رعن ماٽنسی

باب 3

هق مو رغر ساءً نی تو، اد که هق بويی کات اکو نق
اغکیت ديري کو؟ بغلالي مو ایفت کات، اکو کا اد سورت
جامین فوجی، نق بري فوق مو سمبوت اکو، اتوا کا امبیق
سورت دفواق مو، بري اکو برانی کی کا اورغ لاےین. دق!

فواق مو سنديري جاري سروف سورت جامين اکو هق توليس 2
 ره رهاتي کو، هق سموا اورغ بوليه تاهو، بوليه باچ .

سوده چرف ره کات، المسيح سنديري هق توليس سورت 3
 جامين کو تو. سورت نی، بوکن توليس اتس کفيڠ ۲ باتو، تافي' توليس رهاتي مائسي، دغۇن روح توهن هق هيڊوف سعمور.

اکو بوليه کات بالس نی، کران هرافن کو توجو کا توهن کوء 4
 جالن المسيح. دالم ديري کو سنديري، تاءاد افسكارا، بري

اکو بوليه معاکو کات اد کواس نق بوات کرج نی . سموا هق 5
 بري اکو اد کواس تو ، ماري دتهن بلاک .

دياله هق بري اکو فندي دالم کرج تنتغ فرهوبوغن هق بارو، 6
 توهن دغۇن مائسي . فرهوبوغن نی تاءبرگىتۇغ فد حکوم ۲ هق توليس دياتو تو دولو، تافي برگىتۇغ فد کرج روح توهن .

حکوم دولو تو باواء کا جالن ماتي، تافي کرج روح توهن باواء 7
 کا جالن هيڊوف .

حکوم ۲ تورات هق توهن تورون تو ، حروف نې فاهت اتس کفيڠ ۲ باتو. تکه تو جوڭ، توهن بري نمفق ک مليان نې، لكت چەپە چەپە دموڭ نې موسى . سوغۇڭوھ فون چەپە ک مليان تو کەھور ۲ تاءچەپە، تافي روق بچر لاكى، چوکوف بري فواق اسرائىل نق تېغۇق کا موك موسى تاءليه . كالو تورات، هق نق باواء بري ماتي تو ، تورون دغۇن ک مليان بسر گىتو لالو، 8
 تنتولە نق بسر لاكى، ک مليان تنتغ دغۇن کرج روح توهن ! اد ک مليان بسر هق ماسوق دغۇن تورات هق کات مائسي سالە کا ماتي تو. تنتو نق بسر لبىھ ۲ لاكى، ک مليان هق ماسوق دغۇن کرج روح توهن، هق کات مائسي نق بوليه 9
 سلامت .

ک مليان هق تىمبول لاني بسر لاكى ، نق بندىع تاءليه دش 10
 ک مليان هق کات بسر دولو تو. معنان، هق دولو تو هيلىع

ده لاني. هق دولو تو اد کملياں جوگ، تافي ليسسوس ده.
کالو کيتو، هق لاني، هق تاهن سلام ۲، تنتونق اد کملياں
لبيه ۲ لاکي.

12 دغۇن سبب ھرافن نيلە، کيت جاري براني.
13 کيت تاء سروف دغۇن نېي موسى، هق کنا فاكى کائين گلوبوغ
تودوغ موڭ، تاء سير برى فواق اسرائىل تىغۇق چەپيا تو كەھور ۲
ھېلىغ كى.

14 فيكىران فواق تو كاتوف ده. سەمفى لاني فون، افبىل رى باچ
كتاب چارا حال فرھوبۇغۇن هق دولو، توھن دغۇن ما ئىسى تو،
فيكىران رى سروف دوق تودوغ لاکي دغۇن کائين گلوبوغ، سروف
هق نېي موسى تو. کائين گلوبوغ تو تاء لىھ بوك، ملينكىن
تون رى دوق سەھاتى سپاوا دغۇن المسيح.

15 لاني فون، بىلا رى باچ تورات نېي موسى، فيكىران رى تىدۇغ
لاکي. تافي اورۇغ مان هق فالىغ فرجايى كا ربىي، کائين گلوبوغ
رى بوك ده.

16 فركتاں ربىي سائىني تو، کيت بولىھ فەھم كات، روح ربىي عيسى،
فس دمان ۲ روح تو اد، دسيتولە اورۇغ بولىھ لفس، تاء جاري
ھەمب ده.

18 کيت لاني، اد بكس تندىا هق کملياں ربىي عيسى، دوق سوار
دغۇن تاء فاكى گلوبوغ تودوغ موڭ ده. فس، کملياں تو اصل
مارى دربىي، رى هق تولا دغۇن روح. کملياں تو جوگ، برى
کيت كەھور ۲ براوبە جاري سروف رى، دغۇن كەھور ۲ تىمبە کملياں
كا کيت.

باب 4 کيت اد بكس سوار کملياں ربىي عيسى

1 توھن، دغۇن كسياغ بلس هق رى، برى كا اکو نق بوات
2 كرج نى. سابىت تو، هاتى كو تاء براس لەمە. اکو تاء فاكى

فرکارا هق کنا سوسوف، اتوا هق بري جاري مالو. اکو تاءً توروت
جالن منيفو اتوا او به فرکتائن توهن، لق! اکو رویت هق
سبنز دغن بوک لغکه، کران اکو دوق بوات سموا فرکارا رافن
تهن، فس هق اکو بوات تو، سموا اوزغ کنا ستوجو کات
موليق.

کالو خبر بايک هق اکو پمپفي تو دوق توروغ، معنان دوق
توروغ کا اورغ هق نق فونه نزراك. فواق تو، تاءً فرجاي،
سبب فيکيران دي کاتوف هابيس ده دغن تيفوداي هيبليس،
دي هق جاري کتوا جا هت دالم دنيا. هيبليس دوق تبيغ
فواق تو، تاءً سير بري نتفق چهيا هق سولوه کا دي، ياءً ييت
چهريا هق اصل ماري دخیر بايک چارا حال المسيح دغن
ک مليان دي. کران دیاله هق بري نتفق روف دي سروف توهن.
فس اکو فون باواءَ ماري خبر دي، بوکن اکو نق بري تيمبول
نم کو سنديري. هق بري تيمبول، ياءً ييت عيسى المسيح هق
سوغ کنا حرمة جاري رتّي، فس اکو نيله هق کرج کا فارؤل
کا فواق مو، دغن کران عيسى تو.
تهن هق رویت دولو کات:

بری جاریله چهريا سولوه دالم گلف!

تهن توله هق بري چهريا دي سولوه دالم هاتي کيت، نق
بری کيت اد بکس سوار هق ک مليان توهن، هق دوق برچهريا
دروف عيسى المسيح.

ک مليان توهن دوق دالم بکس هق تمادر

تا في فواق اکو هق باواءَ فرکارا ۲ مهل هق توهن بري
ني، جاري سروف بکس تمادر، هق بوات دغن تانه ليات،
نق تنحوق کات کواس هق تيغکي دوق دتهن، بوکن دکيت.

8 باپ کالی فواق اکو سیقساده، تافي سیقساتو تا^ئتیندیه بري هنچور. کارغ ۲، فواق اکو تاءار اره نق کي، تافي تاءفوتوس هرافن.

9 هق لاؤن دغۇن فواق اکو اد باپق، تافي اد سعمور هق دوق باليق کو جوگ. ولو اد باپق فركلارا هق کا کا فواق اکو بري ربه فون، تافي تاءفونه جوگ.

10 دوق دمان ۲ فون، فواق اکو بري پات سعمور دالم توبوه، کسيقسائىن سەمفي ماتي هق عيسى، انتوق نق بري پات جوگ دالم توبوه کو، کات عيسى دوق هيىدوف لانى، فس كىت دوق سپاوا نىن رى.

11 فواق اکو دوق هارف بهيا توجو کا ماتي سعمور، کران عيسى، نق اد فلواڭ بري پات هيىدوف رى دالم توبوه فواق کو، هق نق کا هنچور نى.

12 بالس تولە، سموا هق توجو کا ماتي دوق كرج دالم توبوه فواق اکو، انتوق نق بري فواق مو بولىھ هيىدوف کوء عيسى.

13 اد ايات دالم كتاب هق کات:

سبب اکو فرجاي، سابىت تو اکو کا رويت.

فواق اکو فون فرجاي نىن قواة ايمان سروف تو جوگ، سابىت تو کا رويت.

14 اکو تاهو رە کات توهن هق بري رېي عيسى بىشكىت هيىدوف كلىق تو، رى نق بري اکو هيىدوف كلىق جوگ. فس نىن کران فواق اکو دوق سەھاتى سپاوا دغۇن عيسى، لېي نق باواً اکو سکالىي دغۇن فواق مو سموا، ماري مەھارف توهن.

15 سموا هق کا کا فواق اکو نى نق بري فواق مو بولىھ جاس. فس، كەھور باپق اورغ نق تريما رحمة توهن، كەھور باپق جوگ، اورغ هق بولىھ اوچق شكور کا توهن بري رى بولىھ فوجىن.

هاتي نق کھور ۲ قواة ، ولو توبوه لمھ فون

- 16 ساپیت نیله ، هاتي فواق اکو تاء براں لمھ . ولو توبوه لوار کھور ۲ فونه فون ، تافي ددالم کھور بارو هاري ۲ .
17 فس کسوساهن ھق کنا کا فواق اکو لانی ریفن ساج ، سمنتارا ساج ، بري فواق اکو سیف نق بولیه تریما کلیائے بسر ، ھق ککل ، نق بندیغ تاء لیه رغن کسوساهن تو .
- 18 کران کیت فنتیغ توجو ، بوکن کا فرکارا ۲ ھق مات بولیه نمفق ، تافي کا فرکارا ۲ ھق تاء لیه نمفق لاکی . ھق بولیه نمفق تو ، تاهن سبنتر ساج ، تافي ھق تاء لیه نمفق ، تاهن سلام ۲۶ .
- باب 5**
- 1 کران توبوه کو دنیا لانی ، سروف رغن بغل دوق سبنتر ساج ، فس هنچور کی . تافي اکو تاھو کات ، اکو نق بولیه رومہ شرگ ، ھق توهن بوات سندیری ، ھق تاهن سلام ۲ .
2 رسینی ، لانی ، اکو مغلوہ دوق نق ۲ کا رومہ شرگ تو ، سروف رغن اور غتلنجع دوق نق کا فکاین .
3 تکہ اکو دوق دنیا رغن توبوه ھق سروف بغل تو ، اکو دوق مغلوہ ، رغن کران تفکوغم برت . بوکن کات اکو دوق نق چابوت فکاین توبوه کو رغن ماتی ، دق ! تافي لبیه ۲ لاکی ، اکو نق بوبوه فکاین بارو ، نق بري سموا ھق سمنتارا رسینی بولیه تفگلم ، دھق بارو ، ھق بولیه هیدوف سلام ۲ .
4 جاري توهنله ھق چارغ کا کیت ، بري نق براویه بالس نی .
5 فس ، توهن بري روح دی کا کیت ، تندا جامین سموا ھق دی نق بري کا کیت کوئ رافن .
6 ساپیت نیله هاتي کو دوق قواة سعمور . اکو تاھو ده کات ، لام مان اکو دوق رغن توبوه کو نی ، سلام تو جوگ ، اکو دوق جاؤه رغن رومہ ربی .

کران اکو دوق هيدوف لاني، دغۇن فرچايى کات اکو نق بوليه
فرکارا ۲ هق تائەن متفق لاکى، بوكن اکو توجو کا فرکارا هق نتفق
دە. هاتىي کو دوق قواة سعمور، فس اکو براس موليق لاکى
تىيغىكىل توبوه کونى، كىي دوق سام ربىي.
7
تافىي هق مستحق سکالىي، اکو نق برى ربىي بركتىن کا اکو، تكە
دوق دغۇن توبوه کو دسىني، اتوا فون دوق دشىگ نون.
8
كران تنتولە، ما ئىسى كىت سموا کا مغهارف المسيح، تكە
بى جانى حاكىم، نق کا بالسن ماسېغ ۲ باييك اتوا جاھت،
ايکوت هق كىت بوات، تكە دوق دالىم دنیا نى.
9
10

كىت برهوبوغ جانى باييك دغۇن توهن كۆ المسيح ساج

سوغ فاتوتله كىت تاکوت دغۇن مغهارف ربىي تو. ساپىت
تو، اکو فوجوق اورۇغ، نق برى يى فالىيۇ ماري فرچايى. هاتىي کو،
توهن تاهو بلەك. فس اکو هارف کات، فواق مو بوليه تاهو
جوڭ، سىسىي هاتىي کو.
11
بوكن اکو نق اغكىت دىرىي سکالىي لاکى رافن فواق مو، دق!
اکو نق برى مو اد سىبب بوليه بىسر هاتىي چارا حال اکو، نق
برى مو بوليه جواب کا اورۇغ ۲ هق سەشكى کات، هق مستحق
فرېشكىت اورۇغ، بوكن فراغىي يى.
12
كالو اورۇغ سەشكى کات اکو سروف اورۇغ گىلا، كىچىق باپق حال
نى، سىسوڭىوهن دق. اکو كىچىق بالس تو انتوق كرج توهن.
كالو نتفق کات، اکو سەمفەن اقل فون، اکو كىچىق بالس تو،
انتوق تولوغ فواق مو، بوكن انتوق اکو سندىرىي.
13
اکو ترفقسا کا بوات بالس نى. سبب المسيح تىنجوق كاسىيە
بىي کا اکو، برى اکو كابر کات، المسيح کا حکوم ماتىي گىستى
ما ئىسى سموا. مەمناڭ، سموا تو امبىق سكىيان دالىم كماتىن بىي
تو. اورۇغ هق بوليه هيدوف دغۇن كران المسيح ماتىي تو،
14
15

ال المسيح تاء سير بري بي هيدوف انتوق ديري سنديري، تافي انتوق
 المسيح هق ماتي هيدوف كليق سمولاً كتي بي . سا بيت توله،
 اكو تاء او كور فريشك اورغ اي كوت فيكيران ما نسي . المسيح فون
 اكو بياس او كور سروف تو جوگ ، تافي لاني ، دق .

كران اورغ مان ٢ هق ماسوق دوق سهاتي سپاوا لغن المسيح ،
 توهن بري جاري بارو اورغ تو . سموا هق لام تو ، سلم ده ،
 تيمبول هق بارو . فس توهنه هق بوات سموا بي . بي بري كا
 كيت جالن بوليه برهوبوغ جاري بايك دغن بي ، كوه المسيح .
 فس توهن بري كا كيت كرج ميمفي خبر كا اورغ لاين فول كات
 جالن اد ده ، نق بوليه برهوبوغ جاري بايك دغن توهن ،
 ياء يت توهن ، كوه المسيح ، بري كا ما نسي سموا ، بوليه
 برهوبوغ جاري بايك دغن بي سمولاً . اورغ هق كليق جاري
 بايك تو ، توهن تاء بري تشگوغ سنديري ، دوسا بي . فس ،
 توهن سره كا كيت له ، كرج ميمفي خبر تو ، كات ما نسي بوليه
 برهوبوغ جاري بايك دغن توهن سمولاً .

توهن دوق فشكيل مو دغن سوارا فولوس

دالم كرج بي ، اكو باوا تيته المسيح ، سروف توهن
 سنديري دوق فشكيل مو دغن سوارا اكو . اتس نام المسيح ،
 اكو مينتا مو جوگ ، كليقله برهوبوغ جاري بايك دغن توهن!
 المسيح تاء اد دوسا سيكيت هابوق ، تافي توهن بري المسيح
 قربان بري تشگوغ دوسا ٢ كيت ، انتوق نق بري كيت هق دوق
 سهاتي سپاوا لغن بي ، تاء ساله ده دفنداغن توهن ، دغن
 سا بيت المسيح ماتي تو .

باب 6
 1 كران فوق اكو كرج سكالي دغن توهن ، اكو مينتا دغن مو
 سو غکوه ٢ ، جاغن مو تاهوق فري ٢ ساج ، رحمة توهن هق مو

تريما ده تو، بواس تاءٌ ترفاکي . دالم كتاب توهن کات:

اد ماس هق اکو فيليه، هق اکو دغر مو ده .

اب فرياغ انتوق سلامت، هق اکو ماري تولوغ مو ده !

2

فس ، اکو فولوس رویت کا فوقاً مو کات ، لاني سمفی ده ماس هق توهن فيليه تو ، سمفی ده فرياغ هق توهن نق بري سلامت .

تندا کات فولوس کرج کا توهن موليقي

اكو تاءٌ سير بري چله کا اورغ بوليه کات کرج کو کا توهن
ني ، ساله . سا بيٽ تو ، اکو کاچع تاءٌ سير بري چمفيغ ، کا
سياف ۲ فون . نق ! سسوغکوهن ، دالم سموا هق اکو بواس ،
اكو بري تندا کات ، اکو کرج کا توهن موليقي ، رعن تنجوق
کات اکو بوليه صبر سوگکوه ، دالم کسو Sahen ، دالم کسيقسائين ،
دالم اف ۲ هق هييمفيت .

3

4

اكو بياس تريما فيات ، کا کوروغ ، دوق دالم هارو هارا ، اکو
بياس کرج برت ، او د تيدور ، او د ماکن .

5

فس اکو بري تندا جوگ ، کات رعن اخلاص هاتي کرج کا توهن ،
رعن تنجوق علمو هق توهن بري کا اکو ، رعن بري نمفق کات
هاتي صبر ، رعن بواس موره هاتي کا اورغ ، رعن بري پات روح
تهن دوق دالم هاتي کو ، رعن تنجوق کاسيه سوگکوه کا اديق
براديق .

6

رعن بري مېمي خبر هق بنر ، رعن بري پات کواس توهن ، رعن
اميقي فاكى سنجات هق توهن بري کا اورغ هق هاتي بتول ،
نق تيكم اتبا نق تفيس فون . رعن سموا ني ، اکو بري جاري
تندا کات اکو کرج کا توهن هق موليقي .

7

اكو دوق سيف ده ، نق تريما بلاک ، حرمة اتوا هينا ، کا اکو
اورغ کات ساله ، اتوا فوجي . ولو اکو كچيق هق بتول فون ،

8

تافي اورغ فتنه کات بو هوغ.

9 سموا اورغ کل اکو، تافي اورغ بوات کا اکو سروف تاء کل جوگ . اورغ بوپی کات ماتي ، تافي تیغوقله اکو دوق هيدوف لاکي . اورغ کات اکو کا حکوم بونوه ده ، تافي تاء سمني ماس لاکي . اورغ سفک کات تاء اد سیکیت هابوق هق بولیه بري اکو سنج هاتي ، تافي سسوغکوهن ، اکو بولیه سوك هاتي ، فوجي کا توهن سعمور . اورغ تیغوق کات مسکين ، تافي اکو بري باپق اورغ کاي . نمفق سروف تاء اد بارغ سکارا فون ، تافي سسوغکوهن اد سرب بلاک .

11 اوه اديق براديق کو دکورینتوس ! هق اکو رویت کد مو تو ، تاء سوسوف اف سکارا . بالس مان فيکيران دالم هاتي کو ، بالس تو جوگ اکو بوك کا فواق مو .

12 کالو مو براں اد سکاتن ، فرهوبوغن مو اکو ، بوکن باليق کو . هق بري سکت تو دوق باليق فواق مو سنديري .

13 اکو اجر کا فواق مو سروف اکو اجر انق ۲ کو سنديري ، بوکاله فراسائن مو کا اکو ، سروف اکو بوك کا فواق مو ، دولو تو .

جاغن ماسوق چمفور هق چره دغن هق گلف

14 جاغنله ماسوق جاري سکمفوہ دغن اورغ هق تاء سیر فرچاي کا المسيح . تنتو تاء ليه جاني ! کران بالس مان بولیه برکوغسي هق بتول دغن هق تاء بتول ، اتوا بولیه چمفور گاء ول هق چره دغن هق گلف ؟ تنتو تاء ليه !

15 بولیمکه المسيح ستوجو دغن هبیلیس ؟ اتوا بالس مان ، اورغ هق فرچاي دغن اورغ هق تاء فرچاي ، بولیه توکر بارغ کي ماري ؟ تنتو تاء ليه . بولیمکه ، فاكی رومه سبواه سمبه کا توهن کاتيقي سمبه کا برهالا کاتيقي ؟ تنتو تاء ليه . فس سروف تو جوگ ، توبوه کيت جاري تمفت دودوق توهن بیغ هيدوف تو .

ایکوت توهن سندیری رویت دالم کتاب کات :

اکو نق تورون دوق سکالی دغن اور غ ۲ هق جاری میلیق کو ،
نق بی ری جاری تمفت اکو دودوق سعمور .
اکو نق جاری ربی ری ، ری فون نق جاری میلیق کو !

فس توهن کات لائکی :

سابیت تو ، مو کا تیغکل فوق تو ، کی دوق سوکو دغن
ری ، جاغنله کی برهوبوغ لائکی دغن هق چمر .
اکو نق سمبوت مو ، توهن کات . اکو نق جاری باف مو ،
فس مو فول ، نق جاری انق ۲ کو جنتن بتینا فون .
بالس توله کات توهن بیغ مهاکواس .

17

18

باب ۷

1 هي ادیق برادیق کو ! فرجنجین سائی تو ، توهن بی ره کا
کیت . سابیت تو ، بائیک بی بی کیت چوچی درف سموا هق
بولیه بی چمر ، توبوہ بدان اتوا هاتی فون . فس دغن دوق
تاکوت کا توهن سعمور ، توجو نق هیدوف سوچی انتوق
تهن دغن سمنفرن ، ایکوت هق توهن برکتن .

فولوس بولیه خبر بی هیلخ سوسه

2 هي ادیق برادیق ! بوکاله هاتی مو کا اکو بی لواس ! اکو
تا بوات ساله کا اور غ سیکیت هابوق . اکو تاء بیاس فیمفین
اور غ بی فونه ، اتوا تیفو رای فون .

3 هق اکو کات نی ، بوکن نق حکوم مو کات ساله ، دق ! اکو
بیاس رویت ده ، کات اکو کاسیه کا فوق مو سعمور ، هیدوف
سمفی ماتی فون . اکو بولیه هارف کا فوق مو . اکو براں بسر
هاتی حال فوق مو . سوغمکوہ فون اکو دوق دالم کسوساہن باپق ،

2

3

4

تافي هاتي کو دوق قواه، دوق مليمفه توبیت دغن سوک هاتي سعمور.

5 فس، رویت لاکی حال اکو کی سمفی کا نکری ماکدونیا شو. ولو سمفی ده فون، سوسه تاھیلخ لاکی. کیری، کانن، بلاکخ، دافن فون، اد چمفیغ سمات. اد هق فهم کو لائین، ساله ارتی. هاتي کو فون براس برکوچه.

6 تافي تريما کاسيھله کا توهن، نی هق بري سماخت کا اورغ هق لمه. کران توهن بري سماخت کا اکو جوگ، بوليه تمو دغن تیتوس دسيتو.

7 فس، اکو قواه سماخت، بوکن ساپیت تمو دغن نی ساج، دق. تافي دغن ساپیت فوق مو دکورینتوس بري هاتي نی قواه سماخت دولو. نی رؤیت کا اکو فريحال فوق مو دوق براس نق تمو دغن اکو سمولا، حال فوق مو سسل، فس حال مو براس نق فيرا نام کو لاني. بيلا اکو دغره تو، اکو براس کھور سوک هاتي لاکی.

اد سوسه هاتي هق توهن برکن

8 ولو سورت کو دولو تو بري هاتي فوق مو سوسه، اکو تاھسل دغن سورت اکو هنتر تو. دولو، اکو براس شک هاتي سیکیت، کران سورت کو تو کنا بري مو سوسه سبنتر. تافي لاني، اکو براس سوک هاتي ده، بوکن دغن ساپیت مو سوسه، تافي دغن ساپیت سوسه هاتي مو تو بري براويه کلاکوان مو. سوسه هاتي بالس تو هق توهن برکن، فس هق اکو بوات کا فوق مو تو، تاھروکی.

9 کران سوسه هاتي هق توهن برکن تو، بري توبه، توکر فيکيران، بوليه باواه سمفی سلامت. دالم حال تو، تاھاد ده هق واويه بري سسل کو دافن. تافي سوسه هاتي تمادر،

سروف هق مائنسی توجو کوء دنيا تو، هق تو باواء سمنفی
ماتی ساج.

11 تیغوقله، بالس مان سوسه هاتی هق توهن برکن تو، بري
هاتی مو کادوه، کھور ۲ براں نق مٹاکو کسلاهن، بري مو
سلسی، فس بري مو براں بنچی کا کسلاهن تو، بري مو
ناکوت. سوسه هاتی مو تو، بري مو براں گلیسه نق تمو دعن
اکو سمولاء، براں نق فيرانام کو، براں نق حکوم بري مولیق،
اتس کسلاهن تو. دالم سموا فرکارا نی، فوقاً مو تنحوق کات
مو تاء ساله ره لاني.

12 سورت هق اکو تولیس ره دولو تو، بوکن انتوق اورغ هق
بوات ساله، اتوا انتوق اورغ هق کا ساله تو، دق. تافي
انتوق بري هاتی فوقاً مو کابر رافن توهن، کات قواة ستارا
مان مو کاسیه کا اکو.

13 سبب نيله، هاتی کو قواة سماقت، فس لبیه لاکی، اکو براں
سوک هاتی تیغوق تیتوس هق دوق سوک هاتی جوگ، کران
فواق مو سموا بري هیلخ روسيغ ری.

14 دولو، اکو اڳکيت نام فواق مو کا تیتوس، فس تریما کاسیمہله
دفن فواق مو تاء بري اکو مالو. دق! سموا هق اکو بیاس رویت
ره کا فواق مو بنر بلاک. فس هق اکو اڳکيت نام فواق مو کا
تیتوس فون، مو بري تندا کات بنر جوگ.

15 سبب نيله، تیتوس براں کھور ۲ نق کاسیه کا فواق مو، تکه
نی ایفت بالس مان فواق مو سموا جوغ طاعة کا ری، فس
بالس مان فواق مو سمبوت نی دفن کتر کالایغ. اکو براں
سوک ریا کران اکو بولیه هارف کا فواق مو دفن سمنفرن راس.

فواق المسيح کا سره رویت کا توهن

باب 8

هي اديق براديق، اکو نق بري مو تاهو، بالس مان اورغ ۲

رالم فواق ۲ المسيح دنگري ماکدونيا ني بري پات رحمة توهن.
 ني کا اوچي برت دغۇن باپق كسوساھن، تافي هاتى نى
 فنوه دغۇن سوک ريا، سەھىفىڭ، ولو نى مسىكىن ساغت فون،
 نى موره هاتى ليمەھ توبىت، نق سره دويت کا توهن.
 اکو بولىھ نائىك سقسىي کات، نى سره بوکن سكت ھق نى
 كىرا بولىھ بري ساج، دق. تافي لبىھ فد تو لاڭى، دغۇن سوک
 رىلا نى سندىرى.

4 فس نى مىنتاء دغۇن اکو جوڭ ۲ بري نى اد فلواڭ بولىھ تولوغ
 بىنتو اورۇغ ۲ ھق جارى مىلىق توهن دنگري يەھودىيە .

5 ھق نى لبىھ فد ھق اکو دوق ھارف. ھق مستحق، نى
 سره دىري نى کا رېيى، فس سبب نى توروت كەندىق توهن
 نى سره دىري کا اکو جوڭ .

6 سابىت نىلە، اکو براس نق سوروھ تىيتىس كى کا تمفت مو قول .
 فس دويت ھق نى روپىت نق بري فواق مو سره انتوق تنجوق
 كسياغ بلس تو، لانى نى نق ماري كوتىيف بري ھابىس دە .
 7 مو كاي كىتو لالو رالم سموا فركارا، دغۇن ايمان، دغۇن كىچىفەن،
 دغۇن ارتى سموا ھق توهن بري، دغۇن كاچۇغ توروت نى ، فس
 دغۇن كاسىيە کا اکو گاتىق . لانى بري پاتالە، کات مو كاي دغۇن
 موره هاتى تنجوق كسياغ بلس کا اورۇغ توجوڭ .

نصيحة فولوس چارا حال سره دويت تو

8 بوکن اکو سوروھ مو، ترافقسا کا بوات، دق ! اکو امبىق
 چىتىو اورۇغ لائىن ، ھق تنجوق كسياغ بلس دغۇن تولوغ كىتو،
 نق سۈنىي كاسىيە فواق مو، بولىھ سەمفي ستارا تو کا دق .
 9 اىغتلە کا رېيى كىت، عيسىي المسيح، ستارا مان نى تنجوق
 رحمة نى کا كىت رولو. ولو نى کاي سكالىي فون، تافي نى
 توکر جارى مسىكىن انتوق كىت، نق بري كىت کاي دغۇن كران

ري مسکين تو.

10 تاهون لالو، جاني فوق موله، هق مولا ۲ براں نق سره فرهيمفون دويت، فس فوق مو هق مولا ۲ چارغ نق تولوغ فوق تو جوگ. ايکوت فيکيران اکو، موليق لاني مو بري سلسي هق مو چارغ دولو تو.

11 بالس توله، هق مو بري سلسي نق ستوجو دغن هق مو چارغ دولو تو، ايکوت هق مواد.

12 کران کالو هاتي اورغ براں نق سره دغن سوك ريلا، توهن نق تريما هق دې سره تو، ايکوت سكت هق اورغ تو اد، بوکن ايکوت سكت هق تاءَاد.

13 بوکن اکو نق بري ريفن اورغ نون، نق بري فوق مو کنا تغکوغ برت، نق. تافي نق بري سام ۲ بوليه کا، يائيت لاني هق مواد باپق تو، بوليه بري چوکوف هق دې کورغ. فس کالو هق دې اد باپق فول، دې نق بري چوکوف هق مو کورغ. بالس تو، نق جاني سام ۲ کنا مو اکو. ايکوت ايات دالم كتاب هق کات:

15

اورغ هق بوليه باپق تاءَاد لبيه،
اورغ هق بوليه سيكيت، تاءَکورغ.

تيitos دغن ساءين ۲ دې

16 تريما کاسيھله کا توهن، سبب دې بري تيitos دوق ايغت کا فوق مو، سروف اکو. بوکن دې بوات ايکوت هق اکو سوروه ساج، دق. تافي دې ريلا سنديري نق کي، کران دې دوق ايغت ۲ کا فوق مو تو.

17 اکو نق هنتر سئورغ اديق سکالي دغن تيitos، هق سموا اورغ فوق المسيح اڳيٽ نام، دغن کران کرج دې مڀمفي خبر باييك

- 19 تو . لبيه ٢ لاكي ، فوق المسيح دسيني فيليه لتق اديق كيت
ني ، نق بوات تمن فوق اكو ، رعن كرج تنحوق كسياغ
بلس تو . كرج تو بري اورغ فوجي کا ربّي ، فس تنحوق
کات کيت نق تولوغ منولوغ مو اکو کاتيقي .
- 20 اکو تاء سير بري فلواع کا اورغ بوليه کات ساله دالم کرج کي
کوتيف فرهيمفون روبيت هق باپق تو .
- 21 کران توجوان کو ، نق بوات هق بنر سمات ، بوکن دفنداغن
ربّي ساج ، تافي دفنداغن ما ئ نسي کاتيقي .
- 22 سابيت توله ، رعن اديق کيت دوا اورغ ساء ني ، اکو نق هنتر
سئورغ لاكي ، هق اکو سوبوي باپق كالى ده ، فس اکو بوليه کات ،
ري راجين دالم باپق فركارا . فس لاني لي کهور راجين لاكي ،
نق کي کا تمفت مو ، کران لي فرچاي يقين کات بوليه هارف کا
فوق مو .
- 23 کالو اد اورغ هق شك هاتي ، نق تان ، تيتوس ديااله هق کرج
سكالي رعن اکو ، جاري سكوغسي هق سجاتي ، نق تولوغ فوق
مو . فس اديق لي دوا اورغ لاكي تو ، لي باوا تيتنه فوق
المسيح دسيني ، توجوان لي نق بري اورغ فوجي کا المسيح ،
تاء اد توجوان لاي . سابيت تو ، سمبولله فوق ني رعن کاسيه ،
برى فوق ٢ المسيح دسموا تمفت بوليه تاهو کات سوغکوه ، هق
اكو فوجي کا فوق مو دلو تو .

باب 9 چنتوه انتوق فرتولوغن مو اکو ، اورغ کريستين

- 1 سسوغکوهن ، اکو تاء کنا توليس کا فوق مو ، چارا حال
روبيت هق کيت کوتيف فرهيمفون نق کيريم کا اورغ ٢ هق جاري
مليق توهن دنگري يهوديه تو .
- 2 اکو تاهو ده کات مو سوك منولوغ ، فس اکو فوجي ده فوق مو ،
دلو ، کا اورغ ٢ د ماکدونيا ، کات کا لي : اديق براديق دنگري اخيا

حق تا هون دولو لاگي، دي دوق سيمفن سيف ده نق تولوغ!
فس سابيت مو اد سماغت نق تولوغ بالس تو، بري دي فون
براس نق تولوغ جوگ. فس لاني اکو نق هنتر فواق اديق کوني
کي کا تمفت مو، تاءٌ سير بري سيا ۲ هق اکو فوجي مو دولو،
کات مو دوق سيمفن سيف ده تو.

تاکوت کالو اد اورغ ۲ ماکدونيا ماري سکالي رعن اکو کا تمفت
مو، فس مو دوق تاءٌ سيمفن لاگي، تنتو اکو نق براس مالو،
کران دوق هارف کا فواق مو بالس تو. فس، مو فون نق
براس مالو جوگ.

جاری سابيت نيله، اکو سوروه اديق ۲ کي دولو فد اکو، بري
اد سيف ده دويت هق مو جنجي دولو نق کوتيف تو. رعن
جالن ني، بيلا اکو سمنفي کا تمفت مو، نق سيف بلاک ده،
فس نق تنحوق کات مو بري رعن سوك ريلا.

اورغ هق بري رعن سوك ريلا

ایغتله اديق براديق کو، کالو ميسيل اورغ هق تانم بنيء
سيكيت، مفتم فون بوليه سيكيت، فس اورغ هق تانم بنيء
باپق، مفتم فون بوليه باپق جوگ.

سابيت تو، بريله ماسيق ۲ ايكوت هق هاتي سوروه. جاغن بري
رعن کات سايغ، اتوا ترفقا کا بري. کران توهن کاسيه کا
اورغ هق ريلا بري رعن سوك هاتي.

فس توهن اد کواس بري مو لبيه فد هق مو کا فاكى، چوکوف
بوليه فاكى انتوق ديري سنديري سعمور، فس اد لبيه جوگ انتوق
بوليه تولوغ اورغ لائين بيلا ۲ فون. سروف اد ايات دالم كتاب
هق کات چارا حال اورغ:

ري بري کا اورغ ۲ مسکين رعن موره هاتي، فس سابيت
هاتي لي باييك، دي نق بوات بالس تو سعمور.

کا اورغ هق منابور، جاري توهنله هق بري بنيء، فس مکان
کا کيت فون نېي بري جوگ. دیاله هق نق بري کند مو بنيء
چوکوف نق تانم، فس نېي نق بري بنيء تو تومبوه هیغگ سمنی
بولیه حاصلن باپق، هق مو بري دغن بايک هاتی دولو تو.
تهن نق بري مو جاري کای، چوکوف بولیه تولوغ اورغ دغن
اخلاص. فس باپق اورغ نق تریما کاسیه کا توهن، دغن کران
دویت هق مو کیریم کا اکو انتوق نېي.

کران دغن تولوغ اورغ هق جاري میلیق توهن دنکری یہودیه
تو، بوکن نق بري چوکوف هق نېي کورغ ساج، دق. تافي
نق بري باپق اورغ دسیتو کھور ۲ قواه فوجی کا توهن جوگ.
دغن تولوغ نېي، مو نق بري نمفق بالس مان هاتی مو، بري
باپق اورغ دسیتو نق فوجی کاتوهن، کران مو مفاکو رافن اورغ،
دغن رویت خبر یغ بايک حال المسيح، فس کران مو بھاگی
رغن موره هاتی کا رې، فس کا اورغ لائين جوگ.

باليق نېي فون، جالن نېي بردا تو، تنحوق کات نېي برسرا
کا فواق مو، کران رحمة هق توهن تورون کا فواق مو باپق
کیتو لالو.

اوہ اوچف تریما کاسیه له کاتوهن، کران هق نېي هدیه کا
کیت هابیس ۲ چیکف مولیق تو، نق بندیغ تاءلیه.

باب 10 فولوس جواب کا اورغ هق کات نېي تاءترفاکی

فس چارا حال دیری کو سندیری فول، اد اورغ هق کات، بیلا
اکو دوق رافن فواق مو، اکو اورغ فناکوت، بیلا دوق جاءوہ
اکو اورغ برانی. تافي لاني، ایکوت المسيح هق هاتی لمہ
لمبوت، هق تاء اغکیت دیری تو، اکو فولوس نق فسن جوگ ۲
دغن فواق مو، کات جاغنله فقس اکو، بري کنا تنحوق کات
برانی، تکه اکو مفهارف فواق مو سمولا فول. تنتوله اکو

- برانی کیچیق دغن اورغ ۲ هق کات اکو توروت فیکیران مائنسی . 3
 سوگکوه فون لانی اکو فاکی توبوہ ماء نسی لانکی ، تافی اکو تاء فاکی فیکیران ماء نسی ، نق بوات برلاون ، دق ! 4
 فرکاس ۲ هق کیت فاکی نق بوات برلاون تو ، بوکن هق اورغ در دنیا ، تافی هق توهن بري کا کیت ، هق اد کواس بري فونه فنفیس ۲ ماء نسی اتوا هق هیبلیس فون . 5
 کیت نق هافوس فیکیران مان ۲ هق فلسو ، اف ۲ هق میومبوع ، تاء سیر کل توهن . فس کیت نق کی هیلک سموا فیکیران ماري بري طاعة کا المسيح . سوده فوقا مو بري تندا کات مو طاعة مولیق ، بارو اکو روق سیف ده نق حکوم اتس اورغ مان هق تاء سیر طاعة لانکی . 6
 تیغوقله کا فرکارا هق روق رافن مات ! کالو اد اورغ دالم فوقا مو کات ری جاري میلیق المسيح ، بري اورغ تو کابر کات ، اکو فون جاري میلیق المسيح سروف ری جوگ . 7
 بغلالي اکو کیچیق باپق سیکیت ، چارا حال کواس هق ربی بري کا اکو ، تافی ری بري کواس تو کا اکو انتوق بري هاتی مو کوکوه ، بوکن بري روتته . سابیت تو اکو تاء براں مالو . 8
 تافی مقصود کو ، بوکن نق بري مو تاکوت دغن سورت ۲ هق اکو کیریم تو . اد اورغ کات : سورت فولوس هنتر کا کیت نی ، قوا ، بري کیت تاکوت ، تافی بیلا ری ماري سنديري ، کیت براں تاور ، سروف تاء ادار فاء یده مان ، فرکتائن ری ! 9
 اکو نق جواب کا اورغ تو : مو کنا کابر کات ، بالس مان اکو تولیس دالم سورت تکه اکو روق جاء وہ نی ، بالس تو جوگ اکو نق بوات ، بیلا اکو ماري کا تمفت مو ! 10
 اکو تاء فندي نق بندیغ دیری کو ، کات اکو روق سام 11

فولوس جواب کا اورغ هق کات ری اگکیت دیری

تیغکی دغن فواق تو هق اغکیت دیری، دق ! نی اوکور تیغفوق
دیری سیاف تیغکی دالم فواق ری ساج . هق تو بودوه سوغلگوه !
13 تافي اکو لائين . اکو تاء سیر کیچیق بري لغکه باتس . اکونق
ستارا هق توهن بري اکو تغکوغ ساج . فس ، تغکوغن کو نی
ترماسوق فواق مو جوگ .

14 سبب تو ، بیلا اکو کی رویت خبر بیانکا فواق مو دولو ۲ تو ،
بوکن اکو لغکه باتس ، دق . فس اکو تاء کا کیچیق حال
کریجاءن لوار فد تغکوغن هق توهن سکت انتوق اکو . تافي
اکو هارف کات ، ایمان فواق مو نق برتمبه کھور باپق ، بري
اکو بولیه بوات کرج بسر لائیکی ، تافي سکت هق توهن بري
تغکوغ ساج .

15 فس کالو کھندق توهن ، بارو اکو بولیه میمفي خبر بیانکا
دنگری ۲ بالیق سان نکری مو . دسیتو ، تاء کنا اغکیت دیری
بولیه ماسوق چمفور رعن کرج اورغ لائين .

16 تافي ایکوت ایات دالم کتاب :

} سیاف ۲ نق کیچیق بسر ، مولیقله نی کیچیق
حال اف هق توهن بوات .

17 کران اورغ هق بولیه جامین کات مولیق ، یاءیت دی هق توهن
برکنن ، بوکن هق اغکیت دیری نی کات مولیق .

باب 11 فواق ۲ فلسو هق کات دی باواء تیته المسيح

1 هی ادیق برادیق کو ! صبرله سیکیت دغن اکو ، ولو مو
کات اکو بودوه فون ، ننتی دغز سبنتر !

2 اکو براں بیمیغ چارا حال فواق مو ، سروف توهن سنديري
ده . کالو بندیغ ، فواق مو سروف دغن انق دارا ، اکو نی جاري
چیء . سروف کات اکو جنجی ده نق بري فواق مو منیکاح دغن

ساتو اورغ ساج ، ياءيت المسيح.

تافي اکو تاکوت فيکيران فوق مو نق کنا تيفو ، سروف سیتي
حواً کنا تيفو داولر تو ، بري مو تيفکل دوق کاسيه طاعة کا
المسيح دغن اخلاص هاتي فالبغ توروت هق چمر بناس.

سبب اکو فرهاتي کات ، بيلا اورغ ماري نق اجر مو ، عيسى هق
لي رویت تو ، لائين فد عيسى هق اکو رویت ، روح هق دي ،
لائين فد روح توهن هق مو تريما ده ، فس خبر دي فون لائين
جوگ . ولو بالس تو فون ، مو کات بوليه سمبوت لي دغن ريلا ،
تااف . ايکوت فيکيران اکو ، اکو تاء رنده سیکیت فون فد فوق
تو هق کات لي باواه تيته المسيح جاني فريغکت تيفگي فد
اورغ لائين .

بغکالي اکو كورغ سیکیت فد دي دغن فندي کيچيق ، تافي دالم
فرکارا هق توهن بري اکو اجر تو ، نق سکالي !
کنف ۲ کالي اکو کي کا تمفت اورغ ، اکو رویت بري پات ده فرکارا
تو ، دغن تيف ۲ ماچم .

بيلا اکو مېمي نجبر بايک کا فوق مو دغن تاء امبيق اوشه تو ،
ساله که ، اکو مرنده ديري انتوق ئق اشكیت فوق مو ؟
تكه اکو دوق کرج دتمفت مو ، دكورينتوس ، اکو تومفع دغن
فوق المسيح دتمفت لائين ، سروف اکو امبيق رویت لي
انتوق نق فارول کا فوق مو .

تكه تو ، بيلا رویت تاء چوكوف نق فاكى ، فوق مو تاء کا سوسه
سابيت اکو . کران اديق براديق هق ماري دنگري ماکدونيا باواه
ماري اف ۲ نق تولوغ اکو . ماس هق لفس ده تو ، اتوا کو دافن
فون ، اکو جنجي تاء بري مو کا سوسوه ده .

اكو برسومفه اتس نام المسيح ، هق تائيه بوهوج ، فس هق
دوق اد دالم ديري کو ، کات دالم سموا نگري اخيا مو تو ، اکو
تاء بري فلواح سیکیت هابوق بوليه کات ، اکو براوبه کيچيفن اکو

3

4

5

6

7

8

9

10

- دولو تو. سبب اف اکو کيچيق بالس نی؟ اکو تاء کاسيه کا
فواق موکه؟ دق! توهن تاهو کات اکو کاسيه سوغکوه.
- 12 هق اکو بوات لاني دفن تاء کنا اوفره تو، اکو نق هوبوغ بوات
کي لاکي، سبب تاء سير بري فلواغ کا فواق فلسسو هق کات رې
باوا، تيته المسيح تو، بوليه اغکيت ديري کات رې کرج کا توهن
سجالن دفن اکو
- 13 فواق تو بوکن هق سبنر، رې جاري هق فلسسو. کرج رې تاء
بتول، فس رې سالين بوات لولق کات رې جاري فواق هق
باوا، تيته المسيح.
- 14 هق تو تاء فليق، سبب هيبليس سنديري بوليه سالين روف
جاري سروف ملائكة هق باوا، بکس چهيا توهن.
- 15 سابيت توله، تاء فليق جوگ، همب ۲ هيبليس بوليه سالين
روف، سروف اورغ هق کرج سبنر کا توهن. سود سکالي رې
نق بوليه هق سوغ دفن هق رې بوات.

فولوس کنا سوسه تکه رې باوا، تيته المسيح

- 16 اکو نق رویت سکالي لاکي، جاغن سیاف سٺک کات اکو
بوروه، کيچيق تاء ترفاكۍ. تافي ولو مو کات اکو بوروه فون،
سمبوتله اکو سروف تو، بري فلواغ کا اکو بوليه اغکيت ديري
سيکيت. سسوغکوهن، اغکيت ديري بالس نی تاء کا مثنا دفن
اورغ هق توروت فرينته ربى، تافي توروت چنتوه اورغ بوروه.
ولو بالس تو فون، اکو اد سبب بوليه اغکيت ديري جوگ.
- 17 اد باپق اورغ هق اغکيت ديري دفن کران کفنداین ديري دالم
دنيا. اکو فون نق اغکيت ديري بالس تو کاتيق!
- 18 فواق مو بیحق فندي بلاک، بوکن؟ سابيت تو، مو بوليه
صبر دفن اکو، هق کيچيق سروف اورغ بوروه!
ها سوغکوه، مو صبر ده، دوق لق کا اورغ هق ماري بري مو

جاري همب ۲ دي، فرها بيس بارغ ۲ مو، تيفو داي مو، اغكيت
ديري اتوا بوات هينا هيٺگ سمنفي تمفر موک فون، مو تا؟ کابرا!
اکو تا؟ ليه بوات سروف فوق تو، فس کنا مالوکه، کات اکو تا؟
بوت سروف بي؟ دق! کالو اد اورغ هق براني کات، بي اد
سبب بوليه اغكيت ديري، اکو فون براني جوگ. تافي کيچيق
اکو بي سروف اورغ بودو هله!

فواق تو اغكيت ديري کات بي اورغ بفسا عبراني که؟ اکو فون
بسسا تو جوگ! فواق تو اورغ اسرائييل که؟ اکو فون اورغ اسرائييل
جوگ! دي جاري سئورغ کتورونننبي ابراهيم که؟ اکو فون
سروف تو جوگ!

فواق تو کرج کا المسيح که؟ اکوله کرج راجين لبيه فد فواق
تو سموا! (بغكالي کيچيق اکو بي سروف اورغ کيلا؟) اکو کرج
تروق لبيه فد دي. اکو کا کوروغ اچف لايکي فد دي. اکو کا
کاتق باپک کالي تا؟ هابيس نق بيلع، فس دکت نق ماتي فون
باپک کالي جوگ ده. حکوم فيات هق تيگ فولوه سمبيلن کالي
تو، اکو کا ليم کالي ده داورغ يهوي.

اکو کا حکوم روتون داورغ روم تيگ کالي ده. اکو کا فيکوغ
رعن باتو، دکت نق ماتي، سکالي. تيگ کالي سوسه سلم کفل
رالم لاټوت. سنهاري سمالم اکو روق هاپوت اتس فافن سکفيغ
رالم لاټوت تو.

تغه اکو برجالن، اچف کالي ده، اکو مغهارف بهيا رعن
کا اير بسر، رعن کا سامون. اکو مغهارف بهيا داورغ
بسسا کو سنديري، اتوا داورغ بفسا لاين جوگ، جاري کالوت
کيپوت دالم بندر، فس دلوار بندر اتوا تغه لاټوت فون، اکو
مغهارف بهيا جوگ. فس رعن اورغ هق بوات لولق کات دي
جاري اريق براجيق، اکو کا بهيا کاتيق.

اکو بياں اوسمها کرج برت، رعن سوسه فايه، رعن تاءدان نق

تیدور، براس لافر، براس دهائ، تاءار نق ماکن، تاءار تمفت فرلیندوغ اتوا فکاین فون.

باپق لاکی هق جانی کا اکو، سکت نی فون چوکوف ده . تافي هق برت لاکی، رهاتی کو، گنف ۲ هاری، اکو دوق ایفت کا فواق ۲ المسيح رسما تمفت، کات ماجو کابق؟

اداکه اورغ هق جانی لمد؟ اکو فون توروت لمد جوگ . اداکه اورغ هق کتا تیفو، جاتوه دالم دوسا؟ اکو فون براس سدیه سابیت اورغ هق تیفو تو.

کالو باس اکو اگکیت دیری، مولیق اکو کیچیق بسر اتس فرکارا ۲ هق تنحوچ کات اکو لمد!

توهن هق جانی باف ربی عیسی، تاهو ده کات اکو تاء بوهوج! سوغ فاتوته کیت فوجی کا ربی سعمور ۲!

ها! اکو بارو ترایخت، بیلا اکو دوق دبندر دمشیک ، اورغ هق وکیل راج اریتس دبندر تو، سوروه فواق عسکر جاگ فینتو ۲ کوت، نق ایکت اکو. تافي اکو کتا هولور تورون دالم کیغ، کوء فینتو ناتھ کوت، فس سلامت ده.

فرکارا ۲ فلیق هق ربی بري فولوس نمفق

باب 12

سوغکوہ فون تاءار فائیده اگکیت دیری، تافي اکونق رویت هوہوج کی لاکی، چارا حال فرکارا ۲ هق ربی بري اکو نمفق، بري اکو ارتی. اکو کدل رغن اورغ جنتن ساتو اورغ ، هق جانی سئورغ میلیق ربی عیسی. امفت بلس تاهون ماري ده، ربی کتا اگکیت بري تیغوق، تمفت تیغکی سکالی دشراگ . اکو تاء تاهو کات، ربی نائیک رعن توبوه، اتوا رغن روح ساج . توهنله هق تاهو. فس اکو تاهو ده، کات اورغ نی کا اگکیت کا تمفت نام فرداءوس دشراگ تو، فس ربی دغیر فرکارا ۲ هق تاء لیه سبوت، هق تاء سوغ مائنسی کا سبوت. اکو تاء تاهو کات ربی نائیک

رعن توبوه، اتوا رعن روح ساج. توهنله هق تاهو!
 رعن سا بيت اورغ نيله، اکو بوليه کيچيق بسر. تافي اکو
 تاء سير اغکيت ديري کو سنديري، ملينکن فركارا ۲ هق تنحوق
 کات اکو لمه. کالو اکو کيچيق بسر سکالي فون، تاء^{۱۴}
 سياف بوليه کات تاء^{۱۵} اد ايسي، سبب اکو بري پات هق
 سبنر. تافي اکو تاء سير اغکيت ديري بالس تو. تاکوت اورغ
 نق حرمة کا اکو، کران فركارا تو لبيه فد هق دي سنديري
 بياس دغر بياس تيغوق، هق اکو بوات.

ربّي کات رحمة هق دي بري کا اکو با فادن ده

تافي توهن تاء سير بري اکو فاء^{۱۶} ديري، رعن کران فركارا ۲
 فليق هق دي بري اکو تيغوق. سا بيت تو، اکو کا تريمما هق
 سروف دوري، هق دوق چوچوق دايسي، فسوروه هيبليس،
 هق لارغ اکو تاء بري فاء^{۱۷} ديري.
 تيگ کالي ده، اکو مينتا جوگ^۲ دعا رعن ربّي، بري لفس
 فركارا تو.
 تافي ربّي جواب کات:

رحمة هق اکو چوچور اتس مو، با فادن انتوق مو.
 کران کواس کو بوليه نمفق رعن سمنفرن داorig هق لمه!
 رعن سا بيت ني، اکو فولوس براس سوك، نق امبيق سموا هق
 بري اکو لمه تو، بوات فاگي اغکيت ديري، اصل کواس المسيح
 دوق اتس کو.
 اکو تاء سير کات تاء^{۱۸} امبوه اف^۲ هق بري اکو لمه، اتوا هق کنا
 هينا، اتوا هق کنا سوشه، اتوا هق کا سيقسا، اتوا چمفیع
 مان ۲ فون، هق کا کا اکو رعن کران المسيح. سبب تکه دوق
 لمه تو، تکه تو اکو تريمما کواس.

فولوس روق بييغ کا اورغ دکورينتوس

- رعن اڳيڪت ديري بالس نيء، اکو بوٽ سروف اورغ بودوه،
تافي سابيت فوق مو له اکو ترفقسا کا بوٽ بالس نيء. سوغ ۲
فواٽ مو هق کنا فيرا نام کو. کران ولو اورغ کات اکو تاء برگون
سکالي فون، تافي اکو تاء کورغ سکارا فد اورغ ۲ هق کات، رې
هق فيسيد باواء تيٽه ربّي تو.
- سموا تندا هق بري تبتو کات اکو باواء تيٽه المسيح، اکو
کاچع بوٽ جوگ، رافن مات فواٽ مو، بري مو نمفق کواس
توهن .
- فواٽ مو دکورينتوس کورغ مان فد اورغ ۲ فواٽ المسيح دتمفت
لائين ؟ تاء کورغ، ملينك سکارا ساج، یاء یٽ اکو تاء بیاس امبیق
اوھه رعن فواٽ مو. مینتا معافله، اکو بري مو کورغ بالس تو!
لانی اکو دوق چارغ سيف ده، نق کي تيغوق مات فواٽ مو کالي
بيغ کشيگ. فس، کالي نيء فون، اکو تاء سير امبیق اوھه رعن
فواٽ مو جوگ. هق اکو نق، هاتي مو له، بوکن بارغ ۲ مو.
انق ۲ تاء سوغ سيمفن روٽ تاروه کا فق. سوغ ۲ فق تاروه
کا انق. اکو ريلا تولوغ فواٽ مو سکت هق اکو اد، سمنفي اکو
سره ديري کو فون، اصل فواٽ مو بوليه فايده. سابيت اکو
کھور ۲ باپک کاسيه کا فواٽ مو بالس نيء، سوغ که، فواٽ مو
نق کھور ۲ کورغ کاسيه کا اکو؟
- مو بوليه ستوجو، بوکن، کات اکو تاء بیاس امبیق اوھه اف ۲
رعن فواٽ مو. تافي، بخشکالي اد اورغ دالم فواٽ مو، نق کات
اکو کيچيڪ کيليق نق تيفو مو، نق بري ماسوق فرغڪ. مو
بياس رغره که، اکو چاري نق بري بوليه لاب دفواٽ مو کوء
جالن اورغ هق اکو سوروه کي کا تمفت مو تو؟ تنٽو مو تاء بیاس !
- تيٽوس کي تو، سابيت اکو مینتا جوگ ۲ رعن رې. فس اديق

سئورغ لاكى تو، اكو سوروه كى بوات تمن دي . تيتوس كه، هق
چاري نق بري بوليه لاب دفواق مو؟ دق ! اكو رغن دي دوق
سكالىي، ستوجو سعمور.

فواق مو شك هاتي لاكى كه، كات اكو دوق فيرا نام كو رافن
فواق مو؟ دق ! اكو هق دوق سههاتي دغن المسيح، دوق كيچيق
رافن توهن . تافي، اديق براديق كو، هق اكو كاسيه سوغونگو !
توجوان سموا هق اكو كيچيق نى، نق بري فواق مو بوليه حاصل .
اكو بيمبغ كات بيللا اكو كى تيغوق مات مو نون ، تاكوت فواق
مو برتوكر چورق ، تاءً سروف دغن هق اد دالم هاتي كو .
بشكالىي اكو فون سروف تو جوڭ . تاكوت نق جاري كلاهي باله ،
برىغىي مو اكو، نق فاكت نائىك موريه ، دوق سبله جمله ،
كىچيق مۇھەمەدە بىلەك مات ، نق سومبۇغ ، فس جاري كاچو بېرىو .
فس اكو بيمبغ جوڭ ، كات كالي رافن هق اكو نق كى كا تمفت
مو نون ، توهن نق بري اكو مالو كران مو ، فس اكونق كا
براس سايىو ، كران باپق اورغ زالم فواق مو هق بوات دوسا
دە ، تافي تاءً سير توبە فد هق دي بوات تو ، هق چمر ، هق
چاغۇغ ، هق تاءً سوغ اورغ بوات .

باب 13 ننتى فولوس نق بري پات كواس المسيح

1 نيله كالي يېڭ كتىگ ، هق اكو نق كى تيغوق مات مو .
ايکوت ايات دالم كتاب ، اورغ هق نق ادو كات ساله ، مستى
كاد سقسىي ، دوا تىگ اورغ .

2 فد ماس اكو دوق سكالىي دغۇن مو ، كالي يېڭ كدوا تو ، اكو بري
مو امران كات ، كالي رافن اكو تاءً لىيە كسىاڭ دە ، كا اورغ ۲ هق
دوق بوات ساله . لاني فون ، بلوم فد سەمفى لاكى ، اكو نق بري
فواق تو ، اتوا اورغ ۲ لائىن فون ، ايقت كا امران كو تو .
3 فواق مو هق دوق چاري تندى كات المسيح دوق كيچيق كو ئ اكو

ننتي كالى دافن، نق تمو تندا تو. المسيح تاء جاري لمه ترهارف فوق مو، تافي نق تنجوق كواس رى تو.

سوغکوه فون نمفق کات لمه، تکه رى کنا حکوم بونوه دکایو امفت چابع تو، تافي لاني رى دوق هيدوف نق بري پات کواس توهن. بالس تو جوگ، اکو هق دوق سهاتي سپاوا لغن المسيح، بیاس بري نمفق کات لمه، تافي كالى دافن، بیلا اکو دوق بیچارا کا فوق مو، اکو نق بري پات کات اکو دوق سکالى رغن المسيح، فس مو نق تیغوق کواس رى.

فشن ۲ فولوس هق سود

فريقساله ديري مو سنديري ماسیع ۲، تیغوق کجت کا دق ايمان مو. تنشو مو بوليه يقين کات عيسى المسيح دوق دالم هاتي مو. کللو مو تاء ليه يقين بالس تو، معنان ايمان مو فلسوده. اکو هارف کات فوق مو نق بوليه تاهو کات اکو نبي تاء فلسوده!

اکو بردعا دغن توهن تاء سير بري مو بوات دوسا لاکي. بوکن اکو نق بوليه تندا کات اکوني فندي، دق! اکو نق بري فوق مو بوات هق سبتر، بلرله اورغ کات اکو فلسوده. کران اکو تاء ليه لاؤن دغن هق سبتر تو، کنا ستوجو سعمور. اکو بوليه براس سوک هاتي، ولو اورغ کات لمه فون، اصل ايمان فوق مو کجت سوغکوه. هق اکو دوق بردعا تو، نق بري مو کھور ۲ سمنفرن فرهابيس هق ساله.

دغن سابیت نيله، اکو تولييس سورت نبي، تکه اکو دوق جاوه فد مو، انتوق تاء کا اد بوکو، تکه اکو ماري نون. اکو نق فاكی کواس هق ربی بري کا اکو، دغن توجوان نق بري فوق مو دوق سوسون موليق، بوکن نق بري سليرق. هي اديق براديق کو! هق سود نبي، اکو نق بري سلامت

تیغکل کا فواق مو. باعیگیله مو اکو بري مولیق. فس ایغتله
کا هق اکو رویت ده تو. دوق سهاتیله مو اکو، دفن سنغ
لیندغ، فس توهن هق اصلن بري کاسیه دغن سنغ لیندغ تو،
نق دوق اد سکالی دغн فواق مو.

کیریم سلامله مو اکو، دغن کوچوف، سروف ادیق برادیق هق
سجاتی. سموا اورغ هق جاری میلیق توهن بالیق نی، کیریم
کاسیه کا فواق مو بالیق نون .
مینتا له بري رحمة هق ربی عیسی المیسیح چوچور سعمور،
دفن کاسیه هق اصل ماری دتهن تو، دغن کواس هق روح
تهن بري انتوق بولیه برهوبوغ رحیم مو اکو کو، توهن،
تورون دوق اتس فواق مو سموا !

12

13

14

كلاتيا

سورت كيريمن هق توهن بري فولوس
توليس كف دنكري كلاتيا

باب 1 فولوس جاني سئورغ هق باواه تيته المسيح

- 1-2 اکو فولوس ، دفن سموا اديق براديق هق روق سکالي دفن
اکو دسييني ، توليس سورت نی کف دنكري
كلاطيا . اکو نی باواه تيته المسيح ، بوکن اصل دماءنسی اتوا
کوء جالن ماءنسی لتق ، دق ! تافي کوء جالن عيسى المسيح
دفن توهن باف ، هق بري عيسى بغيكت هيدوف کليق تو .
- 3 اکو مينتاه توهن باف دفن رېي کيت عيسى المسيح ، چوچور
رحمة دی اتس فواق مو ، دفن سلامت سجهترا .
- 4 رېي نيله هق قربان ديري انتوق طاعة کهندق توهن باف ،
نق فرها بيس دوسا ۲ کيت ، فس نق بري کيت بوليه سلامت
درهد فرياغ هق جاهت نی .
- 5 سوغ فاتولته نق فوجي کمليان توهن ، بوات سلام ۲ ، امين .

خبر بايک سا ساج تاادر هق لاءين

- 6 اکو براں حيران ترهاف فواق مو ! دالم ماس مفجوت
فواق مو داتع ۲ تيفگل توهن ، هق فشكيل مو دفن کران رحمة

ال المسيح تو، فس مو کي توروت خبر هق کات بايک ، لاءين فد
 7 انجيل . سوڠگوه ، تاءار ده خبر بايک هق لاءين . تافي اکو
 کات بالس نيءى ، سبب اد اورغ ۲ هق ماري کاچو فواق مو ، فس
 8 يي دوق کاچع نق او به خبر بیغ بايک چارا حال المسيح تو .
 ولو اکو سنديري ماري ، اتوا ملائكة دشك فون ، نق رویت
 9 خبر کات انجيل ، تافي ايسي يي لاءين فد انجيل هق اکو
 ماري رویت دولو تو ، جاديله مرک توهن دوق اتس يي .
 هق اکو بیاس رویت دولو ، اکو نق فرايخت سکالي لاکي ، يائیت
 10 کالو اورغ مان ۲ ماري رویت کا فواق مو خبر ، هق کات بايک ،
 تافي ايسي يي لاءين فد انجيل هق مو تريما ده دولو تو ،
 جاديله مرک توهن دوق اتس يي !
 لغن باچ هق اکو تولييس داتس نيءى ، جاشن مو سشك کات ، اکو
 نق بري ما نسي فوجي کا اکو . اتوا نق بري توهن فوجي کا
 اکو ، دق ! فس جاشن مو سشك کات اکو نق بري ما نسي برکن
 کا اکو . دق جوگ ! کالو اکو دوق بوات بالس تو لاکي ، تنتو ،
 اکو تاء جاري همب هق کرج کا المسيح .

توهن هق فيليه فولوس بري باوا تيته المسيح

هي اديق براديق کو ! اکو نق رویت کا فواق مو بري چرف
 11 کات ، خبر بیغ بايک هق اکو بیاس مېمفي تو ، بوکن هق
 ما نسي کارغ سنديري ، دق !
 12 کران بوکن اکو امييق داorig ، بوکن اورغ اجر اکو ، دق ، تافي
 عيسى المسيح سنديري تورون خبر تو ، بري ماسوق هاتي کو .
 13 فواق مو بیاس لغز ره ، کات ، دولو اکو دوق توروت اوگام يهوي
 رغن راجين . فس اکو دوق بوات پان تروق هابيس ۲ چيک ، کا
 فواق المسيح هق جاري ميليق توهن دمان ۲ فون ، اچي بوليه ،

نق بري ربي فونه.

14 دالم حال فكت اوكلام يهوري، اکو ماجو لبيه فد کباپcken انق ۲
مرید هق سفريغك دفن اکو، کران اکو براس گرم نق توروت
عارة ۲ توء نينيق مویغ کيت، اورغ يهوري.

15 تافي بلوم فد اورغ برانق کا اکو لاکي، توهن تنحوق رحمة بي،
دفن فيليه اکو ده، بري دوق سوچي انتوق کرج ربي.
تسبيلا توهن کهندق بري پات کا اکو، انق ربي يغ ساتو تو،

16 دفن توجوان نق بري اکو کي رویت حال بي کا بفسا ۲ لاءين،
فد ماس تو، اکو تاء امبيق نصيحة داورغ، اتوا کا جروسليم فون

17 نق مشورة دفن فوق هق باواه تيته المسيح دولو فد اکو، اکو
تاار کي جوگ . تافي اکو کي ترسوس کا نکري عرب ، فس تو کلېك کا

18 بندر دمشيك فول . لفس تيگ تاهون ، بارو اکو کي کا کوت
جروسليم ، انتوق نق کتل دفن فيتروس . فس اکو دوق دفن بي
روا ميغکو ساج .

19 دسيتو اکو تاء برجومفا دفن اورغ لاءين دالم فوق هق باواه تيته
المسيح تو ، ملينك يعقوب سورغ ، هق جاري اديق ربى .

20 دفن نام توهن اکو تاء بوهوج . هق اکو توليس ني بنر بلاک .
لفس فد تو اکو کي ماسوق دالم کليواسن نکري سيريا دفن کيليكيا .

21 22 فد ماس تو ، اورغ ۲ فوق المسيح درسات نکري يهوديه تو ، تاء
کتل اکو موک سام موک .

23 تافي بي بوبى کابر اورغ رویت کات : اورغ هق بوات پاش کا
کيت دولو تو ، لاني بي دوق رویت خبر باليق ايمان کيت ،
هق دولو بي کاچع نق بري فونه !

24 فس دفن ساپيت دغر چارا حال اکو تو ، بي فوجي کا توهن .

باب 2 فولوس رویت حال کي زيارة کتوا ۲ دجروسليم

1 لفس فد تو امفت بلس تاهون ، بارو اکو کي کا جروسليم فول ،

رغن برناس. تیتیوس فون اکو باواءَ کی جوگ۔
اکو کی تو، رغن سابیت توهن بربی پات کا اکو کات، کا کی.
فس اکو کی تمو سام سفواق سنديري دغن قواق کتوا هق اد
نام، رویت کا ری لفس سا ۲، بالس مان ايسی خبر بیغ بائیک
هق اکو میمفی کا اورغ بفسا لاءین ۲، کران تاءِ سیر بربی سموا
کرج هق اکو دوق بوات تو، جانی تاءِ ترفکی ساج۔

فس تیتیوس، ساءین کو هق کی سکالی دغن اکو هاری تو، ولو
ری اورغ بفسا گریک هق تاءِ برسونت فون، تافی فوق تو تاءِ
فقسا تیتیوس بربی سونت۔

اد جوگ هق نق فقسای . دالم فوق هق فراچوم تو، اد
سفواق بوات سروف ادیق برادیق، مپلیت ماسوق جاری مات ۲
نق تاهو بالس مان فوق کیت بولیه لفس ده، کوء جالن عیسی
المسيح، درف داتوران هق کات، کالو نق سلامت، کنا برسونة.
فس ری نق فقسایت، سوروه کلیق توروت جالن برسونت تو
فول . تافی اکو تاءِ هوند ور ستافق فون، کران نق بربی بولیه
فیرا خیر بائیک هق بنر تو، انتوق فوق مو.

فس فوق هق اورغ تریما جانی کتوا تو، تاءِ اد ده هق نی نق
تمبه سوروه اکو بوات. اکو سبوت کات: هق اورغ تریما ساءینی،
سبب توهن تاءِ تیغوق کا فریغکت اورغ کات تیغکی رنده، کتوا
اتوا نق .

تافی سسوغکوہن، فوق تو مفاکو کات توهن سره ده کا اکو
کرج میمفی خبر بیغ بائیک کا اورغ بفسا لاءین ۲، سروف ری
سره ده کا فیتروس دلو، کرج میمفی خبر تو کا اورغ بفسا
یهونی. کران رغن کواس توهن هق تولا، اکو بولیه باواءَ تیته
ری کی کا اورغ بفسا لاءین ۲، سروف فیتروس بولیه باواءَ تیته
توهن کی کا اورغ بفسا یهونی.

یعقوب، فیتروس رغن یحیا، ری هق اورغ تریما جاری کتوا

2

3

4

5

6

7

8

9

فواق تو، معاکو کات، توهنله هق سره کرج هق فنتیغ نی کا اکو. سابیت تو، نی ماری جابت تاغن برنابس دغن اکو، جاري تندا کات کیت سموا کرج سلوروغ، تافی برنابس روا اکو نق کرج دنگری ۲ اورغ بخسا لائين، فس نی فول نق کرج دنگری اورغ بخسا یهوری.

اد سکارا ساج هق نی مینتا، یا^ئ يت نق برى اکو ایشت کا اورغ ۲ مسکین دالم فواق نی. فس جاري سکارا نیله هق اکو کاچع نق بوات سعمور.

فولوس تگه فيتروس دبندر انتیوخ

11 تافی لفس فد تو فول، بیلا فيتروس کی کا بندر انتیوخ، اکو فولوس لاون دغن نی رافن اورغ رامی، سبب اکو تاهو تنتو کات نی ساله.

12 جاري بالس نی. دلوو فيتروس ماکن سمیجا دغن اورغ بخسا لائين ۲ تافی بیلا اورغ ۲ بخسا یهوری، هق یعقوب سوروه کی تو، سمی گی کا بندر انتیوخ، فيتروس هوندور کی دوق سوکو فد اورغ بخسا لائين، سبب نی بیمیغ تاکوت کا قوم تو هق کات، کالو نق سلامت کنا برسونت دلوو.

13 فس دغن سابیت فيتروس بوات بالس تو، باپق اورغ بخسا یهوری فون بیمیغ سروف^{نی}، سهیغىگ سمی گی برنابس فون، بیمیغ سروف فيتروس جوگ.

14 بیلا اکو نمفق کات هق نی بوات تو برکادس دغن هق بنر خبر بیغ بایك تو، اکو فون رویت کا فيتروس رافن اورغ رامی سموا تو، کات: ولو مو جاري بخسا یهوری فون، تافی مو بولیه دوق هیدوف سروف اورغ بخسا لائين. بالس مان فول، مو بولیه تکن اورغ بخسا لائين برى دوق سروف اورغ بخسا یهوری؟ تاء جاري!

 اد سجالن ساج هق بوليه سلامت

- سوغکوه فون ، فوق اکو نی برانق جاري بفسا یهودي
تا سروف دفن اورغ بفسا لاءين ۲ هق لوار اوکام ، فس سابيت
تو اورغ کات رې برسوسا . 15
- تافي کيت تاهو ده کات ، کو ئالن فرجاي کا عيسى المسيح
ساج ، کيت تا ساله دفنداغن توهن . بوکن کو ئالن توروت
اتوران ۲ دالم تورات . فس فوق اکو ، بفسا یهودي فون ، بالس
تو جوگ . کو ئالن فرجاي کا عيسى المسيح ساج ، توهن
کات اکو تا ساله ده . بوکن دفن توروت اتوران ۲ دالم تورات
تو . کران تاء اد سئورغ هابوق هق توهن کات تا ساله کران
رې توروت اتوران ۲ تو . 16
- سابيت تو ، اکو دوق چاري نق بري توهن کات ، اکو تا ساله ده ،
کو ئالن دوق سهماتي سپاوا دفن عيسى المسيح ، فس ئالن
تو بري پات کات ، اکو فوق یهودي فون اورغ برسوسا جوگ .
کالو بالس تو ، بوليه کا نق اکو کات ، المسيح هق اجق اکو
بوات دوسا ؟ تنتو تاء ليه ! 17
- کالو اکو اغکيت سمولار ، ئالن توروت اتوران ۲ دالم تورات هق
اکو بري رونتهه رولو تو ، کات ئالن تو انتوق سلامت ، هق
اکو بوات تو بري پات کات اکو بوات دوسا . 18
- تنفع دفن حکوم ۲ تورات ، سروف اکو ماتي هرافن کات ، بوليه
جاري با ئيك کو ئالن تورات تو ، فاليلع نق بوليه هيديوف
انتوق توهن سکالي دفن المسيح . 19
- اکو نی کتا حکوم بونوه سکالي دفن المسيح ، تکه رې ماتي
ركایو امف چابغ . معنان اکو دوق هيديوف لاني ، بوکن دفن
کواس کو سنديري ، دق . تافي دفن کواس المسيح ، هق هيديوف
دالم ديري کو . هيديوف کو لاني برگنتوغ سمات ۲ کا انق توهن 20

حق کاسیه کا اکو سہیغک قربان دیری ری گنتی کو۔
 21 اکو نی تاء تولق رحمة توهن تو۔ اور غ حق سعک کات ری
 تاء ساله دفنداعن توهن، دغنا کران ری توروت اتوران ۲ دالم
 تورات، معنائ نی کیرا کات عیسی المیسیح ماتی فری ۲ ساج۔

باب 3 حق مان نق توروت، جالن تورات اتوا جالن فرچای؟

اوہ فواق کلاتیا نی، بودوہ سوغکوہ! سیاف حق کوسیق
 مو بڑی کیلا توروت ری؟ ایغتلہ! عیسی المیسیح کنا بونوہ
 رکایو امفٹ چابغ تو۔ حق نی، اور غ هوراءی دافن مات فواق
 مو، جلس بلاک ده۔

جو ابلہ سکارا! مو تریما رحمة توهن دلو تو، لاکو مان؟ کوء
 جالن توروت اتوران ۲ دالم تورات که؟ اتوا کوء جالن بغ خبر
 یغ بائیک، فس فرچای؟ تنتو کوء جالن فرچای!

بودوہ سوغکوہ، فواق مو! جالن فرچای تو مو ماسوق دغنا روح
 توهن۔ فس لانی، مو نق بڑی سود جالن دغنا توروت اتوران ۲
 حق مو سندیری که؟

بااف فرکارا ۲ بسر حق جانی کا فواق مو دلو، تاء بولیہ حاصل
 اف سکارا؟ جاغنلہ بڑی روکی سموا تو!

فس، اکو نق تان سکارا لاکی۔ جالن مان توهن تورون روح ری
 بڑی بولیہ بوات فرکارا ۲ عجائب دالم فواق مو؟ کوء جالن
 توروت اتوران ۲ دالم تورات که، اتوا کوء جالن بغ خبر یغ بائیک
 تو، فس فرچای؟ تنتو کوء جالن فرچای۔
 ایغت کا نبی ابراہیم فول، حق کیت دوق باج دالم کتاب کات:

ابراہیم فرچای کا توهن۔ سایت نیله، توهن حکوم
 کات ری تاء ساله اف ۲

رغن ایات نیله ، مو بولیه سدر کات ، اورغ ۲ هق جانی کن تورونن
 ابراهیم هق سجاتی ، دیاله اورغ هق توروت جالن فرجای سروف
 نی . کتاب رویت ره دلو کات ، توهن نق کات اورغ بفسا لائین
 تاء ساله دفندا غن نی ، کالو اورغ بفسا لائین تو فرجای . سابیت
 تو ، بلوم فد سمفی ماس لکی ، کتاب بربی تا هو ره کا نبی ابراهیم
 خبر بیغ بائیک ، دالم ایات هق کات :

7

8

کو ئ جالن مو ، ابراهیم ، توهن نق بربی ماء نسی سموا
 بفسا ، براونتoug .

9

ابراهیم فرجای ، فس نی فون براونتoug . بالس تو ، سموا اورغ
 هق فرجای سروف ابراهیم نق بولیه براونتoug جوگ .
 اورغ هق برگنتoug فد توروت اتوران ۲ دالم تورات ، کات نق بولیه
 سلامت کو ئ جالن تو ، نی دوق باوه مرک توهن . کران اد ایات
 دالم کتاب هق کات :

10

اورغ هق تاء بوات توروت رغن هالوسی هالوسی ، سموا
 حکوم ۲ دالم تورات ، نی دوق باوه مرک توهن .

11

لاني کیت بولیه تا هو چرف کات ، دفندا غن توهن تاء اد سئورغ
 هابوق هق توهن بولیه کات تاء ساله ، رغن کران نی توروت
 اتوران ۲ دالم تورات . کران اد ایات هق کات :

اورغ هق توهن کات تاء ساله ، رغن کران اورغ تو
 فرجای ، دیاله ساج هق توهن بربی هیدوف چارا بارو .

12

تافی جالن توروت اتوران ۲ دالم تورات سائی تو ، تاء کنا کان
 رغن جالن فرجای . سروف ایات دالم کتاب تورات کات :

اورغ هق بوات توروت سموا حکوم دالم تورات رغن سمفون ،
 دیاله ساج هق بولیه هیدوف چارا بارو کو ئ جالن تو .

المسیح بیاس دوق باوه مرک توهن گنتی کیت، کران اد ایات
دالم کتاب هق کات:

سیاف هق کنا گنتوغ دکایو، تندا کات اورغ تو دوق
باوه مرک توهن.

بالس تو، المسیح بري کیت لفس درف دمرک توهن، هق دوق
اتس اورغ هق تاءٰ توروت حکوم ۲ دالم تورات دفن سمنرن.
14 توجوان سموا تو، نق بري فرکارا هق توهن جنجی کا ابراهیم
دولو، بولیه تیرون کا اورغ بعسا لائین ۲ جوگ، یا^۱ یت نق
بری کیت بولیه تریما روح هق توهن جنجی تو، کو^۲ جان
فرچای کا عیسو المسیح.

تورات تاءٰ اد بري لیسوس فرجنجین توهن

15 هي ادیق برادیق! ننتی اکو بوات چنتوہ هاری ۲ بري کا
فواق مو. بیلا دوا اورغ ستوجو اتس ساتو فرکارا، فس بوات
سورت جامین دافن سقسي، تاءٰ اد سئورغ هابوق بولیه لارغ
هق جنجی تو، اتوا تمیه فون.
16 فس دفن ابراهیم فول، توهن لتق جنجی دفن ابراهیم، فس
دفن سئورغ کتورونن یي جوگ. کتاب تاءٰ کات توهن جنجی
کا کتورونن ۲ ابراهیم، معنان باپق اورغ. دق! تافی کتاب کات
تهن جنجی کا سئورغ کتورونن ابراهیم، یا^۳ یت المسیح.

17 مقصود کو بالس نی. توهن لتق جنجی اتس ساتو فرکارا دفن
ابراهیم، فس جامین نق بري فنوہ فرجنجین تو. لفس تو،
امفت راتوس تیگ فولوہ تاهون فول، بارو توهن تیرون کتاب
تورات. فس تورات تو تاءٰ لیه لارغ اتوا بري لیسوس فرجنجین
تهن هق تورون دولو تو.

18 کالو فرکارا هق توهن جنجی نق بري کا کیت، کنا برسغکوت

فاءوت فد تورات، معناث ری تاء برسغکوت فد فرجنجین توهنهن. تافی هق توهنهن کات نق بري کا ابراهیم دلوو تو، برسغکوت فاءوت ده دغنهن فرجنجین بري.

اف فائیده تورات تو؟

کالو بالس تو، اف فائیده تورات تو؟ توهنهن تورون تورات 19

بری بولیه تنじوچ کات، هق مان کیت ساله. فس بولیه فاکی سهیفگ کتورونن ابراهیم سئورغ تو تورون ماری. ری نق تریما فرکارا هق توهنهن جنجی کا ابراهیم ۰ تورات تو بري کا تاغن ملاعیکه ۲، سمفی کا اورغ تغه دلوو، باروله سمفی کا ماءنسی. 20 تافی دغنهن فرجنجین تو، لاءین. تاء کتا اد اورغ تغه، کران توهنهن سا ساج هق جنجی.

بغکالی اد اورغ هق ارتی کات، حکوم ۲ دالم تورات برلاون دغنهن 21 فرجنجین توهنهن تو. دق سکالی! کالو اد حکوم ۲ هق اورغ بولیه

توروت انتوق هیدوف چارا بارو، تنتو توهنهن نق کات ماءنسی تاء ساله رفنداغن بري، دغنهن ساپیت توروت جالن حکوم ۲ تو. 22 تافی بوکن بالس تو. کتاب کات، تاء اد ده هق تاء ساله. ماءنسی سموا کا ایکت دوسا. بالس نیله، هق توهنهن جنجی نق بري بولیه کا اورغ، کنا برسغکوت فاءوت فد ایمان هق تومغخ کا عیسی المسيح. فس، توهنهن نق بري کا اورغ هق فرچای بالس تو ساج.

بلوم فد اد جالن فرچای بالس تو، کیت دوق ایکت کوروغ باوه کواس حکوم ۲ تورات، ننتی هیفگ سمفی جالن فرچای تو بري پات. حکوم ۲ تورات تو فون دوق مفاسوھ کیت، هیفگ سمفی المسيح ماری نون، نق بري کیت تاء ساله ده رفنداغن توهنهن، کوء جالن فرچای کا المسيح تو.

لانی، ماس اد جالن فرچای تو سمفی ده، فس حکوم ۲ تورات 25

تاءً مغاسوه کيت ده.

نهن جالن فرچای توله فواق مو بفسا مان ۲ فون جاري انق ۲
 توهن، کران مو دوق ده سهاتي سپاوا نهن عيسى المسيح.
 27 فواق مو هق تريما ده روکون مندي، دوق سهاتي سپاوا نهن دي.
 فس سابيت تو، توهن نمفق سروف مو دوق دالم ساروغ المسيح.
 28 لاني تاءً ادار ده اف ۲ هق بري سوكو اورغ يهويي بغن اورغ بفسا
 لاءين ، اتوا اورغ فريشكت جاري همب دهن اورغ تاءً جاري همب،
 اتوا اورغ جنتن دهن اورغ بتينا فون. فواق مو سموا ما سوق
 جاري ساتو، کران مو دوق سهاتي سپاوا نهن عيسى المسيح.
 29 اورغ هق جاري ميليق المسيح، معنان دي جاري کتورونن ابراهيم
 هق سجاتي . دیاله هق نق بوليه تريما اف ۲ هق توهن جنجي
 کا ابراهيم .

انق ۲ توهن

باب ۴

1 ننتي اکو نق بندیع کي لاکي. میسل سئورغ بونق نق بوليه
 فريشكت دهن هرت هق باف دي کوء دافن . سوڠکوه فون دي نق
 تريما بلاک ، تافي تکه بونق تو مودا لاکي، فق دي بوات کا دي
 سروف اورغ هق جاري همب ساج .
 2 دي کا دوق باوه کواس اورغ ۲ هق مغاسوه اتوا دوق جاک هرت
 دي ، سهیڠگ سمني هاري هق فق دي منتدوده نق بري فرکارا ۲
 تو کا دي ، بارو نق بوليه .
 3 بالس تو جوگ ، بلوم فد فيکيران کيت ماسق ، چارا حال جالن
 فرچای تو، کيت فون جاري همب ۲ هق کا توروت اتوران ۲
 فيشين اتس دنيا .

4 تافي بيلاسمني ماس هق توهن منتدوده دلوو ، دي هنتر
 انق دي سنديري بري برانق داورغ بتينا ، فس انق دي تو دوق
 5 باوه فرينته حکوم ۲ تورات ، انتوق بري لفس اورغ ۲ هق دوق

باوه فرینته حکوم تورات تو، نق بري کيت بولیه توبیت کی جاری انق ۲ توهن . تندا کات کيت جاری انق ۲ توهن تو، توهن هنتر روح انق یئ ساتو هق ری، ماسوق دالم هاتی کيت . فس جاری روح نیله هق برسرو کا توهن، کات: ابّا! معناش یا باف!

توهن نیله هق بري مو جاری انق ، تاء کنا همب ده . فس کران فواق مو نی جاری انق ۲ ری، توهن نق بري کف ده مو سموا هق ری جنجی ده انتوق انق ۲ ری .

فولوس دوق بیمیغ ترهارف فواق المسيح د گلاتیا

دولو مو تاء کنل توهن . سابیت تو، مو کی سمهه کا بارع ۲ کات توهن . تافی لانی مو معاکو ده کا توهن هق سجنر، اتوا مولیق لاکی، اکو کات، توهن معاکو ده کا فواق مو . کالو بالس تو، بااف مو نق کی جانی همب فول، رغن توروت اتوران فیسین اتس دنیا، هق تاء ادار کواس نق تولوغ مو، فس تاء لیه بري اف ۲ فون؟

بااف مو دوق ایشت کا هاري، بولن، فریاغ رای اتوا تاهون فون کات فیسید نق بوات فهلا؟ اکو براں بیمیغ، نصف سروف تاء ادار حاصل، هق اکو بوات دالم فواق مو .

هي ادیق برادیق کو! اکو مینتا فواق مو جوگ ۲، مو دوقله، سروف اکو، کران اکو فون بیاس دوق سروف فواق مو . دولو تو، مو تاء بیاس بوات ساله کا اکو . مو بولیه ایشت، بوکن، بالس مان دولو تو، اکو ادار فلواغ بولیه رویت خبر یئ بایک کا فواق مو، کران اکو ساکیت .

ف د ماس تو، فیاکیت کو جانی سروف فنچویان تروق کا فواق مو، تافی مو تاء هینا، تاء کویس اکو، دق! مو سمبوت اکو، سروف سمبوت ملائیکة، سروف جوگ سمبوت عیسیٰ المسيح سنديري!

- 15 فس لاني، هيلع کي کامان، فراسائن سوک هاتي مو تو؟ اکو تاهو کات، تکه تو، اچي بوليه، مات فون مو نق چوليق بري کا اکو. فس لاني فول، سوغ که، مو نق بوات اکو جاري سترو مو، سبب اکو رویت فرکارا سوگکوه کفڈ مو؟ دق !
- 16 اورغ ۲ هق بوات کاچو تو، ماري تنجوق بائيك کا فواق مو، تافي نيات هاتي ری تاء بائيك. توجوان ری نق بري فواق مو ترفچت دفن اکو، انتوق نق کاءوت بري جاري کاسيه کا ری.
- 17 موليقله، اورغ تنجوق بائيك کا فواق مو بيلا ۲ فون، اصل توجوان هاتي ری بائيك جوگ، بوکن کات تکه اکو دوق اد دفن فواق مو ساج، اورغ بوليه تنجوق بائيك کا مو، دق !
- 18 هي انق ۲ کو هق اکو کاسيه! اکو براں سوسه هاتي کران فواق مو، تروق سروف اورغ بتينا ساکيت نق برانق، سهیچگ فراغي المسيح توبیت دالم ديري مو.
- 19 فراسائن هاتي کو بسر سوگکوه، اچي بوليه، نق دوق سام فواق مو لاني جوگ، بري بوليه کيچيق دفن مو، تاء کا توليس. کران اکو تاء ادار اره نق کامق ده، ترهادف مو!
-
- 20 فولوس امبیق دوا اورغ بتينا هق دلو بوات چنتوه هي اورغ ۲ دالم فواق مو، هق براں نق توروت سمولا اتوران ۲ دالم تورات انتوق سلامت، دغره هق مان اد دالم تورات تو!
- 21 کات بالس نی. ابراهيم اد انق دوا اورغ، سئورغ هق ری بوليه دفن اورغ بتينا هق جاري همب، یايت هاجر. سئورغ لاکي بوليه دفن اورغ بتينا هق تاء بیاس جاري همب، یايت ساره.
- 22 انق هق ابراهيم بوليه دفن اورغ بتينا همب تو، برانق کوء جالن هق تمادر. تافي انق هق ری بوليه دفن اورغ بتينا هق تاء جاري همب تو، برانق کوء جالن هق توهن جنجي تو. هق
- 23 نی جاري چنتوه، کيت بوليه فرهاتي تيفوق. کيت بوليه بندیغ

رووا اورغ بتینا سائني، جاري دوا جالن توهن برهوبوغ دغن
ماهنسبي. يبغ ساتو تو، هاجر، هق جاري همب. فس انق ۲ رى
فون برانق نق جاري همب جوگ. دي جاري چنتوه، فرهوبوغن
توهن دغن ماهنسبي دبوکيت طور سينا، تكه توهن تورون حکوم ۲
کا نبي موسى تو.

هاجر تو، کيت بوليه بنديع سروف بوکيت طور سينا، دنگري 25
اورغ عرب . فس بوليه کات جوگ، دي سروف دغن کوت
جروسليم دغن رعيت ۲ دي لاني، کران دي دغن انق ۲ دي سموا
دوق جاري همب لاکي.

تافي مق فوق اکوفون، دیالله ساره هق تاء بیاس جاري همب، 26
هق بوليه بنديع دغن کوت جروسليم دشرگ.

کران اد ايات دالم كتاب، هق رویت حال ۲ نبي کات:

هي اورغ بتینا هق مندول ، کالقله کران سوک هاتي !
هي اورغ بتینا هق تاء بیاس برانق، مهادوغله ! کران
سرنق ! سبب اورغ بتینا هق کنا یتیغکل ، انق ۲ دي
نق اد باپق فد اورغ هق اد لاکي .

ایغتله، اديق براديق کو ! فوق مو جاري انق ۲ توهن کوء جالن 28
فرجنجین ، سروف اسحاق ، انق ساره تو.

تکه دولو تو، بوق هق برانق کوء جالن تمادر تو، بوات پان 29
کا دي هق برانق دغن کواس روح توهن . فس بالس تو جوگ
لاني فون . تافي ایغتله کا ايات دالم كتاب هق کات:

همبتله اورغ بتینا هق جاري همب، سکالي دغن انق دي !
کران تاء سوغ فاتوت انق همب تو، نق بوليه سکيان هرت
باي دي ، سروف انق اورغ بتینا هق تاء بیاس جاري همب.

هي اديق براديق کو ! کيت نبي بوکن انق ۲ اورغ بتینا هق جاري 31

همب، تافي انق ۲ اورغ بتینا هق تاء جانی همب تو.

بلب 5 مو کا دوق سروف اورغ هق بولیه لفس ده

کيت لاني بوليه لفس ده، سبب المسيح بري کيت لفس.
سابيت تو، کا برديري تکفله، سروف اورغ هق بوليه لفس
ده. فس جاغن ماسوق فول، دوق باوه فرينته اتوران هق بري
مو جانی همب تو.

2 بفرله بري بايک ۲ ! اکو فولوس کات ، کالو مو برسونت جانی
تندا کات سلامت، معنان مو تاء ليه ماکن جاس المسيح تو.

3 اکو نق فرایفت کا فواق مو سکالي لاکي، بري چرف کات ، اورغ
مان هق برسونت بالس تو، واجب کا توروت سموا حکوم ۲ دالم
تورات، رغن هالوسي ، بارو نق بوليه سلامت.

4 کالو مو سغک کات مو تاء ساله ده دفنداغن توهن کران مو
کاچغ توروت حکوم ۲ تورات، معنا فرهوبوغن مو رغن المسيح
تو، فوتوس ده. مو دوق جاوه فد رحمة توهن تو.

5 تافي کيت، رغن کواس روح توهن ، دوق ننتي نق بوليه هرافن
کيت ، یا یت توهن نق کات کيت تاء ساله دفنداغن بي ، رغن
سابيت کيت فرچاي.

6 کران ، افبیل کيت دوق ساتو هاتي رغن المسيح ، برسونت اتوا
تاء برسونت فون تاء کيرا . هق مستحق ، یا یت جالن فرچاي ، هق
تنجوق کوء کاسيه.

7 دولو، فواق مو دوق توروت جالن فرچاي رغن موليق. سیاف
ماری سکت ، تاء سیر بري مو توروت هق بنر تو؟ تنتو بي هق
ماری دای مو بالس تو، بوکن توهن ، هق دوق فغکیل مو سوروه
توروت بي.

8 ایغتله ! ایبو تفوغ سیکیت فون ، بري کمیع هابیس ، ستوغکول
تفوغ هق بسر.

تاوی کران کیت دوق سهاتی سپاوا دغن المسيح مو اکو ، اکو بولیه هارف کا فواق مو کات ، مو نق ستوجو دغن اکو حال ۲۶ نی ، فس اورغ هق ماری کاچو مو تو ، فریثکت دی ستارا مان فون ، یی نق کا حکوم دتوهن جوگ .

10 هي ادیق برادیق کو ! کالو سوغکوہ سروف اورغ کات ، اکو دوق برشح کات ، اورغ هق فرچای تو واجب کنا برسونت کاتیق ، بااف اورغ دوق بوات پاش کا اکو لائی ؟ کالو بنر ، معنان هق اکو برشح حال المسيح کنا حکوم دکایو امفت چابغ تو ، تاء بري اورغ سنتوق اف ۲ فون .

11 اورغ هق بري مو سرابوت ، کات مو کنا برسونت تو ، مولیق یی کی فوتوغ توبوه یی سندیری ، بري تاء اد بنیه !

12 هي ادیق برادیق کو ! توهن فخکیل فواق مو ، سوروه دوق سروف اورغ هق بولیه لفس ده . تافی هق مو بولیه لفس تو ، مو کنا جاک بائیک ۲۶ له ! تاکوت نق بري فلوغ کا فواق مو فالیغ توروت هوا نفسو مو سکالی لائی . مولیقله مو دوق فارول مو اکو دغن تنじوک کاسیه .

13 کران ایسی سموا حکوم ۲ دالم تورات ، سلوروغ تولا دغن حکوم هق کات :

14 { مو کنا کاسیه سام ۲ ماء نسی ، سروف مو کاسیه کا دیری مو سندیری . }

15 تافی کالو مو بوات بیغکیغ سروف بناتھ ، بري ساکیت هاتی سام سندیری ، ننتی مو نق بري فونه هابیس ، فراغی مولیق مو اکو دالم فواق مو .

16 فرینته هوا نفسو لاءین فد فرینته روح توهن

17 مقصود کو بالس نی . بولیله روح توهن فیمفین مو ، تکه دوق

- هیدوف لانی. بالس توله، هوا نفسو مو تاءلیه بعه ناءیک.
 17 کران اغن ۲ هوا نفسو ماء نسی جاری سترو رفن اغن ۲ روح
 توهن. کدواش دوق لون کی ماری سعمور. سابت توله، هق
 کیت دوق کهندق نق بوات مولیق تو، تاءلیه، سبب دوا بله
 دوق تیندیه.
- 18 تافی اورغ هق بربی روح توهن، فیمغین ری، تورات تاءاد کواس
 نق بولیه حکوم ری کات ساله.
- 19 بولیه پات، اورغ هق توروت هوا نفسو ری رفن فرکارا هق ری
 بوات، یاء بت بوات زنا، بوات چافوغ، بوات هق تاءسوغ
 فاتوت رفن تاءمالو اف ۲.
- 20 ری سمبه کا برھالا، ری فاکی علمو بومور هنتو، ری براھی
 جاری سترو رفن اورغ، سوک کلاھی باله. ری چمبورو، موده
 موریه، ری دوق چاری هق ری نق سمات. ری سوک فچه بله
 رفن جاری فوای ۲. ری دوق بردغیکی، ری ماکن ارق سهیغک
 ما بوق، ری کی برسائین رفن اورغ هق دوق توروت نفسو ری،
 فس فرکارا ۲ لاءین سروف تو جوگ. اکو رویت ده کا فوای مو
 فس لانی اکو نق فرایغت سکالی لائی کات، اورغ هق تبیغ
 بوات سروف سبوت ساءنی، تاءلیه سیکیت هابوق، فرکارا ۲ هق
 توهن جنجی کا اورغ هق دوق دالم فرینته ری داحیره.
- 22 تافی بیلا روح توهن دوق مرینته دالم هاتی اورغ، اد حاصلن
 مولیق، یاء بت فراغی کاسیه، فراسائی سوک ریا، دوق سنغ
 هاتی، بولیه صبر، کسیاغ کا اورغ، بوری بائیک، بولیه هارف
 کا ری. ری بولیه رنده هاتی، فس بولیه جاگ دیری. تنتو
 تاءاد اوندغ مان ۲ فون هق لارغ تاء بتی بوات سروف تو.
- 23 اورغ مان ۲ هق جاری میلیق المسيح، طبیعة ری دولو تو،
 سکالی رفن سموا هوا نفسو اتوا اغن ۲ ری فون، ری امبیق
 کی فاکو رکایو امفت چابغ ده.

- 25 كيت بوليه ده هيدوف چارا بارو كوه روح توهن. سا بيٽ توله،
كيت كنا بري روح توهن تو كموني كيت، تكه دوق هيدوف لاني.
جاغذله كيت بوات سومبوغ اتوا بري براس هاتي مو اكو، اتوا
26 فون دوق دغكي مو اكو.

با ب 6 تشكوغن برت فون مو كنا كاچعن تولوغله مو اكو

هي اديق برا ديق كوه! كالو سئوغ دالم فواق مو، تيبا 2
كلينچير ربه دالم دوسا، بايك اورغ هق روح توهن دوق
كموني تو، كي دغن لمه لمبوت، اغكيت دي بري با غون. فس،
جاگ بايك ۲ جوگ، ديري مو فون، بيمبغ تاكوت مو كلينچير
ربه سروف لي.

2 تشه دوق تشكوغ بارغ برت مان ۲، مو كنا تولوغ منولوغله مو اكو.
بالس تو سوغ دغن هق المسيح سوروه.

3 4 كران اورغ هق گامق کات دي اورغ بسر، فس، سسوغکوهن دق،
اورغ تو تيفو ديري سنديري. تافي مو كنا فريقاله اوکور کرج
مو سنديري ماسيق ۲. كالو موليق ده ستارا هق مو بوات،
بوليه فواس هاتي. مو تاءكنا اوکور دغن کرج هق اورغ لاءين، کران
کتف ۲ اورغ اد کرج دي، ماسيق ۲.

5 6 اورغ هق تشه دوق تريما فشاجران چارا حال جال ربي، دي
کا بري سکيان اف ۲ هق دي اد، نق تولوغ توکورو.

7 جاغن مو تيفو ديري مو سنديري! تاءاد سئوغ هابوق، هق
فندي زاليه تاءمهارف توهن. كالو اورغ تانم فالي، فالي جوگ
هق دي نق بوليه حاصلن.

8 ميسيل، كالو دي تانم دبندغ هوا نفسو دي، كوه هوا نفسو تو
جوگ، دي نق بوليه حاصلن، ياءيت نق بنام. تافي كالو دي
تانم دبندغ روح توهن، كوه روح توهن تو جوگ، دي نق
بوليه حاصلن، ياءيت هيدوف هق کكل.

9 سا بيت تو، جاغنده كيت فواس بوات كرج هق موليق، كران
بيلا سمني فرياغ، تنتو كيت نق بوليه كوتيف حاصلن، اصل
كيت جاغن لمه هاتي.

10 سا بيت نيله، باپق مان اد فلواغ، باپق تو جوگ كيت كنا بوات
باييك كا سموا ما نسي، تافي هق فنتيغ سكالي، كا اديق براديق
كيت هق توروت جالن فرجاي سروف كيت.

فسنن فولوس هق سود

11 تيفوقله، بسر مان حروف ۲ نی، هق اکو توليس دغۇن تاغۇن
کو سندىرى، نق بىرى مو چم

12 اورۇغ ۲ هق فقسا نق بىرى مو كنا برسونت تو، رى اڭكىت دىرىي نق
برىكتۇغ فەتندا ۲ انتوق توبوه ساج. رى نق فقسا مو بالس
تو، كران رى تاكوت كات، كالو رى بىرىش حال فرجاي كا عىسى
المسيح ماتىي دكا يو امفچا بىغى تو، فس هق تو سا ساج
جالن هق نق بىرى بوليه سلامت، تنتو رى نق كا پان.

13 سوغىگە فون اورۇغ ۲ تو برسونت دە، تافي رى تائى توروت حکوم ۲
دالىم تورات دغۇن سەمنىن. رى نق فقسا مو بىرى برسونت، كران
برسونت تو بىرى رى بوليه كىچىق بىر، كات، فواق مو دوق
توروت رى دغۇن بوات اتوران دتوبوه مو. تافي بالىق اکو فول،
اکو تائى سىير اد سبب مان ۲ بوليه كىچىق بىر، ملينكىن اد
سکارا، دغۇن عىسى المسيح، رېئى كيت، ماتىي دكا يو امفچا بىغى
تو. كۆ جالن تو، اتوران ۲ اتس دنيا تائى كا گان دغۇن اکو، كران
اکو ماتىي دە ترھارف فرکارا ۲ دننيا.

15 هق تو تائى فلىق، برسونت اتوا دق فون. هق مستحق، يائىت
نق بوليه هيىدوف چارا بارو درف دتوبەن.
16 انتوق اورۇغ هق توروت جالن هيىدوف تو، اکو مينتا ئە توھن
تورون سلامت دغۇن كسىياغ بلس اتس بىي، فس اتس سموا هق

جاری میلیق توهن هق سجاتي.
 سود سکالی هق اکو فسن نی، جاغنله اورغ مان ۲ بوات بوسن
 کا اکو لاکی. سبب اکو فون اد تندا جوگ، کات اکو جاري
 همب عيسو المسيح، یائیت هق نمفق فاروت ۲ دتوبه کو.
 هي ٹریق برادیق، مینتا له بري رحمة عيسو المسيح، ربی
 کیت، دوق سکالی رعن فواق مو سموا . امین .

17

18

ايفيسوس

سورت کیرین هق توهن بري فولوس تولیس
کفڈ فواق المسيح دکلیواسن بندر ایفیسوس

باب 1

فولوس جاري سئورغ هق باواه تیته المسيح

1

اکو فولوس، هق باواه تیته عیسیی المسيح ایکوت کھنڌق
توهن، تولیس سورت نی کفڈ اورغ ۲ هق جانی میلیق توهن
دکلیواسن ایفیسوس، هق فرجای تکوہ کا عیسیی المسيح، فس
هق دوق سهاتی سپاوا رغن ری.

اکو مینتا، توهن باف کیت رغن ربی عیسیی المسيح، تورون
رحمة اتس فواق مو رغن سلامت سجمھترا .

2

نعمۃ ۲ هق تورون کا کیت کوء جالن المسيح

3

اوہ فوجیله کا توهن هق جانی باف عیسیی المسيح ، ربی
کیت. کیت هق دوق سهاتی سپاوا رغن عیسیی توله، بولیه
تریما ده دتوهں سموا نعمۃ ۲ هق کا رغن روح توهن ، فس
هق سوغ رغن تمفت کواں فنوہ.

4

بلوم فد دنیا اد لاکی، توهن فیلینه ده کیت جانی میلیق نی،
رغن سابیت دوق سهاتی سپاوا رغن عیسیی المسيح . توجوان
توهن ، نق بري کیت جانی اورغ هق دوق سوچی انتوق نی ،
تائساله ده دنداغن ری .

5 توهن فيلية کيت دولو بالس تو، کران دي کاسيه، فس دي کرت
سيين ده کات، کوء عيسى المسيح کيت نق جاري انق ۲ دي.
سموا نی ستوجو دغن کهندق دي بلاک.

6 ماريله کيت فاكت فوجي توهن دغن ساپيت رحمة دي تو، هق
فنوه مليمفه، هق دي برکن تورون کا کيت هق دوق سهاتي
سپاوا دغن انق يغ ساتو هق کاسيه سوغکوه تو.

7 کران دغن ساپيت المسيح قربان ده پاوا دي، کيت هق دوق
سهاتي سپاوا دغن دي، بوليه تبوس ده، یايت توهن امفون
ده کا کيت، بري کيت بوليه لفس درف دوسا ۲ کيت.

8 اوه بسر سوغکوه رحمة توهن، هق دي تورون کا کيت، هيڠگ
تا'ليه نق بندیغ!

9 دغن رحمة تو، توهن بوک بري کيت بيحق بوليه ارتي سموا
چادغن دي، هق ما'نسی تاء' تاهو دولو، تافي هق توهن
کرت سين ده نق بري سمنرن کوء جالن المسيح.

10 کوء المسيح نيله، بيلاسمفي ماس هق منتدوده دولو، توهن
چادغ نق فرهيمفون بري جاري ستومفوق سمول، سموا مخلوق
هق اد، دلاغيت اتوا دبومي فون، بري سموا تو دوق باوه
داکو المسيح.

11 فس دغن کران کيت دولو سهاتي سپاوا دغن المسيح توله،
تهن فيلية فوق اکو دري دولو لاکي، نق بري جاري ميليق
دي. هق دي بوات تو بري پات کواس دي بوليه بري سلسی
فرکارا مان ۲ هق دي مننتو دولو نق بوات.

12 توجوان توهن فيلية فوق یهوري اکو هق دوق هارف کا المسيح
مول ۲ تو، دي نق بري اورغ بگسا لائين ۲ فون فوجي کمليان دي
جوگ. بالس تو جوگ فوق مو فون، بيلامو دغر خبر هق
سبنر تو، خبر يغ بايک هق بوليه باوا کي کوء جالن سلامت،
مو فرجاي ده خبر تو. فس روح توهن هق دي جنجي دولو تو،

بوات تندادالم هاتي، سروف فوكول چف ده، کات مو جاني
مليقي توهن .

14 هق روح توهن بوات تو جامين کات، کيت نق بوليه کوء دافن،
سموا اف ۲ هق توهن جنجي ده نق بري کاكيت. فد ماس تو،
کيت نق بوليه جاني ميليق توهن رغن سمنفرن. رغن کران
فرکارا ۲ ني، سوغ فاتوتله توهن، هق مليا تو، نق بوليه
فوجين .

فولوس مينتا دعا

15-16 سبب نيله، جق ماس اکو دغر بالس مان فوق مو فرچاي
کا ربی عيسى، فس بالس مان مو تنحوق کاسيه کا سموا اورغ
هق جاني ميليق توهن، اکو اوچف تريما کاسيه کا توهن
رغن تاء فوتوس اتس فوق مو. فس گتف ۲ کالي اکو برعما
انتوق فوق مو، اکو مينتا رغن توهن، توهن هق ربی
کيت عيسى المسيح مفاکوکات رې توهن، رې هق جاني باف
يڠ مليا، اکو مينتا رغن رې نق بري تورون کا فوق مو، روح
رې هق نق بري بيچق، بري بوليه ارتی اف ۲ هق توهن بري
نمافق، فس بري مو بوليه کهور ۲ کتل رې.

17 فس اکو مينتا جوگ نق بري توهن بوک مات هاتي مو، بري
بوليه نمافق چرف هرافن مو هق کوکوه سوغکوه، هق توهن
لتق، سوروه مو تريما. فس لاکي، نق بري بوليه نمافق کات مو
کاي سوغکوه رغن برکت ۲ هق توهن جنجي کا فوق مو، هق
جاني ميليق رې.

18-19 فس اکو مينتا توهن نق بري بوليه نمافق چرف کات بسر
سوغکوه کواس توهن، هق رې فاكی انتوق کرج دالم ديري کيت
هق فرچاي کا رې. تنتو کواس تو تاء داره نق بندیغ .
جاني هق تولا رغن کواس هق رې فاكی تکه المسيح ماتي،

بری بولیه بعکیت هیدوف کلیق سمولاتو، فس، بری بولیه
اغکیت نائیک دودوق سبله کانن توهن، دتمفت کواس فنه تو.
دستیتلوله المسيح دوق مرینته اتس کواس مان ۲، هق ماءنسی
اتوا هق فواق ملائیکة اتوا فون شیطان، کواس ۲ هق مات
بولیه نمفق اتوا هق تاءلیه نمفق فون، فس توهن بری کا
المسيح نی فریغکت تیغکی سکالی فد هق لائین ۲ سموا، ددنا
اتوا راخیره فون.

فس توهن هنتر کا ری، سوروه تعلوق سموا سگل تو، بری
جاري فلافيق کاکی ری. دیاله هق توهن بری جاري ربی بیغ
ملیا اتس سموا سگل تو، انتوق کلوارگ توهن.

بران کلوارگ توهن تو بولیه بندیغ کات، جاري سروف توبوه،
هق ربی سندیری جاري کفلا. کلوارگ توهن تو جاري تمفت
دودوق توهن هق سمفون ده، فس دیاله هق نق بری سمفون
سموا تو.

ماری دتمفت ماتی کی کاتمفت هیدوف

باب 2

تکه دلو فواق مو دوق تاءکابر چارا حال توهن، سروف
رغن اورغ هق ماتی ده، سبب هاتی مو دوق جاهت سوک نق
بوات دوسا.

فد ماس تو، فواق مو دوق توروت طبیعة جاهت تجوو کا دنیا
نی ساج. مو دوق باوه فرینته هیلیس، کفلا کواس ۲ جاهت
هق مات تاءنمفق. کواس تو هق ماس لانی دوق تاریق هاتی
سموا اورغ هق تاءطلاعة کا توهن.

سسوغکوهن، دلو کیت سموا، فواق اکو فون، دوق سروف فواق
تو جوگ، رغن توروت هوا نفسو کیت سندیری. اف ۲ هق
فیکیران کیت رغن توبوه کیت نق، کیت توروت کو تو. فس
سابیت تو، کیت فون دوق باوه مرک توهن سروف ماءنسی سموا.

تافي توهن، کای دغنا کسیاغ بلس، فس، دغنا سابیت ری
هابیس ۲ کاسیه کاکیت تو، ولوکیت دوق سروف اورغ ماتی
رافن توهن، کران دوق بوات دوسا لائی فون، تافي توهن
بری کیت هیدوف سمولا، سکالی دغنا المسيح. تنتو دغنا رحمة
تهن نی ساج له، کیت بولیه سلامت ده!
تس، دغنا سابیت کیت دوق سههاتی سپاوا دغنا عیسی المسيح،
تهن اگکیت کیت نائیک کا فریغکت تیغکی، بری دودوق سکالی
دغنا ری دتمفت کواس فنوه تو.

توجوان توهن بوات لائونی، نق بری نمفق کا سموا مائنسی،
لفس سلافیس ۲، کات، بسر سوگکوہ رحمة هق توهن تورون کا
کیت، دغنا تنجوک کاسیه کا کیت هق دوق سههاتی سپاوا دغنا
عیسی المسيح تو.

کران دغنا رحمة توهن ساج له، فوق مو بولیه سلامت ده کوء
جالن فرچای کا المسيح، بوکن هق مو بوات اف ۲، نق. جاری
هق توهن تورون بلاک.

تاً اد سبب سیکیت هابوق هق بولیه بری کیت اگکیت دیری،
کران هق توهن تورون تو، بوکن حاصل هق بولیه دالم عملن
کیت. کران توهنله هق بری کیت هیدوف چارا بارو کوء عیسی
المسيح، انتوق بری کیت بولیه بوات کرج جالن بائیک، هق
تهن چارغ دلو، نق سوروه کیت بوات توروت.

جاری ساتو دغنا کران عیسی المسيح

فواق مو برانق جاری انق ۲ بخسا لائین فد اورغ ۲ بخسا
یهودی. فواق یهودی تو اگکیت دیری کات: کیت برسونت ده،
دوق سوچی انتوق توهن! ری کات بالس تو، سابیت روکون
هق ری بوات دتوبوه ری. فس ری هینا کا فواق مو، کلر
کات: فواق هق تاء برسونت! مولیقله مو ایفت، بالس مان

- مو دودوق ماس دولو، تکه مو تاءٰ کتل رغن توهن تو.
- 12 فد ماس تو، مو دوق جاءٰ وه فد المسيح، تاءٰ کتل ری لاکی . مو
جاری اورغ بگسا لائین ، هق تاءٰ اد فلواح بولیه سکیان دالم
فواق یهوری ، هق توهن فیلیه کات جاری میلیق ری .
فرهوبوغن توهن رغن مائنسی تکه تو ، برکتتoug فد فرجنجین
تهن کا فواق یهوری تو ، بوکن کا فواق مو . تکه تو جوک
فواق مو دوق دنیا سروف تاءٰ اد هرافن کوء دافن ، فس
ایفت کات توهن تاءٰ اد .
- 13 تافي لاني، سابیت مو دوق سهاتي سپاوا رغن المسيح ، فواق
مو هق دوق سفکع جاءٰ وه دولو ، لاني ماري دوق رافت ده کران
عیسی قربان پاوا ری تو .
- 14 جاری المسيح سندیریله هق باوٰ اورغ بگسا یهوری رغن اورغ
بگسا لائین ۲ ، ماري دوق بائیک مو اکو ، جاری ساتو فواق .
دیندیع هق دوق سکت ، تاءٰ لیه کی ماري دوا فواق تو ، المسيح
ماری بري تریالیق ده . اف ۲ هق بري جاری سترو دوا فواق
تو ، المسيح بري رونته ، رغن امبیق هندس کا توبه ری
سندیری .
- 15 ری بري ليسوس اتوران دالم تورات ، سکالي رغن حکوم ۲ هق
اورغ یهوری تمه سندیری بري برت تو . توجوان المسيح ، هق
جاری بوا بگسا دولو تو ، نق بري جاری ساتو بگسا هق بارو
کران کدوا تو دوق سهاتي سپاوا رغن ری . بالس توله المسيح
بوک جالن نق بري دوا فواق دولو تو ، بائیک مو اکو .
فس رغن سره پاوا ری دکایو امفت چابغ تو ، المسيح بري
- 16 دوا بگسا تو جاری ساتو هاتي ساتو توبه ، بولیه بائیک رغن
تهن . بالس تو ، ری بري هابیس هق دولو دوق سترو تو .
سابیت توله ، المسيح ماري رویت خبر هق بري بولیه جاری
- 17 بائیک تو ، کف فواق مو هق دولو دوق سفکع جاءٰ وه رغن

- 18 توهن ، سکالی دغن فوق اکو اورغ یهودی ، هق دوق رافت دغن توهن . کران کو ء جانل المسيح نيله ، کيت سموا ، اورغ بحسا لائين اتوا اورغ یهودی قون ، اد جانل بوليه مغهادف توهن باف ، کو ء روح یي بیغ سا تو .
- 19 سابیت تو ، فوق مو هق بحسا لائين ، بوکن سروف انق لوار نکری ، هق تاء ادر سیکیت هابوق سکیان ، سروف دولو ، دق ! لاني مو جاري رعیت ۲ نکری توهن ، سروف سموا هق جاري میلیق توهن . مو ماسوق ده جاري قوم کلوارگ توهن .
- 20 فس کالو بندیغ دغن رومه ، فوق مو جاري سروف بات ۲ هق ماری سوسون اتس فلافيق هق اد دولو تو ، یائیت اورغ ۲ هق باوا ئ تیته المسيح ، سکالی دغن اورغ ۲ هق توهن بزی میمی فرمان توهن . فس عیسیی المسيح سندیری دوق سروف دغن باتو هق مستحق سکالی .
- 21 کران دیاله هق فلکت سموا بات ۲ دالم رومه ، انتوق نق بوات تمفت هق سوغ انتوق سمبه کا توهن ، تمفت هق سوچی انتوق ریی .
- 22 فس کران مو دوق سهاتی سپاوا دغن المسيح ، فوق مو فون بی بزی فلکت دغن اورغ ۲ لائين جوگ ، نق جاري تمفت توهن دودوق کو ء روح یي .
-
- کرج فولوس انتوق اورغ ۲ بحسا لائين
- باب 3
- 1 سابیت نق بزی فوق مو جاري میلیق المسيح بالس تو ، اکو فولوس کا ایکت . فس سابیت تو جوگ ، اکو برعما انتوق فوق مو . تنتو مو بیاس دغره ، بوکن ، کات توهن تورون ده رحمة یي کا اکو ، بزی اکو جاري اورغ کرج تفکوغ جواب انتوق فوق مو جوگ .
- 2 توهن بوک ده رهسیا یي هق ماء نسیی تاء تاهو دولو تو ، بزی

اکو بولیه نمفق دغن ارتی، سروف هق اکو تولیس ده داتس
دغن ریچکس. بیلا مو باج اف ۲ هق اکو تولیس، مو نق بولیه
فهم بالس مان اکو نمفق دغن ارتی، رہسیا چارا حال المیسیح،
هق توهن تاءً بوک کا توء نینیق کو هق دولو ۲ تو.

تاوی لانی بی بی نمفق ده، کوء روح بی، کد اورغ ۲ هق
باواء تیته المیسیح، سکالی دغن فواق هق توهن بی میمی
فرمان توهن .

فس رہسیا تو، یائیت کوء جالن خبر یغ بائیک، اورغ ۲ بفسا
لائین بولیه سکیان دالم نعمۃ ۲ توهن، سروف اورغ بیهودی.
بی اد جوگ سکیان جانی اگکوت ۲ دالم ساتو توبوہ. فس لاکی
بی بولیه سکیان دالم فرکارا ۲ هق توهن جنجی، هق تتف
ده کوء جالن عیسی المیسیح .

7. توهن تورون ساتو نعمۃ کا اکو، بی اکو فاکی کواس بی
بولیه هنتر خبر یغ بائیک تو.

ولو اکو رنده سکالی دالم سموا اورغ هق توهن فیلیه جاری
میلیق بی فون، تافی توهن تورون جوگ کا اکو نعمۃ بی،
بی اکو میمی کا اورغ ۲ بفسا لائین خبر کات، کای سوگکوہ
کیت هق دوق سہاتی سپاوا دغن المیسیح، تاءً اره نق
بندیغ کای تو.

8. فس بی بی اکو بوک کا ماء نسی بولیه نمفق چرف، رہسیا
بی تو، هق بی چارغ دولو نق بوک. لاپیس ۲ دولو، رہسیا
تو دوق تاروہ دالم فیکیران توهن، بی هق بی جاری سموا
سکل. سبب اف دوق تاروہ بالس تو؟

9. سبب بی تاروہ کا ماس لانی، نق بی کلوارگ توهن بوک رہسیا
تو کا کواس مان ۲ هق دوق دتمفت کواس فنوہ تو، بی بولیه
ارتی باپق مان تافن ۲ بیچسان هق توهن .

10. بالس توله جانی کھندق توهن دری دولو ۲ لاکی، فس لانی،

4

5

6

7

8

9

10

11

سمفي ماس هق جاني ده، دغن عيسى المسيح، رئي كيت.
 12 دغن کران کيت دوق سهاتي سپاوا دغن المسيح تو، فس دغن
 سا بيٽ کيت فرچاي کاري، کيت براني ماسوق مغهارف توهن
 دغن يقين کات، تنتوري نق تريما.
 سا بيٽ توله، جاشن فوق مو بيمع سا بيٽ اکو کا سوسه
 13 انتوق مو نی. جاري بالس تو سا بيٽ نق بري فوق مو بوليه
 جاس.

ستارا هق عيسى کاسيه کا کيت

14 جاري سبب سموا نيله اکو ماري نق سجور نق بردعا کا
 15 توهن باف. دیاله جاري چنتوه باف هق موليق سکالي کا سموا
 کلوارگ ردنيا اتوا دشرك فون.
 16 اکو مينتا رعا دغن توهن، ری هق کاي دغن کواس تا ليه نق
 بندیغ، مينتا ری تورون اتس فوق مو، کواس هق کاي تو،
 کو جالن روح ری، بري مو قواه دالم ديري مو.
 17 فس اکو مينتا جوگ نق بري المسيح دوق تتف دالم هاتي مو،
 کران مو فرچاي کاري. اکو بردعا نق بري فوق مو دوق لكت
 دالم کاسيه، سروف فوهون هق توبیت اکر باپق، دوق تتف،
 اتوا سروف رومه هق دوق کجت اتس فلافيق هق کوكوه.
 18 بالس توله، فوق مو سکالي دغن سموا اورغ هق جاري ميليق
 توهن، نق بوليه ارتی، بسر ستارا مان المسيح کاسيه کا
 کيت، لواس هابيس لواس، فنجع هابيس فنجع، تيغکي هابيس
 تيغکي، دالم هابيس دالم، کاسيه هق نی تو.
 19 فس ولو کيت تا ليه راس هابيس، کاسيه المسيح فون، تافي
 اکو نق بري مو کهور فهم کهور بوليه راس کاسيه تو، انتوق
 نق بري فوق مو فنه منيtier سمفي ستارا هق توهن سنديري
 دوق فنه دغن کاسيه تو.

20 توهن دغن کواس نی دالم هاتی کیت ، مهیر بوات کرج نی
 لبیه باپق فد هق کیت مینتا' ، اتوا هق کیت دوق کیرافون .
 21 سوغ فاتوتله نی بولیه فوجین دسموا هق جاری کلوارک
 توهن هق دوق سههاتی سپاوا دغن عیسیو المسيح تو .
 بواتله جق ماس لانی ، هیغگ سمفی سلام ۲۰ . امین .

باب 4

کا جاری ساتو توبوه

1 سابیت دغن کاسیه توهن تو ، اکو نی هق کا ایکت کران
 کرج کا رتی ، نق فسن فواق مو جوگ ۲ ، بری توروت جالن هق
 سوغ دغن هق توهن تنحوق ، تکه نی فشکیل مو سوروه توروت
 2 نی دولو تو ، یائیت کا رنده هاتی ، جاری اورغ هق هاتی
 لمه لمبوت ، کا صبر دغن اورغ . فس تنحوقله کات مو کاسیه
 کا اورغ هق مو کا صبر تو دالم مو اکو .
 3 کاچغ فیراله مولیق ۲ ، اف ۲ هق بری جاری ساتو هاتی . هق
 نی بولیه دروح توهن ، هق بری کیت دوق سنغ لیندغ مو اکو ،
 نی هق جاری سروف تالی مغیکت بری کیت دوق سبکس .
 4 کران توبوه اد سا ساج ، روح فون سا جوگ . فس ، هق مو
 دوق هارف ، کران توهن فشکیل مو توروت نی فون ، سا تو
 جوگ .
 رتی کیت سا ، ایمان هق کیت فرچای سا جوگ .

5 روکون مندی ، تنداد کات کیت فرچای تو فون ، سا جوگ .
 6 توهن اد سا ساج ، فس نی جاری باف کیت سموا . دیاله هق
 دوق مرینته اتس کیت سموا تو ، دوق کرج دالم کیت سموا تو ،
 فس نی دوق اد دالم کیت سموا جوگ .
 7 ولو بالس تو فون ، تافی کیت سموا نی تریما ده نعمۃ ۲ ماسبیع
 8 هق مان المسيح هدیه ، ایکوت نی بری . سروف اد ایات دالم
 کتاب کات :

تکه ری نائیک کلیق کا تمفت تیعشگی تو،
نی باواء کواس ۲ هق هاله کا نی، سوروہ توروت
بلکن ری. فس نی هدیه تورون نعمۃ ۲
کا اورغ ۲ هق جاری میلیق نی.

9 اف مقصود : ری نائیک کلیق ساء نی تو؟ مقصودن ، مولا ۲ نی
تورون کا دنیا دلو.

10 ری هق تورون تو، هق تولا دفن نی هق نائیک کلیق سود
کا لاغیت ، انتوق نق بربی سموا عالم نی کنا مفاکو کات ،
تاءار تمفت مان ۲ هق کواس ری تاء سمنفرن .

11 ریاله هق هدیه نعمۃ ۲ کا کیت ماسیع ۲ . اد هق نی سوروہ
باواء تیته المسيح کی ، اد فول هق نی بربی مپمفی فرمان توهن .
فس اد جوگ هق ری بربی بولیه باواء خبر یعن بائیک کا اورغ انتوق
سلامت . اد جوگ هق ری بربی جاگ فوقاً المسيح ، فس هق
بولیه مفاجر فوقاً تو کاتیق .

12 توجوان ری ، نق چارغ بربی سموا اورغ هق جاری میلیق توهن
بولیه کرج کا نی ، انتوق بربی کھور کمس توبوہ المسيح یاًیت
کلوارگ توهن .

13 بالس نیله کیت سموا فاکت ماری جانی سہانتی دالم هق کیت
فرچایی ؛ سکالی دفن هق کیت تاھو حال انق توهن تو ، سہیعگ
کیت هق جانی توبوہ المسيح نی ، نق چوکوف ماسق ، اورغ
هق سمنفرن ، سروف المسيح سندیری سمنفرن ده .

14 کالو بالس تو ، کیت تاء جانی سروف بونق ۲ کچیک هق دوق
هاپوت کوئ تو کوئ نی ، ایکوت فثا جران هق ری رفر ، هق
اورغ فندي منیفو ماری اجر ، نق بربی ری سست لفن جان
تیفو رای تو .

15 تافی تاء کا بالس تو . کیت کا دوق فکن کجت کا هق بنر ،

رعن هاتي کاسيه کا اورغ. بالس توله کيت نق جاري کھور ۲
 چوکوف ماسق هيٺگ سمرن ده، سروف المسيح کفلا کيت تو.
 ۱۶
 ی هق جاري کفلا تو، دیاله هق بري سموا اٺکوت توبوه دوق
 لکت رافت مولیق. فس سندی هق سکاتم ۲ فول، ماری ٿیٺکوف
 جاري ساتو توبوه. بالس نیله، بیلا اٺکوت ماسیغ ۲ بوات کرج
 ی تو رعن مولیق، سموا توبوه بولیه کھور ۲ کاگه رعن کران
 کاسيه.

طبعية هق بارو

کران اکو باو^۱ تیته ربی، اکو فسن جوگ ۲ نق بري امران
 کا فوق مو، جاغن توروت فول جالن هق بُغسا مو هق تاءکل
 ۱۷
 توہن، بیاس توروت. جالن تو تاء ترفائی.
 اورغ هق توروت جالن تو، هاتي دی گلف ده. دی تاءار
 ۱۸
 سکیان دالم هیدوف هق توہن بري، سبب دی جاهیل، کرس
 کیغ. فراسان مالو هابیس ده. دی سره دیری دی، کی بوات
 ۱۹
 ایکوت هق مان نفسو دی سوروہ، دوق فیسه چاری جالن نق
 بوات سموا فرکارا هق تاء سوغ فاتوت بوات.
 تنتو هق فوق مو بلاجر انتوق نق کتل المسيح، بوکن کو^۲
 ۲۰
 جالن تو. مو دغرا ده تنتخ دی بوکن؟ فس کران مو دوق
 ۲۱
 سهاتي رعن دی، مو بلاجر ده هق بنر، هق کیت بولیه
 نمفو دعیسو بلاک.
 سابیت توله مو کنا ٿیٺکل طبعية مو هق سدیا، هق مو

بیاس توروت دولو. توروت جالن تو، نفسو^۳ مو تیفو مو کات
 ۲۲
 مولیق، تافي سسوغکوہن بري مو توجو نق فونه.
 هاتي مو رعن فیکران مو، مولیقله بري بارو، سالین هابیس بلاک.
 ۲۳
 ۲۴
 مو کنا امبیق فاکی طبعية هق بارو، هق توہن بري جاري
 سروف طبعية دی سندیری. طبعية مو هق بارو تو، نق بري

پات کا اورغ دفن توروت هق بتول، فس نغن دوق سوچی
انتوق توهن۔

کیچیفن هق توهن برکتن

- 25 جاغن بوهوج لاکیلہ! مولیق کنف ۲ اورغ دالم فواق کیت
کیچیق بتول مو اکو، کران کیت سموا جانی اگکوت بلاک دالم
توبوہ المسيح۔
- 26 کالو مو موریہ کا اورغ، هق اد موریہ دالم هاتی مو لاکی تو،
جاغنله بربی جاری دوسا۔ مو تاء کنا لق سمنی ایسوق،
تاکوت هیبلیس ماری نق امیق تمفت!
- 27 اورغ هق بیاس کریت بارغ اورغ، تنتو کنا برادو هق فیشین
کریت تو۔ مولیق بی کی چاری نفقہ هق حلال انتوق دیری
سنديري، فس انتوق نق بولیه تولوغ اورغ مسکین جوگ۔
- 28 دالم کیچیفن مو فول، جاغنله توبیت هق فدیہ ۲۔ تافی فاکیلہ
فرکتائے هق اد فائیدہ بولیه بوات تولوغ اورغ، تمبه سماقت بی
بربی قواة لاکی۔ بالس تو، مو نق جانی جان هق توهن بولیه
توروں رحمة بی کا اورغ هق دوق دغر تو۔
- 29 جاغنله بربی روح سوچی دوق سدیہ هاتی، کران مو تاء^۳ سیر
بوات بالس تو۔ سبب توهن بربی روح بی تو، جانی تندا
دالم هاتی کات، مو جانی میلیق بی، بولیه جامین کات،
هاری کوء دافن توهن نق بربی مو سلامت دفن سمنفرن۔
- 30 بواغنله سموا هق بربی هاتی مو فاهیت، دوق یارا سعمور تو،
هق بربی مو کلوار جانی موریہ، هق بربی مو کیچیق درس جانی
یاله، هق بربی مو مغوفت کا اورغ، اتوا فون مان ۲ هق توبیت
دالم فراسائی بنچی۔
- 31 نق مولیق لاکی، امیق فاکیلہ بوبی بھاس دالم فواق مو نغن
کسیاغ بلس مو اکو۔ توهن امفون ده دوسا ۲ مو نغن سایبت

المسيح . سروف تو جوگ ، فوق مو فون کا معاف مو اکو.

جاکاله هق مان مو دغر

باب 5

فوق مو جاني انق ۲ توهن هق نی کاسيه سوغنکوه .
سابيت توله ، موليق مو تيرو چنتوه نی . تنجوقله کاسيه
مو اکو دالم فوق مو ، بري سمنفي ستارا کاسيه هق المسيح
تنجوق کا کيت . ايغتله ، نی کاسيه هيٺک سمنفي نی سره ده
پاوا نی انتوق کيت . هق تو ، قريان هق توهن تريماده کات
موليق . کالو بندیغ ، بوليه کات سروف کمپن هق امام باکر نق
سمبه کا توهن ، هق اسف نی سمنفي کا توهن .

3 توهن فيليه فوق مو جاني ميليق نی ده . سابيت توله ، تاء
سوغ فاتوت مو دوق دغر فون ، تکه اورغ کيچيق چارا حال اورغ
بوات چافوغ ، هق مان اورغ بوات تاء سيف کليه ، اتوا فون
هق مان بري نق ۲ کا هق جاني ميليق اورغ .

4 تاء سوغ فاتوت جوگ مو سنديري فاكی کيچيفن چافوغ ، کاروت ،
اتوا کيچيق کيلا مولوت . دق ! هق موليقي ، اوچف تريماده کاسيه
کا توهن .

5 مو کا ايغت کات ، اورغ هق بوات چافوغ ، هق بوات تاء سيف
کليه ، اتوا دوق ايغين نق ۲ کا هق جاني ميليق اورغ ، فوق تو
تاء د سئوغ هابوق بوليه تريماده تمفت دوق باوه فرينته توهن
دغن المسيح . کران هق ايغين نق ۲ تو ، جاني سروف بوات
بارغ گنتي برهلا ، هق اورغ سمبه گنتي توهن .

6 جاغنله فوق مو بري اورغ ماري تيفو مو ، دغن فاكی کيچيفن
همفا . اورغ مان ۲ هق تبيع بوات فرکارا ۲ هق اکو سبوت
سآ نی تو ، تنتو توهن نق تيمفا موک اتس نی .

7 سبب توله جاغن فوق مو دوق چمفور کاټول دغن اورغ لاکو تو .

مو ماسوق ده دالم چره

- فواق مو سندیوی دلو، بیاس دوق دالم گلک سروف اورغ ۲
سائی تو. تافی لانی مو دوق دالم چره ده، سبب مو دوق
سنهاتی سپاوا دغن ربی. اف ۲ هق مو بوات، بربی نمقله
کات مو ماسوق ده دالم چره. ۸
- کران چهیا هق سولوه توله، بربی کیت بولیه توبیت حاصلن
بسنر، یاءیت هق مان بائیک، هق مان جوجور، دغن هق مان
سوغکوه. ۹
- فس چوب کاچن بلاجرله هق مان بربی ربی برکن. ۱۰
جاغن مو ماسوق چمفور دغن فرکارا ۲ تاء ترفانکی، هق ماری دالم
گلک تو. دوق، مولیق لاکی مو سولوه بربی نمقله کات، ستارا
مان گلک فرکارا ۲ تو. ۱۱
- کران نق سبوت فون مالو، فرکارا ۲ هق اورغ بوات دغن سولیت
تو. تافی بیلا سموا تو دوق لغکه دالم چره ده، باروله
بولیه نمقله فراغی هق دی بوات تو دغن سبنر. کران اف ۲
هق دوق دالم چره، چرف ده، تاء لیه دوق لیندوغ لاکی. ۱۲
- سابیت تو اد ایات هق کات: ۱۳
- باغونله فواق مو هق دوق تیدور!
- بغکیتله مو هق دوق سروف اورغ ماتی! ۱۴
- فس المسيح نق سولوه چهیا اتس مو بربی چره.
- فیقسست بائیک ۲ له بالس مان مو دوق هیدوف. مو کنا هیدوف
سروف اورغ هق بیحقق فندي، جاغن بوات سروف اورغ هق
تاء فندي کامق. ۱۵
- جاغن بربی روکی ساج فلواح هق توهن بربی کف مو، کران
ماس لانی، باپق هق جاهت. ۱۶
- سابیت توله، جاغن مو بودوه، تافی چاری بربی ارتی هق مان ۱۷

توهن سوروه مو بوات.

بری دیری مو فنه دغنا روح توهن

جاغن ماکن هیغگ سمفی مابوق ایر جابیت ماسم، نق
بری دیری مو فونه ساج. لبیه مولیق لاکی، تریما بری دیری مو
فنه دغنا روح توهن سعمور.

بالس تو، تکه فواق مو ماری برهیمfon رامی ۲، مولیقله فاکت
بردیکیر ایات ۲ دالم کتاب پاپی لاکو ۲ نق فوجی کا ربی
دغنا سبولت ۲ هاتی.

اوچف تریما کاسیهله سعمور کا توهن باف، سموا فرکلرا اف ۲
هق جانی تو، اتس نام ربی کیت، عیسیٰ المیح.

عادۃ اورغ لاکی بینی

فواق مو سموا دوق حرمة کا المیح. سا بیت تو، تندوقله
مو اکو دالم فواق مو.

اورغ هق جانی بینی، تندوق حرمته کا توء لاکی مو سروف
مو تندوق حرمة کا ربی.

کران اورغ هق جانی توء لاکی جانی کفلاء اتس بینی ری سروف
المیح جانی کفلاء اتس کلوارگ توهن. کلوارگ توهن تو
سروف توبو، هق المیح سندیری جانی کفلاء. فس دیاله
بری سلامت کا کلوارگ توهن تو.

بالس مان کلوارگ توهن دوق تندوق حرمة کا ربی، بالس تو
جوگ اورغ هق جانی بینی کنا تندوق حرمة کا توء لاکی ری،
اتس سموا فرکلرا.

فس اورغ هق جانی لاکی فول، کاسیهله کا بینی مو، ستارا
مان المیح تنحوق کاسیه دغنا جوغ سره پاوا انتوق کلوارگ
توهن تو.

- سابيت المسيح بوات بالس تو، دي نق بري گلوارگ توهن سوچي انتوق توهن، دغن بري گلوارگ توهن تو تريما فرکتائن توهن سکالي دغن تريما روکون مندي.
- 26 توجوان المسيح، نق بري گلوارگ توهن چوکوف سمفون ده بوليه مغهارف دي دغن تاءَاد چاچت تاءَاد چدرا، سوچي ده انتوق دي.
- 27 اورغ هق جاري لاكي فول، کا کاسيه کا بيني دي، سروف دي کاسيه کا توبوه دي سنديري. سسوغکوهن، اورغ هق کاسيه کا بيني دي، تاءَلاين فد کاسيه کا ديري دي ده.
- 28 تاءَاد سئورغ هابوق هق بنچي کا توبوه دي، سسوغکوهن، دي فيرا بلا توبوه دي تو. سروف تو جوگ المسيح فيرا بلا کيت هق جاري گلوارگ توهن.
- 29 کران کيت جاري سروف اغکوت ۲ دالم توبوه المسيح ده.
- 30 سروف اد ايات دالم كتاب کات:
- سابيت نيله، اورغ جنتن کا تيفکل ايو باف دي،
کي روق سكمفوه دغن بيني دي.
فس دوا اورغ تو نق جاري سروف ساتو اورغ.
- 31 ايات ساعي بري پات حال لاكي بيني، تافي اکو فولوس ارتی کات مقصود دي بسر لاكي، ماسوق دغن المسيح جاري ساتو دغن گلوارگ توهن تو.
- 32 تافي کا مثنا جوگ دغن فوق مو. لاكي کا کاسيه کا بيني، سروف کاسيه کا ديري دي سنديري. فس بيني فول، کا حرمة کا توءَلاكي دي.
- 33 انق ۲ دغن ايو باف

ایبو باف مو، کران مو دوق سهاتی سپاوا دغن ربی، فرکرا نی
واجب کا بوات.

دالم سفولوه حکوم تو، هق کات:

2

حرمتله کا ایبو باف مو،

هق نی حکوم هق فرتام هق توهن تمبه جاری فرجنجین.
فرجنجین ساء نی تو کات:

3

مو بوات بالس تو، مو نق ماجو، فس
تهن نق بري لنجوت عمور مو دالم دنيا.

4

تافي فوق مو هق جاري ایبو باف فول، جاغن مو دوق مغيفيق
کا انق ۲ مو سهیشگ نی ناءیک موريه. مولیق لاکی فيرا دیديق
نی کوء جالن هق سوغ دغن جالن ربی.

همب ۲ دغن توان نی

فواق مو هق جاري همب اورغ فون، کا بوات توروت هق
تون مو سوروه، بثن تاکوت کتر کتالیغ، دغن هاتی سجالن
ساج، فس بوات سموا تو سروف دوق بوات کا المسيح.

فس جاغن مو بوات مولیق تکه توان دوق اد ساج، نق بري ری
برکن کف مو، تافي بلاکن توان مو بوات هودوه، دق! مولیق
لاکی مو بوات سروف همب ۲ المسيح، هق توروت کمندق
تهن دغن سبولت ۲ هاتی.

5

بواتله کرج مو تو دغن سوک هاتی، هق سوغ فاتوت دغن
بوات کرج انتوق ربی، بوکن انتوق ماء نسي ساج.

6

کران ایفلته، ربی نق بري بالسن کا اورغ ایکوت هق مان ری
بولت بائیک، بلرلہ ری جاري همب اورغ اتوا توان فون.

7

فس فواق مو هق جاري توان اورغ کرج فول، کا بوات سروف

9

همب ۲ المسيح جوگ. تا هنله مولوت مو، جاغن دوق مغههودوه کا کولي مو تو. کران ایغتله کات، همب مو تو سروف رعن مو سنديري، سام ۲ اد توان دشرك. توان ني جاني حاکيم هق عاريل، هق تيفوق سروف سموا.

فرکاس ۲ فرغ هق توهن بري

- 10 فس هق سود هق اکو نق رویت، بربريله بري قواة ۲
ایشت کات مو دوق سهاتي سپاوا رعن ربی عيسى، فس سا بیت
تو، مو بولیه امبيق فاكی کواس بسر هق دي.
11 بوبوه فاكيله فرکاس ۲ فرغ هق توهن بري اد چوکوف گتف
انتوق بولیه براون، تکه هيبلیس ماري نق تيفو مو.
12 سبب بوکن رعن ماء نسي هق کيت دوق لاعن، تافي رعن کواس ۲
جاهت مان ۲ هق دوق مرینته دالم فرياغ گلف ني، دنیا
اتوا دتمفت اد کواس فنوه تو فون.
13 سا بیت توله، لاني فاكيله فرکاس ۲ فرغ هق توهن بري
چوکوف گتف تو، فس بيلا هاري هق جاهت سمني ماري ده، مو
نق بولیه براون سمني سود، فس نق بولیه دوق بربريله لากي،
اڳکيت بنديرا.
14 سا بیت تو، بربريله لاونله! امبيق فعاجران سبنر هق توهن
بری، بوات تالي فيچگن مو، فس فاكيله فراغي جوجور، بوات
سروف باجو بسي هق تیکم تاء ماسوق.
15 فس امبيقله خبر يغ بايک، هق کات اد جالن ماء نسي کيت
بولیه بايک رعن توهن تو، بوات جاري کاسوت هق تافق
کجت، تاء ليچين.
16 فس امبيق فاكی جوگ، هق مو دوق هارف کا توهن تو، بوات
جاني فنفيس هق مو کا تبييغ سعمور. بالس تو بولیه بري
فادم انق فانه افي هق دوق مپلا، هق هيبلیس فانه ماري

کوء مو.

17 تریماله سلامت هق توهن بري، بوات جاري توofi بسي. فس امبيق فاکي ایات ۲ هق روح توهن بري کد مو، بوات سروف قندغ.

18 فس بواتله سموا فرکلارا سانی دلن بریعا، تا کيرا فریاغ مان فون، ایکوت جالن هق روح توهن فیمفین . دلن سابیت تو مو کا جاگ دیری بري کابر، نق بولیه تبیع مینتا رعا انتوق سموا اورغ هق جاني میلیق توهن. فس انتوق اکو گاتیق ، مینتا بري اکو فلواغ کیچیق دلن برانی، انتوق بوک . بري اورغ ارتی رهسیا خبر یعن بائیک تو.

19 20 ولو اکو دوق دالم جیل لانی فون، المیح بري اکو باواه تیته دی پرمی خبر یعن بائیک تو. تولوغ مینتا، عاله انتوق اکو، بري برانی رویت خبر تو، هق سوغ کنا بوات .

فولوس کیریم سلام

21 تیکیکوس، ادیق هق اکو کاسیه سوغمکوه، هق کرج کا ربی دلن اخلاص هاتی، نق رویت کا فواق مو خبر اکو بالس مان لانی.

22 جاري سبب توله اکو سوروه دی کی کاتمفت مو، بري فواق مو بولیه تاهو خبر فواق اکو دسینی، فس انتوق نق بري سماشت کا فواق مو گاتیق .

23 اکو مینتا توهن باف دلن ربی عیسی المیح، تورون سلامت سجهترا اتس سموا ادیق برادیق بالیق مو، بري مو فکھ ایمان کهور قواة، دلن کاسیه .

24 فس مینتاله بري توهن تورون رحمة دی اتس اورغ مان ۲ هق دوق کاسیه کا ربی کیت عیسی المیح دلن کاسیه تا فوتوس.

فيلييفي

سورت کيريمن هق توهن بري فولوس
توليس کد فوق المسيح دبندر فيلييفي

باب 1

فولوس دوق تکور فوق المسيح دفيلييفي

- اکو نی فولوس ، دغن تيموتیوس ، اورغ هق جاري همب عيسى المسيح ، هنتر سورت نی کد فوق مو سموا دبندر فيلييفي سکالي دغن کتوا ۲ دان اورغ فنلوج کرج دالم فوق مو گاتيق ، هق جاري ميليق توهن سابيت مو دوق سهاتي سپاوا دغن عيسى المسيح بلاک .
- اکو مينتا توهن باف کيت دغن ربی عيسى المسيح ، تورون رحمة اتس فوق مو دغن سلامت سجهترا .

فولوس دوق ايخت کا فوق فيلييفي تو سعمور

- افبيل اکو ايخت کا اديق براديق ، اکو اوچف تريما کاسيه کا توهن کو . فس ، کنف ۲ کالی اکو دوق مينتا دعا انتوق فوق مو فون ، هاتي کو براس فنوه سوك هاتي .
- کران جق دماس مولا ۲ مو فرچاي دولو ، هيغگ سمفي کا ماس لاني ، مو فاكت تولوغ اکو ، بري سمفي خبر بايك حال عيسى المسيح کا سموا اورغ .

3

4

5

فس اکو فرچاي دغۇن تىنتو كات، سموا فركارا موليق هق توهن مولاي برى جاري دالم دىري مۇ، رى تاءً فوتوس، هيٺگ سەمفىي سەمفرن دە، فد هارى عيسىو المسيح تورون مارى فول .

موليقە اکو براس بالس تو فون، كران اکو فولوس دوق ترايەت دالم ھاتى كۆسەعمور كا فوقا مۇ، سبب، تكە اکو دوق دالم گوق، فس دولو فد تو فون، تكە اکو دوق بحس دغۇن اورغ، برى نى نەفق كات، خېرى يېڭى بايىك تو سوغىكە، فوقا مۇ دغۇن اکو سام ۲ تۈريما رحمة هق توهن سەعمور .

فس توهن تاهو اکو تاءً بوهوغ كات اکو دوق كاسىيە، فس دوق اىيەت كا فوقا مۇ سەعمور، دغۇن كاسىيە هق تورون درفدى عيسىي المسيح .

فولوس مىنتا ئىعا انتوق فوقا فيليسي تو

فس اينىلە ئىعا كو انتوق ادېق برادىق كۆسموا . اکو مىنتا توهن برى فوقا مۇ كاسىيە مو اکو كەھور قواة كەھور قواة سەعمور دغۇن ھاتى هق تاهو فركارا مان هق بىنر، فس بولىيە ارتى كەندىق توهن دالم سموا فركارا تو .

بالس تولە، مو نق جاري اورغ هق فندي فيلييە، هق مان موليق نق بوات، هق مان تاءً موليق، فس هيٺگ سەمفىي هارى هق عيسىو المسيح نق جاري حاكىم، فوقا مۇ بولىيە مەھارەف بى دغۇن ھاتى اخلاقى، تاءً ساله اف ۲۰ .

فس بالس تو جوڭ، فوقا مو نق جاري اورغ هق ھاتى فنۋە دغۇن هق بايىك، هق اصل مارى دعىسىي المسيح بلاك، انتوق برى پات كەلىئان هق توهن، فس برى سموا اورغ فوجى كا رى.

تائىلە كات روپى فولوس كىدا دوق دالم گوق

هي ادېق برادىق كۇ! اکو نق برى مۇ ارتى دغۇن چرف كات،

- فركرا هق جاري اتس اكوني، سسوغکوهن تولوغ بري خبر يع
باءيك تو كهور مشهور کي لاكي فد دلو.
13. كران، لاني، كتوا عسکر دالم کوت راج سيني، دفن باپق اورغ
لاكي، تاهو چرف ده کات، اکو کنا ايکت بالس نی سبب اکو
کرج کا المسيح، تاءاد سبب لاءين.
14. فس، سا لاكي، ساپيت اکو کنا ايکت نی، بري اريق براديق دالم
فواق المسيح دسيني، باپق اورغ دوق هارف کا ربى عيسى
كهور قواه لاكي، سهیگک دي کهور براني فد دلو، نق توبیت
کي رویت فركتاں توهن دافن اورغ، دفن تاء تاکوت کا سیاف۔
15. سسوغکوهن، دالم فواق هق براني توبیت کي برشح کات عيسى
جاري المسيح هق توهن جنجي تو، اد جوگ اورغ هق نق
ربوت فريغکت اکو فولوس، نق لاؤن دفن اکوساج. تافي اد
اورغ هق برشح دفن هاتي باءيك جوگ.
16. فواق هق هاتي باءيك نی فون برشح کران دي کاسيه کا اکو
فس، دي تاهو کات توهن بري اکو دوق دالم کوق سيني، نق
برى اورغ مفاکو کات خبر يع باءيك تو سوگکوه.
17. تافي فواق سائي تو، توجوان دي لاءين. دي برشح نق ربوت
فريغکت اکو، نق بري بوليه کا دي. دي گامق کات، دفن بوات
بالس نی، دي نق بري اکو کهور سوسه، تکه اکو دوق دالم کوق
رسيني.

فولوس براس سوک هاتي اصل نام المسيح رافت مليا

18. تافي بلره، تاءاف جوگ دي بوات بالس تو. توجوان دي
موليق اتوا تاء موليق فون، اکو بوليه براس سوک هاتي جوگ.
کالو باپق اورغ بوليه نغر شراحن چارا حال المسيح. فس اکو
نق بوليه سوک هاتي لاكي، سبب اکو تاهو کات، دفن دعا هق
فواق مو دوق مينتا سعمور تو، فس دفن تولوغن روح عيسى
- 19.

المسيح سنديري، اکو نق بوليه لفس نغن سلامت.

20 توجون هاتي کو، هق اکو هارف سوغکوه تا^ء ايشت کا فرکارا
لائين، ياءيت اکو تاء سير بوات اف هق بري ديري کو مالو
ماس رافن. تافي لاني سروف سعمور، اکو نق جاني اورغ
هاتي کوكوه، تا^ء چارا هيدوف اتوا ماتي فون، اصل نام المسيح
رافت مليا دالم توبوه کوني.

21 کران تکه اکو هيدوف، اکو هيدوف انتوق المسيح. کالو ماتي
فون، اکو نق بوليه اونتoug بسر لاکي.

22 تافي ميسيل کات تکه اکو دوق هيدوف ني، اکو بوليه بوات
لبيه باپك كرج هق اد فا^ء يده، فايه سوغکوه نق فيليه، هيدوف
رغن ماتي، هق مان موليق دوا تو.

23 کدوان دوق تاريق هاتي کو. سسوغکوهن، اکو براں نق تيفكل
دنيا ني کي دودوق رغن المسيح سعمور. هق تو موليق سکالي.
24 تافي بــکالي، جاني هق لبيه موليق انتوق فواق مو سموا، اکو
دوق هيدوف دالم دنيا ني لاکي.

25 سبب توله، اکو تنتوره نق دودوق سام فواق مو، تا^ء تيفكل
دنيا لاکي، سا بيست نق تولوغ تمبه بري مو کھور سوك هاتي،
کران مو فرچاي کھور قواه لاکي.

26 فس، بــلا اکو اد فلواع بوليه ماري زيارة فواق مو فول، اکو نق
برى مو بوليه فوجي کا المسيح کھور باپك لاکي، کران اکو ماري
تو.

أوممة المسيح کنا برديري تکف نغن ساتو هاتي

27 تافي هق مستحق سکالي، فواق مو کنا هيدوف چارا موليق،
چارا هق سوغ فاتوت انتوق اورغ هق تريما ره خبر بــ يه بــ يه
هق المسيح تو. بالس توله، اکو اد اتوا تا^ء اد فون تا^ء افله.
تافي اد ساتو فرکارا هق اکو نق دغر سعمور، کات فواق مو

دوق برديري تکف، دفن اد توجوان يع ساتو. فس، ولو اف ٢
ماري نق بوات خيانة فون، اکو نق دغر کات، مو دوق سروف
فاکي فنفيس دفن ساتو هاتي، انتوق نق جاگ خبر يع باييك
هق مو دوق فرچاي تو.

جاغن مو تاكوت سترو مو نق بوات بالس ٢ مان فون. کالو مو
دوق سروف سبوت ساءني، نق جاني تندا کا فواق سترو تو،
کات سود سکالي رې نق فونه، فواق مو نق بوليه سلامت
دفن کران توهن دوق سبله مو.

29 کران توهن سوده بري فلواڠ باييك کفڈ مو، بوکن فرچاي کا المسيح
ساج، دق، تافي کا سوسه، کنا سيقسا کران رې جوگ.

30 دفن کا سيقسا بالس نې، معنانچ مو ماسوق برلاون ده، دفن
سترو ٢ توهن، سروف اکو جوگ، هق مو بیاس تیغفوق ده دلو،
فس لاني، مو دغر کات اکو دوق برلاون بالس تو لاگي.

باب 2 أومه المسيح کا ستوجو دفن فيكيران المسيح

1 اکو نق تان اديق براديق سيكيت بري ايخت. المسيح
سوده بري هاتي مو کوكوه بوکن؟ فس، سابيت المسيح کاسيه
کفڈ مو، هاتي مواد سماقت، بوکن؟ فس، کرج روح توهن نق
برى مو بوليه دوق سهاتي مو اکو، بوکن؟ فس، دالم فواق مو
مو براں کاسيه کسياغ بلس مو اکو، بوکن؟

2 هي اديق براديق کو! بريله اکو فنوه سوک هاتي، فاكيله فركارا ٢
ني، دوقله دفن فيكيران سجالن مو اکو، دفن کاسيه سام
سنديري سوغکوه ٢، دفن دوق سهاتي، توجوان يع ساتو سعمور.
3 جاغن مو بوات اف ٢ ايخت کا ديري مو ساج، اتوا سابيت مو
نق بسر کا ديري مو. تافي مو کنا رنده کا ديري مو، بوات کا
اورغ لائين سروف کنف ٢ اورغ فريشكى رې تيغكى فد مو.
4 مو تاء سه جاگ هق موساج، مو کا بچارا کا اديق براديق مو

کاتيق !

- چارا حال ستوجوان مو اکو دالم فواق مو، مو گنف ۲ اورغ کنا
ستوجو رغن فيكيران المسيح سنديري . المسيح نبي رغن توهن
جاري هق تولا ، تافي المسيح تاء کيرا کات نی کا فکع کا
فرېشكت نی دوق سام توهن تو، دق . 5
- ری تيفگل هابيس فريشكت ری هق تيفگي تو، سره ديري ری
تورون ماري امبيق فريشكت هق هيينا ، يائيت جاري همب ، رغن
کران ری برانق جاري ماۓنسى سروف کيت . 6
- فس ، بيلا جاري ماۓنسى ده ، ری فون کھور ۲ رنده ديري ری
لاگي ، رغن طاعة کا توهن هيٺگ سمفی کا بونوه ماتي ، يائيت
کماتين يغ هيينا دکایو امفت چايغ . 7
- سابيت توله ، توهن سوده اڳکيت عيسى کا تمفت هق مها مليا ،
رغن نام تيفگي سکالي فد نام لائين . 8
- سهيٺگ سموا مخلوق هق دوق دلاغيت اتوا دبومي فون ، فس
مخلوق هق دوق باوه بومي فون سروف ، کنا ماري سجود حرمة
کا عيسى کران نام ری تيفگي کيتو لالو . 9
- فس سموان نق کا مفاکو کات عيسى المسيح جاري ربی .
بالس توله ، بري پات کمليان توهن باف . 10

انق ۲ توهن کا دوق سوچي دالم دنيا هق گلف

- سابيت توله ، هي اديق براديق کو هق اکو کاسيه ! مو کا
کاچع طاغة کا توهن سروف سعمور . بوکن تکه اکو دوق ار
سکالي رغن موساج ، دق . اکو سوروه مو طاعة کھور قواه ، کھور
قواه لاگي ، کران اکو تاء ده . مو کا تبيئه کرجاله ، رغن تاکوت ،
رغن کتر کتاليه ، انتوق نق بري ديري مو سلامت سمنرن .
کران توهن دوق بوات کرج نبي دالم هاتي مو کاتيق ، نق بري
مو کهندق نق طاعة ، فس بوليہ طاعة ، سموا هق نبي برکتن . 12
- 13

سموا فركارا هق مو دوق بوات فون مو کنا بوات دغن سوڠگوه ۲
 هاتي . مو جاغن دوق مغيفيق ، جاغن دوق برسوغوت تان ۲
 سعمور ، باروله مو نق جاري اورغ سوچي ، يالم اتوا لوار ، هق
 اورغ لائين تائليه نمفق کات ساله ، انق ۲ توهن هق سمنرن ،
 ولو مو دوق دتھه ما ؟ نسي هق هاتي بيلق ، هق درهاك کا
 توهن فون . تافي مو کنا دوق دالم فواق رې تو ، سروف
 بيتشغ ۲ دلاغيت دوق سولوه دالم تمفت گلف ، تکه مو دوق
 رویت بري چرف کا فواق ۲ تو ، خبر يې بائيك هق بوليه بري
 رې هيڊوف چارا بارو . كالو مو دودوق بالس نې فون ، بيلا
 سمنفي ده هاري هق المسيح نق ماري فول تو ، فواق مو نق
 جاري تندما ، کات کرج کو دغن اوسمها کو تو ، تاء سيا ۲ .
 17
 بشكالي رکت نق سمنفي ماس هق داره اکو ، فولوس نې ، کنا
 تومفه توبیت . فواق مو دفيليسي فون دوق سره ديري کا توهن
 جوگ ، نق بوات کرج کا رې کران مو فرچاي کا رې . فس ، كالو
 اکو دغن سره پاوا کو ، بوليه تولوغ بري سمنرن کرج مو تو ،
 اکو نق براس سوک هاتي سابیت فواق مو .
 18
 فس ، فواق مو فون ، سوڠ فاتوتله براس سوک هاتي سابیت اکو
 کاتيقي .

خبر چارا حال اديق براديق هق باليق فولوس

اکو دوق هارف کارېي عيسى کات ، تاء لام لاكى رې بري
 اکو بوليه هنتر اديق کيت تيموتیوس کي کا تمفت مو ، فس بيلا
 رې کليق ماري دسيني فول ، رې نق باوا ؟ خبر اديق براديق باليق
 مو بري اکو دغر ، بري هاتي کو کهور قواه لاكى .
 19
 تيموتیوس سئورغ ساج هق براس سروف اکو نې . اورغ لائين
 تاء ادار ، هق اميقي فدولي کا فواق مو سوڠگوه ۲ . کران سموا اورغ
 نمفقن ، دوق فادول کا کرج رې سنديري ، تاء فادول کا کرج

20
 21

- عيسو المسيح . تافي فواق مو تاهو ده ، تيموتیوس نی اورغ هق
اکو هارف سوغکوه . ری بیاس کرج دفن اکو سروف انق دغن
باف ، نق بري خبر بائيك تو مشهور کي سرات ۲ تمفت .
- سبب توله ، بیلا اکو دغر نق جاتوه بالس مان اتس اکو دسیني ،
اکو فون نق هنتر ری کي بري تاهو کا فواق مو سلالو . فس ،
اکو دوق هارف کا ربی کات ، تاء لام لاکي اکو سنديري نق بوليه
کي کا تمفت فواق مو جوگ .
- تافي لاني ، فد فيکيران اکو ، مولیقله اکو سوروه ایفاپروپیتوس کي
کا فواق مو دلو . ری سروف اديق کو هق کرج سکالي دغن اکو
لام ده ، سروف کيت کدوا جاني عسکر ، هق سام ۲ دوق فرغ
انتوق توهن . ری جاري فسوروه هق فواق مو دفيلييفي هنتر
ماري دلولو نق سوکوغ اکو دسیني .
- فس لاني ری دوق ترايغت ۲ کا فواق مو ، نق تموفول . ری براں
سرابوت فروت سوغکوه ، کران نی تاهو ده کات ، فواق مو ديق
نون سوده دغر کات ری ساکیت تروق دسیني . فد ماس تو
سوڠکوه ری دوق ساکیت تروق ، دکت نق ماتي . تافي توهن
کسياغ بلس کا ری ، فس کا اکو کاتيقي . کران توهن تاء سير
بری تمبه کسوساهن کو کھور برت لاکي .
- سابیت توله ، اکو براں کھور کادوه نق هنتر ایفاپروپیتوس کي
کا فواق مو باخت ۲ ، نق بري مو براں سنخ هاتي دغن تیغوق
مات ری فول . اکو فون نق بوليه هيلع فراسائی بيمبغ اکو
چارا حل فواق مو جوگ .
- سابیت توله اکو سوروه اديق براديق سمبوت ایفاپروپیتوس نی
دغن سوک هاتي ، هق سوغ فاتوت انتوق اورغ هق جاني ميليق
ربی عيسى . مو کا بري حرمه کا ری ، فس کا اورغ هق بوات
سرروف ری . کران تکه ری بوات کرج کا المسيح تو ، ری تاء سايغ
کا پاوا ری ، سهينگ سمني دکت نق ماتي . هق ری بوات تو

فون، سبب ني جاري واكيل فواق مو، هق مو هنتر ماري نق تولوغ اکو، فولوس ني.

فركارا هق اد هرگ مهله سکالي

باب 3

هي اديق براديق کو! فسنن کو هق سود سکالي کا فواق مو، مو کا دوق سوکهاتيله، کران مو جاري ميليق ربی عيسو ده. اکو راجين نق براولعه رويت سموا فسنن ني، کران اکو نق بري فواق مو دوق موليق.

مو کنا جاگ بائيک له، جاغن بري اورغ ماسوق دالم فواق مو نق بوت جاهت، سروف سوروه اورغ کا برسونت بارو بوليه کات سلامت. فراغي اورغ ني تاءلين فد انجيغ!

سبب کيت له هق توهن کات اد تندا برسونت سوڠکوه. کيت هق سمه کا توهن دغن کواس روح توهن دالم هاتي، هق دوق برسوک هاتي سبب کيت جاري ميليق المسيح، هق تاء کا هارف کا اتوران مانه انتوق توبوه.

کالو کا هارف کا اتوران لوار کات نق بوليه سلامت، تنتو اکو فولوس ني اد سبب نق بوليه سلامت تو، لبيه فد اورغ لائين لاگي. کران سمني عمر لافن هاري ده، اکو کنا برسونت سيف ده، تندا کات اکو دوق دالم بقسا اسرائيل. فس، اکو کتورونن درفه بنجامين، هق جاري انق چوچو سجاتي توئينيک کيت، ابراهيم. اکوني کتورونن اورغ عبراني سجاتي. کالو نق رويت حال اوکام فون، اکو جاري فريسي، فواق هق فکع اوکام قواه سکالي. فس، نق رويت حال هاتي فول، دولو اکو راجين سوڠکوه، بوت پاڭ کا فواق المسيح: فس کالو اد جالن نق بتول دفنداغن توهن دغن توروت حکوم دالم كتاب، اکوله بتول تاءساله اف.

تافي سموا فركارا ني، هق دولو اکو نمفق کات فهلا باپق،

لاني ، كالو بندیغ دغن المسيح ، هق اکو کيرا تو روکي ساج .
 فس بوکن فرکارا ۲ تو ساج ، هق اکو کира کات روکي . سموا فرکارا
 لاءين فون روکي جوگ ، كالو کتل سوڠکوه دغن عيسى المسيح
 رېي کو . جاري دیاله هق اد هرگ مهل سکالي انتوق اکو .
 سسوڠکوهن اکو بواغ بلاک ده ، سموا فرکارا لاءين تو ، کира
 کات سروف سمفه ، اصل بوليه تريما المسيح گنتي ، فس بوليه
 دوق سهاتي دغن دي . اکو تاء سير کرج کاچع توروت حکوم ۲
 دالم كتاب ، بري بوليه توهن کات اکو تاء ساله ده . لاني ،
 توهن کات اکو تاء ساله ده ، کران اکو فرچاي کا المسيح .
 توهنهله هق بري جاري تاء ساله نی کو ء جالن فرچاي تو .
 کهنڌق هاتي کولاني ، اکو نق کتل کھور ۲ موليڪ لاکي دغن
 المسيح ، اکو نق تريما کواس دتهن ، کواس هق دي تورون
 بري عيسى هيڊوف کليق تو ، فس اکو جوغ توروت کسيقسائين
 هق سروف المسيح جوگ ، ولو کتا ماتي سروف دي فون ،
 اصل اکو بوليه هيڊوف کليق سوڠکوه ۲ ، سروف دي .

فولوس دوق کاچع نق بري بوليه هديه

بوکن کات اکو بوليه ده ، کهنڌق کو نی ، دق ! بوکن کات
 اکو بوات دغن سمنفرن ده ، سموا فرکارا ، دق ! تافي ، سروف
 اکو دوق تيواس لاکي ، نق ربوت هديه تو بري جاري ميليق
 کو ، کران عيسى المسيح سوده فيليه اکو بري جاري ميليق دي .
 هي اديق براديق کو ! اکو تاء ليه کات لاکي ، لاني سموا فرکارا
 دي دوق دالم گنگم تاغن کو ، دق . تافي اکو دوق توجو کو ء
 تو سعمور ، تاء اد توجو کو ء لاءين . اکو تاء ايخت کا هق
 باليق بلاکن ، تافي اکو کاچع نق بري سمنفي کا هق اکو دوق
 توجو تو . سروف اکو دوق تيواس نق ربوت بنديرا تو ، نق
 بري بوليه هديه ، کران اين توجوان توهن دغن فعشگيل کيت

سوروه تريما ، کوء جالن فرچاي کا عيسى المسيح .

کنا توروت چنتوه هق فولوس بري ده

سابيت توله ، کيت هق چوکوف فرچاي سكت هق کيت تاهوره لاني ، موليق کيت فاكت ستوجو دعن سموا فركارا هق اکو بارو رویت سائني . کالو اديق براديق تاء ستوجو بالس تو لاکي ، ننتي توهن نق بري مو ارتی جوگ .

15 تافي کيت گتف ۲ اورغ کا بوات توروت فركارا ۲ هق کيت ارتی ده ، سمفی سكت ني .

16 یا اديق براديق کو ، تبيغله توروت چنتوه کو . اکو بري ده چنتوه بتول انتوق فوقاً موسموا . سبب توله ، اورغ مان ۲ فون هق بوات توروت چنتوه تو ، مو کنا فرهاتي تيغوق کا رې کاتيق . کران اد جوگ باپق اورغ هق توروت جالن لائين ، سروف اکو بياس رویت اچف کالي ده کا اديق براديق . فس لاني فون اکو نق رویت سکالي لاکي ، دعن براس برت هاتي کات ، فوق ۲ تو جاري سترو دعن جالن هق توهن فيليه نق بري ماۓنسۍ سلامت ، يائیت جالن المسيح کا ماتي فد کایو امفت چابع هق هيينا تو .

17 سود سکالي ، توهن نق جاتوه حکوم اتس فوق هق جاري سترو ني ، بري بناس ، سابيت ني توروت هاتي ني سنديري ، گتي توهن . فس لاکي ، هق فاتوت ني کا مالو ، ني امبيق فاكی فركارا تو نق بري ديري ني جاري مليا . فس هق مناريق هاتي ني فون ، فيكيران هق ماري دماۓنسۍ سنديري ، بوکن هق ماري دتهن .

18 تافي فوق کيت ني جاري رعيت نگري شرگ ده . فس کيت دوق ننتي جورو سلامت کيت ، ربّي عيسى المسيح ، هق نق تورون ماري دشرگ تو . بيلا دي تورون ماري ده ، دي نق براوبه توبوه

21

بدان کیت هق هینا نی، نق بري جاري هق مليا ، سروف توبوه هق دی. دی اد کواں نق بوات بالس نی ، کران سموا فرکارا هق اد ، کنا دوق باوه فرینته دی بلاک .

فسنن فولوس کا ادیق برادیق د بندر فیلیفی

باب 4

1 هي ادیق برادیق کو، هق اکو کاسیه سوغکوہ، هق اکو دوق ترایافت ۲ نق تمو سعمور، هق بري اکو فنوه سوک هاتی، هق جاري تند اکر کرج کو برجای تاء سیا ۲ ده . مو کنا برداری تکفله دالم لیغکوغن ربی عیسی .

2 فس لانی اکونق مینتا جوگ ۲ چی ؟ ایوریا دغن چی ؟ سینستینی، بري با ئیک سمولاء ، کران کدوا جاري ادیق برادیق کریستین .

3 فس ، ادیق کو هق بیاس دوق کرج رافت دغن کو سوغکوہ ، اکو نق مینتا ادیق تولوغ دوا اورغ ساء نی کاتیق . کران بی بیاس کرج سکالی دغن کیت جوگ ، سروف کلیمین دغن ادیق برادیق لائین ۲ لاکی ، سموا تو هق بیاس کرج سام اکو ، نق بري خبر بی ئیک تو برجای دیق نون . سموا اورغ نی ، نام دی تولیس ده دالم بنچی نام اورغ هق هیدوف چارا بارو .

4 هي ادیق برادیق کو ! مو کنا دوق برسوگ ۲ هاتیله سعمور ، کران مو جاري میلیق ربی عیسی ده . اکو سوروہ مو سکالی لاکی ، مو کنا دوق برسوگ هاتیله !

5 مو کنا بري سموا اورغ نمفق کات مو جاري اورغ لمد لمبوت . ایقتله ، تاء لام لاکی ربی عیسی نق تورون ماری فول .

6 مو تاء سه بیمیغ اف ۲ له هق نق جاري . تافی دالم سموا دعا مو مینتا له کا توهن اف ۲ هق مو دوق کورغ ، دغن اوچف تریما کاسیهله کا دی سعمور .

7 فس توهن نق جاگ هاتی دغن فیکیران فواق مو ، بري سنع سوغکوہ ، سنع باپق فد هق ماء نسی بولیه ارتی ، کران مو دوق

سهاطي سياوا رعن عيسى المسيح سعمور.

8 فس، هق سود سکالي ني، دغله اديق براديق کو! مو کا
تيمبله، هق مان سوغکوه، هق مان سوغ فاتوت نق حرمة،
هق مان عاديل، هق مان سوچي، هق مان بري اورغ کات بايك
هق مان بري اورغ نق كونجوغ، سموا فرکارا هق موليق سکالي،
هق اورغ سموا نق فوجي، بري فيكيران مو توجو کوء توله!
9 فس اف ۲ هق اکو بياس دوق اجر، اف ۲ هق مو بياس تريما
ده درد کو، فرکارا مان مو نغر اتوا تيغوق اکو بوات تو، مو
کا بوات توروتلہ بلاک. فس، توهن هق بري هاتي کيت سنع
سوگکوه، دیاله نق دودوق سام مو سعمور.

فولوس اوچف تريما کاسيه کا فوق فيليفي

10 لاني ربی عيسى بري اکو سوك هاتي سوغکوه، کران لام ده،
اديق براديق باليق مو تاءار فلواح نق تولوغ اکو، تافي لاني
بوبي مو بارو کمبع سمولا. بوکن کات اديق براديق تاءايخت کا
اكو، نق. تافي تکه دولو تو، مو تاءار فلواح نق تنحوق بوني مو
کا اکو.

11 اکو تاءسيير کات اکو دوق کورغ فد ماس تو، نق! جاتوه بالس ۲
مان فون کا اکو، اکو سوده اجر ديري کو، بوليه دودوق رعن
فواس هاتي سمات. کالو کورغ فون اکو بوليه دودوق. لبيه
فون، اکو بوليه دودوق جوگ. جاني بالس ۲ مان فون، تاءافله، اد تاءار فون
تاچوکوف نق ماکن، اتوا ماکن کيغ فون، تاءافله، اد تاءار فون
سروف تولا.

13 کران اد ساتو رهسيا هق اکو سوده اجر ديري کو. ياءيت اکو
بوليه هارف سموا فرکارا ني، تاءار سکارا هق اکو تاءاليه بوات
سابيت اکو دوق سهاطي سياوا رعن المسيح، سبب دیاله هق
برى کواس کف اکو.

- 14 سوڠکوه فون اکو اجر ديري بالس نی، تافي هق فوق مو دوق
تولوغ اکو دالم کسوساهن اکو نی موليق سوڠکوه.
- 15 فوق مو دفيليسي فون تاهو ده کات، فد ماس دولو، بيلا اکو
مولوا ۲ کرج مېمېي خبر يې بايک کا فوق مو ديق نون، فس،
تېغکل نکري ماکدونيا تو، تادهار فوق المسيح دمان ۲ فون
ملينکن فوق مو ساج، هق کيرا کات اکو نی کنا فاكی رویت،
فس فوق موله هق فاكت تولوغ بري کا اکو.
- 16 فس، تکه اکو دوق برھنتي دبندر تيسالونيكا لايکي، مو هنتر
رویت ماري دوا تېگ کالي جوگ، نق سارا اکو رسیتو.
- 17 بوکن کات اکو دوق ننتي نق تريما هديه مو تو، دق. کهندق
هاتي کو، نق بري فوق مو کهور ۲ تريما حاصلن درف دوهن،
جاری بالسن سموا بوني مو. فس هديه ۲ هق فوق مو
کيريم ماري کا اکو رغن ايغافرو ديتوس تو فان سكت تو، چوکوف
ده. اکو تاء کورغ اف ۲، اد لبيه. هديه تو، ميسيل سروف دغن
اسف کمپن، هق نائيك سمفي کا توهن، اتوا سروف دغن قريان
هق توهن برکن.
- 18 فس، توهن کو، ستارا مان لبيه کليان دي هق تورون کا کيت
کوء جالن عيسى المسيح، ستارا تو جوگ دي نق بري چوکوف کا
فوق مو، اف ۲ هق مو دوق کورغ.
- 19 فوجيله کليان توهن باف کيت، بوات سلام ۲ ، امين.
- 20 اکو کيريم کاسيه کا اديق براديق گنف ۲ اورغ، هق جاري
ميلىق المسيح باليق مو. اديق براديق هق دوق سکالي رغن اکو
رسيني فون، کيريم کاسيه کا فوق مو جوگ. فس سموا هق جاري
ميلىق المسيح باليق اکوني، سمفي کا اديق براديق هق دوق دالم
کوت مهاراج روم فون، کيريم سلام کا فوق مو بلاک.
- 21 اکو مينتا بري رحمة ربی عيسى المسيح دوق دالم هاتي فوق مو
سموا!

کولوسی

سورت کیرین هق توهن بري فولوس
تولیس کف دفاق المیح د بندر کولوسی

فولوس دوق تکور دفاق المیح د کولوسی

باب 1

1-2 اکو نی فولوس، هق توهن لتق سوروه باوا^۱ تیته عیسوی
المیح، دفن ادیق کو تیموتیوس، اکو کدوا نی کیریم کاسیه کا
ادیق برادیق کیت د بندر کولوسی، هق جانی میلیق توهن، هق
فرچای سوگکوه کا عیسوی المیح. اکو مینتا^۲ توهن باف کیت
تورون رحمة دی اتس دفاق مو دغن سلامت سجهترا.

فولوس دوق اوچف تریما کاسیه کا توهن

3 افبیل کیت بریعا انتوق دفاق مو، کیت اوچف تریما کاسیه
کا توهن، یاءیت باف عیسوی المیح ربی کیت.

4 کران کیت رغرا ده کات، دفاق مو دوق فرچای کهور قواه کا عیسی
المیح، فس دوق کاسیه سعمور کا سموا اورغ هق جاری میلیق
دی. سسوگکوهن، مو دوق بوات بالس نی، کران مو دوق هارف
نق بولیه فرکارا^۳ هق توهن چادرغ تاروه انتوق دفاق مو دشرگ.
5 مو دغرا ده حال فرکارا^۴ نی دالم خبر بیغ بائیک، فرکتائن هق
بنر تو، هق توهن بري سمنی کا دفاق مو ده. خبر بیغ بائیک تو

6

جاری سروف بولیه حاصلن هق مولیق دالم هاتی ما نسی سرات
دنیا. فس اورغ هق فرچای جانی کھور باپق، کھور باپق سعمور.
فواق مو فون جاری سروف تو جوگ، جق دماس مو دغر خبر یغ
باءیک تو، فس فهم سوگکوه ۲ دالم هاتی کات توهن دوق تورون
رحمہ ری اتس فواق مو.

فرکارا نی مو مولا ۲ مٹاجی دایفافراس، اورغ هق کیت کاسیه تو،
هق کرج کا عیسیو المسيح سکالی دغن کیت. ری دوق تولوغ کیت
کی بوات کرج المسيح، دغن سوگکوه ۲ هاتی. فس دیااله هق ماری
رویت بري تاهو کا کیت، کات فواق مو دیق نون کاسیه کا سموا
ادیق برادیق هق جاری میلیق توهن، دغن کواس روح توهن
دالم هاتی مو.

دعا فولوسن انتوق فواق کولوسي تو

جق هاری ایفافراس رویت بري کیت دغر خبر چارا حال فواق
مو، کیت فون مینتا دعا دغن توهن تاء فوتوس ۲، نق بري هاتی
مو ارتی، فس بولیه بوات سموا فرکارا هق توهن سوروه تو، دغن
کواس روح توهن.

بالس توله مو بولیه توروت جالن هق سوگ دغن اورغ هق جاری
میلیق ربی عیسی، نق بري توهن برکن کا فواق مو سعمور.
کالو مو توروت جالن نی، مو نق توبیت حاصلن هق مولیق،
سموا فرکارا، فس مو نق ارتی حال توهن کھور باپق، کھور باپق
لاکی.

فس، کیت دعا دغن توهن یغ مهاکواس، نق بري فواق مو کواس
چوکوف بولیه برییری تکف، فس دوق صبر دغن سوک هاتی، دالم
بala کسوساهن اف ۲ فون، دغن اوچف تریما کاسیه کا توهن باف
کیت کاتیق، کران دی سوده بري مو فاتوت نق تریما سکیان
فساک هق توهن چادغ تاروه دتمفت چره تو، انتوق اورغ هق

جاردي ميليق رى .

کوء انق يع ساتو، کيت بوليه سلامت ده

- کران توهن سوده بري کيت لفس بوليه سلامت ده ، درفده 13
کواس شيطان هق گلف تو ، فس سوده الیه کيت بري ماسوق
دوق باوه فرينته انق رى هق رى کاسيه سوغکوه تو .
- رعن کران انق رى ماتي توله کيت بوليه لفس ده ، معناش توهن
سوده امفون ده ، سموا دوسا ۲ کيت . 14
- کيت تا^ءلیه نمفق توهن ، تافي رى بري نمفق روف رى کوء انق
يع ساتو . دیالله هق فريغکت تيڭي کي فد سموا مخلوق توهن . 15
سبب دیالله هق بري جاري سموا مخلوق نى . سموا فركارا دلاغيت
اتوا دبومي فون ، سموا هق مات بوليه نمفق ، اتوا تا^ءلیه نمفق
فون ، رى بري جاري بلاک . تا^ءکيرا کات کواس هق قواه سکالي ، 16
اتوا هق كورغ قواه ، سموا نى جاري رعن کواس انق يع ساتو
هق توهن ، فس سموا مخلوق توفون ، سود سکالي کا حرمة کا
انق يع ساتو تو بلاک .
- کران دولو فد سموا مخلوق اد ، انق يع ساتو هق توهن اد ده ،
فس دیالله هق لتق سموا فركارا نى بري دوق دتمفت رى ماسېغ . 17
فس سروف اورغ هق کفلا دوق ميرينته توبوه رى سنديري ، سروف
تو جوگ ، انق يع ساتونى جاري کفلا اتس سموا هق جاري کلوارگ
توهن . رى بري هيڊوف چارا بارو کا فوق تو ، سبب دیالله هق
ماتي فس هيڊوف كليق هق مولا ۲ سکالي . سبب نيله ، انق يع
ساتو اد فريغکت تيڭي سکالي اتس سموا سکل مخلوق تو . 18
- جاري کهنىق توهن باف کيت ، نق بري سموا صيفه ۲ هق رى
دوق دالم توبوه انق يع ساتو هق رى رعن چوكوف سمنفرن . 19
توجوان توهن ، نق بري سموا مخلوق تو ، هق اد رلاغيت اتوا
دبومي فون ، برهوبوغ جاري با^ءيك رعن رى سمولـا . سموا نـ

بوليه کلیق دوق دالم سناغن تو، دفن کران انق بیغ ساتو ریلا
تومفه راره نی ماتی اتس کایو امفت چایغ تو.

فواق کولوسي تو فون بوليه سلامت بالس تو جوگ

فواق مو دکولوسي فون جاري بالس تو جوگ. تکه دولو، فواق
مو جاري سترو دغن توهن. فيکيران مو جاهت، فربواتن فون
جاهت جوگ. تافي لاني، توهن باف کیت بري فواق مو برھوبوغ
جاري بايک سمولار دغن نی، کران عيسى المسيح سنديري ماتی
دکایو امفت چایغ تو. توجون توهن، نق بري فواق مو جاري
اورغ سوچي انتوق نی، اورغ هق تاءاد ساپیت اف ۲ هق بوليه
حکوم کات ساله، بیلا سمنی ماس المسيح باواه فواق مو کی
مشهارف توهن تو.

تنتو المسيح نق باواه فواق مو کی مشهارف توهن ، بالس نی ،
کالو مو تاء فوتوس فرچاي کاری. مو کنا دوق برديري تکف
اتس هرافن مو ، دغن تاء برگویخ ده. هرافن توهن مو سوده
رغر ، فد ماس خبر بیغ بايک سمنی ده کا فواق مو دولو. خبر
بیغ بايک نی ، اورغ کی رویت ده سرات دنیا . اکو فولوس نی
فون اد کرج سروف تو جوگ.

فولوس براس سوک هاتی نق کا سیقسما انتوق فواق تو

لاني اکو دوق براس سوک هاتی تکه ۲ اکو دوق کا سیقسما
انتوق فواق مو. کران اکو ارتی ده کات ، دغن سیقسما توبوه
اکو نی ، اکو تولوغ بري چوکوف سموا کسیقسماں هق مستی
کا جاري کا کلوارگ توهن. کلوارگ نی فون سروف توبوه المسيح
سنديري ده.

توهنله هق لتق اکو سوروه بوات کرج انتق نق تولوغ
کلوارگ توهن سموا ، سکالي دغن فواق مو جوگ ، یائیت کرج

21

22

23

24

25

روييت خبر درف دوهن چوکوف سموا .

جق ماس دولو ۲ لاكى، توهن اد رهسيا، هق دى تاءٌ سير برى
ماٌنسى ارتى لاكى. تافي لاني دى برى پات ده كا سموا اورغ
هق جاري ميليق دى، كات، رهسيا هق دى تاروه دولو تو،
جاري فركارا هق مستحق سوغكوه انتوق ماٌنسى سموا بقسا
ردنىا، يائىت المسيح تورون ماري نق دوق سكالى دفن اورغ
كىف ۲ بقسا، نق برى دى تو اد هق بوليه هارف كوء دافن
يائىت نق بوليه سكىيان كمليان هق توهن.

فس كيت دوق روبيت حال المسيح نى كا سموا ماٌنسى. كيت
برى امران كا اورغ. كيت مثاجر كىف ۲ اورغ، برى دى تاهو
چوکوف سموا. توجوان كيت، نق برى دى بوليه ماري مغهارف
تهن دفن سمنفرن كوء دافن، كران دى دوق سهاتى سپاوا
دفن المسيح.

اكو فولوس نى فون، كرج توبىت رين هابيس ۲ چىكى ده، نق
سممنفرن توجوان اكوى، دفن برگتۇغ سمات ۲ فد كواش
المسيح، هق دى تورون كا اكوا انتوق بوات كرج كوى.

باب 2 توجوان فولوس انتوق اومة المسيح سموا

اكو روبيت بالس نى، نق برى اديق برايدىق كوتاهو كات،
كرج برت ستارا مان هق اكوبوات انتوق فوق مو دكولوسي.
فس انتوق فوق المسيح دىندر لاءٌ ودىكيا كاتيق، دفن اورغ
لائين ۲ دالم فوق مو هق تاءٌ كذل دفن اكوا لاكى.

توجوان كو، نق تولوغ برى هاتى اديق برايدىق سموا كهور كمس
لاكى، دفن سبب مو دوق برهوبوغ رحيم سام سندىري. فس
اكو نق برى مو جاري اورغ كاي علمو، دفن سبب مو ارتى دفن
تنتو، رهسيا هق توهن برى پات، يائىت المسيح سندىري.
كران المسيح نيله جانى سروف دفن انق كونچى هق بوليه

بوک بري پات سموا گکيائن توهن، يائيت بيجقسانان دغۇن علمو
هق رى.

اكو روپىت بالس نى، سبب اكوتا سير بري سياف ۲ ماري تيفو
فواق مو، دغۇن فغا جران هق مناريق هاتى بري گامقى ۲ كات
بىتول. كران اكودوق اىيغۇت كا فواق مو سعمور. سوغۇكوه فون
توبوه كو دوق جاۋە، تافى فراسان هاتى كو دوق سکالىي دغۇن
مو سعمور. فس اكوتا سوك هاتى جوڭ، كران اكوتا ھورە
فواق مو سموا فاكت دوق تىگە فرچايى كا المسيح تو.

كىت كىا برگىتۇغ فد عيسى المسيح ساج

سابىت مو سوردە ترىيما دە عيسى المسيح، كات رى رىتى
مو، لانىي مو كىا دوق توروت جىحق لىڭكە رى جوڭ. كاللو مىسل،
مو كىا توبوه اكىر دالم المسيح، فس تومبۇھ ناڭيك دالم رى
جوڭ. فس، هق مو فرچايى فد رى، مو كىا بري كەھور ۲ قواة
سعمور، اىكوت فغا جران هق مو ترىيما دە. فس، اوچفلە رىبۈان
ترىيما كاسىيە كەد توهن سعمور.

جاڭن مو كا تيفو دغا جران هق لائين

جاڭ مولىقى ۲ لە! جاڭن بري ھالە كا اورۇغ هق ماري نق ترکم
امېيىق فواق مو، فس تيفو مو دغۇن فركتائىن هق مانىسى ۲، سوروھ
مو توروت فيكىران رى سندىرىي هق چىرىدىق تو، تافى سسوغۇكوهن
سيا ۲ ساج. فيكىران رى تو ماري درىد ما ئىسى ساج، درىد
كواس هق جاھت دالم دنیا. تىنلىك اصلۇن بوکن هق المسيح، نق!
سبب دالم توبوه المسيحىلە سموا صىفة ۲ هق توهن، دوق ار
دغۇن سەمنىرن.

فس مو هق دوق سەھاتى سپاوا دغۇن المسيح نىلە، بولىيە ھيدوق
دغۇن سەمنىرن كران المسيح دوق فرينتە دە، اتنى سموا كواس،

4

5

6

7

8

9

10

رالم دنيا اتوا دلاغيت فون .

11 فس ، سبب مو دوق سهاتي سباوا دغن المسيح ده ، مو سوده تريما تندا دي رالم ديري مو ، هق بوليه بندیغ دغن تندا برسونت اورغ يهوري . تافي تندا هق المسيح ني تاسروف لغون تندا هق ماءنسى بوات سنديري تو . تندا المسيح ني ، معناش طبيعة جاهت رالم هاتي بواغ ده .

روكون مندي تو جاري تندا انتوق مو

12 فس ، روكون مندي بفتیزما هق مو تريما ده تو ، جاري تندا انتوق مو جوگ ، معناش ، جاني سروف مو توروت جالن هق المسيح سنديري ، ياءيت مو کنا تام رالم قبور سکالي دغن دي ، فس مو هيدو夫 کلیق ده سکالي دغن دي جوگ . مو جاري بالس تو کران مو برگنتوغ فد کواس توهن دغن هاتي فرجای ، ياءيت کواس هق توهن فاگی بري عيسى هيدو夫 کلیق درف قبور تو .

13 تکه دولو ، فوق مو دوق سروف دغن اورغ هق ماتي ده ، تاء کابر چارا حال توهن ، دوق توروت هوانفسو بوات دوسا سعمور . مو جاني اورغ بخسا لائين ، هف توهن تاء تورون حکوم ۲ دي کا فوق مو . تافي لاني ، توهن سوده تولوغ بري مو بوليه هيدو夫 چارا بارو سکالي دغن المسيح . توهن سوده امfon ده سموا دوسا ۲ کيت .

14 دي هافوس بري تربطل سورت حکومن کسلاهن کيت ، دغن امبیق کي فاكو رکایو امفتش چابع ، تکه عيسى ماتي تو .

15 دغن بوات بالس تو ، المسيح بري هابیس بیسا کواس ۲ هیبلیس هق مات تائيه نمفق تو . کواس ۲ تو فون هاله کا المسيح ، سروف اورغ فرغ هق هاله ده ، کنا بلارق توروت بلاکغ هق منغ تو .

کيت لفس ده درفه اتوران هق لوار تو

- سبب توله مو تاء کنا رغرا کا اورغ هق حکوم کات موساله
اتوران یي، کران بارغ هق مو ماکن مینوم، اتوا کران مو تاء
فاکي هاري راي، هاري بولن بارو، اتوا هاري ميڠکو، هق یي
دوق فاكى سعمور.
- کران سنموا اتوران تو جاري چنتوه هق بري اورغ تاهو کات، اد
هق سجاتي نق ماري کديان. فس هق سجاتي تو ماري ده،
ياءيت المسيح سنديري.
- مو تاء کنا رغرا کا اورغ هق کات موساله، هق کاچع سوروه مو
مغمهينا کا ديري مو سنديري، اتوا سعبه بوات عمل کا ملا'يکه'
مان ۲ فون. اورغ تو سوك رویت رغن هالوسي فرکارا فليق، هق
ري کات توهن بري یي نمفق ده، تافي سوغکوه اورغ یي تاء
اف نق بري بسر کا ديري یي بالس یي. کران هق یي رویت
تو، یي توروت طبيعة جاهت دالم هاتي یي.
- یي نق دوق سوكو رغن المسيح هق جاني کفلاتو. فس کفلا
نيله هق بچارا کا سموا توبوه یي. توجوان المسيح، نق بري
هاتي کيت کهور قواه، کهور قواه فرچاي. فس، یي نق بري
کيت دوق سهاتي سام سنديري جوگ. اينيله کهندق توهن
انتوق کيت. ميسيل سروف اورت ۲ دالم توبوه بدان کيت دوق
بريم سام سنديري، نق بري گاکه سموا توبوه.
- ایغتله اديق براديق! مو سوده توروت جالن المسيح ده، سروف
مو ماتي سکالي رغن یي. معنان، لاني مو تاء کنا دوق دالم
کواس مان ۲ فون، ملينکن دالم کواس توهن. با اف مو نق
دوق سروف هق دولو لاکي؟ با اف مو نق توروت اتوران ۲ هق
لارغ کات: جاغن مو فکع هق تو. جاغن مو ماکن هق یي. فس
جاغن مو جامه موگ تو، موگ یي!

22 عاردة ۲ تو ليسوس، نق فونه ساج. تکه دوق فاکی فون، ری هنچور هیلخ ده. فس هق لارغ تو، اصلن درف دیکیران ماءُنسی ساج، هق سوگ مثاجر.

23 سوگکوه فون دغن فرکارا ۲ نی، نصف سروف اورغ دوق توروت علمو هق دالم، دغن فقس دیری ری بري قواه برعمل دغن مشهینا کا دیری ری، فس دغن بوات تروق کا توبوه بدان ری. تافي فرکارا ۲ سموا نی تاءُاد کواس نق تاهن هوا نفسو دالم هاتی ماءُنسی کیت.

مو بولیه هیدوف دغن کواس المیسیح ساج

1 ایغتله ادیق برادیق کو! دغن توروت جالن المیسیح جاري سروف مو هیدوف کلیق ده، سکالی دغن ری. ساپیت توله مو کنا توروت جیحق لغکه ری، دغن هارف کوء تمفت توهن یائیت تمفت المیسیح دوق فرینته دغن کواس فنوه، دنبله کان توهن .

2 مو کا فرهاتی تیغوق کا فرکارا هق مولیق، هق بالیق تمفت توهن تو. مو تاءُ کنا فرهاتی تیغوق کا فرکارا ۲ بالیق دنیا. کران لانی مو سروف اورغ هق ماتی ده، فوتوس هابیس دغن فرکارا بالیق دنیا. هیدوف چارا بارو هق فوقاً مو فون دوق سام المیسیح. مو دوق دالم لیغکوغن توهن، کران مو دوق سههاتی دغن المیسیح، هق دوق سههاتی دغن توهن فول.

3 فس، بیلا المیسیح هق بري کیت هیدوف تو، نق تورون ماری رافن مات سموا ماءُنسی فول، فوقاً مو فون نق ماری سکالی دغن ری، انتوق بري پات کات، مو اد سکیان دغن کمليان هق ری.

هیدوف چارا بارو دغن هیدوف توروت نفسو ۲ مو

5 ساپیت توله، ادیق برادیق کو، مو کا تیغکل نفسو جاهت

مو، سروف مو بونوه يي، ياءٌ يت نفسو هق سوگ بوات جاهت جنتن بتينا، نفسو هق سوگ توروت سموا فركارا هق چمر، نفسو هق بري مو گيلا نق هق تو، نق هق يي، نفسو هق سوگ بوات جاهت سمات ۲، فس نفسو طمع، كران سسوغکوهن اورغ طمع بردوسا سروف اورغ هق سمهه برهالا.

6 فس، نهن كران سموا فركارا يي توهن نق مرک، تنتو يي نق جاتوه حکوم اتس اورغ هق تاءٌ سير طاعمه کا يي.
7 اديق براديق سنديري فون بياس جاني بالس تو جوگ، بوکن، تکه مو روق باوه فريته هوا نفسو مو دللو؟

8 تافي لاني اديق براديق کنا بواح سموا نفسو يي، بري توبيت دالم هاتي، تاءٌ کира کات نفسو هق بري مو موريه کا اورغ فس هق بري مو فانس مپالا هق مان ۲ فون، نفسو هق بري مو بنچي نق بوات جاهت کا اورغ. فس فرکتائن مغوفت کا اورغ،
رغن کيچيق چافوغ فون، جاغن بري توبيت دمولوت جوگ.

9 جاغن مو کيچيق بوهوج سام سنديري، كران مو سوره بواح ده طبيعة مو هق سديا، هق بري مو بوات سموا فركارا جاهت تو.
10 لاني مو روق فاكی طبيعة هق بارو، هق موليق ده. فس، طبيعة هق بارو يي، المسيح کهور ۲ بري جاري سروف فراغي هق يي سنديري. توجوان توهن، نق بري فوق مو بوليه کتل يي رغن سمنفرن.

11 ماٌ نسي هق جاري فراغي بارو بالس يي، تاءٌ اد مستحق يي بحسا يهوري اتوا بفسا لاءين ۲، يي تريما ده تندا برسونه اتوا تاءٌ تريما، بلرله. يي جاني اورغ لوار هق تاياتهه عادة کيت، اتوا اورغ هوتن فون، همب اورغ اتوا توکيه فون، بلرله، سموا فركارا يي تاءٌ مستحق انتوق اورغ هق فراغي بارو بالس تو. هق مستحق سکالي انتوق يي ياءٌ يت المسيح، هق روق دالم سموا فوق يي.

فولوس بري نصيحة انتوق سموا اورغ هق فراغي بارو

- مو جاري اورغ هق توهن کاسيه، هق بى سوده فيليه جاري ميليق بى. سا بييت توله، مو کا امبيق فاكى فراغي هق موليقي يائيت کسياغ بلس کا اورغ، بوات بوي بھاس کا اورغ، مو کا مرنده ديري، هاتي لمه لمبوبت، کا صبر ديري مو. ١٢
- مو کا ايشت سام سنديري، فس كالو اد اورغ هق بوات ساله کد مو، مو فون کا معاف کا بى، سروف توهن سوده امفون کد مو. فس هق مستحق سکالي، کا کاسيه مو اکو. فراغي کاسيه نې فون، مو کا امبيق فاكى بري كجت سموا فركارا هق موليقي سائني تو. ١٣
- سنخ هاتي هق عيسى المسيح بري ده کا فواق مو، مو کا بى جاري سروف اورغ تغه دالم هاتي مو سعمور. اينيله جالن هق توهن فيليه، نق بري فواق مو دوق سهاتي مو اکو، کران مو جاري سروف ساتو توبوه. فس موليقله مو دوق اوچف تريما کاسيه کا توهن سعمور. ١٤
- بريله فركتائ المسيح کهور ۲ توبيت حاصلن بى دالم هاتيمو، هيچگ سمنفي مو کاي دغن علمو سوغىوه. مو کا مغاجر بري نصيحة گاتيق، مو اکو دالم فواق مو، ايکوت علمو هق توهن بري کد مو. فس، مو پاپيله دغن سوغىوه ۲ هاتي، فوجين کا توهن، ديكير ۲ دفن لاکو ۲ هق روح توهن بري کا هاتي مو. فس پاپي دغن اوچف تريما کاسيه کا توهن دالم هاتي مو سعمور ۲. ١٥
- اف ۲ هق مو دوق بوات، هق مو دوق رويت فون، بوات دغن ايشت کات، مو باوا تيته ربى عيسى. فس اوچف تريما کاسيه کا توهن باف گاتيق، دفن نام المسيح تو. ١٦

جالن کيت کا برسغکوت فاءوت سام سنديري

- 18 هي فواق مو هق جاري بيني ! مو کما طاعته کا توء لاكی
مو . فاتوت اورغ کريستين کنا بوات بالس تو .
- 19 فس اورغ هق جاري لاكی فول ، مو کما پاسيهله کا بيني ، تاءليه
بيغكينغ دفن دي .
- 20 فواق مو هق جاري انق فون کنا توروت سموا فرينته اييو باف
مو ، کران توهن برکن کا اومنه دي بوات بالس ني .
- 21 تافي مو هق جاري اييو باف فول ، جاغن مو دوق کيلا مغيفيق
سعمور ، سهيڠگ انق جاري بيغوغ تاءدان نق توروت .
- 22 فواق مو هق جاري همب اورغ فون ، مو کما بوات توروت سموا
فرکارا هق توان سوروه . فس جاغن مو بوات موليق رافن مات
تowan مو ساج ، نق بري دي برکن کفڈ مو ، تافي بلاڪن مات دي
مو بوات هودوه . مو کما کرج سوغکوه ۲ کران تاکوت کا توهن
هق دوق اد سعمور .
- 23 کرج مان ۲ هق مو دوق بوات فون ، مو کما بوات دفن اخلاص
هاتي مو ، هق سوغ فاتوت دفن بوات کرج انتوق توهن ، بوکن
انتوق ما ئنسى ساج . کران مو تاهوده ، توهن نق بري کفڈ
مو ، فساڭ هق دي چارغ تاروه انتوق مو . سوغکوه مو کرج
انتوق ربىي کيت المسيح . دياله هق جاري توان مو ، بوکن
ما ئنسى تو .
- 24 فس ، سياف دي بوات ساله ، توان اتوا همب فون ، توهن
نق حکوم کا دي سروف سموا ، فس نق بالس دفن سوغ فاتوت
ستارا مان دي بوات تو .
- باب 4 1 فس فواق مو هق جاري توان اورغ کرج ، مو کما بوات موليق دفن
عاريل کا اورغ کرج تو . ايغتلہ ، مو سنديري فون جاري همب

جوگ . توان مو دوق دشرا .

فسنن فولوس چارا حال بردعا

مو کنا تبیغ مینتا دعا سعمور ، جاغن بري لالي . فس ،
تکه مو دوق بردعا تو ، مو کنا اوچق تریما کاسیه کا توهن ،
فس ، مینتا له انتوق کیت گاتیق . مینتا توهن بوگ جالن ،
بری کیت بولیه کی رویت خبر هق ماري درف دتهن ، یا'یت خبر
چارا حال المسيح ، هق مولا توهن تاروه ، تافی لاني بی بوگ
ده . کران سابیت توله ، اکو کنا کوروغ دالم گوق .

بردعا له مینتا توهن بري اکو بولیه رویت خبر نی دغن ترووس
ترغ ، کرج هق مستی اکو کنا بوات .

مو کنا ایغت بري مولیق ، اف ۲ مو نق بوات کیچیق کا اورغ
هق تاء فرچای سروف مو تو . جاغن مو بري روکی ساج ، فلواغ
هق توهن بري کف دمو .

جاکاله کیچیفن مو تو ، بري اد فاءیده کا اورغ هق دغره ، فس ،
مو نق تاهو جواب سوئان اورغ مان ۲ فون بري بتول .

سائین ۲ فولوس کیریم کاسیه کا اورغ فوق فواد کولوسی

تیکیکوس ، ادیق کو هق اکو کاسیه تو ، نق باوا خبر
فواد اکو دسینی ، کا فوق مو . دی دوق تولوغ کیت سموا
دغن سوغمکوه ۲ هاتی ، فس دی بوات کرج ربی عیسی سکالی
دغن اکو جوگ . اکو هنتر دی کی کا تمفت فوق مو ، نق بري
دی رویت سموا کجادین کیت بالیق کو ، فس نق تمبه سماخت
فواد مو گاتیق .

فس ، هق کی سکالی دغن دی تو ، اکو سوروه اونیسیموس ، هق
دوچ بالیق مو دولو تو . اونیسیموس نی ادیق کیت هق سموا
اورغ کاسیه ، فس کیت بولیه هارف کا دی سوغمکوه . دی کدوا

تو بوليه رويت کا اديق براديق باليق مو، سموا فرکارا هق جاري باليق کوني.

اریسترکوس، هق دوق کوروغ دالم کوق سکالي رغنا اکو رسیني فون، کيريم سلام کا اديق براديق کاتيق. مرقوس فون، سفوفو رغنا برنابس، کيريم کاسيه کا فواق مو جوگ. چارا حال مرقوس ني، مو تريما ده فسنن اکو کات، مو کنا سمبوت دي بري موليق ۲، بيلا دي سمني کا نکري مو تو.

فس عيسى هق اورغ فشكيل جوستوس، دي فون کيريم سلام کاتيق. دالم فواق اورغ یہبوني سموا هق جاري فواق المسيح تيگ اورغ ني ساج، هق کرج سکالي رغنا اکو، نق بري اورغ رات ۲ تمفت ماسوق توروت فرينته توهن. فس تيگ اورغ ني بيلاس تولوغ اکو سوغکوه ۲.

ایفاپروس، همب عيسى المسيح سورغ لاكى، هق جاري سفواق رغنا مو رولو تو، دي کيريم سلام جوگ. دي دوق بربعا سوغکوه ۲ سعمور، انتوق فواق مو، مينتا توھن بري فواق مو برديري تکف، جاني اورغ هق فرجاي رغنا سمنرن، هق يقين نق طاعة سموا فرکارا هق توھن کھندق انتوق مو.

اکو فولوس ني، بوليه جاني سقسي کات، سوغکوه ایفاپروس سانني راجين کرج انتوق فواق مو، فس انتوق فواق دبندر لاوديکيا کاتيق، رغنا فواق دبندر هيرافوليس کاتيق.

بومور لوقس هق کيت کاسيه تو، رغنا دېيس، کيريم سلام جوگ. فس اکو فولوس فون، نق سوروه فواق مو باوا سلام کو گي سمني کا فواق اديق براديق دبندر لاوديکيا، فس کقد فواق المسيح هق کي فراچوم درومه نومفس کاتيق.

بيلا مو سوده باج سورت ني، بري سموا اورغ دغر ده، مو کنا هنتر بري سمني کا فواق المسيح هق دوق دبندر لاوديکيا

فول، فس، سورت هق دلا، وديكيا تو، امبيق ماري باج دافن
 فواق مو دکولوسي جوگ . 17

فس، تولوغ کي رويت کا ارخيغوس کاتيق، کات: فولوس سوروه
 مو بوات بري سوره موليق ۲، کرج هق مو دوق تخکوغ انتوق
 ربی عيسى تو . 18

اپات هق سور نې، اکو فولوس توليس دغن تاغن کو سنديري،
 نق کيريم سلام کا ادیق براديق سموا . فس تکه مو دوق مينتا،
 رعا، جاغن ترلوف کا اکو، هق دوق دالم گوق نې .
 اکو مينتا، توهن تورون رحمة رې اتس فواق مو سموا .

١ تیسالونیکا

سورت کیرینع يع فرتام هق توهن بري فولوس
تولیس کف فواق المسيح دبندر تیسالونیکا

فولوس دوق تکور فواق المسيح دتیسالونیکا

باب 1

اكو فولوس، صیلس رعن تیموتیوس، هنتر سورت نی کف
سموا فواق المسيح دبندر تیسالونیکا، هق دوق سهاتي
سپاوا رعن توهن باف، فس رعن ربی عیسیی المسيح.
اكو مینتا توھن چوچور رحمة ری اتس فواق مو، رعن
سلامت سجهترا.

فولوس اوچف تریما کاسیه کا توهن کران فواق تو

تکه فواق اکو دوق بردا اکو سبوب نام فواق مو تا^۶ فوتوس
رعن اوچف تریما کاسیه کا توهن کران فوق مو.
سابیت گفت^۲ کالی اکو مفهانف توهن باف نق بردا، اکو
ترایغت کا ایمان فواق مو، هق بري مو بولیه اوسلها هاری^۲،
فس کاسیه مو هق بري فواق مو راجین بوات کرج کا توهن،
فس لاکی، هرافن مو کا ربی کیت عیسیی المسيح، هق بري
هاتی مو صبر رعن تکوه.

هي ادیق برادیق کو! فواق اکو تاهوره کات توهن کاسیه
سوغکوه کا فواق مو، فس ری فیلیه فواق مو جانی میلیق ری.

1

2

3

4

5

کران بیلا فواق اکو باواءِ خبر بائیک کا فواق مو دلو، مو تریما
خبر تو، بوکن کات فواق اکو ماری کیچیق ۲ ساج. تافی شراحن
کو تو اد کواس کوء روح توهن، فس اکو فرچای فنوه کات خبر
تو هق سجاتی. تکه تو، مو بولیه فرهاتی بالس مان اکو دوق
کی. ماری دالم فواق مو، نق بربی جانی چنتوه، بوکن؟

6

فس مو توروت چنتوه اکو تو، فس توروت چنتوه ربّی عیسی
جوگ. سوگوہ فون تکه تو فواق مو کنا سیقسسا ساغت، تافی
مو تریما جوگ خبر هق فواق اکو باواءِ تو، دغن سوک هاتی هق
ماری دروح توهن.

7

سابیت توله، مو بولیه جانی چنتوه فول، کا سموا اورغ هق
فرچای کا توهن، دنگری ماکدونیا دغن نگری اخیا هق بفسا مو.
کران خبر بائیک چارا حال ربّی عیسی، هق فواق مو باواءِ توبیت
دنگری ماکدونیا دغن نگری اخیا تو، بوکن سکت تو ساج، نق.
تافی خبر کات فواق مو فرچای کا توهن کی سمعی سرات.
سابیت تو، فواق اکو تاءً اد ده هق کا رویت لائکی.

8

سموا اورغ دوق کیچیق ۲ چارا حال فواق مو سمبوت فواق اکو
تکه اکو مولا ۲ کی کاتمفت مو تو. فس، بالس مان فواق مو
تیشکل برهالا ۲ فالیع سمبه کا توهن هق سبتر، هق دوق
هیدوف سلام ۲. فس، اورغ دوق کیچیق ۲ چارا حال فواق مو
دوق ننتی نق سمبوت عیسی، انق بیغ ساتو هق توهن، عیسی
هق ماتی ده، فس توهن بربی هیدوف کلیق فول. بی هق نق
تورون ماری دشک بربی کیت سلامت درف د مرک توهن، فد هاری
قیامدة.

10

کرج فولوس د بندر تیسالونیکا دلو

باب 2

1

هي اديق براديق کو! فواق مو تاهو ده کات هق فواق اکو
کی زیاره فواق مو تو، بوکن فری ۲ ساج، نق. فس مو تاهو

جوگ بالس مان فواق اکو کنا پان، کنا هینا، دبندر فیلیفی، بلوم
فڈ اکو سمنی کا فواق مو دتیسالونیکا. تافی توهن زی کو برى
فواق اکو برانی ماری رویت خبریغ بائیک کا فواق مو جوگ، ولو
ار باپق هق لاؤن فون.

2

هق فواق اکو کی رویت خبر بائیک تو، بوکن توبیت دالسن
کسلاهن، اتوا دفرکارا هق چافوغ، اتوا فون سابیت فواق اکو
نق کیلیق تیفو اورغ، دق.

3

توهنهله هق کرت سین کات فواق اکو سوغ بولیه باواه خبر دی
تو. فس نکه اکو دوق رویت، بوکن اکو نق برى ما نسی برکن،
دق! تافی اکو بوات انتوق توهن، هق بولیه تلیتی تیغوق
سمنی کا ایسی هاتی کو.

4

فواق مو تاهو رغن تروس ترغ، فس توهن فون بولیه جاري
سقسوی جوگ، کات تکه فواق اکو ماری کا تمفت مو، اکو تاء بیاس
فاکی کیچیفن مانیس دلوار، اتوا فون کیچیق لیده برچایغ سروف
اورغ نق تودوغ هاتی طمع دی هق نق ۲ کا بارغ. فواق اکو
تاء بیاس چاری فوجین دسیاف ۲ فون، رغن فواق مو اتوا اورغ
لائین ۲ جوگ.

5

سوغکوہ فون، کران فواق اکو باواه تیته المیح، اکو بولیه نق
امبیق اف ۲ درف دفواق مو، تافی دق. تکه فواق اکو دوق رغن
فواق مو، اکو دوق بوات فراغی لمه لمبوت، سروف مق داکف
انق ۲ دی، امبیق فدولی.

6

فواق اکو کاسیه کا فواق مو باپق سوغکوہ. سابیت تو اکو
سیمفن ده نق برى کا فواق مو، بوکن خبریغ بائیک تو ساج،
تافی پاوا کو سکالی فون، کران کاسیه بدمعه تو.

7

ھی ادیق برادیق کو! موتیغوق ده، بوکن، بالس مان فواق
اکو کرج سمنی لته، تکه فواق اکو دوق رویت خبر بائیک هق
ماری درف دوهن تو. اکو کرج سیاغ مالم، تاء سیر برى فواق

8

9

- مو کا برت. فوق مو جاني سقسي اتس کرج ۲ فوق اکو سکالي
دغن توهن جوگ، کات فراغي فوق اکو دغن فوق مو هق
فرچاي کا توهن تو، سوغ دغن اورغ هق بوات کرج توهن
دغن اخلاص هاتي، تا^۹ ساله اف ۲.
- 10 فواق مو تاهو ده کات اکو بوات کا فوق مو گنف ۲ اورغ سروف
فق دغن انق ۲ دي، کران اکو نصيحة کا فوق مو بري تاهو
هق مان با^{۱۰} يك، بري مو قواه سماعث، فس بياس مينتا^{۱۱} فوق
مو جوگ ۲، بري بوليه هيڊ وف سوغ دغن هق توهن برگن.
کران دياله هق فغکيل مو گي روق باوه فرينته دي، بوليه
اميق سکيان دالم کمليان دي.
- 11 جاني بالس مان اتس اورغ هق مولا^{۱۲} فرچاي دتیسالونیکا
- 12 فس سابيت هق لاءين جوگ، اکو روق اوچف تريما کاسيه
کا توهن سعمور. کران، بيلا فوق اکو با^{۱۳} خبر با^{۱۴} يك هق
توهن کا فوق مو، با^{۱۵} نغر، مو تريما سلالو، کات بوکن خبر
هق ما^{۱۶} نسي، تافي هق توهن. فس سوغکوه جاني هق توهن،
کران توهنه هق روق کرج دالم هاتي فوق مو هق فرچاي.
هي اديق براديق کو! فركارا^{۱۷} هق جاني اتس فوق مو رسني
سرروف هق جاني ده رولو، اتس فوق ۲ المسيح هق جاني
ميلاق توهن دنگري يهوديه. کران فوق مو کا پا^{۱۸} دا اورغ ۲
بغسا مو سنديري، سروف دي جوگ.
- 13 اورغ بحسا يهودي توله هق بونوه ربّي عيسى.نبي لاءين ۲ فون
دي بونوه سروف تو جوگ، فس دي همبت فوق اکو توبيت
کاتيق. دفنداعن توهن، دي جاهت سوغکوه، فس دي بري
سموا ما^{۱۹} نسي جاني سترو دغن دي.
- 14 کران دي نق سكت فوق اکو، تاءسپير بري رویت خبر بعث با^{۲۰} يك
کا اورغ ۲ بحسا لاءين هق تا^{۲۱} کل توهن لانگي، انتوق نق

بری فواق تو سلامت. سروف نی نق بری دوسا ۲ دی کهور ۲
فنوه منیتیر. تافي سود سکالی توهن مرک ده اتس نی.

فولوس نق کی زیاره فواق تیسالونیکا فول

17 تافي باليق اکونی، هی ادیق برادیق، بیلا اکو مچه لغن
فواق مو سمنتارا تو، بولیه کات مچه توبوه بدان ساج ، تافي
فراسائن هاتی کو دوق سکالی لغن مو سعمور. اکو دوق ریندو
ایشت کا فواق مو، نق برتننگ مات سمولا .

18 فس فواق اکو دوق اوسمها چاری جالن نق تمولغن فواق مو
سکالی لاکی. اکو سندیری دوق کاچع نق ماری کاتمفت مو، دوا
تیگ کالی ده، تافي هیبلیس گفگو تاء بری ماری.

19 سیاف نی هق فواق اکو بولیه هارف ، هق بری سوک هاتی؟
جاری فواق موله! اکو بسر هاتی بولیه باوا^۱ فواق مو مفهادف
ربی عیسی، تکه ری نق ماری تو، جاری تندا کات ، کرج کو
برجای ده . کران ، سابیت فواق موله اکو نق بولیه فوجین
دری توهن . فس فواق مو جوگ هق بری اکو سوک هاتی .

باب ۳ فولوس سوروه تیموتیوس کی کا تیسالونیکا گنتی نی

2-1 سابیت تو، بیلا فواق اکو تاء رغز خبر فواق مو لام ده ، اکو
براس تاء لیه اود، فس تو کرت سین کات، مولیق اکو فولوس
تیفکل سئورغ دبندر اتینا ، فس نق هنتر ادیق کیت تیموتیوس
کی کا تمفت مو. تیموتیوس دوق کرج کا توهن سروف اکو، رویت
خبر بائیک حال المسيح تو، فس توجوان نی کی تو، نق تمبه
ایمان فواق مو بری قواه لاکی ، تاء سیر بری سیاف دالم فواق مو
لمه سماحت، بیلا تمولغن کسیقسائی . کران فواق مو تاهو بوکن،
کات تکه کیت دوق تروروت کهندق توهن ، گف ۲ ارغ کنا
تریما کسیقسائی سروف تو.

تکه اکو دوق دغන فواق مو تو، اکو رویت بلوم فد جانی لاگی،
کات، تنتو کیت نق تمو دغن سیقسا، فس لانی مو تاهو کات
جانی ره.

5 جانی ساپیت نیله اکو کا هنتر تیمومتیوس کی کا تمفت مو، نق
تاهو بالس مان دغن ایمان فواق مو. اکو نق اود تاءُلیه، کنا
تاهو، سبب تاکوت هیبلیس ماری تیفو مو، سهیفگ فونه
هابیس کرج کو!

تیمومتیوس باواءُ خبر هق مولیق کلیق کا فولوس

6 تافی لانی تیمومتیوس کلیق ماری ره درف دمفت مو، فس،
ری باواءُ خبر هق مولیق چارا حال ایمان دغن کاسیه فواق مو.
ری رویت فریحال مو، کات مو دوق ایشت کا اکو تاءُ فوتوس،
براس نق تیغوق مات کو سمولا. سروف اکو فون نق تیغوق
مات فواق مو جوگ.

7 بیلا اکو رغز خبر ادیق برادیق بالس تو، ولو اکو دوق دالم
سیقسا سغسارا فون، تافی هاتی کو اد سماقت فول، کران
ایعن فواق مو.

8 اکو براس لکا، سروف اورغ دکت نق ماتی، هق تریما هیدوف
کلیق سمولا، کران فواق مو دوق کجف، سههاتی سپاوا دغن
ری عیسی.

9 سسوغکوهن، تکه اکو دوق مغهارف توهن کیت، اکو اوچف
تریما کاسیه تاءُ دان نق هابیس، کران فواق مو بري اکو سوک
هاتی سوغکوه.

10 سیاغ مالم، اکو مینتا جوگ دغن توهن، بري اکو بولیه تمو
دغن فواق مو موک سام موک، انتوق نق بري چوکوف اف ۲ هق
کوئغ دالم ایمان مو. بریله باف سندیری هق جاري توهن کیت،
دغن عیسی المسيح، ری کیت، سیمفون جالن انتوق فواق

اکو نی، بولیه تمودغن فواق مو سمولا.

12 فس اکو مینتا، نغن ربی بري فواق مو کاسیه مو اکو فس کا سموا
ماهنسی کاتیق، بري کاسیه کھور ۲ باپق، هیفگ سمفی ملیمفه،
سروف اکو کاسیه کا فواق مو جوگ.

13 نغن جان کاسیه نی، ربی نق بري قواه هاتی فواق مو، بري
مو سوچی تاء ساله اف ۲ دفنداغن توهن باف کیت، تکه ربی
عیسی تورون ماری، سکالی نغن سموا هق جانی میلیق دی.

هیدوف هق بري توهن برکن

باب 4

1 هي ادیق بزادیق کو، سمفی ده ماس هق اکو نق فسن
سیکیت کا فواق مو! نغن نام ربی عیسی، اکو هینتا، جوگ ۲ نغن
فواق مو نق تاریق هاتی مو، بري توروت جان هیدوف هق
اکو مولا ۲ اجر تو، انتوق بري توهن برکن. سروف مو توروت
لانی، باء یک مو تبیغ توروت لاکی.

2 کران مو تاء لوف فسنن هق اکو تو، هق ماری نغن کواس
ربی عیسی کا فواق مو.

3 کھندق توهن انتوق فواق مو بالس نی. دی نق بري مو دوق
سوچی انتوق دی، تاء لیه چمفور کاء ول نغن هق چمر دامس.
4 توهن نق بري اورغ جنتن دالم فواق مو گنف ۲ اورغ، بولیه
تاھو بالس مان بربینی کو، جان سوچی، سام ۲ حرمه.

5 بوکن سروف اورغ ۲ جاهیل هق تاء کل توهن. دی امیق
بینی بوات ایکوت نفسو دی.

6 دالم حال نی، جاغنله سیاف ۲ دالم فواق المسبح بوات ساله
کا ادیق بزادیق دی، اتوا فون تیفو دای نق بري بولیه کھندق
دی سندیری. کران، سروف فواق اکو رویت دولو کا فواق مو
کات، ربی نق جاتوه حکوم کا اورغ هق بوات بالس تو. کران
7 توجوان توهن فشکیل کیت نی، سوروه کیت توروت جان سوچی

بوکن توروت جالن معصية . سا بیت تو ، کالو سیاف تولق فغا جران نی ، بوکن ری تولق ماء نسی ، تافي سروف ری تولق توهن جوگ ، هق بري روح سوچی ری کا سموا فوق مو .

بری کاسیه مو اکو تو کهور ۲ لبیه لاکی

تا فی ، چارا حال تن جوق کاسیه مو اکو دالم فوق ادیق برادیق کریستین ، اکو تاء کنا تولیس بری نصیحة ، کران توهن سندیری ، اجر مو ده ، سوروه کاسیه مو اکو . فس سو غکوه مو دوق کاسیه ده دغن سموا ادیق برادیق سرات نکری ما کدونیا . تافي اکو نق فسن مو جوگ ۲ ، سوروه ادیق برادیق بری کاسیه تو کهور ۲ لبیه لاکی .

کاچع او سهاله بری بولیه دوق دغن تنغ ، جاغن چمفور تاغن حال اورغ لاءین ، تافي چاري رزقی دغن او سها ریغ مو سندیری سروف اکو سوروه مو دولو . دغن جالن نیله ، فوق مو نق بولیه سن جوغ د اورغ ۲ لوار ، فس تاء کنا تو مفع ریغ اورغ لاکی ، سوءال ماکن .

چارا حال ربی عیسی نق ماری سمولہ

هي ادیق برادیق کو ! اکو تاء سیر بری مو تاء کابر هق سبیر چارا حال اورغ هق ماتی ده . اکو نق بری فوق مو جاغن سدیه هاتی سروف اورغ ۲ هق تاء در هرافن . کران کیت فرچای کات ، لفس عیسی ماتی ، دی بذکیت هیدوف کلیق فول . سروف تو جوگ ، کیت یقین کات ، اورغ ۲ هق ماتی دغن فرچای کا عیسی ، توهن نق باوا ماری سکالی دغن عیسی ، کو رافن تو .

کران هق اکو بری تاهو کا فوق مو نی ، یائیت فغا جران ربی عیسی سندیری هق کات ، فد هاری عیسی نق ماری تو ، کیت

8

9

10

11

12

13

14

15

هق دوق هیدوف لاکی تاء لیه کی بذکیت دولو فد اورغ هق
ماتی ده ، نق !

ننتی سروني سفکلا هق توهن نق بوپی . با بوپی تو ، نق اد
سوارا ملا ئیکه هق فریغکت تیغکی ، دوق فشکیل دغۇن سوارا درس .

فس ، ربى عیسى سندیرى نق تورون مارى دشىگ . فس ، اورغ ۲
هق ماتی دغۇن فرچای کا عیسى تو ، نق بذکیت هیدوف دولو .

باروله کیت هق دوق هیدوف لاکی فد ماس تو ، نق کا اغلىت
نا ئیک سکالىي دغۇن بىي ، کی فرهىيمفون اتس اون ، انتوق نق تمو
دغۇن ربى دسيتو . بالس تو ، کیت بولىيە دوق سکالىي دغۇن ربى ،
بوات سلام ۲ .

سابیت توله ، مو کا فاكی فغا جران کو نی ، تولوغ برى سماشت
مو اکو دالم فواق مو .

باب 5 کا سیمفنه ننتی نق سمبوت ربى عیسى

2-1 هي اديق براديق کو ! چارا حال ماس دغۇن فرياغ فركارا ۲
ني نق جانى ، اکو تاء کا توليس کا فواق مو ، كران فواق مو
سندیرى تاھو دغۇن جلس كات ، هارى ربى مارى تو ، نق سمفې
سروف فنچوري مارى تىھە مالم .

3 تىھە ۲ اورغ دوق کات : تاء اف ، سىنچ ده کیت لاني ! تكە تو جوك
تىبيا ۲ سموا نق فونه هابىس ، نق لارى تاء لیه ده . كالو بندىغ ،
سروف اورغ بىتىنا ، تىبيا ۳ سمفې فرياغ ساکىت نق برانق .

4 تافى مو ، اديق براديق کو ، تاء سروف اورغ هق دوق دالم گل夫 .
سابیت تو ، مو تاء کا تركجوت بىلا هارى تو سمفې ، سروف
فنچوري تو ماسوق !

5 فواق مو سموا دوق سبلە چەرە ده ، سروف سياڭ هارى . کیت
تاء دوق ده سبلە مالم ، سروف دالم گل夫 .

6 سابیت توله ، جاغن کیت توروت چىنتوھ اورغ لائين ، هق دوق

رالیب سروف اورغ تیدور جندراء . تافي کيت کا جاري اورغ هق ترتیب ترنسیع بولیه جاگ دیری .

7 فیکیرله ! اورغ هق تیدور تو سبله مالمله دی تیدور . فس اورغ هق ما بوق فول ، سبله مالمله دی ما بوق .

تافي کيت نی ، هق دوق سبله چره ده ، کا دوق ترتیب ترنسیع . مولیق کيت امبیق فرچای دغن کاسیه ، سروف باجو بسی فاکی بوات لیندوج دادا . فس ، امبیق هرافن سلامت تو ، بوات توفي بسی تودوغ کفلا .

9 کران توجوان توهن فیلیه کيت ، بوکن انتوق مرک تافي انتوق سلامت کوئ ری کيت ، عیسو المسیح .

10 دی ماتی انتوق کيت ، نق بري کيت سموا سکالی بولیه هیدوف سروف دی ، تائکیرا کات کيت ماتی ده ، اتوا دوق هیدوف لاکی فد هاری دی ماری تو :

11 سابیت تو ، بري هاتی قواتله مو اکو دالم فواق مو ، فس تولوغ بري ایمان ۲ کھور ۲ منمبه لاکی ، سروف مو دوق بوات ده لانی .

فسنن فولوس هق سور

12 هي ادیق برادیق کو ! اکو فسن جوگ ۲ کا فواق مو ، فدولی له کا اورغ هق کرج اجر مو ، هق ربی لتق جاري کتو ۲ انتوق دیدیق فواق مو .

13 کاسیهله کا دی ، دغن حرمة سوگکوہ ۲ ، کران کرج دی تو . دوق بري باء یقله سام سندیری جوگ .

14 فس ، اکو فسن لاکی کا فواق مو کات ، تولوغ فرایخت کا اورغ هق مالس ، بري سماگتلہ کا اورغ هق هاتی لمه ، تولوغ جوگ کا اورغ هق تاءار کواس ، فس بري هاتی مو سندیری بولیه صبر دغن سموا اورغ .

15 جاغن بالس کا اورغ هق بوات جاهت کف مو . تافي نیات نق

- بوات بايک مو اکو ، فس رغن اورغ لائين کاتيق .
دوق سوک هاتيله سعمور .
بردعاله جاغن فوتوس . 16
رالم اف ۲ هق جاري کفڈ مو ، اوچف تريما کاسيھله کا توھن .
کران فركارا نيله هق جاري کهندق توھن انتوق فوق مو هق
دوق سهاتي سپاوا رغن عيسى المسيح . 17
جاغنله بري فادم افي روح توھن هق اد ده رالم هاتي .
جاغنله جبيه کا فرمان توھن هق ي توروں کا اورغ بري پيمفي
کا فوق مو . 18
تاني تيمبلغله جوگ ، سموا هق اورغ سبوت تو ، فس فکع
کجتله کا هق مان بايک . 19
تافي بري جاء وهله ديري مو فد اف ۲ هق جاهت .
اکو مينتا توھن سنديري ، هق بري سلامت سجهترا کا کيت ،
бри فوق مو سموا سوچي انتوق ي . فس مينتا توھن فيرا
سموا ، توبوه ، هاتي رغن روح مو ، بري تا چاچت تا چدرا
تا ادار ساله اف ۲ ، فد هاري ربی عيسى المسيح نق ماري فول .
توھن دوق فشكيل فوق مو ، سوروه توروت ي . تنتو سکالي ،
مو بوليه هارف کا دي ، فس ي نق بري سلسی سموا هق
ي توجو نق بوات انتوق مو تو . 20
هي اديق براديق کو ! کاچع بردعاله انتوق فوق اکو کاتيق .
کيريم کاسيه کا سموا اديق براديق باليق مو ، رغن کوچوف
مو اکو سروف اديق براديق سجاتي . 21
اکو فسن کا فوق مو اتس نام ربی عيسى ، سوروه باچ سورت
ي کا سموا اديق براديق باليق مو . 22
مينتا بري رحمة ربی کيت ، عيسى المسيح توروں دوق سکالي
رغن فوق مو . 23

٢ تیسالونیکا

سورت کیرینن يغ کدوا هق توهن بري فولوس
تولیس کد فواق المسيح د بندر تیسالونیکا

فولوس دوق تکور فواق المسيح د تیسالونیکا

باب 1

اکو فولوس ، سیلیس دغنا تیموتیوس ، هنتر سورت نی کند
سموا فواق المسيح د بندر تیسالونیکا ، هق دوق سهاتی
سپاوا دغنا توهن باف کیت ، فس دغنا ربی عیسیی المسيح .
اکو مینتا توھن باف دغنا ربی عیسیی المسيح چوچور
رحمة ری اتس فواق مو ، دغنا سلامت سجهترا .

ربی نق ماری کرت سین دغنا عادیل

هي اديق براديق کو ! فواق اکو کا اوجف تریما کاسیه کا توهن
سعمور کران فواق مو . سوغ فاتوته اکو بوات بالس تو ، سبب
ایمان مو کهور ۲ سوبور مولیق ، فس کاسیه مو اکو دالم فواق
مو کهور ۲ منبه قواة لاکی .

جاری سابیت نیله ، اکو بولیه اغکیت فواق مو بوات چنتوه کا
فواق ۲ المسيح هق جاري میلیق توهن دتمفت لاءین ، کات
مو دوق تکوه دغنا فرچایی ، تکه مو کا سیقسسا سغسارا تو .
فس هق مو بولیه فرچایی دغنا تکوه تو ، جاري تندا چرف کات
توهن دوق بوات هق عادیل سعمور . سود سکالی ری نق کرت سین

1

2

3

4

5

رغم عادیل کات، فواق مو سوغ ده بولیه اجق ماسوق دوق باوه
فرینته ری داخیره، هق جاری سبب مو کنا سیقسسا سغسارا لانی.
فواق مو هق دوق کنا سیقسسا فون، توهن نق بري هیلیع سیقسسا
تو، سکالی دغن سیقسسا فواق اکو جوگ. فس اورغ هق جوگ، تکه ربی
سیقسسا تو فون توهن نق بالس سیقسسا اتس ری جوگ، تکه ربی
عیسی تورون دری لاغیت بري نمفق دیری، سکالی دغن ملائیکه ۲

ری هق اد کواس، فس دغن افی هق دوق مپلا ۲.
فدر ماس تو، ربی نق حکوم اتس اورغ هق تاء سیر کتل توهن،
سکالی دغن اورغ هق تولق، تاء سیر توروت خبر بایک حال
ربی کیت، عیسی.

اورغ ۲ تو نق کنا حکوم بناس هق ککل، کنا تیغکل دوق جاوه،
تاء لیه مغهادف ربی، تاء لیه تیغوق کواس ری بیغ مهاملیا تو.
تافی سموا هق جاری میلیق ربی، سموا اورغ هق فرچای کا ری
تو، ری نق بولیه مشهادف ربی فد هاری تو، فس ربی نق
بولیه فوجین دغن حرمه درف فواق تو. فس فد ماس تو، فواق
مو دتیسالونیکا فون نق جاری سفواق دغن فواق تو، کران مو
فرچای کا خبر هق اکو ماری رویت کند مو.

سابیت توله، اکو کاچع بریعا انتوق فواق مو سعمور ۲، مینتاء
دغن توهن کیت بري فواق مو سوغ بولیه توروت جالن هق ری
فعکیل مو ماسوق تو.

مینتاء توهن دغن کواس ری، بري بولیه سلسی سموا نیات
هاتی مو هق بایک تو، فس بري سمفرن، سموا کرج هق مو
اوسمها دوق بوات کران مو فرچای تو.

رغم جالن نیله، نام ربی کیت عیسی نق بولیه فوجین درف
فواق مو، فس مو فون نق بولیه فوجین درف ری، دغن کران
رحمه هق تورون دتوهن کیت دغن ربی عیسو المسيح.

6

۷

8

9

10

11

12

بَلْ 2 دَجْلُ هُقْ دَرْهَاكْ كَا تُوهَنْ تُو، بَخَا تِيمِولْ مَارِي دُولُو

هي ادیق برادیق کو! چارا حال ربی کیت عیسیی المسيح نق
ماری سمولہ تو، فس چارا حال کیت سبموا نق کنا فرهیمfon
سکالی کی روق دفن دی، اکونق فسن جوگ ۲ کافواق مو کات :
جاغنله فیکیران مو باخت هاپوت کوء تو کوء نی، اتوا براس
بوسن فون، کران اد اورغ هق کات، هاری هق ربی نق ماری
تو لفس ده. بـثـکـالـی اـد اـورـغـ هـقـ کـاتـ بالـسـ توـ،ـ تـکـهـ دـیـ مـیـمـفـیـ
فرمان توهن، اتوا تکه روق بـرـشـحـ فـونـ،ـ اـتـواـ بــثــکــالــیـ اـدـ اـورـغـ
هـقـ کـاتـ،ـ اـدـ سـورـتـ هـقـ فـوـاـقـ اـکـوـ بـیـاـسـ تـوـلـیـسـ بالـسـ توـ جـوـگـ.
تاـفـیـ جـاـغـنـلـهـ بـرـیـ دـیـ تـیـفـوـ فـوـاـقـ موـ.ـ کـرـانـ هـارـیـ توـ تـاءـ لـیـهـ
سمـفـیـ لـاـکـیـ،ـ مـلـینـکـنـ کـاـ اـدـ دـوـلـوـ،ـ فـرـیـاغـ هـقـ بـاـپـقـ اـورـغـ بـوـاتـ
درـهـاـکـ کـاـ تـوهـنـ.ـ فـرـیـاغـ توـ جـوـگـ،ـ دـجـلـ نقـ تـیـمـوـلـ مـارـیـ،ـ
جـارـیـ کـفـلـاـ سـمـوـاـ هـقـ بـوـاتـ درـهـاـکـ کـاـ تـوهـنـ،ـ دـیـ هـقـ دـوـقـ تـوـجوـ
کـاـ نـرـاـکـ توـ.

دـجـلـ توـ نقـ بـرـلـاوـنـ دـفـنـ سـمـوـاـ هـقـ مـاءـنسـیـ دـوـقـ سـمـبـهـ،ـ سـمـوـاـ
هـقـ مـاءـنسـیـ اـغـکـیـتـ کـاتـ تـوهـنـ،ـ سـهـیـفـگـ دـیـ اـغـکـیـتـ دـیـرـیـ دـیـ
کـیـ دـوـقـ دـکـرـیـسـیـ دـالـمـ تـمـفـتـ بـیـعـ مـهـاـسـوـجـیـ هـقـ تـوهـنـ فـونـ،ـ نقـ
مـخـاـکـوـ کـاتـ،ـ دـیـ سـنـدـیـرـیـ جـارـیـ تـوهـنـ.

مو تـاءـ اـیـقـتـ کـهـ؟ـ تـکـهـ اـکـوـ دـوـقـ اـدـ لـاـکـیـ سـکـالـیـ دـفـنـ موـ دـوـلـوـ توـ،ـ
اـکـوـ روـیـتـ دـهـ سـمـوـاـ نـیـ کـاـ فـوـاـقـ موـ.

تاـفـیـ اـدـ سـاـتـوـ کـوـاـسـ هـقـ سـکـتـ،ـ تـاءـ بـرـیـ دـجـلـ توـ تـیـمـوـلـ لـاـکـیـ.
فسـ فـوـاـقـ موـ تـاهـوـ دـهـ هـقـ مـانـ کـوـاـسـ توـ.ـ بـیـلـاـ سـمـفـیـ مـاسـ دـیـ،ـ
تـنـتـوـ دـجـلـ توـ نقـ تـیـمـوـلـ مـارـیـ.

کـجـهـاـنـ دـجـلـ توـ تـغـهـ دـوـقـ کـرـجـ دـهـ لـانـیـ،ـ دـالـمـ دـنـیـاـ،ـ تـاـفـیـ
دـوـقـ مـنـوـسـوـفـ لـاـکـیـ،ـ سـهـیـفـگـ دـیـ هـقـ دـوـقـ سـکـتـ دـجـلـ توـ،ـ
هـونـدـورـ کـیـ دـوـلـوـ،ـ بـارـوـلـهـ دـجـلـ نقـ تـوـبـیـتـ دـافـنـ مـاتـ اـورـغـ.
فسـ ربـیـ عـیـسـیـ،ـ تـکـهـ دـیـ مـارـیـ توـ،ـ دـیـ نقـ بـوـنـوـهـ دـجـلـ،ـ دـفـنـ

همبوس نفس، فس ربی نق بری هابیس کواس دجل ، دغن
سابیت چهبا کمليائن هق ری تو.

9 دجل تو نق ماري دغن فاكی کواس هيبلیس ، فس ری نق بولیه
بوات ماچم ۲ هق فلیق ، تنداد منیفو هق بری اورغ ترحریران .
فس تیفوان ری هق جاہت تو ، نق کنا کا اورغ هق دوق
توروت جالن کا نراک ده ، کران اورغ ۲ تو تاء سیر تریما هق
سبنر ، هق نق بری ری سلامت .

10 سابیت توله ، توهن تورون کواس اتس فواق نی ، بری فیکیران
ری فنیع ، نق فرچای کا هق فلسو .

11 توجوان توهن دغن بوات بالس نی ، نق حکوم کا سموا اورغ هق
تاء فرچای کا هق سبنر ، سبب ری سوک کا هق جاہت .

توهن فیلیه فواق مو انتوق بری سلامت

13 تافی ، ادیق برادیق کو هق ربی کاسیه ، اکو کا اوچف
تریما کاسیه کا توهن سعمور کران فواق مو . سبب جق دمولاد
لاکی ، توهن فیلیه ده فواق مو ، نق بری سلامت . دغن کواس
روح نی ، فس دغن کران مو فرچای کا هق سبنر تو ، ری نق
بری فواق مو دوق سوچی انتوق ری .

14 توهن فشکیل مو دوق توروت جالن تو ، دغن مو دوق دغز
خبر بائیک هق فواق اکو باوا کا فواق مو دولو تو . توجوان ری
نق بری مو بولیه سکیان دالم کمليائن ربی کیت ، عیسی المیح .
سابیت تو ، ادیق برادیق کو ، دوق برداری تکفله ، فس فکھ بری
کجت کا اف ۲ هق توهن فسن کا اکو ، سوروه اجر فواق مو ،
تاء کیرا دغن مولوت اتوا فون دغن سورت .

15 اکو مینتا ربی کیت عیسیو المیح سندیبری ، دغن توهن باف
کیت ، هق کاسیه کا کیت ، هق بری هاتی کیت قواۃ تاء فوتوس ،
فس هق بری کیت بولیه هارف تنتو ، دغن کران رحمة نی ، بری

هاتي مو قواة لاکي، براني بوليه بوات، بوليه رویت، اف ۲ هق موليق . 17

برعاله انتوق فوق اکو

باب 3

هي اديق براديق کو! اکو نق فسن سیکیت لاکي ، یاء بت
برعاله انتوق فوق اکو، نق بري خبر بايک هق ربی ملارت
کي باشت ۲ ، فس اورغ هق دغر، نق بري تريما نشن حرمة، سروف
فوق مو تريما دلو.

1

فس ، برعاله گاتيق ، مینتا توھن بري اکو لفس درف د فوق
هق کرس فروت ، هق جاھت. سبب بوکن سموا هق دغر
خبر بايک تو، نق فرچاي.

2

تافي ، کا ربی کيت بوليه فرچاي سوڠکوه ۲. دي نق بري مو
قواة هاتي ، فس دي نق ليڻکوڻ جاک مو درف د هق جاھت.
فس ربی بري فراسان کا هاتي کو بوليه هارف کا فوق مو ، کات
مو دوق بوات اف ۲ هق اکو سوروه ، فس کوء رافن فون ، مو
نق بوات کي لاکي.

3

مینتا ربی فيمفين هاتي فوق مو ، بري مو بوليه تاهو کاسيه
هق توھن بسر مان ، فس بري مو بوليه تبيغ اوسمها سمفي
سود ، سروف المسيح.

4

چارا حال اورغ هق مالس کرج

هي اديق براديق کو! اتس نام ربی عيسى المسيح ، اکو
سوروه مو جوگ ۲ ، بري جاوهله ديري مو فد اديق براديق مان ۲
هق مالس گرق کاکي تاغن بوات کرج ، فس تاء سير توروت
فسن ۲ کو دلو تو.

5

فوق مو تاهو چرف ده کات ، مو کا توروت چنتوه فوق اکو.
تكه اکو دوق اد سکالي نشن فوق مو ، اکو تاء مالس گرق کاکي

6

تاڭن بواڭ كىچ . اکو تاءِ امبىق اف ۲ فون داۋرغ، ملىينكىن اکو
بلى. سسۇغىڭوھن، فواق اکو كىچ سەمفي لەتىيە. اکو كاچۇن اوسمەھا
سياغ مالم، انتوق تاءِ سىير برى سىياف ۲ فون دالىم فواق مو كا
تەشكۈچ بىرت كران اکو.

اکو بواڭ بالس تو، نىق برى جارى چىنتوه انتوق فواق مو،
بۆكىن سابىت تاءِ سوغ اکو بولىيە مېنتاڭ تولۇغۇن دفواق مو، دق!
سوغ جوڭ.

تەكە فواق اکو دوق دەن فواق مو، اکو روپىت دە اتۇران كات:
كالۇ سىياف مالس كىچ، تاءِ ليھ ماڭن.

فس لانىي، فواق اکو دەن خېرى كات، اد اورغ دالىم فواق مو ھەق
مالس گۈرق كاكى تاڭن، تافى راجىن چەمفور تاڭن حال اورغ لائىن.
اتس نام ربىي عىيسى المسيح، اکو سوروھ برى اىيەت كا اورغ ۲ تو
كات، دىي مىستى كىنا توروت جالىن ھەق سوغ دەن عادە، فس،
چارى رزقى دەن رىيغ تىيتىق فلۇھ دىي سەندىرىي.

ھى ادىق بىرادىق كۇ! جاغنلە مو مۇرە فواس بواڭ فركلارا ۲ ھەق
باڭىك.

بېڭكالىي اد اورغ دالىم فواق مو تاءِ سىير توروت ھەق اکو سوروھ
دالىم سورت نى. كالۇ بالس تو، فەرھاتىي تېغۇق كا ئىي، فس،
ھوندور سىكىكت، جاغن ماسوق چەمفور دەن ئىي، نىق برى نى
ترىكاپر كات، ھېيدۇف لاڭو تو سالە. تافى جاغنلە بواڭ كا ئىي
سەرۇف سەترو، دق! كا ئىي نصىحة كا ئىي سەرۇف ادىق بىرادىق.

سلام فولوس ھەق سود سكالىي

اکو مېنتاڭ ربىي تورۇنلە كىسنانغان اتس فواق مو سىموا، سېبب
ربىلە ھەق اد كىسنانغان نى. اکو نىق برى فواق مو بولىيە دوق
سەنخ ھاتىي تەكە جارى اف ۲، اتىوا بىلا ۲ فون. فس اکو مېنتاڭ
ربىي دوق سكالىي دەن فواق مو سەعمۇر.

17 هق سود نی، اکو فولوس تولیس دغن تاغن کو سندیری، کیریم
 سلام کا ادیق برادیق کو سموا۔ هق نی جاری تندا کات، سورت
 نی ماری راکو سندیری۔ فرهاتیله کا تولیسن کو نی۔
 18 میتا، بربی رحمة ربی کیت عیسیٰ المسيح تورون دوق اتس فواق
 مو سموا۔

١ تيموتیوس

سورت کیریمن بیغ فرتام هق توهن
بری فولوس تولیس کفڈ تیموتیوس

باب ١

فولوس دوق تکور تیموتیوس

اکو فولوس هق باواه تیته عیسیی المسیح ایکوت سوروهن توهن ، جورو سلامت کیت ، دعن عیسیی المسیح هق کیت هارف تو. اکو تولیس سورت نی کا تیموتیوس ، هق سروف انق کو سبئر ، کران اکو هق فیمین بري مو فرچای کا عیسیی المسیح. مینتاه توهن باف دعن عیسیی المسیح ربی کیت ، تورون رحمة، کسیاغ بلس دعن سلامت سجمهترا اتس مو.

لارغن فولوس ترهارف اجران هق سست

کهندق اکو ، نق بري مو دوق دبندرا یفیسوس لکی ، سروف اکو مینتاه مو ، تکه اکو برجالن کی کا نکری ماکدونیا دولو تو. کران اد اورغ دایفیسوس تو هق دوق اجر فرکارا ۲ هق سست. مو کنا لارغ نی ، جاغن بري نی مثاجر.

سوروه نی برہنتی رویت چریتا اتوا بهاري تو ، دعن بیلاگن توء نینیق مویغ نی لفس سلافیس ۲ تاء فوتوس . فرکارا ۲ سروف نی بري اورغ شک هاتی ساج ، تاء ار فائیده کا چاراغن هق توهن نق سوروه کیت بوات. هق تو بولیه تاهو کوء جالن

3

4

فرچای ساج .

5 توجوان اکو سوروه بالس نی، اکو نق بري قواة، کاسیه هق
توبیت ماری دهاتی سوچی، دهاتی اخلاص، دایمان هق سجاتی.
6 اد اورغ هق تیغکل جالن بتول تو، قیاس کی کوء لاءین، فس،
سسست جالن رغن بحس هق تاءاد فايده.

7 فواق تو برکهندق نق جاري گورو ۲ تورات، تافی نی تاءارتی هق
بی سندیری دوق کات، اتوا فرکلا هق نی دوق رویت کات
مستحق .

8 کیت تاهوده کات تورات تو مولیق، اصل کیت توروت سوغکوه،
توجوان دالم تورات تو.

9 کیت کنا ارتی کات توجوان توهن لتق حکوم ۲ دالم تورات تو.
بوکن نق توجو کا اورغ هق باءیک، دق . تافی نق توجو کا اورغ
هق سوک لشکر حکوم ۲ تو، اورغ ۲ هق درهاک، هق تولق توهن
رغن بوات دوسا، هق هیدوف تاءایشت کا توهن، اتوا هق
کیچیق هینا کا توهن . توجو کا اورغ هق بونوه ایبو باف نی،
اتوا اورغ لاءین فون، کا اورغ هق بوات چافوغ، هق مائین
جاہت جنتن سام جنتن، کا اورغ هق امبیق اورغ، کا اورغ هق
بوهوج اتوا ناءیک سقسی فلسو، اتوا بوات اف ۲ هق لاون
رغن فشارجران هق سبتر .

10 فشارجران هق بنر تو، بولیه تمو دالم خبر باءیک هق توهن
تورون کا اکو سوروه رویت . خبر تو ماری درفه توهن بیغ مليا،
بیاله هق سوغ فاتوت کا فوجی .

رحمه توهن نق تولوغ کیت

12 اکو دوق اوچف شکور کاعیسیو المیسیح ربی کیت، هق
بری کواس کا اکو، بولیه بوات کرج کا توهن . اکو اوچف تریما
کاسیه کا نی، سبب نی کیرا کات اکو سوغ فاتوت، فس نی

- لتق اکو بوات کرج ری . ولو فون دولو اکو سومفه ماکی کا ری ،
بوات پان کیچیق هینا کا ری ، تافي توهن کسیاغ کا اکو ، سبب
تکه تو اکو تاء فرچای لائی ، فس اکو تاء تاهو ستارا مان ساله هق
اکو بوات تو . 13
- فس ربی کیت چوچور رحمة ری انس کو بربی لیمفه ، بربی اکو
بولیه فرچای بولیه کاسیه ، سابیت اکو دوق سهاتی سپاوا رغن
عیسی المسیح تو . 14
- فرکتاں نی بنر سوغکوہ ، هق سوغ کا تریما کا فرچای ، رغن
سفنوہ هاتی ، یا یت عیسو المسیح تورون ماری کارنیا نی انتوق
نق بربی سلامت کا اورغ بردوسا . فس اکوله هق بردوسا برت
سکالی ! 15
- تافي سابیت نیله توهن تورون کسیاغ بلس کا اکو ، سبب ربی
نق بربی نصفق باپق ستارا مان ری صبر کا اکو ، هق دوسا برت
تو . بالس تو جوگ ، اکو جاری چنتوہ کا اورغ ۲ لاین هق نق
فرچای کا ری کو رافن ، انتوق تریما هیدوف چارا بارو درف
تهن . 16
- کد راج هق ککل ، هق هیدوف سلام ۲ ، هق مات تاء لیه
نصفق ، توهن بیٹ سا ، فاتوت سموا اورغ حرمة فوجی کا ری ،
بوات سلام ۲ ، امین . 17

فکھ ایمان بربی کمس رغن هاتی سوچی

- هي تیموتیوس انق کو ! اکو سوروہ مو ، 18
فرمان توهن هق ربی اورغ میمفی کند مو ماس دلو تو ،
فس فاکیله فرکتاں تو بوات سروف سنحات بولیه تولوغ مو
تکه مو دوق برلاون .
- فس ، فکھلے ایمان مو بربی کمس ، رغن هاتی اخلاص . اد اورغ
هق تاهو هق مان مولیق ، تافي ربی تولق . سابیت تو ، جاری

ايملن يي سنديري فونه .

رالم فواق تو ترماسوق هيمينيوس لغن اسكدر. اکو لفس ده
دوا اورغ تو کا هييليس، انتوق بري يي ارتني کات، جاغن
سومفه ماکي کا توهن .

اتوران ۲ کا اورغ هق سمبه کا توهن

باب 2

- 1 اتوران هق مستحق ، اکو سوروه مو جوگ ۲ ، فاكت بردعاله .
فس مو کنا مينتاء رعا دان اوچف شکور تو انتوق سموا اورغ ،
لبيه ۲ لاکي انتوق راج ۲ ، لغن اورغ مان ۲ هق اد کواس بري
کيت بوليه هييدوف لغن سنغ ليندغ ، بري کيت بوليه سمبه کا
توهن ، فس بري کيت بوليه روق برکاول مو اکو لغن بوبي
بهاس ، تاءار کالاغن اف ۲ .
- 2 کالو کيت مينتاء بالس نی ، موليق سوغکوه ، فس توهن ، جورو
سلامت کيت فون برکن .
- 3 کهندق توهن ، نق بري سموا ما ئنسىي بوليه سلامت ، فس بوليه
ارتى سموا هق بنر لغن چوكوف سمفرن .
- 4 کران توهن سا ، فس عيسى المسيح هق تورون جاري ما ئنسىي
فون ، اورغ تغه سئورغ ساج ، هق بوليه بري برهوبوغ توهن
لغن ما ئنسىي .
- 5 عيسى سره ديري ري جاري قريان انتوق نق تبوس پاوا سموا
ما ئنسىي . هق تو جاري تندا هق بري پات ده کات ، توهن
كهندق نق بري سلامت کا سموا ما ئنسىي ، کتا لغن ماس هق
ري چارغ دلو .
- 6 سابيت توله ، توهن سوده لتق اکو سوروه باوا ئيتىه رى کي
اجر اورغ بخسا لائين ۲ ، سوروه اکو مېمفي فغاچران هق سبىر ،
هق اورغ کا فكت . هق اکو روپت نی تاء بوهوج ، اکو روپت
هق سوغکوه .

- 8 فس ، اکو نق رویت حال بردا لایکي . اکو نق بري اورغ جنتن
هق دوق طاعة کا توهن دمان ۲ فون ، بولیه تاره تاغن يي
بردا ، دفن تاء موريه کا اورغ اتوا تاء براس نق کلاهي باله .
9 فس کف اورغ بتينا فول ، اکو کهندق نق بري ري دوق برجوروس ،
رغن فکاين هق سوغ . جاغن کي بوات رصبوت ، نق بري اورغ
کات لاور ۲ ساج ، اتوا بوبوه مس ، اتوا مات اينتن بلیاغ ،
اتوا فوتوغ کائين باجو مهل ۲ فون .
- 10 تافي موليقله ري امبيق فريواتن هق بايك ، جاري سروف
فرهياسن ري ، هق سوغ دفن اورغ بتينا هق کات ري ايخت
کا توهن سعمور .
- 11 تکه اورغ دوق مثاجر ، اورغ بتينا کنا دوق دیام ، حرمة کا اورغ
هق دوق مثاجر تو .
- 12 اکو تاء بنس بري اورغ بتينا مثاجر اتوا سوروه اورغ جنتن طاعة
کا ري . بري دوق بردیام . کران توء الـ هق توهن بري جاري
دولو ، لفس تو سيتی حواء فول .
- 13 فس لايکي ، بوکن الـ هق کنا تيفو ، تافي اورغ بتينا ، فس دیاله
هق لفکر حکوم توهن .
- 14 تافي ولو بالس تو فون ، تکه برانق ، اورغ بتينا نق بولیه سلامت
جوگ ، اصل ري تبیع توروت جالن فرجای تو ، دفن کاسيه ، دفن
هاتي سوچي ، فس دفن دوق برجوروس .

کاکق ۲ هق فيمغین فوق المسيح

- 1 اد ففاته هق کات : سیاف نق جاري کتوا هق فيمغین
اورغ ، هق ري نق تو ، بايك . فركتائن نی بنس سوگکوه .
- 2 سروف تو جوگ ، اورغ هق نق جاري کاکق هق دوق فيمغین
فوق المسيح ، ري کنا جاري اورغ تاء ساله . كالو بربيني ، ري
کنا دوق موليقله لايکي دفن بيني تو ساج . ري کنا جاري

اورغ ترتیب ترنسیع، هق فندي تا هن دیری. ری کنا جوغ سمبوت اورغ تاء کل نائیک کا رومه. ری کنا جانی اورغ هق فندي مفاجر. ری تاء کنا مابوق انوا موده کرم، تافی کنا جانی اورغ لمد لمبوت، هق سوک بري اورغ بائیک سعمور. ری تاء کنا کیلا کا رویت.

ری مستی فندي اجر اورغ اتس رومه ری سندیری، فس بري انق ۲ توروت سوروهن ری، رغن حرمة کا ری.

کالو ری تاء فندي اجر اورغ هق دوق رومه تغک ری سندیری، بالس مان فول نق اجر اورغ ۲ دالم فواق المسيح؟ جاغن بري جانی کاکق، اورغ هق بارو فرچایي کا المسيح، کران تاکوت ری جانی کهور بسر کا دیری، سهیغک کا حکوم سروف هیبلیس.

ری کنا جانی اورغ هق اورغ لوار حرمة. کالو ری تاء جانی بالس تو، بیمیغ تاکوت ری نق بولیه نام جاهت، فس لاکی، نق کنا تیفو جاتوه فرغکف هیبلیس فول.

اورغ فنلوج دالم فواق المسيح

بالس تو جوگ، رغن اورغ هق تولوغ دالم فواق المسيح. ری کنا جانی اورغ فراغی بائیک، تاء کنا جانی لیده چابغ. ری تاء کنا ماکن ایر بواه جابیت باپق ساغت، فس تاء کنا طمع نق ۲ کا باپق سعمور.

نق ! ری کنا جانی اورغ هق توروت رغن هاتی اخلاص، جالن فرچایي، یا یت رهسیا هق توهن بوک بري ده. فس مستی ری کنا سویی دولو. کالو تاء ار اف ۲، باروله بولیه ماسوق بوات کرج فنلوج تو.

اورغ بتینا هق نق بوات کرج فنلوج تو فون، کنا جانی اورغ فراغی بائیک، تاء کنا سوک کیچیق حال اورغ لاءین، کنا جانی

اورغ هق ترتیب ترنسیع، هق بولیه هارف سموا فرکارا.

12 فس فنولوغ ۲ هق جنتن فول، کالو بربینی، نی کنا دوق مولیق

لایکی بینی دغن بینی تو ساج. کنا جاری اورغ اجر بری مولیق

انق ۲ دغن اورغ رومه تغگ ری.

13 رالم فواق فنولوغ نی، اورغ ۲ هق کرج مولیق، نی بولیه نام

باًیک، بری فلواغ کا ری بولیه رویت دافن اورغ، چارا حال هق

ری فرچایی تنتئ عیسیو المسيح.

رهسیا هق بسر

14 تکه اکو دوق تولیس سورت نی، اکو هارف نق بولیه تمو

15 دغن مو دتمفت مو. تافی کالو اکو لمبت، مو بولیه باچ سورت

نی دولو، بری مو بولیه تاهو، بالس مان فواق کیت کا فاکی

دیری، کیت هق جاری کلوارگ توهن، نی هق دوق هیدوف

سعمور. اورغ ۲ هق جاری میلیق توهن، نی جاری سروف تیاغ

هق دوق چغکت جاگ ایمان هق سبتر تو.

16 بسر سوگکو، تاءار ره نق بندیغ، دغن رهسیا ایمان کیت،

یائیت عیسیو المسيح سمعی ره دغن روف ماءُ نسی، فس روح

توهن بری پات کات دیاله هق سبتر. ملائیکه ۲ بولیه نمفق

ری. خبر حال نی کوسنرگی رات ۲ کا اورغ بخسا لائین. ماءُ نسی

ر دنیا فون فرچایی کا ری، فس توهن اگکیت نی نائیک کاشرگ.

کورو ۲ هق فلسو

باب 4

1 روح توهن رویت دغن تروس ترغ کات، بلاکن هاری اد

اورغ هق نق تیغکل ایمان هق سبتر تو، کی توروت شیطان،

هق فندي منیفو.

2 فغا جران ری ماری کو، اورغ ۲ هق مانیس دلوار تافی فندي بو هوغ.

اورغ نی، نی تاء براس کابر کا دوسا سیکیت هاپو.

اورغ ۲ سروف ني، دي لارغ تاءُ بري منيکاح، فس لتق اوندغ ۲
اتس مکانن کات حرام. تافي مکانن ني بارغ هق توهن بري
جاري بلاک. فس اورغ دالم فواق المسيح، هق تريماهه ايمان
هق سبئر تو، دي بوليه ماکن بلاک، دغن اوچف تريما کاسيه
کا توهن.

گنف ۲ فرکارا هق توهن بري جاري، موليق بلاک. تاءُ دکارا
فون هق کات کا فنتع، تافي سموا تو کا تريما دغن اوچف
شکور کا توهن.

کران فركتائن توهن دغن دعا شکور، بري فرکارا تو حلال انتوق
کيت.

اورغ کرج موليق کا عيسى المسيح

هي تيموتیوس ! تولوغ فرايافت کا اديق براديق دالم فواق
المسيح، فرکارا ۲ هق اکو فسن کد موني، فس مو نق جاري
اورغ کرج موليق کا المسيح. بالس تو مو نق بري نمفق کات،
فركتائن ايمان دغن فھا جران بنر هق مو دوق توروت تو، بلا
هاتي مو سنديري بري کمس.

تافي بري جاءُ وھله ديري مو درفدهاری ۲ هق بوکن دتوهن، هق
تاءُ دفاعيده. لاسقله ديري مو بري بوليه توروت توهن دغن
سبولت ۲ هاتي. لاسق دغن توبوه بدان اد فاعيده جوگ، تافي
لاسق دغن هاتي اد فاعيده سموا فرکارا، کران بوليه جامين
کھيدوفن کيت ددنيا اتوا داخیرة.

فركتائن ني بنر سوڠکوه، هق سوغ کا تريما کا فرچاي، دغن
سفنه هاتي.

سابيت نيله، سوڠکوه فون اکو کرج برت، تافي تاءُ اف، کا
لاون فون تاءُ اف، سبب اکو دوق هارف دغن فنوه ۲ کد توهن
يڠ هيڊوف، هق بري سلامت کا ماءُ نسي سموا، تافي هق لبيه ۲

- لاکي ، سلامت کا اورغ هق فرچاي کا ري .
 11 مو کنا اجر ، فس سوروه فركارا ۲ نی کا ادیق براديق مو .
 12 جاغنله بري اورغ تاءٰ فادول کفڈ مو کران مو مودا تو . تافي
 13 تنجوقله چنتوھ کا فواق اورغ فرچاي ، دالم کيچيفن اتوا کلакوان
 14 مو . بري نمفق ستارا مان مو کاسيه ، فرچاي ، فس دوق سوچي تو .
 15 تکه مو دوق ننتي اکو ماري تو ، بچاله کتاب رافن اورغ رامي ،
 16 برشح کا اورغ ، فس اجر کا ري .
 14 مو تريمدا ده نعمة توهن ، تکه فواق کاكف ۲ تو لتق تاغن اتس
 15 مو ، فس میمفی فرمان توهن کفڈ مو . جاغنله بري دوق میندف ،
 16 نعمة تو .
 15 توروتلہ فركارا ۲ سائني . بري هاتي مو توجو کوء تو ، فس بري
 16 سموا اورغ بوليه تیغوق کات ، هاتي مو کھور ۲ ماجو سعمور .
 جاگاله ديري مو سکالي دغن فثاجران مو دغن تاءٰ فوتوس .
 بالس توله ، مو سنديري نق بوليه سلامت ، سکالي دغن اورغ
 هق دغن فثاجران مو تو .

باب 5 تغکوغن ۲ کتوا ترهارف اورغ هق فرچاي

- 1 جاغنله یاتس کا اورغ هق توا فد مو ، تافي مو کا نصيحة
 کا ري سروف فق مو سنديري . اورغ هق مودا فول ، بوائله کا
 2 ري سروف دغن ادیق ۲ مو .
 اورغ بتينا هق توا فول ، بوائله کا ري سروف دغن مق مو
 سنديري . فس اورغ بتينا مودا فول ، بوائله کا ري سروف دغن
 ادیق بتينا مو ، دغن اخلاص هاتي .
 3 مو کا فادولله کا اورغ بتينا هق لاکي ماتي ، تاءٰ اد اورغ سارا
 4 ري . تافي کالو اورغ هق لاکي ماتي تو اد انق اتوا چوچو ،
 بريله انق اتوا چوچو تو ارتی کات ، هق واجيب کا بواس
 تنفع اوگام کيت ، ري کا فادول کا کلوارک دی دولو . بالس تو ،

ري نق بالس بوبي کا ايبو باف توء نينيق ری. هق تو توهن برکن .

اورغ هق لакي ماتي ، هق تاءار اورغ سارا ری تو ، ری دوق هارف کا توهن ساج ، سياڠ مالم دوق مينتا نعا رغن توهن .

تافي کالو دوق ايٺت کا ديري ری ساج ، هيڊوف ری فون تاءار فايده ، سروف اورغ هق ماتي ده .

هق اگو فسن نی بري تاهوله کا فوق ۲ تو ، کزان تاءسيير بري کات فوق تو ساله .

تافي کالو اد سيااف هق تاءاردول کا واريڪ ۲ ری ، فس لبيه لاكى ، کا اورغ ۲ رومه تفگ ری ، معنلن ری تيفگل اييان ، جاهت لبيه فد اورغ هق تاء بيس فرچاي کا توهن لاكى .

حال اورغ بوجع هق فوق المسيح دوق سارا

فس چارا حال اورغ هق بوليه ماسوق نام کات اورغ بوجع ، جاغنله ماسوق نام اورغ هق عمور ری تاءسمفي لاكى انم فولوه تاهون . فس ، تکه برا لاكي ری دولو تو ، کا جاري اورغ هق دوق موليق لاكى بيني رغن لاكى ری تو .

ري کا بوليه نام سبب ری بوات هق بايءيك ، ياءيت اورغ هق فندي ديديق انق ۲ ری ، هق جوغ سمبوت اورغ ماري کا رومه ، هق جوغ باسوه کاکي اورغ هق فرچاي کا توهن ، هق تولوغ اورغ سوسه ، فس راجين کرج سموا فرکارا هق باءيك .

تافي جاغنله بري ماسوق نام اورغ بوجع هق عمور ری مورالاكى . سبب ، کالو نفسو ری نق برا لاكي قواه فد نق دوق سوچي انتوق المسيح ، تنتوري نق گي برا لاكي .

فس ، اورغ لاءين بوليه کات ری ساله ، کزان ری سيلف جنجي هق سديا تو .

فس ، اورغ بتينا مودا تو ، تاکوت ری جاري کهور ۲ مالس کرج ،

5

6

7

8

9

10

11

12

13

روگی ماس چالن لفس رومه تو، رومه تو. تروق لاکی اد فلواغ
 کیچیق حال اورغ، کی میندای ۲ کریجاءن اورغ، اتوا کیچیق فرکارا ۲
 ۱۴ هق تاءسوغ. سابیت توله، ایکوت فیکیران اکو فولوس، مولیق
 اورغ بوجع هق مورا لاکی کی برلاکی بولیه انق، فس دوق فادول
 کا رومه تفگ ری سندیری. بالس تو، تاءبری سترو ۲ کیت اد
 فلواغ بربی جاھت نام کیت.
 ۱۵ اکو کات بالس نی کران بیاس اد اورغ بوجع هق تیغکل فواق کیت،
 کی توروت هیبلیس.
 ۱۶ فس اد هق اکو نق فسن کا اورغ هق فرچای. کالو اد دالم کلوارگ
 مو هق لاکی ماتی، کا کلوارگ مو تو سارا اورغ بوجع تو.
 جاغن بربی فواق المسيح کا تفکوغ. بالس توله، فواق تو بولیه
 سارا اورغ بوجع هق تاءاد کلوارگ نق سارا.

فسنن فولوس کا تیموتیوس فول

کاکق ۲ هق اد کرج فیمین فواق المسيح، فاتوتله اووه
 ۱۷ کا ری روا کالی کندا. فس هق مستحق سکالی، اووه بالس تو
 کا اورغ هق برشح رغن معاجر کاتیق.
 کران اد ایات دالم کتاب هق کات:

جاڠنله بوه جوت لمبو، تکه ری دوق مغیریق.

فس ایات سا لاکی هق کات:

اورغ هق کرج، سوغ فاتوت ری بولیه ماکن دکرج ری.

کالو اورغ ماری تودوه کفڈ مو، ترهانف سئورغ دالم فواق کاکق ۲
 ۱۹ تو، جاغنله تریما هق ری تودوه تو، ملینکن اد روا تیگ اورغ
 سقسي سروف.
 ۲۰ فس کالو اد اورغ هق کاچغ بوات دوسا، باءیک لارغ ری دافن

اورغ رامي، نق بري اورغ لاءين تاکوت کاتيق.
هي تيموتيوس! سروف اکو دوق دافن توهن دغن عيسى المسيح
دغن ملايكة ۲ هق يي فيليه ده تو، اکو مينتا جوگ سوروه مو
تورولله اف ۲ هق اکو فسن يي، دغن تيغوق اورغ سروف سموا،
تاء برت سبله.

21

جاغنه کاروه لتق تاغن اتس سيايف ۲ فون، جاري تندا يي
بولييه کرج کا رېي، دق! فس کالو اورغ لاءين بوات دوسا، جاغنه
مو توروت سروف يي. جاڭ ديري مو بري سوچي.
جاغنه ماکن اير ساج سروف دولو. ماکن اير جابيت سيكيت
کاتيق، نق بري سدف مكانن مو، تاء سير بري مو تاء رق
ساکيت سروف سعمور.

22

اد اورغ هق دوسا ۲ يي بولييه نمفق سلالو، تنحوق کات يي
نق کا حکوم. تافي اد جوگ اورغ لاءين، هق دوسا ۲ يي تاء
نمفق سلالو، تافي هاري کدافن نق نمفق جوگ.

23

بالس تو جوگ، کالو اورغ بوات بايك، اورغ لاءين بولييه نمفق.
تافي ولو تاء نمفق سلالو فون، تاء ليه دوق سوسوف سعمور.

24

اورغ هق جاري کولي اورغ

باب 6

سموا اورغ هق جاري همب هق دوق باوه نبيع، کنا حرمة
کا توان يي تو، کران تاء سير بري اد فلواح کا اورغ لاءين بولييه
مشهودوه نام توهن اتوا فثاجران کيت.

1

اورغ هق توان يي جاري اديق براديق دالم فوق المسيح
جاغنه بوات تاء برت کا توان، کران يي کدوا جاري اديق براديق.
دق! بايك يي بوات کرج موليق لاکي کا توان يي تو، دفن
کران توان فرچاي کا توهن، جاري اورغ هق همب يي بولييه
کاسيه.

2

فغا جران هق فلسو

فركارا ٢ ني هق مو کا اجر ، هق مو کناسوروه اورغ بوات جوگ ٤
 كالو سياf مثاجر هق لاءين ، هق تاءبرلاگ رغن فركتائن ربي
 عيسى المسيح هق اد ايسيي فنه تو ، اتوا رغن جالن توروت
 اوکام هق سبنر ، معنان اورغ تو فاءوغ ديري . دى كيچيق بسر
 تاءناهه اف سكارا . دى سوك ماءين سووال جواب سروف دى
 كيلا ، رغن بحس چارا حال فركتائن . بوات بالس نى ، بري اورغ
 دغكى ، بري اورغ سليھيغ ، بري اورغ هيينا مو اکو ، بري فراسائن
 اورغ كھور تاءموليق چارا حال اورغ لاءين ، بري اورغ باله تاءبرهنتى .
 اورغ ماچم نى ، اوتق دى فكت ، دى نق تريمما هق سبنر تاءليه .
 اورغ نى سشك ساله کات ، فكت اوکام جاري جالن نق بوليه کاي .
 تنتوله اورغ هق فكت اوکام نق بوليه کاي جوگ ، كالو دى فواس
 هاتى رغن بارغ هق مان اد .
 اد کارق بارغ هق کيت باوا ماسوق دالم دنيا ؟ تاءار . فس ،
 اد کارق بارغ هق کيت بوليه باوا توبىت دنيا ؟ تاءاد جوگ .
 کران سبب تو ، كالو کيت اد مکانن رغن فکاين چوكوف ، فادنله .
 تافي اورغ هق نق کاكاي سعمور ، تكه دى کا چوب ، نق کا تيفو
 سلالو ، بري جاته دالم فرغك ، يائىت سموا فركارا هق دى دوق
 نق ، هق تاءاد فاءيده ، جاني بهيا ، فس سود جالن ، دى نق
 فونه هابيس .
 سبب ، دوق ترايخت ٢ کا دويت تو جاني هومبى جاھت سموا
 فركارا . اد اورغ جوگ ، هق نق کا دويت بالس تو ، سەھيغىڭ دى
 قىاس کا ايمان دى ، فس سود ، دى بري ساكيت هاتى دى سندىرى ،
 رغن سيقسا .

كاجع بري هاتى مو توجو کا سموا هق سوغ

تافي مو ، تيموتيوس ، هق دوق سوچي انتوق توهن ، بري 11

جاءو هله بيري مو درف فركارا ۲ ساءني. کاچع بري هاتي مو توجو کا سموا هق عاريل، سموا هق سوغ انتوق توهن. کاچع توروله فركارا ۲ هق مو فرچاي ره، دغنا فراغي کاسيه، صبر، فس لمه لمبوت.

12 ربولته هديه، يائيت هيديوف چارا بارو هق سمندن درف توهن. کران توهن سوده فشكيل مو سوروه توروت هيديوف تو، فس مو بياس مفاکو بالس تو دغنا موليق رافن اورغ رامي هق جاري سقسي.

13 تکه اکو روق سوروه مو ني، اکو روق رافن توهن، هق بري هيديوف سموا فركارا هق هيديوف، دان لاکي رافن عيسى المسيح هق بياس نايك سقسي مفاکو سروف تو جوگ، رافن فمرينته فونتيوس فيلاتوس تو.

14 ساپيت تو، اکو سوروه مو جوگ ۲ توروله سموا هق اکو فسن ره، دغنا تائسيليف تاء ساله اف سکارا، سهیغک سمني ماں هق ربی کيت عيسى المسيح تورون ماري سمولا فول.

15 هق تو توهن نق بري پات فد ماں هق دي منتو ره. توهنله فمرينته يغ سا يغ سوچي تو. دي هق جاري راج اتس سموا راج، هق جاري ربی اتس سموا ربی.

16 دي ساجاله هق ککل، هق روق دتمفت چره چراچ هق ما نسي تاء براني نق تمفوه ماسوق. تاء اد سئورغ هابوق هق بياس نمفق توهن، اتوا هق بوليه نمفق دي فون. کف دتون نيله سوغ فاتوت کيت حرمة، فوجي کواس دي، بوات سلام ۲. امين.

لکیان هق سجاتي

17 بري فرایاثن کا اورغ هق کاي هرت دنيا، لارغ دي جاغن بري سومبوغ، اتوا روق هارف کا بارغ ۲ هق تائليه جامين. تافي دي کا هارف کاتوهن، هق تورون کا کيت دغنا موره

هاتي، سعوا هق كيت کا اد انتوق بري سوك هاتي.
اورغ کاي تو، سوروه رى بوات باييك. بري رى جاري کاي دغن
کاجيڪن، اورغ هق موره هاتي، فس هق ريلا بهاكى اف ۲ کا
اورغ لائين.

18 دغن بوات بالس تو، رى نق بوليه هرت هق سبتر جاري مودل
ري ماں رافن، فس رى نق بوليه تريما کا هيڊوف هق سجاتي
تو.

19 هي تيموتيوس! بلاله اف ۲ هق توهن تورون ده سوروه مو جاگ
تو. بري جاو هله ديري مو درفه کيچيفن کوسوغ، دغن بحس
هق تاءَار فايده، هق اورغ ساله سغشك کات جاني علمو.
20 کران اد اورغ هق مفاکو ديري کات اد علمو، تافي تاءَ براڭ دغن
ایمان هق سجاتي.

21 مينتاً توهن تورون رحمة رى دوق اتس فواق مو سموا.

٢ تیموتیوس

سورت کیرینن بیغ کدوا هق توهن
بری فولوس تولیس کفڈ تیموتیوس

فولوس دوق تکور تیموتیوس

بلب ١

اکو فولوس، هق باواه تیته عیسوی المیح ایکوت کھندق توهن، انتوق نق کوسنر چارا حال ھیدوف هق ری جنجی ده کا اورغ هق دوق سهاتی سپاوا دغنا عیسیی المیح۔ اکو تولیس سورت نی کفڈ تیموتیوس هق اکو کاسیه سروف انق کو سندیری۔ مینتا، توهن باف دغنا عیسیی المیح ربی کیت، تورون رحمة، کسیاغ بلس، دغنا سلامت سجھترا اتس مو۔ تکہ اکو بردا، اکو دوق ایثت کفڈ مو سعمور، دغنا اوچف تریما کاسیه کا توهن، هق اکو سمبه دغنا هاتی چره، سروف توء نینیق کو دولو۔

اکو ایثت کا ایر مات مو منیلیه تو، فس اکو ترایثت ۲ سیاغ مالم نق تیفوق مات مو، نق بری فنوہ سوک هاتی کو۔ اکو ترایثت جوگ کا ایمان مو هق سجاتی تو، سروف دغنا ایمان توء مو لویس، دغنا مق مو یونیکی۔ فس اکو بولیه جامین کات ایمان مو فون سروف تو جوگ۔

مو کا بلا نعمة هق توهن تورون اتس مو

سابیت ایمان مو بالس تو، اکو نق فرایفت سوروہ مو،

6

بلا بري مپالا سعمور، نعمه هق توهن تورون کفد مو تکه اکو
لتق تاغن اتس مو دولو تو.

۷ کران روح هق توهن تورون اتس کيت، بوکن نق بري کيت فناکوت،
دق. تافي بي بري کواس کا کيت. بي بري کاسيه، فس بري بوليه
تاھن ديري.

۸ ساپیت توله، جاغن مو مالو نق نائیک سقسي چارا حال ربی
کيت، اتوا مالو کران لاني اکو دوق دالم تاغن کراجان، کران
ربی. دق! مو کا جوغ تریما کسوساهن کران خبر يغ بايک تو
سام ۲ رعن اکو، رعن برگنتوغ فد کواس هق توهن بري تو.

۹ توهن نيله هق بري سلامت کا کيت، هق فٹکيل کيت دوق
سوچي انتوق بي، بوکن سبب اف ۲ هق کيت بوات، تافي سبب
ایکوت توجوان توهن رعن رحمة بي. رحمة بي، توهن سيف
ده بلوم فد دنيا اد لاکي، نق تورون کا کيت کو عيسى المسيح.
۱۰ تافي لاني توهن بري پات ده رحمة بي تو، رعن هنتر جورو
سلامت کيت، عيسى المسيح، تورون ماري کا دنيا بي. عيسى
چابوت ده بيسا هق موت، فس رعن حالن خبر يغ بايک تو، بي
برى پات رعن چرف، هيدوف هق سجاتي، هق تاء لیسوس
بوات سلام. ۲

۱۱ توهن سوده لتق اکو سوروه باوا تيته بي کي کوسنر نق اجر خبر
هق بايک تو. فس ساپیت خبر تو، اکو کا سوسه لاني. تافي
اکو تاء تيغکل هرافن کو، کران اکو کنل ده رعن بي هق اکو
دوق هارف تو، فس اکو یقین کات، بي اد کواس بوليه جاگ اف ۲
هق بي سره ده کا اکو، هيغک سمعي هاري کدافن تو.

۱۳ فس مو، تیموتیوس، کا فکفله جاري چنتوه انتوق مو، فثاجران
هق اد ايسی فتوه، هق مو رغر ده داکو. توروتله چنتوه تو،
رعن ايمان قواه، فس رعن کاسيه، هق اصل ماري دعيسي المسيح.
۱۴ توهن سره ده کفد مو فركارا ۲ هق اد هرگ. مو جاکاله فركارا ۲

ني دغن فرتولوغن روح توهن ، هق دوق اد دالم هاتي مو.

خبر حال اورغ كريستين تمفت لاءين

- مو تاهو ده ، بوکن ، کات سموا اورغ هق دوق دالم نکري اسيا فالیع بوات تاء کل دغن اکو. دالم فواق تو ترما سوق جوگ فیکیلوس دغن هرموجینیس. مینتا، ربی تنجوق کسیاغ بلس کا رومه تغک هق اونیسيموس ، کران باپق کالی ده بی ماری تمبه ساعت کو. دی تاء مالو کران اکو دوق کا کاري بالس نی.
- تافي ببلا بی ماری سمنی کا کوت روم ، دی کاچغ اوسها چاري اکو هیفگ برتمو. مینتا، ربی بربی کا دی کسیاغ بلس هق توهن ، جاري بالسن فد هاري کدافن تو. دان لاکی ، مو تيموتيوس ، تاهو چرف ده ستارا مان اونیسيفوروس تولوغ اکو دبندر ايفيسوس دولو.

اورغ هق دوق سبله المسيح

- بس لاني ، هي انق کو ، چارا حال ديري مو فول ، دوق قواتله ، دغن رحمة هق تورون کا کيت هق دوق سهاتي سپاوا دغن عيسى المسيح .
- اف ۲ هق اکو اجر ده رافن اورغ رامي ، هق مو بغر تو ، امبیقله ، کي سره کا اورغ ۲ هق مو بوليه هارف ، هق فندی اجر کا اورغ لاءين فول .
- مو کنا جوغ تريما کسو ساهن سام ۲ کيت ، سروف مو جاري عسکر هق هاتي جوجور ، هق ماسوق دوق سبله المسيح نق برلاون .
- اورغ هق جاري عسکر ، تکه بی دوق باوه اوندغ ۲ فرغ ، دی دوق نق بربی سنغ هاتي کاتوا دی. سا بیت تو ، دی تاء ماسوق چمفور دغن کرج لاءين ماس تو .
- اتوا دغن اورغ هق ماسوق تیواس فول . بی ماسوق تیواس تاء لیه منغ ، ملينکن دی توروت اتوران ۲ تو .

- 6 فس اورغ هق راجین کرج بوات بندغ، دیاله هق سوغ فاتوت
تریما بهگیان مولا ۲ دالم حاصلن تو.
- 7 ایغت بری مولیقله، معنا فرکارا ۲ هق اکو رویت سائني، فس
ربی نق بری مو بولیه فهم سمواں.
- 8 جاغن ترلوفاله کا عیسیٰ المیسح، هق ماتی هیدوف کلیق تو،
ری هق جاری کتورونن راج راءود. نیله نبز بیغ بائیک هق اکو
دوق رویت.
- 9 سابیت اکو رویت خبر تو، اکو کا سوشه هیغگ سمنی اورغ
تمبیت لغن رنتی سروف اورغ جاہت. تافی فرکتائن توهن، اورغ
نق تمبیت لغن رنتی فون تاء لیه، تاء لکت!
- 10 سبب نیله اکو کاچھ اور کسوساہن مان ۲ فون، لغن کران اورغ
هق توهن فیلیہ انتوق بری ری بولیه تریما سلامت لغن
کملیاں هق ککل، سکالی لغن عیسیٰ المیسح.
- 11 فرکتائن نی بنر سوغکوہ، هق کات:
کیت هق ماتی سکالی لغن ری،
تننوله نق هیدوف سکالی لغن ری جوگ.
- 12 کیت هق کاچھ اور کسوساہن لانی،
تننوله نق مرینته سکالی لغن ری جوگ.
کالو کیت بوات تاء کنل لغن ری،
ری فون نق بوات تاء کنل لغن کیت جوگ.
- 13 تنتو کیت هیلیغ فرجای اچف ۲، تافی سوغ فاتوت
کیت هارف کا ری سعمور،
سبب صیفة ری تاء براوبه.
- اورغ کرج لاگو مان هق توهن برکن
- 14 هق اکو رویت سائني، مو بری فوق مو ایغت کاتیق، فس
تنجوق اجر کا ری، سروف مو دوق دافن توهن. لارغ ری،

جاغن بري لاون چارا حال فرگتائن ۲ توهن بالس مان مقصود دي ،
کران هق تو تا ادار فايده ، بري کاچو فيکيران اورغ ۲ هق دوق دغره
ساج .

- 15 فس مو سنديري تیموتیوس ، اوسماله سوغکوه ۲ ، نق بري مو بوليه
مغهادف توهن سروف اورغ هق توهن سويي ره کات کرج
مو موليق ، اورغ هق بوات کرج توهن دغن تا کنا براس مالو ،
کران مو باوا خبر توهن هق بنر تو ، دغن بتول .
- 16 بري جاوهله ديري مو درف کيچيفن اورغ بودوه هق تا حرمه کا
تهن ، کران کيچيفن دي تو نق بري هاتي اورغ هق دفر ، کلورو
کهور ۲ تا باهو دغن توهن .
- 17 فغا جران اورغ سروف تو نق کهور ۲ مغایت بري بيسا ناءيك کا
سموا توبوه . دالم فواق تو ، اد جوگ هيمينيوس دغن فيليتيوس .
دي سنديري بيلق درف جالن هق بتول تو . فس دي مغاجر
هق ساله ، کات ، کالو کيت فرچاي ، کيت بشكیت هيديوف کلېق
ده . دالم فواق هق فرچاي ، اد هق ايمان دي ترباليق ، دغن
کران فغا جران تو .
- 18 تافي اد فلافيق کوكوه هق توهن لتق ده ، انتوق اورغ برايمان .
فلافيق تو تا برگوپع . فس هق اد توليس اتس فلافيق تو
بالس دي : توهن کتل ده دغن اورغ هق جاني ميليق دي . فس
اد ايات سا لاکي کات : اورغ مان ۲ هق معاکو کات دي جاري
ميليق توهن ، دي کا تيغشگل هق ساله اتوا جاهت سموا تو .
دالم رومه بسر ، اد ماچم ۲ روف مغکوق فيېڭن . بوکن سموا
هق بوات دغن مس اتوا فيرق . اد جوگ هق بوات دغن کايو
اتوا دغن تانه ليات . اد هق سوغ فاكى هاري راي ، فس اد
هق سوغ فاكى هاري ۲ .
- 21 اورغ هق بري سوچي ديري دي درف کسلاهن اتوا كجهاتن تو ،
دي نق جاري سروف مغکوق فيېڭن انتوق هاري راي ، هق سوغ

توان رومه بولیه فاکی بوات کرج فیسید ، هق دوق سیمفن سیف
ده انتوق کریجان مان ۲ هق مولیق . ساپیت توله ، جاگن مو
دوق توروت نفسو ۲ مو سروف کباپکن اورغ مودا ، دق !
مو کاچع توجوله کاسموا هق عاریل ، کفدا یمان ، کاسیه ، فس
دوق بائیک ۲ رغن اورغ . مو کنا توجو کافرکارا ۲ تو سکالی رغن
سموا اورغ هق فرچای کارتبی رغن اخلاص هاتی .
23 تافی بربی جاوهله دیبی مو درف کیچیفون بحس هق تاءار فاء یده
هق تنحوق کات اورغ هق بحس بالس تو ، بوروه . مو تاهو ده
کات ، سود کیچیق بالس تو نق جاری کلاهی باله ساج .
24 اورغ هق بوات کرج کارتبی ، تاء سوغ دی دوق نق کلاهی باله ،
نق ! دی کنا اد بونی بهاس کاسموا اورغ ، کا جاری اورغ هق
فندي اجر ، هق بولیه صبر .
25 فس ، اورغ هق لاون رغن دی ، دی کا بنتوق رغن لمه لمبوبت .
بغکالی توهن نق بربی اورغ هق لاون تو توبه ، فس ، فالیع
فرچای کا هق سوڠکوه . بالس توله ، دی بولیه کابر کات دی
ساله ، فس بولیه سلامت درف فرغکف هیبلیس هق فقسسا سوروه
توروت کهندق ۲ دی .

باب 3 ماس اخیر دنیا

1 مو کا فهم کات ، فد ماس اخیر دنیا ، نق تیمبول ماچم ۲
کجادین هق تاء مولیق . کران ما نسی ماس تو نق ایفت کا
دیری دی ساج . دی تاء کیرا اف ۲ اصلکن دی بولیه رویت . دی
نق بسر کا دیری نق سبومبوغ ، نق ماکی کا اورغ ، تاء سیر طاعة
کا ایبو باف ، تاء بالس بونی اورغ .
2 دی نق هیدوف سروف اورغ کفور . دی تاء اد فراسان کاسیه اتوا
کسیاغ بلس فون . دی سوگ کیچیق بوهوج بربی فونه نام اورغ .
دی تاء سیر تاهن دیری دی .

نی بیشکیغ، بنچی کا هق بائیک . ری سوگ درهاك کا اورغ . اف
هق نی نق بوات، بوات سلالو، دغن تاء سدر سنديري . ری سوگ
فاؤغ کا ديري ری . ری نق سنغ کا ديري ری لبیه فد کاسيه کا
توهن . تیفوق دلوار، ری بوات توروت اتوران ۲ اوکام، تافي ،

رالم هاتي، ری تولق کواس هق سبنر، هق اوکام تو .
بری جاء وله ديري مو درف ديرغ ۲ سروف تو . کران رالم فواق تو
اد اورغ هق نق مپليت ماسوق جاري گلوارگ درومه تشک اورغ ،
انتوق نق تاريق هاتي اورغ بتينا ، هق تاء فندی گامق ، هق

براس دوق تينديه دروسا ۲ ری ، هق هاتي ری تاء تتف .
سابيت تو، اورغ بتينا نی، ری نق فرچاي بلاک ، فثاجران
سياف ۲ فون، تافي ری تاء ليه سمني کا علمو هق سوغکوه .
بالس مان جانيس دغن جمبريس، دوا اورغ مصير تو، لاون دغن
نبی موسى ماس دللو، بالس تو جوگ، اورغ ۲ هق مپليت ماسوق
سائني، دوق لاون دغن هق سبنر . اورغ ۲ نی، فيکيران ری
فونه ده، ايمان ری فلسو .

ری بوليه مثاجر سبنتر ساج، تافي تاء لام، سموا اورغ نمفق
کات فثاجران ری بودوه . فس نق جاري کا ری سروف هق
جاري کا جانيس دغن جمبريس دللو تو .

اورغ هق توروت المسيح دغن سوغکوه ۲ هاتي

ایختله تیموتیوس، مو سوده تيليق فرهاتي بلاک ده اف ۲
هق اکو اجر، هق اکو بوات، توجوان هيڊوف کو، ايمان کو،
بالس مان اکو صبر، کاسيه، فس دوق کاچغ اور .

مو تاهو ده بالس مان اکو کنا پان، کنا سوشه، هق مان
جاتوه اتس اکو دبندر انتيوخ، دايكونيوم، فس دليسترا فول .
بالس مان اکو کنا پان تروق ساغت دسيتو . تافي رالم سموا
كسوساھن نی، ربی تولوغ بري کا اکو سلامت، بوکن ؟

- 12 تنتوله، اورغ مان ۲ هق براس نق توروت عيسى دغن سوغلکوه هاتي، نق کنا پاچ جوگ.
- 13 تافي اورغ جاهت هق سوگ تيفو اورغ تو، يي نق کهور ۲ جاهت لاکي، دغن تيفو اورغ، فس رې سنديري فون نق کا تيفو داورغ جوگ.
- 14 تافي مو تيموتیوس، دوق تتف هاتيله، اتس اف ۲ هق مو بلاجر ده، هق مو يقين کات سوغلکوه. کران مو کل ده دغن اورغ ۲ هق اجر مو تو. ايغتله بالس مان درې کچيك لاکي، مو دوق مخاجي اليف، با، تا، توروت هق اد دالم كتاب توهن. فس كتاب نيله هق اجر هاتي مو، بري توروت جالن سلامت دغن فرچاي کا عيسى المسيح.
- 15 سموا كتاب ۲ يي وحي درف دتهن کا ماءنسى، فس اد فائيده انتوق اجر اورغ، انتوق بنتوق مان ۲ هق بيلق، انتوق باييکي مان ۲ هق ساله، فس انتوق تنجوق اجر جالن هيديوف هق بتول دفنداغن توهن.
- 16 دغن مخاجي كتاب نيله، اورغ هق کرج کا توهن بوليه کفنداین هق چوکوف سمنفرن، فس دوق سيمفن سيف ده، نق بوات سموا کرج هق بايءيك.

فسنن انتوق اورغ هق جاري کتوا

باب 4

- 1 لاني، رافن توهن دغن عيسى المسيح، يي هق نق ماري جاري حكيم اتس اورغ هيديوف دغن اورغ ماتي، فس دغن اکو دوق ايشت کات، عيسى نق ماري بري نميق توبوه رې، فس نق لتق فرينته يي دغن سمنفرن ماس رافن، اکو فولوس دوق فسن کف مو.

- 2 اکو نق سوروه مو جوگ ۲ اوسماله رویت خبر توهن. دوق برسيف نق بوات کرج توهن سعمور، تاکيرا کات فلواح تو

مولیق اتوا فون تاء مولیق . تکله اورغ مان ۲ هق سیل夫 ، بري بتولله اورغ مان ۲ هق ساله . بریله سموا اورغ اد سماغت ، فس اجرله ری رغن هاتی صبر .

کران نق سمفی ماس اورغ ۲ تائسیر رغر فغا جران هق اد ایسي ،
تاپی ری نق توروت نفسو ری سندیری ، کی چاری گورو ۲ ماري
دوق ستوم فوق ، هق نق اجر ری فرکارا ۲ هق سدف دتلیغا .
ری تاء سیر رغر فغا جران هق بتول ، نق فالیغ رغر چریتنا ۲ بهاری
ساج .

تاپی مو تیموتیوس ، جاگ ۲ له دیری مو سعمور . ولبو سوسه فون ،
کنا صبر کاچیع بوات کرج مو جاري اورغ پیمفی خبرینغ بایيك .
فس کرج هق مو دوق تشكوغ جواب کاتوهن تو ، بواتله رغن
سوغکوه هاتی هیفگ سمفی سود .

کهیدوفن فولوس نق سود ده

فس اکو فول ، ماس نق سمفی ده هق داره کو کنا تومفه
تبیت سروف قربان ، ماس اکو کنا تیفگل دنیا .
اکو برتیواس ده سوغکوه ۲ . اکو بولیه ده بندیرا . اکو فکن بغن
کجت کا ایمان تو .

امبیق دماس لاني نایك کی ، هدیه هق نق بري کا اورغ منخ ،
دوق چادغ ده انتوق اکو ، یائیت مهکوت هق نق هدیه کا
اورغ هاتی بتول ، هق ربی نق هولور کا اکو فد هاری اخیرة ،
تکه ری ماري جاري حاکیم یعن عادیل تو ، فس ، بوکن کا اکو ساج
تاپی کف سموا اورغ هق دوق ننتی نق سمبوت ری ماري تو .

فسنن فولوس کا تیموتیوس هق سود

مو چاریله جالن بري بولیه ماري کا تمفت اکو ، بري باشت ۲
سیکیت . کران دیمس دوق سایغ کا حال ۲ دنیا لانی . سابیت تو ،

- بي لاري تيفكل اکو کي کا بندر تيسالونيكا . کريستينس کي ده ،
نق بوات کرج توهن دنکري کلاتيا ، فس تيتوس فون کي ده کا
11 نکري دالماتيا . لوقس ساج هق دوق سکالي دغناکو . کيله ،
چاري مرقوس باواه دي ماري دسيبني سکالي دغنا مو ، سبب دي
12 بوليه تولوغ دالم کرج اکوني . فس ، هق سود سکالي اکو هنتر
تیکيكوس سوروه دي کي کا بندر ايفيسوس .
- 13 بيلا مو ماري ، باواله باجو سجوق کو ، هق اکو تيفكل درومه
کروفوس ، دبندر ترواس . فس باواله سورت ۲ کو گاتيق . هق
مستحق ، جاغن لوف سورت ۲ هق توليس دکوليت بناٿ تو .
14 اسكندر هق جاري توکع تماگ تو ، دي بوات خيانه باپق کا
اكو . بلرله ، ربّي نق بالس کا دي .
- 15 فس تيموتيوس ، مو سنديري کنا جاگ ترهارف دي ، کران دي
لاون ساغت کا فغا جران کيت . •
- 16 تکه اکو کا او هق مولا تو ، تااد سئورغ هابوق هق ماسوق
اليق کو ، سموا تيفكل هابيس . تافي جاغنه توهن امبيق
ساله کا دي کران حل نی .
- 17 تافي ماش تو ، ربّي سنديري ماسوق باليق کو . دي بري اکو
کواس بوليه رویت خبر توهن بري چرف ، کا اورغ هق بفسا
لاين ۲ دتمفت فجادوان تو . فس دي بري اکو لفس ده درف
بهيا سروف دغنا مولوت سينا .
- 18 تنتوله ربّي نق بري اکو لفس جوگ ، درف سموا کجهاتن ، فس
باواه اکو دغنا سلامت هيٺگ سمني تمفت دي دوق مرينته ،
دشراگ . فوجيله ربّي ، دي هق مليا بوات سلام ۲ . امين .

فولوس کيريم سلام کا اورغ

- 19 اکو کيريم سلام کف فريمسكيلا دغنا لايکي دي اکويلا ، فس

- كا اورغ هق دوق رومه تفگ اونيسيفوروس گاتيق .
 20 ايرستوس دوق اد دبندر كورينتوس لانگي . فس تروفيموس دوق دبندر ميليتوس . دي تاء ماري سكالي رعن اکو کران دي ساکيت .
 21 مو تيموتيوس ، چاريله جالن بري بوليه ماري سيني ، بلوم فد فرياغ سجوق . اوبولوس ، فودينس ، لينوس ، كلاءوديا ، سكالي رعن اديق براديق لائين هق فرچاي کا المسيح ، سموا کيريم سلام کف دوق گاتيق .
 22 مينتا ربی دوق سكالي رعن مو ، فس رحمة توهن تورون دوق اتس مو سموا .

تیتوس

سورت کیریمن هق توهن بري
فولوس تولیس کف تیتوس

باب 1

فولوس دوق تکور تیتوس

- 1 اکو فولوس، همب توهن هق باواه تیته عیسی المیح،
انتوق نق تولوغ تعبه ایمان کا اورغ هق توهن فیلیه، فس
انتوق قیمفین ری بري اد علمو هق توجو کا اوکام هق سبئر، نق
بری اد هرافن نق بولیه هیدوف چارا بارو درف دنهن .
- 2 زمان ۲ دولو لاکی، توهن جنجی نق بري هیدوف نی، فس ری
تا موغکیر جنجی . سابیت توله، فد ماس هق ری لتق دولو،
توهن بري پات خبران ری، فس ایکوت سوروهن توهن،
جورو سلامت کیت، اکو فولوس باواه تیته کا کی مپمی خبران
تو .
- 3 اکو تولیس سورت نی کا تیتوس، هق سروف انق کو سندیری
کران کیت سام ۲ فرچای . اکو مینتا توهن باف، دغن عیسی
المیح جورو سلامت کیت، تورون رحمة دغن سلامت سجهترا
اتس مو .

نق لتق اورغ جانی کتوا ۲

- 5 اکو تیغکل مو تیتوس، دفولو کریت، نق بري مو سلسی

اف ۲ هق تاءً سوده لاكى . اکو بري مو لتق اورغ جاني کاکق ۲
اتس فواق المسيح دکف ۲ تمفت ، ايکوت سوروهن کو ، ياءٌ يت
اورغ مان هق نق جاني کاکق تو ، مستي کما اورغ لاءٌين تیغوق
بائيك تاءً اد ساله . کالو بريني ، يي کما جاني اورغ هق دوق
موليق لاكى بیني رغن بیني تو ساج . فس انق ۲ ري فون کما
فرچاي سروف فق ري ، تاءً کما اورغ ۲ بوليه کات ، يي بولق
فايه اجر ، اتوا هق راليه بوات ايکوت ري .

کران اورغ هق جاني کتوا تو ، جاري وکيل توهن . سابيت تو
ري تاءً ليه بوات هق ساله . تاءً سوغ فاتوت ري سومبوغ ، اتوا
نائيك داره فانس ، اتوا هق براهي مايوق ، اتوا موده موريه ،
اتوا فون هق نق کا لاب انتوق ديري ري سنديري .

لبق ! يي کما جاني اورغ هق ريلا سميوت رغن بائيك ، اورغ
هق ماري کا رومه ري . ري سوك کا هق بائيك سمات ۲ ، اورغ
هق فندي تاهن ديري ، هق هاتي بتول ، بوات هق توهن
برکن ، اورغ هق ترتيب ترنيع .

كتوا تو ، ري کما فکع کجت دغن فثاجران هق بنر ، کما رغن
هق اصل . بالس تو ، ري بوليه بري سماشت کما اورغ ۲ لاءٌين کوء
جالن فثاجران هق اد ايسي تو ، فس بوليه بري نمفق چرف
کسلاهن اورغ هق لاون فثاجران تو .

نق لاون دغن گورو ۲ فلسو

سسوغکوهن ، اد باپق هق ياتس فثاجران تو ، هق کي
تيفو اورغ لاءٌين رغن کيچيغىن همفا . اورغ هق سوك بحس
بالس نيءى ، کباپقکن ري اورغ يهونى ، هق بارو فرچاي کا المسيح .
مستي کما لارغ ري ، تاءً بري کيچيق . سبب رومه مان ري
نائيك ، ري بري فونه سموا اورغ دالم رومه تو ، رغن اجر هق
تاءً موليق . توجوان ري نق کا دويت ساج . تاءً سوغ ري نق

6

7

8

9

10

11

- جاري گورو دالم فوق المسيح . 12
 اد سئورغ نبي هق بعسا کريت سنديري ، هق بياس رویت فاته
 کات : اورغ بعسا کريت نبي سوك بوهوج ، بیغکيغ ، مالس نق
 بوات کرج ، ايغت کا ماکن ساج .
 13 فس اکو فولوس نبي ستوجو کات ، فاته نبي سوغکوه . سابيت تو
 مو تیتوس کا تکه رى قواة ۲ سيکيت ، انتوق نق برى ايمان نبي
 کوكوه لاكى .
 14 فس جاغن برى نبي توروت چريتا ۲ بهاري هق اورغ يهونى تو ،
 اتوا سوروهن اورغ هق تولق تاء سير تريما فغاچران هق بنر .
 15 اورغ هق هاتي سوچي ، سموا فرکارا فون سوچي . تافي اورغ هق
 هاتي چمر ، فرچاي تاء تتف ، تاء اد سکارا فون هق سوچي .
 سبب هاتي دغن فيکيران رى چمر سموا ده .
 16 اورغ هاتي چمر نبي معاکو رافن اورغ کات ، رى فرچاي کا توھن ،
 تافي هق رى بوات تو برى پات کات ، رى تاء فرچاي . فرکارا
 نبي هق اورغ بنچي . رى بوات ايکوت سير ، هيغىگ سمنفي تاء ليه
 نق بوات هق بايك .

فغاچران هق اد ايسى فنوه

باب 2

- 1 تافي مو تیتوس ، اجرله اف ۲ هق سوغ فاتوت دغن
 فغاچران هق اد ايسى فنوه .
 2 نصيحتله کا اورغ جنتن هق فريغكت توا سيکيت ، برى ترتيب
 ترنېغ ، بوليه تاهن ديرى . سوروه رى برى كجت ايمان ، کاسىه
 دغن هاتي صبر .
 3 بالس تو جوڭ ، نصيحتله کا اورغ بتينا هق فريغكت توا سيکيت
 برى فراغي رى موليق ، سوغ دغن هق دوق سوچي انتوق
 توھن . لارغ رى جاغن مغوفت ، اتوا جاني همب ارق . رى
 کنا اجر هق مان برى بايك .

بالس توله اورغ ۲ بتینا هق مودا نق توروت چنتوه دی ، نق
فندي کاسيه کا لاکي رفن انق ۲ دی ، فندي تاهن ديري ، فندي
دوق سوچي ، فندي بچارا کا رومه ، فندي لمه لمبوبت ، فندي
امبيق هاتي توء لاکي انتوق نق بري اورغ لاءين تاءين هينا فركتائ
تهنهن .

فس چارا حال اورغ جنتن مودا فول ، سوروه دی جوگ ، تاهن
ديري دی .

فس مو سنديري ، تیتوس ، دالم سموا فرکارا ساءني ، مو کنا
جاني چنتوه هق بايك ، رفن کرج بايك جوگ . فس ، بيلا مو
مثاجر ، تنجو قوله کات مو جوجور ، بوکن ماءين ۲ .
بريله کيچيفن مو اد ايسي فنوه ، جاغن بري فلواح کا اورغ بوليه
ياتس . بالس توله ، اورغ هق لاون کيت نق مالو ، تاءاد سکارا
هق بوليه مثادر کات کيت ساله .

اورغ هق جاني همب فون ، مو کا سوروه توروت فرينته توان
دي ، رفن تاءلاون اف سکارا . بالس تو بري توان دي براں
سنخ هاتي . لارغ دي ، جاغن کريت بارغ توان دي . دي کنا بري
تون دي بوليه هارف سخوتی کا دي بلاک . بالس توله ، اف ۲
هق همب تو بواس ، دي نق بري تيمبول نام موليق فشاجران
چارا حال توهن ، جورو سلامت کيت .

کران توهن تورون ده رحمة دي بري جلس ، انتوق نق بري
سلامت کا سموا ماءنسی .

رحمة تو نق اجر هاتي کيت ، سوروه تيغکل هق مان جاني
کوفور ، اتوا اغن ۲ نق بوليه کلبيهن اتس دنيا . توجوان
تهنهن ، نق بري کيت هيديوف رفن تاهن ديري ، دوق تکف رفن
هاتي هق توجو کا توهن سعمور دنيا دي ، تکه کيت دوق
ننتي هرافن هق نق بري فنوه سوک هاتي فد ماس دافن تو ،
ياءيت هاري نق بوليه نمفق ک مليان توهن يع مها بسر ، جورو

سلامت کیت عیسیٰ المیسح . دیاله هق سره دیری انتوق نق
تبوس پاوا کیت ، بري لفس درف دسموا کجهاتن ، فس نق بري
کیت دوق سوچی انتوق نی ، میلیق نی هق سوک بوات مولیق .
رویتلہ فرکارا نی . فاکیله کواس مو انتوق تنجوں اجر ، فس
انتوق تکه اورغ . جاغن بري اورغ مان ۲ تاءً فدولی کا کیچیفن مو .

14

15

کلاکوان اورغ دالم فواد المیسح

باب 3

1

2

3

4

5

6

7

فس مو تیتوس ، کنا فرایفت کا فواد مو ، بري نی توروت
سموا اوندغ ۲ هق کراجاں اتوا کتوا ۲ نی لتق . بري نی
طلاعه ، دوق سیمفون سیف نق بوات اف ۲ هق مولیق .
فسن کا نی ، جاغن بري نی کیچیق مفهودوہ حال سیاف ۲
فون . جاغن بري دوق کلاھی باله ، تافی سوروہ نی تنجوں
فراغی لمه لمبوت کا سموا اورغ .

سبب ماس دلو کیت سنديري بیاس جاهیل ، تاءً فارول کا اورغ ،
ساله جالن سعمور . کیت جاری همب کا نفسو ۲ کیت تو . کالو
براس نق اف ، کیت بوات سلالو . کیت دوق هیدوف سوک
توروت هق جاہت ، رغکی کا اورغ ، اورغ بنچی کا کیت ، کیت
فون بنچی کا نی جوگ .

تافی بیلا توهن ، جورو سلامت کیت ، بري پات کات نی باۓیک ،
دوق کاسیہ کا ماء نسی ، تکه تو جوگ ، نی بري سلامت کا کیت ،
بوکن سبب کیت بوات باۓیک ایکوت حکوم ۲ ، نق ! تافی سبب ،
رغن کسیاغ بلس توهن ساچ ، کیت بولیہ سلامت . نی باسوہ
کیت رغن روح نی تو ، بري کیت برانق سُمولا انتوق هیدوف
چارا بارو .

توهن چوچور روح نی تو اتس کیت ، بري ملیمفہ ، کوء جالن
عیسیٰ المیسح ، جورو سلامت کیت ، نق بري کیت بولیہ باۓیک
رغن توهن ، کران رحمة نی تو ، رغن هرافن کات ، کیت بولیہ

فساک، هیدوف هق سمنرن. خبران نی هق کیت بولیه هارف.
 فس اکو نق بری مو امبیق برت بولیه اجر فرکارا ۲ نی، انتوق
 نق بری اورغ ۲ هق فرچای کاتوهن، فیکیران ری توجو کا نق
 بوات بايک سعمور. سموا نی مولیق، فس اد فاءیده کا ماءنسی فول.
 تافي بری جاءوھله دیری مو درف دسوال ۲ هق بودوه، دغن
 بیلاخن توء نینیق مویغ، لفس سلافیس ۲، اتوا مان ۲ هق بری
 اورغ کلاھی باله دغن ایات ۲ دالم کتاب تورات. کران سموا نی
 بری خیانة کا اورغ، تا ۹ ادار فاءیده بلاک.

فس، کا اورغ هق بری کلاھی باله فول، مو کنا تنحوق اجر کا
 نی سکورغ ۲ دوا کالی. لفس تو، کالو ری تاء دغر جوگ، بری
 جاءوھله فد نی. کران مو تاهو ده کات اورغ ماچم تو هاتی
 بیلیق. دوسا ری تو جاری تنداد کات نی ساله ده.

نصیحة هق سود سکالی کا تیتوس

بیلا اکو هنتر ارتیموس اتوا تیکیکوس سمعی کفڈ مو، مو کنا
 چاری جان باشت ۲ بری بولیه مو ماری تمو دغن اکو دبندر
 نیکوفولیس، تمفت اکو کرت سین نق دوق، فد فریاغ سجوق.
 مو کنا چاری جان بری مولیق ۲ کا زینس، هق جانی فکوام تو،
 دغن افولوس. تولوغ بری سلامت فر جلانن نی، دغن بری تنتو
 کات نی اد سموا هق نی کنا فاکی.

فواق المسيح کیت سموا کا بلاجر چاری ماس بوات کرج مولیق ۲
 انتوق تولوغ اورغ مان هق چمفیغ سوغمکوہ. جاغنله سیاف دوق
 دغن تاء ادار فاءیده.

ادیق برادیق سموا هق دوق سینی کیریم سلام کفڈ مو بلاک.
 بری سمفیلہ سلام کو کفڈ ادیق برادیق هق کاسیه کا اکو کران
 کیت سام ۲ فرچای کا رتی عیسیٰ.
 مینتا بری رحمة توهن دوق اتس مو سموا.

فیلیمون

سورت کیرین هق توهن بري
فولوس تولیس کند فیلیمون

باب 1

فولوس دوق تکور فیلیمون

- 1 اکو فولوس ، هق کا ایکت کران عیسیٰ المسيح ، دغنا
ادیق کو تیموتیوس ، تولیس سورت نی کا فیلیمون ، ادیق هق
کیت کاسیہ سوغکوہ ، هق دوق کرج کا توهن سکالی رفن کیت .
- 2 فس کا فواق هق ماری فراچوم درومه مو ، سکالی دغنا ادیق بتینا
کیت افیاہ ، فس کند ارکیفوس هق ماسوق برلاون سبلہ المسيح
سکالی دغنا کیت تو .
- 3 مینتاً توهن باف کیت دغنا ربی عیسیٰ المسيح ، تورون رحمة
اتس فواق مو دغنا سلامت سجهترا .
- 4 هي ادیق کو فیلیمون ! کنف ۲ کالی اکو برعما انتوق مو ، اکو
اوچف تریما کاسیہ کا توهن ، کران اکو بوپی کات مو کاسیہ کا
سموا اورغ هق جاری میلیق توهن ، فس مو فرچای قواہ کا ربی
عیسیٰ .
- 5 اکو مینتاً نعا نق بري مو کھور ۲ دوق سہماتی دغنا اورغ هق
فرچای ، کا ربی عیسیٰ سروف مو جوگ ، سہیشگ مو بولیہ ارتی
باپق سکت مان فرکارا ۲ بائیک هق کیت بولیہ بوات نق تنجوں

کاسیه کا المسيح .

اکو براں سوک هاتی سوگکوہ ، قواہ فد دلو لاکی ، کران مو
تنجوق کاسیه کا فواق میلیق توهن بالس تو ، فس بڑی
سماغت کا هاتی ری کاتیق .

فولوس نق مینتاء ساتو فرکارا دغنا فیلیمون

9-8 سبب سمعوا نیله ، اد ساتو فرکارا هق اکو نق مینتاء سام
مو دغنا کاسیه . سوگکوہ اکو براںی سوروہ مو بوات هق مان
عادیل ، کران اکو نی جاری میلیق المسيح ، وکیل یی هق کنا
ایکت کران یی .

10 تافی نق ! اکو نق مینتاء سام مو تو انتوق اونیسیموس ، هق
جاری سروف انق کو ، کران اکوله هق فیمین ری بڑی فرجای
کا ریتی عیسو ، تکه اکو دوق ایکت درنیتی نی .

11 دلوو اونیسیموس نی تاء برکون انتوق مو ، تافی انتوق اکو جوگ .
ده ، بوکن انتوق مو ساج ، دق ، تافی انتوق اکو جوگ .

12 اکو نق سوروہ نی کلیق کند مو . تافی نق هنتر نی تو ،
13 سروف اکو تاء اد باہو سبلہ . سوگکوہن ، اکو براں نق بڑی نی
دوچ دسینی دغنا اکو . نی بولیه تولوغ اکو گنتی مو ، تکه اکو
دوچ ایکت کران اکو رویت خبر بائیک نی .

14 تافی اکو تاء سیر فقسا فرکارا نی اتس مو ، ملینکن مو ریلا
هاتی نق بوات فرکارا بائیک نی کا اکو . سابیت تو اکو تاء فکن نی .
15 بٹکالی نی تیغکل مو دلوو تو ، سبنتر ساج ، انتوق مو نق
بولیه سمبوت نی کلیق دوق سکالی دغنا مو سلام ۲۰ .

16 تافی لانی ، بوکن نی جاری همب مو ساج ، دق ! نی لبیه بائیک
فد همب مو لاکی ، کران نی جاری ادیق هق کیت کدوا کنا کاسیه .
اکو کاسیه سوگکوہ کا ری ، تافی تنتو مو کنا کاسیه کا نی لبیه
باپق لاکی فد اکو ، کران نی اورغ هق مو کا تفکوہ جواب

- سابيت ني جاري همب ، فس ني کا دغن مو کران مو سام ۲
 ۱۷ فرچاي دغن ربی . سابيت توله ، کالو مو مفاکو کات اکو نی
 جاري سائين مو سوگکوه ، مو سمبوله نی کلیق ، سروف توبوه
 اکو سنديري .
- کالو نی بوات ساله اف ۲ کفڈ مو دلو ، اتوا براوتع دغن مو ،
 ۱۸ بلر اکو تغکوغ ؟ اکو فولوس توليس سورت نی بوات جامین
 کات ، اکو نق تغکوغ باير اوتع نی . تافي ايغتلہ ، مو
 براوتع دغن اکو جوگ ، بوکن ، کران مو بوليه سلامت تو .
 ۱۹ هي ادیق کو فيلييمون ! سابيت کيت سام ۲ فرچاي کا ربی ،
 ۲۰ مو تولوغله اکو . بريله سماڠت هاتي کو کاتيق ، کران کيت
 کدوا روق سمهاتي دغن المسيح .
- اکو توليس سورت نی کفڈ مو ، کران اکو بوليه هارف کات مو
 ۲۱ نق بوات لبیه فد تو لاکني .
- تکه مو روق سمبوت اونيسيموس تو ، مو سيمفله بيليق انتوق
 اکو کاتيق . کران اکو روق هارف کات ، تاءلام اکو بوليه
 ماري کا تمفت مو ، سابيت فوق مو روق کاچڻ برريعا رعن
 ۲۲ توهن بالس تو .

سلام هق سود

- ایفاپروس هق روق کا ایکت سکالي دغن اکو کران عيسى
 ۲۳ المسيح ، ری کيريم سلام کفڈ مو .
- بالس تو جوگ ، سائين ۲ کو هق کرج سکالي دغن اکو ، مرقوس ،
 ۲۴ اريستركوس ، ديمس دغن لوقس ، کيريم سلام جوگ .
- مينتا ؟ ربی عيسى المسيح تورون رحمة اتس فوق مو سموا .
 ۲۵

عبراني

سورت هق توهن بري توليس کف
اورغ بعسا عبراني ياء يت اورغ يهوري

باب 1

تهن سوده رویت چارا حال دیری ری

1

فده ماس دولو، توهن بیاس رویت چارا حال دیری ری کا
تهن نینیق کیت اچف کالی ده، کوء ماچم ۲ جان، رعن سموا
نبی ۲ تو.

2

تافی لانی، فده ماس دنیا دکت ۲ نق هابیس ده، توهن سوده
رویت چارا حال دیری ری کوء ساتو جان، رعن انق بیع ساتو
هق ری. رعن انق بیع ساتو نیله، توهن بري جادیکن عالم
دنیا، تا^هکیرا دلاغیت اتوا دبومی فون. جانی کهندق توهن
نی، ری فیلیه ره انق بیع ساتو هق ری، انتوق تریما سموا
فرکارا بیع اد تو، نق جانی فساک ری، فده ماس اخیر دنیا.

3

چهبا کمليان توهن دوق نمفق برسيزير چره چراچ دالم توبوه
انق ری نی. دالم توبوه دیاله، کیت بولیه نمفق کات، اینیله
تهن هق سبنر، کران بالس مان توهن، بگیتوله انق ری
جوگ. رعن فرکتائن بیع مهاکواس هق انق بیع ساتو نی، سموا
مخلوق، تا^هکیرا کات دلاغیت اتوا دبومی فون، دوق اد
دمفت ری ماسیع ۲. فس بیلا ری هافوس دوسا ماء نسی بري
چوچی ده، ری فون ناءیک کا شرگ دودوق دسبله کانن توهن،

ني ييغ مهاكواس اتس سموا فركلارا .
ني بوليه فريغكت تيغكى فد سموا ملائكة باپكالى كندا ،
سروف نام هق توهن لتق اتس نبي ، اد هرك لبىه فد نام
ملائكة ۲ باپكالى كندا جوڭ .

كتاب النبي ۲ كات المسيح تيغكى فد ملائكة لاڭى

5
كزان توهن تاء بياس كات كا ملائكة مان ۲ فون ، هق رى
رويت كا المسيح دالم ايات نبي ، كات :

مو جاري انق كو . فد هاري نيله اكو برى پات كات ،
اكو جاري باف مو .

فس ايات سا لاڭى :

اكو نق جاري باف رى . دىالله نق جاري انق كو

6
انق ييغ ساتو نبي دوق اد دولو فد سموا مخلوق . فس ، بيلاد
تهن نق برى نبي تورون كا دنيا ، توهن كات :

ملائكة ۲ هق كرج كا توهن ، كنا سمبە كا انق كو نې بلاڭ .

7
فس چارا حال ملائكة فول ، توهن كات :

تهن برى جاري ملائكة ۲ نې سروف اغىن . فوقا
هق كرج كا توهن نبي ، توهن برى جاري سروف افي سلر .

8
تافي چارا حال انق ييغ ساتو ، توهن كات :

تحت كراجان مو ، يا توهن ، دوق اد سمفى سلام ۲ ث .
مو دوق فرينته اتس كراجان مو دغۇن عاينىل سعمور .
هق بىتلۇ مو برگىن ، هق جاھت مو بنچىي سمات .

سبب توله، توهن هق جاري توهنmo، رى سوده فيليه مو،
لعن فريغكت مليا سكالي، لبيه فد سائين ۲ مو سموا،
بېي مو دودوق لعن برسوگريا.

10 فس ار ايات سا لاگي هق توهن کات کا انق يې ساتو هق رى:

يا ربى، موله هق مولا ۲ سكالي برى جاري دنها،
فس لاغيت فون مو برى جاري داغن تاغن مو سنديري.
سموا فركارا نى نق كەھور بوروق سروف کائين باجمو،
سروف چابوت باجو لوار ليفت تاروه،
تا سير فاكى نق فونه دە. تافي مو تا براوبە،
دوق سروف تولا، عمور مو تا هابيس بوات سلام ۰۲م

11
12

13 فس توهن تا بىاس رویت کا ملائىکة سروف رى رویت کا انق
يې ساتو دالم ايات نى، کات:

ماريلە مو، دودوق سبلە كانىن اکو، سەھىفەڭ اکو
برى سموا سترو ۲ مو جاري سروف فلافيق کاكى مو.

14 کالو گىتو، ملائىکة جاري بالس مان؟ رى منحوق توهن، هق
دوق كرج کا توهن سعمور. فس توهن سوروھ رى تورون ماري
تولوغ فواق كيت هق توهن فيليه دە نق تريما سلامت.

باب 2 خبر هق توهن تورون، كيت کا فادول

1 ساپىت تو، لاني مستحق كيت فكع داغن قواه، سموا فركارا
هق كيت دغر تو. تاکوت کالو گىت تا فكع، نق ھاپوت كى
جاوه. كران تكە ماس دولو، توهن برى تاھوكات، خبر هق

1
2

ري تورون کا ما^ءنسی کوء جالن ملائیکہ ۲ کیت کنا فارول . کالو اورغ لشکر حکوم تو ، اتوا تاءسیر توروت فون ، اورغ تو کنا ندنا جاري بالسن هق عاريل .

3 فس کالو کیت تاءفارول کا خبر چارا حال جالن مائنسی نق بولیه سلامت هق لبیه بائیک تو ، نق جاري بالس مان کا کیت فول ؟ فس ربی سنديري ، بوکن ملائیکہ ، هق ماري رویت مولا ۲ چارا حال جالن سلامت نی ، فس اورغ هق دغره ، جاري سقسی کا کیت فول کات ، هق ری رویت تو سوغکوه .

4 توهن فون جاري سقسی جوگ ، رعن تندا هق ری بوات ، رعن فرکارا ۲ عجایب ، فس رعن باپق فرکارا لائی ، هق بربی نمفق کواس ری . فس توهن بربی روح ری تورون نعمۃ ماسیع ۲ اتس میلیق ری ، رعن ایکوت کھندق ری .

ما^ءنسی نق مرینته اتس دنیا ماس دافن ، بوکن ملائیکہ ۲

5 ماس کوء دافن ، بوکن ملائیکہ ۲ هق توهن نق لتق سوروه مرینته دنیا . فس جاري ماس احیرة توله هق کیت دوق سبوت لانی .

6 توهن نق بوات سروف هق ایات ۲ دالم کتاب کات :

يا توهن ! باءاف توهن دوق فارول کا مائنسی کیت ؟

فليق سوغکوه توهن امبیق فدولی کا کیت لبیه فد هق لاين .

7 يا توهن ! مو بوات بربی ما^ءنسی فريغکت رنده فد ملائیکہ ۲ سمنتارا ساج . لفس تو ، مو بربی تمفت مليا ، تمفت تیفکی کا ری فول ، بربی ری امبیق فرينته اتس سموا فرکارا .

8 ایات نی کات ، توهن بربی کا ما^ءنسی نق امبیق فرينته اتس سموا فرکارا . معناش ، تاءاد سکارا هابوق هق تیغکل .

تکه ماس لانی ، کیت تاءنفق لائی کات ، ما^ءنسی امبیق فرينته

اتس سموا فرکارا تو.

تافي هق کيت بوليه نمفق ، يائیت عيسى . توهن ، نغن کران رحمة دي اتس مائنسی ، بري عيسى ني تورون دوق رنده فد ملا' یکه سمنتارا ساج . توجوان توهن ، نق بري عيسى تريما حکوم ماتي گنتي سموا ماء نسي . فس سابیت عيسى جوغ تريما سيقسا سغسارا تو ، توهن بري يي نائيک کا تمفت هق مها مليا ، رغن سکل ۲ حرمه تو .

عيسى تورون جاري ماء نسي انتوق نق تولوغ ماء نسي

10 توهن هق بري جاري سموا فرکارا ، فس هق بري سموا سکل تو برگتوع فد يي ، سوغ فاتوته نې بري عيسى سيف سمنفرن کوء جالن تريما سيقسا سغسارا تو ، نق تولوغ ماء نسي . کران توهن اد توجوان نق بري عيسى جاري کفلا هق باوا باپق اورغ نائيک کا تمفت مليا سروف انق ۲ توهن .

11 کران عيسى ، هق اد کواس بوليه هافوس دوسا ماء نسي بري سوچي ، سکالي نغن فوق هق يي بري سوچي تو ، دوق دالم فوق هق تولا ، رغن باف سا . سبب توله عيسى تاء مالو نق مفاکو کات ، اورغ تو جاري اديق ۲ يي .

12 سروف ايات ۲ دالم کتاب کات :

يا توهن ! اکو نق رویت چارا حال مو بري سموا
اديق ۲ کو رغر . دالم فوق ميليق توهن يي ، اکو
نق پاپي فوجين کا توهن .

13 فس اد ايات هق کات :

اکو يي دوق هارف کف دوق توهن .

ایات تو قون کات فول :

تیغوقله! اکو روق سینی سکالی رفن انق ۲ توهن
حق نی برب کف کو.

انق ۲ حق کیت سبوت دالم ایات ساءِ نسی، جاری ما نسی هق
اد راکیغ راره سروف کیت. سا بیت توله، عیسی فون تورون
ماری جاری ما نسی، فراغی فون سروف ما نسی جوگ. نی
تورون بالس تو سمفی کا ماتی فون، سبب نی اد توجوان
نق بوات خیانة کا هیبلیس. کران هومبی کا ماتی تو، یائیت
هیبلیس.

لعن بوات بالس تو، عیسی نق برب لفس پاوا ما نسی هق
جاری سروف همب ۲، روق تاکوت کا ماتی سفنجع عمور نی.
تنتوله، بوکن ملائیکة تافی ما نسی، حق جاری انق چوچو
ابراهیم حق عیسی ماری نق تولوغ.

سبب تو عیسی کا تورون ماری جاری سروف ادیق برادیق نی دالم
کنف ۲ فرکارا. بالس توله، نی بولیه جاری تو امام بسر هق
طاعه ستیا کف توهن، فس هق کسیاغ بلس سوگکوہ کا فوقا
نی. کرج نی نی، بوات قربان کف توهن نق برب بولیه
هافسوس دوسا سموا اورغ، برب بولیه کلیق جاری باکی
لعن سمولا.

فس سا بیت عیسی سندیری کا سیقسما لعن سو سه هق چوب
هاتی نی، معناش نی بولیه تولوغ سوگکوہ، سموا اورغ هق کا
فنچوبائی اف ۲ فون.

باب 3 فریغکت عیسی تیغکی فد نبی موسی لاکی.

یا ادیق برادیق کو، فوقا یغ سوچی انتوق توهن، هق
توهن سوروہ هارف کو نی سعمور، فرهاتی تیغوقله کا عیسی
فسوروہ اللہ هق سجاتی، هق جاری امام بسر بچارا کا کیت،

- بیلا کیت مغهارف توهن .
عیسی طاعة ستیا کا توهن ، هق لتق ری انتوق کرج تو ،
سروف نبی موسی دوق طاعة کا توهن ، بچارا کا اورغ دالم
کلوارگ توهن ماس دلو ، جوگ . 2
- میسل کات ، توکع هق بوات رومه ، فاتوت کنا حرمة لبیه فد
رومہ تو ، بوکن ؟ سبب توله ، فاتوت عیسی کنا حرمة لبیه فد
نبی موسی . 3
- تنتو کنف ۲ بواه رومہ کا اد توکع ، تافی توهنله هق بڑی
جاري سموا فرکارا . 4
- سوغکوہ ، نبی موسی طاعة کا توهن دالم سموا کرج ری انتوق
کلوارگ توهن . فس توهن بڑی ری رویت حال فرکارا هق توهن
سنديري نق رویت ماس دافن فون ، تافی ری بوات کرج ری تو ،
سروف کولي رعن توان . 5
- تافی المسيح دوق طاعة کا توهن سروف انق توان رومہ هق
دوق کرج دالم رومہ ری سنديري . فس کیت ، فواق هق توروت
المسيح فول ، جاري سروف ادیق برادیق درومہ ری ساءُ نی جوگ .
تافی کیت کا بڑی کجت هاتی ، برانی نق فکع هق کیت دوق
هارف نی ، رعن تا لفس سمنفی سود . 6

کجادین زمان دلو جاري امران انتوق کیت لانی

سابیت توله ، کیت کا دغر فرکتائی روح توهن ، دالم
ایات ۲ نی کات : 7

هاری نیله ، توهن دوق کیچیق رعن مو . دغله
کا سوارا ری ! جاغن مو دوق کرس هاتی ، سروف
توء نینیق مو ، هق بوات درهاک رعن چوب توهن ،
تکه فواق تو دوق دالم لاوت فاسیر دلو . 8

ولو ری بولیه تیغوق ده سموا فرکارا هق اکو توهن دوق
بوات رسیتو، سمفی امفت فولوه تاهون فون، ری چوب
اکو دغن سویی تیغوق اکو نق صبر سمفی ستارا مان.
سابیت توله، توهن کات، اکو بوسن سوڠکوه دغن فواق
هق دوق اد ماس تو. اکو کیرا کات فیکیران دالم هاتی ری
قياس نق کی کوء لاءین سعمور. ری تاءارتی لغسوغ جالن
هق اکو برکن، توهن کات.
اکو فون مرک کا ری، برسومفه کات: اکو تاءبری فواق نی
ماسوق دالم تمفت هیلیغ سوسه دوق سکالی دغن اکو.

هی ادیق برادیق کو، مو کا جاگ بائیک له! تاکوت اد سیاف ۲
دالم فواق مو هق فیکیران جاھت دالم هاتی بربی نی تاءسیر
فرچای، هیغگ سمفی هاتی ری فالیغ کی جاءوه درف دتهن
هق یغ هیدوف تو.
تکه مو اد فلواغ هق توهن سبوت: هاری نی دالم ایات تاری،
مو کنا کیچیق تولوغ مو اکو جوگ ۲، تیف ۳ هاری تاءفوتوس،
انتوق نق بربی سموا اورغ دالم فواق مو، هاتی نق توروت
تهن سوڠکوه ۲. جاھن بربی سیاف دالم فواق مو کا تیفو
دنفسو جاھت هق ری، سهیغگ ری جاری کرس هاتی.
کران کیت سموا جانی سروف ادیق برادیق المسیح، هق اد
فساک سروف ری جوگ، تافی کیت کا فکنه بربی کبھ سمفی
سود، سموا فرکارا هق کیت مولا ۲ فرچای تو.
ایات هق کیت باج ساءنی کات:

هاری نیله توهن دوق کیچیق لغن مو. نفرله کا ری! جاھن
مو دوق کرس هاتی سروف توءنینیق مو، هق بوات درھاک
کا توهن دولو!

- سياف رى تو هق دغر کا توهن ، تافي بوات درهاك جوگ ؟ 16
 بوکن که سموا توء نينيق مو ، هق موسى باواء توبيت دنگري
 مصير توء ها ، فوق توله ! فس سا لاكى ، اوزغ مان هق توهن
 دوق بوسن دغن رى سمعي امفت فولوه تاهون توء بوكتكه توء 17
 نينيق مو ، هق بوات دوسا ، فس رى ماتي ، فس مايت رى دوق
 تامن ده دالم لاءوت فاسير ؟ ها ، فوق توله !
 فس اکو نق تلش سا لاكى . بيلا توهن برسومفه کات ساتو فوق 18
 تاء بوليه ماسوق سکالي دغن رى ، تمفت هيبلغ سوسه تو ، فوق
 مان ؟ فوق توء نينيق مو هق دوق درهاك تو جوگ .
 بالس نيله کيت بوليه ارتى کات ، رى تاء بوليه ماسوق کا تمفت 19
 هيبلغ سوسه هق توهن ، دغن کران رى تاء سير فرچاي تو .

باب 4 کنا امبيق فلواغ ماسوق دالم تمفت هيبلغ سوسه هق توهن

- لاني تمفت هيبلغ سوسه هق توهن جنجي تو ، دوق تربوك ، 1
 کيت بوليه ماسوق لاكى . تافي کيت کا فالول جوگ ، کران
 تاکوت ، بيلا هابيس ماس ده ، نق اد اورغ دالم فوق مو هق
 تاءدان امبيق فلواغ نق ماسوق .
 سسوڠگوهن ، کيت هق دوق اد ماس لاني ، دغر ده خبر يع 2
 باييك چارا حال تمفت هيبلغ سوسه تو ، سروف توء نينيق
 کيت دغر ماس دولو جوگ . تافي هق رى دغر تو ، سيا ۲ ساج ،
 دغن ساپيت رى تاء بري ماسوق هاتي دغن فرچاي .
 تمفت اورغ نق ماسوق بري هيبلغ سوسه سکالي دغن توهن تو ، 3
 دوق اد لاكى انتوق کيت هق دغر ، دغن فرچاي .
 تافي کا توء نينيق کيت هق تاء فرچاي ، توهن کات :

اکو مرک کا رى ، برسومفه کات : اکو تاء بري فوق نى
 ماسوق دالم تمفت هيبلغ سوسه ، دوق سکالي دغن اکو .

تهن کات بالس تو، ولو تمفت تو اد، دری اول دنيا فون،
یائیت جق هاري هق توهن بري سلسی جاریکن دنيا.
کران اد ساتو ایات دالم کتاب هق رویت حال هاري بیغ کتوجوه
هق توهن جاریکن دنيا، کات:

4

سمفی ده هاري بیغ کتوجوه، کرج توهن فون سلسی بلاک ده

5

فس چارا حال تمفت تو، توهن کات:

**اکو تاء بري فوق نی ماسوق دالم تمفت هیلخ سوسه دوق
سکالی رغن اکو.**

6

اورغ هق مولا دغر خبر بیغ بائیک، تاء بولیه ماسوق تمفت
تو، دغن کران دی تاء سیر تریما دغن فرچای. تافی سسوغکوهن
اد لانکی جالن اورغ لاءین بولیه ماسوق تمفت هیلخ سوسه تو.
کیت تاهو ده کات جانی بالس نی، کران توهن سوده لتق
هاري سا لانکی، هق دی فشکیل: هاري نی، نق بري اورغ بولیه
ماسوق. لفس فد اورغ دولو تو باپق تاهون ده، توهن بري نبی
رآود رویت حال هاري نی، دالم ایات هق کیت باج تانی کات:

7

**هاري نیله توهن دوق کیچیق رغن مو. دغله کا سوارا دی.
جاشن مو دوق کرس هاتي!**

8

فس کیت بولیه کات بالس نی. کالو فوق دولو تو بولیه ماسوق
سمفی ده کا تمفت هیلخ سوسه تو، توروت ک فلا دی نام یشوا
تنتو توهن تاء کا رویت حال هاري لاءین، بوکن؟

9

تافی سسوغکوهن اد لانکی فلوغ انتوق میلیق توهن، بولیه
ماسوق دوق سکالی رغن توهن. هق نی بولیه بندیع دغن هاري
بیغ کتوجوه هق توهن بري سلسی ده جاریکن عالم دنيا تو.
فس اورغ مان هق امبیق فلوغ ماسوق تو، دی بولیه برهنتی

10

درف د کرج ری ، سروف توهن برهنتی کرج جادیکن دنیا ، سمفی هاری هق سلسی ده .

سابیت تو ، بائیک کیت اوسمها نق ماسوق تریما هیله سوسه سکالی دغن توهن تو ، دغن سوگکوه ۲ هاتی . جاغن بری ار سیاف ۲ دالم فواق مو ربہ تغه جالن ، دغن کران ری تاء سیر طلاعة کا توهن ، سروف فواق هق سدیا تو .

فرکتائن توهن هق تیلیق تیغوق دالم هاتی کیت

کران فرکتائن توهن هق مو سوده دغز تو ، تاء ماتی ، ار کواس سعمور . ری تاجم لایکی فد کریس مات دوا ، کران فرکتائن توهن تو ار کواس بولیه تیکم ماسوق دالم ، هیغک سمفی هاتی دغن روح ماء نسی ، هیغک سمفی سندي تولغ دغن لمق هق دوق دالم تولغ تو . فس فرکتائن تو ار کواس بولیه تیلیق تیغوق فیکیران دغن توجوان دالم هاتی ماء نسی .

تاء ار اف سکارا هق بولیه سوسوف کا توهن . سموا هق توهن بری جادی ، دوق تریوک دمات ری ، فس کیت سموا نی کنا تمو . دغن ری ، نق قیاس کوء لاءین تاء لیه ده .

عیسوی جانی امام بسر هق کسیاغ بلس کند کیت

سابیت توله ، کیت کا فکن فرکارا ۲ هق کیت فرچای ، تاء بری لفس سکارا ، فس ار ساتو فنلولغ هق جانی توء امام بسر انتوق کیت . ری سوده ناءیک کا شرگ ، هیغک سمفی بولیه مفهارف توهن . توء امام بسر هق کیت نی ، دیاله عیسوی ، انق بیغ ساتو هق توهن . فس ری بوکن توء امام هق تاء امبیق فدولی کا فواق کیت ، لق ! توء امام کیت نی بیاس تاهو بیاس کنا سموا فنچوبان سروف ماء نسی کیت ، تافی دوسا تاء ار اف سکارا هق ری بیاس بوات .

16 ساپیت توله، ماری کیت برانی کی مغہارف تحت توهن، تمفت رحمة دوق مليغه. دسیتوله، کیت نق تریما کسیاغ بلس، فس بیلا کیت مینتا، فرتولوغن، کیت نق بولیه سلالو.

اورغ هق توهن لتق جاري امام بسر

باب 5

1 امام بسر هق کا فیلیه دالم ما نسی تمارد، نق بوات کرج کا توهن کتی فوق ری. توجوان ری کا فیلیه تو، ری سمبہ بارغ کا توهن، اتوا بوات قربان نق مینتا بربی امفون دوسا، فوق ری تو.

2 تو، امام تو بولیه صبر کسیاغ بلس، تکه فوق تو دوق تا، کابر، تا، ایقت نق توروت کا حکوم توهن، کران تو، امام سندیری فون جاري اورغ لمه سماقت، سروف فوق ری جوگ.

3 ساپیت توله، بیلا ری بوات قربان، نق مینتا بربی امفون دوسا، فوق ری تو، ری کا بوات قربان انتوق دیری ری دولو.

4 فس لاکی، تا، اد سیاف بولیه اگکیت دیری ری ناءیک کا تمفت مليا نق بربی جاري تو، امام بسر. توهن ساج بولیه لتق ری، سروف دغن هارون، هق جاري تو، امام بسر هق مولا، سکالی تو.

بالس مان عیسی جاري امام بسر هق کیت لانی

5 بالس تو جوگ، المیح بوکن ری سندیری اگکیت دیری نق جاري تو، امام بسر، دق! تافی توهن هق لتق ری، هق کات کا ری سروف دالم ایات نی کات:

مو جاري انق کو. فد هاری نیله اکو بربی پات کات،
اکو جاري باف مو.

6 فس دالم ایات سا لاکی، توهن رویت کا المیح کات:

مو نق جاري تو، امام هق اد، بوات سلام ۲، ایکوت
اتوران امام نام ملکی صیديق دولو تو.

تکه عیسو دوق اتس دنیا، دی دوق برعما ، کاچع هیفگ سمفی ۷
تریاق رعن سوارا درس ، مینتا، فرتولوغن دتوهن ، هق اد
کواس بري دی سلامت دالم کسيقسائی ماتی تو. فس رعن کران
عیسو مرندہ دیری انتوق نق توروت کهندق توهن ، توهن
فون تریما نعا عیسو تو.

فس ولو دی جاري انق بیغ ساتو هق توهن فون ، رعن سموا ۸
کسو ساهن کسيقسائی دی تو، توهن نق اجر دی بري طلاعة
سو غکوه. فس بیلا دی توروت جالن نی رعن چوکوف سمنفرن ده ۹
دی بولیه جاری هومی هق بري سلامت سلام ۲ کاسموا اورغ هق
طلاعة کا دی.

فس توهن بري تaho چرف کات، دی لتق عیسی جاري امام ۱۰
بسر هق کیت، ایکوت اتوران امام نام ملکی صیديق تو.

اورغ دالم فوق المسيح تاء لیه دوق سروف بودق سعمور

چارا حال فغا جران نی اد باپک فرکارا لایکی ، هق کیت نق ۱۱
رویت ، تافی فایه سو غکوه نق هوری کا فوق مو ، کران فوق
مو مالس نق رغرا. مو جاري اورغ دالم فوق المسيح چوکوف ۱۲
لام ده ، فاتوت مو کنا اجر کا اورغ لائین فول . تافی مو کنا اد
اورغ ماري اجر مو لایکی ، فرکارا ۲ رنده سروف الیف با تا ، دالم
خبر هق توهن تورون کا کیت نی . سروف مو کنا دوق ماکن
فیق ، تاء فندي ماکن هق لائین لایکی !

فس اورغ هق ماکن فیق لایکی ، دی تاء فندي فاکی علمو هق ۱۳
توهن تورون ده ، نق فیلیه هق مان بایک ، هق مان جا هت ،
نق ! دی سروف بودق کچیک لایکی .

14 تافي مکانن برايسی تاء سروف دغۇن فيق ساء نى . هق برايسىي تو، اورغ بسر ساج بولىيە ماڭن، معنلۇچ اورغ هق دوق اىشت، فلاجران تو لام ده، سەھىغىگ سەمفىي ئى فەندىي فيلىيە هق مان بايىك، هق مان جاھت .

باب 6

2-1 سبب تولە، كىت كىا سيمفن تاروه فلاجران انتوق اورغ هق بارو فرچايى كا المسيح تو، كىا هارف توجو كۈدافن لاكىي نق كەھور ۲ بسر سروف اورغ هق جانى مىليق المسيح سجاتىي . كىت تاء كىا لتق فلافيق رومە دوا تىگ امفت كالىي ده . فلافيق تو كىت بولىيە بىندىيۇ دغۇن فلاجران سروف، ساتو، توبة درف دىرىج كىت هق سود جالن برى كىت كا حکوم ماتىي، دوا، فالىيۇ فرچايى كا توهن، تىگ، فلاجران حال اتوران مندىي بفتىزما، امفت، چارا حال لتق تاڭن اتس اورغ، ليم، حال اورغ ماتىي نق ھيدوف كلىق سەمۇلا، فس انم تو، چارا حال ھارىي قيامە . انم فركلارا نى، كىت كىا سيمفن تاروه .

3 لفس فد نى، كالو توهن برى فلواغ لاكىي، كىت نق ھارف توجو كۈدافن فول .

اد اورغ هق تاء لىيە مغااجر ده چارا حال توروت عىسى

4 تافي كالو كىت كىرا چارا حال فواق هق مولا ۲ دوق توروت جالن ربىي، فس تو ئى سكلىيۇ قىياس كىي كۈداپىرى ئى سندىپىرى، ئىي نق فالىيۇ توبة كلىق سەمۇلا، بالس مان؟ تىننۇ تائلىيە . كران ئىي بىياس ماسوق ده دالىم چەھىيا توهن . ئى بىياس كېپ دە رحمة درى شىرىگ . ئى بىياس ترىيما ده، سكالىي دغۇن كىت، روح يېڭى سوچىي هق توهن .

5 ئىي تاھو دە دالىم ھاتىي كات، فرکتائەن توهن بايىك انتوق ئىي . ئى بىراس دە كواس هق توهن تورون، جارى تىندا كات اخىرە نق سەمفىي ده .

تافي دي قياس کي کوء لعین جوگ . فس نق بري فواق نبي توبه
کليق سمولاء ، بالس ۲ مان فون تاءٌ ليه . کران جاري سروف دي
باواه انق يغ ساتو هق توهن ، کي کا تمفت هيينا سکالي لاکي ، کا
کايو امفت چابع تو ، نق فاكو دي سمولاء .

کالو کيت بندیغ ، سروف دغۇن تانه دوق بلاتور دوا كفيغ . هوچن
تورون سروف ، تانه سكفيغ تو ، هوچن تورون سرا اير موليق ،
تومبوه توبيت حاصلن موليق ، هق توان دي بوليه فاكى . هق
نبي هق توهن برگن .

تافي تانه سكفيغ لاکي تو ، تومبوه رمفوت لالغ دغۇن فوهون كمبئع
کاجه هق تاءٌ ترفاکي . هق نبي هق توهن بنچي . سود سکالي
نق کا باکر رافي هابيس .

اديق براديق هق اکو کاسيه ، ولو اکو رویت بالس تو فون ،
تافي چارا حال فواق مو ، اکو تاءٌ براس شك هاتي . کران اديق
براديق تنحوق بري نمفق فركارا ۲ موليق ، هق جاري تندا کات
مو بوليه سلامت ده . سبب توهن مستي کا بوات هق عاديل
سعمور . دي تاءٌ لوف کرج مو کا دي ، دغۇن کرج مو تولوغ ده کا
اديق براديق رالم فواق المسيح ، فس هق مو دوق بوات لاکي
فون ، هق جاري تندا کات مو دوق کاسيه کا توهن .

تافي کەندق هاتي کو ، اکو نق بري اديق براديق کتف ۲ اورغ
راجين توروت جالن تو ، هيڭگى سمني سود ، انتوق بري بوليه
ترىما دغۇن سعفرن سموا فركارا هق مو دوق هارق فد توهن .
جاڭن سکالي مو جاري اورغ هق مالس نق توروت . تافي توروتله
چنتوه اورغ ۲ هق تبيغ فرچاي دغۇن هاتي صبر ، فس هق
ترىما ده سموا هق توهن جنجي دولو نق بري .

تنتو هق توهن جنجي دي نق بري

بىلا توهن بوات فرجنجىن دغۇن نبى ابراھيم دولو ، دي

جنجي دغن برسومفه جاري تندادا کات تنتو. فس سبب تاء اد سیاف تیغکی فد ری ، سا بیت تو توهن برسومفه اتس نام ری سندیری ، کات :

اکو جنجي نق تورون رحمة کو کا اتس مو ، کات نق
بری انق چوچو مو کھور ۲ باپق لاکی.

14

ابراهیم فون تبیع ننتی دغن صبر سهیغک سود سکالی ، بولیه تریما هق توهن جنجي تو.

15

بیلا ماء نتسی نق جنجي اف ۲ هق مستحق ، ری برسومفه اتس نام هق اد کواں لبیه فد کواں ری سندیری ، جاري تندادا کات ، نق بری تتف مولیق ، هق ری ستوجو تو.

16

سروف تو جوگ ، توهن نق بری تاهو چرف کا اوغ هق نق بولیه فرجنجین ری کوء رافن ، کات هق ری جنجي تو ، ری تاء موگکیر سکالی ۲ . سبب توله ، ری تمبہ دغن برسومفه اتس فرجنجین ری تو ، نق بری کجت لاکی .

17

اتس دوا فرکارا نی ، بالس ۲ مان فون ، توهن تاء بو هوغ . فس سبب نبله ، کیت هق تمو ده تمفت فرلیندوغ دغن توهن ، برانی بولیه برکشوغ کھور ۲ قواة فد هق کیت دوق هارف تو.

18

هق کیت دوق هارف نی ، کیت بولیه بندیغ دغن باتو ساء و هق تتف ، هق بری هاتی کیت تاء هاپوت کی کوء لائين . فس باتو ساء و کیت نی ، دوق بالیق سان کائین تابیر دتمفت سوچی ، هق رافت سکالی دغن توهن دشرگ .

19

لانی عیسی فون سوده ماسوق دالم تمفت سوچی تو ، دولو فد کیت لاکی ، جاري واکیل کیت . ری جاري امام بسر انتوق کیت ، فس ری دوق دسیتو سلام ۲ ، ایکوت اتوران امام نام ملکیصیدیق تو .

باب ٧ چارا حال امام نام ملکیصیديق، چريتا دي هق اصل

چارا حال ملکیصیديق ني، دي جاري راج كوت ساليم، فس
دي جاري امام هق سمهه کا توهن يغ مهاتيفگي گاتيق . جاري
تكه نبي ابراهيم برجالن گليق درف درغ بونوه سکل راج تو،
ملکیصیديق ساءني تمورغن دي تغه جالن، فس ملکیصیديق
مينتا دغн توهن تورون برکت اتس ابراهيم.

لفس تو، ابراهيم فون بهاگي سموا هرت هق دي امبيق دتمفت
فرغ تو، سره سكيان دالم سفولوه کا ملکیصیديق . ملکیصیديق ني
نام دي ار معنا، يائيت راج هق عاريل. فس دغн سبب دي جاري
راج كوت ساليم تو، نام دي ار معنا سا لاكى، يائيت راج هق
ار کواس بري سلامت.

اييو باف دي تا٢ار سبوت دالم كتاب. توء نينيق اتوا كتورونن
دي فون، تا٢ار سبوت جوگ. تا٢اهو هاري برانق، هاري ماتي
هق دي . دي دوق جاري امام بسر بوات سلام ۲. سابيت تو،
دي جاري سروف دغн انق يغ ساتو هق توهن .

فرهاتي تيغوقله فريغكت ملکیصیديق ني ، تيشكى سوغىكوه ! نبي
ابراهيم، هق جاري توء نينيق سموا فواق يېھوري كيت ، دي
سمبه سكيان دالم سفولوه، هرت هق دي رمسن دتمفت فرغ
تو، بري کا ملکیصیديق

امام ۲ هق بعسا اسرائييل دغن امام ملکیصیديق

فس تيغوقله ، بالس مان توء امام تمارد بعسا اسرائييل فول.
اورغ هق جاري توء امام تو کا جاري كتورونن ليوي . ايکوت
اتوران دالم كتاب تورات ، فواق توء امام تو امبيق سكيان دالم
سفولوه هرت دغن حاصلن انق رعيت دالم بعسا اسرائييل .
دي امبيق سكيان تو، ولو انق رعيت تو کا واريس دغن دي

فون، کران سموا تو جاري انق چوچو ابراهيم بلک .
تافي ملکيسيديق نی لاءين فول . نی تاء کتا واريس اف ۲ دغن
توء امام بفسا اسرائييل ، تافي نی بوليه تريما هرت سگيان
دالم سفولوه تو درفه ابراهيم . فس ، نی مينتا توهن تورون
بركت اتس ابراهيم جوگ ، ولو ابراهيم تريما ده فرجنجين
تههن فون .

6

تنبلوله ، جاري اورغ هق تيفگي ، بوکن ، هق بوليه مينتا
تههن تورون بركت اتس اورغ هق رنده ؟
کالو کيت بندیع امام ملکيسيديق دفن امام تمادر ، دوا تو ،
جاري سام ۲ کوتيف حاصل . امام تمادر ، نی ماتي سروف رعيت
ني تو . تافي امام ملکيسيديق ، کيت بوليه باچ دالم كتاب کات
ني دوق هيڊوف لاکي . فس لاکي ، کيت بوليه کات ، فد ماس
ابراهيم سمه سگيان دالم سفولوه تو کا ملکيسيديق ، سروف
کات ليوي هق کتورونن نی کوتيف حاصل لاني ، سمه کا
ملکيسيديق جوگ .

7

سبب فد ماس تو ، ولو ليوي تاء برانق لاکي فون ، تافي . بنېه
سموا کتورونن فواق ليوي تو ، دوق اد ده دالم توبه ابراهيم
هق جاري توء نينيق نی .

8

9

تههن کا لتق توء امام هق لاءين ياء بيت عيسى

دفن کران اد سفواق ليوي هق جاري توء امام ده ، توهن
تورون حکوم ۲ نی کا بفسا اسرائييل . کالو کرج فواق امام تو
موليق سمنفرن ده ، تاء مستحق اد توء امام هق تيمبول توروت
اتوران توء امام ملکيسيديق ، لاءين دغن اتوران هارون ، هق مولا ۲
لتق جاري توء امام تو .

10

فس ، ساپيت کا اد توء امام لاءين فد دلوه ، ساپيت تو کا
توكر اتوران نق فيليه توء امام جوگ .

11

12

- 13 فرکارا هق کيت دوق رویت نی، توجو کا ربی کيت، کران دی جاري کتورونن لاءین، بوکن کتورونن لیوی، دق. فس دالم فواق هق جاري توء نینیق ری تو، تاءار سئورغ هابوق هق بیاس بوات کرج توء امام دتمفت سمبليه قربان تو.
- 14 جاري فرکارا تروس ترغ کات، ربی کيت تيمبول دالم فواق یهودا. فس نبی موسی تاء بیاس سبوت کات، فواق یهودا تو بولیه جاري توء امام.
- 15 فس اد ساتو فرکارا هق ترغ لاگی فد تو. کيت تیغوق اد توء امام هق بارو، هق تيمبول ایکوت اتوران ملکیصیديق، بوکن ایکوت اتوران توء امام ۲ تمارر تو.
- 16 توء امام هق بارو نی، دی بولیه جاري توء امام، بوکن کران دی توروت اتوران کتورونن راگیع داره، دق. تافي دی بولیه جاري امام رغن کران دی دوق هیدوف رغن کواس هق تاءلیه بري فونه. کران اد ایات دالم کتاب، هق جاري سقسی بالس تو، کات :
- 17 مونق جاري توء امام هق اد، بوات سلام ۲، ایکوت اتوران امام نام ملکیصیديق دولو تو.
- 18 سابیت تو، کيت بولیه ارتی کات، اتوران توء امام ۲ هق تمارر تو، لاني توهن بري جاري تربیطل ده، کران اتوران تو تاءار کواس، تاءار فاءیده نق بري اورغ بولیه مغهارف توهن رغن سلامت.
- 19 سسوغکوهش، سموا اتوران دالم کتاب تورات فون جاري بالس تو. دی تاءار کواس بولیه بري سمفون توجوان توهن انتوق ماءنسی. تافي لاني، توهن بري ده کاکيت، هرافن هق مولیق لاگی انتوق کيت. رغن هرافن نی، کيت بولیه ماسوق رافت سوغکوه کا توهن.

توهنه جنجي کات عيسىو جاري توء امام بوات سلام ۲

- فس چارا حال هرافن نی فون، توهنه جنجي دغنه واجب
بيلا فواق دولو جاري توء امام، توهنه تاء بياس جنجي اف کاري
دغنه واجب ، بوکن ؟
- تافي بيلا عيسىو جاري توء امام ، توهنه مفاکو دغنه واجب کاري
کات :

اكو توهنه سوده جنجي دغنه واجب ، تنتو اکو تاء باليق
هاتي ره ، کات ، مو جاري توء امام بوات سلام ۲

- دغنه کران فرجنجين توله، کيت بوليه تاهوکات، عيسى اد
کواس بوليه جامين فرهوبوغن توهنه دغنه ماءنسى ، موليق
لاگي فد دولو .

- فس اد بيدا لاگي ، عيسىو دغنه توء امام تمادر . فواق توء امام تو
برتيتيس رامي سبب رې توکر سعمور، کران رې ماتي لفس
سئورغ ۲ . تافي عيسى دوق هيڊوف بوات سلام ۲، رې تاء برتيتيس
سرروف فواق تو، رق . رې دوق جاري توء امام سعمور .
سابيت توله ، اورغ هق ماسوق رافت کا توهنه دغنه فرتلوعنه
عيسى ، عيسىو بوليه جامين بري اورغ تو سلامت سمات ۲، کران
رې هيڊوف سعمور ، دوق بوات کرج نی انتوق کيت .

سوغ فاتوت انق توهنه سنديري نق جاري امام کيت

- سوغ فاتوتله توهنه بري کا ماءنسى کيت ، عيسىو نق جاري
توء امام بسر انتوق کيت . رې هق سوچي سوغکوه ، تاء بياس
بوات ساله اف ۲، رې تاء کنا مثنا اف ۲ دغنه بارغ هق چمر ،
رې دوق سغكعه جاءوه فد دوسا ۲ ماءنسى ، فس رې سوره
نائيك کا تمفت مليا سکالي دشرگ .
- رې تاء سروف دغنه فواق امام تمادر تو . فواق تو کنا قريان

گنف ۲ هاري انتوق دوسا ری سنديري دلوو، فس تو انتوق سموا اورغ فغل. تافي عيسى ماري قريان پاوا ری سنديري انتوق سموا اورغ، قريان سکالي ساج چوكوف ده.

28 اورغ هق جاري توء امام بسر ايکوت اتوران دالم كتاب تورات، ری جاري اورغ هق لمه، کواس تاء چوكوف. تافي انق يع ساتو هق توهن، هق جاري توء امام بسر، ايکوت فرجنجين توهن رغن واجب تو، هق ماري لفس فد حکوم ۲ دالم تورات، ری ار کواس چوكوف سمنفرن، هيٺگ سمعفي سلام ۲.

عيسى جاري توء امام کيت دشونگ لاني

باب 8

1 معنا سموا فركارا هق اکو بارو رویت نی، دفن رېشكس بولیه کات بالس نی. کيت اد توء امام بسر ماچم نی، هق دوق سبله کانن تحت توهن، ری هق جاري راج يع مهاتيٺگي دشونگ. ری جاري امام هق بوات کرج ری دتمفت هق سوچي سکالي. تتمفت نی تتمفت سوچي سجاتي، هق توهن بري جاري سنديري. تاء سروف رغن حيمه هق ما نسي بوات تو.

2 اورغ جاري امام بسر هق تمدار، کرج ری کما بوات قريان، کما سمبه بارغ هق توهن سوروه. امام بسر هق کيت فون، ری کما اد هق قريان جوگ.

3 كالو امام کيت نی دوق دنیا لاکي، تنتو ری تاء ليه جاري امام، کران ری تاء کما کان دفن فوائق امام هق دوق سمبه کا توهن ايکوت اتوران دالم كتاب تورات.

4 تافي کرج هق فوائق امام دوق بوات تو، سروف رغن باين، بوکن هق سجاتي، دق، جاري چنتوه ساج. هق سجاتي دوق دشونگ. بالس تو جوگ، تکه ۲ نبي موسى نق بوات حيمه تتمفت سمبه کا توهن، توهن فسن کا ری کات:

1

2

3

4

5

مو کنا فرهاتي بايک ۲ ، ايکوت چنتوه هق اکو تنجوق
 بري مو نمفق راتس بوکيت تو. مو کنا ايکوت سموا فرکارا
 تو.

6 فس ، کرج هق المسيح روق بوات جاري امام دشرك ، موليق
 لاکي فد کرج امام ۲ دننيا . کران کرج المسيح ني ، دي جاري
 اورغ تغه ، هق اد کواس بري ما^ءنسى بوليه برهوبوغ دغن
 توهن . فس فرهوبوغن ني ، لبيه موليق فد سموا هق لائين ،
 دغن کران برگتوع فد فرجنجين توهن هق تنتو لاکي فد هق
 لائين سموا .

فرهوبوغن بارو توهن دغن ما^ءنسى

7 سسوڠگوهن کالو جالن فرهوبوغن توهن دغن ما^ءنسى هق
 دولو تو تاء^ءسيلف اف ۲ فون ، تنتو توهن تاء^ء کا بوک جالن
 هق کدوا ني .

8 تافي توهن کات ، اورغ هق جاري ميليق دي دولو تو ، سيلف
 ده . فرکتا^ءن توهن کات بالس ني :

دغله ، توهن کات . ماس کوء دافن نق سمني هق اکو
 نق جنجي ، بوات فرهوبوغن هق بارو دغن فواق اسرائييل
 فس دغن فواق يهودا . فرهوبوغن هق بارو ني تاء^ءسروف
 دغن فرهوبوغن هق دولو ، دغن توء نينيق دي فد ما^ءن
 نبي موسى دولو تو ، تکه اکو فيمفين دي توبيت درف
 نکري مصير تو . کران فواق توء نينيق مو تو تاء^ءسير
 برهوبوغ دغن اکو . سبب توله ، اکو تاء^ءفادول کا دي جوگ !
 توهن کات . تافي اينيله فرهوبوغن هق اکو جنجي نق
 بوات دغن سموا فواق اسرائييل ماس کوء دافن ، توهن
 کات

6

7

8

9

10

اكو نق بري حکوم ۲ کو ماسوق دالم هاتي ني .
 اکو نق توليس سموا سوروهن کو دالم دادا ني .
 اکو نق جاني توهن ني سوغکوه ۲ ، فس ني فون نق جاني
 ميليق کو سوغکوه ۲ . فد ماس تو ، توهن کات ،
 تا ۱ کنا اورغ مثاجر ساين ۲ هق سام ۲ همب کو ،
 تا ۱ کنا بري اورغ سوروه اديق براديق رى کات :
 مو بوليه کتل رغن توهن لاگو ني ! دق . فد ماس تو ،
 سموا اورغ کچيك بسر سروف ، نق بوليه کتل
 رغن اکو سوغکوه ، دالم هاتي ني ، توهن کات .
 کران اکو نق امفون کسلاهن رى رغن کسياغ بلس ،
 اکو تا ۱ ايقت کا دوسا ۳ رى هق دولو ۲ تو !

13 دالم ايات ۲ ني ، توهن سبوت چارا حال فرهوبوغن هق بارو ،
 معناش فرهوبوغن هق دولو تو ، ليسوس ده . فس بارغ مان
 هق ليسوس ، تنتو نق هيلغ هابيسن .

باب 9 تمفت سوچي هق توهن لتق دننيا

2-1 فرهوبوغن توهن رغن ما نسي هق دولو تو ، اورغ هق نق
 سمبه کا توهن کا توروت اتوران ني . فس اد تمفت جوگ ، هق
 اورغ کنا ماسوق نق سمبه کا توهن . تمفت ني هق ما نسي
 بوات سنديري . کران توهن سوروه اورغ نق سمبه تو ، سيمفن
 بري سيف دولو ساتو خيمه ، تمفت لي مولا ۲ نق ماسوق ، نام
 لي : تمفت سوچي . دالم تمفت تو ، اد سبوتير بكس لتق
 چاون فليتا ، فس اد ساتو ميجا ، تمفت لتق روتي هق اورغ نق
 بوات سمبه کا توهن .

3 فس دالم تمفت تو ، اد کائين تابير . لفس فد کائين تابير تو ،
 اد خيمه سا لاکي ، هق اد نام : تمفت يغ مهاسوچي .
 4 فس دسيتو ، اد ميجا هق بوات رغن مس ، تمفت توء امام

چوچوه کپن انتوق نق سمبه کا توهن . فس اد توغ کایو ، دی
لیسیق فرادا . توغ تو جاری فرایغاتن فرهوبوغن توهن دغن
ماء نسی . دالم توغ تو ، اد چاون هق بوات دغن مس . دالم
چاون تو ، اد بارغ مکانن نام : مّا . فس توغکت فلیق هق
نسی هارون ، هق بیاس تومبوه چدیغ تو فون اد جوگ ، دالم
توغ تو . فس اد سکارا لّاکی ، باتو دوا کفیع ، هق اد ترسورت
حکوم ۲ توهن سغولوه فرکارا تو .

فس اتس توغ تو فول ، اد روغ ملائیکة ۲ دالم فواق خیروبیم ،
هق بری ایشت کات ، توهن دوق اد . سایف ۲ ملائیکة تو فون
جاری تدوه توغ تو ، تمفت ماء نسی بولیه امفون دوسا نی رده .
تافی تاء دان رویت سموا فرکارا نی دغن هالوسی ، لانی .

اتوران نق سمبه کا توهن تکه دولو تو

سموا ساء نی سیمفون سیف ده فون ، فواق توء امام ماسوق
هاری ۲ دالم خیمه ، تمفت سوچی تو ، بوات سلاریه واریس ،
کرج ری انتوق سمبه کا توهن .

تافی دالم خیمه ، تمفت يغ مهاسوچی تو ، اورغ تاء بنر بری
ماسوق ، ملينکن توء امام بسر سئورغ هق بنر بری ماسوق .
نی فون ، دالم ستاهون بولیه ماسوق سکالی ساج . نی ماسوق
تو ، نی کا باوا داره قربان نق سمبه کا توهن ، انتوق بری
دیری نی چوچی دولو ، باروله انتوق سموا اورغ ، هق بوات
کسلاهن مان ۲ هق ری تاء کابر کات دوسا .

لغن سموا اتوران نیله ، روح توهن نق اجر بری کیت ارتی
کات ، تکه ۲ خیمه تمفت مولا ۲ ماسوق تو ، دوق اد لّاکی ،
معنان ، توهن تاء بوک لّاکی ، جالن کیت بولیه ماسوق مغهارف
توهن دتمفت يغ مهاسوچی .

فس خیمه هق ماسوق مولا ۲ تو ، عباره تنحوق کاماس لانی ،

5

6

7

8

9

معنان، بارغ مان ۲ رغن قريان مان ۲ فون هق اورغ نق سمبه
کا توهن تو، تاءار کواس بري کيت سمفرين دفنداغن توهن .
کران سموا اتوران تو، کنا رغن توبوه بلاک، سروف اتوران انتوق
بارغ بوليه ماکن بوليه مينوم، رغن اتوران باسوه ماچم ۲ تو .
فس توهن سوروه بوت ايکوت سموا اتوران تو، سهیغگ سمفی
ده، ماس هق ری نق باءیغکی سموا فرکارا بري بارو سمولا .

المسيح اد کواس بري هاتي کيت چوچي انتوق توهن

تافي لاني المسيح ماري ده. ری جاري امام بسر انتوق
کرج سموا فرکارا هق موليق، هق توهن بري سمفی ده کا کيت.
تمفت هق المسيح سوده ماسوق دوق بوت کرج ری، موليق
سمفرن، مليا لاکي فد تمفت هق ماًنسی بوت اتس دنيا تو.
بيلا المسيح لالو کوء تمفت سوچي، کي سمفی کا تمفت يع منها
سوچي، داره هق ری باوا بوت قريان تو، بوکن داره بناتع
سروف کمبیث بیریث اتوا انق لمبو، نق ! تافي داره ری
سنديري، سکالي قريان چوکوف، انتوق نق بري کيت بوليه
سلامت بوت سلام ۰۲

ايکوت اتوران دولو، اورغ هق چمر کران جامه هق حرام، ری
کا کي چاري توء امام، سوروه توء امام گتيق ری رغن داره
انق لمبو اتوا کمبیث. فس رغن هابو لمبو هق باکر ده.
فس، هق ری بوت تو بري توبوه اورغ تو جاري چوچي دلولار.
کالو بارغ ۲ نی اد کواس سمفی کيتولالو، تنتوله، داره المسيح
اد کواس لبیه فد تو لاکي، تاءليه نق بندیث. کران رغن کواس
روح ری هق هيڊوف ککل تو، المسيح سوده سره توبوه ری
کا توهن، جاري قريان هق تاءار کورغ اف ۲، فس داره ری نی،
اد کواس نق بري هاتي کيت سوچي درف سموا کرج دولو، هق
تاءار فاءیده، انتوق بري کيت بوليه سمبه بوت کرج کا توهن

10

11

12

13

14

يُعَلِّمُ كُلَّ .

المسيح جاري اورغ تغه هق ماء نسي دغٌن توهن

- سابيت المسيح اد کواس بالس نی، دی بولیه جانی اورغ 15
 تغه، هق تولوغ بري جاري فرهوبوغن هق بارو، ما^ء نسي دغٌن
 توهن. توجوان فرهوبوغن نی، نق بري کا سموا اورغ هق توهن
 سوروه توروت دی، بولیه تريما فساک يغ کل، هق توهن
 جنجي نق بري کا اورغ ۲ تو. کران اورغ هق دوق دالم فواق هق
 برهوبوغ دغٌن توهن مولا ۲ تافي لغگر حکوم تو، المسيح سوده
 تولوغ ده بري سلامت درف دحکومن توهن، دغٌن کران دی جوغ
 ماتي ده تو.
- کالو اورغ بوات سورت وصية، مستي سموا اورغ کنا تاهو کات، 16
 اورغ هق بوات سورت تو ماتي دولو، باروله بولیه تريما فساک.
 تکه اورغ بوات وصية تو دوق اد لاکي، اورغ تا^ءليه امبیق ماکن
 فساک تو. دی کنا ننتي هيغگ سمفی اورغ تو ماتي دولو، 17
 باروله بولیه.
- بالس تو جوگ، بیلا توهن بوات فرهوبوغن دی هق مولا ۲ تو 18
 دغٌن ما^ء نسي، دی بري کمس دغٌن داره بناتع هق قربان ده.
 چريتان بالس نی. مولا ۲نبي موسى باچ بري سموا اورغ دغٌن
 تيف ۲ حکوم توهن، هق دوق اد ده دالم كتاب تورات. بیلا
 باچ سوده ده، دی فون قربان سلالو لمبو دغٌن کمبيع، امبیق
 داره دی، فس امبیق اير کاتيق. لفس تو، امبیق راهن
 فوهون هوسوف هق ايكت دبولو پيربغ هق بوبوه چهيا ميره،
 چلوف دالم داره، کتنيک اتس حکوم ۲ تورات تو دولو، فس
 کتنيک اتس سموا اورغ تو فول.
- بلغ ۲ دوق بوات بالس تو،نبي موسى کات: داره نيله بري 20
 کمس فرهوبوغن توهن دغٌن فواق مو، هق توهن سوروه مو
 فکع دغٌن اخلاص هاتي!

لفس فد تو، موسى فون امبيق داره گتیق دالم خیمه، تمفت
بوات سمبه کا توهن، سکالی دغن فرکاکس ۲ هق دوق فاکی سیپتو.
سسوغووهن، ایکوت حکوم ۲ توهن دالم تورات، بولیه کات سموا
فرکارا کنا بري سوچي انتوق توهن کوء جالن داره نی. فس،
تهن تاء امفون دوسا ۳ ماء نسي فون، ملينکن دغن سمبليه
قربان بري داره تومفه توبیت، بارو بولیه هافوس دوسا ۳ تو.

عيسى المسيح سنديري جاري قربان هق سمنفن

تمفت سوچي دغن سموا فرکاکس نی تو جاري چنتوه ساج.
تمفت هق سجاتي دوق دالم شرگ. نق بري تمفت هق جاري
چنتوه تو سوچي، مستي کا بوات سروف هق کيت رویت
سائني. تافي تمفت سجاتي دالم شرگ فون، کنا بري سوچي
دغن داره قربان هق مولیق لایکی فد قربان دغن بناتع تو.
کران تمفت امام کيت المسيح ماسوق ده تو، بوکن تمفت
سوچي هق ماء نسي بوات دنیا، هق جاري چنتوه ساج تو،
دق ! المسيح ماسوق ده دالم تمفت سوچي هق سجاتي دشرگ
فس نی دوق مفهماده توهن انتوق نق تولوغ فواق کيت نی.
بیلا امام بسر هق اورغ یهودی ماسوق دالم تمفت بیع مهاسوچی،
نی کنا باواه داره بناتع هق قربان ده، فس نی کا ماسوق
ستاهون سکالی، گنف ۲ تاهون . تافي المسيح تاء کنا قربان
دیری نی باپق کالی بالس تو، دق !

کران کالو بالس تو، معنان ری کنا سیقسما باپق کالی جوگ،
امبیق دماس دنیا جانی، هیفگ سمفی کا ماس لانی. تافي نی
تاء کنا بوات بالس تو. بیلا سمفی ده ماس دنیا نق هابیس نی،
المسيح فون تیمبول ماری ده، نق هافوس دوسا ماء نسي دغن
قربان پاوا نی سنديري، سکالی ساج چوکوف ده.
ماء نسي سموا کا ماتی سکالی ساج . لفس تو، هق توهن سیمفن

سيف ده انتوق سموا ماء نسي تو، بي كنا برتمو دفن حکومن
توهن فد هاري قيامة .

28 المسيح جوگ قريان پاوا بي سکالي ساج ، انتوق تفگوغ دوسا
باپق اورغ . تافي کوء رافن فول ، بي نق تيمبول ماري کالي يع
کدوا ، بوکن نق هافوس دوسا سمول ، نق ، تافي بي نق بري
سلامت دفن سمنفرن کا اورغ هق دوق نشي بي تو .

باب 10 اتوران ۲ تو جاري باين ساج ، المسيح جاري هق سجاتي

1 سموا اتوران دالم كتاب تورات جاري باين ساج ، بوکن هق
سجاتي ، يائيت فركارا يع موليق هق تاء سمفی لاكی . سبب توله
دفن توروت اتوران ۲ ، هق سوروه بوات قريان سروف تولا گتف ۲
تا هون ، تاء ليه بري چوچي دفن سمنفرن ، اورغ هق ماري
معهارف توهن لاکو تو . كالو ميسل ، دفن ماري معهارف لاکو
تو ، اورغ بوليه سوچي سوڠکوه درف دوسا ۲ بي ، تنتوله بي
تاء کا ماري بوات قريان لاكی ، دق ده . فس بي تاء کا ايخت کات
بي ساله لاكی ، بوکن ؟

3 تافي سسوڠکوهن ، قريان هق بي بوات گتف ۲ تاهون تو ، جاري
فرايغاتن کا دوسا ۲ بي . کران داره لمبو دفن داره کمبیع ، تنتو
تاء کواس نق بري هافوس دوسا ۲ ماء نسي بري هابيس .
4 سبب توله ، بيلال المسيح نق ماسوق ماري کا دنيا ، بي کات :

يا توهن ! هق مو برکتن بوکن قريان ۲ اتوا بارغ ۲ هق
اورغ ماري سمهه . تافي مو سيمفن سيف ده توبوه بري
کا اکو بي ، نق جاري قريان .

6 هق مو برکتن بوکن قريان هق اورغ باکر بري هابيس ،
اتوا قريان هق اورغ بوات انتوق دوسا ۲ بي فون ، دق !

اکو کات : اکو ماري ده ، يا توهن ، اکو دوق ننتي نق
بوات ايکوت کھندق توهن ، سموا فرکارا هق اد توليس
دالم کتاب انتوق اکو ني .

7

دالم ايات ۲ ساءني ، المسيح کات ، قربان دغۇن سموا بارغ ۲ هق
اورغ سمبە تو ، توهن تأسير . قربان هق باکر اتوا قربان انتوق
دوسا فون تاءبرى توهن برکن . يى کات بالس تو ، ولو سموا
فرکارا نى اورغ سمبە کاتوهن ايکوت اتوران دالم کتاب فون .
فس المسيح کات لاكى :

8

اکو ماري ده ، يا توهن ، اکو دوق ننتي نق بوات
ايکوت کھندق توهن .

9

بالس نى ، توهن نق بواڭ سموا قربان هق دولو ، نق گنتى
قربان هق بارو ، يائىت توبوه المسيح سندىرى .

المسيح بري سلامت ، بوليه جامين سراتوس فرسين

لەن كران عيسى المسيح بوات ايکوت کھندق توهن بالس
تو ، كىت سموا بوليه سوچى درف دوسا ۲ كىت ، لەن توبوه
عيسى المسيح سندىرى ، هق يى سره جاري قربان کا توهن
سکالى چوکوف ده .

10

ايکوت اتوران هق دولو تو ، امام يهودى سموا كىا ماري بزدىرى
مغهارف توهن گنف ۲ هاري تاءفوتوس ، بوات كىچ لەن بوات
قربان سروف تو سعمور ، هق تاءدار كواش نق هافوس دوسا
ماءنسى بري هابىس .

11

تافي المسيح ماري سره پاوا يى جاري قربان ، سکالى ساج
چوکوف ده ، نق بري هافوس دوسا ماءنسى . لفس تو ، يى
كى دودوق دىسبله كانن توهن ، ننتي سمنتارا توهن نق بري

12

13

- سموا سترو رې جاري سروف فلافيق کاکي نې. 14
 دغۇن بوات قريان سىكالىي ساج تو، المسيح برى سلامت بولىيە
 جامىن سراتوس فرسين بوات سلام ۲، کا سموا اورۇچ سوچى
 ده درفدى دوسا ۲ رې.
- روح توهن فون جاري سقسىي کا كىت، کات سموا فركارا نې 15
 سوغۇكە. كران مولا ۲ رې کات بالس نې:
- اینيلە فرهوبوغۇن حق اکو جنجى نق بوات دغۇن فواوق نې 16
 ماس كوء رافن، توهن کات. اکو نق برى حکوم ۲ كو
 ماسوق دالم هاتى نې. اکو نق توليس سموا سوروھن كو
 دالم دادا نې.
- لفس تو روح توهن کات لاكى: 17
- سموا دوسا دغۇن فربواتن جاھت حق فواوق نې،
 اکو نق لوف، تائسىير برى اىيىت د ۵۰.
- معنان، دوسا حق توهن امفون سلسىي ده تو، تائىكى بوات 18
 قريان ده.
- كىت کا ماسوق كوء جالن حق توهن بوك ده
- يا اديق برايدىق كو! دغۇن كران عيسىي قريان دىرىي نې تو، 19
 لانى كىت برانى ده بولىيە ماسوق سەمفي کا تمفت مەھاسوچى
 حق توهن، تائىدار گالغان اف ۲۰.
- كran عيسىي بوك جالن حق بارو، جالن هيىدوف، حق برى كىت 20
 بولىيە ماسوق كوء كائين تابىر، حق سروف دغۇن توبوھ عيسىي
 سندىرىي. فس لانى كىت ادار ده امام بىزىر، حق دوق فريينته 21
 اتس مىليق نې حق دوق درومە توهن.
- سبب تولە، مارى كىت فاكت ماسوق رافت دغۇن توهن، دغۇن 22

هاتی جوچور اخلاص، دغن ايمان کوکوه، کران توهن سوده
کتنيق هاتی کيت بري چوچي درف دسموا فيکيران جاهت، سروف
دغن توبوه کيت هق بارو سوده مندي، چوچي سموا هق چمر.
ماري کيت فاکت فکن کجت فرکارا هق کيت مشاكو کات جاري
هرافن کيت. کيت بوليه هارف کا توهن کران دي تاء بياس
موغلکير جنجي دغن کيت.

23 فس لاکي، ماري کيت فاکت اميقي فدولي مو اکو دالم فواق کيت،
برى اديق براديق نيات نق تنحوق کاسيه مو اکو، بوات بائيك
مو اکو سعمور.

24 فس ماري کيت فاکت فراچوم سعمور. جاغن برادو، سروف دغن
ادر اورغ دالم فواق مو دوق بوات تو، نق! موليقله کيت ماري
فراچوم بري هاتي کهور قواه مو اکو. کران کيت تاهو ره هاري
هق رتى عيسى جنجي نق ماري تو، دكت ۲ نق سمفی ده.

سياف ۲ تبيغ دوق بوات دوسا لاکي، کا تاکوتله

25 فس ماري کيت فاکت فراچوم سعمور. جاغن برادو، سروف دغن
ادر اورغ دالم فواق مو دوق بوات تو، نق! موليقله کيت ماري
فراچوم بري هاتي کهور قواه مو اکو. کران کيت تاهو ره هاري
هق رتى عيسى جنجي نق ماري تو، دكت ۲ نق سمفی ده.

26 کيت کنا کهور راجين بوات بالس تو، کران اورغ هق سوده
رغر فثاجران هق سوغنکوه، تافي سکلینگ کي بوات دوسا لاکي،

27 تنتو تاء ادار قريان هق بوليه هافوس دوسا دي تو سکاللي لاکي.
اورغ سروف تو تاء ادار هرافن هق لاءين، کا تاکوت ساج کا
حکومن توهن، دغن افي هق مپالا قواه، نق سغکاو ماکن
برى هابيس، سترو ۲ توهن سموا.

28 ايكوت كتاب نبي موسى، اورغ هق تولق حکوم ۲ تو، کالو
ادر دوا تيک اورغ بوليه جاري سقسي کات دي ساله بالس تو،

29 دي کا بونوه ماتي سلالو، تاء ادار سياف بوليه کسياغ بلس
کا دي. کالو بالس تو، تنتو نق جاري کهور تروق لاکي اتس

اورغ هق تولق انق يغ ساتو هق توهن، اورغ هق کات تاء ادار
هرگ، داره عيسى هق ادار کواس هافوس بري چوچي دوسا ۳ ماء نسي،

هق بري فرهوبوغن توهن دغن مائنسىي سمولا تو. فس لاكي : نى
هينا كا روح توهن هق باوا رحمة توهن ماري كا كيت. ننتو
نق تروق لاكي !
كيت كنل ده نى هق كات:

30

اكو اينيله نق بالس هق مائنسىي بوات جاھت.

فس ايات سا لاكي كات :

توھن سنديري نق کرت سين اتس اورغ هق جاني
مليق نى تو.

نتوله تروق کا اورغ هق کابر کات نى دوق باوه حکومن توهن،
کران کواس توهن تو تاء ماتي سعمور.

31

كيت کنا کاچع فرچاي سەيغىڭ بوليه سلامت ده

اديق براديق کو، ايغىتلە کاماس دولو، تكە مو بارو تريما
ده چەپيا توهن هق دوق سولوه دالىم هاتى مۇ. تكە ماس تو،
مو کنا کسوساھن باپق فرگارا، تافى بىرت ستارا مان فون، هانى
مو بوليه صير، تاء مفاڭو حاله.

32

تكە ماس تو، کادغ ۲ اديق براديق سنديري بىباس کا ماکى، بىباس
کا پان رافن اورغ رامي، فس کادغ ۲ فول، بىلا اورغ لائين کا
پان، مو فون براس سروف دىرىي مو سنديري کا پان جوڭ.

33

فدى ماس تو فون مو كسىياغ بلس کا اورغ هق کا اىكت، بوه دالىم گوق،
ھېيغى سەفيي مو جوغ ريلا سوسمە سکالىي دغن نى. فس بىلا اورغ
مارى رەمسى ھەرت بىدا مو، مو تريما کسوساھن نى فون، دغن
سۈك هاتى جوڭ، سابىت مو تاھودە كات، هق توهن بري كەد
مو تو، موليق لاكي، فس نق جارى مiliق مو جوڭ بوات سلام ۲.
سابىت توله، جاڭن تىيەڭل ھرافن مو، کران سود جالن ار

34

35

36 بالسن هق موليق سکالی انتوق مو. ادیق برادیق کا هاتی
صیر انتوق نق بوات سموا کھندق توهن، باروله مو نق
تریما فرکارا ۲ هق توهن سوده جنجی تو.
کران نق جانی سروف ایات دالم کتاب کات:

37 سبنتر لاکی، ری هق نق تورون ماری تو، نق سمفی ده.
تنتو ری تاء لیغه لاکی.

38 تافی، توهن کات، اورغ هق جانی میلیق کو هق اکو
کات تاء ساله، ری نق بولیه هیدوف چارا بارو، دغنا
کران ری فرچای. کالو اد سیاف دالم فواق مو هق فالیع
گی کوء لاءین فول، تنتو اکو تاء برکن کا بی، توهن کات.

39 تافی يا ادیق برادیق، کیت تاء جانی سروف فواق هق فالیع کی
کوء لاين، هیلیغ کی هیفگ سمفی بیناس، دق! کیت جانی
فواق هق کاچغ فرچای سهیفگ بولیه سلامت ده.

ایمان دالم دادا هق سجاتی

باب 11

1 ایمان دالم دادا هق سجاتی بالس مان؟ دغنا اد ایمان نی
کیت بولیه برگن توغ دغنا تنتو فد هرافن کیت کوء دافن. دغنا
ایمان نی فون، کیت بولیه تاهو دالم هاتی کات، فرکارا ۲ هق
مات تاء نمفق لاکی، نق جانی سوگکوہ.
2 دغنا کران ری اد ایمان، فواق اورغ توا کیت دولو ۲ رافت فوجین
درفت توهن.

3 دغنا کران اد ایمان، کیت بولیه ارتی دالم هاتی کات، سموا
فرکارا هق اد، توهن بربی جانی دغنا فرکتائن ری بلاک. بالس
تلوله کیت ارتی کات، دغنا فرکارا هق مات تاء لیه نمفق، توهن
بربی جانی سموا فرکارا هق مات کیت بولیه نمفق لانی.

ایمان اورغ ۲ هق دوق اد دولو فد به بسر

رغن کران هابیل اد ایمان ، ری بولیه بربی توهن برکن کا
قریان ری ، لبیه فد هق کاکچ ری قابیل سمبه کا توهن . فس
سابیت توهن برکن کا قریان هابیل تو ، ری بربی تاهو کات ،
رغن کران هابیل نی اد ایمان ، ری تاءَ ساله د فنداغن توهن .
فس رغن ایمان هابیل تو ، ری بولیه اجر کیت لاکی ، ولو ری
ماتی لام ره فون .

فس توءَ نینیق کیت سئورغ لاکی نام حانوخ ، رغن کران ری اد
ایمان ، توهن اغکیت ری نائیک ، تاءَ بربی ماتی سروف اورغ لائین .
اورغ کی چاری ری تاءَ تمو ، کران توهن اغکیت ری نائیک تو .
فس توهن سندیری کات ، تکه حانوخ دوق دالم دنیا لاکی ، توهن
برکن کا ری .

سسوغکوهن ، تاءَ ادار سیاف بولیه بربی توهن برکن کا ری ،
ملینکن رغن اد ایمان بالس نی . سابیت اورغ هق ماری نق
مشهاد ف توهن کنا فرچای کات توهن دوق اد ، فس توهن
نق بربی فرکارا ۲ مولیق کا اورغ هق دوق چاری ری بالس تو .
فس نبی نوح فون ، رغن کران ری اد ایمان ، ری رفر امران هق
توهن بربی کا ری ، چارا حال فرکارا ۲ هق تاءَ جادی لاکی فدماس
تو . فس ری فون کی سیمفن کفل هق بربی قوم کلوارگ ری
بولیه سلامت . رغن کران نوح اد ایمان سکت نی ، ری بربی
نمدق کات اورغ لائین تو ساله بلاک . تافی کا نوح سندیری ،
توهن کات تاءَ ساله اف ۲ . سابیت تو ، نوح بولیه فساک هق
توهن بربی کا سموا اورغ هق برایمان سروف نوح نی .

ایمان نبی ابراهیم رغن بینی ری ساره

رغن کران ابراهیم اد ایمان ، تکه توهن سوروه ری توبیت
دتانه ایر ری ، کی چاری تمفت لائین هق نق تریما جادی فساک

ري، ابراهيم فون توبيت كي، دغун تاً تاهو ري كا توجو كي
كوه نگري مان.

فس دغун كران ري اد ايمان، ولو ري دوق دنگري هق توهن
جنجي نق جاري فساك ري فون، تافي ابراهيم ريلا جاري انق
لوار دنگري تو. فس ري ريلا دوق د خيمه سکالي دغун انق يي
اسحاق فس دغун چوچو ري يعقوب، هق نق بوليه تريمما فساك
تو سکالي دغун ري.

سابيت ري بوليه بوات بالس تو، كران ري دوق توجو كوه ساتو
نگري، هق توهن سنديري بري جاري، تمفت هق تتف سوغکوه.
فس دغун كران ري اد ايمان، ساره فون تريمما کواس درفتوهن
نق بوليه انق، ولو ري توا ده فون. ري برايمان بالس ني،
كران ري دوق هارف کا توهن سعمور، کات، هق توهن جنجي
تو، توهن نق بري جاري سوغکوه.

سابيت توله، ابراهيم سئورغ تو، ولو اورغ کات ري تاً ادار بنيء
فون، انق چوچو هق تورون درفتوي، جاري باپق، سروف
رغن بييتنغ دلاغيت، سروف فاسير دفتني، نق بيلغ تاء هابيس
كتورونن ابراهيم ني.

تهن تاروه سيف کوت انتوق فواق تو

تهن نينيق هق کيت سيبوت سائني فون، سموان برايمان،
فس ماتي ده. تافي ري تاء تريمما لاكي ميليق هق توهن جنجي
كا ري. سروف ري دوق تيشوق کا فرکارا تو دوق سا يوف لاكي،
فس ري ننتي نق تريمما. فواق ني فون مغاکو کات، ري دوق
زدنيا سمنتارا، سروف دوق دوقف، اورغ هق تاً ادار تمفت
نق بري جاري ميليق لي.

اورغ هق مغاکو بالس تو فون، بري تاهو چرف کات، ري دوق
توجو کا تمفت لاءين نق بري جاري تانه اير ري سنديري.

9

10

11

12

13

14

کران کالو فواوق تو ایغت کا تمفت اصل هق ری تیغکل توبیت
 جاری تانه ایر ری تو، تننتو ری اد فلواخ بولیه کلیق دسیتو
 فول . تافي بوکن بالس تو. نگری هق ری دوق ایغت نق کی
 تو، مولیق لانکی فد تمفت اصل ری. فس نگری هق مولیق تو،
 یائیت هق توهن دشگ. فس توهن تاروه سیف ساتو کوت
 انتوق فواوق تو جانی تنداد کات، توهن تاء مالو نق بری فواوق
 تو فشکل توهن کا ری .

انق چوچو ابراهیم اد ایمان سروف ری

فس دغن کران ابراهیم اد ایمان ، بیلا توهن ماری نق سوری
 هاتی ری، ابراهیم فون ریلا نق قربان اسحاق . ایغتله ! ری
 ریلا نق قربان توبوه انق ری هق سئوغ تو، ولو فرجنجین
 توهن برسغکوت فاؤت دغن انق ری تو .

فرجنجین تو کات بالس نی :

لغن اسحاق، انق چوچو مو نق برتیتیس کی .

ابراهیم جوغ قربان بالس تو، کران ری یقین کات توهن اد
 کواس ، ولو اورغ ماتی ره فون ، بولیه بری هیدوف کلیق سموله .
 فس جاری سوگکوه ، سروف کات ابراهیم تریما انق ری کلیق
 درفه ماتی جوگ .

لفس فد تو فول، دغن کران اسحاق اد ایمان ، ری مینتا توهن
 تورون برکت اتس انق ری دوا اورغ تو، یعقوب دغن عیسو ،
 ماس کوء دافن .

فس دغن کران یعقوب اد ایمان فون ، بیلا سمنی فریاغ ری نق
 ماتی، ری مینتا توهن تورون برکت اتس انق چوچو ری، انق
 یوسف دوا اورغ تو. فس تکه ری دوق مینتا توهن بالس تو،
 ری دوق سمبه کا توهن ، تندوق اتس توغکت ری.

فس دغن کران یوسف اد ایمان فون، بیلا پاوا ری دکت نق سور
نی سبوت حال ماس دافن اورغ اسرائیل نق توبیت درف دنگی
هق ری نودوق ماس تو. فس یوسف فسن کا فواق تو چارا حال
مایت ری، ننتی ماس دافن تو.

چارا حال ایمان نبی موسی

23 دغن کران ایبو باف موسی اد ایمان، بیلا موسی بارو برانق
ایبو باف نی امبيق کی سوسوف، سمفی تیگ بولن، کران ری
نمفق کات انق نی تو مولیق سوغکوه. فس ، ری تا^۱ تاکوت
اوندغ ۲ هق راج لتق ماس تو.

24 فس دغن کران موسی سندیری اد ایمان، بیلا نی بسر ده، ری
تا^۱ سیر بری اورغ حرمة کا ری، سروف ری انق دالم رومه انق
بتینا راج فرعون تو.

25 نق ! تافی ری فیلیه نق ماسوق سیقسسا سکالی دغن فواق هق
جاری میلیق توهن تو، کران ری کیرا کات، هق تو لبیه مولیق
فد دوق سوک دالم دوسا ، دالم دنیا سمنتارا.

26 ری کیرا کات، بیلا اورغ کیچیق هینا کا ری، دغن کران المسيح
هق توهن جنجی نق ماری، هق تو اد هرگ انتوق ری لبیه فد
سموا هرت دالم نگری مصیر. کران موسی دوق ایشت کا هق
سا یوف ۲ لاگی ، هق توهن نق هدیه کا ری ماس دافن .

27 فس دغن کران ری اد ایمان جوگ، موسی بولیه تیغکل نگری مصیر
تا^۱ تاکوت کات راج مصیر تو نق موریه ماره کا ری. ولو جاری
بالس مان فون ، ری بولیه اور، کران ری فراسن سروف نمفق
توهن هق مات مائنسی تا^۱ لیه نمفق.

28 دغن کران ایمان ری، موسی لتق اتوران انتوق ماکن جاموان
فسخر هق مولا^۲ تو، دغن سوروه اورغ لیسیت داره دفینتو
رومہ. دغن بوات بالس تو، ری بری سلامت، تا^۱ بری ملک الموت

امبيق پاوا انق سولوغ دالم رومه اورغ اسرائييل مان ۲ فون .

ایمان هق فواق اورغ اسرائييل

29 دغن کران اد ايمان ، فواق اورغ اسرائييل بوليه جمرغ لاوت
ميره سروف دغن برجالن اتس باتس . تافي اورغ مصير ، تکه
لي دوق توروت نق کي بالس تو ، اير فون برتشفکوف کلیق
بری لي ماتی هابیس .

30 دغن کران اد ايمان ، فواق اورغ اسرائييل بلارق کلیلين کوت
بندر جريکو ، سمفی توجوه هاري . با چوكوف توجوه هاري ،
کوت تو رونتهه فونه هابیس .

31 فس دغن کران لي اد ايمان ، اورغ بتينا بيليق نام راحب هق
دوق دبندر جريکو تو ، تا^۱ ماتی سروف دغن فواق تو سموا هق
تا^۲ سير طاعة کا توهن . سبب بلوم فد ماس تو ، تکه اورغ
اسرائييل کي جاري مات ۲ گلف دالم نکري تو ، راحب بياس
سمبوت لي ره .

اورغ هق اد ايمان باپق اورغ لاكی

32 فس اکو نق چاري اورغ مان لاكی ، بري مو تاهو چارا حال ايمان ؟
تا^۳ دان نق رویت چارا حال گيديون ، براك ، سمسون ، جيفتا ،
دا^۴ ود ، سامؤيل ، دغننبي ۲ باپق اورغ لاكی .

33 فواق ۲ ساعني تو ، دغن کران لي اد ايمان ، بياس بري راج ۲ هاله
کا لي . ساپيت لي بوات بري جاري هق عاديل ، لي تريما ده
باپق فركارا هق توهن جنجي ، لي بري سیغا ۲ دوق دیام ، دغن
مولوت کاتوف .

34 فس دغن کران لي اد ايمان فون ، اد اورغ هق بوليه بري ممفوس
افي هق مپالا قواه ، فس اد اورغ بوليه ليک درف دمات فدغ .
اورغ هق لمه فون جاري کاگه ، دغن کران اد ايمان . فس اد

اورغ هق برااني نق ماسوق فرغ، سروف رغن هولو بالغ، فس رغن کران دي اد ايمان، اد اورغ برااني همبت بري کليق هابيس فوق ۲ عسکر دنگري لوار.

فس اد اورغ بتينا جوگ، رغن کران اد ايمان، دي بوليه تريما اورغ درومه دي هق ماتي ده، هيدوف کليق سمولا. تافي اد جوگ، اورغ هق کا کسيقسائين سمفی ماتي فون، رغن کران دي اد ايمان. دي تاء سير بري اورغ لفس دي کي، کران دي نق بوليه هيدوف کو، چارا مليا لاکي.

فس اد اورغ هق کا کسو Sahen کران اورغ ماکي کا دي، فس فيات دي بري سيقسا تروق. اورغ هق کا ماسوق گوق، کا ايكت رغن رنتي فون اد جوگ.

فس اد اورغ رغن کران دي اد ايمان، اورغ لاءين امبيق باتو فيگوغ دي بري ماتي. فس اد اورغ لاءين فول، توبوه دي کا بله دوا، فس هق لاءين لاکي، کا بونوه رغن فدغ. اد اورغ لاءين هق کا فاكی کوليت کمبیغ بیریغ جاري فکاين دي، اورغ هق مسکین ساغت، هق کا پاڭ، هق اورغ لاءين بوات هودوه کا دي، رغن کران دي اد ايمان.

تنستوله، ما نسي لاءين تاء ليه سمفی ستارا تو، فوق تو هق دوق برجالن کي ماري دوق دالم لاءوت فاسير، داتس بوکيت ۲، دالم گوا ۲ اتوا دالم لوېغ دنانه فون.

فواق ۲ ساء نبي سموا فون، ولو توهن سوده توليس نام دي بري ايشت، رغن کران دي اد ايمان فون، تافي دي تاء تريما لاکي، ميليق هق توهن جنجي نق بري کا دي تو.

کران توهن اد توجوان هق موليق لاکي، ياء يت دي نق بري کا فوق کيت ماس لاني، سکالي رغن فوق ۲ هق دولو تو، بوليه تريما رغن سمفون سکالي بلاک ميليق هق دي جنجي تو.

عيسيو هق اد کواس بري کيت اد ايمان لاكوني

باب 12

سابيٽ سموا اورغٰني، دوق گليليٽ کيت جاري فواٽ ۲، هق نائيٽ سقسي چارا حال جالن ايمان ني، کيت فون کا چابوت تاهوق سموا فرکارا هق لكت توبوه کيت بري کيت برجالن برت، سکاليٽ رفن نفسو جاھت، هق برگنتوغ فد کيت سعمور. بيلا کيت تاهوق ده فرکارا تو، ماري کيت کاچغ بروبوٽ دغن صبر هاتي، جالن هق کيت دوق هادف تو.

فس بلغٰ ۲ کيت دوق بروبوٽ تو، مات کيت کا توجو کا عيسى. سبب دغن کران دياله، کيت اد ايمان امبيق دمولا٢، هيٺگ سمفی سود. عيسى سنديري کاچغ تريما کسيقسائٽ دکايو امفت چابغ، دغن تاءٍ سايغ کا تمفت کسوکائٽ هق جاني ميليق دي. دي تاءٍ ايغٰت کات، ماتي بالس تو ۲، هينا ساغت. فس، لاني دي دودوق ده، دباليق کانن تحت هق توهن سنديري.

3 ايغٰتله اديق براديق، ستارا مان عيسى کاچغ کا سيقسا دغن صبر، فرکارا ۲ هق اورغ بردوسا بوات نق لاون دغن دي. كالو ايغٰت بالس تو، تدق بري مو تاءٍ کا براٽ لمه، تاکوت، تاٽليه کي سمفی سود. کران ايغٰتله، سمفی ماس لاني، کيت لاون بالس ۲ مان فون دغن کواس دوسا، تاءٍ سمفی ستارا کنا بونوه لاكى، بوکن؟

تهن کنا اجر کيت سروف باف اجر انق

فس نمفق سروف اديق براديق ترلوف ده فسنن توهن کا فواٽ مو، هق دي فشكيل انق ۲ دي، کات:

يا انق ۲ کو! جاغن مو بوات تاءٍ فدولي سموا فرکارا هق توهن حکوم اتس مو نق اجر مو. بيلا توهن تنه مو، جاغن مو براٽ کچيك هاتي.

1

2

3

4

5

کران نی کاسیمهله، ساپیت ری حکوم نق اجر تو. فس
 کران توهن تریما اورغ جادی انق ۲ نی، ساپیت تو
 نی بنتوق بري توروت ری.

6

مو کا کاچع تریما فرکارا ۲ نی دغن صبر، کران توهن نق اجر
 مو سروف باف اجر انق ری. تاء بیاس دغز انق هق باف ری
 تاء سیر حکوم نق اجر.

7

سسوغکوهن، کالو اد اورغ دالم فواق مو، هق توهن تاء حکوم
 نق اجر، معناش اورغ تو سروف انق زنا، بوکن انق توهن
 نق. فس لاکی، کیت سموا اد باف هق سداکیغ سداره، هق
 حکوم نق اجر کیت. کیت فون بري حرمه کا ری، بوکن؟ کالو
 کیتو، سوغ فاتوت لاکی کیت سره ديري نق توروت فرینته
 توهن باف، هق اد کواس اتس هاتی ماء نسی. بالس نیله،
 کیت نق بولیه هیدوف هق سجاتی.

8

باف هق سداکیغ سداره دغن کیت تو، دوق حکوم نق اجر
 کیت سبنتر ساج، نق سوروه کیت بوات هق ری کيرا کات
 مولیق. تافي توهن باف دوق اجر کیت کو' جالن هق اد
 فایده انتوق کیت نق بري سوچی سروف ری.

10

تکه ۲ نی حکوم دوق مفاجر کیت تو، تنتوله کیت براس سوسه
 بوکن سوک. تافي اورغ هق تریما اجران حکوم تو بري ماسوق
 هاتی ده، ماس کو' رافن ری نق تریما بلسن هق مولیق جوگ،
 یائیت نق دوق دغن سلامت سجهترا کران هاتی ری بتول ده.

11

جااغن کیت مالس توروت جالن هق توهن باف بوک ده

12

ساپیت توله، ادیق برادیق،

تااغن ۲ مو هق لمبیق، بریلیه جانی گاگه!
 لوتوت ۲ مو هق تیروم، بریلیه بردیری تکف!

- 13 کاچغ توروت جالن هق بتول. بالس توله، کاكی مو هق لمبیق تو، تاء کا گلکیویغ، تافی نق کهور ۲ کاگه.
- 14 مو کا کاچغ روق باءیک مو اکو رفن سموا اورغ، فس کاچغ هیدوف بري سوچي انتوق توهن، کران تاء اد سیاف بولیه تیغوق توهن ملینگن هیدوف بالس تو.
- 15 جاغن بري سیاف ترهوندور کا رحمة توهن. جاگ باءیک ۲ له، جاغن بري تومبوه نایک دالم هاتی مو اف ۲ هق سروف فوهون بربواه فاهیت، هق کته دی سرا کی کا فوهون ۲ لائين، بري جاري تاء لیه ماکن بلاک.
- 16 فس فرهاتی باءیک ۲ له، جاغن بري جاري دالم فواد مو ماءین جنتن بتينا کوء جالن هق ساله حکوم، اتوا بوات هینا فرکارا ۲ هق توهن تورون، سروف دغن عیسو تکه ماس دولو. دی ریلا جوال برکت هق توهن نق تورون اتس انق سولوغ، توکر دغن ناسي سفیشگئ ساج. فس، ادیق برادیق تاهو ده لفس فد تو فول، عیسو ماری نق تربیما برکت سمولا. تافی ولو دی سسل نق سمولا، سمهی تریاق تاغیس سکالی فون، توهن تاء بري ده.
- 17 جالن هق توهن بوک انتوق کیت، مولیق فد هق دولو.
- 18 فس ایغتله ادیق برادیق سموا، جالن هق توهن بوک ده بري مو بولیه ماسوق دکت دغن دی، تاءسروف دغن هق فواد توء نینیق مو دولو. بیلا فواد ۲ تو ماری کا توهن، دبوکیت طورسینا تو، دی برتمو دغن فرکارا ۲ هق دی بولیه براس، دغن افی هق مپالا فانس ۲، دغن تمفت برکابوت هق گلک کلمت، دغن اغین ریبیوت قواة، دغن بوپی سوارا سرونی، دغن بوپی سوارا درس.
- 19 فس بیلا فواد ۲ تو دغر سوارا تو فون، دی میستاء بري برادو.
- 20 کران دی تاکوت، تاء برانی نق دغر هق سوارا تو سوروه، کات:

کالو بناتغ سئیکور فون ماري لغگر تمفووه بوکیت نی ،
 فواق مو کنا امبیق باتو ، فیکوغ سمفی ماتی ، بناتغ تو .

21 فد ماس تو ، تیشووق کا بوکیت تو دهشت ساغت ، سهیشگ نبی
 موسی سندیری معاکو کات :

اکو دوق کتر کالیغ هابیس ۲ چیکف !

22 تافي فواق مو ، ادیق برادیق ، فد ماس لانی ، تاء سروف تو .

فواق مو بولیه ماسووق تروس کا بوکیت صیون ، کی سمفی کاکوت
 توهن ، ری هق اد کواس سعمور ، کا بندر جروسلیم هق
 سجاتی دالم شرگ ، تمفت بربیو ۲ ملائیکه دوق دفن سوک ریا .

23 فواق مو بولیه ماري برهیمهون رامی ۲ ، سکالی دفن سموا هق نام
 ری دوق تولیس ده دشگ ، هق توهن کیرا کات سروف انق

سولوغ ری بلاک . فس فواق مو نق تمو دفن توهن هق جاري
 حاکیم اتس سموا ماء نسی . مو ماري کا تمفت دودوق اور غسالیه

هق ماتی ده ، هق بولیه ده بندیرا ری .

24 فس مو ماري سمفی کاعیسی ، اور غ تفه هق بري جاري فرهوبوغن
 هق بارو ، توهن دفن ماء نسی . فس مو ماري کا تمفت کثیق داره

عیسی ، هق رویت حال فرکارا مولیق لاکی فد داره هق هابیل
 تو .

سابیت توله کیت کنا دغیر کا توهن دفن تاکوت

25 سابیت تو ، ادیق برادیق ، کنا جاکاله ، جاغن مو کات مو
 تاء سیر دغیر کا ری هق دوق کیچیق دفن مو بالس نی . کران

فواق توء نینیق کیت تاء لفس درف دحکومن برت ، بیلا ری تاء
 سیر دغیر کا امران هق توهن بري کا ری اتس دنیا . لبیه ۲

لاکی ، کیت فون تاء لیه لفس درف حکوم ، کالو کیت فالیغ بلاکن
 تاء سیر دغیر کا ری هق تورون ماري بري امران کا کیت درف شرگ .

فَدْ مَاسْ دُولُو تُو فُونْ، سُوا رَا تُوهَنْ بُرِي بُومِي بُرْكُوْچْقَ، تَافِي
لَانِي تُوهَنْ بُرْجَنْجِي كَاتْ:

اَكُو نَقْ كُوچْقَ بُومِي نِي سَكَالِي لَاكِيْ، فَسْ بُوكَنْ بُومِي
نِي سَاجْ، لَقْ، نَقْ كُوچْقَ سَمَفِي كَالاْغَيْتْ فُونْ.

فَرْكَتَائِنْ هَقْ تُوهَنْ سَبُوتْ سَاءِنِي كَاتْ: سَكَالِي لَاكِيْ تُوْ، بُرِي
كَيْتْ تَاهُو چَرْفَ كَاتْ، فَدْ مَاسْ تُوْ، اَفْ ۲ هَقْ تُوهَنْ بُرِي جَانِي
تُو نَقْ جَانِي تُرْكُوْچْقَ، نَقْ كَنَا هَافُوسْ بُرِي هَابِيسْ. فَسْ فَرْكَارَا ۲
هَقْ تِيْغَكْلَ لَاكِيْ، جَانِي فَرْكَارَا ۲ هَقْ تَكُوهْ، تَاءِلِيه بُرْكُوْچْقَ .
كَيْتْ بُولِيه دَهْ تَمْفَتْ هَقْ تَكُوهْ، هَقْ تَاءِلِيه بُرْكُوْچْقَ، دَبَا وَهْ
فَرِينْتَهْ تُوهَنْ. سَبُبْ نِيلِه، بَاءِيْكْ كَيْتْ اوْچَفْ رِيبَوْانْ تِرِيمَا
كَاسِيَهْ كَا تُوهَنْ، مَارِي سَمَبِهْ كَا تُوهَنْ كَوْ جَالِنْ بِي بُرْكِنْ ،
يَاءِيْتْ دَغْنَ حَرْمَةْ، دَغْنَ تَاكُوتْ سَوْغَكُوهْ .

كَرَانْ تُوهَنْ هَقْ كَيْتْ سَمَبِهْ تُوْ، سَرْوَفْ دَغْنَ اَفيْ هَقْ اَدْ
كَوَاسْ بُولِيه مَلَارتْ كَيْ هَابِيسْ .

فَسَنْ چَارَا حَالْ هِيدَوْفْ كَيْتْ تِيفْ ۲ هَارِي

باب 13

ادِيقْ بِرَادِيقْ هَقْ جَانِي مِيلِيقْ الْمَسِيحْ سَمَوَا ، مُولِيقْ كَيْتْ
تَبِيعْ كَاسِيَهْ سَامْ سَنْدِيرِي سَعْمُورْ .

فَسْ جَاغُنْ كَيْتْ مَالِسْ نَقْ اَجَقْ اوْرَغْ هَقْ مَارِي جَاءِوْهْ، بِرْهَنْتِي
ماَكِنْ دَرْوَمَهْ كَيْتْ . كَرَانْ اَدْ دَهْ اوْرَغْ هَقْ اَجَقْ اوْرَغْ بَالِسْ تُوْ،
تَاءِتَاهُو كَاتْ اوْرَغْ تُوْ جَانِي مَلَائِيَّكَةْ .

فَسْ كَيْتْ تَاءِ كَا تَرْلُوفْ كَا اوْرَغْ هَقْ دَوقْ دَالِمْ گُوقْ . تَكَهْ كَيْتْ
اِيْثَتْ كَا دِيْ، اِيْثَتْ كَاتْ سَرْوَفْ كَيْتْ سَنْدِيرِي دَوقْ دَغْنَ بِيْ.
اوْرَغْ هَقْ دَوقْ كَنَا پَاشْ لَانِي فُونْ ، مُولِيقْ كَيْتْ اِيْثَتْ كَانِي جَوْكَ،
كَرَانْ كَيْتْ فُونْ تَاءِتَاهُو كَيْتْ سَنْدِيرِي نَقْ كَا پَاشْ سَرْوَفْ بِيْ بِيَلا
لَاكِيْ . دَالِمْ فَوَاقْ ۲ كَيْتْ فُونْ ، مُولِيقْ كَيْتْ بُرِي حَرْمَةْ كَا اوْرَغْ هَقْ

تتف جاري لاكي بيني . هق جاري لاكي بيني فون کا بوات مو اکو دغن هاتي اخلاص، کران توهن نق جاتوه حکوم اتس اورغ هق بوات زنا، جنتن اتوا بتینا فون.

جاغن بري هاتي کيت ایثت کا رویت ساعت . تافي کيت کا بري فواں هاتي دغن بارغ ۲ هق کيت ار ده . کران توهن سنديري جنجي کات:

اکو تاء بیاس تیشگل مو سکالی ۲، اکو تاء بیاس لوچوت دغن مو!

ساپیت توهن کات بالس تو، کيت بولیه مفاکو دغن هاتي تتف، کات:

**ریتی جانی فنلوغ کو، اکو تاء کنا تاکوت ده . ماۓ نسی
نق مغیانة کا اکو، تاء لیه !**

کيت کنا توروت چنتوه اورغ هق جاري کتووا

فس ادیق برادیق کنا ایثت کا اورغ هق بیاس جاري کتووا مو کاتیق، اورغ هق مفاجر فرکتائن توهن کند مو دولو. کا ایغتلہ بالس مان ری هیدوف ، بالس مان ری ماتی ، فس توروت چنتوه ایمان ری تو.

فس ایغتلہ ، عیسیٰ المسیح تاء براوبه ، ماس دلو ، ماس لانی اتوا ماس بیلا ۲ فون ، ری روق سروف تولا ، بوات سلام ۲ . جاغن بري هاتي مو قیاس کی کوء لاءِن ، نق توروت فغا جران فلیق ۲ باپق فرکارا . مولیق هاتي کيت کھور ۲ قواہ دغن کران رحمة توهن ، بوکن دغن کران توروت اتوران چارا حال هق مان بولیه ماکن ، هق مان تاء لیه ماکن .

سسو غکوہن ، اتوران بالس تو تاء بیاس تولوغ اورغ هق توروت ری.

5

6

7

8

9

- فواق توء امام يهوري هق دوق بوات عبادة ، ايكوت 10
اتوران لام هق فاكي دالم خيمه ، تمفت سمهه کا توهن دولو
تو ، تاء بوليه سيكيت هايوق دالم قريان هق کيت .
کران ايكوت اتوران دولو تو ، اد بناتغ هق قريان انتوق دوسا . 11
داره قريان تو ، امام بسر باوا ماسوق دالم تمفت هق مهاسوچي ،
تافي توبوه هق قريان تو ، کنا باوا توببيت کا لوار فد خيمه
اورغ دودوق تو ، باکر بري هابيس .
سابيت تو ، عيسى فون کنا سيقسا جاري قريان لوار فد بندر 12
جوگ ، انتوق نق هافوس بري چوچي رغن داره ري سنديري
ما ئنسى هق بردوسا .
سابيت توله ، ماري کيت کي دوق سکالي رغن عيسى ، لوار فد 13
تمفت اورغ دودوق تو ، فس ماري کيت ريلا جوغ تريما کهينائ
اورغ ، سکالي رغن عيسى جوگ .
کران دالم دنيا ، کيت تاء ادار تمفت بوليه دودوق سعمور . کيت 14
دوق توجو کا ساتو بندر هق تاهن بوات سلام . فس ، ماري
کيت سمهه فوجين کا توهن سعمور ، جاري سروف قريان 15
هاتي کيت بري کا توهن ، ياء يت رغن معاکو کات کيت فرجاي
اتس نام عيسى ، کران ري قريان پاوا ري تو .
فس لاکي ، جاغن کيت مالس نق بوات بائيك ، کنا بهاكى هق 16
کيت اد کا اورغ هق تاء اد . کران بوات بالس تو فون ، جاري
سروف قريان هق توهن برکتن جوگ .
فس اکو فسن سوروه اديق براديق طاعتلہ کا اورغ هق جاري 17
كتوا مو . سرهله ديري مو کا فرينته ري . کتوا تو اد کرج
کنا جاگ هاتي مو ، فس ري کنا تفگوغ جواب اتس فواق مو
کا توهن . بري ري بوليه بوات کرج ري تو رغن سوک هاتي ،
تاء کنا بري ري سوسه هاتي ، کران هق تو تاء ادار فاء يده کا فواق
مو جوگ .

- فس اکو مینتا، ادیق برادیق بریعا انتوق کرج اکو کاتیق .
اکو فریقسا ره فیکیران دالم هاتی ، تافی تا، کورع اف سکارا
دغن نق بوات فرکارا هق مولیق سعمور .
- 18
فس لاکی اکو مینتا، ادیق برادیق کھور راجین فد دلو بربعا
کا توهن، بربی اکو بولیه کلیق باخت سیکیت کا تمفت فواقامو.

نق مینتا، دعا انتوق اورع هق باج سورت نی

- توهن بربی عیسی، ربی کیت، هیدوف کلیق ره ، نق
جادی کمبالا بیغ مهاتیگی اتس سموا بیریغ ۲ ربی ، لغن
سابیت ربی قربان پاوا ربی سندیری، نق بربی تتف فرهوبوغن
کیت دغن توهن بوات سلام ۲ . اکو مینتا، دغن توهن هق
بربی کیت سلامت سجهترا بالس تو، بربی کا فواقامو سموا
فرکارا هق بربی سیف سمنفرن بولیه بوات ایکوت کھندق
توهن ، بلغ ۲ توهن سندیری دوق کرج دالم هاتی مو ،
سموا فرکارا هق ربی برکن ، دغن کران عیسی المسيح . کا ربی
هق مهاملیا تو ، سوغ فاتولله کیت فوجی بوات سلام ۲ . امین .
یا ادیق برادیق کو ، اکو مینتا، بربی مو تریما فسنن کونی .
- 20
جاغن مو فواس باج ، کران هق اکو تولیس نی بوکن فنجع
ساافت . اکو نق بربی تاهو جوگ کات ، ادیق کیت تیموتیوس
توبیت ره دالم گوچ . فس کالو تیموتیوس ماری سینی باخت ،
اکو اد هرافن ، اکو کدوا نی بولیه کی زیاره فواقامو سکالی .
- 21
فواقامو دسینی کیریم سلام کا کتوا ۲ مو ، سکالی دغن سموا
اورع هق جادی میلیق توهن بالیق مو کاتیق . فس ، اورع
ایتالی بالیق کیت فون ، کیریم سلام کفڈ مو جوگ .
- 22
فس اکو مینتا، توهن بربی رحمة ربی دوق اتس فواقامو سموا .

يعقوب

سورت کیریمن هق توهن بري يعقوب تولیس
کند فواق ۲ المسيح هق کي دودوق رات ۲ نگري

باب ۱ يعقوب دوق تکور اورغ هق نق باج سورت نی

اکو يعقوب، سئورغ هق بوات کرج توهن باف ، فس سابیت ۱
تو کند ری کیت عیسو المسيح ، کیریم کاسیه کند ادیق برادیق
کو سموا هق دوق دالم میلیق توهن ده ، سروف دوا بلس فوقا
بغسا یهودی تو ، هق مچه کی دودوق رات ۲ تمفت دلنيا .

بالا فنچوباءن ار فائیده انتوق کیت

ادیق برادیق کو سموا ، بیلا مو تیمفا فنچوباءن اتوا کسوساھن ۲
مان ۲ فون ، مو کنا کیرا کات مو براونتوغ سوڠکوھ .

کران مو بولیه تاهو دغۇن تنتوکات ، بیلا هاتى مو منغ ده دالم ۳
سموا فنچوباءن نی دغۇن کران هق مو فرچاي ، حاصلن رى تو ،
مو نق جاري اورغ هق بولیه بردیري تگف ، دغۇن صبر .

فس مو کا بردیري تگف ھیفگ سمفی سود ، بوکن سکرت جالن ۴
ساج ، دق . بالس تولە مو نق جاري اورغ هق چوکوف سمفەن
تاڭورغ اف ۲ ده .

کالو ار اورغ دالم فوقا مو هق کورغ بیجق ، کورغ ارتى توجوان ۵

فرکارا مان ۲ فون، بري اورغ تو مينتا دعا دغۇن توهن. توهن فون نق بري فيكيران کا رى چرە، كران توهن موره هاتى سوغڭوھ. رى تاءَ كىرا كات، كىت اورغ سالە، تاءَ سوغ نق مينتا اف دغۇن رى، تافى رى بري جوڭ.

تافى اورغ هق دوق مينتا دغۇن توهن بالس تو، تاءَ سە واویە، رى کا فرچاي سوغڭوھ ۲. كالو اورغ دوق واویە دغۇن توهن، رى سروف اومىق دوق گلۆمىخ، ناءِ يك تورون، ناءِ يك تورون دغۇن اغىن. اورغ هق واویە ماچم تو، هق هاتى رى براس نق اىكوت دوا جالن، رى تاءَ سە اىفت كات رى نق بولىيە ترىيما اف ۲ درف دغۇن توهن.

اورغ مسکين اورغ كاي، دغۇن كسوساھن رى

اديق براديق دالم فوق المسيح هق مسکين، ولو فون رى تيمفا كسوساھن، كنا اىفت دغۇن سوک هاتى، كا فريغىكت هق رى بولىيە ده دتوھن.

اديق براديق هق كاي فون، بىلا رى تيمفا كسوساھن، رى كنا اىفت دغۇن سوک هاتى جوڭ، كران توهن بري فريغىكت رنده كا رى بالس تو. كران رى كاي سبنتر ساج. ماس كوء رافن، رى كا تىغىكلى سموا هق كاي رى تو. سروف بوجا ۲ دفارغ كېيىغ سبنتر ساج. بىلا متھاري ناءِ يك فس فچە فانس، فوهون بوجا فون كچوت كريغ هابىس، بوجا فون لوروه، روف هق مولىق سائى فون، فونه هابىس، دغۇن سبنتر تولا. بالس تولە، اورغ كاي، تىغىكلى دوق بوات كوء تو، كوء نى، هيلغ كى دغۇن سبنتر تولا.

براونتوغله اديق براديق مان ۲ فون هق بولىيە بىرىرى تىڭ دالم بالا فنچوبائىن تو، كران بىلا هاتى رى سونى سىف دە، توهن نق هدىيە كا نى هيىدوف چارا بارو بوات سلام ۲، هق

توهن جنجي نق بري کا سموا اورغ هق کاسيه کا ي.

مو جاغن کات توهن چوب هاتي مو، سوروه بوت جاهت

13 تافي اورغ هق کنا چوب رعن فرکارا هق تاريق هاتي ي
نق بوت هق جاهت، جاغن ي کات توهن چوب هاتي ي،
سوروه ری بوت فرکارا هق تاء موليق تو. توهن تاء کا مفنا
اف ۲ رعن فرکارا ۲ جاهت. فس توهن تاء بیاس چوب هاتي
ما نسي، سوروه ي بوت هق جاهت بالس تو.

14 نق ! ما نسي کنا چوب رھوا نفسو ری سنديري. هوا نفسو
نيله هق تاريق هاتي اورغ مان ۲ فون، جاري سروف اومفن نق
برى اورغ بوت جاهت.

15 هوا نفسو دالم هاتي کيت، بوليه ميسيل سروف بنيه. کھور
لام بنيءه تو تومبوه نائيك، بربواه جاني روسا هق اورغ بوت.
فس سود سکالي اد حاصلن، یا یت حکوم ماتي کران روسا تو.
جاغن مو سغک کات توهن نق چوب هاتي مو، بالس تو، نق!

16 بارغ هق موليق، بارغ هق سمنفرن، سموا نی تورون ماري دشوك
بلاك، فس توهن هق هديه انتوق ما نسي. توهنله هق بري
جاري سموا چھيا ۲ یغ چره، تافي توهن سنديري تاء سروف
چھيا ۲ تو هق دوق براوبه سعمور. توهن نی تاء اد بایع،
تا اد فرياغ گلف، فرياغ چره، ری سروف سعمور.

17 جاري ايکوت کھندق توهن سنديري، ری بري کيت جاري انق ۲
ري رعن فرکتاں ری هق سوغکوہ سعمور. توجولن توهن نق
برى ما نسي کيت بوليه فريشك هق تيڠکي سکالي دالم سموا
مخلوق ری.

کا راجين رغر، لمبت کيچيق

19 يا اد يق براجيق کو هق اکو کاسيه سموا، فاتوت مو کا

ایشت تاروه فرکارا هق اکو نق رویت نی. کیت سموا کا راجین
نق دغره، تافی لمب نق کیچیق، فس فایه نق موریه.
کران کالو کیت باعثت موریه، کیت نق بوات هق بتول، نق
توروت توجوان توهن تاءلیه.

سبب توله، بواغله سموا فرکارا هق چمر، هق تاء مولیق، سکالی
رعن فیکیران هق جاهت گاتیق، هق اد لکی دالم هاتی، بري
توبیت هابیس. مندھله دیری مو کفدتوهن، بري بولیه مو
تریما فرکتاں هق توهن بوبوه ده دالم هاتی. سبب فرکتاں
نی اد کواس بولیه بري مو سلامت.

فرکتاں توهن سروف چرمین انتوق کیت

تافی کالو مو جاري اورغ هق دوق دغره فرکتاں توهن، جاغن
مو تیفو دیری سندیری کات، دوق دغره ساج چوکوف ده. دق!
کیت کنا توروت گاتیق.

کران اورغ هق دغره ده فرکتاں توهن تو، تافی ری تاء توروت،
جاري سروف رعن اورغ هق کی سولوه دالم چرمین، نق فرهاتی
کلیه موک ری. بیلا ری کلیه ده، ری فالیغ بلاکع کی، تاء ایشت
موک ری بالس مان.

تافی لائین فول اورغ هق تبیغ کی فرهاتی تیغوق دالم کتاب
توهن. حکوم توهن نیله، هق بري کواس کا کیت بولیه توروت،
تاء کنا جاري همب هوا نفسو کیت. اورغ ساء نی، بیلا ری فرهاتی
تیغوق ده، بوکن کات ری ترلوف سلالو، نق! ری ایشت تاروه،
فس ری بوات توروت سعمور. اتس اورغ تو، توهن نق تورون
رحمة ری.

اوکام هق سوچی سوگکوه

سیاف ری دالم فواق مونی کامق کات ری قواة اوکام؟ کالو مو

ناء فنتخ ليده تو، جاري سروف مو تيفو ديري مو سنديري . اوکام
 27 مو تاء ادار فاء يده . اوکام هق توهن باف کيت کات سوچي سوڠگوه
 ياء يت اوکام اورغ هق سوگ تولوغ منلوج اورغ بتينا توا، فس
 انق ۲ يتيم ، کدوا ۲ ني هق تاء ادار اورغ نق فيرا . فس لاکي ، اوکام
 اورغ هق سوگ جاگ توبوه ديري ري سنديري درف دجالن معصية
 هق دالم دنيا . اوکام اورغ نيله هق قواة سوڠگوه .

کنا فندغ کا ماء نسي بري سروف سموا

باب 2

1 يا اديق براديق کو ! کيت فرجاي ده کا ربی عيسى المسيح،
 ربی بیع مها مليا . سابیت تو، کيت تاء ليه فندغ سام ۲ ماء نسي
 کيت کات تیغکي رنده ، مغيکوت فرکارا ۲ باليق لوار .
 2 ميسل کات ، مو دوق نق فراجوم سمه کا توهن . فس اد ساتو
 اورغ ماري ماسوق دالم فواق مو . اورغ ني فاكی چينچين مس ،
 کائين باجو سموا هرگ مهل . لفس تو اد سورغ لاکي ، ماري
 ماسوق . تافي ري اورغ سدق ، فکاين دی بوروق سموا .
 3 فس فواق مو هق دوق فراجوم تو فون ، فندغ حرمة کا اورغ کاي
 ساء ني کات : اوه توان ! ماري دودوق اتس کريسي نيله ، موليق
 سيکيت ! تافي مو فالیغ کات کا اورغ سدق فول : هي ! مو دوق
 بريري سيتوله ! اتوا : مو دوق اتس لنتي ني ، ايکوت مو !
 4 کالو مو بوات لاکو ني ، فواق مو ساله ، رعن سبب فندغ تیغکي
 رنده کا ماء نسي ، تاء جاري سروف سموا دالم فواق مو . فس
 لاکي ، سبب مو لتق ديري مو جاري توء حاکيم ، کرت سين هق
 تاء کنا ، کران توجوان هاتي مو تاء موليق .

5 بغله ، اديق براديق کو هق اکوكاسيه سموا ! اورغ هق ماء نسي
 کات سدق ني ، توهن فيليه نق بري دی کاي دالم حال فرجاي
 کا توهن . فواق ني جوگ ، توهن نق بري فساک کا دی ، بري
 بوليه مرینته نکري اخيرة هق توهن چادغ تاروه انتوق سموا

اورغ هق کاسیه کا ری . تافی فواق مو فاکت دوق هینا کا فواق اورغ سسق نی ، بوکن ؟ ایغتلہ ! اورغ هق بوات پائ کا فواق مو ، هیریت مو کی نائیک سن ، بری اورغ سن لتق حکوم اتس مو ، اورغ کای نیله ، بوکن ؟

فواق اورغ کای نی جوگ ، هق دوق هینا کا نام ربی عیسی بیغ ملیا ، هق فواق کیت مفاکو کات کیت جانی میلیق ری .

کالو فندغ هینا کا اورغ سسق ، ساله حکوم توهن

ادیق برادیق هق نق توروت جالن هق بتول ، مو کنا توروت سوغمکو ۲ حکوم هق مستحق سکالی انتوق سموا اورغ هق دوق باوه فرینته توهن ، یا^۱ یت حکوم هق سبوت دالم ایات کتاب کات :

مو کنا کاسیه کا سام ۲ ماء نسی سروف مو کاسیه کا ری مو سندیری .

تافی بیلا مو فندغ اورغ تاء سروف سموا تو ، کران نمفق دلوار ساج ، مو بوات دوسا . ایکوت حکوم توهن ، مو ساله ده .

کران اورغ هق بوات ساله حکوم توهن ساتو فرکارا فون ، بردوسا جوگ ، سام برت سروف ری لغکر حکوم ۲ توهن سموا .

میسل کات حکوم برزنا^۳ دغن حکوم بونوہ اورغ ، دوا فرکارا حکوم نی ماری درفت ساتو توهن ساج . کالو کیت تاء بوات ساله حکوم زنا ، تافی کیت بونوہ اورغ ، کیت ساله جوگ حکوم توهن .

بیلا کیت نق کیچیق اف ۲ ، اتوا نق بوات اف ۲ فون ، کیت کا ایثت کات ، توهن نق کرت سین اتس کیت ، ایکوت حکوم ری سندیری ، هق ری بری کواس کا کیت ، بولیه توروت ، تاء کا جانی همب هوا نفسو کیت .

اورغ هق تاء کاسیه کسیاغ بلس کا سلم ۲ ماء نسی ، توهن نق

6

7

8

9

10

11

12

13

جاتوه حکوم اتس نی دغن تاء کسیاڭ بلس جوڭ. تافي اورغ
هق کاسیيە کسیاڭ بلس کا سام ۲ ماء نسي، تاء کنا تاکوت توهن
نق جاتوه حکوم اتس نی.

تندا لكت ايمان

- 14 اکو نق تان ادیق برادیق سیکیت! اف فائیده کیت
کات: اکو نی فرچای سوغۇکوھ، کالو کیت تاء بوات اف ۲ برى
اورغ نمۇق کات سوغۇکوھ؟ هق کیت کات فرچای بالس تو، بولىيە
کا دق برى کیت سلامت؟ دق!
- 15 مېسل کات، اد سئورغ ادیق برادیق دالم فواق المسيح. نی
تاء ادار کاءين باجو نق فاكى، ناسىي فون تاء اد چوكوف نق ماكن.
فس کیت رویت کا نی: سلامت جالنله! جاڭ توبوھ مو برى
سنغلە، ماكن برى كېقلە! تافي کیت تاء برى اف سكارا هق
نی كورغ توھ، اکو نق تان، اد فائیده کا دق هق کیت دوق
رویت تو؟
- 16 هق کیت فرچای فون سروف تو جوڭ. نق فرچای دغن تاء اد
بوات اف نق برى جاري تندا هق کیت فرچای تو، تاء لىيە!
تاء ادار فائیده، تاء ترفاكى سوغۇکوھ. تنتو اد اورغ نق بحس
هق اکو دوق رویت نی. نی نق کات: اد اورغ هق قواه دالم
باب فرچايى، بىلر کا نی! فس اد اورغ هق قواه بوات عملن ۲،
بىلر کا نی جوڭ! کالو اورغ بحس بالس تو، اکو نق جواب کات:
کالو نی تاء لىيە تنجوق کا اف ۲ هق نی بوات كران نی فرچايى،
کنا کات هق نی کات فرچايى تو، تاء ترفاكى. اکو فول نق تنجوق
کا فرکارا ۲ هق اکو دوق بوات، جاري تندا کات هق اکو فرچايى
تو ترفاكى دە.
- 17 مو کات مو فرچايى کا توهن يې سا، بوكن؟ موليق جوڭ، تافي
هنتو شيطان فرچايى جوڭ، دغن كتر كنالىيە ايقت کا توهن تو.
- 18
- 19

مو بحس سروف ساءٌ نی تو، مو بودوه. اکو کنا چاری تند
سیکیت لاکی که، نق بربی مو ارتی کات، فرچای ساج تاءٌ چوکوف؟
رغله! تو نینیق کیت نبی ابراهیم. ری دوق بائیک دغن توهن
بالس مان؟ ری بائیک دغن توهن سا بیت نی جوغ امبیق انق
نی اسحاق، نق بوات قربان کا توهن، بوکن؟
مو ارتی کا نق لاکی؟ هق ری بوات تو بر توروت ۲ هق ری
فرچای. هق ری فرچای تو فون، کهور ۲ سمنرن تکه ری دوق
بوات فرکارا ۲ تو.
فس هق توهن رویت دالم کتاب تو، سو غکوه. ایات تو کات:

ابراهیم فرچای کا توهن. سبب توله، توهن حکوم کات:
ابراهیم جانی بائیک ده دغن ری.

فس تو فول، توهن سبوت کات، ابراهیم جانی ساءٌ رافت دفن
ری. لانی ادیق برادیق بولیه ارتی کات، کیت تاءٌ لیه جانی بائیک
دغن توهن دغن فرکارا ۲ هق کیت فرچای ساج، دق! کا فرچای
کاتیق، کا بوات توروت کاتیق.
فس ایغتلہ چریتا اورغ بتینا بیلیق تو، نام راحب. فول. ری
بائیک دغن توهن کران فرکارا ۲ هق ری بوات جوگ. هق ری
بوات تو، ری سمبوت فوقاً یهوری هق توهن سوروه کی تیشووق
نگری تو. راحب تولوغ بربی فوقاً تو بولیه لاری کی کوء لاءٌ،
نق بربی لفس فد اورغ هق نق ایگت ری.

سسو غکوهن اورغ هق مفا کو کات ری فرچای، تافی نی تاءٌ بوات
اف سکارا بربی تند اهق ری فرچای تو، ری جانی سروف توبوه
تاءٌ د پاوا. کیت بولیه کات، هق ری کات فرچای تو، همفا ساج.

بند ا کچیک، بهیا بسر

یا ادیق برادیق کو! تاءٌ سو غ فاتوت باپق اورغ دالم فوقاً مو

ني، نق امبيق فريغكت جاني گورو. اديق براديق کا ايقت
کات، کيت هق جاني گورو، توهن نق کرت سين کا کيت بري
هالوس هالوسي فد اورغ لائين.

کيت سموا بواسله باپق کالي ده. تنتو اورغ هق تاء بياس
ساله کران مولوت، دياله اورغ هق فراغي موليق سمنفرن ده.
معناش دي بوليه فنتخ مولوت دي، فس بوليه فنتخ سموا دالم
ديرى دي گاتيق.

کيت بوليه بندیع رعن کورا. توان دي بوبوه تالي کائين دالم
مولوت دي، فس توان بوليه فقسما دي سموا توبوه، بري توروت
کهندق توان دي، ايکوت هيريت.

فس سكارا لاكى، فرهاتي کليه کفل لاءوت فول. رعن فاكى
كمونى كچيك ساج، ولو کفل تو بسر سکالي فون، ولو اغين
قواه ستارا مان فون، کدل تو توروت توان دي جوگ، سابيت
ار كمونى تو.

ما نسي کيت فون سروف تو جوگ. ليده کيت هق کچيك تو، دي
ار کواس بري جاري فركارا بسر، بوكن؟ تيغوقله افي فول. افي
تو کچيك ساج، تافي دي بوليه ملارت کي هابيس دالم هوتن
بسرا.

ليده کيت فون سروف افي تو جوگ. سموا هق جاھت، ابيو
دي دوق دالم ليده ما نسي. ليده دوق دتمفت دي، فس
کجهاتن دي فون بوليه جاري ملارت کي هابيس توبوه. ليده تو
ار کواس بوليه چوچوه سروف افي هق بواس خيانة سموا جلان
هيدوف کيت. افي تو فون اصل ماري درف نراك.

جاکاله ليده مو!

سسوغکوھن، ما نسي کيت بوليه فقسما سموا سگل بناتخ.
بناتخ سروف بوروغ، اولر، سمنفي کا ايکن فون، ما نسي

2

3

4

5

6

7

بولیه فقسا ری جوگ . تافي تاء ار کواس نق فنتخ لیده ری سندیری بري دوق سپف . لیده تو جاہت ، تاء سیر توروت فرینته سیاف ۲ فون . ار بیسا دوق فنوه دالم مولوت ، نق بوات خيانة کا اورغ .

8

کيت فاكی لیده نق اوچف تريما کاسيه کا توهن باف کيت . فس فاكی جوگ ، نق سومفه ماکی کا سام ۲ ماء نسي ، هق توهن جاديکن بري سروف توهن سندیري .

9

فركتاء اوچف تريما کاسيه دغن سومفه ماکی ساء نسي ، توبیت دالم مولوت تولا جوگ . ادیق براديق کو ! تاء سوغ فاتوت کيت فاكی مولوت بالس تو .

10

بياس دغر کا دق ، تلاڭ هق توبیت اير ماسين دغن اير تاور دالم تلاڭ تولا ؟ دق ! تاء بياس .

11

فس اد کا دق ، فوهون تامر هق بولیه توبیت بواه کتيرغ ؟ دق ، تاء اد ! فس سکلارا لاکي ، فوهون جابیت ، پاگي توبیت بواه تامر ، اد کا دق ؟ تاء اد . فس اير ماسين فول ، تاء ليه براوبه جايی اير تاور . کالو بالس تو ، بااف مولوت کيت توبیت موليق گاتيق ، هودوه گاتيق ؟

12

اورغ مان بیجق سوغڭوھ ؟

سياف دالم فوق مو هق بیجق بولیه ارتىي فركارا ۲ چارا حال توهن ؟ اکو نق سوروه اورغ تو بري نمفق کات ری بیجق ، دغن بوات فركارا هق موليق . فس اکو سوروه ری بوات بالس تو دغن فراغي رنده هاتي ، جايی تندادا کات توهنله هق بري ری بیجق تو .

13

تافي کالو هاتي مو دوق بريڭكى دغن موريه کا اورغ سعمور ، دوق چاري نق بولیه كەنلىق مو سندیري ساج ، جاغن مو بسر کا ديري کات مو بیجق . هق تو بوھوغ ، لاون دغن هق سېنر .

14

15 هق چریديق لاکو ني ، تنتو تاء ماري درف دوهن ، دق ! ماري
دری دنيا ، فس تاء ارتی حال دوهن ، ارتی حال ماء نسي ساج ،
اصلن ماري درف هيبليس .

16 دمان اد اورغ هق برغلگي ، هق نق بري بوليه کهندق دی ساج ،
دسيتوله تمفت هق نق جاري هارو هارا دغن سموا فركارا هق
جاہت .

17 تافي اورغ هق دوهن بري فراغي بيحق تو ، تندنا هق مستحق
سكالي بی اورغ هاتي سوچي . بی نق دوق باييك دغن . اورغ ،
لمه لمبوت ، اورغ لاءين فون تاء گرون نق کيچيق دغن بی . بی
کسياغ بلس کا اورغ ، فس بی سوک بوات باييك کا اورغ سعمور .
اورغ تو دغن اورغ ني ، بی بوات سروف ، دی تاء فندغ تيغكى
رنده ، دق . بی بوكن اورغ هق مانيس لوار ساج .

18 اورغ هق دوهن بري بيحق بالس تو ، سروف دی اد بنېي هق
موليق ، کي تانم . فس حاصلن بنېي تو ، بی بوليه بري اورغ دوق
باييك مو اکوسام سنديري .

باب 4 اورغ هق دوق ايغت کا هرت دنيا ، لاون دغن دوهن

1 ساپيت اف مو دوق باله ، دوق برتغكىغ سام فواق مو
سنديري ؟ بوکنه ، هوا نفسو هق دوق لاون دالم توبوه تيف ۲
اورغ ، نق بوليه کهندق دی ساج ؟ سوگکوه کا دق ؟ سوغلکوه .
مو براس دوق نق ، تافي تاء بوليه کهندق مو . ساپيت تو ، مو
کي بونوه اورغ . مو دوق برغلگي ، دوق گيلا نق کا بارغ اورغ ،
فس ساپيت تاء بوليه هق مو نق تو ، سبب توله مو باله
برتغكىغ سام سنديري . تافي مو تاء ليه بري سمنفرن کهندق هاتي
مو ، کران مو تاء مينتا دغن دوهن .

2 سسوگکوهن ، مو مينتا ره تافي تاء بوليه اف ۲ ، دغن سبب هق
مو مينتا ساء ني تو ، هاتي مو تاء موليق ، کران مو مينتا نق

بری فواس هوا نفسو مو ساج . فواق مو تیغکل هق مو دوق
کاسیه کا توهن دلوو ، سروف دغن بینی بوات زنا' ، فس تیغکل
هق دی دوق کاسیه کا تو' لاگی دی دلوو . مو تا' ارتی که ، کالو
مو دوق ایشت کا هرت دنیا ساج ، معنانث مو دوق لاون دغن
توهن ؟ اورغ مان ۲ فون هق سوک دوق ایشت کا دنیا نی ،
جاري سترو ده دغن توهن ، بوکن ؟

جاگله بری ریغن کتاب توهن هق کات : توهن بری ده روح
دی کا کیت دوق دالم هاتی . فس روح تو تا' برکن سوغلکوھ
بیلا هاتی کیت دوق نق توروت هوا نفسو .
تاپی رحمة توهن هق دی تورون نق تولوغ کیت ، اد کواس
لبیه فد هوا نفسو کیت لاگی ، سروف ایات دالم کتاب رویت ،
کات :

توهن دوق لاون دغن اورغ تکابور ، تاپی اورغ هق
مرنده هاتی ، توهن نق تولوغ دغن رحمة دی .

سابیت توله ، مو کا سرهله دیری مو کا توهن . مو کا لاون
دغن هیبلیس ، فس دی نق لاری جا' وہ فد مو .
مو کا ماسوق دوق رافت دغن توهنه ، فس توهن نق دوق
رافت دغن مو . هي مو هق سوک بوات دوسا ! باسوھله
تاغن مو بری چوچی سموا هق چمر . هي فواق مو هق هاتی
دوق نق توروت دوا جالن ! کی باسوھله هاتی مو بری سوچی .
مو کا براس سسل کران دوسا مو . تریاق مناھیسله ! هق سوک
مو دوق سوک هاتی کا براوبه جانی سایو هاتی . هق سوک
چیتا فون ، کا براوبه جانی دوک چیتا ، کران دوسا مو .
مو کا مرنده دیری مو درافن توهن ، باروله توهن نق تولوغ
اغکیت مو بری بربری سمولا .

جاغن مغوفت حال اديق براديق دالم فواق المسيح

سابيit توله ، جاغن كيت مغوفت كات هق ساله چارا حال 11
 اديق براديق دالم فواق كيت . بيلا كيت تيك اديق براديق ،
 اتوا حکوم دي کات ساله ، جاري سروف كيت روق تيك حکوم
 توهن ، کات حکوم تو ساله جوگ . کالو كيت بوات بالس تو ،
 معنان كيت اگكیت ديري کات جاري حاكيم هق بوليhe لتق حکوم
 بوکن اورغ هق کنا توروت حکوم تو .

12 توهن ساج هق بوليhe لتق حکوم ، اتوا هق بوليhe جاته
 حکوم اتس مائنسی كيت . توهن ساج اد کواس نق بري
 سلامت اتوا نق بري بناس دنراگ . بااف مو اگكیت ديري
 مو جاري حاكيم اتس ساعين ۲ هق جاري سام ۲ مائنسی سروف مو؟

جاغن كيت اورغ مندولو

هي فواق مو هق سوك کات : هاري ني اکو نق کي ، اتوا 13
 ايسوق تنتو نق کي ! فس اکو نق برجالن سمفی کا نکري تو ،
 نق دودوق ديق نون ستاهون ، فس اکو نق منياگ بوليhe لاب
 باپق ! دغره هق اکو نق رویت کا فواق مو ني .

سسوغکوهن فواق مو تاء تاهو ايسوق نق جاري بالس مان . 14
 هيڊوف مو سروف کابوت فيکي . فيکي اد سبنتر ، فس تو هيبلغ
 کي هابيس . هق سوغ فاتوت ، مو کنا کات لاکو ني : کالو توهن
 بنر بري هيڊوف کو فنجع لاکي ، اکو نق بوات بالس تو ، نق
 بوات بالس ني !

15 تافي فواق مو تاء کات لاکو تو . مو هاتي تکابور ، مو بسر کا
 ديري مو دعن کفنداین مو . ساله سوغکوه مو بسر کا ديري بالس
 تو . اورغ هق تاهو ره کات ، اد جالن هق موليق نق توروت ،
 تافي ری تاء توروت ، اورغ تو بردوسا ده .

باب 5

اورغ رویت باپق کا فرہاتی دغ

- لاني اکو نق بري فواق هق کاي فرہاتي دغ فركتائن کوني.
باۓيك مو ترياق تاغيس دغن سوارا درس لاني، بيلا مو ايٺت کا
بالا کسوساهن هق مو نق تمو ماس رافن.
- تيغوقله! هرت دغن حاصلن مو لام ۲ جاري فونه، بوکن؟ کاءين
باجو هق باپق چود فون، ماکن دگت هابيس.
- مس دغن فيرق فون، لام ۲ ماکن دکارت هابيس جوگ. فس،
بارغ ۲ نی، هق ماکن دکارت سا۶ نی تو، هاري رافن نق جاني
تندا کات موساله. فس سود سکالي، نق ماکن توبوه مو سروف
بارغ سا۶ نی، سروف دغن سمفه رافي. مو دوق کوتيف تاروه
هرت بندا مو هيٺگ سمفی کا هاري قيامة.
- رویت کاجي هق اورغ بوات کرج دبندغ، مو تيفو تاروه، تاء سير
بری کا نی. فس اورغ کرج مو سائي دوق مينتا تو لوغ دغن
توهن، دغن سوارا درس. رویت کاجي تو فون سروف تو جوگ.
سوارا ری کدوا تو فون، دغ دتلیغا تو هن ده، ربی بئع مها
کواس.
- دالم دنيا مو دوق سنڌ، اد بلاڪ، نق تو بوليه تو، نق نی
بوليه نی. تافي تاء لاءين دغن لمبو، کھور ماکن باپق، کھور
کموق، سمفی کا هاري ری کا سمبليه.
- فواق مو بياس بوات پان کا اورغ هق هاتي بتول، هق
تاء بياس بوات ساله اف ۲، فس مو بري ری تريما حکوم ساله
سمفي کا بونوه فون. فس اورغ هاتي بتول تو تاء لاؤن دغن
مو، دوق ريم ساج.

اديق براديق کنا ننتي دغن هاتي صبر

- يا اديق براديق کو! مو کنا ننتي دغن هاتي صبرله، سمفی
هاري هق ربی عيسى نق تورون ماري سمولا. ايٺتلہ کا اورغ هق

بوات بندغ. ری ننتی دغن صبر، فریاغ نق مغتم بولیه حاصلن
باپق، درفدتانه ری تو. ری کا صبر ننتی، لفس هوجن
اورغ تورون ڪالا منابور، فس ننتی هوجن به فول، بارو ری
بولیه مغتم.

فواق مو کا ننتی بري صبر بالس تو جوگ. بري هاتي مو
تتف، کران دکت نق سمفی هاري هق رتی عيسى نق تورون
ماری تو.

جاگن مو دوق مغیفیق دغن امبیق ساله کا سائین ۲ مو سعمور.
تاکوت مو سندیری نق کا حکوم، کران حاکیم کیت دوق دافن
فینتو نق ماسوق ماری ده.

ادیق برادیق کنا ایثت کا نبی ۲ دولو گاتیق، هق میمفی
فرمان توهن دغن کواس توهن. مو کا توروت چنتوہ دیاله.
ولو ری کا سوسه فون، ری دوق صبر جوگ.

لانی کیت فشکیل ری اورغ براونتوغ سوڠکوھ، ساپیت ری دوق
صبر چوکوف ۲ بالس تو. فس مو بیاس دغز چریتا نبی ایوب،
بوکن، هق هاتی تتف سوڠکوھ تو؟ مو فون تاهو اف توجوان
تهن کف ایوب. سود سکالی توهن بري بائیک کا ایوب،
ساپیت ری توهن هق کاسیه کسیاگ بلس کا ماء نسی کیت.

بیلا جنجی، جاگن برسومفه

فس اد فرکارا سا لاگی هق مستحق، هق اکونق رویت کا
ادیق برادیق. بیلا مو جنجی اف ۲ دغن اورغ، مو تاء سه
برسومفه کات سوڠکوھ، دغن سبیوت نام توهن دشگ، دغن بارغ
اف ۲ فون دنیا، اتوا دغن کواس مان ۲ فون، مو تاء سه
برسومفه کات تاء بوهوغ. بیلا اورغ هاتی بتول کات: ها!
معنال: ها! بیلا ری کات: نق، تاء لیه! معنال: تاء لیه! کیچیق
لیه فد تو لاگی، تاکوت توهن نق جاتوہ حکوم اتس مو.

کہیدوفن ادیق برادیق دالم فواق المیسیح

- 13 ادیق برادیق کو، اد کا دق دالم فواق مو نی، اور غ هق کنا سوسه؟ ری کنا بردوا کیچیق دغن توهن. فس اد کا دق، ادیق برادیق هق براں سوگ هاتی؟ ری کنا مپاپی فوجین کا توهن. فس لائی، اد کا دق اور غ هق ساکیت؟ بڑی ری فٹکیل فواق کاکق ۲ فواق المیسیح دتمفت تو، ماری۔ فس فواق کاکق تو نق ماری لومور میپ دتویوہ اور غ ساکیت تو، فس مینتا دعا انتوق اور غ ساکیت، دغن کواس ربی عیسیٰ۔
- 14 فس، دعا اور غ هق فرچای کا عیسیٰ سائی تو، نق بڑی اور غ ساکیت تو سیار. ربی نق بڑی ری سلامت. فس دوسا ۲ هق بڑی بوات ده فون، ربی نق امغون جوگ۔
- 15 سا بیت تولہ، مولیق فواق مو نق مفاکو سام سندیری، هق مو بوات سالہ مان ۲ فون، فس فاکت مینتا دعا انتوق ادیق برادیق بڑی ری سموا سلامت۔ کران دعا اور غ هق توهن کات تاء سالہ، برکت سو غکوہ۔
- 16 ایغتلہ کا نبی الیاس! ری ما نسی سروف کیت جوگ، بوکن؟ تافی بیلا ری بر دعا دغن سو غکوہ ۲ هاتی، مینتا دغن توهن بڑی هوجن برادو، هوجن فون برادو، تاء تورون دنکری تو، سمفی تئہ امفت تاهون۔ لفس تو الیاس مینتا دغن توهن بڑی هوجن فول۔ هوجن فون تورون بڑی نکری تو بولیه حاصلن فول۔
- 17 یا ادیق برادیق کو، کالو سئورغ دالم فواق مو هوندور کی جائوہ فد جالن بتول، فس سائین ری کی تولوغ، بڑی ری بالیق هاتی کلیق سمولہ، تنتو مو بولیه تاهو کات، اور غ هق تولوغ اور غ بر دوسا بالس تو، بڑی ری بالیق هاتی، تیغکل جالن معصیۃ هق ری بوات تو، تنتو اور غ تو بیاس تولوغ پاوا ادیق برادیق ری، بڑی سلامت درف دحوم ماتی، فس دوسا باپق فون بولیه هافوس کی دھ۔

1 فيتروس

سورت کیریمن يغ فرتام هق توهن بري
فيتروس تولیس کف دواو ۲ المسيح

باب 1 فيتروس جاني سورغ هق باواه تیته عیسی المیسیح

1

اکو فيتروس نی، هق باواه تیته عیسو المیسیح، کیریم سورت نی کف ادیق برایق هق جانی میلیق توهن، هق مچه کی دودوق نکری ۲ لاءین، یائیت دنکری فونتوس، دنکری گلاتیا، دنکری کافدوکیا، دنکری اسیا دان دنکری بیتونیا فون.

سموا دواو مو، توهن باف سوده فیلیه ده دری دولو ۲ لانکی، ایکوت کهندق دی. دفن کواس روح دی جوگ، توهن بري مو جاری اورغ سوچی انتوق کرج دی. توجوان دی، نق بري مو جاری اورغ هق دوق طاعه کا عیسی المیسیح، اورغ هق دوق کا کتیق چوچی ده دغن داره عیسی.

اکو مینتاه توهن تورون رحمة دی دفن سلامت سجهترا اتس دواو مو سموا، کهور ۲ باپق لانکی.

هرافن کیت دوق کمس

2

اوه فوجیله کا توهن هق جانی باف عیسی المیسیح، ربی کیت، کران دغن کسیاغ بلس دی هق لبیه ۲ بسر، دی

3

سورد بري کيت برانق بارو سموله . بري هرافن هق
کمس کا کيت ، بوليه هيدوف چارا بارو دغن کران عيسى المسيح
ماتي فس هيدوف کلیق تو ، یائیت کيت بوليه فساک هق
تا لیه جاري فونه ، هق تاء لیه جاري چمر ، هق تاء لیسوس
سعمور . فساک نيله توهن چارغ تاروه دشگ انتوق فواق مو .
فس دغن کواس ری ، توهن دوق ليغکوغ مو ، سابیت مو فرچای
کا بی ، هیغک سمفی مو بوليه سلامت دغن سمفون تو ، هق
دوق سیف ده انتوق مو . فس بیلا سمفی هاري فغهابیسن ،
توهن نق بوک بري پات فساک مو تو .

مو بوليه دوق برسوك ریاله دغن سابیت هرافن مو هق کمس تو ،
ولو مو سوسه سبنتر ، دغن فنچوبان باپق فرکارا فون . کران
سموا فنچوبان نی او توجوان نق سوئی ایمان مو ، بري نمفق
کات تاء فلسوده . ایغتله ! اورغ کنا اوچی مس دغن افي ،
بوکن ؟ فس مس تو جاري بارغ ساج ، هق سود سکالي نق هیلغ
کی ده . ایمان مو مهل فد مس تو لاکی . سبب تو ، ایمان مو کنا
سوئی جوگ ، نق بري تتف سوڠکوه . فس ، مو نق بوليه تریما
فوچین ، کملیان دغن حرمة ، فد هاري عيسى المسيح نق
تورون ماري بري سموا اورغ کلیه بی فول .

ولو فواق مو تاء بیاس کلیه بی لاکی فون ، تافی مو دوق کاسیه
کا بی جوگ . لاني مو تاء لیه نمفق بی فون ، تافی مو دوق
فرچای کا ری . سبب توله ، فراسان هاتی مو سوک هابیس ۲
چیکف ، سروف دغن اورغ هق ماسوق شرگ ده ،
کران مو کھور ۲ دوق تریما حاصلن ایمان مو ، یائیت سلامت
دغن سمفون .

نبی ۲ دولو رویت حال سلامت تی

چارا حال سلامت نی ، نبی ۲ دولو بیاس فیقسست تیغوق دغن

4

5

6

7

8

9

10

هالوس هالوسي، انتوق نق رويت دالم كتاب يي، جالن مان
تههن نق تورون رحمة يي اتس فواق مو.

نبی ۲ تو فون دوق فيسه نق تاهو، بالس مان اتوا ماس مان ،
سموا نی نق جاري . فس، تکه يي دوق فيقيست تو، روح
المسيح سنديري بري يي تاهو دولو فد جاري لاکي ، کات ،
المسيح کا تريما سيقسا باپق فركارا ، لفس تو نق تريما
كملياين فول .

فس توهن بري پات کا فواق نبي تو کات ، فركارا ۲ هق يي دوق
رويت تو، بوکن انتوق فواق ری ماس تو، تافي انتوق فواق
مو، ماس لاني . هق نبي ۲ رويت دولو تو، يتولن دغن خبر
يغ بايک، هق اورغ بارو ماري رويت کا فواق مو نبي ، دغن
کواس روح توهن ، هق توهن هنتر ماري دشرگ . بخسا ۲
ملائيکه فون ، براس نق تيغوق ، نق ارتی ، فركارا نی جوگ .

کيت کا هيڊوف جاري اورغ سوچي انتوق توهن

سابيت دغن سموا فركارا نيله ، مو کا جاگ فيكيران مو ،
جاري اورغ هق ترتيب ترنيغ ، هق دوق سيمفن سيف ده
سعمور . فس بري هرافن مو توجو سمات کا رحمة هق توهن
نق هديه کف مو ، فد هاري عيسى المسيح نق تورون ماري ،
ブリ سموا اورغ نمفق يي .

مو کا دوق سروف انق ۲ هق سوک طلاعة کا باف يي . جاغن
مو دوق توروت هوا نفسو مو سروف دولو ، تکه هاتي مو گلف
تاء تاهو حال توهن .

تافي اف ۲ هق مو دوق بوات ، بوائله دغن هاتي سوچي ،
سرروف دغن توهن هق سوروه مو توروت يي ، کران يي تو
سوچي سمات ۲ . فس اد ايات دالم كتاب هق کات :

فواق مو کا جاري اورغ هق سوچي،
کران اکو نيله توهن بیغ سوچي.

16

تکه مو بربعا، مو مغاکو توهن کات باف مو، بوکن؟ تافي
جاشن مو ترلوق، دیاله توهن هق فریقسا هاتی ماۓنسی
سروف سموا، ایکوت فربواتن اورغ ماسیع ۲۔ سابیت تو، تکه
مو روق هیدوف اتس دنیا لائی، مو کنا تاکوت کا توهن سعمور.

17

هرگ هق تبوس پاوا مو هرگ هق مهل

فس ادیق برادیق تاھو ده کات، توهن بري مو لفس ده
درفرد توروت عادہ توء نینیق مو، هق سیا ۲ ساج۔ فس
هرگ تبوس پاوا مو تو، بوکن تبوس دغنا بارغ، هق کا
هیلغ جاري فونه، سروف مس دغنا فیرق، دق!
هرگ تبوس پاوا مو تو مهل سوڠکوھ، یاءیت داره المسيح
سنديري، دی هق کا سمبليه سروف دغنا بوات قربان، انق
بیریغ هق تاءار چاقت، تاءار چدرا۔

18

سسوڠکوھن، بلوم فد دنیا جاني لائی، توهن تاھو ده کات،
المسيح کنا بوات کرج نی. تافي فد ماس فغهابیسن دنیا،
هق ماسوق ده لاني، توهن بري دی تیمبول ماري انتوق فواق
مو سموا.

19

دغنا کران المسيح نيله، فواق مو بولیه هارف سوڠکوھ کا
توهن هق بري المسيح هیدوف کلیق ده، فس هق بري
کملیاں کا دی. سابیت توله، فواق مو بولیه فرچای کا توهن،
فس بولیه هارف کا دی سمات ۲۔

20

بنیه هق بري مو براتق سمولا جاري ادیق برادیق

فواق مو جاري اورغ هاتی سوچی ده، دغنا کران مو طاعۃ

22

کا خبر توهن هق سبتر. فس حاصلن ری تو فون، بولیه مو کاسیه کا ادیق برادیق مو دغن هاتی اخلاص. لانی، کاچع کاسیه له مو اکو دغن سوڠگوه ۲ هاتی.

کران ایغتله، بنیه هق بیری مو برانق سمعولا جاری ادیق برادیق تو، یائیت فرکتائن توهن، هق دوق هیدوف عمر سعمور، تا سروف دغن بنیه هق کنا هیلخ جاری فونه ده. سروف اد ایات دالم کتاب کات:

ماڻنسی سموا تومبوه سروف رمفوٽ لالع،
فس کملیاڻ نی سبنتر ساج، سروف دغن بوغا رمفوٽ تو.
نی کچوت کریغ، بوغا نی تو لوروه کا تانه هیلخ هابیس،
تافی فرکتائن هق توهن تا ماتی، بوات سلام ۲.

جاری فرکتائن نیله هق فواق مو دغر دالم خبر بیغ باعیک، هق اورغ باو ۳ ماری رویت کا فواق مو.

باب 2 توهن فیلیه مو جاری میلیق نی هق سوچی

سابیت سموا هق سا ۴ نی توله، مو کا بواغ توبیت سموا کجهاتن مو دالم هاتی. جاغن مو تیفو منیفو کا اورغ، جاغن مو مانیس لوار، جاغن مو بریغکی کا اورغ اتوا کیچیق ماکی فون. نق ! مو کنا جاری سروف بوون هق بارو ۲ برانق، هق دوق نق ۲ ایسف فیق ساج. فواق مو فون کنا نق ۲ کا فرکارا هق توهن بیری انتوق هاتی مو، هق تا چمفور دغن هق لائین، سروف فیق سائني. کالو مو تریما فرکارا ۲ تو، هاتی مو نق کهور ۲ کاکه، سهیفگ مو نق سلامت ده.

سروف ایات دالم کتاب کات:

فواق مو کچف ده، کاسیه کسیاڻ بلس هق ربی تو.

23

24

25

1

2

2

3

باتو بسر هق توهن بري جاري السن

يا اديق براديق ، ماريله کا ری هق جاني ربی مو ! ری دوق سروف باتو بسر ، هق اد کواس بري هيدوف . باتو بسر نی ماں نسي تاهوق تاءٌ سير فاكی ، تافي توهن سوره فيليه کات ، باتو نی جاري هق مهل سوغکوه انتوق نی .

فواق مو سنديري جاري سروف باتو بات يڠ هيدوف تو ، جوگ . ماريله فاكت بري توهن بواس ساتو رومه رعن فواق مو ، نق جاري تمفت اورغ ماري سمبه کا توهن . دسيتو جوگ ، فواق مو سموا نق جاري سروف تو امام ۲ هق سوچي انتوق کرج توهن . کرج مو تو ، نق بواس قربان هق توهن برکن ، یائیت قربان دالم هاتي ، هق سمبه کا توهن کوء جالن عيسى المسيح .

كتاب توهن رویت حال باتو نی جوگ ، کات :

تيغولله ، توهن کات ، اکو سوره فيليه باتو هق مهل ،
 فس اکو لتق نی جاري باتو هق بري کجت سموا
 هق لاءین دالم کوت صيون هق توهن .
 سياf دوق هارف کا باتو بسر تو ، تنتو هرافن ری
 تاءٌ سيا ۲ .

سابيت تو ، باتو هق توهن لتق تو ، مهل سوغکوه انتوق فواق مو هق هارف کا ری . تافي انتوق اورغ هق تاءٌ سير هارف کا ری ، نق جاري ايکوت ايات دالم كتاب هق کات :

باتو هق توکع رومه سموا تاهوق کات تاءٌ ترفاکي ، جاري
 باتو توله هق توهن لتق دتمفت مستحق سکالي
 دالم رومه نی .

فس اد ايات سا لاكی ، هق کات :

4

5

6

7

8

باتو تو نق بري فواق ۲ تو سنتوق ، بري دي ربه .

سابيت ربي سنتوق ربه تو ، لغن کران ربي تاء سير طاعة کا
فركتاءن توهن . فس ايكوت کهندق توهن ، اورغ هق تاء سير
طاعة تو ، کنا سنتوق ربه لغن باتو تو .

تافي فوق مو لاءين . مو جاري سبغسا هق توهن فيليه ، فواق
تء امام هق کرج کاراج بئ مهاتيڠي . مو جاري بغسا هق
کا دوق سوچي انتوق توهن ، اورغ هق توهن بري جاري
مليق ربي . توجوان توهن ، نق بري فواق مو کي رویت رات ۲
کات ، توهن دوق بوات فرکارا ۲ بسر انتوق مو . دیاله هق
سوروه فواق مو توبیت دالم گلف ، ماسوق دالم چره چراچ بئ
مهامليا هق ربي سنديري .

دولو فوق مو تاء جاري ميليق توهن ، تافي لاني ، مو جاري
مليق ربي ره . دولو مو تاء تريمما کسياغ بلس نرفد توهن لاگي ،
تافي لاني مو تريمما ره .

کيت کنا بوات فرکارا هق بري اورغ لاءين فوجي کا توهن

يا اديق براديق کو هق اکو کاسيه ، ايغتله ! مو دوق دالم
دنيا ني ، سروف انق ۲ لوار هق دوق برادو تغه جالن سبنتر
ساج . سنتو هوا نفسو ماري نق لاون سعمور لغن هاتي مو ،
تغه جالن تو . جاغن سره ديري مو کا ربي !

مو کنا جاک بري کلاکوان مو موليق دافن مات اورغ هق تاء کل
تهن ، بري دي فرهاتي کليه سموا فرکارا موليق هق مو دوق
بوات ، فس ولو دي دوق تودوه فواق مو لاني ، کات مو جاري
اورغ هق بوات جاھت فون ، فد هاري رېي نق ماري تو ، دي
کا معاکو توهن لغن فوجين جوگ .

فس چارا حال ماء نسي هق دوق فرينته اتس فواق مو دالم

9

10

11

12

13

نگري، اديق براديق کا سره ديري مو بري توروت اوندغ ۲ اوغ تو جوگ، دغن کران مو کاسيه نق توروت ربي عيسو . معنان، مو کا توروت فرينته مهاراج هق تيڠگي سکالي اتس مو . فس مو کا توروت فرينته کتوا ۲ کراجاءن، وکيل هق مهاراج تو لتق، سوروه کي جاته حکوم اتس اوغ هق بوات جاهت، فس فوجي اوغ هق بوات بايك.

14
کہندق توهن انتوق فوق مو، دغن کران مو بوات بايك تو، توهن نق بري مو بوليه کاتوف مولوت اوغ هق تا^۳ تاهو اف ۲ کران هاتي گل، هق ماري تودوه فوق مو بالس تو . کيت کا هيڊوف سروف اوغ هق توهن بري لفس ده . تافي دغن لفس بالس تو، جاغن کات کيت بوليه تودوغ کجهاتن کيت، نق کيت کا هيڊوف سروف همب ۲ توهن جوگ .

15
مو کا دوروق حرمته کا سموا اوغ . فس، کا اديق براديق دالم فوق المسيح فون، مو کا کاسيه مو اکو . فس لاکي، مو کا تاکوت کا توهن، فس کا مهاراج فون، مو کا بري حرمة کاتيق .

عيسى المسيح کا سیقسا جاري چنتوہ

16
فوق مو هق مان جاري همب اوغ، توروتلہ فرينته توان مو سعمور، دغن حرمة کا لی . فس، بوکن کات اکو سوروه مو توروت فرينته توان هق فراغي ری موليق، هق بوات بايك کند مو ساج، دق ! تافي کالو توان فراغي هوروه فون، مو کا حرمة کا ری جوگ .

17
کران اوغ هق تريما کسوساهن، ولو ری کا سیقسا هق تا^۴ عاديل فون، تافي ری صبر جوگ کران ری ایغت کا توهن، ایتو له فرکارا هق توهن برکن .

18
ميسل، اد اوغ هق کا کومن سا بيت ری بوات ساله، فس ری اود دغن صبر حکوم تو . هق تو، تا^۵ کا فوجي اف ۲ . تافي اد

اورغ لاءين هق بوات باييك ، كا گورم جوگ. كالو رى بوليه اور
لغن صبر ، كسو ساهن تو ، تنتو توهن برگن کا رى.

21 فس ، توهن سوره فيليه فوق مو ، نق بري بوات بالس تو .
المسيح سنديري کا سيقسا ، دغن کران رى کاسيه کا فوق مو ،
فس رى تيفگل چنتوه انڌو نق بري فوق مو تيرو بوات
سروف رى . المسيح تاءبياس بوات دوسا اف ۲ فون . مولوت رى ،
اورغ تاء بياس دغر کات رى بوهوج .

22 بيلا اورغ ماکي بالس مان ۲ کا رى فون ، رى دوق ديم . بيلا رى
کا سيقسا سمفي ماتي فون ، رى تاء رویت سکالي کات رى
بالس کا فوق تو ، دق ! رى سره ديري رى کف توهن ، دغن
يقيں کات ، توهنه هق نق کرت سين دغن عاديل .

23 المسيح نی تھگوگ ده دوسا ۲ کيت دالم توبه رى سنديري ،
ھيفگ سمفي ماتي اتس کایو امف چابع هق هيما تو . توجوان
تهن ، نق بري کيت تيفگل دوق جاوه درد دوسا ۲ تو ، نق
برى کيت هيڊو فوجو کا فرڪارا هق بتول سعمور . دغن کران
عيسم کا لوك تو ، سا بيت فوق مو بوليه هيٺ . کران تنتوله ،
25 ماس دلو فواق مو دوق سروف بيرڀڻ هق تاء هلا ايکوت
کي . تافي لاني ، مو سوره فاليء ڪليق ده ، کا رى هق جاري
توان مو ، ياءيت رى هق جاڳ پاوا مو بري سلامت .

فسنن کا اورغ هق جاري لاکي بيني

باب 3

1

فواق مو هق جاري بيني فون ، مو کا دوق باوه فرينته توء
لاکي مو . بالس توله ، كالو توء لاکي مو تاء سير فرجاي فركتائن
تهن ، کلاکوان مو هق موليق تو ، نق مناريق هاتي توء لاکي ،
برى رى نق فرجاي ، ولو مو تاء کيچيق سفاته فون دغن رى .
کران رى دوق فرهاتي تيفوق کلاکوان بيني رى تو ، کات موليق
2 سعمور ، دغن کران بيني تو حرمه کا توهن .

کالو مو نق برجاجعق سوغکوه، بوکن کات کات جاغق باليق لوار، سروف دغن بائيکي رمبوت بوات فيشين بارو، اتوا ماكى دغن مس، اتوا دغن فاكى کائين باجو هق لاور. دق! بوکن بالس تو. کالو مو نق برجاجعق سوغکوه، مو کات چاري مکاين دالم هاتي، هق مات تاء ليه نمفق، يأيت فراغي هق لمه لمبوبت، تاء کادوه اف ۲، هق جاري مکاين تاء ليسوس. هق نی اد هرگ مهل سوغکوه دنداغن توهن.

اورغ بتينا زمان دللو، هق دوق هارف کا توهن دغн هاتي سوچي، يی دوق ماكى ديري يی بالس تو، يأيت دغن دوق باوه فرينته تو لاکي يی. سروف دغن ساره، هق دوق طاعة کا توء لاکي ری ابراهيم، فس فشكيل ری: يا توانکو! فوق مو هق جاري بياني فون، کالو مو دوق بوات بائيك دغن تاء تاکوت کا اف ۲، مو فون سروف انق چوچو ساره جوگ.

فوق مو هق جاري لاکي فون، کات دوق سکالي دغن بياني مو، دغن تاهو کات، توبوه اورغ بتينا تاء اد ربع سروف توبوه اورغ جنتن. ساپيت تو، مو کات بري حرمة هق فاتوت کا بياني مو، لغن ايخت کات، مو کدوا نق تريما رحمة توهن، يأيت هيدووف چارا بارو. کالو مو بوات بالس تو، تاء اد اف سکارا نق سكت دعا مو کدوا کفت توهن.

کات دوق مرنه هاتي مو اکو دالم فوق المسيح

فسنن هق سود، اکو سوروه فوق مو سموا، دوقله سکالي دغن ساتو هاتي. مو کات اميق فدولي کاسيه مو اکو، موک اورغ کسياغ بلس، هق دوق مرنه هاتي مو اکو دالم فوق مو. جاغن مو بالس جاھت دغن بوات جاھت، اتوا بالس سومفه ماکي دغن ماکي. دق! نق موليق لاکي، مو کات مينتا توھن توروون رحمة اتس اورغ تو. کران توھن سوروه مو بوات بالس تو،

فس دی نق تورون رحمة کفڈ مو فول جاری بالسن .
ار جوگ ، ایات هف کات بالس تو :

10

کالو سیاف نق هیدوف دغن سوک هاتی ، فس دی نق
تریما بائیک دالم ماس عمور توهن بری کا ری ، ری کنا
فتث لیده ری ، جاغن کیچیق حق جاہت .

ری کنا جاک مولوت ری ، تاء بری کیچیق حق بوھوغ .

ری کنا فالیغ تیغکل حق جاہت ، کی بوات حق بائیک .

ری کنا کاچع چاری جان نق بائیک دغن اورغ سعمور .

سابیت توهن فرهاتی تیغوق کا اورغ هاتی بتول ، نق

جاک ری ، فس توهن روق دغر ، نق تریما رعا اورغ تو .

تافي کا اورغ حق بوات جاہت ، توهن نق مرک کا ری .

11

12

13

فس کالو کیت اوسمہا نق بوات بائیک سعمور ، تاء اد سیاف نق
بوات خیانة کا کیت ، بوکن ؟

14

تافي ، کالو باس جاری ، مو کا سوسہ ، ولو مو روق بوات
حق بتول فون ، تاء افلہ ، مو نق بولیہ براونتوغ جوگ . مو
تائسہ تاکوت کا اورغ مان ۲ فون . جاغن مو روق روسبیغ کران ری .

15

نق سکالی ! نق مولیق لاکی ، بری هاتی موسجود کا المیح ساج ،
مشاکو کات دیالہ ربی مو . کالو اورغ ماری بحس ، مو کا روق
سیمفون سیف نق جواب کا ری ، بالس مان مو اد هرافن دالم
هاتی مو . تافي ، مو رویتلہ مؤک اورغ لمبوت ، دغن حرمة
کا ری .

16

فس جاکالہ هاتی مو بری اخلاص سعمور . بالس تو ، کالو اورغ
ماری کیچیق هینا کران مو بوات مولیق ، سابیت مو روق توروت
المیح تو ، تنتو فوق تو نق کا مالو جوگ ، ماس رافن .
سسوٹکوھن ، کالو کھندق توهن انتوق مو ، مو نق کا سیقسما ،
لبیه مولیق لاکی ، بوکن ، مو نق تریما سیقسما تو تغہ مو روق

17

بوات بايک، فد تغه مو دوق بوات جاھت؟

چارا حال کرج المسيح لغس ماتي تو

کران المسيح سنديري کا سيقسا جوگ. ری ماتي انشوق
بری هافوس دوسا^۲ ماءُنسی کيت، سکالي کوس چوکوف ده.
ری، اورغ هق بتول سعمور، کنا دندا حکوم ماتي گستي
ماءُنسی سموا، هق فراغي جاھت سمات^۲. فس توجوان المسيح
تو، ری نق باوا^۱ کيت بوليه مغهارف توهن. توبوه المسيح
کا بونوه دا اورغ سمني ماتي، تافي فد ماس تو، روح ری دوق
هيدوف لاکي.

فس، دعن روح ری تو، المسيح کي برشح کف روح^۲ اورغ
ماتي ده، هق توهن بری کوروڠ تا^۱ لغس،

ياءُيت فوق هق بیاس دوق درهاک کا توهن، ماس دولو^۲ ده،
ماس توهن دوق ننتي دعن صبر، تکه نبي نوح دوق بوات
کفل ری تو. فس تیغکل لافن اورغ ساج، هق هيدوف دالم
کفل ماس تو، بوليه سلامت ده، درف دير بسر.

فوق کيت هق تريما روکون مندي بفتيرما دعن اير لاني فون،
بوليه بندیغ کات سروف فوق هق توبیت دالم اير بوليه
سلامت. بوکن کات کيت سلامت سابیت کيت باسوه توبوه بری
هيلوغ چمر، رق! تافي سابیت کيت مينتا^۱ توهن بری هاتي
اخلاص، فس کيت بوليه سلامت دعن کران عيسى المسيح
ماتي هيدوف کليق ده. فس ری نائيک ده کا شرگ، دوق
د باليق کانن توهن، تمفت کواس فنوه، اتس سموا ملايکه،
اتوا کواس مان^۲ فون، دلاغيت اتوا دبومي فون.

اورغ هق لغس ده، کنا هيدوق ايکوت کهندق توهن

تكه المسيح دوق دننيا، ری سوده تريما سيقسا سمني

ماتي . فواق مو فون کا برسيف ديري نق تريما سيقسا سروف تو جوگ . کران اورغ مان ۲ هق تريما سيقسا سکالي دغن المسيح تو ، دي سوده لفس ده درفه فرينته طبيعة بردوسا دي .
فس ، امبيق دماس هق دي لفس ده تو ، هيئگ سمفي هابيس عمور ، دي تاء کا هيديوف ايکوت کهندق هاتي دي سنديري ، تافي دي کا هيديوف ايکوت کهندق توهن سعمور .

دولو تو ، فواق مو دوق بوت سموا فركارا هق اورغ تاء سير کل توهن سوک بوت سعمور . سروف مو دوق دغن بيبيس ، تاء مالو اف ۲ ، مو دوق توروت نفسو جاهت مو دغن ماکن ارق باپق ، مو سوک برهيمفون رامي ، دوق کира نق بوت هق برکاروت ، مو سوک جاني مابوق دغن سائين ۲ مو ، مو سوک کي سمهه برها لا ۲ هق جالن ساله عاده ساخت . فادن ده ، سكت مو دوق بوت تو !

لانی ، سائين ۲ مو هق دولو تو ، براس فليق ، کران مو تيغکل جالن تاء تنتو کالو هق برکاروت تو ، مو تاء سير توروت سکالي دغن دي ، فس دي دوق سومفه ماکي کا فواق مو . تافي بلرله ، ماس کو رافن فواق تو کا تعيکوغ جواب سنديري کا توهن ، هق دوق سيف ده نق کرت سين اتس سموا ماں نسي ، تاء کира کات هيديوف اتوا ماتي فون .

سابيت نيله ، توهن بري ده کا ماں نسي دولو ، بوليه دغر خبر يع بائيك ، ولوبي ماتي ده تو . تنتو سکالي ، سموا ماں نسي کنا ماتي ، ايکوت حکوم توهن ، تافي توهن بري فلواح کا اورغ بوليه دغر بالس تو ، نق بري روح دي بوليه هيديوف سروف توهن سنديري .

نق هيديوف بالس مان دالم فواق المسيح ؟

تاء لام ده دنيا نق هابيس . سابيت توله کيت کنا جاري

اورغ هق ترتيب ترنيع ، هق فندي فيرا ديري ، بارو كيت بوليه
برعا کا توهن سوغکوه .

8 فس هق مستحق سکالي ، کيت کنا کاچع کاسيه مو اکو جوگ ۲
کران کاسيه سروف ني ، جوغ فرليندوغ ، تا سير بري ايغت ، کا
بريبو ۲ کسلاهن اورغ .

9 فس ، کيت کنا اجق اورغ کي کا رومه مو اکو دعن موره هاتي .
10 توهن سوده تورون نعمة دي اتس کيت ماسېع ۲ ، اورغ تو لائين
اورغ نيا لائين . سبب توله ، نعمة هق کيت تريما تو ، کا
فاکي انتوق تولوغ منلوغ ادیق براديق کيت ، دعن ايغت کات ،
تهن کيريم فركارا ۲ تو کا کيت انتوق اورغ لائين کاتيق .

11 ميسل ، اورغ هق توهن بري فندي شرح ، کنا رویت خبر
دفن ايغت کات ، دي تريما خبر تو دتهن . اورغ هق کرج
تلوغ منلوغ فون ، کنا تلوغ سوغکوه ۲ ، دعن کواس هق توهن
تورون کا دي . بالس توله ، توهن نق تريما فوجين دالم سموا
کرج هق کيت بوات دفن کواس عيسى المسيح . دیاله هق
سوغ فاتوت تريما فوجين تو . دیاله هق مهاکواس اتس سموا
فرکارا ، بوات سلام ۲ . امين .

سيقسا هق ماري چوب اورغ هق جاري ميليق المسيح

12 ادیق براديق کو هق اکو کاسيه سوغکوه ، جاغن مو حيران ،
سابيت مو تيمفا دسيقسا هق تروق ، هق ماري نق سوري مو ،
سروف دفن کنا افي . بوکن فركارا فليق ، فواق مو کنا سيقسا
بالس دي ، دق ! مو کنا دوق برسوک ريا ، کران ايغتله ، لاني
مو اد فلوغ بوليه تريما سيقسا سکالي دفن المسيح . فس ماس
کو ئ دافن ، تکه المسيح نق ماري بري نمفق کمليان دي ، مو
نق بوليه سوک هاتي هابيس ۲ چيكف .

13 سسوغکوهن ، بيلا اورغ ماري ماکي فوق مو ، کران مو توروت

8

9

10

11

12

13

14

ال المسيح ، مو براونتوغله ، سبب هق دى بوات تو جاري تندأ
كأت ، روح توهن هق مها مليا دوق سكالي دغون مو .
تافي جاين سياف ۲ دالم فواق مو كنا سيقسا سابيت بونوه
اورغ ، اتوا چوري ، اتوا بوات جاهت ، اتوا كي ماسوق چمفور
كرج اورغ لاءين ، دق !

15 تافي كالو اورغ بوات پاش كف دوغن كران مو جاري ميليق
ال المسيح ، مو جاين مالو دغون نام تو . موليق لاكي مو معاكو نام
تو ، دغون اوچف شكور كا توهن .

16 فس ، لاني سمنفي ده ، ماس توهن مولاعي كرت سين دولو اتس
اورغ هق جاري ميليق دي . كالو مولا ۲ جاتوه اتس اورغ دالم
فواق المسيح بالس نبي ، سود سكالي ، نق تروق ستارا مان فول
كا اورغ هق تاء سير بوات توروت خبر يبغ بائيك درفت توهن ؟
اد ايات دالم كتاب هق كات بالس تو جوگ :

کالو اورغ هق توهن کات تاء ساله ، نق تريما سلامت
کو ؛ جالن سوسه ساعت بالس نبي ، نق جاري بالس
مان فول کا اورغ بردوسا ، هق تاء سير معاکو توهن ؟
تنتو تروق لاكي !

17 سابيت نيله ، كيت هق کنا سيقسا ايکوت کهندق توهن انتوق
كيت ، کنا کاچع بوات بائيك سعمور ، فس سره ديري سمات ۲
كا توهن هق جاريکن كيت ، دغون هارف کا دي ، كران دي
تاء بياس موڠکير جنجي .

باب 5 نصيحة انتوق کاكف ۲ دالم فواق المسيح

1 هي فواق مو هق اد كرج جاري کاكف دالم فواق المسيح !
اكو نق بري نصيحة کا فواق مو ، كران اکو نبي جاري کاكف سروف
مو جوگ . اکو نيله سئورغ سقسي هق بوليه ايغت موليق

سيقسا سخسارا هق المسيح ، فس ماس كوء دافن ، بيلال سموا
ما ئنبي نق بوليه تيغوق كمليان المسيح ، اكوفون نق بوليه
سكيان دالم كمليان تو .

لاني اكون نق فسن مو ، جاڭ بري موليق ۲ ، کاون اورغ ۲ هق
جاري ميليق المسيح ، هق توهن بري مو فيرا . فس بوات کرج
تو دفن هاتي ريلا ، ايکوت کهندق توهن ، جاغن بوات سروف
اورغ فيقسا . فس بواتله کران هاتي مو نق تولوغ اورغ سوڠوھ ،
بوکن کات ايغت کا گاجي ساج .

فس جاغن مو دوق سروف راج ، اتس اورغ هق ماسوق دالم
فرينته مو . تافي بوات چنتوه بري سموا اورغ نق توروت .
فس بيلال توان هق دوق فيرا سموا فوق المسيح تو ، تورون
ماري فول ، رى فون نق بري کف مو ، منهکوت هق جاري هديه
کا اورغ منغ . فس منهکوت تو تا ئهابيس چهريا ، دوق برسينير
بوات سلام ۰۲

کيت سموا کا مرنده کا ديري کيت ، بارو برجاي

کف فوق مو هق مورا لاگي ، اكون نق فسن سيكيت جوگ .
مو کنا جوغ توروت فرينته اورغ هق کرج جاري کاكق دالم
فوق مو . موليق کيت سموا مرنده هاتي کيت ، دوق فيسه
چاري جالن نق تولوغ مو اکو سعمور . کران اد ايات دالم
كتاب هق کات :

توهن دوق لاون دفن اورغ هق هاتي سومبوغ ،
تافي رى دوق تورون رحمة کا اورغ هق مرنده ديري .

سابيت توله ، کيت سموا کا مرنده هاتي کيت ، بري دوق باوه
تاڭن توهن هق مهاکواس . فس ، بيلال سمفی ماس هق توهن
کيرا کات موليق ، رى نق اغکيت کيت نائيك فول .

سابیت تو، کیت کا بواغ بیماغن سموا هق دوق دالم هاتی کیت، بري توهن تفکوڠ بلاڪ، کران ری دوق امبیق فدولي کا کیت سعمور.

جاگاله ادیق برادیق کو، بري هاتی مو دوق ترتیب ترینیع، کران سترو مو، هیبلیس تو، دوق نق ترکم مو، سروف دغن سیغا هق دوق مناءوغ کی ماری، کی ماری نق چاری ماکن. هیبلیس نی، مو کنا دوق لاون سعمور، دغن فرچای تکوہ، کران مو تاهو ره کات، ادیق برادیق مو سرات دنيا کا تریما کسیقسائی نی، سروف فوق فوائق مو جوگ.

تافی ماس هق مو دوق سوسه بالس نی، تاءلام نق لفس. فس ایغتلہ، رحمة توهن چوکوف فانن انتوق سموا فرکارا. دیاله هق فیلیه فوق مو، نق بولیه تریما کملياڻ هق اد سلام ۲، سکالی دغن المسيح. توهن نیله نق بري مو مولیق سمنفرن، نق بري هاتی مو دوق تکف، نق بري مو کواس چوکوف اتس سموا فرکارا. فوجیله کا توهن یغ مهاکواس بواس سلام ۲ امين.

نق کیریم کاسیه کا ادیق برادیق

سکت نیله، سورت تاءفتح هق اکو تولیس انتوق ادیق برادیق دغن فرتولوغن سیلواونوس. فد فیکیران اکو، ری ادیق کیت هق بولیه هارف سوڠکوہ. توجوان کو دالم سورت نی، اکو نق بري هاتی ادیق برادیق کھور کمس لاکی دغن فسنن کو نی. فس، نق نائیک سقسي کات، سموا هق اکو تولیس ده نی، چارا حال رحمة توهن، بنر سوڠکوہ. فکفله، جاغن لفس رحمة توهن نی!

اور غ هق جاري فوق المسيح دسینی، دتمفت گلران بابیلون، اور غ هق توهن فیلیه ده جاري میلیق نی، سروف فوق مو جوگ، ری کیریم کاسیه کا ادیق برادیق بالیق مو کاتیق.

انق کو مرقوس فون نق کیریم کاسیه گاتیق .
 ببلا تمودغن ادیق برادیق ، سیاف ۲ دالم فواق مو فون ،
 اوچف سلامت مو اکوله ، رغن کوچوف جاری تندا کاسیه ،
 سروف ادیق برادیق سجاتی .
 سلامت سجهتراله اتس سموا هق جاري میلیق المسيح .

٢ فيتروس

سورت کيريمن يغ کدوا هق توهن بري
فيتروس توليس کف فواق ۲ المسيح

باب ١

فيتروس دوق تکور اورغ دالم فواق ۲ المسيح تو

اکو صيمون ، هق اورغ گلر فيتروس ، هق جاني همب عيسى ١
المسيح ، فس هق باواه تيته بي جوگ ، توليس سورت نی کف
اورغ ۲ هق فرچاي ، فس بوليه سلامت ، سام فادن رغن اکو ، کران
عيسى المسيح ، توهن يغ عاديل ، هق جاني جورو سلامت کيت .
مينتا رحمة رغن سلامت سجهترا تورون کهور باپق ، کهور
باپق دوق اتس فواق مو ، سابيت مو کتل رغن توهن سکالي
رغن ربی کيت عيسى .

2

هيدوف کوء جالن توهن برکن

رغن کران توهن سنديري ، دي بري ده کا کيت ، سموا ٣
فرکارا انتوق نق بري بوليه هيدوف کوء جالن دي برکن . فس
رغن کران کيت کدل رغن توهن ، هق فشكيل کيت سوروه توروت
دي تو ، ربی کيت بري کيت بوليه راس سکالي رغن بي ، سموا هق
ري اد ، هق مليا رغن هق بائيك .

3

کوء جالن نی ، توهن هديه ده کا کيت ، هق دي جنجي دلو ٤

نق بري ، يائيت نعمه ۲ بسر سكالي ، هق اد هرگ سوڠگوه .
تجوان ري ، نق بري مو بوليه لاري لفس درف دنفسو ۲ مو هق
هيريت کي کوء دنيا ، هيٺگ سمفی فونه هابيس . کران توهن
نق بري فواق مو بوليه فالبغ امبيق فاكى فراغي سروف توهن ،
دوق سپاوا دعن ري .

5 دعن سابيت توله ، کاچع اوسماله سوڠگوه ۲ نق بري هق مو
دوق هارف ده کاتوهن تو ، چوکوف سمفون . مو کا کاچع بوات
هق مان بايک ، کاچع نق بري کهور کنل دعن توهن ، کاچع
نق بري بوليه تاهن ديري ، کاچع نق بري بوليه دوق کجت
6 سمفی سود ، کاچع نق بري بوليه هيڊوف کوء جان توهن
برکن . کاچع نق بري بوليه تنحوق کسياغ بلس مو اکو دالم
7 فواق مو . فس کاچع جوگ بري اد کاسيه .

8 کران کالو مو بري اورغ بوليه نمفق کهور باپق ، کهور باپق ،
فرکارا ۲ هق برهرگ ساءني ، مو نق بوليه جاني اورغ هق برکون
هق سروف توبيت بواه کات ، مو کنل سوڠگوه ۲ دعن عيسى
المسيح ، ربی کيت .

9 تافي اورغ مان هق تاءاد فركارا ۲ هق برهرگ ساءني ، يي
سروف اورغ مات بوت ، اتوا هق بوليه نمفق سكت رافن مات
ساج . يي ترلوف کات توهن هافوس ده دوسا ۲ يي دولو تو .
هي اديق براديق کو ! توهن سوده فيليه مو دولو ، فعشکيل نق
10 بري جاري ميليق يي . سابيت تو ، مو کاچع اوسماله بري
پات کات ، مو جاري ميليق توهن تو . کالو مو بوات بالس تو ،
تاء کنا تاکوت نق ساله بيلا ۲ فون .

11 فس ، کوء رافن ، مو نق بوليه ماسوق دعن سمفون ، دوق سلام ۲
دباده فرينه ربی عيسى المسيح ، يي هق جاري جورو سلامت
کيت .

12 سابيت تو ، ولو فواق مو تاهو ده فون ، فس تاء برگوپئ اتس

فركارا ۲ هق سبئر، هق مو دغر ده تو، تافي اکو نق فرايخت
کا فواق مو سعمور. اکو براس مستحق کنا بري مو ترايخت کا
فركارا ۲ نی، سلام اکو دوق هيڊوف لاكی نی. کران تاءلام ده ،
اکو نق تيغڪل دنيا، سروف هق ربّي عيسى المسيح بري
تاهو دولو کا اکو دغن چرف. 13

سابيت توله، اکو کاچڻ اوسمها سوغڪوه ۲، تکه اکو اد لاني،
انتوق نق بري مو بوليه ايخت کا فركارا ۲ نی بيلا ۲ فون ، لفس
فديکي ده . 14 15

فيتروس نائيك سقسي حال ک مليان عيسى

کران بيلا فواق اکو بري تاهو کا فواق مو دولو، حال ربّي
عيسى المسيح نق ماري دغن کواس بسر تو، اکو تاء برڪتوغ
فديکي ده چريتا ۲ باري هق اورغ کارغ سنديري، دق ! فواق اکو بياس
تيغوق ده دغن مات کو سنديري کات، کواس عيسى تو بسر
سوغڪوه . 16

فواق اکو دوق اد سکالي دغن عيسى اتس بوکيت هق سوچي تو،
تکه عيسى بوليه حرمة دغن ک مليان درفه توهن باف. فد ماں
تو، اد سوارا ماري دري ڀغ مهامليا تو کات : 17 18

اینيله انق کو هق اکو کاسيه سوغڪوه. اکو برکن کا دي !
فس فواق اکو دغر ده سوارا تو.

سابيت تو، اکو بوليه فرچاي کھور تتف لاكی اتس خبر هق
نبي ۲ روپت دولو دالم كتاب. فواق مو فون نق امبيق موليق،
فرهاتيله کا خبر تو جوگ . نق جاري سروف فليتا انتوق مو،
هق دوق سولوه رات دالم گلف. فس نق جاني کھور چره
دالم هاتي فواق مو، سروف بيمنت هق جاني تندانق چره،
سهيٺگ متھاري نائيك ده ، فد هاري هق عيسى نق ماري تو.
فس چارا حال خبرنبي ۲ دولو دالم كتاب، مستحق مو کنا 19 20

فهم کات، تاءار سئورغ هابوق هق بوليه تفسير فركتائن
تهن دهن کفنداین ری سنديري. کران خبر هق تورون کا
ماه نسي تاء بیاس تورون ایکوت فيکیران نبی سنديري، تافي کوء
روح توهن هق بري نبی فندي رویت خبر تو.

21

کورو ۲ فلسو

باب 2

ولو کيت ارتی بالس نی فون، تافي فد ماس دولو اد جوگ
نبی ۲ فلسو هق تيمبول دالم فواق تو. سروف تو جوگ، نق
اد کورو ۲ هق فلسو تيمبول دالم فواق مو. ری نق چوري باواه
فعا جران هق فلسو، نق جاري فلافيق تاء کوكوه، هق بري
اورغ فونه، سهیفگ فواق تو براني جوگ کات ری تاء کنل دهن
کتوا هق بري ری سلامت فون. هق فواق تو بوات تو، سور
جالن، تيماه نق فالیع کرکه ری سنديري بري فونه.

1

تافي نق اد جوگ باپق اورغ هق توروت جالن چافوغ سروف
ری. فس ساپیت باپق اورغ تو، اورغ لاءین فون نق مغمودوه
کا جالن بنر هق توهن.

2

کورو ۲ فلسو ساء نی، ری طمع، نق بري بوليه لاب دفواق مو
انتوق ديري ری. ساپیت تو، ری رویت چریتا ۲ هق اورغ کارغ
سنديري. لام ماري ده، توء حاکیم دوق ننتی نق لتق حکوم
اتس ری. فس ری هق نق جاتوه حکوم تو، دوق مات سعمور
نق بري فونه.

3

ایغتله کا ملايکه ۲ هق ساله عادة. توهن تاء سایع کا ری،
تافي تاهوق ری دالم لویح هق گلف، دوق ننتی هیغک سمفی
هاري هق توهن نق کرت سین.

4

فس دنيا توء نينيق کيت، تکه نبی نوح تو فول. توهن تاء سایع
کا دنيا تو. ری تورون اير به بسر کا ماه نسي هق تاء ایشت
کا توهن لفسوغ. فس هق توهن بري سلامت فد ماس تو، نوح

5

سئورغ، هق رویت خبر کات کا بتول دافن توهن، سکالی رغن فواق نوح تو، توجوہ اورغ ساج .

6 فس ایشت کا رعیت ۲ نکری صودوم نفن نکری گموره فول . توهن جاتوه حکوم اتس بی رغن افی ، بری هنچور هابیس ، نق بری جاری چنتوه کا اورغ ۲ لائین ، چارا حال هق مان نق جاری کا اورغ هق تاءً ایشت کا توهن لفسوغ .

7 تافی فد ماس تو جوگ ، اد سئورغ هق بولیه سلامت ، یاءٌ بیت لوط . بی اورغ باءِ یک ، فس دوق سوسه هاتی نفن سا بیت اورغ ۲ هق تاءً سیر کتل حکوم ۲ توهن ، سوگ توروت جالن هق چافوغ سعمور .

8 اورغ باءِ یک ساءُ نی تو دوق هیدوف چمفور کاءُ ول رغن فواق تو تافی گنف ۲ هاری بی براں سدیه هاتی ، دوق تیغوق ، فس رغرا ، فرکارا ۲ هودوه هق فواق تو دوق بوات .

9 سموا هق ساءُ نی جاری چنتوه بری کیت نمفق کات ، توهن بولیه بری سلامت کا اورغ ۲ هق دوق هارف کا بی ، تکه دوق رالم فنچوبائی مان ۲ فون ، فس توهن تاروہ اورغ ۲ جاہت بری کتا حکوم فد هاری قیامہ ، لبیه فنتیغ کا اورغ ۲ هق

10 توروت نفسو ۲ بی بوات چافوغ ، فس هینا جوگ کا کواس مان ۲ هق توهن لتق . فواق کورو فلسو تو برانی بوات ایکوت هق هاتی بی سوروہ . بی مفهودوہ ساج کا فواق هق اد فریغکت ملیا . سسوغکوہن ، ملائیکہ ۲ اد فریغکت تیغکی ، فس کواس لبیه فد فواق کورو فلسو سائی تو ، تافی ملائیکہ ۲ تاءً توروہ تاءً هینا گا فواق تو دافن توهن .

11 تافی فواق کورو فلسو تو لائین . اف ۲ هق بی تاءً ارتی ، بی هینا کا هق تو ، سروف بی تاءً اد اوتق نق میکیر . تاءً لائین رغن بناتغ بیغکیغ ، برانق سوده ده ، سود جالن بی جاتوه فرغکف کتا بونوہ . فواق کورو تو فون نق جاری فونه سروف

6

7

8

9

10

11

12

تو جوگ. هق ری بوات سیقسا کا اورغ لائين تو، نق کلیق
اتس دیری ری سندیری. فواق تو کات سرنق دوق توروت
نفسو ۲ ری تغه هاري رعن تاء مالو. تکه ری ماري ماکن ناسي
رعن فواق مو، بوات سروف ادیق برادیق، چمر فارو فواق
ری جھکیت کا فواق مو جوگ. ری دوق سوک کیکیر فواق ری،
رعن بولیه تیفو رای فواق مو.

13 تافي هق ری سوک ساعت، تاء لیه تیغوق کا اورغ بتینا، براں
نق مائين چافوغ سلالو. نفسو ری نق بوات دوسا، تاء چیک
کیع. ری تیفو رای اورغ هق لمه ایمان، نق بري جاتوه
فر غکف. هاتی ری دوق لاسق، نق بري بولیه کهور ۲ باپق کا
بارغ اورغ لائين. تنتوله اورغ لاکو تو دوق باوه مرک توهن.
ری تیغکل ره جالن هق بتول، کی توروت جالن سست.
14 جالن تو سروف هق اورغ نام بعالم انق بیور توروت دلو ۲
تو. ری دوق ترايغت نق کا لاب، هق ری نق بولیه رعن
توروت جالن جا هت.

15 تافي توهن تکه ری رعن فاکی سئیکور هیمر. تاء لیه کیچیق
فون، تافي توهن بري توبیت سوارا ماء بنسی، لارغ بی، تاء بري
توروت جالن هق کیلا تو.

16 فواق کورو فلسو ساء نی تو، ری سروف رعن مات ایز هق کریع،
تاء لیه فاکی ره. ری سروف رعن اون ۲ هق نائیک توکن، اغین
ریبوب ماري سیوف کی کا لائين. توهن چارغ ده تمفت کا ری،
هابیس ۲ گلف.

17 هق ری رویت تو، همفا ساج، تافي ری اغکیت فرکتائن بري
بولیه رای اورغ ۲ هق تغه دوق توبیت درف دالن هق سست،
هیریت نفسو ۲ اورغ تو، نق بري جاتوه دالم فرغکف ری.
فواق تو جنجی کات، بولیه بري لفس اورغ ۲ ساء نی تو، تافي
ری سندیری دوق جاري همب لاکی، کا فرکارا ۲ هق نق بري فونه

هق ری بیاس دوق لکت طبیعة سعمور. کران اورغ هق هاله
کا اف ۲ فون، معنان ری جاری همب کا فرکارا تو.

اد اورغ هق لاری ده درف دفرکارا هق ناجیس دالم دنیا، کوء
جالن ماری کتل رغن ربی کیت عیسیو المسيح، هق بری سلامت
تو. تافی کالو ری فالیع کلیق، هاله کا فرکارا ناجیس ساءٌ نی
سمولا، تنتو سود جالن، ری نق تروق لبیه فد دولو لاکی.

نق مولیق، اورغ تو تاءٌ کتل کا جالن هق سبیر تو، فد کات
ری کتل ده، فس تو فالیع تیغکل عاردة٢ هق سوچی.

هق ری بوات ده تو، بری پات کات سوگکوه ففاته هق کات:
انجیع ماکن کلیق هق ری مونته دولو.
با بی سوده مندی، کی کویع دالم سلوت سلالو!

باب 3 هق ربی کات نق ماری تو، تنتو

هي ادیق برادیق کو هق اکو کاسیه! نی سورت هق کدوا
اکو تولیس کا فواق مو. دالم دوا فوچوق سورت نی،
تجوان کو، نق فرایخت سмолا کا فواق مو، بری فیکیران مو،
سوچی! اکو نق بری فواق مو ایخت کا فرکارا ۲ هق نبی ۲
دولو سبوت، سکالی رغن حکوم ۲ ربی، هق بری کیت سلامت
تو، تورون کا فواق مو کوء جالن اورغ ۲ هق باواه تیته ری.
هق مستحق، فواق مو کنا ارتی کات، فد ماس دکت نق قیامة،
نق اد اورغ ۲ ماری هق توروت نفسو ۲ ربی سندیری، نق مغیبیق
فواق مو، کات: ها! کان تاءٌ ماری لاکی؟ ربی مو جنجی کات
ری نق ماری، بوکن؟ لافیس دولو فد کیت ماتی بلاک ده، تافی
دوق سروف سدیا، جق مولا ۲ جانی دنیا!
فواق هق مغیبیق ساءٌ نی تو سکلیع بوات ترلوف، کات:
دولو ۲ نون، لاغیت رغن بومی جانی رغن توهن سبوت سفاته.
بومی تو ناءٌ یک دالم ایر، فس ایر فول بری برتونس هق مان

اد اتس بومي.

فس دغن اير جوگ توهن بري فونه بومي هق لام تو، دغن به
6 بسر. تافي لاغيت دغن بومي هق دوق اد لاني، توهن بلا
7 دغن فركتاًن رى جوگ، هق كات اد فرياغ هق نق بري فونه دغن
افي. لاغيت دغن بومي تو، توهن بلا تاروه هيغى سمفى هاري
هق رى نق جاتوه حکوم بونوه اتس اورغ ۲ هق تاً ايشت كا
توهن لغسوغ.

8 تافي، هي سائين ۲ كو هق اكوا كاسيه، جاغن مو دوق سروف
فواق تو! مو كا ايشت كات، دفنداغن ربى، رى تيفوق
9 سروف سهاري دغن سريبو تاهون.

اد اورغ هق كات ربى تاً راجين بري جاري هق رى جنجى
دولو. تافي دق! لى دوق صبر، ننتي فواق مو، تاءسىر بري
سئورغ فون فونه، نق بري سموا ماء نسي فالىغ توبة.

10 تافي تنتو هاري ربى نق ماري تو، تاً تاهو، كابر ۲ اد، سروف
فنچوري ماري. فد هاري تو، لاغيت نق رايب دغن بويى
درس، سموا ايبو ۲ چهيا اتس لاغيت نق ترباكر چاير
هابيس. فس بومي فول، دغن سموا بارغ هق مان اد، نق
11 ترباكر هابيس.

سابيت لاغيت دغن بومي نق هنچور هابيس نى، سوغ فاتوتله
كيت هيديوف لاني بري سوجى انتوق توهن، فس سره كا رى
تكه كيت دوق ننتي نق سمبوت هاري هق توهن تو، اچي
بوليه نق بري سمفى باخت ۲ سيكيت. كران ولو كات لاغيت نق
12 ترباكر هابيس، فس ايبو ۲ چهيا اتس لاغيت تو، نق چاير
كran افي فون،

13 تافي كيت دوق ننتي هق توهن جنجي ده دولو كات، لاغيت
14 دغن بومي نق تيمبول هق بارو، جاني تمفت دودوق سموا
هق بىر. سابيت توله، سائين ۲ كو، تغه مو دوق ننتي هاري

- تو، کاچغ او سهاله بري بوليه روق سوچي انتوق توهن،
تائساله ده رفنداغن دي، جاري اورغ هق بايک ده رغن دي.
موليق مو کات هق رتي صبر تو نق بري مو فلواغ بوليه سلامت،
سروف فولوس، اديق هق کيت کاسيه تو، توليس کا فوق مو
دولو، رغن فاكی علمو هق توهن بري کا دي.
- 15 دالم سموا سورت هق فولوس توليس، دي رویت سروف ساءني.
دالم سورت تو اد جوگ هق فايه ارتی، هق اورغ جاهيل، هق
تا تتتف ايمان، تفسير ساله، سروف دي سوگ نفسير ساله،
ایات ۲ لائين دالم كتاب جوگ. رغن ساببيت توله، دي نق
برى فونه ديري دي سنديري.
- 16 تافي هي ساءين ۲ کو، فوق مو تاهو ده فركارا ۲ نی. جاگ بايقله،
جاغن بري اورغ لائين هق تا توروت حکوم ۲ توهن، هيریت مو
برى توروت جالن سيلف هق دي، بري مو جاتوه درفت تمفت
سلامت هق مواد ده.
- 17 18 بالله هاتي مو! بري کھور کمبع رغن رحمة توهن، فس رغن
کتل کھور ۲ رافت رغن رتي کيت، عيسو المسيح، هق بري
کيت سلامت تو. سوغ فاتوته دي بوليه فوجين لاني، هيفگ
سمفي سلام ۲ ، امين .

1 يحیا

سورت کیرین یغ فرتام هق
توهن بري يحیا تولیس

باب 1

فرکتائن هق جاري اصل هيدوف

1 کيت تولیس سورت نی کا فوق مو چارا حال هق روق اد ره
بلوم فد دنيا اد لакی . کيت بیاس نغر ، بیاس نمفق هق نی .
فس هق کيت نمفق تو فون ، کيت بولیه جامه جوگ ، یائیت
فرکتائن هق جاري اصل هيدوف .

2 بیلا اصل هيدوف تو بري پات ، کيت فون نمفق دی . فس لاني
کيت نایك سقسي ، رویت بري فوق مو تاهو حال اصل هيدوف
هق سجاتي نی ، هق روق اد سام توهن یاف ، فس تورون بري
پات کا فوق کيت .

3 هق کيت نمفق ، هق کيت نغرده تو ، کيت رویت نق بري فوق
مو تاهو گاتيق ، انتوق نق بري فوق مو بولیه روق برھويوغ
رحيم دفن کيت ، سروف کيت روق برھويوغ رحيم دفن توهن
یاف سکالي دفن انق دی عيسى المسيح .

4 کيت تولیس سورت نی نق بري هاتي کيت سموا فنه دفن
سوگ ریا .

تهنله اصل هق چره

- 5 اینیله خبر هق کیت رغر ده دعیسی، انق توهن تو،
فس لانی نق رویت بربی فوای مو تاهو، یائیت توهنله اصل
هق چره، فس دالم دیری ری تاءَاد سیکیت هابوق هق گلف.
- 6 سابیت تو، بیلا کیت کات کیت برهویوغ رحیم ده دغن توهن
تافی تکه تو، کیت دوق توروت هق گلف، معنان کیت بوهوج
تاءَ بوات توروت هق سبتر لاکی.
- 7 تافی کالو کیت دوق دالم چره سروف توهن، معنان کیت دوق
برهویوغ رحیم مو اکو، فس داره عیسی، انق توهن، هق
منیلیه توبیت تو، بربی چوچی سعمور دالم هاتی کیت هق اد
دوسا.
- 8 بیلا کیت کات تاءَاد بنیه دوسا ده، کیت تیفو دیری کیت
سنديري، نق لاون، تاءَ سیر بربی تمفت کا هق سبتر.
- 9 تافی کالو کیت مفاکو رافن توهن کات کیت بوات دوسا ده،
کیت بولیه هارف کاری کات، ری نق بوات هق عادیل. ری
نق امفون سموا دوسا کیت تو، فس بربی هاتی کیت سوچی
درفرد سموا کسلاهن.
- 10 بیلا کیت کات تاءَ بیاس بوات دوسا، معنان کیت کیرا کات توهن
بوهوج. کیت لاون تاءَ سیر بربی تمفت کا فرکتائن ری.

باب 2 عیسو المسيح فنولوغ کیت

- 1 يا انق ۲ کو، اکو تولیس سورت نی دغن توجوان تاءَ سیر
بربی فوای مو بوات دوسا. تافی اورغ مان هق بوات دوسا،
کنا ایغت کات المسيح، ری هق هاتی بتول سعمور تو، دوق
سبله کیت، دوق مینتاَ کسیاغ بلس. دغن توهن باف.
- 2 المسيح نیله ماری جاری قربان انتوق بربی بولیه توهن امفون

دوسا ۲ کيت. فس بوکن دوسا کيت ساج، دق، تافي دوسا ۲
سموا ماءُ نسي کاتيقي.

کالو کيت بواسات توروت سموا هق توهن سوروه، باروله کيت
بوليه تاهو کات، کيت کتل ره دغنه دي.

بیلا اورغ کات دي کتل ره دغنه توهن، تافي تاً بواسات توروت
هق دي سوروه، اورغ لاگو تو بوهوج، نق لاعون، تاً سير بري
تمفت کا هق سبنز.

تافي بیلا اورغ بواسات توروت هق توهن سوروه، هق توله
تنجوق کات دي کاسيه کا توهن دغنه سبوت هاتي. نيله جاري
تندا هق بري کيت تاهو چرف کات، تنتو کيت دوق سههاتي
سپاوا دغنه توهن. اورغ هق معاکو بالس تو، کا دوق
هيدوف سروف دغنه المسيح دوق هيدوف.

حکوم توهن هق بارو

يا سائين ۲ کو هق اکو کاسيه، حکوم هق اکو تولييس بري
فواق مو تاهو، بوکن حکوم هق بارو، تافي هق لام ده، هق
مو بیاس اد، جق ماس مو مولا ۲ رغره خبر باًيك تو گي. کران
حکوم هق لام ني، يائیت خبر هق مو بیاس رغره ده.

تافي حکوم هق اکو تولييس ني، بوليه کات بارو جوگ، ساپيت
هق حکوم تو سوروه، بوليه نمفق چرف دالم ديري المسيح،
فس دالم ديري فواق مو کاتيقي. کران هق گلف کھور ۲ هوندور
توبیت، فس هق چره سبنز تو، دوق کھور ۲ سولوه ماسوق.
اورغ هق کات دي دوق دالم چره ده، تافي دي تاً تنجوق
کاسيه کا اديق براديق، معناش اورغ تو دوق دالم گلف لاگي.
اورغ هق کاسيه کا اديق براديق دي، دي دوق دالم چره ده.
ساپيت تو، دالم ديري دي تاً ادار سیکیت هابوق بوليه گلیچه
برى دي بواسات دوسا.

- تاافي اورغ هق تا^ئتنجوق کاسيه کا ادیق برادیق دی، دی دوق
رالم گلف. دی دوق برجالن کی ماری، کی ماری، رالم گلف،
تا^ئ تاهو نق توجو، کران هق گلف دوق فکوف مات دی بري
تا^ئ نمفق . 11
- يا انق ۲ توا مودا ! اکو تولیس کا فواق مو نق بري موایثت
کات، توهن امفون ده دوسا ۲ مو، کران عيسو المسيح . 12
- يا فواق توا رالم فواق مو ! اکو تولیس نق بري مو ایثت کات،
مو کتل ده رغن دی هق دوق اد بلوم فد دنيا جاري لاکي . 13
- يا فواق مودا رالم فواق مو ! اکو تولیس نق بري مو ایثت
کات، مو منع ده رغن هيبلیس . 14
- يا انق ۲ توا مودا ! اکو تولیس کا فواق مو نق بري ایثت
کات، مو کتل ده رغن توهن باف . 15
- يا فواق توا رالم فواق مو ! اکو تولیس نق بري موایثت کات،
مو کتل ده رغن بی هق دوق اد بلوم فد دنيا جاري لاکي . 16
- يا فواق مودا رالم فواق مو ! اکو تولیس نق بري موایثت کات
مو قواه فرجاي، مو فکع فرکتائن توهن ايکت رهاتي مو، فس
مو منع ده رغن هيبلیس . 17
- جاعن بري هاتي مو دوق توجو کا دنيا، اتوا فون نق ۲ کا
فرکلارا هق جاري ميليق دنيا . اورغ هق کاسيه کا فرکلارا ۲ نی
تاادر سیکیت هابوق رالم هاتي هق بولیه کاسيه کا توهن .
- کران سموا هق جاري فرکلارا ۲ دنيا، یا^ئیت هق نفس دوق نق ،
اف ۲ هق مات فقسا بري اورغ نق ، اتوا اف ۲ هق بري
ما^ئنسی بولیه اڳکیت دیری، اصل فرکلارا ۲ نی بوکن ماری دتهن
بااف، اصل ماری ددنيا بلاک .
- سموا هق جاري ميليق دنيا ، هق ما^ئنسی دوق نق ۲ تو، هق
تو نق لیسوس ده... تاهي اورغ هق بوات توروت کھندق توهن
نق هيڊوف سعمور، تا^ئ لیسوس بوات سلام ۲ .

ري هق براون دغن المسيح

- يا انق ۲ کو، لاني کيت ماسوق ده دنيا اخیر. مو بیاس 18
 دغره کات، ری هق براون دغن المسيح نق تیمبول ماري.
 لاني باپق هق دوق لاؤن المسيح تو، تیمبول ده. سابیت تو
 کيت بولیه تاهو کات، ماسوق ده اخیر دنيا .
- فواق تو بوات سروف ری جاري سفواق دغن فواق کيت، تافي 19
 ری توبیت ده. کالو ری جاري فواق کيت سوغکوه، تنتو ری
 تاءٌ تیغکل کيت. تافي ری توبیت ده. هق نی جاري تنداد کات،
 تاءٌ اد سئورغ فواق ری هق ماسوق سوغکوه جاري فواق کيت .
- تافي المسيح يع سوچي تو، چوچور ده روح ری اتس فواق 20
 کيت، بري کيت بولیه چم هق سبیر.
- سابیت نيله، اکو تولیس کافواق مو، بوکن سبب مو تاءٌ چم 21
 هق سبیر، تافي سبب مو چم ده، فس مو تاهو جوگ کات،
 هق سبیر تاءٌ ليه دوق سکالي دغن هق بوهوج .
- کالو بالس تو، سیاف ری هق بولیه جاري بوهوج؟ اورغ هق 22
 تولق تاءٌ سیر مفاکو کات عیسیٰ جاري المسيح هق توهن جنجی
 تو. اورغ تو، دیاله هق براون دغن المسيح، ری تولق
 توهن باف، سکالي دغن انق يع ساتو تو.
- سبب اورغ هق تولق انق يع ساتو، سروف ری تولق باف ده. 23
 اورغ هق تریما مفاکو انق يع ساتو، سروف ری تریما باف ده.
 سابیت تو، تاروه مولیقله دالم هاتی، خبر يع بایک هق مو
 مولا ۲ دغره تو. کالو مو تاروه بالس تو، مو نق دوق سههاتی
 سپاوا دغن انق يع ساتو، فس دغن توهن باف جوگ .
- نيله المسيح سنديري جنجی نق بري کا کيت، یايت هيدوف 24
 چارا بارو درفه توهن .
- اکو تولیس سورت نی کافواق مو، نق بري مو کابر حال اورغ 25
 ۲ کا

ماري چوب نق تيفو مو .

- 27 تافي المسيح چوچور ده روح يي اتس فواق مو ، فس روح تو دوق اد دالم هاتي مو . سا بيست تو ، مو تاءً كنا كي چاري اورغ نق اجر مو لاكي . روح توله دوق اجر مو ، چارا حال سموا فركارا ، فس هق يي اجر تو ، بتول بلاك ، تاءً ادار هق بوهوج . دوق سهاتيله دعن المسيح ، ايکوت فثاجران روح يي تو .
- 28 يا انق ۲ کو ، دوق سهاتيله دعن المسيح ! بالس توله ، بيلا يي تيمبول ماري فول کوء دافن ، کيت بوليه مغهارف يي دعن بيراني ، تاءً کتا براس گردون کران مالو ، فد هاري تو .
- 29 کيت تاهوره کات ، المسيح هق بتول سعمور . سا بيست تو ، اورغ مان ۲ بوات هق بتول ، اورغ تو بوليه ده هيدوف چارا بارو جاني انق توهن .

باب 3

دوقله سروف انق ۲ توهن

- 1 فرهاتي تيغوقله ستارا مان توهن کاسيه کا کيت . يي کاسيه تو ، هيغگ سمنفي يي بري کيت فريشك جاني انق ۲ يي . فس ، سوگکوه کيت بوليه ده فريشك تو جوک . سا بيست نيله اورغ ۲ هق توجو کوء دنيا تاءً کتل کيت ، سبب يي تاءً کتل دعن توهن باف . هي ساءين ۲ کو هق اکو کاسيه ! لاني کيت جاني انق ۲ توهن ده . هق کيت نق جاري کوء دافن تاءً بري پات لاكي . تافي هق کيت تاهو ، فد ماس بري پات ده تو ، کيت نق جاني سروف يي ، سبب کيت نق نمفق يي ، دعن روق هق سبنر .
- 2 تيف ۲ اورغ هق اد هرافن نبي کا جاگ ديري بري سوچي ، سروف دعن المسيح سنديري هق سوچي تو .
- 3 اورغ هق بوات دوسا مان ۲ فون ، يي لاون دعن حکوم ۲ توهن کران بوات دوسا تو ، ياءً بيت توروت يي هق برالون دعن المسيح .
- 4

تافي فوق مو تاهوده کات، المسيح ماري نق هافوس دوسا
ماهنسی، فس دالم ديري ری تاءار دوسا سیکیت هابوق فون.
سابیت تو، اورغ مان هق دوق سهاتی سپاوا دغن المسيح،
ری تاءکاچع بوات دوسا. فس اورغ مان ۲ هق کاچع توروت
دوسا تو، هق تو جاري تندا کات، تندتو ری تاءبیاس نمفق
المسيح، اتوا تاءبیاس کتل دغن ری فون لفسوغ.

يا انق ۲ کو، جاغنله بري اورغ تیفو مو! اورغ هق بوات بتول،
معناث هاتی ری بتول سروف المسيح تو بتول.

اورغ هق کاچع بوات دوسا، ری جاري میلیق هیبلیس، کران
هیبلیس صیفة ری نق بوات دوسا سعمور، دری اوال لاکی.
جاري سابیت نیله، انق توهن تورون بري نمفق، انتوق بري
هنچور کرج هیبلیس.

اورغ مان هق جاري انق توهن، تاءکاچع بوات دوسا، سبب
بنیه توهن سنديري دوق دالم هاتی ری. توهن جاري باف ری.
سابیت تو، ری تاءلیه کاچع بوات دوسا.

بالس نی بولیه کتل انق ۲ توهن دغن انق ۲ هیبلیس. تاءکيرا،
سیاف هق تاءبوات بتول، اتوا تاءکاسیه کا ادیق برادیق ری
فون، ری بوکن میلیق توهن.

تنجوق کاسیمهله مو اکو!

کران خبر هق مو دغر جق مولا ۲ تو، یاءیت کنا کاسیه
مو اکو. جاغنله کیت توروت چنتوه قابیل، هق جاري میلیق
هیبلیس، فس بونوه ادیق ری سنديري. سابیت اف ری بونوه
ادیق ری تو؟ سبب ری کاچع توروت هق بیلق، ادیق ری
توروت هق بتول.

سابیت توله، یا ادیق برادیق کو، بیلا اورغ ۲ هق تاءسیر کل
تهن، بنچی کا فوق کیت، تاءسہ دوق ترخیرانله!

- 14 كيت توبيت ده دالم فواق هق دوق باوه حکوم ماتي ، کي
ماسوق دالم فواق هق دوق هيديوف چارا بارو . بالس مان
بوليه کيت تاهو؟ ساپيت کيت دوق کاسيه مو اکو ، اديق براديق
دالم فواق ۲ المسيح . اورغ هق تاءً کاسيه ، نی دوق باوه حکوم
ماتي لاکي .
- 15 اورغ مان هق دوق بنچي کا اديق براديق ، نی سروف فمبونوه .
فس مو تاهو سوغکوه کات ، اورغ هق جاري فمبونوه ، هيديوف
چارا بارو تاءً ادار تمفت دالم هاتي نی .
- 16 کيت بوليه چم کاسيه نی رفن ايغت کا چنتوه عيسى المسيح ،
هق جوغ سره پاوا نی انتوق کيت . کيت فون کنا جوغ سره
پاوا کيت انتوق اديق براديق فول .
- 17 ميسيل ، کالو اورغ کاي تيفوق اديق براديق نی سورغ مسکين
دوق سوسه ، فس نی بوات تاءً نتفق ، بالس مان بوليه نی کات ،
کاسيه هق توهن ادار تمفت دالم ديري نی؟ چنتوه تاءً ليه !
يا انق ۲ کو ، جاغنه کيت کاسيه رفن مولوت ساج . کيت
کنا تنحوق کاسيه هق سجاتي ، رفن هق کيت بوات .
- 18 رفن سجالن توله ، کيت نق تاهو کات ، کيت جاري ميليق
توهن هق سبنر . فس ولو هاتي کيت کات کيت ساله فون ،
تافي کيت بوليه دوق سنغ دافن توهن . کران توهن لبيه
بسـر فـد هـاتـي کـيـتـ لاـکـيـ ، فـسـ نـيـ تـاهـوـ سـمـواـ فـرـکـارـاـ .
- 19 ساپيت توله ، يا اديق براديق کو ، کالو هاتي کيت تاءً کات کيت
سـالـهـ ، کـيـتـ بـولـيهـ مـعـهـادـفـ تـوهـنـ رـفـنـ تـاءـ بـراـسـ بـيـمـيـغـ اـفـ ۲ـ .
- 20 فـسـ کـيـتـ بـولـيهـ تـريـماـ رـفـنـ نـيـ ، اـفـ ۲ـ هـقـ کـيـتـ مـيـنـتـاءـ ، کـرانـ
- 21 کـيـتـ تـورـوتـ اـفـ ۲ـ هـقـ نـيـ سـورـوـهـ ، نقـ بـريـ نـيـ بـرـكـنـ .
- 22 هـقـ نـيـ سـورـوـهـ بالـسـ نـيـ ، يـاءـ يـتـ کـيـتـ کـاـ بـرـکـنـتـوـغـ کـفـ اـنـقـ
- 23 نـيـ ، عـيـسـىـ مـسـيـحـ ، فـسـ کـاـ دـوقـ کـاسـيـهـ موـ اـکـوـ اـيـکـوـتـ هـقـ
ليـ سـورـوـهـ .

سیاف ۲ توروت هق توهن سوروه، اورغ تو دوق سهاتی سپاوا
لغن ری. فس روح هق توهن بري ده کا کیت، جاري تندا
کات توهن دوق سهاتی سپاوا لغن کیت سعمور.

باب 4 روح هق سغوتی لغن روح هق تیفو

یا ساءین ۲ هق اکو کاسیه، بوکن سموا اورغ هق مفاکو
کات ری اد روح توهن، هق مو کنا فرچای، دق! مو کنا
سویی ری دلو، نق تاهو روح هق دوق اد ری تو، ماری
دتهن سغوتی کا دق. سبب اد باپک اورغ کی کوسنر رات ۲
نق تیفو کات، توهنه هق بري خبر کا ری.

اینیله جالن هق مو بولیه سویی کات روح تو ماری دتهن
 Sugooti کادق. اورغ مان ۲ هق مفاکو رافن اورغ کات، عیسی
دیالله المسيح هق توهن جنجی تو، هق تورون ماری فاکی
توبوه ما نسی، اورغ تو اد روح هق ماری دتهن سوگکوه.

تافي اورغ هق مفاکو عیسی لائین فد تو، ری تاء اد روح
تهن . هق اد تو، یاءیت روح ری هق برلاون لغن المسيح.
مو دغر ده کات ری نق ماری، فس لانی ری دوق اد ده دنیا.
تافي یا انق ۲ کو، مو نی جاري میلیق توهن، فس مو منع ده
لغن اورغ ۲ هق ماری نق تیفو مو، سبب روح توهن هق دوق
اد دالم دیری مو، کواس ری لبیه فد روح هق دوق اد دنیا
نی لائی.

اورغ هق تیفو ساءی، دوق سبله دنیا، فس هق ری کوسنر
تو، اصل دنیا. اورغ ۲ هق توجو کا دنیا فون دغر کا ری.
تافي کیت جاري میلیق توهن . اورغ مان هق کتل لغن توهن
نق دغر هق کیت رویت. اورغ هق تاء جاري میلیق توهن، ری
تاء امبوه دغر هق کیت رویت. بالس نیله کیت بولیه تاهو
هق مان روح سغوتی، هق مان روح تیفو.

توهن دوق کاسیه سعمور

- 7 يا ادیق برادیق هق اکو کاسیه ، بائیقله کیت دوق کاسیه
مو اکو ، کران کاسیه نی اصل ماری دتهن . سیاف ۲ اد کاسیه
لاگو نی ، ری جاری انق توهن ، فس ری کتل رغن توهن جوگ .
- 8 تافي سیاف ۲ هق تاء کاسیه لاگو نی ، ری تاء کل توهن ،
کران توهنله اصل هق کاسیه .
- 9 توهن بري پات کات ، ری کاسیه کا کیت ، رغن هنتر انق بیغ
ساتو هق ری تورون ماری کا دنیا ، نق بري کیت بولیه هیدوف
کوء جالن نی .
- 10 اینیله تندا کاسیه هق سبیر ، بوکن کیت هق کاسیه کا توهن ،
نق ! تافي توهن دلو هق تنجوق کاسیه کا کیت ، رغن هنتر
انق بیغ ساتو هق ری ماری ، جاري قربان انتوق بزی بولیه
تهن امفون دوسا ۲ کیت .
- 11 ادیق برادیق کو ، توهن تنجوق کاسیه باپک کیتو لالو کا کیت .
سابیت تو ، فاتوتله کیت کاسیه مو اکو جوگ .
- 12 تاء اد سئوغ هابوق بولیه نمفق توهن ، تافي بیلا کیت دوق
کاسیه مو اکو ، توهن دوق سهاتی سپاوا رغن کیت ، فس ری
تورون کاسیه ری ، بري کیت بولیه کاسیه رغن سمنفرن .
- 13 بالس مان کیت بولیه تاهو رغن تنتو کات کیت دوق سهاتی
سپاوا رغن توهن ؟ بولیه تاهو بالس نی . توهن بري ده روح
ری تورون ماری کا کیت .
- 14 کیت تمو ده رغن انق توهن ، هق باف سوروه تورون ماری تو ،
فس کیت بولیه نائیک سقسي کات ، دیاله هق بري ما ئنسی
سلامت . سیاف ۲ هق مفاکو کات عیسى جاري انق توهن ، اوغ
- 15 تو دوق سهاتی سپاوا رغن توهن .
- 16 بالس توله کیت بولیه فرچای رغن یقین ؟ ستارا مان توهن

کاسیه کا کیت۔ توهنله اصل هق کاسیه۔ فس سیاف ۲ دوق کاسیه، اورغ تو دوق سہاتی سپاوا رغنا توهن۔
توجوان بري کیت نق کاسیه رغنا سمنفرن، یا یت نق بري کیت
بولیه مفہارف توهن رغنا تاء تاکوت فد هاری قیامہ، کران
جالن هیدوف کیت، تکه دوق دالم دنیا، سروف رغنا
هیدوف المسيح جوگ۔

کالو اد کاسیه نی، تاء اد فریاغ نق تاکوت۔ دق! کاسیه هق
سمفرن نی هافوس سموا هق بري کیت تاکوت۔ کران هق بري
کیت تاکوت تو، دوق ننتی نق تریما حکومن اتس دوسا ۲،
معناش ری هق تاکوت، تاء بولیه کاسیه رغنا سمنفرن لائی۔
کیت بولیه کاسیه سبب توهن کاسیه کا کیت دلو۔

اورغ هق کات ری کاسیه کا توهن، تافی تاء تنحوق کاسیه
کا ادیق برادیق، اورغ تو بو هوگ۔ سبب اورغ تاء کاسیه
کا ادیق ری هق بولیه نمفق، بالس ملن بولیه ری کاسیه کا
توهن، هق ری تاء بیاس نمفق؟ تننتو تاء لیه جاری!
حکوم توهن بري کا کیت بالس نی، یا یت اورغ هق کاسیه
کا توهن مستی کا کاسیه کا ادیق برادیق جوگ۔

کاسیه کا توهن، کنا بوات ایکوت هق ری سوروہ

باب 5

اورغ هق فرجای کات عیسوی المسيح هق توهن جنجی
نق باوا سلامت تو، اورغ تو جانی انق توهن۔ فس اورغ
مان هق کاسیه کا توهن باف، تننتو نق کاسیه کا انق ۲
ری جوگ۔

بالس نیله کیت بولیه تاھو کات کیت کاسیه کا انق ۲ توهن،
سبب کیت کاسیه کا توهن فس کیت توروت سموا هق ری
سوروہ۔ تندا کات کیت کاسیه کا توهن، یا یت کیت بوات
سموا هق ری سوروہ۔ فس هق ری سوروہ تو، تاء براف فایہ۔

17

18

19

20

21

1

2

3

کران گنف ۲ اورغ هق جاني انق توهن اد کواس بوليه منع کا
فرکارا ۲ کوء دنيا . فس جالن کيت بوليه منع تو، یاءیت کوء
جالن کيت فرچاي . اورغ ملن بوليه منع دغشن دنيا تو؟ تا' اد ،
ملينکن هق فرچاي کات عيسى دیاله انق بیغ ساتو هق توهن .

تیگ فرکارا هق جاري سقسي

عيسى المسيح ، دیاله هق ماري لالو کوء اير ، تکه رې تريما
روکون مندي تو ، فس لالو کوء داره ، تکه رې ماتي . بونک
کوء اير ساج دق ، تافي کوء دوا جالن ، یاءیت اير دغشن داره .
روح توهن سنديري فون نائیک سقسي کات ، هق نې سفوتوی ،
فس روح تو هق سبیر سمات .

اد تیگ فرکارا سقسي ، یاءیت روح توهن ، اير ، دغشن داره تو .
فس کتيگ تو ستوجو بلاک . کيت فرچاي کامانسي جاري سقسي .
تافي سقسي هق توهن قواة لاگي . فس نيله سقسي هق توهن
بری ره چارا حال انق بیغ ساتو هق رې .

سابیت تو ، اورغ هق فرچاي کا انق بیغ ساتو هق توهن ، رې
فکن ده سقسي تو دالم هاتي . تافي اورغ هق تا' فرچاي کا
توهن ، اورغ تو کات توهن بوهوغ ، سبب رې تا' فرچاي
سقسي توهن چارا حال انق رې تو .

اینيله ايسى سقسي تو . توهن بری ره کا کيت ، هيدوف چارا
بارو ، فس هيدوف تو کيت بوليه تريما کوء انق رې .
اورغ هق تريما ره انق بیغ ساتو هق توهن ، رې تريما ره
هيدوف چارا بارو . اورغ هق تا' تريما لاگي تو ، رې تا' اد
هيدوف چارا بارو لاگي .

هيدوف چارا بارو هق توهن .

اكو توليis سورت نې کا فوق مو ، نق بری مو تاهو دغشن

4

5

6

7

8

9

10

11

12

13

- يقين کات، مو تريما ده هيدوف چارا بارو، ياء يت فوق مو
هق برگنتوغ فد انق يغ ساتو هق توهن.
- کيت بوليه مغهارف توهن رغن چرف کات، دي نق دغراف ۲
هق کيت مينتا، اصل کيت مينتا ايکوت کهندق يي.
- سابيت کيت تاهو ده کات توهن بغر، سابيت تو تنتو بوليه
هق کيت مينتا تو.
- ميسيل، کالو کيت تيغوق اديق براديق سورغ دوق بوات دوسا،
هق تاء بري کيسه هيدوف چارا بارو، کيت نق مينتا رغن
توهن، فس توهن نق کيريم کا کيت انتوق اورغ تو. تافي اد
جوگ دوسا هق بري کيسه هيدوف چارا بارو، بوکن اکو کات
مو کنا مينتا کا توهن چارا حال دوسا ماچم تو.
- کسلاهن مان ۲ فون جاري دوسا بلاک، تافي اد جوگ دوسا هق
تاء بري کيسه هيدوف چارا بارو.
- کيت تاهو ده کات، اورغ مان هق جاني انق توهن، تاء کاچع
بوات دوسا، کران يي هق جاري انق يغ ساتو هق توهن دوق
جاگ ری رغن موليق، تاء بري هيبليس ماري بوات خيانة کا ری.
- سوڠکوه فون سموا دلنیا نی دوق باوه فرينته هيبليس، تافي
کيت تاهو ده کات، کيت جاري ميليق توهن. فس کيت تاهو
جوگ کات، انق يغ ساتو هق توهن ماري ده بري کواس کا
- کيت بوليه کنل توهن هق سبنر تو. فس کيت دوق سهاتي
سپاوا رغن يي هق سبنر تو، رغن کران کيت دوق سهاتي
سپاوا رغن انق ری، عيسى المسيح. دیاله توهن هق سبنر.
- رغن تريما يي، کيت بوليه هيدوف چارا بارو. انق ۲ کو هق
اکو کاسيه، بري جاء وله ديري مو برفد سموا هق نق سمبه
کشي توهن !

2 يحيا

سورت كيريمن بع كدوا هق
توهنهن بري يحيا توليس

يحييا روق تكور توان سيتي رغن انق ٢ ربي

باب 1

اکو هق فشكيل کتوا، توليس سورت نی كيريم سلام کف
تون سيتي هق توهنهن فيليه، سکالي دغن انق ٢ مو هق اکو
کاسيه سوغکوه. فس بوکن اکوساج هق کاسيه کا فواق مو،
2 تافي سموا اورغ هق فکع کا خبر بع سبنر جوگ. کران هق سبنر
تو روق رکيت تتف، فس نق روق سکالي دغن کيت، هيڠگ
سمفي سود.

3 مينتا توھن باف دغن عيسى المسيح، انق رې تو، تورون
رحمة، کسياغ بلس دغن سلامت سجهترا اتس کيت، تکه
کيت روق توروت جالن کاسيه دغن فکع هق سبنر.

حکوم کاسيه

4 اکو براں سوک هاتي ساعت بوليه تاهوكات، اد انق دالم
رومہ تفگ مو روق فکع هق سبنر، ايکوت هق توهنهن باف
سوروه. فس لاني، هي توان سيتي، اکو نق مينتا جوگ ٢
5 سوروه فواق مو سموا روق کاسيه مو اکو. حکوم نی بوکن
هق بارو، تافي هق کيت دغر ده جق دمول ۲ فرچاي کا
المسيح لڳي.

فس حکوم هق مو دغره جق مولا ۲ تو، سوروه مو توروت جالن
کاسیه. کاسیه نی، معناش کیت دوق توروت حکوم ۲ توہن .

فعاجران هق تاء بتول

اد باپق اورغ هق توبیت کی رات دنیا نق تیفو اورغ .
فواق نیله تاء سیر مٹاکو کات عیسیو المسيح امبیق فاکی
توبوہ ماءنسی، ماری کا دنیا. هق نیله جانی سی فیفو، ری
هق برلاون دغن المسيح .

سابیت تو، مو کا جائی دیری مو، جاغن بڑی هیلیع هق مو
کاچھ اوسها نق بولیه تو. باروله مو نق بولیه تریما اف ۲
هق توہن چارغ نق بڑی .

اورغ مان هق لاجق دغن فعاجران المسيح ، توہن تاء دغن
اورغ تو. تافی اورغ هق دوق دالم تارا فعاجران ساء نی ،
توہن باف دغن انق نی، کدوا دوق اد دغن اورغ تو.

کالو سیاف ماری کا تمفت مو، باوا^۱ فعاجران لاءین، جاغنله
سمبیوت نی ماسوچ دالم زومه، اتوا بڑی سلام کا نی فون !
کران کالو بڑی سلام کا نی، سروف نق برکو غسی دغن نی،
دالم فرکارا ۲ جاہت هق نی بوات .

فسنن هق سود

اد باپق لائی اکونق رویت کا فواق مو، تافی اکو
تاء سیر رویت دالم سورت. مولیق لائی اکو کی بولیه
کچیق سمبوج مولوت دغن مو سنديري، باروله فواص هاتي.
انق ۲ هق کاکق بتینا مو کیریم کاسیه کا فواق مو سموا !

6

7

8

9

10

11

12

13

٣ يحیا

سورت کیریمن بیغ کتیگ هق
توهنهن بري يحیا تولیس

باب ١ يحیا براں سوک هاتی رغر خبر ساءین نی

1

اکو هق فعکیل کتوا، تولیس سورت نی کفڈ کایوس هق
اکو کاسیه سوڠکوه. هي ساءین کو هق رافت، اکو بردا ناق
بری مو دوق بائیک سموا فرکارا، بری بولیه براں سدف توبوہ
سروف دغن هاتی مو، هق اکو تاهوہ کات دوق بائیک.
کران اد فواق ادیق برادیق سمفی دسینی، نائیک سقسوی اتس
مو کات مو دوق فکٹ کجت کا هق سبیر. سوڠکوه مو دوق
توروت هق سبیر تو سعمور. خبر تو بری اکو براں سوک
هاتی ساغت.

3

تااد سکارا فون هق بری اکو سوک هاتی لبیه فد رغر کات
انق ۲ کو دوق توروت هق سبیر.

4

هي ساءین کو هق رافت! مو جوجور سوڠکوه دالم کرج تولوغ
منلوغ ادیق برادیق ساءنی، ولو نی اوړه هق مو تا کنل
سکالی فون.

5

ني ماري بری تاهو کا فواق ۲ المسيح دسینی، بالس مان مو
تنجوق کاسیه کا نی. تولوغله نی کو چارا هق توهن

6

برکن، بری ری بولیه کی لاکی.
 کران ری تولق برجالن نق کرج کا المسيح تو، رعن تاءً تریما
 اف ۲ درد اورغ هق تاءً فرچای کا المسيح.
 سابیت توله، کیت هق فرچای ره کا عیسو المسيح، کتا تولوغ
 اورغ ۲ سروف نی، بری کیت اد سکیان دالم کرج ری کی میمفی
 خبر هق سبیر تو.

جاغن توروت چنتوہ دیوتروفیس

اکو تولیس ره سورت سفوچوق هق فندق، سمفی کا فواک
 المسيح بالیق مو، تافی دیوتروفیس، هق سوک امیق کواس
 جاری کتوا سعمر، ری تاءً سیر نغر لفسوغ هق اکو رویت.
 بیلا اکو کی دیق نون، اکو نق بری تریوک سموا هق ری بوات،
 رعن کیچیق مغمہووہ، رعن بوهوغ ساعت چارا حال اکو.
 تافی باپق تو فون، ری تاءً فواس هاتی لاکی. بیلا ادیق برادیق
 ماری جاؤه کا تمفت فواک مو، ری تولق تاءً سیر سمبوت.
 فس لاکی، اورغ هق نق سمبوت فون، ری لارغ، هیگ
 سمفی کنا همبت توبیت دالم فواک المسيح.
 ہی ساءین کو هق رافت! جاغنله تیرو چنتوہ هق تاءً مولیق
 سروف تو. تیروله هق مولیق۔ اورغ مان هق بوات بائیک،
 ری جانی میلیق توهن، تافی اورغ هق بوات جاہت، تاء
 کنل رعن توهن.

دیمیتریوس بولیه فوجین

سموا اورغ فوجی کا دیمیتریوس۔ بالس ملن ری هیدوف،
 برلانک رعن هق سبیر. اکو فون ستوجو جوگ۔ فس فواک مو
 تاھو ره کات، مو بولیه هارف کا سموا هق اکو رویت.
 چادغ باپق لاکی اکو نق تولیس کا فواک مو، تافی اکو تاءً سیر

روييت دالم سورت .

موليق لاكي اکو هارف کات تاء لام نق بوليه تيغوق مات مو،
14 فس کيت بوليه کيچيق سمیوغ مولوت .

يحييا کيريم سلام هق سور

سلامت سجهتراله اتس فوق مو . سائين ۲ مو باليق کو
ني کيريم سلام کفد فوق مو . فس اکو فون نق کيريم سلام
کا سائين ۲ کو باليق مو جوگ ، گنف ۲ اورغ .
15

يودا

سورت کیریمن هق توهن
بری یودا تولیس

باب 1 یودا دوق تکور ادیق برادیق دالم فواق المیسح

اکو یودا، ادیق فد یعقوب، اکو هق جاری همب کرج کا عیسی المیسح، تولیس سورت نی کا اورغ ۲ هق توهن ففگیل ده، بری توروت نی، اورغ ۲ هق دوق دالم لیغکوون کاسیه توهن، فس دوق فرلینندوغ بالیق عیسی المیسح .
اکو مینتا، فد توهن بری کسیاغ بلس، سلامت سجمہترا رعن کاسیه هق نی، جاری میلیق فواق مو، رعن کھور ۲ فنوه لاگی .

گورو ۲ هق فلسو

3 ہی ادیق برادیق کو هق اکو کاسیه! دولو ، اکو دوق ایشت ۲ نق تولیس سورت کا فواق مو چارا حال جالن سلامت هق کیت سام ۲ توروت . تافی لانی ترفقسا اکو کنا تولیس سورت سلالو ، سوروہ مو جوگ ۲ کا لاؤن، کنا جاگ، روکون ایمان کیت، هق توهن بری کا اورغ ۲ هق جاری میلیق نی، تا کنا توکر ده .
4 سبب اد اورغ ۲ هق چوری ماسوچ ده دالم فواق مو . اورغ ۲ نی تا حرمہ کا توهن، نی نق فوتر یلیت فثاجران حال

رحمہ توهن تو نق بری فلواغ کا ری تاءٰ تاکوت بوات کا فرکارا
حق چافوغ ۲ اور ۲ نی فون بوات درهاک کا عیسیٰ المسیح،
ری حق کیت فکع کات، توان سا، ربی سا، حق لاءٰین تاءٰ اد
رہ. کتاب توهن رویت ده کات، فواد سائی تو دوق با وہ
حکوم توهن دہ.

سوگھو فون، فواد مو تاھو ده چارا حال نی، تافي اکو نق
بری مو ایقت فول، کا اور ۲ بعسا اسرائیل هق بولیه ده
سلامت درفت نگری مصیر، تافي لفس تو اد جوگ اور غ دالم
فواد تو، حق توهن بری فونه، دغنا سابیت ری تیغکل
فرچای کا توهن.

فس ایقتله کا ملائیکہ ۲ فول. ری اد کواس بسر سکالی، تافي
اد هق لغکه باتس، تیغکل تمفت هق توهن بری ده کا نی.
سابیت تو، توهن بوبوہ ری دتمفت هابیس ۲ گلف دباوہ.
دسيتو، ری کنا تمبت دغنا رنتی، هق لکت سلام ۲، دوق
ننتی هاری هق توهن نق جاتوہ حکوم اتس نی.

فس ایقتله کا کوت صودوم دغنا کوت گمورہ فول، سکالی
دغنا بندر ۲ هق دوق دکلیوا سن تو. انق ۲ بندر تو بوات
چافوغ هق لغکه عالہ، سروف ملائیکہ ۲ سائی، فس ری
کنا حکوم رافی هق مپالا سعمور، جاري چنتوہ چرف کا
سموا ماءٰ نسی.

اور ۲ هق چوری ماسوق سائی فون، سروف تو جوگ. ری اد
اغن ۲ هق بری ری بوات دوسا هق خیانہ کا توبوہ ری
سنديري. ری تولق کا کواس مان ۲ هق توهن لتق، فس ری
دوق مغمہدوہ کا ملائیکہ ۲ یغ مليا تو.

میکائیل، ولو ری جاري کتوا ملائیکہ فون، ری تاءٰ برانی نق
مغمہدوہ کا هیبلیس. ایقتله، تکہ میکائیل دوق بحس دغنا
هیبلیس چارا حال سیاف ری نق امبیق مايت نی موسی تو،

5

6

7

8

9

میکائیل تاء، برانی نق جاتوه حکوم اتس هیبليس دغن کیچیق
مغهوروه کا ری. دق! ری کیچیق بالس نی: توهنله هق نق
جاتوه حکوم اتس مو!

10 تافی اورغ ۲ هق چوري ماسوق ساءنی، لاءین. بیلا تمو دغن
فرکارا ۲ هق ری تاء، ارتی، ری برانی سلالو کیچیق هینا.
فرکارا ۲ هق ری بولیه ارتی، یائیت فرکارا هق توبیت درف دنفسو ۲
ری سروف بناتع. جاری فرکارا نیله هق بوات بزی فونه کا
توبوه ری. تنتو نق تروق کا ری! ری توروت جالن سروف
قابل دلو. ری کات، رویتله هق مستحق انتوق ری. سایت
تو، ری سره دیری بوات ساله، سروف دغن بعالم بوات دلو.
ری درهاک سروف قرون درهاک دلو، فس سروف قرون جوگ،
ری نق کنا فونه.

11 تکه مو فاکت ماري ماکن دغن ادیق برادیق دالم فواق المسيح
نی، فواق تو ماري دوق مابوق، هابیس مالو. ری جاري سروف
باتو هق دوق دالم ایر تاء نصفق. ری ایشت کا دیری ری
ساج. ری نصفق سروف فوکوق هوجن هق دوق سیوف داغین،
تاء جاري هوجن. ری جاري سروف فوهون بربواه، تافی سمفی
فرياغ فون، ری تاء بربواه. ری سروف فوهون هق چابوت اکر،
ممفس ده.

12 ری سروف اومبق ۲ بسر، هق هاپوت کی، هاپوت ماري، فس
هق ری بوات هابیس ۲ مالو تو، جاري سروف دغن راکی
بويه هق لکت دفتی. ری سروف ایر لیور بوتا هق تورون
دلاغیت سبنتر، فس راءیب کی ده. توهن چارغ ده تمفت
کا ری، هابیس ۲ گلف، نق بزی دی دوق سعمور.

13 حنخ، هق جاري کتورونن توء انم لافیس یعن کتوجوه، دیاله
هق توهن بزی رویت دلو حال ۲ فواق ساءنی، کات:
تیغوقله! توهن نق ماري دغن بربیو ۲ ملائیکه ری

15 هق سوچي، نق كرت سين اتس سموا ماء نسي. رى
 نق حکوم بلاک کا اورغ ۲ هق درهاک رعن کران سموا هق
 رى بوات درهاک تو، اتوا فون کيچيق هيما کا توهن!
 اورغ ۲ نی براهي مغيفيق، سوك برسوغوت لفس سکارا ۲، دوق
 توروت نفسوري هق جاهت سعمور. رى کيچيق بسر کاري،
 فس سوك فاء وغ کا اورغ لاءين، انتوق نق بري بوليه کمندق
 رى سنديري.

فسنن انتوق اديق براديق دالم فواق المسيح

17 تافي هي اديق براديق کو هق اکو کاسيه! ایغتلہ هق
 صحابة ۲ عيسى المسيح ربی کيت، بري تاهو کا فواق مو دلو
 کات، فد ماس نق اخیر دنيا نی، نق اد اورغ ماري مفنجیغ کا
 فواق مو هق فکع اوکام قواة. اورغ ۲ تو توروت هوا نفسو،
 فس بوات درهاک کا توهن. فواق توله هق بري جاري فچه
 بله دالم کلوارگ المسيح لاني. رى توروت فيکيران رى سنديري،
 سبب روح توهن تاء دالم هاتي رى.
 18 تافي فواق مو هق اکو کاسيه سوڠکوھ، مو کنا بیناله ديري مو
 اتس فلافيق هق کجت، یاء يت اتس ايمان يڠ سوچي هق مو
 دوق فکع تو. بردعاله ايكوت روح توهن فيمفين.
 19 فس جاڪاله ديري مو دالم ليغکوغن کاسيه هق توهن، سمنتارا
 ننتي عيسى المسيح، ربی کيت، هق نق تورون کسياغ بلس
 رى کا فواق مو، دفن بري هيڊوف يڠ ککل.
 20 فواق مو کنا تولوغله رفن کسياغ بلس، کا اورغ ۲ هق دوق شک
 هاتي، تاء تنتو چارا حال ايمان رى، سروف مو تاريق رى
 توبيت درف افي، بري دي سلامت. تافي اد اورغ ۲، مو کا
 جاڪاله ديري مو، تکه مو تنحوق کسياغ بلس کا رى. فکاين
 رى فون چمر، سروف کجهاتن رى سيرا توبيت. مو کنا

برا یغتلہ، فس بنچی کا فرکارا ۲ چمر هق ری دوق بوات تو.

رعا فوجی کا توهن

فوجیلہ کا ربی، هق اد کواس جاگ کیت، تاء بری ربہ 24
کران دوسا، هق باوا کیت دعن تاء اد چاچت، تاء اد چدرا،
بری بولیه مفهارف توهن، نق بری بولیه نمفق کملیائن ری
دعن سوک گبیرا.

کف توهن یئ سا تو، هق بری کیت سلامت کو جان عیسوی 25
المسيح، ربی کیت، سوغ فاتوتله کیت فوجی کا ری، کران
ری یئ مليا، ری هق مرینته سموا سکل، فس ری هق اد
کواس ہابیس تیغکی، جق دبلوم ماس اد لائی، سمفی کا
لانی، فس تروس کی سمفی سلام ۲۰ امین.

فرکارا ۲ هق توہن بري پات

فرکارا ۲ هق توہن بري پات کف
یحیا چارا حال ماس کو رافن

یحیا رویت چارا حال سورت نی

باب 1

رالم کتاب نیله، اد فرکارا ۲ هق توہن بري پات کاعیسی
المسیح دلو، انتوق نق تنجووک کا همب ۲ دی فول، چارا
حال هق مان تاء لام نق جاري کو رافن۔ فس، عیسی بري
تاھو فرکارا ۲ نی کا همب نی یحیا، رعن هنتر ملائیکہ کی کا
تمفت یحیا۔

فس یحیا فول رویت اف ۲ هق دی تیغووک تو، ناء یک سقسی
کات، نیله فرکتائے توہن هق بولیه جامین، کران ماری کو
عیسیو المسيح۔

براونتوغلہ اورغ هق باج کتاب نی بري اورغ رغر۔ اورغ هق
نغر فون براونتووغ جوگ، کالو دی توروت فرکارا ۲ هق تولیس
ده نی۔ کران تاء لام لاکی نق جاري۔

یحیا کیریم سلام کا فوق ۲ المسيح دتوجوه تمقت

اکو یحیا کیریم سلام کا فوق ۲ المسيح دتوجوه تمقت
دکلیواسن اسیا۔ تریماله رحمة رعن سلامہ سجهترا هق توروں
کا فوق مو درف دوہن۔ دی هق دوچ اد لانی، دلو اتوا کو
رافن فون، فس درف دوچ دی هق سمنفرن توجوه تندتا تو۔

1

2

3

4

هق دوق مغهارف تحت توهن، فس درف ديسى المسيح جوگ،
ري هق جاري سقسى هق جوجور. دياله هق ماتي هيدوف
كليق هق مولا ۲ سكالى تو. رى فون جاري راج بع مهاكواس
اتس سموا راج ددنيا. رى دوق كاسىه كا كيت، فس رى قربان
ده پاوا رى تو، انتوق بري كيت لفس درف دوسا ۲ كيت.
ري لتق كيت بري جاري تيتيس راج، فس لتق كيت جاري توءَ
امام جوگ، هق كرج كا توهن، باف عيسى تو. عيسى المسيح
نيله هق سوغ فاتوت كيت فوجي دغن مفاكو كواس رى،
سلام ۲ ث. امين.

تىغوقله ! رى نق تورون ماري دغن اون، فس ماء نسي گنف ۲
اورغ نق بوليه نمفق رى، ترماسوق جوگ فواق هق تىكم رى
برى ماتي دولو تو. سموا بحسا اتس دنيا فون نق ترياق
مناغيس كران رى. تنتو كا جاري بالس تو، امين.
رتى، توهن بع مهاكواس، رى هق دوق اد لاني، دولو اتوا
كوه دافن فون، دياله هق كات :

اكوله هق اوال، فس اکو جوگ هق اخير!

عيسى بري نمفق ديري رى كا يحيا

اكو يحيا، كاڭق فواق مو سموا، هق توليس سورت نى.
كيت سموا دوق سهاتى سپاوا دغن عيسى. سابىت تو، اکو
سكالى دغن فواق مو، كا تينديه دكسيقسائىن، هق ماري كران
كيت دوق دالم ليغكوغن المسيح. دياله هق بري كيت بوليه
تتف هاتى سمفى سود. اکو كا هنترگى كا فولو فاتموس،
كران اکو رويت خبر بائىك هق توهن، فس كران اکو نا ئيك
سقسى اتس فركارا ۲ هق عيسى بري پات كا اکو.

فدى ساتو هارى، هارى احد، هق كيت لتق انتوق رتى تو،
روح توهن تورون كواس رى اتس اکو. فس اکو نغر سوارا

- درس باليق بلاکع اکو، حق بوپي سروف سروني .
11
ري کات : اف ۲ حق مو نق نمفق ني ، توليسله ، فس هنتر سورت تو کا فواق ۲ المسيح دتوجهه بندر ، ياءيت ايقيستوس ، سميرنا ، فرگاموم ، تياتيرا ، سارديس ، فيلاديلفيا ، فس لاوديکيا فون .
- اكو فالين نق تيغوق سوارا حق دوق سبوت کا اکو سائني تو ،
12
فس اکو نمفق تياغ فليتنا توجهه فونتوع حق بوات رعن مس .
دته ۲ تياغ تو ، اد حق دوق برديري ، فس روف دي سروف ماءنسی . دي فاکي باجو لابوه ، فس درادا دي بوبوه تالي کدیت مس .
- رمبوت دي فوتیه لويه سروف کافس . فس ، مات دي فول ،
14
سروف افي سلر توبیت .
- فس کاکي دي فون چره سروف تماگ حق اوچي دالم افي ،
15
اثکیت فس کوپه ده . سوارا دي بوپي بردغوغ سروف اومېق ۲
حق دوق بدل . سبله تاغن کانن دوق گڭم بینتۇ توجهه
بوتير . کوء مولوت دي توبیت فدغ تاجم حق مات دوا .
- فس موڭ دي چره سروف متھاري حق بچر .
17
با نمفق دي ، اکو ربه سوڭكور دكت کاکي دي ، سروف اورغ
ماتي ده . دي فون لتق تاغن کانن اتس اکو ، فس دي کات :
مو جاغن تاکوت ! اکو نيله دوق اد مولا ۲ تو ، فس نق دوق
اد سەمفى سورد !
- اکوله دي حق بىھ هيڊوف . اکو ماتي ده ، تافي تيغوقله ، لاني
اکو دوق هيڊوف سلام ۲ ، فس اکو جوڭ حق اد کواس لبيه
فدا کواس موت ، بري بوليه ماسوق توبیت تمفت اورغ ماتي
دوق ننتي تو !
- سابیت تو ، مو توليسله فرگارا ۲ حق دوق جاري لاني ، اتوا
کوء رافن فون . رهسيا حق دوق اد دالم بینتۇ توجهه بوتير

هق دوق گشکم دالم تاغن کانن کو ، دغۇن تياڭ فليتا توجوه فونتۇغ هق بوات رېن مس تو ، جاني بالس نى. توجوه فونتۇغ تياڭ فليتا ياء يت فواق ۲ المسيح دتوجوه تمفت تو. فس بينتۇغ توجوه بوتىر فول ، جاري ملائىكە ۲ هق دوق مرىنتە اتس فواق ۲ المسيح تو.

فسنن كا فواق المسيح دىبندىر ايفيسوس

باب 2

1 تولىسلە بالس نى كەد ملائىكە هق دوق مرىنتە فواق اکو المسيح نى دىبندىر ايفيسوس، كات : اينىلە فسنن هق مارى درفدىرى هق دوق گشکم بينتۇغ توجوه بوتىر دالم تاغن کانن تو، دى هق دوق برجالن كى مارى دتغە توجوه فونتۇغ تياڭ فليتا هق بوات دغۇن مس.

2 اکو تاهورە حال كىچ ۲ مو! اکو تاهو جوڭ، تەڭۈغان مۇ بىرت ستارا مان، فس لاكى، اکو تاهو كات، سكت مان مو دوق صبر. اکو فون تاهو كات، مو تائىلق برى اورۇغ ۲ جاھت ماسوق دالم فواق مو. فس، فواق هق مارى نق تىيفو مو، كات دى اورۇغ هق باۋاٰ تىيە المسيح جوڭ، فواق مو فون سوبىي دى دە، فس مو تاهو كات دى بوهۇغ.

3 اکو تاهو دە كات، مو دوق صبر، فس بالس مان مو كا سىقسا كران اکو، تافى تېيىخ توروت جوڭ، دغۇن تائى فواس ۲. تافى اد سكارا هق كورۇغ. لانى فواق مو تائى كاسىيە كا اکو سروف دولو.

4 برى كابرلە كا اىيەت كات، تىيەكىي ستارا مان مو جاتوه فە تمفت دولو تو! مو كا فالىئە توبە درفدىرى دوسا ۲ مو تو، فس توروت سروف هق مو بىاپس بوات دولو. كالو مو تائى فالىئە توبە، اکو ربىنى نق مارى امبىق كلىق تياڭ فليتا هق دوق دغۇن مو تو.

1

2

3

4

5

تافي اد جوگ هق موليق باليق مو. فوق مو دوق بنجي کا
فرکارا ۲ هق فوق کورو فلسو نيكولاوس تو دوق بوات ، سروف
اكو بنجي جوگ .

اورغ هق اد تليغا ، دغر بايک ۲ له هق مان روح توهن دوق
رويت کا فوق ۲ المسيح ! کا اورغ هق منع ره ، اکو ربی نی
نق بري ماکن بواه ۲ هق بوليه بري اورغ هيدواف سعمور
دفوھون هق دوق دالم کبون توهن تو .

فسنن کا فوق المسيح دبندر سمیرنا

فس توليسله بالس نی کفڈ ملائیکہ هق دوق مرینته
فوق اکو المسيح نی دبندر سمیرنا فول . اينيله فسنن هق
ماری درفڈ ری هق دوق اد مولا ۲ تو ، فس نق دوق اد سمنی
سود ، ری هق ماتی فس باڳون هيدواف سمولہ .

اكو تاهوره کات مو کنا تينديه رکسيقسائیں ، فس اکو تاهو
جوگ ، ستارا مان مو فایه ، تافي سسوڠکوهن هاتی مو کای .
فس سکارا لکی اکو تاهو ، چارا حال فوق مو دوق کنا توروہ
داورغ لاءین . اورغ ۲ تو کات ری جاري اومن اوکام يهوي ،
تافي سسوڠکوهن ، ری اومن هيبلیس .

جاڻن تاکوٽله کسوساهن هق تغه دوق جمبا کفڈ مو . دغره !
تا'لام هيبلیس نق سوئی اورغ ۲ دالم فوق مو ، بري کنا ماسوق
دالم کوروغن ، فس اورغ تو نق کا سيقسا سمنی سفولوہ
هاري . ولو مو کا ماتی فون ، جاڻن فوتولله هق مو دوق
فرچاي تو ، فس اکو ربی نی نق بري کفڈ مو ، مهڪوت جاري
تندا کات مو بوليه ره هيدواف یغ ککل .

اورغ هق اد تليغا ، دغر بايک ۲ له هق مان روح توهن دوق
رويت کا فوق ۲ المسيح ! اورغ ۲ هق منع ره ، تا' کنا تاکوت ،
بيلا سمنی ماس ماتی یغ کدوا تو .

فسنن کا فوق المیح دبندر فرکاموم

- فس تولیسله بالس نی کفڈ ملائیکہ هق دوق مرینته فوق اکو المیح نی ، د بندر فرکاموم فول . اینیله فسنن هق ماری درفت دی هق توبیت فدغ تاجم مات دوا تو .
اکو تاھوره تمفت فوق مو دودوق ، دتمفت هق هیلیس لتق تحت دی . مو فکھ ره کا نام کو . تکه انتیفس نائیک سقسی کا اکو سمی کا بونوہ دتمفت هیلیس دودوق تو فون ، هق تو تاً بري مو فوتوس فرچای جوگ .
- تافی اد جوگ دوا تیک فرکارا هق فوق مو کورغ . اد اورغ ۲ دالم فوق مو هق توروت فجاجران سروف هق بعالم دلو ۲ تو . بعالم نی ، دی بیاس مفاجر راج بالک بري فندی هیریت فوق اسرائیل ، قیاس کی کا لائین دغن ماکن بارغ ۲ هق اورغ سمبہ ره کا برهالا ، فس دغن بوات چافوغ کاتیق .
- بالس تو جوگ ، اورغ ۲ دالم فوق مو تو ، توروت فجاجران نیکولاوس . مو کنا فالیئن توبہ درفت دوسا ۲ مو . کالو مو تاً فالیئن ، اکو ربی نی نق کی کا تمفت مو ، فس اکو نق لاون اورغ ۲ تو ، دغن فاکی فدغ هق توبیت دالم مولوت کو تو . اورغ هق اد تلیغا ، رغر بائیک ۲ له هق مان روح توهن دوق رویت کا فوق ۲ المیح . اورغ هق منع ره ، اکو نق بري سکیلن مکانن هق تورون درفت توهن ، یاًیت مٹا هق لانی دوق تاروہ تو . فس اکو نق بري جوگ ، ستونگکول باتو فوتیه کا فوق مو ماسیئن ۲ ، هق تولیس داتس دغن نام بارو . فس نام تو ، تاًاد سیاف بولیه تاھو ملینکن اورغ هق تریما ساج .

فسنن کا فوق المیح دبندر تیاتیرا

فس تولیسله بالس نی کفڈ ملائیکہ هق دوق مرینته فوق

12

13

14

15

16

17

18

اکو المسيح نی، دبندر تیاتیرا: اینیله فسنن هق ماری درفدر
انق یئ ساتو هق توهن، دی هق مات سروف افی سلر
توبیت، فس هق کاکی نی چره، سروف تمباگ هق گوپه ده.
اکو تاهو ده حال کرج ۲ مو. فس اکو تاهو جوگ بالس مان مو
کاسیه دوق هارف کا توهن، فادول مو اکو دالم فواق مو، دوق
صبر کا هق دوق جمبا کف مو تو. فس اکو تاهو جوگ کات کرج
مو لانی، مولیق لبیه فد دولو.

تاپی اد جوگ هق کورغ. فوق مو دوق بنر اورغ بتینا هق نام
دی جزبيل. دی اگکیت دیری کات دی اورغ هق اد نعمه بولیه
میمی فرمان توهن. فس دی معاجر انتوق نق تیفو اورغ ۲ هق
کرج کا اکو ربی نی، سوروه دی توروت جالن چافوغ، فس
ماکن بارغ هق اورغ سمبه ده کا برھالا کاتیق.

اکو بري ده فلواغ کا دی نق بري فالیع درفدر دوسا ۲ دی تو،
تاپی دی دکیل، تاء سیر فالیع درفدر هق دی بوات چافوغ تو.
سابیت تو، ننتی اکو نق جاتوه بالا اتس دی، بري دوق
سلیمیق دتمفت تیدور. سموا اورغ هق توروت جالن برزنا
سروف دی فون، اکو نق لیمفر بري کا سیقسا تروق سکالی
رغن دی، ملینکن دی فالیع تاء سیر توروت هق اورغ بتینا
بوات جاھت تو.

فس اکو نق بونوھ جوگ سموا اورغ هق ماسوق جاري انق
مرید دی. بالس توله، سموا فوق ۲ اکو المسيح نی نق
بولیه تاهو، کات اکوله هق فندي تیلیق تیغوق فراسائن هاتی
رغن فیکیران ماءنسی. فس اکو نق بالس کا فوق مو ماسیع ۲
ایکوت کرج ۲ مو.

تاپی باپق اورغ دالم فوق مو دتیاتیرا، تاء توروت فغاجران
جاھت سروف تو، فس تاء معاجمی هق فوق تو کات علمو
دالم هق هیبلیس. اکو ربی نی نق رویت کا فوق مو، کات:

- اکو تاءٰ سیر تمبه بري کھور برت لاکي، هق مو دوق تغکوغ
لاني. تافي مو کنا فکع بري کجتلہ اف هق اد ره تو، هيڠگ
سمفي اکو ماري فول.
- کا اورغ هق منغ ره، فس هق بوات توروت سمفي سود هق
مان اکو سوروه، اکو نق بري کواس کا ری سروف هق اکو
تريما ره دباف کو دلو، رتي کات. فس کواس تو نق بري
ري بوليہ مرينته اتس سموا بخسا.
- مان ۲ هق لاؤن دغන توهن فون، فوقاً هق تريما کواس
توهند تو نق مرينته، ستارا توغکت بسيي باج بوليہ کاتق
فربيوق تانه بري هنچور.
- فس اکو نق بري کا ری جوگ، بينتع هق تنداد نق چره.
اورغ هق اد تليغا، دغر بائيک لـه هق مان روح توهن دوق
رويت کا فوق ۲ المسيح!

فسنن کا فوق المسيح د بندر سارديس

- فس توليسله بالس نېي کفڈ ملاڳيڪه هق دوق مرينته فوقاً
اکو المسيح نېي د بندر سارديس فول: اينيله فسنن هق ماري
درفرد ری هق اد روح هق سمنفرن توجوه تنداد، سکالي لغنه
بينتع توجوه بوتير هق ری دوق گٺڪم تو. اکو تاهو ده
کرج ۲ فوقاً مو. فس بويپي کابر کات، فوقاً مو دوق هيڊوف
چارا بارو، تافي سسوڠوھن مو سروف اورغ هق ماتي ده.
- سابيٽ تو، باعون تمبله بري قواه سمولاه هق مان دوق
هيڊوف لاکي تو، تاکوت نق ماتي هابيس. کران فريواتن ۲
مو، اکو دوق تيليق تيغوق، تاءٰ اتمو لاکي هق توهن کو
کات فادن ده.
- برى کابرله کنا ايٺت کا هق مو تريما ره دلو تو، فس
بالس مان هق مو دغر. مو کنا بوات توروت هق تو، لغنه

فالیغ توبه درف دوسا ۲ مو. کالو مو مالس باگون توبه تو،
اکو ربی نی نق چوري ماري کا تمفت مو رعن مفجوت.

تافي اد جوگ سته اورغ دالم فواق مو حق تاء چونستیغ فکاین
بری چمر. فواق تو نق بولیه برجالن دوا اکو ربی نی،
رعن فکاین فوتیه تو، کران توهن کات، فواق تو سوئغ
فاتوت ده.

اورغ حق منع ده نق بولیه بوبوه فکاین فوتیه سروف نی،
فس اکو تاء هافوس نام دی درف سورت اورغ حق بولیه ده
هیدوف چارا بارو تو. اکو نق معاکو حال دی رافن باف
کو سکالی رعن ملا یکه ۲، کات دی جاري ملیق کو.
اورغ حق اد تلیغا، دغر بائیک ۲ له حق مان روح توهن دوق
رویت کا فواق ۲ المسيح.

فسنن کا فواق المسيح د بندر فيلاديلفيا

فس تولیسله بالس نی کفڈ ملا یکہ حق دوق مرینته اتس
فواق اکو المسيح نی، دبندر فيلاديلفيا فول: فسنن نی
ماری درف دی حق سوچی، دی حق سبیر. دیاله حق دوق
فکن انق کونچی راج را ود. بیلا دی بوک، تاء اد سئورغ
ها بوق حق بولیه کاتوف. بیلا دی کاتوف فون، تاء اد سئورغ
ها بوق حق بولیه بوک.

اکو تاهوره کرج ۲ فواق مو. اکو تاهو جوگ کات، ولو
کواس فواق مو سیکیت فون، تافي مو توروت فغاجران کو،
تاء درهاك کا اکو جوگ. اکو بوک ده ساتو فینتو انتوق مو
فس تاء اد سیاف بولیه کاتوف.

ننتی لغله حق اکو نق بوات کا فواق تو، حق کات دی
جاری اومنت اوکام یهولی، تافي سسوچکوھن دی جانی اومنت
ھیبلیس. دی بوھوغ ساج. ننتی اکو نق فقس دی ماري

4

5

6

7

8

9

سجود کا کاکی فوق مو، نق بري بی تاھو کات، فوق مولہ
hec اکو کاسیه.

10 نعن سابقت مو تاءً فوتوس توروت سوروھن کو، هق کات کنا
کاچغ دوق کجت تو، اکو فون نق بري مو سلامت درف فریاغ
سوسمہ هق نق ماری سوئی سموا اورغ اتس دنیا.

11 تاءً لام لاکی، اکو نق ماری فول. فکفلہ بائیک ۲ هق مان اد
رفواق مو تو. بیمیغ تاکوت اورغ نق ماری رمس مہکوت مو
hec توهن هدیه کا اورغ منغ تو.

12 اورغ هق منغ ده نق بولیه جانی سروف تیاغ هق کجت دالم
تمفت سمبہ کا توهن کو. فس اکو تاءً بري چابوت ده. اکو
فون نق تولیس اتس بی تو، نام توهن کو، رعن نام کوت
تهن کو، سکالی نعن نام بارو هق اکو ربی نی. فس کوت
تهن تو، یائیت کوت جرسیم هق بارو، هق تورون ماری
درف توهن کو دشراک.

13 اورغ هق اد تلیغا، دغیر بائیک ۲ له هق مان روح توهن دوق
رویت کا فوق ۲ المسيح.

فسنن کا فوق المسيح دبندر لاے و دیکیا

14 فس تولیسلہ بالس نی کد ملائیکہ هق دوق مرینتھ فوق
اکو المسيح نی، دبندر لاے و دیکیا فول : اینیلہ فسنن هق ماری
درف دی هق گلر امین، سبب دی بري سلسی سموا هق توهن
جنجی، دی هق جانی سقسی هق جوچور، رویت هق سپنر.
دیالہ جانی اصل سموا هق توهن بري جانی.

15 اکو تاھو ده کرج ۲ فوق مو. هاتی مو دوق دتشہ انتارا،
سروف ایر تاءً سجوق تاءً فانس. مولبیک کالو مو سجوق اتوا
فون فانس. تافی دق! کالو مو دوق سوام ۲، تاءً سجوق تاءً فانس
سعمور، تنتو اکو نق تولق فوق مو، سروف لوره ایر تاءً سدف

- کران فواق مو کات مو کاي ، دوق ماجو سعمور ، تاء کورغ اف 17
سکارا فون . تافي فواق مو تاء کابر کات ، سسوغکوهن ، مو سوسه ساعت ، مولیق سموا اورغ کسیاغ کا فواق مو !
مو مسکین تاء اف سکارا ، سروف مو تلنچع ، اتوا بوت .
- سابیت تو ، اکو رتی نی نصیحة کا فواق مو ، سوروه بليله مس 18
حق سجاتی راکو ، حق اوچی سیف ده ، باروله فواق مو نق
بولیه کای سوغکوه . فس بليله راکو جوگ ، کائین فوتیه حق بوات
تودوغ کمالوان مو کران تلنچع تو . فس بلي جوگ اوخت مات
حق بائیک راکو ، نق بري چلیق حق بوت تو .
- اورغ حق اکو کاسیجهله ، اکو اجر دی رعن حکومن . سابیت تو ، 19
کاچغ اوسھاله سوغکوه ، فس فالیغ تیغکل دوسا ۲ مو تو .
- دغره ! اکو رتی نی دوق دافن فینتو مو ، فس اکو دوق گرتوق 20
مینتا ماسوق . کالو اد سئورغ فون حق دغرسوارا کو ، فس
دی بوک فینتو تو ، اکو نق ماسوق کا دالم ، ماکن سکالی
رعن دی سلالو .
- اورغ حق منغ ده ، اکو نق بري کا دی بولیه دوق دتفی اکو 21
اتس تحت کو ، سروف اکو سنديري منغ ده فس لاني اکو
دوق دتفی باف کو ، دتحت دی .
- اورغ حق اد تلیغا ، دغرسائیک ۲ له حق مان روح توهن نق 22
رویت کا فواق ۲ المسيح .

فواق ایسی شرگ سمبه کا توهن

باب 4

- لفس فد تو فول ، توهن بري اکو يحیا نی نمفق ساتو 1
فینتو ، حق دوق تربوک دالم شرگ . فس اکو دغرسوارا بوبی
سروف سرونی ، سروف حق دغرس ده دلو تو ، حق کات :
نايقله سینی ، اکو نق تنجوق بري مو نمفق ، حق مان نق
جاری ، لفس فد نی !

با رى كات بالس تو، روح توهن فون تورون كواس دى ساللو
برى اكۆ نمفق اد سبواه تحت دشىگ تو. فس اد اورغ جوڭ
راتس تو.

موڭ رى برسينر سروف مات اينتن بليان. فس هق دوق كليليڭ
تحت دى تو، اد گان، هق نمفق سروف مات جمرود.

فس اد تحت هق لائين لاڭى، دوا فولوه امفت بواه، هق دوق
كليليڭ تحت سائنى. اورغ فون اد بلاك اتس تو، هق فريشكەت
رى كتوه. فكايىن رى فوتىئە جللق، فس رى فاكى مەھكۈت هق
بوات دغۇن مس.

فس تحت هق دوق دىتىغە تو، توبىيت چەپيا بركىلىت ۲ دغۇن
سوارا گوروه مانە. دافن تحت تو، اد توجوه فونتۇغ دامر،
هق دوق مپالا، يائىت روح توهن هق سەفرەن توجوه تىندا تو.
دافن تحت تو فول، نمفق سروف لاۋەت هق بوات دغۇن
چىرىمىن، هق بركىلىت سروف كاج. امفت تافن تحت تو فول،
اد مخلوق توهن هق مپاوا، امفت بىغسا. فس مخلوق امفت
بىغسا تو اد مات سكلىلىق توبۇه.

مخلوق هق مولا ۲ تو، روف رى سروف سېغا. هق كدوا،
روف رى سروف لمبۇ. هق كتىگ، موڭ رى سروف ماڭنسىي،
فس هق كامفت تو، روف رى سروف بورۇغ كاغق هق دوق
بۈگ ساييف.

مخلوق امفت بىغسا سائنى تو، اد ساييف ماسىيڭ ۲، انم
فونتۇغ. اتس باوه ساييف تو فون، اد مات بلاك. رى
فاكت دوق مپاپى سىياغ مالم تاڭ بىرھەنتى ۲، كات:

سوجى، سوجى، سوچىلە ربىتى، توهن يۇغ مەهاكواس.

دىالله هق دوق اد دولو، لانى، اتىوا كۈ دافن فون!
فواق امفت بىغسا تو دوق مپاپى لاكۇ ۲ دوق فوجى، دوق
حرمة، دوق اوچف تىرىما كاسىيە كا رى هق دوق اتس تحت

ساني تو، هق هيدوف سلام ۲. گنف ۲ کالي يي مپاپي تو،
فواق کتوا روا فولوه امفت اورغ فون، سجود حرمة کاري هق
دوق اتس تحت هق تغه، هق دوق هيدوف سلام ۲. رى
چابوت مهمکوت يي ماسیع ۲، لتق دافن تحت هق تغه تو،
بلغ ۲ کات:

يا ربى، يا توهن هق فواق اکو سمبه!

سموا هق مان اد، ربى بري جاني.

ایکوت کھندق ربى له، سموا تو دوق هيدوف بلاک.

سوغ فاتوته کيت هق جاري محلوق فون،

فاکت فوجي، حرمة دغن مقاکو کواس ربى!

باب 5

سورت هق گولوغ دوق برترى

فس اکو يحيا نمفق فول، سورت هق گولوغ دوق دالم
تاغن کانن يي هق دوق اتس تحت دتغه تو. دالم گولوغ تو
اد توليں فنوه، باليق تو، باليق نی، فس يي برترى دغن
ليلين توجوه تومغوق.

فس اکو نمفق ملائيکه هق کواس يي بسر، دوق کوسنر دغن
سوارا درس. يي تاث: سياف يي هق سوغ بوليه سکه ليلين
هق دوق برترى، بري تريوك گولوغ نی؟

تافي تاءاد سئورغ هابوق دشرك، دبومي اتوا دباوه بومي
سکالی فون، هق سوغ بوليه بوک گولوغن تو، تيفوق ايسي
دالم.

اكو يحيا ترياق هييگ سمني مغييسق، سبب تاءاد سئورغ
هق سوغ بوليه بوک گولوغن تو، نق تيفوق ايسي دالم.
تافي اد سئورغ دالم فواق کتوا ساني، هق رویت کا اکو
کات: جاغن ترياق! تيفوقله، اد سئورغ هق سوغ بوليه
سکه ليلين توجوه تومغوق هق دوق برترى تو، بري تريوك!

رياله حق اورغ گلر: سيغا حق فواق يهورا، دالم دوا بلس فواق بعسا اسراءيل تو، بري حق جاري كتورونن بسر حق راج راءود. بري منغ ده، فس ساپيت تو بري سوغ بوك.

6 فس اکو فالين نمفق انق کييس دوق برديري دتغه تحت تو. مخلوق توهن امفت بعسا سائني، سکالي دفن فواق کتوا فون دوق سکيلين بري. فس انق کييس تو نمفق سروف کنا سمبليه ده. بري اد تندوق توجوه فونتوع دغۇن مات توجوه بوتير، يائىت روح توهن حق سەفرن توجوه تنداد تو، حق کنا هنتر كىي سلوروه دنيا.

7 انق کييس تو فون كىي امبيق گولوغ دتاغن کانن حق دوق اتس تحت تو. تغه بري بوات بالس تو، مخلوق توهن امفت بعسا، سکالي دفن فواق کتوا دوا فولوه امفت اورغ تو، فاكت سجود رافن انق کييس. گئف ۲ اورغ دالم فواق کتوا تو، فكئ گمبوس سکالي دغۇن چاون مىس، حق اد كمنپىن فنوه دالم تو. فس كمنپىن تو، معنان دعا ۲ فواق حق جاري ميليق توهن.

8 سموا حق اتس تو فون فاكت پا پىي لاگو بارو كات:

يا انق کييس، موله حق سوغ فاتوت بوليه امبيق سورت گولوغ سگه بري تريوك ليلين ۲ حق دوق برتري تو. كران موله حق کنا بونوه ده، فس دفن ساپيت مو قربان پاوا تو، مو بوليه تبوس پاوا ما ئنسى، امبيق دالم گئف ۲ فواق، گئف ۲ بعسا، سلوروه دنيا فون، انتوق نق سمبە كا توهن.

10 مو لتق فواق حق مو امبيق تو بري جاري توء امام، حق فيمفيين اورغ ماري مغهارف توهن. فس مو لتق بري جوڭ، بري جاري تيتييس راج حق نق مرىنتە اتس دنيا !

11 سود بري پا پىي تو، اکو يحيا تىيغۇق لاڭى، فس اکو دغۇر سوارا

ملاءٰيڪه بريبو ۲ برجوٽا ۲، تاءٰ هابيس نق بيلع. يي دوق برديري سکلليين تحت تغه تو، منحولق توهن امف بغسا، سکالي نغن فواق کتوا سائني تو.

12 فس يي فاكت فوجي نغن سوارا درس کات:
انق کيس هق کنا سمبليه ده تو، سوغ فاتوت
کيت معاکو کات، کواس، کگيان، کبيجقساناين،
کقاون، سموا جاني هق يي بلاک!
سوغ فاتوت جوگ، کيت حرمة فوجي کا يي،
کات يي هق مليا سکالي!

13 لفس تو، اکو رغر سموا منحولق سلوروه ننيا، هق دوق دلاغيت،
اتوا ربومي، دالم تانه اتوا دالم لاعوت فون، سموا تو فاكت
کات:

کيت فوجي کا توهن هق دوق اتس تحت تو،
سکالي نغن انق کيس. سوغ فاتوت کيت حرمة کا يي،
کران دیاله هق بیع مها مليا، مهاکواس، بوات سلام ۲!
14 فس منحولق توهن امف بغسا تو فاكت کات: امين! فواق
کتوا فون سجود نق سمه کا يي هق دوق اتس تحت تو
جوگ.

باب 6 انق کيس سکه ليلين ۲ حق دوق برترى

1 لفس تو، اکو يحيا نمفق انق کيس سکه بري تريوك ليلين
حق مولا ۲ دکلوج تو، فس اکو رغر سا دالم امف بغسا منحولق
تهن تو، سبوت نغن سوارا درس، بوبي سروف کوروه، کات:
2 ماريله! فس اکو تيغوق نمفق سئيكور کورا فوتيه. اورغ نائيک
کورا تو، دوق فکع باور انق فانه. فس يي بوليہ سبواه
مهکوت. يي فون توبیت جاني سروف حق منع ده، تافي نق
منع لاکي.

3 بيلا انق کيس سکه بري تريوك ليلين هق کدوا، اکو رغر يي

4 هق کدوا دالم امفت بغسا مخلوق توهن تو کات: ماريله!
فس سئیکور کودا میره مپالا، توبیت ماري فول. اورغ هق نائیک
کودا تو، تفکوغ جواب دی، کا کی هارو اورغ اتش دنیا، بري
جاري بونوه مو اکو سام سنديري. فس دی بولیه فدغ سبیله،
هق بسر.

5 بیلا انق کیس سکه بري تریوک لیلین هق کتیگ، اکو رغر
سوارا دی هق کتیگ دالم امفت بغسا مخلوق توهن تو، کات:
ماريله! فس اکو تیغوق نمفق سئیکور کودا هیتم. اورغ نائیک
کودا تو دوق فکع کیلو منیبغ.

6 فس اکو رغر بوبی سروف سوارا هق توبیت دتغه امفت بغسا
مخلوق توهن تو، کات: اووه سهاري فادن بلی سچوقق برس
ساج! اتوا هق موره فد برس تو فون، بولیه بلی تیگ
چوقق سهاري. تافي جاغن بري نائیک هرگ میپق زیتون دغن
ایر بواه جابیت، بارغ هق مهل ره تو!

7 بیلا انق کیس سکه بري تریوک لیلین هق کامفت، اکو رغر
دی هق کامفت دالم امفت بغسا مخلوق توهن تو، کات:
ماريله! فس اکو تیغوق نمفق سئیکور کودا چای هیجو فوچت.
اورغ هق نائیک کودا تو، گلران دی: موت، فس توان دوق
جاگ تمففت اورغ ماتی فون توروت بلاکن. دوا تو بولیه کواس
اتس ماًنسی دالم دنیا، سکیان دالم امفت بکیان، نق بونوه
هق سکیان تو دغن جالن فرغ، کماراو، تورون فیاکیت تروق
اتس دی، اتوا فون لفس بناتغ بیغکیغ هق دوق اتس دنیا.
بیلا انق کیس سکه بري تریوک لیلین هق کلیم تو، دباوه
تمفت بوات قربان کا توهن، اکو نمفق روح اورغ هق کا
بونوه، کران دی رویت خبر بائیک هق توهن دغن تاً فوتوس
نائیک سقسي جوگ.

8 دی مناؤغ دغن سوارا درس کات: یا ریتی یغ مهاکواس، هق

سوچي، هق بنر گاتيق! لام مان لاکي کا ننتي، ربّي نق جاتوه حکوم اتس اورغ ۲ دننيا، بالس کا رې هق بونوه فواد کيت نې؟

- لفس تو، گتف ۲ اورغ هق مناءوغ ساءُني، بوليه باجو جوبه فوتیه، سلاي ۲ سئورغ، فس رې کنا سوروه دوق صبر سبنتر، ننتي هيٺگ چوکوف سمنفرن ده، بيلاغن ادیق براديق هق کرج کا توهن سروف رې، نق کنا بونوه سروف رې جوگ.
- بيلا انق کييس سکه بري تريوك ليلين هق کائنم تو، اکو تيغوق ت Moffic بومي دوق برکوچق تروق. متھاري جاري گلف سروف کائين فرغ هيتم، فس بولن فون جاري ميره سروف داره.
- بيمنتغ ۲ فول، جاتوه کا بومي سروف بواه ارا لوروه، فولس درېيوت. لاغيت فون کهور ۲ هيلغ سروف سبیدغ لاير هق کهور ۲ گولوغ نا، يك کا اتس. گونوغ ۲ دغن فولو ۲ فون براليه فد تمفت سديا.
- لفس تو، اکو نمفق راج ۲ دننيا، سکالي دغن فمرینته ۲، کفل ۲ عسکر، اورغ ۲ کاي، اورغ ۲ هق اد کواس، سموا هق جاري همب اورغ اتوا تاء بياس جاري همب فون، سموا تو کي منوسوف ديري دالم کوا ۲، اتوا دچله ۲ باتو دگونوغ.
- فواق تو مناءوغ مينتا، تولوغ دغن گونوغ ۲ باتو ۲ تو، کات: تينديمه له اکو! سوسوفله بري ليندوغ درف دا ۲ رې هق دوق اتس تحت تو، فس درف مرک انق کييس! کران هاري هق رې نق تورون مرک تو سمنفي ده، فس تنتو تاء اد سئورغ هابوق بوليه تركم کي لاون رې!

باب ۷ فواق اسرائييل هق سجاتي 144، 000 اورغ

لفس تو، اکو يحيا نمفق ملائكة امفت اورغ هق دوق برديري دامفت بوچو بومي، دوق ننتي تاهن اغين هق ماري

بوجوري ماسينغ ۲، تاء سير بري اغين مان ۲ سيف اتس بومي،
دالم لاوت اتوا سيف فوهون کايو فون .
فس اکو نتف ملائيکه هق لائين فول ، ماري دسله متھاري
نائیک . بی باواه بسي هق فوكول چف جاري تندتا توهن هق
دوق هيڊوف سعمور . بی فون رویت رفن سوارا درس کا
ملائيکه امفت اورغ تو ، هق توهن بري کواس کنا تغکوغ
جواب بواس خيانة کا دارت رفن لاوت .

ملائيکه سئورغ تو فون کات : جاغن خيانتلہ دارت رفن لاوت
اتوا فوهون ۲ کايو فون . ننتی کيت نق فوكول چف تندتا
تهن داهي اورغ ۲ هق کرج کا توهن دلو ، بارو بوليه خيانة !
فس اکو يحبا بوليه دغر ده ، سباپق ملن اورغ ۲ هق تندتا چف
ساٹني تو . جاري سراتوس امفت فولوه امفت ريبو اورغ سموا ،
هق توبیت کي فوكول چف دالم دوا بلس فوق هق بفسا
اسرائيل . فس توبیت کي فوكول چف دوا بلس ريبو اورغ
دالم گتف ۲ فوق تو ، یايت فوق یهمورا ، فوق ریوبین ،
فوق کاد ، فوق اشير ، فوق نفتالي ، فوق مناسیه ، فوق
صیمیون ، فوق لیوی ، فوق ایسکار ، فوق زبولون ، فوق
یوسف ، فس هق سود سکالی فوق بینجامین .

فوق رامي تاء هابیس نق بیلغ

لفس فد تو فول ، اکو يحبا تیغوق نتف هق اورغ دوق
ستومفوق رامي ، تاء هابیس نق بیلغ . اد هق ماري گتف ۲ فوق ،
گتف ۲ نکری ، گتف ۲ بهاس هق کیچیق سرات دنیا فون . فس
اورغ هق ستومفوق تو دوق مغهارف تحت رافن انق کیبس .
بی فاکی باجو لابوه فوتیه ، فس دتاغن بی فکن فلفر ۲ تامر .
بی فاکت مناونغ رفن سوارا درس کات : توهن هق دوق اتس
تحت ، رفن انق کیبله ، هق بري کيت سلامت !

- سموا ملائیکة دوق برديري سکلیلیغ تحت تو. فوق کتوا سکالی
رغن منحولق توهن امفت بخسا دوق اد دالم تو. فس فوق
ملائیکة فاکت سجود تحت تو، رغن سمبه کا توهن، کات:
11 سوغ فاتوتله کيت فوجي توهن، کران ری مليا رغن
بیچقسان تو. سوغ فاتوتله کيت اوچف تريمما کاسیه
کا ری رغن حرمه، کران ری اد کواس سلام ۲۶، امین.
12 لفس تو، اد سئورغ دالم فوق کتوا تو، تان اکو يحیا کات:
13 سیاف ری، اورغ ۲ نی، هق فاکی جوبه فوتیه تو؟ ری ماری دمان؟
اکو يحیا فون جواب کات: امب تائتاھو توان، توانلھ هق تاھو.
14 ری فون رویت کا اکو کات: اورغ ۲ نیله هق بیاس منع ده تکه
ری کنا پاش تروق تو. ری باسوه ده فکاین ری بري چوچی
فوتیه، رغن ساپیت داره انق کیس تو.
15 رغن ساپیت توله، ری بولیه مغهارف تحت توهن، دوق کرج
کا توهن سیاغ مالم، دتمفت سمبه کا ری تو. فس توهن هق
دوق اتس تحت تو نق فرلیندوغ فوق تو، بري بولیه دوق سنغ.
ری تاء کنا لافر اتوا رھاک فون، ری تاء راجین کا متھاري،
16 اتوا فانس تریق ستارا مان فون ری تاء کنا جوگ.
کران انق کیس هق دوق دتفه تحت تو نق جاري سروف
17 توان پیریغ هق مولیق، نق هیلق ری کی چاری ایر، دتمفت
ایر توبیت سعمور. فس توهن سندیری ماری نق سافوس ایر
مات ری بري هیلیغ هق بري ری تریاق تو.

باب 8 انق کیس سکه لیلین هق کتجوھ

- 1 بیلا انق کیس سکه بري تریوک لیلین هق کتجوھ تو،
سموا دشراگ فون دوق سیپ سوپی، لبیه کورغ ستغه جم.
لفس تو، اکو نمفق فوق ملائیکة تجوھ اورغ، هق دوق
2 مغهارف توهن سعمور تو، فس ری بولیه سرونی، سفونتوغ ۲

سئورغ . ملائیکة سئورغ لاگی فون ماري دوق برييري ، دتمفت
بوات قريان . يي دوق فکع بكس بوه کمنپن ، هق بوات دغنه
مس . فس يي بوليه کمنپن باپق ، نق بري بوليه کاول دغنه
دعا ۲ اورغ ۲ هق جاري ميليق توهن ، انتوق نق سره دتمفت
قريان ، هق بوات دغنه مس تو ، هق دوق درافن تحت .
فس اسف کمنپن هق توببيت دالم بكس دتاغن ملائیکة ، هق
دوق مغهادف توهن تو ، نائيك سکالي دغنه دعا ۳ فوقاق هق
جاري ميليق توهن .

فس ملائیکة امبيق بكس کمنپن تو ، کي بوه بارا افي هق ار
دتمفت بوات قريان ، بري فنوه . فس يي تاهوق سموا تو کا
بومي . با يي تاهوق تو ، سوارا یوپي درس ، کوروه مانه ،
کيلت فيات ۲ ، بومي فون برکوچق .

سروني توجوه فونتوع

لفس تو . ملائیکة توجوه اورغ تو امبيق سروني يي سيمفن
نق سيف . ملائیکة هق مولا ۲ سيف سروني يي . هوجن
باتو دغنه افي هق چمفور دغنه داره فون رميس تورون کا بومي .
فس بومي فول ، سکيان دالم تيگ بکيان ترباکر هابيس . فوهون ۲
کایو فون سکيان دالم تيگ بکيان ترباکر هابيس جوگ ، فس ،
رمفوت ۲ هق هيچو اتس بومي فون هاغوس هابيس .

ملائیکة هق کدوا فول سيف سروني يي . فس ار سکارا هق
روف سروف گونوغ بسر دوق مپالا ، کنا تاهوق دالم لاءوت .
فس سکيان دالم تيگ بکيان اير لاءوت جاري داره . سکيان دالم
تيگ بکيان هق هيديوف دالم لاءوت فون ممفوس . فس سکيان
دالم تيگ بکيان کفل فونه هابيس .

ملائیکة هق کتيگ فول ، سيف سروني يي . فس بيئثع هق
بسن سبوتير ، مپالا تورون دلاغيت سروف دامر ، جاتوه

3

4

5

6

7

8

9

10

- اتس سکیان دالم تیگ بکیان سوغيي نغن اير مات حق توبیت
اتس دارت. نام بینتغ تو، فيدو . سکیان دالم تیگ بکیان اير
فون جاري فاهیت، فس باپق اورغ ماتي کران اير فاهیت تو.
12 ملايکه حق کا مفت فون سیوف سروني يي فول. فس ساپیت
سیوف تو، سکیان دالم تیگ بکیان متھاري، بولن، رفن
بینتغ^۲، چهيا يي هيلغ. سیاغ هاري فون کورغ چره فد دولو،
سکیان دالم تیگ بکیان، چهيا يي تو. مالم فول سروف تو
جوگ، کورغ چره فد دولو.
- 13 لفس تو، اکو يحیا نمفق ، فس اکو دغر، سئیکور بوروغ کاغق
حق دوق تریغ تیغکی اتس اودارا، فس يي دوق سبوت دغن
سوارا درس کات: نق تروق ، هابیس^۲ چیکف تروق کا اورغ
حق دوق اد لانکي اتس بومي ، تکه يي دغر سوارا حق ملايکه
تیگ اورغ لانکي تو دوق نق سیوف.

باب 9 بوبي سروني حق کلیم ، حق کا نام

- 1 ملايکه حق کلیم فون سیوف سروني يي ، فس اکو نمفق
بینتغ سبوتیر حق ماري اتس لاغیت ، جاتوه کا بومي . فس
يي بولیه انق کونچي حق بوات بوک فینتو لویغ لمبوج حق
تا اد فنتت ، تمفت شیطان^۲ دوق ننتی هاري قیامة .
- 2 بینتغ تو فون بوک فینتو لویغ لمبوج حق تا اد فنتت ساءاني .
اسف توبیت باپق دالم تو، سروف حق توبیت تمفت اورغ
منغا ، سهیغک متھاري دغن اودارا فون جاري گلف ،
فرليندوغ داسف حق توبیت دالم لویغ تو .
- 3 فس حق توبیت ماري دالم اسف فول، جاري بلالغ^۲ دوق
برجالن اتس بومي . فس يي بولیه کواس سروف دغن کواس
کالا چشكیغ . فس يي بولیه لارغ ، جاغن خیانة رمفوٹ اتس
بومي ، اتوا فوهون^۲ کایو ، اتوا تنانم مان^۲ فون .

حق بلالغ بوليه حيانه، ماءنسبي حق تاءاد تندا فوكول چف
تهن داهي ساج .

5 تاءبنر بري بلالغ تو بونوه اورغ ۲ نی، تافي حق نی بوليه،
برى سيقسا ساج سلام ليم بولن . ساكيت تو بوليه بندیع
سروف رغن اورغ کتيق دکلا جشكينه .

6 دالم فرياغ ليم بولن تو، ماءنسبي دوق نق کا ماتي، تافي
تايله. رى براس دوق نق تركم موت، تافي موت تو نق
مپليت کي کا لائين .

7 بلالغ ۲ تو، روف نی سروف کودا ۲ حق دوق سيف ده نق
برلاون . اتس کفلا نی ماسيغ ۲، اد روف سروف مهکوت حق
بوات رغن مس . موک ۲ رى سروف ماءنسبي .

8 ربوبت رى فنجع سروف اورغ بتينا، کيکي نی فون سروف کيکي
سيغا . تافيه رارا رى برسيسيق سروف باجو بسي . فس
بويي سوارا تزيع فول ، سروف سوارا کريتا کودا باپق بوتير،
تركم ماسوق نق لاون .

9 ايكور رى اد سفت حق بيسا سروف کلا جشكينه . فس ايكور
ني توله حق اد کواس بري ماءنسبي سيقسا ساكيت سلام ليم
بولن .

11 رى اد راج حق دوق مرینته اتس رى . فس راج نی، يائيت
ملائيكه حق اد تغکوغ جواب توڠکو لوينه لومبوغ حق تاءاد
فنتت ساءتي . نام رى رغن بهاس عبراني : ابادون ، رغن
بهاس گريک : افوليون . کدوا تو، معنا نی: حيانه .

12 سوده ده بالا حق نی . فس اد دوا لاكى حق دوق هارف .
13 ملائيكه حق کاءنم فون سيف سروني نی، فس اکو رغن
سوارا حق توبيت دتندوچ ۲، دامفت بوچو تمفت قريان
حق بوات رغن مس ، حق دوق رافن توهن تو .

14 سوارا تو سوروه ملائيكه حق کاءنم ، حق سيف سروني

سائني، کات: لفسله ملائيکه امفت اورغ تو، حق دوق کا
ایکت دتفي سوغي بسر هق نام فرات تو.

امفت اورغ ملائيکه هق دوق کا ایکت تو، دی دوق سيمفن
سيف لام ده، ننتي تاهون مان، بولن مان، هاري مان، جم
مان فون، هق توهن لتق بري دی بوليه کي بونوه سکيان
رالم تيگ بکيان ماء نسي اتس دنيا.

15 فس سموا فواق هق نائيک کورا توروت دی کي فرغ تو، اکو
رغر ده بيلاغن دی، سباپق دوا راتوس جوتا اورغ.

16 فس جاري بالس نيله، کورا ۲ هق اکو نمفق سروف دالم
ميمني تو. اورغ ۲ هق نائيک کورا تو فاكې باجو بسي، سلاهي
تيگ چهيا، ميره سروف افي، بيرو سروف ميات نيلم، فس
كونيغ سروف بليرغ بوسوق. کفلا کورا سروف کفلا سيفا،
فس هق توبيت دالم مولوت دی تو، افي، اسف دغن بليرغ.
فس افي، اسف، بليرغ هق توبيت دالم مولوت کورا سائني
تو، جاري بالا تيگ فركارا، هق بونوه سکيان دالم تيگ
بکيان ماء نسي اتس دنيا.

17 کران کواس کورا تو دوق دالم مولوت کاتيق، دالم ايکور کاتيق.
هوجوغ ايکور دی سروف کفلا اولر، فس کو کفلا تو دی
بوات سيقسا کا اورغ.

18 تافي ماء نسي دوا بکيان لاکي، هق تاء کا بونوه دبالا تو،
دي تاء تيغکل کرج ۲ هق دی بوات سنديري، یاپيت برھالا ۲
هق بوات دغن مس، فيرق، تمباگ، باتو اتوا کايو، ولو
دي تاهو کات برھالا ۲ تو تاء ليه نمفق، تاء ليه رغر اتوا تاء
ليه برجالن فون. فس سمبه کا شيطلن ۲ فون، دي تاء برھنتي
جوگ. دی دوق کاچن بونوه اورغ، خيانة کا اورغ، بوات
چافوغ اتوا چوري فون دغن تاء فوتوس.

ملاييكة حق باوae کولوغ کچيك

باب 10

لفس تو، اکو يحیا نمفق ملاييكة سئوغ لاکي، حق کواس
ري بسر. ری دوق تورون دشرك، فس دوق سليموت نغن
اون. باليق اتس کفلاري اد کان. موک ری برسينر سروف
متھاري، فس کاكى ری سروف تياع حق تويت افي لار2.

ري دوق فکع کولوغ حق کچيك هق تريوك ده. فس کاكى
کان ری لتق دالم لاوت، کاكى کيري لتق اتس دارت.
فس ری سرو بويي درس سروف سيعا دوق مناوغ. بلغ ۲
ري سرو تو، گوروه دتوجهه تمفت جواب سکالي، سروف
رغن سوارا سا.

لفس فد گوروه جواب تو، اکو يحیا فون سيمفن نق تولييس،
تافي اد بويي سوارا هق ماري دشرك، لارغ اکو کات:
کاتوفله! جاغن تولييس بري تريوك هق گوروه توجهه تو بويي
سائني!

فس ملاييكة هق اکو نمفق دوق ترکيچكىغ ساءني تو، ری
اڭكىت تاغن کان نايكى كا لاغىت، جاري تندانق برسومفه
اتس نام توهن هق دوق هيدوف سعمور، توهن هق بري
جاري لاغىت، بومى، لاوت سکالي رغن سموا هق مان اد،
باوه اوغكوف لاغىت نى.

ملاييكة کات: تاءکنا ننتى لاكى! با ملاييكة هق كتتوجهه تو
سيوف سرونى رى، نق جاري سلالو هق توهن چارغ نق
بوات تو، رهسيا هق رى بوک ده کا نبي ۲ رى دولو!

فس اکو دغرسکالي لاكى، سوارا هق ماري دشرك تو، سوروه
اکو کات: گيله، أمبىق سورت کولوغ هق دوق تريوك دتاغن
ملاييكة هق دوق ترکيچكىغ دالم لاوت رغن دارت تو!
اكو فون کي کا تمفت ملاييكة، فس اکو مينتا، رى بري کا اکو

1

2

3

4

5

6

7

8

9

گولوغ کچیک تو. بی کات کا اکو : امبیقله، ماکن، گولوغ نی!
تکه روق دالم مولوت تو، نق مانیس سروف مانیسن مادو،
تافی بیلا ماسوق دالم فروت ده، نق ماسم بري موار.
اکو فون امبیق گولوغ کچیک دتاغن ری، ماکن سلالو. دبیپیر
مولوت کو براں سروف مانیسن مادو. تافی بیلا تلن ده براں
مامس، جانی موار فروت.
اکو فون بولیه تاهو کات، کنا گی رویت سکالی لائی، بري میمی
فرمان توهن رافن اورغ ۲ باپق نکری، باپق بخسا، دغن راج ۲
فون .

باب 11

چارا حال دوا اورغ سقسی

لفس فد تو، اکو یحیا بولیه کایو فشوکور، روف ری
سروف توغکت. فس اد سوارا سوروہ اکو کات: باعونله! گی
اوکور تمفت سمیه کا توهن، دغن تمفت بوات قربان، فس
کنا کیرا جوگ، باپق مان اورغ ۲ حق سمیه کا توهن دالم تو.
تافی تاء سه اوکورله لامن ۲ دتغی تمفت سمیه کا توهن. کران
حق تو چارغ کا فوقاً ۲ حق تائسیر کل توهن، دودوق .
سلام امفت فولوہ دوا بولن، فوق تو نق برجالن گوفوہ کافه
دالم کوت حق فغکیل سوچی تو، بالیق لوار فد تمفت سمیه
کا توهن .

فس توهن کات، فد ماس تو جوگ، ری نق هنتر دوا اورغ
سقسی، حق فکاین ری کائین بنغ کاسر، فس نق بري ری
کواس بولیه میمی فرمان توهن، سلام سریبو دوا راتوس انم
فولوہ هاری تو.

دوا اورغ حق جانی سقسی سائني، یائیت میسل سروف فوهون
زیتون دوا فوهون، اتوا تیاغ فلیتا دوا فونتوع تو، حق روق
رافن توهن، حق جانی ریتی اتس بومی .

دوا اورغ سقسي تو سمبور دغۇن افي، حق توبىت دمولوت يى،
ブリ فونه هنچور ھابىس اورغ مان حق جانى سترو يى، بوات
خيانة کا رى. تنتو سياف ۲ حق بوات خيانة کا رى بالس مان ۲
فون، نق کنا بونوه سروف تو جوگ.

يى اد کواس بوليه کاتوف لاغىت تاء بري هوجن، سلام يى
دوق مېمفي فرمان توهن تو. فس يى اد کواس اتس اير مات
مان ۲ فون، نق اوپه اير تو بري جاري داره. اتنى بومى فول
يى اد کواس جوگ، بوليه تورون بالا ماچم ۲ ~~بىلە~~، بىلا ۲
فون ايکوت كەندىق يى.

سلسى بلاك دە حق يى دوق نائىك سقسي کا اورغ تو، بارولە
بناتغ هق نائىك توبىت دالىم لوپۇچ لومبۇغ هق تاء دەفتت تو،
نق کي بىلەن دغۇن سقسي دوا اورغ تو. فس بناتغ منغ،
بونوه سقسي تو.

مايت ۲ سقسي نق دوق تىيارىغ دتفي جالن، دالىم كوت بسر،
تمفت ربىي يى کنا بونوه دكايو امفت چابۇچ دولو تو. فس
نام بىندر تو، اورغ نق گلر فەتكىل : صوروم، اتوا مصىر.
فس اورغ ۲ دباپق نگرى، باپق فوق، باپق بىغسا فون، نق
فاكت ماري اينتى مايت ۲ تو، هييغى سەمىي تىك هارى ستغە،
تاء بىنر بري تانم يى.

فس اورغ ۲ حق دوق اد اتس بومى لاڭى تو، براس موجور كران
دوا اورغ سقسي تو ماتى. يى فاكت راي، فس هدىه بارغ کي
مارى مواكو، سېب دوا اورغ سقسي تو بىاس مېمفي فرمان
توهن کا رى، بري سوسە.

تافى لفس فد تىك هارى ستغە تو، نفس هق ماري دتوهەن
ماسوق دالىم توبىه مايت بري هيدوف. يى فون باغۇن بىرىرى.
فس سموا اورغ هق نەفق، براس تۈركجۈت تاکوت ساڭت.
لفس تو فول، دوا اورغ سقسي سائىنى دغۇر سوارا درس، هق

ماري دشرنگ ، دوق کات کا ری: ماريشه نائيک کا اتس نی!
تغه سترو ۲ ری دوق تیغوق ، ری فون نائيک ماسوق دالم اون
کی کا شرگ .

13 تکه تو جوگ، بومي جاني برکوچق تروق. دالم کوت تو سگيان
دالم سفولوه رونتوه هابيس. توجوه ريبو اورغ ماتي ، دفن
سابيت بومي برکوچق تو. فس اورغ ۲ حق دوق اد لانگي تو،
دوق تاکوت کتر کتالينغ. ری فون فوجي کا توهن حق دوق اد
در شرگ، مفاکو کات کواس توهن بسر سوغکوه.

14 سوره بالا حق کدوا تو. فس حق کتیک تغه دوق هادر.

ملائیکہ حق کتوجوه سیوف سروني ری

15 ملائیکہ حق کتوجوه فون سیوف سروني ری، فس دالم
شرگ اد سوارا ۲ حق درس کات:

لانی سمنی ده ماس حق توهن امبیق ده فرینته ری
دالم دنيا. کواس تو دوق دتوهن ، فس دوق
دلمسیح حق توهن جنجی نق جاني راج تو!
دیاله حق نق مرینته بوات سلام ۲!

16 فواق کتوا دوا فولوه امفت اورغ، حق دوق اتس تحت ری
رافن توهن توفون ، سجود نق سمبه کا ری کات:

17 یا ریئی ، توهن یئع مهاکواس، حق اد سعمور، دری
اوال سمنی کا لانی فون ، فواق اکو ماري نق اوچف
تریما کاسیه کا توهن ، سبب توهن امبیق دوق فاکی
ده ، کواس یئع بسر تو ، نق مولا ی مرینته دفن سمنفرن.
دولو ، فواق ۲ حق تاء کتل توهن نائيک فانس ، براں نق
موریه ، تافي لانی ، ماس توهن نق موک سمنی ده !
فس سمنی ده جوگ ، ماس توهن نق کرت سین اتس سموا
اورغ ماتي. اورغ ۲ حق کرج کا توهن ، دفن اورغ ۲ حق

تريما نعمه بوليه مېمفي فرمان توهن، دغۇن سموا
حق جادى مىلىق توهن حق سمبە کا رى كچىك بىسر
فون، نق بوليه هدىه بلاك. تافي اورۇڭ ھق بىياس
خيانة برى ھنچور بومى، سەمفى رە فرياغ رى
سندىرىنى نق كىا ھنچور فول!

سود ھق رى كىچيق تو، تربوک سلالو تمفت نق سمبە کا
توهن دشىرىگ. فس دالىم تو بوليه نەفقى فتى ھق بوات تاروه
فرجنجىن توهن لۇغۇن ماڭنىسى تو. تىكە تو جوڭ، كېلىت فىيات،
كۈروھ سكالىي لۇغۇن يانە، بومى برکوچق، ھوجۇن باتو فون تورۇن
لېت سلالو.

اورۇغ بتىينا لۇغۇن ناڭ

باب 12

1 لفس تو، تىيمبۇل دلاغىت سكالارا ھق فليق ساڭشت. اد سئورۇغ
بتىينا، فاكايىن رى متىهارى. باوه تافق كاڭىي رى اد بولن، فس
اتس كفلا رى، بىيىتىغ دوا بىلس بوتىير، ھق جانى مەھكوت رى.
2 اورۇغ بتىينا تو ساڭىت دىكت نق براڭق، فس سىقىسا رى ترۇق،
ھىفەنگ سەمفى ترىياق.

3 فس تىيمبۇل سا لاڭىي دلاغىت ھق فليق ساڭشت. اد سئىكۈر ناڭ
مېرە ھق بىسر. كفلا رى توجوه بوتىير، تتدوق سفولوھ فونتۇغ.
4 فس اتس كفلا رى توجوه بوتىير تو، اد مەھكوت توجوه بوتىير.
ايکۈر رى فول دوق كائوت بىيىتىغ دلاغىت، سكىيان دالىم تىك
بىكىان، رىمسى كا بومى. فس رى دوق بىرىرى دافن اورۇغ بتىينا
ھق تەھە نق براڭق تو، دوق نىنتى نق سىمبر، نق ماڭن،
بىلا انق تو توبىيت.

5 اورۇغ بتىينا تو فون براڭق جىتنىن، ھق جانى تىيتىس راج،
ھق نق مىرىنتە اتس سموا بىغسا، ستارا توغۇكت بىسى ھق
باچ كرس تو. فس، با توبىيت تو، اد ساتو كواس چرافر

رولو، باواه ناءيك لتق اتس تحت دافن توهن .
مق ری فون لاري کي دودوق دالم فادغ فاسير، دتمفت حق
تهن چارغ انتوق نی. دسيتوله توهن فيرا نی، سلام
سربيو دوا راتوس انم فولوه هاري .

موسوه بسر دشريگ

لفس تو، دشريگ جاري موسوه بسر. ميكائيل رغن فواق
ني دوق لاون رغن ناگ تو. فس ناگ سکالي رغن ملاعيکه ۲
حق دوق سبله نی، لاون جوگ .

تافي ری هاله کا فواق ميكائيل تو، فس ناگ رغن ملاعيکه ۲
ني تو، توهن تاء بنر بري دودوق دشريگ ده .

سابيت تو، ناگ حق بسر تو کنا بواغ تاهوق . دیاله حق
جاري اولر جق ماس رولو تو. جيلا، نی حق گلر هيبليس،
اتوا کفلا شيطان ۲، حق دوق منيفو اورغ سلوروه دنيا . نی
کنا ربمس کا بومي، سکالي رغن ملاعيکه ۲ حق دوق سبله نی.
فس اکو يحیا نی دغر سوارا درس حق ماري دشريگ کات: لاني

سمفي ده ماس حق توهن بري سلامت کا فواق حق جاري
ميلاق نی. لاني سمفي ده ماس حق توهن تنじوک کواس
ني جاري راج . لاني سمفي ده ماس حق المسيح حق توهن
جنجي تو، نق تنじوک کواس نی جوگ . کران هيبليس حق
بياس دوق تودوه اديق براديق دالم ميليق توهن، دافن توهن
سياغ مالم تاء فوتوس ، دیاله کنا بواغ توبیت دشريگ فول .

اديق براديق تو فون لاون رغن نی، فس منع ده، کران نی
اميقي جاس داره انق کيس تو، فس رغن کران فواق تو
ناءيك سقسي رویت حق سبنر. ولو کنا بونوه فون، نی جوغ
سره پاوا نی .

سابيت تو، هي شريگ ! مو سوك هاتيله، سکالي رغن سموا

حق دوق رالم مو ! تافي بومي دغن لاوت فول، مو جاگاله !
نق تروق سوغلکوه ، کران هیلیس تورون دوق مغاموق . ری
تاهو ره کات ، ماس نی تاء باپق ده .

13 بیلا ناگ کابر کات ری کنا ربیس ره کا بومی، ری فون توروت
چاری نق امیق اورغ بتینا هق برانق جنتن ساء نی .

14 تافي اورغ بتینا تو، توهن بري ری تومبوه سایف ، سروف
کاغق بسر، بري ری بولیه تریغ لاری کا ناگ، کی دودوق رالم
فادغ فاسیر، دتمفت هق توهن چارغ انتوق ری تو، نق
فیرا ری سلام تیگ تاهون ستغه .

15 لفس تو، ناگ فون سمبور ایر بري جاري به، کو اورغ بتینا
تو، نق بري ری هاپوت . تافي بومی کسیاغ کا اورغ بتینا

16 بوک مولوت ، ایسف ایر، بري کریغ هق ناگ سمبور سائني تو.
17 ناگ فون کهور ۲ موزیه لاکی کا اورغ بتینا ، فس توبیت نق
لاون دغن انق ۲ لاين هق اورغ بتینا تو، یائیت سموا اورغ
هق توروت حکوم ۲ توهن ، فس نائیک سقسی رویت هق مان
عیسی بري پات کا ری .

18 فس ناگ تو دوق ننتی دفتی .

بنانغ سئیکور جاري وکیل ناگ

1 باب 13 اکو یحیا فول نمفق بنانغ سئیکور هق تیمبول رالم
لاوت . ری ادر تندوق سفولوه فونتوع ، ک فلا توجوه بوتیر.
اتس تندوق ماسیع ۲ اد مهکوت ، فس اتس ک فلا توجوه بوتیر
تو، اد تولیس نام ۲ هق کجي .

2 بنانغ تو، روف ری سروف ریمو بینتغ ، کاکی ری سروف
کاکی برواغ ، فس مولوت فول سروف مولوت سیغا . بنانغ
نیله هق جاري وکیل ناگ، هق ناگ بري تحت کا ری ، فس
بری کواس بسر کاتیق .

3 سبؤتير دالم توجوه بوتير كفلا بناتع تو، نمفق سروف اد
لوك تروق ، ستارا تنتو كا ممفوس . تافي لوک ستارا كا
ممفوس تو ، لاني ترڪاتوف ده ، فس ماءنسى سلوروه دنيا توروت
بناتع تو ، فس براس ترھيزان جوگ .

4 سموا اورغ سمبه کا ناگ ، سبب ناگ تو سره کواس يي کا بناتع
برى جاري وکيل يي . فس فواق تو سمبه کا بناتع فول کات:
تنتو تا اد سياف هق سام تيڭى رغۇن بناتع يي . تا اد سياف
بوليه منغ رغۇن يي !

5 سلام امف فولوه دوا بولن ، بىنر بري کا بناتع تو سبوت هق
سومبوغ رغۇن . هق كجي ، فس بوليه فاكى کواس يي هق جاري
وکيل تو .

6 مولا يي كجي کا توهن ، کا نام يي ، کا تمفت توهن دودوق
سکالىي رغۇن سموا هق دوق دالم ليڭكۈئن توهن دسيتىو .
7 دالم فرياغ تو فون ، بناتع بوليه كى بىلارون رغۇن اورغ ۲ هق
جاري ميليق توهن ، فس يي منغ . يي بوليه جوگ کواس اتس
كىف ۲ فواق ، كىف ۲ نكىي ، سکالىي رغۇن كىف ۲ بىغسا ماءنسى .
8 سموا اورغ هق دوق اتس دنيا فون نق سمبه کا بناتع تو ،
يائىت اورغ مان ۲ هق نام يي تا ماسوق دالم سورت اورغ
هق بوليه ده هيىدوف چارا بارو . نام ۲ هق اد ده دالم
سورت تو ، يي کا توليس بلوم فد دنيا اد لاكتى . فس سورت
تو جاري ميليق انق كېيس هق کا سمبليه تو .

9 سابىت تولە ، اورغ هق اد تلىغا ، رغۇن با يك لە !

10 اورغ مان هق جنجى يي کا اىكت ، مستىن کا اىكت . اورغ
مان هق امىبىق فدغ نق بونوه اورغ ، يي فون نق کا بونوه
رغۇن فدغ جوگ . سبب نيلە ، اورغ ۲ هق جاري ميليق توهن ،
کا اود سمفى سود ، رغۇن فكەن كجت هق يي فرچاي تو !

بنانغ سئيكور لاكى تيمبول دالم تانه

- 11 لفس تو، اکو يحيا نمفق سئيكور لاكى بنانغ حق تيمبول دالم تانه. رى اد تندوق دوا فونتoug سروف تندوق يېرىغ، تافي سوارا رى فول سروف سوارا ناڭ.
- 12 بنانغ حق كدوا نى امبىق كواس بسر دبنانغ حق مولا ۲ تو. فس دافن مات بنانغ حق مولا ۲ تو، بنانغ حق كدوا فون كى فقسما سموا ماءنسى اتس دنيا ماري سمبە كا بنانغ حق مولا ۲، حق گاتوف رە لوڭ رى تو.
- 13 بنانغ حق كدوا ساءنى بوات فركلارا فليق ۲ بسر، ستارا بري افي ماري اتس لاغيت تورون كا بومى فون، دافن مات سموا ماءنسى.
- 14 جاري، بنانغ حق مولا ۲ تو بىر بري بنانغ حق كدوا بولىيە بوات فركلارا فليق ۲ ساءنى، فس كۆ جالن نى، رى بولىيە منيفو سموا اورغ حق مان دوق اد اتس بومى. رى سوروھ سموا اورغ تو بوات فاتوغ، دغۇن روف بنانغ حق لوڭ كىا فدغ تافي تاء ممفوس تو.
- 15 بنانغ حق كدوا تو فون، اد كېنران بولىيە سيوف نفس دالم فاتوغ تو بىر بولىيە بىركىچيق. فس رى سوروھ بونوھ اورغ مان ۲ حق تاء جوغ سمبە كا فاتوغ تو.
- 16 رى فقسما سموا ماءنسى كچىك اتوا بسر، كاي اتوا مسىكىن، حق جاري همب اورغ اتوا حق تاء بىاس جاري همب فون، سوروھ تېفيق تىندا اتس كورا تاغۇن كانى، اتوا دىاهى فون.
- 17 فس اد اوندغ ۲ كات اورغ تاء لىيە جوال، تائىلە بلى، ملينكىن اد تىندا حق تېفيق سائىنى تو، يائىت نام بنانغ، اتوا نومبۇر نام رى تو. مىستى كا بىيچق، كالو نق تاھو بولىيە فەم فركلارا نى.
- 18 كالو سيايف بىيچق فندى كىرا، رى نق بولىيە ارتى معنا نومبۇر بنانغ ساءنى تو. نومبۇر رى تو، نومبۇر حق ماءنسى، يائىت 666.

فواق انق کیس پا پی لاکو حق بارو

باب 14

لفس فد تو فول، اکو يحیا نمفق انق کیس دوق برديري
اتس بوکیت صیون، سکالی رغن سراتوس امفت فولوه امفت ریبو
اورغ، حق اد تیفیق نام انق کیس رغن نام باف ری، رداھی
گفت اورغ.

فس اکو رغرسوارا حق ماري دلاخت، بوپی سروف رغن ۱ و مبق ۲
دوق یدر، اتوا سروف گوروه دوق مانه. فس حق اکو رغ
تو، بوپی سروف رغن اورغ رامي دوق مائین گمبوس جوگ.

سراتوس امفت فولوه امفت ریبو اورغ سائني، دوق مفهارف
تحت توهن، رافن امفت بعسا مخلوق توهن سکالی رغن
فواق کتوا تو. فس فواق حق دوق مفهارف تو فاکت پا پی
لاکو حق بارو. لاکو حق ری پا پی تو، اورغ لائین تائيني
سبوت، ملينك اورغ حق دوق دالم فواق سراتوس امفت فولوه
امفت ریبو اورغ تو، حق توهن تبوس ده پاوا ری دالم دنيا.
فواق اورغ رامي سائني تو، ری اورغ حق دوق سوچي، بوليه
بندیع رغن انق ترونا تاء بیاس ستوبوه دغن اورغ بتینا لاکي.
ری توروت کي بلاکن انق کیس سعمور. توهن تبوس ده
پاوا ری دالم سموا مائنسی، نق بري دوق سوچي انتوق ری،
فس انتوق انق کیس تو، سروف فاري حق مولا ۲ مغتم
تاروه نق فاکي انتوق توهن ساج.

فواق نی تاء بیاس بو هوغ، ری تاء سیلف سکارا.

حال ملايکة تيگ اورغ لاکي

لفس تو، اکو يحیا نمفق سکارا لاکي، ملايکة دوق ملايغ
تیفگی اتس لاغیت، بلغه ۲ کوسنر خبر بايك حق کل تو،
انتوق نق بري تاهو کا مائنسی حق مان اد اتس بومي، حق

1

2

3

4

5

6

گنف ۲ نکري ، هق گنف ۲ فواق ، هق گنف ۲ بعسا فون .

7 ملائيكه تو دوق سرو کات : تاکوئله کا توهن ، فس فوجيله کا
ري ، کران هاري قيامة دكت ده ! سمبهله کا ري هق بري

جاري لاغيت دغون بومي ، لاوت دغون اير مات فون !

8 فس ملائيكه هق کدوا توروت ملائيكه هق دولو تو ، سرو کات :

هاله ده ، نکري بابيلون هق اورغ کات کواس بسر تو ، هاله ده !

ري بیاس فقسما بعسا ۳ لائين سموا ، بري مینوم اير جابیت ماسم

هق ري ، نق بري بعسا ۲ تو امبيق سکيان دالم چافوغ هق

ري بوات سعمور !

9 لفس تو ، ملائيكه هق کتيگ توروت بلاکع ملائيكه دوا هق

دولو تو ، فس ري سرو کات : اورغ هق سمبه کا بناتع اتوا

فاتوغ ري تو ، هق تيفيق راهي اتوا دکورا تاغن فون ،

اورغ تو تنتو نق کنا مرک تروق دتهن ، سروف ري کنا

فقسما مینوم ارق هق تاء چمفور اير لاكى ، دالم چاون هق

تهن بري . ري نق کنا سيقسا تروق ساخت ، دغون افي

سکالي دغون بليرغ بوسوق ، دافن ملائيكه ۲ هق سوچي دغون

انق کييس تو .

11 افي هق بري سيقسا ري تو ، توبیت اسف تاء برهنتي ۲ ،

سياغ مالم تاء فوتوس ، کف اورغ مان ۲ هق سمبه بناتع اتوا

فاتوغ ري فون ، فس کف اورغ مان ۲ هق اد تندانام بناتع تو .

12 سبب نيله اورغ ۲ هق جاري ميليق توهن ، کنا اود سمنفي سور ،

يائيت سموا هق طاعة کا حکوم ۲ توهن ، هق هاتي ري نيات

بولت کا عيسى :

13 لفس تو ، اکو يحيا دغر سوارا هق ماري دشري کات : توليسله

هق اکو نق رویت ري ! امبيق دماس لاني نايك کي ،

براونتوغله کا اورغ هق بوات کرج کاربي سمنفي کا ماتي !

روح توهن فون ستوجو جوگ کات : نق براونتوغ سوڠکوه !

ري نق هيلغ سوسه درفه کرج ري ، کران جاس نې کرج تو ،
نق توروت بلاکع ري !
اکو فون نمفق فول اون فوتیه ، فس دودوق اتس تو ، سکارا
مخلوق هق روف نې سروف ماءنسی . اتس کفلا اد مهکوت
هق بوات رغن مس ، فس هق ري دوق چکق دتاغن ، سارف
تاجم سبیله .

14

لفس تو ، ملائیکة سئوغ لاكی توبیت دالم تمفت بوات سمبه کا
تهن . نې سرو کا مخلوق هق دوق اتس اون سائني ، رغن
سوارا درس کات : فاکیله سارف مو ، کي چروت حاصلن ! سبب
فریاغ سمفی ده ، میسل سروف دنیا ماسق نق بولیه چروت !
فس مخلوق هق دوق اتس اون فون ، هایون سارف ، چروت

15

بری سوده دنیا هق ماسق سائني تو .

لفس تو ، اکو نمفق ملائیکة سئوغ لاكی توبیت دتمفت بوات
سمبه کا توهن دشک . ری فون چکق سارف تاجم جوک .

فس اد ملائیکة هق لائين فول ، هق دوق جاک افي ، توبیت
دمفت بوات قریان . ری مناوغ کا ملائیکة هق دوق فکع

سارف تاجم تو ، کات : فاکیله سارف مو ، رائیت بواه جابیت
دکبون جابیت اتس دنیا . کران بواه تو ماسق لبو ده !

ملائیکة فون هایون سارف نې ، رائیت بواه جابیت اتس
بومی ، لمیفر دالم تمفت فره . کالو بندیغ ، فره تو ، جاري
سرروف مرگ توهن .

تمفت فره تو لوار فد بندر ، فس هق توبیت دالم بواه جابیت
تو ، داره هق مخالیر درس ، سروف رغن ایر به ، فنجع تیگ
راتوس روا فولوه باتو ، دالم فول ، لبیه کورغ سدغا .

باب 15

لاکو هق نې موسو

1 فس اکو يحیا بولیه نمفق تندسا لاکی هق فلیق ، هق

(973) بري براں خيران ساغت. اد ملائیکة توجوہ اوغ حق دوق تانر بالا توجوہ فرکارا سا ۲ سئورغ. نيله بالا ۲ حق سود، کران دغن بالا ۲ نی، توهن بري پات کات، مرک نی سود ده. فس اکو تیفوق نمفوں لاءوت حق برسینز سروف کاج چمفور دغن افي. فس حق دوق بردیری دتفی لاءوت تو، اد سفواق اوغ حق منغ ده برلاون دغن بناٿئ، دغن فاتوغ، فس دغن نومبور نام نی تو. فوق تو فون دوق فکھ گمبوس ۲ حق توهن بري کا ری.

2 ی دوق پاپی لاڳو نبی موسى، حق جاري همب توهن تو. فس لاڳو تو ترماسوق فوجين کا انق کیبس گاتیق. نی بویی ایات نی:

اوہ توهن، ربی بیع مهاکواس!

بسر سوڠکو، ترخیران ساغت، کرج ۲ توهن نی.

اوہ توهن، راج اتس سموا بخسا!

جالن حق مو کرج فون، بتول بنر بلاک ده.

تننتو تاءار سیاف حق تاءاتاکوت کا توهن،

4 تاءار سیاف حق تاءسوغ فوجي کا نام توهن،

کران توهن ساچ حق سوچي، فس سموا بخسا ماءنسی

نق ماري سمبه کا توهن، کران فرکارا ۲ عادیل

حق توهن بوات، پات ده!

ملائیکة توجوہ اوغ باواً بالا حق سود

5 لفس تو اکو یحیا نمفوں تمفت بوات سمبه کا توهن دشگ، دوق تربوک: دالم تو اد خیمه حق بري تندا کات، توهن دوق اد دستیتو.

6 فس توجوہ اوغ ملائیکة حق تانر توجوہ فرکارا بالا تو، سا ۲ سئورغ توبیت دتمفت سمبه کا توهن ساً نی. فکاین ری بوات دغن

کائين فوتيه جلفق . دارا رى فون بوه تالي کنديت مس .
 ۷ فس اد سئورغ دالم منخلوق توهن امفت بعسا تو ، بري چاون
 مس سا ۲ سئورغ کا ملائيکه توجوه اورغ تو . چاون تو ايسي
 فنه دغن مرک توهن ، توهن حق دوق اد سعمور ۲ .
 تمنف بوات سمبه کا توهن تو ، اد فنه دغن اسف ، حق
 جاري تندا کمليان دغن کواس توهن ، فس تاءاد سئورغ هابوق
 بوليه ماسوق دالم تو ، ملينکن ملائيکه توجوه اورغ تو چوره
 دولو بري هابيس ، بالا توجوه فركارا تو .

چاون ۲ حق فنه دغن مرک توهن

باب 16

1 لفس فد تو ، اکو يحیا رغر سوارا درس حق توبیت
 دتمفت بوات سمبه کا توهن تو ، کات : کي چورهله اتس
 بومي ، ايسي مرک توهن حق اد دالم چاون توجوه بوتیر تو !
 2 ملائيکه حق مولا ۲ تو فون کي چوره اتس بومي ، بالا دالم
 چاون رى . فس اورغ حق اد تندا بناتغ ، فس حق بیاس
 سمبه ره کا فاتوغ بناتغ تو ، تيمبول بیسول ۲ ساکیت هابيس
 توبوه ، باءو بوسوق تاءليه اور .
 3 ملائيکه يغ کدوا فون کي چوره بالا دالم چاون رى ، کا دالم
 لاءوت . اير لاءوت فون جاري سروف داره حق اورغ ماتي .
 فس سموا منخلوق حق هيديوف دالم تو ، ممفوس هابيس .
 4 ملائيکه يغ کتيگ فول ، کي چوره بالا دالم چاون رى ، کا
 دالم سوغي ۲ ، فس کا دالم اير مات دمان ۲ فون . سموا اير
 تو جاري داره هابيس .

5 فس اکو يحیا رغر سوارا ملائيکه حق اد تغکوغ جواب جاک
 اير ، کات : اوہ يغ مهاسوچي ، حق اد زه دولو ، فس حق
 دوق اد لاني ، سموا حق مو جاته حکوم نې عاديل بلاک ره!
 کران رى حق بري تومفه داره اورغ ۲ حق جاري ميليق توهن

8

1

2

4

5

6

سکالي دغۇن نبىي ۲ دولو تو، لانىي دى سندىرىي توهن فقسما، سوروه ماڭن دارە. سوغ فاتوتلە حکومن توهن جاتوھ اتس دى ! ٧ فس اکو دغۇر سوارا سا لاڭىي، هق توبىت دەتمەفت بوات قىريان كا توهن، كات: اوھ ربىي، توهن يېھ مەهاكواس ! سغۇتىلە حکومن توهن بىنر فس عادىل جوگ !

لفس تو ملايىكە يېھ كامفت چورە بالا هق اد دالىم چاون دى ٨ كا اتس مەتهارىي، فس مەتهارىي فول بولىيە بري ھاغوس كولىيت ٩ ما ئىسى، سروف كا افي. كولىيت ما ئىسى سائنىي ھاغوس كران فانس ترىق تو، فس دى سومفە ماكىي كا نام توهن، هق ار كواس بىنر بري تورون بالا ۲ تو. تافى ما ئىسى تو تائسىر فالىع توبە درف دوساڭ دى، انتوق نق فوجى كا توهن كات بىر. ١٠ ملايىكە يېھ كليم فون چورە بالا دالىم چاون دى، كا اتس تحت بناتغ، بري سموا هق دوق باوه فرينتە بناتغ تو گلە دە . فس ما ئىسى كاچىت لىدە كران سېقسا دى.

دى فون سومفە ماكىي كا توهن دىشىگ، كران توهن بري دى ١١ ساكيت تروق ھابىس توبىوھ تو. تافى دى تائسىر فالىع توبە جوگ، درف دەق دى دوق بوات جاھت .

لفس تو، ملايىكە يېھ كام چورە بالا هق اد دالىم چاون دى ١٢ كا اتس سوغىي بىسر ھق نام فورت تو. سوغىي فون جارىي كرىغ، سەھىيەنگ فواق راج ھق دوق سبلە مەتهارىي نائىك بولىيە بىرجالان مارى كۆ سوغىي تو.

فس اکو نەفق بارغ ھق چىر، تىيگ ايكور، روف دى سروف كاتق. دى فون توبىت دالىم مولوت ماسىيغ ۲، دالىم مولوت ناڭ سئىكۈر، دالىم مولوت بناتغ تو سئىكۈر، فس دالىم مولوت نبىي فلسسو تو سئىكۈر . ١٣

سسۋەتگوھن، ھق سروف كاتق سائنىي تو، جايى شىطىلان ٢ ھق فندى بوات فركارا فلىق ۲ . دى فون توبىت كى فەشكىل

سموا راج دالم دنيا ماري برهيمفون انتوق نق فرغ، فد هاري
بسر حق توهن يغ مهاکواس تو.

15 بغرله حق اکو ربی دوق رویت نی! تکه اکو ماري نون، نق
چوري ماري دغۇن مەجھوت. فد فرياغ تو، براونتوغلە کا اورغ
حق دوق تا، جندرا، سيمفن نق بوبوه فكايىن دې سعمور. نې
تا، کنا توبىيت رومە دغۇن تلنچۇ بري مالو دافن اورغ رامى.

16 فس شىپطان ۲ سائنى، فرهيمفون راج ۲ دساتو تمفت. دغۇن
بېھاس عبراني، نام تمفت تو، هرمگىدون.

17 لفس تو فول، ملائىكە يغ كتجوچە چورە بالا حق اد دالم
چاون دې، داتس اودارا، فس بوبىي سوارا درس ماري دتحت
دالم تمفت بوات سمبە کا توهن، کات: سلسىي دە!

18 با کات بالس تو، نمفق كيلت فيات ۲ دغۇن كوروه يانە. بومى
فون برکوچق ترۇق، تا، بىاس جارى سروف نې، جق دماس
تهن بري جارى ماء نسى. بومى حق برکوچق سکالىي نې ترۇق
بنر. فس كوت حق اورغ فەڭىل كوت بسر تو، مەشكە جارى

19 تىگ بىكىان، فس كوت ۲ سموا نىڭى فون رونتوه بلاك. فد ماس
تو جوڭ، توهن ترايىت کاكوت بابيلون، حق اورغ فەڭىل
كوت بسر تو، فس دې تورون مرك دې اتس كوت تو، حق ترۇق
هابىس ۲ چىكىف. كالو بندىغۇ، سروف دې فقس اورغ فەڭىق

20 برى ماكن اير جابىت ماسم، هييڭى سەمىفي تا، ۱۶ ستىتىق
هابوق. سموا فولو فون را، يېب هابىس، كۈنۈغ ۲ فول رات بلاك.
21 هوجن باتو بسر تورون اتس لاغىت تىيمغا ماء نسى. هوجن
تو، سبوتىر ۲ بىرت امىت فولوھ لىيم كىلو، بري ماء نسى دوق

22 سومفە ماكى کا توهن دغۇن كران بالا ترۇق تو.

اورغ بىليق حق تىيمبۈل نام

باب 17

لفس تو سئورغ دالم فواق ملائىكە توجوچە اورغ حق باۋە

چاون تو، ماري کيچيق دغۇن اکو يحىا، كات: ماريلە! اکو نق تنجوق بري تاھو بالس مان نق كىا حکوم كوت بىسر هق دوق مرىپىتە دەتمەفت سوغىي باپق تو. تىنلىك كوت بىسر تو بولىيە بىندىغۇ سروف دغۇن اورغ بىلەق هق تىيمبۈل نام.

2 راج ۲ سەمۇوا اتس دنیا بىياس ماري سروف بىرزاڭ دغۇن ئى، فس ئى فول بري فنېغ تائے كاپىز ھولو ھىلىير، كا رعىت ۲ هق دوق دالىم سەمۇوا نىگى دنیا، دغۇن كىان دى بوات چافوغۇ دغۇن فواق تو.

3 روح توهن فون تورون كواش دى اتس اکو يحىا ئى، فس ملايىكە باۋاء اکو ئى كا فادغ فاسىير فول. دېق نون اکو نەمەق اورغ بىتىنا سئورغ دوق اتس بناڭىز مىرىه. بناڭىز تو اد نام ۲ سومەھ ماكى كا توهن، فنۇھ توبوھ دى. ئى اد كەلە توجوھ بوتىير، تىندوق سفولوھ فونتۇغ.

4 اورغ بىتىنا فول فاكىن ئى بىرۇ بوتىير ستر، مىرىھ توا كاتىق، دغۇن بوبوھ مکايىن مىس، ميات اينتن بلىغاڭ دغۇن ميات جلىم. ئى دوق فىڭىچىن چاون هق بوات دغۇن مىس. دالىم تو فنۇھ دغۇن بارغ هق چافوغۇ ھابىس ۲ چىم، جارىي حاصل هق دى بولىيە دالىم هق دى بوات چافوغۇ زنان تو.

5 تولىپس دداھىي دى اد ساتو نام هق معىنا ئى دوق سوسوف. نام تو، كوت بابىلۇن هق بىسر، ئى هق جارىي مىق سەمۇوا هق بوات چافوغۇ مان ۲، اتىوا فون بوات هق تائے سوغۇ فاتوت ماء نىسى بوات.

6 اکو يحىا فون نەمەق كات اورغ بىتىنا تو دوق مابوق، بوكى دغۇن ارق، تافى دغۇن ماڭىن دارە اورغ ۲ هق جانىي مىلىق توهن، سكالىي دغۇن سەمۇوا اورغ هق كىا بونوھ كىان دى فرجايى سبۈلتەتىي كا عىيسى. با نەمەق ئى، اکو براس تەرىھىران.

فس ملايكة تاث اکو کات : باهاف مو دوق ترحبiran گيتولالو؟
اکو نق بوگ بري مو ارتی معنا هق دوق سوسوف چارا حال
اورغ بتينا ، رغن بناتخ هق باوه بي ، هق کفلا توجوه بوتير
تندوق سفولوه فونتوع تو .

بناتخ هق مو دوق تيغوف تو ، دولو دي دوق اد ، تافي لاني
رق . تاء لام لاکي ، بي نق توبیت فول ، کو لوبغ لمبوغ هق
تااد فنت تو ، انتوق بري جاري بي سنديري فونه هابيس .
فس اد اورغ دالم دنيا ، هق نام بي تاء ماسوق دالم سورت
اورغ هق هيڊوف چارا بارو ، هق توليis ده بلوم فدرنيا اد
لاکي . اورغ ۲ بي نق براس حيران ساغت ، بيلا بي تيغوف
بناتخ هق دولو اد ، لاني رق ، فس کو رافن نق تيمبول فول .
فرکلارا ۲ بي ، مستحق چاري معنا بري بوليه ارتی . کفلا توجوه
بوتير ساء بي ، ياء يت بوکيت توجوه بوتير . داتس تو ، اورغ
بتينا دودوق .

فس بوليه بندیع جوگ کات ، کفلا توجوه بوتير تو ، سروف
راج توجوه اورغ . ليم دالم راج توجوه اورغ تو هافوس ده ،
سئورغ راج دوق مرينته لاني ، فس سئورغ لاکي تو ، تغه
دوق ننتي نق تيمبول . بيلا بي تيمبول ده ، بي نق مرينته
سبنتر ساج . فس بناتخ تو ، هق دولو دوق اد ، لاني رق ، دياله
نق تيمبول سمولا جاري راج يغ کلافن ، هق ماري سئورغ
دالم راج توجوه اورغ ساء بي ، فس سود سکالي بي نق جاري
فونه هابيس .

تندوق هق مو نمفق سفولوه فونتوع تو ، ياء يت سروف راج
سفولوه اورغ ، هق تاء سمفی فرياغ نق مرينته لاکي . تافي بي
نق بوليه کواس مرينته جاري راج سمنتارا ساج ، سکالي رغن
بناتخ تو .

سفولوه راج بي ، توجوان بي سروف . بي نق سره تندا راج

- ري دغۇن كواس رى كا بناتغۇ تو.
فواق تو نق فاكىت بىرلاون دغۇن انق كېيىس سكالىي دغۇن فواق
انق كېيىس ھق رى فيلىيە سوروھ توروت رى، ھق رى بولىيە
هارف. فس انق كېيىس نق منغۇ، كران دىالە رېي اتس سموا
ھق اد كواس، مەها راج اتس سموا راج .
- ملايىكە تو روپىت كا اکولاكىي كات: سوغى ۲ باپق ھق مو نمفق
تمفت دودوق اورۇغ بىلېق تو، يائىيت اورۇغ دالىم كىف ۲ نىڭى ،
كىف ۲ بىغسا، كىف ۲ فواق فون، ھق دوق باوه فرىيتنە رى بلاد.
تندوق سفولوھ فونتۇغ ھق مو نمفق، سكالىي دغۇن بناتغۇ تو فون
نق فاكىت بىنچىي كا اورۇغ بىلېق، ھېيغى سەمىفي رەمسى سموا ھق
مان رى اد، تىيىڭلەر دوق تىرلىجىغۇ دىسىتۇ. فواق تو نق
ماكن ايسىي رى، فس برى رى هنچور دغۇن افي.
كران توهن كىرق ھاتىي فواق تو دە، انتوق نق برى رى
بوات كەنەنلىق توهن سەندىرىي. ساپىت تو فواق تندوق فاكىت
ستوجۇ نق سەرە كواس رى مەرىيەتتە تو كا بناتغۇ، سەھىيەڭ
سلسىي ھابىيىس سموا ھق توهن روپىت دولۇ نق جارى.
اورۇغ بىتىنا ھق مو نمفق سائىنى تو، يائىيت سەرۇف كوت بىسر
ھق دوق مەرىيەتتە اتس سموا راج دالىم دنيا .

كوت بابيليون حالە دە

باب 18

- لەس فەد تو، اکو يەخىا فون نمفق ملايىكە سئۈرۈغ لاكى دوق
تۈرۈن مارى دىشىگ. رى اد كواس بىسر، فس كەملىيان رى برى
چەرە سرات دنيا .
- ري منا ئوغ كات: حالە دە! كوت بىسر ھق نام بابيليون تو،
حالە دە! لانى رى جارى تمفت مەغۇنچوغۇ ھەنتو شىيطان . اار
جوڭ بورۇغ ۲ ھق ناجىس، ماچم ۲ جىنىس، ھق اورۇغ تائے سىير
تىيىقوق، دوق دىبابيليون تو.

کران کوت تو بیاس فقسا بعسا ۲ لاين سموا ، بري مینوم ایر
 جابیت ماسم هق ری ، نق بري بعسا ۲ تو کا سکیان دالم
 چافوغ هق کوت تو بوات سعمور . راج ۲ سموا اتس دنيا ،
 بیاس ماري برزناه دفن کوت تو . فس اورغ منیاگ سرات دنيا
 فون جاري کاي دفن جوال بارغ کا کوت تو ، نق بري فواس
 نفسو ری ، هق دوق نق ۲ سعمور تو !

لفس تو ، اکو يحیا دغر سوارا سا لائی ، هق جاري میلیق کو !

هي ، توبیت ماریله سموا هق جاري میلیق کو !
 توبیت دردد کوت بابیلون تو ، جاغن ماسوق چمفور
 دفن دوسا ۲ ری ، جاغن مو دوق تغکوغ حکومن کوت تو !

کران دوسا ۲ ری برتمبوغ ۲ سمفی کا لاغیت ،
 فس توهن تاء لوف کجهاتن ری تو .

جادیله کا کوت تو ، سروف هق ری بري جاري دلو ،
 بالسن برت دوا کالی کندا کا ری فد هق ری بوات دلو .
 هق ری فقسا بري اورغ مینوم دلو ، لاني کنا بوه دالم
 چاون بري فنه ، فقسا ری مینوم فول ،
 هق بیغکیع دوا کالی کندا فد دلو !

هق ری بولیه ره انتوق دیری ، کاي برگدوغ دفن مليا
 تو ، لاني کا ایسی کا ری بري سام برت ، کسیقسائی
 دفن تاغیسن . کران ری دوق کیرا دالم هاتی کات :

اکو نی راج بتینا هق دوق اتس تحت ، بوکن اورغ بوجع .
 اکو تاء کا مغاروغ دالم کسوهاهن بیلا ۲ فون !

سابیت ری بسر کا دیری بالس تو ، دالم سهاری ری نق
 کا تیمفا دبالا ۲ بسر ، فپاکیت ، کسوهاهن ، لافر ،
 فس نق کا باکر دافي جوگ ، کران ربی ، توهن ،
 هق کرت سین اتس ری ، اد کواس سوگکوه !

فواق راج دنیا هق بوات برزناه دفن کوت بابیلون ، نکه ری

- لفس نفسو بوات چافوغ تو، يي نق ترياق منايس کا کوت،
بيلا تيعوق اسف ترياك هق توبيت تو.
- 10 يي نق دوق جاوه فد کوت، تاکوت سيقسا تو نق ماري کا ری
کاتيق. يي کات: تروق سوڠکوه! اوه تاکوت! کوت بسر هق
اد کواس نې، حکوم دتهون هابيس دالم سجم!
- 11 سموا اورغ منياڭ دالم دنيا فون ترياق، براس روسيع کا کوت
تو، کران تا، اد سئوغ هابوق، اورغ هق بوليه ماري بلي
بارغ فواق منياڭ سا، نې.
- 12 بارغ هق يي نق جوال تو، ياءيت مس، فيرق، يات ايتتن،
يات دليم، کائين هق بوت دغۇن بىنۇ موليق، کائين بېرۇ
بوتير ستر، کائين سوترا، دغۇن کائين مىرە توا، ماچم ۲
جىنىس کايىو هق با، و سدف، بارغ هق بوت دغۇن كارىغۇ، دغۇن
كايىو مھل، تمباك، بىسى، باتو ميرمر فون.
- 13 لفس اد جوگ کايىو مانىس، رمفه ۲، كەنپىن، مىپق واشي، سىتكىي
ايير بواه جابىت، مىپق مەندىغ، كەندۈم لايد دغۇن برس،
لمبۇ ۲ دغۇن بىرىيغ ۲، كورا ۲ دغۇن كريتا يى، اورغ سكالىي فون
اد جوگ، هق نق جوال جارى ھمب، سىروف جوال كەبىغ
لمبۇ.
- 14 لفس اد سوارا رویت کا کوت تو کات: بارغ ۲ موليق هق هاتى
مو دوق اىيغىن نق مستى كىدا اد تو، لانى را، يىب ده. سموا
هق مو جارى كاي، هق بري اورغ سرنق هاتى فون، ھيلۇ
هابيس، نق تمو تا، لىيە ده!
- 15 لفس فواق اورغ منياڭ هق جارى كاي دغۇن ماسوق جوال دالم
کوت تو دولو، يى نق دوق جاوه ۲ تائىسير كلىه كسىقسائىن
کوت تو، تاکوت جەشكىت کا رى کاتيق.
- 16 فواق تو نق ترياق، سايىغ کا کوت تو، کات: تروق سوڠکوه،
کوت بسر تو! يى بىباس فاكى کائين بىنۇ موليق، کائين بېرۇ

بوتير ستر ، اتوا کاءين ميره توا تو. مکاين مس فول اد ،
يات اينتن بلیاغ اتوا یات جليم فون. اوه سایغ سموا حق
فرهيمفون ده تو! هنچور هابيس دالم سجم ساج !
كتوا ۲ کفل منياگ ، کموني ۲ ، اوق ۲ سکالي دغن سموا حق بوليه
رزقي کوء لاءوت تو، دوق جاءوه ۲ جوگ .

ري ترياق تيغوق اسف ناءيك رکوت حق دوق ترياکر تو ،
کات: نق چاري دمان فول کوت حق اد نام سروف کوت نيء ؟
فس رې امبيق دبو بوبوه اتس ک فلا ، جاري تندا سایغ کا کوت
تو. فس رې ترياق دغن سديه هاتي کات: تروق سوڠگوه کوت
بسري تو! ساپيٽ رې کاي بدمعه تو. توان ۲ کفل منياگ کيت
سموا توروت کاي جوگ ، فس دالم سجم فون هنچور هابيس!
فس سوارا سا لاکي کات: هي شرگ ، فاکت سوگ هاتيله ، کران
کوت بسر تو فونه ده! فاکت سوگ هاتيله سموا مو حق جاري
ميلاق توهن ، سموا حق باوا تيته ربى ، سکالي دغن سموا
حق مېمفي فرمان توهن! کران توهن جاتوه حکوم ساله ده
اتس کوت تو ، دغن سبب حق رې بوات خيانة کا فواق مو!
لفس تو ، سئورغ ملايکه حق کواس رې بسر ، اغکيت باتو
ستوڠکول ، بسر سروف باتو کيسران ، فس رمبس دالم لاءوت ،
بلع ۲ کات: نق جاري بالس توله کا کوت بسر حق نام
بابيلون تو! رې نق کا تاهوق دغن رمبس ، سهیفگ رايب
سلام ۲! تاء يوپي ده ، سوارا حق ماري دالم کوت بابيلون تو ،
كمبوس ، سولیغ ، سرونی ، اتوا سوارا اورغ فون . فس توکع ۲
فون تاء اد سئورغ هابوق دالم کوت تو. فس تاء اد بويي
اف ۲ فون تندا کات اورغ اد .

چهيا فليتا تاء سوار توبیت ده دالم تو ، فس سوارا تمفت
منيکاح فون تاء يوپي ده جوگ. کران دالم کوت تو ، اورغ ۲ منياگ
دوق بسر کا ديري ، کات ، دیاله حق تيغکي سکالي دالم دنيا.

17

18

19

20

21

22

23

فس اورغ سموا بعسا فون کنا تيفو ده دسحير فواق دالم کوت تو.
کوت بابيلون نی کا تشكوغ جواب اتس داره حق ری بري
تومفه دنبي ۲ نفن اورغ حق جاري ميليق توهن ، سمنفي کا
سموا اورغ حق کنا بونوه اتس دنيا بيلا ۲ فون .

باب 19

فوجين کا توهن

لفس فد تو ، اکو يحيا رغر بوي سوارا سروف بريبو ۲
اورغ دشريگ ، دوق مپا پي کات :

فوجيله کا توهن ! هللويه ! جاري دياله حق بري سلامت .
كمليان نفن کواس سموا نی دوق دالم تاغن ری بلاک .
کران ری کرت سين هق بنر ، فس جاتوه حکوم نفن عاديل .
ری حکوم ساله ده اتس اورغ بيليق هق تيمبول نام تو ،
هق بري برجعكيت چافوغ نی ،
سمېيڭ سموا ماءنسىي توروت بوات چافوغ گاتيق .
توهن جاتوه حکوم اتس ری ، سبب دياله حق بونوه
اورغ ۲ هق کرج کا توهن !

فواق بريبو ۲ اورغ ساء نی فون مناء وغ سکالي لايکي ، کات :
فوجيله کا توهن ! کوت بسر هق دوق ترباکر تو ،
اسف ری ناء يك تاء فوتوس ۲

لفس تو ، دوا فولوه امفت اورغ کتوا ، سکالي نفن منخلوق توهن
امفت بعسا تو ، سجور سمبه کا توهن هق دوق اتس تحت .
فس فواق تو کات :
سلسيي بلاک ده ! فوجيله کا توهن !

جاموان منيکاح انق کييس

لفس توفول ، اد بوي سوارا ماري دتحت تو ، کات : سموا
حق کرج کا توهن ، نفن سموا ماءنسىي هق حرمة کا ری ،

کچیک بسر فون فاکت فوجیله کا توهن!

فس اکو دثر سروف سوارا بیریبو ۲ اورغ، حق بربویی سروف او مبق ۲ دوق یدل فنتی، اتوا سروف کوروہ مانه بیسیئع فاکت جواب کات:

فوجیله کا توهن، کران ربی، توهن بیغ مها کواس

اتس کیت، بري پات کات دیاله راج!

ماریله کیت فاکت سوک هاتی دغن کمبیرا، فوجیله کا بی، کران بی مليا تو! سبب رویت دغن عباره، فریاغ منیکاح انق کیسس سمفی ده. فس انق دارا فون سیمفن مایکی سیف ده، انتوق نق منیکاح تو.

توهن بنر بري کا انق دارا تو بولیه فاکی چود مناکاح بوات دغن بیغ مولیق هق چوچی چھبیا برسینرا!

فکاین حق بیغ مولیق تو، یائیت کرج ۲ مولیق هق توهن برکنن هق فواق جاري میلیق بی بیاس بوات.

فس ملائیکہ هق اد کواس بسر سائني تو، فسن کا اکو یحیا نی کات: تولیسله بالس نی: براونتوغلہ اورغ ۲ هق کا فارہ کی کا تمفت منیکاح انق کیسس تو! فس بی کات لایکی کا اکو: سموا هق مو تولیس ده، فرکتاں بنر هق توهن سندیری سبوت. با رغر تو، اکو یحیا سجود نق سمیہ کا ملائیکہ تو. تافی بی لارغ اکو کات: جاغنلہ! اکو فون کرج کا توهن جوگ سروف مو دغن ادیق برادیق مو، یائیت سموا هق دوق فکٹ کا هق بنر، هق عیسیٰ بري پات. سمبھلہ کا توهن! کران هق عیسیٰ بري پات تو ستوجو دغن فرمان توهن، هق بی تورون کا اورغ بري بولیه پرمفی!

بی هق نائیک کورا فوتیه

لفس فد توفول، اکو یحیا نمفق فینتو شرگ دوق تربوک،

6

7

8

9

10

11

کورا فوتیه فون دوق اد دسیتو. فس اد اورغ اتسن تو، نام
بی اورغ فشکیل : بی هق بولیه هارف، اتوا فون بی هق بنز.
اف ۲ هق بی بوات، عادیل، کرت سین اتوا فراغ فون.
مات بی پرکیلت سروف افی، فس اتس کفلا بی اد مهکوت،
باپق بوتیر، نام هق تولیس دری تاء اد سئورغ هابوق هق
تاھو ملینکن بی سئورغ.

12 باجو جوبه هق بی دوق فاکی کنا داره هابیس، فس نام بی
سا لاکی، فشکیل : فرکتائن توهن.

13 انق ۲ تاغن قوم شرگ فون ناءیک کورا ۲ فوتیه جوگ توروت
بلکع بی نق کی فراغ. فکاین فواق تو بوات رعن بنغ مولیق،
فوتیه جلدق.

14 فدغ هق تاجم سبیله توبیت کوء مولوت اورغ هق کی دولوتو،
فس رعن فدغ نیله بی بولیه منغ، برلاون دفن بخشان دنیا.
بی نق مرینته بخشان تو، کرس ستارا توغکت بسی باج. بی
نق بري پات مرک توهن بیغ مها کواس تو، رعن ایریق فواق
بخشان تو، سروف ایریق بواه جابیت بري توبیت ایر.

15 اد تولیس دوا تمفت، دباجو جوبه رعن فها بی.. فس نام
هق تولیس تو: مها راج اتس سموا راج، ریی اتس سموا کواس.
فس اکو یحیا نمفق ملائیکة سئورغ دوق بربری دالم متھاری.

16 بی دوق مناءوغ رعن سوارا درس کا بوروغ ۲ هق دوق تریغ
کی ماری دالم اودارا. بی کات: ماریله بوروغ ۲، ماکن جاموان
بسر هق توهن چارغ ده! ماکنله داکیغ راج ۲، داکیغ کفلا
عسکر رعن انق ۲ تاغن بی. ماکنله داکیغ کورا ۲ رعن داکیغ
اورغ ۲ هق ناءیک کورا تو. فس ماکنله داکیغ سموا ما نسی،
هق جاري همب اورغ اتوا هق تاء بیاس جاري همب اورغ،
کچیک بسر فون!

17 لفس تو، اکو نمفق فول سئیکور بنانغ هق لوک سوغ کا

ممفوس دولو تو، دوق سکالی رغن راج ۲ دزنیا رغن انق ۲ تاغن ری. سموا نی ماری برهیموفون جاري سفواق، نق برلاون رغن ری هق ناءیک اتس کودا فوتیه کی دولو تو، سکالی رغن فواق هق توروت بلاکن ری.

بناتھ هق کنا لوک تو فون کا ایکت، سکالی رغن نبی فلسو تو، هق بیاس بوات فرکارا ۲ فلیق رافن بناتھ تو. جاري، رغن فرکارا فلیق ۲ تو، هق ری بیاس تیفو منیفو فواق اورغ ۲ هق تریما ده تندا بناتھ، هق سمبہ ده کا فاتوغ بناتھ تو دولو. فس بناتھ تو رغن نبی فلسو سائني، کا تاهوق هیدوف ۲ دالم لاءوت افي هق چمفور رغن بلیرغ بوسوق دوق مپالا سعمور.

فس سموا هق اد لاکی بالیق ری تو، کا بونوہ رغن فدغ هق توبیت کوء مولوت ری هق ناءیک اتس کودا فوتیه. سموا بوروغ ۲ سائني فون، کیچ چریت بلاک ده، ماکن راکیئن ری تو.

چارا حال ماس سریبو تاهون تو

باب 20

- 1 لفس تو، اکو یحیا نمفق ملائیکة تغه دوق تورون ماری دشگ. دتاغن ری دوق فکع انق کونچی فینتو لویغ لمبوع هق تاءاد فنتت تو، سکالی رغن رنتی بسر هق برت.
- 2 فس ملائیکة تو ترکم ناگ، یاءیت اولر هق لام سوک منیفو تو، هق گلران ری فشکیل هیبلیس، اتوا کفلان شیطان ۲. سوده ترکم، ملائیکة ایکت ری رغن رنتی سلام سریبو تاهون.
- 3 ملائیکة تو لیمفر ناگ تو ماسوق دالم لویغ لمبوع هق تاءاد فنتت سائني. ری فون کونچی تری، بالیق اتس لویغ تو، تاءسییر بی ناگ بولیه تیفو بعسا ۲ دزنیا، سہیغ ہابیس ماس سریبو تاهون تو، بارو بولیه لفس سبنتر.
- 4 فس تو، اکو یحیا نمفق تحت باپق بوتیر دشگ تو. اورغ ۲

فون روق اد اتس تحت تو. ری اد کواس نق کرت سین .
 فس اکو نمفق جوگ ، روح اورغ ۲ حق کنا بونوه ده ، کران ری
 نائیک سقسي حال عيسى ، فس کران ری بیاس رویت خبر باءیک
 حق توهن . فوق تو تاء بیاس سمبه کا بناتع تو ، اتوا فون
 کا فاتوغ ری . فس ری تاء راجین اد تندا بناتع تو دراهي ،
 اتوا فون اتس کورا تاغن ری . ری روق هیدوف سمول ، فس ،
 ری روق مرینته سروف راج ، سکالي رعن المسيح ، سلام
 سریبو تاهون .

اورغ ۲ لاءین حق ماتي ده ، حق تاء ماسوق دالم فوق تو ،
 تاءلیه هیدوف کالو تاء چوکوف سریبو تاهون تو دلو . اورغ
 حق بولیه هیدوف سمول ساءني تو ، کیت بولیه فشكیل ،
 هیدوف کلیق کالی بیغ فرتام .

سوک هاتیله ، براونتoug کا اورغ ۲ حق اد سکیان دالم هیدوف
 کلیق کالی بیغ فرتام تو . ری روق نق کرج کا توهن فس کرج
 کا المسيح جوگ ، جاري توء امام ۰۲ فس ری نق مرینته
 سکالي رعن المسيح سلام سریبو تاهون تو . بیلا سمفی هق
 کیت بولیه فشكیل ماس ماتي بیغ کدوا تو ، فوق تو تاء کا
 ماتي ده .

هیبلیس نق هاله ده

با چوکوف ده سریبو تاهون تو ، هیبلیس فون نق کنا
 لفس درد کوروغن ری . فس ری نق توبیت کی تیقو بشما
 سموا هق مان اد امفت تافن دالم دنیا نی . بشما ۲ تو ،
 بولیه گلر یاجوج و ماجوج . هیبلیس نق فرهیم فون سموا تو ،
 سیف نق بوات فرغ . بیلا غن ری باپق سروف فاسیر دفتی .
 ری توبیت کی رات ۲ ، فس لیغکوئ خیمه اورغ ۲ حق جاري
 میلیق توهن ، سکالي رعن کوت هق توهن کاسیه تو . تافي

5

6

7

8

9

افي هق تورون دلاغيت بري فواق هيبليس تو هنچور هابيس.
فس هيبليس هق تيفو فواق ساءني تو، ري سنديري کا تاهوق
رالم لاوت افي هق چمفور رغن بليرغ بوسوق، يائيت تمفت
بنانغ رغن نبي فلسو تو کا تاهوق رولو. تيگ تو فون نق
کا سيقسا رسيلتو، سياع مالم بوات سلام ۲.

10

حڪوم ڦد هاري اخيرة

لفس تو، اکو يحيا نمفق تحت هق بسر چهيا فوتيه.
فس اکو نمفق ري هق روق اد اتس تو. لاغيت رغن بومي
تاءبراني نق مفهارف ري، کا لاري رايب هابيس.

11

فس اکو نمفق اورغ ۲ هق ماتي ده، کچيك بسر، روق برديري
رافن تحت تو. فس سورت هق ماسوق نام اورغ هق هيڊوف
چارا بارو، کا بوک رافن تو. فس اد سورت ۲ لائين فول، هق
تولييس فريواتن ماءنسى تکه روق هيڊوف لاکي. سورت ۲ نبي
فون کا بوک جوگ، فس توهن کرت سين اتس اورغ ماتي
سائني، ايکوت هق مان تولييس ده رالم تو.

12

ڦد ماس تو، لاوت کا سره اورغ هق ماتي رالم ی. موت
رغن هاديس، تمفت اورغ ماتي روق نشي تو فون، کا سره
جوگ اورغ ۲ ري کا توهن، بري توهن کرت سين اتس سموا تو،
ايکوت فريواتن ري ماسڀڻ.

13

لفس تو، موت رغن هاديس سائني، کا تاهوق رالم لاوت
افي. فس کا تاهوق بالس تو، هق فعشکيل ماتي کالي یغ کدوا.
کالو سياف ۲ نام ري تاءاد رالم سورت اورغ هيڊوف چارا بارو
تو، ري فون کا تاهوق رالم لاوت افي جوگ.

14

لاغيت رغن بومي هق بارو

لفس تو، اکو يحيا نمفق ده لاغيت رغن بومي هق بارو.

15

باب 21

1

کران لاغیت دغۇن بومى ھق سدیا تو، رائیب ده دولو. لاءِ و
فون تاءِ اد جوڭ.

2 فس اکو نىمۇق كوت ھق سوچى تو، عبارە كوت جروسلیم ھق
بارو، تورون مارى دالىم شرگى دتوھن. رى سیف سروف انق
دارا ھق دوق جاغۇچ نق تىمو دغۇن انق تروننا.

3 فس اکو دغۇر سوارا درس ھق مارى دتھت تو، كات:

لاني تەفت توهن، دودوق دغۇن ماءِ نسى. رى نق دوق
سکالىي دغۇن ماءِ نسى. ماءِ نسى فون نق جانى مىليق يى.
توھن سىندىريلە نق دوق اد سکالىي دغۇن مىليق رى تو،
نق جانى توهن ھق رى سمبە.

4 توهن نق سافوس برى كېيىغ ايرمات مىليق رى تو،
برى تاءِ كىما ماتى ده. فس جق دماس تو، تاءِ اد سبب
ھق برى سايىو هاتى، نق ترباق اتوا نق ساکىت فون،
کران فرکارا ۲ نى ھق تەنئۇ دغۇن ماس دولو،
لىسوس بلاد ده!

5 رى ھق دوق اتس تەت تو فون كات: جق دماس لاني، اکو نق
اوېھ برى جانى بارو سموا فرکارا! فس رى كات لاكى كا اکو:
تولىيسىلە! کران فرکتائەن ھق اکو دوق رویت نى، ھق بىر، ھق
بۈلەھ فرچايى سوغۇڭوھ! رى تەمبە كات لاكى كا اکو:
سلسىي بلاد ده! اکولە ھق اوال فس ھق اخىر،
اکولە ھق مولاي ۲ فس ھق سود جوڭ.

6 اورۇغان ھق بىراس رهاڭ، اکو نق برى ماكن اير
درەد مات اير ھق برى ھيدوف چارا بارو،
دغۇن تاءِ كا باير اف ۲.

7 سىياف ھق منۇ دە، اکو نق برى فرکارا تو جانى مىليق يى.
اکو نق جانى توهن يى، فس رى فول نق جانى انق كو.
تاۋىي اورۇغ ۲ ھق فناكوت، اورۇغ ۲ ھق تاءِ لكت جنجى،

2

3

4

5

6

7

8

حق بوات هودوه، حق بونوه اورغ، حق بوات زنا،
 اورغ ۲ حق کرج سحیر، حق سمبه برها لا، اتوا
 حق بوهوج فون، میلیق اورغ ۲ تو، کا دوق دالم
 لاءوت افی حق چمفور دغن بلیغ بوسوق
 حق دوق مپالا، حق بولیه فشکیل کماتین بیغ کدوا تو!

کوت جروسليم حق بارو

9 فس ملائیکة توجوه اورغ باواه توجوه فرکارا بالا حق
 سود، دالم چاون توجوه بوتیر دولو تو، سئورغ دالم فواق
 تو ماري کا تمفت اکو، فس ری کات: ماریله، اکو نق تنحوق
 بري مو نمفق انق دارا، ری حق جاني بيبي انق کیبس تو!
 فس روح توهن تورون کواس ری اتس اکو يحيا، بري جاني
 سروف ملائیکة باواه اکو نایك اتس فونچق بوکیت حق
 تیغکی سکالي. ری تنحوق کا اکو سروف کات کوت جروسليم
 حق سوچي تو، حق تغه دوق تورون دالم شرگ دتوهن.
 10 کوت تو بولیه ده ک مليان توهن، حق چهبيا ری دوق یا چر
 نایك دری، دوق برکلیف ۲ سروف میات اینتن حق هرگ
 مهل، جرنیه سروف کاچ.

11 کوت تو اد فاکر تیغکی، دغن فینتو گریغ دوا بلس بوتیر
 فینتو. بالیق متھاري نایك اد تیگ بوتیر، بالیق چاتوه تیگ
 بوتیر، بالیق هولو تیگ بوتیر، بالیق هیلیبر تیگ بوتیر.
 حق دوق جاگ فینتو ۲ تو، اد ملائیکة دوا بلس اورغ. فس
 داتس فینتو دوا بلس بوتیر تو، اد تولیس نام دوا بلس فواق
 دالم بعسا اسرائیل تو، کنف ۲ بوتیر فینتو اد ساتو نام.
 12 فاکر کوت سائني تو، اد فلافيق حق بوات دغن باتو دوا
 بلس بوتیر، فس دباتو تو اد تولیس نام فواق صحابة حق
 انق کیبس دوا بلس اورغ تو، سبوتیر اد ساتو نام.

- 15 ملائيڪه هق دوق ڪيچيق ڪا اکو سائني، دوق فڪڻ مغۇكور هق
بوات دغن مس، نق بوات اوکور کوت، فاڪر، سڪالي رغن
فيينتو گريغ تو.
- 16 کوت تو، روڻ دي امفت سكى، تاء لبيه تاء کورغ. ملائيڪه
دوق اوکور کوت دغن مغۇكور سائني، فنجع دوا ريبو امفت
راتوس باتو. فس بوگ، تيغىكى، سروف سموا دغن هق فنجع
سائني. فاڪر فون، ملائيڪه اوکور جوگ، تيغىكى تىگ فولوه
انم دفا. اوکوران تو دي فاكى دفا ماٽنسىي تمادر.
- 17 فاڪر تو بوات دغن اينتن بلياغ. کوت فون بوات دغن مس
هق سجاتى، دي گاسور هيٺگ سمفىي برگيلت سروف چرمىن.
فلافق فاڪر کوت تو، دي هياس دغن مات ۲ باپق بفسا هق
مهيل. اد دوا بلس فركارا مات چهريا لاءين ۲
- 18 فس دوا بلس بوتير فيينتو گريغ تو بوات دغن متىارا، سبوتير
فيينتو اد سبوتير متىارا. باتس ماسوق کوت تو بوات دغن مس
سجاتى، هق گاسور سهيهٺگ برگيلت سروف چرمىن.
- 19 20 دالم کوت تو، اکو يحيا تاء نمفق تمفت بوات سمبه کا توهن،
سبب تمفت تو يائيت توهن سندىري ده، دي هق يغ مهاكاوس،
سڪالي دغن انق كييس.
- 21 22 کوت تو تاء ۱۳ کهندق نق کا چهريا متھاري اتوا بولن فون،
كران ڪمليان توهن دوق چره ده، فس انق كييس سندىري
جاري ايبيو چهريا دي.
- 23 24 بفسا ۲ دنيا نق برجالن گي ماري دالم چهريا دي تو. فس راج ۲
فون نق باوا هرت دي ماسوق دالم کوت تو جوگ.
- 25 26 فيينتو گريغ کوت تو دوق تريوگ سھاري تونتوت، تاء راجين
ڪاٿوف، سبب فرياغ گلف تاء اد دسيتو.
بغسا ۲ دالم دنيا نق باوا هرت دي سموا هق بري دي بوليه
حرمه، نق سره کا توهن دالم کوت تو.

تا في بارغ حق ناجيس ، تاءَاد سكارا هابوق بوليه ماسوق کا
رالم تو . فس اورغ حق توروت جالن چافوغ اتوا توروت حق
بوهوج فون ، تاءَليه ماسوق جوگ . حق بوليه ماسوق ، اورغ
حق نام دي توليسيں ده رالم سورت اورغ هيڊوف چارا بارو ،
حق دوق دتاغن انق کيس .

باب 22

- 1 لفس تو ، ملائیکہ تنحوق کا اکو يحيا لاکی ، بري اکو نمفق اير
سوغی حق بري هيڊوف ، دوق جرنیه برکیف ۲ سروف کاچ .
- 2 سوغی تو مغالیر توبیت ماري دتحت توهن ، حق جاري تحت
انق کيس جوگ ، مغالیر کو تشه باتس حق ماري رکوت
تو . دتفی تبیغ سوغی ، بالیق تو ، بالیق نی ، اد فوهون
حق بري هيڊوف . فوهون تو بربواه دوا بلس کالي ستا ھون
یائیت سبولن سکالی . فس راءُون ۲ دی تو بوات جاري اوست ،
بری هیلیغ فپاکیت بغضاً دنیا .
- 3 رالم کوت تو ، تاءَليه تیمو رعن اف سکارا حق دوق باوه مرک
توهن . تحت توهن حق جاري تحت انق کيس جوگ ، نق اد
رالم کوت تو ، فس اورغ ۲ حق کج کا توهن نق دوق سمبہ
کا دی رسیتو .
- 4 فوق تو نق بولیه مفهارف موک سام موک رعن توهن .
درادي ۲ دی اد توليسيں نام توهن .
- 5 تکه تو تاءَاد فریاغ گلف . فلیتا رعن چھیا متھاری فون تاءَاد
کھندق نق . سبب ربیّی ، توهن سندیری ، نق جاري ایبو
چھیا انتوق کوت تو . فس فوق حق دوق رالم کوت تو نق
بولیه مرینته بوات سلام ۰

تاءَلام ربی عیسیٰ نق ماري ده

لفس تو ، ملائیکہ کات کا اکو : سموا حق اکو دوق رویت

ني بنر، هق بوليه هارف سوڠگوه. فس ربّي، توهن هق تورون روح دي اتس فواق نبي ۲ دلو، لاني دي هنتر ملائيڪه نبي، نق تنجوق بري همب ۲ دي بوليه نمفق، هق مان تاء لام نق جاري.

7 فس عيسى کات: دغله! تاء لام اکو نق ماري ده. براونتولله کا اورغ هق بوات توروت ايکوت هق مان اد دالم فرمان توهن هق دي تورون سوروه تولييس دالم سورت نبي!

8 جاري، اکو يحیا نيله هق بوليه دغه، بوليه نمفق، فركارا ۲ هق ملائيڪه تنجوق تو. سوده اکو دغه، نمفق بلاک ده، اکو فون سجود حرمة کا ملائيڪه تو، نق سمبه کا نبي.

9 تافي دي لارغ اکو کات: جاغنه! اکو فون کرج کا توهن جوگ سروف مو، دغن فواق اديق براديق مو، هق مپمي فرمان توهن، فس دغن سموا هق بوات توروت هق مان اد تولييس ده دالم سورت نبي. توهن ساج له هق کنا سمبه!

10 فس دي تمه کات لاکي: جاغنه مو کاتوف تاء بري تاهو فرمان توهن هق دي تورون، سوروه تولييس دالم سورت نبي، کران ماس هق سموا نبي نق جاري، دكت نق سمفي ده.

11 اورغ هق بياس بوات جاھت، بلرله دي توروت لاکي کجهاتن دي. دي هق بياس بوات چافوغ، بلرله دي توروت لاکي چافوغ تو. اورغ هق بوات بايک، توروتله جالن هق دي تغه دوق بوات تو. فس اورغ هق بوات سوچي فول، توروتله لاکي!

12 کران عيسى دوق کات: دغله! اکو نبي تاء لام نق ماري دغن مفجوت، فس اکو نق باوا، ماري هق نق بوات بالس کا اورغ، ايکوت هق مان دي بياس بوات، بايک اتوا جاھت فون! اکوله هق اوال فس هق اخیر، اکوله هق مولا ۲ فس هق سود جوگ!

- برونتوغله کا اورغ حق میسل کات باسوه فکاین نی بري چوچي. 14
 حق ری باسوه ده تو، نق بنر بري نی بولیه ماسوق دکت فوهون کایو حق بري هیدوف تو، فس بري بولیه ماسوق جوگ دالم کوت، کوء جالن فینتو ری تو.
- تافي حق دوق لوار کوت، یاءیت اورغ ۲ حق درهاک کا توهن، 15
 اورغ ۲ حق کرج سحیر، حق بوات چافوغ، حق سوک بونوہ اورغ، اورغ ۲ حق سمبہ کا برھالا، حق سوک بوهوج، اتوا حق بوات تیفو فون .
- فس عیسی کات فول: جاری اکو عیسی نیلہ حق هنتر ده ملاعیکہ کو کا فواق مو، سوروہ نی رویت کا فواق المسبیح چارا حال اکو. اکولہ حق بسر دالم کتورونن راج راود فس اکو نی جانی بینٹھ حق سولوہ چھیا تندا نق چره . 16
 روح توهن دغن انق دارا تو فاکت کات: ماریلہ !
 فس کنڈ ۲ اورغ حق نفر فون کتا فاکت جوگ کات: ماریلہ !
 ماریلہ اورغ مان حق براں دھاگ، امبیق ایر حق بري هیدوف ! سیاف ۲ نق فون، بولیه، تاء کما بایر اف ۲ ! 17

امران حق سود

- اکو یحیا نی نق فرایخت بري امران دغن کرس، کا اورغ 18
 مان حق نفر فرمان توهن حق اد تولیس ده دالم سورت نی.
 کالو سیاف ۲ تمبه لبیه فد حق نی، توهن فون نق حکوم
 نی دغن تمبه بالا ۲ سروف حق اد تولیس ده دالم سورت
 نی .

- فس کالو سیاف ۲ بري کورغ فد حق نی، توهن نق امبیق 19
 کلیق درف درف اورغ تو، بگیان نی دالم فوهون کایو حق بري هیدوف، دغن بگیان نی بولیه ماسوق دالم کوت حق سوچی

تو ، هق دوق توليس ده دالم سورت ني .
عيسي له هق جامين کات سوغکوه ، سموا فرکارا هق توليس
ده دالم سورت ني ، کات :

تندتوله تا لام اکو نق ماري کا تمفت مو !
فس کيت جواب کات : ماريله ربی عيسى ، بري سلسى !
مينتا ربی عيسى تورون رحمة لي دوق اتس فوق مو سموا .
امين .

**พินพท์ หจก. วิคตอรี่การพิมพ์ 440/17-19 ซอยชัยสมรภูมิ ถนนราชวิถี กรุงเทพฯ
โทร. 245-4427, 2452076, 2453777, 2453883
นายพิมูลย์ กุลมานา ผู้พิมพ์ไทยณา พ.ศ. 2524**